

sc. 15. Pl. 6.



ARA 235



ARA 235





Ant. Guardi del :

Giuseppe Rossi Sc.

BIBLIA SACRA VULGATAE EDITIONIS SIXTI V. PONTIFICIS MAXIMI

iussu recognita,
& CLEMENTIS VIII,
auctoritate edita

cum selectissimis Litteralibus Commentariis

IOANNIS GAGNABII,
IOANNIS MALDONATI,
EMMANUELIS SA,
GUILIELMI ESTII,
IOANNIS MARIANAЕ,
PETRI LANSSELI,

THOMAE MALVENDAE,
IO. STEPHANI MENOCHII,
IACOBI TIRINI,
IACOBI GORDONI,
& IACOBI BENIGNE BOSSUET.

A C C E D U N T

Romanae Correctiones, ac Lectionum Varietates a FRANCISCO LUCA BRUGENSI
observatae, & Notationes in loca variantia ab eodem concinnatae, in sua singulae ca-
pita tributae: nec non selecta variorum Prolegomena, nunc primum in unum collecta:
indices denique plures accuratissimi.

TOMUS PRIMUS
complectens GENESIM.



VENETIIS
MDCCXLVII.

Excuderunt { MODESTUS FENTIUS, &
IOANNES TYBERNINUS sub signo Providentiae:
SUPERIORUM PERMISSU AC PRIVILEGIO.

THE UNIVERSITY OF CHICAGO
LIBRARY

P R A E F A T I O.



Licet ambigendum diu non fuerit quo Opérum genere porissimum in eruditorum utilitatem prelum exercere expediret, cum sacrae Litterae praesto essent, diu tamen mente versavimus quo ornatu iis non indigno, simulque Studiorum rationi accommodato, in publicam lucem prodirent. Ea namque cum sit divini eloquii excellentia ut sententiarum numerum verborum quam longissime excedant, nullum reperiri posse Expositorem arbitramur qui ita solus omnes partes adimpleat, ut longe plura quam fuerint praestita non supersint desideranda. Non praeterit quidem nec numero quantumvis multiplicato, propter imbecillitatem humani ingenii, perfectum quid suisque omnibus numeris absolutum hoc praesertim in genere haberi posse; verum sicut unicuique propria Deus tribuit charismata, sic facilius credimus plures, quam unum tantum, vel pauciores, ad perfectionem accedere. Plures itaque eosque selectos Explanatores colligere animum subiit, ut praestantium ingeniorum viribus collatis propius communium votorum metam liceret attingere, quod in eorum altero deest altero ministrante.

Bibliorum editiones huiusmodi non semel antehac curarunt viri eruditi: primaque omnium occurrunt Biblia Sacra cum Glossa ordinaria a Strabo Fuldenſi Monacho Benedictino collecta, variisque postea Patrum tum Graecorum tum Latinorum explicationibus locupletata cum Annotationibus Nicolai de Lira Franciscani, nec non Additionibus Pauli Burgenſis Episcopi, & Mathiae Thoringi Replicis, opera & studio Theologorum Duacensium. Iteratis typis cūsum est opus istud: duas vidimus Venetas editiones, alteram anni 1588. alteram vero anni 1603. quae Glossam quoque interlinea-

nea-

nealem habent : P. Bernardus Lamy in Biblico Apparatu Antverpianam anni 1634. commendat.

Balthasar etiam Moretus, duobus sibi iunctis fociis, Vidua nempe Ioannis Moreti, & Ioanne Meursio, anno 1624. Antverpiæ ex Officina Plantiniana edidit *Biblia Sacra vulgata editionis ... cum Scholiis plurimum auctis, & emendatis Ioannis Mariana, & Notationibus Emmanuelis Sa Societatis Iesu Sacerdotum ... addito Petri Lanßelii eiusdem Societatis supplemento*: duobus in fol. Tomis comprehensa. Huius Typographi summa diligentia merito a Francisco Luca Brugensi laudatur in Præfatione ad Loca insigniora Romanæ Correptionis a se collecta, quæ una cum altero Libello Lectionum variantium ad huius editionis calcem reperiuntur.

Iisdem quibus nos permotus momentis Ioannes de la Haye Parisiensis, & in Gallia Minorum Procurator Generalis dedit Parisiis anno 1643. ex typis Michaelis Soly, Matthæi Guillemot, Dionysii Bechet, & Antonii Bertier, *Biblia Magna Commentariorum litteralium Ioannis Gagnai, Guilielmi Estii, Emmanuelis Sa, Ioannis Menochii, & Iacobi Tirini... additis Prolegomenis &c.* in quinque Tomos in fol. tributa.

Rursus anno 1660. curis eiusdem Ioannis de la Haye prodire *Biblia Maxima Versionum ex linguis orientalibus, pluribus scilicet mss. codicibus, innumeris fere sanctis, & veteribus Patribus, & Interpretibus orthodoxis collectarum, earumque concordantia cum vulgata, & eius expositione litterali, cum Annotationibus Nicolai de Lira, Ioannis Gagnai, Guilielmi Estii, Ioannis Menochii, & Iacobi Tirini*: additis amplissimis Prolegomenis, inque novemdecim Tomos distincta: Lutetiæ Parisiorum sumptibus D. Bechet, & L. Billaine Sociorum, Antonii Bertier, & Simeonis Piget.

Mittimus Criticos sacros, seu doctissimorum virorum Annotata in utrumque Testamentum, collecta a Ioanne & Richardo Pearsoniis, Antonio Scattergood, & Francisco Gouldman, unaque cum variis theologo-philologicis tractatibus edita Londini primum anno 1660. inque novem Tomos in fol. partita, tum anno 1698. novem item Tomis recusa Amstelodami, & plurimum aucta: non enim mens est quidquam heterodoxorum in nostram collectionem recipere, quibus magna ex parte constat Opus prædictum.

Quid in unaquaque ex his editionibus deficit, quid item in aliqua redundet, penes alios esto iudicium. Nobis unum illud sufficere

cere interim arbitramur, ex his omnibus quæ meliora visa sunt delibasse, recollegisse dispersa, omissa aliunde accersisse, ceterisque incommodis quibus eruditorum sententia obnoxia videbantur, quantum potuimus remedium attulisse, ut cuique periculum facere volenti perspicuum erit. Liceat hic breviter totam Operis suscepti rationem ob oculos ponere.

Textum Sacrorum Bibliorum iuxta vulgatam probatamque editionem exhibere in animo est cum brevibus ad litteram Commentariis undecim præstantissimorum Interpretum, quorum nomina; ordine temporis quo florere servato, infra recensenda, ex quibus alii omnes, quosdam tantum alii S. Scripturæ libros explicarunt; accersitis etiam Romanis Correctionibus, Lectionum Varietatibus, & in loca variantia Notationibus; selecto demum adiuncto Apparatu ex variis Auctoribus ad pleniorē, facilioremque S. Scripturæ intelligentiam, non omisis indicibus necessariis.

Omniū tamen quibus in hoc Opere contexendo usi sumus, primus extra ordinem occurrit FRANCISCUS LUCAS Flander natione, patria Brugensis, & Ecclesiæ Audomaropolitanæ Decanus; utpote auctor Collectionis *Correctionum Romanarum, & variantium Lectionum*, nec non in variantia loca *Notationum*, quæ omnia ceteris præposuimus. Fuit hic unus ex præpositis Regionum Bibliorum editioni; quem virum Græce, Hebraice, Syriace, ac Chaldaice in primis peritum, inque theologicis scientiis eximium, variisque ad S. Scripturæ lucem editis libris celeberrimum vocat Valerius Andreas in Belgica Bibliotheca. Vita, laboribusque defunctus est anno Domini 1619. die 19. Februarii, præter Opera prædicta insignem quoque *Commentarium in quatuor Evangelia* ad æternam sui memoriam relinquens; quo, si reperire erit, hanc editionem ornabimus.

Ut in ordinem redeamus, ceteris præit IOANNES GAGNAEUS Parisiensis Accademix Theologus, eiusque Cancellarius, nec non a concionibus Francisci I. Galliarum Regis, atque primus eius Eleemosynarius, qui floruit inter an. 1524. quo Doctor renunciatus est, & 1549. eius emortualem, teste Dupinio in Bibliotheca. Virum insignem laudibus meritis extollit Richardus Simonius in Historia Critica novi Testamenti, eiusque methodum singularem cum paucis deputat comparandam. Integrum *novum Testamentum* doctissimis Scholiis illustravit, vetus intactum reliquit, præter

ter Davidicos Psalmos, quos lyricis variorum generum carminibus paraphrattico more adornavit. *Scholia* tamen in *Evangelia*, inque *Actus Apostolorum* posthuma tantum Antverpiæ prodire anno 1559. apud Ioannem Latium, curis Ioannis Benedicti emendata, cui extat Epistola nuncupatoria F. Alleaume.

IOANNES MALDONATUS Hispanus in AEdibus Reginæ, vulgo *las Casas de la Reyna*, sub ditione Magistri Militum S. Iacobi in Provincia Extremaduræ anno 1534. natus, in Accademia Salmaticensi Dominico Soto, & Francisco Toletio, postea S. R. Ecclesiæ Cardinali, præceptoribus usus, theologicas scientias cum Græcarum litterarum peritia iunxit, quas ibi etiam professus est. In Societatem Iesu receptus, in Parisiensi Accademia Philosophiam, ac Theologiam toto decennio docuit tanta nominis celebritate, tantoque auditorum concursu, ut in aperto sæpe docere coactus sit. Tanta vis eius in syllogizando fuisse traditur, ut cum eam ferre non possent hæretici (quibuscum sæpe manus conferuit, quorumque non paucos Catholicæ Ecclesiæ lucratus est) ad declamationem provocarint; in qua tamen res ipsis felicius minime cessit. Inter paucos diligentissime, & felicissime sensum Evangelii litteralem exposuisse iudicat supra relatus Simonius. Supremum diem clausit anno salutis 1583. ætatis vix dum 50. dum Romæ degeret, quo accersitus fuerat a Gregorio XIII. Pontifice Maximo, ut operam suam præstaret editioni LXX Interpretum, quam parabat. *Commentaria in quatuor Evangelia, in quatuor Prophetas Ieremiam, Baruch, Ezechielem, & Danielelem*, item in *Psalmum cix.* ab ipso tantum edita memorat Bibliotheca Societatis Iesu; licet alia præstantissima ingenii sui monumenta reliquisse non inficietur, quæ tamen vel nondum edita sint, vel extiderint; ut de *divinis eius in Psalmos Commentariis* testatur *Sylvester Maurolicus Lib. V. Oceani Religionum*: verba transcribimus. Huius tamen Auctoris Opera luculentius, distinctiusque numerant D. Iacobus le Long Presbyter Congregationis Oratorii in Bibliotheca Sacra, & D. Ioannes Mabillonius Asceta Benedictinus Congregationis S. Mauri item in Bibliotheca quam Tractatui de Monasticis Studiis inseruit: sunt autem, præter iam dicta, *Commentaria in Psalmos, in Proverbia, in Libros Sapientiales, & in Canticum Canticorum*: quæ omnia prelum passa licet aperte non asserat prior, alter tamen diserte affirmat simul cum *Commentariis in quatuor Prophetas*,
pu-

publici iuris esse iam facta, his verbis: * *Idem in Psalmos, Proverbia, & Libros Sapientiales, in Cant. in Isaiam* (pro quo alii habent *Baruch*) *Ieremiam, Ezechielem, & Danielelem, in sol. ibidem* (Parisiis) 1643. & *alibi sæpe in 4.* Commentarium addit Le Long in *Epistolam D. Pauli ad Romanos*; quem tamen Romæ tantum visum esse a Cornelio a Lapide ex ipsius fide confirmat. Nec loci, nec instituti nostri est huiusmodi litem dirimere; sed sicut nullum conquirendi huius Auctoris omnia finem facimus, ita non sine magno delectu typis trademus. *Commentarios in Evangelia* iam tenemus; cetera quæ cusa exstant, se daturum spopondit Alumnus Societatis Iesu eruditissimus atque humanissimus, quem fidem suam liberaturum extra omne dubium est. Minime autem nos movet quod habetur in Mabillonii prædicto loco, videlicet *Ioannes Maldonatus in præcipuos utriusque Testamenti locos Paris. 1643.* facillime enim fieri potuit ut vel vertenti minus attento (cum Gallico idiomate scriptum primitus fuerit) vel, quod probabilius est, oscitanti typographo obrepserit *locos* pro *libros*; quod alii eius Operum Nomenclatores habent; & sic generalis tantum erit propositio eius quæ sequitur ibidem Librorum recensionis. Ad *Commentarios in Evangelia* quod attinet, Theologos Societatis qui primam huius Operis editionem Mussiponti curarunt, criticæ artis meliora, ac inter cetera variantes Græcorum mss. lectiones, quas Auctor notaverat, reseculisse refert laudatus Simonius * * ex P. Valvassorio eiusdem Societatis Alumno, qui hoc alii iterum referebat acceptum. Absit tamen ut nutantis adeo traditionis fide nixi tamquam indubium venditare audeamus quod dubium valde reddit tum omnium quos hac de re tractantes vidimus, silentium, tum eorum Theologorum in reliquis optima fides, quam in eorum præfatione Mussipontanæ editioni præfixa, & a nobis suo loco danda deprehendere cuiquam licet. Inter editionem porro Mussiponti & reliquas posteriores, nonnullas varietates esse plures affirmant; eius tamen (si quæ est) differentiæ causa satis patet ex memorata præfatione: cum enim nonnulla se addidisse fateantur Operis curatores ad implendas lacunas ms. exempli quod Roma ad eos miserat Reverendiss. P. Claudius Aquaviva, Societatis Iesu tunc Generalis Præpositus, quod mutilum in multis erat, nec originale ms.

b

con-

* Pag. 303. secunda editionis Veneta an. 1729.

** *Epist. inter selectas* XXVI, pag. 238, Tom. 4, edit. Amstelodami an. 1730. Gallice.

consulere poterant Romæ assertum; huiusmodi additiones quidni postea vel mutata sint, vel omisæ periculo facto cum originali prædicto? Nos posterioris curæ editiones sequi tutius esse arbitramur,

EMMANUELEM SA patria Interamnensem ex oppido Villa de Conde in Lusitania, Societati Iesu Conimbricæ adscriptum anno 1545. summæ pietatis, & excellentis ingenii virum, inter Scholasticas primum, & propter brevitatē utilissimum ponit communi pene voto suffragante, laudatus Simonius. Post multa eaque præclara doctrinæ ac pietatis Opera mortem oppetiit in domo probationis Argensoli Mediolanensis diocesis anno Domini 1596. ætatis vero 75. Eminent inter cetera *Notationes in S. Scripturam universam*, una in III. & IV. *Esdræ*,

GUILIELMUS ESTIUS Gorcomii in Hollandia natus nobilibus admodum piisque parentibus, nostro præconio non eget, a viris eximiis ubique celebratus. Puer Ultraiecti politioribus litteris, linguisque eruditus, Lovanii autem philosophicis, theologicisque disciplinis feliciter institutus, S. Theologiæ demum Doctor renunciatus anno 1580. mox Duacum accersitus est, Regio ibidem Seminario præfectus, ad D. Petrum Præpositus, eoque nomine Duacensis Universitatis salutatus Cancellarius, Virum sanè multis pietatis, doctrinæ, modestiæ christianæ, atque in pauperes beneficentiæ nominibus suscipiendum vocat Valerius Andreas in præcitata Bibliotheca. Pietatis ac doctrinæ meritis plenus Duaci non sine sanæ ætatis opinione moritur anno 1612. ætatis 72. Præter alia multa theologi argumenti Opera, scripsit *Annotationes in præcipua ac difficiliora loca S. Scripturæ*, quæ tamen post eius tantum mortem Duaci cusa sunt anno 1621. fol & auctius anno 1628. studio Gasparis Nemi S. Theologiæ Doctoris: *Commentarium* item absolutissimum, & doctissimum (ut vocat præallegatus Andreas) in *Epistolas D. Pauli*, cuius editioni immortalis est; prodiit autem ab eius morte curis Eximii Viri Bartholomæi Petri, cum eius auctario in *Epistolas Ioannis canonicas*, Duaci primum, tum Colonia anno 1631. in fol. Horum tamen additiones consulto prætermittimus, quæ Estii sunt tantummodo retinentes,

IOANNES MARIANA Hispanus, patria Talabricensis diocesis Toletanæ, adolescens ann. 17. Societati Iesu, dum litteris Compluti operam daret, se dicavit an. salutis 1554. Omne discipli
na.

narum genus diligentissime excoluit, & sacrae Theologiae raram omnium liberalium artium, & historiae tum sacrae tum profanae, praeterea Latinae, Graecae, atque Hebraicae linguae peritiam iunxit: verba fere sunt P. Philippi Alegambe in Bibliotheca, qui etiam in inveniendo acutum, in iudicando severum, in disponendo distinctum, perspicuum in explicando, acrem in disputando fuisse testatur; sed tot tantisque dotibus pene semper male firmam valetudinem invidisse; quod Auctor quoque de se testatur in praefatione ad vetus Testamentum. Obiit tamen dierum, meritorumque plenus anno 1624. ac praeter alia multa varii argumenti Opera, praecara in *utrumque Testamentum Scholia* posteris sui ingenii monumenta reliquit. Reddidit etiam elegiaco carmine *Proverbia Salomonis*, & *Ecclesiasten*, vario autem *Canticum Canticorum*, quae suis dabimus locis, cum quibusdam Auctoris Annotationibus.

PETRUS LANSSELIUS Gravelinganus Flander e Societate Iesu, *Grace in primis doctus, & linguarum orientalium, Hebraicae praesertim, in paucis peritus* vocatur a pralaudato Valerio Andrea. Matrini in Hispaniis, dum ibi Hebraicam linguam magno nominis incremento proficitur, e vivis ante diem rapitur anno 1632. *Scholia* composuit eruditissima in *Baruch Prophetam*, in *sex posteriora capita Esther*, & in *tria Danielis*, quae Ioannes Mariana omittens ab eo suppleri consensit.

THOMAM MALVENDAM Setabi in Hispania natum, maximi ingenii, nec minoris eruditionis virum, merito *inter sui aevi litterarum proceres, fidelissimosque S. Romanae Ecclesiae alumnos* numerat F. Nicolaus Figueres in eius vita. Dominicanae Familiae in Conventu S. Crucis Lombayano anno 1582. nomen dedit, cuius regularem vivendi modum, improbis licet studiis intentus, tenacissime semper coluit. Illud maximum puer adhuc ingenii specimen dedit, quod cum Latine a quodam Setabitani Conventus Religioso imbutus fuisset, Hebraeam, Graecamque linguas nullo usus praefatore perfecte didicit. His aliisque omnibus doctrinae ac eruditionis praesidiis instructus, post multos litterarios labores, ac praesertim Opus de Antichristo ceteris absolutissimum, novae S. Bibliorum ex Hebraeo Translationi totum se dedit, quam Commentariis etiam egregiis ornavit; sed cum ed Ezechielis cap. xvi. vers. 16. pervenisset, invida mors adeo praecari Operis filum recidit,

Auctoremque ipsum eripuit anno reparatæ salutis 1628. ætatis vero suæ 63. Decumbens tamen manu propria scripsit, & subscripsit Præfationem ad Lectorem Translationi suæ, & Commentariis præfigendam, quam inter reliquas nostrorum Auctorum posuimus. Editionis nostræ ratio non patitur ut Auctoris Versionem, quam Vulgatæ collateralem exhibet Lugdunensis editio, suo loco retineamus; nullum tamen hinc detrimentum, quandoquidem eius omnes phrasæ, & alicuius momenti varietates in Commentariis exhibentur, & luculentissime enucleantur.

De IOANNE STEPHANO MENOCHIO Papiensi Italo, Iacobi Menochii præsidis & iurisperiti celeberrimi filio, Societatis Iesu clarissimo Alumno, cum laude loquitur Richardus Simonius, & quot eius meminerunt. S. Scripturam, theologicaque disciplinas in Mediolanensi Collegio publice docuit non sine magna nominis laude. Pluribus ingenii ac eruditionis monumentis editis, in quibus eminet brevis, sed egregia *sensus literalis totius S. Scripturæ Explicatio*, anno 1655. octuagenario maior, ad superos, ut credere par est, emigravit. Nonnullam ingessere difficultatem plures additiones asterisco notatæ in editione huius Auctoris Operum Parisiensi anni 1719. curante P. Renato Iosepho Tournemine eiusdem Societatis; quæ tamen vel cuius sint, vel unde acceptæ ex tota præfatione quæ istiusmodi editioni præmittitur, eruere non potuimus; nisi forte ex prima editione Coloniz exhibita anno 1630. quam utpote sinceram, & ad normam optime exactam, laudat Auctor citatæ præfationis, ceteras quasque posteriores sensu mutilas, lineis integris prætermisissis erroribusque scatentes suggillans, ut cadavera inutilia Menochii Operum vocet, non editiones. At exaggerationem potius sapere quam veritatem censuram hanc, ex eo non levis suspicio ingeritur quod nec in Bibliis Magnis iam relatis, quæ præ manibus habemus, nec in Antverpiensi editione anni 1678. apud Hieronymum Verdussen, quam his omnino conformem facta collatione cognovimus, tale quidquam reprehendendum est invenire; sed sententiæ plenæ, sensus extat ubique integer, si quædam typorum eaque levia sphalmata demas. Quin in hac altera monitum extat typographi, quo hanc editionem ob defectum exemplorum præcedentis editionis Coloniensis susceptam (illius, ut pronum est credere, anni 1630. cum nec præcitatus typographus, nec D. Iacobus le Long in
sua

fua Bibliotheca ullam intermediam recenseant) & ab innumeris non solum mendis, quibus antea scatebat, purgatam, verum & ab ipso Auctore locupletatam esse testatur. Quis vero adeo defidem curatorem Bibliorum Magnorum credat, ut, Menochio adhuc superflite, tredecim tantum annos post Coloniensem decantatam editionem, tam enormes errores admiserit? Quid quod nullus (quem sciamus) præter laudatum Auctorem, integro pene sæculo repetundarum reum egit propter detruncatum Opus eximii Scriptoris? Quid etiam opus erat Antverpiensi typographo additiones Auctoris iactare, cum sententias demere vellet, & hiulcum sensum relinquere? Immo silendum fuerat, ne periculo facto fraus detegeretur, quæ probrosissima ex hac iactantia evassisset. His itaque suffulti momentis [cum Coloniensem primam editionem, qua lis omnis forte componeretur, videre non liceat] rem satis in tuto positam arbitrati sumus, si uteremur editione Parisiensi Biblii Magnis comprehensa, quam integram sensu ubique invenimus, quamque credere par est ceteris quibusque sinceritate non invidere; ex eo insuper adducti quod nec magni sint momenti istæ additiones, nec in aliis huius collectionis Auctoribus desint sententiæ in illis propositæ: iudicium nostrum libentissime emendaturi, si lux affulgeat qua Menochii genuinus fetus esse probentur.

IACOBI TIRINI Antverpiæ anno 1580 nati perhonorifice munit præcitatus Andreas in eadem Bibliotheca, Societatis Iesu insignem Theologum, Domui professæ Antverpiensi toto novennio, & quadriennio missioni Hollandiæ præpositum fuisse memorans, *candidi virum ingenii, multaque atque accurata eruditionis* vocans. Theologis acceptissimum propter multas suis Commentariis insertas theologicas quæstiones censet Richardus Simonius. Antverpiæ e vivis sublatu est die 14. Iulii anni 1636. ætatis 56. Præclara in totam Scripturam edidit *Commentaria*, additis utilissimis Prolegomenis.

IACOBUS GORDONUS Lismoræus Scotus patria Aberdonensis (cum altero Iacobo Gordono Scoto pariter & Iesuita, sed Huntæo, perperam a quibusdam confusus) inter Societatis Iesu Alumnos Parisiis receptus est anno 1573. ætatis suæ 21. Tolosæ, ac Burdigalæ Collegiorum Rectorem, & ævo grandem Ludovico XIII. Regi Christianissimo a confessionibus extitisse memorat P. Philip-
pus

pus Alegambe in Bibliotheca, virumque simul indicat omnibus theologicis disciplinis excultum. Obiit Parisiis anno salutis 1641. ætatis vero suæ 88. Illustræ ingenii sui testimonium reliquit *Commentaria super universam S. Scripturam*, brevibus quidem, sed propter variam eruditionem, ac præsertim chronologicam, utilissimis. Duo erant in Parisiensi editione anni 1632. quæ sola huius Operis curata est, quæ eius pretium minuere possent: defectus nempe explicationis quarundam vocum veteris Testamenti, & ordo in multis præposterus: quorum licet priori occurrerit Auctor ipse, additis multis explicationibus quas videre est in unum collectas in citata editione ad calcem veteris Testamenti; alterum tamen, ætate gravis, & aliis forte detentus curis, omnino neglexit. Huius autem Auctoris ingenio illecti, & quamplurimum suasionibus excitati, ad debitum ordinem eius Commentaria revocare statuimus, & pro virili conati sumus, additionibus etiam prædictis suo quibusque loco accommodatis, expunctis iis quæ Auctor ipse revocare in additamentis intendit, ceteris aptiori quo potuit modo compositis, si non semper verbis, mente tamen eius ad scrupulum usque servata. Illud etiam advertimus, tabulas chronologicas, & παραλληλὰς quæ initio quorundam S. Scripturæ librorum præmittuntur, in Prolegomena esse relegatas, ut ordo nobis propositus nullo modo turbetur; licet suo loco servemus breves chronologias Commentariis insertas, & peculiatium locorum explicationi inservientes: quod ingratum eruditis viris non iudicamus.

Agmen claudit IACOBUS BENIGNUS BOSSUET, maximum Ecclesiæ Gallicanæ ornamentum; Divioni perillustribus ortus parentibus anno 1627. & ab infantia Ecclesiæ dicatus. Primis studiis ibidem apud Societatis Iesu Alumnos operam dedit, Parisiis postea philosophicis ac theologicis doctrinis imbutus, ac Doctor anno 1652. creatus, post primos in Divionensi Capitulo honores, in Curiam a Rege accersitur, plurimisque merito honoribus cumulatur: Condomi namque primum Episcopus; tum Delphini præceptor factus, deinde Meldenibus ornatus insulis, primus dehinc Delphinæ Eleemosynarius; postea Gallicæ Accademix Præpositus, ac tandem a secretioribus consiliis electus est. Parisiis mortem oppetiit doctrina ac pietate clarissimus anno 1704. ætatis 77. Præter alia satis multa doctrinæ ac eruditionis Opera scripsit breves

ves, sed egregias, dilucidasque *Explicationes in Psalmos, in Salomonis Proverbia, Ecclesiasten, Canticum Canticorum, Sapientiam, Ecclesiasticum*, & Gallico idiomate in *Apocalypsim* : quarum pretium notissimum hedera nostra non indiget.

Habes itaque, amice Lector, in unum collectos præcipuos litteralis sensus Bibliorum Sacrorum Expositores, quorum plures antea vel nusquam, vel non sine magnis sumptibus tibi comparare fas erat, eosque si non omnibus, saltem plurimis liberatos incommotis, & erroribus quibus sparsa prius exempla obnoxia erant. Placuisse quibusdam (non latet) mysticos potissimum sensus in promptu habere; sed (ut omittamus facillime illos erui ab eo qui sensum litteræ probe tenet, duce uno aut altero e SS. Patribus) licet ex instituto non tractentur, præstantiores tamen ubi oportet non omittuntur. Quidam etiam nimiam multitudinem conquistam criminabuntur; at varia & optima quæque numquam redundant in hocce argumento, quod omnium sæculorum ingenia, nec umquam gratis, exercuit. Tantum abest ut huius pœniteat, quin potius si præter recensitos aliquis egregius, brevis tamen, Commentarius in quemdam Scripturæ Librum se offerat, inserere non abnuamus.

Accipe nunc ordinem quo singula sunt disposita. Omnium Auctorum Epistolas nuncupatorias & Præfationes quæ exstant, initio eorum Librorum præmisimus a quibus cuiusque incipit Commentarius: damus argumenta omnium Librorum IOANNIS BAPTISTAE DU-HAMEL viri de Republica litteraria optime meriti, quæ omnium vicem supplere possunt; argumenta autem capitum ea sunt quæ in Antverpiensi Balthazaris Moreti editione supra citata reperimus, relictis aliorum Auctorum utroque loco argumentis, Litteræ quas parenthesi inclusas in textu reperies alphabetica serie distributas, indicant similes S. Scripturæ sententias ad marginem inferiorem notatas; asterischi Correctionem Romanam ibi factam signant; cruculæ autem varietatis Lectionum indicia sunt, Commentaria ordine temporis locabuntur quo quisque ea scripsit: in his verba Scripturæ explicata, characteribus maioris formæ prima vice exprimentur; si denuo autem occurrant, characteribus, ut vocant, Italicis, sicut etiam quæ sive ex ipsius Scripturæ alio loco, sive

(XVI.)

sive ex aliis Auctoribus in singulis Commentariis citantur :
Tum demum Indices , & Prolegomena Opus absolvent . Deus
Optimus Maximus hos qualescumque conatus suis prosequatur
benedictionibus , quo possint in suam gloriam , in tuam , Le-
ctor benevole , utilitatem cedere . Vale .



PRAE-

P R A E F A T I O

A D L E C T O R E M,

quæ in BIBLIIS vulgatæ editionis præmitti solat.



N multis magnisque beneficiis, quæ per sacram Tridentinam Synodum Ecclesiæ suæ Deus contulit, id in primis numerandum videtur, quod inter tot Latinas editiones Divinarum Scripturarum, solam veterem ac vulgatam, quæ longo tot sæculorum usu in Ecclesia probata fuerat, gravissimo Decreto authenticam declaravit. Nam, ut illud omittamus, quod ex recentibus editionibus non pauca ad hæreses huius temporis confirmandas licenter detortæ videbantur: ipsa certe tanta versionum varietas atque diversitas, magnam in Ecclesia Dei consulationem parere potuisset. Iam enim hac nostra ætate illud fere evenisse constat, quod sanctus Hieronymus (a) tempore suo accidisse testatus est, tot scilicet fuisse exemplaria, quot codices; cum unusquisque pro arbitrio suo adderet vel detraheret. Huius autem veteris ac vulgatæ Editionis tanta semper fuit auctoritas, tamque excellens præstantia, ut eam ceteris omnibus Latinis editionibus longe antefereendam esse, apud æquos iudices in dubium revocari non posset. Qui namque in ea Libri continentur (ut a maioribus nostris quasi per manus traditum nobis est) partim ex sancti Hieronymi translatione, vel emendatione, suscepti sunt; partim retenti ex antiquissima quadam editione Latina, quam sanctus Hieronymus communem & Vulgatam, sanctus Augustinus Italam, sanctus Gregorius Veterem translationem appellat. (b) Ac de Veteris quidem huius sive Italæ editionis sinceritate atque præstantia, præclarum sancti Augustini testimonium extat in secundo Libro de Doctrina Christiana, ubi Latinis omnibus editionibus, quæ tunc plurimæ circumferebantur, Italam præferendam censuit, quod esset, ut ipse loquitur, verborum tenacior cum perspicuitate sententiæ. De sancto vero Hieronymo multa extant veterum Patrum egregia testimonia: eum enim sanctus Augustinus (c) hominem doctissimum, ac trium linguarum peritissimum vocat; atque eius translationem ipsorum quoque Hebræorum testimonio veracem esse confirmat. Eundem sanctus Gregorius (d) ita prædicat, ut eius translationem, quam novam appellat, ex Hebræo eloquio cuncta verius transfudisse dicat; atque idcirco dignissimam esse, cui fides in omnibus habeatur. Sanctus autem Isidorus (e) non uno in loco Hieronymianam versionem ceteris omnibus anteponit, eamque ab Ecclesiis Christianis communiter recipi ac probari affirmat, quod sit in verbis clarior, & veracior in sententiis. Sophronius quoque, vir eruditissimus, (f) sancti Hieronymi translationem non Latinis modo, sed etiam Græcis valde probari animadvertens, tanti eam fecit, ut Psalterium & Prophetas ex Hieronymi versione in Græcum eleganti sermone transtulerit. Porro qui secuti sunt, viri doctissimi, Remigius, Beda, Rabanus, Haymo, Anselmus, Petrus Damiani, Richardus, Hugo, Bernardus, Rupertus, Petrus Lombardus, Alexander, Albertus, Thomas, Bonaventura, ceterique omnes, qui his nongentis annis in Ecclesia floruerunt, sancti

c

Hic

Hieronymi versione ita sunt usi, ut ceteræ, quæ pene innumerabiles erant; quasi lapsæ de manibus Theologorum, penitus obsoleverint. Quare non immerito Catholica Ecclesia, sanctum Hieronymum Doctorem maximum, atque ad Scripturas sacras interpretandas divinitus excitatum, ita celebrat, ut iam difficile non sit illorum omnium damnare iudicium, qui vel tam eximii Doctoris lucubrationibus non acquiescunt, vel etiam meliora, aut certe paria, præstare se posse confidunt. Ceterum ne tam fidelis translatio, tamque in omnes partes Ecclesiæ utilis, vel iniuria temporum, vel impressorum incuria, vel temere emendantium audacia, ulla ex parte corrumpetur, eadem sacrosancta Synodus Tridentina illud Decreto suo sapienter adiecit, ut hæc ipsa vetus ac vulgata Editio emendatissime, quo ad fieri posset, imprimeretur; neque ulli liceret eam sine facultate & approbatione Superiorum excudere. Quo Decreto simul typographorum temeritati ac licentiæ modum imposuit; & Pastorum Ecclesiæ, in tanto bono quam diligentissime retinendo & conservando, vigilantiam atque industriam excitavit. Et quamvis insignium Academicarum Theologi in Editione vulgata pristino suo nitore restituenda magna cum laude laboraverint; quia tamen in tanta re nulla potest esse nimia diligentia; & codices manuscripti complures & vetustiores Summi Pontificis iussu conquisiti, atque in Urbem adveкти erant; & demum, quoniam executio generalium Conciliorum, & ipsa Scripturarum integritas ac puritas, ad curam Apostolicæ Sedis potissimum pertinere cognoscitur: ideo Pius IV. Pontifex Maximus, pro sua in omnes Ecclesiæ partes incredibili vigilantia, lectissimis aliquot sanctæ Romanæ Ecclesiæ Cardinalibus, aliisque tum Sacrarum litterarum, tum variarum linguarum peritissimis viris, eam provinciam demandavit, ut vulgatam Editionem Latinam, adhibitis antiquissimis codicibus manuscriptis, inspectis quoque Hebræicis Græcisque Bibliorum fontibus; consultis denique veterum Patrum commentariis, accuratissime castigarent. Quod itidem institutum Pius V. prosecutus est, Verum Conventum illum, ob varias gravissimasque Sedis Apostolicæ occupationes iamdudum intermissum, Sixtus V. divina providentia ad summum Sacerdotium evocatus, ardentissimo studio revocavit, & opus tandem consecutum typis mandari iussit. Quod cum iam esset excusum, & ut in lucem emitteretur, idem Pontifex operam daret, animadvertens non pauca in sacra Biblia præli vitio irrepsisse, quæ iterata diligentia indigere viderentur, totum opus sub incudem revocandum consuit atque decrevit. Id vero cum morte præventus præstare non potuisset, Gregorius XIV. qui post Urbani VII. duodecim dierum Pontificatum Sixto successerat, eius animi intentionem executus, perficere aggressus est; Amplissimis aliquot Cardinalibus, aliisque doctissimis viris, ad hoc iterum deputatis. Sed eo quoque, & qui illi successit, Innocentio IX., brevissimo tempore de hac luce substractis; tandem sub initium Pontificatus Clementis VIII., qui nunc Ecclesiæ universæ gubernacula tenet, opus, in quod Sixtus V. intenderat, Deo bene iuvante perfectum est. Accipie igitur Christiane Lector, eodem Clemente Summo Pontifice annuente, ex Vaticana Typographia veterem ac vulgatam Sacræ Scripturæ Editionem, quanta fieri potuit diligentia castigatam: quam quidem sicut omnibus numeris absolutam, pro humana imbecillitate affirmare difficile est, ita ceteris omnibus, quæ ad hanc usque diem prodierunt, emendatiorem purioremque esse, minime dubitandum. Et vero quamvis in hac Bibliorum recognitione, in codicibus manuscriptis, Hebræis Græcisque fontibus, & ipsis veterum Patrum commentariis conferendis, non mediocriter studium adhibitum fuerit; in hac tamen pervulgata Lectione sicut

non-

nonnulla consulto mutata, ita etiam alia, quæ mutanda videbantur, consulto immutata relicta sunt: tum quod ita faciendum esse, ad offensionem populorum vitandam, sanctus Hieronymus non semel admonuit (g): tum quod facile fieri posse credendum est, ut maiores nostri, qui ex Hebræis & Græcis Latina secerunt, copiam meliorum & emendatiorum librorum habuerint, quam ii, qui post illorum ætatem ad nos pervenerunt; qui fortasse, tam longo tempore identidem describendo, minus puri atque integri evaserunt: tum denique, quia sacra Congregationi Amplissimorum Cardinalium, aliisque eruditissimis viris ad hoc opus a Sede Apostolica delectis, propositum non fuit, novam aliquam editionem eudere, vel antiquum Interpretem ulla ex parte corrigere vel emendare; sed ipsam veterem ac vulgatam Editionem Latinam, a mendis veterum librariorum, nec non pravarum emendationum erroribus repurgatam, suæ pristinæ integritati ac puritati, quo ad eius fieri potuit, restituere; eaque restituta, ut quam emendatissime imprimeretur iuxta Concilii OEcumenici Decretum, pro viribus operam dare. Porro in hac Editione nihil non canonicum, nihil adscititium, nihil extraneum apponere visum est; atque ea causa fuit, cur Liber tertius & quartus Esdræ inscripti, quos inter Canonicos libros sacra Tridentina Synodus non annumeravit, ipsa etiam Manassæ regis Oratio, quæ neque Hebraice, neque Græce quidem extat, neque in manuscriptis antiquioribus invenitur, neque pars est ullius Canonici libri, extra Canonice scripturæ seriem posita sint: & nullæ ad marginem concordantiæ (quæ posthac inibi apponi non prohibentur) nullæ notæ, nullæ variorum lectiones, nullæ denique præfationes, nulla argumenta ad librorum initia conspiciantur. Sed sicut Apostolica Sedes industriam eorum non damnat, qui concordantias locorum, varias lectiones, præfationes sancti Hieronymi, & alia id genus in aliis editionibus inferuerunt; ita quoque non prohibet, quin alio genere characteris in hac ipsa Vaticana editione eiusmodi adiumenta, pro studioforum commoditate atque utilitate, in posterum adiciantur; ita tamen, ut lectiones variorum ad marginem ipsius Textus minime annotentur.

(a) Præfat. in Iosue.

(b) S. Hieron. in cap. xlii. Isaiæ. S. Aug. Libro II. Doctrinæ Christi. cap. xv. S. Gregor. Epist. Dedicat. ad Leonidum cap. v. in fine. S. Aug. ubi supra.

(c) Lib. XVIII. de Civit. Dei cap. xlii.

(d) Lib. XX. Moral. xxiv.

(e) Lib. VI. Etymol. cap. v.

(f) Lib. I. de Divin. offic. cap. xii.

(g) Epist. ad Samiam & Freteilam. Præf. Evang. ad Damascum.

CANONICIS SCRIPTURIS

D E C R E T U M

EX CONCILIO TRIDENTINO

SESSIONE QUARTA.



ACROSANCTA OEcumenica & generalis Tridentina Synodus, in Spiritu sancto legitime congregata, præsidentibus in ea eisdem tribus Apostolicæ Sedis Legatis, hoc sibi perpetuo ante oculos proponens, ut sublati erroribus, puritas ipsa Evangelii in Ecclesia conservetur.

Et infra:

Sacrorum vero librorum Indicem huic Decreto adscribendum censuit, ne cui dubitatio suboriri possit, quinam sint, qui ab ipsa Synodo suscipiuntur. Sunt vero infrascripti: Testamenti veteris, Quinque Moyli, idest, Genesis, Exodus, Leviticus, Numeri, Deuteronomium: Iosue, Iudicum, Ruth: Quatuor Regum: Duo Paralipomenon: Esdræ primus, & secundus, qui dicitur Neemias: Tobias, Iudith, Esther, Iob, Psalterium Davidicum centum quinquaginta Psalmorum, Parabolæ, Ecclesiastes, Canticum canticorum, Sapientia, Ecclesiasticus, Isaias, Ieremias cum Baruch, Ezechiel, Daniel: Duodecim Prophetæ minores, idest, Osea, Ioel, Amos, Abdias, Ionas, Michas, Nahum, Habacuc, Sophonias, Aggæus, Zacharias, Malachias: Duo Machabæorum, primus, & secundus. Testamenti novi, Quatuor Evangelia, secundum Matthæum, Marcum, Lucam, & Ioannem: Actus Apostolorum a Luca Evangelista conscripti: Quatuordecim Epistolæ Pauli Apostoli; Ad Romanos, duæ ad Corinthios, ad Galatas, ad Ephesios, ad Philippenses, ad Colossenses, duæ ad Thessalonicenses, duæ ad Timotheum, ad Titum, ad Philemonem, ad Hebræos: Petri Apostoli duæ: Ioannis Apostoli tres: Iacobi Apostoli una: Iudæ Apostoli una: & Apocalypsis Ioannis Apostoli. Si quis autem libros ipsos integros cum omnibus suis partibus, prout in Ecclesia Catholica legi consueverunt, & in veteri vulgata Latina editione habentur, pro sacris & canonicis non susceperit, & traditiones prædictas sciens & prudens contempserit, anathema sit.

FRANCISCI LUCÆ BRUGENSIS

in editam a se Collectionem Correctionum Romanarum
Epistola nuncupatoria.

Reverend. in Christo Patri IACOBO BLASAEQ, Episcopo Audo-
maropolitano, Domino suo cum primis colendo,
FRANCISCUS LUCAS.



T inde ab ineunte ætate, sacra Scripturæ lectione plurimum sum delectatus, Reverendissime Præsul idemque Amplissime Domine; ita magnam mihi attulit voluntatem quod vidi superioribus annis in lucem prodeuntia Latina veteris vulgatæque versionis Biblia, auctoritate Summorum Pontificum, nominatim Sixti V., & qui hodie felicissime sedet, Clementis VIII. a Notariorum mendis vitiiisque diligentissime expurgata. Verum quantam hæc res voluptatem, tantam e diverso tristitiam animo meo attulit metus, ne, dum variis posthac locis hæc Biblia typis cudi recudique contingeret, foret ut brevi in sublata iam vitia recideretur. Quamvis enim ad hoc periculum evitandum, prudentissime caverit Summus Pontifex ne quis Typographus ea posset excudere; ea tamen est plerorumque qui typographiis præfunt vel inscitis, ut non agnoscant, vel incuria, ut negligent quod verum est, & inolit vitiiis postponant. Tale quid videmus in Romanis Missalibus & Breviariis accidisse, iis præsertim quæ extra hoc Belgium impressa sunt; simile quibusdam locis fieri cæptum est in his ipsis Bibliis. Dum igitur dispicio, quodnam efficacissimum remedium huic malo queat adhiberi, ne amplius ea loca corrumpantur, quæ iam dexterrime correctæ sunt, visum est mihi, suffragante Moreto exactissimæ diligentia Typographo (quem admodum Plantini heredem decet) expediens fore ut, adhibito autographo Romano, quod ille ad me misit, colligerem præcipua atque insigniora quæ in hac Bibliorum editione a Romanis Patribus restituta sunt loca; & indicata ea quæ resecta est lectione, ita clare distinguerem unam ab altera, ut deinceps nemo non clare intelligere posset quæ proba sit lectio, quæ reprobæ; quæ textu expulsa, quæ in textum, Summi Pontificis, Ecclesiæ totius capitis, auctoritate recepta. Nam quamvis nec hoc quidem modo effici poterit ne Typographi amplius errent; id tamen fiet ut non errent si velint; si velint, inquam, Correctorium hoc a nobis collectum consulere: quod si nolint, nec vereantur negligentes relabi in vetera vitia; ut minimum poterunt ex hoc libello negligentia argui, & quæ admiserint menda dignosci, atque auferri. Sic enim concinnatum a nobis est hoc Correctorium, indicato ad singula loca nodo ipso difficultatis, adeoque puncto in quo varietas consistit, ut etiam si contingeret typographicum vitium in ipsummet irreperire, facile esset ex circumstantiis deprehendere. Quocirca fiet hac ratione ut non pereat Romanorum Patrum labor, quia Biblia veteris ac vulgatæ editionis Latinæ ab ipsis emendata, in suo nitore permanere ac perseverare queant, & facta tecta perpetuo conservari. Quamobrem, uti spero hanc operam meam ipsis gratam fore, ita gratiorem etiam fore confido, si Reverendissimæ Paternitatis tuæ, quam illi nobis summo cum præconio Episcopum non ita pridem magno nostro bona

pra-



(XXII.)

præfecerunt, subiectis calculis approbetur. Quod ut impetrare me posse sperem, facit eruditissima simul & sacrarum litterarum studiosissima Reverendissimæ Paternitatis tuæ humanitas: quam ut Dominus Deus mihi, & Ecclesiæ Audomaropolitanæ multis annis servet incolumem, continuis precibus obtinere contendo. Audomaropoli, anno secundo a sexcentesimo & millesimo, 111. Nonas Octobris.

S U B M I S S I O.

Omnia, Catholicæ Ecclesiæ, eiusque in terra conspicui capitis Romani Pontificis, iudicio, submissa sunt.

FRANCISCUS LUCAS.

A P P R O B A T I O.



Æc loca Romanæ & Apostolicæ recognitionis & restitutionis vulgaræ Latinæ sacrorum Bibliorum editionis, a Reverendo Domino FRANCISCO LUCA Brugenfi, Theologo & Ecclesiæ Cathedralis Audomarenfis Decano, ex ipso autographo Romano (quod vidimus) observata, & collecta, utiliter imprimuntur, tum ad retinendam deinceps legitimam lectionem, eamque a chalcotypes mendis revindicandam, tum etiam ut ii qui iam Biblia veteris editionis habent, eadem facillimo negotio ex hac observatione corrigere & restituere possint.

F. IACOBUS *Episcopus Audomarenfis.*

EIUS.

E I U S D E M

in Lectionum varietates in Latinis Bibliis ex vetustis mss. collectas
Epistola iridem nuncupatoria.

Reverend. in Christo Patri IACOBO BLASAE, Episcopo Audo-
maropolitano, Domino suo cum primis colendo,
FRANCISCUS LUCAS.



UNT anni circiter quindecim quod Reverendissimæ Paternitati vestræ inscripserim, & probandum obtulerim Libellum, in quem congesseram loca insigniora, a Romanis Patribus, Summorum Pontificum SIXTI V. & CLEMENTIS VIII. auctoritate delegatis, correctâ in Bibliis Latinis editionis vulgatæ. Qui Libellus ut avide fuit a plerisque expetitus, ita variis locis excusus hæcenus, apud viros doctos, & S. Scripturæ studiosos, virtute atque auspicio vestro tenet locum suum. Iam offero alterum Libellum, in quem, doctorum Theologorum hortatu, congesti alia loca notatu digna, ex veteribus editionis vulgatæ manuscriptis libris collecta, quæ hæcenus non correctâ, merito fortassis pleraque corrigi possent, Summo Pontifice similiter committente. Quamvis enim priores illi Patres felicissime laborarint, & plura vulgatæ editionis loca dexterrime restituerint, ita ut omnino fatendum sit, editionem eorum ceteris omnibus, quæ ad hunc usque diem prodierunt, emendatiorem purioremque esse; quod non temere habet Præfatio, & ex priore illo nostro Libello manifestum evadit: tamen, quod etiam Præfatio admittit, difficile sit affirmare, numeris omnibus esse absolutam. Ea est enim humana imbecillitas, ut non semel observet omnia, prætereat facile hæc illa, nec ita rem conficiat, quin posterorum diligentie ac curæ aliquid relinquat. Nihil in hac vita exstat omni ex parte perfectum. Etiam in Vaticana eaque prima horum Biblîorum editione, impressores non pauca errata admiservunt, quæ passim in priore Libello notavimus. Scio quod Patres illi Correctores, nonnulla quæ emendare potuissent, consulto qualia erant reliquerint, ad offensionem populorum vitandam, veteri D. Hieronymi exemplo, in libris Regum præsertim, & Proverbiorum, e quibus multa fuerant auferenda, iuxta fidem conspirantium manuscriptorum editionis vulgatæ; sed tamen & illa annotasse, & ne memoria eorum percat, hoc Libello indicasse expedit. Ut omittam quod de illis, celeberrimis quidam S. Theologiæ Professor aliquando ad me scripsit in hæc verba: *Et vero quod de vitanda eorum qui secus assueri sint offensione, allatum est, idque exemplo B. Hieronymi, non quidem plane negligendum est, in dies tamen minus minusque retinet viriam: quoniam per Nitaciones variarum lectionum hæcenus a Catholicis & eruditissimis viris editas, iam præsum est castigati, ita ut novitate iam antea magnam partem detracta, vix quidquam offensionis pariat, quæ deinde subsequitur Biblîorum legitima auctoritate facta emendatio, sed reverentiam potius, & animi gratitudinem.* Nam &, ut idem alias me monuit, Hieronymus versabatur in corrigendis erratis Interpretum, quorum versiones in usum plurium Ecclesiarum receptæ iam fuerant; hic laboratur, non in corrigendo Interprete, sed in versione Inter-

pre-

pretis emendanda ex eiusdem versionis exemplaribus; hoc est, in Notariorum erratis auferendis; qua re minus facile quis potest offendi. Sive autem consulto sive fortuito sint omnia huiusmodi loca, quæ in melius forte mutari poterant; utile tamen est, quod dicebam, ea annotasse, & scripto tradidisse, ne memoria, notitiæ doctorem hominum, qui sacræ Scripturæ evolvendæ diligentius inebbunt, elabantur. Sed accusent me forte multi temeritatis & arrogantia, quod post præclaros illos viros, a Sede Apostolica delegatos, ausim mutare aliquid in Bibliis, & iudicium meum illorum iudicio præferre. Respondeo, quod mea mens non sit mutare aliquid aut præferre; sed, quod eas varias lectiones, quas in Latinis vulgaræ editionis codicibus, & tractatoribus inveni, & verisimilitudinem habere videntur, in medium proferam, iudicio Sux Sanctitati iisque quos illa iterum committere possit relicto, an sint præferendæ, aliisque surrogandæ. Non facile quidem ineunt, & resumuntur huiusmodi examina (scio) sed si instituantur aliquando, serviet Libellus iste noster ad sublevandos deputatorum labores; sin minus, ad lucem multorum S. Scripturæ locorum. In quam sententiam respondit mihi Illustrissimus Cardinalis Bellarminus, litteris datis Romæ die 1. Novembris 1606., postquam acceperat Libellum Notarum ad varias lectiones Græcæ & Latinas in quatuor Evangeliiis occurrentes, quem ipsi dedicaram: *Si video textum ipsum certo in melius alicubi posse mutari, significabo id Summo Pontifici & Cardinalibus deputatis. Sed tu ipse plane vides, non facile huiusmodi mutationes in sacro textu esse faciendas; quamvis utilissimum sit ut viri docti tum de variis lectionibus, tum de iudicio peritorum hominum, tui similium, admoneantur.* Qui & aliis litteris Capuæ datis die 6. Decembris 1603. postquam acceperat Libellum illum Correctionum Romanarum, scripsit ad me quod huc apprime facit: *De libello ad me misso gratias ago: sed scias velim, Biblia vulgata non esse a nobis accuratissime castigata: multa enim de industria iusti de causis pertransivimus, qua correctione indigere videbantur. Variæ lectiones, quæ in Bibliis Lovaniensibus habentur, & in quas tu librum utilissimum scripsisti, mihi videbantur omnino addendæ: quippe quæ instar bibliothecæ mihi esse videntur; sed non placuit aliis, ut in prima editione apponerentur. Hæc ille, quibus significat, & se unum fuisse e numero Correctorum (qua re multum utilitatis dignitatisque operi accessit) & posse aliquando fieri ut accuratior castigatio adhibeatur. Similia scripsit Ioannes Baptista Bandinus Præfæctus Typographiæ Vatiæque litteris iussu Illustrissimi Cardinalis Baronii ad Moretum Romæ datis, pridie Kal. Augusti anno 1604. In Bibliorum editione, inquit, laudo diligentiam vestrorum Theologorum, qui accurate multa adnotarunt. Ea D. Card. Baronius mihi tradidit, ut inspicerem, & de iis responderem, ut feci semel & iterum. Fateor in Bibliis nonnulla adhuc supersse quæ in melius mutari possent; quedam etiam nescio quo pacto sic impressa reperiuntur, ut exempli gratia I. Reg. cap. 11. vers. 17. Retrahebant homines a sacrificio, cum libri omnes & impressi, & manuscripti habeant, Detrahebant homines sacrificio, & cetera plura in hanc rem. Priori itaque Libello meo recensui loca præcipua iam correctæ; posteriori hoc loca præcipua quæ adhuc corrigi possent, meo aliorumque iudicio. Hunc non minus quam priorem Romanis Patribus, aliisque viris doctis gratum fore confido, si ut prior vestræ approbationis calculum mereatur, Reverendissime & Amplissime Domine: quem ut Deus Opt. Max. nobis & Ecclesiæ pergat servare diu incolumem, precibus impetrare obnixè contendo.*

S U B M I S S I O.

Omnia, Catholicę Ecclesię, eiusque in terra conspicui capitis, Romani Pontificis;
iudicio submissa sunt,

FRANCISCUS LUCAS.

A P P R O B A T I O.

Ut priorem, ita & posteriorem hunc Libellum approbo tamquam utilem ad ea
quę inscripta mihi dedicatoria Pręfatione explicantur. Actum Audomaropoli
12. Junii 1617.

F. IACOBUS Episc. Audomarensis.

E I U S D E M

in NOTATIONES a se adornatas
Epistola itidem nuncupatoria.

Illustrissimo S. R. E. Cardinali

GULIELMO SIRLETO.



Am demum prodeunt, Amplissime Pręsul, secunda Bibliorum editione
quę a quinquennio primę editioni iungendę fuerant promissę Notationes.
Merito notandum me existiment aliqui non statim ab initio servati
promissi, quod Bibliorum illorum nostra tunc opera expolitorum mar-
gines absque Notationibus his ad quas etiam Lectorem remittunt, intelligi nequeant.
Ceterum facile me culpa exsoluturus est qui causas intellexerit. Etenim cum pri-
mum rem animo concepissem, trium mensum arbitrabar opus esse, trimestria me in ea
quę tractanda acceperam loca scribi posse. At cum rem cœpi, & investigandis, pene-
trandis, explicandisque locorum varietatibus me dedi, tantam inveni, etiam ubi
minime expectaveram, rei difficultatem, quantam nemo nisi qui ipse experientia
didicerit, facile autemet, ita ut triennium operi diligentissime tributum, nedum
trimestre haudquaquam suffecerit, si exacti aliquid, cuiusmodi sit oportet id quod
hoc exulceratissimo quidem, sed argutissimo sæculo prodire audeat, ederetur. Ve-
rum an exactum id sit quod a nobis editur, aliis indicandum relinquimus: nos
certe laboribus nullis pepercimus, ita ut si non res, at conatus laude dignus esse
posse videatur. Accesserunt porro ad operis difficultatem alia non raro literaria
negotia, quę nunc a maioribus demandata, nunc ex officio incumbentia cum
prætermitti non possent, operis huius editionem tardarunt. Denique bellorum or-
tę tempestates, cum nos Lovanio eiecissent, atque in patria nihilo iam magis
tranquilla exsules esse compulissent, diu manus a tabulis prohibuerunt, servientium
pio-

piorum consolationi; sacris concionibus, sacra excipienda exomologesi; aliisque sacris ministeriis, atque expectantiam interim, si forte pacatis divina dignatione rebus Lovanium, ubi librorum copia suppetebat, liceret reverti. Verum cum longa nos expectatione falli, & suavi spe frustrari misere cerneremus, id quod reliquum erat aggressi a medio prioris epistolæ B. Petri deinceps, quo modo potuimus ad finem perduximus, atque ad editionem universâ paravimus. Sed erunt, sat scio, qui hæc nostra ridebunt, atque ut strigula adspernabuntur; ii nempe qui aut Scripturam ipsam sacram, aut illius præcipue vulgatam Latine editionem ob styli humilitatem, atque incompertas ac nativas phrasas parvipendunt, nec curæ ipsis sunt quæ occurrunt subinde codicum varietatæ. At eorum ego nihil movebor sententiis qui & Scripturam ipsam sacram, & vulgatam illius Latinorum versionem antiquissimam illam, & SS. Tridentinæ Synodi declaratione præ ceteris universis authenticam eo prosequor honore ut longe faciam pluris unum hic etiam minimum suæ integritati locum restituisse, quam Ciceronis, Sallustii, Virgilii, Horatii, aut cuiuscumque alterius huius ordinis quinquaginta. Et si qui laudi sibi ducunt horum editiones a mendis vindicasse; longe ego maiori dignum laude censeo qui hic id operæ collocarit. Non ita vero id operæ hic desidero, quasi Scriptura sacra erroribus obnoxia sit, quæ a prima veritate profecta veritatis regula est, sed quod in codices, sive apographa ipsa Græca maxime, & Latina per frequentem exemplarium in exemplaria transfusionem nunc librariorum, nunc lectorum oscitantia, incuria, inficitia, temeritate labeculæ, errata, depravationesque subinde irrepsérunt, quæ aliorum codicum, sive apographorum collatione mutari, corrigi, auferri debeant. Id cum in ipso Scripturæ fonte acciderit (perspicuum est in novo Testamento Græco: nam de veteri Hebræo nihil dicere volumus) longe magis in translatione accidisse potuit. Quare quod nobis obieciunt alii, cum vetus editio Latina a Tridentino Concilio probata, atque authentica pronuntiata sit, nulla amplius opus esse castigatione, ridiculum prorsus est. Neque enim Concilium editionis huius exemplaria errorum expertia esse iudicavit, nec etiam certum aliquod editionis exemplar sequendum omnibus proposuit sed editionem ipsam ceteris quæcumque extant Latinis editionibus prætulit, & authenticam definivit. Hanc qui voluerit ex Hebræo, aut Græco mutare, aut suo pro iudicio corrigere; correctamque pro ipsa veteri editione emaculata proponere, is Synodi sententiæ proculdubio adversetur: non enim veterem servat, sed suam obtrudit editionem. Ceterum qui ex variis ipsius veteris editionis exemplaribus illi emendandæ, & primæ læctioni germanæque Interpretis scripturæ restituendæ operam navet, tantum abest ut menti Synodi adversetur, ut ipsa ad hoc Synodo hortante ex mente Synodi faciat. Statuit enim, ut hæc ipsa vetus & vulgata editio quam emendatissime imprimatur; emendate autem imprimi haud posse videtur, nisi collatis variis illius exemplaribus menda deprehensa eliminentur, sincera lectio admittatur. Qua in re, ut Synodi desiderio satisfaceret Theologica Facultas & D. Hentenio olim, & post nobis hoc operis demandavit; quamquam a nobis textus ut ab Hentenio est editus verbis nequiquam mutatus sit. Non enim ex Hebræo, Græco, Chaldæo, aut Syro vulgatam emendare studuimus versionem; sed cum variare reperta essent vulgatæ versionis exemplaria, adhibita sunt Hebræa, & Græca, plerumque etiam Chaldæa, & Syra, ut dignosci posset quæ exemplaria læctionem servarent germanam. Nam qui solam adfert Latinorum exemplarium variationem, nihil nisi scrupulum iniicit lectoris animo; hæret enim animi dubius quid

quid amplectatur, donec aut ex fontibus, aut ex antiquis aliarum linguarum editionibus, aut ex tractatorum commentariis, aut ex locorum circumstantiis, aut ex ipsa exemplarium spectata integritate, aut denique ex his simul omnibus quod inter exemplaria ipsa discernat, adferatur. Hoc conati sumus cum in marginibus Bibliorum, tum maxime his in Notationibus. Usque adeo vero a nobis absuit animus vel minimi recedendi ab ipsa veteris Interpretis Scriptura, ut is scopus noster fuerit ipsam querere Interpretis scripturam non tantum in rebus maioris ponderis, verum etiam in minutis, & quod amplius est, etiam ubi ipsa Interpretis scriptura minus forte commoda videri poterat; ita ut nihil perinde verear, quam ut nimis me anxietatis multi noent. At quare hæc? Non aliam ob causam, quam ut pura puta haberi possit, quam Synodus visum est præscribere, vetus editio: quæ si quid subinde minus commode fortasse vertat, non aliunde ipsa emendetur, sed ex doctorum virorum id scriptis discatur. Quare & cum in dubio de germana Interpretis scriptura quovis pacto veniremus, non ipsi sententiam diximus, sed iis quæ pro singulis facerent partibus in medium allatis, ferendam sententiam aliis reliquimus. Quin & alias cum re satis perspicua nostram ausi sumus sententiam explicare in omnes æque partes, ita ut ferebat unaqueque, disse-ruimus, ut si quem plus forte alterius partis movere possint rationes, eam præ nostra liber amplectatur opinione. Cupimus enim melioribus subiecta sententiis, quæ a nobis iudicata sunt; nec tantum, verumetiam quæcumque aut dicta, aut scripta. Quamobrem olim decrevimus alicui Præfulum Ecclesiæ has nostras fluctuationes inscribere: non quod iis dignas censeremus, sed quod eorum proprie sit certum eiusmodi de rebus iudicium ferre. Porro ab ipso initio non alius occurrit, cui meliori viderentur ratione offerri posse, quam V. D. Amplitudo, Cardinalis Illustrissime, quem pietatis iunctæ eruditioni nota celebrem nobis, earum, observatumque reddiderat. Ut enim auctoritate polles, ita & eruditione præstas, & quod huc facit, linguarum cognitione excellis, quodque proxime urget, earum peritus & studiosus es rerum, cuiusmodi hic tractare conati sumus. Id loquuntur doctissime vestræ in Græcum Psalterium observationes Regio Bibliorum operi iunctæ, & quas præ manibus R. V. habet, quarum non exiguam ipsi vidimus & legimus partem, exactissimæ in librum Ecclesiastici Notationes, quibus aliis consimilia plura D. V. industriam meditari intelleximus. Quare quid quid hoc est quod de lectionum S. Scripturæ varietate scripsimus, parum utique si respiciantur quæ & nobis ipsis, & aliis adhuc relicta sunt, ampliss. D. T. exhibemus ac dedicamus, ut sub tui nominis auspiciis editum, & a te benigne in tutelam acceptum, si quid erroris habeat, tua auctoritate corrigatur; si quid boni, tui fioninis accommodatione adversus æmulos defendatur; si quid lectu dignum, tuæ eruditionis celebritate commendetur. Univerfa enim quæ dicta a nobis sunt, Tux, & Sanctissimi Patris nostri Romani Pontificis, atque Ecclesiæ Catholicæ censuræ perpetuo submissa volumus. In his porro elaborandis adfuit præcipue nobis Reverendus in Christo Pater S. Theologiæ Licentius P. Ioannes VVilhelmus Harlemius Collegii Societatis Iesu Lovanii colendissimus Rector, ac per Belgium Viceprovincialis dignissimus, vir summa eruditione qui divino quo præcellebat ingenio linguarum Latinæ, Græcæ, Hebraicæ, Chaldaicæ, Syriacæ, atque Arabicæ difficultates superaverat, & theologicorum mysteriorum intima penetraverat, ea ad hæc vitæ puritate, ea morum suavitate ornatus, ea animi ad iuvandos quoscumque promptitudine, ea denique in Deum perpetuo

pergenti pietate præditus, ut homini bono voluptatis summæ loco esset eius frui alloquio, sacrisque simul ac doctis sermonibus refici. Testari possum qui eo præceptore, institutore, patre quinetiam, quæ eius erat humanitas, familiari septenuo & eo amplius usus sum; nec quidquam ita deploro ut, quod ignorabam, ultimum id esse vale, quod, Scotis hæreticis Lovanium ingressis, turbataque universa, ac suos dimittente Academia, tristis dicebam. Flagrantis cælesti amoris igne animæ corpusculum læmicus Deo operante ignis solvit, ut cum a corporis miseriis, tum a mundi, qui ea dignus non erat, si nunc certe si umquam alias totus in maligno positus, malis libera ad cælestem dilecti thalamum admissa, tota *ἀνσπῆρας* in mellifluis eius amplexibus versaretur; ita ut non mors ipsius, sed nostra nobis descendenda sit derelictio. Non grave tibi arbitror esse, Serenissime Cardinalis, bonorum virorum audire laudes, quinimmo volupe, huius præsertim cuius fama non incognita (scio) D. V. fuit: qui huius quod A. V. exhibemus operis scribendi fere auctor nobis fuit, & consilio persæpe iuvit, ac librorum, quibuscumque opus habuimus, copiam, ex instructissima Societatis Iesu Lovanienſi Bibliotheca, subministravit, quin & legit hæc pleraque omnia, suum eis calculum additurus, si vita comes fuisset; ut & delecti a Facultate Theologica Doctores ii qui Bibliorum editioni subscripserunt, nisi iam a nobis mutuo seiuncti, vix an in vita superstes sit, alter de altero intelligere possemus. Adfuit porro etiam singulariter ad hæc conficienda sua nobis ope qui ea ipsa excudit Regis Architypographus Christophorus Plantinus: tulit enim sumptus non mediocres, quibus & me scribentem, minusque solida cum valetudine fere colluctantem fovit, & aliis qui aut aliunde manuscriptos codices advexerunt, aut ea quæ in adversaria ieceramus, accurate descripserunt, aut alio quocumque modo auxilio fuerunt, liberaliter satisfecit, emptis etiam a se nonnullis atque e propria officina missis libris. Quare si quid his, aut fructus, aut ornatus Ecclesiæ Catholicæ alatum esse potuit, vel meriti quid boni ipso conatu apud Deum comparatum, ad cuius sane gloriam animus respexit, suas sibi hi vindicant partes Harlemius, & Plantinus, ipsi inter se coniunctissimi, & mihi pro beneficiis in me collatis suo ambo merito colendi. Te itaque pietate atque eruditione, ornatissime Cardinalis, obnixè oro ut hæc quæ Illustrissimæ D. T. dicamus qualiacumque scripta æqui boni consulas, atque in tuam benigne tutelam accipias: ut intelligenti, id quod primum ediderim, tibi ceterisque Ecclesiæ Præsulibus gratum esse, ad plura tentanda animus addatur. Me ipsum porro benevolentie humanitatis tuæ etiam atque etiam commendo, & tuorum a te numero adscribi opto. Dominus Deus Ecclesiæ suæ diu te incolumem servet. Brugis Flandrorum die B. Laurentii martyrio celebri IV. Idus Augusti anni CIO.D.LXXIX.

Amplissima D. V. observantissimus.

FRANCISCUS LUCAS.

E I U S D E M

ad Candidum Lectorem

P R A E F A T I O.



Um commissum mihi esset, eas quæ in Lovaniensium Bibliorum marginibus adnotatæ erant lectionum varietates ad fontes, & veterum commentarios revocare, & si quidem concinerent, marginalibus id notis signare, ut quoquo modo germana ab adulterina discerni posset lectio; animadverti sæpenumero fieri haud posse, ut notis id in margine indicaretur: quod fontes vel ambigui, vel obscuri essent, aut ad dignoscendam germanam lectionem quædam facerent, quæ cum verbis exprimenda essent, tot exprimi non possent quot marginis angustia posset capere. Quamobrem consilium subiit ad calcem Bibliorum brevibus eiusmodi annotari posse. Quod cum ad R. P. Harlemium, qui hoc in negotio præerat, retulissem, probassetque ille; adscripsi in Bibliorum margine ad ea loca in quæ visum erat aliquid annotare, signum Q. N. quod esset, Quære notationes. Cum vero eo quod in Bibliorum margine laborandum erat confecto, Bibliisque ipsis ad Typographiam missis, me ad scribendas in ea loca notationes dedissem, animum temperare haud potui, quin exacte id conarer facere quod incumbabat; nec paucis, quemadmodum statueram absolute potui, ut ad calcem Bibliorum adijci posset, nec cito uti speraveram, ut una cum Bibliis prodirent. Quare nunc seorsum secunda cum Bibliorum editione prodeunt necessariae quidem ad intelligenda marginalia annotata Bibliorum illorum nostra opera adauctorum; quippe ad quas illa remittant, sed quæ a marginalibus illis annotatis ipsæ non pendeant, quibuscumque Bibliorum editionibus atque exemplaribus adhibitis servientes. In his porro textum initio singularum notationum ita fere proposuimus, ut in Lovaniensibus est Bibliis: quem deinde cum aliis Latinis exemplaribus impressis, & scriptis contulimus. Habuimus impressa exemplaria semper octo aut novem; scripta xxxii. aut xxxiii. ut minimum, sæpe plura; ea quæ statim descripturi sumus; propria, dico, præter ea quæ ante nos Parisienses, Hentenius, alique annotaverant. Sæpe enim in uno invenias quod non in multis aliis: & frequenter de genuina Interpretis scriptura plus ex Latinis codicibus quam aliunde intelligere licet, dum inter varia exemplaria, quem legendi modum vulgaria sequantur, in quem conspirent emendatiora, conspicitur. Dehinc consuluimus commentaria, enarrationes, scholia, translationes primæ, mediæ, postremæ ætatis, auctorum Græcorum, & Latinorum, quoscumque habere potuimus: ut si quid usquam esset quod ad nostrum faceret institutum, quoad eius a nobis fieri posset, in medium adferremus. Post hæc adhibuimus in veteri quidem testamento Hebraicum, Græcum, & Chaldaicum, textus; in novo Græcum, & Syriacum: & ne forte horum exemplaria sibi mutuo quandoque non constarent, lecta sunt Græci textus antiographa complura, cæterorum saltem duo. Postremo si quid vel ex locorum circumstantiis, vel ex locis similibus, vel aliunde de lectionis varietate intelligi posset, id omne perscrutari conati sumus; & si non ipsi iudicium ferre, certe aliis dare, unde aut ferre

ferre possent, aut suo quamque momento lectionis varietatem aestimare. His autem sensum septennumero addidimus, aliquando singularum varietatum, maxime vero eius quæ vero simillima erat, ut ne forte ob minus perspicuum sensum, id quod fere accidit, reprobaretur. Horum porro occasione sæpe etiam antecedentia & subsequētia proxime tractavimus loca: & si quæ Græcorum, Chaldaicorum, aut Syriacorum apographorum occurreret variatio etiam ea edissera est: quin & difficultates quæ vel ex his, vel ex Hebraico oriuntur, pro virili nostra enodatæ sunt: nec prætermissum esse arbitror id quod multi desiderant, quomodo Hebraice Latinus, & Græci Interpretes legerint, dum eorum translationes ab Hebraica scriptura, ut nunc punctis vocalibus adfecta exstat, discrepare videntur. Ceterum non deterreat Lectorem linguarum sorte imperitum quæ frequenter his admiscuntur Hebraici, Chaldaici, Græci, Syriaci textuum verba: id enim fieri ita debuit, ut fides dictis haberetur, sæpeque ea interiecta sunt, ut salvo atque integro loci sensu transiliri ab eo qui non intelligat, possint. Porro * varietates quæ in manuscriptis exemplaribus eius varietatis quæ discutienda erat occasione, quippe loco vicinæ, repertæ sunt, cum tractandæ non viderentur, ad marginem sunt notatæ iis signis quæ in Bibliis frequentata & declarata sunt. Sunt vero notationes iuxta librorum sacræ Scripturæ, capitulum, versusque ordinem sese mutuo sequentes: ita ut nullo indice opus sit, nisi eorum locorum, quæ occasione aliunde explicanda aliquando se obtulerunt: quem & ad calcem libri invenies. Quod reliquum est, Lectorem obsecro, ut hæc mediocritatis nostræ scripta eo accipiat & legat animo, quo scripta & data sunt, candido, & veritatis, non contentionis studio; qui insectari alios abhorreat, & sicuti erret ipse lubens monstratum errorem corrigat: si quid ignoret, discere gaudeat, nec tuam velit usquam opinionem meliori sententiæ præiudicium ferre.

* Hæ varietates (sente & alia huiusmodi, si quæ sunt) non ad marginem, ne paginæ laetudo ultra quam potest exerceat, sed immediate post finem Notationis apponuntur, arabica, ut vocant, numeris notatæ, proprio quilibet loco respondentibus; dummodo non ita breves sint ut in textum, distincte crevulis, sive sententiis integrate, recipi possint.

E I U S D E M.

Catalogus eorum quibus usi sumus S. Scripturæ librorum.

- C**omplutensia, *Compl. & ex Complutensibus expressa*, Regia Biblia, Hebraica; Græca, Latina, Chaldaica, & quod Regis proprium est, Syriaca. R. Hebraica & Chaldaica Biblia magna Venetiis excusa, *Ven.*
- Psalterium Augustini Nebienfis quinque linguis, Hebraica, Græca, Latina, Chaldaica, atque Arabica. *Neb.*
- Psalteria Hebraica manuscripta duo, unum Collegii Lovaniensis Societatis Iesu, alterum D. Clementis Angli, *Angl. &* tertium Portugallicum, ex fide Reverendissimi D. Lindani citarum. *Port.*
- Syricum Novi Testamenti manuscriptum, Colonienſe ex Orientis partibus allatum.
- Syrica Novi Testamenti editio sumptibus Ferdinandi Imperatoris, & Ioannis VVidmanstadii opera Viennæ Austriacæ edita.
- Græca Biblia Aldi Manutii anno 1517. impressa. *Ald.*
- Græca veteris Testamenti Biblia Argentorati edita, *Argent.* collata cum duobus Græcis Vaticanæ Bibliothecæ antigraphis, *Vat.* quorum variz lectiones ad marginem adnotatæ sunt iussu Reverendissimi Cardinalis Granvellani.
- Græca Veteris Testamenti Biblia Basileæ excusa anno 1550. cum Latina interpretatione. *Bas.*
- Psalterium Græcum Latinis litteris Tornaci olim in cœnobio S. Martini scriptum. *Torn.*
- Psalterium Græcum Parisiis impressum ex S. Victoris codice emendatum.
- Alterum Parisiis a Chevallonio excusum; tertium Antverpiæ a Stelfio.
- Novum Testamentum Græcum Basileæ excusum cum Vaticano Codice in Evangelistiis collatum, quondam D. VVerneri Atrebatensis Collegii Lovanii Præsidis.
- Novum Testamentum Græcum Basileæ impressum, anno 1563. cum lectionum varietate; & alia aliquot alibi excusa, quæ, quia Lovanio longe absumus, commemorare haud possumus; ut nec ceteros libros exacte, ita ut facile deceret, describere.
- Novum Testamentum Græcum Parisiis editum ad xvi. Græca exemplaria a Parisiensibus collatum, signata Græcis numeris, α, β, γ, δ, ε, ζ, η, θ, ι, κ, λ, μ, ν, ξ, ο, π, ρ, σ, τ, υ, φ, χ, ψ, ω; quorum primum Complutenſe est exemplar; secundum ex Italia transmissum fuit; octavum cum ceteris ex Bibliotheca Regis Francorum sumptum.
- Vetusta Latina manuscripta, quibus ad castigandum Parisienses sunt usi; Cœnobii S. Dionysii oblongum & latum, *Di. o. l. S.* Germani oblongum, latum, parvum, aureum, & argenteum, *Ge. o. l. p. au. ar.* Donatianicum, *Do.* Paulinum, *Paul.* Svevifoniense, *Sv.* Constantienſe, *Con.* Coriendoncenſe, *Cor.* Aureum, *Au.* S. Victoris exemplaria, *V. &* Sorbonicum Correctorium. *S.*
- Latina Biblia, quæ ad castigationem D. Ioannes Hentenius adhibuit, descripta ab eo in præfatione Bibliorum a se editorum.
- Manuscripta Latina Biblia duobus magnis voluminibus comprehensa Cathedralis Ecclesiæ D. Donatiani Brugensis, antiquitate simul & integritate paucis aut nullis secundis, quæ a clarissimo viro D. Iacobo Pamelio Bibliothecæ D. Donatiani præfecto, Lovanium transmissa fuerunt. *Brug.*
- Alterum Bibliorum duobus tomis contentum manuscriptum exemplar, similiter vetustate, & integritate venerandum, a R. D. Ermino Franſoyſ Cœnobii Lobienſis S. Petri Abbate, commodato missum, scriptum, ut ad calcem libri diligens scriptor notavit, a F. Goderanno, anno incarnationis Dominicæ 1084. indictione 7. concurrente 1. Epacta 21. a rege Henrico æque Henrici Cæsaris filio iam trienni obsidione urbem Romam graviter premente, concluso in æa Gregorio Papa, qui & Hildebrandus, anno 9. præfulatus Henrici Ecclesiæ Leodicenſis, 8. autem Gerardi Cameracenſis, 6. quoque Arnulfi Abbatis eiusdem Lobienſis cœnobii S. Petri. Habet hoc exemplar triplex

plex tribus columnis distinctum; ut & alii quidam veteres codices; Psalterium Gallicum, Romanum, & Hebraicum, Gallicum, nostra est vulgata editio ab Hieronymo castigata, & obeliscis atque alteris notata. Romanum, ea est qua Romani ante Hieronymi castigationem videntur usi. Hebraicum, Hieronymi est ex Hebræo versio. *Lob.*

Tertium his simile manuscriptum quatuor aut quinque tomis ex Leodiensi S. Iacobi Abbatia allatum; cui hoc unum deest, quod plerisque locis posteriori alicuius præpostera cura, antiqua ac germana erasa, vulgaris lectio substituta sit. *Leod.*

Viginti manuscripta Bibliorum exemplaria contribuit, quem suum nuper Lovanii diem obiisse intelleximus, M. N. Augustinus Hunnæus pie memorie; viginti contribuit signata Alphabeti litteris, suntque, ut iuxta præstantiæ ordinem ea numeremus, O, Q, T, E, N, P, L, H, G, A, M, V, I, K, B, C, D, F, R, S. Ceterum T & N fragmenta sunt dumtaxat; T Acta Apostolorum, Epistolas D. Pauli, & Catholicas veteri scriptura continens; N. Iob, Proverbia, & eos qui deinde sequuntur libros usque ad Ezechielem; litteris miræ magnitudinis; emendatum ante trecentos annos ex Caroli magni Bibliis undequaque collectis, iussu, ut præfatio habet, F. Iordani Magistri ordinis Prædicatorum, & F. Hugonis Prioris Provincialis in Francia, a Prædicatoribus S. Dominici Fratibus, quorum & emendationum rationes sub libri finem leguntur, ad quas textus aurea marginis nota remittit. O, Q, E, lectissima sunt antigrapha; sed in Psalmis, O, cum Hieronymi ex Hebræo translationem habeat, multum ab aliis eiusdem translationis antigraphis discrepat. H. in libris Regum præstat; P. in Psalmis, & in quibus excellit etiam L, Sapientis libris, I & K sæpe adnotant lectionem veriorum. V quod signamus, & ipsum Q littera a M. N. Hunnæo insignitum est. Habuimus ab Hunnæo & Breviarium pervetustum, quod quandoque citamus; denique præter alia, id quod maximi facimus, manuscriptum Bibliorum correctorium ab incerto auctore; quem Epanorthoten, aut Correctorem fere vocamus; magna diligentia ac fide contextum, secuto, uti oportet, antiquos nostræ editionis codices, eoque cum Hebræis, Græcis, & veterum Patrum Commentariis sedulo collatos; qui liber Genes. viii. vers. 7. latius a nobis descriptus est. Hos porro manuscriptos codices, iam a morte D. Hunnæi, opinor Collegii Societatis Iesu esse: reliquerat enim olim Collegio, qui olim commodato miserat, nisi ante mortem repeteret.

Collegium Societatis Iesu duo sua subministravit manuscripta Bibliorum apographa minori forma, quorum unum Societatis rubrum *So. ru.*, alterum appellavimus aureum *So. au.* sive Harlemense, *Har.* eo quod auro ornatum Harlemio a Plantino donatum fuerit. Plura subministravit Collegium Societatis fragmenta Bibliorum, eaque spectant antiquitatis, quæ idcirco a confratone P. Harlemius redemerat; unum continens octateuchum, unum libros Regum, & eos qui subséquuntur usque ad Ezræ, id quod Societatis longum *So. lon.* diximus; duo Societatis album, & aureum *So. al.* *So. au.* codices sunt Evangeliorum: quartum Societatis latum *So. la.* Paulinas habet Epistolas, easque glossæ illustratas. Christophorus Plantinus quinque miserat manuscripta Biblia, quæ suo ære a confratone servaræ, vocata a nobis Plantini medius codex, angustus, latus, parvus, & longus: quæ, quo ordine a nobis numerantur; eo censenda sunt. *Pl. m. Pl. ang. Pl. la. Pl. par. Pl. lon.*

Atrebatensis Collegii Præsidentis præclarissimus M. N. M. Cornelius Reineri Goudanus quo commodaverat manuscripta Biblia, quorum unum Atrebatense, *At.* alterum Atrebatense Sericatum, *At. s.* diximus: quibus exemplaribus, ut & eo quod proxime sequitur, etiam Hentenius usus fuit,

Ex maiori Theologorum Collegio habuimus exemplar quondam Bessarionis Cardinalis, quod ille a Iuliano Cardinali S. Angel, Florentini Concilii Præsidente, ut epigraphæ habet, dono acceperat, id quod in libris Regum maxime veram lectionem sæpe notat in margine. *Bess.*

Collegium Bussidianum, seu Trilingue etiam unum dederat scriptum, uti coronide addita adnotatum est, anno 1432. annis octo ante typographice artis inventionem. *Buss. sive Tril.*

Ex Abbazia Malmundariensi accepimus miræ vetustatis libellos; qui plerique magis eam qua veteres Patres, quam qua nos utimur, editionem referunt; *Mal.* unum Psalmorum, unum Sapientie, & Ecclesiastici, unum Machabæorum, unum Epistolarum Catholicarum & Apocalypseos, duos Epistolarum D. Pauli, quorum alterum maiorem, *Mal. ma.* alterum minorem, *Mal. mi.* a litterarum magnitudine, vocavimus. Minor nostræ editionis studiosus est; maior veterem sedatur eam quæ ante Hieronymi castigationem.

D. Pamelius commodavit nobis, quod Tornaco allatum fuit; vetustissimum atque lectissimum cœnobii S. Martini Psalterium, anno Domini 1105. scriptum: id quod quatuor columnis quatuor Psalterii editiones exhibet, Gallicam, Romanam, Hebraicam, Græcam. Græca ipsa est Græca translatio Latinis litteris scripta. *Tor.*

Usi sumus & Psalterio ex Cameraco allato, Gothicis litteris scripto; in cuius lectione Reverendissimus D. Lindanus repuerascendum sibi fuisse scripsit; id quod Romani Psalterii exemplar esse deprehendimus. *Got.*

A D. Lævino Torrentino habuimus Glossam ordinariam in Prophetas minores manuscriptam. *Tor.*

A D. Nicolao Michaelis Reverendo monasterii S. Andreæ iuxta Brugas Abbate unum totum manuscriptorum Bibliorum, quæ ea habet Abbazia, insignium: quo uno manuscripto, perficentes Brugis id quod a Lovaniensi fuga restabat, usi sumus. *And.* Legimus atque adduximus aliquando & alia quædam manuscripta exemplaria quibus quia continue usi non sumus, suis ea locis nominasse sufficiat.

Typis excusa Latina Biblia, quibus perpetuo usi sumus, hæc sunt. Excusa Moguntiae anno 1472. *Mog.* quam primam esse accepimus Bibliorum a Typographis editionem (quamquam aliam illa priorem quidam se vidisse dicant) Coloniae anno 1479. *Col.* Nurembergi anno 1478. *Nuren.* Venetiis anno 1497. *Ven.* Lugduni cum lectionum varietate anno 1522. *Lugd.* Coloniae apud Quentelium anno 1529. *Quent.* Parisiis castigata anno 1557. & Benedicti scholiis aucta anno 1573.

Enarratorum atque Auctorum, quibus usi sumus, longum esset catalogum texere: ex iis quibus aliquando nominantur locis poterunt intelligi. Ceterum post Epistolam ad Romanos, non omnes legimus quos adhuc statueramus, præter spem Lovanio exules.

E M M A N U E L I S S A
in Notationes suas in SCRIPTURAM SACRAM
Oratio ad CHRISTUM.

Sis, Domine, solere Librorum Auctores dicare eos Principibus. Ego vero te nec maiorem nec meliorem Principem quemquam scio. Tibi igitur, Domine IESU, Librum hunc dico, cui me a puero in tui nominis religione ante annos ferme quinquaginta sub Romano Pontifice Vicario tuo per gratiam tuam dedicavi. Suscipe, obsecro Domine, munusculum servi tui, & fac ut tuæ, cuius causa est elaboratum, Ecclesiæ prosit. Quod si quid in eo est te indignum, ignosce imperitiæ meæ, si qua vero (ut spero esse multa) digna sunt, laudent te qui sciunt nihil posse boni fieri sine te. Amen.

E I U S D E M

In easdem Notationes suas ad Lectorem Præfatio.

Quæ per ne pretium fecerim colligendis hæc Notationibus, nescio: id scio, voluisse me plurimorum utilitati consulere, quod an sim affectus, censebunt doctiores. Spero equidem boni consulturos, si qua minus quam vellent explicavi. Difficilem suscepi provinciam, quo magis ignoscendum, si quid errarim. Addent alii quæ defunt. Mihi abunde fuerit dedisse occasionem sapientibus. Digna quidem res in qua operam suam ponant, & de thesauris suis ad incepti huius perfectionem proferant nova & vetera. Vale.

NOTATIONUM EARUMDEM COMMODA.

I. **B**revissime Scripturam totam sic explicant, secundum sensum litteralem, ut a nemine (quod sciam) adhuc præstitum: ingentia enim quicquæ in Scriptura singulos libros volumina edit, nos aliam longe rationem (ut vides) secuti.

II. Afferunt varias Lectiones ex Heb. Chald. & LXX. quod etiam novum, & nostram editionem magnopere illustrans.

III. Possunt excudi separato libello, adeoque exiguo volumine, ut nos scripsimus. Quis enim est qui apud se Biblia sacra non habeat, quæ statim possit consulere, vel potius cum ea leget, has Notationes adhibere?

IV. Possunt & cum Bibliis imprimi, instar earum quas fecit Vatablus, quæque sunt plausu magno a plerisque receptæ, cum tamen textum nostrum non explicant, sed editionem nescio quam ex Hebræo.

V. Additæ sunt a nobis ad finem libri, phrasum omnium, quibus Editio vulgata utitur, explicationes, quæ magnam Scripturæ totius intelligentiæ lucem afferant.

VI. Addidimus & Indicem copiosum, simul & brevem more nostro, ubi fere quicquæ facile reperiat quæcumque volet.

VII.

VII. Attexuimus & alterum Indicem, alphabeti ordine, selectarum Scripturæ sententiarum, qui possit esse concordantiæ viæ: Jera enim continet quæcumque usui esse possunt in concionibus, scriptionibus, & meditationibus.

RESPONSIO AD OBJECTIONES.

L A T sunt nimis concisæ, & ieiunæ. R. Sic forte indocti dicant, qui vel lente fuliores; sed spero, & doctos probaturos tantam brevitatem, nec futuram ingratam indoctis, ubi assuerint; quin etiam boni consulturos tantam temporis iacturam evolvendis prolixis Commentariis, fuisse a nobis hac brevitate ademptam.

II. Interdum obscuræ. R. Facit id brevitatis necessario; sed compensatur hoc tam multis supra recensitis utilitatibus.

III. Non certa semper interpretatio phrasæ Heb. Chal. & Græc. R. Et quis umquam ita est interpretatus ut nihil desideraretur? Equidem sum secutus Doctorum potius, quam meam sententiam; nec enim magnam linguarum peritiam mihi hi arrogo, tantum iis operæ dedi, quantum satis fuerit ad hanc provinciam quam suscepi, scilicet fideliter referendi quæ legeram apud peritiores, quamquam de meo nonnihil interdum addiderim.

IV. Quædam relicta intacta. R. Fateor; sed vel quia facilia, vel adeo difficilia ut maluerim fateri imperitiam, quam impudentiam præferre, aut temeritatem.

V. Hebraice, & Græce plura fuerant scribenda. R. Fecissem sic maius volumen, quod vitare institueram. Adde quod defuit copia librarii, qui posset fideliter describere. Deniqueprehendimus tam sæpe errari in iis a Typographis, præsertim absente Libri Auctore, ut vel hæc pauca Heb. & Græce scripta possint multa videri. Apposuimus autem Latinis litteris, eadem præsertim Hebræa, in gratiam imperitorum, interdum etiam & Græca.

Optarim quidem quæcumque hic defunt, addi a viris doctis, & corrigi etiam; si quæ sunt emendatione digna, totumque id opus a nobis rudius datum, ab iis perfectum reddi. Fecerint certe mihi rem gratissimam; tantum abest ut ægre sim laturus: quid enim malim quam studiosis optime consultum? Utinam edantur aliquando hæc quam probatissima, nos autem (ut cum Paulo loquar) reprobi sumus.

IOANNIS MARIANAE

ad ROBERTUM BELLARMINUM Cardinalem ex Societate IESU
in Scholia sua ad vetus Testamentum Præfatio.



ON est apud me dubium, eximie & humanissime Cardinalis, quin si quis in hæc inciderit ex rigidis rerum æstimatoribus & criticis, miretur, accuset ipse quoque fortasse cum aliis, quod in tanta copia nostrorum utriusque Ordinis procerum, cum quibus commune cælum, maior necessitudo, unde certior spes gratiæ amplioris, tuum potissimum nomen delegerim, quod in fronte, ut sit, nostris in sacros libros lucubrationibus adscriberem. A quo humanitatis iure postulamus ut non prius nostrum consilium improbet, quam quæ subitico attente cognoverit. Ac primum profiteor nihil hoc obsequio, quale illud est, a te, aut per te ab alio cupere. Intra conchulam nostram cochleæ ad instar, humoris, quod satis est, suppetit, ne externo subsidio, ambitu, donis opus habeam. *Qualis magnus, pietas cum sufficientia*, hoc est, sua sorte esse contentum, id *aurum purum* est. Non tuum illustrare nomen animus erat: quod quidam, cymbalum mundi ex eo dictus, olim pollicebatur simili officio. Superbum id esset. Scriptis libris quam purpura illustrior, aliena cuiusquam face non eges. Quod erat æquius, tuo splendore nostras tenebras depellere, ne id quidem satago. Solis ad instar meridiano fulgore stellulas, si quæ in nobis essent, si id agerem, obscurarem potius. Ac ne, quod quis nihilominus miretur, patrocinium nostro labori flagito. Promptum id, & vulgare, neque ultra verba proventus. Memoria equidem superioris temporis tantisper oblectare animum volebam (veniam hanc, seni dato) cum Romæ tu quidem post obitum avunculi tui Marcelli Pontificis Optimi Maximi, ætatis, sed & artium liberalium impigro pede prima spatio meretricis Parra præceptore tuo, amico nostro, & æquali. Ego scholas Theologicæ explicabam, immatura quamvis ætate, neque eruditione firma. Ita res nostræ erant. In Italia nullus nostri Ordinis, qui eam provinciam sustineret; nunc innumeri, ut audio, & credo libenter: sic tempora commutantur. Collegæ tamen in ea professione tunc erant Emmanuel, & Ledesmius; quales, & quantum viri ingenio, eruditione, & modestia. In Philosophia Toletus, qui eruditionis ergo theologicæ postea donatus est purpura. Pereira eleganti prorsus ingenio. Accessit Acosta nihilo aliis inferior. Artem Oratoriam Perpinianus tradebat, ex cuius ore melle dulcior fluebat oratio, eloquentiæ laude cum primis nostræ ætatis comparandus, neque antiquis absimilis. Mathesum Clavius, ex suis libris facis notus, & nobilis. Hebraicæ litteras Baptista Romanus inter suæ gentis spinas rosa odorata, & suavis moribus magis quam facie. Græcæ Stephanus domo Valentinus. Eorum & temporum, & virorum sæpe recordatio recurrit, eaque reficitur animus. Sed & eorum adolescentum, qui supra ducentos ex variis nationibus una nobiscum vivebant, subit animum cum voluptate cogitatio. In eo numero Galliardi tres, totidem Sardi; quibus se quartum postea adiunxit eorum pater nobilis in Sicilia medicus. Lucas Pinellus, Jacobus Crucius, Bernardinus Castorius, alii quorum nomina exciderunt, hæret animo virtus. Sed certe Ludovicum Odescalcum ipsis Gratiarum divinis manibus factum forma, moribus, ingenio,

Exinet e nostro pectore nulla dies.

Re-

Rector Collegii Sebastianus Romæus, prudens iuxta, & modestus. Neque te Iacobe Paeci, dubium ingenio an gratia maior, silentio involvo, meorum quondam in litteris prime sodalium, mihi præ ceteris care. Non Organtinum non ita pridem in Iaponia post immensos labores extinctum. Non Maldonatium, quamvis exiguo tempore in Romanorum Professorum numero; sed collega deinde noster Lutetiæ, nostræ nationis, & Ordinis decus. In tanto numero nulli reditus erant, nulla vectigalia. Miraculi instar, tot tunc iuvenes ali potuisse. Victus proinde frugalis erat, & tenuis. Docendi labor improbus, cælum nobis, præsertim externis, grave. Ita fractæ in limine vires nostræ sunt. Tredecim tamen annis in Italia, Sicilia, & Gallia confectis, in Hispaniam necessario redii, si nativo cælo melius haberem. Neque sefellit spes. Recreata tantisper valetudine, voti compos, inter varia onera a nostris, ab externis imposita, quidquid laboris poteram impendere, quidquid otii nactus eram, ad scribendum contuli, quæ inter vos collegeram, ut nostris participarem; existimans multo esse præclarior publice prodesse, posteritati consulere, quam se ignaviæ dare, ludicris aut privatis actionibus tempus & vitam consumere. Itaque HISTORIAM DE REBUS HISPANIAE Latina lingua triginta libris confeci, quo ornameto carebat gens nostra, non sine externo convicio. Eandem deinde, sed auctam, multorum victus importunitate, vulgari lingua rudioribus dedi. *De Ponderibus & mensuris* libellum evulgavi; *De Rege, & Regis institutione* libros tres; postremo de *Iacobo Apostolo, de Editione Vulgata, de Spectaculis, de Moneta, de Morte Christi, de Annis Arabum, de Morte & immortalitate*; de singulis argumentis disputationes singulas uno volumine sum complexus. Malo fuit peculatus, qui erat eo tempore in nostra gente frequentes (liberius fortasse quam opus fuit, & tutum) stylo accusasse. Sed sedata tamen ea tempestate, & turbati maris fluctibus in malaciam compositis, extremam ætatem quasi postliminio ad veterem professionem retuli. Sacros libros illustrandi curam suscepi notis quibusdam, & minutis luminibus. Rem prorsus magnam, supra vires conatum: si libros singulos explicare ardua res est, omnes aggredi quantum? Non conquievi tamen priusquam saxum hoc, quod multo tempore versavi, ad montis cacumen perductum tandem constitisset, ingenti utique labore, magnis sudoribus. Cupiebam quidem Libros omnes sacros tentare, utrumque Testamentum amplecti; sed in medio cursu vires debilitatæ prohibuerunt. In senibus ingenium hebescit, labascit memoria, vires corporis situ quodam minuantur, & cadunt. Sic in veteri Testamento restiti, nec ultra tunc quidem conabar. Nostri hæcenus consilii causas, sed & vitæ partem explicui, otii, & secessus Hispanici rationem reddidi. Addam tamen, me in hac vigilia breviter confectatum, ne opus immensum scilicet cresceret, si varias aliorum explanationes referrem, & de omnibus disceptarem. Et aliqui in locis singulis, quæ mens Auctoris fuerit, quid verba sacra significant, paucis explicare, quid vetat? Laudem conficiendi in divinos Libros latissima Commentaria aliis relinquimus; quorum nostra ætate, & in nostro Ordine magnus est numerus. Neque mecum illis compono memor nostræ tenuitatis. Nos ex ægello nostro tenuis florum manipulos damus: ditiores offerent integra viridaria. Editionem vulgatam sacrorum Librorum, quam Ecclesia Catholica probat, & sequitur, ut par est, a capite ad ad calcem temer, sed cum iudicio; minuta non semper, neque magnopere aliquando curantes, potiora comestamur. Atque ita, ut nullus sit locus cum Iudeis, aut hæreticis controversus, aut etiam fraude corruptus, in quo non ostendatur

datur nostram interpretationem illorum fabulis multo esse sinceriores; idque ex fontibus, in quibus aliquem usum habebamus. Novam in sacros Libros diligentiam non sequimur, aliquando ab iis ipsis, qui eos castigarunt, concessa prorsus facultate. Gotthicis nostrorum libris antiquissimis adiuti sumus: in quibus magis sincera sacrorum Librorum versio ab Hieronymo facta conservatur, argumento præter alia, eius etiam in Psalmos interpretationem iis libris contineri, pro quonostri Codices septuaginta Interpretum versionem in illos mutarunt. Ex Hebræorum libris flores non paucos selegimus levi manu, metu noxii sub viridi herba serpentis. Benignum est tamen confiteri per quos profeceris. Summa, ex Hebræicis, & Græcis, Commentarii vice, Latina explicare tentavi; suscepti laboris is fuit scopus, ea ratio. Cum proventu sudatum sit in hoc stadio & palaestra, an inani conatu, nobis diiudicare fas non est. Sua cuique placeat, sat scio. Desormes liberi parentibus pulchri & venusti videntur. Navos non videt amor, quippe luminibus captus. Caritas operit peccata, ut Christi Apostolus ait. Vobis censuram permittimus. Ea vero præcipua causa in vestro nomine hoc opus emittendi. Melior cuiusque rei finis est quam principium; hoc est, posteriores curæ prudentiores. Sine provocationis suspitione tamen, quod displicuerit notato; si modo graviores curæ permiserint, nostraque cognoscendi voluntas fuerit & amor. Quo severior censura, eo gratia amplior. Vale

E I U S D E M

ad ANDREAM SCHOTTUM e Societate IESU in scholia sua ad
novum Testamentum Præfatio.



Ol'v e senescentem mature sanus equum, ne

Peccet ad extremum videndus, & ilia ducat.


Liceat nobis elegantis Poetæ verbis nostram intemperantiam dicam, an pruritus acculare, qui nec valetudine fractus, nec extrema ætate admonitus, nec curis aliis districtus possum cessare. Non senescentem solvere, sed senium verum erat. Ita est ingenium. Constitueram quidem annis superioribus, cum primum in vetus Testamentum Scholia perfeci, manum de tabula tollere, studiæ molesta abiicere, mihi vacare, & de discessu serio per otium cogitare; ad quod longæva ætas provocabat, & multa amicorum funera, quæ in oculis quotidie incurrunt: ad alicuius Cælestium templum arma suspendere, libros, serinia iam parabam cum voto, & carmine, quasi rude donatus gladiator, non meis meritis, quippe ignavus, sed gentis benignitate & venia: cum repente antiquo includor ludo, resumere arma cogor, & ex priori novus labor exurgit. Notas in vetus Testamentum publicare parabam, magni, & diuturni laboris opus. Monuerunt amici viri eruditi & prudentes, nostras in divinos Libros lucubrationes mutilas prodire Novo sublato; ad quod Lector festinare solet minori veterum cura. Quid facerem; quod consilium captarem potissimum? Repugnarem? Præfractus viderer. Consentirem? Vires onus novum recusabant. Librario tamen id per litteras flagitanti, morem gerere ex parte decrevi, adicere veteri novum

labo-

laborem, rudem quamvis & impolitum. Quem ut sumerem, alia præterea invitabant. Multa in hanc rem, & selecta, in adversaria superiori tempore collata: quæ mecum perire, ni ita facerem, necessum erat. Gotthicus apud nos codex in membranis magnæ fidei & antiquitatis, fortasse ante octingentos amplius annos descriptus, rerum, credo, potentibus Gotthis ante everfam Hispaniam a Mauris. Certe ante sexcentos triginta annos Ecclesiæ Hispalensi donatum, ad eius calcem scriptum est. Novum præterea Testamentum Syriacum perlegeram, & in eo præclara quedam notaram. Græcum postremo Testamentum nescio qua sorte nactus eram, quod Petrus Fagiardus Marchio Veleſius ad fidem sedecim Græcorum exemplarium castigavit, quæ magna diligentia undique congesti, neque impense parcens, nec labori, vir Græce doctus, & copiosus inprimis paterno Principatu, & uxoris amplissima dote, pari nobilitate. Præclarus in tanto Principe conatus & labor. Nihil sine labe tamen. Illud certe desideratur, ut variis Lectionibus, quas ad marginem minio adiecit, designaret ex quibus Codicibus singulas sumpsisset. Magnum id momentum fuisset, sine eo opus inchoatum; alioqui insigne profecto. Nam vix est locus in quo non consonent margines cum nostra editione Latina. Verum ex tanta concordia rursus oriebatur suspicio, eum in aliquem Græcum Codicem inscienter incidisse ex eorum numero qui post Concilium Florentinum ad fidem Latinorum multi sunt castigati, & cum illis penitus consentiunt. Ex eo pleraque hausisse cogitabam. De qua re, inter Genesii Sepulvedæ epistolæ, quinta & septima concertatio est illi cum Erasmo. Eam ob causam ea diligentia, eoque Codice parce & caute usi sumus, nec tamen prorsus reieciimus. Notationes quædam Lovanienses iuverunt, quas aliquando integras in nostra Scholia transtulisse fateor, ne silentio furripuisse quis accuset. Sed cum eo, si quid erratum est, fides Auctorem appellet. Hactenus nostri consilii & laboris rationem reddidi. In tuo nomine, ut hanc vasti Operis partem foras darem, tuum exemplum provocavit. Simul hoc officio, quale illud est, te exoratum cupiebam, ut Opus hoc sane ob ætatem tumultuarium severiori censura castigares priusquam lumen videat. Ad superiora beneficia, quibus me magnopere obstrictum sentio, hoc esset novum & illustre corollarium. Simul vestra opera, & nobilis Librarii industria, cupiebam, ut totum Opus quam emendatissimum in manus hominum veniret: Græca, & Hebraica accurate exprimerentur. Ea summa votorum erat, id præstolabar, cum isthuc nostras schedas misi, ut apud vos publicarentur; nunc mutato prælo eandem opem & gratiam flagito, sed posthumam. Vale.

THOMAE MALVENDAE

Suprema de suis Commentariis
Protestatio,

I.  AEC Lectorem scire cupio, me in nova ista S. Scripturae ex Hebraico Translatione secutum exactissime verba ipsa, & ordinem verborum, qui Hebraice positus est; quod fecisse semper vidi viros in ea transferendi arte praestantes: & existimo vim, sensum, mentem, rationem, animum ipsum sacrarum Scripturarum aliter satis exprimi non posse. Vide quae notavi ad Prologum Ecclesiastici; & considera ibi inprimis verba S. Hieronymi quae adduxi.

II. Tempora ipsa verborum, quae Hebraice ponuntur, in Translatione sine mutatione conservavi: praeterita praeteritis reddidi, futura futuris, Vau hippuch, seu conversivum perpetuo observavi, quod sensui sacrarum litterarum cumprimis convenire arbitratus sum, neglectis recentiorum Hebraeorum vanis & praeposteris observationibus.

III. Nomina Dei ininterpretata ubique retinui, ut sciret Lector quodque quo loco poneretur.

IV. In Commentariis curavi omnibus viribus ut sensum explicatissime historice exprimerem.

V. Adhibui, superiorum permisso mihi lectas, quorundam Novatorum expositiones, quod usu & linguarum notitia aliquid ad institutum viderentur afferre, & quo eorum argutias etiam saepius coarguerem; non quod fidei ipsorum, religioni, alienationi a S. Ecclesia Catholica Romana, pravisque ipsorum placitis ullo pacto adhaserim, a quibus quam longissime semper absuit animus meus.

VI. Et in Translatione, & in Commentariis usus sum saepesaepe vocabulis ad normam Latinitatis confectis, ad evidentiorum & maiorem rei de qua agebatur elucidationem.

VII. Constitueram totam Sacram Scripturam usque ad ultimam Apocalypsim ea interpretandi ratione qua coeperam, alacriter percurrere; sed Deus Optim. Max, in xvi. cap. Ezechielis, valetudinem viresque impetu discecit, anno meo climacterico; cui Domino laus, honor, gloria in saecula. Professus me semper ex animo in communicatione, religione, fide orthodoxae Ecclesiae Romanae & vixisse, & mori libentissime. Et si mihi quidquam imprudenter (non quidem ex animo) exciderit in meis scriptis alienum a doctrina S. Ecclesiae Romanae, totum retracto, & pro scripto haberi nolo, meum caput, & omnia summi dictatoris Romani Pontificis Christi in terris vicarii pedibus submittens.

F. THOMAS MALVENDA.

E I U S D E M

* Monita ad Lectorem.

I. Auctores quos citamus vidimus.

II. Citamus ad maiorem firmitatem.

III. Varietas operis delectat.

IV. Adducimus varios ad enucleandam eandem vocem Hebraicam, cum inest difficultas.

V. Citamus quosdam Patres ad varias e Græcis versiones, quæ potius forsam, sunt eorum interpretum.

VI. In expositione locorum Scripturæ multa invenies in nobis quæ non apud, explanatores.

VII. Me numquam novam a me excogitatum interpretationem comminisci, sed Patribus, & explanatoribus inhærere.

* *A voce Auctoris in musæ invenio: verba descripsimus ex Exilegomenis præmissis editioni Lugdunensi an. 1650. nump. VII.*

DEO OPTIMO MAXIMO

Domino universorum

IOANNIS STEPHANI MENOCHII Societat. IESU pia, & submissa Operis dedicatio.

Cui enim potius quam tibi, o Summa mens, & bonorum omnium fons, hæc consecrentur? Aut quid æquius videri possit quam ut omnia bona, quæ ab oceano illo tuo affluenter in hominum genus derivantur, ad eundem ipsum resuant? Hic divinarum Litterarum apparatus, in quo illustrando qualiscumque opella mea sudavit, totus est tuus, & te vere scientiarum Deum, & prælidem æternarum veritatum agnoscit, & prædicat. Tua sunt effata, oracula, præcepta, consilia, & scholæ bonitatis apertæ ad mundum instruendum. In tua luce videntur videntes, tuo instinctu cecinerunt pii vates, tuo asslatu Sancti monumenta sua condiderunt; e tuo sinu prodeuntes Apostoli, principes super omnem terram constituti, & doctores universitatis, sacra monita reliquerunt; Evangelistæ tui amanuenses religionis primordia, Servatoris eroica facinora, vitam, mortem, & triumphos, æconomiam salutis, politiam christianam, te stylum, & cogitationem dirigente, sempiternæ memoriæ prodidere. Hæc omnia cum te agnoscant ducem, auctorem, & Dominum, tibi omni iure debentur, & meritissimo consecrantur. Iam vero si me video, qui minimus sum tibi servientium, cui mea vota suspirant, & vitæ professio, quid est in hoc opere non tuum? Si quid a me, excogitatum est ad arcanos tuos sensus, & verba vitæ ex-

po-

ponenda, in tenebris & obscuritate, in qua tamquam honorato velo pretiosa illa mysteria occultari voluisti; ad sacrum honorem apud homines conciliandum, tu e pharo bonitatis tuæ faciem prætulisti: ut mecum omnes agnoscerent, nisi te velut manu patefaciente, ad divinos fontes aditum non patere, ne superba hominis intelligentia, quæ in rebus subtilibus inveniendis, atque interpretandis gestit, & exultat, tribuat sibi quod tibi uni debetur. Hos ergo mentis fetus, & laboris fructus si dedicavero tibi, o mundi opifex, moderator, & custos, nihil non tuum adferam, nihil quod non mille & mille modis tibi debeatur. Alii ad tholos sacratissimorum tuorum templorum suspendent aurea anathemata atque gemmea: quippe de tuo locupletes, & sub te copiosi habent multa clara & rara quæ offerant; ego inops meritorum, & a magnis imparatus, hoc specimen industrie defero, & piorum studiorum. Tu, o Rex gloriæ, illumina vultum tuum super hoc opus, & consueta bonitate perface ut cedat ad gloriam tuam, & eorum bonum qui ad scientiam divinarum Litterarum animum suum appellent, donec revelata facie, & in domo tua persuli claritate luminis tui, plenius te, & tua videamus, Amen.



I D E M

ad Lectorem.



Emo mihi arbitror iure succenseat, amice Lector, si post tam multos sacrarum litterarum Interpretes, quorum maximum sane inventum nostra hæc ætas tulit, ego etiam earumdem interpretationem aggredi non sim veritus. Hæc enim sacrorum librorum prærogativa est ut quemadmodum ab ipsius Ecclesiæ ortu splendidissima quæque ingenia in eis illustrandis elaborarunt, ita & nostro ævo, & iis quæ subsequenter sæculis haud dubie defuturi non sint qui in illis explicandis laborem, & industriam conferant. Tanta est enim, ut cum Augustino loquar, christianarum profunditas litterarum ut in eis quotidie proficere possimus, si eas solas ab ineunte pueritia ad decrepitam senectutem maximo otio, summo studio, meliorem ingenio conaremur addiscere. Tam multa enim semper, tamque multiplicibus mysteriorum umbraculis opaca intelligenda proficientibus restant, tantaque non solum in verbis quibus ista dicta sunt, verum etiam in rebus quæ intelligendæ sunt, latet altitudo sapientiæ, ut annosissimis, acutissimis, flagrantissimisque cupiditate discendi hoc contingat quod eadem Scriptura quodam loco habet: *Cum consummaverit homo tunc incipiet*. Neque vero maximis tantum ingenii in sacrarum explicatione litterarum locus est; sed, quemadmodum in magnorum molitione ædificiorum, præter summos architectos, minorum etiam gentium artifices subserviunt, cæmentarii, calcarii, latomi; ita, post Sanctos Patres Ecclesiæ magistros ac doctores, Augustinum, Hieronymum, & alios huiusmodi, multi semper extiterunt, qui ingenio, & faciliatate, præsertim si cum summis illis componantur, fortasse mediocri, non tamen mediocriter profuerunt, & qua erant cupiditate incensû de sacrarum litterarum studiis bene

bene merendi, rationem aliquam excogitarunt qua sacro huic studio cum sua æque aliorumque utilitate operam navare possent: quorum conatus, ut ab optima mente profectos, secundus etiam (quemadmodum ex eorum lucubrationibus, quæ passim omnium manibus teruntur, apparet) & quamipso operaverant eventus excescit. In horum ergo numero, qui, quantum per alias occupationes licuit, hisce litteris addictus fuisset, ut venire possem, ea mens incidit, ut breves in universam Sacram Scripturam vulgaræ editionis explanationes darem, quibus litteralem quem appellant sacri contextus sensum, ambagibus, digressionibusque resecatis, facile, & non multi temporis impendio quilibet assequi posset. Quod opus quamquam ab aliis tentatus est, primum ab Emmanuele Sa, deinde a Ioanne Mariana nostræ Societatis hominibus, & a Guilelmo etiam Estio (ut de recentioribus tantum verba faciam) adhuc tamen a divinarum litterarum studiosis aliquid magis absolutum desiderari sentiebam. Nam Mariana integros aliquot libros intactos reliquit, nec tam in eo ut bene sacri codices intelligerentur elaboravit, quam quæ ipse notaverat ad lectionum varietatem spectantia, aut Hebraici textus cum Latina editione ac septuaginta virorum interpretatione concordiam, ad publicam utilitatem evulgavit. Estius (quod consilium ipsius fuisse profitentur qui posthumas eius notas in Scripturam ediderunt) carptim multa delibavit, omnia persequi vel noluit, vel, aliis exclusus occupationibus, non potuit. Emmanuel vero Sa, licet nullam paginæ divinæ partem interpretatus non sit, brevis tamen adeo est, ut multorum voris, qui paulo uberiores desiderant explanationem, locum fecerit. Hancego, Lector, aggredior voluntate sane maicri quam facultate. Spes tamen est non ingratus fore sacrarum litterarum candidatis conatum hunc nostrum: nam breviter cum perspicuitate, quantum licuit, conciliare conati sumus, & ex optimis quibusque Scriptoribus ea selegimus quæ sacri textus sententiam planam facerent; & nisi quid de nostro quod ad loci faceret interpretationem haberemus, fuscæ ab aliis disputatæ in pauca, quantum fieri potuit, contraximus; illudque universe spectavimus ut in notationibus hisce, quamvis brevibus, nulla tamen esset iners, & cuius nullum esset operæ pretium. Hæc est, amice Lector, operis huius nostri ratio, hoc consilium. Faxit Deus ut quod ad ipsius gloriam, & legentium profectum institutum est, ad finem etiam, Numine bene favente, perducatur. Vale.

I A C O B I T I R I N I

Præfatio ad Lectorem.



I T Sacra Scriptura nihil utilius est homini Christiano, nihil iucundius, nihil Theologo scitu magis necessarium; ita nihil quoque difficilius, nihil obscurius. Difficilem inter alia faciunt ipsa mysteriorum celsitudo & sublimitas, ut quæ fidem humanam, & captum naturalem plerumque excedunt, & fere sola Dei revelatione nobis innotescunt. Obscuram reddunt eadem illa mysteria miris tenebris involuta, tum phrasæ & modi loquendi, ut antiquitate, sic & singularitate sua nostris multum dissimiles; idiotismi Hebraici, & Græcici pene ubique obvii; parabola, adagia, tropi admodum insolentes; auxefes, ironiæ, metaphesæ, contradictiones in speciem frequentes; nomina propria personarum, urbium, regionum exsoluta; arbores, fructus, herbæ, aromata, gemmæ, lapides vix ullis auditi; denique instrumenta, & lemmata geometrica, architectonica, astronomica, aliaque aliarum artium paucis explorata. Certe S. Augustinus a (& qualis ille quantusque Doctor?) Publice, inquit, proficetur, tantam esse Christianarum profunditatem litterarum, ut in eis quotidie proficerem, si eas solus ab inenite pueritia usque ad decrepitam senectutem, maximo otio, summo studio, meliore ingenio conarer addiscere. Unde alibi exclamat b: Mira profunditas eloquiorum tuorum! quorum ecce ante nos superficies blandiens parvulis; sed mira profunditas, Deus meus, mira profunditas! Horror est intendere in eam, horror honoris, & tremor amoris. Similia habent Origenes, Ambrosius, Chrysostomus, Hieronymus, Gregorius, c & alii SS. Patres. Et velint nolint, fateri coguntur ipsi quoque hæretici nostri, quoties ad rem veniunt & pugnam; licet extra pulverem, inter aniculas & pocula subinde deblaterent, Scripturam per se apertissimam & clarissimam esse, ideoque etiam cædombus, & sartoribus, & fororibus in Christo non læsitandam modo, sed & emucleandam ac diiudicandam. Sic passim clamitant, nempe ne suas contristant delicias. Sed cum manus operi admovenda, mox aliter cantillant. Pro omnibus unum audiamus omnium antesignanum & Principem Lutherum d. Hic explicandos suscepit Psalmos Davidicos. Sed primo statim initio tam difficiles, tam obscuros expertus est, ut publice fateretur se susceptori operi parem non esse; atque inter alia, Nolum, inquit, ab illo id de me præsumi, quod nullus adhuc præstare potuit etiam sanctissimorum, & doctissimorum; id est, Psalmorum in omnibus suo legitimo sensu intelligere, & docere. Sat est aliquot Psalmos, & eosdem ex parte intellexisse. Multa sibi reservavit Spiritus sanctus, quo nos semper discipulos habeat: multa solum ostendit, ut alliciat: multa tradit, ut afficiat. Et infra: Scio esse impudentissima temeritatis enim qui audet profiteri, unum Scriptura librum a se in omnibus partibus intellectum. Magistro subscribunt Brentius, Kemnitius, Centuriatores e, & alii complures. Si hæc de

a August. Epist. 111.

b Lib. XII. Confess. cap. 21v.

c Origenes Lib. VII. contra Cels. Ambros. epist. xlv. ad Constant. Chrysost. hom. xl. in Ioan. Hieron. præfat. in Epist. ad Ephes. Gregorius hom. vi. in Ezech.

d Luther. præf. in Psalm.

e Brent. in sua Conf. Vvitemb. cap. de S. Script. Kemnit. in Exam. 1v. scilicet Trident. Magdeburg. Cent. I. lib. II. cap. 1v.

de singulis libris ex animi sententia, & merito pronuntiant; quid sensisse putandum de omnibus simul voluminibus?

Porro pellendæ huic obscuritati, & difficultatibus expediendis infudavit omnis omnium Pastorum Ecclesiæ, omnibus sæculis, tum in antiquo, tum in novo Testamento labor & industria: tot versiones Bibliorum, tot interpretationes, tot paraphrases, tot scholia, tot commentarii, tot homiliæ, tot volumina, tum Sanctorum Patrum tum Doctorum Ecclesiæ, uni illi rei, hoc est tricus Scripturarum enodandis, inserviunt. Quin & Scholasticorum, quos vocant studia conatusque omnes, an non huc potissimum tendunt, ut quæ in sacris litteris obscura implexaque reperiunt, claris commentationibus illustrent & enodent, solidisque rationibus stabiliant. Et est profecto pretium operæ: nam (ut aliquid etiam de utilitate necessitate dicam) a S. Scriptura, ut fundamento, ut matrice, ut magistra pendent omnia. Sine hac nec Philosophia constans, nec Theologia solida, nec aliæ scientiæ perfectæ: sine hac nec cathedræ stant, nec pulpita: sine hac, vaga, & vana omnis disputatio, insulsa omnis concio, insipida de divinis colloquia: sine Scripturæ adminiculo nec tuto instruas proximum, nec sine periculo concurras cum hæreticis, cum Iudæis, cum Mahometanis, cum Atheis. Quin & in amicis confabulationibus maxime cum personis generosis & cordatis, quam probrosum Theologo non ad unguem callere S. Scripturam? Vidi ego non sine magno meo rubore cespitantes hæsitantesque etiam insignes Theologos, cum a viris gravibus super mensa, vel in rheda vel in navi rogarentur varia ex Scripturis etiam sat obviis, nec quidquam responderent ad rem, v. g. ex Psalmis quis esset ille draco, quem formavit Deus ad illudendum ei: Psalm. ciii. vers. 27. cuius caput contribulavit & confregit in aquis, deditque eum escam populis Aethiopum! Psalm. lxxviii. vers. 13. 14. Quid sibi velit, Rex virtutum dilecti dilecti, & species domus dividere spolia? Si dormitis inter medios clericos, penna columbe deargentata, & posteriora dorsus eius in pallore auri dum discernit celestis reges super eam: Psalm. lxxviii. vers. 13. 14. 15. Ex Jeremia, quæ ista tam terribilis columna, a cuius ius facie gladii fugiendum sit; Jerem. i. vers. 16. Quod cornu filius olei Isaïæ, in quo vinea fuit sponsi: Isaï. v. vers. 1. Quæ cornua, qui fabri, quis murus igneus, quis lapis stanneus Zachariæ; & duo filii olei; dua spica olivarum iuxta duo rostra aurea, in quibus suffusoria ex auro? Zach. i. 11. & iv. vers. 10. 14. & 15. Quis Iobi Leviathan, quis Behemoth? Iob. iiii. vers. 8. & cap. xl. vers. 10. Et possunt alia eiusmodi proferri millena ex Canticis, de serculo Salomonis ex lignis Libani, cuius columna argentea, reclinatorium aureum, ascensus purpureus, media caritate constrata. Corona sponsæ de capite Amara, de vertice Sanit, de cubilibus leonum, de montibus pardorum. De quadrigis Aminadab: equitatu in curribus Pharaonis. De acervo tritici, de cratere tornatili, de hinnulo caprea, de turre eburnea, de piscinis Hesbon, de turre Libani respiciente Damascum, de purpura vinica canalibus; & alia, quibus sponsæ venter, umbilicus, nbera, collum, oculi, nasus & coma capitis comparantur: Cant. iiii. vers. 9. 10. cap. iv. vers. 8. cap. vi. vers. 11. & cap. i. vers. 8. cap. vii. usque ad vers. 6. Item ex aliis Scripturæ libris, quid gomor, bin, satum, cabus, corus, ephi. Quanti pondetis sclus, mina, talentum, drachma, pondium, dipondium, & alia, quorum toties meminit liber Exodi & Levitici. Quis iragelaphus, pigargus, oryx, camelo pardalus, charagrillus, grips, haliaetus, ixion, larus, porphirion, onocrotalus, charadrius in Deuteronomio, cap. xiv. Quid misach sabbati, in Libris Regum: IV. Reg. xvi. vers. 18. Qui Iudæi principes in Moach, quorum unus

{ an

(an instar Iosue) *flare fecit solem* : alter *vir mendacii* ; tertius *securus* ; quartus *incendens*, in Libris Paralipomenon? I. Par. IV. vers. 22. Quæ *Regina*, ibidem, tam secunda, tam potens, ut *virum pepereris*, & quidem venustum ac decorum? I. Par. VII. vers. 18. Quæ *Danieli filia feminarum*? Dan. XI. vers. 17. Quis *Sapientia*, *Verba Congregantis filii vomentis*? Prov. XXX. vers. 1. Quis *aceruus Mercurii*? Prov. XXVI. vers. 8. Quæ *lingua morti contraria*? Eccli. XXIII. vers. 15. Quæ *lingua prophetæ corpus mortuum*? Eccli. XLVIII. vers. 14. Quando *forebit amigdalis impinguabitur locusta, dissipabitur capparitis*: *rumpetur funiculus argenteus, recurret vitæ aurea, conteretur hydra super fontem, & rota super eisernam*? Eccl. ult. Quis *impiorum dulcis erit glareis Coccyi*? Iob XXI. vers. 33. Et similia infinita ; quæ nisi prompte solideque dissolveris, næ sannis exploderis & sibilis. Levia tamen hæc. Grave, Theologum, animarum pastorem, verbi Dei præconem, ceteroqui servidum ac zelosum, cum hæreticis compositum, ad manum non habere quo blasphemia illorum ex corruptis, vel mutilatis Scripturis deliria detegat, quibus cultum Dei, invocationem Sanctorum, venerationem imaginum, necessitatem bonorum operum, iustificationem fidelium, usum tot Sacramentorum, liberum hominis arbitrium, Romani Pontificis primatum, Sacrorum Conciliorum, Patrum, Doctorum Ecclesiæ auctoritatem, sacerdotum celibatum, Religiosorum vota, regulas & instituta, denique mysteria omnia Christianæ fidei convellere nituntur. Et quis non ingemiscat, in solenni pugna blateronem hæreticum audacissimè quidvis effutire, Catholico Doctore linguam hæere? Quis non indignetur, eundem cum Iudeis, cum Mahometanis in arenam delapsum, in limine cespitare, pallefcere, balbutire, & quasi prodere causam Dei ; cum adversus illos, seu ex *sepectro Iudæ*, seu ex *septuaginta hebdomadibus Danielis*, seu ex *quatuor monarchiis*, seu ex tot aliis antiqui Testamenti mysteriis & figuris demonstrandum est, *Messiam* celitus promissum *advenisse* iam pridem, & verum *Dei Filium esse*, & *Patris ac Spiritui sancto consubstantialem esse*, aliaque fidei nostræ fundamenta ex aliis Scripturæ locis eruenda, firmanda, stabilienda sunt?

Ast, inquit, hæc omnia iam olim eruderant, stabilierunt, demonstrarunt Origenes, Tertullianus, Hieronymus, Ambrosius, Basilus, uterque Gregorius Nazianzenus, & Nyssenus, Chrysostomus, Irenæus, Cyrillus, Augustinus, Theodoretus, Gregorius Magnus & tot alii sancti Patres, tot Doctores omnium sæculorum: & nostris quoque temporibus pene infiniti, tum ex nostra Societate, tum ex aliis Religiosis Ordinibus, tum ex Clero seculari, doctrinæ & sanctitate perillustres viri, quorum Commentarii ad manum sunt. Sunt, fateor, ad manum, sed non cuivis: & ut essent, quoto cuique tantum otii est, quantum illis evolvendis necessarium est? Quotus quisque, tanto tempore, tanta patientia (de opibus iam sileo) abundat, ut perlegere sustineat, v. g. Bened. Pererit in solam Genesim tomos in folio quatuor, & Alfonso Tostati totidem in solum Pentateuchum, eiusdemque in unius Matthæi Evangelium alios tomos quatuor? Quis alterius Alfonso Salmeronis, in quatuor Evangelia & Acta tomos duodecim, Ioannis Villalpandi in Ezechielem tres, Ioannis Lorini in librum Psalmorum duos, Franciscus de Mendoza in octo prima capita libri primi Regum tomos item in folio duos. Quis denique Ioannis de Pineda, Martini Delrionis, Ludovici de Puente, & tot aliorum crassissima volumina evolvat, quo sensum genuinum hauriat unius, & non prolixi Cantici Salomonis?

At non omnes ita luxuriantur, non omnes tam prolixe scribunt. Franciscus

Ri-

Ribera, Ferdinandus de Salazar, Cornelius a Lapide, Nicolaus Serarius, Gaspar Sanctius, Iacobus Bonfrerius, & plures alii tum nostri, tum aliorum Ordinum, brevioribus commentariis maiorem Scripturæ partem elucidarunt. Ita profecto est: atque utinam iis qui adhuc supersunt, tandem vires suppetant, quo ad opus perfectum dederint, totamque Scripturam similibus commentariis illustrarint. Verumtamen etiam hi ipsi commentarii, ut doctissimi, ut omni ex parte perfectissimi sint, plerisque occupationibus (ut fere iam omnes sunt, in omni vitæ statu) nimis adhuc prolixi sunt. Et optant pene communibus votis alium longe breviorum Commentarium, qui quoad fieri potest, accurate & perspicue, sed succincte, non omnes (nam multi sat faciles, sat obvii sunt) sed difficiliore locos S. Scripturæ tali modo & methodo enodet, ut a lectore, sine nausea, brevi temporis spatio, nec prolixiore quam ipse Scripturæ textus evolvi possit.

Hoc votum omnium, hoc commune desiderium prima mihi causa fuit presentis Commentarii, quem hic vides, de novo concinnandi, quem nihilo prolixiore spatio, quam ipsamet Biblia percurrere, Lector, possis, tantamque semestri, uno, si binas ternasve quotidie horas impenderis, scientiam Scripturarum haurias, quanta vel ad hæreticos, & similes Ecclesiæ hostes refellendos, vel ad sciolos, etiam curiosissimos satiandos, vel ad plebem & pulpito, vel ad discipulose cathedra instruendos, opus habueris. Et quanti est, tantum temporis iacturam prolixioribus commentariis evolvendis, fuisse hac brevitate redemptam? Sed accessit & altera causa, spesque alterius utilitatis nihilo præcedente levioris. Nempe; si ad manum esset eiusmodi brevis & concinnus commentarius, fore ut ad mensas Prælatorum, ac Religiosorum ubi ex antiquo usu, eoque laudatissimo Biblia quotidie præleguntur, idem Commentarius post singula capita Bibliorum, vel, ubi hæc prolixiora sunt, post dimidiata subnectatur. Hac enim via (ut alia commoda taceam) nullo suo labore instruentur etiam qui in sacris litteris alioqui rudes prorsus sunt; cum enim audient a lectore mensæ, S. Scripturam sibi non modo prælegi, sed & explicari, sine molestia, sine temporis iactura, magna voluptate haurient una cum cibo sensum, & mysteria eiusdem Scripturæ; cum nudum alioqui textum nullo velexiguo fructu sæpius & prælegi, & relegi experientia doceat. Consultetur etiam otio aliorum qui peritiores sunt, sed aliis occupationibus distenti, studio S. Scripturæ vacare non possunt: nam his saltem memoria renovabitur, novi utilesque conceptus suggerentur, & varia dubia subnascencia dissolvantur. Omnibus denique occasio & materia dabitur, mox a mensa loco inutilium colloquiorum, de S. Scriptura, rebusque controversis agendi, disquirendi, & amice discceptandi.

Sed hæc sufficere forsitan alicui videbuntur Notæ breviculæ, quas in universa Biblia subministrat Glossa Interlinearis, vel Ordinaria; vel Nicolaus a Lyra, vel Vatablus, vel Emmanuel Sa, vel Ioannes Mariana, vel Franciscus Haræus, vel Ioannes Menochius, viri ab omni scientia instructissimi.

Verum & hi quoque (fidenter dico) ut scopum quem sibi proposuerant, seu brevitatæ asseclandæ, seu fontium Hebræorum Græcorumque obiter elucidandorum, seu sententiæ sanctorum Patrum orbi manifestandæ, probe consecuti sunt; sic quem nos hic ante oculos proponimus, satisfaciendi etiam curiosissimis ingenii, instruendi omnibus necessariis armis pugiles fidei, idque non minus solide, quam succincte, & si placet, etiam inter epulas, non pari modo attingunt. Teneat, & periculum faciat cuicumque lubet. Ex prima pagella, ex prima linea dicet

fecit nostro huic instituto non æque convenire. Non placet, præsertim accumbentibus, quædam Grammatica, æque Syntaxis. Displicet auribus tertio quoque verbo ingeminatum, id est, Scilicet, Quasi dicas, Sic legit Theodotion, Sic Aquila, sic R. Kimchi, sic Onkelos, sic Græci, sic Chaldaus Paraphrastes, sic Augustinus, sic Chrysostomus, sic Basilus. Neque grata tot commata, tot sectiones. Et licet ab attento lectore forsân capiantur, sitim tamen non restinguunt, sed æciunt; ab auditoribus vero, ut nimis incisa subinde & hiulca, nec si septies prælegantur, capi aut intelligi possunt. Magis sapit illud commentandi genus quod partim historicum, partim didacticum sit, neque post pene singula verba disruptum; quodque uno quasi filic plures, mutuoque iunctas sententias simul explant. Hoc modo consulitur non minus audientium voluptati quam commodo.

His igitur ut faciam satis, atque imprimis ut obedientie nutibus obsequar, præsentem Commentarium concinnandum suscepî, non ex proprio sensu vel ingenio (absit in re tam sacra, tam sublimi) sed ex placitis SS. Patrum, & Doctorum Ecclesiæ, ex optimis & probatissimis quibusque tum veterum, tum recentiorum scriptis. Et licet non semper, neque ubique exprimam nomina singulorum (nam cui id bono ?) quando tamen probatio non ex sola ratione, aut contextu, aut ex fontibus, aut ex locis similibus, sed etiam ex auctoritate petenda erit saltem in re graviore, tum nomina Patrum, Doctorum, Interpretum, quibus hausi, exprimam: sed verba ipsa Auctorum, nisi (quod dici solet) *pauca obvia, multis necessaria* deprehenderim, non exprimam. Auctorum libros & capita ad marginem adnotabo: sic tedium non pariam, & tamen fontes unde hauserim aperiam. Cum vero nudum Auctoris nomen adscribam nullo notato libro, scias ipsum dixisse illud in Commentariis suis ad eundem locum; nam si alibi dixerit, id in margine exponam. Stylo & phrasi (ne quid etiam inde molestiæ,) utar vulgari. Verbis superfluis & inaniloquentia abstinēbo. Quod uno dixi loco, etsi recurat, non repetam; quo vero facilius reperiri possit quod uno loco dictum, pluribus, ubi recurrit subservire debeat. Indicem nominum & rerum ad calcem operis adiciam, e quo statim, primo inspectu quid, quo loco expositum fuerit, deprehendi possit. Adiciam, & alium Indicem Auctorum toto Commentario citatorum, qui, quales, quando vixerint, quantæ auctoritatis sint. Denique in gratiam Concionatorum, tota Biblia materiasque omnes, & utiles conceptus in Commentario expositos ad Evangelia totius anni revocabo, & ex iis alium Indicem concinnabo, cuius vel solius ducta poterunt ex hoc Commentario pluribus etiam continuis annis (ni desit ingenium) commode suas conciones colligere, & pro dignitate dicere non modo ad plebem, sed & ad doctos & principes viros. Sed hæc per digressionem. Redco ad Commentarium, in cuius decursu litteralem sensum, basim & fundamentum reliquorum, ac primario intentum a Spiritu sancto, ubique urgebo & pro viribus stabilium: sic tamen ut & allegorica, & anagogica, subinde & moralia (saltem nobiliora) & historica, quin & controversa cum hæreticis, Mahometanis, Iudeis, denique & Scholastica dubia perstringam ac dissolvam; breviter quidem, sed clare, sed solide, nihilque omitam vel necessarium vel instituto nostro utilem. Varias lectiones ex Hebræo, ex Chaldaeo, ex Septuaginta & aliorum Interpretum Græco textu, & ex Rabbinis quoque, cum operæ pretium fuerit, attexam; ex Historiis seu Ecclesiasticis, seu politicis, quæcumque ad rem facient, adnectam.

Quæstiones de Chronologia, de Genealogiis, de Ponderibus, de Mensuris, uti ad intelligentiam S. Scripturæ necessario enodandæ sunt, & lectoribus utilissimæ simul ac gratissimæ, ita auditoribus, maxime super mensa & inter epulas, ingratae ac ieiunæ esse solent. Hinc non inferam Commentario, sed præmittam. Præmittam quoque explicationem Idiotismorum, seu proprietatum Hebraicarum, Græcarumque, quæ pluribus locis occurrunt, & textum sæpe obscurant. Sensus mysticos, qui vel faciles, & ultro obvii sunt, vel nimis abstrusi, aut longe petiti, quod scopo nostro minus convenient, vix attingam; attingam semper nobiliores, & si quando constabit (ut non raro) a Spiritu sancto intentos fuisse.

Pro chronologia serviet ex parte *Tabula Terra Sancta* quam Chronico præfixi, pro aliis regionibus videri possunt *Tabulæ Geographicæ* Adricomii, Ortelii, Mercatoris.

Denique sic brevitati studebo, ut claritati nusquam desim, & nauseam semper vitem, & numquam omitam quod aliqua ex parte in rem nostram faciurum deprehendam.

Porro in hoc Commentario concinnando, quam difficile subeam provinciam, non ignoro. Neque tamen despero fore, cum bono Deo, ut faciam hoc in genere plerisque satis. Et quibus satis non fuerit, aut qui aliquid erratum deprehenderit, facile (scio) excusabunt, ignoscentque in opere tam prolixo, tam vario, tam molesto. Atque utinam qui scientia, viribus, eloquentia, stilo plus valent, suppleant quod defuerit, corrigant quod deviarit, quod nimis rude expoliant. Mihi non levi solatio fuerit, tale opus inchoasse. Fave quicumque es Lector, & amico labore utere, & fructe, & Deum, a quo omnia, pro me ora.

Quo auctore singuli libri conscripti sint, quo item tempore, qua occasione, & quid summatum complectantur, in præfatione singulorum exponetur. Auctoritas etiam quorundam, qui ab Heterodoxis in dubium vocantur, ibidem subtilis dubitandi causis, comprobabitur ac stabilietur. Denique quo tempore, quo ordine singula quæ his libris enarrantur gesta sint, Chronicon primis xxxvii. capitibus edocebit.

Censuræ Doctorum, & cum primis S. Romanæ Ecclesiæ omnia subiecta volo.

I D E M

Sacræ Scripturæ Studio.



Ommodis tuis ut consulam, brevis ero, nec tamen obscurus, saltem assuetis simili studio. Sed tironibus quid faciam; quid insuetis eiusmodi palæstræ? quibus tamen, utpote magis indigis, consultum præ aliis velim. Equidem pro virili conabor ut & his non inutilis sit hic labor, dummodo ipsi sua ex parte, cum sciendi aviditate, & humili ad Deum prece, debitam afferant in legendo diligentiam, in studendo sedulitatem, in modo ac methodo discretionem. Nec cursim, nec saltatim, nec carpeim, ut canis Nilo; nec perturbate, nec tumultuarie, ut vulpes Samsonis; sed sedato animo, sed tranquillo, sed serio, sed constanti rem aggrediantur: certam sibi horam quo-

tidie unam alteramve præfigant, quibus liberi ab aliis studiis, & curis, uni-
 cræ Scripturæ vacent. Ante omnia suadeo, Chronicon evolvi, quod idcirco
 primo loco posui; dein reliqua prolegomena eo ordine quo scripta vides. Chro-
 nicon enim breve compendium est totius S. Scripturæ, & in eo digestam per
 tempora reperiēs totius mundi historiam, ab illo primum condito usque ad ex-
 cisum a Tito templum, & urbem Ierosolymitanam, & extinctam Synagogam
 Iudaicam: nam ad illa usque tempora sese extendit S. Scriptura. Experientia vo-
 ro discēs quantam lucem pariat concinna temporum digestio.

Quæ de monetis, de mensuris, de dimensionibus notavi in discursu S. Scriptu-
 ræ, passim usui erunt, & hoc adminiculo facile penetrabis quæ alioquin im-
 pervia forent. Idiotismi Hebraici, & Græci fundamenta fere continent totius Com-
 mentarii: aperiunt quæ propria sunt illis linguis: explicant phrasēs, & tropos,
 quibus Hagiographi sua involvunt: modum etiam in genere docent e tenebris eruē-
 di genuinum Scripturæ sensum. Unde non raro deprehendes in decursu Commen-
 tarii te ad hæc consulenda remitti, tamquam ad capita, fontes, & faces, e qui-
 bus optatam lucem haurias: neque alias possibile esset tam brevi Commenta-
 rio tam multas difficultates & tricas non iam dico enodare, sed vel aperire,
 vel indicare.

Porro cum hæc utcumque callueris, ad textum accede, evolve sacram pa-
 ginam, lege animo non minus pio & attento quam sciendi avido. Ubi facilis
 est littera, nec latent sensus mystici, percurre, nec inhæreas; ubi mysteria la-
 tent, vel littera obscura est, vel connexio difficilis, quære, si potes, tuo Marte,
 cogita, recogita, solve, revolve, saltem tenta, & conare. Si quid occurrat quod
 adlucescit, vel si post serium conatum nihil decurrat, adi Commentarium, con-
 sule quid hic censeat. Et si quidem tibi satisfecerit, adquiesce, & manda me-
 moriæ; sin minus, conare meliora eruere. Non suus deerit conatui fructus, &
 facile erit inventis addere. Hoc conatu, hac animi contentione mirum quam
 plurimi profecerint. Proderit & cum alio eorumdem studiorum socio conferre
 confabulando, disputando, certando, apparentes antilogias, quæ sæpius in Scri-
 pturis occurrunt, in medium producendo, urgendo, conciliando, atque hunc in
 finem contextui quartum indicem, Sed omnium maxime iuverit quæ legeris, alios
 docuisse, aliis exposuisse.

Unum moneo, ne proprio ingenio, quamvis excellenti, nimium indulgeas;
 Corrupt illud plurimos tum veterum, tum recentiorum. Neque enim semper in
 genuinum S. Scripturæ sensum est, qui primum obviis, vel studio solertis ingenii
 deprehensus, vel ex sono verborum arte expressus est. Ad scopum Hagiographi
 ante omnia collimandum; dein antecedentia, & sequentia probe excutienda, &
 cum iis verborum, sententiarumque connexio; denique in dubis ponderanda quo-
 que auctoritas SS. Patrum, & Doctorum pro te, vel contra te sentientium,
 quos eum in finem, saltem in rebus alicuius momenti, semper adnotabo. Quod
 si hæsitare contigerit, quis citandorum Patrum vel Doctorum præponi, quis cui
 præferri iure debeat, adi ** indicem primum quem Commentario subnectam: ibi
 singulorum & ætatem quæ vixerunt, & doctrinam qua floruerunt, & sanctitatem
 qua

* Hunc ordinem in nostra editione servare non posuimus; sed Chronicon, & alia huiusmodi sacrarum Lite-
 rarum intelligentiæ opportuna adminicula in unum collecta dabimus post finem Commentariorum. Vide
 Præfat. gener.

** Inter indices nostros & is erit qui continet Auctores non in Titulo tantum Commentarii citatos, sed
 etiam in reliquis hac editione contentis: nec aliquis ex citatis in hac præfatione indicibus dimittetur.

qua plerique excelluerunt; & ceteras qualitates quæ auctoritati pondus faciant, expressius reperies.

Atque hæc de modo & methodo: iam ad materiæ delectum quod attinet, quamvis cordatum virum, & cum primis Theologum deceat omnia nosse quæ sacris Litteris continentur; ideoque maxime probem ut ab initio ad calcem omnia ordine evolvantur; quia tamen non omnium iste animus, suadeo ut quibus quisque vel eget, vel oblectatur, ea primum arripiat. Ordinibus sacris initiatus, horæ canonicæ tibi quotidie legendæ; Psalmos ante omnia percurrere. Pastor es animarum; ad concionandum sæpius Evangelia revolve, & Acta, & Epistolæ apostolicas; tum Prophetas maiores & minores. Historiis oblectaris, & chronicis, & bellis omne genus; habes Genesim, Exodum, Numeros, Libros Iosue, Iudicum, Regum, Paralipomenon, Iudith, Tobiam, Esdræ, Danielis, Esther, & Machabæorum. Philosophus es, philosophicis gaudes; Physicam reperies in Genesi, in Iobo, in Ecclesiaste, in Ecclesiastico; Metaphysicam in iisdem illis; sed maxime in Iobo, & in Psalmis; Geometriam, Arithmeticam, & alias Mathematicæ partes sparsim hinc inde reperies; mystica & symbolica in Sapientialibus passim, sed maxime in Cantico Canticorum, in Prophetis, in Apocalypsi.

Ultimum adiicio, ad solidiores fructus ex studio sacrarum Litterarum colligendos expedire quæcumque legis, ad praxim referas, & ad instructionem tui cum primis, dein & aliorum: secundum læta mores compone: ex iis ad vitia arguenda, ad virtutes commendandas pia monita hauri: ex iis meditationum, & concionum, & piorum colloquiorum puncta collige: subsidia ad profectum spiritualement, ad perfectionem adminicula quære, adnota, in manibus habe, tibi, tuis applica. Si res tibi cum hæreticis, in promptu sint quibus seu te tuearis, seu illos serias. In hunc finem adornavi tertium Indicem, qui præcipua prodit Scripturæ loca, quibus Ecclesiæ dogmata cum hæreticis controversa stabiliuntur. Serviet ad eadem omnia iam dicta quintus quoque Index, quo S. Scriptura revocatur ad Evangelia & mysteria quæ toto anno in Ecclesiis pertractantur. Servire denique poterit etiam secundus Index nominum, & rerum quæ toto Commentario explicantur. Nam hic scopus, hic finis est totius S. Scripturæ, sicut & totius Commentarii. *Omnis enim Scriptura divinitus inspirata, utilis est ad docendum, ad arguendum, ad corripiendum, ad erudiendum in iustitia; ut perfectus sit homo Dei, ad omne opus bonum instructus:* II. Tim. 11. 16. Hanc perfectionem tibi, studiose Lector, ex animo voveo, & me tuis precibus humillime commendo.

An si aliquod verbum Dei scriptum, & quale illud sit, & quibus libris comprehensum, docebo in Indice Controversiarum Controv. 11. num. 1. 2. 3. & 4. Hic nobis sufficiat.

IACOBI GORDONI LESMOREI

Epistola nuncupatoria.

ARMANDO IOANNI *Eminentissimo S. R. E. Cardinali Duci
de Richelieu, & Pari Franciæ.*

Quamvis in hoc de divinis rebus opere, Cardinalis & Princeps Ecclesiæ Eminentissime, præter argumentum, quod plane divinum est, nihil fere sit, ut mihi quidem persuadeo, quod aut meam hic magnopere commendet industriam, aut laus causæ habeat cur in tuum ultro veniat conspectum; tria tamen sunt, eaque non ultima, quæ me dum delibero, cunctantem excitant, & sane impellunt, si id admittis, ut opus hoc sub tuis auspiciis lucem aspicere desiderem.

Atque ut ab eo quod hic agitur, exordiar: magnis digna ingenii est hæc divinorum Codicum, quam verso, materia. Ampla est, & in tua amplitudine illustris, quam ego rerum maximarum sylvam ingentem, qua potui brevitate perspicua, dilucidare sum conatus, oppido sane difficilem. Quo in oceanus tam vasto, & materia vires superante, quid sim assecutus, non facile mihi est pronuntiare; præsertim qui studio brevitatæ, Iliadem nucis cortice completi sum aggressus. Quid tamen hic effecerim, quidve in hoc conatu minus feliciter successerit, tua stabit, Cardinalis Eminentissime, sententia; tua, si placet, censio, qui multos mortales, ut magnis animi dotibus, ita singulari doctrina antevertis; quin etiam, ut in te hæreat oratio; ita præcellis, ut haud sciam, an magis a quoquam pro dignitate tractari tam nobile argumentum potuerit, quam a te, si ob graviora negotia licuisset. Hic tu sane divina ista oracula, quæ tot illustrium virorum exercuerunt ingenia, enarrando feliciter percurristes; hic quæcumque Deus per plurimum annorum chiliadas Ecclesiæ suæ priscæ revelare dignatus est; hic quid vis ipsa verborum ferat, quid decretorium in verbis lateat, sincere ac facile pronuntiaffes; denique nodos diversorum codicum magno vindice dignos dissolvisses. Nec abstinuisses a molestissima temporum ratione, numquam satis a sacre historię chronographis explicata; non ab ampla Novatorum reprehensione (quod libri tui luce dignissimi testantur) quibus pro ludo est non modo sacra scædare volumina, sed nobilissimam etiam eorum partem præcindere. Hæc sunt quæ tibi a me non quidem tractata dicari, sed pro dignitate tractanda offerri debuerunt: certe a te expectari, ut quæ ex se sunt illustrissima, adhuc sub umbra purpuræ tuæ fierent illustriora. Quando vero non ita res cessit, cui potius quam tibi litteratorum labor dicandus est? Tibi, inquam, qui ut præfatus sum, in hoc agone litterario, si certares, ceteris palmam facile præriperes: tibi porro, qui magnis sane opibus, ut nobilem scholam Sorbonicam, ita passim promotes rem litterariam: ac demum tibi, qui antiquis Mæcenatibus superior, ita Musarum alumnos accendis, & iuvas, ut quod spirent, & placeant, hoc totum tuum sit.

Dixi, ut potui, cur istud litterarium opus in lucem veniens, tuo nomi-
ni

ni inscribi oporteat. De præsidio sub clementiæ tuæ patrocinio (quod alterum est) hætenus nihil. Sed quò devolvor, quasi dubius inter tot alias animi tui dotes, de tua benevolentia, quæ adeo excrevit, per effusam etiam liberalitatem aucta, ut purpuram tuam inter alia amplitudinis tuæ decora, exornet vehementer; efficiatque ut quotquot te norunt boni, qui toto orbe clarissimus es, summam tibi precentur, & optent felicitatem. Dicerem, si libenter id audires, quid in animis hominum effecerit tua clementia, tamque insigne multis natum ex hac tanta benignitate præsidium. Sane erga miteros æque ac felices; erga plures nobilioreque Academiæ; erga viros denique religiosi ordinis, a quorum numero, & optimo tuo in omnes animo, ne nostri quidem ordinis homines excludis, qui in hac sua litterarum simul, & religiøsæ vitæ professione, maxima erga se promerita agnoscunt tua: nec accepti beneficii memoriam delebit vetustas. Ego vero post tam illustrem beneficentiæ erga omnes significationem, quam debeam sperare a tua Amplitudine tutelam, tam clarum apparet, ut de ea tacere magis deceat, quam loqui.

Sed dum finio, patere, Cardinalis Eminentissime, ut paululum a cælo, & solo Gallico ad alienum solum, exterarumque nationes excurrat oratio, quando ad eas etiam penetravit tuorum factorum fama, & existimatio. Virorum sapientum, qui de tuis rebus loquuntur, invaluit opinio, non oportere solius Galliæ finibus concludi fructum tuorum laborum: natum te esse ad maiora, & qui possis tum alia bona, tum maxime christianæ Ecclesiæ feliciter statum apud alios ultra Gallias promovere. Hoc a te tuæque purpura, quæ ad fidei defensionem nata dataque est, expectant mortales. De his loquor exteris nationibus, quæ quondam sub catholicis Regibus christiana iacula sæculis multis, sancte pieque coluerunt; nunc autem ab annis propemodum septuaginta, quicquid est homini miseriarum, sub veteratoris Calvinii legibus patiuntur. Britannicarum insularum hoc malum est, hæc fœda, & deploranda calamitas. Hic non hærebo in commiseratione excitanda: satis magna calamitas est ubi malum est ingens & infinitum. Omitto ergo periisse ibi iamdiu antiquitatis nobilissima monumenta; & extincta propemodum fide christiana, pietatis evanuisse mores; aras Dei summi everfas; non, ut olim, extare vilenda templa; non laudatas a Hieronymo, ad Christi incunabula gentis nostræ peregrinationes. Tantum profero quod omnem superat calamitatem, tot catholicorum Regum interruptam esse seriem, quæ per annos ducentos supra millesimum, sceptris sub christianis sacris tenuerunt. Et quem hæc non moveant? Nec plura: puderet enim dicere de nobilitate ultra naturæ legem crudelitate, & supra omnem tragiæ formam immanitate Britannica; ubi nulli sexui parcitur, non prægnantibus, non pendentibus ab ubere materno infantulis. Tale nunc est florens quondam, & Galliæ a multis annis confœderatum Scotiæ regnum, adeo ex Gebennensium male sana fide ad perfidiam pronum, adeo ex calice Babylonico ebrium, ut quo tempore a fide divina defecit, eodem etiam in fœdere cum Gallia antiquissimo cœperit vacillare. Hæc fundi nostri calamitas est, Cardinalis Eminentissime, Europæ sane opprobrium; & Reipublicæ christianæ haud tolerandum detrimentum. Non desuerunt, & quidem magni nominis aliqui (ut est magnorum viro- rum hic conatus) qui zelo vere christiano accensi, Britannum orbe toto divisos, orbi christiano & catholico restituere sunt conati; sed irato adhuc cæ-
lo

lo, & nondum completis Amorrhæorum iniquitatibus, stetit hæcenus conatus ille. At non semper numen irascitur. Mutata sunt tempora; hæreses omnes suum habent a Deo præscriptum finem. Et quid si tibi, tuisque consiliis sapientissimis, Deus voluit superesse hanc industriam, & opus nobile, tamquam rerum a te gestarum in triumpho epinicion? Fuerit hic conatus aliis arduus; sed tibi omnino facilis, ubi non opibus opus est, non bello Britannico. Prudentiæ hoc prælium est, & a munere quod feliciter geris, non alienum. Certe, ne ab hac facilitate tam divini operis discedat oratio, eam plurimum pollicetur novus & cælo favor, quando inclinatis iam per Gallias Novatorum rebus, fractoque impetu (quod olim præcis hæresibus ex Dei providentia evenisse videmus) corrui in dies novus hic error, confutatusque evanescit. Nec vero exiguus ad felicem exitum referatus est aditus, eo regnante magno Britannico Principe, qui ad clementiam natus, non modo ab infami illa christiani sanguinis effusione suos libenter continebit; sed exemplo tot maximorum in Britannia Regum, ad unum illud facile propendebit, quod omni iuris æquitate concedi debet: liberam intelligo Dei colendi facultatem, quam natura concessit, quam ne Turci quidem negant Christianis, & in qua demum libertatis possessione Rex hic postremus suos reperit, per Reges octuaginta probe catholicos continuata, & a qua velle mortales deturbare iniquissimum esse omnes agnoscunt. Prolixe fortassis, & ultra instituti modum excurrit oratio; sed quæ nihil profert ultra vires prudentiæ tuæ, tuorumque consiliorum, a quibus post Regem Christianissimum pendet, vel maxime, hæc alea Britannici certaminis, & incruenta in causa fidei victoria. Cur hoc sapientissimi quique sibi persuadeant, facit merito in rebus gerendis illa tua incredibilis solertia, ex qua nihil non magnum proficiscitur, nihil non eximium. Testis sane est iniecta Rupellanis arcibus clades, non solum suasore te, sed etiam (sub Rege optimo) belli administratore. Quid factum sibi sit, dicant urbes munitæ triginta septem a rebellionē ad fidem huic summo Monarchæ debitam, trium mensium spatio revocatæ. Quid dicam de domito nuper Oceano, de superatis Alpibus, & terrore Italiæ? Fa-teor, laus præcipua hic, Rex Ludovice, tua est; sed est regionum consiliorum principi etiam sua. Dubitent qui velint, Maxime Præsul, an tu meliorem Regem inveneris, quam ille quem consuleret hortatorem. Ego hoc ad consiliorum tuorum laudem, & ad maiora speranda, imprimis spectare existimo, quod sub Rege LUDOVICO XIII. qui sæculi nostri decus & ornamentum est, potueris in hac christianissima Galliarum monarchia, ita omnia tuis consiliis fovere, ita suadendo temperare, ut quod tot votis expetitum fuit, hæreticorum in Galliis extingueretur rebellio. Et erit iam qui dubitet an ex tuis consiliis, & sapientia pendat vel plurimum inclinata res Britannica? Ista te manet, Cardinalis Eminentissime, nobilissimi operis gloria; istud immortale decus, & quo nihil tibi in hac mortali vita contingere potest ad immortalitatem illustrius, nihil ad ornamentum familiæ tuæ felicius, quam ut operi a multis tentato, tibi adeo facili, & supra omnem gloriæ tuæ altitudinem præclaro, coronidem imponas. Deus Optimus Maximus hanc tibi mentem iniiciat, foveatque iniectam; & te Ecclesiæ suæ, regnisque multis tam fructuosum, diu servet incolumem.

Eminentissimæ ac Reverendiss. A. T.

Deditissimus

IACOBUS GORDONUS SOC. IESU.
EIUS.

(LV.)
E I U S D E M

De ratione instituti, & operis argumento

P R A E L O Q U I U M.



Rit fortassis qui amplioribus in sacros hos Codices addictus Commentariis, non ampla ponet in laude novam hanc commentandi rationem, quæ studio brevitatis multa paucis, & litteralem, quem vocant, sensum, ex instituto complectitur. Liberum sane sit ita sentire, nec litem illi moveo; si tamen fateatur, sua quoque inesse commoda perspicuæ brevitati; & evenire non raro ut quæ moles operis magna quibusdam placuit, aliis non item ardeat. Ita plane accidere video in hoc Theologorum commentandi labore; ubi, ut de rebus ipsis, sic & de rerum methodo variat plurimum mens humana. Sane multorum hodie vox est in huius generis lucubrationibus hæcenus editis (quas ego quidem laudo) maiorem, quam hæcenus apparuit, brevitatem desiderari; præferunt illam quæ in verbis perspicuitatem habeat, & plene paucisque exhibeat Scripturæ sensum. Et vero videmus etiam plures quibus prolixiores Commentarios legendi, nec otium est, nec forte voluntas; quamvis plena Scripturarum notitia sit illis pro munere quod obeunt, pernecessaria. Quid dicam de Theologiæ candidatis, qui decurso Philosophiæ studio, obstrusus illas scholasticæ Theologiæ quæstiones primum aggressuri; optabunt ad manum, & compendio habere germanum & dogmaticum Scripturæ sensum; ut his totius Theologiæ disputationis principiis cognitis, pergant modico labore ad subtiliores illas disputationes probe instructi. Præterea alia quæ ad hanc instituti rationem probandam adduci possent. Ego certe (ne prolixior hic sim) abstinui in hoc opere, quantum potui, ab illa Commentariorum prolixitate, quibus legendis vix bene longa sufficit ætas. Hic ergo scopus primum est, ita interduo extrema, nimiam, inquam, tum prolixitatem, tum brevitatem, medium iter tenere, ut præcipue in hac methodo appareat familiari stylo, quis sit litteræ germanus ac dogmaticus sensus: quippe qui & præcipuus est, & quo uno, tum Theologorum scholæ, sua ut firment de fide placita; tum præcones Verbi Dei, ne errent, nituntur; nec tamen ita ut non liceat interdum subindicare obiter sensum mysticum.

Alterum quod ago, spectabit ad hæreticorum *μαχιστηνίαν* reprehendendam; quoties sese offereat occasio; ut quæcumque a Novatoribus vel corrupta sunt, vel quæ ipsi ab antiquioribus hæreticis, & Rabbiniis corrupta usurparunt, ad verum & catholicum sensum revocentur. Hoc enim mihi semper persuasi, penitus ad sensum germanum pertinere, non solum ut quis ille sit, sed etiam quis non sit, declaretur. Porro eorum hic locorum notitiam accipe, quæ ex molesta temporum subductione, cuivis possunt lectori difficultatem parere: quod sane negotium inter omnia quæ hic tractanda suscepi, maxime arduum est, ut norunt qui sacræ Scripturæ res chronologicas sunt persecuti. Denique, quod postremum est, hic coram, & ad manum habes sacrum codicem, & iis illustratum (ut mox dicam) appendicibus, quæ efficient ne lectorem morentur vel propria urbium, & personarum nomina, vel topographica.

Quæ cum ita sint, non omitam, quod pro coronide sit, Theologiæ candidatis, ac præsertim tyronibus suadere; immo & persuadere cupio, ut sacræ Theologiæ

logiæ subtiliores quæstiones aggressuri, prius hunc brevem, vel similem, si inveni-
nerint, Commentarium percurrant, habeantque sic abstrusioris illius doctrinæ
prima principia admodum familiaria sibi; quæ non aliunde quam ex his sacris
petuntur litteris: ne alloqui (quod aliqui perincommode patiuntur, & vetat
Aristoteles) cogantur simulscientiam discere, & modum, mediaque sciendi. Hæc
paucis de instituti ratione: in qua si forte erit qui sub hac brevitate criminabi-
tur morales quæstiones ex professo non explicari; næ quidem ille satis, incaute
alterius instituti imagine decipitur. Ego hic si sensum litteræ germanum in hoc
sacro codice, atque illa quatuor quæ recensui capita, paucis, & non obscure
explanavi, finem quem mihi proposui, sum assecutus.




E I U S D E M

Monitum ad Lectorem,



Ut abam initio operis, facturum me satis in hac instituti ra-
tione illis quibus satis ingenii est; si tum verba Scripturæ, tum ma-
xime res ipsas ita explanarem, ut posset vel mediocriter eruditus,
verum litteræ sensum, aliaque adiuncta plane assequi inoffenso pe-
de; & ad quem vellet usum utiliter transferre. Sed quia non est
facile in opere etiam perfecto ut aliquid a quibusdam non putetur desiderari; &
sunt quos minutæ delectant interrogationes, quas ego prudens interdum neglexi-
ram; succurrendum illis fuit, repetito; & fortassis grato labore; Itaque nactus
otium, quod fecit mihi tardior Typographus, parergon hoc, & optatam, ut
audio, *Παραρρησιαν* adieci: ubi plenior rerum explicatio, ubi propria urbium, &
personarum, ac demum Paralipomena omnia attinguntur; unde spero factum es-
se nihil ut amplius in veteri testamento desideretur. Nam quæ sunt novi te-
stamenti explanationes, tales, ni fallor, sunt ut nulla egeant in hoc instituto
ampliore coronide. Nec plura: utere, si placet, accessione hac nova, * quam ad
veteris testamenti finem reperiēs. Et vale.

* Explicationes hoc in Anstario contentæ suis quæque locis accommodatæ, Commentariis insertæ sunt, his co-
lumnis ubi oportuit expensis quarum loco hæc Auctor posuisset, si typis iam fuissent vulgatæ. Vide Præf.
gener.



L I B E R G E N E S I S, H E B R A I C E B E R E S I T H.

Hic liber ab Hebræis dici solet *Beresith* a prima eius dictione *Hebræa*, ut *Genesis* a Græcis & Latinis, quod cæli & terræ creationem narret, nec non *Adami* & posterorum genealogiam. Unde cap. II. v. 4. ubi in *Vulgata* legitur: *Hæ sunt Generationes cæli & terræ: Septuaginta vertunt: Hic est liber Generationis cæli & terræ: & cap. v. Hic est liber Generationis Adami.*

Huius libri argumentum paucis verbis complexus est *Hieronymus* in *Epistola ad Paulinum*: In qua *Genesis* de creatura mundi, de exordio generis humani, de divisione terræ, de confusione linguarum & gentium, usque ad exitum scribitur *Hebræorum*. Quo tempore hic liber a *Mose* scriptus fuerit, non satis liquet. In ea sunt opinione *Eusebii*, *Theodoretus*, & alii, conscriptum fuisse post exitum populi *Israelitici* ex *Ægypto*, & post *Legem* promulgatam. Videtur enim *Moses* ad eam attendere, cap. IV. cum de sanctificatione *Sabbati*; uti & cap. V. & VIII. ubi de mundis & immundis animalibus verba facit; tamen si ante *Legem* hæc præcepta erant in usu; sed *Moses* id voluit annotare *Legis* constitutæ habita ratione.



CAPUT PRIMUM.

De mundi creatione, rerum creaturarum distinctione & ornatu, deque hominis formatione, cui subiecit Deus omnia que creaverat.

IN principio (a) creavit Deus cælum & terram. 2. Terra autem erat inanis & vacua, & tenebræ erant super faciem abyssi: * & Spiritus Dei ferebatur super aquas. 3. Dixitque Deus: (b) Fiat lux. Et facta est lux. 4. Et vidit Deus lucem quod esset bona: & divisit lucem a tenebris. 5. Appellavitque lucem Diem, & tenebras Noctem: factumque est vespere & mane, dies unus. 6. Dixit quoque Deus: Fiat firmamentum in medio aquarum, & dividat aquas ab aquis. 7. Et fecit Deus firmamentum, divisitque aquas quæ erant sub firmamento, ab his (c) quæ erant super firmamentum. Et factum est ita. 8. Vocavitque Deus firmamentum Cælum: & factum est vespere & mane, dies secundus. 9. Dixit vero Deus: Congregentur aquæ sub cælo sunt, in locum unum; & appareat arida. Et factum est ita. 10. Et vocavit Deus aridam Terram, congregationesque aquarum appellavit Maria: Et vidit Deus quod esset bonum. 11. Et ait: Germinet terra herbam virentem, & facientem semen, & lignum pomiferum faciens fructum iuxta genus suum, cuius semen in semetipso sit super terram. Et factum est ita. 12. Et protulit terra herbam virentem, & facientem semen iuxta genus suum, lignumque faciens fructum, & habens unumquodque sementem secundum speciem suam. Et vidit Deus quod esset bonum. 13. Et factum est vespere & mane, dies tertius. 14. Dixit autem Deus: Fiant luminaria in firmamento cæli, & dividant diem ac noctem, & sint (d) in signa, & tempora, & dies, & annos: 15. Ut luceant in firmamento cæli, & illuminent terram. Et factum est ita. 16. Fecitque Deus duo luminaria magna: luminare maius, ut præset diei; & luminare minus, ut præset nocti; & stellas. 17. Et posuit eas in firmamento cæli, ut lucerent super terram, 18. & præsent diei ac nocti, & dividerent lucem ac tenebras. Et vidit Deus quod esset bonum. 19. Et factum est vespere & mane, dies quartus. 20. Dixit etiam Deus: Producant aquæ reptile animæ viventis, & volatile super terram sub firmamento cæli. 21. Creavitque Deus cete grandia, & omnem animam viventem atque motabilem, quam produserant aquæ in species suas, & omne volatile secundum genus suum: Et vidit Deus quod esset bonum. 22. Benedixitque eis, dicens: Crescite, & multiplicamini, & replete aquas maris: avesque multiplicentur super terram. 23. Et factum est vespere & mane, dies quintus. 24. Dixit quoque Deus: Producat terra animam viventem in genere suo, iumenta, & reptilia, & bestias terræ secundum species suas. Factumque est ita. 25. Et fecit Deus bestias terræ iuxta species suas, & iumenta, & omne reptile terræ in genere suo. Et vidit Deus quod esset bonum. 26. & ait: Faciamus hominem (e) ad imaginem & similitudinem nostram: & præsit piscibus maris, & volatilibus cæli, * & bestiis, * universaque terræ, omni-

omnique reptili quod movetur in terra. 27. * Et creavit Deus hominem ad imaginem suam: ad imaginem Dei creavit illum, (f) masculum & feminam creavit eos. 28. Benedixitque illis Deus, & ait: Crescite, & multiplicamini, & replete terram, & subicite eam, & dominamini piscibus maris, & volatilibus cæli, & universis animantibus quæ moventur super terram. 29. Dixitque Deus: Ecce dedi vobis omnem herbam afferentem semen super terram, & universa ligna quæ habent in semetipsis sementem generis sui, (g) ut sint vobis in escam. 30. & cunctis animantibus terræ, omniique volucris cæli, & universis quæ moventur in terra, & in quibus est anima vivens, ut habeant ad vescendum. Et factum est ita. 31. Viditque Deus cuncta quæ fecerat: & erat valde bona. (h) Et factum est vespere & mane, dies sextus.

(a) Aq. xiv. 15. 17. 24. Psal. xxxiii. 6. cxxxv. 5. Eccli. xviii. 1. (b) Heb. xi. 3. (c) Psal. cxxxv. 5. Jerem. x. 12. 11. 16. Psal. cxxviii. 4. xxxiii. 7. lxxxviii. 12. cxxxv. 6. Job xxxviii. 4. (d) Psal. cxxxv. 7. (e) Colof. 111. 10. Infra v. 1. 12. 6. I. Cor. xi. 7. (f) Sap. 11. 23. Marth. xix. 4. Eccli. xvi. 1. Inf. viii. 17. 12. 1. (g) Inf. 12. 3. (h) Eccli. xxxix. 21. Mar. vii. 37.

BRUGENSIS

ROMANÆ CORRECTIONES.

V. 2. *Et Spiritus Dei ferebatur super aquas.* Non sine ratione, Romani Correctores, Domini, id est *רוּחַ דְּיָהוָה*, quod est in multis libris, mutarunt cum *Dei*, id est *רוּחַ דְּיָהוָה*, quod est in aliis.

V. 26. *Et hostis.* Recte hic omiserunt vocem *terra*, quam quidam libri addunt in hunc

modum: *Et hostis terra.*

Ibid. *Universæque terra.* Non est scribendum *creatura*, pro eo quod est in Sixtinis Bibliis *terra*.

V. 27. *Et creavit Deus hominem ad imaginem suam.* Merito hic omisum est *et similitudinem*, quod multi libri superflue interponunt, acceptum ex versu superiori alitque similibus.

COMMENTARIA

S A.

Vers. I.



IN PRINCIPIO, id est Ante omnia. Latini dicebant, Primum omnium. DEUS. Hebr. & hic, & alibi sæpe *Elohim* אֱלֹהִים, id est *Dii*, quod quidam ad personarum divinarum numerum referunt. CÆLUM ET TERRAM. Per hæc duo etiam quæ in medio sunt, elementa reliqua intelligantur. Creationis vero ordo hic fuit. Primo die creati cæli, & elementa; sed nec perfecta omnia, nec distincta, aut ornata, ut postea; itemque lux addita soli, seu sol potius cælis additus. Secundo perfectum firmamentum, id est cæli, in quibus stellæ & planetæ. Tercio separata aquæ a terra, productæque terræ fructus. Quarto facti planetæ & stellæ, perfectusque sol. Quinto facti pisces, & aves. Sexto bestię, & homo. Hæc mihi in tan-

ta opinionum varietate planior visa & expeditior.

V. 2. **INANIS ET VACUA.** LXX. *Invisibilis & incomposita.* Chal. *Deserta & vacua*, scilicet nec habitata, nec culta; id quod nostra etiam lectio significat. **SUPER FACIEM ABYSSI,** id est super aquas. **SPIRITUS DEI,** scilicet Spiritus sanctus. Hieronymus in QQ. Hebr. Potest vero intelligi *spiritus*, id est aer, vel Angelus, secundum August. de Gen. ad lit. c. iv. **FEREBATUR,** scilicet ut voluntas artificis superferretur rei subiectæ ad operandum, secundum August. de Gen. ad lit. c. iv. Quidam verbum Hebræum *מרחב* *merachbe* pheth vertunt *volitabat*, seu *incubabat*, scilicet ut solet avis super ova. **SUPER AQUAS,** id est materiam illam informem secundum Augustinum, e qua scilicet perfectius cuncta erant condenda.

V. 3. **DIXIT,** id est *iussit*, Hebr. **FIAT.**

A 2

Hebr.

Hebr. *fit*. LUX, vel corporea, vel incorporea, scilicet Angeli. Aug. Nota secundum Dion. lucem hanc fuisse solis primo die creati, & quarto perfecti. ET FACTA EST. Hebr. *Et facta*.

V. 4. BONA. verbum Hebr. significat etiam *in candam*, & *utilem*. Aug. interpretatur *vidisse quod esset bona*, id est placuisse ei.

V. 5. APPELLAVIT, id est appellari fecit: sic dicitur domum ædificasse qui fecit ædificari. August. VESPERE ET MANE, id est transacto die artificiali, & nocte; quasi dicat, a mane usque ad alterum mane. Dies, scilicet naturalis 24. horarum. UNUS, id est *primus*, Heb.

V. 7. SUPER FIRMAMENTUM. Quæ illæ sint aquæ, incertum. Quidam putant esse cælum crystallinum. Alii nubium aquas, quod mihi non probatur.

V. 11. LIGNUM, id est *arbores*, Hebr. MOTABILEM, scilicet serenitatis, tempestatis, &c. TEMPORA, scilicet veris, æstatis, &c.

V. 20. AQUAE. Nomine aquæ etiam aer crassior intelligitur. Aug. XIV. de Gen. ad lit. ANIMAE VIVENTIS, pro vivens. SUPER. Hebr. *Volet super*.

V. 21. ANIMAM, pro animal: sic infra. MOTABILEM, id est natantem.

V. 22. BENEDIXIT, id est dedit secunditatem. Hebr. CRESCITE, id est fructificate.

V. 24. BESTIAS TERRAE, id est feras.

V. 26. AD IMAGINEM ET SIMILITUDINEM, id est *valde similem*, Hebr. Quidam tamen imaginem intelligunt secundum substantiam, similitudinem secundum gratiam, & virtutes.

V. 28. REPLETE TERRAM. Id præceptum, iam repleta terra, non obligat. Tertullianus lib. de Monogamia, Cyprianus lib. de Habitu virginum, Hieronymus lib. I. contra Iovinianum, Augustinus de sancta virginitate c. 13.

V. 29. ECCE, id est *sane*, usque, Hebr. *Qui me putabis pauca notando dicere, cogitet, rogo, institui mei rationem, qui non Commentaria proluxa, sed Notationes, easque breves promiserim.*

EST II.

V. 1. IN PRINCIPIO CREAVIT DEUS CAELUM ET TERRAM. Aug. Lib. XL de Civitate Dei cap. VI. *Littera sacra,*

inquit, ita dicunt in principio Deum fecisse cælum & terram, ut nihil ante fecisse intelligatur, quia hoc potius in principio fecisse diceretur, si quid fecisset ante creaturam cuncta quæ fecit. Atque adeo & istud Ioan. 1. In principio erat Verbum, hunc sensum habet: Verbum erat, & ante Verbum nihil aliud fuit. Tantum observa, discrimen, quod de Verbo dicitur erat, & de cælo & terra creavit. Etenim Verbum est æternum, ut ore ante quod nihil aliud fuit: nam Deus est, & erat Verbum. At vero ante cælum aliquid quidem fuit, ipse Deus creator, nihil tamen aliud fuit ante illud creatum. Neque potest esse sensus literalis, In principio, id est in Filio, quia sic etiam stellæ, & herbæ, & bestiae, ceteraque omnia possent dici creata in principio; sed scilicet Scriptura voluit ordinem rerum creatarum exprimere. Alii exponunt, In principio temporis; quod diffidendum non est, si intelligamus mundum creatum in ipso temporis initio, id est in, & simul cum primo instanti, a quo tempus universum fluere cœpit. Cælum & terram. Nomine cæli & terræ intellige simul omnia quæ in eis sunt. Sic enim hoc exponitur Exodi xxi. vers. 11. Itaque & Angeli simul cum visibili isto mundo creati intelliguntur. Unde & Psal. CXLVIII. ipsi omnium primi numerantur inter ea quæ laudant Dominum de, vel in cælis; sed Moses scilicet Angelorum non meminit, ut notat S. August. Lib. XII. Confess. cap. xv. 11. & alii, quia scribebat rudibus Iudæis, illius secretioris doctrinæ Angelorum parum capacibus. Et quidem multi Patres Græci tradunt, Angelos aliquamdiu creatos ante mundum corporeum; sed tandem Concilium magnum Lateranense sub Innocentio III. cap. 1. definiuit, omnipotenti Dei virtute mundum & Angelos simul ab initio temporis de nihilo esse condita. At vero quomodo potuerit cadere diabolus, qui in tanta perfectione erat creatus, explicabitur simul cum lapsu primi hominis, infra cap. III. v. 5. Creavit. Græce est *inchoavit*, id est fecit. Nec faciendæ vis est in verbo creavit, quasi significet aliquid ex nihilo facere, nam in Hebr. idem vocabulum etiam est infra ubi dicitur, Creavitque cete grandia; quæ sine dubio facta sunt ex præexistente materia. Nihilominus cælum & terram ex nihilo facta

tacta esse, convincitur manifeste ex illo verbo, *In principio*, quia scilicet nihil ante illa factum est; itaque nec præexistens materia.

V. 2. TERRA AUTEM ERAT INANIS ET VACUA. In Hebræo est, *Solitudo & inanis*. Per quod significatur, terram incultam, & plantis, & animalibus vacuum fuisse. Secundum septuaginta Interpretes, *invivibilis erat & incomposita*; nempe invisibilis propter tenebras, & aquam, qua undique tegebatur; incomposita vero, quia inculta, ut modo dictum est. Non vero quasi cælum & terra generalem tantum aliquam, & communem formam haberent, quod fingunt Gentiles, & nominatim Ovidius de suo chaos: nam distincte hic, ut videmus, cælum vocatur cælum, & terra vocatur terra; utique a distinctis suis formis substantialibus. ET TENEBRÆ ERANT SUPER FACIEM ABYSSI. Abyssus intelligitur vel immensa profunditas aquarum, vel potius immensa ac profundissima illa moles ex terra simul & aqua constans; cuius superficiem (quia lux nulla adhuc creata erat) tegebant densissimæ tenebræ, videlicet aërem universum occupantes. Et recte Aug. Lib. I. de Gen. cont. Manichæos cap. iv. notat, tenebras nominari, non ut creaturam aliquam (non enim dictum est, *Fiant tenebræ*) sed ut privationem eius perfectionis, qua corpus creatum carebat, quæque paulo post producenda erat. Eatenus tamen dici potest, Deum creasse tenebras, quia fecit diaphanum corpus, idest capax luminis, sed tamen sine lumine. Et hac ratione dicitur in Cantico trium puerorum: *Benedicite lux & tenebræ Domino*; & Pl. lxxiii. *Tuus est dies, & tuus est nox*; & Isaia xlv. in persona Dei: *Ego formans lucem, & creans tenebras*. ET SPIRITUS DOMINI FEREBAITUR SUPER AQUAS. Hebræi intelligunt de statu corporeo, idest de vento a Deo excitato. Sed rectius Ecclesiastici Scriptores accipiunt de Spiritu sancto, tertia in Trinitate persona; cum allusione tamen ad statum corporeum, ut hic sit sensus: Spiritus divinus fovebat substantiam illam aquam. Hebræice sonat *incubabat*, utpote ad futuram rerum distinctionem. Item superferebatur, sicut voluntas artificis super materiam quam formare parat. Sic August. Lib. I. de Gen. cont. Manichæos cap. v. & vii. Quin & superferebatur secundum eundem S. August. Lib. I. de

Gen. ad litt. cap. vii. non loco, sed omnia superante, ac præcellente potentia.

V. 3. FIAT LUX, ET FACTA EST LUX. Probabilissimum videtur, per illam lucem intelligi vel corpus aliquod lucidum, vel potius ipsam qualitatem lucis magna cæli parte diffusam; quæ quidem lucida cæli pars deinde fuerit instar materiæ, ex qua postea in partes distributa, ac veluti in igneis globos condensata, sol, luna, ceteræque stellæ factæ fuerunt. Huic sententiæ congruentia leguntur apud Dionys. de Divin. Nominibus part. i.

V. 4. FACTUMQUE EST VESPER ET MANE, DIES UNUS. Quæres: Quomodo fuit dies & nox primo triduo, cum sol factus sit primum quarto die? Respond. S. August. Lib. XI. de Civ. cap. vii. remotum id esse a sensibus nostris, nec ita ut est, intelligi a nobis posse. Basiliius vero hom. ii. Hexameron exilminat lucis diffusionem factum fuisse diem, eiusque contractione noctem. Quod & Damasc. sentit Lib. II. de Orth. Fide cap. vii. Verum quia illiusmodi contractio lucis præter naturam esse videtur, ideoque primæ institutioni naturæ minus congruens; hinc alii probabilis sententiam, lucem illam primordiale orbiculari suo motu, quo simul cum cælo ferebatur, diem effecisse præsentia sui; noctem vero absentia: scilicet eo modo quo postea sol ex illa luce procreatus diem noctemque distinxit. Vide S. Thomam i. p. quæst. 67. art. 4. ad 3. *Vespere & mane*. Omnino hinc colligi videtur, vespere seu noctem præcessisse ipsum mane. Sane sabbata, aliaque festa in veteri lege celebranda fuisse a vespere in vespere, manifestum est tum alibi, tum Levit. xxiii. Accedit quod manifeste testatur Scriptura, Exodi xx. & xxxi. Sex diebus Deum fecisse cælum & terram, & omnia quæ in eis sunt; & quidem primo omnium cælum & terram: itaque & ante ipsam lucem, ut ex supradictis patet. Non ergo lux fuit initium primi diei, sed tenebræ; quæ & erant (ut Scriptura loquitur) *super faciem abyssi*, antequam scilicet lux crearetur.

V. 6. FIAT FIRMAMENTUM IN MEDIO AQUARUM. Intelligitur nonnulli, veras aquas esse supra cælum siderum; alii cælum quod vocant crystallinum volunt designari. Sic Beda initio Lib. II. de Element. Philo soph. Vives in Comment. Lib. XI. Au-

XI. August. de Civit. cap. xxxiv. & alii. Suntque huc frequentia etiam quædam in apocrypho IV. Esdræ iv. Sed cum assignari commode posse non videatur talium aquarum eo loco usus, aut ratio, non improbabili-ter redditur hic verborum sensus: *Fiat firmamentum in medio aquarum, & dividat aquas ab aquis*; idest, abyssus illa terræ & aquæ, maxime tamen aquæ, utpote liquida, firmo limite constringatur. Est autem hic limes, firmamentumque aer ille medius inter humidam & aquosam superioris regionis molem, & aquas marium & fluminum. Nec mirum, firmamentum hoc dici, nam Hebraice firmamentum ab expansione dictum est; aer autem maxime expandi aptus est. Deinde aer dicitur etiam cælum conformiter aliis Scripturis. Nam Psal. ciii. postquam dixisset Psalmista: *Extendens cælum sicut pellem, qui tegis aquis superiora eius*; continuo subiungit: *Qui ponis nubes ascensum tuum*; nempe ad significandum per aquas cælo superiores intelligi nubes supra hunc aerem suspensas. Nec obstat quod quarto die legantur sol, luna, & stellæ posita in firmamento cæli, nequaquam in aere, sed altioribus plane locis: nam cælum multiplex est in Scripturis. Nempe sic Sancti dicuntur esse in cælo, scilicet empyreo; sol & stellæ in cælo sidereo; & nihilominus quoque plurimis locis aves vocantur volucres cæli. Ita mox hoc ipso cap. v. 30. III. Reg. xxi. Jeremiæ vii. Osée ii. Matth. viii. & xiii. & alibi. Et hunc sensum sequitur Pererius, & ante eum Faber Stapulensis super II. Petri iii. Nec tamen prior sententia omnino reiicienda videtur, utpote quam nec D. Thomas reiiciat I. parte quæst. 67.

V. 8. ET FACTUM EST VESPERE ET MANE, DIES SECUNDUS. Communiter hic ponitur finis operis secundi diei: nempe ut tertio deinde die primum separatio aquarum & terræ facta sit, deinde etiam terra germinarit herbas & plantas. Sed incommodum habet ea distinctio, eo quod sic bis dicatur de tertio die illud: *Et vidit Deus quod esset bonum*, & de secundo die ne semel quidem; quod tamen operibus singulorum dierum aliqui adscribitur. Itaque alii non improbabili-ter existimant, uno continuo motu locali factum fuisse ut & separarentur aquæ crassiores a subtilioribus, quæ sursum ferrentur; & ex-

dem crassiores ad loca decliviora defluerent, id est ad cavernas terræ, & valles tunc factas; sicque terræ superficiem retergerent, & aquarum congregationes maria nuncuparentur: ac proinde non debere huiusmodi separationem dividi in duos dies. Attamen si quis, secundum communem sententiam, assignare velit priorem separationem secundo diei, & posteriorem tertio diei, licet; dummodo commodam rationem reddat, cur bis ad opus tertii diei posita sit illa adprecatio: *Et vidit Deus quod esset bonum*; & ad opus secundi diei ne semel quidem.

V. 11. ET AIT: GERMINET TERRA HERBAM VIRENTEM. His verbis terræ indita est vis proferendi omnia ea quæ terræ nascenda dicuntur, idque cum effectu huiusmodi productionis, de qua subditur: *Et protulit terra verbum virentem, & facientem semen iuxta genus suum*. Ubi notandum est, signanter semel atque iterum hic de semine repeti, quod tamen postea non dicitur de animalibus, quamvis etiam ipsa habeant sua semina: nempe quia herbæ, arbores, alizque plantæ ne egent diverso sexu ad producendum sibi simile, sicut egent animalia; sed ad eam rem sufficit eis semen suum terræ, tamquam matris gremio, concreditum.

V. 14. FIANT LUMINARIA, ET SINT IN SIGNA, ET TEMPORA. De permissis hoc loco signis sic S. August. Lib. II. de Genes. ad litt. cap. xiv. *Nonnulla, inquit, dicit Scriptura signa quæ observare vanitatis est, sed utique utilia, & huius vitæ usibus necessaria, quæ vel navitate observant in gubernando, vel omnes homines ad providendas aeris qualitates per æstatem, hiemem, & autumnalem, vernalemque temperiem*. Et similia habent Basil. hom. vi. Hexameron, Ambros. item Hexameron Lib. IV. c. vii. & Chrysost. hoc loco.

At vero divinationes genethliacorum nullo modo hic permitti, tum Scriptura sacra, tum Patres fere universi passim docent. Sic Jeremiæ x. *Iuxta viam gentium nolite discere, & a signis cæli nolite metueri: quia leges populorum vana sunt*. Et Isaías genethliacos irridens cap. xli. *Annuntiate, inquit, quæ ventura sunt in futurum, & sciemus quia dii estis vos*. Loca patrum contra hanc vanitatem insigniora sunt August. Lib. II. de Gen. ad litt. cap. xvi. u-

bi dicit, genethliacorum signa nostræ fidei sanitate respuenda. Lib. II. de Doct. Christ. cap. xxi. & aliquot sequentibus, Confess. Lib. VII. cap. vi. in Epistola ad Ianuarium, & hæref. lxx. quæ est Priscillianistarum, Ambros. Lib. IV. Hexameron cap. vi. Chrysost. item hic, Gregorii hom. x. super Evang. Quo pertinet etiam quod Epiph. refert de mens. & pond. Aquilam Ponticum, veteris testamenti ex Hebræo interpretem, ob eam maxime causam Ecclesia pulsum fuisse, quod nativitatum observationibus (nota) ac ceteris divinationibus Astrologicis studiose vacaret.

V. 16. FECITQUE DEUS DUO LUMINARIA MAGNA. Notandum, solem & lunam a Mose vocari luminaria magna, non quod quantitate sint ambo ceteris stellis maiora: nam etsi de sole id verum sit, tamen de luna Astrologi id negant. At neque propterea maiora vocantur, quod nobis ea intuentibus maiora appareant: hoc enim pacto verum non esset, quod hic luna vocatur luminare minus; sed scilicet propter maiorem luminis super terram effusi abundantiam: hac enim in re, sicut sol lunam, ita luna superat alias stellas.

V. 17. ET POSUIT EAS IN FIRMAMENTO CÆLI. Non prius fecit, & postea posuit, quasi alibi factas; sed faciendo eas, fecit, seu creavit in ipso cæli firmamento.

V. 20. PRODUCANT AQUÆ REPTILE ANIMAE VIVENTIS, ET VOLATILE SUPER TERRAM. Disputatur, an aves ergo etiam de aqua factæ sint. Et videtur quod non. Nam sic legitur cap. seq. v. 19. *Formatis igitur Dominus Deus de humo cunctis animantibus terræ, & universis volatilibus cæli, adduxit ea ad Adam.* Itaque de humo, seu terra facta sunt volatilia, seu aves; non ex aquis. In contrarium tamen facere videntur ista verba hoc capite primo, ubi Moses scribit Deum dixisse: *Producant aquæ reptile animæ viventis, & volatile super terram.* Sed sciendum est, in Hebræo, etiam in Bibliis Regiis, plenius hoc pacto legi: *Reptilicent, seu repera faciant, aquæ reptile animæ viventis; & volatile volatile super terram secundum faciem firmamenti calorum.* Cuilectioni & nostræ potest conformari, si illud *volatile* sit nominativus casus; quasi dicatur: *Et sit volatile super*

terram. Nempe ut divisim hæc accipiantur: *Producant aquæ reptile animæ viventis* (nempe pisces, qui reperi dicuntur, quia pedes non habent, & tamen progrediuntur) & *præterea sit volatile super terram*, idest prodeant & volatilia, seu aves; formatæ tamen (ut cap. sequenti plenius explicatur) de humo seu terra. Vide, si placet, hæc pluribus in II. d. 15.

V. 22. CRESCITE, ET MULTIPLICAMINI. Observa: id quod hic dicitur seorsum bestiis, & paulo post seorsim hominibus, idem cap. VIII. coniunctim dicitur utrique, & hominibus & bestiis. Itaque tantum benedictio est, qua iis confertur fecunditas, & naturalis propensio ad opus generationis; nullo autem modo præceptum (quicquid hæretici nonnulli ausi sint dicere) nam bestiis nullo modo dantur præcepta. Sic & cap. vi. *Ex omni ligno paradisi comedite*, non est præcipiens, sed potestatem concedentis; quomodo etiam Moses dicit Deut. XIV. *Omnes aves mundas comedite*, idest potestis comedere. Dicitur quidem illud *crecite* sonare præceptum in Lib. I. de Mirab. sacræ Scripturæ, adscripto D. Augustino; sed, ut omnes docti norunt, non est eius liber.

V. 26. FACIAMUS HOMINEM AD IMAGINEM ET SIMILITUDINEM NOSTRAM. Nota, has voces plurales *faciamus*, & *nostram* in Deo indicare pluralitatem personarum, sicut & illæ singulares *imaginem* & *similitudinem* naturæ unitatem. Sane hunc locum ad Trinitatis mysterium retulerunt Patres, Hilarius Lib. III. & IV. de Trinitate, August. Lib. XII. de Trin. cap. vi. & Lib. XIV. cap. ult. Fulgentius de Fide ad Petrum cap. i. & alii. Quo & illud pertinet Gen. III. v. 22. *Ecce Adam quasi nunc ex nobis factus est*; & in primis illud cap. xi. v. 7. *Venite, descendamus*; nempe quia numquam ad unum dicitur, Venite, sed ad plures. Si ergo unus loquitur ad plures, tres ut minimum sint necesse est. Et nihil est quod Iudei quidam somniarunt, Deum loqui ad Angelos; nam illud nullo modo huic præfenti loco aptari potest: nam sic etiam Angeli essent hominis ipsius creatores. *Ad imaginem & similitudinem nostram.* Puta, homo ad imaginem Dei creatus est, quatenus (ait S. August. Lib. XXIV. contra Faustum cap. II.) habet mentem rationalem, qua cognoscit Deum,

Deum, & omnibus irrationabilibus eadem rationis excellentia præponatur. Augustinum sequitur Prosper Lib. II. de Vita contempl. cap. xviii. Alii imaginem referunt ad liberum arbitrium, ut Basil. hom. ix. Hexameron, Ambros. Lib. VI. Hexameron cap. viii. Hieron. in Epist. de Filio prodigo. Alii vero eam constituent in domino quod homo super alias creaturas accepit; ut Chrysost. hom. viii. & ix. in Genesim, & hom. vii. ad Pop. Antioch. Verum hæc declarationes facile conciliantur. Nam & libertas arbitrii ab intellectu, velut radice dependet, & dominium effectus quidam est eiusdem intellectus, ac voluntatis, & velut propria passio ex iis fluens.

V. 28. CRESCITE, ET MULTIPLICAMINI. Vide explicatum supra hoc eodem cap. v. 22. ET DOMINAMINI PISCIBUS MARIS. Hoc quidem dominium per peccatum sibi imminutum, nempe ut bestię quædam sint homini rebelles; tamen vi, aut industria, omnes pene adhuc cogi possunt. Unde post peccatum infra cap. ix. sic homini adhuc traditur: *Omnes pisces maris manus vestre dedit sunt*. Nota vero, non similiter homini dari dominium in cælum & stellas (non enim utitur illis pro sua voluntate) ideoque scilicet ut semper meminisset, aliquem supra se maiorem esse, ut illum revereretur.

MARIANÆ.

Perf. I. IN PRINCIPIO CREAVIT. Hebr. *In principio creavit*, præteritum pro gerundio; qua forma loquendi Osee 1. v. 2. legimus: *Principium loquendi Domino*. Hebr. *Principio locutus est Deus*. Sic ergo locum interpretor: In principio temporis cum crearet Deus cælum & terram, nempe quæcumque cæli & terræ ambitu continentur. Ita his primis verbis summa totius creationis continetur, atque eorum quæ mox sigillatim explicantur. *Creavit*. Creandi & formandi voces affines sunt; hoc tamen discrepant, quod formatio supponit quasi materiam aliquid quod per ipsam actionem formandi non fit; creatio nihil tale supponit. Quod aliis verbis explicant qui dicunt, formationem circa res corporeas versari, creationem extendi ad omnia quæ ex non esse ad esse procedunt. Aliud est, an creatio sit ex nihilo produ-

ctio; quæstio ad Theologicas scholas ableganda. Id contendam, ex vi vocis, & sermonis proprietate id non significari; quando Græcis & Latinis, qui creandi voces instituerunt utrique in sua lingua, talis ex nihilo productio ignota prius erat. Hebræi item, quibus maior lux erat, verbo suo *ברא* *Bra* utuntur sæpe ad significandum productionem quæ ex aliquo fit; ut cum hoc cap. v. 27. dicitur: *Et creavit Deus hominem ad imaginem suam*. DEVS. Hebraice *Elohim* numero multitudinis, ac si dicas, *Creavit Dei*; in quo quidam agnoscunt mysterium Trinitatis; negant alii, eamque locutionem referunt ad linguæ proprietatem, numero multitudinis sæpe utentis pro singulari. In quo morari nolo. Sed certe quidam eo sunt progressi, ut Latine recte dici Patrem, Filium, & Spiritum sanctum esse Deos disputent; non tamen tres Deos, ne numerus ad essentiam referatur per imprudentiam. Sic Catharinus in hunc locum; idque ex sententia, ut ipsi videtur, Sancti Thomæ. Alii in impiorum numero habent qui ita sentiant. Illud constat, ab *אלהים* deduci *אל*, sicut ab *יהוה* nomen *יה*, per decurtationem utriusque nominis; *יה* etiam per Kamez, *אֱלֹהִים*, de quo Osee vii. v. 16. Tum illud, tria nomina Dei, potissimum *Elohim*, *Scadai*, *Adonai*, numero multitudinis enuntiari; quod mysterio prorsus non vacat.

V. 2. TERRA AUTEM, pro *terra quidem*. Post summam propositam incipit narratio. Ac primum quo in statu elementa fuerint, unde cetera sunt facta; nempe confusa indigestaque erant. ERAT INANIS ET VACUA. *Tobhu & Bobu*, desolatio, vanitas, & vacuitas (nomina formæ pro subiecto) hoc est nullo extrinsecus ornameto. Et vocatur terra per occupationem: nam id nomen accepit cum aquis nudata est. I. Reg. xii. v. 21. *Idola vocantur Tobhu*, id est vanitas. Aqua erat turbida terræ admixtione: id significat TENEBRÆ ERANT SUPER FACIEM ABYSSI, id est super abyssum. Sic Sept. & vox *facies* sæpe redundat, & omitti potest. Erat ergo aqua tenebrosa, id est terræ admixtione turbida; alioqui alia etiam elementa in tenebris erant. Hoc Paulus II. ad Cor. iv. v. 6. innuit illis verbis: *Deus, qui dixit de tenebris lucem splendescere*; id est ex aqua turbida & chao eduxit dicendo lucem. An
huc

huc etiam Græci spectarunt, cum Thetim, idest mare, aquam, dixerunt Pelco nupisse, idest cornu; *πικρα*, enim lutum est. Fulgent. Lib. III. Mythol. Aer inquietus erat: SPIRITUS DOMINI, id est ventus a Deo excitatus: sive adiectione Domini magnitudinem aeris eius intelligit; Psal. 67. *Alons Dei mons pinguis*. Itaque vastus spiritus & aer FEREBATUR, agitabatur: id proprie significat Hebraicum *מרחפת ענן כנרדו*, hoc est, *Meradaphat* significat motionem & agitationem. Hoc ex loco antiqui Poetæ suum chaos desumpserunt, sicut pleraque alia. Constat chaos ex tribus elementis, terra, aqua, aere, tantum; quod in Ovidii Metamorphosi considerasse me memini. Ignis enim propter vim suam & efficaciam cum aliis elementis confundi non potuit, sed primum in suum locum profluit. Ardenti ingenio homines sunt inlocubiles, ut seræque solitariae versantur. Vides ab imperfecto, Dei actionem, & mundi fabricam procedere.

V. 3. DIXITQUE DEUS: FIAT LUX. Dicere iubere est. *Fiat*, Hebr. *Sit*, existat. Per lucem cum Gregorio Nysseno intellige ignis elementum, quod ex mole rudi prorumpens superiora continuo petiit, & suo fulgore subiectam materiam illustravit. Quidam prima die solem factum intelligunt, idque lucem esse; quarto die repetitum eius creationem cum creatione aliarum stellarum. Vile sapientiam Conditoris: instar artificis opus facturum primum omnium lumen accendit; sic in vita confirmanda primum fides, & cognitio rerum exacta præcedat, subsequantur cetera.

V. 4. VIDIT DEUS LUCEM QUOD ESSET BONA; hoc est, sanxit ut perpetuo maneret; pictoris adinstar, qui quod probat & laudat in pictura, non amplius delet. *Bona*: vox Hebraica iucundum & utile significat.

V. 5. APPELLAVIT, id est appellari fecit. Principes quod iubent faciunt. FACTUMQUE EST VESPERE: nempe duodecim horæ *vesper* dicitur quibus in meris tenebris elementa iacuerunt. Subsecutum est temporis tantundem, quo ignis globus typhonis instar circum molem rotatus diem effecit. Porro ex ea vicissitudine ante solem factum tres primi dies constiterunt nostris similes, nisi quod nocte meræ

tenebræ erant nullis eatenus stellis. Hinc Hebræi certe sumperunt dies a vespera præcedenti inchoantes. Præterea adverte, dies a Deo factos a nocte inchoare, id est a tristitia; contra quam reprobi, qui in lætitia vitam consumunt, sequuntur tenebræ. DIES UNUS: dies primus. Hebræi eadem voce unum & primum significant. Per *vesperam* noctem, per *mane* diem intelligit.

V. 6. FIAT FIRMAMENTUM. *רקיע* *Rakiah* ab *extensio* dicitur. Sept. vertuntur *cupieua*, *firmamentum*, quod manlit in editione Hieronymi. Ego autem crediderim per hanc vocem significari aerem, qui immensus extensus est; aliqui in ordinatione rerum nulla eius elementi mentio extaret. Et sane cum v. 20. dicat aves volare super firmamentum cælorum (sic enim Hebraice legis) quomodo id potest constare, nisi ea voce aerem intelligas? Itaque per *lucem* designet ignem, per *firmamentum*, seu *extensum*, aerem: mox de aqua & terra, cum ait: *Separantur aquæ*. Quod vero ait: FIAT FIRMAMENTUM IN MEDIO AQUARUM, ET DIVIDAT AQUAS AB AQUIS, simplicissime de aere intelligitur, quo susp. induntur vapor. eiusdem cum aqua naturæ, uti cum terra pulvis. Quid enim est vapor, nisi aqua comminuta, quod in nebula melius apparet? Dividit præterea sustentans nubes imbre gravidas; sic non oportet cogitare aquas alias cælestes præter eas quæ in quotidiano usu sunt. Vaporem & aquam eiusdem esse naturæ August. ait de Genesi contra Manich. Lib. I. c. xv.

V. 8. FIRMAMENTUM CAELUM. Cælum pro aere, ut Psalm. VIII. *Volucres cæli*. Die secundo non ait: *Vidit Deus quod esset bonum*. Rationes variæ adducuntur.

V. 9. CONGREGENTUR AQUAE. Ex hac congregatione, & naturali aquæ magnitudine quidam colligunt, aquam maris esse terris altiores; coerceri autem intra præscriptos terminos divino præcepto, ne superfundatur terræ: porro pugnam inter aquæ naturam & divinum præceptum, *Usque huc venies*, & *hic constringes tumentes fluctus tuos*, Job XXXVIII. esse veram causam ællus maris. Sane quo loco in Psalm. XXXI. v. 7. legimus, *Congregans velut in utre aquas maris*; Hebr. legimus, *Congregans velut in cumulum*.

V. 11. HERBAM VIRENTEM. Hebr. *B* *bra*.

braice : *Germineat terra germen seni* : sic Sept. posuere *סורא זרע* . Per *semen* autem quidam intelligunt frumentum : neque enim *semen* semen producit , quod hic dicitur . Ex hac interpretatione explicant illa verba Matth. vi. v. 30. *Si enim seenum quod hodie est , & cras in eilaban mittitur* : alioqui *semen* nostri quis usus in eilabano esse potest ? cap. xlii. v. 26. *Cum crevisset herba* , Græce & Syriace *semen* , id est triticum , de quo agit . Tum illud Plalm. ciii. v. 14. *Qui producit seenum iumentis , & herbam servituti hominum* : nam pro *herba* est dictio Hebraica , quæ hic ponitur , nempe *חשב* *Heseb* : nam *herba* communis , aut *semen* in quos certe usus hominum cedat ? Et *LIGNUM POMIFERUM* , id est arborem pro arboribus .

V. 14. FIANT LUMINARIA . Placet ratio Greg. Nysseni , & Damasceni exultantium primo die lucis nomine iustum ignem . nunc in stellis tributum . Sic enim evadimus angustias explicandi , quæ fuerit lux primis tribus diebus , cujusque incumbere corpori .

V. 15. IN FIRMAMENTO CAELI . Per *firmamentum* intelligimus aerem : per *lucem & lumina* , id est ignem . Ut sicut aqua , & terra sunt inter se commixta , sic aer , & ignis . IN SIGNA , ET TEMPORA . Sic dixere Sept. Hebraice pro *temporibus* *סמנים מועדים* *Mobadim* est : quæ vox *mensis* , seu *sesta* significat . Et convenit cum verbis Eccli. xlii. *Aluna signum dies fusti* : & cum dixerit *stellas esse in annos & dies* , non debuit prætermittere *mensis* , qui a motu certe lunæ sumuntur , & *sesta* per *mensis* tributa . *Signa* vero indicant significari ab *stellis* aliqua futura ; *serenitatem* , *imbres* , alia : in qua investigatione eius quod significant , modestia opus est , ne fallamur .

V. 16. FECITQUE DEUS DUO LUMINARIA . Hebr. *duo illa luminaria* , propter *π* emphaticum , quod præponitur .

V. 17 POSUIT EAS IN FIRMAMENTO . Forte affixas : tametsi ex verbo *posuit* id non convincitur , nam & hominem posuit in paradiso : neque ex atrologis rationibus id certo constat , ut docet August. de Genes. ad litteram Lib. II. c. x .

V. 18. ET DIVIDERENT LUCEM AC TENEBRAS . Hebraice & Græce , *Inter lucem , & inter tenebras* . Verum dictio *אקוור* , qua usi sunt Sept. occasione in

desisse videtur Theoph. Cæs. in epist. de Paschate , & Bedæ de Ratione temporum , legendi hunc locum hoc modo : *Et dividerent lucem ac tenebras in æquis partes* : nempe Græcam dictionem *αἰκωρον* in duas diviserunt ; ac si diceret , *Diviserent per medium* , quod perinde est atque *in æquis partes* . Ex ea vero lectione colligitur primum illi , mundum in æquinoctio factum , quo tempore noctibus dies pares sunt . Colligunt alii , in omni orbis parte tenebris & luci par omnino tempus datum , quando quidquid diei in hieme detrahitur , tantumdem accedit per æstatem noctibus , converso ordine . Miram profecto sapientiam Conditoris ita solem constituisse , ut omnibus gentibus paria lucis & tenebrarum spatia distribuatur . Ex eo vero colligimus , nullam terræ partem a Conditore despectam : omnibus præter lucem suas tribuit dotes , nulli omnes ; quod mutua inter homines caritatis præcipuum fomentum est . Vides insulas longinquas solis ardoribus exultas ? In eas aurum , argentum , gemmas , aromata relegavit , quæ ceteri mortales avidissime cuperent .

V. 20. PRODUCANT AQUÆ REPTILE ANIMÆ VIVENTIS . Nunc primum vitæ & animæ mentio extat , ut intelligas , Stoicorum sententiam propius quam Peripateticorum accedere ad veritatem , plantas & herbas non vivere . Sic Galenus de Potent. natur. Lib. I. initio , hoc argumento , quod herbarum facultates non vocentur vitales , sed naturales . Et alioqui cum animus sit a Græca voce *ἀνιμος* , id est ventus ; quæ non spirant , quomodo habebunt animam ? At pisces non spirant . In eo fallitur Arist. verius Plin. spirare affirmat . *Aquæ* . August. xiv. super Genes. ad litteram per aquas aerem crassiores intelligit . *Animæ viventes* . Hebr. *reptile vivens* . Porro reptile est quod pedibus caret , aut breves admodum habet , certe ad gressum inutiles . Et VOLATILE SUPER TERRAM . Hebraice , *volatile volans* , quod postea repetit *volatile ale* , quod Sept. reddiderunt *πτερόεν* , *volatile pennatum* . Fortassis ea additione quæ supervacanea videatur , voluit ab hoc numero excludere ea quæ non pennis , sed membranis volant . quorum non pauca sunt genera . Porro piscium & avium origo communis est . Hinc quidam ieiunia solvi non credebant esu avium .

So-

Socrat. Lib. V. Hist. cap. xx. Tum fortassis id secutus Benedictus suis quadrupedum carnibus interdixit, avium concessit. Frustruos. in Regul. monachorum. SUB FIRMA-
MENTO CAELI; Sept. *Secundum firmamentum*; at Hebraice: *Super faciem firmamenti*: ad confirmationem קרקע *Rakiab* nil esse aliud quam aerem, sup. r quem nempe aves volant. Qua loquendi forma David Psalm. cxlviii. v. 4. dixit: *Et aqua que super celos sunt*.

V. 21. ANIMAM VIVENTEM, id est animal vivens. MOTABILEM, hoc est animal natans.

V. 22. BENEDIXITQUE EIS, dedit fecunditatem: sed benedictio hæc ad nudam multiplicationem referri non debet: nam herbe & arbores amplius quam animantes multiplicantur; neque eis tamen benedixit: sed potius ad nuptias referatur, & ad libidinem qua se appetunt sexus, & conjunctione gaudent. Hæc fere quasi benedictiones nuptiales. Quod vero addit, CRESCITE ET MULTIPLICAMINI, imperativus pro futuro accipiatur, *cresecitis & multiplicabimini*; quasi dicat: Ego do vobis virtutem ita faciendi. Quod si præceptum videatur repetitum in homine v. 28. repleta terra, non amplius vim habet. Tertull. de Mo. noz. Cypr. Lib. de Habitu virg. Hieronym. Lib. I. contra Iovin. August. de Sancta Virg. cap. ix.

V. 24. PRODUCAT TERRA REPTILIA ET BESTIAS TERRÆ. Reptilium nomen, ut divina providentia intelligas non maiora, sed minora etiam contineri: magnum tenuibus in angustia solamen. Bestiis terræ creatis non adiicit benedictionem, fortassis propter serpentem cui deinde maledixit. Aut potius sicut die quinto pisces, & aves una benedictione comprehendit, sic die sexta terrestria animalia omnia. Sed benedictio tota homini soli convenit, brutis quadamtenus ratione.

V. 26. FACIAMUS HOMINEM AD IMAGINEM ET SIMILITUDINEM. Simplicissime imago Dei in homine est anima incorporea & immortalis, nempe de genere Dei & Angelorum: tum dominum in res alias; ut quemadmodum Deus in cælo præst, sic homo in terra. Huc Paulus respexit, cum I. ad Corinth. xi. dixit: *Vir non debet velare caput suum, quoniam imago & gloria Dei est; mulier autem*

gloria viri est; nempe, vir est dominus, ideo non velat caput; mulier ut subdita velat. Quod si sequamur, sateri oportet mulierem perfecte secundum hanc rationem non esse imaginem Dei, secundum hanc, inquam, rationem. Faceat calumnia. Sic illis verbis, ET PRÆSIT PISCIBUS MARIS, continetur eius imaginis explicatio, in qua sita sit. Porro *imago & similitudo* idem significant; ideo proximo versu solum repetit prius verbum, *Et creavit Deus hominem ad imaginem suam*. Quidam Deum in forma humana putant in creatione versatum, & ad eam formam & imaginem hominem creasse. Aut *imago* sit secundum substantiam, *similitudo* secundum dona superaddita. Ad hæc verba & locum Lucianus Dial. pro Imag. refoxisse videtur, cum dixit eximium philosophorum hominem dixisse esse *Dei imaginem*. OMNIQUE REPTILI. *Reptile* hic vocat omne animal quod movetur in terra.

V. 29. ECCE DEDI VOBIS OMNEM HERBAM. Esu carnium ante Diluvium non concessit, quod c. ix. demum post Diluvium datur. Ecce, pro utique, omnino.

V. 30. IN QUIBUS EST ANIMA VIVENS, UT HABEANT AD VESCENDUM. In Hebræo & Sept. *In quibus est anima vivens, & omnem viriditatem feni in cibum*. Fortasse id Hieronym. omisit, quoniam paulo ante positum erat.

V. 31. ET FACTUM EST VESPERE ET MANE, DIES SEXTUS. Ceteri dies positi sunt in Hebræo sine *n* emphatico; solus dies sextus cum articulo habet propter eius diei excellentiam, in quo opus creationis perfectum, homo factus & lapsus, Christus conceptus & passus.

MALVENDAE.

Vers. I. IN PRINCIPIO. I. temporis. II. omnium, seu universalitatis rerum, vel ante omnia, seu primum. III. *In primis*. IV. *In principatu*. Sic vocem ראשית *reschib* exponit Vulgatus Deuteronomi xxxiii. 21. hoc est principaliter, & potensissime. V. *In principio*, hoc est Filio. Sic aliquicapiunt illud Deuterom. xxxiii. 21. *Vidit principium sibi*. Ioan. viii. v. 12. *Principium, qui & loquor vobis*. VI. Quidam volunt abundare ב *berb*, in ראשית *reschib*, redduntque: *Principium, initium, caput*; quasi dicat: Ordior describere mun-

di conlitum, & res populi Dei: initium mihi caris erit cæli terræque creatio. Sic poetæ incipiam. VII. Plerique putant esse syntaxim, quasi effet בראשית ברא בראשית *bereschith bara*, in principio creandi: vel in principio quo, seu quando *Deus creavit cælum & terram, tunc terra erat inanis & vacua*: vel in principio quando Deus. &c. tunc dixit: *Fiat lux*, &c. ut illa, *Terra autem erat inanis & vacua*, &c. intelligantur interiecta per parenthesis. Similem constructionem habes Osee 1. 2. *Principium*, loquutus est, loquendi Domino in Osee. liæz xxix. 2. *Ariel civitas habitavit habitandi*, vel in qua habitavit David. VIII. Propius ab voce Hebraicam, in capite, seu in capitulo, id est in summa; quasi dicat: Anacephaleosis, seu summa rerum creatarum est creatio cæli & terræ: nam iis reliqua omnia creata continentur, & includuntur. Simili Hebraismo Paulus Heb. viii. 1. *Capitulum autem super ea quæ dicuntur*; id est, summa vel summarium eorum quæ diximus. Psalm. xxxix. 9. in capite libri, id est in summa scripturæ, scriptum est de me. CREAVIT. ברא *bara*, in Kal, proprie tantum Deo, non homini convenit, neque ei in Scriptura umquam tribuitur. Notant passim ex vicinis & cognatis verbis proprie significare: *clare, conspicue, expurgate, pure, solide, robuste, frivare, magnifice, excellenter, exquisitè aliquid facere, & in esso conservare, alere, fovere, augere*: bifariamque cum Deo tribuitur, lumi. Primo pro eo quod est, ex nihilo aliquid facere quod prius non erat: secundo ex materia quidem præiacente, seu præexistente, sed novo modo, consilioque singulari, ac omnipotentia aliquid congere & exhibere ut existat; quod nulla creatura efficere possit. Qui duplex creandi modus ex variis Scripturæ locis nimis est pervagatus. Illic vero in priori significato poni, natura ipsa actionis evincit: nam si ante omnia Deus cælum & terram condidit, nihil horum creationem antecessit, nec ulla præexistens materia mundo præiacuit. Optima huius loci interpret Machabæica illa heroina II. Machabæor. vii. 28. *Peto, nate, ut aspiat ad cælum & terram, & ad omnia quæ in eis sunt; & intelligat quia ex nihilo fecit illa Deus*, Græcè. *Quia ex non existentibus fecit illa Deus*. Theologi usum verbi creandi ad priorem

significationem in suis disputationibus astrinxere. DEUS. אלהים *Elohim*, aiunt significare *Iudicem, Gubernatorem, Retiorem, Moderatorem, Providentem, Prospicientem*. Malim, *Fortissimum, Potentissimum, Maiestatem plenissimum ab El, & Ehab, inferto He ad intentionem significatus*. Formam pluralem, cum de Deo dicitur, sacram Triadem indicare permulti volunt: unde sæpissime construi cum verbo, vel pronomine, aut adiuncto singulari, ut hic, quo simul Trinitas personarum, & Unitas essentiae denotetur. Alii potius id consuetudini lingue ascribunt, & pluralem numerum magnitudinem, copiam, & abundantiam divinarum omnipotentie innuere: ut Elephas Job 41. 10. בהמות *behemoth*, plurali voce nuncupatur, quod instar multarum bestiarum censeatur. Reperies אלהים *Elohim*, cum de aliis quam de ipso Deo vero dicitur, constructum etiam cum verbo, vel adiuncto plurali, Gen. xx. 13. xxxv. 7. II. Samuelis vii. 23. Ieremiæ xxxiii. 36. A quibusdam observatum, אלהים *Elohim*, cum de aliis, quam de vero Deo dicitur, vix umquam de uno solo effrui: cur ergo Deo tributum pluralitatem personarum non indicabit? Ne simus mysteriis iniquiores. Alii extra Deum interdum de uno solo dictum inveniri contendunt. Vide Buxtorfii Lexicon. CAELUM. שמים *sebamaim*, formam dualis præiæret, luvat varias eius enodationes reponere. I. Quidam aiunt, significare altitudinem circumlarem alicuius rei, circum, sphaeram, horizontem. II. Alii שם *sehem*, deducunt, quasi corpora nominatissima, famosissima. III. Nonnulli a שם *sebamam*, obliuiscere, quod præ sui artificio, magnitudine, pulchritudine homines in admirationem & stuporem rapiant. IV. Pauci a שם *sebam*, quod locum remotum significat, quod cæli a terra sint remotissimi; & dualis forma distantiam denotet a terra utrimque æqualem: vel duos mundi polos circa quos cælum circumvolvitur. V. A שם *sum*, aliqui, quod situ mirabili, studio, cura, ordine, ornatu, compositione positi sint. Sed est icmol. VI. Plerique אש *esh*, ignis, מים *maim*, aquæ, quod ex aqua & igne sint conflati. VII. Plures אש *sebam*, id est ibi, & מים *maim*, aquæ; quasi dicas, ibi aqua, ut a substantia sua aquea appellationem habeant: formam vero dualis numeri indicare duplices aquas, illas videlicet quæ sunt supra firmamentum,

& h. s

& has quæ sunt sub firmamento . VIII. Aliqui a **שם** *seham*, *ibi*; quasi, quocumque te-
veritas, illic cælum aspiciat. IX. Nec desunt
qui a **שמה** *semaa*, *quod super*, & **מים** *maim*,
aquæ: quod regionem illam significet, in
qua aquæ illæ superiores stupendo quodam
modo & prorsus divino itupescunt, & quasi
obrigent, atque immortæ perstant, ac tor-
pent: nisi ubi Deo vitium est, vel vento
dispergere, vel omnino resolvere. X. In-
venies, qui a **שם** *sehamam*, *afflare* propter
morum, influxum, aflatum in hæc infer-
iora. Varias hoc nomen significationes in
Scripturis torritur, quas tunc elucidabimus
locis.

Hic cælum empyreum beatorum solum
nonnulli interpretantur. Alii totam illam
aqueam molem quæ, ut vitellum ovi albu-
gine, ita terra circumfusa erat. Plerique
cunctos orbescælettes. Consule Interpretes.

ET TERRAM. **ארץ** *aretz*, inde continen-
tibus vocibus, levi mutatione, facta La-
rina terra, & arida facile crediderim.
Etymon nominis varie enucleant. I. a **רץ**
ritz, *currere*, quod super eam curratur, &
cælorum, aliorumque elementorum curius
sit circa eam, sphaeræque circa eam cieatur.
II. a **רצץ** *ratzatz*, *apprimere*, *collidere*, *con-*
cudere, quod pedibus hominum teratur, &
quod sit oppressa, & infimum omnium ele-
mentorum locum obtineat, atque ad eam
inclinent & tendant gravia quæque tam-
quam ad centrum: unde pro infima cuiuscum-
que rei parte sumi volunt. Psalm. cxxxviii.
15. Ezechiel. i. 15. III. ab **אץ** *atz*, *con-*
dere thesauros, quod ea suffodiatur ad re-
condendum, vel eruendum thesauros. Cu-
riose & exquisitè quidam exponunt: *Primum*
creavit Deus sphaeram in centrum:
nempe extrema mundi, ut cetera quæ iis
includuntur, intelligantur, a circumferentia
ad centrum. Vide M. Varronem Lib. IV. de
lingua Latina cap. 111. & IV.

V. 2. INANIS. **תהו** *tohu*, vigesies tan-
tum in Scripturis occurrit, & variè a No-
stro redditur. Hic & **לאיז** xl. 17. 23. &
xli. 29. *inanis*; Deuteron. xxxii. 10. *lo-*
cus horrois; I. Samuelis xii. 20. *bis va-*
na; Iob vi. 18. & xxvi. 7. Ieremiæ iv.
23. *vacuum*; Iob xii. 24. **לאיז** xxix. 21.
& xlv. 19. *frustra*; Psalm. cvi. 40. *in-*
ivium; **לאיז** xxiv. 10. *vanitas*; **לאיז** xxxiv. 11.
& lxx. 4. *nilum*; **לאיז** xlv. 9. *nil*;
לאיז xlv. 18. *vanum*; **לאיז** xlix. 4. *sive cau-*

sa: quæ omnes interpretationes recte huic
loco convenient. Vulgo indigestionem, inor-
dinationem, indispotionem, confusionem,
indistinctionem, indesignationem, vastita-
tem, desolationem, desertum, ubi nihil or-
dinatum, aut digestum est, significare vo-
lunt; locumque exponunt: *Terra autem*
erat inordinatio, seu *indigestio*, id est erat
indigesta & inordinata, ac erat materia,
seu moles non relecta in ordinem, neque
distincta aut disposita: quia erat tunc lo-
corum nulla distinctio, nulli montes, nul-
læ valles, nulli colles, nulla prata, nulli
horti, nullus ager, nullæ silvæ; sed moles
indigesta, rudis, vassa, quam veteres pa-
rum deflexa voce chaos dixerunt: uti pul-
chre Ovidius describit initio Meramorpho-
seon. Si vox est **אחאז** vel **תהו** *tohu*,
posse reddi: *Et terra fuit circumscriptio*,
seu *inclusio*: quod inclusio & cooperta aquis
undique & sit ac cincta. ET VACUA. **בדד**
badad, ter tantum legitur, & semper cum
תהו *tohu* coniungitur. Noller **לאיז** xxxiv. 11.
desolationem dixit. Ieremiæ iv. 23. *nilum*.
Hic *vacua*. Vanitatem proprie significare,
& inanitatem aiunt; quasi dicat: Tunc ter-
ra erat inconstructa, inædificata, inculta,
reluctis, domibus, habitatoribus, & cultu-
ribus vacua. Conferunt cum vocibus **בנה**
banah, & **בנה** *banah*. Quidam norant **תהו**
tohu, e le materiam primam **בדד** *badad*, eius
desiderium ad omnem formam eam mo-
vens. Hispanis vocibus consentientibus
forsan erit quod dicimus *toza*, & *buza*. *To-*
za est Latinè, impenetrabilis, lenta; *Buza*, va-
cuus. ET TENEBRÆ ERANT SUPER FACIEM
ABYSSI. **תהו** *tohu*, singulariter *tenebra*,
si sermo Latinus pateretur: proprie *obscuritas*,
tenebrositas, *caligo*. Per **גהר** *gharaphel*,
expressit Iob xxxviii 9. *Et caligo illud quasi*
pannis infantis obvolvitur, ad hunc pro-
culdubio locum alludens. Nec a vero ablu-
dit Græcorum celebratum chaos: nam sine
luce omnia rudia, indigesta sunt, & in
chaos abeunt. Heb. pluraliter, *Super facies*
abyssi, ut utramque faciem, nempe utrius-
que hemisphærii illius aquæ molis occu-
passe tenebras intelligas. **תהו** *tohu*, rite
deducunt ab **הים** *him*, vel **הים** *him*, vel
הים *him*, ut sit multitudo, profunditas,
moles aquarum torbararum, cum fremitu
sonantium, ruentium, & tumultuantium.
Græci & eos imitati Latini *abyssum* dixe-
runt, id est immensam aquarum vim, &
con-

congeriem quæ vel fundo careat, vel habeat impenetrabile fundum. Aliqui *toraginem* reddunt. ET SPIRITUS DEI. Vulgatiores explanationes sunt I. de Spiritu sancto tertia sacre Triadis persona. II. de vi, energia, efficacia, impetu, impulsu, operatione divina. III. de vento magno excitato a Deo. Notum est Hebræos rebus quarum magnitudinem commendare student, nomen illis Dei adiungere, ut Psalm. xxxv. *montes Dei*. Psalm. lxxix. 12. *cedri Dei*, Genes. xxx. 8. *lustrationes Dei*. Sic Spiritus Dei, ventus magnus & vehemens. FEREBATUR. Notant nonnulli ex transposito רעב רעב *racbaph*, quod hic ponitur, factum Græcum *ραπεισ* *rapeio*, & compositum *ραπειστος* *rapeistos*, & Latinum Fero, Feror. Observant Hebræi, & nostrorum plerique, verbum רעב רעב *racbaph*, cuius participium semineum Pihel hoc loco habetur מרעבה *merachebeib*, proprie esse, commovere se, agitare se expansione, & latitudine, seu dilatatione alarum: propriumque esse avium alas motantium, agitantium, seu vibrantium dum vel ovis, aut pullis incubant ad eos calore fovendum & animandum, ut solent gallinæ, & columbæ; vel pullos ad volatum provocant, ut ciconiæ, & aquilæ; vel sese in acre suspendunt ac librant ad prædam inhiantes. Unde hunc locum varie reddunt: *blotabat*, *agitabatur expansione*, & dilatatione veluti alarum; *incubabat*, *fovebat*, *animabat*, *volitabat*, *velitabat*, *perflabat*. Ter tantum reperitur in Scriptura. Noster Deuter. xxxii. 11. *volare* dixit. Ierem. xxiii. 9. *contremere*. Ego contremiscendi & arendi significatum genuinum existimo ex loco Ieremizæ, duobusque aliis locis recte concrete: agitant enim sese, & veluti contremiscunt aves quando involitant pullis; exponoque: Et Spiritus Elobim contremiscere faciens super facies aquarum; quasi vi sua impelleret, agigaret, ac tremulas & crispantes redderet aquas. Quidam: Ventus vehementer agitationem faciebat super aquas.

Ego potius de vi, & impulsu divino acciperim qui substantiam, vel molem illam aqueam rudem & indigestam, seu chaos impellebat, agitabat, commovebat, subigebat, ut inde celos, elementa, mixta secerneret, extraheret, crearet, ordinaret altissimo consilio & omnipotentia. Mar. vel utinans, vel huc alludens, VI. AEniados cecinit:

Spiritus intus alit, totamque infusa per artus

Mens agitât molem, & magno se corpore misceat.

AQUAS. מים *maim*, totam illam materiam liquidam quæ primo die creata fuit, quam תהום *tehom* appellat, intelligi volunt: formam dualem superiores & inferiores aquas quas dividit firmamentum, indicare. Nove & curiosi aliqui hic מים *maim*, *liquores*, interpretantur, notantque formam dualem geminum liquorem significare. Est enim alter liquor sua sponte pinguis, dulcis, lentior, & in omnem partem ductilis, minusve concrefcens, ut lac, oleum, &c. alter vero humidus ac salus est, facile sequax, & doctus vacua penetrare & implere, ut aqua; atqui ex huius duplicis liquoris varia & multiplici mixtione, coaptatione, concursu, tamquam ex opportuna & comparata materia varias ac multiplices rerum formas ac naturas spiritu Elobim, initio mundi consecutas fuisse, ac perpetuo confici docent; locumque ita exponunt: Et Spiritus Elobim efficaciter motans, confovens, ac agitans super facies gemini liquoris: quod nimirum Spiritus Elobim, formarum omnium aptator, discretor, constitutor, ac moderator existat. Sed hæc subtilia & aliena existimo. מים *maimego* vocem naturalem puto: nam infantes cum primum fari incipiunt, *ma* dicunt, aquam postulantes. Notant אים *maim*, factum Græcum *μαῖν*, *maim*, id est *auris aquas*: & Latinum, Meo, as, are: unde meatus aquarum.

V. 3. DIXITQUE DEUS. Notant quidam, Mosem in descriptione creationis rerum usum potius verbo אמר *amar*, *dixit*, quam verbo דבר *dabar*, *loquutus est* quod אמר *omer*, dictum, sermo, pronuntiatum, *logos* sit potius nomen Filii Dei, quo eum Ioannes appellat, quam אמר *amar*, quod eloquium, & rem, seu ordinem rerum magis significet, quam sermonem: & per Filium Deus dixerit decreverit & totum ordinem creationis, & reparationis hominum, & profert Evangelium ex sinu æterni Patris, quo colligit sibi Ecclesiam, & monstrat Patrem, confirmat Evangelium, movet corda, consilatur & vivificat corda hominum, dans in illa Spiritum sanctum: denique quod is fuerit dictum illud & sermo per quem condita sunt univer-

fa, Ioan. 1. 3. volunt enim, Ioannem, cum Filium Dei Logon appellat, vocem דבר *oiver* potius expressisse, quam דבר *dabar*. Quamquam hæc levis sit aliis coniectura. דבר *amar*, cum Deo tribuitur, fortius quiddam & efficacius sæpe significat, simulatque includit decretum, ordinationem, exultationem, ut sit interdum, *velle, iubere, decernere, constituere*. Psalm. xxxii. 9. Psalm. cxlviii. 5. Iudith xvi. 17. Iosue 11. 11. FIAT LUX. ויהי *ibih*, futurum, *erit lux*, constantiam & perennitatem essendi in Scriptura designat: idcirco videtur Moyses usus futuris essendi in descriptione creationis, ut constantiam & stabilitatem eorum quæ Deus considerat indicaret. Futurum enim tria tempora includit, & perpetuitatem inivit. Vide Exodi 111. 14. Psalm. cxviii. 91. Ordinatione sua perseverant dies. Ecclesiastes 111. 14. Omnia opera quæ fecit Deus perseverant in perpetuum. Hebr. Omne quod fecit Deus, ipsum ויהי *ibih*, *erit in seculum*. Quænam & qualis fuerit ista lux, cum sol dicatur infra quarta die productus, disquirunt Interpretes, nec expediunt. Hunc locum respexit Paulus II. Corinth. iv. 6. Deus qui dixit de tenebris lucem splendescere: splendida ergo, illustris, & conspicua lux illa fuit.

V. 4. BONA. טוב *toob*, non tam essentialiter, & substantialiter bonum, quam amabile, iucundum, amatum, gratum, volupe, delectabile, dulce, suave, utile significat: item pulchrum, decorum, speciosum, formosum. Petrus I. cap. 11. 3. ἀγαθὸν exposuit, id est, *dulcem, benignum, suavem, lenem, humanum, mihi meque aulterum*. Sic Latini lucem dulcem, benignam, pulchram appellant. Divisit. Usus est verbo בדר *badal* in Hiphil ad significandam magnam distinctionem inter lucem ac tenebras: בדר *iebadel, divosif, separavit, seinnxit, discrevit, segregavit, distinxit*, magno discrimine, & intervallo, naturæ, loci, & temporis.

V. 5. APPELLAVITQUE LUCEM DIEM. קרא *kara* construitur hic cum lamed nota dativi: Et vocavit *Elohim* luci dies, & tenebrositati vocavit nox. Et sic idem valet quod dare, imponere, indere nomen. Indidit nomen luci diei, & obscuritati indidit nomen nox; hoc est, statuit, sancivit, ut dum lux obtineret, esset dies, & dum tenebræ obtinerent, esset nox; &

his nominibus a gentibus vocarentur. Hic dies, & nox pro artificialibus sumuntur, ut dies xii. totidemque nox horas contineat. FACTUMQUE EST VESPERE ET MANE, DIES UNUS, naturalis xxiv. horarum, diem noctemque complectens. Præposuit vesperam luci, quod tenebræ lucem ipsam antecesserunt, & quod in Scriptura dies naturalis & festa a vespere incipiant more apud Hebræos, & alias gentes recepto. Quidam notant, mundum primum x i i. horis iacuisse in tenebris, & aliis x i i. primum fulsisse lucem, & has x x i v. horas constituisse primum diem naturalem mundi.

V. 6. FIAT FIRMAMENTUM. רקע *rakiagh*, Verbum רקע *rakagh* undecies occurrit in Scripturis, & varie a Nostro convertitur. Exodi xxx. 3. incidere; Numeror. xvi. 39. *producere in laminas*; II. Samuel. xxii. 43. *confringere*; Iob xxxv. 11. 18. *fabricare*; Mal. cxxxv. 6. *lauri xl i i. 5. formare*; *lauri xl. 10. figurare*; *lauri xl iv. 24. stabilire*; Ezechiel. vi. 11. *alidere*; Ezech. xxv. 6. *percutere*; Ierem. x. 9. *involvere*. Aiunt significare, *continuare, extendere, distendere, expandere, dispandere, diducere, producere, extendendo confirmare, consolidare rem aliquam quæ prius fluida* & *rara erat, confirmare, continuare, & in latum, vel laminas extendere*: sicut æs fluidum, aurum, argentum, aut aliæ metalla, dum liquefunt fundendo; aut res aliæ fluidæ & raræ condensando in latum distenduntur, & diducuntur.

Nomen *Rakiagh* quod hic ponitur communiter redditur *extensio, expansio, ductio*, seu *expansum, expansile, ductibile*, corpus scilicet diductum, rarum, & expansum. Notantque indicare extensionem & expansionem compactam & stabilem, ac firmam, id est rem expansam & diductam, quæ firma, compacta, & stabilis sit. Itaque dici volunt ab extensione & similitudine materiz: unde Latini Græcos sequuti, *firmamentum* dixerunt; & recte quidem: nam quid aere & aqua mollius & fluidius? Et tamen Deus ita firmavit & compexit illam extensionem, ut quovis ære & adamante sit durabilior & solidior, nec continui motus pernecitate consumatur. Noster perpetuo vertit *firmamentum* in *fissionem, interfissionem*. Quidam interpretantur ruptionem, disruptionem, discontinuationem. a transposito רקע *karagh*, quasi Deus disfederit, diruperit, discontinuaverit aqueam illam

mo-

molem, ac secuerit in duas partes interiecto magno corpore firmamenti. Alii *diffusionem*, vel *diffusum* quoddam corpus, *interpositionem*. Nec desunt qui congruente voce intelligi velint *aulæum*, *peristroma*, seu *pannum variegatum*, & *vario contextum*, quod vulgo *panno de Ras* vocant: quo videtur alludisse Psalm. ciii. 3. *Extendens cælum sicut pellem*, cortinam, *aulæum*: qui tegit, *conrignas*, *aquis superiora emans.* Illic xl. 22. *Qui extendit velut telam pellem*, *conopeum*, *aulæum*, *cortinam*, *cælos*, & *expandit eos velut tabernaculum*, *tentorium*, *ad inhabitandum*.

Quid autem *Rakie*, seu expansionis, aut firmamenti nomine Moyses intellexerit, prolixè disputant Explanatores, nec certi quidpiam constituunt. Quidam elementum seu corpus aeris volunt. Alii cælum ipsum stellatum, omneque alios cælestes orbes ipsi stellato vicinos, seu inferiores, seu superiores ad usque empyreum exclusive. Nonnulli quidquid est supra nos expansionem & extensum; id est quidquid est supra terram, & aquas marinas & fluviales; nempè aërem, ignem, & cælestes globos. Nos potius universum corpus cæleste, id est orbes ipsos cælestes accipimus, abique tamen empyreo. Qui rectè nomine *רקיע rakiagh* censentur, quod ex fluida aëre materia, & ex *tehom*, extensi, diducti, firmiter & solide compacti & consolidati sunt. Job xxxvii. 18. *Extendens רקיע torkiagh expandes cum eo calor firmissimi, compactissimi, solidissimi, sicut visio, seu aspectus aeris, aut chalybis fusi, vel fusilis.* Vide sapientiam divini auctoris. שקים *shecakim*, cæli a levitate dicuntur, quasi levissimi: & רקים *chazakim*, compactissimi, & firmissimi: & usus est verbo *רקע rakaab*, ut indicaret, Deum initio rerum ex fluxa & fluida mole illa & substantia aquarum extendisse, diduxisse & compessisse cælos tanta soliditate, stabilitate, & firmitudine, ut insulsa aeris aut chalybis firmitissima materia comparari possit. Sed hunc locum alibi plenius expendemus: nam egregie vim verbi *rakagh*, & sensum Moysis de *rakiagh* seu firmamento eluciat. Tanti refert Scripturas suis ex fontibus trahere.

V. 7. DIVISITQUE AQUAS QUAE ERANT SUB FIRMAMENTO, AB HIS QUAE ERANT SUPER FIRMAMENTUM. Aquas hic quidam geminos liquo-

res interpretantur, de quibus diximus verè. 2. notantque geminos illos liquores in duplices quæque partes discretos duo etiam loca occupare ac tenere iussos. Namque in singulis crassiora ac tenuiora elementa tuerant a principio creata: id quod in unoquoque eorum quæ videntur, liquore deprehenditur, ut in melle, oleo, & vino, e quibus tenuior pars locum superiorem, crassior vero inferiorem in vase quo continentur, occupat. Hunc igitur in modum eos qui primo confusi erant liquores pinguem videlicet & salum, divini verbi vis excolatos reddens, ira diduxit ut potiore, tenuiorem, atque puriorem partem supremam; crassio rem vero atque minus puram, concretionem magis idoneam, intima locari regione; utraque vero ut eiuudem naturæ, quamquam diversæ molis, tamen eiuudem etiam nominis communione, nempe *maim*, tueri iuberet, interiecto medio quodam corpore ex utroqueque evaporatione prima constante, quod utraque ac tenuia, ac infimis crassiss diducta, interfectaque distarent: cui corpori medio *rakiagh*, id est fusionem, expansionem, sive firmamentum nomen Deus fecerit, quod etiam appellavit *shehamaim*, id est ibi aquæ, seu gemini liquores, quod nimirum illorum geminorum liquorum, de quibus diximus, consortium, quod sibi arroget, atque item divortium ex etymologia indicet. Est enim utriusque liquoribus intermedium corpus, inferioribus tenuius, & magis permeabile; superioribus vero crassius, ac minus purum. Atque supremi illi, qui istis superioribus incumbunt liquores, ostendit שמים *sheme shehamaim*, id est *cæli celorum*, in Scriptura nuncupantur. Sed sunt hæc subtilia & curiosa.

Estè supra firmamentum, seu supra cælos, hoc est cælestes orbes, inter ipsos & empyreum veras, naturales, elementares, cum his inferioribus homogeneas aquas, tam perspicue hic & alibi Scriptura pronuntiat, tam multi Patres & præclarissimi recentiorum affirmant, ut aliter sentire vix possimus. Cui autem fini, Deus novit, nec nobis ambigiose periclitandum.

QUAE ERANT SUB FIRMAMENTO. מַתְחַת *mittachot*. Notant quando מַתְחַת *tachot* legitur cum præpositione *Mem* a fronte, & nomen subsequens præpositum habet *Lamed*, ut hic, tunc esse comparativi gra-

gradus, & respectum importare. Unde exponunt: *Et distinxit inter aquas quæ de subter expansionis*, idest in ea parte quæ sub firmamento est; vel sic, quæ sunt inferioris firmamento, idest inferiores firmamento, ut Deuter. iv. 18. Hanc phrasim Lucam sequuntur voluit, xvii. 24. *Sicut fulgur coruscans de sub cælo, in eam quæ sub cælo suget*, idest; e regione quæ est sub cælo in eam quæ sub cælo est fulget. QUÆERANT SUPER FIRMAMENTUM. Sic pariter מְגַבֵּל megal, quando sequitur proxime nomen dativi calus, seu habens a fronte Lamed, respectum seu comparisonem importare, ut hic, quæ de super expansionis, idest quæ superius, vel quæ erant superiores expansioni. Opponuntur enim מִיתָאֲבָח וְ מִגְבָּל.

V. 9. CONGREGENTUR AQUÆ. מִקְוֵי קִיבּוּל, quibuscum est *magno animi desiderio* & *propensione* in aliquid intendere, respicere, expectare, amplecti, sibi quæ applicare; seu affectari, affectare, apprehendere, intendere, seu potius intentum esse, circumquaque respicere, ac veluti intentum pendere; proprieque tantum dici de motu & inclinatione animi: voluntque Paulum *anexas passio*, idest *capite intento* contempler, recondidisse, ut sit gestus diligenter intentum, & avide atque anxie expectantium. Aliis est *expectare incumbendo*, præstolatus est, congregatus est manendo & expectando. Nonnullis est *lineas ducere* intenta oculorum acie, quod est proprie Perspectivæ & Geometriæ: nam ex eo est קוֹ קוֹ, linea, regula, forma: & quia qui aliquid expectant magno animi desiderio, similes sunt mensuris geometricis, quod animum intentum habeant in rem temporis, locaque mensurantes, &c. transferri ad eam animi applicationem significandam; in qua significatione frequentissime usurpatur. Noster expectare passim vertit; Job tamen xvii. 13. *sustinere*. Vide infra cap. xlix. vers. 18. Unde varie vertunt 1. *Affectant*, *confluunt*. 2. *Extendentur*. 3. *Incumbunt*, *propendebunt*. 4. *Colligabuntur*, *colliguntur*. 5. *Intendent*, *contendent*. 6. *Manebunt*, *sustincentur*. 7. *Ratione quadam veluti geometrica circumferibuntur aquæ in loco uno*. 8. *Linatim tendent*. Nos ad verbum: *expectabuntur aquæ ad locum unum*. Aliene alii: *Excavabuntur aquæ*; nam a קָוָה, Latinum, *cavo*, *excavo*, & *cavum*, factum, quod in cava seu cavitates terræ, tunc aquæ sint infusæ. Notant, a-

quas inferiores tunc & condensatas a Deo; & in magnas terræ cavitates & cuniculos immisissas nudasse terram; inde maria resulsasse, & terram in montes & colles asfurxerisse, & subdividisse, quæ prius tota undique cooperta aquis erat. Et APPAREAT ARIDA. Substantive aliqui reddunt: *Et videatur, conspiciatur, appareat ariditas, siccitas*. יבשה iabbeschab, ex significato יבש iabbeschet, quod idem est, *siccum* interpretor, e Psalm. xciv. 5. *Et siccam nianus eius formaverunt*. Continentem nonnulli hic malunt: *Et appareat, extet continens*.

V. 10. CONGREGATIONESQUE AQUARUM. מִקְוֵי mikteb significare exponunt *collectionem*, *congregationem*, *confluentiam*, *confluentem*, *colluviem*, *comprehensionem*, *conceptaculum*. Noster Isaia xxi. 11. & Exodi vii. 19. *lacum* dixit. Nos elegantissime Hebraismo, *expectationem aquarum*, quod ibi geometrica quadam ratione expectent, detineantur, & sustineant lineas, & terminos quos illis præfixit Deus, veluti divina arte illis locis circumscriptæ & delineatæ. Job xxxvi. 11. 10. 11. MARIA. מַיִם iammim, congruit cum voce מַיִם matim aquæ; nam a multitudine & copia aquarum nomen habet: & מַיִם הַיָּם bim הַמַּיִם hamam & מַיִם הַמַּיִם, quæ turbationem, frenitum, sonitum significant, marique conveniunt: nec absit a voce תַּרְחֵם rebom, de qua diximus vers. 1. Longius conferunt cum מַיִם cum, quod ex mari veluti ex matre propugentur variz soboles fluminum, vel quod sit secundum. Notum est, generaliter significare quamlibet magnam aquarum collectionem & multitudinem, quæ intra naturalia, vel factitia littora stantes continentur. Latini nunc mare, nunc lacum, nunc stagnum, nunc paludem, nunc piscinam, & metaphoricè magnum lebetem, aut vas multam aquam continens solent appellare: unde mare erat inter vasa templi Salomonici. Pluraliter maria dixit, quod varia sint, oceanus, mediterranea, & multiplices sunt sinus quibus se terris infundit.

V. 11. GERMINET. תִּדְשֶׁה tadsche, *programinabit*, *progerminabit*, *pullulabit*, *berbificabit*. Alii longius conferentes cum מַדְשָׁה esched, *fecundiet*, quod in locis palustribus & scaturiginosis citius elicitur gramen, aiunt generale esse verbum, non tantum ad gramina, herbas, seu germina in terra nascentia, sed & ad arborum fo-

lia, & pullulos. Alii dici tantum volunt de graminum, & herbarum e terra productione, quando primum nascuntur & promiscant. Forma Hiphil hic impetum, luxuriam, & abundantiam germinandi indicat. HERBAM VIRENTEM. Sunt hic duo nomina substantiva, דֶּשֶׁבֶה *deshebe* & שֶׁבֶט *shebet*. *Deshebe* esse docent nomen generale ad gramina, herbas, & arborum folia, quasi sit progerminatio, seu progermen. Alii non tam late patere exiffimant, sed esse dumtaxat herbam tenellam, seu germen tenerimum, quod recens oritur antequam adolescat in caulem, quasi oicas herbulam; & significare volunt herbam voluntariam, infativam, sponte nascentem. Univerſe pro omni terræ virore ſumunt. *Gheſeb* vero aiunt generaliter eſſe herbam quamlibet ſuo nomine appellatam e terra nascentem. Aliis eſt herba paulo grandior, quæ produxit germen, & adolevit: unde *herbam, gran-en, virgultum, fruticem* interpretantur. Nonnullis eſt herba fativa propriæ, & cultura, vel ex ſemine ſuorū ſus proveniens. Cum trigieſe & ſemel in Scriptura ponatur, Noſter ſemper *herbam* vertit; niſi Deuter. xi. 15. II. Regum xix. 26. Pſalm. lxxi. 16. Pſalm. xci. 8. Pſalm. ci. 5. Pſalm. ciii. 14. Pſalm. civ. 35. Pſalm. cv. 20. Proverb. xxvii. 27. Iſaïæ xxxvii. 27. quibus undecim locis *ſenum* reddidit, Deuter. xxxiii. 2. Iſaïæ xlii. 15. *gramen*. Genef. i. 11. & ix. 3. Deuter. xxix. 23. *virens*. His duabus vocibus coniunctis videtur Moſes indicaffe, tunc terram mirabili Dei operatione produxiſſe herbas & virentia nedum tenera & erumpentia, ſed perfectæ adeo & adulta, continentia iam in ſe ipsis ſemen, cum virore tamen & ſucco. *LIGNUM*. פֶּתֶל *ghetzel*, *ſignum*, vel viride, quod nos arborem vocamus, vel ſuſcicum & aridum, aiunt, generale eſſe nomen ad omnia ligna, arbores, arbuſta, frutices quorum caulis altius excrevit, & ramos ex caulice produxit. Quidam conferunt cum פֶּתֶל *ghetzel*, *ſpina dorsi*, quod arbor ramos ſuos extenſos habeat ad formam ſpinæ dorsi. Sed potius ſpina dorsi dicta eſt *ghetzel*, eo quod ut arbor ramos, ita illa coſtas extendit, referatque figuram arboris cum ramis ſuis. Ioſue ii. 6. *Abſcondit eos in linis ligni ordinatis*; ideſt, ſub faciſibus, ſeu ſtruibus linorum quæ erant cum caulibus & ſtipulis: caules linorum appellat *lignum*, eſtque hypallage, li-

nis ligni pro lignis lini. Forſan intelligit *lina xylina*, de quibus Plinius Lib. xlix. cap. 1. *GENUS SUUM*. *pro min* conditio, quares aliqua ab aliis generibus diſtinguitur, quam dialectici ſpeciem vocant. Hic *conditionem, ſpeciem, genus* licebit reddere: nam genus & ſpecies apud Hebræos nonnumquam confunduntur.

V. 12. ET PROTULIT. מָצִין *totze*, *exire fecit, eduxit, produxit, extulit*. Coniugatio Hiphil vim, impetum, & luxuriam producendi deſignat. Tunc enim vi divina ſovente & animante cuncta perfectiſſime & abſolutiſſime terra fundebat. FACIENTEM SEMEN. Hebr. *feminificancem ſemen*. ET HABENS UNUMQUODQUE SEMEN-TEM &c. Hæc congeries, & iteratio ſemini indicat tunc herbas, arboreſque cum ſeminibus ſuis & fructibus iam maturis & periectis productas fuiſſe.

V. 14. FIANT LUMINARIA. Hebr. *Erit luminaria*. Verbo ſingulari adiunxit plurale ſuppoſitum, ut forſan indicare, omnia cæli luminaria ab uno maximo luminari ſole tamquam a fonte haurire vim luminis. Vel diſtributive: *ſit luminaria*, ideſt unumquodque ex luminaribus: ſic enim loqui ſolent Hebræi, ut Ioſue ii. 4. *Accipis mulier duos viros, & abſcondit cum*, ideſt utrumque. Gen. xli. 22. *Filiæ incedebat ſuper muro*, ideſt unaquæque, una poſt aliam. Prov. ix. 1. *Sapientie edificavit*. Eccli. x. 1. *Mulca mortis ſetere faciet*, & exbalare faciet unguentum pigmentarii. IN SIGNA. מִנִּימ *orb*, ſignum generaliter, aliquando prodigium, portentum, ab מִנִּימ *arba*, *venit*, quod faciat venire & eſſe quod indicat & deſignat: vel quod ventura deſignet, ac portendat. מִנִּימ *stihiorb*, *ventura, futura*, Iſaïæ xli. 23. xlv. 11. *In ſigna*. I. zodiaci, & alia quæ ex ſitu, & coaptatione ſtellarum & ſiderum aſtologi obſervarunt, uti Aratus, Higinus, & alii. II. caloris, frigoris, humiditatis, ſiccitatis, ſerenitatis, pluviarum, ventorum, proven-tus fructuum, vel caritatis annonæ, tempeſtatum, & eiufmodi. Alluſit huc Chriſtus Matthæi xvi. 2. *Fallo veſpere dieiſis: Serenum erit, rubicundum eſt enim cælum. Et mane: Hodie tempeſtas, ruſtilat enim triſte cælum. Faciem ergo cæli diiudicare noſtis; ſigna autem temporum non poteſtis?* Vide Virgilium l. Georgicorum:

---- ſolem certiffima ſigna ſequentur:

& quæ

& quæ divine subiungit. III. prodigia, portentosa, prognostica, ut bellorum, mortium principum, magnarum mutationum rerum, everfionum imperiorum: hæc enim Dei nutu & providentia solent interdum cometis, figuris, signis in cælo portendi. Adi Virgilium ibidem illis versibus admirandis.

Sol tibi signa dabit: solem quis dicere falsum Audeat?

Innumera horum exempla in annalibus. IV. Aliene quidam: in miracula: ut itatio solis in Iosue, retrogressio in horologio Achaz, ignæ acies in cælo in Machabæis, stella Magorum in Evangelio, solis obfcuratio in Apocalypsi, &c. AC TEMPORA. Menses aliqui interpretantur; alioquin eorum non meminisset Moses. מִשְׁבָּחִים *moghadim* proprie flata, confitura, certa, definita, condita tempora. Quidam reddunt, in indictiones. Alii, in tempestates, in collectiones, nempe dierum, mensium, annorum, festorum. Pauci, in festa, solemnitates, ferias, flata: id enim *moghadim* significat, Levit. xxxiii. 2. & alibi sæpius. Eccli. xlii. 7. *A luna signum dici festi*, nempe Neomeniæ. Nec defunt qui, in confusions: plures, in flata tempora, seu in stationes. Existimo designari stationes temporum veris, æstatis, autumnii, hiemis; nem messis, vindemie, olivitionis; rursus effloritionis, maturitatis, collectionis fructuum, &c. Hispanicus Interpres, *las seasons*. Psalm. ciii. 19. *Fecit lunam in tempora*. Ad forensia quidam extendunt, ut nundinas, iudicia, iustitias, &c. unde Latinis, *status dies*, qui iudicii causa constituitur. Ad verbum in dativo convertenda hæc erant: Signis, & stationibus, & diebus, & annis.

V. 16. UT PRAESESSET DIEI. לְמַעַן יִשְׁמַח לֵמַעַן *lememschelch*, varie exponunt, ad, vel in eminentiam, auctoritatem, dominium, potestatem, praefecturam, imperium, praesidentiam dici. Quidam, in umbram, seu super eminentiam dici. Psalm. cxxxv. *Solem ad potestatem in die; lunam & stellas ad potestatem in nocte*: ubi est eadem vox quæ hic. Ad verbum: Dominio dici, dominio nobis, in dativo: id est, ut sol esset auctor, praeses, praefectus, imperator, dominus lucis diei; & luna noctis. Ieremie xxxi. 35. *Dominus, qui dat solem in lumine diei; ordinem luna & stellarum in lumine noctis*. ET STELLAS. כִּכְבִּים *cocabim*, כָּכָבָה *cabab*, uictas per antiphrasim volunt, quod peren-

nem & inextinguibilem lucem habeant.

V. 17. ET POSUIT BAS. Hebr. *cor*, vel *ca*; nimirum solem, lunam, stellas. UT LUCERENT. לְהַאִיר *lehair*, formula Hiphil vim, copiam, & abundantiam simul, & perennitatem lucis ostendit, ad illuminare, illustrare fulgentissima & perennis luce super terram.

V. 20. PRODUCANT AQUAE. מְרִיר *sebaraz* duodecim tantum locis forte in Scriptura reperitur, & varie a Nostro exponitur. Genes. i. 20. 21. *producere*, Levitici xi. 29. *moveri*, Gen. vii. 21. & cap. viii. 17. Levitici xi. 41. 45. *reptare*, Genes. ix. 7. *ingredi*, Exodi i. 7. *germinare*, Exodi vii. 3. *ebullire*, Psalm. civ. 30. *edere*, id est *producere*, Ezechiel. xlvii. 9. *serpere*. Conferunt cum verbo מְרִיר *ruir*, *currere*, ac varie reddunt hic: *Reptificabunt*, *reptificabunt*, *reperere facient*, *gignere*, *crefcere facient in multitudine*, *multiplicare facient*, *prolificabunt*, *motabunt*, *erumpent*, *crustabunt*, *astuabunt*, *ebullient*, *scaturient*, *serpere facient*: atque notant, quando active & transitive ponitur, ac post se accusativum regit, dici de productione in magna copia, seu de multitudine feminis nascentis, ac sese præ multitudine coarctantis, & quasi cursum prementis; & significare vel aquas, vel terram gignere & producere in magna copia motabilia, seu volatilia: ac dici de piscibus, de avibus, de hominibus, & aliis animantibus. Quando vero absolute & neutraliter legitur, esse *motari*, *currere*, *reperere*, *reptare*. REPTILE. Vox autem מְרִיר *sebaretz*, nomen est collectivum, seu universalitatis, comprehendens generaliter omnia animantia, sive aquatilia, sive terrestria, sive amphibia, sive natatilia, sive volatilia, quæ motitant se, seu cursitant, vel submisce repunt, nem elevando pedes, aut quatiendo, seu pulsando & calcando terram pedibus. ut sunt ranæ, mures, musstelæ, testudines, lacerti, crocodili, locustæ, formicæ, muscæ, crabrones, vermes, apes, pisces, & eiusmodi: ut significet omne animal quod super terram non eminet, vel quod pedes non habet, vel saltem breves admodum & parvos, ut potius reperi, aut serpere videatur, quam gradi. Ex *sebaretz* Latinum *serex* quidam constatum putant. Hic nonnulli univcrse exponunt: *Scaturiens aqua scaturitionem*, vel *ebulliens aqua ebullitionem*. Noster reptile dicere so-

let. Reptilia vero appellantur quæcumque pedibus careant, aut quæ breves admodum pedes habent, ita ut pedes illis non sint apti ad gradiendum in terra, sed tantum ad rependum. Sunt autem reptilia terrestria, & aquatilia. ANIMAE VIVENTIS. Ex verbo, *animæ vitæ*. נפש *nephseph*, hic quidam reddunt: *statum balium*, *anbelatum*. *Vitæ*, spiritum vitæ, id est reptile, in quo sit spiritus vitalis. Quidam pro corpore, altera parte compositi, in quo est anima, seu halitus vitæ, hic poni volunt; quod Paulus dixit, *Corpus animale*; ut Psalm. civ. 18. *Ferrum venit in animam eius*, id est in corpus eius. Psalm. cv. 15. *Misti maciem in animam eorum*, id est in corpus eorum; quasi dicat: Producent aquæ reptile corporis animalis vivi. Potius intellexerim omnes facultates animæ sensitivæ, ut toto hoc initio Genesis. ET VOLATILE. חַיָּה גְּפוּפָה *ghoph*, proprie *volucres*, *volatile*, quod se sublevar in acre remigio, & vibratione alarum; quasi dicas, *vibratile*. Heb. *Et volatile volabit super terram*. Quidam aves ex aquis factas censent; alii ex aere. Primis suffragatur Noster qui verbum *volabit* hic omisit. Unde volunt Hebraice subaudiendum פֶּשֶׁר *ascher*, & *volatilis*, quod *volabit super terram*. Alii notant. I. Hic aquarum appellatione includi quoque aerem. II. Natantium, & volatilium unam originem, seu materiam ex qua a Mose poni propter cognitionem quam inter se habent: nam & aer aquæ consimilis est: ac velut pisces aquam secant motu pinna- rum ulterius procedentes, caudæ vero mutatione, cum circumversiones, tum rectos motus sibi ipsis velut remone gubernantes; sic etiam in volucibus videre est, alis simili modo pernatantibus. III. Quod multis avibus & volare, & natare promiscue concessum sit, sicut mergis, fulicis, anatibus, & similibus, quæ ad aquas vivunt: unde hunc locum ita reddunt: *Motabant copiose aquæ motabile anima viventis*, & *volucrum quæ volitet super terram*. Plerique volunt aves ex terra productas, observant quæ, accentum hic distinctum atnach appositum voci חַיָּה *chaiab*, id est *vitæ*, ostendere, esse alterum membrum, seu hemistichium, aliamque sententiam de avibus, quas ex terra formatas cap. 11. 19. per exegetin dicit. Notant præterea verbum חַיָּה גְּפוּפָה positum hic in futuro Pibet, signi-

ficatum intendere, ut sit *volitare*, *pervolitare*.

V. 21. CETE GRANDIA. Singulare & plurale תַּיִן *thayninim*, occurrit in Scriptura vigetis octies, & semper Noster *draconem*, vel *dracones* vertit, nisi his locis. Hic, Job vii. 12. *Isaie* xxv. 11. *cetum*, vel *cete*, Exodi vii. 11. *colubrum*, Psalm. xl. 11. 20. *afflictionem*, *Isaie* xlii. 22. *serpens* Threnorum iv. 3. *lamias*. Vulgo *dracones* interpretantur; & constat ex Scriptura passim, esse dracones terrestres, & aquatiles seu marinos. Aliqui exponunt animantes stupenda vastitate, & angustia specie, monstra quæ inventiuntur in utroque genere; ut dracones in volucibus, & aquaticis balænae, pristres, &c. nam quæcumque angustia forma sunt, Hebræi appellant hac voce; ut Græci a corporis inflexione eadem appellant, *καμπὰς*. Hi de marinis proculdubio est sermo, nempe de animalibus aquatilibus immensæ magnitudinis. Quidam hic belluas, balænas vastissimæ molis exponunt. Plus quatuor rectiores vidi, qui hic istud assignunt scholion: *Est autem hic notandum quod Plinius Lib. IX. cap. 111. meminit thynnorum*, quos ego nomen vetus retinuisse arbitror, & scribit eos magnitudinem antecellere balænas, & alios omnes pisces. Sic illi. Perspicuus & pudendus error. Agit Plinius de multitudine, natura, captura thynnorum, aut thynnorum, quos nos *atunes*, vel *tonninas* vocamus; sed numquam ei in mentem venit eos magnitudine balænas, & alios omnes pisces antecellere. Vide illum Lib. IX. cap. 111. & xv. Ipse nondubitaverim, vocem thynnorum, & Hispanicam *atunes*, vel *tonninas*, ex Hebraica *tannim*, vel *tanninim*, luxatas. Tametsi hic *tanninim*. non proprie thynnos significet, nisi per synecdochen, sed universè omnes maximos pisces, ut balænas, cetos, pristres, physiteres, &c. Ego a תַּיִן *nin*, thau præposito facile deduxerim, quod marinæ belluæ magis excrevant, prolifera, & propagant, quam terrenæ. Imperitissime quidam hic *phocas*, seu *titulos marinos*, ut & Threnor. iv. 3. exponunt. MOTABILE. מוֹתֵב *romeet*, participium femininum hic idem est cum significato שָׂרָה *seharatz*, de quo diximus verbi præcedenti, ut מוֹתֵב capitur hic pro שָׂרָה *seharatzet*, id quod indicat verbum שָׂרָה *seharetz*, proxime sequens; nisi forte intelligat quis ea etiam aqua-

aquatilia quæ pedibus sublatiſ calcant & gradiuntur, ut piſces aliqui, fibri, latræ, hippotami, &c.

V. 22. **BENEDIXITQUE EIS;** iſdeſt, locupletavit, ſurtinavit, auxit, multiplicavit ea; naturalem potentiam ad ſe undiratem eis indidit; vim, abundantiam, copiam gignendi, propagandi, conſervandi contulit eis; ea in ſuo ſtatu & conditione beavit, ut nihil ad eorum perfectionem, & reliquas naturæ facultates deſideraretur. Hanc eſſe vim verbi בִּרְכָּה *berech*, cum de Deo dicitur, ac præſertim hoc loco res ipſa, ac verba proxime ſequentiâ indicant per exepſin. Sic verſ. 28.

V. 24. **IUMENTA.** Singulare, ſed collectivum בְּהֵמָה *behemah*, quando iungitur cum nomine חַי חַיִּים *chaiab*, ut hic, aiunt ſignificare manſucta, domeſtica ac cicura animalia, quæ ratione carent, & hominum arbitrio reguntur, illique in multiplices uſus intervient, ut ad eſum, ad arandum, vehendum; quæ ſarcinas gerunt, curſus, aut aratra trahunt, ut equus, aſinus, boſ, camelus, aries, &c. nec tamen ſunt aut volatilia cæli, aut reptilia terræ, *iumentum* communiter exponunt. Quiam hic maioris ſtaturæ, ac roboris animalia interpretantur. Alii ſpecies animantium quæ herbas comidunt, ſive ſilveſtria ſint, ſive domeſtica, ſignificari putant; quaſi dicas, *herbivora*. **BESTIAS.** חַי חַיִּים *chaiab* iunctum cum בְּהֵמָה *behemah*, ut hic, tradunt eſſe *feras*, quæ tamen ſint quadrupes, & aliæ ſuper terram pedibus gradiuntur, nempe animalia ſilveſtria, in quibus eſt magna vivacitas. Alii animalia carnivora, & minoris ſtaturæ quam *behemah*; modo non ſint volatilia cæli, aut reptilia terræ, ut leones, lupi, tigrides, &c. Vau paragogicum hic in חַי חַיִּים *chaiab*, indicat vel multitudinem, vel perfectionem, vel magnam feritatem animantium carnivororum.

V. 26. **HOMINEM.** אָדָם *alam*, hic proprie nomen eſt ſpeciei humanæ, atque ſpecivoce utrumque ſexum complectitur, ac univerſe & generaliter hominem ſignificat collectivè, unde ei mox verbum plurale adiungit hoc eodem verbi: *Et præſent, vel dominentur.* AD IMAGINEM. צֶלֶם *tzalem*, imaginem alterius rei primariæ, quaſi umbram, ſeu adumbrationem corporis, vel rei alterius primariæ proprie ſignificare aiunt. Equidem imaginem poni pro umbra, Pſal.

xxxviii. 7. *In imagine pertranſit homo*, id eſt tam facile ut umbra, norant omnes: ut ſit ſimile illis Pſalm. ci. 12. *Dies mei ſicut umbra declinaverunt.* Pſal. cviii. 23. *Sicut umbra cum declinat, ablatuſ.* Poſſit quibus hic, in imagine noſtra, ſeu umbra noſtra, interpretari ſub protectione, favore, & deſenſione noſtra, ut illud Maronis XI. *AEneidos*:

magnum Regine nomen obumbrat:

iſdeſt tuctur, defendit. ET SIMILITUDINEM. מוֹטָם *demut* proprie ſimilitudinem, conſimilitatem, aſimilitudinem exponunt. Alii *imaginationem, cogitationem, ſuavem formatam in mente ad ſimilitudinem rei cogitatæ*, quaſi domationem, quod מוֹטָם *damam*, domare interpretentur; ut ſit rem eſſingere, domare, ſubigere, in omnibus conformem; ſimilem, acquieſcentem cogitationi domantis, redduntque: *Faciemus hominem in imagine noſtra, ſecundum imaginationem noſtram*; iſdeſt quemadmodum cogitavimus. & imaginari ſumus, qui nos ref. rat tamquam imago noſtra, ſicuti cum mente formavimus; qui re ipſa exprimat eam imaginem quam mente concepimus; ſicuti ſolent artiſtices manu formare imaginem, quam prius mente ſinxerunt. Poſſis vertere: *Faciemus hominem in imagine noſtra, ſicut, tanquam, imaginationem noſtram*; quaſi velit, hominem propriam, ſingularem, eximiam præ ceteris aliis creaturis fuiſſe divinæ mentis cogitationem, imaginationem, artiſcium, divinum & mirabile opus. Alii textus cum בְּתוֹב *utrobique* legunt: *Faciemus hominem in imagine, & in ſimilitudine noſtra.* Peſſime quidam: *Secundum ſimulacrum noſtrum.* Nonnulli volunt geminationem duorum vocabulorum prope ſynonimorum imaginis & ſimilitudinis augete ſignificatum uſu linguæ, & maximam ſimilitudinem indicare; ac ſi diceret: *Faciamus hominem nobis quam ſimillimum, ut quantum fieri poſſet accedat ad naturam noſtram.* Sic verſ. ſequenti repetit eandem vocem. Imaginem & ſimilitudinem Dei varie hic explanatores elucidant. Nos ſimpliciſſime in naturalibus & ſupernaturalibus conſtituimus, in intellectu, mente, voluntate, libertate arbitrii, in ſanctitate, iuſtitia, gratia, beatitudine, aliisque donis. I. Corinth. xi. 7. *Præ quidem imago & gloria Dei eſt.* Iniecta mihi ſuſpicio, ne quod hic Deus *ſimilitudinem* vocat, Paulus *gloriam* ſit interpretatus: con-

clinat-



cinatque illud I. Ioan. 111. 2. *Quum apparuerit similes ei erimus, quoniam videbimus eum sicuti est.* Coloss. 111. 10. *Qui renouatur in agnitionem secundum imaginem eius qui creauit illum.* 11. Corinth. 111. 18. *Nos vero omnes reuelata facie gloriam Domini speculantes in eadem in imaginem transformamur a claritate in claritatem tanquam a Domini spiritu.* Ephes. 1v. 23. *Induite novum hominem, qui secundum Deum creatus est, in iustitia, & sanctitate veritatis.* Recte tere omnes observant, verbum & pronomina pluralia *Faciemus, nostra*, mysterium sacre Triadis innuere: nullum enim alium in consortium creationis admisit Deus. Et *PRAESIT* ירדו *iirdu*, plurale proprie: & *dominabuntur*. Notant verbum ירדו *radab* significare potestatem habere, iure uti; ius & dominium exercere in personam, aut rem subiectam & inferiorem, subicere sibi aliquid, subigere, dominatum, imperium sumere in personam seu rem alienam, extendere, expandere auctoritatem in subiectos, imperio deducere. Latini dicunt *capessere imperium*: unde per verbum dominandi, regnandi reddi solet. Quidam: *Subigabunt, subicient.* Non displicet quod alii observant, si ירדו *iirdu* est a ירדו *radab* esse, *dominabuntur*: si a ירדו *iirad* vicina & cognata radice, esse descendunt, dimittentur, deponentur e dominio & potestate ad inferiorem conditionem, servitutem, & subiectionem; quasi dicat: Si homines praecepto Dei paruerint, sanctitatemque & iustitiam conservaverint, imperabunt cunctis creaturis sublunaribus: sin vero, imperio decident, & bestiis erunt pares. Psalm. XLV 111. 15. *Homo cum in honore esset, non intellexit; comparatus est iumentis insipientibus, & similis factus est illis.*

V. 27. *MASCULUM.* Recte notant זכר *zachar*, dictum marem, masculum, quod sit recordatio, memoria, monumentum generis; quod in catalogo genealogiarum & in numerationibus eius fiat mentio ac recordatio, non feminarium; quod nomen & memoriam familiae conservet; quod sit prior creatione, natura, aliisque prerogativis & donis ipsi feminae; quod sit imago & gloria Dei, ut Paulus inquit I. Corinth. xi. 7. atque pro genere seu sexu masculino & virili, ut digniore & qui in memoriam in historiis ingreditur, hic accipit. *FEMINAM.* נקבה *nekebah* dici volunt quasi perforatam, pertusam, excisam; vel potius, con-

sentiente voce Latina, cavatam, seu excavatam, aut caveam, sive cavernam; nimirum propter uterum, ventrem, matricem sexum excisum, excavatum; ac si Latine femina diceretur a feminibus, membro scilicet genitali sexus feminei; ad quam nominis etymologiam respexisse aiunt Ilaia 11. 1. *Et ad cavernam laci de qua praecisus es;* ubi Saram, seu eius uterum caveam, seu cavernam appellat.

V. 30. *ANIMANTIBUS.* חיה *chiah*, hic ubi seorsim ponitur, nec adiungitur בהמה *behemah*, generaliter sumi volunt pro omni animali irrationali, sive magno, sive parvo, sive domestico & cicuro, sive fero & silvestri, sive herbivoro, sive carnivoro, quod tamen pedibus alte gradiatur super terram, nec sit volatilis caeli, aut reptile terrae, ut includat in se etiam *behemah*. Universe virum, animal, *alogon*, & *quadrumpe* interpretantur. Eodem modo capitur *behemah* cum non habet adiunctum *chiah*, ut vers. 26. & comprehendit in se *chiah*, Vide vers. 32. *UT HABEANT AD VESCENDUM.* Ponitur hic ירק עשב *ierek gheseb*: & vox quidem *ierek* lexics tantum in Scriptura legitur. Noster Genes. ix. 3. & Psalm. xxxvi. 2. *olera*. Exodi x. 15. *virens*. Ilaiae xv. 6. *viret*. Numeror. xxiv. 4. *herbas*. Hoc loco interpretari omisit. Aiunt, esse spiritum, seu expuitionem terrae viridis quam terra, seu arbor expuit, & excreat: *virentem, bumorem, spiritum herbarum* hic exponunt.

V. 31. *VALDE BONA.* Hebr. *bonum validum*. Notant, טוב *meod* nomini adiectivo appositum, etsi adverbialiter transieratur, tamen ex positivo facere superlativum, *bonum valde*, id est optimum. *DIXIT SEXTUS.* Sexto praefigitur articulus emphaticus *He*, qui tamen in aliis diebus non proponitur, ut indicaret hunc diem fuisse in quo omnia perfecta, consummata, & absoluta fuere creato tandem homine.

MENOCHII.

Vers. 1. *IN PRINCIPIO.* idest in primordio seu initio non aeternitatis, nec aevi, sed temporis. *CREAVIT*, ex nihilo. *CAELUM*, empyreum, quod S. Paulus vocat tertium caelum. *ET TERRAM*, globum terrae, cum aquarum mole terrae infusa, & superfusa, sequeque pottingente usque ad caelum empyreum.

P. 2. TERRA AUTEM ERAT INANIS ET VACUA: vacua hominibus, animalibus, plantis, &c. **TENEBRÆ:** non lucis privato, nam lux postea creata, sed luminis defectus, obscuritas, caligo. **ABYSSUS:** *ābūssos* Græcis est, quod fundo caret, vel ad cuius fundum penetrari non potest. Abyssum autem vocat totam illam molem terræ, & aquæ. **SPIRITUS DEI,** Spiritus Sanctus. **FEREBATUR SUPER AQUAS:** fovebat, incubabat aquis, vitali infuso calore prolificam vim aquis largiebatur. Vox Hebræa *מְרַחֵם* *merachepbet* est volucrum dum super ova, & pullos quasi pendulæ volitant, deinde iis incubant, calorem aspirant, fovent, & animant.

P. 3. FIAT LUX. Lux hæc videtur fuisse corpus lucidum quod in tenebris illis fulgeret. Fortasse nubes lucida, ut Exod. xiv. 19. Deut. i. 33. Sunt qui putent fuisse solem informem adhuc & imperfectum: ita multi.

P. 4. LUCEM QUOD ESSET BONA. Vox Hebræa *טוֹב* *rob* significat bonum, pulchrum, iucundum, utile, commodum. **DIVISIT LUCEM A TENEBRIS:** divisit loco: nam dum apud nos est lux, apud antipodas est nox, & tenebræ. Secundo tempore, quia sibi succedunt. Tertio causa, nam causa lucis est corpus lucidum, tenebrarum vero corpus opacum.

P. 5. APPELLAVITQUE. Non sic Deus locutus, sed sancivit ut hæc rebus convenientia nomina Adam imponeret, & iis posterius uterentur. **LUCEM DIEM:** nam lux illa ita ferebatur ut nunc sol, distinguens dies ac noctes. **VESPER ET MANE.** Circa meridiem hæc lux creata: exinde suo motu vespem fecit, noctem & mane sequens. **DIES UNUS,** dies primus, phrasi Scripturæ: sic *una sabbati* apud D. Ioannem xx. primam hebdomadæ diem significat.

P. 6. FIRMAMENTUM. *רָקִיעַ* *rakiab*, quæ vox proprie, & ut plurimum significat *expansionem*, seu *extensionem*, eam maxime quæ extensione ipsa corpus fluidum firmat, solidatque. **LXX. σπινθηρ.** Complectitur autem firmamentum cælum stellarum, omnesque orbes cælestes illi vicinos tam inferiores, quam superiores usque ad empyreum; immo complectitur etiam aërem vicinum a cælo in terram expansum, & suo loco quasi firmatum. **IN MEDIO,** non

mathematico, sed rudi minerva sumpto. **DIVIDAT AQUAS AB AQUIS:** aquas veras, & naturales quæ sunt proxime sub cælo empyreo, ab istis aquis inferioribus. Ita Patres.

P. 8. VOCAVITQUE DEUS FIRMAMENTUM, CÆLUM. Cæli nomen merito tributum firmamento, quia huius firmamenti maior & melior pars sunt cæli.

P. 9. ARIDA, terra: dicitur autem arida, quia quæ prius limosa, & aquis cooperta, nunc fuit ad congruam siccitatem perducta.

P. 10. VOCAVIT DEUS. Vide supra num. 5. **TERRAM.** Hebraice *אֶרֶץ* *eret* a radice *רָצַח* *rajats*, id est calcare, ut apud Latinos terra a terendo. **CONGREGATIONES AQUARUM.** Multarum aquarum receptacula vocantur maria, ab Hebræis etiam stagna, & lacus. **APPELLAVIT MARIA.** Vide supra num. 5.

P. 11. GERMINET TERRA: materiam suppeditet germinationi: nam terra dumtaxat passive hac vice, Deus solus active, & efficienter germina produxit. **HERBAM VIRENTEM.** Ex Hebræo significatur omne genus herbarum & plantarum. Dicit *virentem*, non coloris tantum significandi causa, sed vigoris etiam & succi. **LIGNUM POMIFERUM,** id est *arborem fructiferam*, ut habent Hebræi. Pomum ergo ponitur pro quovis arborum fructu. **Lignum** dicunt Hebræi pro arbore. **CUIUS SEMEN IN SEMETIPSO SIT:** quod sibi simile gignendi vim habeat per semen quod habet in semetipso, puta in suo fructu, vel folio, vel radice, vel ramis.

P. 12. PROTULITQUE TERRA. Illo ipso quo Deus iussit momento terra omnes plantarum species, easque adultas, & cum fructu mature produxit. Basil. Ambros. & alii.

P. 14. DIVIDANT DIEM AC NOCTEM. Sermo est de artificiali die; & hæc rudi minerva proponuntur, quasi luna noctem adducat, sicut sol diem; cum sol utriusque causa sit, diei præsentia sua, noctis absentia sua a nostro hemisphærio. **IN SIGNA:** non vana iudiciorum, sed naturalia prognostica pluviarum, serenitatis, gelu, ventorum &c. Secundo in signa serenitatis, plantandi, metendi, navigandi &c. Tertio in signa temporum, dierum scilicet, mens-

mentium, annorum, qui solis cursu describuntur.

V. 16. DUO LUMINARIA MAGNA. Luna minor est omnibus altris excepto mercurio; vocatur tamen luminare magnum, quia nobis propter vicinitatem maior fideribus videtur; & quia maiore vi, & efficacia pollet quam stellæ. *PRAESESSET*, lucis principatu: nihil sole interdiu, nec noctu luna, altrisque splendidius.

V. 20. PRODUCANT AQUAE REPTILE, ET VOLATILE: nam tam pisces, qui reptilibus nomine significantur, quam aves ex aquis creatæ. Vocantur autem pisces reptilia, quia carent pedibus, & ventre incubant aquis, quasi repentibus.

V. 21. CETE GRANDIA. Vox Hebræa תנינים *thinninim* significat dracones, & omnia ingentia animalia tam terrestria, quam aquatica, cuiusmodi sunt balenæ, quæ sunt quasi dracones aquatici. *VIVENTEM, ATQUE NOTABILEM.* Coniunctio *atque* vim habet explicandi id quod præcessit. Significat Moyſes se vocasse animam viventem quodvis animal quod natura, seu ab intrinseco præditum est vi se movendi. *IN SPECIES SUAS,* iuxta species suas. *SECUNDUM GENUS,* hoc est secundum species suas.

V. 22. BENEDIXITQUE EIS. Dei benedicere est beneficere: benedixit autem Deus piscibus, & avibus, cum eis dedit appetitum, & potentiam generandi sibi simile. *CRESCEITE,* numero scilicet, non mole corporis. *MULTIPlicAMINI, ET REPLETE AQUAS MARIS.* Sane piscium summa est copia. *SUPER TERRAM:* quia volucres in terra nidificant, prolifcant, & somnum capiunt. *LUENTA, ET REPTILIA, ET BESTIAS TERRÆ.* Lumenta sunt animalia domestica, & mansueta; reptilia dicuntur quæcumque non sunt gressilia, sed reptentia, vel salitantia; bestia terræ omnia reliqua animalia, præsertim quæ fera sunt. *Explic.*

V. 26. FACIAMUS. Myſterium Trinitatis indicatur, quia non alloquitur Angelos, quorum ministerio in creatioe Deus nec eguit, nec usus est. *HOMINEM.* אדם *Adam*, quod non est proprium uni homini, sed commune nomen toti speciei. *IMAGINEM, ET SIMILITUDINEM.* Torus homo est imago Dei, sed non ratione corporis, verum ratione intellectus,

& voluntatis; ideo hæc imago vere spiritalis est, eaque duplex: una naturalis, altera supernaturalis. Naturalis seu essentialis vocatur, quia homo est animal intellectus, & libero arbitrio pollens, quæ dignitate gradum naturæ supremum, in quo sunt mentes cælicæ, attingit. Supernaturalis imago, seu accidentalis in gratia, & iustificatione consistit, quæ demum in gloria plane solidabitur, perficieturque. Nihil autem diversum significat imago a similitudine, quia sacra Scriptura de hac re loquens promiscue hisce vocabulis utitur, aliquando utrumque vocabulum coniungens, ut hic, & Genes. v. 3. aliquando alterum solum ponens, ut Genes. v. 1. & Genes. ix. 6. & ad Coloss. iii. 10. In corpore vero hominis proprie non est imago Dei; sed tamen in eo relucet quodammodo, quatenus corpus est imago mentis. *PRAESIT.* In Hebræo est, vox pluralis numeri, *praesint*, tam scilicet Adam, quam Eva.

V. 27. MASCULUM, ET FEMINAM CREAVIT EOS: non simul, sed successive. Non ergo Adam hermaphroditus, quod quidam hæreticus ausus est dicere. *CRESCEITE, ET MULTIPlicAMINI.* Vide supra num. 22. His verbis benedictio continetur, non præceptum singulis hominibus datum de prole procreanda. *SUBIICITE EAM:* habitationi vestrae, domitis, aut pulsus feris, idoneam facite.

V. 28. ECCE DEDI &c. id est do, attribuo. Homines uque ad diluvium herbis, fructibusque contenti, carnibus, ac vino abstinerunt, non peculiari aliquo mandato prohibente, sed nonnulla religione inde nata, quod Deus uium carniæ, & vini nondum diserte concessisset, ut postea carnis concessit, Genes. ix. 2.

V. 29. LIGNA, arbores pomiferas.

V. 30. IN QUIBUS EST ANIMA VIVENS: quæcumque aliquo sensu sunt prædita, etiam solo tactu, ut quædam vilissima faxis adherentia.

V. 31. VALDE BONA, id est optima: carent enim Hebræi superlativo, & pro eo utuntur nonnumquam additamento huius vocis, *valde*.

TIRINI.

Verf. 1. **I**N PRINCIPIO, universitatis rerum, seu temporis, ut exponit S. Basilius *a*, Ambros. & *b* Concilium Lateranense, nempe primo temporis momento: ante omnia alia creata, inquit S. Augustinus. CREAVIT, id est ex nihilo produxit. DEUS, essentia unus, sed personis trinus (& hoc innuit Hebræum plurale nomen *Elohim*) Pater, Filius, & Spiritus sanctus. Ita Magister Sententiarum, Lyranus, Galatinus, & Doctores alii contra Caietanum, & Abulensem. CREAVIT, inquam, CÆLUM, id est extimum totius universi ambitum, seu orbem, quem cælum empyreum vocamus. Ita iidem Doctores cum Diodoro Tharsensi *c*, Theodoro, Alcuino, Rabano & Beda. CREAVIT autem non vacuum, sed cælestibus incolis plenum, nempe spiritalibus substantiis, quas Philosophi *intelligentias*, Scriptura *Angelos* vocat. Ita definit iam Concilium dictum Lateranense, Angelos non ante, neque post mundum, sed simul cum mundo creatos esse. Creatos utique ut numero, ita & perfectione atque ornatu maximo, seu naturalia species, seu supernaturalia dona. Carebant tamen initio lumine gloriæ, nec videbant essentiam divinam: volebat enim Deus ut gloriam illam, quasi bravium, a divino agnoetheta propositum, exercitio virtutum fidei, spei, caritatis promererentur, sibi que compararent qui & quotquot vellent. Et quidem voluerunt ac promeriti sunt plerique; atque hoc ipso primo mundi die æterna gloria donati. Non pauci tamen sinistris affectibus suis & *pharisaicus* plusculum indulgentes (quam ubi causam, & qua ratione vide apud Molinam *d*, & alios Scholasticos) duce Luciferi rebelles facti Deo, & in rebellionem pertinaces eodem illo primo die & cælis detrusi sunt in infernum, quem sub idem tempus ipsis in centro terræ cum suo igne & sulphure Deus apparavit. Unde quod hic subditur *verf. 3. Fiat lux*, & *verf. 4. Divisi sunt lucem a tenebris*, quam lucem Doctores ad litteram explicant fuisse non in sole (qui quarto demum mundi die creatus est) sed in alio corpore subcælesti, ceteris universi partibus lucidiore, quod primo mundi triduo 24. horis, eodem modo quo

nunc sol, utrumque hemisphærium circumgyrabat & illuminabat, & sic diem vicissim, ac noctem constituebat; & e quo post triduum in partes dissecto, compacto, & compresso, ac velut in igneos globos conflato fabricata sunt sol, luna, & alstra reliqua: Hugo Victorinus *e* allegorice de Angelis exponit: *Quod*, inquit, *agebatur in mundo sensibili, imago erat eorum que in intelligibili agebantur: nam sicuti primo die Deus divisi lucem a tenebris, ita tunc simul Angelos a demonibus, gratiam a peccato, gloriam a pœna, cælum ab inferis disiecit.*

V. 2. SPIRITUS DEI FEREBATUR SUPER AQUAS. *Spiritus Dei*, id est ventus, inquit Hebræi antiquiores, & Tertullianus, *f* & Theodoretus. Sed melius S. Basilius, Hieronymus, Chrysostomus, Augustinus, & pene omnes Patres Græci, & Latini, & recentiores Rabbini, quos citat Ascanius *g* Martinengus, & Martinus *h* Delrio; Tremellius etiam, & Junius, alique hæretici id exponunt de Spiritu sancto, qui *ferebatur super aquas*. Hebraice instar volueris dum ova excludit, *incubabat aquis*, non motu locali, sed voluntate sua, & potentia divina, qua illas secundabat, calorem quasi vitalem aspirans, vim seminale ac prolificam indens, & aptas procreationi reddens, ut inde mox, obstetricante eodem Spiritu, & *piscis*, & *germinis*, & *aves*, quin & *cæli* producerentur: nam ut sequitur:

V. 7. FECIT DEUS FIRMAMENTUM, seu orbis omnes cælestes, *IN MEDIO AQUARUM*, utique & *ex medio aquarum*, seu ex vasta illa *abyss* & mole aquarum quibus totum spatium a terra usque ad cælum empyreum complectebatur. Nam partem aquarum, instar crystalli, congelando, & ut æs solum consolidando, *cælum* efformabat, reliquis *aquis* naturæ suæ cælestis, subtilioribus quidem *supra cælum*, crassioribus *sub cælis*: quas mox partim in *aerem*, & si quis *supra aerem* sit *ignis*, convertit; partim in *maria*, & *flumina*, & subterraneas *abysses* distribuit.

An ergo naturales, & nostris similes *aqua* sunt *supra cælum* proprie dictos? Ita affirmat pluribus locis *i* S. Scriptura; sed hic & omnium clarissime, ubi non tantum *supra cælum*, quo nomine forsitan aer intelligi posset, sed & *supra firmamentum*, in quo

D

quo

quo sol, luna, & stellæ sunt, aquas statuit. Neque alias sane aquas quam quæ & quales primo die orbis conditi, totum intervallum inter cælum empyreum & terram occupant, & quas secundo die firmamentum ex iisdem productum, a se mutuo separarat. Sola vero separatio alicuius totius homogenei non potest efficere, ut pars altera naturam mutet, aut in aliud genus transeat. Ita S. Augustinus, & fere omnes Sancti Patres, & plurimi Doctores, quorum aliqui volunt aquas illas supra cælum relinqui, & divina virtute incorruptas servari, partim ad ornatum universi, partim ad præcipiendum nobis adhuc exulibus prospectum cæli empyrei ceteroquin splendidissimi, & sole nostro lucidioris. Plura de his aquis vide Psal. cxlviii. 4. De abyssu vero subterranea, Eccl. 1. 7.

V. 26. FACIAMUS HOMINEM AD IMAGINEM ET SIMILITUDINEM NOSTRAM. Hebraica hendyadi, id est ad imaginem nobis simillimam. Alloquitur Deus Pater Filium suum, & Spiritum sanctum eiusdem secum naturæ, potentie, operationis. Quare ex hoc loco (ubi inducuntur in uno Deo plures personæ agentes, sed per unicam agendi potentiam, & actionem) colligunt Patres mysterium trium personarum SS. Trinitatis; & tam illius, quam divinitatis imaginem, æquivocam quidem, sed veram, in homine agnoscunt, non secundum corpus, nisi improprie & remote, quatenus in corpore præstantia animæ elucescit, v. g. in vultu, in erecta statura; sed secundum animam, in qua duplex est imago Dei. Una naturalis & essentialis homini, quæ nullo casu, nullo peccato deperditur; hæc consistit in ipsa animæ substantia & potentiis, præsertim in mente, in libertate arbitrii, in dominio, &c. Nempe sicut Deus est ens incorporeum, spirituale, indivisum, immortale, est eminenter omnia, totus præcens in toto, totus in qualibet parte universi, intellectu producens Verbum, voluntate amorem divinum, est auctor, dominus, finis omnium, est liberæ electionis & arbitrii, est invisibilis, & incomprehensibilis, tamen omnia regens, vegetans, sustentans; ita suo modo, & in suo ordine est, & in corpore agit anima hominis. Altera imago est supernaturalis, & accidentalis homini, &

consistit in gratia iustificante, qua, teste S. Petro, II. Epist. 1. 4. anima *conformis sit divine nature*. Hæc imago, quoties mortaliter homo peccat, prius deperditur ac deletur; sed eodem poenitente, tota redditur atque instauratur. m

V. 28. CRESCITE, ET MULTIPLICAMINI. Non est præceptum, ut somniant hæretici; sed his verbis *benedixit illis Deus*, inquit hic Moses. Et v. 22. eadem verba dixerat Deus *piscibus, & avibus*, quæ non sunt capaces præcepti. Hac vero benedictione virtutem illis indidit prolificandi, & simile sibi procreandi.

Quo die, quo menſe, quo ante Christum anno creatus sit mundus, dixi in Chronico, cap. vii. ix. & xlvii.

- (a) S. Basil. & Ambros. homilia 2. Hexameron.
- (b) Cap. firmetur. Aug. lib. 1. de Genesi ad lit. cap. 1. Magister in 2. distinct. 1. & alii.
- (c) DD. ibid. Diod. Tharf. in Catena.
- (d) Molina in 1. p. de Opere sex dierum, & Schol. ibid.
- (e) Hugo de Sactam. p. 1. cap. 20.
- (f) Tertullus. contra Hermogen. cap. 32.
- (g) Martinellus tom. 2. Cærenſis in Genesim.
- (h) Delrio, & alii hic.
- (i) Daniel. 111. v. 59. & Psal. 148. v. 4.
- (k) Genes. 1. v. 7. 26. 27.
- (l) Quos contra Calvinum alioſque Sectarios citant, & sequuntur Corn. a Lapide, Delrio, Jac. Bonifacius in sua Comment. in Genes. & Jac. Salianus in suo Annali.
- (m) Fule hæc tractat Bellarm. tom. 4. de gratia primi hominis, & DD. Scholastici.

GORDONI.

Verſ. 1. **H**unc locum de mundi initio explicat satis Psal. xxxiii. 6. *Verbo Domini cæli firmati sunt, & Spiritus oris eius omnis virtus eorum*. Sane contra Philosophos, Chaldaeos, & Aegyptios, qui vel æternitatem mundi dant, & sine principio, quod multis videtur impossibile; vel nimis multa annorum millia excogitarunt, quæ ipsi nec dinumerare possunt, nec ullo ſcriptore, vel aliter offendere. Sunt vero (ut theologica etiam ratione utar) divine Scripturæ evidenter credibiles; ac proinde obligant nos ad credendum quod de mundi initio credit Ecclesia. Certe ex Psal. cxix. *ipse fecit nos, & non ipsi nos*. Sed iam de singulis.

ברא בראשית *berewit bara*, id est *creavit*, hoc est, IN PRINCIPIO, seu initio, non quidem æternitatis, caret enim æternitas principio, nec etiam ævi; sed in principio rerum; immo ante initium temporis, seu durationis.

rationis mundanæ, nempe in illo momento quo Deus cælum & terram ex nihilo produxit; quando nec motus cælorum erat, nec proinde tempus, quod vocant extrinsecum; nec etiam eius instans extrinsecum, unde dicitur tempus incipere. Designabit ergo *70 in principio* ad summum principium durationis intrinsecæ in rebus tunc creatis; ac proinde idem fere est ac si dicas, ante cetera omnia. Atque ex his iam apparet, mundum non esse ab æterno, cum detur durationis initium. At cur non in alio momento? Sane Deus se, ut ostendit bonum, & potentem, ita etiam liberum: creavit enim quando voluit. Mox primus dies numeratur: (an potuerit mundus esse ab æterno aliud est.) Sic vero per dies aliquot in prima mundi constitutione, seu sex dierum spatio Deus cælum, terram, ceteraque cæli ambitu contenta efformavit; non autem omnia in momento, ut infra dicam cap. 11. 1. & ut bene explicant Basilii, Ambrosii, & Augustinus; immo & Lateranense Concilium ex cap. *firmiter*, de Summa Trinit. Sane quidem citati Patres alio etiam sensu per principium intelligunt Filium, Ioan. 1. *Omnia per ipsum*. Verum cum opera extra Deum sint indivisa, ita rerum productio tribuitur Verbo, ut Pater, & Spiritus sanctus a rerum creatione non excludantur. Indivisa, inquam, sunt opera, quia ut una voluntas, ita est una operatio. Aliud quippe est attribui Filio ratione sapientiæ, aliud vero excludi personas alias.

Est porro iam laudata explicatio, idem esse *70 in principio*, ac si dicas, ante omnia: ex quo verborum sensu efficitur, Angelos ante mundum, & primas res alias conditas non esse creatos. Et vero Angelos simul cum corporea creatura conditos esse, definire satis clare videtur Concilium Lateran. sub Innocentio III. citato cap. *firmiter*, fere initio. In cælo, inquam, empyreo, cuius finis incolæ: & hoc quidem de loco. At quo tempore? Sane simul cum hoc cælo, quod est magnum initium mundi corporei, dicto cap. *firmiter*. Et quia ex nihilo, certe cum rebus ex nihilo factis, ut ait S. Thomas. Denique, ut omnia colligam, neque est ab æterno mundus, quod finxit Plato; nec materia est coætærna Deo, ut putarunt qui eærtum ponebant, ex nihilo nihil fieri; nec Angeli diu ante mundum

sunt, ut alii voverunt. Quid vero ex his sit in instanti creatum, quid aliter productum, dicit initium capitis secundi.

Creavit Deus certe aliqua, saltem cælum empyreum, & terram, ex nihilo: nam, ut racem de Patrum, & Ecclesiæ sensu, vox *בָּרָא bara*, proprie Deo competens, talem designat hic productionem, quamvis alioqui *בָּרָא* plura, & inter se diversa significet; idque vel ex hoc quia nulla ante hoc cæli initium præcessit materia. Immo quicquid sit de his vocibus, *בָּרָא*, creavit, & *אֵרָוּרָא*, in rigore propriæ significationis, an significant creationem ex nihilo; certe ut coniunctæ cum prioribus verbis his, *In principio*, hoc est ante omnia, belle expriment productionem ex nihilo, & non ex ulla præcedente materia; quo etiam sensu nunc a Theologis usurpari solet, absolute loquendo, vox *creatio*. Quod hic dicitur, *אֵרָוּרָא elobim* creavit, proprietas linguæ huius est utentis numero multitudinis pro singulari, *אֵלֹהִים eloech*.

CÆLUM ET TERRAM. Omitto quod aliqui per hæc verba intelligant solos Angelos, & materiam primam. Non est probabile. Alii per cælum intelligunt omnes orbis caelestes; per terram vero quatuor elementa; & hoc totum esse opus primæ diei, adiectis per insequentes dies altris, motu, & Angelis motoribus. Probabilius est aerem & ignem exiisse, ut dicam, die tertio. Placet vero eorum sententia qui nomine cæli intelligunt solum empyreum, sedem nempe beatorum; & nomine terræ totam terræ molem; & præterea abyssum, quæ est illa aquarum moles occupans spatium ab empyreo ad terram, & ex qua abyssus, sive aquarum congerie partim condensata, partim extenuata Deus effecit insequentium dierum opera aliquot, præsertim firmamentum, orbis cælorum, astra, aerem, & ignem (nam c. 11. 19. iumenta ex humo sunt) quod illis favet satis qui eandem dicunt esse materiam cælorum, & sublimarium. Vide cap. 11. 1. de primo hoc momento, ad quod iam revocavi creationem Angelorum. De hac prima cælorum creatione vide Molinam, Tract. de Opere sex dierum.

V. 2. TERRA AUTEM ERAT, &c. Describit hystorice noster Moses chaos, & statum nascentis mundi primum. *Terra*

va, inquit, *desolatio erat, & vacuitas*: תהו *thobu*, & *bebu*, hoc est desolata & vacua; nomen formæ pro subiecto, seu concreto: nam תהו *thobu* est inanitas. Vide rad. תהו. Abstrahum ponitur ad indicandum summam inanitatem. Aqua porro tenebrosa erat, turbidaque admixtione terræ. ET TENEBRÆ SUPER FACIEM ABYSSI, nec eam illuminabat empyreum; sorte quia in parte concava non erat lucidum. Demum Spiritus Domini super aquas agitabatur, motabat, incubabat. מרחפת *merachepbet*, partici-pium femin. in Pihel, radix חרף. Patres Spiritum sanctum intelligunt: & placet iste sensus; nempe instar avium incubabat aquis, quadam leni veluti aura vim conferens ad procreationem. En interim chaos imperfectum illud ad quod alludunt poetæ. Denique in textu, SPIRITUS DEI, est in Sixtina editione. Sane in Hebræo non est Adonai, sed *Elohim*, quod solet reddi Deus.

V. 3. DIXIT DEUS: FIAT LUX. Solem hic aliqui intelligunt. Alii cum Gregorio Nysseno ignem, seu quartum elementum, ne dicant repetitam, & bis suisse solis creationem, qui a quarto die accepit exordium. Huius sententiæ auctores volunt hunc ignis globum instar typhonis rotatum effecisse diem; & hac lucis vicissitudine ante solem conditum, aliquot huius sacri septenarii dies distinxisse. Sed placet aliis, hanc lucem fuisse ipsum lucis accidens *duracur*, & mobile Dei virtute ex uno hemisphærio in aliud ad modum motus solaris; ac distinxisse suo motu ab oriente dies & noctes, tempusque effecisse ante solem conditum. Ex aquaeductum putatur hoc accidens, & postea soli traditum. Est quidem probabilis hæc sententia, & primæ huic rerum molitioni apte conveniens, atque in qua libenter cum Basilio, Ambrosio, Nazianzeno, Anastasio Simaita, & aliis conquisco.

At quomodo hoc accidens *duracur*? Certe quia non erat corpus, sed accidens tantum; tamen ex aquis, & in aquis, ut subiecto, productum cum successione. Patres de hac re citat Sallianus, die 1. nu. 4. Atque hucusque de productione per propriam, & severiorem creandi formam: nam post hanc constitutam lucem, quæ nec ipsa creata est, communis Doctorum sententia est, nihil deinceps ex nihilo productum esse

a Deo; eorum, inquam, rerum quæ sub nostrum veniunt aspectum. Et hæcenus de opere primæ diei. Iam quoad verba, *Dixit*, hoc est iussit fieri.

V. 4. ET VIDIT QUOD ESSET BONUM. Scientia approbans est, vel visionis scientia, quam hinc colligit Theologi, ubi post imperium, & rem creatam subiungitur visio. DIVISIT LUCEM A TENEBRIS, hoc est separavit, non quidem loco, sed tempore, dum diem nocti succedere fecit.

V. 5. APPELLAVIT, appellari fecit. Diem hic accipe artificialem; tamen in fine versus intellige naturalem, cum ait ex nocte cum die factum esse diem unum.

V. 6. DIXIT QUOQUE DEUS: FIAT FIRMAMENTUM. Hebr. רקיע, *rakiab*. Septuaginta habent *cupinqua*. Per firmamentum aliqui aerem intelligunt, quia positus est in medio aquarum, & vaporum, ibi concrefcens firmiter in pluviam. Moses tribuere hoc videtur firmamento. Et quia ver. 20. aves dicuntur volare super firmamentum, fateor, violenta interpretatio est: nam Moses plane ac simpliciter pronuntiat, veras aquas supra cælos positas esse, dum scribit in media abyſſo, quæ erat ab empyreo cælo usque ad terram, seu in medio aquarum, extendi corpus solidum, quod firmamentum & cælum hic nominatur, dividens aquas superiores ab inferioribus. En locum firmamenti a loco aeris omnino diversum. An non etiam inferius scribit in hoc firmamento posita esse alstra? Certe etiam nec aer firmus est, ut firmamentum dici possit, nec ullæ sunt aquæ supra aerem, hoc est inter aerem & ignem. Restat ergo ex aquarum materia sic exivisse firmamentum, cælum, inquam, stellatum, divisis aquis. Unde non parum apparet utriusque communis materia a transitu ab aqua liquida ad productionem inde cæli solidi, sicut fere cum ex liquida metallorum materia exeunt duræ laminæ. Nec porro ex condensatis in hoc cælum aquis sequebatur vacuum; aere, ac demum procreato igne occupantibus spatium residium. Hanc de aquarum & firmamenti constitutione sententiam erudite nuper asseruit Sallianus in Annalibus, die mundi secundo. Nec his obstat versus 20. ubi dicitur esse volatile super terram, & sub firmamento: non est, inquam, super firmamentum; & Græce est *παρα τὸ κύμα*, quod

quod etiam explicat magis editio Hebraica, על פני רקיע, *bbal pene rakiabb*, ubi *rò* by latiusculam significationis est, & commodissime est adversus, coram, contra faciem, scilicet firmamenti. Non est vero probabile, quod aquæ supra firmamentum sit ipsum cælum crystallinum: hoc enim cælum, si recipitur, est diversæ, & nobilioris speciei quam sint aquæ sublunares. Quis autem dicit, aquas supra firmamentum esse a nostris diversæ speciei; cum Scriptura dicat tantum factam esse separationem, non vero productionem novæ speciei? Sed nec hinc sequitur, aquas has violenter detineri supra cælum, aut etiam quotidie debere corrumpi. Nam ubi non est occasio nitendi, ut aliquid sit infra leviora, & supra graviora, ibi illud non habet violentam dejectionem. Porro non est ibi corrumpens: nam altra non influunt in loca superiora, & præsertim per tantam distantiam; motus vero non calefacit per se, sed tantum ubi est attritio corporum solidorum, vel excitatio latentium spirituum vitalium. Adde Dei conservationem.

Ceterum de his aquis elementaribus super cælum, & qua ratione ibi subsistant, lege Sum. Lib. II. de Opere sex dierum cap. IV. num. 6. Non moror instituti memor. Atque hæc de opere secundi diei, & firmamenti constitutione, quod Deus in momento sane fecit, non vero instar artificis, partem parti addendo: reliquo autem die secundo illud conservavit.

V. 9. CONGREGENTUR AQUAE. Opus tertiæ diei, quando nempe apparuit mare, & terra arida. Ex hoc opere non remansit aqua altior quam sit terra, ut aliqui opinantur; quasi mare ita sit separatum a terra ut diversum globum efficiat, habens centrum diversum; sed unicum globum efficiunt, ut docet eclipsis, ubi terra & mare dant umbram tantum unius globi, sicut etiam gutta aquæ, & pars terræ descendunt æque ad idem centrum terræ. Ceterum facta est hæc congregatio aquarum, dum terra antea rotunda, & tota aquis operata, fuit a Deo hinc erecta in montes & colles, illinc depressa in valles; & sic aqua se recepit ad loca magis depressa. Omitto intra viscera terræ voragines. De fluminibus vide Ecclesiasticus cap. I. 7. quomodo, inquam, fluant & refluant.

In hac congregatione aquarum ne fieret

vacuum, censentur Deo operante excrevisse aer, & ignis; quamvis de his elementis obicure satis agat Moses. Ex aquis, sicut nonnulla alia, fuisse facta hæc duo elementa, subindicavi in opere secundi diei.

V. 10. ET VIDIT QUOD ESSET BONUM. Est scientia approbationis.

V. 11. GERMINET TERRA. An producendo progressu temporis, ut nunc sit; an vero subito, efficaciter Deo operante? Est hoc secundum probabilius, ut dicebam de firmamento, asserendo Deum subito germina & plantas produxisse, usque ad iustam magnitudinem, terra passively concurrente, & materiam subministrante. Idemque de animalibus, & hominibus subito productis opinari convenit. Immo & de ipso nunc producto terrestri paradiiso, herbis, & arboribus; de quo dicendum cap. II. vers. 9. & 10. denique adde metalla, & mineralia. Conveniens fuit ut res primæ prolirent a Deo. His multi addunt mundum conditum fuisse verno tempore. Incerta res est. Terra Latine forte a terendo dicta est. Heb. *עץ* *eretz*. LIGNUM. pro arbore, more Hebraico. POMIFERUM. Septuaginta, *καρποφορον*. Pomum Latinis late ad varios fructus extenditur. Cuius SEMEN IN SEMETIPSO SIT. Sensus est, quod habet virtutem propagandi se, producendo similia per semen quod habet in se.

V. 14. FIANT LUMINARIA INFIRMAMENTO. Hoc opus est diei quartæ. Hoc loco nomine firmamenti, intellige omnium cælorum expansionem: habent enim orbis isti omnes suam expansionem. *רקיע* expandit, *רקיע רakiab* expansum, firmamentum est: Non sane primo die cum luce, sed hoc quarto die conditum esse solem est verior, & Patrum sententia. Et quidem solis (ut aliorum astrorum) non igneam esse materiam, sed æqueam est probabilius. Nulla hic quinta essentia. Corruptioni locus est. DIVIDANT. Sensus est, luceant divisim; sol interdiu, luna, & stellæ nocte. Sunt vero signa ubertatis, ortus, interitus, & mutationem naturaliter contingentium in terra. Tempora vero hæc sunt ver, æstas, autumnus, & hiems.

V. 16. Heb. est *הן* emphaticum; ac si diceret, illa duo luminaria.

V. 18. Heb. *Inter lucem & tenebras*. Sept. habent *אור* *os*, eodem sensu.

V. 20. PRODUCANT AQUAE REPTI-

LE, ET VOLATILE. Opus est quintæ diei. Tam aves quam pisces ex aquis facta esse, est receptor sententia; & impense favet textus שָׂרָר שָׂרָר repere. ראִי יִפְרֹא. Complectitur etiam aquatilia, & pisces, & amphibia. At unde tanta aquæ secunditas? Certe ex Spiritu Domini amcumbente aquis, ex ver. 2. *Reptile*, Heb. שָׂרָר *veretis*. Sane pisces natant quasi rependo, sicut in terra serpentes; quamvis apodes, rependo se insinuant.

V. 21. CETE GRANDIA. תַּנִּינִים, *tannin*, balena, aut quodvis animal stupendæ magnitudinis, de qua bellua dicam Job xl. & xli. Anima vivens idem est ac animal vivens; motabilis anima est animal natans.

V. 22. Benedixisse hic, est Deum dedisse his ut essent, & virtutem haberent iuxta speciem suam. CRESCITE. Imperativum pro futuro: non enim est præceptum, sed est concessio virtutis, ut ita fiat.

V. 24. PRODUCAT TERRA ANIMAM VIVENTEM. Hactenus de die quinto, & incolis aquæ. Igni Deus nulla dedit animalia. Nunc in opere sextæ diei, ubi terræ, & aeri dat Deus, & assignat producta quinto die volatilia. Dat etiam animalia alia, & tandem his prædominantem hominem. Ergo præter hominem sunt etiam huius sextæ diei opus proprium iumenta בְּהֵמָה *bebema* (Septuaginta habent *επταμυα*) reptilia, & bestię terræ, seu feræ: nam Septuaginta habent *επταμυα* חַיִּי. Volatilia sunt quinti diei. Porro hic intelligi animalia perfectæ speciei, seu homogenea, hoc est quæ ex congressu maris & feminae ex una tantum specie sumunt initium. Exclue ergo animalia ex congressu contra naturam, & propriam speciem, ut est mulus, &c. quæ adulterina vocantur. Quæ vero sunt ex putri materia, dici possunt nunc producta, vel certe in suis causis & potestate, non actu; ut etiam hybrides, apes, & similia sunt a Deo facta.

Iam circa voces, בְּהֵמָה *bebema*, animal fere domesticum significat, sicut חַיִּי *chajia*, accipi solet pro feris. Vulgatus vertit bestias terræ.

V. 26. FACIAMUS HOMINEM AD IMAGINEM ET SIMILITUDINEM. Argumentum hinc aliqui petunt pro Trinitate. Non male hic intelligi potest hominima-

go quidem Dei secundum substantiam; at similitudo secundum dona supernaturalia. Imago, inquam, Dei in homine est anima, quæ scilicet nec corpus est, nec mortalitas, & in qua sunt intellectus, voluntas, & memoria. An etiam ex hoc capite stet propria ratio imaginis, dixi agendo de Trinit. q. 19. in fine. Similitudo vero in sanctitate. De formato corpore humano ex pulvere (Deus enim plasset hominis est) vide cap. 11. 7. & cap. 111. 19. ET PRÆSIT. In Heb. & LXX. *Ut præsum*, in plurali; quod designat dominium hoc pertinere ad utrumque sexum. Hoc dominium requirit deliberationem; probat ergo liberum arbitrium.

V. 28. In utroque versu est illud, CRESCITE, ET MULTIPLICAMINI. פָּרוּ וּרְבוּ *peru, urbu*, *פָּרוּ וּרְבוּ*. Ubi in Hebræo est quidem imperativum, phrasi Hebræica pro futuris istis positum; Crescitis, & multiplicabimini; ut videas male Novatores abuti hoc textu contra virginitatem. Ac deum fingere esse ibi imperativum sensum, & præceptum; sane repleta terra, cessavit finis, & ratio præcepti, ac præsertim cum postea in utroque testamento laudentur tum calibus, tum virginitas. Quin etiam si fuit, aut durat adhuc tale præceptum, Novatores Christum, & alios viros sanctissimos efficerent præcepti huius transgressores.

Atque hæc loco præfationis de operibus sex dierum, ubi dies sextus habet *q* emphaticum ad indicandam illius diei excellentiam, quo creationis opus perfectum est. Quod vero aliqui dicunt in hunc eundem diem incidisse incarnati Verbi, & patientis Christi horam, dñi sane in opere Chronolog. in præloquiis partis secundæ, quam parum hoc ablit a divinatione obscurissima. In hunc tamen locum recte incidit quæstio de formatione Evæ. Eugubinus in Cosmopeia, putat eodem loco, tempore, & eadem productione productam cum Adamo. Ineptæ plane opinio est: docet enim Scriptura, eodem quidem die productos, sed tempore, loco, & materia diversis. Nam Adam creatus est extra paradysum, utpote qui post efformationem dicitur inductus in paradysum; & efformato quærebatur adiutorium. Porro Eva, ex communi sententia, efformata est in paradiso. Item formata, dicitur adducta ad Adam,

Adam, qui antea solus erat. Nam dixit Dens (c. 11. 18.) *Non est bonum hominem esse solum*. Figmentum ergo est, eodem momento creatam cum Adamo, & in primo producti Adami momento exivisse Evam, lateri Adami adhaerentem.

V. 29. Infra quidem cap. 1x. 3. facta est post diluvium hominibus potestas comedendi carnes; sed an eas comederint ante diluvium, dubitant aliqui ex hoc lo-

co. Multi etiam Patres censent abstinuisse illo tempore a carnibus, Tertullianus, Hieronymus, Chrysostomus, & alii.

V. 30. Heb. & Sept. *Viriditatem feni in cibum*: hoc omisit Hieronymus; forte quia supra expressum est. Heb. *olus*. Sept. *pasulum viride*.

V. 31. VIDITQUE DEUS CUNCTA. Hinc colligunt Theologi cognitionem creaturarum in Deo.

C A P U T II.

Deus, completo sex diebus opificio, septimum benedixit: hominem in paradysum variis, arboribus fructiferis, ac fluminibus insignitum posuit, cui Evam ex ipsius costa in adiutorium formavit.



1. **I**gitur (a) perfecti sunt cæli, & terra, & omnis ornatus eorum. 2. Complevitque Deus die septimo opus suum quod fecerat: & (b) requievit die septimo ab universo opere quod pararat. 3. Et benedixit diei septimo, & sanctificavit illum: quia in ipso cessaverat ab omni opere suo quod creavit Deus ut faceret. 4. Istæ sunt generationes cæli, & terræ, * quando creata sunt, in die quo fecit Dominus Deus cælum & terram: 5. & omne virgultum agri antequam oriretur in terra, omnemque herbam regionis priusquam germinaret: non enim pluerat Dominus Deus super terram, & homo non erat qui operaretur terram. 6. Sed fons ascendebat e terra, irrigans universam superficiem terræ. 7. Formavit igitur Dominus Deus hominem de limo terræ, & inspiravit in faciem eius spiraculum vitæ, & (c) factus est homo in animam viventem. 8. Plantaverat autem Dominus Deus paradysum voluptatis a principio, in quo posuit hominem quem formaverat. 9. Produxitque Dominus Deus de humo omne lignum pulchrum visu, & ad vescendum suave; lignum etiam vitæ in medio paradisi, lignumque scientiæ boni & mali. 10. Et fluvius egrediebatur de loco voluptatis ad irrigandum paradysum, qui inde dividitur in quatuor capita. 11. Nomen (d) uni Phislon: ipse est qui circumit omnem terram Hevilath, ubi nascitur aurum; 12. & aurum terræ illius optimum est: ibi invenitur bdellium, & lapis onychinus. 13. Et nomen fluvii secundi Gehon: ipse est qui circumit omnem terram Aethiopiæ. 14. Nomen vero fluminis tertii, Tygris: ipse vadit contra Assyrios. Fluvius autem quartus, ipse est Euphrates. 15. Tulit ergo Dominus Deus hominem, & posuit eum in paradiso voluptatis, ut operaretur, & custodiret illum. 16. * Præcepitque ei dicens: Ex omni ligno paradisi comede; 17. de ligno autem scientiæ boni & mali ne comedas: in quocumque enim die comederis ex eo, morte morieris. 18. Dixit quoque Dominus Deus: Non est bonum esse hominem solum: faciamus ei adiutorium simile sibi. 19. Formatis igitur, Dominus Deus, de humo cunctis animantibus

bus terræ, & universis volatilibus cæli, adduxit ea ad Adam, ut videret quid vocaret ea: omne enim quod vocavit Adam animæ viventis, ipsum est nomen eius. 20. Appellavitque Adam nominibus suis cuncta animantia, & universa volatilia cæli, & omnes bestias terræ: Adz vero non inveniebatur adiutor similis eius. 21. Immisit ergo Dominus Deus soporem in Adam: cumque obdormisset, tulit unam de costis eius, & replevit carnem pro ea. 22. Et ædificavit Dominus Deus costam, quam tulerat de Adam, in mulierem; & adduxit eam ad Adam. 23. Dixitque Adam: (e) Hoc nunc os ex ossibus meis, & caro de carne mea: hæc vocabitur Virago, quoniam de viro sumpta est. 24. Quamobrem relinquet homo patrem suum, & matrem, & adhærebit uxori suæ: & (f) erunt duo in carne una. 25. Erat autem uterque nudus, Adam scilicet, & uxor eius; & non erubescabant.

(a) Exod. xx. 17. xxxi. 27. (b) Deut. v. 14. Heb. iv. 4. (c) I. Cor. xv. 45. (d) Eccl. xiv. 45. (e) I. Corin. x. 9. Matth. xix. 5. Mar. x. 7. Ephes. v. 31. (f) I. Cor. vi. 16.

B R U G E N S I S

ROMANÆ CORRECTIONES.

V. 4. *Quando creata sunt*. Feminino generi *creata*, quod extat in aliis exemplaribus,

præferendum est neutrum *creata*.

V. 16. *Præcipitque ei dicens*. Non est mutandum præteritum *præcepit*, cum præsentis *præcipit*.

C O M M E N T A R I A

S A.

Verf. 1. **O** RNATUS, scilicet stellæ.
Verf. 2. **S** EPTIMO, scilicet exclusive. LXX. sexto, scilicet inclusive. REQUIEVIT; idest, cessavit a novarum rerum conditione. Aug.

V. 3. **E**T SANCTIFICAVIT; idest, ad sui cultum delicavit. Hic apparet; iam inde a principio sabbatum celebratum, quod etiam indicatur Hebr. iv. Quidam tamen id per occupationem dictum volunt: solum enim data lege sanctum fuisse. Vide Exod. xvi. **Q**UOD CREAVIT DEUS UT FACERET, pro quod creandum fecit. LXX. *quæ fecit*.

V. 4. **G** E N E R A T I O N E S, idest ortus. **D** I E, idest tempore.

V. 5. **H** O M O N O N E R A T; idest, nullus erat, Hebr.

V. 6. **S** E D F O N S, pro *Fons* autem: quidam vaporem intelligunt. August. V. de Genes. c. x. ait, forte fontem pro fontibus positum.

V. 7. **D** E L I M O T E R R A E; scilicet pulvis erat humectus. Aug. III. de Civ. notat quod Hebr. legitur, *pulverem de terra*; idest, ex pul-

vere terræ. LXX. *Pulverem accipiens e terra*. SPIRACULUM VITAE, idest animam dantem vitam. Cyrillus interpretatur spiritum immortalem & vivificum. **I** N A N I M A M V I V E N T E M; quasi dicat, cœpit vivere.

V. 8. **P** L A N T A V E R A T, scilicet die tertio. **P** A R A D I S U M, id est hortum. Italice *Giardino*. **V** O L U P T A T I S A P R I N C I P I O. Hebr. *In Eden ad orientem*. Vide Isa. xxxv. 1. Ezech. xxvii.

V. 11. **P** H I S O N, scilicet Ganges. Hier. in Genes. **H** E V I L A T H, sic dicta ab Hevila filio Ictan filii Heber.

V. 12. **B** E L L I U M L A P I S E S T. Vide Num. 11.

V. 13. **G** E H O N, scilicet Nilus.

V. 14. **C** O N T R A A S S Y R I O S, idest ad orientalem Assyriæ plagam.

V. 15. **O** P E R A R E T U R, scilicet agricultura deliciosa, non laboriosa. **E**T C U S T O D I R E T, scilicet ne quid faceret quo mereretur expelli; vel ut Deus hominem operaretur, & custodiret, scilicet iuvando, perficiendo, &c. August. Lib. VIII. de Gen. notat quod hanc secundam interpretationem Hebraica non admittunt, in qui-

quibus vox ILLUM ad paradysum plane refertur.

V. 17. COMEDERIS, &c. LXX. *Comeditis ex eo, morte moriemini.* MORIERIS, pro mortalis eris, seu morti obnoxius. Nota, quod illo peccato mortuus est Adam quantum ad animam, & meruit mortem corporis, itemque æternam corporis, & animæ. Vide Aug. XIII. de Civ. cap. xii.

V. 18. DIXIT QUOQUE, pro dixerat quoque, scilicet die sexto. BONUM, idest conveniens.

V. 19. DE HUMO. Id coniungendum cum animantibus solum, non cum volatilibus. QUID, idest quomodo, seu quibus nominibus.

V. 20. ADAM NON INVENIEBATUR, pro ADAM, seu homo non inveniebatur.

V. 21. SOPOREM, idest profundum somnum. LXX. *cessationem*, idest mentis excessum, ut interpretatur Hier. in Gen.

V. 23. VIRAGO. Heb. *iffa* נְשִׂא, quasi *vira*, ab *ife* נָשָׂא, idest *viro*.

V. 24. IN CARNE UNA, idest velut caro una, seu unum corpus.

EST II.

Vers. 2. COMPLEVITQUE DEUS SUUM. Apud Septuaginta legitur, *die sexto*. Nihilominus Hebræi, & Noster etiam recte dicunt, illum die septimo opus suum complexisse, puta tunc illum finivisse, & incepisse cessare, nec quidquam novi adiecisse. Et similis locutio est Esther ix. ubi cum auctor dixisset: *Et quartadecima die cedere deferunt*; mox clarius item explicans subiungit: *Et quartadecima die in cade versati sunt, quintadecima autem die percute deferunt*.

V. 3. ET BENEDIXIT DIEI SEPTIMO, ET SANCTIFICAVIT ILLUM. Queritur quando facta sit hæc septimi diei sanctificatio. Nonnulli respondent eam factam ipso hoc die, adeoque Deum iam tunc legem statuisse de servando sabbato, utpote ut eo die etiam in statu innocentie homines vacarent specialiter externis sacrificiis. Sed contra alii obijciunt inter alia: Si ad primævam institutionem pertinet lex sabbati, non fuisset a Chri-

sto abroganda, tum & Moses ad maiorem sabbati reverentiam in Exodo fecisset mentionem. Itaque videtur cum illis sentientium, qui dicunt id quod hoc loco Moyses commemorat, dictum esse per anticipationem, & referendum ad tempus, quo Moyses ista scripsit, scilicet post datum Decalogum; ut sit sensus idem qui est similitum verborum Exodi xx. *Sex diebus fecit Dominus calum & terram, & requievit in die septimo; idcirco benedixit, & sanctificavit illum*; scilicet tunc cum illa Moyses Exodi xx. capite loqueretur.

Ita Tertullianus, & Cyprianus contra Iudeos, Iustinus contra Tryphonem, & post eos quoque Beda in Hexameron. Si quis tamen contendat illud potius significari, quod iam inde ab initio septimum diem Deus sanctificaverit, poterit id dici hoc sensu, quia tunc præcessit ratio propter quam postea dies septimus præ ceteris divino cultui applicaretur. Vide nostra in II. dist. xv.

V. 5. ET OMNE VIRGULTUM AGRI ANTEQUAM ORIRETUR. Sed quomodo creatum virgultum, & non oriebatur? Resp. August. Lib. V. de Gen. ad litt. cap. iv. & v. quia creatum illo primo die potentialiter, sed non actualiter. At non arbitror hoc Moysen apud rudes Iudeos voluisse. Simplex sensus est, Deum fecisse virgulta & herbas, cum antea non essent.

V. 7. ET INSPIRAVIT IN FACIEM EIUS SPIRACULUM VITAE. Non quod faucibus sufflaverit, vel animam hominis de sua substantia creaverit, sicut docuerunt Manichæi; sed quia spiraculum vitæ, id est animam, ipsi indidit: quo significatur, animam esse spiritum, & quidem non ex præexistente materia creatam, ut corpus humanum, sed ex nihilo, simulque creando corpori infusam. Specialiter tamen dicitur Deus inspirasse eam in faciem hominis, scilicet quod in nulla parte corporis æque reluceant operationes animæ, atque in capite & facie.

V. 8. PLANTAVERAT AUTEM DOMINUS DEUS PARADYSUM. Paradysum locum certum corporalem intelligunt omnes Patres, præter Origenem, uti alibi, sic & hic allegorizantem. Atque id circumstantiæ fluminum v. 11. descriptorum, aliaque plura prorsus requirunt. Sed varie disputatum fuit, ubi sit, vel fuerit

E ille

ille paradisus. Veteres, alii in altissimo monte usque ad supremum aeris illum confluitunt, alii in regione ignota iuxta Zonam torridam, alii alibi. Sed verissimilima opinio videtur a posterioribus aliquot tradita, quam & sequuntur Hesselius in II. Sent. dist. xviii. & Pererius hic, paradisum fuisse in finibus Mesopotamiæ, ubi Tigris, & Euphrates in unum alveum confluunt, & iterum, facto aquarum divorcio (est non longe a Babylone) abeunt in alveos peculiares, a quibus deinde alia duo flumina Phison, & Gehon derivantur. Alterum enim Armeniam permeans Phison vocatur, cuius & meminit Ecclesiasticus cap. xxiv. Quod nomen etsi apud profanos scriptores ita expressum non reperitur, existare tamen apud illos videtur nonnihil imitatum. Nam Q. Curtius Lib. V. testatur Euphratem, & Tigrim quodam loco ab accolis vocari Phasin; & Plinius Lib. VI. cap. xxi. tradit Tigrim findi in duos alveos, atque ubi remeare, Pasitigrim appellari.

Porro quæ sit terra Hevilath, quam circuire dicitur Phison, colligi potest ex Genes. xxv. & I. Reg. xv. Certe Strabo geographus eam regionem collocat in confinibus Arabiæ, & Mesopotamiæ. Ceterum aliter fluvius Arabiam desertam petit, & Gehon vocatur, cuius item meminit Ecclesiasticus dicto cap. xxiv. Dicitur autem is circumire omnem terram Aethiopiæ, non illius Africanæ, quam longissimis spatiis perluit Nilus, sed Asiaticæ, quæ vicina est Arabiæ, & Mesopotamiæ. Esse enim Aethiopiam quamdam Palestinæ vicinam, facile est ex sacris litteris ostendere. Madianitæ enim vocantur Aethiopes Num. xii. Unde & illud in Cantico Habacuc: *Vidi tentoria Aethiopiæ, subabuntur pelles terræ Madian.* Quibus adde loca II. Paralip. xiv. & xxi. & Psal. lxxxi. & lxxxvi.

At obiicitur contra dictam sententiam de paradiso. Nam hinc sequeretur, inquit, paradisum illum iam non existere: loca enim illa & olim, atque etiamnam commercii frequentantur, & nullum apparet ibi paradisi, aut Cherubim ante illud positi vestigium. Porro paradisum illum debere adhuc existere, videtur docere Ecclesiasticus cap. xlv. ubi dicit, *Enoch translatus in paradisum.* Atque idem de Elia similiter testantur multi Patres, Iu-

stinus ad Orthodoxos quæst. lxxv. lxxvi. & lxxxv. Irenæus Lib. V. adversus hæreses, & Tertull. in Apolog. contra gentes. Respondeo, quod ad Scripturam Eccli. xlv. attinet, in Græco codice non nominatur paradisus; immo nec additur locus aliquis in quem fuerit translatus. Unde & S. Thomas de hac re agens non simpliciter affirmat Enoch, & Eliam degere in illo paradiso, sed fere addit, *Ut dicitur, vel, ut creditur.* Ad Iustini, Irenæi, & Tertulliani sententias respondeo, eos quædam alia iisdem locis adiungere, quæ Ecclesia non recipit, ut quod in illum terrestrem paradisum ductus sit Iatro; quodque in eo demorentur omnes iustorum animæ usque ad diem iudicii; proinde non temere nos facere, si etiam in hoc quod volunt paradisum adhuc existere, ab iis recedamus. Afferunt quidem, vel potius referunt & alii Patres hanc sententiam, sicut & Scholastici plerique, sed nullo modo tamquam de fide.

V. 9. LIGNUM ETIAM VITÆ &c. Quare lignum vitæ dictum sit, patet cap. seq. ubi dicit Deus de Adam: *Nunc autem ne forte mittat manum suam, & sumat etiam de ligno vitæ, & comedat, & vivat in æternum.* Nempe quod immortalitas hominis de ligno vitæ extitisset, & non de conditione naturæ. Ita August. Lib. de Genes. ad litt. cap. xxv. & alibi. Irenæus Lib. III. contra hæreses cap. xxxvii. Hilarius in Psal. lxxviii. & alii. Non quod semel sumptum immortalitatem præstaret (nam dicit illo Adamum fuisse usum ante peccatum August. Lib. II. de peccat. merit. cap. xxi.) sed quod daturum fuisset stabilitatem contra vetulatem, ut idem Aug. loquitur Lib. VIII. de Genes. ad litt. cap. v. Non igitur unica eius sumptione stabilem seipsum perpetuam vivacitatem homo consecutus erat, sed ad vigorem plenæ ætatis conservandam, subinde ac sæpius ei opus fuisset esu ligni vitæ, & sic immortalitatem, seu vitam stabilem efusus ligni illius præstitisset, si homo non peccasset: inde scilicet dictum lignum vitæ. Vide nostra in II. Sententiarum distinct. xxix.

V. 17. DE LIGNO AUTEM SCIENTIÆ BONI ET MALI NE COMEDAS. Queritur quare hæc arbor, quæcumque tandem illa fuerit, de quo cap. seq. dicta sit arbor scientiæ boni & mali. Respon-

dendum, ad eum modum quo cap. sequenti serpens dixit: *Eritis sicut dii, scientes bonum & malum*: nempe quod ex suggestione serpentis, per comellionem ex hac ardore primi homines voluerint esse sicut dii, scientes bonum & malum; id est, quod Dei quamdam similitudinem homini inconcessam per superbiam appetierint, ita nimirum ut sicut Deus omnium habet scientiam, nec indiget rectore, nec cuiusquam subditus est potestati; sic & ipsi omnia scirent, nec ab ullo regerentur, nec cuiquam alteri subditi essent; sed independentes suo iure atque arbitrio viverent. Ita fere August. Serm. xxv. de tempore cap. 111. Tract. xvii. in Ioannem, & in Psal. lxxviii. Vide Commentarium nostrum in II. Sent. dist. xxii. §. 3. IN QUACUMQUE DIE COMEDERIS, MORTE MORIERIS. Agitur de morte corporis, ut patet cap. seq. ubi dicitur: *Donec revertaris in terram*. Fiebant quidem primi parentes per peccatum quoque rei mortis spiritualis & æternæ, sicut dicit Apostolus Rom. vi. *Stipendium peccati mors*, scilicet mors æterna, sicut mox subiungitur de vita æterna; sed hic exprimendum erat ad maiorem terrorem etiam de morte corporali. Deinde aliquid leuius de morte æternæ spirituali imaginari potuissent Adam & Eva. Legitur quidem Gregorius Libro V. epist. xiv. hanc sententiam exposuisse de morte animæ, idcirco quod non eo ipso die quo peccarant primi parentes, mortui sint corporaliter. Sed ea expositio ab aliis non probatur, & favere nonnihil videtur Pelagianis, qui non mortem corporis, sed animæ dicebant ex peccato processisse. Sensus igitur est: *In quacumque die comederis, morte morieris*, scilicet ex tunc necessitati moriendi eris addictus.

V. 21. CUMQUE OBDORMISSET, TULIT UNAM DE COSTIS EIUS. Chrysost. hic, *Tametsi*, inquit, *modum quo hæc facta sunt, nesciamus; credere tamen debemus, quod voluntati Dei omnia paruerint*. Et similia habet August. Lib. IX. de Genesi ad litt. cap. xiii. & Hieron. in Epist. ad Philemonem. *Mysterium hoc magnum est*: ad Ephes. v. ego autem dico, ait Apostolus, *in Christo Ecclesia*. De quo & August. dicto loco: nempe Adam correptus sopore significat Christum in cruce obdormientem; Eva vero Ecclesiam ex la-

tere Christi manantem; sicut & postea de costa dicitur, eam non factam, sed ædificatam in mulierem. Atque adeo hunc soporem Adam Septuaginta vocant *ekstasis*; & recte, puta, ex quo expergefactus Adam propheticum illud eructavit: *Hoc nunc os ex ossibus meis, & caro de carne mea*. Est & aliud hic mysterium, scilicet societatis individuae & amicitialis coniugum inter se; sed & hæc referenda est ad mysterium supradictum, ut patet ex dicto loco ad Ephes. v.

Si curiose insistas, quomodo ex costa una fabricata sit integra mulier: respondeo id factum non improbabilius dici, eo modo quo aucti sunt quinque panes evangelici ad saturanda quinque millia hominum: quos panes scilicet dicit Augustinus. Tract. 24. in Ioannem, fuisse *quasi semina*, non quidem terræ mandata, sed ab eo qui terram fecit, multiplicata. Porro quod Deus dicitur tulisse costam de Adam, & repleisse carnem pro ea, non sic accipiendum est, quasi monstruosus tunc relictus sit Adam, aut costa illius prius superflua fuerit; sed quod locum ablatae costæ, non solum carne, ut textus videtur sonare, sed alia costa carne vestita supplevit. Qui sensus ex eo confirmatur quod postea dicit Adam: *Hoc nunc os ex ossibus meis, & caro de carne mea*. Sicut enim hinc constat, costam, ex qua fabricata est Eva, non fuisse nudam costam, sed carne vestitam; ita quoque omnino verisimile est, carnem eius loco suppletam, non fuisse nudam carnem, sed carnem costa suffultam. Inicit hanc solutionem dudum Hugo Victorinus in Quæst. super Genes.

V. 24. ET ERUNT DUO IN CARNE UNA. Apud Hebræos non est illud duo, tamen ex contextu sermonis satis intelligitur: nam sequitur: *ET ADHÆREBIT UXORI SUÆ*. Ecce *uxori*, & non uxoribus, sicut & prius dicitur: *Masculum & feminam creavit tor*; scilicet non feminas; quamvis tamen aliqui postea habuerint plures uxores, ut Abraham, Iacob, & alii, sed singulari Dei dispensatione. Sane Christus hanc primævam unius cum una societatem (Græci monogamiam vocant) indicat, & confirmat his verbis Matth. xix. & Marci x. *Et erunt duo in carne una*. Paulus item I. Cor. vi. & ad Ephes. v. intelligitur autem de carnali commixtione a

variis Pontificibus, ut patet apud Gratianum xxvii. q. 11. cap. *Lex*, & cap. *Sicut*, item cap. *Verum*, de convert. coniugatorum, & alibi.

M A R I A N A E.

Vers. 1. **O**RNATUS EORUM. Sic Sept. Chal. *exercitus*; זבא *Zaba*, utrumque significat; & Deut. xvii. 3. idem Hieron. *militiam* pro ea voce posuit: nempe stellæ, & alia quæ in terra, ornatus sunt; & ut milites ob multitudinem, & ordinem. Igitur *Omnis ornatus eorum*, sive *exercitus*, idest omnia quæ in cælo, & in terra sunt, perfecta sunt.

V. 2. COMPLEVITQUE DEUS DIE SEPTIMO. Sept. *die sexta* dixerunt. Quo ex loco Hier. in Traditionibus in Iudeorum superstitiosam observationem sabbati invehitur: quia si complevit die septimo opus, in eo operatus videtur. *Die septimo*, ante diem septimum, sive, ut alii, die septimo exclusive: *complevit* pro *compleverat*.

V. 3. BENEDIXIT DIEI SEPTIMO. ET SANCTIFICAVIT; pro idest sanctificavit, cultui divino dicavit. CREAVIT DEUS UT FACERET. Sept. *Qua inceptit Deus facere*. Hebr. *Creavit Deus ad faciendum*; nempe cuncta creavit, non ut essent otiosa, sed potius ut operationes pro se quæque deinceps exercerent.

V. 4. ISTAE SUNT GENERATIONES: res genitæ in cælo & in terra. IN DIE, in tempore; frequenter dies pro tempore sumitur.

V. 6. SED FONS ASCENDEBAT E TERRA. Hebraice זמ *ed*, vapor. Et quidem inter Hebræos quidam putant, negationem quæ præcessit; *Et homo non erat qui operaretur*: hoc loco supplendam hac sententia: arbores, & herbas terra non protulerat, quia neque Deus pluerat, neque erat homo qui terram versaret, neque vapor qui in nubes & imbres concreveret. Quidam per fontem aquam intelligit, quæ ascendebat e terra illa, scilicet altior, illique superfusa, eamque irrigans, & ne germinaret impediens.

V. 7. DE LIMO TERRÆ. Hebr. *pulverem de humo*; pro de pulvere terræ formavit hominem. INSPIRAVIT IN FACIEM EIUS. Hic disputant quare in faciem inspiravit potius quam in totum corpus. Respondent, quia in facie potissimum

exercet anima suas operationes per sensus. Simplicius dici posset, *in faciem eius*, idem esse quod *in ipsum*; sicut superius, *super faciem abyssi*, perinde diximus esse quod *super abyssum*: vox enim *facies* sæpe in Hebræo redundat. SPIRACULUM VITAE. Philaster c. xcix. vult esse Spiritum sanctum, quem a nobis peccato pulsum Christum in vitam redux inspirando restituit; & aliorum Patrum sententiam reprobat quasi hæreticam, qui per *spiraculum*, *animam* intelligunt. Sed vere vox נשמה *Nesamab*, *animam* significat, eo discrepans a נפש *Nephes*, quomodo Græcis differunt ψυχή, & ἄνθρωπος, Latinis *mens* & *anima*, seu *animus* & *anima*. Quod vero addit *vita*, in Hebræo *vitarum* est, ad indicium, homini non simplicem, sed geminam vitam datam; secus in productione aliorum animantium, ubi vita in singulari ponitur: *Producat aqua reptile anima viventis*. *Producat terra animam viventem*. FACTUS EST HOMO IN ANIMAM VIVENTEM: cepit vivere, cum viventibus numerari.

V. 8. PLANTAVIT AUTEM DOMINUS (scilicet die tertia) PARADISUM VOLUPTATIS. Sept. *in Eden*. Sane vox עדן *Heden* Hebraica voluptatem, & regionem sic dictam significat; verum hoc loco nulla est nota genitivi, ut dicatur *Paradisus voluptatis*, sed potius ablativi, עדן *Bebeden*, ut significetur in regione eius nominis paradisum constitutum: quæ regio id nomen tulit, quod esset amœna in primis. Adde quod cap. iv. dicitur de Cain: *Habitavit ad orientale plagam Eden*. Quod additur A PRINCIPIO, Hebraice מִקֶּדֶם *Mikedem*; quæ dictio *orientem* significat, & a principio, seu prius. Hebræi fere & Sept. secuti priorem vocis significationem, dixerunt: *Plantaverat autem Dominus paradisum in Eden ad orientem*. At vero Hieron. posteriorem secutus dixit, *A principio*, nempe primis diebus ante formationem hominis. Quod sequitur Chaldaeus, & secuti fere sunt Aquila, Theodotus, Symmachus. Utraque expositio satis consentanea est verbis Hebraicis, & contextui. Sane hoc caput repetitionem continet eorum quæ tertio, & sexto die sunt facta. *Plantaverat autem Dominus Deus*. Haecenus *Elohim* voce usus, hic adiungit nomen tetragram-

grammaton Dei. Quid hoc? Nempe *Elohim* ad potentiam pertinet, unde *iudices* etiam significat: nomen alterum ad benignitatem spectat, qua res complet, & facit existere. Ergo non completa creatione, priori voce utitur; posteriori, completa. Sive naturæ conditioni prior vox adaptatur, posterior iis quæ supra naturæ merita homini paradisi nomine tribuuntur. Ad Tit. III. *Apparuit benignitas & humanitas Salvatoris nostri Dei*. Tum Exod. vi. 3. *Apparui Abraham, Isaac, & Jacob in Deo omnipotente, & nomen meum Adonai non indicavi eis*; hoc est, pollicitus multa, signis ostendi me illa posse præstare, non contuli tamen quæ promisi. Beresith Rabba, *Mundo, ait, completo, nomine pleno utitur, non ante*.

V. 9. LIGNUM VITAE IN MEDIO PARADISI. *Vita*, quia edenti dabat vitam. *In medio*, ad maiorem custodiam, ut cetera circum posita muri instar essent: carissima quæque in medium agnoscimus. LIGNUMQUE SCIENTIÆ BONI ET MALI. Per occupationem sic vocatur, aut ab eventu, vel quia per eam Deus probavit, qualis homo esset, bonus, an malus; vel quia homo didicit per eam bona quæ amisit, & mala in quæ incidit: quod magis convenit cum illis verbis: *Eccē Adam quasi unus ex nobis*.

V. 10. ET FLUVIUS EGREDIEBATUR DE LOCO VOLUPTATIS. Pro loco voluptatis, Hebraice, & Græce *Eden*. Multa de hoc fluvio Expositores; & divinare quis sit ille fluvius, difficile est. Ego credam fuisse Iordanem ex nominis coniectura: quippe Hebr. dicitur *Jarden*, quasi fluvius Eden: nam Ieor fluvius Hebr. est; in quo Moyses duo admiranda plane videbat. Alterum quod in zestate inundabat, Iosue III. 16. *Iordanis autem ripas alvei sui tempore messis impleverat*, quod illi commune est non solum cum Nilo, sed etiam cum Tigri, & Euphrate, & Gange ex Plinio; sed etiam cum plerisque Indiæ fluminibus, ex Arriano Lib. V. de rebus Alexandri. Alterum erat, quod in mare mortuum abfunderetur, ut ne vestigium amplius extet. Voluit ergo per meatum sub terra a Iordane paradisi fluvios alios eiusdem naturæ derivari, ac præsertim quatuor sama ma-

iori. Et sane Pausanias in Corinthiacis non deesse ait qui Euphratem sub terra conditum erumpere, & Nilum efficere putent.

V. 11. NOMEN UNI PHISON. Qui isti quatuor fluvii sint, constituere promptum non est. Nomen *Phison* intactum Expositores relinquunt. Hieron. in Traditionibus Gangem credit, secutus Iosephum; quæ sententia passim sulcipitur. Verum quomodo CIRCUIT OMNEM TERRAM HEVILATH, quæ Provincia prope Mesopotamiam videtur fuisse, quando Ismaelitarum cap. xxv. 18. inferius, extendebantur ab Evilath usque ad Sur, quæ respicit Aegyptios? Sed & inter filios Chus fuit *Evilath*, c. x. & *Evilath* est etiam ibidem filius Ophir ex progenie Heber, qui suum nomen fortassis aliis remotioribus Gentibus reliquerunt. Peritiores quoque *Ophir* in sinu Bengalæ prope Gangem ponunt.

V. 12. IBI INVENITUR BDPELLIUM. Vocem *בדלה* *Bedolah* Hieron. reliquit intactam. Plerique *gemmam* putant; Sept. *carbunculum*; Hebraei *unionem*: faves illis locus Num. xi. 7. ubi *manna* dicitur coloris fuisse bdellii. Ego inter arbores *bdellium* invenio, inter gemmas non invenio. Plin. Lib. XII. c. ix. ad Sinum Persicum nasci *bdellium* ait coloris nigri, olivæ similem, foliis roboris. Quod si placet, manna erit simile colore non arbori, sed gummi, quod ex se profert ea arbor. Quod vero addit, ET LAPIS ONYCHINUS, Sept. *praxinus* dixere; sed Hebraei cum Hieron. consentiunt, ut sit *onychinus*, nostris *cornelina*.

V. 13. ET NOMEN FLUVII SECUNDI GEHON. Plerique Nilum putarunt propter subiuncta verba: IPSE EST QUI CIRCUIT OMNEM TERRAM AETHIOPIAE. Sit sane: tamen ex sacris litteris, & profanis non in Africa tantum est Aethiopia, sed etiam altera in Asia: unde uxor Moysis natione Madianitis Aethiopissa dicitur.

V. 14. De tertio, & quarto fluvii questio non est: nam de tertio addit ipse, VADIT CONTRA ASSYRIOS. Nomen quarti cum Hebraico *פרת* *Perath* consentit; & forte *והפרת* *Huperath*, quod est in Hebraico, *Euphratem* duplicata gemina voce fecit.

V. 15. TULIT ERGO DOMINUS DEUS

DEUS HOMINEM. Nempe extra paradifum eft factus. Quo loco? In campo Damafceno plerique putant, ubi poft lapfum vitam exegit, ex c.xiv. Iofue fumpta occasione, ubi in Hebron *Adam maximus* feptulus dicitur, quæ & *Cariatharbe*, id eft *civitas quatuor*, eft dicta, quod ibi etiam tres Patriarchæ feptuli funt. Eft autem Hebron in campo Damafceno. Ex his omnibus colligas, paradifum in terra promiffionis, & vicinis locis extitiffe. Quidam in Mefopotamia putant propter fluvios duos quibus ea regio ambitur, Tigrem, & Euphratem, in quos certe dividitur fluvius qui e paradifo egrediebatur. **UT OPERARETUR, ET CUSTODIRET ILLUM:** nempe homo paradifum. Articulus eft femininus, nec poteft ad hominem referri, ut fit fententia, feciffe Deum Paradifum, ut hominem in eo custodiret. Sic Aug. Lib.VIII. de Genef. ad lit. Ergo huic explicationi articulus feu pronomen affixum Hebr. repugnat. Sed pofuit ibi Adam, ut custodiret homo paradifum. Vides ne in paradifo quidem Deum velle locum effe otio & ignaviæ.

V. 17. MORTE MORIERIS. Sept. *Comederitis, & morte moriemini* dixerunt, ut indicarent, præceptum illud viro & feminæ fuiffe denuntiaturum, & commune utrique. Geminatio autem non geminam mortem continet, ut quidam putant, fed nimirum Hebraicæ linguæ familiare eft uti geminationibus: *Expectans expectavi Dominum: Plorans ploravit.* Sed totum ad corporis mortem refertur, in quam continuo incidere: five quia mortales facti, ut vertit Symmachus, *pro morte morieris, mortaliseris*; auctore Hieron. In Traditionibus: five quia vita fubfequens prioris comparatione mors eft potius quam vita. Sic Paulus corpus mortuum effe propter peccatum dicit, & corpus noſtrum *corpus mortis* vocat. **DE LIGNO AUTEM SCIENTIÆ BONI ET MALI NE COMEDAS.** Heb. & Græce additur, *ex eo*, quod quaſi redundans reſecuit Hieron. Poteſt autem deſervire ad maiorem præcepti exaggerationem, uti notavit quidam Expoſitor Hebræus.

V. 18. DIXIT. Dixerat certe die ſexto, **FACIAMUS EI ADIUTORIUM SIMILE SIBI.** Vox Hebraica *כנגדו* *Chengdo*, tria ſignificare poteſt, nempe ſe-

cundum ipſum, quod Hieron. & Sept. ſecuti funt, cum pro ea voce reddiderunt, *ſimile ſibi*. In quo & documentum eſt, inter pares recte procedere coniugium. Recte ille:

Si qua voles apte nubere, nube pari. Deinde ſignificat, *penes ipſum*. Hoc ſecutus eſt Chaldeus cum dixit, *ſuſtentaculum quaſi iuxta ipſum*, *סמך כנגדו*, quaſi uxor præſto in omnibus viro eſſe debeat, quaſi baculus cui incumbat. Significare etiam poteſt, *contra ipſum*, quod aſſert acute R. Selomo, dicens: *Si bona fuerit, adiutorium erit; ſi ſecus, contra ipſum*. Vel dic, voce ambigua uſum Deum, ut coniugii conditionem in utroque ſtatu, innocentiae, & peccati indicaret. Fuit enim ante peccatum in adiutorium inſtitutum, quod poſt lapſum ſæpe vertitur in ſupplicium.

V. 19. DE HUMO. Iungatur hoc cum animalibus terræ, non cum volatilibus: neque enim aves e terra ſunt factæ. **ADUXIT EA AD ADAM:** nempe ut melius videret ſibi ſociam deeſſe. Vult Deus, ut antequam beneficium conferat, indigentiam eius agnoſcamus, petamulque quod deere. **QUID VOCARET,** id eſt *quomodo.* **OMNE QUOD VOCAVIT ADAM ANIMAS VIVENTIS, IPSUM EST NOMEN EIUS.** Iofephus hoc reſert ad Moyſis tempus, ut intelligatur, ea nomina quibus genera vocabantur, ab Adam fuiſſe inſtituta; quod ad linguæ Hebraicæ commendationem, & antiquitatem ſpectat. Alii ſimpliciter, nomina fuiſſe naturæ cuiuſque animantis apta: nam etſi ad placitum ſignificent, ex notatione, in prolatione affinitatem cum rebus habent, in lingua Hebraica magis.

V. 20. NON INVENIEBATUR. Hebr. *non invenit*, non Deus, ſed ipſe Adam propter pronomen reciprocum *Chengdo*. **ADIUTOR SIMILIS EIUS.** Hebr. *adiutorium quod eſſet coram ſe*: id ad verbum Hebraica ſignificant.

V. 21. IMMISIT DOMINUS DEUS SOPOREM IN ADAM. Vox Hebraica *Thardemab* ſomnum gravem ſignificat. Sept. *inſuper* reddentes, occaſionem Patribus præbuerunt exiſtimandi, non ſomnum verum, ſed alienationem mentis fuiſſe. Hebræi, & plerique alii ſomnum verum credunt eo immiſſum ne dolorem

ten-

sentiret in costæ ablatione. Ego utrumque puto, certe somnum cum illuminatione, quando excitatus Adam continuo agnoscit de suo corpore formatam. Tum Matth. xix. 4. Adæ verba quasi Dei referuntur, nempe divino inflatu prolata. Sed & illud cogita: *Nisi somnus mentem occuparet, virum sapientem numquam simpliciter coniugio. TULIT UNAM DE COSTIS EIUS, ET REPLEVIT CARNEM PRO EA.* Placet quod quidam ait, ut nec costam sine carne sumptierit, quando dicit: *Hoc nunc os ex ossibus meis, & caro de carne mea; nec rursus restituerit carnem sine osse.*

V. 23. HAEC VOCABITUR VIRAGO. Hinc sumitur argumentum ad probandum, linguam Hebraicam fuisse eam qua usus est Adam, quando in ea semine nomen deducitur a nomine viri, id est ab *איש* *איש* ab *is israh*, quod in alia lingua non invenitur: nam *virago*, quod posuit Hieron. non id significat quod *mulier*; & *איש* ab *איש* a Symmacho fictum nomen est, non usitatum Græcis.

V. 24. ET ERUNT DUO IN CARNE UNA. Hebraice, & Græce, *in carnem unam*. Sic legunt Tertull. III. contra Marcionem, Cypr. Lib. II. epist. viii. Hieron. ad Matth. cap. xix. Significat autem idem *in carnes unam*, quod *caro una*; sicut Ioan. Epist. I. cap. v. dicitur Græce: *Pater, Verbum, & Spiritus sanctus; & hi tres in unum sunt*. Sunt autem una caro, vel in prole, de qua facile explicatur, *Erunt in carnem unam*; vel sunt una caro, non in substantia, sed usu.

M A L V E N D A E.

V. 1. PERFECTI SUNT. Heb. *consummati, completi, absoluti, finiti fuerunt*. ORNATUS. *צבא* *tzaba* univérse est *militia, exercitus, statio militaris, quæ certo tempore, & ordine constituitur*, quando coniungitur cum nomine *שמים* *schamaim*, *cælorum*, cum dicitur exercitus seu militia cælorum, interdu indicat exercitus seu ordines Angelorum, qui Deo tamquam imperatori militant veluti in statione ad iussa capeßenda, quibus ceu militibus & administris utitur ad res gerendas. I. Regum xxii. 19. *Vidi Dominum sedentem super solium suum, & omnem exercitum,*

militiam assistentem ei a dextris, & a sinistris. Idem II. Paralipom. xviii. & Lucæ II. 13. *Et subito facta est cum Angelo multitudo militia cælestis laudantium Deum*. Aliquando vero significat solem, lunam, stellas, sidera, astra, planetas, & omnem exercitum cælestium luminarium, quæ suis ordinibus, & temporibus disposita veluti exercitus progrediuntur in motu cælorum; & quasi in statione militari per vices ex-cubant in afflatus, influxus, regimen, & conservationem mundi. Deuterom. xvii. 3. *Ut vadant, & serviant diis alienis, & adorent eos, solem, & lunam, & omnem militiam cæli*. II. Reg. xvii. 18. *Et adoraverunt omnem militiam cæli*. Cap. xxxiii. 8. *Qui adolebant incensum Baal, & soli, & luna, & duodecim signis, & omni militia cæli*. Hoc loco amplissima significatione exprimit res omnes cælestes, terrestres, & sublunares absoluta quadam perfectione a Deo conditas, & in suos gradus, ordines, virtutes, facultates, qualitates tributas, apte & concinne dispositas, mira varietate, ornatu, pulchritudine diversorum generum, & specierum constitutas, instar ornatisissimi exercitus, & præstantissimæ militiæ, præclare quadam opificis & imperatoris summi arte instructas atque compositas, ad quævis Dei ministeria paratas, tamquam milites suo imperatori militantes, & intervièntes, munia sua sibi a conditore destinata naviter & strenue exercentes, quibus Deus tamquam copiis suis hostes & peccatores debellare solet. I. Iob. 11. 12. *A facie eius contremuit terra, moti sunt cæli: sol, & luna obtenebrati sunt, & stellæ retraxerunt lumen suum. Et Dominus dedit vocem suam ante faciem exercitus sui: quia multa sunt nimis castra eius, quia fortia & facientia verbum eius*. Iob xxxviii. 22. *Numquid ingressus es thesauros nivis, aut thesauros grandinis aspexisti quæ preparavi in diem pugnae & belli*. Sapientia v. 21. *Et pugnabit cum illo orbis terrarum contra infernales*. Et sunt eiusmodi complura in Scripturis exempla. Vide Iudicum v. 20.

V. 2. OPUS SUUM. *מלאכה* *melacab*, exponunt *ministerium, ministeriale suum, functionem suam*, id est opus suum, industria & arte paratum. Nonnulli hic opificium reddunt. Vide cap. xxxiii. 14. *ET REQUIEVIT. Proprie & cessavit, desit otia-*

otatus est. Et, forsitan pro id est; quasi dicat, complevit, absolvit Deus die septimo exclusive opus suum, id est cessavit die septimo ab universo opere, &c. Die sexto absolvit operando, septimo cessando. Requiescere pro cessare, desinere etiam Nostro Isaïe 1. 16. cap. 11. 22. xiv. 4. Apocalyp. 1v. 8. vide Exodi xxxi. 17.

V. 3. ET BENEDIXIT DIBI SEPTIMO; id est, celebrem, honorabilem, laudabilem, faustum, felicem, fortunatum, augustum reddidit; statimque se exponit: ET SANCTIFICAVIT ILLUM. וְשָׁפַר לְיָמָיו, proprie sancivit, sanctificavit, consecravit, dedicavit, accommodavit usibus divinis, ad sacrum usum destinavit; a communi & profano usu segregavit in usum sacrum, cultui Dei mancipavit, servitio Dei preparavit, ad ministerium & sacras ceremonias instituit, solemnem ac sanctum esse voluit. Quidam reddunt separavit, segregavit, seposuit sibi, id est sibi tribui voluit; in quo cessarent homines a servilibus operibus, & Dei cultui tantum vacarent. Nec dabo primos homines populi Dei hunc diem coluisse iam inde ab Adamo, quem postea Moses Exodi xx. 10. lege & precepto confirmavit. UT FACERET. Forsan ut aptaret, disponeret, ornaret: nam וַיַּעַשׂ גִּבְשָׁב id significat, II. Samuelis xix. 24. Non fecit pedes suos, & non fecit labium suum; id est, non aptavit, ornavit. Hebraice, ad facere. Quidam exponunt, ut creaturæ facerent, operarentur, generarent, nec essent otiosæ.

V. 4. GENERATIONES. דּוֹרוֹת, hoc nomine comprehendit volunt generationes, procreationes, genealogias, adiones, eventa, res gestas, casus, accidentia, quod ea sint quasi procreationes temporum: Proverb. xxvii. 1. Nimirum quod in tempore accidit, videtur ab eo gigni. Sic Hispanice dicimus: *Esso da el tiempo*. Item historias ætatis, seu sæculi. Sic multi capiunt illud Matthæi 1. 1. *Liber generationum Iesu Christi*; id est rerum Christi gestarum. Vide infra Genes. vi. 9. & cap. xxxvii. 2. Hinc factum nomen insigni Hispaniæ urbi Toledo, multi suspicantur, quod in ea multæ familiæ essent Iudæorum. Quidam: *Hi sunt natales, ortus, origines mundi*; ac si dicat, cælum, & terra creata sunt eo quo diximus modo. Alii active capiunt: *Hæc sunt quæ genuerunt, aut produxerunt*

cælum & terra, quando primum creata sunt. Nec aliene expofueris: *Hæc sunt historie creationis cæli & terræ*. DOMINUS DEUS. Hic primum occurrit nomen illud quadrilitterum יהוה יהוה, quod ineffabile, venerandum, sacrosanctissimum semper Hebræi habuerunt, de quo tam multa, tam varia scripta a diversis extant, ut immensum esset ea persequi: pauca tantum de pronuntiatione, & significatione notabo. Vetustissimi Hebræi numquam hoc nomen suis vocalibus expresse, sed per vocales tantum nominis אֲדֹנָי Adonai. Hoc sequuti sunt LXX. Interpretes, Chaldæi omnes Paraphrastæ, Apostoli, S. Hieronymus, seu vulgatus Interpres; qui omnes semper Dominum exponunt, quæ est ipsissima nominis Adonai significatio, & non יהוה יהוה. Hinc illud ΠΙΠΙ Græcum in Origenis Exaplis, & in vetustis Græciæ Patribus, nimirum Hebræas litteras sacri huius nominis Græce proferentibus. In Hebraicis Bibliis semper scribitur cum his punctis יהוה quæ sunt puncta nominis Adonai, per quod illud sacrum legi & intelligi voluerunt; atque idcirco puncta nominis Adonai ipsi יהוה, affixisse videntur, ut cum illud occurreret, non aliud aut legeretur, aut exprimeretur quam Adonai: nisi quando nomen יהוה cum nomine Adonai simul in Scriptura coniungitur: nam tunc ne bis legeretur, aut repeteretur Adonai, conservatis Adonai suis punctis, ipsi יהוה, puncta nominis Elohim addiderunt in hunc modum, יהוה יהוה, volentes proculdubio, ut tunc non Adonai, sed Elohim legeretur. Quocirca illæ nominis tetragrammati pronuntiationes Iehovah, & Iehovi factæ, & tractæ ex nominibus Adonai & Elohim, iudicio tantum recentiorum excogitata, & adinventæ, quas nulli antiquorum noverunt, aut cogitarunt, ab crudelissimis quibusque merito reiciuntur, nimirum tamquam alienæ, improprie, & ab aliis Dei nominibus mutuo, seu potius furto sublatæ.

Si veram sacri nominis pronuntiationem augurari licet, nullam aptiorum reor quam eam, quæ est futuri verbi יהוה baiah id est, יהוה iibeh, vel protrahito Iod in י פּוּ ob mysteriorum huius nominis magnitudinem, aut potius, ut sit futurum verbi

verbi הָבָה *havab*, quod idem est cum הָיָה *hayah*, nempe הָיָה *ieheveh*, aut *iehueb*, *Erit*, secundum illud Exodi 111. 14. הָיָה *iech*, אֲשֶׁר *ascher*, אֲדֹנָי *ebib*, *Ero qui ero*: *Ero misit me ad vos*: *Hec nomen mihi est in eternum*. Vide ibi. Quod si *ieheveh* non sit futurum verbi *havab*, quod ea forma non reperitur in Scriptura; sed conformata a nobis tantum ex analogia: capiemus ut nomen proprium ad normam futuri eformatum: ut Isaac, Isaac, Ioseph, Ismael, quæ sunt & nomina propria, & futura tuorum verborum. Innuit utcumque externis quoque ea enuntiatio: nam Diodorus Siculus Lib. I. num. 119. inquit: *Apud Iudeos Moses Deum, qui labo dicitur, legum auctorem suarum finisse perhibetur*. De Iaho Deo extat oraculum Apollinis Clarii apud Macrobius Lib. I. Saturnal. cap. xviii. Eruditiores iam hanc sacri nominis enuntiationem *ieheveh* magis probant: nos reverentia nominis vocalibus omissis, consonantes tantum depingemus in hunc modum, I H V H.

Nam quod quidam arbitrantur dictum ineffabile, non quod non possit, aut debeat edici; sed quia sacrosanctum est, ideo vel hominum ore, vel scriptura assumi in rebus profanis non debeat: sive quod apud Iudeos, perinde ut apud nos Christianos nomen Iesu Christi, alicui homini imponi, nefas existimandum sit: sive quod ob reverentiam Dei abstinuerint, ne illa crebra nominis huius appellatione profanasceret: his quidem antiquitas Hebraica refragatur, quæ nominis huius enuntiationem, non nisi summo sacerdoti semel in anno in solemnii illa populi benedictione in die expiationis, Numer. vi. 24. 25. permittebat: atque aliqui eam Hebræi neque in sacris, neque in profanis rebus usurparent: quamque penitus vel ignorarint, vel oblitii sint. Atque hæc de pronuntiatione.

De significato, & origine consentiunt omnes: nam certo & citra ullam controversiam deducunt ab הָבָה *havab*, sive הָיָה *hayah*, & significat, aiunt, *ἐμπεριπαύειν* *essentiam* illam, unam, divinam, quæ ab æterno fuit, est, & erit sine ulla mutatione in æternum & in sæcula sæculorum: a quo omnes creaturæ in creatione prima suam essentiam acceperunt, habent, ac iuxta liberrimam voluntatem suam vel in esse conservantur, vel abolentur, vel una in

aliam mutatur: quod ut quem & qualem ipse se promissit, & patefecit verbo suo, ita etiam eum ac talem re ipsa & factis declarare & exhibere velit, sicuti Moysi dixit Exodi 111. 14. *Ero qui ero*. Sic dices filius Israel: *Ero misit me ad vos*. Quidam, *Ens*, *existens*; alii, *Essentiatior*; nonnulli, *Essentius*, vel *Fons essendi*, interpretantur. Vim nominis exprellisse volunt Iohannem Apocalyp. 1. 4. *Ab eo qui est, qui erat, & qui erit*: ut futurum vel nomen *ieheveh* tria tempora præteritum, præiens, & futurum, seu ipsam æternitatem elidendi complectatur.

Esse maxime proprium ac genuinum Dei nomen, dicitur Exod. 111. 15. vi. 3. xv. 3. Isaia XLII. 8. ut his locis videbimus. De mysteriis eius disserere quamplurimi; & nos de eo peculiarem libellum condidimus.

V. 5. VIRGULTUM. הָיָה *fiac* aiunt esse *fruticem*, *virgultum*, *fruticetum*, *stirpem* & *terra*, & supra terram recens enatam, seu enatam a verbo הָיָה *fiac*, vel הָיָה *fiacah*, quod enatare, seu natare, & in materia spatiosa, vel ampla versari, ut in meditatione, vel consabulatione significare volunt: & ut ab אָמַר *amar*, dixit est אָמַר *amir*, verber, ramus; sic a הָיָה *fiacah*, natare, esse הָיָה *fiac*, *fruticem*, quasi enatationem. Alii potius exulimant, verbum *fiac* esse loqui submissa voce, mustitare verba, inde *fiac*, *fruticem*, seu *virgultum*, seu partem arborem dici, eo quod vento flante mustitet. Noster Genes. xxi. 15. & Job xxx. 4. arborem vertit, intellige partem, ut sunt frutices, arbuta.

Versus hic Hebraice difficilis est. Ad verbum ita reddemus: *Et omnem fruticem agri, antequam erit in terra, & omnem herbam agri antequam germinabit: quia non pluvie fecit I H V H Elobim super terram; Sub bono non ad servare (colere) terram*. Subaudiunt e præcedenti versu, *In die*, seu tempore, quo creavit, & fecit Deus celum, & terram, & omnem fruticem, vel arborem agri, &c. Subaudi, creavit, inquam, sua omnipotentia illa: antequam ea omnia terra inlita sua vi, & semine, & imbrium beneficio, aut humana industria & cultura illa produceret; quasi dicat: Non est quod quispiam procreationem virgultorum, arborum, herbarum initio rorum vel vi naturæ, vel pluviz, vel culturæ humanæ

adscribat: nam tunc nec terra sua vi produxit ex feminis efficiantia, ut nunc, nec tunc Deus pluerat, nec homo erat, qui coleret terram; sed sola Dei omnipotentis operatione, & efficacia ea omnia creata sunt admirabili consilio & ratione, solique Deus tunc fuit efficiens causa omnium fructuum, arborum, fructuum, herbarum.

Aliqui reddunt: *In die* (primo mundi) *quo fecit Deus cælum & terram, omne virgultum agri nondum erat in terra, & omnis herba regionis nondum germinabat: quia non pluerat, &c.* כִּדְמָה *terrem*, quod hic Noster, & alii dicunt, *antequam*, pro *nondum* capi potest, ut Exodi 12. 30. sed hic sensus illi, & nihil est: quid enim magnum erat hic dicere, arbuta, & herbas non creatas prima mundi die, quæ satis distincte scripserat tertia die productas?

Sublimior mihi sensus affulsit. Non sine causa hic Moses nominibus שֶׁבֶר *fructus*, *fructus*, & שֶׁבֶר *herbæ*, *herbæ* adiunxit vocem שֶׁבֶר *agri*, & non *terre*. ut in præcedenti capite: nam terra univærsæ significat etiam incultam & desertam, & cui nulla humana cultura admoda est; at *sadeb*, est *proprie pars terræ, quæ neque mons, neque silva, neque campes, neque desertum; sed culta est arvis, pascuis, pratis, plantis, arboribus, herbis*, & *hortis*: a verbo שָׂדֶה *fieldes*, quod est occidere, vel verriculo terram contundere. Atque hic *fructum*, seu *arbutum agri*, & *herbam agri* facile intellexerim fructices, & arbores, & herbas, quæ cultura & ornatu accedente, in agros, & hortos amenos, delictos, pulchros evadunt. Unde locum ad verbum hic recte exprimimus (nam est novus versus) & *soph* pascue distinguit a superiori: *Et omnis fructus agri nondum erat* (erat) *in terra, & omnis herba agri nondum germinabat* (germinaverat) *quia non pluerat fecerat* יְהוָה *Elohim super terram, & homo non ad servare terram*; ac si dicat: Tamen Deus die tertio conditi mundi terram arboribus, fructibus, & herbis impleverat; at tunc nulla erat amenitas, dispositio, ornatu, pulchritudo, delicia agrorum, hortorum, viridarium, paradisorum; quia nondum imber opportunus erat, nec homo, qui hæc sua cura, & industria coleret, disponderet, ornaret. Hic sensus mire quadrat proximè sequentibus versibus, ubi formatio hominis colentis,

& hortorum, vel paradisorum plantatio describitur.

P. 6. SED FONS, TM ed. Hæc vox bis tantum in Scriptura reperitur, nimirum *sine Iod*. Hic Noster Lxx. sequutus, *fontem*, & Iob xxxvi. 27. *gurgites* reddidit. Alii, *inundationem*. Revertunt quidam ad primum diem; quasi dicat: In primo die creationis rerum, quando creavit cælum & terram, tunc nec erant arbores, nec herbæ, nec pluvia, nec homo; sed gurges, seu inundatio, nempe abyssus illa, seu primigenia moles aquarum, de qua cap. 1. 2. operiebat, & inundabat terram, densius alienissimus. Flures hic vaporem, sumum humidum, exhalationem humidam, & calidam, nebulam tenuem, nubem interpretantur, quæ frigore noctis in rorem concreta terram irrigabat.

Recentiores quidam aliquot antiquiores Hebræos sequuti hic negationem e superiori versu subaudiunt: *Et homo non erat ad colere humum*. & (id est) *neque vapor, seu nubes ascendebat de terra*; quasi dicat: Sed Deus omnia admirabili decreto suo parata, & concinne, atque temperata creaverat, ut externo auxilio non egerent. Sed hi bisariam peccant. Primo, tamen præcedentis hemistichii in eodem versu negatio in altero hemistichio subaudiri solet more Hebræico, quem exposuimus Lib. VII. de Antichristo, cap. xxvi. at ex uno pascue seu versu in alium, vix reperias. Secundo in grammaticam, nam *TM en*, numquam construitur cum verbis, sed cum nominibus, aut participiis; effectque sollemnissimus pudendus: *Et vapor TM en יעלה en iagbaleb, non ascendit*: dicendum enim fuerat *לֹא יעלה lo iagbaleb, non ascendet*. Alii coniunctionem &, distinctivè capiunt: *Aut vapor ascendebat*, qui nunc solet ex lege naturæ ascendere.

P. 7. FORMAVIT, יצר iatzar, formavit, figuravit, finxit, effigiat, formavit; quasi manibus premendo, & condepiendo, effinxit comprimendo, & subigendo materiam, perinde ut figulus: seu plastes argillæ materiam subacitando, & comprimendo manibus suis imprimit, & effigiat, seu effingit aliquam formam: hæc enim subest verbo *iatzar*: & duplex Iod additum hic futuro ייצר *iitaz*, maximam, & præclaram efformationem significat, quasi dicat. artificiosissime conformavit. *DE LIMO. עפר gba*

ghaphar proprie pars terræ superior fundamentum, quæ rarior & tenuior est, qualis est in superficie terræ. Latini pulverem vocant; & sic Noster reddere solet. Sed quia hunc pulverem oportuit aqua misceri & subigi, ut aptus esset efformationi, seu plastationi, apic Noster dixit, *limum*, ut Iob x. 9. *lutum*. Hinc Adam *protoplastos* dicitur Sapientię vii. 1. Ex pulvere igitur terræ macerato & temperato aqua, veluti ex massa quadam terræ madefacta efformavit Deus quoddam corpus humanum, organizatum, & dispositum perfectissime. TERRÆ. אדמה *adamah*, proprie *humus*, *tellus*, *terra*. Aiunt a colore rubro, seu rufo nomen habere, quasi terra nova, intacta, argillosa, quæ rubra esse solet: humus enim, ex qua homo formatus est, subrufa fuit, sicut in partibus orientalibus, & alii multis in locis propter solis adustionem subrufa est. Hinc hominem dictum אדם *adam*, notabimus cap. v. vers. 2. Ex verbo hic reddemus: *Et efformavit Iehvā Elobim hominem pulverem de humo*. Genes. iii. 19. *Quia pulvis es, & in pulverem reverteris*. Quidam exponunt: *Hominem de pulvere terræ*. ET INSPIRAVIT. נפח *naphach* proprie *inflavit*, *insufflavit*, *anhelavit*, *halavit*, *inhalavit*. Nec aliene vertes, *suspiravit*, *gemuit*, ab נפח *naphach*, ut indicaret, quanti status illi erat homo. IN FACIEM EIUS. פני אפ *pani aph*, quasi פנים *panim*, *anaph*, *nasus*, quod statim per eum: synechdochice plerumque pro tota facie ponitur; sed hic non male ad solas nares attractaveris, quod per eas insufflatio penetravit. SPIRACULUM. נשמה *neschamah* quater & vigiesies in Scriptura ponitur, & Noster varie reddidit. Hic, & Genes. vii. 22. Iob xxxiii. 4. Proverb. xx. 27. *Spiraculum*; II. Samuel. xxii. 16. Psalm. xvii. 16. *inspirationem*; I. Regum xv. 29. *animam*; I. Regum xvii. 17. Iob xxvii. 3. Daniel. x. 17. *halitum*; Iosue x. 40. *quod spirat*; Iob iv. 10. xxxvii. 10. xxxiv. 14. Isaie xxx. 33. xl. 1. lvi. 16. *statum*; Iob xxvi. 4. *spiramentum*; Iob xxxii. 8. *spirationem*; Psalm. ci. 6. Isaie li. 2. *spiritum*; Iosue xi. 14. Deuter. xx. 16. videtur omisisse, & pro eo ad sensum quippiam aliud substituisse, *halitum* proprie, *anhelitum*, *anhelationem*. VITÆ. Hebr. *vitæ*. Pluralis numerus plures vitas indicat, vegetantem, sentientem, & ratio-

nalem: aut quod duæ sint vitæ; præsens in hoc sæculo animalis, & in altero superiore sæculo vita spiritualis, beata, & æterna. Nam חיים *chaim* formam dualis numeri existimant. Vel abunde & copiose satis vitarum in eum inspiravit. Existimant duo hæc coniunctim hic posita, *halitum*, seu *spiritum vitarum*, Paulum Act. xvii. 25. ubi inquit, *Cum ipse det omnibus vitam*, id est *vitam*, & *halitum*, seu *inspirationem*, divilim & per diæresim iucundo Græcarum vocum concentu eloquutum fuisse, ac reddidisse; simulatque explicasse, aut certe innuisse, quid sit vita spiritualis, videlicet halitus, spiritus vitalis, seu vivificans, ut statim dicemus. Quidam annotant, illud, *Et inflavit in nares eius halitum viventem*, non sic esse intelligendum quasi Deus inflaverit per nares in hominem istum halitum, quod is solum illi immaneret, sed quod halitus etiam ille per nares egrediatur, & expiret, aliasque vitales operationes exeat, & efficiat. IN ANIMAM VIVENTEM. Hebr. *anima vivente*, *animæ* derivi casus; vel in *animam vivente*; id est, factus est homo anima præditus, animatus, & coepit vivere naturali, seu humana vita. Observant hic Paulum de duplici Adamo differenter I. Corinth. xv. 45. *Factus est primus homo Adam in animam viventem*, novissimus *Adam in spiritum vivificantem*, miro artificio locum hunc Genes. versasse, ut נפש חיה *nephech chaim* sit *anima vivens*; id est, homo naturalis, qui edit, bibit, generat, & alia vitæ munera & functiones exercet. Et נשמת חיים *neschmah chaim* sit *spiritus vivificans*, id est homo spiritualis, seu celestis, in Christo renatus: qui non edit, nec bibit, nec generat, nec alias naturales actiones habet; sed tantum spirituales, ut sunt cognitio Dei, laus Dei, lætitia in Deo, &c. qualis perfecte futurus est in cælo. Ac verisimile putant, cum postea dicit, *Secundus homo de cælo*, allusisse ad voces נשמה *neschmah*, quæ propria est hominis spiritualis & celestis, & ad נשמת שכינה *neschmah shachina*, id est cælum, quæ scriptura, & sono inter se conveniunt, ut in allusionibus mirus est artifex. Hinc Hebræorum nonnulli hic *neschmah*, animam rationalem, five mentem intelligunt, quæ cum nomine שמים *schamaim* affinitatem habet, quod nimirum sit e cælo. Unde *neschmah* dictam vo-

lunt, quasi שְׂמֵיכֶם *min schamajim*, de celo; נֶפֶשׁ *nephech* vero animam sensitivam esse volunt. Sed sunt hæc omnia nimis subtiliter & curiose excogitata. Nec defunt qui hic reddunt, *In corpus vivens*. Vide cap. 1. vers. 20.

V. 8. PLANTAVERAT. Intelligunt se die tertio: facile assenserim de substantia & natura arborum, fructum, herbarum; non de ornatu, cura, singulari dispositione, & amenitate, quam Deus postea addidit. PARADISUM. פֶּדֶס *pardes* aiunt Persicam esse vocem, quam sacri Scriptores ter tantum usurparunt. Nehem. 11. 8. ubi Noster, *saks*; videtur ibi esse saltus, aut silva ubi sint plura ligna apta ad fabricandum: Eccl. 11. 5. ubi Noster *pomaria*: Cant. 1v. 13. *Paradisus malorum Punicorum*: volunt esse hortum arborum domesticarum, seu vesicarum, pomarium, seu viridarium interpretantur: nam sublit Ecclesiastes: *Et plantavi in illis arbores omnis fructus*. Alii, *hortum amantissimum*, & consitum arboribus fructiferis, & præsertim myrtinis ferentibus fructus præcipui saporis: esseque compositum ex פֶּה *parab*, *fructificavit*, & הָדָם *hadas*, *myrtus*. Nonnulli *hortum cultiorem* exponunt; ut גֶּן *gan*, *hortus*, quo hic Moses utitur, sit generalis. Non dubium, quin Græci suam vocem Παράδεισος, *Paradisus*, ex Hebraica, *pardes*, mutuati sint, sed ut suam facerent, Hebraicamque originem occultarent, etymon & compositionem Græcam ei indiderunt. Vide Suidam. Moses hic non usurpavit vocem *pardes*, sed *gan*, quæ significat hortum, scilicet circumcinctum septo, circumlatum mæcra, seu sepe; in quo differt ab agro, seu prato, quæ non sunt circumsepta. VOLUPTATIS: ex verbo, *in voluptate*. יָרַעְהֶדֶן, cum quinque punctis, sedecim locis tantum in Scriptura ponitur, & plurimum Noster *voluptatem* exponit, nisi Isaia 11. 3. II. Samuelis 1. 24. Ezechiel. xxviii. 13. ubi *delicias* reddit. Jerem. xli. 34. *teneritudinem*. Genes. iv. 16. ipsam vocem *Eden* interpretatam reliquit. Aiunt proprie esse *voluptatem*, *delectationem*, *oblationem*, *incunditatem*, *suaavitatem*, *delicias*, *amenitatem*, sicut & Græcis mutuata voce εὐδαιμονία *voluptas* dicitur. Alius est *gbeden* cum sex punctis, quater tantum in Scripturis occurrit: II. Regum xix.

12. Isaia xxxvii. 12. Ezechiel. xxviii. 33. Amos 1. 5. nomenque proprium loci esse existimant; unde Noster illud sine interpretatione reliquit, *Eden*, nisi in Amos. Ex locorum, cum quibus iungitur, circumstantia, apparet fuisse vel in Syria Damascena, vel in Mesopotamia, non procul a Charris, Crassi, & Romani exercitus sanguine nobilitatis.

Plerique confundunt utrumque *Eden*, atque hic exponunt: *Plantaverat autem Dominus Deus paradisum in Eden*, quasi sit proprium loci nomen in Mesopotamia, ubi conditum paradisum arbitrantur. Mirum quot & quanti in hanc sententiam abierunt, ineptissimam, vanissimam, contra omnem veterum consensum, & Hebræorum: cum primum *Eden* quinque punctorum luce meridiana fulgentius sit, esse appellativum, ex multis Scripturæ locis, scorsim II. Samuel. 1. 4. Jerem. 17. 34. Quidam hic collective reddunt, *hortos delatissimos*.

A PRINCIPIO. Notum est, מִקֶּדֶם *mikkedem* & temporis, & loci esse posse; id est vel *a principio*, *ab origine*, *ab initio mundi*, vel *ab oriente*, hoc est a parte mundi anteriore. Utrumque verum, & utrumque hic congruit. Plantatum paradisum in oriente, nedum respectu tertæ sanctæ, vel deserti, ubi Moses Genesin condebat; sed simpliciter respectu veteris & cogniti orbis, & in intimo & profundo oriente, quod Auctores absolute orientem nuncupare solent, ut sunt India, Sinarum regio, &c. facile crediderim. Laquantius:

Est locus in primo felix oriente.

& sic sere Patres loquuntur.

V. 9. PRODUXITQUE: proprie succrescere, germinare, pullulare fecit. Coniugatio Hiphil hic magnam vim & copiam succrescendi demonstrat: vel quod in paradiso pulchriores, & ameniores arbores posuerit. PULCHRUM. נָחֵם *nechmad*: ex verbo, *desideratum*, *appetuum*, *concupitum*, *expetuum*, nempe ut iucundum, gratum, amœnum, voluptuosum, utile.

V. 11. PHISON. Ganges nomen habet ab expatiatione, diffusionē, & incremento aquarum: quod fit maximus omnium veteris orbis. HEBILATH, Indiæ regio Genes. xi. 29.

V. 12. OPTIMUM. Notant aliqui, *Incidit aurum esse purissimum, & mundissimum*:

finum; scribere autem historicos, quod in India frustum auri obrizi effusum sit, quod pondo quadraginta duo cum dodrante æquaverit: frequens esse quod quatuor pondo habeat, & quandoque ad septem etiam accedere. **BDELLIUM.** Bdellium arborem, & gummi ex eo nascens late describit Plinius Lib. XII. cap. 9. & Galenus Lib. II. VIII. X. de Antidotis, & Lib. VI. simplicium. Dioscorides Lib. I. cap. LXIX. Arborem hic potius quam gemmam quidam inde intelligi volunt quod ei non præponatur nomen lapis, ut onychæ; Priscianus tamen Lib. I. bdellium, inquit, genus esse lapidis. Vide quam cæcitant in hac voce Hebræi, & nostri: tam varie eam elucidant: quidam adamantem; alii crystallum; nonnulli unionem, margaritam; alii carbunculum; non desunt qui iaspidem; pauci ebenum. Virgilius:

— sola India nigrum

Fert ebenum. —

Recte quidam suspicantur, Nostrium non intellexisse de bdellio arbore, seu gummi, sed reliquisse nomen Hebræum בְּדֵלָה *bedolah* ininterpretatum, emollitum tamen ad Græcum, seu Latinum sonum. Hunc enim esse morem Vulgati, ut in vocabulis difficultis significationis, relinquit ipsam Hebraicam pronuntiationem, laxatam tantisper ad Græcum, vel Latinum usum, sed non in Græco, aut Latino significato. Sic infra vers. 14. pro *Huperab*, dicit *Euphrates*; Exodi viii. vers. 16. pro *Cinim*, *Cyniphe*; Exodi xii. 22. pro *Ezob* *Hysopum*; Canticor. i. vers. 17. *Cyperum* pro *Copber*; II. Regum xv. vers. 9. *Cyrenem* pro *Kir*; Ezechiel. xxvii. 16. *Eb:mnos* pro *Hybenim*; Sophoniz. iii. 18. *Nugas* pro *Nugne*; Abdiæ vers. 20. *Bisphorum* pro *Bisphorad*. Vide quoque notavimus. Lib. IV. de Antichristo, cap. xxvii. Coniectura nostra in Paradiso fuit. esse *piper*, speciem aromaticis. quod in India mire provenit: nam & Iosephus III. Antiquitatum cap. 1. speciem aromaticis esse scribit. **ONYCHINUS.** *אֶשְׁכְּחָה* *eschaham* fere omnes *onychem* interpretantur. Noster Job xxviii. 16. *Sardonieues* dixit, ubi Iob affirmat esse pretiosum. Quidam *lapidem prasinum*; alii *berillum*; nonnulli *crystallum* intellexere. Ctesias Gnidius in Excerptis Indicis apud Photium: *De magnis montibus Indię, ex quibus sardoniebes, & alię gemmę effodiuntur.*

P. 13. GEON. Nilus ab aquarum eruptionibus ita dictus, Iqas cataractas Auctores vocant, seu catadupas: ubi *inter occurrentes scopulos non fluere immenso fragore creditur, sed rure:* inquit Plinius Lib. V. cap. 1x. Alii *emissarium* exponunt. Qui Philon, & Geon, non Gangem, & Nilum maxima flumina; sed duo ingentia fluenta, vel elicia, seu eruptiones, aut divergia Euphratis, & Tigridis, quę in Mesopotamia, postquam paradisum novo alveo influxere, efficiunt, interpretati sunt, contra Iosephum, & veterum Patrum fidem, rotunde dicam, videntur mihi sensu communi penitus caruisse. Eümanuel Tremellius, & Franciscus Iunius maiori adhuc vanitate quatuor hæc paradisiaca flumina quatuor unius ipsius Euphratis alveos, seu divergia astruere conati sunt longa disertatione, quam totam unica Patrum auctoritas evertit. **ÆTHIOPIÆ.** כּוּשׁ *chuseb*, quam imperio coerct magnus Abyssinorum Monarcha, vulgo male *Prette-Ioannem* appellant: in qua veri Nili fontes antiquis ignorati, sed nostris notissimi.

P. 14. TIGRIS. חֲדָדֵל *chaddel*, חֲדָד *chad*, acutus, & כּוֹס *kal*, levis, celer, velox, componunt, quod velocissime & rapidissime currat, instat tigridis, aut sagittę, quam Persę, vel Medi tigrim appellant, teste Curtio. **EUPHRATES.** פֶּרַת *perat*, non est dubium quin ex duabus dictionibus Hebręis פֶּרַת *perat*, & מַרְתַּי *marthai*, Gręci, & Latini conflaverint unam *Euphrates*. Notissimus amnis, Maro IV. Georgicorum:

— Cęsar dum magnus in altum

Fulminat Euphratem bello.

Cicero II. de Natura deorum: *Mesopotamiam fertilem efficit Euphrates, in quam quotannis quasi novos agros invehit.*

P. 18. SOLUM: ad verbum, ad singulum eum; vel ad solum, solitarium, singularem eum, quasi visum & derelictum: proprius in dativo: *singulo ei.* Alii, *seorsim ipsum.* Sic כֶּבֶד *kebad* Zacharię xii. 12. **ADIUTORIUM.** גִּבְעָזֵר *ghezer*, adiutamen, adiutorium, sustentaculum, fulcrum, adminiculum, opitulamen. **SIMILE SIBI.** Hebr. כְּעֵבֶדְךָ *chevedgo*, tamquam, sicut, quasi, coram eo, ante eum, & regione eius, ex adverso eius. Quidam, *Quasi coram ipso*, vel quod coram ipso. Aliqui, *Quasi coram se ipse sit.* Sic vers. 20. ut non intelligatur

tur de subiectione, sed de cohabitatione, quod mulier coram marito suo semper & individua consuetudine vivat. Alii, *Secundum coram ipsum*; quasi iuxta correspondentiam eius, ipsi tanquam alter ipse, ac naturali specie & forma conveniens, iuis, vocationisque consors, & omnium officiorum particeps, commodum ipsi, altans ei. Nonnulli, *Iuxta coram eo*, ut duæ particulæ connectantur, magisque significatim intendant; nimirum ut ei semper prælo sit, ac vitæ consuetudine coniunctissima. Propius ad fontem, tamquam secundum, *iuxta presentiam eius*; nempe, forma, specie, statura, & aliis vitæ muneribus est alter homo. *וְגַם נֶגֶד, contra, ex adverso, ex opposito* interdum. Proverb. xxi. 30. *Non est consilium contra Dominum*. Ubi tamen melius exposuerim: *Non est consilium presentie, vel ad presentiam IUVH*. Possit hic reddi, *Quasi, vel quod contra ipsum*: ut voce ambigua indicaret, si bona fuerit coniux, maximo adiutorio, sin secus, molestiæ futuram; vel adiutorium, seu delicias viri, uxorem sæpe in malum vertere; aut, mulierem, quæ adminiculo esse debuit viro, factam ipsi ruinæ causam, cum ipsum impulsit in peccatum. Sed sunt hæc subtiliter a quibusdam excogitata.

V. 19. UT VIDERET QUID VOCARET EA. S. Chrysostomus: *Atque hoc certissimum est sapientia quæ homini inerat, documentum, quod non solum sui ipsius, sed etiam rerum creaturarum cognitione fuit præditus, ad salutarem illam Dei notitiam accedente*. Cicero I. Tusculanarum: *Aut quis primus, quod summa sapientia Pythagoræ visum est, omnibus rebus imposuit nomina? IPSUM EST NOMEN EIUS*; nimirum, quod apud nos Heberi posteros servatur incorrupta lingua, inquit Moyses.

V. 20. INVENIEBATUR. Hebr. *invenit*, pro *inventum fuit*. Tertiam personam præteriti, vel futuri, tametsi activam formam præferat, sæpe sumi impersonaliter in hac lingua, passim occurrent exempla. Infra cap. xi. vers. 9.

V. 21. IMMISIT. Hebr. *Cadere fecit, irruiere fecit*, qua ratione Noster exponit Genes. xv. 12. Job xxxiii. 15. Formula Hiphil magnam vim irrucendi denotat, quasi oppresserit ac demerlerit in soporem. *SOPORUM*, *דַּרְדַּמָּה tardemah, altum soporem*, gravem, & profundum somnum, qua-

si qui obruat, opprimat, sepeliat, ut poetæ loquuntur.

Somno, vinoque sepulti.

Noster verbum expresit Ionæ i. 5. *dormire sopore gravi*. Stuporem hic, seu ecstasim, vellethargum alii exponunt, aliæ ac perperam. Vide infra cap. xv. vers. 12. *UNAM DE COSTIS EIUS*. Quidam: *Unam e lateribus eius*, vel unam (portionem) de lateribus eius; id est, unam massam carnis; vel ex utroque latere suam portionem, vel ex uno, seu altero latere eius. *וְיָרָא יִזְעָלָה, latus, & costam* significat; sed hic tutius Nostro crediderim. Aliqui exponunt: *Unam de costis eius*; id est, ab utroque latere suam; quasi duas acceperit, unam ex dextro, aliam ex sinistro latere, easque compegerit: quod inde confirmant, ne homo plures costas in uno quam in altero latere haberet; & quia homo statim ait, *Os ex ossibus meis*. Plura ergo ossa, seu costæ, scilicet duæ, evulsæ sunt Adamo. Communiter unam tantum cum carne ex uno latere solum abstractam existimant. *REPLEVIT*: proprie *clausit, occlusit, inclusit carnem*; quasi dicat: Locum hiantem costæ, carne clausit, obturavit, replevit. *Cega* Hispanice dicimus, obturare, claudere, ut de puteis, & fontibus, deductum ab Hebraico *גָּזַב sagar* quod hic ponitur.

V. 22. ET AEDIFICAVIT, &c. Notant quidam, hæc ædificatione mulieris ex costâ Adæ dormientis, voluisse significare Deum illam cohabitationem viri cum muliere, quæ debebat ei esse tamquam domus, ex qua ædificaret, propagaretque liberos.

V. 23. HOC NUNC. Perique, *Hoc vice, vel hoc ictu, hoc pulsu*, quo me Deus feriat abstrahendo mihi costam cum carne. Quidam aiunt, *וַיִּצַּד pagham* hic esse interiectionem significantem quamdam animi perculsionem, ictum, pulsum, seu impetum; ac valere idem quod Latinis *age*: redduntque: *Hoc, apage, os de ossibus meis*. *וַיִּצַּח zoib* hic ad mulierem retulerim, quod statim subditur, *וַיִּצַּח יִזְעָלָה, hæc, vel, huic vocabitur vira, &c.* & mox, *Accepta est zoib hæc*. Underreddiderim: *Hæc, apage, os ex ossibus meis*. Quibusdam minus rectum videtur ut *pagham* hic sit interiectio *apage*; sed non animadvertunt sensum esse sublimiorem; si Adam e sopore excitatus, videntem pulcherrimam iuxta se mulierem, admiratione percussus ea verba protulerit.

Qui-

Quidam: *Hec demum vice adest os ex offibus meis*; quasi dicat: Nunc demum singulare mihi auxilium adest, singularem quadam forma & ratione a Deo attributum; quod auxilium ego altera illa vice, antequam indormivissim, esideraveram, supra vers. 20. **OS EX OSSIBUS MEIS**; id est, carnis & sanguinis necessitudine coniunctissima femina, ut Genet. xix. vers. 14. adeoque natura, iure, vocatione, officio una cum viro suo. **HAEC VOCABITUR. Iezot** reddunt *huic*, vel *ad hanc vocabitur*. Alii: *Ob hoc, propter hoc vocabitur*. **VIROGO**. Aliud Latine sonat, quam **וִירָגוּל** *ischab*, quod est nomen sexus vel naturae: virogo vero nomen virtutis, quasi Amazo. Servius in XII. Aeneidos: *Virago dicitur mulier, quae virile implet officium. Has antiqui viros dicebant*. Glossae veteres: *Virago, Ἀνδρῶπις femina*. Eodem Glossae: *Virago, Ἀνδρῶπις*, id est mari-femina, vir-femina. Hispanice *Muchibembra*. Viraciam dixit M. Varro in Meleagris: *Si non malit viraciam uxorem habere Atalantam. Ischab*, Latine *vira*. Festus: *Querquidulae vires putantur significari nymphae praedixas querqueto virentes*. Sic feminas antiqui, quas *sagas* dicimus, *viros* appellabant; unde adhuc permanent *virgines & viragines*. Exscripsit eadem e Festo S. Isidorus Lib. XI. Originum, cap. 2. *Quae vero nunc femina, antiquitus vira vocabatur, sicut a famula famula, a servo serva, ita a viro vira*. Hinc & *virginis* nomen quidam putant. Ergo ut *vir* Latine & sexum & virtutem significat, ita *vira* antiquis. Putant quidam id nomen alicubi apud Plautum reperiri. Hinc Latinis *univira*, *bi-vira*, apud Nonium. Hispani forte ex *hombre* faciunt *bembra*. **QUIA DE VIRO SUMPTA EST**. Mirabilis & genuina etymologia, *Hec vocabitur viro ischab*, *vira*, quia de **וִירָגוּל** *isch*, *vira* accepta est. Ajunt **וִירָגוּל** *isch* primaria ac propria significatione idem Hebraeis emphatice significare quod Latinis *vir*, a virtute; & a **וִירָגוּל** *isch*, essentia vel existentia delectum existimant, eo quod vir prior sit essentia seu existentia ipsa sua *vira*: quique aetate, auctoritate, dignitate, gloria, praesentia, existimatione non tantum femineo generi, verum etiam vel iuvenibus vel plebeis hominibus praestat, & antepositur; atque etiam ad matrimonium, & ad res gerendum publi-

cas idoneus est, & adhibetur, interque honoratioris connumeratur. Hic vir & vira nomina sunt sexus & naturae. Ubi autem pro uxore & marito ponatur, facile & adiecta verba, & loci circumstantia edocebunt. Alias harum vocum acceptiones suis locis indibimus. Nos vocem *vira* quotiescumque *ischab* occurrit, ob antiquitatem, & nominis proprietatem, in nostra translatione retinebimus. Quibuldam ioci causa refertur hic libuit cabalam quendam, quam ex Rabbinis quodam Pragenfi se audivisse affirmant: qui ista duo **וִירָגוּל** *ischab*, & **וִירָגוּל** *isch*, asserbat coniugii esse vocabula, atque Dei auctoris coniugii nomen **וִירָגוּל** *iab* continere: quando autem in coniugio non auesset **וִירָגוּל** *iab*, & adimeretur ex **וִירָגוּל** *isch* id littera media, & ex **וִירָגוּל** *ischab* ultima littera **וִירָגוּל** *be*, quae duae simul divinum nomen constituent, abesset ipse **וִירָגוּל** *iab*, atque vera Dei invocatio in coniugio, atque dilectio, viva fides, rimor Dei, observatio praeceptorum Dei: manere utrique decurtatas voces **וִירָגוּל** *isch* & **וִירָגוּל** *isch*, id est, ignem & ignem: hic ignem purgatorii, seu meram crucem, & molestiam intolerabilem; illic ignem gehennae & aeternum. Hanc observationem alii ex Abn-Ezra in Proverb. 11. 17. ex Fasciculo Myrrhae in Levitici xi. describere.

V. 24. **ADHAEREBIT. דָּבַק debak** exponunt cohaerere infixum, inherere compadum, conglutinari, agglutinari. Noster Genet. xxxiv. 3. conglutinari reddidit. Marthae Interpres xix. 4. & Paulus Ephesior. v. 31. locum hunc Genet. **וְהָיָה כְּדָבַק**, id est *agglutinabitur*, convertunt, metaphoram sumpta ab iis quae glutino sic committuntur ut futes unum esse. Unde **דָּבַק debak**, glutinum, Isaie xli. 7. Noster I. Regum xi. 2. copulari dixit. Resste hic redeamus: *Et agglutinabitur, cohaerebit infixus, comparetur, copulabitur in vira sua, seu in uxore sua*. Genet. xix. 19. Noster *apprehendere* exposuit: & spe hic quadret: *Et apprehendet in uxore sua, sentiu emphatico*. Hispanice, *Hara presa*. **IN CARNE UNA**. Hebr. *carni uni*, vel in *carne unam*; nimirum vel per murum corporum dominium, nexum, copulam, glutinum; vel in una prole: nam ex duobus viro & uxore generatur una caro, id est proles.

V. 25. **ERUBESCEBANT: ex verbo, pude-**

pudebunt se. pudefient, erubescunt, pudore confesternabuntur, seu pudore ragescent. Formula Hiphil, & geminatum verbum מְבוֹשֶׁהֶשְׁבֶּשְׁחִי *ibosebeshchi*, præter morem, maximum pudorem indicant, quem nuditas verendorum post hominis lapsum inductura erat.

M E N O C H I I.

Verf. 1. OMNIS ORNATUS, Angeli, & sidera. Pro ornatus Hebraice est צָבָא *tsaba*, exercitus, militia, Angeli enim, & astra Deo militant, iussa illius faciunt, & suos ordines tuerunt. Dicuntur *ornatus*, quia cælum summo pere exornant.

V. 2. DIE SEPTIMO, exclusive. Itaque dominico die opus creationis inchoatum. OPUS SUI, creationis. REQUIEVIT, non desatiatione, ut nos solemus, sed sola omissione operationis. Hoc etiam significat vox Hebræa שָׁבַת *sabat*, cussavit. Hinc factum sabbato nomen, qui dies quietis H. bræis.

V. 3. BENEDIXIT, laudavit, approbavit. SANCTIFICAVIT, divini cultui segregavit, seu dedicavit, exemplo quietis suæ venerabile reddidit, & inviolabili præcepto servari statuit, non acta, & reipsa, sed decreto, & destinatione sua: dies enim sabbati postea a Mose institutus est, Exod. xx. 8. ita aliqui, alii vero sentiunt, acta tunc festum instituisse, coque voluisse ab Adamo, eiusque posteris sacro otio, & cultu Dei, maxime reculendo beneficium creationis suæ, totiusque mundi, illo die completæ. QUOD CREAVIT DEUS UT FACERET; id est, quod creavit faciendo, & creando fecit, atque perfecit. Hebraismus.

V. 4. GENERATIONES, creationes. IN DIE, toto sex dierum spatio. Beda.

V. 5. ET OMNE VIRGULTUM. Ex Hebræo sic veri posuit. In die primomundi quo fecit Deus cælum, & terram, omne virgultum agri nondum erat in terra, & omnis terra r. gionis nondum germinabat, sed fons accendebat de terra.

V. 6. SED FONS. Quidam vaporem intelligunt. Angult. V. de Genes. cap. 10. ait, furasse fontem pro fontibus positum. Cornelius putat vocem מַעַן *ed* significare inunctionem, hoc est abyssum illam primigeniam aquarum, de qua dixit cap. 1. num. 2. hæc enim e terra videbatur emergere,

& ascendere, irrigabatque, & tegebat totam terram,

V. 7. FORMAVIT IGITUR. Redit Moyses ad opus sextæ diei, ut formationem hominis luculentius explicet. Hebræa ad verbum sic habent: *Plasmavit Deus hominem pulcrem, vel lutum de terra.* Vox Hebræa יָצַק *tsaq*, & Græcum ἔπλασεν, proprie ad figulinam pertinet, idemque est quod plasmavit. Solet Scriptura Deum figulo, hominem argillæ comparare. Lege Ierem. cap. 18. a num. 2. HOMINEM, ipsum corpus. DE LIMO TERRÆ. Quamvis corpus humanum aliis etiam consistet elementis, tamen terræ tantum prædominantis sit mentio. LXX. legunt: *Pulcrem accipiens e terra.* Additus ergo liquor, & lutum factum, formatumque protoplastus de terra terrenus, ut eum appellat D. Paulus I. Cor. xv. 7. אָדָמָה *adama* (ex qua formatus, & dictus est Adam) significat terram rubram. INSPIRAVIT. Non igitur anima fuit educta ex materia, sed ab extrinseco a Deo insula. IN FACIEM EIUS. In Hebræo est בָּרַא *beappau*, quod Aquila, & Symmachus verterunt ἡ ἀνσπῆρα, *in nares*: in naribus enim viget respiratio, quæ signum est animæ latentis. Verum melius vertit Noster *in faciem*: non enim in solis naribus, sed in facie tota, & consequenter in toto homine anima est, & relucet. SPIRACULUM VITÆ. Hebræe est, *vitæ*, quia rationalis anima eadem est sensitiva, & vegetativa; & ita laeitur homini quasi triplicem vitam, plantarum, brutorum, & Angelorum. FACTUS EST IN ANIMAM VIVENTEM. Hebraismus, pro factus est animal vivens.

V. 8. PARADISUM. Paradisus, sive vox Græca sit, sive Persica, sive, quod aliis placet, Hebraica, hortum significat, aut viridarium conspectum, ac diligenter constitum omnis generis plantis. VOLUPTATIS. LXX. retinent vocem Hebraicam, & vertunt, *in Eden*, quod est nomen proprium loci. Verum noster Interpret, aut Symmachus *Eden* accipiunt ut appellativum, tuncque significat voluptatem. A PRINCIPIO, scilicet die tertio mundi. LXX. verunt, *ad orientem*, unde patet, respectu Iudææ (Iudææ enim respectu Moyses scribit, & consignat plagas mundi) paradysum fuisse ab orientem, & plagam orientalem primo ab hominibus incolam ceptram.

*V. 9. LIGNUM PULCHRUM VISU, ET AD VESCENDUM SUAVE. Et non copulat, sed disiungit, sive fructiferum, sive infructiferum, & ad oculos tantum pascendos idoneum. LIGNUM VITAE, arbor vitalis, seu vivifica, cuius illa erat naturalis facultas, ut ex eius fructibus comedenti vita diutissime, ac sine morbis prorogaretur. IN MEDIO, vel situm designat, vel ad arboris excellentiam refertur. Nam Hebræi in medio illud esse dicunt quod inter alia est magis eximium. Gen. xxiii. 10. *Habitabat Ephron in medio filiorum Het. SCIENTIÆ BONI ET MALI*; quod comedenti de fructu eius tribuebat scientiam discernendi inter bonum & malum. Aliqui putant hanc arborem fuisse ficum, quod statim ab eius esu folia ficus Adam confuerit ad tegendam nuditatem. Alii malum sive pomum, quod in Cant. viii. 5. dicitur: *Sub arbore malo suscitavi te. Nihil certo asseri potest.**

V. 10. FLUVIUS EGREDIEBATUR. In paradiso vere exstitit fluvius quatuor horum maximorum amnium origo, licet hi nunc in longe diutius regionibus, diversis cernantur locis scaturire. Id enim contigisse potuit, quia post multos, & longos annorum, terrarumque tractus, se alicubi sub terram abluderint, & postea iis locis emerferint ubi nunc fontes habere creduntur. Absorbuerit ergo tellus hanc eorum originem, & postea divisim effuderit.

V. 11. PHISON est Ganges, ita dictus ab aquarum multitudine, quia teste Plinio angetur annibus viginti quinque; *פֶּרוֹס phos* autem Hebræis est cracere, & multiplicari. *HEVILATH*. Multi volunt esse Indiam; sed Hevila potius hic est regio vicina Susianæ, Bactrianæ, & Persidi, iacens inter Afsyriam, & Palæstinam, opposita Sur. Sic enim accipitur Hevila I. Reg. xv. 7. Gen. xxv. 18. & ita dicta est ab Hevila filio Isctan, de quo Genes. x. 28.

V. 12. BDELLIUM. LXX. hic carbunculum vertunt; at Numer. xi. 7. crysallum. Bdellium ex Plinio Lib. XII. cap. ix. genus est gummi sive lacrymæ pellucidæ, quam stillat arbor nigra magnitudine oleæ, folio roboris, fructu, naturaque caprifici. Vatabl. & Eugu- binus vertunt *unionem*. *LAPIS ONYCHINUS*, in Heb. *שֹׁהַם scobam*, quod quid sit, vix sciri potest. Aliqui vertunt, *smaragdum*,

alii *sardonycem*, alii *lapidem prasnum*, alii, ut Vulgatæ Auctor, *lapidem onychinum*, alii dicunt esse viridis coloris, alii candidi, alii mixtum candori ruborem habere. Vide Pined. Job xxviii. 16.

V. 13. GEON. Nilus, quem etiamnum Abyssini vocant *Guyon*, videtur dici ab Hebraico *גֵּוֹן geob*, id est venter, vel potius pectus, quod sit quasi venter foribus, lutoque plenus, vel quod quasi ventre, & pectore incubet Aegypto, eamque secundet. *AETHIOPIAE*, proprie dictæ, quæ vocatur occidentalis, ad distinctionem Madianitidis, quæ Chinanæ vicina. *CIRCUMIT*, per meandros perlabitur, id est non recto prorsus cursu.

V. 14. TYGRIS, ita dictus a velocitate cursus: Medi enim sagittam *tygrim* appellant; vel ita dictus a tygridis terræ velocitate. Iam corrupte dicitur *tigel*. *EUPHRATES*, a radice *פָּרַח para*, id est fructificavit, quia instar Nili exundans terras rigat, & fecundat. Nunc ab indigenis dicitur *Phrat*. Alii a Græco *εὐφραίνω* derivarunt, quod est letari.

V. 15. POSUIT EUM IN PARADISO. Extra paradysum exerat, ut colligitur etiam ex cap. iii. 23. *UT OPERARETUR*, non ad victum comparandum, sed ad honestam exercitationem, voluptatem, & experientiam; ita ut nec fatigaretur, nec otio labasceret. *ET CUSTODIRET ILLUM*, tum a feris, quæ extra paradysum erant, tum ab ipsis animalibus, quæ erant in paradiso, ne eius decorem, & amoenitatem læderent. *Plum*, hortum: nam in Heb. est affixum femininum.

V. 17. NE COMEDAS, pro; *ne comedatis*, enallage singularis pro plurali: nam præceptum datum est etiam Evæ, ut colligitur ex cap. iii. 3. *Præcepit nobis Deus ne comedamus*, ait Eva, quod etiam ex pena colligitur, quæ fuit utrique communis: itaque LXX. habent in plurali, *ne comedatis*. Est autem Eva condita ante hoc præceptum, licet eius formatio postea narratur, ut docet S. Greg. XXXV. Mor. cap. x. *MORTE MORIERIS*. Homo in statu innocentie nature lege mortalis erat; numquam tamen moriturus fuisset, si non peccasset: quia esu ligni vitæ, eo vel semel gustato, ut quidam volunt, vel, ut alii, sæpius & subinde sumpto, vitam propagare potuisset: quod indicat satis clare

cap. 111. n. 21. Deus ipse dicens: *Ne forte misit manum suam, & sumat de ligno vite, & comedit, & vivat in eternum.*

V. 18. NON EST BONUM : non est aptum, congruum, conveniens: ut genus humanum propagetur, & hoc animal sociale vitam iucunde transigat. **ADIUTORIUM**, ad procreationem, & ceteras vitae necessitates. **SIMILE SIBI**. Chaldaus, *Quod sit pene cum*. **LXX. Secundum eum**. Est autem mulier viro similis, in natura, statura, loquela &c.

V. 19. FORMATIS IGITUR DE HUMO CUNCTIS ANIMANTIBUS TERRAE, ET UNIVERSIS VOLATILIBUS CAELI. Volatilia ex aquis creata sunt, ut patet ex cap. 1. num. 20. Itaque vox *volatilibus* coniungenda est cum voce *formatis*, non autem cum voce *de humo*. **ADDUXIT**, vel infiro illis occulto quodam motu, ut sponte accederent, & subiectionem suam quodammodo profiterentur, vel adducta Angelorum ministerio. **IPSUM EST NOMEN EIUS**, naturae animantis illius conveniens.

V. 20. CUNCTA ANIMANTIA, praeter pisces, qui extra aquas sine miraculo adduci non poterant.

V. 21. IMMISIT ERGO DOMINUS DEUS SOPOREM IN ADAM. Hebraica vox gravis, & profundum somnum significat. **LXX. pro soporem**, verterunt *ecstasim*: nec tantum somnus Adae immisus ne sentiret costam sibi detrahi, ac proinde ne exhortesceret, & doleret; sed cum somno in ecstasim raptus est ut videret quae gerebantur, & spiritu prophetico cognosceret mysterium significatum, matrimonium scilicet suum naturale cum Eva, & mysticum Christi cum Ecclesia. **TULIT UNAM DE COSTIS EIUS**, non superfluum, vel supernumerarium aliquam, sed unam de requiritis ad individui integritatem. **REFLEVIT CARNEM**. Costam non sine carne absculerat, nunc etiam carnem reponit non sine costa.

V. 23. HOC NUNC OS; quasi dicat: *Apae a me animantia prius adducta: non placent, non congruunt mihi, quia specie dissimilia, & prono vertice in terram vergentia, & rationis expertia.* Haec mihi simillima est, immo carnis, & ossis mihi portio. **VOCABITUR VIRAGO**; quasi dicat: *Substantiam habet a me; nomen etiam accipiat.*

V. 24. RELINQUET HOMO PATREM, ET MATREM. Verba sunt Dei: Deo enim ea tribuit Christus Matth. xix. 5. Haec ergo coniugii lex est, & societatis conditio, ut si res exigat, coniux coniugis causa patrem, & matrem deserere teneatur; quod intellige de cohabitatione, & vitae consortio. Nam in pari casu sumis, vel alterius similis necessitatis potius patri, & matri quasi auctoribus vitae, quam coniugi subveniendum, ut docet D. Thom. 2. 2. quaest. 26. art. 11. ad 1. **ADHAEREBIT UXORI.** **LXX. conglutinabitur**, vox Hebraica דָּבַר *dacer*, denotat arctissimam adhaesionem. **ERUNT DUO IN CARNE UNA**, primo per copulam carnalem. Secundo synecdochice; id est, erunt unus homo, crunt una persona civilis. Tertio quia coniux est dominus corporis sui comparis, & sic unus caro est alterius caro: I. Cor. vii. 3. Quatio effective, quia unam carnem, scilicet prolem generant.

Vers. 25. ERAT AUTEM UTERQUE NUDUS, ET NON ERUBESCEBANT; quia in statu innocentiae nulla erat libido, nulla concupiscentia: ex hoc enim oritur pudor, & erubescencia, si membra in quibus regnat libido, nudentur, & pateant.

T I R I N I.

Vers. 7. INSPIRAVIT IN FACIEM EIUS, Hebraica synecdoche, id est, in ipsum hominem. **SPIRACULUM VITAE**, Hebraice *vitae*; id est, animam rationalem triplici vita praeditam, plantarum, brutorum, Angelorum, seu vita vegetativa, sensitiva, rationali. Hanc animam non educit Deus ex materia praedispota, seu ex corpore organizato (ut sit in plantis, & brutis) sed *inspirat*, & desotis inducit, de nihilo creatam infundendo. Ita omnes Patres, & Doctores. Formatus est autem Adam corpore & statura, quae solet esse viri aetate perfecta: altiore haud dubie nostra vulgari, non tamen gigantea, ut vult Ioannes Lucidus, & quidam alii: nam gigantes multo demum post tempore nati sunt, ut patet Genes. vi. 4.

Vers. 8. PLANTAVERAT AUTEM DEUS, tertia die conditi mundi, PARADISUM VOLUPTATIS, id est hortum delicatissimum, a principio. Septuaginta vertunt, *ad orientem*, sive ad orientalem plagam, nempe

nempe respectu Palaestinae & Iudaeorum . Quo vero praecipue orientis loco fuerit, vel sit paradisus (nam probabile est etiamnum extare a) voluit Deus hominem latere in poenam peccati. Orig. quatuor fluviorum, *Physon*, id est *Gangis*; *Gebon*, id est *Nili*; *b Tigris*, & *Euphratis*, quos Moyses hic dicit e paradiso scaturire, nullo uno terrarum loco reperitur . Nam Ganges oritur ex Caucaaso monte Indiae: Tigris, & Euphrates ex montibus Armeniae: Nilus ex montibus Lunae versus promontorium Bonae spei; vel, si mavis, ex lacu quodam regni Congi c, ut notant qui ea loca lustrarunt . Sed non est impossibile, neque improbabile, quod S. Augustinus, & alii Patres dicant (nam est fere omnium antiquorum communis sententia) hos fluvios vere ex uno eodemque paradisi fonte scaturire primum, sed mox subterraneis cuniculis & meandris etiam longissimis abscondi, atque iis demum locis quibus nunc se produnt, rursus emergere (ut de Alphæo, Arethusa, Hispano Ana, & aliis quibusdam fluminibus constat) Deo sic occultante primam scaturiginem, ne locus paradisi hac via mortalibus innotescat d.

V. 9. LIGNUM ETIAM VITAE, id est arborem excellenter vivificam; cuius fructus vel semel degustatus vitam hominis ad plures centenos annos prorogasset, idque vi naturali sibi a Deo insita: & subinde repetitus prorogasset etiam in aeternum, quo ad nempe Deo placuisset hominem sine morte in caelum transferre . Neque solum reddidisset hominem longævum, sed sanum insuper, valentem, acrobustum, a morbis, a languore, tristitia & melancholia immunem . Habebat enim vim non modo nutritivam, sed & medicam pra omnibus phar-macis, qua & substantia corporis, & vires nutritivae, & calor naturalis integre restauratus fuisset e. Hanc arborem statuerat Deus IN MEDIO PARADISI, Hebraica phrasi; id est, inter alias arbores magis eximiam, magis speciosam, & proceram. Allegoriam, & tropologiam huius arboris, paradisi, & quatuor fluminum, vide Proverb. III. vers. 18. LIGNUMQUE SCIENTIAE BONI ET MALI. Hebraismus, id est omnium omnino rerum. Haec erat altera e praecipuis paradisi arboribus, & ipsa specie visenda, & quae fructus non minus suaves quam pulchros profertret. Sic dicta,

non quod comedenti de fructu eius vere tribueret aliquam scientiam (nisi quod Adamo & Evae praedicam & experimentalem notitiam dederit magni mali, & re ipsa docuerit quantum intersit inter bonum & malum, obedientiam & inobedientiam, inter meritum & poenam, inter felicitatem & miseriam) sed quod mendax daemon fallaciter promississet transgressoribus datum iri scientiam boni & mali; & quidem scientiam non communem aut vulgarem, sed excellentissimam, humana maiorem, similem divinae. Patet ex cap. III. vers. 5. *Aperiuntur oculi vestri, & eritis sicut dii, scientes bonum & malum*. Et Deus ibidem vers. 22. decepto Adamo, scientiam qua Deo similis fieret, frustra expectatam, pulchra ironia & sarcasmo exprobat: *Ecce Adam quasi unus ex nobis factus est, sciens bonum & malum*. Unde etiam hic a Mose arbor haec ironice vocatur *scientia boni & mali*; quasi dicat: Arbor illa egregia scilicet, quam mendax demon promiserat daturam scientiam quasi divinam omnis boni & mali f.

Petes cuius speciei fuerit haec arbor. Respondeo fuisse malum, seu pomum, ut colligi videtur ex Cantic. VIII. vers. 5. *Sub arbore malo suscitavi te: ibi corrupta est matrua, ibi violata est genitrix tua*. Sed vero simile est, specie diversam fuisse ab omnibus malis nostris, seu cytreis, seu aureis, seu Persicis, seu vulgaribus . Nam si fuisset eiusdem speciei & naturae cum aliis aliis quibus paradisi arboribus; cum certum sit, non nisi unius arboris esum, quae erat circa medium paradisi, fuisse protoplastis inhibiturum; potuisset facili negotio, in altera eiusdem speciei arbore impune & sine periculo ab iislem & Dei prohibitio eludi, & Satanæ tentatio vinci, & ipse mendacii convinci g.

V. 17. QUOCUMQUE DIE COMEDERIS EX EO, MORTE MORIERIS, tu cum omni stirpe tua: nam voluntates omnium posterorum posuerat Deus in voluntate unius Adam, utpote omnium parentis ac principis. Ergo illo peccante, peccarant etiam illi omnes (& hoc est peccatum originale) illo mortis reo facto, facti sunt rei omnes . Et quidem morte animae mortuus est Adam actu, & re ipsa simul atque de pomo gustavit: morte quoque corporis quo ad debitum & necessitatem, etiam eodem

dem momento; quo ad actum vero, ea hora & momento quo collibitum fuit Deo lententiam mortis ante latam exequi. Quamquam & quo ad actum dici possit, Adamum eodem quo peccavit momento, sublatis iam a Deo omnibus adversus mortem remediis, cepisse muri corpore, nempe longa illa phthiseos, seu internæ corruptionis morte, qua, pugnantibus inter se perpetuo elementis & humoribus, & se mutuo corruptentibus, vix nati morimur, & ad interitum ducimur b.

(a) Ut dicam cap. 5. vers. 29.
(b) Ut probabo Eccli. 24. vers. 35. & docent Ioseph. 1. Antiq. cap. 1. Epiph. in Anorato. Hier. in Qq. Hebr. in Gen. August. Lib. 1. de Gen. ad lit. cap. 7. Thomas Malvenda Lib. de Paradiso. Bonferr. & alii.

(c) Vide Do. Iarric. lib. 3. Hist. Indic. cap. 1.
(d) Vide Conimbricenses in Meteora tract. 9. Franc. Ribera in cap. 6. Amos. Bellarm. supra, Delsin, Greg. a Valentia, & DD. alios in S. Thom. 1. p. qu. 101. art. 1. ad 2.

(e) Ita Scotus, Durandus, Caleran. Strabus, Hugo, S. Thom. supra, Franc. Valcius sacre Philosophiz c. 6. Peret. A. Lapidé, Sallianus, Bonferrus.

(f) Ita Rupertus, Tollatus, Pererus, Sallianus.
(g) Sallianus, a Lapidé, Bonferrus.

(h) Vide fufius Bellarm. & DD. Schol. de peccato orig. & peccato eiusdem.

GORDONI.

Vides, Lector, hic, ubi de die septimo, quo Deus dicitur quiescisse, iterum fieri mentionem (vers. 7. & 22.) Adam & Evæ: non sane quod hoc die, qui est quietis, fuerint producti: sunt enim sub opere diei sexti, ut refertur cap. 1. tamen secundo capite aliqua reponuntur explicanda distinctius, ut vers. 7. de Adam, & 22. de Eva.

V. 1. IGITUR PERFECTI SUNT, &c. nempe sexto die, cuius operis terminus velut extrinsecus est septimus dies. Non male Septuaginta habent, *Die sexto*: statenim hic terminus exeuntis sexti, & ineuntis septimi. Ergo sex iam dierum successione productus est mundus, ut probabilissima habet sententia, contra Caietanum. Sane omnium opinione cæli, & terra, & aqua in primo temporis momento creata sunt ex nihilo: cælum intelligo empyreum ex communi sententia. Hæc ergo tria in momento, ex nihilo (quando advenit illud æternitatisdivinæ instans, quo decrevit Deus ab æterno se communicare extra se) condita sunt. Cetera quæ sub aspectum cadunt, suas ha-

bent productiones; immo Deo etiam illa producente sine creatione. Et certe si uno instanti omnia, quomodo homo ex limo terræ productus dicitur; quomodo in primo instanti solæ tenebræ super faciem abyssi; & quomodo terra inanis & vacua? Est illa Caietani sententia violenta contra nativum sensum verborum. Nec obstat Eccli. xviii. vers. 1. ubi omnia dicuntur facta simul: nam hoc est per sex dierum sparium. Favent Septuaginta, ubi est communiter *novi*. At quid est Deum quiescisse die septimo? Non certe quod fatigatus sit a labore; sed quia desinebat tunc plura producere, numquam cessans a rerum producturum conservatione, & gubernatione. Dicitur sanctificatus, hoc est separatus a diebus aliis operi destinatis, & designatus cultui divino. En interim primum principium consuetudinis destinandi diem septimum quieti, a prophano usu: & quod ab hoc initio abit in morem receptum apud Patriarchas, postea sub Mose factum est sub præcepto: nec, ut puto, ante eum præcipiebatur.

שָׁמַיִם, *wamaim* hoc loco pro cælis omnibus accipitur; alias tamen interdum pro uno. Porro vox שָׁמַיִם *isba* significat exercitum, vel ornatum: sane stellæ & sidera sunt pulchre ornatus exercitus cæli, solentque vocari cæli exercitus. Quod vero est hic, ORNATUS EORUM, in Hebræo est צְבָא שִׁבְעָאם, exercitus eorum.

Vers. 2. Hinc fit ut nostro die dominico fuerit inchoatum opus creationis. Septimus dies, quo cessatum est, notat sabbatum Iudaicum. *שַׁבָּת* *sabat*, cessavit.

V. 3. BENEDIXIT, approbavit, laudavit. QUOD CREAVIT DEUS UT FACERET. Hebr. *Creavit Deus ad faciendum*. Sept. *Quæ incepit Deus facere*.

V. 4. GENERATIONES, procreationes. IN DIE, spatio sex dierum.

V. 5. Quid est ANTEQUAM ORIRETUR IN TERRA? Sane quia tunc a Deo producebatur omnino, ut cap. 1. vers. 11. dicebam.

V. 6 FONS ASCENDEBAT DE TERRA. Et infra 10. *Fluvius egrediebatur de loco voluptatis*. Sentiant minus recte illi qui per fontem intelligunt vaporem: nam Hebræum מַעַן *ed*, vertit Hieronymus fontem. Denique apud Septuaginta est πηγή.

V. 7. FORMAVIT IGITUR DOMINUS DEUS HOMINEM DE LIMO TERRAE, ET INSPIRAVIT IN FACIEM EIUS SPIRACULUM VITAE. Terram hanc rufam fuiffe ait Iofephus Lib. I. Antig. cap. 1. ex voce *אדמה adamah*, אדמ rubefcere. Affine quoque eft *עפר bhopbar*, pulvis. At cur anima cum creetur, dicitur inspirata, spiraculum vitæ, & per inspiratiōnem producta? Sane ut differēt homines animam non educi e materia: aut etiam ut denotetur animam non esse corpus, sed spiritum. Ceterum quidam hic per hominem intelligunt corpus Adami, etiam antequam Deus animam inspiraret. Est quidem corpus ante animam, ut pars materialis; verum in procreatione Adami, quem Deus per se effinxit, animam simul infundendo, & creando, non video cur hic aliquis recentiorum infinuet esse antecessiōnem temporis: solum sigillatim narrat hic Moyses vers. 7. de homine, quod simul factum est a Deo. Hanc explicant difficultatem quæ docent Theologi de formato corpore Christi. Et vero quorsum tanta homonymia in voce hominis?

V. 8. PLANTAVIT AUTEM DOMINUS &c. Sane sic utitur plusquam perfecto. Paradisum plantatum dixi in opere tertii diei. In Heb. בן בעדן *can bebeden*. Paradisus est in Eden, seu in loco volutatis. De Eden, loco huius paradisi, vide Ezechiel, cap. xxvii. de quo abunde certatur, & de recensitis hic fluminibus. Aliqua pars Asiæ designatur a multis. Sed quod successit post multa sæcula diluvium, omnia immutasse potuit. Magnitudo paradisi a quibusdam (quod probabile est) putatur fuiffe quantam habet regnum aliquod non modicum. Unde facile habetur, potuisse fructum ligni ad omnes deferri, & locum ibi fuiffe, omnibus perpetuo, ac sine peccato retinentibus iustitiam originalem, exclusis inde aliis, qui semel peccassent: quod etiam vel ideo probabilius apparet, quia vita retinentium iustitiam originalem non fuisset (usque ad translationem) valde longa; sed post convenientem liberorum & meritorum numerum, proratione pædestinationis, successisset translatio ad sedes beatorum. De quatuor fluminibus mox vers. 10. Ergo post recensitam productionem Adami, dicitur positus in paradiso: unde non pauci colligunt, eum fuiffe conditum extra paradisum. At quo

loco quis dicat? Certe in ætate qua potuit procreare liberos. Ceterum lignum hoc vitæ vocatur, quia dabat edenti vitam longævam, & valentem. De qua re, & statu illo innocentie, multa Theologi. Nus hic obiter, atque ex professo in opere Theologico, Lib. II. quæst. 1. num. 13. At cur scientiæ boni & mali arbor nominata est? Plane, quia homo per eam didicit bona quæ amisit, & mala in quæ incidit.

V. 9. De ligno vitæ iam dixi. Immortalitatem asseverabat volenti prudenter operari. Manebat quidem homo ex natura sua mortalis; sed præstabat lignum in illo statu per media data ut posset non mori: sicut, inquit Augustinus, in altera vita est non posse mori. Propterea Eugubinus iure est reprehensus a Sixto Senen. Biblioth. Lib. V. annot. 35. quod dixit omnes homines futuros in eo statu mortales, & revera tandem morituros; quod est negare mortem (etiam corporis) per peccatum Adami esse incursum. Cuius contrarium habetur definitum in Trident. sess. 5. & longe antea in Concil. Milevit. cap. 1. Immo clare videtur hoc cap. 11. 17. & Sap. 11. 23. Neque ergo est homo natura immortalis, neque ita mortalis, ut non potuerit in statu innocentie, per lignum illud, & status illius præsidia, conservari immortalis per sæcula aliquot, donec a Deo statim mutante transferretur ad beatorum immortalitatem. Sic fane in primo illo statu habebant homines posse non mori (prudenter operando) habituri tandem non posse mori. En quamdam immortalitatem, sed restrictam in illo Adami primo statu; & simul locum relictum peccato, per quod mors est introducta in orbem terrarum; Rom. v. Vide supra cap. 1. vers. 12. & hic infra cap. 11. vers. 22. Mors, inquam, introducta, tum omnium, peccante Adamo, tum etiam, ut puto, in eos qui, non peccante Adamo, peccassent. Hoc secundum saltem probabile est: atque adeo non profuisset istis lignum vitæ ad mortem vitandam. De morte plura ubi de peccato originali.

V. 10. ET FLUVIUS EGREDIEBATUR, &c. Sed quis quatuor hæc flumina post tantam rerum mutationem, 110 certo nunc designet? Nec proinde est qui locum paradisi clare ostendat. Textus quidem

dem duos nominat fluvios, Tygrim, & Euphratem : unde suspicantur aliqui, paradysum fuisse Mesopotamiam. In hac quatuor flumina dividitur (inquit Moyses) fluvius qui egrediebatur de paradiso, & quem Iordanem putant aliqui, ex notatione nominis Heb. *Jarden*, quasi fluvius Eden. Sane *יאר* *leor* rivus est, seu fluvius. Nos aliam etymologiam dedimus, Numer. xxxiv. Abfiorbetur Iarden in mare mortuum, nec ultra apparet : unde coniectura est, a Iordane varios fluvios derivari sub terra. Qui vero sint quatuor fluvii, inquirant quibus otium est. Tertium, & quartum dat Moyses. Hieronymus in Traditionibus, & Iosephus Phifon putant esse Gangem. Incertum est. Nec magis certum quod aliqui dicunt, fluvium Geon esse Nilum. Ait quidem Moyses, ab hoc flumine ambiri omnem terram Aethiopiae; sed constat nontantum in Africa, verum etiam in Asia fuisse Aethiopiam. Sic sane uxor Moysis Aethiopiissa dicta est, quae tamen erat natione Madianitis. Et huius orientalis Aethiopiae passim fit mentio in Libris Prophetarum, & bellis Israeliticis. Haec paucis de re non dum mortalibus satis comperta. *HEVILATHA*, provincia iuxta Mesopotamiam.

V. 12. Ex loco hoc auri huius optimi, colligit aliqui Phifon esse Gangem. *BDELIIUM*, gummi genus pretiosum est. Heb. *בדולח* *bedolach*, Septuag. vertunt hic carbunculum, & Numer. 11. vers. 7. reddunt crystallum; nempe quia bdellium univarse est quodlibet aqueam viscosum, quod velut in lapidem duret. *ONYCHINUS*, *ושן* *weham*, non est improbable esse eundem lapidem cum sardonio, quo fit ut Vulgatus, Job xxviii. 16, ubi est *ושן*, vertat sardonium. Varie tamen a Septuag. in variis locis redditur, ut hic lapis variis in nationibus potuit varia habere nomina. De his lapidibus Ezech. xxviii. 13.

V. 13. *CIRCUMIT*, sinuose fluit, non recto cursu per regionem.

V. 15. *TULIT... ET POSUIT.* Hinc videtur Adam factus extra paradysum. Ceterum *UT OPERARETUR*, id est coleret; tamen absque defatigatione (ut status ille ferebat) per modum honestae, & non laboriosae occupationis; *ET UT CUSTODIRET*, ne ab animalibus foedatus ornatum amitteret.

V. 16. PRAECEPITQUE EIS, &c. Quaesitio adhuc sub iudice est, an hoc praeceptum, de vetito esu ex tali arbore, datum fuerit post Evam productam. Dubius haesit Augustinus Lib. VIII. Gen. ad lit. cap. xvii. Longe vero probabilius est datum esse praeceptum post Evam productam, & utrique. Nam versio LXX. sic habet : *Non comeditis ex eo : & γὰρ οὐκ ἔσθ' αὐτοῦ*, & iterum cap. xiii. utraque editio habet, *Ne comedereamus*. Et vero conveniebat ut, cum utrique incumberebatur obligatio, utrique simul imponeretur praeceptum. At (inquit) prius positus est Adam in paradiso, quam formaretur Eva. R. Brevissimum fuisse intervallum ab hoc ingressu ad conditam Evam. Quamdiu vero simul manserint in paradiso, dicam in fine capituli tertii. Estque haec nunc magis & multum recepta de hoc praecepto sententia. Deus imponens praeceptum, & poenam, loquitur ad Adam, & ad posterum. Plura de hoc praecepto Theologi in Qq. de peccato originali. Postremo quod est ver. 17. pro poena transgressionis, *MORTE MORIETIS*, habet hunc sensum; ad naturalem moriendi necessitatem devenies, ut exposui vers. 9.

V. 18. FACIAMUS EI ADIUTORIUM SIMILE. Non inveniebatur simile Adamo inter res hactenus creatas, aut inter animalia. Ergo de focia, & simili formanda agebatur. Hinc Heb. *עֲשֵׂנוּ עִזְרָא* *chensendo, coram eo*. Septuag. *Secundum eum*.

V. 20. Adam in paradiso nomina rebus cepit imponere, & efformatur Eva ibidem. At qualis est haec nominum impositio, novique idiomatis origo? Certe idioma hoc postea Hebraicum dictum est, auctum progressu temporis ab Adamo, cuius intellectui credidit Deus ad hoc dedisse vim aliquam, & auxilium, ad excogitandum nomina naturis rerum accommodata. Fuerit ergo inchoata nominatio die sexto, idque in paradiso, etiam ante conditam Evam, si vis; tamen compleri potuit impositio nominum etiam extra paradysum, & longiore aliquo tempore. Sed manet adhuc quaestio, qualis sit haec adductio animalium ad Adamum. Caietanus vult adductionem factam non motu, & adventu locali, sed intellectuali. Rectius Pererius Lib. V. num. 8. corporalem etiam animalium visionem admittit, & forte per bina ex qualibet specie, & Angelorum ministerio. Intellige vero in hac

hac adductione bestias agri, & volatilia cæli. Sic enim loquitur Scriptura. Hinc præcipuis rebus nomina dedit. At quid de piscibus? Sane nec illis nomina inposita, saltem omnibus, docet Augustinus, ac proinde nec piscium species adductas subindicat. Conuenit Ambrosius Lib. de Paradiso, cap. xi. etque hoc verius. **ADIVTOR SIMILIS EIUS.** Heb. *Adiutorium quod esset coram se.*

Vers. 21. En coniugii conditionem in statu innocentie. Hunc soporem immisum a Deo (dum ædificat Dominus costam in mulierem) ecclasiam vocant antiqui Patres. Immo LXX. hunc somnum etiam *ἡσυχία* dixerunt, quos secutus est Augustinus. Hebr. *הרמיה* *harmehab*. In hoc raptu vitam fuisse ecclasiam Dei, putat non esse improbabile S. Thom. de Verit. quæst. 18. art. 1. alii aliter. Attigi hic *ve. l. 1. & 33.* Eugubini & Caietani consilias opiniones de costa. Plenus scriptura scns est ut verba sonant. Fuit hæc costa Adamo superflua, sed capiti generis necessaria, ut sic ad vinculum coniugii formaretur Eva. utpote quæ carens matre, alicui non poterat. Interim ex hac ecclasi didicit Adam, formatam Evam in coniugium, Deo coniungente, & largam impartiente benedictionem; nec sine ampla dote. *Replete, i. quit, terram, & possidete eam;* cap. 1. *vers. 28.* Ceterum quid in hoc sopore revelatum sit Adamo de mysterio incarnationis, dixi in opere Theologico quæst. 1. num. 35. **Quam-**

diu Adam manserit in paradiso incertum est. Vide cap. 111. in fine.

P. 23. VIRAGO, QUONIAM DE VIRO SUMPTA EST. Sane virago non sexum semineum designat, sed virilis animi feminam. Itaque Interpres non satis expressit quod est in Heb. *וירא וישא* *irah*, ex defectu Latine vocis, rem exprimentis. Caietanus iure a Catholicis acerbè reprehenditur, quod cum Origene dixerit, hanc Evæ ex costa productionem, solum parabolice accipiendam esse. Hoc damnat Hieronymus Epist. ad Philem. & Augustinus Lib. IX. Gen. ad litteram, cap. xviii. Illa vocum cognatio probat Adamum Hebraice locutum.

P. 24. QUAMOBREM RELINQUIT HOMO PATREM, &c. Calvinus vult hæc verba esse Moysi. Certe sunt Adæ verba, vel potius Dei: nam Christus Matth. xii. *vers. 5.* hæc Deo tribuit verba. Vide temeritatem Novatorum. *Relinquet.* Intellige de vitæ consuetudine, & cohabitatione. Vide S. Thomam 2. 2. quæst. 26. art. 1. ad 1. Nam in æquali necessitate vitæ, famis, &c. præteruntur ex ordine caritatis pater & mater. **CARO UNA.** Sept. & Hebr. *In carum unam*: & hoc vel in prole, vel in usu.

P. 25. UTERQUE NUDUS. Ex concupiscentia & libidine oriuntur pudor & erubescencia. Status innocentie immunis erat a libidine & concupiscentia.



C A P U T III.

Serpentis astutia, primi parentes, Dei præceptum transgrediuntur; atque indicta singulis pena, e Paradiso pelluntur.



Ed & serpens erat callidior cunctis animantibus terræ quæ fecerat Dominus Deus. Qui dixit ad mulierem: Cur præcepit vobis Deus ut non comederetis de omni ligno paradisi? 2. Cui respondit mulier: De fructu lignorum quæ sunt in paradiso, vescimur; 3. de fructu vero ligni quod est in medio Paradisi, præcepit nobis Deus ne comederemus, & ne tangeremus illud, ne forte moriamur. 4. Dixit autem serpens ad mulierem: (a) Nequaquam morte moriemini. 5. Scit enim Deus quod in quocumque die comederitis ex eo, aperientur oculi vestri, & eritis sicut dii, scientes bonum & malum. 6. Vidit igitur mulier quod bonum esset lignum ad vescendum, & pulchrum oculis, aspectuque delectabile; & tulit de fructu illius, & (b) comedit; deditque viro suo, qui comedit. 7. Et aperti sunt oculi amborum: cumque cognovissent se esse nudos, consuerunt folia ficus, & fecerunt sibi perizomata. 8. Et cum audissent vocem Domini Dei deambulantis in paradiso ad auram post meridiem, abscondit se Adam, & uxor eius a facie Domini Dei in medio ligni paradisi. 9. Vocavitque Dominus Deus Adam, & dixit ei: Ubi es? 10. Qui ait: * Vocem tuam audiui in paradiso, & timui, eo quod nudus essem, & abscondi me. 11. Cui dixit: Quis enim indicavit tibi quod nudus esses, nisi quod ex ligno de quo præceperam tibi ne comederes, comedisti? 12. Dixitque Adam: Mulier, quam dedisti mihi sociam, dedit mihi de ligno, & comedi. 13. Et dixit Dominus Deus ad mulierem: Quare hoc fecisti? Quæ respondit: Serpens decepit me, & comedi. 14. Et ait Dominus Deus ad serpentem: Quia fecisti hoc, maledictus es inter omnia animantia, & bestias terræ: & super pectus tuum gradieris, & terram comedes cunctis diebus vitæ tuæ. 15. Inimicitias ponam inter te & mulierem, & semen tuum & semen illius: * ipsa conteret caput tuum, & tu insidiaberis calcaneo eius. 16. Mulieri quoque dixit: Multiplicabo ærumnas tuas, & conceptus tuos: in dolore paries filios, & sub viri potestate eris, (c) & ipse dominabitur tui. 17. Adæ vero dixit: Quia audisti vocem uxoris tuæ, & comedisti de ligno, ex quo, præceperam tibi, ne comederes, maledicta terra in opere tuo: in laboribus comedes ex ea cunctis diebus vitæ tuæ. 18. Spinæ, & tribulos germinabit tibi, & comedes herbam terræ. 19. * In sudore vultus tui vesceris pane, donec revertaris in terram de qua sumptus es: quia pulvis es, & in pulverem reverteris. 20. Et vocavit Adam nomen uxoris suæ, Heva: eo quod mater esset cunctorum viventium. 21. Fecit quoque Dominus Deus Adæ, & uxori eius tunicas pelliceas, & induit eos: 22. & ait: Ecce Adam quasi unus ex nobis factus est, sciens bonum & malum: nunc ergo ne forte mittat manum suam, & sumat etiam de ligno vitæ, & comedat, & vivat in æternum. 23. * Et emisit eum Dominus Deus de paradiso voluptatis, ut operaretur terram,

ram, de qua sumptus est. 24. Eiecitque Adam: & collocavit ante paradisum voluptatis Cherubim, & flammeum gladium atque versatilem, ad custodiendam viam ligni vitæ.

(a) L. COL. XI. 3. (b) Eccl. XXV. 33. L. Tim. II. 14. (c) L. COL. XIV. 34.

BRUGENSIS

ROMANÆ CORRECTIONES.

- V. 10. *Vocem tuam audiui*. Non est addendum *Domine*, ut nec versu proximo *Dominus* primo casu, ubi legis: *Cui dixit: Quis enim &c.*
 V. 15. *Ipsa conteret caput tuum*. Studiose cavetur Corretores, ne seminum *ipsa*, quod a vetere Interprete datum fuit, mutarent cum masculino *ipse*, aut neutro *ipsum*, quamquam clarioribus sensu. Vide Notationem.
 V. 19. *In sudore vultus tui vesceris pane*. Sequitur in quibusdam libris, additurque pronomen *tu*, sed quod merito omisum est.
 V. 23. *Et emisit cum Dominus Deus*. Non est auferenda coniunctio &.

NOTATIO.

Vers. 15. **I**psa conteret caput tuum, & tu insidiaberis calcaneo eius. Latina exemplaria plerique, *ipsa*, scribunt, *conteret caput tuum*. S. Germani oblongum, & Sorbonicum correctorium a Parisiensibus notata, *ipse*, legunt, *conteret caput tuum*. Harnn lectionum posterior, Hebræo conformior est: legitur enim: *וְהָיָה יְהוָה יִשְׁכָּן בְּתוֹכָהּ וְהָיָה יְהוָה יִשְׁכָּן בְּתוֹכָהּ*.

Eadem lectio Græcæ translationi similis est: sic enim habet: *αὐτὸς ὁ θεὸς τὴν καρδίαν σου καταπαύσει, & σὺ τὴν καρδίαν σου περὶ τοῦ ποδὸς αὐτοῦ περιπατήσεις. Ἦψα tuum conteret caput, & tu conteres eius calcaneum*: ita exemplaria Complutense, & Vaticanum; Germanicæ vero editiones cum Aldina, *αὐτὸς ὁ θεὸς τὴν καρδίαν σου καταπαύσει, & σὺ τὴν καρδίαν σου περὶ τοῦ ποδὸς αὐτοῦ περιπατήσεις*. *Ἦψα tuum observabis caput, & tu observabis eius calcaneum*; id quod a Patribus fere lectum est, atque adeo Hieronymo, qui, si in aliis codicibus *τὴν καρδίαν* legi comperisset, & nimirum primam syllabam tormente, id proculdubio prætulisset. In Hebræis namque super Genesim Questionibus, producta Interpretum LXXI. translatione, *Ἦψα servabis caput tuum, & tu servabis eius calcaneum*, annotat: „Melius habet in Hebræo: „*Ἦψα conteret caput tuum, & tu conteres eius calcaneum*: quia & nostri gressus præpediuntur a colubro, & Dominus conteret satan, nam fuit pedibus nostris velociter. “ Quibus in verbis etiam conspicitur, Hieronymum lectioni prædictæ conformiter *ipse* vertere.

Fortassis autem commodius neutro genere transferatur: *Ipsum conteret caput tuum*: est enim Hebraice pronomini *נָח* cum præcedente nomine *נָח*, quod *semen* significat, debita convenientia, ut vocem quæ subaudiatur, aliunde accerere necesse non sit. Hoc modo (neutro inquam genere) in Latinis quibusdam exemplaribus haberi; insuper ita D. Leonem legisse, Aloysius Lippomanus docere videtur. Dum enim Leonis Magni in hunc locum verba Catonæ suæ copulaturus esset, præmisit: „Vel iuxta alia exemplaria: *Ipsum conteret caput tuum*. “ Tum ipsius verba ex sermone de nativitate Domini secundo subiungit: „Deus omnipotens, & clemens, &c. statim ut nos diabolica malignitas veneno suæ mortificavit invidiæ, prædestinata mortalibus suæ pietatis remedia &c. præsignavit; denuntians serpenti, futurum semen mulieris, quod noxii capitis elationem suam virtute contereret, Christum scilicet in carne venturum Deum hominemque signans, qui natus ex Virgine violatorem humanæ propaginis incorruptæ nativitate dampnaret. “ Quibus ex verbis a Leone hoc modo locum hunc lectum vero non est absimile. Isidorus Clarius hoc ipso modo sua Biblia emendavit: *Ipsum conteret &c.*

Minime vero contemnenda est ea Latinarum exemplarium lectio, *ipsa conteret caput tuum*, tum quod in omnibus pene Latinis codicibus legatur (nos certe post D. Hentenium nullum vulgatæ editionis codicem potuimus reperire, qui diverfum legeret: nam Parisiense sunt, quos pro *ipse* Hentenius adfert: neque constat de Sorbonico correctorio, qui alter est Parisiense, an ex Hebræo, an ex Latinorum codicum auctoritate sic legendum doceat; ut neque de Aloysii exemplaribus, an nostræ sint editionis, cuius certe Clarii Biblia, quæ *ipsum* habent, non sunt) tum quod a veteribus, & iis qui vulgata ex Hebræo, & quod magis est admirandum, (disonant enim Græca exemplaria) iis qui vulgata ex Græco editione usi sunt, agnoscat, atque exponatur. Augustinus Libri secundi de Genesi contra Manicheos capite XVII. „Observat, inquit, ipse plantam mulieris, ut si quando illicita labitur delectatio, tuuc

H „ illam

" illam capiat : & illa observat caput eius ,
 " et cum in iplo initio malæ suasionis exclu-
 " dat . " Similis est Gregorii Lib. I. Moral.
 cap. xxxviii. Eucherii, Bedæ, ac Rabani, le-
 ctio, atque expositio . Neque vero hæc lectio
 Hebræo repugnat . In primis enim poterit
 Interpretæ ^{אין} femininum pronomen pro
 masculino legisse, ut nonnulli coniiciunt . De-
 inde femininum pronomen nonnumquam co-
 modo scriptum reperitur, quo masculinum,
^{אין}, quamquam ^{אין} legatur ; atque ita hoc
 loco accipiendum, & legendum esse ^{אין} non-
 nulli existimant . Hinc Guido Fabricius Pici
 Mirandulani principis auctoritate nixus in He-
 braicis illis Biblis Regio operi adiunctis, quib-
 us Latina interpretatio inter contextus li-
 neas inserta est, excudi curavit ^{אין} ; quam-
 quam errone posuit lit ^{אין} . Nec relinenda
 est illa lectio, quod masculinigenis verbum
 pronomenque sequantur, verbum ^{אין}, pro-
 nomen ^{אין} : nam & alibi phares huiusmodi re-
 periuntur . Esther primo capite (v. 20.)
 וְהָיָה כִּי יִשָּׁעֶה הַמֶּלֶךְ וְיִשְׁכַּח אֶת הַמִּצְוָה
 Ecclesiastæ duodecimo

(v. 4.) פוֹתֵסִי כִּלְ בִּנְיָמִן. Potest autem hec lectio ad eum fere sensum, quo superiores exponuntur, de Christi matre intelligi, ut serpentis caput contrivisse dicatur, quia eum genuit qui contrivit, quia diabolum sua morte devicit, & nos ex eius tyrannide in libertatem asseruit.

Locus iste a Chaldaeo Paraphrase ad hunc modum redditus est: *Et inimicis ponam inter te, & inter mulierem, & inter filium tuum, & inter filium illius: iste eris memor.* Exemplar Venetum: *Observans tibi quod fecisti ei a principio, & tu eris observans ei in fine.* Atque in hac paraphrasi observetur & illud, quod illi Graecae lachioni conformiter, quæ & olim & hodie mulierum est codicum, *respice per* in prima syllaba transferatur *observans*, nec, cum & hac adducto ratio, a quoquam facile reperiatur. Porro citi exemplar Venetum prior loco וְיִצְחָק וְיָרָבְבָל habet, posteriori tamen Complutensi, & Regio conformiter, וְיִצְחָק legi: atque *observatio* esse videtur, וְיִצְחָק, eius quod in Complutensi, & Regio est וְיִצְחָק.

COMMENTARIA

S. A.

Verf. 1. **S**ERPENS, pro Serpens quidam: loquitur enim de certo quodam serpente, ut apparet ex Hebr. articulo. **CALLIDIOR**, scilicet propter diabolum, qui per illum agebat. Aug. Lib. XI. de Gen. **DE OMNI**, pro *de ullo*, Hebr. **LE-GNO**, id est arbore; quasi dicat, ex fructu arboris.

V. 2. VESCIMUR; id est, vesci possu-
mus.

V. 4. MORTE MORIEMINI; id est, certissime moriemini, Hebraice.

V. 5. Oculi, scilicet mentis. D11, idest Deus, vel Angeli.

P. 7. **APERTI OCULI**, scilicet ad invicem concupiscendum. Auguft. XI. de Gen. Ad discernendum inter bonum quod amiferant, & malum in quod ceciderant. Auguft. XIV. de Civ. cap. XVII. *Oculi* non corporis, fed mentis. Chryfoft. in Gen. hom. XVI. **PERIZOMATA**, idest cingula.

V. 8. DEAMBULANTIS, scilicet in forma hominis: sic enim eis apparere solebat, ut quidam volunt. ADAURAM,

id est quo tempore solet ventus spirare .
LIGNI, pro lignorum, id est arborum .

V. 14. INTER OMNIA, id est præ omnibus. ANIMANTIA, id est iumenta. BESTIAE, id est feræ. SUPER PECTUS, &c. id est, omnes gressus tui, nequitie erunt, & fraudes. Hier.

P. 15. ET SEMEN, pro id est interfemen. Chal. Inter filium tuum, & filium eius. Nota, quod mali dicuntur filii diaboli: unde Ioan. viii. *Vos ex patre diabolo estis.* Ipsi. Hier. in Gen. legit *ipsum*, scilicet *femen*: & quidem si legas *ipse*, idem est sensus, nam semen Hebr. masculinum est. Solet autem Interpres sequi Hebræorum nominum genera. Vide Sapient. i. Matth. xx. Nota, quod quædam Heb. habent *ipm* seu *מִן*, quod idem est, scilicet *ipsa*: & quidem multi antiqui legunt *ipsa*. Vide Chrysostomum hom. xvii. in Gen. Augustinum li. de Gen. contra Manichæos, cap. xviii. & XI. de Gen. ad lit. cap. xxxvi. Amb. de Fuga sæc. cap. vii.

Verf. 16. AERUMNAS, ET CONCEPTUS, pro dolores conceptuum, scilicet gestando setum, & pariendo. POTESTATE, scilicet etiam nolens: alioqui ante peccatum sub potestate erat, sed volens; nunc autem

autem quam multæ nollent viris subesse, & oportet tamen.

V. 17. MALEDICTA, scilicet sterilitate, ut contra fertilitas dicitur benedictio. Vide Hebr. vi. IN OPERE TUO, id est propter tuum peccatum. Hebr. & Chal. *propter te*.

V. 20. HEVA, id est viva, seu vivens. Hebr. *Chavah*. MATER ESSET, scilicet futura.

V. 22. ECCE ADAM, &c. Ironia est.

V. 24. CHERUBIM, id est Angelos humana forma.

E S T II.

Verf. 1. **S**EDET SERPENS DIXIT AD MULIEREM. Serpens dixisse dicitur, quia diabolus per eum dixit, verbis in ore serpentis formatis; quomodo Num. xxi. afina Balaam locuta legitur, Domino os eius aperiente; & quomodo, secundum quosdam Apocalyp. xiii. locutura dicitur imago bestie.

Sed queritur quomodo Eva non horreret serpentem loquentem? Respondet Magister §. 2. Lib. II. Sent. distict. xvii. mulierem putasse quod serpens hoc munus loquendi a Deo accepisset. D. Thomas & Bonaventura existimant putasse illam quod per serpentem spiritus aliquis sibi loqueretur, nondum discernens an bonus esset, an malus. Sed media sententia tenenda videtur, quam indicat ante eos Cyrill. Lib. III. contra Iulianum: nempe Evam putasse, non assentiendo, sed coitando secum num forte serpens haberet aliquam vim loquendi. Neque enim perfectionem conditionis muliebris exegisse ut congenitam sibi haberet omnium rerum naturalium scientiam, sicut hoc exigebat perfectio viri. Itaque verbis diaboli, per os serpentis loquentis, & contemplatione propriæ excellentiæ interim fuisse seductam Evam, ut mox clarius explicabitur ad verf. 5.

Verf. 5. **E**T ERITIS SICUT DIVI. De hoc sic S. August. Lib. XIV. Civit. cap. xiii. *Perversa celsitudo est, deserto eo cui debet animus inbarere principio, sibi quodammodo fieri atque esse principium. Hoc autem fit cum sibi nimis placet. Et infra: Deleavit quod dictum est: Eritis sicut divi.* Hæc S. August.

At queritur quomodo illud homo appetierit, quod sciebat sibi esse impossibile, utpote nullo adhuc errore affectus. Respondetur, idem hic suo modo accidisse quod contigit in lapia dæmonum; de quo ita D. Thomas 1. part. quæst. lxxiii. art. 1. ad 4. *Et huiusmodi, inquit, peccatum (scilicet superbiz) non præcigit ignorantiam, sed absentiam solum considerationis eorum quæ considerari debent. Et hoc modo Angelus peccavit, convertendo se per liberum arbitrium ad proprium bonum, absque ordine ad regulam divinæ voluntatis.* Hæc D. Thomas. Vide etiam cap. præced. verf. 17.

V. 6. **E**T TULIT DE FRUCTU EIVS. Queritur quæ arbor, & quis fructus fuerit. Quidam sicut fuisse putant, propter illud quod sequitur, *Construxit filia ficus.* Sed non convincit, maxime quod ficus non sunt pulchri aspectu. Verisimile magis est, malum seu pomum fuisse. Nam in genere pomorum quædam pulcherrima simul sunt, & esui gratissima. Et Ecclesia canit: *Quando pomi noxialis, morte morsu corrui.* Et Cant. viii. *Sub arbore male suscitavi te, ibi corrupta est mater tua.* Vide & Pererium.

V. 8. **E**T CUM AUDISSENT VOCEM DOMINI DEI DEAMBULANTIS. Verisimile est angelico ministerio formatum corpus deambulantis huius, vocemque loquentis; quomodo & alibi a Deo facta leguntur, quæ per Angelos facta sunt, aut dicta; ut lucta Angeli cum Iacob, legislatio in monte Sina, & alia.

V. 11. **Q**UIS ENIM INDICAVIT TIBI QUOD NUDUS ESSES? Notandum, sicut occultum peccatum appetitæ divinitatis mox vindicatum fuit occultata pœna, id est iustitiæ, ac donorum spiritualium subtractione; ita & manifestum peccatum, quod erat in esu fructus vetiti, punitum fuit manifesta pœna, id est pudendo motu membrorum genitalium. Neque enim ignorabat ante peccatum Adam, se nullam habere vellem, nudumque esse; sed non experiebat id quod nuditatem facit pudendam.

V. 14. **E**T AIT DOMINUS DEUS AD SERPENTEM. Sensus litteralis, secundum D. Augustinum Lib. II. de Gen. contra Manichæos cap. xvii. est: Quia fuisti instrumentum decipiendæ mulieris, ideo in toto genere animantium terrestrium eris maxime

contemptus & vilis, ipſique homini quam maxime exoſus, & execrabilis.

Myſtice. Diabolus ſuper peſtus ac ventrem graditur (exponente eodem Auguſtino ibidem) quia duabus viis tentat homines ſeducere; ſcilicet per ſuperbiam, quæ ſignificat peſtus, & per libidinem, quæ ventre ſignificatur. Vel ſecundum Gregorium Lib. XXI. Moral. cap. 11. per ventrem ſignificatur executio operis luxuriæ, per peſtus vero eiſdem deſiderium.

Verſ. 15. IPSA CONTERET CAPUT TUUM &c. Quædam exemplaria genere maſculino habent, quomodo & vertunt LXX. Alia item genere neutro. Sed quocumque genere eſſicatur, idem ſignificatur, & eodem redit. Si genere maſculino, tum reſertur ad Chriſtum, qui per paſſionem ſuam contrivit poteſtatem quam diabolus habebat in genus humanum. Si neutro, reſertur ad ſemen; ſemen autem illud eſt Chriſtus, ad Galatas 3. Denique ſi ſeminino, reſertur ad Evam, vel Virginem Mariam; eritque ſenſus, quod utraque per Chriſtum ex eis naſcendum id factura ſit.

V. 22. ET SUMAT DE LIGNO VITAE, ET VIVAT IN AETERNUM. Perſeverat Dominus ironice loqui. Dixerat enim antea, ſine dubio per ironiam, ſeu ſarcaſmum: ECCE ADAM FACTUS EST SICUT UNUS EX NOBIS SCIENS BONUM ET MALUM; atque eodem ſcilicet ſchemate immediate ſubiungit: NUNC ERGO NE FORTE MITTAT MANUM SUAM, ET SUMAT DE LIGNO VITAE, ET VIVAT IN AETERNUM; quaſi dicat: Ne videatur ſibi ſua ſtulta perſuaſione in æternum ex eſu huius ligni victurus. Quid autem ſibi velit quod dicit Deus, *Quaſi unus ex nobis*, vide ſupra cap. 1. verſ. 26. ad illa verba: *Faciamus hominem ad ſimilitudinem noſtram.*

M A R I A N A E.

Verſ. 1. SED ET SERPENS ERAT CALIDIOR. Sept. *Serpens erat prudentiſſimus.* Vox Hebræa חמדה *Hormah* in bonam partem accipitur, Prov. 1. & viii. & in malam, Exod. xxi. verſ. 14. & Pſal. lxxxii. verſ. 4. ad illa verba: *Super populum tuum malignaverunt conſilium.* Num ſerpens verus, an eius nomine & ſpe-

cie dæmon locutus Evæ eſt? Ioseph, & Hebræi ſere quod ſerpens verus, & ſolus, quem olim ſputant humana lingua locutum, ut & ceteras animantes. Alii dæmonem tantum putarunt in ſpecie ſerpentis; de quo omnia, quæ hic dicuntur de ſerpente, explicant. Nos cum Aug. XI. ſuper Gen. ad litteram cap. 111. ſentimus, & verum ſerpentem fuiſſe, & intra eum dæmonem locutum, ut in engerumenis. Serpens ergo verus callidiſſimus fuit; eo-que aptus ut dæmon ad decipiendam mulierem eo abuteretur. Sed quomodo non horruit Eva colloquium ſerpentis? Fortaſſis horruit initio (neque enim omnia dicuntur) ſed ille ſenſim, & callide ſe inſinuans, depulſit metum. Vocem humanam fuiſſe ſerpenti, non eſt verum; ſed animantibus omnibus ſuam dialectum eſſe, qua inter ſe motus internos explicant, multa argumenta ſuadent; & Clemens Alex. aſſignat Strom. I. & Auguſt. II. de Doct. Chriſt. id in medio relinquit. Eam dialectum notam primis parentibus quis dubitet? Et fortatiſſe ea diſputatio cum Eva in ea dialecto facta eſt, cum illa non ſatis intelligeret, quouſque ſerpens in ſua dialecto progredi poſſet. CUR PRÆCEPIT? Hebr. *שמ אפכה*, *etiam vere*: quod indicat, alia verba, uti ante dictum eſt, ante hæc præceſſiſſe: certe ſalutatio, interrogationeſque aliquot, de Dei potiſſimum ſeveritate, quem in invidiam volebat adducere, quibus connectit, *etiam quod*, vel *etiam vere*. Hoc ſequitur Rabbi David Kimhi in Lib. Radicum non inepte proſus. Sed quoniam Hieron. & Sept. verterunt, *cur*; Chaldaeus, *Perum ne eſt quod dixit Deus*? quaſi ſermonis initium accipiamus. Vocem infauſtam, & vere a dæmone profeſſam, qua ſummis ima omni tempore confunderet. Divina præcepta exequi debemus, non præcipiendi rationes ſcrutari.

Verſ. 2. DE FRUCTU LIGNORUM. Rupert. Lib. III. cap. v. Eva modis omnibus Dei verba pervertit, in quomuliebæ ingenium graphice depingitur. Detractione: nam Deus dixerat, *Ex omni ligno paradifi comedes*; ipſa, *De fructu lignorum*. Additione, cum adiecit, *Neque tangeremus illud*, quod Deus non dixit. Immutatione, cum quaſi rem dubiam adiecit, *Ne forte moriamur*: Deus enim dixerat: *In quacum-*

que

que hora comederis ex eo, morte morieris. VESCI-MUR; id est, velci possumus.

P. 4. NEQUAQUAM MORIEMINI. Principiis obsta. Ex rupto silentio mulieris eo ventum ut demon Deo mendacium, & malignitatem affingat. Non, inquit, moriemini; sed id simulat Deus, ne eo efu evadatis ut

P. 5. DII. Hebr. ut *Elobim*, quod verti potest, ut *Dii*, ut *Deus*, & ut *Princeps*. Hoc postremum secutus est Chaldaeus, primum Hieron. & Sept. estque sensus: Eritis sicut duo terreni dii, ut Deitas non sit in Deo multiplex, sed in ipsis hominibus. Sed non minus commode verti posset, *Eritis ut Deus*; id est, Deo, qui incallis est, similes. Quidam ex hoc loco idolatriæ sumptam occasione dicunt, dæmone id agente, ut plures dii esse crederentur. SCIENTES BONUM ET MALUM; hoc est, scientes omnia suprema, infima, media.

P. 6. VIDIT IGITUR MULIER. Ne sententiam videretur præcipitare, accedit propius arborem, eamque contemplatur curiose; & ut sibi fingunt somnia amantes, excitata concupiscentia, pulchra videtur quæ erat turpis. Addit: QUOD BONUM ESSET LIGNUM AD VESCENDUM, ET PULCHRUM OCULIS, ASPECTUQUE DELECTABILE. Septuag. Hebraica reddiderunt: *Et vidit mulier quod pulchrum lignum in escam, & placidum oculis ad videndum, & pulchrum ad intelligendum.* Nempe dixerat dæmon: *Eritis sicut dii scientes.* Sic mulier cogitavit, verius somniavit, aptum fore lignum ad æquendam intelligentiam, quod in Hieronymi interpretatione: fortasse cum absurdum id iudicium ex solo aspectu videretur, ad aspectum verba diverterit, neque ultra progredi voluit. DEDITQUE VIRO SUO, QUI COMEDIT. In Hebr. & Græco: *Et dedit viro suo eam, & comedit.* Unde colligit, Evam biscomedisse, antea, & postea cum marito. Tum etiam verisimile est, multa inter eos verba præcessisse, Adamque Evæ blanditiis victum, magis quam quod crederet vera esse quæ nuntiabantur, comedisse. Adam enim in prævaricatione non est seductus, ut Paulus ait I. ad Timoth. II. vers. 14.

P. 7. APERTI SUNT OCULI. Aug. XI. de Gen. *Ad se concupiscendum.*

De Civit. Dei Lib. XIV. cap. XVII. *Ad cognoscendum bonum quod amiserant, & malum in quod incurrerant.* OCULI, non corporis, sed mentis: Chryllostomus homil. XVI. in Genes. CUMQUE COGNOVISSENT SE ESSE NUDOS: nempe experti rebellionem membrorum, quæ vestibus merito esset tegenda. Ita ante nudi erant, sed vestibus non egebant. CONSUERUNT FOLIA FIGVVS. Nempe ea erat arbor interdita: sic Hebræi, & ex Græcis plerique. FECERUNT SIBI PERIZOMATA. Subligacula, campestria, succinctoria: omnes hæ voces significant vestis genus qua teguntur nates & pudenda.

P. 8. ET CUM AUDISSENT VOCEM DOMINI DEI. Vides peccatoris stultitiam: prius se foliis tegit, deinde latebras capat, quasi Deum fugere possit. Vides flagitii conditionem; tenebras amat: benefacta se in luce collocari gaudet. Vides Dei benignitatem: offensum quamvis hominem querit, sine quo miser resurgere non posset. DEAMBULANTIS, in forma humana ficta specie se ad vera certamina exercet carne sumpta, quæ futura erant alio tempore. AD AURAM POST MERIDIEM. Hebraice, *Ad auram diei*: quod Symmachus, & Aquila, & Chaldaeus ad verbum expresierunt. At Sept. dicentes, *Ambulantis in paradiso in meridie, & c.* quod potius sonat *tempus pomeridianum*, & Hieronym. cum posuit, *ad auram post meridiem*, sententiam magis quam verba secuti sunt: nam in locis præsertim maritimis aura post meridiem excitatur; cui interpretationi Hebræi quidam Expositores subscribunt. Ex hoc colligit Histor. Scholastica, Adamum e paradiso pulsum hora septima, prima post meridiem. Isidorus in Chronicis, seu potius Lucas Tudenfis, *Adamus*, ait, *prima hora diei fuit factus, tertia in paradisum deductus, hora sexta seductus, hora nona a paradiso pulsus.* Nempe & Christus sexta hora cruci affixus, nona expiravit. Aug. XI. super Gen. cap. xxxiv. Deum, ait, per creaturam subiectam apparuisse, nempe corpore assumpto, & specie hominis. Sed quæ e tribus divinis personis? Patres antiqui constanter affirmant, Dei Filium Adamo apparuisse, locum cum Abrahamo, luctatum cum Iacob. Tertull. II. contra Marcionem, Clemens I. Pælagog. cap. vii. Iren. Lib. IV. cap.

cap. xvii. Hilar. XII. de Trin. Euseb. Historiæ initio. Quin Synodo Sirmiensi cap. xii. definitum id est. Nempe Dei Filius ab initio mundi fictam hominis imaginem, prorsusquam veram, sæpe induit, & ludicris certaminibus se ad vera exercebat. IN MEDIO LIGNI, id est lignorum, ubi maxime densum nemus erat.

Vers. 9. VOCAVITQUE DOMINUS DEUS ADAM. Non semel vocavit, sed sæpe; neque nunc modo, sed antea; quando Adam priusquam se absconderet, vocem Dei audivit: eaque terroris & fugæ causa fuit, uti superiori versu dicitur.

V. 10. TIMUI, EO QUOD NUDUS ESSEM. Male coherentia verba male compositi animi formam exprimunt. Primum qui respondere debuit, Adsum Domine, sine honoris ulla præfatione incipit: VOCEM TUAM AU DIVI. Deinde addit: *Timui, eo quod nudus essem.* Quis timorem cum auditate iungit? Ac potius debuisset dicere, Erubui quod nudus essem, timui indignationem tuam.

V. 11. QUIS ENIM INDICAVIT TIBI QUOD NUDUS ESSES, NISI QUOD EX LIGNO DE QUO PRAECEPERAM TIBI NE COMEDERES, COMEDISTI? Hebr. *האין הן הבין לך, numquid de ligno, de quo præceperam tibi?* Atque ita exponit Chaldaeus.

V. 12. MULIER QUAM DEDISTI MIHI SOCIAM. Sententiam expressit Hieronymus; Sept. & Chaldaeus verba, cum dixere: *Mulier quam dedisti mecum.* In quo vide perturbatam Adæ mentem: in Deum culpam derivat, qui talem sociam dedisset. Et quam paulo ante prætolerat Deo, nunc eius salutem præ se contemnit.

V. 13. ET DIXIT DOMINUS DEUS AD MULIEREM. Non prius sententiam pronuntiat, quam in omnem causam morte recti iudicis inquirat. Gen. xviii. vers. 21. *Descendam, & videbo utrum clamorem qui venit ad me, opere compleverint.* Forma est quam iudices teneant, ne sententiam præcipiant. Qui inaudita causa iudicat, etiam si recte statuatur, iniuriam tamen facit.

V. 14. QUIA FECISTI HOC, MALEDICTUS ERIS. A serpente nihil querit: quoniam si vero serpenti loqueretur, nihil intelligeret; si dæmoni qui larebat, nulla poenitentiae spes. Sed utrum his ver-

bis punit? Aug. XI. super Gen. cap. xxxvi. ad dæmonem omnia refert: eoque ad mysticas significationes convertit quæ dicuntur omnia. Plerique de vero serpente intelligunt, bifariam divisi. Iosephus, & quidam Hebræi putant, serpenti pedes præciosos, cum ante habuisset. E nostris plerique ad serpentem referentes, disputant, bruta aliquando propter hominum peccata puniri. Lev. xx. cap. iumentum, cum quo quis coiret, lapidibus occidi iubetur. Nos de serpente vero, & de dæmone hæc omnia accipienda putamus. Et quidem myltice dæmon super ventrem graditur, in quem maiorem potestatem exercet; terram comedit, vitis terrenis oblectatur. Quod vero ad serpentem spectat, ut verum eius peccatum non fuit, sed in speciem, ita fictum est supplicium, ut matres puero cadente solent verberare terram. *Maledictus eris.* Hebræi ad vitæ brevitate serpentinis referunt; nos qui sciamus maledictionem Dei esse male velle, & male facere, credimus in genere, hoc verbo exprimi mala quæ mox sigillatim explicat. INTER OMNIA ANIMANTIA. Hebraice, & Græce, *Ab omnibus*; hoc est, præ omnibus animantibus maledictus es. SUPER PECTUS TUUM. Hebr. *Super ventrem*; sic Chaldaeus, & Sept. *Super pectus & ventrem* posuerunt. Quidam Hebræus dixit *על כנף פניו* super venter tuus, ad terram super ventrem proiecitur gradivus.

V. 15. INIMICITIAS PONAM. Amicitiae simulatione decipisti: ego efficiam ut nullus tibi fidat. SEMEN TUUM. Mali, filii diaboli. Ioan. 8. *Vos ex patre diabolo estis.* IPSA CONTERET CAPUT TUUM. Græce masculino genere, ut referatur ad semen feminæ, ad filium; verum de Christovaticinium. IPSA CONTERET. Hebr. *ipsum*, ut ad semen mulieris referatur. Sic legit Hieron. Trad. in Gen. sed Chrysost. homil. xvii. in Gen. August. & Ambros. ipsa legunt. Sept. *ipse* posuerunt, ut referatur ad Christum. CONTERET CAPUT TUUM, ET TU INSI DIABERIS CALCANEO EIUS. Hebraice utroque loco est verbum *פיה* supb, & Græcis verbum *rupio*: quod utrumque contereere significat. Ex Hieron. in Traditionibus satis constat, in veteri Vulgata editione, quæ ex Græca haud

haud dubie manavit, lectum: *Ipsa servabis caput tuum*, & tu servabis calcaneum eius: atque ita in Romana quadam editione Sept. utroque loco *servabis*, & *servabis* legitur. Hieronym. priori loco dixit, *conteret*; posteriori, *infradiabis*. Fortassis Græci quidam aut utroque loco, aut altero pro *servabis*, quod verbum modo legimus, legerunt *servabis*, quod significat *observare*. Inter Hebræos Selo mo priorem vocem deducit a *שׁוּב* *suph*, quod est *conterere*; posteriorem ab *נָשַׁב* *nasaph*, quod est *afflare*, seu *mordere*, ut sit quædam *παρρησια*, in linguis omnibus usitatus tropus: & aliqui serpens quomodo contereret calcaneum hominis: Itaque puto sic locum reddendum: *Ipse conteret caput tuum, tu sufflabis, mordebis, aut observabis calcaneum eius*. Hieron. in Traditionibus utroque loco Hebraice haberi dicit *conterendi* vocem.

P. 16. MULTIPLICABO AERUMNAS TUAS, ET CONCEPTUS TUOS. Ex hoc loco Rupertus colligit, multo plures post lapsum nasci quam incolui natura fuissent. Nempè ut Angelorum ruina restitueretur, & numerus filiorum Dei æterno decreto descriptus, multo pluribus erat opus, ut plerique cadentibus multi manerent. Sic figulus multo plures coquit lateres, quam pro postulat, ut multis, quamvis fractis distortisque, competens numerus tamen conslet. **AERUMNAS TUAS ET CONCEPTUS TUOS.** Aliqui ærumnas conceptuum explicant, & dolores conceptuum. Hebr. *Dolorem tuum*, & *conceptum tuum*. Quod Hieron. ad omne angustiarum genus per totam vitam refert, & ad dolores partus. **SUB VIRI POTESTATE ERIS.** Septuag. & Chaldaus: *Ad virum tuum converso tua*. Vox Hebraica, *תַּחַת כַּחַשׁוּתְּךָ* *thysukathes* significat *desiderium tuum*; ac si diceret: Hoc ad calamitatis cumulum accedet; quod partus doloribus haudquam castigata, virum tamen ardentem appetes. Aliqui: Viro semper obediens, ex eius nutu pendebis. **ET IPSE DOMINABITUR TUI:** in eius arbitrio erit tuæ concupiscentiæ obsequi. [Aut, tibi imperabit.

P. 17. MALEDICTA TERRA; id est, infecunda redditur. **IN OPERE TUO.** Hebraice *בְּעִמְלָתְךָ* *behavmehcha*, propter te: atque ita Chaldaus. At Hieron. & Sept. in opere tuo, nimirum unius litteræ mutatio-

ne in simillimam, legere *בְּעִמְלָתְךָ* *behavmehcha*. Aquila propter se dixit; sententia tamen eadem est.

P. 18. SPINAS, ET TRIBULOS. Fructus ad laborem non respondebit; sed spinas terra proferet pro herbis salutaribus. Porro per *spinas*, & *tribulos* Patres omnes herbas noxias, & inutiles intelligunt, quas natura integra futuras negant. Rabbi Selo mo etiam animalcula noxia, pediculos, culices, peccati prolem legitimam: quæ sententia non videtur abscondita.

P. 19. IN SUDORE VULTUS TUI. Hebraice, *narium tuarum*, a naribus facie denominata, quoniam in ea eminent. Et sane *נַרְיָא* *apb* & *nasum*, & *faciem* significat. **QUIA PULVIS ES, LUTUM, TERRA;** pulvis: ea omnia *haphhar* Hebraicum significat.

P. 20. ET VOCAVIT ADAM NOMEN UXORIS. Præposteram hominis lapsi rationem! Deus illi graves calamitates denuntiat, ipse oblectatur inanibus titulis. **MATER ESSET,** destinata ad id scilicet. **CUNCTIUM VIVENTIUM.** Accommodate fumatur, nempè cunctorum filiorum hominis.

P. 21. TUNICAS PELLICEAS. Servili ingenio homines veste servili induit.

P. 22. ECCE ADAM QUASI UNUS EX NOBIS. Cassianus Collat. XIII. cap. XVII. putat hæc assertive dictum, & in eo hominem Deo similem evasisse, quod sciret bonum & malum. Plerique tamen ironice dictum putant; quasi diceret: Tantum abest a Dei similitudine ut in magnas calamitates inciderit. **ET VIVAT IN ÆTERNUM.** Oratio deficiens; supplendumque, Pellamus eum e paradiso. Sept. verterunt *sic* *in ævum*, quod ad verbum dicas, *in ævum*. Porro ævum non æternam, sed longam durationem significat, ne vox quidem Hebraica *עוֹלָם* *olam*, præsertim Vau littera destituta, ut disputat Hieronym. ad Galat. 1. Neque si Adam ex ea arbore comedisset, immortalis propterea evasisset post peccatum, & æternus. Et vide in supplicio Dei benignitatem: non vult diu vitam trahere tot & tantis vallatam calamitatibus.

Verf. 24. COLLOCAVIT ANTE PARADISUM. Sic etiam Sept. nimirum oblitum quomodo verterint dictionem *קִדְמָה* *Kedem* cap. 11. verf. 8. quo recurrendum est.

Alii

Alii Expositores sane vertunt : *Et collocavit ab oriente paradisi Eden*. Quid autem collocavit ? Sept. Adamum intelligunt collocatum. Hebraica verba, uti Hieron. in Trad. ait, potius significant Cherubim, & flammeum gladium collocatos. CHERUBIM, Angelos humana specie. FLAMMEUM GLADIUM, ATQUE VERSATILEM. Verum gladium putat Aven Ezra & alii Hebræi fuisse, & dici flammeum propter splendorem; *versatilem*, quod esset utraque parte acutus : iuxta quam sententiam singulare pro plurali accipitur : erant enim plures Angeli, quique suo armatus gladio : ergo *gladium* pro *gladiis*. Nostri putant ignem fuisse, quo circumdatus est paradisi, qui vocetur gladius, quoniam in culpidem surgit, & propter splendorem. Procopius ait, Cherubim positos adversus dæmones, ignem ad arcendos adversus homines.

M A L V E N D A E.

Vers. 1. SERPENS. *וְנָח נָחָשׁ* dicunt volunt a curiosa observatione, tentatione, insidiis, experientia, ut hic describitur callidissimus. Alii ab augurio, ominis, seu incantatione: quod serpentes adiurati carmine incantentur, & excantentur. Plinius Lib.VIII. cap. xvi. *Quippe ubi etiam serpentes extrahi cantu, cogique in panem*. Et Lib.XXVIII. cap. 11. *Etiam serpentes ipsas incantari: & hunc unum esse illis intellectum, contradicere Marforum cantu etiam in nocturna quiete*. Multa de his Auctores, & Lucianus in Philopseude. Virgilius:

Frigidus in pratis cantando rumpitur anguis.

Eccle. x. 11. *Si mordebit serpens in non incantatione*. Quidam a colore æneo, seu notis, aut lineolis ærei coloris, quas in tergo habet. CALLIDIOR. *דַּיָּק גְּבוּרָה*, *attentus, callidus, astutus, versutus, versipellis, raser, quasi excitatus, & providus*. Astutus videtur exposuisse Paulus II. Corinth. xi. 3. *Sicut serpens Hevæ seduxit astutia sua*. Prudentem Christus Matthæi x. 16. huc enim uterque respexisse videntur. *Gbarum* enim in bonum & in malum sumitur. Nescio cur quidam per superlativum vertant: *Erat callidissimus, sive astutissimus omnium bestiarum agri*. Quidam

reddunt, *involutus*, quasi in multas spiras & gyros complicatus, & involutus: *trigide*, & *ridicule*. Cum hæc vox duodecies in sacris litteris extet, Noster Job v. 13. Proverb. xiii. 16. xiv. 15. 18. xxviii. 12. *astutus*; Proverb. xii. 16. xiv. 8. xxii. 3. *callidum*, ut hic; Prov. xii. 23. *versutum*; Job v. 12. *malignum*; Job xv. 5. *blasphemantem*. CUR. Duæ hic sunt particulae *וְנָח אֶפְרַיִם*. Aiunt *וְנָח אֶפְרַיִם* esse particulam indeclinabilem, quæ imperum, & assatum animi notat; & exponi debere secundum loci, & sententiae exigentiam: esse enim difficile, eiusmodi animi affectus vocibus aptis exprimere; & ex gestu, aut sensu pronuntiantis esse intelligendam. Quidam hæc particulam augmentativam vocant, seu expletivam, qua oratio continuatur, & circumrotatur; hoc est, applicatur ad rem, vel personam sequentem. Communiter exponunt, *etiam, quoque*. Notant hic ponendas illas voculas *אֶפְרַיִם*, accentibus diversis distinctas, nec coherere inter se, nimirum ut magnum animi impetum, & sententiae, sensuive incrementum demonstrent, quo usus fuit coluber. Observant amplius, hanc voculam *אֶפְרַיִם* tam in compositione cum *et*, ut hic, *אֶפְרַיִם*, quam per se solam, cum non fit rerum comparatio, aut collatio, idem esse quod *eo quod*; sed in sententia, in qua fit rerum collatio, si est oratio affirmativa, valere, *quanto magis, multo magis*; in oratione vero negativa idem esse quod *quanto minus, multo minus*. Hæc omnia pro loci circumstantia facile discernentur. Mirum quam varie hic reddiderint: quæ omnia distincte reponam : *Etiam quid, etiam quod, etiam quia, numquid? etiamne: ita omnino, itane? verene? equidem quia, eo quod, adhuc quia, amplius quod, etiamque, quanto magis*. Communiter putant esse paralepsin, quod Moses ex longiore serpentis ad mulierem sermone id tantum commemorare voluerit quod instituto erat necessarium, nimirum illud quo serpens obtinuit quod moliebatur. Videtur enim inter multas rationes, quibus persuadere mulieri voluit, non ita a Deo amari homines, ut ipsi putabant, hanc præcipuam asserere, quod esse illius fructus prohibuisset a quo penderet maximum hominis bonum, cognitio scilicet boni & mali. Verisimile enim esse, aiunt, plura præcessisse verba in colloquio serpentis cum muliere, ante hæc *אֶפְרַיִם*; uti,

Non

Non equidem Deus adeo vos diligit ut ipsi existimatis, multa enim vobis invidisse videtur: neque enim contulit vobis pulchritudinem pavonum, fortitudinem leonum, velocitatem cervorum, volatum avium, &c. Etiam quod, Eo magis quod vos re adeo excellenti & præclara privarit, cognitione boni & mali. Quidam: *Etiam (subaudi, esse verum) quod præcepit Deus ut non comederetis, &c.* putant truncatam esse sententiam, ut post alia multa quæ serpens dixerit mulieri, subiunxerit: *Esne verum quod Deus, &c.* verti etiam posse: *Multo magis (miror) quod prohibuerit, &c.* quasi dicat: Miror Deum vos privasse magnis bonis; multo magis demior quod dixerit vobis ne comederetis, &c. Aliqui: *Profecto quod dixit t ut sit admirantis, & interrogantis.* Alii volunt astute & subdole serpentem non directe voluisse Deum inclementiæ, & invidiæ accusare; hanc enim blasphemiam illico exhorruisset mulier: sed subdubitando ingressum, *Etiam ne verum est, &c. vel itane verum est, &c.* quasi dicat: Foran non serio hoc Deus dixit ac prohibuit. Sed hic sensus manifeste pugnat cum vers. 5. Nonnulli exponunt: *Ira, quoniam dixit Deus;* quasi dicat: Ira est Domino adversum vos, aut iratus est vobis, quia dixit ut non comederetis, &c. nimirum ex significato *non apb, nafi*, aut *ira*, quod ea inestur nasus; sed tunc est ab *non apb*, non ab *non apb*. DE OMNI LIGNO PARADISI. Aliqui exponunt: *Ne ex ulla arbore, sive ne ex ulius arboris paradisi fructu comederetis*, ut illud, *ex omni*, phrasî Hebraica sit, *ex nullo*, ut Psal. cxlvii. 20. *Non fecit saltem omni nationi*; id est, nulli nationi fecit taliter: quæ phrasî passim occurrit. Sed non puto serpentem tam manifeste & impudenter voluisse mentiri, alii rem summa astutia & calliditate versabat; sed vere dixisse: Non omnes arbores horti vobis esui permisit, aliquas exceptit.

V. 3. NE TANGEREMUS. Plerique volunt, hoc addidisse mulierem odio, & rædio præcepti; quasi illud ut superstitiosum in invidiam adduceret: cum Deus nec aspectum, nec tactum, sed eum tantum prohibuisset. Melius alii, tunc mulierem fuisse sanctam, & id ob religionem & reverentiam præcepti addidisse; quasi dicat: Præcepit nobis Deus ne comederemus; sed

nobis religio fuerit etiam vidisse, aut attigisse. Quidam, forsan Deum id etiam præcepisse, sed Moïsem divinum præceptum narrantem cap. 11. 17. subticuisse, quod hic mulier expressit. Verum id non placet. NE FORTE. ID pen aiunt idem valere quod Græcis *μὴν*, id est *ne quando*: nec esse omnino dubitantis, aut hæsitantis, sed temporis; sæpequenumero negationem simplicem notare, *ne, ut non, ut ne*. Matthæi 17. 6. redditur ex Psal. xc. 12. *μὴν, ne quando offendas ad lapidem pedem tuum.* Eodem modo Matthæi xxv. 5. *Ne quando te tradat adversarius iudici.* cap. xv. 32. *Ne quando deficiant in via.* Psal. xxvii. 17. *Ne quando supergaudeant tibi.*

V. 5. ERITIS SICUT DII. Quidam, *Sicut Angeli*, quod *Elohim* Angelos quoque significet; sed hic de Deo intelligi docet expresse vers. 22. SCIENTES BONUM ET MALUM. Aliqui interpretantur, scientes omnia; quasi dicat: Eritis multificii velut Deus. Notant, Hebræos quum volunt aliquem a varia & multiuga rerum scientia laudare, solere dicere, eum scire bonum & malum; ut e contra ignarum, & rerum omnium inscium velut infantem, nescire bonum & malum. Confirmant id ex Isaia vii. 15. *Ut sciat reprobare malum, & eligere bonum.* Et vers. 16. *Antequam sciat puer reprobare malum, & eligere bonum.* Sed ii locum Isaia non intelligunt. Rectissime Adam & Heva per scientiam ipsis a Deo inditam sciebant discernere inter bonum & malum, & plenissimam boni & mali scientiam habebant; sed fucos eis serpens faciebat, ut deciperet, & gustui fructus prohibiti mirabilem quandam vim sciendi, quæ eos propemodum Deo æquaret, & quam similissimos redderet, inesse cavillabatur: unde lapsi protoplasti suo ingenti malo experti sunt, gustato fructu, scientiam boni & mali, scilicet quantum boni perdidissent, & in quot mala incidissent: nam ab eo effectu per prolepsin dictam arboris scientiæ boni & mali, plerique existimant.

V. 6. ET PULCHRUM. *μὴν ταυὸν* nomen substantivum, *concupiscentia, desiderium, appetitus, avaritia.* Et cum hanc vocem, quæ plus, minusve vigetis & semel in Scripturis occurrit, semper Noster *desiderium* exponat, hic *pulchrum* dixit: Psal. cv. 14. *concupiscentiam*; Proverb.

xix. 22. *indignus*; & Prov. xviii. 1. *occasione*: nimirum quod desiderium ipsum, seu concupiscentia plures & magnas occasiones quærat, & capter: quæ significatio pulchre huic loco quadrat: *Et occasiones oculis*: quod visus ille pulcherrimus fructus mille occasiones obrulerit transgrediendi divinum mandatum. Ex verbo reddes: *Et concupiscentia oculis*. Et abstractum magnam vim sententiæ addit; quasi dicat: Nedom concupiscibile, sed ipsa concupiscentia erat oculis, magnopere desiderabile. **ASPECTU DELECTABILE.** וְהָיָה לְעֵינַיִךְ וְהָיָה לְעֵינַיִךְ וְהָיָה לְעֵינַיִךְ *venecbnad baghetz lehafail*. Varie reddunt: 1. *Concupiscentia arbor ad intelligendum*. 2. *Concupiscentia arbor ad intelligere faciendum*. 4. *Concupiscentia arbor ad considerate facere*. 5. *Concupiscentia arbor illa ad erudendum*. 6. *Concupiscentia arbor ad contemplandum*; id est, quod oculos contemplantium se remoretur. Observant, verbum *לְעֵינַיִךְ* *lail*, significare in omnibus actionibus & operationibus de quibus dicitur, insignem indutiam, & accuratam, & gnavam considerationem, animi intentum, & diligens studium, gnavam & strenuam operam; proprièque esse attente, scite, considerate, prudenter, solerter, industrie, strenue, gnaviter agere, caldum, industrium, prudentem esse: ex quo putant per aphæresim factum Latinum *calleo*. Atque in aliquot Scripturæ locis esse, fortunatè, feliciter, secunde, prospere agere: eo quod qui gnavus & strenuus est in rebus gerendis, & qui attente, considerate, & industrie agit, prosperos successus habeat.

Nostrè id verbum in Hiphil, ut hic ponitur, per intelligere vertit: his locis exceptis: Proverb. xix. 14. *prudentem esse*; Proverb. xvi. 20. *eruditum esse*; Daniel. xii. 3. *doctum esse*; Ierem. xxv. 7. *sapientem esse*; Psal. xciii. 8. *sapere*; Proverb. xvii. 8. *prudenter intelligere*; I. Samuel. xviii. 3. 14. *prudenter agere*: quæ omnia significata huic loco Genes. mire conveniunt. Et expetitum lignum ad prudentem, eruditum, doctum, sapientem esse, ad prudenter intelligere, ad prudenter agere, ad sapere.

Suspicio mihi est, serpentem mulieri insusurasse, fructum illius arboris eam feliciterat gustantibus instillare ut in omnibus considerate, prudenter, industrie se gererent; atque omnia iis prospere, fortuna-

te, feliciter succederent: ut Homericam Moly, de qua Plinius Lib. XXV. cap. iv. versionem Nostrè, Hebræorum etiam nonnulli probant, teste Kimchi.

VIRO SUO. Addunt Hebræi particulam *וְהָיָה* *ghimnah*, *viro suo cum ea*, vel *viro suo secum*. Quidam exponunt: *Dedit viro suo, qui cum ea, vel secum erat*. Hinc aliqui volunt, Hevam seductam fuisse præsentè Adamo viro suo. Verum Hebræi subaudiunt, *ut ederet*, sicque coniungunt: *Dedit viro suo, ut ederet una cum ipsa*, vel ut secum simul comederet. Unde nonnulli inferunt, Hevam bis comedis- se, primum absente marito, iterum ipso præsentè, ut cum ad eum pelliceret. Quod non probè: rectius est, ut illud *cum ea* idem sit quod comedit ipse ut ipsa comederat; vel quod Adam præsens interfuerit colloquio serpentis & Hevæ, & huius seductioni. Præclare Paulus I. Timoth. ii. 14. *Adam non est seductus; at mulier seducta in transgressione fuit*: quia & serpens decepit Hevam, & mulier serpenti credidit: at Heva nec voluit decipere Adamum; nec Adam eius, aut colubri verbis fidem habuit; sed superbia & amore uxoris, ne contristaret delicias cordis sui, lapsus est.

Vers. 7. ET APERTI SUNT OCULI AMBORUM: CUMQUE COGNOVISSENT SE ESSE NUDOS. Hanc partem illuminat postremus versus præcedentis capitis. In sanctitate & iustitia originali, tametsi nudi essent, non eis erat pudor, uti pueris & infantibus. Amissa gratia & sanctitate cœperunt sentire, curare, vereri suam nuditatem ut pudendam: cœpit eis eos pudere, ipsi erubescere, verecundari, ut pueri iam adulescentes, cum se nudos vident. Alii ad motus carnis, & genitalium membrorum referunt, quos iam sentire & experiri cœperunt turpes & pudendos. Nonnulli aptos oculos mentis interpretantur ad discernendum inter bonum quod amiserant, & malum in quod inciderant; & magno suo malo experiri, quod coluber vere, sed vafre eis verè. 5. dixerat: *Aperiuntur oculi vestri, scienter bonum & malum. Converserunt, concinnarunt, aptarunt*: alii, *convixerunt*. **FOLIA.** Hebr. singulariter *folium*, sed collectivè, folia, frondes. Forsan singulari est usus, ob magnitudinem: nam unum folium ficus Indicæ ante, & aliud

aliud retro, poterat succingere totum hominem: tantæ enim magnitudinis traduntur folia ficus Indicæ, ut clypeum, aut scutum æquent. Vide nostrum Paradisum, cap. XVI. PERIZOMATA. חֲבוּרֹת חֲבוּרֹת, eincloria, cingula, zonæ, succinctoria, subligaria, subligacula, lumbaria, subventralia. Quidam dixerunt *campestris*, quibus pudenda tegerent. Aërorum XIX. 12. redditum videtur *semicindlia*. Hebræa vox & sono, & significatione cum Hispanica *cogedoras*, vel *bragas* consentit.

V. 8. VOCEM DOMINI. Tonitruum, seu fragorem ingentem, quidam intelligunt, e Psal. XXVIII. 3. & seqq. ridicule strepitum, seu levem quendam sonum advenientis Dei, vel signa aliqua præsentis dominicæ melius accipimus. DEAMBULANTIS. Quidam Hebræorum ad vocem referunt *deambulantem*, id est incedentem, & crescentem: nam ambulationi voci tribuitur Exodi XIX. 19. Ierem. XLVI. 22. מִתַּלְעֵךְ *mitallech*, participium Hithpahal, seriam spatiofam deambulationem, ex instituto susceptam, veluti levandi, & laxandi animi causa designat: ut quam segniter & otiose Deus ad puniendum hominem pigresceret, indicaret. AD AURAM POST MERIDIEM. Hebr. *Ad spiritum*, seu *ventum* diem; id est, in ea diei parte qua aura resfaret, & vocem subinde ad aures eorum reportaret. Quidam de matutino tempore accipiunt, quando solet aura consurgere. Hebræi, & Nostri melius de postmeridiano, seu subvespertino. Cant. II. 17. *Dones adspiret dies, & inclinetur umbra*. Alii: *Ad respirationem diei*; id est, quo tempore est respiratio, & refrigerium diei, seu aeris: unde nonnulli: *Ad refrigerationem diei*, nempe quando declinat dies, cum zephyri incipiunt sese attollere, sub meridiem enim flare solent, teste Aristotele in Problematis. Maro III. Georgicorum.

Solis ad occasum, cum frigidus aëra vesper

Temperat.

Non desunt ex Hebræis qui reddant: *Ad ventum diei*; id est, ad eam partem ubi venti in die spirare accipiunt, nempe ab occidentali parte horti, ubi sol occumbat, & ventus siliat: ab ea enim parte zephyri consurgunt. Mysterio id serviat, quod ab occidente paradisi, nempe a monte Calvarie salus ventura erat generi hu-

mano lapso. ET ABSCONDIT. יִיחַבֵּה *iichabe*, in Hithpahal, magnas latebras, metum, & festinationem abscondendi sese designat. IN MEDIO LIGNI, vel *arboris*. Alii, *In medio arborum*: aiunt positum singulare pro plurali phrasi Hebræica; id est, inter arbores horti, vel in ea parte horti, quæ arboribus densissima erat. Quidam, *Inter arbores*, nempe in medias arbores, densaque paradisi nemora se intulerunt. Nec a vero ab simile ut intra illud topiarium, seu fornicatum opus, quod sola una Indica ficus efficere solet, ex variis propaginibus, & stolonibus, sese protoplasti abdidierint: nam mille equites sub una sicu meridiana, Auctores produunt: ac proinde dixisse, *In medio ligni*, vel *arboris*. Videmus ingentes arborum truncos intus exelos, & cavos tutorum hominum capaces; sed tunc initio rerum, & in paradiso non erant eiusmodi.

V. 9. VOCAVIT DOMINUS DEUS AD ADAM. קָרָא *kara*, constructum hic cum *me*, *Vocavit ad Adam*, vim quamdam habet, quasi inclamaverit, & magna voce excierit latentes. UBI ES: אֵינְךָ *iiecab*, aliqui reddunt, *Ubi tibi, ubi tibi*: frigide & aliene.

V. 12. MIHI SOCIAM. קָדַם *ghimma*, id est *meum*, *iuxta me*, quasi adstantem mihi, & in loco ubi ego sto; sive dicas, coadstantem mihi, coadstatricem meam. A verbo קָדַם *ghamad*, & pronomine primæ personæ, cum quo solo hæc particula iungitur.

V. 13. DECEPIT ME. Verbum דָּחַק *bischia*, in Hiphil, ut hic ponitur, magnam deceptionem, & seductionem, versutam impolturnam serpentis indicat. In hæc coniugatione quatuordecies in Scriptura occurrit, & Noster pluries per *decipere*, vel *seducere* convertit, nisi his locis: Psal. LXXXVIII. 23. *proficere*; Abdiæ vers. 7. *iludere*; ibidem vers. 3. *efferre*; Psal. LII. 16. *venire*; Isaiæ XXXVII. 26. *eradicare*; II. Reg. XIX. 25. *esse in ruinam*; quæ omnes significationes apte huic loco quadrent. I. *Serpens profecit in me*, obtinuit quod volebat. II. *Proficere me fecit*: ironice, scilicet evasi pulchre sciens bonum & malum tamquam Deus. III. *Ilasse mihi*, amplissime, ac feliciter pro voto. IV. *Extulit me*, superbia, vel ironice, ad dignitatem divinam, aut me extra me tulit:

facome de mi: seu tulit mihi omnia bona, perdidit me. V. Venit mihi, venit in me, aut circumvenit me. VI. Eradicavit me, valide insertam & plantatam in iustitia, & sanctitate originali. VII. Fuit mihi in ruinam, sane maximam, quæ totum genus humanum hausit.

Notant verbum נָשָׂא *nasa* significare *obruere aliquem, obtundere, clamoribus, verbis, & argumentis fallacibus, persuasibilibus, & arte sophistica obrudere*: quod hic mire in serpentem congruit. Aliqui consentiente voce exponunt: *Concitet me in massam*. Hispanice: *Cogiome en el garlito*. Alii: *Persuasit mihi, concitavit*. Nonnulli: *Oppressit me, vel desolavit me*; ut conveniat cum verbo נָשָׂא *sebaab*. Nec desunt qui: *Abduxit me, vel sublevavit me*; id est, abduxit me a vero & recto, & sublevavit me in vanitatem, & appetitum sciendi bonum & malum.

ET COMEDI. כָּלַךְ *ocal*, participium præfens masculinum idem omnino quod in præcedenti versu, viro tribuitur: & *comedens sui*, vel & *comedo*. Sic enim Latini interdum loquuntur, & rem præteritam per præfens enuntiant, ut quasi ob oculos ponant. Nec sine mysterio mulieri tribuitur participium masculinum, ut animum masculinum, superbum, ac validum ad transgrediendum Dei præceptum innueret; vel ut unum idemque peccatum mulieris & viri eius indicaret, quod præcipue masculinum erat: nam si sola Heva peccasset, non nocuisset generi: ex sola enim traducere virilis seminis propagatur peccatum in posterum.

V. 14. MALEDICTUS. אָרָר *arur* interpretantur *maledictus, execratus, corrosus, disceptus, laceratus, dilaniatus, compunctus, transfixus*; nimirum ex vicinis & agnatis verbis. PECTUS TUUM. חַיִּי *gi-ebon*, ventrem exponunt, propriè animalis reptilis quo se protendit, proripit, proserpit, corrugando & porrigendo sese. Bis tantum in Scriptura reperitur, hic, & Leviticus xi. vers. 42. & Noster utrobique *pectus* convertit. Quidam existimant, serpentem antea erectum super pedes incessisse; sed in penam a Deo ablatos ei pedes, & iussu ventre proterpere. Cibo decepti primos parentes, cibo punitur, cum iubetur eum ventre reptando premere, & pulverem esse, cum antea herbis, & fructibus

viçtitaret. Apollonius in Mirabili Historia inquit: *Aristoteles in Dissertionum selectis Annotationibus, in Papho scribit, serpentem conspectum, qui duos pedes haberet, perinde ac crocodilus*. Plinius Lib. II. cap. XLVII. *Visa iam etiam serpentes anserinis pedibus*. ET PULVEREM COMEDES. יֹאֵל *lax*. 25. Michææ vii. 17. Hoc loco super ventrem gradi, & terram comedere, quidam figurate dictum putant, pro versari in imis, & obscurissimis cavernis terræ, angustissimum, & non altis: sunt enim cavernæ multæ ita angustæ & depressæ ut in illis nemo erigere se possit, nisi manibus exporrectis innitatur. Sed proprie hæc sunt proculdubio intelligenda. Virgilius II. Georgic.

Et sopbus scaberet nigris exesa chelydris

Crita: negant alias aque serpentibus agros

Dulcem ferre cibum, & curvas præbere lacerat.

V. 15. INIMICITIAS. Heb. singulare, *inimicitium, malevolentiam, odium*, ut æterna tot sæculorum dissidia sint una continua, & interminabilis inimicitia. P. NAM. Futurum אָשִׁיב *aschib*, Hiphil emphasim habet; quasi dicat, æternum positæ erunt. INTER SEMEN TUUM, id est eos quos in malitia, & impietate genueris. IPSA. Non est repudianda lectio hæc semineæ. Sed præferenda profecto neutra, IPSUM, semen, quod est Christus; vel potius masculea. IPSE, semen, quod Hebraice est masculinum; vel melius ad sensum, Christus, quam & multi codices vulgatæ editionis etiam serunt. Et sane utraque, neutra, & masculina eadem omnino est, ut gloria redemptionis in solidum Christo servetur. Nota, dici hic Christum antonomasice semen mulieris, quia ex Virgine sola, sine virili semine natus, infra cap. xli. vers. 10. & Isai. vii. vers. 14. Matth. i. vers. 22. CONTERET TIBI. יִשְׁחַץ *ieschupheca*, verbum masculinum, *conteret te*. Variè exponunt: quidam: *Ipsum obruet tibi caput*. Alii: *Ipsum percussiet te capite*. Nonnulli: *Ipsam quatiet tibi caput*. Aliqui: *Ipsam contundet te in capite*. Alii: *Ipsam concutiet tibi caput*. ET TU INSIDIABERIS CALCANEOLUS. Idem est verbum יִשְׁחַץ *ieschupheca*, masculinum, & pronomem אֲנִי *nu*, item masculinum *conteret cum*.

eum. *שׁוֹף* *schupb* quater tantum in Scriptura occurrit, hoc versu bis: priori hemistichio *Noster conterere vertit*; posteriori isto *insidiari*; Iob ix. 17. *conterere*; Psalm. cxxxviii. 1. *concucare*; quæ significatio mire hic convenit: *Ipse concucabit te caput*; *Et tu concucabis eum calcaneum*. Hoc ergo hemistichium alii sic reddunt: *Et tu obrues ei calcaneum*; 2. *Et tu percutes illud calcaneo*; 3. *Et tu quaties illi calcaneum*; 4. *Et tu sufflabis eum calcaneo*. Serpens enim quando venit ad mordendum, sufflat, id est sibilat. Aiunt, *שׁוֹף* *suph*, ex agnatis verbis נָשַׁף *nashaph*. & שָׁפַח *schaphach*, esse *sessinanter obruere afflatu*, seu *anbelitu*. Aliis est *quassare, concucere, conterere quatiendo*. Nonnullis *præcipitare, in præceps ruere*. Ego ex sono vocis *sufflare, afflare* putarem. Unde illud Psal. cxxxviii. 11. *Tenebræ concucabant me*: possit exponi: *Tenebræ afflabant me*, seu *afflatu obruent*: ut de Iride dixit Maro V. Aeneidos:

Et me serpens equis oriens afflavit anbelis.

Et Iob ix. 17. *Qui in turbine afflabit afflatu obruet* me. Non desunt qui existiment, ab hoc verbo esse שִׁפְפוֹן *schepphophon*; serpentis genus virulentissimum, quod flatu obruat, seu opprimat, uti basiliscus: ac proinde suspicentur hunc esse, qui Hevæ seduxit, ut verbo *schuph*, quo hic utitur Dominus voluerit alludere ad nomen *schepphophon*, & serpenti pœ-am nominis sui infligere; quasi dicat: Tu es *schepphophon*, flatu obruens; sed ipsum semen mulieris afflatu obruet tibi caput; & tu afflatu obrues ei calcaneum. Vide me Lib. III. de Antichristo, cap. vii. Ad hunc locum proculdubio respexit Paulus Rom. xvi. 20. *Deus autem pacis conteret satanæ sub pedibus vestris velociter*: ubi per illud, *conterere velociter*, videtur voluisse exprimere vim verbi, שִׁפְפוֹן *schepphophon*, quod hic ponitur: nam, ut paulo ante dicebam, illud exponunt, festinanter afflare, obruere, conterere veluti turbine. CALCANEO RIV. 9. *גִּבְעָה* *ghakeb*, *calc*, *calcaneus*, *planta pedis*, *vestigium*; & quia calcaneus seu planta postremum est in animante, transiitur ad finem, seu extremitatem alicuius rei significandam. *Noster*, Genes. xli. 19. *retrosum* dixit: unde hic exponunt; *Et tu obrues eum retrosum*, a tergo, ex insidiis.

Huc forsitan respexit Iacob Genes. xli. 17. de *schepphophon* serpente: *Mordens calcaneos equi*; & *cadet equitans eum retrosum*. *Ghakeb*, *insidias* aliqui explicant, Iosue viii. 13. & hic vertunt: *Et obrues eum insidiis*, fraude, dolo. *Noster*, Psal. xl. 10. *supplantationem* dixit: nec aliene hic: *Et tu obrues eum supplantatione*. Psalm. lxxxviii. 51. *commutationem* vertit, quod hic etiam quadret: *Et tu conteres eum commutatione*; id est, mutuo reddes ei vicem: vel re commutando, spiris, ambagibus, mutando artes. *Noster*, Iosue viii. 13. *novissimum*, dixit: unde hic recte explices: *Et tu obrues eum huc*, novissimo, extremo: nimirum quod novissimis temporibus, & in fine mundi satanas per antichristum violentissimo turbine, & veluti torius inferni afflatu, pene obruturus sit Ecclesiam, & nomen Christi. Vide me Lib. IX. de Antichristo, cap. xv.

V. 16. MULTIPLICABO. רָבַח *arbah* *barba arbeh*, *multiplicare multiplicabo*. Geminatio verbi, & coniunctio Hiphil indicant, multos, magnos, & perennes futuros dolores mulieris, & immensum multiplicandos, & cumulatissime augendos. AERUMNAS TUAS. *עֲצָרָה* *ghizabon* ter tantum reperitur in Scriptura. *Noster* hic *aerumnas*; vers. 17. & Genes. v. 29. *labores* interpretatus est. Aiunt, proprie esse dolorem, maiorem, tristitiam, angustiam, compressionem, laborem, molestiam, fatigationem. Suspicio: Nun additum ad auxilium dolaris, quem gravissimum, & acutissimum esse in hoc sexu voluit Deus. ET CONCEPTUS TUOS. *בְּרֵן* *beron*, non alibi invenitur, *conceptum*, *conceptionem*, *graviditatem*, *ingravidationem*, *impregnationem*, *gestationem uteri*, exponunt. Atqui hac pœna comprehendit voluit molestias menstruorum, devirginationem, pudorem, dolorem, fastidia, gestationem uteri tam diuturnam, lassitudines, pericula abortus, angustias quæ mulieres sustinent a conceptione ad partum, & alia id genus, quæ late enumerant Aristoteles VII. de Historia Animalium. & Plinius Lib. VII. cap. vi. & vii. Virgilius Ecloga iv.

Matri longa decem tulerunt fastidia menses.

Quidam vertunt, *setum tuum*: quod ex multiplicatione partuum multiplicentur dolores, & pœnula mulieribus. Quidam red-

reddunt: *Admodum multiplicabo dolorem tuum, etiam conceptus tui*; id est, inde a conceptu dolore coniuncta erunt gestatio, partus, educatio, & cura liberorum; quam ad functionem obendum viro iungeris: I. Timoth. 11. 15. *IN DOLORE PARES, FILIOS*, educabique: synecdoche, ut infra cap. xxv. 19. & L. 23. *ET SUB VI-RI POTESTATE ERIS*. Varie locum ex fonte reddunt: *Et ad virum tuum appetitus tuus*, vel *concupiscentia tua*, vel *desiderium tuum*: quod etiam multipliciter intelligunt. I. Maximi tibi erunt dolores conceptus, & partus; & nec sic tamen post partum refugies congressum viri tui. II. Non tibi aliud appetendum erit, nisi quod volet maritus tuus: negat eam fore liberam, ac proprii iuris, sed mariti sui arbitrio & imperio addictam, ut ab eius nutu pendeat. III. Flagranter appetes, concupisces virum, ut illud Aristotelis: *Sicut femina appetit virum*: nedum ut suam perfectionem, sed vitio naturæ intemperanter. Quidam: *Et ad virum tuum incurso, accurso, occurso tua*. Significat autem illam accursionem, quæ spontanea esse debeat mulieris inclinatio ad virum suum, sicut potentia loco motiva obsequens est menti restricti. Nonnulli: *Et ad virum tuum decursus, defluxus tuus*. Omnes decursus, negotia, actiones referes ad virum tuum: nihil sine eo ages. Alii: *Et ad virum tuum prompta voluntas, obsequentia, auscultatio, obedientia tua*. Nec defunt qui: *Et ad virum tuum illecebra tua*: quod mulier sit illecebra, voluptas, & deliciæ viri.

Noster vocem *יִשְׁכַּבְּכָהּ* *ishebukab* quæ tantum reperitur in sacris litteris, hic *potestatem*, cap. iv. 7. *appetitum*, Cant. vii. 10. *conversionem* interpretatus est. Unde hic recte expones: *Et ad virum tuum conversio tua*. Quod mulier semper respicere virum debeat, intueri, & ab eo in omnibus pendere. Nec prorsus alienum erit: *Et ad virum tuum condescitatio, tibitatio tua*, a *יָצַב* *sebok*, *concedere, tibia*, vel *se-more*; quæ dicitur: Iunges, suppones coxendicem, tibiam, femur, armum viro tuo ad procreationem generis humani; & in hoc maxime eius libidini subiecta eris. Multoties femina respuit congressum, quem pati coguntur. Nec defunt qui reddant: *Ad virum tuum acclinatio tua*: de cultu, respectu, veneratione, reverentia mulieris ad

virum suum. *ET IPSE DOMINABITUR TUI*. *מַשְׁכֵּל* *maschal* proprie *potestatem, ius, auctoritatem, dominium, eminentiam, excellentiam habebit in te*. I. Timoth. 11. 12. & I. Corinth. xiv. 34. Paulus videtur exposuisse per *auctoritatem habere, authenticari, authenticum esse*.

V. 17. *MALEDICTA*, execrata. Vide vers. 14. Maledictio hic significat sterilitatem, angustiam, & difficultatem fructuum; sicut benedictio copiam, abundantiam, fertilitatem. Hebræor. vi. 7. 8. *IN OPERE TUO*. Hebræi codices constanter habent, *בְּעֵינֶיךָ* *baghabureca*, cum *רֵס* *Res*, exponuntque: *Propter te, tui causa, propter peccatum tuum, propter opus*, quod admisti: & id esse volunt quod Nolter ait, *In opere tuo*: ex verbo, in *transiptione tua*, id est in transgressionem tua. Ut fons est secundus, possis exponere: *In frumento tuo præteritis anni*; id est, non fundat tibi frumentum, quod serueris in annum sequentem: *עֲבָרָה* *ghabur* enim *frumentum præteritis anni* significare aiunt, Iosue vi. 11. 12. ubi Nolter *fruges* exponit, ut hic recte veritas: *Maledicta terra in frugibus tuis*. Aliiter: *Maledicta terra in transitu tuo*: quod potest explicari duplici Hispanismo, seu Hebraismo: *Maledicta la tierra por donde passares, o que pisares*: vel *maldita la tierra en tu passar*. Commeatum & victum Hispanice dicimus, *passar*, id est transire, transigere. *Fulano tiene en que passar, lo passa bien*. Ac si dicat, execrata terra in victu & commeatu tuo, ægre tibi ac difficulter victum suppedabit. Quidam existimant litterarum facili similitudine Noltrum legisse *בְּעֵינֶיךָ* *baghabudeca*, in *servitute tua*, in *cultura tua*, seu in *opere tuo*, culturæ scilicet. *IN LABORIBUS*: singulare, ut vers. 16. in dolore, angustia, molestia, tristitia, mærore, fatigatione, compressione; quasi dicat, in summa calamitate, difficultate, labore, ærumna. Et utinam non experiremur tanto nostro damno.

V. 18. *SPINAS*. *קָקַץ* *kotz* singulare. Duodecies hæc vox occurrit in Scriptura, & semper Nolter *spinam*, seu *spinas* convertit, nisi Olee x. 8. ubi *sappan* dixit, quæ est herba lanificio infesta. Virgilius I. Georgicorum:

Lappaque, tribulique absint.

Alii hic *carduum* interpretantur, seu lactucam asininam. *ET TRIBULUM*. *דָּרְדָּר* *dar-*

dardar, non nisi in singulari & bis tantum occurrit, hic, & Osee x. 8. Quidam *carduum* intelligunt, qui inter fruges enascitur, & est asnerum cibus. Paulus Hebraeor. vi. 8. utramque vocem per *ἀνάρτας*, & *καρδύδης*, reddidit. Aliqui *ulmum silvestrem*, quam eadem voce ab Arabibus appellari, auctore Serapione medico notant. GERMINABIT TIBI. תצמיח *tatzmiach*, proprie *germinare*, *pullulare*, *progerminare*, *succrescere faciet*. Et formula Hiphil magnam copiam, vim, & fecunditatem germinandi hæc aspera, & infrugifera demonstrat. Et COMEDES HERBAM; quasi dicat: Non amplius iam deliciis paradisi frueris, nec vesceris eius delicatissimis, & suavissimis fructibus, sed ut iumentum herbas pascas.

V. 19. IN SUDORE VULTUS TUI. זָהָב *zehab*, sudorem exponunt, qui ex labore, & commotione, seu agitatione causatur: *vultus tui*, proprie, *nasi tui*, vel *narium tuarum*: quod natus in labore primum sudare incipiat. Quidam exponunt: Id est, quodeumque sequaris vitæ genus, laboriosa, & ærumnosa esto vita tua: *synecdoche*.

V. 22. ECCE ADAM QUASI UNUS EX NOBIS FACTUS EST. Quidam nolunt esse ironiam, sed interrogative legunt: *Ecce homo, esse sicut unus ex nobis cognoscendo bonum & malum?* quasi dicat: Quam diversus est hic eius status ab illo in quem eum condidimus! Tunc erat sciens & obtinens bonum, & sciens & abstinens malum; nunc reiecto bono amplexus est malum, quod assequutus est miser. NUNC ERGO NE FORTE MITTAT. Aiunt esse eclypticam orationem Atticis persamiliarum, qualis esse solet hominis aliquo affectu perturbati aut commoti: supplendamque hoc modo: *Nunc igitur periculum est: vel nunc igitur videndum ne extendat manum suam*, &c. Sic infra cap. xi. 4. cap. xii. 4. Iudicum xv. 12. Act. v. ver. 39. & II. Corinth. viii. ver. 7. II. Reg. ii. ver. 16. Ierem. li. 46.

V. 24. CHERUBIM. Varie huius vocis etymon elucidant; sed illud usitatus est, ut cum transposito *כַּרַב* *racab* conferant: ut sint quasi *volucres*, *pennigeri*, *volantes*, *equitantes*, *vehentes*. Hic sanctos & spirituales Angelos omnino intelligendos esse, non est dubium. Notantque, Moſen indu-

ſtrie ſanctos inviſibiles Angelos hoc nomine appellaviſſe, ut ſe ad captum populi accommodaret, cui noti erant Cherubim arcæ, ſeu propitiatorii, nimirum ut populus nomine noto, & quaſi viſibili, melius comprehenderet Angelos inviſibiles. Quidam etiam cum *כַּרַב* *barac* conferunt, quod Angeli continuo benedicant Deum. Longius alii a *כַּרַב* *karab*, *appropinquare*, quod ſuperni illi ſpiritus ſubito adveniunt, ac prælo ſunt; vel quod Deo appropinquant tamquam miniſtri familiares. FLAMMEUM GLADIUM. וְהָיָה לָהֶם חֶרֶב *labat bachereb*. Vido paranomaſiam, *כַּרְבִּים* *Cberubim*; & *וְהָיָה לָהֶם חֶרֶב* *labat bachereb*, id eſt *flammam gladii*. Intelligunt laminam, ſeu aciem gladii, politam, terſam, fulgentem, rutilantem, vibrantem: nam gladius politus & ſplendens eſt flammæ ſimilis. Sic poetæ fulgentibus armis tribuunt. Maro VIII. Aeneid.

Terribilem cxiſtis galeam, flammæque vomerem.

Et Lib. IV.

— Vaginaque eripit enſem

Fulmineum.

Et Noſter alio vocabulo Nahum iii. 3. *וְלָבַת פִּלֵּמָה* *labat flamma*, *lamina gladii*, dixit *micanthis gladii*. Atque illud Noſtri hic, *flammeum gladium*, idem erit quod *enſem fulmineum*. Sed verius pato, fuiſſe revera magnas rhomphæas non ferreas, aut æreas, ſed igneas, quaſi flammæ quæ protoplaſtos terrent, & arcerent ab ingreſſu paradifi; ut *flamma gladii* per enallagem, ſit *gladius flammæ*, ſeu ignis. ATQUE VERSATILEM. Participium ſemineum מְחַוֵּכֶת *hammitbappeceb* non recte conſtructum cum *labat flamma*, *lamina*, quæ eſt maſculini generis; ſed cum *chereb gladio*, qui eſt feminini. Itaque dicemus: *Flammam gladii verſatilis*. Unde non tam apte quidem: *Et aciem gladii verſatilem*, vel *verſam*, ſeu *vertentem ſeſe*, ad cuſtodiam ligni vitæ, quaſi acies gladii obverſa eſſet ad arborem vitæ: Non pauci *hammitbappeceb* exponunt, *vertentis ſeſe*, id eſt gladii ancipitis, bicipitis, binas acies habentis, utrimque acuti, & ſcindentis: ut fuerint ſpecies ingentium enſium ſtriſtorum, politorum, & fulgentium, quaſe Hiſpanici *montantes*. Melius alii, quod veloci & crebra agitatione quam citiſſime verſarentur, evibrarentur, rotarentur a Cherubinis, terriblem in modum micantes ac fulminantes; & quaſi ſciſtilas

las ac flammæ eiaculantes, quo intuentium oculi non sine horrore perstringerentur. Et formula Hithpahel concitatissimam & celerissimam versationem & agitationem significat. Plures erant Cherubini; plures quoque fuisse gladios flammantes, ut quisque suum teneret, eruditi censent; singulareque positum pro plurali. Apparuisse etiam Cherubinos forma visibili & spectabili, humana specie maiores, ea nimirum qua postea in propitatorio expressi fuisse, doctiores existimant; ac si diceret: Collocavit Angelos habentes formam humanam, qui instar cohortis prætorie excubias agebant, & apparebant strictis ensibus fulgurantibus, ac splendentibus, quos ipsi celeriter versabant, rotabant, agitabant, more militum, custodientes, ne quis accederet ad arborem vitæ. Erat hæc quasi statio quædam militaris. Totam hanc de paradiso voluptatis translationem late elucidavimus peculiari opere, quod Romæ edidimus anno M. DCV.

MENOCHII.

Vers. 1. SERPENS ERAT CALLIDIOR CUNCTIS ANIMANTIBUS. In serpentem natura sua callidum, & vasum vaser diabolus congrue ingressus, in eius ore, quasi in organo certa ratione moto, vocem humanam effinxit. Et admirata quidem est Eva eum loquentem, & suspicata id quod erat, altiori nimirum vi id fieri; sed metus aberat, quia necdum peccarat, & sciebat se Deo curæ esse. CUR PRÆCEPIT? quasi dicat, cum omnes suavissimi sint, & salutares. DE OMNI. Ambiguum est an dicat de ullo, an vero de aliquo tantum neget, sic verba temperas ut possit deprehensus dicere se de una tantum arbore sensisse, non de omnibus: & hinc recognosce a quo didicerint hæretici sacram Scripturam citare, & corrumpere.

V. 3. DE FRUCTU VERO: de illo tamen pretiosissimo non licet. Hebraice, arbori articulus additur, ut videas iam nonnihil commotam. ET NE TANGERE MUS. Tædio, & odio præcepti, addens de suo invidiosa exaggerat: Deus enim nec aspectum, nec tactum, sed esum tantum prohibuerat. Ita D. Ambros. Lib. de Parad. cap. xii. Vel Eva adhuc integra,

& sancta ex religione, & reverentia divini præcepti hoc dixit, quasi ne tangendum quidem pomum, quo vesci non liceret. NE FORTE MORIAMUR. Deus absolute affirmarat, *Moriemini*; mulier dubitat; diabolus negat.

V. 4. NEQUAQUAM MORIEMINI. In hoc diaboli sermone, quem cum Eva habuit, aliquot mendacia continentur. I. *Non moriemini*. II. *Aperientur oculi vestri*. III. *Eritis sicut dii*. IV. *Scietis bonum & malum*.

V. 5. SCITENIM DEUS, &c. Sensus est: Deus non ignorat hanc arborem vobis utilissimam esse, utpote quæ rerum omnium cognitionem posuit solo esu asserere. Cumque bonus sit, & vestri curam gerat, non est putandus voluisse vos hoc bono privare. IN QUOCUMQUE DIE, in quocumque momento. APERIENTUR OCULI VESTRI: adeo perspicacia intelligentiæ efficiemini, ut merito sitis existimaturi vos antea cæcos fuisse. ERITIS SICUT DII, similitudine quadam sapientiæ, & omniscientiæ. SCIENTES BONUM ET MALUM, est Hebraismus: scietis omnia quæcumque vel bona sunt, vel mala; vera, vel falsa; necessaria, vel contingentia, &c.

V. 6. VIDIT IGITUR MULIER, non simplici, ut ante, aspectu, sed concupiscentes, cupia gustandi, curiose, & attente pomum considerans. PULCHRUM Oculis. Heb. *Desiderium oculorum*. Chaldaus: *Sanitas oculorum*; hoc est, cibis pastusque oculorum. ASPECTUQUE DELECTABILE. Dignam esse arborem attenta pulchritudinis eius consideratione. Chaldaus. *Arbor delectabilis ad intuemum in eam*. COMEDIT, primum sola: cum placeret pomum, tulit ad virum; vel Adam supervenit comedenti.

Vers. 7. APERTI SUNT OCULI EORUM, ut adverterent suam nuditatem, motus concupiscentiæ rebelles rationi experientur, intelligerent se bonum iustitiæ originalis amisisse per peccatum, cognoscerentque Dei sententiam esse veram, dæmonem autem mendacem. VIDERUNT SE. Viderant ante, sed non adverterant. NUUDOS, amictu corporis (hoc oculis corporis viderunt) & ex motu membrorum oculis mentis viderunt se stola gratiæ nudatos. CONSERUNT, ramulculos teneriores circum latera plectentes, ut foliis pendulis verem-

verenda occultarentur. **FICUS**: quia est arbor latifolia, & fortassis erat in proximo. **PERIZOMATA**, lumbaria, seu ventralia, subligacula.

V. 8. VOCEM DOMINI, strepitum ex concussione arborum a Deo excitatum: nam quasi ad vestigia Dei venientis a longe, & per arbores gradientis concutiebantur. Alii accipiunt pro voce loquentis, & irati Dei dicentis: *Adam ubi es?* **AD AURAM POST MERIDIEM**: puta inclinate die, quando aspirare solent lenes zephyri, & aura ab hominibus diurno aestu fatigatis captari. **ABSCONDIT SE IN MEDIO LIGNI**, id est lignorum, inter arbores densissimas paradisi: enallage numeri, singulare pro plurali.

V. 9. UBI ES? S. Ambros. Lib. de Parad. cap. xiv. *Ubi es*, inquit, *tua bene tibi conscia confidentia?* *Timor iste culpam facit, latebra praevaricationem.* *Ubi es ergo?* *Non in quo loco quero, sed in quositu.* *Quo te deduxerunt peccata tua, ut fuisset Deum tuum, quem ante querebas?*

V. 10. TIMUI, erubui.

V. 12. MULIER, lusus in principio est accusator sui. Nobis Adam praestitit quærendæ excusationis in peccatis; deinde culpam in uxorem, quin & in ipsum Deum derivat. Peccavi quidem, sed non peccassem, nisi tu mihi talem vitæ sociam adiunxisses, non fecisses adeo & persuadere aptam coniugem: debebas prævidere.

V. 13. DIXIT DOMINUS AD MULIEREM. Adæ excusationem ut frivolam, & poena, quam excusatione digniorem, sicut & mox Evæ, præterit. **SERPENS DECEPIT ME**; quasi dicat: Serpens, quem tu creasti, & inter nos hic degere permisti, cui tantum versutiae tribuisti. Itaque etiam mulier culpam in Deum derivare videtur.

V. 14. MALEDICTUS ES INTER OMNIA ANIMANTIA. Conveniunt hæc & serpenti, & dæmoni. Serpens est maledictus, quia abominabilis, horridus, venenatus, noxius animalibus, & præsertim homini. Pariter dæmon veneno peccati infectus, & infestus hominibus. **SUPER PECTUS GRADIERIS**. Quæ priuserant serpenti naturalia, iam illi in poenam, & infamiam versa. Sic mors humano corpori ex elementis contrariis composita est na-

turalis, post peccatum est etiam poena peccati. Sic iris ante naturalis, post Noe coepit esse signum pacti inter Noe hominemque, & inter Deum initi. Porro dæmon serpens antiquus super pectus graditur, quia iam non caelestia, ut olim cum esset Angelus, sed terrena, & umilia cogitat. **TERRAM COMEDES**, pulverem, ut alibi solet vertere, Isa. lxxv. 25. *Serpenti pulvis eius*. Miche. vii. 17. *Lingem pulverem sicut serpentes*.

V. 15. INIMICITIAS, apertas & in nocendi actum crumpentes. **CONTERET CAPUT TUUM**: ipsa, & semen ipsius conteret caput tuum, quod potissimum petendum cum serpens necandus est. Dæmoni etiam ista conveniunt: nam mulier per semen suum, scilicet per Christum, caput serpentis inferni contrivit. **INSIDIABERIS**: nam serpens humi reptans, & calcatus plantam petat necesse est, si se ulcisci velit. *Caput serpentis conterimus* (inquit S. Greg. Lib. I. Moral. cap. xxxviii.) *cum initia temptationis a corde extirpamus, & tunc ipse insidiatur calcaneo nostro, quia finem bonæ actionis callidius, & potentius oppugnat*.

Vers. 16. AERUMNAS, ET CONCEPTUS, id est ærumnas conceptum. Notum quam multa sint mulierum incommoda cum uterum gerunt. **IN DOLORE PARIES**. Hunc dolorem alioquin naturalem mulier in statu innocentie Dei beneficio effugisset. **SUB VIRI POTESTATE ERIS**. Iarebis viro, non ut prius, semper sponte; sed interdum ingratis, & invita.

V. 17. MALEDICTA TERRA, privata benedictione fertilitatis spontaneæ, qualis in paradiso. **IN OPERE TUO**. Hebraice, *propter te*, id est propter peccatum tuum. Theodotion vertit: *In transgressionibus tuis*. **EX EA**, ex eius proventu.

V. 18. SPINAS, ET TRIBULOS: non ut antea paucos, & paucis locis, sed copiose, & passim **HERBAM TERRÆ**. Hebræi herbam terræ, vel agri vocant viliores herbas, quæ sunt iumentis, & aliis bestiis communes.

V. 19. SUDORE VULTUS: quia hinc copiosius sudor erumpit. **PANE**. Panis quemvis cibum significat. **QUIA PULVIS ES &c.** En poena peccati mors. *Deus crea-*

vit hominem inexterminabilem; invidia autem diaboli mors introivit in orbem terrarum. Sap. 11. 23.

V. 20. EVA. Viva, seu vivens. LXX. vertunt, *ζωή* vita. Se & uxorem ad mortem a Deo damnatos solatur Adam, quod per Evam gignet posteros viventes, in quibus ipsi quasi parentes in filiis victuri sint perenniter.

V. 21. TUNICAS PELLICEAS. Vel Deus de nihilo creavit; vel Adam animalibus mactatis pelles detraxit; vel Angelorum ministerio id Deus effectum dedit.

V. 22. ADAM, homo, vir & femina. Deus more hominis irati per ironiam superbam spem protoplastorum increpat ad efficaciorum medicinarum morbi, & ad futura cautelam. Sententia est: cernite inquantas misérias venerit homo, ad similitudinem divinæ scientiæ ausus aspirare: quæsitis potius est scilicet. NE FORTE MITTAT. Verisimile est Adamum adhuc non modo non gustasse, sed & ignorasse ubi sita, & quæ esset arbor vitæ, quod & diabolum latuerit. Qua ignoratione belle Deus; & misericorditer Adamo consuluit, ne qui miser futurus, in æternum miser fieret. VIVAT IN AETERNUM: quam illi vim fructus arboris largiri poterant.

V. 23. ET EMISIT EUM DOMINUS: ignominiose, & violenter expulit. Probabile id factum eodem quo peccavit die sub solis occasum. Quamdiu Adam fuerit in paradiso non constat. Videtur opus fuisse aliquot dierum intervallo ut beatum illum statum nonnihil experiretur. DE QUA SUMPTUS ES. Igitur extra paradysum creatus, quia extra eum in terram missus.

V. 24. CHERUBIM est numeri pluralis. Causa vero collocandi Cherubinos, ut & homines, & demones ad ingressu arceant, illos ne de ligno vitæ fumerent; hos ne ingredi deciperent, & homini darent, & tali munere sollicitatione immortalis vitæ, veteres alius ad sui obsequium, & idololatriam pollicerent. FLAMMEUM GLADIUM, adeo splendens ut vibrata flammæ vomere videatur. Alibi quoque tales Angelis gladii tribuuntur. Num. xxi. 23. & I. Paral. II. xvi. & xxvii. Ier. est accipi de vero gladio aëreo, vel chalcico, vel de flamma in gladii figuram con-

formata. VERSATILEM, aptum verti in omnem partem, quia anceps, & utrinque secans.

T I R I N I.

Vers. 1. SERPENS ERAT CALLIDIOR CUNCTIS ANIMANTIBUS. Loquitur de vero & naturali serpente. Quem Eugubinus putat fuisse basiliscum; Pererius scytalem, tergi varietate, & squamarum nitore insignem; Delrio viperam, ex illo Lucæ III. *Genimina viperarum*. Hoc animali, utpote natura callido, malitioso, & homini noxio, voluit dæmon, immo dæmonum princeps Lucifer a, uti tamquam instrumento ad fallendum aptissimo. Non quod serpens vim haberet loquendi, ut vult Iosephus b, Plato, S. Basilus; sed dæmon serpentem ingressus, ut solet engerumenos, in eius ore, quasi in organo, aere moto, colliso, & modulato, vocem humanam, ut facile potuit, effinxit, & non vitali actione, sed artificiali. Et non latebat Evam, has voces supernaturali virtute formari; sed non satis attendit, uti debebat, & facile poterat, sui tentandæ fallendæque gratia confictas esse: atque ita se seduci passa fuit.

Vers. 5. APERIUNTUR OCULI VESTRI, non corporis, sed mentis; quasi dicat: Adeo clari ingenii, adeo perspicacis intelligentiæ efficiemini, ut merito existimaturi sitis, vos hæcenus nihil scivisse, & quasi cæcos fuisse d. Et vero mox ab usu fatalis pomi.

Vers. 7. APERTI SUNT OCULI AMBORUM, sed ut viderent, SE NUDOS ESS. Tantum enim abest ut serferint accessisse sibi de novo, quam mendax serpens promiserat, sublimem illam, & quasi divinam rerum omnium scientiam, ut potius experti sint se nudatos etiam iis ornamentis quibus ante geudebant: puta primo in anima, ornamento gratiæ iustificantis, & omnibus prædiis iustitiæ originalis; secundo, in corpore, motuum omnium interiorum, & humorum debita compositione, & compressione concupiscentiæ. Hinc tertio senserunt tristem iacturam tum sibi, tum posteris, incredibilium bonorum quibus in statu innocentie vix octiduo frui tuerant: nam tantum spatii intercessisse a crea-

creatione ad lapsum plerique existant. Quarto sententiam illam intolerabilem malorum, fractis innocentie repagulis, iam incurstantem in orbem. Inde quinto maximam in se confusionem, pudorem, maerorem. Sexto acerrimum conscientie stimulum, qui animum ardebat. Denique fenserunt, sed malo suo, & serius, nimis veras certasque fuisse minas Dei (contra quam præsumerant) dæmonis vero promissa, vana, & fallacia.

Ver. 14. MALEDICTUS ES INTER OMNIA ANIMANTIA. Hæc, & sequentia in sensu allegorico, sed præcipue intentio a Spiritu sancto, accommodantur dæmoni; litteraliter serpenti naturali, cui tamquam organo malefundo dæmonis Deus merito maledicit, & punit: ut scilicet pius parens, & iudex etiam sicam qua latro filium occidit, execrari, & exurere. Neque tamen tollit hic Deus aut mutat naturalia serpentis proprietates (cur enim tollat serpenti, qui non peccarat, cum dæmonibus, & hominibus gravissime lapsis, nulla naturalia sustulerit?) Sed quæ ante fuerant serpenti naturalia, scilicet humi reptare, antra sequi, terram comedere, venena spargere, iam eidem destinantur in poenam, & in probrum: & qui ante nec odio, nec horrore, nec pudore, nec nocumento erat hominibus (divina providentia tunc arcente omnia noxia) post peccatum, præ ceteris animalibus factus est noxius, invisus, probrosus, execrabilis. Sic paulo post Adam quoque, & Evæ quædam deputantur in poenam, quæ etiam in statu innocentie fuerant ipsis naturalia; verbi gratia, uxorem subditi marito, herbis vesci, terram germinare ipsis spinas, & alia. Ita S. Chrysostomus, Augustinus, Rupertus, & reliqui Patres.

Verf. 15. IPSA CONTERET CAPUT Tuum. Ita in feminino legerunt olim SS. Chrysostomus, Ambrosius, Augustinus, Marius Victor, & plerique Catholici. Nec repugnat textus Hebræus, qui ambiguus est, ut bene ostendit Bellarminus. Unde apparet, ita olim etiam in LXX. lectum fuisse, cum isti Patres non sint usi alia versione. Nunc in recentioribus LXX. editionibus habetur masculinum *ipse*. supple, filius mulieris; & huic favet Arabicus, & Chaldæus, qui id adscribunt femi-

ni mulieris. Sed in idem redit: cum enim Deus hic quasi antagonistas opponat mulierem cum semine suo, serpenti cum suo semine; verissime dici potest, tam *ipsa* mulier, quam *semen*, seu posterius mulieris, conterere caput serpentis, puta tam naturalis serpentis (quem homo vix visum, ex innata antipathia, conatur conterere) quam allegorici, & infernalis serpentis, quem, ut dixi, præcipue hic designat Spiritus sanctus: uti & per mulierem præcipue designatur B. Virgo Maria, quæ pariendo nobis Christum (primarium & nobilissimum *semen* seu filium mulieris) ut facta est verissima Eva, id est mater viventium (idque vita longe præstantiore, scilicet spiritali, & æterna in cælis) ita penitus contrivit caput, & potentiam huius serpentis. Primo quia nullum peccatum, ne quidem originale (quod primum, & quasi caput est omnium peccatorum) in se admisit. Deinde quia nullum etiam peccati fomitem, vel pravam cogitationem (quæ principium, seu caput est actualis peccati) in se habuit. Denique quia hæreses, & tyrannides omnes (quæ præcipua capita, & cornua sunt serpentis infernalis) per virtutem Christi, feminis & filii sui, tam ipsa, quam Christiani omnes, qui illius quoque semen & filii sunt, perfecte devicit ac prostravit. Ita b. Theodoretus, Rupertus, Beda, Augustinus, Epiphanius.

V. 24. ET COLLOCAVIT ANTE PARADISUM CHERUBIM, id est Angelos ex ordine Cherubinorum, qui sic vocantur a scientia excellentissima qua dotati sunt a Deo; & ideo perapte ponuntur hic quasi vindices omniscientie Dei, quam Adam, & Eva ambierant, & custodes ligni vitæ, ut nempe ab illius accessu, immo conspectu, arceant non solos homines, sed & dæmones: nam hi tali amuleto, & spe æternæ, seu immortalis vitæ, vecordes homines nimis facile ad suum obsequium, & ad idololatriam pertraxissent. Arceant, inquam, *flammeo gladio*, id est tam splendente, & acuto ut vibratus flammæ, & fulmina vomere videatur; *& versatili*, hoc est apto facillime verti in omnem partem, utpote accipitæ, & utrinque secante. Sed hæc de gladio non materiali, sed metaphorico intelligenda sunt, nempe de potentia, & viribus Angelicis.

Qua die, qua hora, Adam & Eva comederunt de pomo vetito; qua item expulsi sint e paradiso, dixi in Chronico cap. XLVIII. conclusione 5.

- (a) Ita quidam apud Magistrum Sent. in 2. dist. 6.
 (b) Ioseph. in Antiq. Plato in Politico. S. Basil. homil. de Paradiso.
 (c) S. Aug. lib. 14. de Civ. cap. 11. & DD. Schol. cum Magistro supra.
 (d) Rupertus lib. 3. de Trin. cap. 7. 8. 9. Delrio & alii.
 (e) Pererius, Delrio, Tornielus, Sallianus & alii.
 (f) Citati a Pererio, a Lapide, Salliano, Bonfretio.
 (g) Chrylost. hom. 17. in Genes. Ambros. de Gen. cap. 98. Marius lib. 2. in Gen. Bellarm. in Controv. de verbo Dei, lib. 1. c. 6.
 (h) Theodor. Rupert. Beda in hunc locum. S. Aug. lib. 11. de Civit. cap. 36. Epiph. lib. 2. contra Antidico-Marianos, & alii SS. Patres.
 (i) Ita S. Chryl. Aug. Rup. & alii citati a Cornelio a Lapide, Delrione, & Salliano.

G O R D O N I.

I Am exactis aliquot diebus in paradiso, venit ad positum a Deo mandati transgressorem, & mundi ac mortali cladem insignem. Putatur septimus ab Eva condita, & proinde a mundi origine decimus tertius, quando humanum genus evasit massa perditionis. Vide Sallianum nostrum, qui hæc, atque alia ad Christum usque, insigni opere est profecutus.

V. 1. SERPENS. נחש *Nachsh*, ERAT CALLIDIOR. *Oryx* *libarum*, allutus. Aliqui volunt dæmonem in specie serpentis. Recte Augustinus XI. super Genes. ad litteram, cap. XXVII. putat verum fuisse serpentem, & dæmonem locutum in serpente, ut in energumenis. Sic Num. XXII. per asinæ linguam Angelus locutus. Sed cur audire voluit Eva serpentem loquentem? Certe suspicata, quod erat, altiori quadam vi, quam serpentina id agi. Hinc & deinceps agnosce insigniora diaboli mendacia; & Evæ atque Adami primum peccatum esse superbiam. *Eritis*, inquit, *sicut dii*. Successerunt ad hoc primum alia peccata passim a Patribus notata, infidelitas, gula, curiositas, & inobedientia.

At quomodo loquitur serpens? Certe dum lingua serpentis utitur dæmon ad voces fundendas: & sicut cum voces similes profert corvus, non est vera locutio, quia non profert animi sensa; ita nec locutio hæc serpentis est vitalis actio: non enim ab

intrinseco principio, sed ab extrinseco movetur lingua. Nec horruit Eva formam serpentis: sciebat enim in eo statu innocentie animalia non nocere homini. Statui innocentie non repugnat error, sive speculativus, sive practicus; & ante peccatum stare poterat iudicium imprudens, vel erroneum. Sic Eva dicitur decepta a serpente, hic vers. 13. & hic modus deceptionis est satis aptus. Certe rectitudo illius status non erat non posse peccare, sed, ut supra dixi, posse non peccare. Scio aliquos exillimare hanc deceptionem in Eva non accidisse nisi post peccatum superbie, ac deum non potuisse hominem stante iustitia originali habere iudicium falsum, seu ante peccatum, quicquid sit de inconsideratione: quod colligunt ex perfectione illius status, quam illi dant ad favorcm suæ opinionis. Et quidem do hanc sententiam etiam probabilem: satis in præsentia sit constare ex utraque opinione (ut dicam vers. 5.) quomodo potuerint peccare. **AT CUR PRÆCEPIT** inquit **serpens**. Venenata vox est: oportet enim exequi divina præcepta, non vero inquirere rationem præcipiendi.

V. 2. Porro quod est hic **VESCI MUR**, hoc est vesci possumus.

V. 3. NE TANGEREMUS. Hoc addit Eva ad odium præcepti: nam Deus esum tantum prohibuit. In hac exaggeratione satis apparet initium tentationis.

V. 4. DIXIT. Nota hic varia mendacia diaboli.

Vers. 5. SCIENTES BONUM ET MALUM. Exatissimam cognitionem pollicetur; hoc est, scietis omne quod est vel bonum, vel malum.

V. 6. DEDITQUE VIRO SUO. Necdum sciebat se iustitiam originalem amisisse; nec carnis rebellionem experta videtur tam cito. An Eva statim amisit status integritatem, vide Lib. XI. Theol. cap. 1. vers. 15. Comedit Adam non forte iedustus pleno errore intellectus (sciebat enim falsum esse quod suggererat serpens) licet errasse potuerit Eva, non tantam habens sapientiam. Solum ergo ut placeret hortanti uxori, & proposito sibi obiecto superbie, de perfectissima cognitione boni, & mali habenda, transgressus est præceptum. Ergo, inquit, defecit voluntas sine prævio defectu in intellectu. R. Hic sorte non præ-

præcessisse errorem, sed inconsiderationem aliquam: de qua re prolixius alibi. Ceterum hoc vers. 6. **VIDIT MULIER**, hoc est putavit: non raro enim in hoc sensu accipitur verbum videndi.

V. 7. APERTI SUNT OCULI; hoc est, cœperunt ambo agnoscere rebellionem carnis, nuditatem tandem, & turpitudinem, quam antea brevissimo intervallo non advertit Eva. Multa hic Theologis examinanda relinquere oportet: an qui ex posteris Adami peccassent, habuissent remedium rediundi ad iustitiam, vel etiam ad statum iustitiæ originalis, si Adamus, inquam, non peccasset: obscura res, &, ut puto, ignota: sicut etiam quomodo veste utriusque, si quibusdam in innocentia manentibus, alii peccassent. Sane manente in omnibus integro statu innocentiz, iustitia originalis pro optima veste erat, & Deus calori & frigoribus commode per apta media occurrisset. Ceterum in questione de reatu ad iustitiam post commissum peccatum, probabilius est potuisse eam tunc recuperari: quod suadet ratio liberi arbitrii, & status viatoris. Medium recuperandi iustitiam fuisset dilectio, & detestatio peccati, & forte alia: tamen ut gratia esse possit sine originali iustitia, non est necesse ut peccator recuperando gratiam, recuperaturus etiam fuisset originalem iustitiam; quamvis hoc etiam possit defendi. Quid sit ibi de veniali peccato, & quomodo non contingat in habente iustitiam originalem, docet Suarez de Oper. sex dierum, Lib. III. cap. XIII.

V. 8. ET CUM AUDISSENT VOCEM DOMINI, &c. Vocem intellige fragorem, & commotionem Domini adventantis, & velut ambulantis in paradiso (ait Moyses.) Nisi dicas, quod probabile est, vocem efformitam per Angelum, qui Deum referebat; & maxime si omnia quæ Deus exterius agere dicitur cum hominibus, per Angelum acta sunt. Ceterum vox hæc, fragor, & sonitus videtur indicium adventantis Dei ad iudicandum de his peccatoribus. Sed quid est, **AD AURAM POST MERIDIEM**? Hebr. est *ad spiritum*, vel *auram diei*, לַיּוֹם הַזֶּה *lerach baïom*. Intelligi videtur tempus inclinatum iam diei. Theodotion vertit *προς ἀπογευματινὴν ῥῆς ἡμέρας*, *ad refrigerationem diei*. Confluxerunt vero folia implicatis, ramusculis, & foliis pendulis o-

peruerunt verenda. Nec absuit timor adventante iudice, cuius iam subiungitur sententia. At cur timeat, & erubescat, in promptu causa est; peccatum, & præsentia Dei.

V. 12. Adam peccat, excusatque: duplex peccatum.

V. 13. DIXIT AD MULIEREM. Antequam ferat sententiam, totam causam examinat.

V. 14. Serpens organum hic dæmonis in specie sua non peccavit; ac proinde nec ulla ei nova pœna imponitur, sed solum in opprobrium est denuntiatio suæ nativæ maledictionis: Idem fere de dæmone, qui non peccavit nisi solito modo tentando: quapropter non decernitur nova pœna: nam cum sit extra statum viæ, quæ ille facit, nec ad meritum, nec ad culpam ei imputantur; quo fit ut nec ad præmium sint, nec ad pœnam.

V. 15. INIMICITIAS PONAM... **IPSA CONTERET CAPUT TUUM**. Sed questio est, an *ipse*, *ipsa*, vel *ipsum*. Græce, & Hebraice in masculino genere apparet, ut referatur mystice ad semen, filium feminæ; nempe per vaticinium de Christo Virginis filio; & huic mystico sensui recte consentiunt editiones Hebr. זֶרֶב זֶרֶב *zerab zerb*, mascul. cui respondet יוֹסֵף לְעֹנֶפֶחָה *iosaph leonaphcha*, *ipse conteret te*. Septuag. ἀντὶς *antips*, (aliqui legunt *antips*, *observabis*) & iuxta hoc sensus est: ipse, scilicet homo, vel Christus (hoc semen est) conteret. Accedit porro יוֹסֵף *iosaph*, verbum esse hic masculinum. Secundo quid si essent voces femininæ? neutro enim carent Hebræi, & pro eo utuntur feminino, ex Hieron. ad cap. VII. Ecclesiasticis. Hinc alii sane legunt: *Ipsum*, scilicet semen, *conteret caput tuum*. Ita Leo Magnus; nec discordat a priori sensu. Tertio tamen addo, hoc vaticinium optime explicari non solum Christum, sed etiam Virginem matrem, novam Evam. Atque ita plures sic legunt: *Ipse conteret caput tuum*. Sic Latine editiones, sic Augustinus, Ambrosius, Chrysostomus, Beda, Bernardus, Rupertus, Eucherius, & alii. Sic, inquam, Christum simul, & B. Virginem præsefert hæc lectio, ut Patres docent. Nec obstat in Hebræo omnia esse masculina, cum aliquoties apud Hebræos contingat enallage generis: quod tunc recipi potest, cum est solidum aliquid mutatio-

tationis fundamentum , ut in præsentia . Ac si dicas hic positum esse *הוּא בְּרִיחַ* *hu probi* , & *יְשׁוּבָה* , id est conteret , *pro יְשׁוּבָה* *hu taushub* , ipsa conteres . Vides interim in hoc mystico sensu serpentem dæmonem conterendum a B. Virgine per Christum , verum eius semen . Magno quidem conatu Novatores vertunt Galice , *celle semence* , & sæpe reponunt , ut de solo Christo (excludendo B. Virginem) sit sermo : sed cerebro Novatorum quis auctoritatem concedet ?

V. 16. Heb. *Dolorem tuum* , & *concepit tuum* . Altera etiam versio : *Ut sit sub arbitrio viri* .

V. 17. Gravis est in Adamum sententia , molestos agriculturæ labores designans ; molestiam in terræ fructu colligendo : & per terram etiam alia intelligens quæ terra producit . Per spinas Patres intelligunt etiam noxias herbas .

V. 19. & 20. *QUIA PULVIS ES* . *עָפָר* *bbaphar* , pulverem proprie significat . En unde superbiat homo , temporis spoliū , fortunæ pila , & mortis mancipium , ut agnoscebant etiam Ethnici . Ceterum quod hic Evæ nomen imponitur *חַוָּה* *Havah* , vivens (ab *חַיָּה* vixit) utpote futura mater viventium : hoc , inquam , illi nomen impositum fuit post eiectionem e paradiso , quando nondum erat mater viventium : nam statim post peccatum eiectioni sunt . Itaque in hoc vers. 20. est quædam prolepsis . De die vero fixo eiectionis , non convenit

inter Doctores . Probabilius sentiunt Torriellus , Pererius , Delrio , & quidam alii , ambos eiectionis e paradiso , die octavo a sua productione : sed unde hoc plane evincam , non habeo . Vide supra vers. 1. Additur ad custodiam flamma gladii *לֶהֱחַרֵּב* *lahab chabreth* , seu gladius flammeus . *לֶהֱחַרֵּב* flammarum . Angelus denotatur sub specie hominis armatus .

V. 21. Non deerant iam animalia producta , quorum pellibus vestiretur Adam , forte Angelo ad id cooperante , ex Dei iussu .

V. 22. *ECCE ADAM QUASI UNUS EX NOBIS FACTUS EST* . Ironiam hic aliquam agnoscunt Emmanuel Sa , & Mariana , a quo etiam loquendi modo fortassis non multum abest , quod sequitur : *NE FORTE SUMAT DE LIGNO VITAE , ET VIVAT IN AETERNUM* . Certe an lignum vitæ (quod dabat quidem vitam longævam) dedisset etiam vitam perpetuam , dubitant aliqui . Vide cap. 11. vers. 9. Et saltem verius est , usum eius post commissum personale peccatum , non hoc habuisse ; præsertim si non operabatur sine concursu supernaturali : nam ipsum lignum , natura sua interitui obnoxium , non fuisset naturaliter perpetuum . De præervatione hominis in hoc statu a morte dixi vers. 9. citato .

Vers. 24. *CHERUBIM* . Angelum , vel Angelos humana specie , gladio armatos , flammeo , propter splendorem , & versatili , quod esset acutus utraque parte .

CAPUT IV.

Impius Cain piū Abel fratrem occidit; & a Deo punitus, ac profugus vitam agens, Enoch genuit; sed & Adam Seth generavit, cui natus est Enos.

I



Dam vero cognovit uxorem suam Hevam : quæ concepit, & peperit Cain, dicens : Possedi hominem per Deum. 2. Rursumque peperit fratrem eius Abel. Fuit autem Abel pastor ovium, & Cain agricola. 3. Factum est autem post multos dies ut offerret Cain de fructibus terræ munera Domino. (a) 4. Abel quoque obtulit de primogenitis gregis sui, & de adipibus eorum; & respexit Domi-

nus ad Abel, & ad munera eius; 5. ad Cain vero, & ad munera illius non respexit: iratusque est Cain vehementer, & concidit vultus eius. 6. Dixitque Dominus ad eum : Quare iratus es; & cur concidit facies tua? 7. Nonne si bene egeris, recipies; sin autem male, * statim in foribus peccatum aderit? Sed sub te erit appetitus eius, & tu dominaberis illius. 8. Dixitque Cain ad Abel fratrem suum : Egrediamur foras. Cumque essent in agro, consurrexit Cain adversus fratrem suum Abel, & (b) interfecit eum. 9. Et ait Dominus ad Cain : Ubi est Abel frater tuus? Qui respondit : Nescio. Num cullos fratris mei sum ego? 10. Dixitque ad eum : Quid fecisti? Vox sanguinis fratris tui clamat ad me de terra. 11. Nunc igitur maledictus eris super terram, quæ aperuit os suum, & suscepit sanguinem fratris tui de manu tua. 12. Cum operatus fueris eam, non dabit tibi fructus suos: vagus & profugus eris super terram. 13. Dixitque Cain ad Dominum : Maior est iniquitas mea quam ut veniam merear. 14. Ecce eiicis me hodie a facie terræ, & a facie tua abscondar, & ero vagus & profugus in terra: omnis igitur qui invenerit me, occidet me. 15. Dixitque ei Dominus : Nequaquam ita fiet; sed omnis qui occiderit Cain, septuplum punietur. * Posuitque Dominus Cain signum, ut non interficeret eum omnis qui invenisset eum. 16. Egrediusque Cain a facie Domini, habitavit profugus in terra ad orientalem plagam Eden. 17. Cognovit autem Cain uxorem suam; quæ concepit, & peperit Henoch; & ædificavit civitatem, vocavitque nomen eius ex nomine filii sui, Henoch. 18. Porro Henoch genuit Irad, & Irad genuit Maviael, & Maviael genuit Mathufael, & Mathufael genuit Lamech: 19. qui accepit duas uxores, nomen uni Ada, & nomen alteri Sella. 20. Genuitque Ada Iabel, qui fuit pater habitantium in tentoriis, atque pastorum. 21. Et nomen fratris eius Iubal: ipse fuit pater canentium cithara, & organo. 22. Sella quoque genuit Tubalcain, qui fuit malleator, & faber in cuncta opera æris, & ferri. Soror vero Tubalcain, Noema. 23. Dixitque Lamech uxoribus suis Adæ, & Sellæ: Audite vocem meam uxores Lamech, auferate sermonem meum: quoniam occidi virum in vulnus meum, & adolescentulum in livorem meum. 24. Septuplum ultio dabitur de Cain; de Lamech vero septuagies septies. 25. Cognovit quoque adhuc Adam uxorem suam:

suam : & peperit filium , vocavitque nomen eius Seth , dicens : Posuit mihi Deus semen aliud pro Abel , quem occidit Cain . 26. Sed & Seth natus est filius , quem vocavit Enos : iste cœpit invocare nomen Domini .

(a) Heb. xi. 4. (b) Sap. x. 3. Matth. xxiii. 35. I. Ioan. xii. 12. Iudæ 11.

B R U G E N S I S

ROMANÆ CORRECTIONES.

Verf. 7. Statim in foribus peccatum aderis. Huc non est adiciendum pronomen tuum .

Verf. 15. Posuitque Dominus Cain signum. Romani Patres omiserunt eam quæ oomini Cain præponi solet in præpositionem ; nam & ætius nostri codices hic variant (alii eom scribuunt in Cain signum , alii signum in Cain , alii deoque Cain in signum) & lxx. similiter sine præpositione verterunt τὸ καὶ , tertio casu .

NOTATIO.

V. 8. Dixitque Cain ad Abel fratrem suum :

Egrediamur foras . Quod io Latinis codicibus legitur , *Egrediamur foras* , in Hebræis , & Chaldæis non reperitur . In Græcis habetur ἀναβήσμεθα εἰς τὸν ἀγρὸν , *transiamus in campum* . Hieronymi in Hebræis Quæstionibus hæc notatio est : „ Et dixit Cain ad Abel fratrem suum , subauditur , ea quæ locutus est Dominus . Superfluum ergo est quod in Samaritanorum , & nostro volumine reperitur , *Transiamus in campum* . “ Hac , ut videtur , Hieronymi notatione motus Rabanus prædicta verba omisit ; & F. Magdalius Gaudensis , cuius extat Bibliæ correctorium anno 1508. Colociaz excusum , scripsit : „ *Egrediamur foras* oon est de textu , nec habetur in Hebræico . “

COMMENTARIA

S A .

Verf. 1. COGNOVIT , &c. sic solet Scriptura copulam carnalem honeste significare . *POSSEDI* . Cain interpretatur possessio , seu possessus . *PER DEUM* , id est Dei dono . Chald. *coram Domino* .

V. 4. RESPEXIT , scilicet ignem cæli mittendo , qui sacrificium consumeret . Cyrillus II. in Gen. Hier. in Gen.

V. 5. AD CAIN , scilicet ob odium in fratrem . Iren. Lib. IV. cap. xxxiv.

V. 6. CONCIDIT . Demissus vultus tristitiæ signum .

Verf. 7. NONNE SI BENE EGERIS . LXX. Nonne si recte obtuleris , non autem recte divideris , peccasti *RECIPIES* , scilicet mercedem . *PECCATUM* , id est poena peccati . *EIUS* , scilicet peccati . *DOMINABERIS* , scilicet si velis , cum Dei gratia . Vel futurum pro imperativo .

V. 8. EGREDIAMUR FORAS : id est *LXX.* sumptum , qui verterunt , *Egrediamur in agrum* . Heb. deest , sed subintelligitur .

Verf. 12. VAGUS , ET PROFUGUS . LXX. gemens , & tremens .

V. 13. MEREAR , pro possim impetrare .

V. 14. OMNIS QUI ; quasi dicat , quisquis hominum futurorum ; quamquam nihil prohibet etiam tum fuisse homines aliquot , scilicet Cain filios & fratres , & horum etiam filios . Vide August. XV. de Civit. cap. xv.

V. 15. SEPTUPLUM , id est gravissimum . *OMNIS* . pro ullus , Hebræice .

V. 16. EDEN , scilicet paradisi .

V. 20. PATER HABITANTIUM , &c. id est , primus inventor artis habitandi in tabernaculis ad gregem pascendum .

V. 21. PATER CANENTIUM , id est Musicæ inventor .

V. 23. IN VULNUS MEUM , pro vulnere a me inflicto .

V. 24. SEPTUAGIES SEPTIES , id est multo gravius . Id vero dixit uxoris timentibus , ne ob homicidium a se patratum occideretur , ut essent bono animo . Audiui doctum sane & pium virum ita interpretantem : cum male audiret , Lamech , quod duas uxores duxisset , & illæ time-

merent, ne ei mali aliquid ea causa accideret, dixit: Numquid hominem aliquem occidi, ut viæ meæ timere debeatis? Si Caini occisor graviter puniendus est, quanto magis qui me occiderit?

V. 26. INVOCARE, id est palam colere, seu excellentius quam vulgus sole-
ret.

EST II.

Verf. 4. **A** BEL QUOQUE OB-
TULIT DE PRIMOGENITIS, ET
DE ADIPIBUS EORUM. Ambrosi. qui-
dem de Incarnat. sacramento cap. 1. sic
ait: Nihil invenio quod in specie munerum
reprehendatur. Sunt tamen qui recte arbi-
trentur, quia alius quæ offerret elegerat,
alius quæ viliora habuit offerrebat. De quo
& illud carmen in Abel: *Sacrum pingue
dabo, non macrum sacrificabo*; quod retro-
gradum conveniat in Cain. Certum non sine
causa videtur dici de Abel, *Et de adipibus
eorum*. ET RESPEXIT DOMINUS AD
ABEL. Hieronym. in Trad. Hebr. refert
Theodotionem vestisse: *Et inflammavit Do-
minus super Abel, & munera eius; su-
per Cain autem, & munera eius non inflam-
mavit*. Per quod significatur cælestis incen-
sum fuisse sacrificium Abel, non Cain. Id-
que accipit probabilitatem ex aliis locis,
quibus legitur Deus sacrificia igne cælesti
combussisse, ut de Salomone, Elia &c. Ad
quæstionem quæ hinc movetur: An ergo
ante diluvium licuit vesci carnibus, scili-
cet una parte sacrificii? respondeo, id ex
hoc loco non sequi, cum sit holocaustum.
id est totum absumptum. Quod ad rem
ipsam, negat id licuisse Hieronym. Libro
II. contra Iovinianum capite x. Item Di-
scus Thomas de hoc dicit, *Videtur*, 1. 2.
quæst. 102, art. 6. ad 2. Vide etiam eius
Commentarium ad Romanos XIV. E contra
vero Dominicus a Soto Libro V. de Iusti-
tia & Iure, quæstione 1. art. 1. bonis ar-
gumentis probat statim a lapu fuisse ho-
minibus in usu cibum carnium. & solvit
argumenta in contrarium. Vide etiam Pe-
rerium, si placet.

Verf. 7. SED SUB TE ERIT APPE-
TITUS EUS, ET TU DOMINABERIS
ILLIUS. Aperte hic homini, etiam post
lapsum iribuitur dominium, & potestas
respectu suarum actionum. Nam clare di-

citur ad Cain: *Sub te erit appetitus eius, & tu dominaberis illius*, scilicet peccati:
nam illud immediate præcedit, & nihil ali-
ud ad quod possit referri. Et hoc ipsum
est quod etiam dicit Apostolus I. Corinth.
VII. *Non habens necessitatem, potestatem
autem habens suæ voluntatis*. Unde mani-
feste convincitur error Novatorum, qui
persuadere volunt, homini remansisse post
lapsum voluntatem quidem ad bonum, sed
non liberam voluntatem, sed quæ a Deo
necessario impellitur; cum hoc loco Gene-
seos aperte dominium in suas actiones ho-
mini tribuatur, & apertissime Apostolus ne-
cessitatem opponat potestati suæ volunta-
tis. Vide nostra in II. distinct. XXIV.

Verf. 13. MAIOR EST INIQUITAS
MEA QUAM UT VENIAM MEREAR.
Septuaginta habent: *Maiores est causa mea*.
Et sic legit Ambros. Lib. I. de Abel &
Cain, & Hieron. qu. VIII ad Algaſiam.
Quod autem adiungit Cain: *Maiores est in-
iquitas mea quam ut veniam merear*; ve-
rum quidem est proprie loquendo, quod
iniquitas non veniam mereatur, sed pœ-
nam, tamen non ideo absolute verum est
quod ipse dixit: nam Hebr. pro illis ver-
bis, sic legitur: *Maiores est iniquitas mea,
quam parcere*; aut, ut Pagninus vertit:
Maiores est punio mea, quam ut feram, id
est quam ut ferre possim. Et poterat Cain
scire peccatum suum esse remissibile, &
non esse sibi desperandum, quandoquidem
sciebat & patrem suum gravissime peccas-
se, nec tamen illum desperasse: de quo vi-
de Sap. x.

Verf. 15. OMNIS QUI OCCIDERIT
CAIN, SEPTUPLUM PUNIETUR.
Chald. *In septem generationes vindicta sumetur
ex eo*. Poterat Adam tanquam princeps hu-
mani generis occidere Cain homicidam, sed
natura abhorrebat ut pater filium occide-
ret: deinde multiplicandum erat genus hu-
manum; ideo & aliis, forte volentibus
eum occidere, tam gravis pœna imponi-
tur. Et tamen hoc etiam dicitur in pœ-
nam Cain, quia erat ei pœna tam diu vi-
vere cum tormento malæ conscientie, quam
iple fateatur. POSUITQUE DOMINUS
CAIN SIGNUM. Signum illud quidam
intelligunt tantum Dei decretum, & vo-
luntatem, nolentis eum occidi, ut vagus,
& profugus existens in terra, diu luere
peccati supplicium, perpetuo agitante
eum

eum & perturbante propriæ conscientie tormento. Alii dicunt signum hoc fuisse simul tremorem corporis & mentis, ac vultus conformationem: nempe quia illud quod præcedit, *Vagus*, & *profugus eris super terram*, LXX. vertunt: *Gemens*, & *tremens*.

V. 16. HABITAVIT CAIN PROFUGUS IN TERRA AD ORIENTALEM PLAGAM EDEN. Hebr. *Et sedit in terra* *Nod ante Eden*; id est, ex adverso eius regionis in qua plantaverat Deus paradisum.

V. 23. & 24. QUONIAM OCCIDIT VIRUM IN VULNUS MEUM, ET ADOLESCENTULUM IN LIVORE MEUM... DE LAMECH VERO SEPTUAGIES SEPTIES. Ambros. in Luc. xvii. *Septuagies*, inquit, & *septies Lamech condemnatur*, quia gravius deliquit, qui *scelus dum puni*, admittit. Videtur innuere Ambrosius, quod Lamech punivit scelus Cain, & postea ipse simile admisit. Quod autem a Lamech juvenis quidam occisus traditur, nec tamen nomen refertur occisi, futuro mysterio fuisse prætermisum a prudentibus æstimatur, inquit Sulpitius in initio Hystor. sacræ.

Vers. 26. ISTE COEPIIT INVOCARE NOMEN DOMINI. Hebr. *Tunc ceptum est invocari in nomine Domini*; quamvis nostra lectio consonet Septuaginta, qui sic vertunt: *Hic speravit invocare nomen Domini Dei*. Caprio contendit, Hieronymum vertisse per adverbium, *Hic* (id est, eo tempore) *cæpit invocari nomen Domini*, passive. Et inde scilicet factum esse in pronomen *hic*, & postea *iste*, simulque sublimitutem verbum activum.

M A R I A N A E.

Vers. 1. A DAM VERO COGNOVIT UXOREM SUAM. Tres Moyses numerat Adæ filios: plures habuisse, verisimile est. Philo in Antiquit. Epiph. Hæres. xxxix. duodecim illi filios dant; Beda in Collectan. triginta filios, totidem filias. Quæ omnia incertæ fidei puto. *Adam* hoc loco, & superiori cap. non semel, volunt esse non nomen proprium, sed appellativum; quasi dicat, ille homo, propter π emphaticum hic positum, quod non iungitur nominibus propriis; quod verum sine exceptione esse non credam,

quando Sept. & fere Interpretes *Adam* ponere. POSSEDI. Vox CAIN est idem quod *possessio*. PER DEUM, id est Dei dono.

V. 2. CAIN AGRICOLA. Sept. *operans terram*; atque ita est Hebraice, nisi quod verbum *עָבַד* proprie significat *servitus terræ*, instar famuli obsequis a domino alimenta promerens.

V. 4. DE PRIMOGENITIS GREGIS SUI. Hebraice, *ovis sue*, hoc est ovium suarum, nempe gregis sui. ET DE ADLIBUS EORUM. Adeps in quaque revocatur quod est optimum. ET RESPEXIT DOMINUS, nempe igne de cælo misso, quod in dedicatione templi Salomonis est factum, & Eliæ ad preces. Sic Theodotion pro *respexit*, dixit *inflammavit*, hoc est *inflammavit*, sententiam secutus magis quam verba. Vide, prius respicere Deum ad Abel, deinde ad munus; quoniam ab animo probitas, & iniquitas proficiscitur, & pietatem plurius quam munus facit.

V. 7. NONNE SI BENE EGERIS, RECIPIES? Ad verbum: *Nonne si bene egeris recipere*? Quod infinitivum ego redderem per *merces*, aut *exaltatio*: *Nonne si bene egeris, merces*, supple. erit (quod in sententia cum Hieron. verbis consentit) aut *exaltatio*, ut accidit fratri tuo? SEN AUTEM MALE, STATIM IN FORIBUS PECCATUM ADERIT. Adverbium *statim* redundat; certe Hebraice non est. Sic Chaldaeus refert ad diem iudicii, in quo manifesta erunt omnia peccata: id significat *esse in foribus*. Sed melius ad cognitionem Dei vindicis referatur, cui aperta sunt omnia, ut quæ præ foribus iacent. PECCATUM. Quidam *pœna peccati*; quasi dicat: Punio in foribus præsto erit. Admissio peccato, ad iudicis portam pœna suspensa manet, donec eam irroget. Pro *aderit* Hebr. *רָבַח* *Rabæz*, quod significat *excubare*. SED SUB TE ERIT APPETITUS EIVS. Hebraice, *Ad te erit appetitus eius*; qua forma loquendi & verbis superiori cap. vers. 16. est usus, cum dixit de Eva: *Ad virum erit appetitus tuus*; nempe ut servi rationes & desideria pendente ab hero, & ad eum referuntur: quod dixit in Psalm. cxxii. vers. 2. *Sicut oculi ancilla in manibus domina sua*. Sententia totius loci: Non poteris occultare peccatum; sed neque vim infereat ullam, sed potius ut servis

fervis peccato dominaberis. Nihil ergo de liberi arbitrii libertate delibabitur. Sic Hieron. in Trad.

V. 8. DIXITQUE CAIN AD ABEL FRATREM SUUM. In Hebræo quid dixerit, reticetur. Hieron. putat illi dixisse verba quæ audivit a Deo. Sept. addiderunt de suo: *Egreliamur in agrum*; unde in Vulgatam nostram translatus est illud, *EGREDIAMUR FORAS*. Alii putant dixisse illi verba dura, rixæ initium quærens.

Vers. 11. NUNC IGITUR MALEDICTUS ERIS SUPER TERRAM. Sept. *Maledictus tu a terra*; hoc est, præ terra, magis quam terra: id enim significat præpositio *pro min* Hebraica, sicut superius cap. 111. vers. 14. de serpente: *Maledictus præ omnibus animalibus terræ*; atque ita præpositio superposita hoc loco accipitur. Ita sententia erit: Vides terram maledictam? Tu magis, atque eo amplius, quod illa ut mater sanguinem fratris tui suo gremio accepit. Alii vertunt: *Maledictus eris a terra*, respectu terræ, *terra propter te*. Atque ita maledictionis explicatio erit quod sequitur.

Vers. 12. CUM OPERATUS FUERIS EAM, NON DABIT TIBI FRUCTUS SUOS. Hebr. *vires suas*; sed perinde est.

V. 14. A FACIE TUA ABSCONDAR: non veniam ad offerendum aliquid.

Vers. 15. OMNIS QUI OCCIDERIT CAIN, SEPTUPLUM PUNIETUR. Sept. *Septem vindictas exolvit*; Chald. *In septem generationes vindicta sumetur ex eo*. Sed simplicissime, gravissime is occisor punietur: numerus certus pro indeterminato.

V. 17. ET AEDIFICAVIT CIVITATEM. Cain primus ædificavit civitatem: nempe mali captant hic habitationem permanentem, domicilium stabile. Amici Dei habitant in tabernaculis, pauci contenti, mortis memores. Rursus ex eius posteritate sunt artium inventores ad quærendas opes, quæ sunt fere irritamenta malorum.

V. 19. QUI ACEPIT DVAS UXORES. Lamech primus inexit bigamiam.

V. 21. NOMEN FRATRIS EUS IUBAL. Hic musica instrumenta invenit; a quo & iubilandi vocem sunt qui manasse credant. PATER CANENTIUM, musicæ inventor.

Vers. 23. OCCIDI VIRUM IN VULNUS MEUM, ET ADOLESCENTULUM IN LIVOREM MEUM. Hinc Iosephus, a Lamech occisum Cain, quem *virum* vocat, & Tubalcain adolescentem, qui eius cæcitatem regebat. Et credit tunc impletum, *Septuplum ultio dabitur de Cain*, quoniam is septima generatione est punitus; cum potius punitio illa ad occisorem Caini sit referenda. Ergo simpliciter intelligamus, Lamech voluisse ex duplici capite confirmare uxoris suam incolumitatem. Et quoniam viribus ipse præstaret, & propter paratam Dei vindictam. OCCIDI VIRUM. Sic exponatur: Occiderem virum vulnere inflicto, & adolescentem solo livore, nempe percussione sine effusione sanguinis. Itaque valeo viribus, ne sitis de me sollicitæ: nam fortasse ex nimia venere debilitatus erat; & hoc Moyse indicare voluit: quod spectat ad Dei vindictam.

V. 24. SEPTUPLUM ULTIO DABITUR DE CAIN. Ad verbum, *Septuplum vindicabitur Cain*, pro, Si septuplum vindicabitur Cain, nempe gravissima vindicta sumpta de occisore; Lamech vindicabitur septuagies septies, hoc est multo gravius: numerus certus pro incerto; uti Matth. XVII. vers. 22. *Non dico tibi usque septies, sed usque septuagies septies*. Non explicat cur gravius puniri debeat eius occisor, subintelligitur tamen, quoniam Cain fuit fratricida, ego innocens.

V. 25. VOCAVITQUE NOMEN EUS SETH. Nempe Eva vocavit: nam Hebr. verbum est femininum.

Vers. 26. ISTE COEPIT INVOCARE NOMEN DOMINI. Hebr. *Tunc captum est invocari nomen Domini*; id est, tunc coepit populariter coli Deus, aut palam, & excellentius quam ante consueverant, Enos instruent. Enos significat *hominem*. Homini nihil magis naturale quam Dei cultus & Religio. R. Kimhi addit, significare *hominem malis contrivum*, ut intelligas, rebus adversis neque maius solatium, neque certius remedium Dei invocatione. R. Moïsen Maymon in Misna, tum hic Kimhi intelligit cum coepisse idola colere, & tunc cultum impium coepisse. Sic verbum *הוהב* *huhab* sumunt in significatione profanandi: nugæ. Græcus quidam, coepisse invocare Deum Dei nomine, nempe ineffabili, quod hoc loco.

loco ponitur, cum ante Deum invocarent nomine *Elobim*, aut aliis nominibus, quæ proprie non sumuntur ab essentia.

M A L V E N D A E.

Vers. 1. **C**OGNOVIT. ידע *idagb* notant sumi interdum non speculative, ut est mentis; sed realiter, & sensualiter, pro *sentire tactu, experiri*. Hic teste & verecunde concubitus viri cum muliere cognitionem appellavit; qui Hebraismus frequentissimus est in sacris litteris utriusque Testamenti. Rationes aliquot afferunt, quod concubitus cognitio nuncupetur. I. quod in nullo cognoscitur feminæ sexus & natura tam plene & peripicue ut in congressu. II. quod in eo actu mulier tractetur ut notissima, & familiarissima. III. quod virgo, & quæ numquam virum passa est, Hebræis dicitur נכבה *ebalmab*, abscondita, quæ nondum virorum patuerit affectibus, cuius turpitudine nondum per virilem congressum detecta aut revelata est, quæ nondum virum experta est, necdum sanguis index virginittatis in sindone palam ostensus est coram iudicibus, Deut. xxii. 15. IV. quod semen cerebri, in quo sedes est cognitionis, stillam esse sensit Pythagoras teste Laertio Lib. VIII. Plutarchus Lib. V. de Flacitis Philosophorum, cap. 111. *Semen Alemao partem cerebri esse*.

Imitati sunt hanc phrasim Græci & Latini, Plutarchus in Alexandro: *Næque aliam cognoscebat mulierem*: & alibi sæpius. Menander apud Hermogenem Tomo V. de Inventione. Cæsar Lib. VI. Belli Gallici: *Intra annum vigesimum feminæ notitiam habuisse, in turpissimis habent rebus*. Horatius:

..... Ignara mariti.

Vide Notas Xylandri in Plutarchi Romulum. Ergo hic: *Adam cognovit uxorem suam Hevam*; id est, expertus est eius sexum, rem cum illa habuit.

POSSEDI HOMINEM PER DOMINUM. קניתי איש את ידע *kanitbi iseb* & *ibub*: Fagius, Forsterus, Clarus, Marinus, Avcanarius, Schindlerus reddunt, *Acquisivi virum ipsum Ichova*, seu Dominum, id est virum, qui est ipse Ichova, quem scilicet pollicitus est mihi Dominus, cum dixit: Semen tuum conteret caput serpentis.

Putabat enim Heva se nunc matrem feminis illius promissi, quod contritum esset caput serpentis, nempe Messiam peperisset. Idque ex quadam cabala Iudaica se accepisse confirmant, voluntque particulam *nm* etiam hoc loco expositivam esse, & emphasis habere, accipie pro *ipsum scilicet*. Qui locus maxime stabilit Christi divinitatem, & Iudæorum perfidiam contundit. Mercero, Drusio, & aliis hæc non placet expositio. Alii sere: *Acquisivi, adeptus sum, nada sum, obtinui, comparavi vrum a Domino*, vel cum Domino, hoc est Deo volente & favente; vel Dei dono & munere. Sic Græci loquuntur *ἐν Θεῷ*. Quidam: *Acquisivi hominem Domino*, vel ad Dominum: *nm* etiam enim interdum esse notam dativi, & pro Lamed poni, mille exemplis ostenditur in Lexici. Vide Levitici xxi. 49. I. Samuel. xxii. 14.

V. 2. OVIVM. תרן *tzon* notant esse nomen collectivum comprehendens multitudinem seu gregem ovium, & caprarum, id est multas simul oves, & capras: esseque semper singulare, & numquam reperiri plurale, tamen sit collectivum: atque hoc nomine singulari comprehendendi animalia minora pascualia utriusque speciei, ut sunt oves, & capræ: sicut nomine בקר *bakar* veniunt omnia animalia maiora pascualia, ut sunt boves, vacæ, vituli, camelus, asini, &c. quæ dicimus armenta. Vide cap. xviii. vers. 7. Addunt, nusquam inveniri singulariter pro una ove, aut capra; sed etiam ovem dici תרן *seb*, unam capram תרן *gbez*. Insuper quod voce Latina cum Interpretes pro *tzon* reddunt oves, debere intelligi etiam capras, quod simul pascere soleant. Ad hæc oves, & capras dictas *tzon*, quod radicibus gramina erodant & depascantur, ut cognitionem cum verbo תרן *nurz* habeat. Quilam per vocem *gregis* reddi posse putant, nisi ubi cum numeris coniungitur; uti duæ *tzon*, oves, centum *tzon*, oves. Mihi videtur nec gregem, nec pecus, nec pecudes proprie exprimere vim huius vocis, sed universe esse animalia minuta pascualia, & horum gregem, seu multitudinem. Nonnulli volunt esse pecudes lanigeras, vel pilosas, quæ tondentur, quarum vellus seu pilus usui esse possint. Sed hoc est divinare.

V. 3. MUNERA. מנחה *minchab* univcrse est munus, donum, donarium cuiuscum-

cumque rei, seu sacra, seu profana, quod alicui, seu Deo, seu homini, honoris & reverentia causa offertur: eo quod sensim, placide, & cum pompa quadam honorifica portetur, aut ducatur, אֶחָד נֶחֱבָב, & אֶחָד עֲבָנָב: vel הֵן יֵאָנָח. Hic pro munere, oblatione, quæ Deo offertur. Aliæ huius voces acceptiones suis locis elucidantur.

V. 4. DE ADIPIBUS: proprie, de pinguedinibus, de omentis, de aruinis, quod hæc sint quasi lac coagulatum & congelatum. Volunt esse figuratam locutionem, pro, oblitus de primogenitis non quibuscumque, sed crassissima, pinguisima, optima, & selectissima quod adeo sit optima & lectissima pars carnis. Nomen אֶחָד עֲבָנָב ita hic scribitur ut possit esse singulare & plurale, sed sensus eodem recidit, nisi quod numerus pluralis plenior efficit sensum. Unde Paulus Hebr. x. 4. plurimam hostiam appellat. Forsan Habel adipem seorsim & separatos a carnibus obtulit, ut in lege postea usurpatum est. RESPEXIT. Mirum quot significationes tribuant verbo שָׁחַב שֶׁחָבָב, aspicere, respicere, sperare, fidere, terrere, formidare, timere, desinere, enumerare, describere, narrare, delectari, oblectari, vacare, caligare, cæcutire, vertere se, animadvertere, accedere, vitare, declinare, relaxare, expavescere, intendere, inniti, incumbere, claudere, obturare, obducere, divertere, acquiescere. Vide Lexica.

Noster, cum hoc verbum in Kal duodecies extet in Scripturis, diversimode exposuit. Hoc vers. & sequenti, respicere; Iob xiv. 16. Isaïæ xxii. 4. recedere; Exodi v. 9. acquiescere; II. Samuelis xxii. 42. clamare; Iob vii. 19. parere; Psal. cxviii. 117. muniti; Isaïæ xvii. 7. & 8. inclinari; Isaïæ xxxi. 1. confidere; Isaïæ xxxii. 3. caligare. In Hithpabel vero bis. Isaïæ xli. 10. declinare, & vers. 22. loqui. Nimirum pro varia verbi constructione, varie quoque convertitur. Hic, & Isaïæ xvii. 8. construitur cum particula הֵן el, & in hac constructione aiunt, notare blandum solum gestum illius qui se ad aliquam personam, seu rem applicat: Et respexit, scilicet blande, IHN ad Habel, & ad oblationem eius non respexit, blande. Itaque volunt esse, benigne, & blande respicere, sive rationem habere, & respectum agere alicuius, cum

quodam favore & propensione animi. Potest reddi: Et inclinavit se, intendit, animadvertit, vertit oculos, intuitus est gratiose, cum oblatione, placide respexit, approbavit favens, & acceptum habuit: humanitus dictum a principum consuetudine. Notant, visibilem hanc fuisse approbationem oportuisse, cum quia eam animadvertit Kain, tum quia dicit Apostolus, Deum perhibuisse testimonium de donis Hebeli, Hebr. xi. 4. fortasse igne cælitus demisso, aut alia aliqua divina extra ordinem significatione.

V. 5. IRATUSQUE EST. הָרָה עֲבָנָב, quando de animo dicitur, est indignatione, ira, & furore accendi, ardere, exardescere, incandescere, exuri, aduri, succendi, inflammar, succensere. Vertunt: Et exarsit, incanduit vehementer ipsi Kain. Mirabilem habet interdum constructionem: nam suppositum verbi habet Lamed, ut hic: unde laudant aliud suppositum, nempe ira, vel animus, in hunc modum: Et exarsit, incanduit, animus, vel ira, furor, ipsi Kain. Hebraismus. quem Hispanismus illustrat: quasi dicat: Favor Dei in Hebelem, exarsit ipsi Kaino, quemolesto a Kain; hoc est, illum urbat invidia ac zelotypia. Invidia, livor, emulatio, fraternæ felicitatis illi omnem iram, odiumque accendit. Futurum defectivum וַיִּרָה וַיִּרָה, perapocopen litteræ ה He, indicat, quam immerito, & sine ulla ratione Kain irascitur, cui omnis causa iultæ indignationis deficeret. ET CONCIDIT VULTUS EIUS. Maiorem vim Hebraica habent: Et ceciderunt facies eius. Demisso in terram vultu incedebat. Gestus est hominis pudore suffusi, vel tristitia & mœrore depressi, qui solent vultum demittere. Utrumque Kaino eveniebat, & pudor & dolor. Solet animus indicari vultu: nam abdicato sacrificio suo se abdicatum videbat Kain.

V. 7. RECIPIES. נָשָׂא שֶׁחַב formam habet infiniti Kal, vel nominis infiniti verbi נָשָׂא nasa cum Scin sinistro: quo verbo nullum aut in sacra lingua secundus, aut amplioris & angustioris significatus. Primaria, & propriore notatione levare exponunt; locumque hunc varie elucidant. I. Nonne si benefeceris, levatio? relevatio, sublevatio, scilicet, ab onere peccati; id est, non amplius gravaberis onere peccati; sed habebis remissionem peccatorum & gratiam: vel

vel, *Nonne si bene feceris, levatio*: id est, condonatio, remissio, indulgentia, venia peccati; hoc est, remittet & condonabit tibi peccatum. II. *Nonne si bene egeris, levare*, seu *levatio*? id est, levabis, attolles vultum. Nonne incedes recto vultu, vivisque in gaudio, & lætitia, sine pudore & mœlitia; cum nunc, quia male egisti, incedas vultu demisso præ pudore & dolore? III. *Nonne si bene feceris, levatio*? hoc est, elevatio, exaltatio erit tibi? quasi dicat: Tu doles quod frater tuus sit elatus & eveltus supra te, meo favore: non est quod fraterno honori invidas, quia si te recte gesseris, attolleris ut ille, & in eundem honoris gradum te quoque eveham qui te nunc tuis peccatis offensus ignominia notavi. IV. *Nonne si bene feceris, levare*, seu *levatio*? id est, levabis, feres, tolles, reportabis præmium, ac mercedem. Hispanice, *llevaras tu galardón*. Hunc sensum videtur Noster sequutus, *recipies*, scilicet præmium, aut mercedem. V. *Nonne si bene egeris, acceptatio*, erit? De sacrificiis præcesserat sermo; quasi dicat: Nonne si rite obtuleris, si pura & casta fuerit tua oblatio, suscipietur, & acceptabitur tamquam grata & boni odoris? VI. *Nonne si bene feceris, suppositio*? id est, Deuste se-neret, sustinebit, sufferet, suscipiet, seu savebit tibi. Primum sensum ceteris anteposuerim, quem & Hebræorum primi, & nostrorum eruditiores probant. IN FORIBUS. Heb. *ianua*, ad *ianuam*, ad *osium*, ad *portam*, ad *fores*; id est, proximum est ac præsentissimum. Sic Matth. xxiv. vers. 33. PECCATUM: proprie, *erratum*, *aberratum*, *delictum*. ADERIT. *רָבַח* *rabatz* trigefies in Scripturis occurrit. Noster terdecies *cubans*, *accubare* exponit; novies *requiescere*; bis *incere*; bis *collocare*; Deuter. xxxix. 20. *sedere*; Deut. xxxix. 11. 13. *subiacere*; Numeror. xxi. 1. 27. *concidere*; Isaie. liv. 11. *sternere*. Hic vero reddit *aderit*, ex verbo, *cubans*, vel *accubans*. Cetera significata etiam quadrent. Plerique metonymice hic peccatum pro pena peccati, seu punitione capiunt, ut Zacharie xiv. 19. & infra vers. 13. *iniquitas*; atque hanc metonymiam in Hebræo textu indicare generis enallagen, qua peccatum est femininum, & *cubans* masculinum; quasi dicat: Punio in foribus præsto est, & te quam celerime manet supplicium.

Sed numquam mihi visus hic sensus melior: de culpa & reatu potius, & cruciatu intrinseco conscientie acceperim.

Quidam notant, valde emphaticam hanc esse locutionem: qua ostendit Deus nihil fore ipsi Kaino magis adversum, quam proprium ipsius peccatum, quod intus alebat ac fovebat; ac si diceret: Nihil tua obstinatione proficis: nam ut te non persequar, aut puniam, peccatum tuum nihil relaxationis aut quietis dabit tibi, quin te semper acriter pungat, exagitet, persequatur, urgeat, cruciet; neque ulla patietur elabi, quantumcumque dissimules peccatum: cum ad exitum venies, illic peccatum occurret, suas in ostio excubias agens, tunc deprehendetur conscientia tua, quæ se prius solutam & liberam putabat, & duplices moræ poenas persolvat. Nempe quod poeta dixit:

Nocte dieque suum gestare in pectore tistem.

Quidam volunt elegantem esse metaphoram, consensumque cum alia Deut. xxxix. vers. 19.

Notabis *רָבַח* *chattarb*, *erratum*, esse feminei generis, sed hic ei tribui participium masculinum *רָבַח* *robetz*, cubans, & duo pronomina masculula, *eius*, *eo*, vel quia forte, ut quidam volunt, hic *chattarb* est masculinum, ut & Amos v. 12. vel ut indident, Kaini peccatum fuisse gravissimum, & primum partum primi peccati.

SED SUBTE ERIT APPETITUS EIVS, ET TU DOMINABERIS IL-
EIVS. Quia pronomina *eius*, & *illius*, sunt masculula, ut diximus, quidam non ad peccatum, quod est femineum, sed ad Hebelem referunt; quasi dicat: Nulla est tibi causa invidiæ adversus fratrem, cum semper tibi integrum maneat ius primogeniti, quo ille a tua voluntate pendeat, & imperium in ipsum habeas, sitque tibi subiectus. Locutio Hebræis familiaris, desiderium, sive appetitum alicuius esse ad aliquem, pro, eius arbitrio subiectum esse. Vide cap. 11. vers. 16. Alii: *Ut erga te est appetitus illius, & tu præes illi*; ac si dicat: Et naturæ lege, quia iunior est te; & animo, quia frater; & vocatione, quia tibi subiectus, te colit Hebel: quamobrem indignum est te hoc animo in illum esse. Sed sensus remotus, & alienus: melius hæc de peccato accipias, Quidam de pena peccati.

cati intelligunt; id est, cupit te iam iam apprehendere, appetitque tibi inhære punitio. Verum si voles, dominaberis illi pœnæ, effugies pœnam illam, gratia mea scilicet. Potest extrema particula verti per imperativum, hoc pacto: *At tu dominare ei*; id est, vita illam punitioem, emendando vitam tuam. Sed iam dixi, aptius intelligi de culpa.

Sunt hic plane & verba & oratio eadem omnino quæ cap. III. 16. unde varie verunt. I. *Et ad te accursio eius*; id est, accurrit tibi, incurrit in te, occurrit tibi. II. *Et ad te appetitus, desiderium, concupiscentia eius*: inest tibi amor peccati, amas peccatum; vel active, peccatum concupiscit, avertit tibi inesse. III. *Et apud te illicebra eius, de fomite, & concupiscentia peccati*. IV. *Et ad te desiderium eius*; id est, tuo arbitrio subiectum erit peccatum, tuo juri & voluntati obnoxium; non erit sui iuris, sed tui; nihil vult, nihil tentabit, nihil audebit, nisi quod tu voles. V. *Et ad te prompta voluntas, obsequentia, assensu, obedientia eius*: tibi obediet, tibi ad nutum parebit, subiectum erit in omnibus. Insignis locus pro libero arbitrio, quem & sequens clausula magis illuminat: *Et tu potestatem, ius, auctoritatem, dominium, imperium, regnum habebis, obtinebis in illud*: hoc enim proprie significat verbum *לְךָ מַשְׁכָּל*. Quo proculdubio alludit Paulus Roman. vi. 14. *Peccatum enim vobis non dominabitur*. Quasi dicat: Habebis in tua potestate, arbitrio, voluntate peccatum.

V. 8. DIXITQUE CAIN AD ABEL FRATREM SUUM: EGREDIAMUR FORAS. Quia hæc postrema clausula, *Egrediamur foras*, abest ab Hebræo, varie hunc locum elucidant. I. *Et revertit Cain ad Hebel*, vel *et narravit Cain Hebel fratri suo*: subaudi, omnia quæ dixerat ei Deus. II. *Et alloquutus est Cain ad Hebel fratrem suum*, verbis scilicet duris, ut inde haberet occasionem insurgendi in eum. Defectivam enim putant orationem, & ideo aliquid subaudiendum; sed quid illud revera fuerit, incertum. III. *Et colloquebatur Cain ad Hebel*, scilicet dissimulans odium, ut inopinantem opprimeret; consilium vultu, verbisque tegens, ac spem fronte serenans. IV. *Et dixit*, id est statuit, decrevit, *ad Hebel*, adversus Hebel: constituit

illi malum, perniciem, decrevit illum interficere. Sic verbum *וְאָמַר* amare sumitur. Exod. 11. vers. 14. *Nun occidere me tu dicis*, id est decrevistis, statuistis, *sicut occidisti Aegyptium?* ET INTERFECIT EUM, lapide, fuste, gladio, aut armis consimilibus. Vide infra vers. 23.

V. 11. MALEDICTUS ERIS SUPER TERRAM. Heb. *Maledictus tu de humo*, id est execratus tu a terra: quia & vindictam contra te clamat de effuso in se fraterno sanguine, execrata tantum patricium; & tibi ægre fructus proferet, & te nutantem, & tremebundum vix sustinebit. Quidam: *Maledictus esto, exul ab ista terra*, e vers. 14.

V. 12. VAGUS. *וְגָם נָגַב, movens, mobilis, nutans, tremulus, quassans, agitans sese*. PROFUGUS. *וְגָמַד, dimotum, iactatum, divagatum, profugum, extorrem, exulem, erronem, migratorem* exponunt.

V. 13. INIQUITAS MEA. *וְגָמַד* ghamon proprie curvitas, distortio, perversitas, pravitas, vitium, iniquitas. Est palam culpa passim, & pœnæ interdum, ut I. Samuel. xxviii. 10. *Si evenierit tibi iniquitas*, id est pœna, seu punitio. Item Threnor. iv. 6. & alibi. Hic plerique Hebræorum & nostrorum pro pœna sumunt; sed rectius alii pro culpa. QUAM UT VENIAM ME REAR. *וְאָמַר מִינְסֹו*. Varie reddunt, *de, a levare, portare, a ferre, seu a ferendo, vel quam ut tam ferre & sustinere possim*. Gravior est punitio quam ut sim ferendo. Hispanice: *Grande es mi pena de llevar*. II. *de quam levare, vel quam levatio, tolerantia, sufferentia, sublevatio, condonatio*; id est, quam ut levari, remitti, condonari possit, vel quam ut remittatur, aut condonetur, seu quam ut remittat, & condonet Deus, aut parcat, & ignoret. In eiusmodi locis ubi verbum *וְאָמַר* nasa constituitur cum peccato, idem Hebræis valere dicunt, quod Latinis tollere, auferre onus, seu pondus peccati, remittere, condonare, sublevare, levare peccatum, dare veniam, parcere, indulgere, condonare, non opprimere: effugere gratiæ, clementiæ, veniæ, ignorentiæ. III. *grandis iniquitas mea de ad levare*; vel *magna est iniquitas mea ad condonandum*, ut nulla sit comparatio; quasi dicat: Magnum peccatum meum magna indiget venia, ut non sit desperatio. Sed Secundus sensus pro-

proculdubio est præferendus, qui est Nostrum.

V. 15. SED OMNIS QUI OCCIDERIT CAIN. Exponunt: quia hæc pœna inflicta fuit Kaino, cum ad homicidium eius ulciscendum, tum ad exemplum in posteritatem (quæ tunc fuit inf. quens) statuendum, ut omnes exemplo eius absterrentur ab effundendo sanguine: Deus per pariter annuit Kaino postulatam suam, & per gravissimæ pœnæ denuntiationem cavet ne quis temere in cædem illius ausit prorumpere. **SEPTUPLUM PUNITUR**, interfector ipsius Caini. Heb. *Septuplo vindicator*, ipse scilicet Kainus; quasi dicat: Supplicium de interfector ipsius Kaini multo gravius fumit, quam sit de ipso Kaino sumptum. Numerus finitus pro infinito, ut Job v. 19. Proverb. ix. lxxiv. 16. **POSUITQUE DOMINUS CAIN SIGNUM.** Heb. *Et imposuit IHVH Kaino signum.* Quidam exponunt: Aliquo signo externo & visibili edito ostendit illi, neminem eum impune interfectorum: signo contestatus est illi securitatem & incolumitatem: sicut Mosi signo visibili astruxit suam legationem, Exod. iv. Alii: Id est, aliquam notam impressit ei, qua adducebantur omnes ut ab eo homine abstinerent; quasi reddiderit eum stigmatum. Nonnulli per hypallagen vertunt: *Et posuit Kainum in signum*, id est ut exemplo esset. Quibusdam friget, & exemplo caret hæc interpretatio. Nec desunt qui: *Et imposuit Iehovab ipsi Kaino characterem*, quem litteram nominis Dei *He* intelligunt.

V. 16. A FACIE DOMINI. Heb. *A faciebus Iehovab.* Observant, facies Dei hic, & supra vers. 14. dici locum illum, seu cœtum piorum ubi verbum Dei, & promissio de semine benedicto venturo sonabat: ubi erat vera Ecclesia, sacramenta, sacrificia, verus Dei cultus, religio, pietas, & alie cæremoniæ, res externæ sanctæ religionis, quæ sunt tamquam visibiles Dei facies, in quibus Deus se exhibet, & præsens est, & vult se conspici; ubi favorem suum & benevolentiam crya suos ostendit, eos alloquitur, oracula edit. Sic poslea in Lege columna ignis, & rubis, arca, propitiatorium, tabernaculum, &c. dicta sunt facies Domini, ut suis locis videbimus. **HABITAVIT PROFUNDUS IN TERRA.** Heb. *Et habitavit in*

terra נֹד. Quidam nod pro appellativo fumunt: *In terra commotionis, vagationis, fugæ.* Alii: *In terra divagationis, & exilii.* Nonnulli: *In terra perfugii*; id est, in qua erat perfugium ipsis profugis. Plerique nomen proprium esse volunt terræ illius, quam Kain pulsus a cœtu piorum inhabitavit; atque a fuga & divagatione seu exilio, & migratione Kaini hoc illi nomen inditum existimant, e vers. 12. supra. Aliqui reddunt: *Et confedit in terra Nodi*, id est agitationis & vexationis. Hanc Nomadum esse putant in Arabia deserta Babyloniz contermina, quæ regio respectu Chenahanæ sita est ab oriente Hedenem versus. Hæc vox alibi non legitur præterquam Psal. lv. 9. ubi, *motionem, demigrationem, fugam, exilium, agitationem, vexationem* interpretantur. Noller vitam, sapienter, quod ex iis omnibus constet. **AD ORIENTEM PLAGAM EDEN.** Heb. nulla est præpositio. Quidam: *In anteriori parte Heden.* Alii: *Ante Heden.* Nonnulli: *Ad orientem, Hedenem versus.* Intelligo, Kainum recedentem a cœtu piorum, versus orientem profectum, in ea regione habitasse quæ erat orientalis loco ubi tunc erat Ecclesia, versus tamen hortum Heden; ut incoluerit regionem inter mediam, inter hortum Heden & locum Ecclesiæ. Sed hæc verba fusc elucidavimus in Paradiso nostro, cap. xviii.

V. 17. UXOREM SUAM. Hanc sororem eius germanam fuisse, & Savem appellatam, ex Lepto Genesi reiert S. Epiphanius Hæres. xxxix. Sethianorum. **ET PERPERIT HENOC.** Heb. חֲנֹךְ *Chanoch*, sonat initium, dedicatum, consecratum. **ET AEDIFICAVIT CIVITATEM.** Heb. *Et fuit edificans urbem.* Quidam: *Quamobrem studebat edificare civitatem*; hoc est, cœperat quidem summo studio & contentione ædificare civitatem, sed vimaledictionis Dei subinde ad errandum impulsus opus intermittere cogebatur. Videt similem locutionem Numer. xiv. vers. 27.

V. 19. DUAS UXORES. Primus digamus, & corruptor legitimi coniugii, de cuius institutione supra cap. 11. vers. 24. נָשִׁים *n'schim*, mulieres; circumstantia loci docebit, quando pro uxoribus capitur. Notant factum ex nomine נָשִׁים *anaschim* detracta capitali littera נ *Aleph*, quod mulier caput

caput esse non debeat; ideo regere illud velamine, I. Corinth. II. aut quod oppref-
fionibus, aut gravaminibus sint obnoxiz,
ægræ plufquam viri. Alii a נפש *nafhab*,
quafi obliuiofe, quod minus memoria va-
leant quam viri; aut quod in illis obliuio-
ni detur, & extingatur paterna familia.

V. 20. PATER HABITANTIUM IN
TENTORIIS; id est, auctor, inventor,
& doctor, qui primus pastores docuit sua
tuguriola in chiramaxiis, five arcuniis (ut
apud Festum legunt, pro arcuna, arcuniam)
statuere. Ita Tremellius, & Iunius. Sed quid
fit arcuna, vel arcunia apud Festum, & quid
chiramaxium apud Petronium, te Scaliger
docebit in Festum: quod tamen utrumque
longe abesse a tentoriis, quorum hic men-
tio, non dubito. ATQUE PASTORUM.
Hebr. *pecoris*, seu *pecuaria*; id est, docuit
pastores uniuersæ artem pecuariam, id est
pecora alere, in greges distribuere, &c.
מקדו *mikneb* proprie *acquisitio*, *compara-
tio*, *possessio*. Aliquanto specialius capitur
pro acquisitione pecoris, seu animalium
quæ in pascuis aluntur; id est, *peculium*,
pecus nostra industria, nostro labore, seu *pre-
tium partum*. Est collectivum, & includit ma-
iora & minora animalia pascualia. Ratio-
nem nominasse volunt, quod veteres bo-
nam partem suæ possessionis in pecore col-
locarent; sicut Latini inde pecuniam dixe-
runt. Noster reddere solet *pecus*, *possessio-
nem, substantiam*, &c.

V. 21. CANENTIUM. Hebr. singula-
re, *capientis*, *apprehendentis*, *attreſtantis*,
traſtantis, *contreſtantis*, *prebndentis*. Ci-
THARA, factum ex Hebraico כנור *cino-
nor*. ET ORGANO. עוגב *gugab*, quater
tantum extat in Bibliis: Noster ubique *or-
ganum* interpretatur. Aliqui *fides*, vel *ſiſtu-
iam*: & organum ſiſtulis conſtat. Dictum
volunt quafi amabile, amatorium; quod
eius lusu, & ſono afficiamur voluptate, &
amore; ſeu quod decantandis amatoriiſ ſit
aptum. Alii putant verbum עוגב *gugab*
potius eſſe *ſuſpirare*, *ſtare*: unde volunt
gugab eſſe *inſtrumentum muſicum*, quod
ſuſpiria, & ſtatus, ſeu ſibila emittat, ut ti-
biam, aut ſiſtulam. Obſervant autem his
duobus generibus inſtrumentorum cithara
& organo ſynecdochice comprehendiffe Mo-
ſen omnia inſtrumenta muſica, cum quæ
ſiſtibus extenduntur, ac digitis, manuque
puſſantur; tum pneumatica, quæ anima

implentur, ventoque moventur: de quibus
accurate Athenæus Lib. IV. cap. XXIII.
V. 22. TUBALCAIN. Hebr. *Tubal-kain*.
Notant, ſignificare *Orbis poſſeſſorem*, vel
confuſionis comparatorem, quam in mundum
ferrea ſua arte invexit. Ovidius I. Meta-
morphioſeos:

iamque nocens ferrum

volunt per aphæreſin dictum gentibus Vul-
canum ſabrum ferri. MALLEATOR, ET
FABER Hebr. unica vox מלכא *loteſeb*.
Aiunt מלכא *loteſeb* ſignificare arma, gla-
dias, ferramenta, ſeu quævis alia inſtrumen-
ta, five ærea, five ferrea, diſſendere, pro-
ducere; quod ſit cudendo, acuendo, liman-
do, poliendo, expoliendo. Noster I. Samuel.
XIII. 19. *exacuer*; Pſal. LI. 4. *acuer*;
Pſal. VII. 13. *vibrare*; hic *malleare*, *ſy-
fbricare*, expoliuit. Quidam hic reddunt *cu-
dentem*; alii *expolientem*; plures *acuentem*; quod
nonnulli metaphoriſe capiunt; id eſt, acute
erudentem: unde convertunt: *Qui erudit
omnem ſabrum ærarium, & ferrarium*; id
eſt, artem inventam ad commoditatem cę-
dendi ligna, ſacrificia, &c. excoluit, orna-
vitque. Quamobrem non video, inquirit,
cur tantopere in ea queſtione laboretur,
quo inſtrumento Kain Hebelum occiderit:
cum agriculturæ iam ante operam dediſſet
Kain, quæ ſine ferramentis non potuit,
ſaltem ex quo terra maledicta fuit, exer-
ceri. IN CUNCTA OPERA. מלכא *cho-
reſeb* quidam participium faciunt, *ſabrum*,
fabricantem, *artificem*, *opiſicem*. Alii no-
men, *fabrile*, ſcilicet *opus*, *fabricationem*,
opiſcium, *artiſcium*. ΝΟΕΜΑ. Hebr. נא-
גמא *nahamah*, id eſt *amena*, *incunda*, *ſpectoſa*,
pulchra. Hic iam, inquirit, invaluerat in-
ſana ambitio formæ.

V. 23. DIXITQUE LAMECH UXO-
RIBUS SUIS ADAM, ET SELLE. Quidam reddunt: *Tum dixit Lamech ſuis
uxoribus: O Hadab, & Tzillah, audite*,
&c. Omiſſiſque aliis interpretationibus, bre-
vitatis cauſa, hæc eius videtur loci ſenten-
tia. Lamech duas uxores duxerat, ſupra
verſ. 19. hæ autem uni viro iunctæ ſe-
mulæ appellantur I. Samuelis I. verſ. 6.
& ſmutuas ſere inter ſe exercent inimici-
tias, Genef. xxx. & Levit. XVI. 11. verſ. 18.
quibus altera angit alteram, & utraque ob-
tundit virum, prout verſibus elegantiffimis
Euripides docet in Andromache, & graviſ-
ſime Seneca in Hercule Otavo, initio Aſtus

M

II. ſigu-

11. figuravit. Accessit, quod raris utriusque prolibus, & artibus per eas inventis, & cultis, insolentiores illarum feminarum effectus sunt, adeo ut Lemechi aures earum emulatione, & altercationibus opplexerint, animique senis fatigaverint. Ab his occasionibus videntur protecta Lemechi verba silentium imperantis thralonice minitantis insequentibus. **AUDITE VOCEM MEAM**, &c. quasi dicat: Plus satis aliorum sermones auditis, qui nobis has turbas excitant, estisque mihi molestæ: tempus est ut audiat mihi, &c. **IN LIVOREM MEUM**, &c. **חֲבֻרָה** *chaburab*, cum senex in Scriptura occurrat, semper *livorem* venit. Noster, nisi Psalm. xxxvii. 6. ubi *cicatrices* dixit. Est autem proprie livor vestigium plagæ in cute, coniunctio seu collectio sanguinis ex plaga seu contusione, tumor ex plaga lividus, sanguis post plagam, seu percussionem concretus, vel plaga ex sanguine concreta, concretio sanguinis, quem exiles venæ contusæ ad extremam cutem diffundunt. Dissert a **וְצֶרֶחַ** *perzaph* *vulnus*, quod iam sanguinem emisit, & ex quo sanguis emicuit; at *chaburab*, *livor*, nondum sanguinem emittit. Quidam putant, *altercationem*, & *infectionem* hac voce significari. Alii *tumorem*, *tumorem liventem*, *plagam*, in qua congregatur sanies, exponunt. Nec desunt qui *ulcus*, *apostema*, *pustulam*. Pauci *percussionem*, *contusionem*. Rectius *vibicem*, seu *tunicem* reddes. Glossæ veteres: *Tumex quædam aliamque rursus*, dictus a tumendo.

Sane illud huius verius, *In vulnus meum*, & *in livorem meum*, bifariam capi potest: active, id est in vulnus a me infictum; vel in livorem contusione a me excitatum: & passivo, id est quæ mihi inficta fuerint. Syntaxis Hebraica est cum nota dativi: *Vulneri meo*, & *tumici meo*; id est, in, ad, ob vulnus meum, & in, ad, ob tunicem meum.

Nec possum nec debeo omnes huius obscurissimiluci interpretationes reponere: verisimiliores numerabo. I. ex verbo: *Quia virum interfeci ad vulnus meum*, & *puerum ad livorem meum*. Hic præteritum, interfeci, pro futuro, interficiam; & futurum indefinite acceptum, pro præterito imperfecto poni; vertique debere ad hunc modum: Sane hominem interfecerem in vulnere meo, etiam adolescentem in livore

meo. Sanguinari homines, ut aliis sunt terrori, ita passim omnibus sunt exosi: propterea terrebat uxores Lemechi mariti violentia toti humano generi intolerabilis, ne facta conspiratione omnes cum opprimerent; & de hac re admonuerunt maritum: qui tantum abfuit ut blanditiis uxorum mitigaretur sævus ac ferrox, ut potius se magis ad crudelitatem acueret, ac confirmaret; adeo ut uxoris paterecetur crudelitatem suam, iactando, sibi satis animi esse, roboris, ac violentiæ ad fortissimum quemque hostem trucidandum, si quis ipsum aggredi auderet; ac si dicat: Si a quoquam etiam viro fortissimo, vel ab adolescente, qui viribus valet, vulnus acciperem, vel saltem livorem, illum interficerem, valeo enim viribus: non est igitur quod mihi, vel vobis, aut liberis vestris timeatis, o vos uxores meæ. Videbat enim uxores suas tristes. II. Quidam reddunt: *Nam virum interfecero ad vulnus meum, etiam adolescentem ad tunicem meum*. Obtusus auribus & animo Lemechus emulatione, superbia, & altercationibus uxorum, quæ etiam præclaris artibus filiorum efferebantur, thralonice minatur: Si quis mihi porro negotium successerit, quiquis tandem ille sit, strenuo vindicaturus sum, si prudens, sive imprudens, sive magnus, sive parvus, sive gravem, sive levem iniuriam fecerit: *ad tunicem meum*; id est, si me vel leviter quicquam offenderit, ut quum baculi percussione tumidi livores in cute nascuntur, quos præci Latini *tumices* appellabant. Gradatio vehementissima. III. *Quia occidero virum in vulnus meum, & adolescentulum in livorem meum*; hoc est, ego in caput meum secure recipio, si quid est periculi; in caput meum vertat, si quid secius contingat, meo periculo accadat, quidquid poterit; quasi dicat: Certus sum occidere quemcumque mihi obstitentem, quidquid inde mihi male contingat. IV. *Quia occidi virum vulnere meo*, id est a me inficto, & *puerum livore meo*, id est a me impresso; ut duos se occidisse gloriatur, alterum virum iam ac prævalidum, iussu vulnere lethali; alterum puerum, contusione vel suffigatione. Quinam vero ii fuerint, hæc nos latet: nam fabulas Hebræorum, & Nostrorum explanationes haud animus est transcribere. V. Cum male audiret Lamech,

mech, quod duas uxores duxisset, & illæ timerent, ne ei mali aliquid ea de causa accideret, dixit interrogative: Numquid hominem aliquem vulnerē occidi, aut puerum ullum contudi, ut vitæ meæ timere debeatis? Si Kaiini impij parricidæ interfectior graviter puniendus fuerit; quanto gravius puniri debet qui me innocentem, & qui neminem interfecerim, occiderit?

Non prætermiserim, particulam *ci*, quia, quoniam, interdum in Scriptura usurpatur pro negativa, non, nec: Isaia xxx. vers. 21. *Hæc via, ambulate in ea: ci, non declinetis neque ad dexteram, neque ad sinistram.* Isaia xlii. vers. 22. *Non me invocasti Iacob, ci neque laborasti in me Israel.* Unde hic apte reddiqueat: *Ci, nequaquam virum interfeci vulneri meo, &c.* quasi dicat: Nec virum vulneri, nec infantem aut puerum contusione umquam occidi. Notant insuper, particulam *ci*, interrogative aliquando sumi, pro eo quod Latine, dicimus, quid? vel num? vel forsitan? Isaia xxi. 16. *Ci, num dicit opus factori suo: vel forsitan dicit opus, &c.* Ironicos. Isaia xxxvi. vers. 29. *Ci, numquid liberaverunt Samariam de manu mea?* Quandoque etiam accipi pro si, Deuter. vii. vers. 17. *Ci, si dixeris in corde tuo, unde hic recte verti possit: Ci, quid? num? forsitan? occidi virum in vulnere, &c.* ut penitus abnuat. Vel in eundem sensum: *Si virum occidi, &c.* id est, non. Suspicio est, Lamechi uxores timuisse illi mortem; nimium vel propter polygamiam ab eo primum introductam, vel ob arma, & instrumenta ferrea nuper reperta, vel quod ipse ferox esset ac sævus; ipsum vero eas bono esse animo iubere, quod nemo ipsi in irremtentaturus sit, eo quod neminem ipse umquam occiderit; quasi dicat: Nullus me interficiet, cum neminem ipse interfecerim, aut vulneraverim, aut læserim. Unde verba Nostræ rectè interrogative capi posse, tam certum est, quam quod certissimum.

VI. Amicum meum Hebraice doctum ita exponentem audivi, *Quia vir*, id est, quum essem iam vir (*ci* pro quum frequentissime ponitur) occidi, subaudi alios, in vulnere meo, eos scilicet vulnerando: & puer, id est quum adhuc essem pene puer ac infans, in livore meo, id est pugno, aut lapide, aut bacillo contundendo alios pueros mihi æquales; quasi dicat: Et in pueritia, ac fe-

re in infantia, & in virili ætate semper fui ferox, & violentus, atque humani sanguinis avidus, ut hic ille totus impius, ac sævus se se thraōnice violentiæ, & crudelitatis ab incunabulis iacitit apud uxores. Et quod sequitur, *Quia septuplo vindicabitur Kaiin.* &c. dictum sit ab eo ironice, & irrisorie per summum contemptum, ut sibi scelus impunitatem promittat; quasi dicat: Nihil est quod mihi aut vobis timeatis, uxores meæ: scilicet, si Kaiin interfectior puniendus fuerit graviter, meus sane gravissime.

V. 24. SEPTUPLUM ULTIO DABITUR DE CAIN, &c. Subaudiunt, Scio te, inquam, quod septuplum vindicabitur Kaiin, &c. Deus voluerat Kaiinum horribile alius fugiendi homicidii esse exemplum: in hunc finem eum sædo stigmate notaverat: nequis tamen eius scelus imitaretur, septuplo gravius puniendum esse dixerat, quisquis eum occideret. Hanc Dei sententiam impie pervertens Lamech illius severitati illudit: nam inde arripit maiorem peccandi licentiam; ac si Deus homicidas singulari aliquo privilegio donasset. Non quod sero ita sentiat, sed quia vacuus omnipotentis sensu, impunitatem sibi promittat; ac interea per locum obtendit Dei nomen, & sententiam. Quidam reddunt: *Quum septuplo sit vindicandus Kaiin, utique Lamech septuagies septies tanto; id est, ut ut grave supplicium occisori Kaiini interminetur Deus, ego longe gravissimo afficiam eum qui me offenderit.* Plerique exponunt: Scitote quod gravissime punietur, gravissima ultio timeatur a Domino de eo, qui Kaiin interfecerit; multo autem gravius de eo qui me occiderit; quasi dicat: Si Deus affirmavit se gravissime punietur eum qui occiderit Kaiin, multo magis eum punietur est qui me interfecerit, quippe qui nullum interfecerim, sed ne vulneraverim quidem. Aut si occiderim, non tamen fratrem, ut Kaiin, quod fuerat horrendum parricidium. Ut numerus septenarius in Scriptura multitudinem designat, ita septuplicatio, seu septuagies septies pro ingenti incremento, & immani numero ponitur. Nec est dubium quin hanc phrasim imitatus fuerit Christus Matthæi xvi. 11. vers. 22. *Non dico tibi usque septies, sed usque septuagies septies:* ut etiam S. Hilarius in eum Matthæi locum annotavit.

V. 25. ET VOCAVIT NOMEN EIUS. Verbum *vocavit* est femininum, וָקָרָא *ti-kra*, unde ad Hevam referendum videtur: *Et ipsa vocavit nomen eius*. Quidam exponunt: Et ipsa causa fuit cur hoc nomen filio vir imposuerit; ut supra in nominando Kaiino, vers. 1. SETH נָשׁ significat *positum*, *repositum*, ut exponunt sequentia. DICENS: POSUIT MIHI DEUS. Heb. *Et vocavit nomen eius Seth: quia posuit, vel reposit, mihi Deus*. Subaudiendum verbum *dicens*; vel *nam reposit mihi Deus*, inquit, *semen aliud*, eclipsis frequens, ut infra cap. xx. 11. I. Samuelis 1. 20. I. Regum xx. 34. & I. Mach. x. 20. SEMEN ALIUD, vel *alterum*: exponunt: Id est, filium unum, singulariter dictum, ac non sylleptice, ut infra cap. xxi. vers. 13. & cap. xxviii. vers. 3. quo respexit Apostolus Galat. iii. 16.

V. 26. ENOS עֲנוֹשׁ *Enosh*, id est mortalem, insectum ærumnis, doloribusque. Vide infra cap. vi. ad vers. 4. ISTE COEPIIT INVOCARE. Heb. *Tunc captum est*, &c. Quidam: *Tunc*, post natum Enosum. Alii: *Tunc*, sub Enoso. ISTE COEPIIT INVOCARE NOMEN DOMINI. Mirum quam varie hunc locum & Hebræi, & Nostrī convertant, & explanant. I. *Tunc violatum, profanatum fuit ad vocare in nomine Iehovah*; hoc est, in diebus Enos erraverunt homines post idola, & invocatio nominis Iehovah tunc fuit polluta & profanata, cum nomen Iehovah æterni & vivi Dei passim idolis profane & impie tribueretur. Vel *tunc captum fuit ad vocare in nomine Iehovah*, id est, tunc cœperunt homines vocare deastros suos, & idola sua de nomine Iehovah. Hæc interpretatio est quorundam Hebræorum. S. Hieronymus: *Tunc initium fuit invocandi nomen Domini*. Licet plerique Hebræorum aliud arbitrentur: quod tunc primum in nomine Domini, *in similitudine eius fabricata sint idola*. II. *Tunc captum est profanari in invocando nomine Iehova*; id est, sub Enos tempora alii posteri Sethi, apud quos mansura erat Ecclesia, a Kaiinitis corrupti, cœperunt profanare se in invocando nomen Domini; id est, in vero Dei cultu profanarunt & corruperunt Dei cultum. Ita Tremellius, & Iunius in prioribus editionibus coniungentes una versione duas verbi עָבַל *abal*, significationes, incipere, & profanare. Sed ii mutaverunt, ut sta-

tim videbimus. III. *Tunc captum fuit prædicare in nomine Domini*; id est, tunc cœperunt pii publice prædicare doctrinam de vero Deo, & refutare idolatriam. IV. *Tunc initio, primum publicatum fuit, exorsum fuit, commune fieri cœpit, primum commune factum fuit, invocare in nomine IHVH*; hoc est, tunc primum publice, passim, communiterque institutus est verus, legitimus, & sollemnis Dei cultus externus, ac certi, & sacri ritus, ac cæremoniæ colendi Deum instauratæ sunt, ac propositæ, plures, & sollemniores quam antea, quas observarent filii Dei, & posteri Sethi, homines pii ac fideles in quibus erat vera Ecclesia Dei. Notant, hanc phrasim, *vocare*, vel *invocare in nomine IHVH*, significare celebrare, implorare nomen Iehova; in quibus eundem rebus verus Dei cultus exterior consistat, nempe in invocatione, gratiarum actione, prædicatione verbi Dei, confessione, glorificatione, celebratione, sacramentis, sacrificiis, & aliis sacris ritibus & cæremoniis. Aliqui hic invocare nomen Domini, pro *litare*, seu *rite sacrificare Domino* accipiunt. V. Nonnulli, quod videant iam sub Adamo, Hebellæ, Setho fuisse institutum externum cultum divinum, arbitrantur Enosum peculiarem quamdam & singularem, sublimioremque rationem colendi Deum instituisse, quam esset communis vulgi religio, nempe arctiorem, & diviniorem cultum, qualis est vitæ monasticæ ac religiosæ; quasi dicat: *Tunc sub Enoso cœpit iam sublimior quidam Dei cultus, nempe monasticum & asceticum vitæ genus, divinis contemplationibus, meditationibus, & aliis piis, & religiosis, perfectioribusque exercitationibus deditum: unde non dubito dimanasse posterioribus temporibus collegiæ seu monasteria filiorum prophetarum*. Tam alte merito repetimus initia vitæ monasticæ. Forsterius reddidit: *Tunc captum est publice invocari nomen Iehova*. VI. Tremellius, & Iunius in posterioribus editionibus ita hunc locum convertunt, & explanant: *Tunc captum est invocare, vel invocari nomen Iehova*. Alii: *Captum est vocare de nomine Iehova* (id est) *prædicare, atque profiteri nomen eius, & pios in Ecclesia ex nomine Dei distinguere*. Sensus est, Adam & Seth (in cuius posteris mansura erat Ecclesia) ubi corruptos a Kaiinitis reliqui mundi mores ex conversatione inibi a suis posse anim-

adverterunt, & labefactari Dei cultum, cuius fuerunt administri: inde ab eo tempore suos in corpus Ecclesie contraxerunt, eodem alios predicationis verbi provocarunt, sanctis precibus, & exercitamentis pietatis ab impietate & iniustitia palam grassante eos vindicarunt (quod unicum est piorum in desperatione, & conclamationis periculum) religiosaque hac observatione nomen sibi comparaverunt, & appellationem filiorum Dei. Est igitur hæc loquutio (utrovis modo accipias) synecdochica. Nam prius quidem invocavit Adam, sed in familia; tunc vero invocaverunt multi, sed in Ecclesiam, veluti in causam recepti a mundi peccantis, & seducentis consortio. Hanc interpretationem, ut infra cap. xiii. vers. 5. & cap. xiiii. vers. 4. & Aben Hezra verissimo fundamento defendit adversus omnium Iudeorum explicationem, dicens, si esset ex profanandi significatione, futurum fuisset ut nomen, non autem verbum cum particula Hebræa cohereret. (Futilis & ridicula ratio) De hac autem corruptione publica (cuius exemplum in Lemeco adduxit Moyses) vide infra in cap. v. vers. 21. & cap. vi. vers. 1. nam tota recensio capituli quinti a Mose hyperbatice inferitur, & finis huius capituli ad continuationem huiusmodi est cum principio sexti capituli coniungendus. Hactenus illi. VII. Tunc capium fuit vocari, appellari, in nomine, vel de nomine IHVH; id est, tunc cœperunt homines de Dei nomine appellari, ita nimirum ut pii, fideles, Sethi propago, ad Ecclesiam Dei pertinentes; filii Dei appellarentur; quasi plane & istud Moyses notavit, non solum ad indicandam certam Ecclesiæ notam ac tesseram, sed ne omnino novi hospites accederemus ad contemplantam eam historiam, quam vi. postea capite inde, nempe a filiis Dei, exorsurus erat. Sed huic expositioni ob stare videtur, quod illi non filii IHVH, sed filii Elobim vocentur. Sed utrumque unitus Dei nomen est.

Antea iam colebant Deum, aliis quidem nominibus, forsitan nomine Elobim eum in vocando; at tunc sub Enos cœptum fuit invocare, & colere Deum sub arcano nomine IHVH, quasi in veri & æterni Dei invocatione, & cultu tunc usurpare cœperunt divinisimum istud nomen. Nam cum Hebræi id adeo sacrum & religiosum habuerint, cuiusque invocationi mirabiles virtutes tribuerint, cura fuit Mosi, non præ-

termittere eius invocationis, & cultus primam in Dei populo originem. Neque ob stare locum Exodi iii. 6. ibidem videbitur.

MENOCHII.

Vers. 1. **C**OGNOVIT. Virgo Hebræis נָחַבָּה *Alma*, quæ vox absconditam, seu incognitam significat. Hinc factum ut qui cum muliere congregitur, eam cognoscere dicatur. **CAIN**, dicitur a נָכַח *Kana* possedit. **POSSEDI HOMINEM**: aucta sum homine, acquisivi sobolem. **PER DEUM**, divino munere, ac beneficio.

V. 2. RURSUSQUE PEPERIT. Rabini putant ex eodem conceptu Evam peperisse gemellos, quia hic non repetitur conceptus, sed tantum peperit; sed temere ita sentiunt: Moies enim hic compendio utitur, & in verbo peperit præsupponit, & subaudit conceptus. **ABEL**. Proprie *Abel*, vel ut Hebræice dicitur, *Hebel*, significat vanitatem. Vel Eva nato suo celerem necem prælagiit, vel omnium hominum mortis obnoxiorum conditionem significavit; quasi diceret: *Universa vanitas est omnis homo vivens.*

Vers. 3. DE FRUCTIBUS TERRÆ. Secundos, & viliores fructus: hi enim vocantur in Scriptura fructus terræ; contra vero Abel qui primogenita, & adipem obtulit.

Vers. 4. RESPEXIT DOMINUS AD ABEL, ET AD MUNERA EIUS. Primum fuit causa secundi. Placuerunt munera, quia placuit Abel. Sacrificia enim vetera non placebant Deo ex opere operato, sed ex opere operantis. Patres sentiunt, igne de cælo misso, qui absumperit Abel sacrificium, declarasse Deum sibi illud placuisse. Itaque Theodoton vertit *ἐνέσχετο, inflamnavit, incendit*. Oblatio Cain intacta relicta est.

V. 5. CONCIDIT VULTUS EIUS. Qui bene sibi conscius, & simpliciter ambulat, ambulat vultu erecto, & confidenter; qui vero livore contabescunt, & malum machinantur, frontem caperant, faciem obnubilant, & oculos in terram demittunt.

Vers. 7. NONNE SI BENEGERIS, RECIPIES? tum quietem, & gaudium conscientie, tum favorem meum, utque simili

milli signo, igne nimirum de caelo misso, attester te, tuaque munera mihi placere. **IN FORIBUS PECCATUM ADERIT;** id est, poena peccati, quæ quasi canis aut cerberus cubans fores oblidet peccati vindex. Canis hic est vermis conscientiae, mentis turbatio; & indignatio, ira Dei, omnesque ærumnæ præfentes, & æternæ, quibus Deus peccata punit. **SED SUB TE ERIT APPETITUS EIVS.** In Hebræo, & apud LXX. est: *Ad te conversio eius.* Sensus est: peccatum, eiusque appetitus, & concupiscentia te sollicitabit ad consensum; sed ita ut ad te converti, & a te consensum petere, & impetrare debeat. Id noster Interpres ad sensum clare vertit: *Sub te erit appetitus eius.*

Vers. 8. INTERFECIT EUM. Nescitur quo modo. **Vers. 11.** terra dicitur bibisse sanguinem Abel. Patet non præfocatum, sed quopiam lapide, aut alio telo necatum.

V. 9. CUSTOS. Cum indignatione loquitur, & quasi subfannans Deum. An ego fratris mei sum pædagogus?

V. 10. QUID FECISTI? Unico vocabulo offendit se concium perpetræ rei. **VOX SANGUINIS CLAMAT:** cædes iniusta celerem, & atrocem in conspectu Dei vindictam postulat.

V. 11. MALEDICTUS ERIS SUPER TERRAM. Terra erit tibi maledicta, & maligne, parceque tibi eam colenti dabit fructus suos. Hebræi habent: *Maledictus tu de terra.* Vel etiam *Maledictus*, quia infelix, vagus, & profugus super terram.

V. 12. VAGUS, ET PROFUGUS: sceleris poena, & carnificina conscientiae per incertas vagantem sedes exagitabunt. LXX. habent: *Gemens, & tremens:* significantes Cain animo consternatum, & corpore tremulum.

Vers. 13. MAIOR EST INIQUITAS MEA QUAM UT VENIAM MEREAR: quam ut ulla poenitentia veniam possim impetrare. Hebræus contextus habet: *Maiores est iniquitas mea quam ut ferretam,* scilicet possit Deus, non ut Rabbini: quam ego ferre possim: sumunt enim iniquitatem pro iniquitatis ipsius poena.

V. 14. ERISCIS ME; quasi dicat: Merito despero, nam video te mei curam abicere, & privare solita providentia tua, quem nullibi tuto pateris consistere, vel ul-

lam capere quietem. **A FACIE TERRAE:** ablegas me a facie terræ ubi natus, & educatus. Vel terra sumitur pro hominibus metonymice; & sensus est: Facis me hominum odium, adeo ut nec illi me visu dignentur, nec eos ego ausim aspiciere. **A FACIE TUA ABSCONDAR:** quasi reus, præsentiam Dei ludicis fugiam; vel cura, favore, & tutela tua destituar. **OMNIS QUI INVENERIT ME:** nequeo effugere quin ab aliquo mox interimar; omnis creatura in me insurget, **OCCIDET.** Nec iram Dei, nec animæ mortem timet; sed solam vitæ huius, & corporis iacturam veretur.

V. 15. SEPTUPLUM PUNIETUR. Numerus finitus pro infinito. Gravius punietur quam tu: quia tuo exemplo deterritus non fuit quominus te de medio tolleretur, quem in delicti sui poenam, & admonitionem superesse sic volebam ut & vitam pro supplicio, & mortem pro solatio haberet. **POSUITQUE DOMINUS CAIN SIGNUM.** Cuiusmodi signum fuerit ignoratur. Communiior Patrum doctrina est de corporis tremore, cum quadam vultus, & mentis consternatione. **UT NON INTERFICERET EUM OMNIS:** ut nemo eum interficeret: Hebraismus.

V. 16. HABITAVIT PROFUGUS IN TERRA. Hebr. est: *Habitavit in terra Nod.*

V. 17. UXOREM SUAM, filiam Adam sororem suam; initio enim mundi necesse fuit sorores fratribus nubere. **AEDIFICAVIT:** non iam, sed multis post annis, cum Cain plures genuisset filios, & filias, nepotes, & neptes, qui Henochiam replere possent. Aedificavit autem ex rudimenta, & serarum metu. **HENOCH.** Non a se Cain nominavit, quia nomen ipsius omnibus invisum.

V. 19. DUAS UXORES. Primus polygamus Lamech legem monogamæ latam Genes. 11. 24. violavit. Post diluvium cum vita hominum esset brevior, & solus Noe cum suis superesset, ne nimis lente propagarentur homines, indulset Deus ut plures liceret habere uxores, quod Abraham etiam, & Iacob viri sanctissimi fecerunt. Rursus Christus Matth. xix. 4. polygamiam sustulit.

Vers. 20. PATER HABITANTIUM. Hebræi vocabulo *pater* solent significare quem.

quemvis artium inventorem, vel excellentem magistram.

V. 23. QUONIAM OCCIDI VIRUM. Traditio Hebræorum est, quam Hieronymus non respuit, occidisse Lamech Cainum tritavum suum, quem ab armigero adolescente indicatum, feram putaverat, quo errore cognito dolorem cædis in adolescentem effudit illo interempto. Hoc posito sequentia facile expediuntur. *QUONIAM.* Non redditur ratio, sed simpliciter quid factum sit narratur. *VIRUM.* Cain. *IN VULNUS MEUM.* Hebræism. vulnere a me imposito. *ADOLESCENTULUM.* armigerum venationis comitem. *IN LIVOREM MEUM.* ex livore contusionis ei meo verberare illato, e quo male curato moriuntur.

V. 24. SEPTUPLUM ULTIO DABITUR DE CAIN; quasi dicat: Scio mihi cædem illam non impune cessuram, quia Deus prædixit graviter puniendum Caini occisorem. Ex hoc potestis colligere, uxores meæ, gravius adhuc plectendum qui, quod vos metuistis, me per injuriam interimeret. Nam Cain fratrem suum sponte occidit, nec pœnituit facti, & ideo dignissimus qui & ipse occideretur; ego duos quidem occidi, sed avum invitatus, & ignarus, puerum illum nolens occidere, sed tantum castigare, quod me in fraudem induxisset; & utriusque facti me pœnitet: quare nemo me iam reum, sed pœnitentem, si occidat, punietur ipse septuagies septies. *SEPTUAGIES SEPTIES,* multo gravius. Ad hunc locum respexit Christus Matth. xviii. 22. *Non dico septies, sed septuagies septies.*

V. 25. SETH, quod proprie *positionem* seu *fundamentum* significat. Nomen hoc instinctu Dei indidit: tum quia futurus fundamentum civitatis Dei pro Abi; tum quia figura Christi, qui fundamentum Ecclesiæ vocatur Isa. xxviii. 16. & I. Corinth. iii. 11.

V. 26. ENOS, significat hominem miserum, afflictum, ærumnosum. Noverat Seth hanc futuram suorum, nempe iustum, in hac vita conditionem. *COEPIT INVOCARE NOMEN DOMINI.* Sensus est, tunc temporis auctore, & suatore Enos coepisse homines passim, & publice certis ceremoniis, & conceptis precum formulis Deum colere.

Vers. 1. PEPERIT CAIN, DICENS: POSSEDI HOMINEM. Cain enim Hebraice idem est quod *possessio*; quasi dicat: Natus est mihi filius, qui erit possessio & hereditas mea. *PER DEUM.* Vox est gratulantis, & Deum auctorem generationis agnoscens. Hac mystica, & pia nominum impositio statim ab ipso mundi exordio, insinuat curam studiumque primorum parentum, ut simul ac liberi in lucem essent editi, expedirentur a culpa originali, remedio a Deo designaro, scilicet fide parentum in Deum, signo aliquo externo expressa, quale pro adultis erat sacrificium, pro posteris Abrahæ masculis circumcisio saltem post octavum diem.

V. 4. RESPEXIT DOMINUS AD ABEL, ET AD MUNERA EIUS. Respexit favendo, probando, & pecora, terræque illius fecundando. Theodotion vertit, *Infiammavit Dominus;* nempe, igne de celo misso absumpsit sacrificium Abelis, Caini reliquit intactum. Quæ est sententia communis fore omnium SS. Patrum c. Respexit vero Deus prius ad personam Abelis, quam ad eius munera; ut doceamur sacrificia vetera non placuisse Deo ex opere operato (uti placet illi sacrificium novæ legis) sed tantum ex opere operantis.

V. 7. NONNE SI BENE EGERIS, RECIPIES. scilicet etiam tu favorem meum, & benedictionem similem fratri tuo? ut & simili signo, puta igne cælitus immisso, telter, te quoque tuæque sacrificia mihi placere. *SIN AUTEM MALE EGERIS, STATIM IN FORIBUS PECCATUM,* id est pœna peccati, *ADERIT,* quasi canis & cerberus præ foribus animi instat vindicæ culpæ accubans. Ita sonat Hebræum *רוב* *robbi.* Hic canis est vermis conscientiæ, ira Dei capiti peccatoris imminens, omnique pœnæ præsentis & futuræ vitæ. *SED SUBTE ERIT APPETITUS EIUS,* scilicet peccati, *ET TU DOMINABERIS ILLI;* quasi dicat: Facile evaseris omnem pœnam, si, ut liberi es arbitrii, volueris concupiscentiæ & appetitui tuo, tamquam mancipio rebeli, dominari, & resistere: nam invitare te possunt passionibus & appetitui ad culpam, sed cogere non possunt.

V. 8. INTERFECIT EUM, non mandibula, ut fingunt pictores, sed rustica fur-

ca,

ca, sua lignea, seu ferrea, quam manu secum sine suspitione de more ferre soiebat. Interfectus est autem Abel verosimillime anno ætatis suæ 129. mundi 130. Nam natum anno 2. mundi conditi, & occisum eodem anno quo natus, & illi substitutus est Seth, hoc est 130. ex Scripturis deducunt Caietanus, Pererius, Tornielius, & alii.

V. 14. ECCE EICIIS ME HODIE A FACIE TERRÆ; id est, a patria mea amenissima, & fertilissima e, quin & a tota terra, dum exulem me & profugum nusquam uno eodemque loco consistere permittis. ET A FACIE TUA ABSCONDAR; id est, quasi reus præsentiam irati iudicis & vindicis Dei horreo & fugiam, & latibula quæram; quasi dicat: Exosus ero Deo, & hominibus, ut nec ego illos aspicere auserim, nec illi me ferre sustineant: unde quisquis ME INVENERIT, quasi eronem & fugitivum, & omnibus exosum, OCCIDET f.

V. 15. POSUIT DOMINUS CAIN SIGNUM. Ex communiore sententia signum hoc fuit tremor corporis, & maxime capitis, ac conspectus vultus g. Dat ergo hoc supplicium Deus Caino vitæ fidem publicam, sed altiore consilio, partim in penam illius, cui celerior mors forte commodior accidisset, partim in aliorum exemplum, quo a simili scelere detererentur. Unde & gravius supplicium minatur hic Deus secundo homicidæ, licet ipsiusmet Caini omnibus invisit: SEPTUPLUM, inquit, PUNIETUR, id est multiplicius & longe gravius: quia nempe gravius etiam peccabit: quippe & alieno doctus exemplo & malo, & præcepto meo de non occidendo tam graviter, tam serio iterato rebellis.

V. 23. & 24. Sic Lamech secundus, immo tertius homicida, nam & VIVUM, inquit, OCCIDI (quem, incertum, nisi quod Rabbi velint fuisse Cainum, atavum Lamech; ut etiam S.Hier. S.Anselm. Rabanus, Sirabus, Cornestor, Lyranus, Abulensis, Lipomanus, Caietanus, Genebrardus, & alii, quos citant & sequuntur Delrio, Salianus, Pererius, & Bonfrerius) ET, alterum quemdam, ADOLESCENTULUM, IN VULNUS, ET LIVOREM MEUM: hebraismo. id est livore, & vulnerare a me ipsi inflicto. Hic, inquam, Lamech, cum suum hoc geminum scelus cum simplici scelere Caini consulisset, mox se

præ illo longe gravius ex duplici iam dicto capite punitum iri ominatur, SEPTUPLUM, inquit, ULTIO DABITUR DE CAIN, id est gravius valde, & multiplex; DE LAMECH VERO SEPTUAGIES SEPTIES, id est longe gravior, & multiplicior. Similis phrasis est Matth. xviii. ver. 22. Quasi dicat: Si Cain, qui non nisi semel, & sin: exemplo aut expressa prohibitionem deliquit, tam graviter punitus est; ego qui duos occidi, quique penam Caini vidi, Dei expressam inhibitionem audivi, nec tamen ab eodem scelere abstinui, longe gravius merito puniendus sum b.

Verf. 26. ISTE COEPIT INVOCARE NOMEN DOMINI, scilicet publice per cœtus & ecclesias. Cum enim, crescente numero hominum, cresceret etiam obliquo, & contemptus Dei, videtur Enos, auctore & monitore Adamo, publicos piorum conventus cogere coepisse, partim ad augendam, stabilendam, & propagandam religionem; partim ad preces & conciones publicas, & cultum Dei per sacrificia, alioque ritus & caeremonias inducendum.

(a) Ita S. Greg. I.IV. Mor. cap. xii. S. Th. III. p. qu. lxx. art. 2. & c.

(b) Ita Chryf. & Lipomanus apud Salianum anno 130.

(c) Citant illos a Lapide, & Salius supra.

(d) Ita contra Calvinum Bellarmus. & a Lapide, qui citant S. Patres.

(e) Ita Olscaster, & Pererius.

(f) Ambros. Olscaster, Lipomanus apud a Lapide.

(g) Ita LXX. & tradunt Hebraei, Hier. Procopius, Eucherius, Theod. Rupert. citati a Salius, & a Lapide.

(h) Ita Chryf. & Theodoritus apud a Lapide.

GORDONI.

Initio ergo Adam genuit Cain, & Abel. At vero Adam cum genuit Seth, erat annorum 130. Ab hoc Seth, seu ab Enos eius filio (qui veræ religionis tenacior fuit) incipit proponi ordo & series nepotum, omissa altera linea quæ est a Cain, & quæ ad Patriarcharum seriem non pertinet.

	Natus.	Generatus annos.	Vixit annos.	Moritur anno mundi.
Adam.	0	130	930	930
Seth.	130	105	912	1042
Enos.	235	90	905	1140.

Verf. 1. ADAM VERO COGNOVIT UXOREM SUAM. Falluntur Novatores, si pu-

si putant, aut divinant Adamum cognovisse in paradiso uxorem suam Evam, cum Patres doceant eos mansisse in paradiso virgines, ut hic locus docet, ubi nunc primum, & post ejectionem, fit mentio copulæ. Peperit vero Eva Cain כַּיִן. Sane כַּיִן *kinian* est possessio, a radice כָּן possidere, quod ad generationem solet referri. Hinc allusio Evæ: Possedi virum. Gemellos fingit Calvinus fuisse Cain & Abel; sed somniat: contra quem etiam colligunt Patres, Abel obiisse virginem. Ita Hieronymus, Basilius. & Ambrosius: quod Scriptura, uxoris, aut prolis nullam faciat mentionem.

V. 2. CAIN AGRICOLA. Heb. כְּבֹד *hbaved*, serviens terræ, instar samuli. Sept. operans terram, ὁργαζόμενος τὴν γῆν.

V. 3. POST MULTOS DIES. In Hebr. *אַחַר יָמִים* *ahin dieum*. Idiotismus est, designans, post aliquot annos.

V. 4. DE ADIPIBUS. Sane ex optimis totius gregis: solent enim Hebræi, quod optimum est, adipem vocitare. Sic ex adipe frumenti, & medulla tritici. Respexit vero Deus, hoc est ostendit sibi placere: nam Hebraicum שָׂעָה *shabba* designat complacentiam. At cur magis placuit Abelis victima? An quia innocenter erat; an quia ex adipe, & optimis, maiore fide, & caritate: nam talia sacrificia probat Deus.

V. 5. NON RESPEXIT. Causa fuit odium in fratrem, ex Iren. Lib. IV. cap. xxxiv.

Vers. 6. & 7. QUARE IRATUS ES? ... NONNE SI BENE GERIS, RECIPES? ... SED SUBTE ERIT APPETITUS EVUS. ET TU DOMINABERIS ILLIUS. Hic Calvinus pugnat contra liberum arbitrium. Vult ergo *non eius* referri ad Abelem, & non ad peccatum; at inepte: nam quomodo ad Abelem, cuius hic nulla facta est mentio, referri potest, ut recte notant August. XV. de Civit. cap. vii. & Ambrosius Lib. II. de Cain & Abel cap. vii. Dices, pronomen, aut affixum esse masculinum, & peccatum Hebraice femininum: ergo non ad peccatum. Sed hoc quoque falsum est. En textum, רָצוֹן לְפָנָיו הָיָה הַטָּהוֹר *robbets lapehbab battath, cubans ad os suum peccatum. En הָטָהוֹר, masculinum. Adde וְרָצוֹן הָיָה לְפָנָיו הַטָּהוֹר* *velceba tevuhatbo, & ad te appetitus eius*. Hic iterum apparet *battath* esse masculinum. Vide radicem פָּחַד.

Certe aliqui dicendum erat *robbetsa, & tevuhatceb*. Ceterum loci huius versio apud Septuaginta obscurata est vicio temporis; quod inepte Eugubinus inficit LXX. Interpretum ascriptis, ut recte notavit Bonfrerius, assertor passim huius contra eundem Græcæ versionis.

V. 8. DIXITQUE CAIN AD ABEL FRATREM SUUM: EGREDIAMUR FORAS. Non est quod criminetur Novator vulgatam editionem: verba enim ista, *Egrediamur foras*, quamvis non sint nunc in Hebræo codice; tamen fuerunt olim; & ea apud Septuaginta legerunt multi: *διὰ τὴν οὐκ ἔχοντα τὴν ἀνάστασιν*. Ea ponit Hieronymus in sua versione; quamvis in Quæstionibus Hebraicis dixerit posse tolli. Sane recepta sunt a Patribus; & nisi adsint, sensus mutilus fere est. Credendum ergo LXX. viris, non uni aut duobus Novatoribus.

Vers. 11. MALEDICTUS ERIS: quia vagus, infelix, & terra maligne respondebit tuo labori.

Vers. 13. MAIOR EST INIQUITAS: per nullam poenitentiam potero veniam impetrare.

V. 14. A FACIE TERRÆ: non quidem omnis terræ, sed terræ in qua natus sum. ET ABSCONDAM A FACIE TUA; hoc est, ero fugiens te, quasi mihi iratum, & pavidus.

V. 15. POSUITQUE DOMINUS SIGNUM. &c. Divinandum est, quale fuerit hoc signum: quod dico, ut rideas Rabinos, qui canem fuisse volunt datum Caino, a quo duceretur per vias tutas. Alii signum in facie datum putant; alii tremorem corporis.

V. 16. HABITAVIT AD ORIENTALEM PLAGAM EDEN. Insinuavi cap. 11. vers. 8. quis sit locus Eden, ubi erat paradisus.

V. 17. COGNOVIT AUTEM CAIN UXOREM SUAM, certe sororem, ut satis indicat genealogia hæcenus a Mose notata. Vide Levit. Cain post aliquot annos exilii Enochian condit, primam in orbe civitatem, sic a filio Enoch nominatam, quando proinde cessavit esse profugus Cain.

V. 19. Lamech primus polygamus legem monogamiæ violat, latam Gen. cap. 11. vers. 24. Post tamen diluvium, ut multiplicarentur homines, dispensatum putamus de hac lege: nam Abraham, & alii multi

polygami fuere. Propagato humano genere cepit ierum quasi tacito iure gentium contemni polygamia : quam Christus tandem Matth. XIX. 4. sustulit e medio.

V. 20. PATER. Auditorem hic designat, & inventorem artis, v.g. pastoritiae. A pastoribus ad Nomadas, & Arabes fluxit ulus habitandi in tentoriis.

V. 21. Iubal putatur inventor Musicae. Ab eius nomine forte vox, iubilari.

V. 23. IN VULNUS MEUM, vulnere a me inflicto. Dubium est quis hic sit qui occisus est a Lamech; immo quis vir ille, & quis adolescens: vir quidem inflicto vulnere; adolescens verbis, & livore. Probabile quidem est, videri hic duos occisos, & non eundem esse virum, & adolescen-

tem. At quinam hi sint, quis divinabit?

V. 24. Lamech homicida solatur uxores, ne timeant de ipsius nece: si enim qui occidit Cain, magna dignus est poena; sane, inquit, longe maiore poena afficietur qui me Lamech occiderit: quia innocentior sum illo, qui erat fraticida.

V. 25. VOCAVIT, scilicet Eva; nam in Heb. verbum est fem. וקראה *vaikra*.

V. 26. SETH NATUS EST FILIUS, QUEM VOCAVIT ENOS: HIC COEPIIT INVOCARE NOMEN DOMINI; hoc est, auctor fuit ut homines recta aliqua ratione Deum colerent, ritu aliquo, & cultu publico. An ante hunc Enos fuerit idololatria, fuerique ab eo sublata certatur.



C A P U T V.

Propagatio Adae ac posterorum, annique vitae ipsorum usque ad Noe.

Hic est liber generationis Adam. In die qua creavit Deus hominem, (a) ad similitudinem Dei fecit illum. 2. Masculum & feminam creavit eos, & benedixit illis: & vocavit nomen eorum Adam, in die quo creati sunt. 3. Vixit autem Adam centum triginta annis; * & genuit ad imaginem & similitudinem suam, vocavitque nomen eius Seth. 4. Et facti sunt dies (b) Adam, postquam genuit Seth, octingenti anni; genuitque filios & filias. 5. Et factum est omne tempus quod vixit Adam, anni nongenti triginta, & mortuus est. 6. Vixit quoque Seth centum quinque annis, & genuit Enos. 7. Vixitque Seth, postquam genuit Enos, octingentis septem annis, genuitque filios & filias. 8. Et facti sunt omnes dies Seth nongentorum duodecim annorum, & mortuus est. 9. Vixit vero Enos nonaginta annis, & genuit Cainan. 10. Post cuius ortum vixit octingentis quindecim annis, & genuit filios & filias. 11. Factique sunt omnes dies Enos nongenti quinque anni, & mortuus est. 12. Vixit quoque Cainan septuaginta annis, & genuit Malaleel. 13. Et vixit Cainan, postquam genuit Malaleel, octingentis quadraginta annis, genuitque filios & filias. 14. Et facti sunt omnes dies Cainan nongenti decem anni, & mortuus est. 15. Vixit autem Malaleel sexaginta quinque annis, & genuit Iared. 16. Et vixit Malaleel, postquam genuit Iared, octingentis triginta annis; & genuit filios & filias. 17. Et facti sunt omnes dies Malaleel octingenti nonagintaquinque anni, & mortuus est. 18. Vixitque Iared centum sexaginta duobus annis, & genuit Henoch. 19. Et vixit Iared, postquam genuit Henoch, octingentis annis, & genuit filios & filias. 20. Et facti sunt omnes dies Iared nongenti sexaginta duo

duo anni, & mortuus est. 21. Porro Henoch vixit sexaginta quinque annis, & genuit Mathusalam. 22. Et ambulavit Henoch cum Deo: * & vixit, postquam genuit Mathusalam, trecentis annis, & genuit filios & filias. 23. Et facti sunt omnes dies Henoch trecenti sexaginta quinque anni. 24. Ambulavitque cum Deo, & non apparuit: (c) quia tulit eum Deus. 25. Vixit quoque Mathusala centum octoginta septem annis, & genuit Lamech. 26. Et vixit Mathusala, postquam genuit Lamech, septingentis octoginta duobus annis, & genuit filios & filias. 27. Et facti sunt omnes dies Mathusala nongenti sexaginta novem anni, & mortuus est. 28. Vixit autem Lamech centum octoginta duobus annis, & genuit filium: 29. vocavitque nomen eius Noe, dicens: Ille consolabitur nos ab operibus, & laboribus manuum nostrarum, in terra cui maledixit Dominus. 30. Vixitque Lamech, postquam genuit Noe, quingentis nonaginta quinque annis, & genuit filios & filias. 31. Et facti sunt omnes dies Lamech septingenti septuaginta septem anni, & mortuus est. Noe vero cum quingentorum esset annorum, genuit Sem, Cham, & Iapheth.

(a) Sap. 11. 24. Eccl. xviii. 1. Sap. 1. 28. Inf. ix. 6. (b) I. Par. 1. 1. (c) Eccl. xiv. 16. Heb. xi. 5.

BRUGENSIS

ROMANAE CORRECTIONES.

Vers. 3. Et genuit ad imaginem. Consulto ommissa est, quam quidam interponunt, vox filium.

Vers. 22. Et vixit postquam. Nomen Henoch hic non repetitur, sed subaudiendum relinquitur e proximo.

COMMENTARIA

SA.

EST II.

Vers. 1. LIBER GENERATIONIS, id est enumeratio posteritatis, eius scilicet per quam Christus descendit. DEI, pro suam, Hebraice.

V. 2. BENEDIXIT, id est fecundos reddidit. EORUM, pro eius. LXX. eius. ADAM, pro hominem; quasi dicat, utrumque hominem vocavit.

Vers. 4. FILIOS ET FILIAS. Horum non fit mentio, quia non ab eis Christus.

V. 22. AMBULAVIT CUM DEO, id est sancte vixit, Hebraice.

V. 24. TULIT, forte in paradisum terrestrem. Augustin. de Genes. ad lit.

V. 27. MORTUUS EST, scilicet anno quo cepit diluvium: Hieronymus.

V. 29. NOE, id est requiem, seu quietem. CONSOLABITUR: forte quia invenit agriculturæ instrumenta, & artem.

V. 30. GENUIT, &c. Senius est, post annum ætatis 500. generare cepisse, habuisse vero hos tres filios, scilicet diverso tempore.

Vers. 5. ET FACTUM EST OMNE TEMPUS ADAM, ANNI NONGENTI TRIGINTA. De ætate hominum primi temporis vide Pamelium in Lib. Cypri ad Demet. ubi citat Aug. & Iosephum. Nugati sunt quidam, annos velut AEgyptios singulorum mensium, vel Arabicos sex mensium, intelligi. Sed reclamant ipsa Scriptura sacra in narratione diluvii; tum etiam Moyses in Exodo, & alibi. Quin etiam Copernicus Lib. III. cap. vi. ostendit annum mathematicum apud AEgyptios item fuisse 365. dierum & 6. horarum, ut est apud nos.

V. 24. DE ENOCH: AMBULAVITQUE CUM DEO, ET NON APPARUIT. Ambulare cum Deo, phrasi Scripturæ, est vivere iuste, & sancte, secundum Deum. Ita & cap. seq. dicitur: Noe vir iustus, atque perfectus, cum Deo ambulavit. Porro quod dicitur, Et non apparuit, Hebr. est, Et non ipse; id est, non amplius comparuit inter

N 2 homi-

homines. De eo Eccli. xlii. *Henoch placuit Deo, & translatus est in paradysum, ut det gentibus poenitentiam*. Et ad Hebr. xi. *Fine Enoch translatus est, ne videret mortem, & non inveniebatur, quia transfudit illum Deus*. Ante translationem enim testimonium habuit placuisse Deo. Ex quibus confirmatur ecclesiastica opinio de Enoch, quod in vita reservetur, donec simul cum Elia mittatur ad prædicandum contra perfidiam Antichristi, & ad reducendum gentes per Antichristum seductas, ad poenitentiam. Quod vero dicitur translatus in paradysum, an in illum, ex quo eiectus est Adam, incertum, teste Augult. de Peccato orig. cap. xlii. Fuit autem Enoch etiam propheta, & pars prophetie eius citatur a Iuda Apostolo in sua epistola. Nec dubium videtur, quin scripto reliquerit quod prophetavit, alioqui distulcer in tot sæcula conservandum. Fuerunt ergo litteræ ante diluvium. An autem Enoch primus eas invenerit, non liquet. Mihi certe verisimile est, rei tam necessarii inventum, fuisse ipsius primi hominis.

P. 29. VOCAVITQUE NOMEN EIVS NOE, Dicens. Chrysostomus homil. xxxix. in Genes. contendit, Lamech hunc infidelem fuisse, divinitus tamen factum ut occulto imperu tale nomen filio imponeret. Sed improbabile id de hoc Lamech (nempe est & alius ex posteris impii Cain, de quo supra) quandoquidem per hanc lineam fides, seu religio vera, propagata est ad posteros: unde & capite proximo *filius Dei*, id est, unius Dei cultores, omnino sunt filii Seth.

M A R I A N A E.

Verf. I. **H**IC EST LIBER GENERATIONIS ADAM. Vox Hebraica *וְהַאֲמַר* sephel, librum, narrationem, numerum significat. Interpretes fere *liber* dixere. Fortassis satis commode dicas; Hæc est enumeratio. Loco *generationis*, Hebr. si puncta respicias, est *generationum*; si litteras, dixeris *generationis*: quod Sept. Chald. & Hieron. sunt secuti. Sic sæpe puncta ab antiqua, & vera lectione discrepant. *Liber generationis*, posteritatis ratio. Ad *similitudinem Dei fecit illum*, id est suam ipsius: antecedens pro relativo. Deus hominem fecit ad similitudinem suam.

P. 2. ET VOCAVIT NOMEN EORUM ADAM. Ex hoc loco colligas, non solum

ἀνδρα Græcis, & Latinis homo, esse generis communis, sed etiam Hebræis vocem *Adam*; maleque Græce legi: *Vocavit nomen eius Adam*, tum quoniam in Vaticano codice Græco legitur *ἀνδρα*, non *ἀνδρ*: tum quia Hieronym. in Trad. ubi sequitur Vulgatam antiquam, quæ ex Sept. editione manavit, eorum legit, ut nos legimus, redditque dictionem, dicens: *Et vocavit nomen eorum Adam, id est homo*. Hominis nomen tam viro quam feminæ convenit. Et sane cum *Adam* idem sit quod terrestris, in hoc non discrepant sexus. Græculus aliquis non intelligens quomodo Eva diceretur *Adam*, Græcam vocem immutavit, scilicet eorum in eius. In Gotthicis legitur male: *Vocavit nomen eorum Adam & Eva*. Sed & hoc loco sciendum, *Adam* & nomen proprium esse primis hominis, & commune viris omnibus, feminis quoque: hoc loco appellativum est.

P. 3. VIXIT ADAM CENTUM TRIGINTA ANNIS. Iam incipiunt in annorum numero Græci a supputatione Hebraica discrepare: dicunt enim: *Vixit Adam annos ducentos triginta*. Method. in Revelationibus affirmat, Adam annorum triginta genuisse Cain, post alios triginta annos Abel natum, post annos alios septuaginta, cum Adam esset centum triginta annorum, occisum Abel. Rursus alios centum annos luxisse Abel, abstinuisse ab uxore. Alii addunt, hos centum annos ab Hebræis non numerari. Quæ omnia incertæ fidei sunt. Et *genuit*. Vox *filium*, a quibusdam hic addita, redundat, nec est in Gotthicis, nec in Hebr. neque in Sept. sed suppleri debet tamen. Ad *imaginem et similitudinem suam*; nempe, filium Seth genuit & ingenio, & corpore sibi simillimum. Quibus ex verbis fortassis commode explices Dei verba: *Faciamus hominem ad imaginem & similitudinem nostram*. Nempe in hominis specie apparens, voluit hominem condere secundum animam similem divinitati, secundum corpus formæ hominis assumptæ. Quod magis convenit, si *צלם* *Zelem* dicamus *umbra* significare, quod naturæ assumptæ superius quadrat, hic corpori. Adverte etiam, ex duabus vocibus *צלם* *Zelem*, & *דמות* *Dimuth* Interpretem priorem *imaginem*, posteriorem *similitudinem* dixisse superius cap. i. Hic converso ordine. Hæc dicta sint, ne quis

quæ de vi harum duarum vocum magnopere contendat.

V. 4. GENUITQUE FILIOS ET FILIAS. Vides, Adamo alios fuisse filios præter eos qui nominantur.

V. 18. VIXITQUE IARED CENTUM SEXAGINTA DUOBUS ANNIS. In hac sexta generatione, Sept. consentiunt in numero annorum, quo Iared genuit Henoch; consentiunt, inquam, cum lectione Hebraica: quod mirum est, cum in quinque superioribus centum annos addant in singulis ad eos qui in Hebraico sunt. Diversæ computationis causas duas affert August. XV. de Civit. cap. xiv. Altera fuit error eius qui ex Bibliotheca Alexandrina primus descripsit Genesim, qui in alios codices ex eo manavit. Aut fortassis aliquis multitudinem annorum deterit, quibus primi homines vixerunt, eos annos mensuros putavit: sic ne plerique ex iis viderentur nono, aut etiam septimo anno procreasse filios ante pubertatem, centum alios annos, hoc est menses, addidit procreationi. Ita in sexta, octava, & nona generationibus, nihil addidit, quoniam in Hebraico satis temporis designari credidit, etiam si anniessent mensuri. Neque credit ab Hebræis numeros esse corruptos: quo enim opere pretio? neque a Sept. viris sapientissimis. Et quoniam diversitas errorem arguit, origini standum potius credit quam Græcis exemplaribus.

V. 22. ET AMBULAVIT HENOCH CUM DEO; id est, sancte vixit. Sept. Et placuit Henoch Deo. Hebræi putant, Henoch indole fuisse prava; & ne degeneraret, morte occupatum, priusquam completet ætatem. Aven Ezra: *Tuli cum Deo, id est, mortuus est: sic Elias dixit: Tolle animam meam.* Nos verius, translatum vivum, nec mortem gustasse, quando de eo ut de aliis omnibus non dicitur, *Mortuus est.* Atque ita confirmatur Eccli. xlv. *translatum in paradisum,* & ad Hebr. xi. *Fide Henoch translatus est, ne videret mortem.* Chald. etiam vers. 24. ait: *Non comperuit, nec etiam occidit eum Deus.*

V. 25. VIXIT QUOQUE MATHUSALA CENTUM OCTOGINTA SEPTEM ANNIS. Hic in Græca versione Complutensi & Regia demuntur viginti duo anni. in Romana viginti tantum anni detrahuntur: dicunt enim: *Mathusala vixit 167. annis.* Quam veram esse lectionem, ex Hie-

ronymo in Tradit. manifestum est, & ex August. de Civ. Dei Lib. XV. cap. xiii. Tum quoniam nisi ita legeretur, Mathusala ex Græca lectione non quatuordecim annis supervivisset diluvio, quæ communis sententia est, sed potius sedecim.

Vers. 27. MORTUUS EST, ipso anno quo diluvium cepit, iuxta Hebr. computationem.

Vers. 28. VIXIT AUTEM LAMECH CENTUM OCTOGINTA DUOBUS ANNIS. In Græco hic adduntur sex modo anni: ficenim: *Vixit Lamech annos centum octoginta octo.* Et tamen de universa vita Lamech demuntur anni viginti quatuor. Hebraice enim dicitur vixisse septingentis septuaginta septem annis, Græce septingentis quinquaginta tribus. Miram profecto varietatem.

V. 29. ISTE CONSOLABITUR NOS. Hebræi id dici putant, quoniam instrumenta ad culturam terræ invenit; nos, quoniam instauravit genus humanum post diluvium.

V. 31. GENUIT SEM, CHAM, ET IAPHETH. Sem non fuit primus Noe filius: quoniam cum quingentorum esset annorum, cepit filios procreare: si ergo Sem fuit primus filius, anno quo diluvium incidit, nempe sexcentesimo ætatis Noe, fuit annorum centum. At anno secundo post diluvium ad eam ætatem pervenit, cap. xi. vers. 10. E duobus aliis quis fuerit maior, non satis constat: nam hoc loco Cham ponitur ante Iapheth; at converso ordine cap. xi. prius Iapheth refertur, eiusque filii, deinde Cham. Ergo hoc loco Sem præposuit propter dignitatem. Tum cap. ix. vers. 24. Cham vocatur minor Noe filius. Si annorum subducas rationem iuxta Hebraicam computationem, ab initio mundi ad diluvium, anni sunt 1656. atque iuxta hanc rationem Adam obiit ante diluvium anno 726. Lamech quinto non amplius, Mathusalem ipso diluvii anno. At iuxta computationem Sept. ab initio ad diluvium colliguntur anni 2240. Adam obiit ante diluvium anno 1310. Lamech 35. Mathusalem annos quatuordecim vixit post diluvium. Cum octo tantum animæ salvæ factæ fuerint. Quod argumentum magnum est, Græcos numeros esse vitiatos, Hebræicos sinceriores. Annos hos mensuros fuisse, & lunares, & ex eo natam quorundam

dam vitam nongentorum annorum, indicat Servius III. AENEID, in illud:

Interea magnum sol circumvolvitur annum.

Non ita esse tamen, confirmat Augustinus de Civitate Dei Lib. XV. cap. XIV. quoniam anni decimus mensis, tum mensis dies vigesimus septimus inferius computatur. Sed qui tamdiu vitam primii homines propagarunt? Multae ascribuntur causae: corporum optima constitutio, cibi solidiores salubrioresque, ac super omnia, Dei voluntas.

M A L V E N D A E.

Verf. 1. **H**IC EST LIBER. *סֵפֶר sepher*, enarratio, enumeratio, recensio, recitatio, catalogus. Hispanice *contar* dicimus numerare, & narrare. **GENERATIONIS**. Hebr. pluraliter, *generatio-nium*, hoc est posteritatis, generis, seu genealogiae Adami primi parentis; quasi dicat: lista est enumeratio, seu catalogus eorum quos genuit Adam; sive eorum qui originem & genus duxerunt a primo parente: qui proprie censentur in Christi genealogia, per quos propagata fuit Ecclesia Dei, & vera religio. Non est inscriptio, aut titulus totius operis genesis mundi, sed series tantum, & catalogus posterorum Adami qui ad genealogiam Christi pertinent. Quamvis non aliene reddes: *Iste est liber*, seu *narratio historiarum*, aut *rerum gestarum Adami*. Vide cap. II. vers. 4. Hunc locum videtur Matthaeus imitatus, cum suum Evangelium ita orditur: *Liber generationis Iesu Christi*.

V. 2. **ET VOCAVIT NOMEN EORUM ADAM**. Non est hic Adam nomen proprium primorum parentum, sed appellativum & commune speciei humanae, complectens utrumque sexum, id est homo. Nomen *אָדָם Adam*, ductum est ab *אָדָם adamab*, quae est terra, humus, tellus rubra, subrusa, argillosa: *אָדָם adam* est rubescere, rufum, seu rubicundum esse: inde *adamab*, humus rubra, qualis est ut plurimum argilla. Unde *Adam* dictus, quasi rufus, burrus, rubeus, ferreus, argillaceus, seu argillotus. Et quemadmodum Latinis homo dicitur ab humo, sic Hebraeis Adam ab *adamab*, humo rubea. Haesit tamen nomen Adam tamquam proprium primo pa-

renti; quod is sator & procreator totius humani generis fuerit. Alii volunt, primum hominem nullum habuisse proprium nomen, sed appellatum nomine totius speciei, quam ipse totam in se uno continuerit. Vide cap. II. vers. 7.

V. 3. **VIXIT AUTEM ADAM CENTUM TRIGINTA ANNIS.** Hebr. ad verbum: *Et vixit Adam triginta & centum anni*. Vox *anni*, est genitivus singularis, quia *שָׁנָה meath*, centum, est in regimine: notantque in eiusmodi locutionibus quando *שָׁנָה meath* est constructum, nempe *meath*, centum, rectius per centenarium, quam per centum efferrī, iuxta vocis proprietatem, ut si dicas, *centenarium anni*, pro centenarium annorum.

Obiervant insuper, nomen *שָׁנָה shehanab*, annus, quando constructum cum numeris cardinalibus intra denarium numerum includive, semper pluraliter usurpari *שָׁנִים shehanim*; ut, duos annos, quinque annos, octo annos, decem annos. Excipiunt pauca loca, in quibus monadica cum singulari *shehanab annus*, construuntur. II. Regum VII. 17. *Octo annuum regnavit in Iersalem*. Cap. XXI. 1. *Filius octo annum erat Iosias*.

Quando autem cum cardinalibus numeris ultra denarium numerum constructur, perpetuo legi singulariter, *annus*, in omnibus Scripturae locis sine ulla exceptione. Utriusque constructionis perspicua sunt exempla toto hoc capite. Similes constructiones habere nomen *שֶׁכֶּל shekel*, id est siclus, ut suis locis videbimus. Nec desunt qui annotent, non sine mysterio hoc capite, & in aliis eiusmodi locis, ingentibus annorum numeris addi nomen singulare *annus*, ut indicetur, tot annorum centenaria, quae Patres vixerunt, & vera aeternitatis aestimatione fuisse, & visa illis quam brevissima, & quasi unum annum. Sed puto esse consuetudinem linguae.

GENUIT. Verbum *יָלַד iyalad*, in Hebraeo, vividam, & robustam vim generandi indicat, quatenus in primævis hominibus abunde vigeat. Sic insequentibus. **AD IMAGINEM ET SIMILITUDINEM SUAM**. Hebr. inversus ordo verborum ab eo, quem posuit cap. I. vers. 26. ibi prius ponitur *צֶלֶם tzelem*, & postea *דְּמוּת demuth*: hic prius *demuth*, deinde *צֶלֶם tzelem*. Atqui duabus huius vocibus exponunt hic, ubi

quam

quam simillimum eiusdem naturæ in corpore & anima, nempe animal rationale. Quidam *demuth similitudinem*, ad originem naturæ referunt; *etlem imaginem* vero ad corruptionem & vitiositatem, quæ ab ipso Adam contracta per defectionem, ad omnes posteros defluit. Vide cap. I. vers. 26.

Vers. 4. ET GENUIT FILIOS ET FILIAS; id est, multos alios præter hic commemoratos, quorum non meminit Scriptura, quia eos tantum præcipue recensere studuit ex quibus Christus benedictum semen oriturus erat, & quia illorum omnis soboles diluvio extincta, & quia nihil ad mysterium pertinebant. Sic in sequentibus.

V. 24. AMBULAVITQUE HENOCH CUM DEO. Hoc ipsum antea iam dixerat vers. 22. Possis etiam iuxta linguæ proprietatem reddere: *Et ambulavit Henoch ad Deum*; id est, ivit, profectus est ad Deum, scilicet ad locum paratum a Deo, quem Deus illi destinaverat, ut in eum vivens transferretur: quem sensum sequentia magis declarant. Quidam ut rem observatu dignissimam notant, quod quando verbum *חָנֹכַל* *halaç, ambulare*, ponitur in formula *Hithpahal*, ut hic, & cum *נָח* *etb*, vel *יִשְׁבֵּל* *liphne*, & nomine Dei constituitur, hoc est quando aliquis cum, vel coram Deo ambulare dicitur, idem significare, quod in publico esse ministerio Dei, & officio fungi sacerdotali: ut Genes. vi. 9. *Cum Deo ambulavit Noëb*. I. Samuel. II. 30. *Dieendo dixi: Domus tua, & domus patris tui facient se ambulare ad facies meas, usque æternum. Noster: Ministraret in conspectu vtro.* Et vers. 35. *Et surgere faciam tibi sacerdotem creditum, secundum quod in corde meo, & in anima mea faciet, & edificabo illi domum creditam, & ambulare se faciet ad facies Christi mei, omnibus diebus.* Ita hoc loco: *Ambulare se fecit Henoch cum Deo*; id est,ungebatur publico & sacro ministerio Dei, & officio sacerdotali. Alii contra nolunt esse hanc generalem verbi *halaç* in *Hithpahal* usurpationem, sed loci & sensus habendam esse rationem: quod est tutius.

Communiter exorunt: *Ambulavit autem Henoch cum Deo*; id est, ne hominum sui sæculi corruptelis abduceretur, habuit unius Dei respectum, ut pura conscientia, tamquam sub oculis eius, probitatem, & innocentiam coleret. Quasi dicat: Pie, iuste, sancte, inculpate, religiose vixit; ex

Dei præscripto vitam instituit, mores conformavit. Vel rebus divinis vacavit, vitam divinam, & sublimiorem egit; occupatus fuit in cultu Dei, & in vira Dei nominis invocatione, corde, & corpore. At cum hoc Scriptura singulariter de Henoch dicat; cum tamen eo tempore alii fuerint in cætu piorum viri iusti, & probi, qui recte & pie Deum colerent: existimant aliqui significari his verbis, Henoch non utcumque sancte vixisse, sed sanctiorem quamdamque eximiam & perfectissimam, seu heroicam præ ceteris vitam instituisse, arduisque & familiaribus Deo inhæsisse, atque cum eo versatum: quem Deus singulari gratia sanctitate, virtutibus, donis, favoribus ornavit, & auxerit; ac si dixisset: Fuit vir sanctissimus, & absolutissimus.

LXX. Interpretes Hebraïsmum ita exposuere: *Placuit Deo*; quem sensum sequuti sunt divini Auctores, Sapient. IV. 10. *Placens Deo*. Ecclesi. XLIV. 16. *Henoch placuit Deo*. Paulus Hebræor. XI. 5. *Testimonium habuit placuisse Deo*. Ut hinc quoque certas quanta fuerit olim auctoritas LXX. Nonnulli hic reddunt: *Et fecit se Chanoëb ambulare Deum*, id est imitari Deum.

Observant insuper verbum *halaç* in *Hithpahal*, ut hic, significare continuam, assiduam, frequentem deambulationem; vel magnam & intimam conversationem, & familiaritatem. Quidam reddunt: *Ambulavitque indefinenter Chanoëb secundum Deum*; id est, non est sequutus malitiam sui sæculi, aut corrupto Dei cultu cum ceteris depravatus; sed certa fide, cordis integritate, & vitæ innocentia Deum coluit, ex præscripto eius, eumque ducem sequutus est. Nec defunt qui exponant: *Et deduxit se Henoch cum Deo*; quod Hispanice dicimus: *Se portó bien con Dios*; id est, fideliter & sancte se gessit cum Deo. Vel *deduxit se ad Deum*, seu Deo; id est, se totum Deo dedit, tradidit, sanctitati, & divino cultui mancipavit. Quod bis idde Henoch Scriptura pronuntiet, satis arguit, excellentem & heroicam in Henoch fuisse virtutem. Et quidem vers. 22. satis disterte Hebræa exprimit, *Henoch trecentos annos ambulasse cum Deo*. Ergo exhibendi Hebræi qui tradunt Chanoëb ante tempus raptum, quod levis & lubricus esset: adeo non pudet eos tam aperta mendacia divinare. ET NON APPARUIT. Hebr.

non ipse. Peccant omnino qui exponunt: Et non fuit, defuit esse, mortuus est. Quanto melius, & verius LXX. & Paulus: Et non est inventus, non inveniebatur, non apparuit, non comparuit, defuit versari, & esse inter homines; nempe translatus in secreum locum. ΤΟΥΤΕΥΜ. *תלית* la-kach quidam reddunt, *תלית*, *אבליט* de medio, morte scilicet: ut illud Maronis VI. Aeneidos:

Sustulit atra dies, & funere mersit aeterno.

Et illud de Nerone apud Suetonium cap. xxxix.

Sustulit hic matrem . . .

Et I. Reg. xix. 4. *Tolle animam meam*; id est, aufer mihi vitam. Item Ieremix xv. 15. Sed numquam in Scriptura verbum LA-KACH invenitur simpliciter positum pro morte tollere, nisi cum adiuncto nomine animæ, vel desiderii, ut Ezechiel. xxiv. 16. & Ionæ iv. vers. 3. Pro vivi assumptione, translatione, transportatione, habes II. Reg. 11. vers. 5. *Nosti, quod hodie Dominus accipiens Dominum tuum a capite tuo?* Ergo qui hunc locum, non de Henoch viventis & integri translatione, assumptione, sed de eius morte accepit, impius est. Vide Sapien. iv. 10. Eccli. xlii. 16. Hebræor. xi. 5. ubi expressissime asseritur Henoch non fuisse mortuum, sed adhuc vivere: & quod hic dicitur, *accepit eum Elohim*, illis locis exponitur, *Translatus est*. Quidam recte hic vertunt: *Quia assumpsit eum Deus*. Vitam adhuc mortis expertem, & translationem Henoch fuisse demonstramus Lib. X. de Antichristo, cap. 1.

Vers. 29. NOMEN EIUS NOE. Noach proprie quietem, pausam significat: quod in ipso ira Dei diluvio superfusa mortali generi quieverat. Hunc postea Græci Oenotrion, Latini Ianum dixerunt: quod primus mortalium vini usum repperit. Vide Cap. ix. vers. 20. 21. ISTE CONSOLABITUR NOS. Mirum quod nomen *נח* Noach sit a *נח* noach, & Moyses etymologiam nominis non a *נח* noach, *requievis*, sed a *נחם* nacham, id est *consolari*, petierit: dicendum enim erat, *נחם יעניכננו*, *requiescere nos faciet*; & non *נחם יענאכננו*, *consolabitur nos*. Quidam censent, etsi non voce, sensu tamen, & re ipsa idem omnino utrumque esse: nam qui nos requiescere facit, ipse nos egregie consola-

tur, & potius hic allusionem esse, non etymologiam. Alii volunt, hic vertendum, *Requiescere nos faciet*, ex verbo *noach*, & insertam fuisse litteram *ו* mem, per paragonem. Quod si ita est, & etymologia ducta est a *noach*, Mem *ו* littera ideo inserta videtur, ad indicandum magnam quietem, solatium, levamen allaturum Noach rei agrariæ, seu agriculturæ. Infra cap. ix. 20. AB OPERE NOSTRO. Hebr. *פאלו*, *factura nostra*, vel ab opere agriculturalionis, vel a peccatis nostris: nam Noe in diluvio sedavit, & requiescere fecit iram Dei, & fuit unica spes generis humani. Quidam: *De labore nostro*, quo adversus impietatem, & iniustitiam hominum dimicamus in fide, & patientia. ET LABORIBUS MANUUM NOSTRARUM IN TERRA. De voce *פאצ* *ghitabon* vide cap. 111. Quidam hic reddunt: *De molestia manuum nostrarum e terra*, vel *ex parte terræ*; quasi dicat: Nos post multos labores, tempore suo melius habituri sumus, opera istius. In labore manuum, volunt esse synechdochen, quia sub una specie comprehendit miserum statum in quem deciderat genus humanum. Rarum aliquod, & insolitum auxilium a tam misera, tristi, & laboriosa vita, cui addictus fuerat Adam, Lamech a filio sperabat. Idemque tamquam divinitus promissum credebatur. At hæc sunt subtilia & curiosa. Melius Hebræi hanc partem ad agriculturam referunt; ac si dicat: Multum nos levabit labore colendi agros. Nam sicut inventor instrumentorum, quibus solent colere terram, uti dicemus cap. ix. vers. 20. Alii hic vertunt: *Et de compressione manuum nostrarum de terra*: colendo enim, & subigendo terram, manus comprimimus. Nonnulli reddunt: *Et de dolore manuum nostrarum*; id est, de opere laboriosissimo, cuius necessitatem subivimus, cum propter communem illam omnium hominum depravationem, tum propter singulare sæculi nostri scelus. De humo, quod maledixit ei Iehova: traiectione, pro de maledictione qua maledixit Iehova terræ; quæ intulit antecedentia mala,

MENOCHII.

Vers. 1. **L**IBER GENERATIONIS : enarratio continuatæ proſapiæ Adami uſque ad Noe.

V. 2. **V**OCAVIT NOMEN EORUM ADAM. Hic Adam eſt nomen ſpeciei, non individui, itaque etiam Evæ convenit.

V. 3. **A**D IMAGINEM ET SIMILITUDINEM : ſibi per omnia ſimilem, in natura, corpore humano, anima rationali &c.

V. 4. **G**ENVITQUE FILIOS ET FILIAS. Certum eſt ante Seth ſaltem unam filiam habuiſſe, Caini uxorem.

V. 5. **M**ORTUUS EST. Bene Eccleſiaſticus xiv. 12. *Hoc eſt teſtamentum huius mundi : Morte morietur.* Fuit autem illo ævo tam diuturna hominum vita, Dei voluntate, & arcana cooperatione, ut homines citius propagarentur : contulit etiam bona corporis conſtitutio, viſus temperantia, vigor terræ, cuius fructus eo tempore ſucculentiores, benignus ſiderum aſpectus, & ratio tuendæ valetudinis Adamo ſapientiſſimo perfectæ, & aliis communicata : ſcivit enim herbarum, ac ſtirpium vires, metallorum &c.

V. 22. **A**MBULAVIT CUM DEO. Genus hoc dicendi ſignificat vitam perfectam, & inculpata, divinæ conſcientiam voluntati. LXX. habent, *Placuit Deo.*

V. 24. **E**T NON APPARUIT. LXX. *Et non inventus eſt*, quod ſecutus D. Paulus ad Hebr. xi. 5. habet, *Et non inveniebatur.* **Q**UIA TULIT EUM DEUS : in alium locum tranſtulit. *Henoch*, inquit D. Paulus loco citato, *tranſlatus eſt, ut non videret mortem.* Cauſa translationis habetur Sap. iv. 10. quia dilectus Deo, & vivebat inter malos bonus, non malis moribus innocens contaminaretur. Locum, in quem tranſlatus eſt, indicat Eccleſiaſticus cap. xlii. 16. *Henoch*, inquit, *placuit Deo, & tranſlatus eſt in paradifum, ut det gentibus penitentiam.*

V. 29. **I**STE CONSOLABITUR NOS. Vox Noë, quietem, & conſolationem ſignificat ; Noë autem quietem fecit, & conſolatus eſt homines. I. quia omnia retro acta opera, ſcilicet peccata, quieverunt per Noë, qui ea obruit diluvio. II. quia aratrum, & alia instrumenta agriculturæ,

artemque faciliorem colendi agros invenit. III. quia propter ſanctitatem, & ſacrificium Noë, poſt diluvium Deus benedixit terræ, cap. viii. 21. & ix. 1. quo factum eſt ut terra ſic benedicta, minore labore mortaliſium fructus daret. IV. quia inventor vini fuit, quod corda lætificat, & conſolatur. V. quia mundi poſt diluvium reparatur, qui etiam mundo Deum, cuiusque beneficentiam conciliavit, ex quo etiam Meſſias naſciturus, qui eſt quies, & conſolatio noſtra.

V. 31. **C**UM QUINGENTORUM ESSET ANNORUM. Non eſt credibile Noë uſque ad annum 500. abſtinuiſſe coniugio. Ergo alios ante Sem, Cham, & Iaphet genuit filios, qui mortui ſunt ante diluvium. Poſt annum ergo 500. Noë genuit, id eſt generare cœpit Sem, Cham, & Iaphet ſucceſſive : nec enim eodem anno hi tres ſimul geniti ſunt.

TIRINI.

Vers. 5. **O**MNE TEMPUS QUOD VIGENTITRIGINTA. Non fuerunt hi anni menſtrui ſeu 30. dierum, ut quidam putarunt (nam inde ſequeretur, Malaleel, & Henoch, qui hic dicuntur filios genuiſſe anno ætatis ſuæ 65. genuiſſe illos anno ſexto ſolari) ſed fuerunt veri & pleni anni, ſinguli 12. menſium, ut dixi in Chronico, a & patebit infra cap. viii. 5. ubi decimo anni menſe, prima die menſis dicuntur apparuiſſe cacumina montium.

Sed unde tunc homines tam longævi ? Reſpondeo. Primo ex meliore complexionē & temperamento corporis humani. Secundo ex ſobrietate, qua quidam b putant, plerique etiam carnibus, & vino, eſſi prohibita non eſſent, abſtinuiſſe ante diluvium. Tertio ex primævo vigore terræ, fructuum, & alimentorum. Quarto ex peritia & ſcientia Adam, quam & poſteris communicavit, qui longe melius quam omnes noſtri medici norant vim ſingularum herbarum, fructuum, metallorum, &c. Quinto ex Dei voluntate, & arcana cooperatione, idque ut & homines citius propagarentur, & ſcientias artesque certius perdiſcerent, & poſteris etiam remotiſſimis cognitionem, & cultum veri Dei commodius inculcarent.

An Adamo, & Evæ peccatum ſuum, quatenus iſtis perſonale erat, remiſſum fue-

rit, dubitare nefas est, cum Sapientiae x. vers. 2. dicatur Deus eduxisse Adamum a delicto suo, seu, ut Graece est, a lapsu suo. Quin & traditio est, ambos salvatos esse, tam certa, ut Irenaeus, Epiphanius, Philastrius, Augustinus, & alii Tatianum eiusque discipulos Encratitas id negantes damnant erroris. Adamum Ierosolymis saltem sub finem vitae vixisse, & mortuum ac sepultum ab Henoch esse, & ossa illius in arca adservata fuisse tempore diluvii, fufe docent Cornelius a Lapide & Jacobus Sallianus.

Vers. 22. ANEULAVIT HENOC
CUM DEO; id est, Deum ita praesentem prae oculis ac familiarem habuit, Deique nutui ac placito in omnibus ita sese accommodavit, & conformavit, ut videretur perpetuo & indivulse cum Deo inambulare, & illi tamquam summo amico, ac domino suo, omni studio ubique deferre.

V. 24. TULIT EUM DEUS; id est, de terra transtulit vivum in paradysum. Ita ad Hebraeos xi. 5. *Hench translatus est ne videret mortem*. Et de paradiso diserte id affirmat Ecclesiasticus cap. xli. v. vers. 16. Ubi cum Elia vitam quasi beatam agit, corpore quidem ex se corruptibili ac mortali, sed divina virtute incorrupto, & immuni a concupiscentia, & a nostris ærumnis; in statu quodam medio viatores inter & beatos, & in altissima Dei contemplatione, non tamen visione, iucundissime tempus transigendo. Qui putant paradysum terrestrem, & in eo arborem vitae etiamnum superesse e (quod est probabile: cur enim nobilissimum arboris genus Deus perdidisset, aut interire permisisset, qui virentem olivam, & alias arborum etiam vilissimas species a diluvio tanta cura conservavit?) ii dicunt Henochum & Eliam usu eiusdem arboris, & aliarum frui pro libito, atque ita vitam continuo prorogare. Alii dicunt, sine esu, aut potu, aut eorum appetentia, vel indigentia, suspendente Deo actionem caloris naturalis consumptricem humidi radicalis, integros incorruptosque manere d. Thomas Malvenda Lib. de Parad. cap. lxxxiv. & P. Iacobus Bonfrerius dicunt probabile esse, paradysum in quo est Henoch, tempore diluvii ab aquis imbribusque servatum immunem, aquis undique ad latera sese attollentibus, & quasi in murum solidatis; ut contigit Israëlitis

in mari rubro, & in Iordane, & Iosepho nostro Anchietæ in mari Brasilio, & quibusdam aliis Sanctis. Cur vero Henoch translatus sit, explicat Saniens cap. iv. vers. 10. quia *placens & dilectus Deo*, scilicet praecomibus aliis eius saeculi, & ne in tanta mundi corruptela malitia mutaret intellectum eius. Cur vero vivus translatus sit, indicat Ecclesiasticus cap. xli. v. vers. 16. *Ut det gentibus poenitentiam*; id est, ut in fine mundi, quando cum Elia orbi restitueret, traduct tam lingua, quam exemplo suo populos tum superstitis ab adoratione daemonis, & Antichristi ad verum Christum & Deum. Et apud multos quidem filiorum, seu nepotum suorum fidem parens sanctus inveniet: omnes autem & quotquot iam vivimus, & quotquot sub finem mundi supererunt, ex Henoch linea recta prognatos constat, cum sit ipse abavus Noe, parentis omnium nostrum. Sed a spurio suo Antichristo una cum Elia martyrio afficietur Ierosolymæ, relictis cadaveribus in publica platea insepultis; sed triduo post red-vivi, & gloriosi tota urbe spectante in caelum conscendent, ut dicitur Apocalypsis xi. & est communis Patrum, ac Doctorum sententia e.

(a) Chron. cap. 2. Est communis sententia.

(b) S. Chryf. Tornellus, Bonfrerius, & alii citat a Peregrino a Lapide & Salliano.

(c) Ut Sixtus Senensis lib. V. Biblioth. Delrio in cap. 111. Genes. Bellarm. & Adamus Contzen de gratia primi hominis. Greg. a Valentia.

(d) Suarez tom. II. p. 111. disp. 55. sect. 2. & fere omnes cum veteres, tum recentiores Theologi, ut etiam sentent Pererius & Viegas. Cornel. a Lapide, Sallianus.

(e) S. August. Lib. XX. de Civit. cap. xxix. Iren. Lib. V. cap. v. & aliorum citat. a Delrio, Bellarmino, a Lapide & Salliano.

GORDONI.

HOc capite prorogatur chronologia reliqua, quæ est usque ad Noe. Et quidem initio capitis quarti eam dedi ab Adamo ad Seth; hic vero a Seth ad Noemum. Et recte a Seth ordo textitur: nam excepta linea ista Serthea, reliqui Adami filii, & posteri perire in diluvio Noetico.

	Natus.	Generatus annos.	Vixit annos.	Mortuus annos mundi.
Cain maior	325	70	910	1235
Malactel	395	60	805	1290
Iared	460	162	962	1422
Enoch	622	65	365	987 Translatus.
Mathufalem	687	187	969	1656
Lamech	874	182	777	1651
Noe	1056	502 cum genuit Sem.	950	2006

Hic vides, lector, Patrum has genealogias non semper proponi per primogenitos, cum sumatur exordium a Seth tertio Adami filio, ut notavi cap. iv.

V. 1. Hic est liber generationis Adam a radice אדם, numeravit. Est אדם *sepher*, liber, catalogus. Numerantur vero hic, seu in hac prima mundi ætate, generationes decem per Seth. Ceterum quomodo hic constet annorum numerus, & an solares, quæve alia ratione accipi possint, dixi ex professo agendo de re chronologica, & præsertim de annis Numæ ibidem tom. I. Qq. cap. x. n. 26.

V. 2. VOCAVIT ADAM. Nomen hoc est hoc loco nomen speciei, non individui.

V. 3. VIXIT ADAM &c. Ab hoc loco incipit varietas annorum inter LXX. Interpretes & Hebræos: de qua controversia dixi suo loco. AD IMAGINEM. Hic de vera similitudine agitur, & in eadem natura, & specie.

V. 22. AMBULAVIT ENOCH CUM DEO, nempe pie, sancteque vivendo. Scripsit hic Propheta quædam, quorum meminit Iudas in sua Epistola. Sed ille liber, quem vidit Hieronymus, est apochryphus. Verus hic liber interit, sicut & ille Rectorum, Iosue cap. x. v. 13.

V. 24. NON APPARUIT, QUIA TRANSIIT EUM DOMINUS. De hoc transitu Enoch non facile est statuere. Unum hic certum esse debet, Enoch & Eliam nondum obiisse mortem: alioqui hoc non dis-

simulasset Scriptura, utpote quæ tam diligenter reliquorum Patriarcharum mortem proposuit. Hinc apud Septuaginta est, *Transiit eum Dominus*. *πατερὶς δυνάμει*. Heb. *נִפְּחַ לַאֲכָב*, & Eccli. xliv. vers. 16. non mortuus, sed translatus dicitur, ut tandem gentibus det poenitentiam. Et ad Heb. cap. xi. vers. 5. *Enoch translatus est, ne videret mortem*. Vide Eccli. cap. xliv. In paradysum dicitur translatus, iuxta Vulgatum: in locum voluptatis aliquem soli Deo notum, ut ibidem notavit Iansenius. In epte ergo Calvinus, qui mortuum scribit, & animam in cælum translata. De loco, in quo sit, & fuerit tempore diluvii, nondum hominibus est revelatum. At credibilis est, eum miraculo etiam nunc conservari, sine cibo. Ac denique non est probabile Enoch hunc, & Eliam Deum videre; quicquid dicant recentiores aliqui. Immo nec puto eos esse in statu merendi: nam iam statim mutarunt. De Elia vide Malach. iv.

Vers. 25. Mathusalem erat annorum 187, cum genuit Lamechum, & obiit sub initium diluvii, ut alibi dixi, iuxta rationem annorum Hebraicam.

V. 29. Noe consolatus est parentes, ut ait Lamech pater eius non solum quia præluxit maioribus exemplo vitæ, sed etiam quia ex revelatione, & aliunde magnus fuit habitus coram Deo.

Vers. 31. NOE VERO GENVIT SEM, CHAM, ET IAPHET. Hebr. *נִמְצָא נֹחַ* *Noach*, quies. De huius ætate, & diluvio Noetico, & tota hac re Chronologica dixi ad annum mundi 1056. & 1656. in quem incidit diluvium; ac finis primæ ætatis. Genuit Noe hos filios non quidem eodem unico anno quingentesimo; sed significatur ante illum annum non genuisse. Ceterum post diluvium plures genuisse nil impedit.

Quis horum trium filiorum Noe fuerit natu maior, Scriptura non expressit; nec pro certo constare potest.

An Noe ante diluvium alios genuerit, certatur. Volunt enim aliqui Noetum quingentis annis abstinuisse a coniugio, aut non habuisse liberos ante diluvium.

C A P U T VI.

Hominis peccata fuisse Diluvii causa : Noe tamen iustus inventus est , cui arca fabricanda mandatur , in qua ipse & cunctorum animantium genera serventur.

1  Umque crepissent homines multiplicari super terram, & filias procreassent, 2. videntes filii Dei filias hominum quod essent pulchræ, acceperunt sibi uxores ex omnibus, quas elegerant. 3. Dixitque Deus : Non permanebit spiritus meus in homine in æternum, quia caro est : eruntque dies illius centum viginti annorum. 4. Gigantes autem erant super terram in diebus illis : postquam enim ingressi sunt filii Dei ad filias hominum, illæque genuerunt, isti sunt potentes a sæculo viri famosi. 5. Videns autem Deus quod multa malitia hominum esset in terra, & cuncta cogitatio cordis intenta esset ad malum omni tempore, 6. pœnituit eum quod hominem fecisset in terra. * Et tactus dolore cordis intrinsecus, 7. (a) Delebo, inquit, hominem quem creavi, a facie terræ, ab homine usque ad animantia, a reptili usque ad volucres cæli : pœnitet enim me fecisse eos. 8. Noe vero invenit gratiam coram Domino. 9. Hæ sunt generationes Noe. (b) Noe vir iustus atque perfectus fuit in generationibus suis, cum Deo ambulavit : 10. & genuit tres filios, Sem, Cham, & Japheth. 11. Corrupta est autem terra coram Deo, & repleta est iniquitate. 12. Cumque vidisset Deus terram esse corruptam (omnis quippe caro corruerat viam suam super terram) 13. dixit ad Noe : Finis universæ carnis venit coram me : repleta est terra iniquitate a facie eorum; & ego disperdam eos cum terra. 14. Fac tibi arcam de lignis lævigatis : mansuunculas in arca facies, & bitumine lines intrinsecus & extrinsecus. 15. Et sic facies eam. Trecentorum cubitorum erit longitudo arcæ, quinquaginta cubitorum latitudo, & triginta cubitorum altitudo illius. 16. Fenestram in arca facies, & in cubito consummabis summitatem eius; ostium autem arcæ pones ex latere : deorsum cœnacula, & tristega facies in ea. 17. Ecce ego adducam aquas diluvii super terram, ut interficiam omnem carnem, in qua spiritus vitæ est subter cælum : * universa quæ in terra sunt, consummentur. 18. Ponamque fœdus meum tecum; & ingredieris arcam tu, & filii tui, uxor tua, & uxores filiorum tuorum tecum. 19. Et ex cunctis animantibus universæ carnis bina induces in arcam, ut vivant tecum : masculini sexus, & feminini. 20. De volucribus iuxta genus suum, & de iumentis in genere suo, & ex omni reptili terræ secundum genus suum, bina de omnibus ingredientur tecum, ut possint vivere. 21. Tolles igitur tecum ex omnibus eis quæ mandî possunt, & comportabis apud te; * & erunt tam tibi quam illis in cibum. 22. Fecit igitur Noe omnia quæ præceperat illi Deus.

(a) Inf. vi. 11. Matth. xv. 19. (b) Eccl. xlv. 17. (c) Hebr. xi. 7.

BURGENSIS

ROMANAE CORRECTIONES.

Vers. 6. Et talis dolor cordis intrinsecus. Prudenter sublatum est, quod plerique vel præponunt, vel possunt, & præuens in futurum.

Vers. 17. Uniuersa quæ in terra sunt consumuntur. Deleta est coniunctio &, quæ a quibusdam libris huic pericopæ præponebatur.
Vers. 21. Et erunt tam tibi quam illis in cibum. Non scribas escam, pro eo quod in antiquis libris est cibum.

COMMENTARIA

S A.

Vers. 2. FILII DEI, id est Dei cultores, scilicet posterii Seth. Chrysof. in Genes. homil. xxii. *FILIAS HOMINUM*, scilicet impiorum ex posteris Cain. Chrysof.

V. 3. SPIRITUS MEUS, id est vita, seu anima, quam ei dedi. *CARO*, id est carnalis, seu voluptatibus deditus. *DIES ILLIUS*, id est tempus ei ad poenitendum datum ante diluvium: amputati autem 20. anni, quia poenitentiam agere contempserunt, secundum Hier. in Gen. Puto ego nihil fuisse amputatum, sed id Deum dixisse annis 120. ante diluvium, adeoque antequam Noe esset 500. annorum; etsi scriptura more suo postea narret: non enim ordinem seruat.

V. 4. POTENTES, id est robusti. *FAMOSI*, id est celebres.

V. 7. INQUIT, pro cogitavit, vel dixit, scilicet Angelis, vel Noe.

V. 8. INVENIT GRATIAM, id est fuit gratus. Hebr.

V. 9. IN GENERATIONIBUS SUIS, id est inter homines sui sæculi. *CUM DEO AMBULAVIT*. Vide cap. v.

V. 10. IAPHETH. Hunc quidam putant primogenitum, & Cham secundogenitum.

V. 11. CORRUPTA, scilicet flagitiis. *TERRA*, id est homines. Notat Chrysof. homil. xxiv. terram vocari, quod eorum opera terrena; ut aliquando carnem, quia carnalia.

V. 12. CARO, id est homines.

V. 13. VENIT CORAM ME, pro statui perdere. *A FACIE ILLORUM*, id est coram illis, pro per eos, seu per illorum opera, Hebr.

V. 14. LAEVIGATIS, id est lævissimis. Hebr. *Gopher*, quod est *signum lævissimum*. Chald. *cedrum* vertit; LXX. vero, *quadratis*.

V. 15. CUBITORUM. Cubitum Geometricum quidam intelligunt, qui continet sex cubitos vulgares.

V. 16. DEORSUM COENACULA, ET TRISTEGA; pro inferiora, secunda, & tertia, scilicet tabulata; vel *deorsum* coniunge cum *latere*. *Coenacula*, *tristega*, pro coenacula, quæ sunt triplicia, seu veluti tria tecta; nempe infima, media, suprema.

V. 17. ECCE EGO, pro ego vero. *AQUAS DILUVII*, id est aquarum diluvium.

V. 19. CARNIS: non enim pisces.

V. 20. INGREDIENTUR TECUM. Hebr. *venient ad te*, scilicet Dei iussu, & Angelorum ministerio.

EST II.

Vers. 2. VIDENTES FILII DEI FILIAS HOMINUM. Quidam per filios Dei Angelos intellexerunt, decepti versione septuaginta Interpretum, pro ut olim ferebatur in quibusdam exemplaribus, quæ pro filiis Dei habebant Angelos, uti refert Aug. Lib. XV. de Civit. cap. xv. In hac sententia manifeste est Lactantius Lib. II. cap. xv. ubi somniat, Angelos, quos Deus in custodiam hominum delegaverat, illecebras pulchritudine feminarum cum illis commixtos fuisse. Sed hanc sententiam tamquam felicitati sanctorum Angelorum contrariam, merito repudiat Ecclesia; immo ipse Christus Matth. xxii. ubi dicit: *Neque nubent, neque nubentur, sed erunt sicut Angeli Dei*. Alii Angelos malos, id est

est dæmones incubos, intelligunt. Sed hos nusquam Scriptura vocat filios Dei, neque illi pulchritudine corporum alliciuntur, sed invidia stimulantur, ut noceant hominibus. Tertiū intelligunt filios principum: nam Hebr. plurale est *elohim*, id est deorum, quod & ad principes aliquando accommodatur, nescio quod illi filias hominum, id est plebeiorum, uxores duxerint. Sed non fuisset hoc tantum peccatum ut propterea diluvium induceretur. Proinde restat ut, secundum receptam magis opinionem, per filios Dei intelligamus posteros Seth, in quibus cultus Dei vigebat; per filias hominum, illas ex Cain impio.

V. 4. GIGANTES AUTEM ERANT SUPER TERRAM IN DIEBUS ILLIS: POSTQUAM ENIM INGRESSI Hebr. *Et etiam postquam ingressi*. Obiciunt quidam hæc verba contra id quod dictum est per filios Dei non intelligi Angelos. Nam extraordinariam fuisse hanc commixtionem omnino volunt, utpote causam cur nascerentur gigantes. Sed respondeo, Scripturam non assignare causam naturalem talis generationis, sed demeritoriam, ex qua factum sit ut Deus sic puniret humanum genus, ut nascerentur gigantes. oppressores hominum: hoc enim sonat Hebr. *Nephilim*; quasi dicat, cadere alios facientes.

V. 6. POENITUIT EUM QUOD HOMINEM FECISSET. Septuaginta vertunt *indignatus*, id est *recogitavit*. Symmachus, *ἀνίσταται*, id est *adversatus est*. Poenituit ergo Deum; id est, Deus iuste irascens, & indignans peccatis hominum, decrevit maiorem partem hominum diluvio e medio tollere, quasi opus suum averfans. Porro tria mysteria nobis allegorice commendantur in diluvio, & arca. Primum est salutare lavacrum baptismi, de quo I. Petri 111. Secundum est Ecclesia per arcam significata: quia sicut extra arcam non erat salus, sic nec nunc extra Ecclesiam. Ac rursum, sicut in arca erant animalia munda simul & immunda, sic & in Ecclesia sunt boni & mali. Quod mysterium Patres multis locis inculcant. Tertium quia sicut solis illis qui ad arcam confugebant, quæ ex lignis fabricata erat, salus erat; ita & nobis non est salus, nisi per lignum Crucis Christi, id est per meritā passionis eius. Insinuat rebus hoc mysterium eleganter Sap. x. & xiv.

Verf. 15. TRECENTORUM CUBITORUM ERIT LONGITUDO ARCAE. Aug. quæst. cx111. in Exodum dicit, quod stature hominis altitudo est fere trium cubitorum.

M A R I A N A E.

Verf. 2. VIDENTES FILII DEI FILIAS HOMINUM. Hebraice, *filii Elohim*, numero multitudinis: quod utroque modo explicari potest (est enim vox ambigua) nempe *Dei*, & *deorum*. **FILIAS HOMINUM.** Hebraice, *filias hominis*, singulare pro plurali. Non pauci hoc referunt ad incubos, qui coeunt cum feminis, ex eo stupro genuerint gigantes. Quod Philaster tamen inter dogmata reprobata reiicit. Alii principum filios intelligunt: certe Chaldæus & Symmachus, qui vertit, *filii potentum*, qui miscentes sanguinem cum filiabus hominum, certe ex plebe vastos filios procreant. Hanc explicationem si sequimur, oportebit pro *filii Dei* intelligere *filios deorum*, id est procerum. Augustino tamen XV. de Civit. Dei, cap. xx111. magis placet, ut *filii Dei* propter innocentiam vocentur filii Seth, qui ex Cain posteritate feminis oblectati (ex sunt *filie hominum*) in omnia mala præcipitarint. Sic Cassian. Collat. cap. xxi.

Verf. 3. NON PERMANEBIT SPIRITUS MEUS IN HOMINE. Græci, Sept. & Chaldæus sic explicant, ut est in editione Vulgata, *non permanebit*. Hieronym. in Trad. ait verbum Hebraicum significare, *non iudicabit*: quod inter Græcos secutus est Symmachus. Nempe vox Hebraica *נִפְּחַן* deduci potest a *נִפְּחַן* *neden*, quæ vox *vaginam* significat; & hoc modo reddi debet: *Non erit ut in vagina spiritus in homine*, quod idem est *non permanebit*. Potest etiam deduci a verbo *נִפְּחַן* *don*; atque sic significabit *non iudicabit*, & *non ligabit*; quod postremum sequuntur fere Hebræi. Præterea *spiritus meus* potest referri ad Deum ipsum, qui nolit amplius iudicare, vel ligare cum homine, eum corrigendo; vel potius spiritus meus sit, quem ego homini inflavi: nolo enim ut sint lites perpetuæ inter ipsum, qui ad honesta fertur, & corpus, quod turpia conlectatur. Hiis Schol. *Non permanebit spiritus meus; id est, indignatio mea non in* ger.

perpetuum manebit. QUIA CARO EST: camalis, volupuosus. ERUNTQUE DIES ILLIUS CENTUM VIGINTI ANNORUM. Hieron: in Trad. Augustin. XV. de Civit. Dei, cap. xxiv. & Chaldaeus, penitentiae & conversioni hominum eum terminum praescriptum intelligunt; idque dictum ante diluvium centum viginti annis, priusquam Noe esset annorum quingentorum. Iosephus, & plerique Hebraei vitae hominum brevioris factae eum terminum putant, ne ex securitate diu vivendi, ut antea, se pravitati traderent. Quod si obiciamus, multos post diluvium plures vixisse annos, quo argumento priores moventur; respondent, exceptione aliqua veritatem communis regulae non infringi. Ex his plane verbis antiquorum sententia manavit, dicentium, vitam tribus contineri, natura, fato, fortuna. Quod tangit eleganter Cicero, aut quiquis Auctor est, in Consolatione; & explicat Servius, Aeneidos Lib. IV. in illa verba:

Vixi, & quem dederat cursum fortuna, peregi.

Natura ultra centum viginti annos vitam non extendit;

Fatum ultra novaginta, tres nempe Saturni conversiones;

Fortuna, seu casus nullum tempus desinit.

V. 4. GIGANTES ERANT SUPER TERRAM IN DIEBUS ILLIS: POSTQUAM ENIM INGRESSI SUNT, &c. Hebraica sic: *Gigantes erant super terram in diebus illis, & etiam postquam ingressi sunt*. Itaque iuxta hanc lectionem, gigantes erant ante, & postquam filii Dei ingressi sunt ad filias hominum. Nempe & patres ipsi filii hominum erant gigantes, & qui ex iis nati sunt. *Gigantes* dicuntur Graece, quasi e terra geniti: non enim credebant homines tam vasto corpore e feminis natos. Hebraice vocantur *nephilim*, quasi *cadentes*; nempe, ut Hebraei explicant, quod iis visis praeter terrae homines alii ad terram caderent. ISTE SUNT POTENTES A SAECULO VIRI FAMOSI. Hebraei *nomini*. Nempe heroes Graecorum litteris celebrati, sic dicti ab amore deorum erga mulieres, uti Plato in Cratilo pluribus explicat ex hoc loco verbis propemodum desumptis.

V. 5. ET CUNCTA COGITATIO COR-

DIS INTENTA ESSET AD MALUM. Hebraice: *Et omnis formatio cogitationum cordis*. Vox *יצר*, id est *formatio*, ab Hebraeis passim usurpatur pro peccati fomite, addita praesertim voce *הרע* *harab*, *formatio mala*.

V. 7. DELEBO, INQUIT, HOMINEM. Vox Hebraica *אמח* *amech* est proprie *per aquas*. Hebraeus Scholasticus ait: *non est deletio nisi per aquas*. Inquit: cogitavit, aut dixit Angelis, vel Noe, scilicet Deus.

Vers. 9. NOE VIR IUSTUS ATQUE PERFECTUS FUIT IN GENERATIONIBUS SUIIS; nempe ut ea serebant tempora, non absolute. Vel in *generationibus suis*, praeter aliis ex cognatione sua. Vel ad augmentum laudis spectet, quod in generationibus suis inter pravos iustus esset.

Vers. 11. CORRUPTA EST AUTEM TERRA; hoc est, homines qui erant in terra, CORAM DEO, id est verissime, aut vehementer. *Nemrod robustus venator coram Domino*, eadem significatione accipitur: quae formaloquendi frequens est. *Peccatotes coram Domino nimis*: alterum, scilicet *nimis*, alterius explicatio, scilicet *coram Domino*.

V. 12. OMNIS QUIPPE CARO CORRUPERAT VIAM SUAM. Sept. *caro*, id est *Dei viam*. Pronomen Hebraice masculinum & ad Deum, & ad carnem referri potest. *Via* est lex Dei cuique homini praescripta, naturae institutum, & finis, ad quem uterque sexus, homines, & aetas dirigitur. Porro *omnis caro* omnis homo est.

V. 13. FINIS VENIT CORAM ME. Decrevi delere. REPLETA EST TERRA INIQUITATE, iniuria, contumelia, rapina. Haec omnia vox Hebraea significat *דמא* *damas*. A FACIE EORUM, ab ipsis, propter ipsos. Vox facies saepe redundat, ut supra notavi.

Vers. 14. FAC TIBI ARCAM DE LIGNIS LAVIGATIS. Hebraica vox *גופר* *gopher*, pro qua Hieron. reddidit *lavigatis*, & in Trad. dixit *bituminatis*, & Sept. posuerunt, *quadratis*, Hebraeis est arbor levis materiae, navigationi aptae. Quidam putant esse pinum; Chaldaeus cedrum; addunt alii, esse odoris sulphurei, nulla meliori coniectura quam quod *גופרית* *Gophrith*, id est sulphur, ab ea voce deducatur. Et fortassis hac

hac voce *pix* significatur, & sic cum *pinu* convenit. *MANIUNCULAS*. Hebr. *nidos*: sic Sept.

Vers. 15. TRECENTORUM CUBITORUM. Video ex Origene, & Augustino, posteriores consentire, hos cubitos arcae Geometricos extitisse, qui singuli sex ex communibus continent. Et sane *פדמ* *amab* vox Hebraica non cubitum modo significat, sed mensuram magnam, matrem aliarum, ad quam aliae revocantur. Verum ea ratione vastitas arcae magna erit, extenta quantum fere miliare. Altitudo 180. cubitorum nostrorum fidem superat. Sed & arca resurrectionis typus est, cum hominis corpore iacentis & mortui exacta proportione respondens; sexcupla longitudinis ad latitudinem, ad altitudinem decupla: quod I. Petri tangitur, cap. III. vers. 21.

V. 16. IN CUBITO CONSUMMABIS SUMMITATEM EIUS. Hebraice: *In cubito consummabis eam desuper*: sic Sept. & Chald. reddidere. Porro relativum *eam* ad fenestram referri potest, & ad arcam, ut inferior latior esset, surgeret pyramidis forma. Quod addit, *COENACULA ET TRISTEGA FACIES IN EA*, *tristega* tria tella significat: Hebraice apertius, *inferiora, secunda, & tertia facies eam*: sic Sept. quoque & Chald. una tamen omnes sententia, arcam tribus tabulatis tabulatam esse. Quem in usum quodque tabularum deserviret, divinent alii: Scriptura non explicat.

V. 17. ECCE EGO; id est, Ego vero. Hebraice: *Et ego adducam aquas*.

V. 18. PONAMQUE FOEDUS MEUM TECUM, nempe iridem; aut potius paciscar tecum tuam & tuorum incolumitatem. Hebr. *furgere faciam*; id est, stabilitam, opere completo foedus, nempe quod tecum de tua & tuorum incolumitate iam pepigi. Quando fuit foedus hoc? Non omnia referuntur. Itaque nostra littera loquitur de pacto quasi de re futura, Hebraica quasi de pacto iam facto, quod fore firmum pollicetur.

V. 20. INGREDIENTUR TECUM. Hebr. *venient ad te*, non tuo labore, sed sponte sua, meo iussu venient volucres, & iumenta.

M A L V E N D A E.

Vers. 2. FILII DEI. I. id est homines proceræ & magnæ stature, nempe gigantes: quod nomen *Elohim* additum hominibus magnitudinem denotet; ut cedri Dei, montes Dei, id est altissimi. Vide cap. 1. vers. 2. Inapte, nec ex usu linguae. II. Filii iudicum, vel ii qui tum populo præerant. Ridicule. III. Pii, & fideles, qui vera fide, & legitimo cultu invocabant Patrem, & a Deo vocabantur filii, & credebant in promissionem de semine mulieris venturo: & opponuntur Cainiticæ Ecclesiae, qui dicebantur Filii Adam, id est hominum, ut mox dicemus. Hi pii erant filii Seth, in cuius domo, & familia, seu posteritate vera Ecclesia, & purus Dei cultus manebat. Deuter. XIV. 1. *Filii estis Domini Dei nostri*. Ioan. 1. 12. *Dedit eis potestatem filios Dei fieri iis qui credunt in nomine eius*. IV. Proceres, magnates, principes, potentes, nobiliores, primores populi; quasi dicat, filii potentum, sortium, strenuorum, ut apud Homerum, *Filii Achivorum*, pro Achivis. Nec aliene dices *heroes*. Dux istæ postleriores interpretationes optime; sed tertia melior. *FILII HOMINUM*. Hebr. *Filias Adam*, seu hominis. Iam diximus Adam esse collectivum. I. filias hominum plebeciorum, vulgarium, e media plebe. *Filii Adam*, & *Adam*, interdum pro hominibus vilibus, abiectis, vulgaribus, plebeiis. Psal. XLV. 11. 1. *Noster dixit terrigenas*: quos Latini filios terræ, traterculos gigantum. Itæ 11. 9. Ergo hic filias hominum vulgarium & plebeciorum opponit filiis magnatum & nobilium. II. Notant, *Filios Adam* plerumque in Scriptura in malam partem accipi, pro carne & sanguine, sine Spiritu sancto, & fide; ut Genes. XI. 5. *Descendit autem Dominus ut videret civitatem, & turres quam edificabant filii Adam*. Hi autem erant de Cham, & de eius posteris, Nemrod, & alii qui veram religionem non colebant. Sic hoc loco, *filias Adam*, dici filias Cainitarum, qui erant a vera fide, & cultu puro Dei alieni.

Taxat hic Moses filiorum Seth, & eorum, qui veram religionem profitebantur, nedum libidinem, sed etiam impietatem, qui a maiorum moribus discedentes, præmixe vagaban-

gabantur pro sua libidine ruentes, & Cainitis aliisque profanis gentibus se permiscuentes, filias illorum profanorum matrimonio sibi iungebant, contra Dei præceptum: quæ erat illis causa ut ab avita & recta religione deficerent, abducibus eorum coram mulieribus impiis & profanis. Ac si dicat: Causa labefacta: & corruptæ religionis tunc fuisse matrimonia Serhianorum cum Cainitis.

QUOD ESSENT PULCHRAE. Hebr. *bonæ*; quidam, *proceræ*. Sic Græci dicunt *mulier proceræ & pulchra*. Ita טוב *rob* capi volunt I. Samuel, 11. 9. quod non placet.

Verf. 3. NON PERMANEBIT SPIRITUS MEUS; &c. Variè locum exponunt. I. *Non iudicabit spiritus meus*; id est, non punit perpetuo, quia fragilis est humana conditio: *iudicare pro punire*. Genes. xv. 14. *Gentem, cui servituri sunt, ego iudicabo*, id est puniam. II. *Non certabit, litigabit, non disceptabit, contendet, non rixabitur, alterabitur spiritus meus de homine in æternum*, id est longo tempore; quasi dicat: Non potest animus meus diutius ferre in-bedientiam, pervicaciam, nequitiam hominis, quin illum puniam: vel, non disceptabo diu de homine, quid facturus sim de illo, perditurusne, an servaturus sim illum: tandem decernam quidnam facturus sim de homine, qui quantus quantus est, totus est caro, id est infirmitas, delicie, voluptates, libidines, vitia: iam iam proculdubio perdam, ac severe puniam. Defessus Deus obstinata mundi nequitia, præsentem vindictam denuntiat, quam hæcenus diffulerat. Quantisper enim penam suspendit Dominus, quodammodo discepat cum hominibus, præteritum si vel minus, vel levium castigationum exemplis ad poenitentiam sollicitet. Sic iam rixatus fuerat aliquot sæculis cum mundo, qui tamen subinde deterior fiebat: nunc quasi tedio affectus, declarat sibi non esse animum litigandi diutius. Quidam: *Non rixabitur*, id est indignabitur, *spiritus, animus, meus*, adversus hominem. *eo quod sit caro*, id est infirmus, ac fragilis. III. *Non litigabit, rixabitur spiritus meus, excellis*, id est anima, quam in hominem spiravi, *in æternum*; id est, non erit anima diu in illa rixa quam habet cum corpore; quasi dicat: Non diu-

tius vivet homo. IV. *Non elongabitur, pro- longabitur spiritus meus in homine*; hoc est, spiritus vitalis, seu vita non erit longa in homine. Deduxerunt ידון *iadon* a נדן *na-dab*. V. *Non vaginabit, aut vaginebitur*: non erit ut in vagina spiritus meus in homine: quia corpus est veluti animæ vagina: tamquam si Deus spiritum suum, id est animam hominis, quam Deus ipsi inspiravit, nolit amplius teneri captivum in corpore humano quasi inclusum in vagina; quasi dicat: Non diutius vivet. Deduxerunt a נדן *nedan*, *vagina*, violente ac de-torte. Si accipiat hic spiritus pro ira, impetu, & commotione animi, ut Psalm. xvii. 16. erit sensus: Non vaginabitur spiritus meus, furor intus; id est, non diutius continebo in vagina furorem, iram meam in hominem; quasi dicat: Distringam iram meam in hominem; quasi dicat: Distringam iram meam adversus hominem, quia totus carnalis est. VI. *Non stabiliet, non stabilietur, vel non sciliet, non sustentabit spiritus meus in homine*, id est hominem. Qui hanc explanationem non agnovit, non satis vim & maiestatem lingue sanctæ penetravit; nimirum ex significatu נדן *eden*, נדן *adon*, נדן *adoni*, quæ esse a verbo נדן *dun*; adiecto מ Aleph a fronte, periti affirmant. Delirant, nec vim lingue norunt, qui putant Nostrium pro ידון *iadon*, legisse ידון *ialon*, *Non permanebit, non permanebit*. VII. *Spiritus meus, vel animus meus, vel anima a me in homine spirata, vel spiritus vitalis*; quidam, *inter homines vel cum homine, aut propter hominem, seu de homine, vel adversus hominem*. Omnia sons patitur. IN ÆTERNUM, vel perpetuo, vel longo tempore, seu diutius. Quidam, *Ad olim, quia*, עולם *besagam* particula e tribus composita, ex ב *in*, ו *qui, quæ, quod*, & מ *etiam, quia, quoque*. Hic communiter exponunt: *Eo quod etiam caro*. Alii: *Porro quod etiam caro, vel in quo etiam caro est*. CARO, hic in malam partem, pro homine qui ipiritu Dei caret; id est, sunt carnales, voluptatibus, & vitis delecti: ut opponatur ei quod antea dixerat: *Non permanebit spiritus meus in homine*. Sic lepitime capitur in veteri & in novo Testamento. Psalm. 117. 5. *Non timebo, quid faciat mihi caro*. Romanor. viii. 4. *Qui non secundum carnem ambulant, sed secundum spiritum*.

P

ERUNT.

ERUNTQUE DIES ILLIUS CENTUM VIGINTI ANNI. Quidam existimant hunc numerum annorum præfixum a Deo vitæ humanæ; quem si aliqui excefferint Genes. xi. id fuisse in paucis, & præter ordinariam legem. Servius enarrans illud Maronis IV. Æneidos:

Vixi, & quem delebat cursum fortuna peregi:

inquit: *Non natura, nec fatum. Tribus enim humana vita continetur. Natura, cui ultra centum & viginti solstitiales annos concessum non est. Fato, cui nonaginta anni; hoc est tres Saturni cursus exitium erant; nisi forte aliarum stellarum benignitas etiam tertium eius superet cursum. Fortuna, id est casu, qui ad omnia pertinet, quæ extrinsecus sunt, ut ad ruinam, incendia, naufragia, venena. Atque hæc fuit antiquorum opinio naturæ seu vitæ humanæ metam esse annos centum viginti. Vide Deuteron. xxxiv. vers. 7. Alii potius volunt Dominum loqui de termino penitentiae concessio hominibus ad penitendum, intra quem Deus deleaturus erat diluvio genus humanum si non resipiscerent; atque ita videtur hæc dixisse Deus centum viginti annis præfixe ante diluvium: quæ est receptor & frequentior sententia.*

V. 4. GIGANTES. גִּבּוֹרִים *nephilim*, a נָפַל *naphal*, cadere, ruer. Rationem nominis varie enucleant. I. Quod illis visis homines præ metu & tremore in terram caderent. II. Vel quod ceteri illis humiliores, veluti coram illis cecidisse viderentur. Numer. xiii. 34. III. Quasi deicectores, quod immani sua proceritate homines cadere facerent, & prostermerent. IV. Quasi irruptores, oppressores, tyranni, quod violenter in homines irruerent, & opprimerent: nempe quod sicut impetuosa procella & labes violenter cadens, agros vastat ac perdit; ita suis irruptionibus latrones isti perniciem & vastationem mundo intulerunt. V. Quasi deicectores, quod per impetum a Deo defecissent, & apostataissent, apostatas dixerit. Sic verbum *naphal* capitulum II. Reg. xxv. 11. Ierem. xxxvii. 13. 14. xxxviii. 19. Quibusdam vanissime in mentem venit, non hic exprimi a Mose istos fuisse insuata corporis magnitudine; sed tyrannos fuisse & oppressores; quasi eos non tam corporum mole, a reliquis discernat, quam irruptionibus, latrociniis, & grassan-

di libidine. Quasi si Græce dixisset *gigantes*, non intelligeremus homines vastæ altitudinis; sed tantum terra genitos, vel terræ filios, etiam si pygmæi fuissent. Fuisse proculdubio Nephilim, de quibus hic loquitur Moses, immani & insuata corporis altitudine, simulque audacia. tyrannide, oppressionibus, & irruptionibus infames. Aliqui *nephilim* lapidos interpretantur: vel quod vulgus eos cælo lapidos crederet; vel quod male id genus hominum audiret, tamquam Deo invisum, ac cælo deicctum & præcipitatum. Maro I. Georgicorum:

Pater extructos disiecit fulmine mores.

& VI. Æneidos:

... genus antiquum terræ, Titania pubes,

Fulmine deiecit.

Quidam existimant, eos esse quos Ennius Hetrusco vocabulo *cæcos* dixit, a cadendo. Sed *cæcos* est vetus, antiquus. Condidimus nos peculiarem de gigantibus tractationem multa lectione.

Moses hoc versu satis indicat gigantes antea non fuisse in terra (quod tamen quidam existimavere) sed ex congressu filiorum Dei cum filiabus hominum procreatos: nam ut rem novam, eorum originem nobis exponit. Id quod Vulgati lectio satis innuit, ut etiam Hebræa, quæ ad verbum ita habent: *Nephilim fuerunt in terra in diebus illis: & etiam, & sane, certe, e quideus, post sic, quod venient filii Eloim ad filias hominis, & parient eis. Isti heroes ab olim, homines nominis.*

POTENTES. גִּבּוֹרִים *gibborim*, expouunt, prævalidos, fortes, præpotentes, robustos, gigantes, viros heroicis, heroes. גִּבּוֹר *gibbor* Noster Psal. xviii. 6. *gigantem* est interpretatus. Vide cap. x. vers. 8. A SÆCULO. מֵעוֹלָם *meghoham*, de æterno, de sæculo, de olim, conistente voce, ab antiquo, a præfatis temporibus; quasi dicat, quos præfata tulit ætas. Quidam explicant, de sæculo, id est de mundo. עוֹלָם *ghoham*, enim sæculum & mundum significare non quidem tantum materialiter hanc mundi machinam a Deo conditam, quæ cælo, terra, elementis, aliisque creaturis constat; sed formaliter pro gestu, ordine, dispositione mundi, & his quæ in mundo geruntur, notum est. I. Corinth. vii. 21. *Præterit figura butus*

huius mundi. Sic Psalm. lxxii. 13. *Abundantes in seculo.* Lucæ xvi. 8. *Filii huius seculi.* Ergo hic: *Potentes de seculo, de mundo;* qui in seculo seu mundo plurimum poterant, qui rerum potiebantur in seculo. VIRI FAMOSI. Hebr. *mortales nominis*, id est nominati, famosi, celebres, inclityi. Hic primum occurrit vox *אנוש* *anusch*, in plurali *אנושים* *anuschim*, quæ proprie significat hominem miserum, mortalem, desperate perditum; adeo malis obrutum ut desperatum sit de eius salute & incolumitate; doloribus, miseriis, morbis, ærumnis, calamitatibus graviter affectum, ac deploratum. Vocem *mortalis* nonnihil Hebrææ respondere, sed non æquare existimant: quod *E-nosch* perpetuam hominis ærumnam ob peccatum primi parentis denotet incurabilem & insanabilem. Noster verbum *Anusch*, *desperatum esse*, convertit, II. Samuel. xii. 14. & nomen *Anusch*, *desperatum, desperabile*, Michæi. 9. Ierem. xv. 8. Notantque ut Adam, homo, initio dictus est *אדם* *adamah*, *humo*, ex qua sumptus est; ita *E-nosch* nomen pulsea ab ærumnis & miseriis indeptum, quibus fuit propter peccatum mox obruptus; malis scilicet nec per naturam, neque per medicinam curabilibus: ut creationem a miseria seiangamus, nec hominem ab initio tantis miseriis obrutum cogitemus, quæ ei non nisi propter inobedientiam obvenirent. Quidam *E-nosch* interpretantur obliuiofum, a *נשח* *nashchab*, conferuntque cum Psal. viii. 5. *Quid est E-nosch, quod memor es eius?* pulchra antithesi: Quid est obliuiofus, quod memor es eius? Sed alii hanc potius allusionem, quam etymon esse censent. Vide Eusebium Lib. XI. de Preparatione cap. 19.

V. 3. COGITATIO. Unica voce reddidit duas Hebraicas, *אשר מחשבות* *ascher machshebot*. Atqui vocem *ietzer* Noster figmentum reddidit, Psal. cii. 14. *Isaie* xxix. 16. Habacuc ii. 18. at Deuter. xxxi. 21. Genes. viii. 21. *cogitationem*. *Isaie* xxvi. 3. *errorem*. Ter autem invenitur coniunctum cum nomine *machshebot*: I. Chronic. xxviii. 9. ubi dixit *mentium cogitationes*; & I. Chronic. xxix. 18. ubi pro iis duabus vocibus, unam tantum reposuit, *voluntatem*; & hoc loco, ubi videtur omisisse; vel pro duabus posuit *cogitationem*. Ergo *ietzer* aiunt significare, *formam, formationem, fictionem, figmentum, insinuationem,*

cogitationem, intentionem, affectum, desiderium, concupiscentiam, genium, ingenium, indolem, naturæ propensionem; univèrse quidquid vel re, vel animo effingitur, & efformatur. Putant Paulum vim vocis exprelsisse II. Ephes. x. *Ipsius sumus* *πρόσωπα, figmentum, factura*. Hebræi hic peccatum originale, seu peccati fomitem interpretantur. *Machshebot*, proprie *excogitationes, ratiocinationes, estimationes, syllogismi, inventiones, industria, artes*. Ex verbo: *Omni formatio, figmentum cogitationum, ratiocinationum, industriarum cordis eius. INTENTA ESSET AD MALUM OMNI TEMPORE.* Heb. *Tantummodo malum omni die, vel profecto, certe, vere malum, &c.*

V. 6. POENITUIT EUM. Humanitas dictum, pro eo quod est, hominem, quem prius creaverat, delere statuit, tamquam si eum facti poenituisse. S. Augustinus Lib. XVII. de Civit. Dei cap. vii. *Ubi enim legitur, quod poenitent eum, mutatio rerum significatur, immutabili presentia manente divina.* ET TACTUS DOLORE CORDIS INTRINSECUS. Heb. *Et doluit ad cor suum.* *אזן* *ghatzab*, proprie *sauciare animum dolore, disruciare animum, contristare*. Coniugatio Hithpahal hic dolorem & tristitiam augeat: *Et dolore sauciavit, disruciavit seipsum, vel contristavit seipsum, ad cor suum.*

V. 9. ISTAE SUNT GENERATIONES NOE. *הנהם* *toledoth*, vel quos genuit Noe, nempe filii eius, vel posteritas, e versu sequenti: vel acta, eventus, res gestæ, historiarum eorum quæ contigerunt tempore Noe. Vide supra cap. ii. vers. 4. & cap. v. vers. 1. PERFECTUS. *שלים* *tamim*, *consummatus, integer, perfectus, immaculatus, omnibus numeris & modis absolutus, ita ut reprehendi & culpari non possit*; & refertur communiter ad mores. Græcis dicitur *ἀνέκδοτος*, item *ἀμώματος*. IN GENERATIONIBUS SUI. *דורות* *doroth*. Aiunt, *דור* *dor* significare seriem constitutam & ordinariam sive temporum, sive hominum, sive actionum; aut certam successionem seu revolutionem, & ordinem graduum naturalis propagationis, ubi ex alio alius nascitur. Latini nunc ætatem, nunc generationem, nunc progeniem, quæ quasi sphaera vel globus revolvitur, Græci *γενιά* reddiderunt: dicique volunt tam de tempore, quam etiam de hominibus illius

temporis, & omnibus denique, quæ spatio illo sunt & eveniunt. Sæculum, ætatem plerumque interpretantur, a volubilitate & successione, quod ætas ætati, & sæculum sæculo succedat, ut circulum videantur conficere. Alii *etatem durabilem, perdurabilem, sæculum, spatium circiter centum annorum*, exponunt: ergo in generationibus suis, id est in ætatibus illis quibus vixit, sive inter homines sui sæculi, nempe in ætate præcedente diluvium, quo tempore hominum mores erant corruptissimi, & in ætate sequente diluvium. Ac si dicat: Quamdiu vixit, pie & sancte coram Deo vixit, & coram hominibus inculpate. Emphaticum autem illud effenotant, in generationibus suis: quod mirabile esset constantiæ exemplum, inter tam corruptos & impios homines integritatem servasse. CUM DEO AMBULAVIT; id est, vel sacerdotio sanctus esse coram Deo, vel sancte iustque vixit, vitam divinam egit, vacavit cultui divino. Eadem omnino phrasis est verba, quæ superiore capite vers. 22. & 24. ibi vide.

V. 11. CORRUPTA EST. *נָפְשׁוֹ סֶבְאֵהָב, corrupti, perdi, depravari usque ad innum & fundum, significat. Perdita sunt fundus. INIQUITATE. דֹּחַמָּה, omnia ista complectitur, vi, violentia, iniuria, iniustitia, rapina, tyrannide, fraude, calumnia, invidia. Quidam, subversione, oppressione. CORAM DEO. Heb. *faciebus Ellobim*, id est Deo sciente & vidente; quæ phrasi longa Dei tolerantia commendatur. Alii vere & realiter: nam Deus falli non potest. Melius, ut sit Hispanica phrasis, *faciebus*, vel *ad facies Dei*, id est, a la cara de Dios, per summam impudentiam, & contemptum Dei, nullo Dei respectu & verecundia, aut pudore divinæ maiestatis; quasi dicat: Vivebant homines flagitiosissimi: iam tum erat maximus Dei contemptus.*

V. 12. CORRUPERAT. *הִשְׁחִית בִּשְׁכֶּבֶת, in Hiphil ingentem & desperatam corruptionem, perditionem, depravationem exitialem ab imo & funditus denotat. VIAM SUAM. דֶּרֶךְ, figurate Hebræis significat, doctrinam, dogma, sectam, religionem, cultum, studia, opera, consuetudinem, morem, vitæ rationem, instituta, in quibus homines versantur, & per quæ incedunt: in qua significatione ponitur mul-*

tis locis Scripturæ, ut Psal. 1. 1. Et in via peccatorum non stetit: & alibi. Et in Actis Apostolorum est frequens hic Hebræismus cap. 1x. 2. Ut si quos invenisset huius viæ. cap. xvii. 1. 25. Hic erat edoculus viam Domini: & passim. Hic viam suam omnia ista designat: nam homines tunc in doctrina, religione, cultu Dei, studiis, moribus, & in tota vitæ ratione erant depravatissimi, corruptissimi, perditissimi. Quidam ad scelus Sodomiticum arstant; quod via & modo naturali non congredebantur. Sed universalis intelligendum.

Vers. 13. CORAM ME. Heb. *faciebus meis*, vel *ad facies meas*. Decretum mihi est illos finire, consumere, funditus perdere. A FACIE EORUM; id est, propter eos, propter opera ipsorum hominum, vel per eos, opera eorum: i. s. repleverunt terram rapinis & violentia.

V. 14 ARCAM. Heb. *תֵּבָה, a תֵּבָה banah*, deducunt, quasi ædificium, ædes, constructio, domus, ædificium habens similitudinem domus. Arcam verit Noster. Dicitur tantum in Scriptura de Arca Noe, & de alia arca seu fiscella, in qua expositus fuit Moses Exod. xxxiii. DE LIGNIS LAEVIGATIS. *גֹּפֶר, gopher*, non alibi quam hic reperitur, & in varias significationes distrahunt. Quidam *arborem pieam*, vel *pinum* exponunt, quam Germani simili voce *kifer*, vel *kuser* appellant. Alii *cedrum*. Nonnulli *abietem*. Nec desunt qui *arborem*, ex qua desuit materia glutinosa, seu *quæ stillet*, aut *resinam*, seu *materiam tantam ad collinendum, & bituminandum*. Hebræi aiunt esse lignum levissimum, & ad fluitandum super aquas aptissimum, ex quo confici possint navigia, quæ diu durent in aquis, & vim, impetum aquarum sustineant, nec facile putrescant, ac levissime fluitent. Quidam volunt esse speciem cedri Syriacæ canem non sentientis, quam *cedrelaten* vocant, de qua Pinius Lib. XIII. cap. v. Ex hac resina laudatissima; materia vero ipsi æternitas: itaque & simulacra decorum ex ea fabricaverunt. Alii putant esse lignum de cuius cortice sunt calceamenta hypodemata: nam alioqui exponunt, *lignum leve*; nihil vero cortice hoc levius. Sunt qui putent fuisse terebinthum resinofum lignum, & sulphureas baccas ferens, quam in Syria proceram crescere aiunt.

Noster *levigatis* dixit, id est exasciatis, poli-

politus; vel bituminatis. Conferunt cum voce כופר *copher*, id est *ceps*, *gummi*, *resina*, *bitumine*, materia scilicet glutinosa, qua aliquid oblinitur. Aliqui volunt hic גופר *gopher*, esse proprium alicuius loci nomen, ubi materia ad navigia aptissima proveniret. גפרית *gephrit*, quod præcudubio est a *gopher*, genus *gummi*, seu *bituminis*, aut *picis*, seu *materiae glutinosae*, quod facile ignem concepit, & terræ fertilitatem inducit, interpretantur. Noster sulphur semper exposuit: inde quidam suspicati sunt, ea ligna fuisse coloris sulphurei, aut melius, pinea, seu picea, unde pix efficitur.

V. 18. PACTUM MEUM, ברית *berith*, id est, *foedus*, *pactum*. Ut constat inter omnes de significatu; de ratione tamen nominis non constat. Quidam ברה *barah*, transposito deducunt, id est, *divisi*, *dissociati*, *in partes*, *partitus est*, *dispartitus*: nimirum quod in foederibus sciendis caderentur victimæ, & inter partes dissectas animalium caesorum transirent qui foedus inibant; & dictum *berith*, foedus ab ista caeremonia transitus per partes victimæ; qua significare voluerint, inter illas duas partes pacificentium factam iam transactionem, conventionem, seu compositionem, quæ postea confirmabatur quoque externis signis, & publicis epulis: quem morem seu ritum ferientium foedus pulchre descriptum habes Genes. xv. 10. 17. 18. & Jerem. xxxiv. 18. & 19. Alii *berith*, quasi כרית *kerith*, dictum volunt a כרת *carath*, id est *scidit*, *excidit*, *cecidit*, *percussit*, *feriit*, *icit*: unde in Scriptura *berith*, sæp. constituitur cum verbo isto *carath*, quod Noster *ferire* foedus reddere solet: nempe quod in foederibus ineundis caderentur animalia. Festus: Foedus appellatur ab eo, quod in paciscendo *foeda*, vel *foeta*, aut *foeda* (*) *foetia* cederetur. Virgilius:

.... Et cæsa iungebant fœdera porca.
Vel quia in fœdere interponatur fides. Servius in I. AENEIDOS: Foedus autem dictum, vel a Foetilibus, qui olim Foedales dicebantur, id est, Sacerdotes, per quos fuit foetura; vel a porca foede, hoc est lavide occisa. Et in VIII. AENEID. elucidans illud:

.... Et cæsa iungebant fœdera porca:
inquit: Fœdera, ut diximus, dicta sunt a porca foede, & crudeliter occisa: nam cum antea gladiis conficeretur, a Foetilibus inventum, ut scilicet feriretur: ea causa quod au-

tiquum Iovis signum lapidis siliceni putaverunt esse. Cicero fœdera a fide putat dicta. Sed huius porca mors optabatur ei qui a pace resisteret. Falso autem ait, porca, nam ad hoc genus sacrificii porcus adhibebatur: ergo aut usurpavit genus pro genere; aut certe illud ostendit, quia in omnibus sacris feminei generis plus valent victimæ. Denique si per marem litare non possent, succidanea dabatur femina; si autem per feminam non litabatur, succidanea adhiberi non poterat. Quidam porcam enphonie gratia dictam volunt. Hæc Servius. Nonnulli putant Virgilium scripsisse:

.... & cæsa iungebant fœdera porco:
ut porcus femina intelligatur. Vide Iacobum Gutherium de votere Iure Pontificio Romano Lib. IV. cap. xviii. Eiusmodi fœderis ritum, isti inter Romanos & Albanos scite describit Livius Lib. I. cap. xxiv. Festus: Porci effigies inter militaria signa quintum locum obtinebat, quia confesso bello, inter quos populos pax fiebat, ea, cæsa porca fœdera firmari solet. Vide infra cap. xv. ver. 18.

Nonnulli *berith*, a ברר *barar* derivant, & sic dicta, pacta, seu sce'ra existimant, quod in illis sine ulla iustificata, utrimque expurgata, & perspicue declaratur, ratificeturque fides, adhibita publica caeremonia, seu solemnitate. Nec defunt qui a ברה *barah*, id est ab *eligendo*, accersant, quia eliguntur personæ, inter quas, & res, ac conditiones, propter quas foedus initur. In Novo Testamento patim verbum extat διαβων, id est, *testamentum*, cuius vocis rationem ibi reddemus.

Hoc pactum, seu foedus, quod stabile, firmum, ratum Deus vult esse cum Noe, quidam illud de iride intelligunt, cap. ix. ver. 9. & seqq. Alii existimant Deum promississe Noe, quod non moreretur aquis diluvii; quod tamen non refertur a Mose. Quia enim difficillima erat arcæ fabrica, & innumera subinde obstacula supervenire poterant, quæ abrupterent incoerum opus, addita promissione & foedere Deus servum suum confirmat: nempe cum cum familia futurum incolumem, quamvis totus mundus diluvio periret. Foedus igitur Dei cum Noe pactum fuit, pereunte mundo, ipsum cum suis servandum iri.

(*) Foetia, sic enim veteres loquebantur: vide ipsum Festum in Eudæ;

MENOCHII.

Vers. 1. **C**UM COEPISSENT HOMINES MULTIPLICARI. Prius etiam coeperant multiplicari; sed non loquitur de multiplicatione in immensam multitudinem, cum qua pari passu nequitia, & morum pravitas gliscebatur. FILIAS PROCREASSENT. Ante etiam natæ filiarum, sed nunc plures masculis: vel quod profusa libidine vis generatrix esset debilitata; vel quod medicamentis id curarent, ut singuli pluribus feminis fruerentur; vel demum divino consilio ad celeriores, & uberiores humani generis proventum. Nec deest qui suspicetur ironice etiam masculos hic filias vocari, quod effeminati essent, & animis muliebribus.

V. 2. FILII DEI FILIAS HOMINUM. Posteris Seth nomen filiorum Dei adhaesit propter illorum sanctitatem, religionem, ac iustitiam, aliarumque virtutum quasi splendorem in eis Dei imaginem. Cainitæ dicuntur filii hominum, quia terrena tantum sapiebant. PULCHRAE. Hebraice, *bonæ*. Notat D. August. Lib. XV. de Civit. cap. xxiii. in sacra Scriptura bonos solere vocari eos qui speciosi corpore sunt.

V. 3. SPIRITUS MEUS: spiraculum vitæ quod illis inspiravi. IN HOMINE, in hominibus istis, ut habent LXX. singulare pro plurali. IN AETERNUM, tam longo tempore quam permixti maiores illorum vivere. QUIA CARO EST: non natura, sed culpa, & vitæ instituto, perinde vivunt, ac si mens illis non ut rector, sed pro fale ne putrescant, data esset. ERUNTQUE DIES ILLIUS. Non loquitur de termino vitæ in communi hominum postea nasciturorum (quorum multi hunc terminum prætergressi) sed de termino vitæ per-versi illius sæculi hominum pessimorum, quos diluvio delere statuerat, quibustamen ad penitentiam tam laxum spatium largiebatur centum & viginti annorum.

V. 4. GIGANTES, vasti ac proceri homines, & virium fiducia in alios violenti; itaque Aquila vertit *in filios violenti*. POSTQUAM ENIM: ratio cur Gigantes generi. Filii Seth, qui vocantur filii Dei, integerrimi erant viribus; hi filias Cain duxerunt uxores, eisque ut pulcherrimis summo amore, & ardore libidinis aggluti-

nati sunt; fecit autem libido, ut natura omnem suam vim, & potentiam extremum exereret: hinc homines vastissimi, & validissimi prognati sunt. ISTI SUNT POTENTES, viribus corporis, scelere etiam, & flagitiis nobiles. A SÆCULO, ab initio mundi.

V. 5. MULTA MALITIA, continua, varia, vehemens, & late diffusa. INTENTA ESSET AD MALUM. In Hebræo est: *Tantum intenta esset ad malum*; quod verum est de hominibus pessimis illius ævi: vel etiam est hyperbole, ut cum de peccatore, qui tamen aliquando bona aliqua facit, aut cogitat, dicimus v. g. Hic homo nihil cogitat nisi de ventre.

V. 6. POENITUIT RUM. Sine poenitentia sunt dona Dei; sed ita loquitur Scriptura per anthropopatheiam.

Vers. 8. INVENIT GRATIAM: notus Hebraismus, pro acceptior & gratior fuit Deo quam ceteri. IUSTUS, ET PERFECTUS, perfectione non patriæ, sed vitæ, quæ excludit omne peccatum, non veniale, sed mortale, quæque in assiduo studio, & profectu virtutum consistit. IN GENERATIONIBUS SUIIS, inter homines sui ævi, adeoque præ omnibus hominibus qui tunc vivebant. Aliqui in generationibus, explicant in actionibus suis: hæ enim sunt quasi liberi quos parit homototius vitæ suæ spatio, & decursu. CUM DEO AMBULAVIT, ut Henoch, de quo cap. v. 22.

Vers. 11. CORRUPTA EST AUTEM TERRA; metonymia, pro habitatoribus terræ. CORAM DEO, vere. INIQUITATE, fraude, calumniis, violentia.

V. 12. OMNIS CARO, omnes homines, sic dicitur Isa. xl. 5. *Videbit omnis caro pariter*. VIAM SUAM, suam vivendi rationem, quæ ductum sequi debet rationis, & divinæ legis imperium.

V. 13. FINIS OMNIS CARNIS VENIT CORAM ME: instat dies decreta a me excidio hominum, & animalium.

V. 14. ARCAM. Ipso nomine Hebræo *תֵּבָה* significatur arcæ forma non navigii in morem, sed capse supra, & infra latæ, & infra quidem non cinnamematæ, sed æqualis, & planæ. DE LIGNIS LAEVIGATIS. Hebraice, *De lignis 753 gopher*, quod LXX. verterunt, *quadratis*, *Noster levigatis*, id est colatis, & politis ad aptiorem, firmioremque

que

que compagine; Alii vertunt de *lignis cedri*, nam cedrus in Syria frequens, & longissimas dat tabulas, & incorruptibilis est, & ex cedro factam arcam docent aliqui Patres. D. Hieronymus verit, *Ex lignis bituminosis*, id est bituminosis, & resinosis. vel bitumine illitis, vel liniendis: pinus autem, & cedrus sunt resiniferæ. **MANSIUNCULAS IN ARCA FACIES.** Hebraice: *Nidos facies arcam*; sic etiam LXX. eo quod in arca stabula parva, seu mansiunculae instar nidulorum: has iubet per totam arcam fabricari varie iuxta singulorum animantium necessitatem, non pro solis avibus; ideo non vertit, Nidulorum. **BITUMINE**, quod picis vicem implet, & odoriferum etiam est, ideoque opportune adhibuit (ut etiam cedrinae tabulae, & trabes) nam in arca graveolentia ex fimo animalium anguste habitantium.

Vers. 15. TRECENTORUM CUBITORUM. Cubitus continet pedem cum dimidio. Arcae longitudo decupla erat ad eius altitudinem, & profunditatem, totaque capacitatis fuit cubitorum solidorum 450. milium.

V. 16. FENESTRAM, præcipuam unam, grandiore, & pellucidam ex vitro, crystallo, vel lapide speculari, quod Hebraice vox indicat *חַרְצוֹבָר* *tsobar*, & Græcum *Ἰσχαρι*, ut vertit Symmachus. Hæc maior fenestra nihil prohibet alias etiam minores fuisse. **ET IN CUBITO CONSUMMABIS SUMMITATEM EIUS**; quasi dicat: Altitudinem eius, puta fenestrate, facies unius cubiti. Vel sensus est: Mensuram cubiti semper ad manum habe, & adhibe donec arcam consummaveris, & perfereris, omnia ad præscriptum modulum, & mensuram cubitorum præscriptorum exigendo. Alii: Tectum arcae ad extremitatibus medium versus paulum admodum assurgat, ita ut tota declivitas a medio ad crepidinem unius tantum sit cubiti. **DEORSUM COENACULA, ET TRISTEGA FACIES IN EA.** *Deorsum* significat infimum tabulatum arcae; *coenacula* tabulatum medium; *tristega*, id est, iuxta Græcæ vocis vim, tertium tectum, tabulatum tertium. Videtur habuisse arca tres contignationes, & partem imam, in qua fuerit saburra, & sentina: super hanc in secunda erant animalia per cellas distributa; in tertia erat annona; in quarta aves, & homines.

V. 18. PONAM FOEDUS MEUM TECUM, nempe iridem, vel potius, pacificam tecum tuam, & tuorum incolumitatem, Heb. *surgere faciam*, id est stabiliam, opere complebo fœdus, nempe quod tecum de tua, tuorumque salute, quos diluvio eripiam, iam pepigi. Quando fuit fœdus hoc? Non omnia reſeruntur. Noster textus loquitur de pacto quasi de re futura, Hebraeus quasi de pacto iam facto, quod firmum fore pollicetur, & in opus conſerendum.

Vers. 19. EX CUNCTIS ANIMANTIBUS BINA. Sermo est de terrestribus, quorum etiamſi aliqua natura fera, tamen Noe ut olim Adamo obedientia, & cum ceteris animalibus ſocialiter vixerunt in arca, nemini inſeſta. Quæ ex putri gignuntur, aut quæ ex ſpecierum variarum commixtione, non ſunt in arcam inducta. Amphibiis quæ diu terra carere non poſſunt, locus in arca aſſignatus.

V. 20. INGREDIENTUR TECUM: venient ad te, ſcilicet ſponte ſua.

V. 21. EX OMNIBUS ESCIS QUAE MANDI POSSUNT. Hebr. *Ex omni cibo qui comedi ſolet*, puta tam ab homine, quam a beſtiis. Itaque ſeræ carnivoræ etiam in arca carnes in cibum habuerunt.

T I R I N I.

Vers. 2. VIDENTES FILII DEI FILIAS HOMINUM. Non eſt hic ſermo de Angelis, aut dæmonibus. incubis, aut ſucubis *a*; ſed de filiis & poſteris duorum fratrum Seth, & Cain. Et quidem filii Seth vocabantur filii Dei, primo ob ſanctitatem, iuſtitiam, temperantiam, aliasque virtutes, quibus toti munſo teſtatum ſaciebant ſe eſſe veros filios Dei *b*; ſecundo quia robuſti erant, & viribus, forma, ſtatura eximii: nam Hebræi *pirafi*, omnia fortia, magna, egregia dicuntur eſſe Dei, ut *cedri Dei*, *montes Dei*, id eſt cedri & montes altiffimi *c*. Filii vero, & poſteri Cain, mali parentis peior ſoboles, dicebantur filii, & filia hominum, primo quia moribus perverſi, & animo toti terræ aſſixi; ſecundo quia corporis robur formam ac ſtaturam enervaverant nimis proſuſa libidine, & luxu. Cum ergo, mortuo quoque Setho, non pauci ex poſteris Seth, qui viribus erant integerrimis, ſpreta parentum moni-

monitione de non miscendis connubiis cum Cainitis, summo ardore libidinis adglutinantur pulchrioribus & selectioribus filiabus Cain, ex hac commixtione (natura vim suam omnem, & extremum potentiam exierunt) progenerunt gigantes, seu homines monstroſa ſtatura, robore, latraciis, & tyrannide inſignes: qui ſuis ſceleribus maxima poſſiſſimaque cauſa diluvii fuerunt, ut hic Moſes inſinuat, & Job xxvi. verſ. 5. & Sap. xiv. verſ. 6.

V. 3. SPIRITUS MEUS, id eſt anima & vita homini a me inſpirata, Genef. ii. verſ. 7. *NON PERMANEBIT IN HOMINE IN AETERNUM*, Hebraica phraſi, id eſt in longum tempus, quale ſibi quilibet imaginatur, & promittit. Sed *ERUNT DIES ILLIUS CENTUM VIGINTI ANNORUM*; id eſt, non dabo ulteriores mundo inducias quam ad centum viginti annos; quibus tentabo num deſtituti ſine malo, nec ne: nam ſi tempus hoc, quod ad ſcandam poenitentiam iſtis indulgeo, negligent, eo exacto omnes delebo per diluvium quod orbi inducam. Non ergo ſtatuitur hic ſingulis hominibus certus vitæ terminus, ut vult Joſephus, Lactantius, Procopius apud Salianum, quia plurimideinceps longe diutius ſupervixerunt, ut patet Genef. xi. Sed toti tunc generi humano (ut dixi) ſpatium poenitentiae præſcribitur. Et hoc ipſum revelat hic Deus Noe, ut ipſe illud toti mundo palam faciat non ſolo verbo, ſed & longa arcæ inſiſtente ſabrica, qua diſſivum orbi ob inſanda ſcœla imminens & prædicebat omnibus, & publice, ni poeniterent, comminabatur.

V. 16. DEORSUM COENACULA, ET TRISTEGA FACIES IN ARCA. *Deorſum*, id eſt inſima tabulata; *coenacula*, id eſt media tabulata; *triſtega*, id eſt tertia ſeu ſuprema tabulata. Ita Hebraea, & Chaldaea. Erant enim in arca tres contignationes ſeu tabulata, quæ diſcriminabant quaternam ſpatia. Primum & inſimum ſpatium erat ſub inſimo tabulato, ſcilicet locus ſabernæ ad libranda arcam in aquis, & ſentina ad ſordes undique excipiendas, quæ poſtea per antlias, vel ſportas, & ſunes in altum reductæ, per fenestram ſuperiorem eiciebantur. Secundum ſpatium erat ſupra inſimum tabularum, ſeu in prima contignatione; ubi erat locus omnium animalium, in cellas utrimque diſtinctus. Tertium erat ſupra

medium tabulatum, ſeu in ſecunda contignatione, ubi diſtinctæ erant apothecæ, quibus includebatur omne genus annonæ pro hominibus, & animalibus, etiam dolia aquæ dulcis ad p. tum, & ad lotionem. Quartum ſpatium erat in ſummo tabulato ſub recto, ubi ex una parte locus erat hominum cum ſua culina, foco, furno, mola, lignili, & penu, ex altera erat cavæ, & niſi ſingularium avium cum ſuo pabulo. Nota. In ſingulis contignationibus erant ambulacra media, & in his ſcalæ quibus ex una in aliam aſcendebant, & deſcendebant. In pavimentis erant foramina, & tubi, quibus & pabulum, & ſordes, & quæcumque vellent, ad interiora demittebant. In latere arcæ, a medio circiter niſque ad verticem, erant paſſim foricæ ſeu foramina, tum ad reſpirationem, tum ad lumen hauriendum, tum ad ſordes egerendas neceſſaria e.

V. 20. BINA DE OMNIBUS, id eſt mas & femella, *INGREDIENTUR TECUM*. Hebraice, *venient ad te*; ſcilicet, ſponte ſua, ſeritate ad tempus depoſita, vel ſaltem mitigata, adcurrent; idque vel Dei inſtinctu, vel Angelorum impulſu, uti olim ad Adamum, Genef. iii. verſ. 19. cum Adam illis omnibus ſua nomina dederet *f.*

(a) Ut ſenſere Joſeph. Philo, Juſtini Tertull. Lactantius, Borgenſis, Franc. Valcius, & alii apud a Lapide.

(b) Ita Chryſoſtomus, Cyrillus, Theodoſius, Rupertus, Hiſſius, apud eundem, & Salanum.

(c) Ita Oſander.

(d) Ita Chyrdens, & LXX. Hieronymus, Chryſoſtomus, Auguſtinus Lib. xvi. de Civit. cap. xxiv.

(e) Fuſe hæc Joannes Bateo Libro de Arca; & ex eo Peterius, & alii.

(f) Ita S. Auguſtinus ſupra cap. xxviii.

GORDONI.

OB morum corruptelam decernitur diluvium. Paratur arca, & deſinitur numerus liberandorum a diluvio. Tale eſt huius ſexti capitis argumentum. Proſtenditur hæc ſecunda inchoans ætas ulque ad Abrahamum. Hæc excurrente annorum periodo, varia exorta ſunt regna: Babylonium a Belo, anno mundi 1870. Sicioniorum regnum ſub Aegialeo, anno 1906. Aſſyriorum ſub Nino, anno 1935. ſub cuius ſæculo Thare ſeptuagenarius genuit Abrahamum; & anno mundi 1978. a quo Patriarcha initium erit tertiæ ætatis. Qui vero vixerunt Patriarchæ

chæ hac tota secunda ætate, recensentur capite undecimo, nempe a Sem ulque ad Abraham, ut infrequens habet digramma.

	Natus.	Generat. natus annos.	Vixit annos.	Moriturus annos mundi.
Sem	1558	100	600	2158
Diluvium	1656			
Arphaxad	1658 Biennio post diluvium.	Ann. 135. & 35. iuxta LXX. Interpretes.	438	2096 Obiit ante patrem.
Cainan minor	1693	30	360	Huc ponunt Luc. & LXX.
Sale	1723	30	413	2150
Heber	1753	34	424	2217
Phaleg	1787 Linguarum confusio.	30	239	2026
Reu	18.7	32	239	256
Sarug	1849	30	270	2079
Nachor	1879	29	148	1027
Thare pater Abraham.	1908	70	205	2113
				Sara. 2115

Arphaxad generat natus annos 135. inde ad mortem sunt anni 303. Genes. cap. xi. vers. 13.

Vers. 1. Notat tempus, non quidem primæ multiplicationis, sed quando cœperit esse ingens multiplicatio, præcreatis etiam filiabus in magno numero.

Vers. 2. VIDENTES FILII DEI FILIAS HOMINUM. Prætereo quod qui dam putant, hic filios Dei esse Angelos malos, seu Dæmones incubos. Rectius filii sunt in linea Seth, sic dicti phrasi Hebræorum, quod essent robustiores, & meliores ceteris hominibus. Hebræis familiare est, omnia fortia, præclara & magna, Dei filios nominare, ut notavit Oleaster. Filiz vero Caini, dictæ hominum filiz, ob deteriores vitæ & morum conditiones.

V. 3. NON PERMANEBIT. *וְאֵינֶם יִשְׁתַּבְּחוּ*, hoc est, non permittam diu admo-

dum vivere. Invaluit malitia. At quomodo ætas hominis 120. annorum definitur? R. non ibi præscribi hominis ætatem, sed spatium annorum quod datum est impiis ulque ad diluvium, ut poenitentiam agerent, scilicet numerando ab anno Noe 480. ulque ad diluvium. Fuit hæc comminatio revelata Noe, Mathusalem, & aliis quibusdam. Hic aliqui de longitudine vitæ humanæ differunt. Videri potest Torniellus ad ann. 1651. August. XV. Civit. cap. ix. & Ioseph. I. Antiq. cap. iv. CENTUM VIGINTI. Concessum spatium ulque ad diluvium.

V. 4. Hinc iam notat Scriptura multiplicatos gigantes, Heb. *גִּבּוֹרִים* *gibborim*, a rad. *גבב* decrevit, prostravit; quasi qui homines prosternunt. Dicuntur Titanes Iudith cap. xiii. vers. 8. Hic potentes vocantur: quod tyrannidem horum designat.

V. 5. CUNCTA COGITATIO CORDIS INTENTA ESSET AD MALUM OMNI TEMPORE. Septuaginta *ἡ ὁλκή* *holkē*, omnis qui cogitat, Heb. *כָּל חֲשַׁבּוֹת הַחַשְׁבֹּת* *col tsetser Machshevot*, omne figmentum cogitationum. *חשב* cogitavit. Hinc colligit male Calvinus, opera iustorum omnia esse inquinata occulto aliquo concupiscentiæ peccato: quia, inquit, in Hebr. est *רָק* *rak*, hoc est tantum: nam si tantum ad malum. quomodo ad bonum? Sed non videt Novator ille, Mosem tantum loqui de peccatoribus, & iis tantum qui erant tempore Noe, ad quos puniendus decretum est diluvium. Immo *רָק*, non verterunt LXX. Interpretes; utpote dictum per plenarium, & inclusum in verbis illis. *Cuncta cogitatio.* Quid quod iustitia inventa sit in familia Noe? Immo & in aliquibus qui perierunt, quos probabile est, crescentibus ante oculos diluvii indis, egisse poenitentiam; ut colligi recte potest ex I Petr. iii. vers. 19. ubi de his, qui increduli fuerunt sub Noe, excurrentibus illis 120. annis, ut notavi vers. 3. Denique quid si hic locus non actum, sed fomitem & propensionem explicat?

V. 6. Poenitentia non cadit in Deum; nec dolus ullus; sed per id quod fit in homine, explicat quid sit a Deo; nam, ut explicant Theologi, quod est in homine formaliter, tribuitur Deo longe alio modo, & per effectum; ut quando in effectu castigat, irasci dicitur. Sic etiam sententia

Q. Dei

Dei comminatoria accipit mutationem aliquam, non vero eius decretum.

Vers. 9. NOE IUSTUS, iustitia quæ est homo sine mortali peccato. *PERFECTUS IN GENERATIONIBUS SUIS*: seu tempore quo vixit, seu inter homines sui sæculi.

V. 11. TERRA, hoc est homines qui sunt in terra, *CORAM DOMINO*, seu nimis.

Vers. 12. CARO OMNIS: univèrse loquendo: nam quando pauci tantum excipiendi sunt, solet aliquando Scriptura non *hære* in minimo numero exprimendo.

V. 13. FINIS VENIT CORAM ME. Publicat Deus decretum de hominibus delendis.

V. 14. FAC TIBI ARCAM. תבה teba. Reliquum caput fere de arca est, quam in modum cistæ describunt Interpretes, quadrangulam, in fundo planam, modice in culmen assurgentem, & quæquæ versum æqualem, atque undique clausam, 300. cubitorum in longitudine, tota capacitas evasit 450000. cubitorum. Locum esse omnibus animalibus recentiores demonstrant; si cum Augustino accipias cubitum geometricum, fere ad miliare erit longitudo arcæ.

V. 15. Multi hic intelligunt cubitum geometricum (qui continet sex cubitos vulgares) nec ab hoc abest *אמא amah*, in Hebræo. Ingens sane sic erit arcæ magnitudo.

V. 16. ARCA EX LIGNIS LEVIGATIS. In Heb. *Ex lignis Gopher*, nomen factis ignotum. Septuaginta, *Ex lignis quadratis*, Hieronymus in Qq. Hebr. *Ex lignis bituminatis*; quasi esset in Hebræo כפר *chopher*, non autem גפר *gopher*; ac si in-

telligas arbores omnes, quæ ex se bitumen vel resinam proferunt: inter quas est cedrus, levis quidem, & facile enatans. At quid cœnacula, & trilega? Chaldæus sic explicat: *Facies habitationes*, seu mansiones, *inferiores* (Noster *deorsum* vocat) *secundas*, & *tertias*. In Hebræo est, *Infi-ma*, *secunda*, & *tertia*. Designatur ergo arca secundum altitudinem divisa in tres contabulationes: quod enim est hic *dorsum* designat infimum tabulatum. Cœnacula signant medium tabulatum; trilega supremum. Denique hæc suprema habitatio habebat testum arcuatum.

V. 18. PONAMQUE FOEDUS, nempe de Iride, aut etiam de te liberando a diluvio. Quando positum sit hoc sæculus, non exprimit Scriptura. Hebræus loquitur ut de pacto iam posito; sed frequens est apud Hebræos enallage temporis.

V. 19. EX CUNCTIS. De hoc iterum cap. vii. vers. 8. Et quamvis serinam aliqua naturam habuerint, stabat concordia, Deo opus suum firmante. *BINA* hoc est, combinando utrumque sexum: non enim hic agitur de numero, sed cap. vii.

Oportet Noemum edoctum fuisse a Deo, quæ tam variis animalibus aptæ essent escæ. Aggressus vero putatur Noe arcam extruere centum annis ante diluvium. Est magnorum virorum sententia; quamvis certe ex Scriptura hoc non habeatur.

V. 22. Fecit quidem. Noe omnia imperata; sed tempus in singulis non designatur.

C A P U T VII.

Egresso Noe cum suis in arcam, statim aqua omnium montium cacumina 150. diebus superavit, reliquaque animantia submersit.



Dixitque Dominus ad eum: (a) Ingredere tu, & omnis domus tua in arcam: te enim vidi iustum coram me in generatione hac. 2. Ex omnibus animantibus mundis * tolle septena & septena, masculum & feminam; de animantibus vero immundis duo & duo, masculum & feminam. 3. Sed & de volatilibus cæli septena & septena, masculum & feminam: ut salvetur semen super faciem universæ terræ. 4. Adhuc enim, & post dies septem ego pluam super terram quadraginta diebus, & quadraginta noctibus: & delebo omnem substantiam, quam feci, de superficie terræ. 5. Fecit ergo Noe omnia quæ mandaverat ei Dominus. 6. Eratque sexcentorum annorum quando diluvii aquæ inundaverunt super terram. 7. Et (b) ingressus est Noe, & filii eius, uxor eius, & uxores filiorum eius cum eo, in arcam propter aquas diluvii. 8. De animantibus quoque mundis & immundis, & de volucris, & ex omni quod movetur super terram, 9. duo & duo ingressa sunt ad Noe in arcam, masculus & femina, sicut præceperat Dominus Noe. 10. Cumque transissent septem dies, aquæ diluvii inundaverunt super terram. 11. Anno sexcentesimo vitæ Noe, mense secundo, septimodecimo die mensis, rupti sunt omnes fontes abyssi magnæ, & cataractæ cæli apertæ sunt: 12. & facta est pluvia super terram quadraginta diebus, & quadraginta noctibus. 13. In articulo diei illius ingressus est Noe, & Sem, & Cham, & Iapheth, filii eius, * uxor illius, & tres uxores filiorum eius cum in eis arcam: 14. ipsi, & omne animal secundum genus suum, universaque iumenta in genere suo, & omne quod movetur super terram in genere suo, cunctumque volatile secundum genus suum, universæ aves, omnesque volucres 15. ingressæ sunt ad Noe in arcam, bina & bina ex omni carne in qua erat spiritus vitæ. 16. Et quæ ingressa sunt, masculus & femina ex omni carne introierunt, sicut præceperat ei Deus. Et inclusit eum Dominus de foris. 17. Factumque est diluvium * quadraginta diebus super terram; & multiplicatæ sunt aquæ, & elevaverunt arcam in sublime a terra. 18. Vehementer enim inundaverunt, & omnia repleverunt in superficie terræ. Porro arca ferebatur super aquas. 19. Et aquæ prævaluerunt nimis super terram, operique sunt omnes montes excelsi sub universo cælo. 20. Quindecim cubitis altior fuit aqua super montes, quos operuerat. 21. (c) Consumptaque est omnis caro quæ movebatur super terram, volucrum, animantium, bestiarum, omniumque reptilium quæ reptant super terram: universi homines, 22. & cuncta in quibus spiraculum vitæ est in terra, mortua sunt. 23. * Et delevit omnem substantiam, quæ erat super terram, ab homine usque ad pecus, tam reptile quam

volucres cæli; & deleta sunt de terra: remansit autem solus Noe, & qui cum eo erant in arca, 24. Obtinueruntque aquæ terram centum quinquaginta diebus.

(a) II. Petr. 11. 5. (b) Matt. xxiv. 38. Luc. xvii. 26. I. Petr. 111. 20. (c) Sap. x. 4. Eccl. xxxix. 28. I. Petr. 111. 20.

B R U G E N S I S

ROMANÆ CORRECTIONES.

Vers. 2. Tolle septena & septena. Non mutes imperativi præsens tolle, cum futuro indicativi tolles.

Vers. 13. Uxor illius, & tres uxores filiorum eius cum eis. Ut non est præponenda coniunctio & ante vocem uxores, ita non est de-

lendus numerus *tres* ante vocem *uxores*.
Vers. 17. Quadraginta diebus. Omittendum est quod sequitur in quibusdam codicibus, *Et quadraginta noctibus*.

Vers. 23. Et deleuit omnem substantiam. Superfluit quod quibusdam exemplaribus additur *Deus*.

C O M M E N T A R I A

S A.

Vers. 1. IN GENERATIONE HAC; id est, inter homines huius temporis.

V. 2. MUNDIS. Quæ munda essent, revelaverat Deus, vel ea tali numero venerunt. *SEPTENA.* Unum erat postea immolandum, relinquenda sex ad prolem & sacrificia. Nota, quod quidam putant fuisse ex immundis duo tantum, scilicet marem & feminam, ex mundis autem septem, ut proxime dictum. Alii putant fuisse quatuordecim, scilicet septem mares, & totidem feminas. Iustinus quidem quæst. xliiii. ita sentit, seu quisquis est ille Auditor. Itemque ex immundis fuisse quatuor, scilicet duos mares, & duas feminas, quia dicitur, *duo & duo, septena & septena*: quæ mihi opinio non probatur.

V. 4. DIES SEPTEM, scilicet ab ingressu, vel a præcepto de ingrediendo. *SUBSTANTIAM,* id est animalia. *DE SUPERFICIE TERRÆ.* Non enim pisces qui in mari.

V. 11. MENSE SECUNDO, id est Aprilis. *SEPTIMO DECIMO. LXX. vigesimo septimo.* *ABYSSI MAGNÆ,* id est aquarum, quæ sub terra. *CATARACTÆ,* id est nubes, unde veluti e fenestris apertis imber cecidit.

V. 12. QUADRAGINTA, scilicet ut possent agere poenitentiam; Chrylost. homil. 24.

Vers. 13. IN ARTICULO DIEI ILLIUS, pro illo 12. die, scilicet decimo-septimo; seu potius, quo Deus pœce perat: nam post cum dicuntur transisse 7. dies, nempe decimoseptimo die ruptos fontes, &c.

V. 16. DEFORIS, scilicet claudens ostium: aliter enim clausi non poterat, vel (ut quidam volunt) bitumine extrinsecus contra aquas muniens.

V. 17. DIEBUS, scilicet naturalibus.

E S T I I.

Vers. 2. EX OMNIBUS ANIMANTIBUS MUNDIS TOLLES SEPTENA ET SEPTENA; DE IMMUNDIS VERO DUO ET DUO. Quidam hæc per anticipationem dicta volunt, & materialiter de iis quæ postea in lege habitata sint munda & immunda. Sed id non recte. Noe enim hæc distinguere non potuisset, nisi iam tunc horum distinctio facta fuisset. Proinde rectius dicitur, etiam ante legem fuisse mundorum atque immundorum animalium discrimen, maxime quoad sacrificia, sive divino instinctu sic hominibus constituentibus, sive etiam positiva Dei ordinatione, certæ significationis causa, sicut postea generaliter etiam quoad cibum id factum est per legem Moysi.

V. 11. RUPTI SUNT OMNES FONTES ABYSSI MAGNÆ, ET CATARACTÆ CÆLI APERTÆ. Abylum magnam

gnam videtur intelligere mare. Quomodo autem fontes eius rupti dicantur, obscurum est. De cataractis vide Annot. IV. Reg. vii. & Hieron. in Malach. iii. sic illud interpretatur: *Si non aperuero vobis cataractas*; id est, si non tantas pluvias effundero ut cataractæ cæli apertæ esse crederentur. Et sic etiam tam in fontibus abyssi, quam cataractis figurate intelligit Caietanus.

P. 19. OPERTIQUE SUNT OMNES MONTES EXCELSI SUB UNIVERSO CAELO. De diluvio quædam etiam ab Ethnicis Scriptoribus referuntur, licet fabulis permixta, nominatum de diluvio Deucalionis apud Ovidium in Metamorphosi, & alios. Legitur quoque Lib. VI. histor. Indicæ cap. v. quod rex quidam Nicaragua querebat ex Christianis, num haberent notitiam aliquam diluvii, quo inundata fuit tota terra, & submersi homines, & bestię, & an extinctum esset adhuc aliud. Quia Lactantius Lib. II. cap. x. de Ethnicis antiquis Scriptoribus; ens, ait: *Falsum esse diluvium ad perdendam, tollendamque ex obo bestiam, inter omnes constat*. Sic Lactantius.

Quidam generalem hanc eluvionem in astra referunt, sicut & ultimam orbis conflagrationem. Sed audiendi non sunt. Nam cum tota natura corporea sit facta propter hominem, non est putandum vim eius valere ad perdendum genus humanum, cuius gratia condita est, nisi accedente causa supernaturali.

P. 23. ET DELEVIT OMNEM SUBSTANTIAM QUÆ ERAT SUPER TERRAM. AB HOMINE USQUE AD PECUS. Queritur an omnes illi homines qui tunc diluvio perierunt, etiam perierint æternaliter? Respondeo. I. Petri iii. sic legimus: (de Christo agit Apostolus) *In quo & his qui in carcere erant spiritibus veniens predicavit: qui increduli fuerant aliquando, quando expectabant Dei patientiam in diebus Noe.* De quo loco sic Hilar. in Psal. cxviii. ad illa verba, *Quando consolaberis me?* vel ut ille legit, *Quando exhortaberis me?* Scit (inquit) *Propheta, hanc exhortationem sanctos quiescentes in inferno desiderare. Scit, etiam Petrus, descendente in inferna Domino. etiam his qui in carcere erant, exhortationem predicatam fuisse.* Sane omnino ex his apparet, spiritus seu animas etiam qual-

dam a Christo descendente ad inferos fuisse ex limbo liberatas, eorum qui tempore diluvii eo quæque increduli, tandem ipsius rei (quam credere noluerant) experientia, & præsentis periculo commoventi, Deo invocato, ad penitentiam conversi sunt. Si quaeratur quare Petrus eorum penitentiam specialiter meminerit: respondeo, primo quia nunquam tanta hominum multitudo simul perit; deinde quia hoc pacto Apostolus sibi viam facere voluit ad digressionem, quam mox instituit de mysterio arce, & diluvii, nempe de baptismo ibi præsignato. Vide Comment. nostrum I. Petri iii.

M A R I A N A E.

Verf. 1. INGREDERE TU, ET OMNIS DOMUS TUA. Ex his verbis constat, Noe neque plures tribus filios habuisse, neque ante annum quingentesimum genuisse liberos, ac ne bi-amiam quidem inter Dei filios posteros Seth suscepit, quando singuli viri cum singulis uxoribus in arcam ingrediantur.

Verf. 2. EX OMNIBUS ANIMANTIBUS MUNDIS TOLLE SEPTENA ET SEPTENA. Non quatuordecim ex singulis generibus, ut Iustinus Martyr ait quælit. xliiii. sed septem: sex ad servandum genus, septimum ad sacrificium. Munda vocantur per anticipationem, in lege id nomen habitura. Aut forte hæc legis observatio ante legem fuit, ut & circumcisio, & sabbatum. In volucribus eadem distinctio fortassis intelligenda est mundarum & immundarum, tamen tantum dicitur ut *septena & septena* intro-ucat.

Verf. 4. POST DIES SEPTEM. Hebr. *Quia ad dies adhuc septem, id est septimo adhuc die*; quod iungatur cum illo *ingredere. OMNEM SUBSTANTIAM*, id est omnia animalia: non enim elevit arbores, argumento olivæ, cuius ramum columba detulit. Deut. xi. verf. 6. invenio *etiam*; *etiam* quod hic ponitur, significare viventia, fortasse a surgendo sic dicta.

P. 7. ET INGRESSUS EST NOE. nimirum die illo septimo: quia verf. 1. dicitur, *in articulo diei illius*, quo certe diluvium coepit, fuisse ingressum.

P. 11. ANNO SEXCENTESIMO VI-TAE NOE, MENSE SECUNDO. Versi-

mile est mundum fuisse conditum in autumno, ideoque Hebræis initium anni est mensis Tisri æquinoctio autumnali proximus: sic mense Marchesiano, qui est mensis secundus, incidit diluvium. SEPTIMO-DECIMO DIE. Sept. vigesimo septimo dixerunt; aut certe numerus est vitiatius in illis. FONTES ABYSSI vocantur fontes qui sunt in terra, quoniam per meatus subterraneos aqua maris, percolata salugine, prorumpit variis in locis, ut in Ecclesiaste dicitur. & Lucretius testatur inter Poetas. Porro CATARACTÆ CAELI, Hebraice *fenestre cali*. Vis aquæ ex nubibus decedens ea loquendi forma explicatur. Locutio ad vulgi sensum accommodata: dicimus enim cælum rumpi, cum tempestas concitatur magna.

Vers. 13. IN ARTICULO DIEI ILIUS בְּאֵרֶץ בֶּזֶזֶם *Bebezem, in corpore diei illius*, cum multum diei superesset: in quo iustorum ingenium explicatur, non nescientium moras, sed festinantium, cum faciendi aliqui tempus venit.

P. 16. ET INCUSIT EUM DOMINUS DEFORIS. Hebraice: *Et clausit Dominus super eum*, vel *pro eo*, ut melius scilicet clauderetur, fortassis etiam bitumine addito.

P. 17. QUADRAGINTA DIEBUS. Sept. addidere, & *quadragesima noctibus*, ut intelligas dies naturales fuisse horarum viginti quatuor.

P. 24. OBTINERUNTQUE AQUÆ TERRAM CENTUM QUINQUAGINTA DIEBUS. *Vers. 17. dixit: Factumque est diluvium quadraginta diebus super terram*: nimirum quadraginta diebus pluvie tenuerant; at centum quinquaginta diebus aquæ terram tegerunt: in quo numero minorem quidam includunt. Itaque pluit quadraginta diebus. Aliis centum, & decem aquæ terram inundaverunt. Alii sciungunt, & centum nonaginta dies numerant a diluvii initio usque ad finem eius: quos rescilicet capitis proximi: versus quartus, arcam quiescisse mensis septimi die septimo decimo, postquam coeperunt aquæ immitti. At a secundo mente quando cœpit diluvium, utque a septimum, quinque menses sunt, dies præcise 150. Porro pro obtinuerunt, Hebr. est *prevaleverunt*, seu fortificati sunt super terram.

MALVENDÆ.

Vers. 3. MASCULUM, ET FEMINAM. Heb. *virum, & viram eius*. Nonius cap. vi. *Viros etiam de animalibus posse dici, Virgilius auctoritas iubet in Bucolicis, Ecl. vii.*

... *Vir gregis ipse caper decraverat.*

& alibi,

... *Quem legere virum.*

Theocritum quoque ita loquutum monet Servius.

Vers. 4. PLUAM. Participium *Hirhil* מִרְחִיל *mirhit*, *pluere faciens*, vim ingeniem pluendi, & violentissimos imbres denotat, ut non plueret, sed ruere viderentur aquæ. SUBSTANTIAM. מַיִם *iekum*, ter tantum occurrit in Scriptura, hic, & *vers. 23.* & *Deur. xi. 6.* & semper Noster substantiam vertit. Aiunt esse nomen generale ad omnia quæ subsistunt, & vivunt in terra *Hypostasim*, seu substantiam quidam exponunt; voluntque Paulum per hypostasim reddidisse, aut certe hac voce usum *Hebr. xi. 1.* Est autem fides sperandarum hypostasim, substantiam, substantia rerum. Et cap. xiii. 14. *Si tamen initium substantiæ usque ad finem firmum retineamus.* Ergo ad verbum *surgentiam, erectionem* dixi; id est, quod in terra surgit, erigitur, stat, subsistit. Omnia enim prostravit diluvium. Alii, *omne surgens.*

P. 6. DILUVII. מַבּוּל *mabbul*, quidam deducunt בָּלָל *balal*, quasi dicas, *confusionem, mixtionem, fusionem aquarum*: vel quod omnes res terrestres confuderit & dissipaverit. Alii a נָבַל *nabal*, quod *ceciderint*, aut *defluerint aquæ de cælo*; vel quod ea omnia conciderint; vel quod omnia fecerit flaccescere, languescere, marcescere, *diluvium, diluvionem, eluvionem* inter-retantur.

P. 11. RUPTILIS. Heb. *dissipati, dissili, impetu, ac vid dissipati sunt, disrupti sunt.* ABYSSI MAGNÆ. Vide *Genes. i. vers. 2.* intelligunt immensam illam & profundam aquarum copiam quæ est sub terra. Seneca Naturalium Quæstionum Lib. V. cap. xv. *Aschpionotus auctor est, demissos quam plurimos a Philippo in metallum antiquum, descendisse illos cum multo lumine, videri flumina ingentia, & conceptus aquarum intus*

eritium vastos, paves nostris, nec compressos quidem, terra supereminente, sed libera laxitatis. Et Lib. III. cap. xix. Magnam vim aquarum in subterraneis oculi. Habet ergo non tantum venas aquarum terra, ex quibus corrivatis flumina effici possunt; sed & amentis magnitudinis vastia.

Non dicit Scriptura mare superfusum terris inundatione in diluvio, sed ruptis fontes abyssi magnæ; id est erupisse magnas, & innumeras scaturigines & vasta & immani mole aquarum, quæ in terræ intrancis concavitatibus continetur. suppeditante tamen materiam etiam ipso mari, sed subterraneis venis & meatibus, quæ in superficie terræ erumperent; quasi dicat: Dirupta est terra in plurimos ubique oculos, scaturigines, fontes, qui magna vi aquas funderent.

CATARACTÆ CAELI. אַרְבַּח arubborâ, foramina, fenestras, speculas, cataractas exponunt. Nubes sic vocat, & egregie Noster, cataractas, quod tanta vi & copia nubes imbres effunderent, ut non plueret, sed instar Nili ingentes torrentes e cælo præcipites deorsum rueret immani fragore viderentur. Latini quoque portas cataractas appellant, in arcibus, & fluviis, quæ attolli & dimitti possunt, vel ad hostes arcendos, vel emittendæ, vel retinendæ aquæ causa, ut tunc quasi sablatæ fuerint e cælis seu nubibus omnes portæ, cataractæ ad effundendum in terram omnem aquarum impetum.

V. 12. PLUVIA. גֶּשֶׁם gesebem, pluviam grandem & fortem, largiorem, vehementiorem, densissimam, quæ terram attingat & quatiat; quasi dicat, vehementer tractabilem, & palpabilem, quam venti spirantes, & hantes comitentur, significare aiunt. Imbrem, aut nimbum quidam exponunt.

Vers. 13. IN ARTICULO DIEI ILTIUS. Ex verbo varie exponunt: in robore diei illius; in substantia diei ipsius; in corpore diei ipsius; in proprietate diei ipsius: proprie, in esse diei ipsius, volunt intelligi os seu robur diei ipsum prope meridiem. Aliqui accipi volunt emphaticè, pro in ipso illomet die. Vide infra cap. xvii. vers. 23. 26.

Vers. 14. UNIVERSAR AVEs. אֲפֹרֹזִיפֶר interdum est generale nomen ad aves (quidam eo nomine minutiores aves dici putant) ut patet Genes. xv. 10. ubi

comprehendit turturem & columbam: aliquando vero est peculiare, certam speciem indicans, quam nos inverso vocabulo Hebræo passerem dicimus, ut Psal. lxxxviii. 4. Equidem Hispanice passeris voce universæ minutiores aves, interdum certam speciem, quos gorriones dicimus, appellamus. VOLUCRES. תַּכְנִית canaph, ala. Quilam id adiectum putant propter ea volucris quæ eris plumas non habent, habent tamen alas, seu membranas, quibus volant, ut vespertiliones. Alii vertunt: Omnis avis, & omne alatum. Nonnulli: Omnis pluma, omnis ala. Aliqui: Omnis volucris, omne pennatum. Quidam: Omnes aves cuiuscunque ale; id est, quomodocumque alatae sint, membranæ, aut pennæ.

V. 19. ET AQUAS PRAEVALUERUNT. Quidam: Roboraverunt sese, fortificatæ sunt, præbominunt; quasi dicat, sua copia & impetu omnia conturbaverunt in toto orbe, arbores eradicantes, fortissima ædificia dissolventes, & cuncta miscentes, ad diem usque decimum septimum mensis septimi, quo destitit arca fluitare: infra cap. viii. vers. 3. & 4.

MENOCHII.

Vers. 2. SEPTENA ET SEPTENA. De speciebus mundis septem, non quatuordecim; de immundis duo, non quatuor, scilicet de illis quatuor masculis, & tres feminas, de his dumtaxat masculum, & feminam. De mundis par unum indutum est ad speciei conservationem, alterum ad sacrificium, tertium ad esum post diluvium: denique septimus mas pro sacrificio offerendo statim a diluvio, cap. viii. 20.

V. 3. UT SALVETUR: ut cunctarum specierum seminarum supersit.

V. 4. ADHUC ENIM ET POST SEPTEN DIES. Hi septem dies supra præscripti temporis spatium additi, ut extrema saltem hac dierum hebdomada homines peneret, & moverentur exemplo Noe, qui verba non audierant. EGO PLUAM. Videtur habere emphasim; quasi dicat: Non solum vi alqua, aut ex causis naturalibus, sed absoluta mea potentia, & voluntate.

V. 9. DUO ET DUO, id est per paria, seu bina.

V. 11.

V. 11. MENSE SECUNDO, qui Hebraice dicitur Iar, & fere respondet nostro maio, saltem quoad posteriorem sui partem. RUPTI SUNT, vi aquarum disrupti; vel operi sunt aquis ita exundantibus ut omnia repagula fracta viderentur. OMNES FONTES ABYSSI MAGNAE, omnes scaturigines abyssorum multarum: nam sub terra sunt multae abyssi, id est veragines, & conceptacula aquarum. Vocantur autem una abyssi, quia aquae illae inter se per venas saltem aliquas communicant. CATARACTAE CAELI APERTAE SUNT. Sacra Sriptura dicit caelum aperiri quando pluit, claudi quando negat imbrem. Luc. iv. 25. *In diebus Eliae quando clausum est caelum.* Sensus ergo est: a media regione aeris, quam caelum vocat, tanto impetu vis aquarum maxima in terras effusa est, ut aquae quali subductis cataractis in fluviorum morem descendere viderentur.

Vers. 12. INGRESSUS EST, ultimatè scilicet, & complete.

V. 14. UNIVERSAE AVES, OMNESQUE VOLUCRES. Aves sunt quae pennas habent, volucres quae alas sive pennis instructas, sive ex membranis formatas, ut vespertilio.

V. 16. INCLUSIT EUM DOMINUS DEFORIS, extrinsecus ostium arcae contra aquas, quod Noe arca inclusus facere non poterat: unde Hebraei habent: *Clausit Dominus pro eo.*

V. 19. AQUAE PRAEVALUERUNT, ita ut domos, urbes, &c. obruerent, & solo sternerent.

V. 20. QUINDECIM CUBITIS, mensura idonea ut nec gigantes, nec ullum animal in vertice montium servari posset, utque valla arcae moles inoffensa in aquis fluitaret.

TIRINI.

Vers. 2. **E**X OMNIBUS ANIMANTIBUS MUNDIS TOLLE SEPTENA ET SEPTENA: nam ex mundiis debebat plura conservari non solum ad speciei propagationem, sed etiam ad sacrificium, & ad eum post diluvium.

Nota, hinc patere, disinctionem mundorum animalium ab immundis non fuisse a Mose primum inventam, Levitici xi. sed

fuisse etiam in lege naturae, ab ipso verosimiliter Adamo, qui a Deo acceperat, filiis traditam, non tam ad esum (quia probabile est, saltem pios non edisse carnes ante diluvium) quam ad sacrificium. Ita S. Chrysost. Didymus, & alii.

Nota secundo, terrestrium animalium species ab Aria, Gesnero, & Ulysse Aldrovando enumerari 150. excerptis serpentibus, & reptilibus, quorum Pererius numerat species 25. Ergo universim fuissent in arca 175. species terrestrium: inter quas tantum sunt sex species maiores equo, paucae aequales, multae minores ovis, ut facile p. tuerint omnia in uno arcae tabulato stabulare. Amphibia, & quae ex putrefactione, & hybrides, id est quae ex diversarum specierum commixtione gignuntur, non fuerunt in arca.

V. 11. RUPTI SUNT OMNES FONTES ABYSSI MAGNAE, id est omnia ostia voraginis illius subterraneae profundissimae, & aqua initio munui in ea a Deo reconditis a plenissimae, unde & maria quaedam, & flumina omnia, & so tes scaturiunt. Ita ex S. Hieron. Basilio, Damasceno, Philone, Platone, Plinio, S. Bernardo, Isidoro, S. Thoma docent Conimbricenses b & Franciscus Valesius c. Triplex hic designatur causa diluvii. Prima inferior, nempe eruptio, & inundatio tum maris, tum abyssi, quae non amplius coercita rivis, venis, alveis suis, ripas, littora, apperet. alique obstacula omnia undecumque perumpentia, obruebant totam terram. Cessante vero diluvio, aquis iterum in suas cavernas, & abyssum reductis, ibique reclusis, dicuntur cap. viii. vers. 2. *clausi fontes huius abyssi.* Secunda causa diluvii supra fuit: ET CATARACTAE CAELI APERTAE SUNT. *Iannus caeli* vocat David Psalmo LXXVII. Est catachresis, qua significatur, ex media regione aeris (qui caelum in Scripturis vocatur) tanto impetu, & fragore maximam aquarum vim in terras deiecit, ut totus aer per vastissimas scissuras quodammodo hiare videretur, & iam non guttatim aut stillatim, sed more torrentium flumina, & ructus effunderet. Ita S. Chrysost. Rupertus & alii. Tertia causa etiam supra fuit, duratio pluviae, & imbrum per quadraginta continuos dies, Deo vapores, & aerem in aquas aëlium convertente, vel etiam aliquas de novo producente: donec consumptis omnibus & hominibus, & animanti-

b us

bus terrestribus, & volucris, altius quidem cubitis omnes montes, etiam Olympum, etiam Atlantem, aquæ transcenderent.

Petes an omnes homines ut corpore, ita & anima perierint in diluvio? Respondeo ex epistola I. S. Petri cap. 111. ubi dicit, Christum a morte, cum anima ad inferos descenderet *predicasse* (seu letum redemptionis, & eductionis e limbo nuntium attulisse) etiam *his spiritibus qui increduli fuerant aliquando in diebus Noe, cum fabricaretur arca*; certum videri, reliquisse non paucos, qui irruente diluvio, & per quadraginta dies paulatim ingravescente, cum viderent iam factis ipsis impleri quæ Noe divino iussu prædixerat, animo ad Deum converso pœnituerit serio, & veniam impetia-vere. Ita Lyranus, Caietanus, Sa, Serarius d, Bellarminus e, Turrianus f, Henriquez g, Suarez h, Torrioli, Salianus.

P. 16. INCLUSIT EUM DOMINUS DEFORS. Hebraice, *clausit pro eo*; quasi dicat: Cum Noe arcae inclusus non posset solide contra aquas obstruere ostium pensile, per quod tam ipse quam omnia animalia ingressa fuerant, Deus curavit per Angelum extrinsecus illud obstrui, & bitumine spargi.

- (a) Genes. 1. vers. 9.
- (b) Conimb. tract. IX. in Meteora cap. 17.
- (c) Vales. Sacra Philosophia cap. 1211.
- (d) In I. Petri. 111. vers. 28.
- (e) Bellarm. Lib. IV. de Christo cap. 1111.
- (f) Turri. pro Epist. Pon. cap. 111.
- (g) Henr. Lib. ult. cap. 112.
- (h) Suarez tom. II. in III. p. disp. 1111. sect. 1.

GORDONI.

Verf. 1. **D**escribitur hoc capite ingressus in arcam, & inundatio terram occupans. In qua re moram trahere, necesse non est. Cataractæ hic per catarchresin sunt nubes, infra vers. 11. Tempus inundationis descripti in opere Chronologico Qg. cap. v. num. 1. & notum est ex huius cap. VII. vers. 11. Notet hic Novator, Noe vocari iustum.

P. 2. EX OMNIBUS ANIMANTIBUS MUNDIS, &c. Vide quæ dicuntur Levit. cap. xv. & Deut. cap. 111. vers. 15. de duplici hoc genere animalium, quæ ibi Moses distinguit, ut sic Deus in exercitio divinarum legum populum excoleret.

Sed vocabantur ne hoc tempore, & ante

Mosen animalia munda? Fuisse quidem etiam in lege naturæ hanc distinctionem, opinatur recte Chrysostomus, quem hic sequitur Pererius; sed ex consuetudine iam posset ex lege.

At quorsum SEPTENA ET SEPTENA? Hoc est, quatuordecim ex mundis, & quatuor ex immundis, ut aliqui exponunt. Verum non potuisset tantum capere numerum arca. Rectius sic: septem ex qualibet specie mundorum; quatuor mascula, & tres feminas: nempe ex his par unum ad speciem propagandam; reliqua quinque ad eum, & sacrificium offerendum a Noe post diluvium. Similiter ex immundis duo & duo; ad speciem propagandam scilicet, duo ex quavis specie. Rem magis explicat vers. 8. & 9. pauciora sunt immunda, quia tantum ad speciem servabantur. Vide August. Lib. XV. de Civit. cap. xxvii.

P. 4. OMNEM SUBSTANTIAM, scilicet viventem, & quæ stare potest, seu in pedes erigi. Hunc significatum dat vox *קַיָּוּמָא*, a radice *קָוָה*. Idem apud LXX. signat *ἀνάστα*: & hoc ipsum docet Moses hic vers. 21.

P. 7. Tantum octo animæ ingressæ. I. Pet. 111. vers. 20. Nam Mathusalem paulo ante diluvium obiit. Enochum vero Deus qui eum transtulit, potuit alibi servare.

P. 8. Non erant ubique omnia animalia: quomodo ergo adducta ex intulis (ubi tantum sunt aliqua) & ex altero orbe? Sane hoc opus Dei erat, ac proinde putandum est opera Angelorum pleraque fuisse asportata, & forte etiam reportata. De Phœnice dicam cum Plinio Lib. X. cap. 11. esse imaginariam avem.

P. 9. DUO ET DUO; bina seu per paria. Moveri solet questio de vulture, & quibusdam aliis animalibus, quod omnia sint semina, & quod ex vento imprægnentur. Sed fabulosum est hoc. Et finge in his tantum esse unicum sexum, certe servatum est præceptum, quantum naturæ rerum patiebantur. Hippocentauri, si aliqui fuerint, censentur monstra. Faunos, & Saryros recipiunt aliqui esse certæ speciei, & fuisse in arca.

P. 11. MENSE SECUNDO. Hic Hebræorum mensis secundus *כֶּסֶל* respondet nostro Maio ex parte. CATARACTÆ CAELI. Fingunt aliqui cum Eugubino, per-

perforatis cælis a Deo, descendisse aquas quæ supra cælos erant. Dicendum est cataractas esse nubes; his rupis, & rarefactis aquis, sequuta est inundatio. R. V. P. T. I. F. O. N. T. E. S. De his fontibus aliqui hic proluxe satis philosophantur. Illud sane hinc habemus, etiam e visceribus terræ, ubilaret aquarum copia, voluisse Deum erumpere aquas ad augendum diluvium, præter cæli cataractas, seu (ut hic interpretor) nubes resolutas in aquas magno fragore, ut solet esse ad cataractas Nili, aut cum decurrit e montibus aqua ingens. Ergo metaphora est. Nec difficile fuit Deo, ut e

variis mundi locis accerferetur hæc pluviz materia.

V. 13. IN ARTICULO DIEI ILLIUS. Heb. *In corpore dici illius.*

V. 17. Dies intellige naturales. Sept. Et noctibus.

V. 20. QUINDECIM CUBITIS. Nihil ergo ne quidem in vertice montium servari potuit.

V. 24. Permanserunt aquæ 150. diebus. De hoc spatio, & quot mensibus, & diebus duraverit diluvium, dicunt recentiores & certant Scaliger, noster Salianus, Torniellus, & alii. Ego rem attingo cap. VII. 17.

C A P U T VIII

Imminutis paulatim aquis diluvii, post corvi, ac columbæ emissionem, Noe cum universis qui in arca continebantur, egreditur; & altari extractio, offert holocausta.

1. **R**ecordatus autem Deus Noe, cunctorumque animantium, & omnium iumentorum quæ erant cum eo in arca, adduxit spiritum super terram, & imminutæ sunt aquæ. 2. Et clausi sunt fontes abyssi, & cataractæ cæli, & prohibitæ sunt pluviz de cælo. 3. Reversæque sunt aquæ de terra euntes & redeuntes; & cæperunt minui post centum quinquaginta dies. 4. Requievitque arca mense septimo, vigesimo septimo die mensis, super montes Armeniæ. 5. At vero aquæ ibant, & decredebant usque ad decimum mensem: decimo enim mense, prima die mensis, apparuerunt cacumina montium. 6. Cumque transissent quadraginta dies, aperiens Noe fenestram arcæ, quam fecerat, dimisit corvum: 7. * qui egrediebatur, & non revertebatur, donec siccarentur aquæ super terram. 8. Emisit quoque columbam post eum, ut videret si iam cessassent aquæ super faciem terræ. 9. Quæ cum non invenisset ubi requiesceret pes eius, reversa est ad eum in arcam: aquæ enim erant super universam terram: extenditque manum, & apprehensam intulit in arcam. 10. Expectatis autem ultra septem diebus aliis, rursus dimisit columbam ex arca. 11. At illa venit ad eum ad vespèram, portans ramum olivæ virentibus foliis in ore suo. Intellexit ergo Noe quod cessassent aquæ super terram; 12. expectavitque nihilominus septem alios dies, & emisit columbam, quæ non est reversa ultra ad eum. 13. Igitur sexcentesimo primo anno, primo mense, prima die mensis, imminutæ sunt aquæ super terram: & aperiens Noe tectum arcæ, aspexit, viditque quod exsiccata esset superficies terræ. 14. Mense secundo, septimo & vigesimo die mensis, arefacta est terra. 15. Locutus est autem Deus ad Noe, dicens: 16. Egredere de arca tu, & uxor tua, filii tui, & uxores filiorum tuorum tecum. 17. Cuncta animalia quæ sunt apud te, ex omni carne, tam in volatilibus quam in bestiis, & universis reptilibus quæ reptant super

per

per terram, eductecum, & ingredimini super terram: (a) crescite, & multiplicamini super eam. 18. Egressus est ergo Noe, & filii eius, uxor illius, & uxores filiorum eius cum eo. 19. Sed & omnia animantia, iumenta, & reptilia quæ reptant super terram, secundum genus suum, egressa sunt de arca. 20. Aedificavit autem Noe altare Domino: & tollens de cunctis pecoribus, & volucribus mundis, obtulit holocaustum super altare. 21. Odoratuseque est Dominus odorem suavitatis, * & ait: Nequaquam ultra maledicam terræ propter homines: (b) sensus enim, & cogitatio humani cordis in malum prona sunt ab adolescentia sua: non igitur ultra percutionem * omnem animam viventem sicut feci. 22. Cunctis diebus terræ, sementis, & messis, frigus, & æstus, æstas, & hiems, nox, & dies, non requiescent.

(a) Sup. 1. 28. Inf. 12. 1. (b) Sup. 17. 5. Matth. xv. 19.

B U R G E N S I S

ROMANÆ CORRECTIONES.

Verf. 7. Qui egrediebatur, & non reuertebatur.
Non iudicaverunt Romani Corrediores omit-
tendam negationem, forte ob rationes No-
tationibus nostris in varias Bibliorum le-
ctiones indicatas.

Verf. 21. Et ait: Nequaquam. Non interponas
ad eum.

Id. Omnem animam viventem. Non deas non
viventem.

NOTATIO.

Verf. 7. Magna est de loci istius lectione
contentio. Hebræi namque li-
bri habent: *Et emisit corvum, & exiit egrediendo,*
& rediendo, donec auferent aqua de super ter-
ram. Græci vero codices legunt: *Et emisit*
corvum ad videndum, si cessavit aqua, & egres-
sus non est reuersus usque sicari aquam a facie
terrae. Queritur, utri sequendi sint, Hebræi
an Græci codices: videntur enim inter se pu-
gnare. Multi exclamare nihil dubitant, He-
bræos libros, qui hodie sint, Iudæorum per-
fidia vitiatos esse, Græcos autem integros;
ideoque hos sequendos, illos minime. Verum
quid Iudæos movisse potuerit ut hunc perver-
terent locum, ut corvum in arcam reuersum
dicerent, qui reuersus non sit? An ulli Chri-
stianæ fidei mysterio sua hac corruptela illu-
dere conati sunt? Ad dicet aliquis: Ut mul-
tis in locis Hebræus textus de industria cor-
ruptus est, (a) ita contigit hoc loco corrup-
ti. Quid? An non præterendi codices Græ-
ci, quos omnes sequuntur Patres? Sed hunc
vicissim interrogatum volo, an reiiciendi co-
dices Hebræi, quos nulli reliquunt Patrum?

Patres namque editionem LXX. Interpretum,
qua tunc omnes utebantur, secuti, Hebræa
aut non consulerunt, aut consulta non re-
lecerunt. Hieronymus, qui in Dialogo con-
tra Luciferianos (circa medium dialogi) iux-
ta Interpretes LXX. emisum de arca
corvum dicit non rediisse, in Hebræicis Quæstio-
nibus aliter in Hebræo de corvo diei notat.
Procopius Gazæus, Græcus auctor, causis cur
columba redierit expositis: „ Sic etiam, in-
quit, ut habet Hebræicus textus, & cor-
vus in arcam revolavit. „ An id semper
præferendum est, quod LXX. transulerunt,
& translatione eorum Patres usi legerunt?
Quod si sic, cur SS. Synodus Tridentina vul-
gatam Latinorum editionem, quæ ab illa in-
numeris locis discrepat, & Hebræo lon-
ge conformior est, sequendam omnibus pro-
posuit? Sed hoc nos confodere telo exili-
mant, quod & Latina editio, quæ a Catho-
lica Ecclesia recepta est, de corvo legat: *Qui*
egrediebatur, & non reuertebatur. Quid dicant,
si huius editionis exemplaria, quæ inter se
putant consonare, qui quopritu diligentia
ea scrutati non sunt, varia esse ostendant?
Exemplaria S. Germani latam, & oblongum,
S. Dionysii oblongum, & Complutense cum
Regio, *Qui egrediebatur & reuertebatur*, sine
negatione legunt. At forte ad Hebræos co-
dices hæc exemplaria mutata sunt? Minime
vero. Est nobis a M. N. Augustino Hunno
antiquum Bibliorum correctorium mutuo da-
tum, multis annis scriptum, & pluribus for-
te compositum, quod & ad hunc modum le-
git, & hanc antiquorum codicum lectionem
esse asserit. Verba eius adscribemus: „ Item
„ 6. *Dimisit corvum, qui egrediebatur & reuertebatur*,
„ donec sicarentur aqua super terram. „
R 2 „ Cer-

(a) Melchior Canus Lib. II. cap. 1177. multa concessit Patrum loca.

„Certissime tene, quod nec Hebraei, sicut dicit Hieronymus, nec antiqui Latini (codices) habent *non*; sed esse sensus, quod ibat & redibat extra arcam circueundo, & propter hoc utitur Interpres prae terito, non perfecto, sed imperfecto: licet Graecus habeat, puto de LXX. Sed sequendi sunt Hebraei, & antiqui, & Hieronymus. „Hæc ibi. Ad quæ quid dici possit? An quod libro fidendum non sit? Non hoc dicit qui evoluerit: quæ namque a nostri sæculi scriptoribus ex manuscriptis codicibus collectæ sunt variae lectiones, omnes propemodum in eo comperimus, & ad fontes fideliter examinatos deprehendimus. Neque dici potest, eius libri auctorem ex iis esse qui ad Hebræos codices Latinos mutare studeant: non semel enim Hebræos sui temporis corruptos asserit, & sequendo Latinos antiquos docet, eosque qui ad Hebræa Latina mutarunt exemplaria arguit. Hæc sit libri, qui sæpe a nobis citandus erit, descriptio. In vetustissimo codice Abbatiz Tolanzæ iuxta Brugas legi vidimus, *Et non revertebatur*; sed recentiori manu scriptas voculas & *non*, ita ut altera omnino omittat ab initio fuisse videatur, vel &, vel *non*. In margine annotatum erat: „Hieronymus, *Qui egrediebatur & revertebatur*. „Porro quod dicit Hunnei correctorium, atque huius codicis margo, ab Hieronymo negationem non legi, verosimile est ex Hebraicis super Genesin Quæstionibus sumptum: atque hinc colligere licet, locum illum aliquando absque negatione lectum, quam & ipsa Hieronymi verba reiiciunt, quamvis in eis quæ a nobis consultata sunt, Hieronymi exemplaribus legatur. Similis est corruptela in

Probeniana Iosephi Historiographi editione Latina. Nam & Iosephi verbis ibi addita est negatio: „Qui (de corvo est sermo) cunctare periens inundantia, non regressus est ad Noe. „Omittendam negationem, & proxime præcedens ratio loquitur, & aliz editiones cum Græcis exemplaribus testantur. Sic enim habet Iosephus: *ὁ δὲ πᾶσαι ὁρῶν τῆς γῆς, ἐκείνους, ἀπὸς τοῦ οὐρανοῦ ἐπὶ τὴν γῆν. ὁ δὲ πᾶσαι ὁρῶν τῆς γῆς, ἐκείνους, ἀπὸς τοῦ οὐρανοῦ ἐπὶ τὴν γῆν.* Onkelos, qui paulo post Christi tempora Chaldaica paraphrasi Pentateuchum illustravit, sine negatione reddidit: *Et misit corvum, & exivit exiens & revertens, donec siccarentur aquæ de super terram.* Atque bisollenfum sit, salutaris non esse arguendo Hebræos codices; & inter varia Latine editionis exemplaria, nec ea contemnenda quæ negationem Græcis conformiter legunt, nec illa reiicienda quæ Hebræis similiter tollunt. Neque vero hæc, si recte intelligantur, inter se pugnant: corvus enim dimissus in arcam reverfus non est, sed ad arcæ tectum regressus, inde ad eam evolavit, eoque rediit, donec siccarentur aquæ super terram. Fortassis enim avis illa dimissa vidit hominum aut brutorum cadavera, præsertim cum montium revelata essent cacumina, atque ad ea, uti est immunda, invento sibi congruo cibo, perrexit, & rediit. Columba vero, cui extra arcam non fuit esca conveniens (cadavera namque abominatur, & non nisi feminibus pascitur) in arcam redire voluit, extenditque manum suam Noe, & apprehensam intulit in arcam. Aliud enim de corvo, aliud de columba Moysis narratio insinuat. Quod forte Interpretes LXX. considerantes ad eum modum quo dictum est transferunt.

C O M M E N T A R I A

S A.

Vers. 1. SPIRITUM, id est ventum, scilicet desiccantem.

V. 3. EVNTE ET REDEVNTE, pro, eundo redeuntes, seu subinde decrescetes: itaque infra dicitur: *Ibant, & decrescabant.* Redeuntes, scilicet ad mare per occultas venas. Hieron. in Genes.

V. 4. VIGESIMO SEPTIMO. Sic LXX. at Hebr. & Chald. *decimo septimo*.

V. 7. EGREDIEBATUR, ET NON REVERTEBATUR, scilicet in arcam. Hebr. *ibat, & redibat*, scilicet ultro citroque volitans extra arcam. Nota, quod nostra lectio ex LXX. sumpta est.

V. 8. CESSASSENT; id est, essent imminutæ.

V. 13. PRIMO, scilicet Nisan, qui respondet Martio. IMMINUTAE, id est exsiccatae.

V. 21. ODORATUS EST DOMINUS ODOREM SUAVITATIS; id est, acceptavit tamquam rem suavem. Chald. *Suscipit Dominus cum beneplacito*.

V. 22. CUNCTIS DIEBUS TERRAE, pro, quamdiu terra erit. REQUIESCENT, id est cessabunt, scilicet ut tempore diluvii.

E S T I I.

Verf. 3. **R**EVERSAEQUE SUNT AQUAE DE TERRA EUNTES ET REDEUNTES. Hieron. in Trad. Nota, inquit, secundum Ecclesiastem, quod omnes aquae, atque torrentes per occultas venas ad matricem abyssum revertantur. Abyssum intelligit mare. Sic enim Ecclesiastes loquitur cap. iv. *Omnia flumina intrant in mare. Verum cum & ipsum mare exundaverit (alioqui aqua super terram tam alta non constitisset) forte significatur tantum, aquas paulatim imminutas, sicut & nunc aquas quae pratum aliquod inundarunt, abire dicimus non abscessu in aliquam fossam, sed saepe etiam sola desiccatione, quae fit a calore solis. & aeris.*

V. 4. REQUIEVITQUE ARCA SUPER MONTES ARMENIAE. Hebraice est *Ararat*, quod nomen habetur & Isaiae xxxvii, ubi dicuntur filii Sennacherib, occiso patre, fugisse in terram *Ararat*. Item Ieremiae 11. His enim locis Interpres noster retinuit vocem Hebraeam. Sed IV. Reg. xix. ubi eadem quae apud Isaiaam historia narratur, vertit in terram *Armeniorum*. Alioqui videri posset Armeniam potius significari voce Hebraea *Aram*, quam Interpretes nostri fere intelligunt, & interpretantur *Mesopotamiam*. Interim Armenia Mesopotamiae confinis est.

V. 7. DIMISIT CORVUM, QUI EGREDIEBATUR, ET NON REVERTEBATUR. Non rediit, ait Sulpitius Lib. I. sacrae Historiae, *cadaveribus intentus, ut ego coniicio.* Et Prudentius in Ench. *Corvus enim ingluvit per feda cadavera captus, beaserat.* Sciendum tamen, in Hebraeis, quae nundum extant, non esse negationem, sed legi hoc modo: *Qui egrediebatur exiens, & revertebatur, donec siccarentur aquae.* Quomodo etiam habent quaedam Latina manuscripta, teste Lyrano. Et sic legit Hieron. in Lib. Quaest. Heb. Id autem exponunt sic: *Egrediebatur exiens, & revertens; id est, egressus ultro citroque volitabat circum arcam.* Septuaginta tamen habent negationem, ut nos. Hieron. quoque in Dialog. cont. Lucif. addit negationem, si codex non est mendosus. Vide de hoc prolixè F. Lucam in Notationibus.

V. 17. CRESCITE, ET MULTIPLI-

CAMINI. Hoc communiter hic dicitur hominibus & bestiis. Quod quorsum annotemus, vide supra ad cap. i. vers. 22.

V. 21. ODORATUSQUE EST DOMINUS ODOREM SUAVITATIS. Sensus est: gratum & acceptum fuit Deo sacrificium. Unde constat, sacrificia quae fiebant ex animalibus occisis, non fuisse inventa daemonum, aut idololatrarum, sed vel inventa piorum hominum, vel a Deo instituta, ac pijs hominibus ad placandum Deum praescripta. Nam & Abel ipse humani modi sacrificium obtulit, ante quem sane non fuit idololatria; immo sunt qui putent, ante diluvium idololatriam non extitisse.

M A R I A N A E.

Verf. 1. **R**ECORDATUS AUTEM DEUS. Pleraque ex humano more ponunt, ut recordari, poenitere, dolere, ad significandum, non internos affectus, qui in Deum non cadunt, sed opera externa, quae faciunt homines iis incitati affectibus. Ergo *recordatus est Deus*, perinde est ac si diceret, *opem tulit. AD-DUXIT SPIRITUM*, ventum scilicet siccantem.

V. 3. EUNTES, ET REDEUNTES, aquae scilicet. Hebr. *eundo* & *redeundo*, id est fluctuantes.

V. 4. VIGESIMO SEPTIMO DIE MEN-SIS. Sic LXX. qui cap. superiori vers. 11. dixerant, die 27. mensis secundi coepisse diluvium, hic coacti sunt dicere 27. mensis septimi, ut constaret numerus 150. dierum, quibus aquae tenuerunt. Hebr. tamen, & Chald. ponitur utrobique *septimodecimo die*. Atque ita legatur. Porro mensis septimus Nilus est Martio, aut Aprili respondens. SUPER MONTES ARMENIAE. Hebr. *Ararat* : quam vocem Sept. intactam reliquere. Chald. *Super montes Cardu*. Vox nihilo notior. Cordesi seu Gordizi montes in Q. Curtio sunt Lib. IV.

V. 5. DECIMO ENIM MENSE, PRIMA DIE MENSIS. In Hebr. *In decimo in una mensis*. Ita loquitur vers. 13. *In primo in una mensis imminuit sunt aquae.* Ubivides duo, nempe *unum pro primo* dici ab Hebraeis, deinde *mensis* nomen saepe supplendum: quomodo Ezechielis initio: *Et factum est in trigesimo anno, in quarto, in quinta mensis, nempe in quarto mense*: quod ver-

verbum Gotthicus codex habet expressum, expressere LXX. ibi in Ezech.

Vers. 7. QUI EGREDIEBATUR, ET NON REVERTEBATUR. Sic Codices plerique Latini, & Romani. Codices Complutenses, Regii, & Gotthici antiquissimi sine negatione. Hebraici etiam variantur: nam cum modo affirmative legant, *Et abiit eundo*, & revertendo; Hieron. in Trad. legi ait, *Eundo*, & non revertendo. Sept. constanter legunt, *Qui exiens non est reversus*. Fortassis sententia non discrepat in varia lectione: nam ita corpus egressus est eundo, & revertendo (sic Hebraica verba sonant) ut volitaret circum arcam, neque intro ingrederetur, neque se capi permitteret, ut columba.

V. 8. EMISIT QUOQUE COLUMBAM POST EUM, scilicet post corvum: sic Sept. at Hebraice, *Emisit columbam a se*: sic Pagn. & alii vertunt vocem מִימֵי מֵיִתְּבוֹ.

V. 11. RAMUM OLIVAE VIRENTIBUS FOLIIS. Sept. *Folium olivae fessucam in ore suo*. Vox טָרַף *taraph* Hebraica variis interpretationibus occasione dedit: cum enim id verbum *rapere* significet, hoc loco positum plerique credunt esse nomen adiectivum, & significare *raptum*, locumque reddunt in hunc modum: *Folium olivae raptum ore suo*. At Sept. eam vocem implere in significatione *rami*, seu *fessucæ*, & fortassis id significat; indeque Hispani *Atarpha*, quod folis ramis consistet, sine ullo fructu. Latine ca arbor myrica est. At Hieron. eam vocem sumpsit in significatione *folii*, quod certe mutatis punctis significat, tum vocem בָּלֵב *baleb* sumpsit pro ramo; ac si diceret, *vanum olivæ cum foliis*, quæ occasio extitit addendi de suo *virentibus*: nam cum siccantur, utique decidunt.

V. 13. PRIMO MENSE. Hic erat Tifri, Octobri scire respondens, non Nisan, qui nondum erat initium anni. EXSTECATA ESSET SUPERFICIES TERRÆ. Non prius exsiccata erat, id enim proximo mense accidit; sed concreta in lutum, ut Hebræus quidam explicat.

V. 14. MENSE SECUNDO, SEPTIMO ET VIGESIMO DIE MENSIS. Vides diluvii durationem, & Noë in arca fuisse annum integrum & undecim dies: ex quanto tempore, scilicet undecim diebus, annus solaris lunarem superat. Mansit ergo intra arcam integrum annum solare. Iuxta Se-

ptuaginta, decem aut undecim minus diebus. In Seder Holam magis minuta dierum horum & mensium computatio extat cap. IV.

V. 21. ODORATUSQUE EST DOMINUS ODOREM SUAVITATIS. Hebraice *odorem quietis*, quod Deum ab iracundia quiescere faciat. Accepit libenti animo. *ET AIT.* Vox Hebraica 125 libo ambigua est. Potest significare *ad cor eius*, nempe Noë: hoc secutus est Hieron. cum dixit: *Et ait ad eum*, nempe ad Noë. Potest etiam significare *ad cor suum*, nempe Dei; ac si dicat, statuit penes se. Hoc secuti Sept. posuerunt: *Et ait Dominus Deus recogitans.* Et Chaldaeus: *Et dixit Dominus in verbo suo.* PROPTER HOMINES. Propter hominum peccata non maledicam terræ: sic Chald. SENSUS ENIM, ET COGITATIO, & est proprie formatio, atque hoc nomine Hebræi vocant peccati foinitem. HUMANI CORDIS. Hebr. *cordis hominis*. Sept. & Gotthicus, *cogitatio hominis* unde dixere; sed eodem omnia redeunt.

Deucalionis & Pirrhæ inundatio mutatis nominibus Noëmi diluvium est; quando Plutar. in disputatione, *Terrestria animalia prudentiora, an aquatica sint*, testatur proditum: Deucalionem per columbam didicisse tempestatem cum remearet, cessationem cum evolaret. Tum Cyrillus Lib. I. contra Iulianum ex Abydeno, & Alexandro Polybistore assert, Xifuthrum Dei monitu in arcam se cum animalibus, & avibus recepisse, atque inundationem cessasse emissis volucubus didicisse. Erant etiam qui uxorem Noë Pyrrham vocarent, auctor Epiphani. Hæresi 26. Plinius quin etiam Lib. V. capite XII. & Lucianus in Dea Syria, Diodorus Lib. VI. cap. XI. XIII. XVI. de hac terrarum inundatione non obscure meminerunt.

V. 23. CUNCTIS DIEBUS TERRÆ; id est, quamdiu mundus stabit.

M A L V E N D A E.

Vers. 1. RECORDATUS EST AUTEM DEUS NOE; id est, pro eo quod mundi oblitus esse, aut curam abieciisse illius videbatur, statuit hoc demum tempore præstare promissionem factam ex iocelere, supra cap. VI. vers. 18. ut Noach & reliqui intelligerent, ipsum suorum non obli-

obliterati. Sic infra ix. vers. 15. & Exodi vi. vers. 4. & alibi passim.

V3. EUNTES ET REDEUNTES. Hebr. infinitiva, *ambulare*, & *reverti*; seu *ambulando*, & *revertendo*. Sic Hispanice loquimur, per infinitiva pro gerundiis, & passim Latini Scriptores elegantiae causa pro praeteritis. Livius Lib. I. cap. xi. *Primo uterque vociferari*, & *certatum alter alteri obstrpere*: & ita frequentissime alias. Quasi dicat: Huc illuc fluctuantes, & dilabentes coeperunt decrescere & imminui.

Vers. 4. VIGESIMO SEPTIMO DIE. Constante Hebraea habent, *decimo septimo die*. Ingens hic pugna certantium pro Nostris, aliis contra nitentibus. Nos abstinemus, lectoribus ad Expositores amandatis. Tantum notabimus, Hebraicam hic lectionem cum vers. 11. & 24. praecedentis capituli congruere. MONTES ARMENIAE. מְרִיטֵי אֲרָרָט, Cedrenus pag. 8. *Montes Ararat scimus in Partia Armenia esse: quidam aiunt apud Celonas Phrygiae oppidum*. Aiunt montem esse maioris Armeniae capso mari iunctum, quae imminet Assyriae & Mesopotamiae, ut colligi potest ex II. Reg. xix. vers. 37. Isaia xxxviii. 38. & Ierem. li. 27. quibus tantum locis haec vox occurrit. Armeniam quidem dictam post modum Aram ab Aram filio Sem, Genes. x. 22. docent nonnulli. Et si etymologiam spectaverimus, a situs altitudine nomen habere videtur: nam omnium in toto orbe terrarum Armeniam cellissimam esse, vel hoc Scripturae testimonio evinci potest, quod hic Moyses testetur in montanis Ararat, quae pars eius exiit, exacto diluvio, arcam Noe confedissee.

De loco ubi arca confedit haec scribit Iosephus Lib. I. Antiquitatum, cap. iv. *Apo-baterion, id est, egrediens locum nomen Armeni fecerunt*. Huius autem diluvii, & arcae meminere omnes barbaricae historiae scriptores; & in his Berossus Chaldaeus: narrans enim de hoc diluvio sic ferme scribit: *Fertur autem navigii huius pars in Armenia apud montem Cordysaeum superesse; & quoddam bitumen inde abasum secum reportare, quo vice amuleti loci eius homines uti solent*. Meminit horum & Hieronymus Aegyptius, qui antiquitates Phoenicum scripsit, & Maseas, & alii plures. Quin & Nicolaus Damascenus Lib. xcvi. de his rebus narrat in haec verba: Ea super regionem Myriarum ma-

gnus mons in Armenia, nomine Baris, in quo multos profugos diluvii tempore servatos ferunt: & quendam arca vestium in huius vertice habuisse, ac reliquias signorum eius longo tempore duravisse: qui fortasse is fuit, de quo etiam Moyses scribit Iudeorum legislator. Eadem Eusebius, & S. Hieronymus in locis Hebraicis. S. Epiphanius initio operis sui: *Post diluvium, cum confedissee arca Noe in montibus Ararat, inter Armenios & Cardysaeos, nempe in monte quodam Lubar vocato; ibi primum habitatio hominum post diluvium fieri coepit est*.

Quem Berossus vocat montem Cordysaeum, & Epiphanius Cardysaeorum, S. Hieronymus, Carduenorum. Ptolemaeus appellat Gordysaeum montem Armeniae maioris, supra Mynith. vel Myniada; & Curtius Lib. IV. rerum Alexandri, *Gordysaeos montes*, inter quos & Tigris exercitus Alexandri erat. Gordene Armeniae maioris regio Ptolemaeo, quae Straboni & Plutarcho in Lucullo, est Gordiana, Dioni Cassio, Corduena, quae est circa Hircanum mare. Adiabenis connexa, Corduchi dicta, teste Plinio. Xenophon & Stephanus Corduchos vocant; & Diodorus Siculus Corduchos montes inter Mediam & Armeniam collocat.

Quod ad nomen Lubar attinet, quod ait S. Epiphanius esse montis, in quo arca Noe confedit, Ioannes Tzetzes annotat, & Chaldaeis & Armenis Lubar dici montem illum Armeniae, ubi Noe vitium culturam instituit. Nimbarum quidam hodieque appellant. Nec desunt qui observent, Lubar, sive Lubaris nomen a situ, forte etiam ab eventu huius historiae fuisse positum: nam Lubar sive Lubaris sermone Armenio atque Aegyptio esse ἀρσάρων, sive ἀρσάρων, ut loquitur Iosephus, id est locum editissimum, ex quo descenditur, ex vrbolabar, id est descendere: unde labra Aegyptiis dicitur tota paracria quae uni synagoga subest, inquit Epiphanius adversus Arianos; & labra synagoga loco editiore sita: atque exinde Labratenu, vel Labratenum ad synagoga Aegyptiorum pertinentes, quae synagoga Libertinorum dicitur Actorum vi. 10. Hinc quoque nomen labarum signum pensile, quod praeferebatur regibus & imperatoribus ex Armeniorum, & Persarum usu, dictum existimant; quia exemptile erat, & de conto suo, ut ita dicamus, descendebat, amovebaturque commode. Sed

de labaro Lib. IX. de Antichristo, cap. xxvii. nos plura. Obiter quoque emendand in verbis Nicolai Damasceni apud Iosephum, Iubaris, pro Baris, ex Epiphanio. Ita quidem illi; quamvis alii Barim, Paropamisum Tauri partem putent. Barim montem Armeniæ memorat Plinius Lib. V. cap. xxxi. Scaliger sic dictum opinatur ab arca Noe, quod prægrandes naves antiqui Barides appellarent. Vide ipsum in Notis ad Fragmenta Berosi. Sed de labaro sane nihil potuit fingi frigidius.

Beniamin Tudelenfis in Itinerario, pag. 57. Ex Nisibi duobus itineribus peractis in Gbezir-Ben-Ghamar venit, quæ urbs intra ripas continetur Hidekel annis, quem Occidentales Tigridem vocant, ad radices montium Ararat five Tauri, quatuor milliariibus fere distans a loco in quo Noe arca quieverat. Illam autem arcam Ghamar-Ben-Achebab ex montis dorso sublatam, in Ismaelitarum Moscheæ usum translata adaptavit: cui satis proxima Esdræ synagoga usque ad hodiernum diem est, ad quam Iudei ex urbe egressi festis diebus precationis causa conveniunt. Vide Haithonum Armenum de Tartaris, cap. ix.

Verf. 7. QUI EGREDIEBATUR, ET NON REVERTEBATUR. Magna hicaltercatio eruditorum, quod negatio absit a fonte. Hebræa enim constanter ea carent. Latini codices Complutenses, & Gotthici, & alii eam non habent; sed frequentiores retinent: & hæc receptor Nostri lectio. Facile conciliant, corvum exeundo exivisse, & revertisse ad arcam, id quod Hebræa asserunt; sed non in arcam, quod Noster scripsit: & utrumque verum. Siquidem corvus volitabat circum arcam; intro tamen non ingrediebatur, nec se a Noe capi patiebatur, ut columba. Omitto alia. Quidam Hebræa exponunt: *Et exivit eundo, & recedendo, vel discedendo, aut avertendo se.* Nam verbum שׁוּב *schob*, id quoque significat; & hoc esse Nostri, *Et non revertebatur*: nam recedere, seu discedere, vel averti est non reverti. Sed ii nesciunt vim Hebraismi: nam *schob* non significat recedere, nisi quando constructur cum præpositione מ *mem*: quæ tamen syntaxis hic non est. Alii: *Et exivit eundo & revertendo*; id est, ultro citroque volitabat, nec in arcam ad Noe redibat, nec se capi sinebat: qui sensus simplicissimus est. Lectio Hebræa me-

lior. Nonnulli: *Qui indefinenter ibat & redibat*, ad arcam, quamvis ad Noachum in arcam minime. Notant, corvum præ alia volucris emissum a Noacho, quod cicuratus non facile obliviscatur stationis suæ, sed eam solet repetere. **DONEC SICCARENTUR AQUAE.** יַבֵּשׁ יִבְרֶת *iebošibetb* & formam infinitivi, & nominis infiniti habet, ut יַבֵּשׁ *icobeshb*, Numcr. xiv. 16. *pošeh*, vel potentia. Hic possit reddi: *Donec siccatus, ariditas aquarum fuit; vel donec aridari, exsiccari aquas super terra*; quasi dicat: Corvus emissus exivit revera, & magna vi nifus est ultra volare, si alicubi posset consistere (idenim significat geminatio verbi, *exivit exire*) sed cum omnia reperisset vel aqua, vel corno & uore fluitantia, se in arcam recepit, nondum enim siccata fuerant aquæ.

V. 8. EMISIT COLUMBAM, die septimo, ex quo emissus fuerat corvus, ut colligitur ex verf. 10. Columbam autem emisit Noach, quia non leviter fallit fidem coniugii, sed maturetudolesque ad nidum & communem domum revertitur. Hanc historiam Gentiles more suo inter fabulas deformarunt. Ovid. Lib. I. Metamorpho. Plutarchus de Solertia Animalium: *Sane qui fabulas narrat, ii columbam atque ex arca emissam Deucalioni certum indicium derulisse tempestatis, quum rursus ingrederetur; serenitatis, cum avolasset.*

V. 12. EXPECTAVITQUE NIHILO MINUS. Futurum verbi נִיחַל *niachal* in Niphal, נִיחַל *niachel*, volunt habere hanc vim, quasi expectationem, seu moram tulit, sustinuit, moram fecit, sese continui expectans, nisi & anxietate expectavit. Notabis, quod eiusdem verbi futurum ponitur supra verf. 10. sed defectivum נִיחַל *niachel*, pro נִיחַל *niachel*, ut indicaret, tunc nondum fuisse tam anxiam & sollicitam expectationem seu moram, ut hic, ubi iam post tot expectationes & moras, vix moram patiebatur, & sibi maiorem vim inferebat expectando. Quidam Hebræorum volunt hic *niachel* non esse ex Niphal, sed ex Hithpael, quod maiorem vim habet. Nonnulli hic vertunt: *Et prostratus, prolongatus, remoratus fuit*, maximo animi desiderio, anxietate, ægritudine, dolore, optans, & expectans, & veluti languescens mora & expectatione rei exoptatæ: conferunt enim cum חָל *chal*, & חָל *chalal*, & חָל *chalab*, & חָל *achal*.

V. 13. TECTUM ARCAE. כֶּסֶף *nieseb*, Noster Exod. xxvi. 14. cap. x. 19. Num. iv. 11. *operimentum* dixit. Exod. xxxvi. 19. Num. iv. 25. *opertorium*, Exodi xxxvi. 19. *velamentum*, Num. iv. 25. *velamen*, hic *tectum*, aiunt esse *operimentum*, *opertorium*, *operculum*, *tegmen*, *testorum*, *tegmentum*. Forſan erat in tecto arcae aliquod velamentum ex pellibus, vel alia materia bene compacta, & aduersus imbres durabili, quod foramen aliquod seu fenestram tecti arcae operiret; quod facile potuit Noe amovere: nam totum tectum, quod erat longissimum, & ex crassissimis tabulis, clavis, & asseribus, bitumineque commissum & valide compactum, non puto potuisse revellere: nisi dicamus tectum totum non nisi unico cubito patuisse, & cap. vi. precedenti, vers. 6.

V. 21. ODOREM SUAVITATIS. מִנְיָח *nichobach*, quietis, recreationis, refrigerii, refocillationis, suavitatis; id est gratus, & acceptus Deo, qui eum facit abita sua requiescere, quo Deus videtur quasi recreari, ac refocillari, & refrigerari. Graeci *ἀοδῖαν* reddidere, id est odorem suavitatis, seu bonae fragrantiae; quod Paulus imitatus est Epist. v. 2. Et tradidit semetipsum pro nobis oblationem & victimam Deo in odorem suavitatis, seu bonae fragrantiae. II. Corinth. 11. 15. Christi bonus odor, seu bona fragrantia sumus Deo. Philip. 11. 18. Repletus sum, acceptis ab Epaphrodito, quae misisti, odorem suavitatis, vel bonae fragrantiae, hostiam acceptam, placentem Deo. Notant in nomine nichobach duplicari litteram radicalem *h* Cheth, ad geminationem, & intentionem significatus, ut denotet magnam suavitatem, refocillationem, recreationem capere Deum ex eiusmodi odore holocausti. Loquitur de Deo modo humano; & si dixisset, gratum & placitum habuit Deus holocaustum Noe. ET AST ADEUM. Hebr. *Et dixit IHNH* אִתִּי *libbo*, quod potest verti, ad corpus, & ad cor eius; & si eius non est reciprocum, potest referri ad cor Noe: eritque quod Vulgatus dixit, *adeum*. ULTRA MALEDICAM. *Upp* *kalah* in Pihel, aiunt esse levigare, levigare, levem facere, vilipendere, detrahere, male dicere, blasphemare; nec procul abluere ab ista significatione Latinam acceptionem illam verbi *elevare*, qua significatur verbis aliquid extenuare & deprimere. Noster per male di-

cere solet vertere: est proprie alleviare, levem facere, levem reputare bonore & existimatione, spernere, contemnere, exacerari, despicere. Quidam hic: Non addam alleviare terram amplius, scilicet hominibus & iumentis, quae cum delentur, dicitur terra alleviari vel alleviari. Melius: Non amplius terram levissimam, vilipendam, despiciam, exacerbor: non mihi amplius terra erunt leves aut viles animae. SENSUS ENIM ET COGITATIO HUMANI CORDIS IN MALUM PRONA SUNT, &c. Veraci & fida paraphrasi reddidit ista Hebraea: quia formatio, imaginatio, figmentum, intentio cordis hominis malum, &c. Vide cap. vi. vers. 5.

V. 22. CUNCTIS DIEBUS, &c. Sensum huius verius esse volunt, cunctis diebus terrae; id est, quamdiu terra erit in rerum natura, vel quamdiu durabit mundus hic corruptibilis, durabunt quoque vicissitudines tempestatum anni, ut erant ante diluvium; quasi dicat: Perpetuo mundus deinceps suum tenorem servabit, qui tempore diluvii interturbatus fuit.

MENOCHII.

Vers. 1. ADDUXIT SPIRITUM, ventum vehementem, pollentem vi ad disiciendum, exsiccandumque, quem sacra Scriptura solet vocare urentem. Exod. xiv. 21. Cumque extendisset Moyses manum super mare, abstulit illud Dominus flante vento vehementi, & urente tota nocte, & vertit in siccum. Tribuitur ista potestas aquilonibus. Prov. xxv. 23. Ventus Aquila dissipat pluvias.

V. 2. CLAUSI SUNT FONTES, descenderunt erumpere, illi nimirum qui ad vindictam fuerant reclusi; non autem qui ad terrae irrigationem, & potum animalium desiderabantur. Sed cataractae caeli omnes clausae, ut caelum serenum esset.

V. 3. EVNTES ET REDEVNTES, fluantes, & huc illic dilabentes, & ad subterraneam abyssum se recipientes. COEPERUNT MINUI: in fine centum & quinquaginta dierum adeo notanter imminutae sunt, ut inventibus palam esset illas decrescere, & deficere.

V. 4. REQUIEVIIT ARCA: iam circa montium capita deficiente aqua, immota arca confedit. MENSE SEPTIMO, non

ab initio diluvii, sed anni, ut patet ex vers. 13. & seqq. huius capitis. **MONTES ARMENIAR.** Hebraice est, *Montes Ararat*, quod Chaldaeus vertit, *Montes Cordu*, quos Iosephus, & Curtius *Cordiceos* vocant; & iuxta quorundam sententiam, sunt pars montis Tauri.

V. 5. DECIMUM MENSEM, non a cœpto diluvio, sed a cœpto anno 600. vitæ Noe, ut patet cap. præc. vers. 11. & hic vers. 13. & 14. **APPARUERUNT CACUMINA.** Prius arca sedit in montibus suo pondere depressa, quam montium cacumina aquis decrefcentibus exsillerent.

Vers. 7. EGREDIEBATUR, ET NON REVERTEBATUR. In Hebræo est: *Corvus egrediebatur, & revertebatur.* Sensus est, corvum reversum a cadaveribus ad arcæ culmen, non autem ad Noe, vel egrediebatur, & revertebatur ad loca, in quibus degere prius consueverat, iam liber revolans quo libuit. Aliqui ad verbum ex Hebræo: *Corvus egressus est egrediendo, & recedendo, donec siccantur aque super terram:* & sententia est, egressum, & magis semper magisque recessisse, quod exprellit noster Interpres cum dixit: *Et non revertebatur;* hoc est porro, semper recedendo pergebat. **DONEC SICCARENTUR AQUAE.** Non significatur siccatis aquas corvum reversum; sed est Scripturæ phrasim; sic Matth. 1. vers. ult. dicitur: *Non cognoscebat eam donec peperit.*

V. 9. UBI REQUIESCERET: quia omnia adhuc limo erant oblita. **SUPER UNIVERSAM TERRAM.** Extabant cacumina montium; campestris, & planities obrutæ erant aquis.

V. 11. AD VESPERAM: toto pasta die ad comparem in hospitium notum relict, nocturno frigori vitando. **RAMUM. LXX. folium:** rami forculum supremum tenuiorum, quem scilicet columba rostro potuerit destringere.

V. 13. IMMINUTAEQUE SUNT AQUAE, usque ad terram, ita ut terra sicca appareret. **APERIENS NOE TECTUM,** non totum, sed partem, tot tabulis remotis quot ad explorandum terræ statum erant necessariae. Ex fenestra, quæ ad latus, non poterat, ut ex tecto, omnia late circumspicere.

V. 17. CRESCITE ET MULTIPLICAMINI: est benedictio, & proprie ad bru-

ta dirigitur, nam de hominibus sequenti capite.

V. 19. SECUNDUM GENUS SUUM, secundum speciem suam; hoc est, quilibet masculus cum semella suæ speciei.

V. 20. AEDIFICAVIT AUTEM NOE ALTARE. Primum hoc est altare quod legitur in Scriptura; tamen dubium non est alia prius extitisse, ut illud in quo sacrificavit Abel, cap. IV. **HOLOCAUSTA,** ex septimo illo munderum animalium calibe, seu solitario masculo, de quo supra cap. VII. vers. 2.

V. 21. ODORATUSQUE EST DOMINUS. De Deo loquitur more humano, delectantur enim homines nidore assarum carniū. Sensus est, placuisse Domino sacrificium; itaque Chaldaeus habet: *Suscipit Dominus cum beneplacito oblationem eius.* **AIT AD EUM.** Hebraice est: *Locutus est ad cor suum,* id est ad Noe, quem amabat quasi cor suum. Theodotio etiam vertit: *Dixit Dominus ad cor suum,* αἰνῶς κύριος ἑαυτῷ τὸν καρδίᾳ αὐτοῦ. Sic accipitur ab aliquibus illud Cant. v. 2. *Ego dormio, & cor meum vigilat.* Vel certe *locutus est ad cor eius;* hoc est, consolatus est Noe: hoc enim significat *loqui ad cor* in sacris Litteris, ut alibi dicitur. **MALEDICAM,** malefaciam terræ diluvio, ut iam feci. **PROPTER HOMINES,** propter peccata hominum. **SENSUS, ET COGITATIO HUMANI CORDIS.** Hebraice: *Figmentum humani cordis,* seu *formatio humani cordis,* prona sunt ad malum; id est, figulina cordis humani valde prona est ad malum, atque ideo humanæ infirmitatis miserebor. **AB ADOLESCENTIA SUA:** ex illa enim ætate (ait S. Ambros.) crescit malitia.

V. 22. CUNCTIS DIEBUS TERRÆ, non quamdiu terra durabit (hæc enim stat in æternum) sed quamdiu in terra erit generatio, & corruptio, eruntque homines, & animalia, propter quæ hæc temporum varietas inducta est. **NON REQUIESCENT,** non desinent sibi mutuo succedere.

T I R I N I.

Vers. 1. ADDUXIT DOMINUS SPIRITUM SUPER TERRAM. Non dicit, *spiritum suum,* vel *spiritum Dei,* ut Genes. 1. vers. 2. sed in genere *spiritum,* id est ventum, puta validum & urentem, quia-

GORDONI.

qualem emisit cum aperuit mare rubrum filiis Israel, Exodi 14, qui una nocte tam vastum maris spatium vertit in ficum. Sed hic ventus non tam naturali, quam divina vis siccat, & absorpsit aquas diluvii. Aude, magnam aquarum partem, ut inchoante diluvio de novo producta fuerat a Deo, five ex aere, five ex alia materia (ut facillimum est Deo quidvis in quodvis commutare) ita nunc cessante diluvio rursus in aerem, & primævam materiam conversam fuisse. Reliquæ rursus inclusæ & conclusæ in abyssu suæ subterraneæ, & littora posita mari, & ripæ fluviis, ne transiliant fines suos.

V. 13. SEXCENTESIMO PRIMO ANNO, scilicet vitæ Noë, usque eo IMMUTATÆ SUNT AQUÆ, ut appareret EXSICCATA SUPERFICIES TERRÆ, id est nudata iam aquis. Quia tamen limosa adhuc erat, neque pedibus pervia, post alios demum 56. dies dicitur versu sequenti prorsus arefacta, & siccata; & Noë cum suis iussus egredi, & super terram ingredi. Nota. Diluvium cepit anno sexcentesimo vitæ Noë, mensis secundi die septimodecimo a. Finiit vero cum egressu Noë ex arca anno eiusdem 601. mensis secundi die vigesimo septimo b. Ergo duravit annum integrum solarem c, lunarem vero annum integrum, & insuper decem dies.

V. 21. SENSUS, ET COGITATIO HUMANI CORDIS IN MALUM PRONA SUNT. Hebraice est: *figmentum cordis humani malum est*. Infert Lutherus & Calvinus: Ergo ipsa natura seu essentia hominis, puta ratio, & voluntas, mala est, neque aliud potest quam peccare. Sed quam inepte, nemo non videt. Nam ratio, & voluntas hominis, seu essentia, non est *figmentum cordis humani*, sed Dei ipsius. Figmentum vero, seu quod fingitur & producit a corde humano, est *sensatio*, & *cogitatio*, ut Noster cum LXX. ex Rabbis optime vertit. Quæ mala sunt non necessario, aut aliqua necessitate, sed libere, ex libero cordis seu voluntatis humanæ decreto, ut dixit supra cap. iv. vers. 7. Quia tamen cor, seu voluntas, est libera, prout tamen in malum erat quam in bonum, & sæpius mala fingebat quam bona; hinc Noster bene vertit, *Prona in malum*.

Vers. 1. SPIRITUS ille super terram, ventus est exsiccans; sed quem Deus plusquam ordinario iuvabat concursu.

V. 3. EUNTES ET REDEUNTES: fluctuantes.

Vers. 4. VIGESIMO SEPTIMO DIE, &c. Ita Vulgata Editio, Septuag. & Patres legunt; nam aquæ manserant in plena inundatione diebus 150. seu ab initio diluvii (ut alii putant, & loquuntur) usque ad diem 17. mensis septimi. Dandi autem sunt dies 10. ut sufficienter decreverent, & ut quiesceret arca: quievit ergo die 27. Male quidem Caiet. & Lipom. dicunt textum Latinum esse corruptum. Potius immutatus est textus Heb. habens 17. & restituendus est, ut pro divinis vocibus עשר ימים *ebhar iam*, decimo die, legendum sit unica voce עשרים ימים *ebharim*, vigesimo die: & sic pro septimo decimo, erit septimus vigesimus. SUPER MONTES ARMENIÆ. Heb. *Montes Ararat*. Eandem vocem retinent LXX. Omnes Armenii intelligunt cum Vulgato.

V. 5. USQUE AD DECIMUM Mensem: non quidem, ut vult Caietanus, a cœpto diluvio; sed ab inchoato anno 600. vitæ Noë, ut aliqui colligant Interpretes ex cap. vii. vers. 11. & hic vers. 13. vel, ut alii, a die mundi creati, nempe qui volunt conditum fuisse in autumno, quomodo accipiunt mensem septimum vers. 4. De qua re suo loco.

Vers. 7. EGREDIEBATUR, ET NON REVERTEBATUR. Ita cum negatione Latinus codex vulgatus. Immo Hieronymus in Traditionibus ait, Hebræum etiam legi cum negatione. Et ita Septuaginta. Heb. nunc ערב ושוב, redeundo. Varia certe est lectio. Et inepte Calvinus hic more suo reprehendit Latinum Codicem. Patres omnes legunt sub negatione. Vide Gordonum Huntilæum. controversia 1. cap. xix. Certe ערב ושוב, significat etiam non redire. Ac demum potius LXX. Viris credendum, quam Hebræo codici. DONEC SICCARENTUR: Hoc est, ante siccata terram non est reversus. Vide Matth. cap. i. vers. ult. Ubi de hac particula *donec*.

V. 11. RAMUM OLIVÆ. Heb. *folium olive raptum*. Noster Interpres geminum

(a) Cap. vii. Genes. vers. 17.

(b) Hic vers. 14. & Chron. cap. xi.

(c) Chronici cap. iv. & v.

ferum dedit, ponens ramum. Olea vir-
ret foliis semper. Plinius Lib. XVI. cap.
xx.

V. 13. **APERIENS TECTUM**. Non
sufficiebat aperia fenestra, quod tantum ef-
fec ad latus; sed ex aperto tecto licebat om-
nia circumspicere, & undequaque.

Duravit diluvium saltem annum u-
num, dies decem. Paucis ita se res ha-
bet. Ab initio diluvii seu quadraginta die-
rum pluviz (Gen. vii. vers. 11. & 12.)
uique ad arefactam terram, & egressum ex
arca (Genes. vii. vers. 13. & 14.) est spa-
rium anni solaris integri, & decem die-
rum.

40	Per hos dies 40. pluebat.
150	Per hos dies stat plenum diluvium.
129	His diebus minuantur aquæ, post quos terra apparet, sed lutoia.
56	Per hos dies Noe perseverat in ar- ca, post quos terra arida est.
375	

Hic dies ultimus, putatur a multis 27.
mensis secundi, complens annum solare, &
decem dies ab initio diluvii; ut constet
ex diebus hic enumeratis, & hunc nume-
rum conficiantibus. Habebant quidem He-
bræi mensis lunares; sed anno etiam ute-
bantur solari per embolismum. Incipit ergo
diluvium anno 600. vitæ Noe; finitur ad
annum 601. & collecti numeri dant dura-
tionem diluvii per dies.

Alii merant dies ab ingressu in arcam
ante pluviam. In fine etiam dando varii
sunt. Nec porro sine propabilitate, ut sub-
iicio.

46	Ante diluvium.	} Annus solaris tantum.
40	Pluviz.	
150	Status Aquarum.	
129	Imminutionis dies.	
365	Sic quidem non redundant decem dies, & exit solaris annus ex men- sibus lunaribus per embolismum.	

V. 17. **CRESCE**. Hæc benedictio ad
bruta refertur; nam de hominibus dicit
cap. sequenti.

Quæstio non ignobilis est, qua ratione,
exacto diluvio, pervenerunt five homines,
five feræ ad insulas, & novum orbem; præ-
sertim cum post conditum mundum, nihil
sit a Deo creatum. Difficultatem dilucit
a Costa Lib. I. de Novo Orbe, cap. xxi.
Certe exillimandum est feras natando coe-
perire potuisse; ut de America, Americæ
inspector scribit idem auctor. Accessit ad
hoc navigatio: sic boves, canes, equos, &
vaccas primi deportarunt in insulas Cubam,
Margaritam, & Dominicam, Hispani. Nec
sunt adhuc ibi leones, ursi, aut tigrides.
Denique non satis exploratum est, an A-
merica versus polum arcticum, & per Flo-
ridam sit continenti coniuncta. Ac demum
nec omnis fert omnia tellus; nec est ne-
cesse omnes ubique reperiri, aut esse fe-
ras.

V. 19. **SECUNDUM GENUS SUUM**;
hoc est masculus cum femella suæ spe-
ciei.

V. 20. Nunc primum in Scriptura expri-
mitur altare; prius tamen fuisse, & tem-
pore Abeli videtur certum.

V. 21. **ODORATUSQUE EST DO-
MINUS ODOREM SUAVITATIS**: ac-
cepit libenter. Heb. *adorem* quietis. Non
est hoc Deucalionis diluvium, de quo ad
an. 2469. **SENSUS, ET COGITATIO HU-
MANI CORDIS IN MALUM PRONA
SUNT AB ADOLESCENTIA SUA**.
Ab hac quidem apparet clarius, & crescit
malitia.

Inepte Calvinus omnia hic invertit. *יצר*
ietser, in Hebræo habetur, hoc est, fictio,
figmentum, cogitatio nempe cordis, a ra-
dice *יצר* finxit, formavit. Est ergo cor ho-
minis, quod effingit sibi cogitationes, &
velut alter figulus figmenta dat sua,
seu imaginationes, & motus propensiores
in malum; non est ipsa natura hominis,
& voluntas in se mala; sed voluntatis il-
lud, & cordis figmentum est malum. Im-
perite ergo Novator ille refert ad natu-
ram quod est solius ædus, aut propensio-
nis. Hinc Septuaginta vertunt *ἡγνυται*, in-
cumbit cogitatio in mala. Et hunc habent
sensum verba *יצר לב האדם* *ietser leb ha-a-*
dam, fictio, seu cogitatio cordis humani.

V. 22. **CUNCTIS DIEBUS TERRÆ**;
quamdiu scilicet in terra erunt homines.

CAPUT IX.

Deus Noe, ac filius eius benedicite, cunctaque animantia una cum piscibus in cibum tribuit, prohibito tamen illis sanguine: factus inter Deum & homines de non inducendis amplius aquis diluvii, iride firmatur. Noe ebrium videns filius Cham, in Chanaan filio maledicetur; Sem vero & Iapheth benedicuntur.

Benedixitque Deus Noe, & filiis eius, & dixit ad eos: (a) Crescite, & multiplicamini, & replete terram. 2. Et terror vester ac tremor sit super cuncta animalia terræ, & super omnes volucres cæli, cum universis quæ moventur super terram: omnes pisces maris manui vestræ traditi sunt. 3. (b) & omne quod movetur, & vivit, erit vobis in cibum: quasi olera virentia tradidi vobis omnia; 4. (c) excepto quod carnem cum sanguine non comedetis. 5. Sanguinem enim animarum vestrarum requiram de manu cunctarum bestiarum; & de manu hominis, * de manu viri, & fratris eius, requiram animam hominis. 6. Quicumque (d) effuderit humanum sanguinem, fundetur sanguis illius: (e) ad imaginem quippe Dei factus est homo. 7. (f) Vos autem crescite, & multiplicamini, & ingredimini super terram, & implete eam. 8. Hæc quoque dixit Deus ad Noe, & ad filios eius cum eo: 9. Ecce ego statuam pactum meum vobiscum, & cum semine vestro post vos: 10. & ad omnem animam viventem, quæ est vobiscum, tam in volucibus, quam in iumentis, & pecudibus terræ cunctis, quæ egressa sunt de arca, & universis bestiis terræ. 11. (g) Statuam pactum meum vobiscum, & nequaquam ultra interficietur omnis caro aquis diluvii, neque erit deinceps diluvium dissipans terram. 12. Dixitque Deus: Hoc signum fœderis quod do inter me & vos, & ad omnem animam viventem, quæ est vobiscum in generationes sempiternas: 13. arcum meum ponam in nubibus, & erit signum fœderis inter me & inter terram. 14. (h) Cumque obduxero nubibus cælum, apparebit arcus meus in nubibus; 15. & recordabor fœderis mei vobiscum, & cum omni anima vivente quæ carnem vegetat; & non erunt ultra aquæ diluvii ad delendum universam carnem. 16. * Eritque arcus in nubibus, & videbo illum, & recordabor fœderis sempiterni quod pactum est inter Deum & omnem animam viventem universæ carnis quæ est super terram. 17. Dixitque Deus ad Noe: Hoc erit signum fœderis quod constitui inter me & omnem carnem super terram. 18. Erant ergo filii Noe, qui egressi sunt de arca, Sem, Cham, & Iapheth: porro Cham ipse est pater Chanaan. 19. Tres isti filii sunt Noe; & ab his disseminatum est omne genus hominum super universam terram. 20. Cœpitque Noe vir agricola exercere terram, & plantavit vineam. 21. Bibensque vinum * inebriatus est, & nudatus iacuit in tabernaculo suo. 22. Quod cum vidisset Cham pater Chanaan, verenda scilicet patris sui esse nudata, nuntiavit duobus fratribus suis foras. 23. At vero Sem, & Iapheth pallium imposuerunt humeris suis, & incedentes retrorsum, operuerunt verum.

verenda patris sui; faciesque eorum averſæ erant, & patris virilia non viderunt. 24. Evigilans autem Noe ex vino, cum didiciſſet quæ fecerat ei filius ſuus minor, 25. ait: * Malediſtus Chanaan, ſervus ſervorum erit fratribus ſuis. 26. Dixitque: Benediſtus Dominus Deus Sem, ſit Chanaan ſervus eius. 27. Dilatet Deus Iapheth, & habitet in tabernaculis Sem, ſitque Chanaan ſervus eius. 28. Vixit autem Noe poſt diluvium trecentis quinquaginta annis. 29. Et impleti ſunt omnes dies eius nongentorum quinquaginta annorum: & mortuus eſt.

(a) Sup. l. 22. viii. 17. (b) Sup. l. 29. (c) Ierem. xvii. 24. (d) Matth. xxvi. 32. (e) Apoc. xiii. 12. (f) Sup. l. 28. viii. 17. (g) Iſa. liv. 9. Eccl. xlii. 12.

B R U G E N S I S

ROMANÆ CORRECTIONES.

V. 5. *De manu viri, & fratris eius.* Quidam codices repetunt: *de manu* hoc modo: *De manu viri, & de manu fratris eius: ſuperflue.*
V. 16. *Eritque arcus in nubibus.* Sixtina Bi-

blia non addunt nomini *arcus* pronomen *meum*.

V. 21. *Ihebrizatus eſt, & nudatus.* Superfluit quod in quibuſdam libris ſequitur *iacuit*.

V. 25. *Malediſtus Chanaan.* Redundat vox *puer*, quam interponunt quidam.

C O M M E N T A R I A

S A.

Verſ. 1. **B**ENEDIXIT, ſcilicet dans ſecunditatem.

V. 3. *QUASI OLERA;* quaſi dicat, ut olium olera tradideram. Notat Terrull. Lib. de Cib. Iudaicis, conceſſum nunc carnis uſum ad maiores vires propter culturam.

V. 4. *CUM SANGVINE;* id eſt, niſi effuſo prius ſanguine.

V. 5. *SANGVINEM ENIM,* &c. quaſi dicat: Nec vero putetiſſicere hominem occidere: *ſanguinem enim,* &c. Vel eſt ordo inverſus, & rediſit ratio eius quod proxime ſequitur, ſcilicet *quicumque effuderis,* &c. quamquam ſi enim pro autem Scripturæ more poſitum eſt, facilis eſt ſenſus loci alioqui difficilis. *ANIMARUM,* id eſt quo animæ in corpore vivunt. *REQUIRAM,* ſcilicet ulciſcens. *BESTIARUM.* Vide Exod. xxi. Num. xxviii. 29. *FRATRIS;* quaſi dicat, etiam ſi ſiſterſciſ. *HOMINIS,* ſcilicet occiſi a ſupradictis.

V. 6. *FUNDETUR,* ſcilicet per iudicem. Chald. *Fundetur ex ſententia iudicis.*

V. 11. *TERRAM,* id eſt terræ habitatores.

V. 12. *SEMPITERNAS,* id eſt omnes.

V. 13. *TERRAM,* id eſt terram inhabitantia.

V. 16. *ERITQUE.* Erat quidem etiam antea, ſed non in id ſignum in quod nunc deſtinatura a Deo. *SEMPITERNI,* id eſt perpetuo a me ſervandi.

V. 23. *RETRORSUM,* id eſt gradu retrogrado, ſcilicet averſa facie.

V. 25. *CHANAAN,* pro Cham, ſecundum quosdam; at Chryſoſt. hom. 29. ait, non malediſſe patrem, quod a Deo fuiſſet benediſtus, ſed filium, unde pater cruciaretur. *SERVUS SERVORUM;* id eſt, omnino ſervus, vel inſimus ſervus.

V. 27. *HABITET IN TABERNACULIS SEM.* Videtur prædicere converſionem Gentilium, qui a Iapheth: nam Iudæi a Sem.

V. 29. *NONGENTORUM.* Vixit uſque ad 58. annum Abraham, ſecundum Hebræos; at ſecundum Euſebium, uſque ad 69.

E S T I I.

Verſ. 4. & 5. **E**XCEPTO QUOD CARNEM CUM SANGVINE NON COMEDETIS; id eſt, ne non contenti carne, quam vobis ad edendum concedo, etiam

etiam sanguinem comedere velitis. SANGUINEM ENIM ANIMARUM VESTRARUM REQUIRAM DE MANU CUNCTARUM BESTIARUM. Ita Scriptura.

Sed quaeritur quomodo valeat hæc ratio; aut si valet, cur non nos similiter obliget, maxime quod & Aq. xv. lex hæc videatur repetita. Resp. Necessarium fuit apud primos feroces illos homines illud præcipi, ne gultata acrimonia sanguinis bestiarum, ferociore redderentur, tandemque sorte anthropophagi efficerentur, aut saltem passim homicidæ: quod scelus sibi Deus intantum displicere ostendit ut etiam bestiam quæ hominem occiderit (etsi alioqui præcepti non capax) velit occidi: & bos competa in lege iubetur occidi.

V. 13. ARCUM MEUM PONAM IN NUBIBUS, ET ERIT SIGNUM FœDERIS INTER ME ET INTER TERRAM. Queritur quomodo iris est signum fœderis, cum proveniat ex causa naturali, ex qua etiam ante diluvium provenire poterit. Respondent aliqui, ante diluvium arcum illum seviridem (quæ signum pluvie est) non fuisse; alioqui enim non recte hic dici, *Arcum meum ponam*, in futuro. Alii dicunt, esto quod iris prius apparuerit; sed iam primum constituitur ex voluntate Dei signum talis fœderis, eo pacto ut si lapis qui antea nihil significabat, iam incipiat ex voluntate hominum aliquid significare. Neque multum refert quam sententiam hic quis sequatur.

V. 20. & 21. ET PLANTAVIT VINeam, BIBENSQUE VINUM INEBRIATUS EST. Ex hoc loco quidam conantur offendere non fuisse repertum usum vini ante Noe, nec ante diluvium: non enim Noe, qui sexcentorum erat annorum, & proinde tantam habebat rerum experientiam, ignarus fuisset virtutis vini, nec, si cognovit eius virtutem habuisset vir sanctus, usque ad pudendam ebrietatem se ingeritasset. Nihilominus cum Ecclesiasticus dicat cap. xxxi. *Vinum ab initio ad iucunditatem, non ad ebrietatem creatum*, cum Iansenio in illum locum, omnino videtur, vitæ creatam ab initio cum ceteris arboribus. Itaque Noe plantasse vineam, non alio sensu, quam quod dicitur cœpisse exercere terram; rursum scilicet replantans quæ erant disiecta per diluvium: neque ob stare illa quæ allata sunt de pudenda eius ebrieta-

te: potuit enim sic nudus inveniri inter dormiendum, etsi non omnino potu obrutus: quomodo etiam pro largiori qualibet potatione, aliquando ebrietas nominatur, ut infra cap. xliii. & alibi.

V. 24. QUAE FECERAT EI FILIUS SUUS MINOR. Septuaginta legunt, *νῦν ἔργον*. Primum nota, hæc non contigisse nisi diu satis post diluvium. Nam in arca non fuerunt nisi octo animæ, teste Apostolo. Itaque oportuit prius nasci Chanaan filium Cham, qui hic maledicatur. Addunt etiam nonnulli ipsum Chanaan puerum, patri Cham in iacasse nudatum iacere avum Noe, simulque irrisisse. Non enim ullam fingi posse aliam causam cur Cham specialiter hic exprimat pater Chanaan, cum Cham plures, & quidem maiores natu habuerit filios, ut pater cap. seq. Itaque quod hic dicitur, *filius suus minor*, non de Cham intelligendum esse, qui semper medius in Scriptura numeratur (immo a Hieron. bis vocatur maior, in Plal. viii. & cont. Lucif.) sed Chanaan, qui filius minor dicitur, quia filius filii: sicut & Iudicum I. Othoniel dicitur frater Caleb minor, scilicet quia filius fratris.

V. 25. MALEDICTUS CHANAAN, SERVUS SERVORUM ERIT FRATRIBUS SVIS. Queritur, cum Cham plures habuerit filios (quatuor in cap. seq. nominantur) cur specialiter Chanaan maledicatur? Respondet August. Noe hac imprecatione prophetasse, filios Israel qui venirent de semine Sem occupaturos terram Chanaan. Aliam etiam solutionem proxime diximus.

V. 27. DILATET DEUS IAPHETH, ET HABITET IN TABERNACULIS SEM. Quidam intelligunt, *Et habitet Deus*; sed melius, *Habitet ipse Iapheth*. Etenim in Sem intelligitur populus Iudaicus, in Cham gentiles reprobi, in Iapheth gentiles electi, ex quibus Ecclesia colligenda erat, & qui habitaturi erant in tabernaculis Sem; id est, possessuri salutem per Christum, reprobatis Iudeis; ex quibus tamen tandem fiet unum ovile.

MARIANAE.

Verf. 1. **B**ENEDIXIT. Benedictio pro fecunditate, sicut maledictio pro sterilitate. CRESCITE ET MULTI-

PLI-

PLICAMINI. Eadem verba cap. 1. vers. 22. de piscibus, & VIII. 17. de brutis dicta, non habent vim præcepti; sed imperativum sumitur pro futuro, crescetis & multiplicabimini. Quid ergo hoc loco & cap. 1. de homine usurpata non eandem vim habeant? Aut cur non liceret ei qui vellet, cælibem agere vitam; cum Noe ad annum quingentesimum ab uxore abstinuerit? Plura eodem cap. 1. vers. 22.

V. 2. TERROR VESTER AC TREMOR. Melius Hieronymus expressit verba Hebraica, quorum posterius supra prius augeat, quam Sept. cum dixerunt, *Tremor vester ac timor*. Nempe homini dominium restituit, quod initio Adamo dederat. Verum homini integro sponte obedire animantes, nunc terrore obsequium exprimitur.

V. 3. OMNE QUOD MOVETUR, ERIT VOBIS IN CIBUM. Ecce concessum est cum carni tum ob terræ sterilitatem, tum ob debilitatem hominum, & ad sustinendum culturæ labores. Tertull. Lib. de Cib. Iud.

Vers. 4. EXCEPTO QUOD CARNEM CUM SANGUINE NON COMEDETIS. Hebr. tantum: *Carnem in anima eius sanguine eius*, pro cum anima & sanguine. Per animam & sanguinem idem intelligit: nam sanguis est animæ vehiculum. Hieron. verba non numeravit, expr. sit tamen sententiam. Vides cærimoniam legis sancitam ante legem.

V. 5. SANGUINEM ENIM, pro sanguinem autem; quasi dicat: Videte nedum concedo animalia cædi, potestis humani etiam sanguinis effusionem permitti. Vel si oratio est causalis, ordo erit inversus, reddeturque ratio eius quod sequitur: *Quicumque effuderit humanum sanguinem*. DE MANU HOMINIS, ET DE MANU VIRI, ET FRATRIS EIUS. Hebr. *De manu Adæ*, id est plebei, & *de manu viri*, id est principis, fratris eius, aut fratrem eius. Postumus etiam *de manu hominis*, & *de manu viri* interpretari, de manu cuiusque fratrem suum vindicabo. REQUIRAM, ulciscar.

Vers. 6. FUNDATUR SANGUIS ILIUS. Hebr. *Effundens sanguinem hominis, in homine sanguis illius effundatur*. *In homine*, id est per hominem; per iudicem, Chald.

V. II. ET NEQUAQUAM, pro quod

nequaquam. Statuam pactum, quod nequaquam erit diluvium. DISSIPANS TERRAM, habitantes in terra.

V. 12. HOC SIGNUM FOEDERIS. Solebant fœdera aliquo signo confirmari, uti fœdus cum Abrahamo, circumcissione. Est autem hoc signum non institutum de novo, sed ad memoriam excitandam. IN GENERATIONES SEMPERTERNAS, id est omnes: sine fine erit fœdus.

V. 20. COEPITQUE NOE VIR AGRICOLA EXERCERE TERRAM, ET PLANTAVIT VINEM. Hebraice: *Cœpitque Noe vir terræ, & plantavit vineam*.

V. 21. BIBENSQUE VINUM. Noe in Græcorum fabulis idem Saturnus est, decorum pater, cui ebrio filium abicidisse gentilia mentiuntur. Laët. Lib. I. cap. XII. contra Saturnum patri Cælo abicidisse genitalia ait. Janus item qui & Noe, fortassis ab Hebraica voce *isim*, quæ vinum significat; quasi vinifer, ob inventum scilicet vinum. Bithons fingitur ob duo tempora, ante, & post diluvium, quæ vidit.

V. 22. VERENDA. Hebr. *nuditate*. V. 23. RETORSUM; id est, averfa facie. Sic incedebant, ne viderent verenda patris sui.

V. 24. QUAE FECERAT EI FILIUS SUUS MINOR. Hinc constat, Cham non fuisse primum Noe filium. Quod si Sem non fuit primogenitus, reliquum est ut Iapheth sit maior ceteris duobus, atque ita proximo cap. eius posteritas primo loco ponitur.

V. 25. MALEDICTUS CHANAAN. Hebraei putant, certe Levi Ben Gherfon in hunc locum, Chanaan primum vidisse avi nuditatem, eamque indicasse patri; eoque Noe iram in eum potissimum vertisse.

V. 27. HABITET IN TABERNACULIS SEM. Vel Iapheth habitet, de quo proxime erat sermo; idque factum multis ex Ethnicis ad Christum conversis, ut Hieron. in Traditionibus, etiam Indis, qui a Sem sunt, & ab Hispanis Iaphethi posteris his temporibus sunt conversi. Iudæi etiam a Sem venerant, in quorum locum successere Gentes, Iaphethi posteris, cum ad Christum venerent, Iudæis eiectionis. Vel Deus habitet in tabernaculis Sem, sermone ad eum de novo revocato.

V. 29. NONGENTORUM. Vixit Noe secun-

secundum Hebræos usque ad annum Abraham 58. secundum Eusebium usque ad 69. eiusdem annum.

MALVENDAE.

Vers. 3. **O**MNE QUOD MOVETUR. Heb. *omne calcatile*. Reptile hic appellatur omne animantium genus, præter hominem, cuius causa facta est hæc accessio. ET VIVIT. Quidam reddunt, quod quidem vivum est; id est, excepto morticinio, & confimilibus. QUASI OLERA VIRENTIA TRADIDI VOBIS. Aliqui exponunt: Ut viridem herbam illis, sic illa omnia dedi vobis; quasi dicat: Illis tam libere velci poteritis, quam illa suo vescuntur gramine: supra cap. 1. 30. & ex eodem loco supplevimus.

V. 4. CARNEM CUM SANGUINE. Heb. *Carnem cum anima sua, sanguine suo*, id est cum anima sua, quæ est sanguis eius. Non quod sanguis sit anima vel vita carnis, seu animalis; sed quod sanguis sit sedes & vehiculum animæ, & in eo potissimum vigeant spiritus vitales, & sit quasi quædam tessera vitæ, in quo vita consistit. Hinc Maro II. AENEIDOS:

... vitam cum sanguine fudit.

Et alibi IX.

Purpuream vomit ille animam . . .

Sanguis enim animæ possessio est. Rationem huius præcepti eam omnes assignant quod voluerit Deus homines mansuetudini assuefacere, ne facile sanguinarij essent & in cædes ruerent. Vide Leviticum XVII. 14.

V. 5. REQUIRAM. Alii, *reposeam*; id est, persequar, ac punitam sanguinarium. ut Psalm. IX. 3. DE MANU CUNCTARUM BESTIARUM. Hebr. *A manu omnis bestie*, pro ab omni bestia, catachresis, *reposeam illum*; quasi dicat: Adeo mihi cara est humana vita, ut ne brutis quidem parci velim, si quando hominem occiderint. Sic Exod. XXI. 28. ET FRATRIS EIUS. Heb. *De manu cuiusque fratris eius reposeam animam hominis*. Exaggeratio, qua omnes homines sine ulla exceptione absterret ab homicidio, subiuncta causa æquissima, quod omnes inter se fratres sint; & nefas sit eos qui tam arcto vinculo inter se coniuncti sunt, mutuis cædibus se conficere.

Vers. 6. QUICUMQUE EFFUDERIT

HUMANUM SANGUINEM, FUNDATUR SANGUIS ILLIUS. Heb. *Effundens sanguinem hominis in homine, sanguis eius effundetur*. Illud in homine, varie exponunt. I. *Per hominem*, scilicet vel iudicem, vel alium; ut iungatur cum sequentibus, sanguis eius effundetur per hominem. II. *Propter hominem*; id est, propterea quod sanguinem hominis effuderit, interficietur ipse. III. *In homine*; id est, effundens sanguinem hominis, qui est in homine, nempe ipsum sanguine proprio perfundens, & cruentans. IV. *Inter homines*, id est publice ac palam, in conspectu omnium, videntibus cunctis, fundetur sanguis illius, seu interficietur publice a magistratu. V. *In hominem*, id est in iniuriam generis humani. Vide Matth. XXVI. vers. 52.

AD IMAGINEM QUIPPE DEI FACTUS EST; ac si dicat: Merito penas capite luet, eo quod imaginem ipsam Dei extinxit; quasi crimen læsæ maiestatis divinæ commiserit. Quanto in honore & religione Romani statuas & imagines principum habuerint, notum est. Svetonius in Tiberio cap. LVIII. *Ut hæc quoque capitula essent, circa Augusti simulacrum servum cecidisse, vestimenta mutasse, nummo vel annulo effigiem impressam, latrine aut lupanari intrusisse. Exercente iudicia maiestatis Tiberio, Falano obiciebat accusator (inquit Tacitus Annali. I.) quod vendidit hortus statuanæ Augusti simul mancipasset*. Quanto ergo graviora merebitur qui imaginem ipsam Dei vivam cruentaverit, ac morte aboleverit? Quidam, Hæc ratio, inquit, ad utrumque pertinet: nempe oportere ut de homicida sumatur ultio; & ut homo sumat eam auctoritate Dei, nimirum iudex.

V. 12. IN GENERATIONES SEMPERTERNAS. Hebr. *in ætates seculi vel æterni, seu ad omnes ætates olum*; quasi dicat, quod perpetuo per omnes ætates servaturus sum, usque ad seculi finem.

V. 13. ARCUM MEUM PONAM IN NUBIBUS. Hebræa per præteritum: *Arcum meum dedi, posui in nube*, scilicet rosida, in qua exprimitur arcus ille cælestis, nempe iris, aucteris solis radiis illustrata, tot coloribus insignis. Virgilius IV. AENEIDOS:

Ergo iris croceis per cælum roseida pen-
nis,

Mille trahens varios adverso solis colores.

T. Ubi

Ubi Servius: *Iris roseida, quia cum nubibus sit pluvialibus, quæ vere non carent: Adversio sole. Bene rem naturalem expressit. Iris enim nisi e regione solis non fit, cui ille varios colores dat: quia aqua tenuis, aer lucidus, & nubes caligantes irradiante isto varios creant colores.*

Ex hoc versu, uti exprimitur in fonte, facile colligitur, iam ante diluvium arcum cælestem fuisse signum tantum futuræ pluviz; nunc vero post diluvium esse signum fœderis inter Deum & mundum, quod non sit amplius Deus mundum diluvio perditurus; quasi dicat: iam ante dederam acpofueram arcum meum in nubibus; nunc deinceps erit signum, seu obsignatio pacti fœderis, &c. *Veluti si cogites (inquit Cælius Lib. X. Antiquar. lect. cap. xxiv.) lapidem immobilem diu, & neglectum, mox factum distinctionis alicuius signum, sive terminum.*

V. 14. CUMQUE OBDUXERO NUBIBUS. Ex פָּרָה ghanan nubes, eleganter finxit Moyses verbum in Piel פָּרָה ghanan, cuius infinitivus hic ponitur, nec alibi in Scriptura verbum id extat: quod omnes vertunt, nubilare, obnubilare, obnubere, nubem obducere, proprie nubificare, in nubificando me, quom nubifico nubem, id est quom congregabo nubes super terram in aere, quom obduxero nubibus cælum.

V. 17. CONSTITUI. Verbum שָׁקַם in Hiphil proprie est *surgere facere, erigere, statuere, constituere, suscitare, exsuscitare, stabilire, confirmare, ratificare, stare facere.* Notant Paulum hoc verbum reddidisse, per יָסַד, *statuo, stabilio, facio ut aliquid stet*, alioqui vacillans aut cadens: & opponi verbo נָסַח, *aboleo, antiquo, irritum facio.* Romanor. 111. 31. *Legem igitur abolemus per fidem? Absit; immo legem stabilimus.*

V. 18. PATER CHANAN, id est, generis Chanaanæorum; pro, auctor, a quo Chanaanæi orti sunt; qui destruendi erant, & terra eorum Israëlitis, hoc est semini Sem, in possessionem tradenda. Posuit istud hic Moyses ut stermeret sibi viam ad nandam maledictionem Chanaan, infra vers. 25. & ad promissionem, historiamque diffusam terræ Chanaan, populo Dei obventuræ.

V. 19. ET AB IIS DISSEMINATUM EST OMNE GENUS HOMINUM. Para-

phrasi exposuit sensum Fontis: *Et de istis sparsa est omnis terra.* Metonymice; quasi dicat: Ex istis nati sunt qui per universam terram dispersi sunt, quotquot terram inhabitant. Quidam notant, ita eleganter dictum: *Dispersa fuit omnis terra;* quasi prius collecta esset in unam, quod non coheretur. Alii, *Sparsa fuit*, quod deinceps quasi habitatoribus aspersa fuerit. Nonnulli vertunt: *Divisa est omnis terra.* Alii, *Dispersa fuit.* Verbum פָּרָה naphatz, in Kal sexies tantum occurrit. Noster Isaiæ x1. 12. xxx1 111. 3. *dispergere;* Iudicum vii. 19. *complodere;* I. Samuel. x111. 11. *dilabi;* Ierem. xx11. 28. *conterere;* hic *disseminare*, dixit. Nec aliene reddes: *Et de istis complesa, contrita, fralla*, id est culta, & inhabitata fuit omnis terra.

V. 20. COEPITQUE. שָׁחַח chalah hic in Hiphil mirabilem puto habere significationem, *profanavit, violavit, publicavit, communem fecit.* Quæ tamen notio frequentior est in Piel, ut indicet, Noach exoritur tunc quamdam actionem seu opus profanationis, violationis, publicationis, incipiendo profcindere, violare, ac profanare, & communem facere terram, quæ a tempore diluvii intacta, & integra erat. Nos Valentinismo recte exprimimus per *enecat*, quando terra integram & intactam primum aggredimur, & incipimus scindere, dividere, violare, profanare, communem facere, & in usum vertere, & cum quis aliquem primum vulnere violavit, dicimus, *al enecat.* Terra autem cum primum aratro, vel sarculo, aut alio instrumento profcinditur, subigitur, ac versatur, videtur violari, profanari, publicari, communis fieri, & ut ita dicam, *enecari*, atque veluti ad humanum usum profanari. Et utitur quidem hoc verbo Moyses de vinea, quæ primum vindemiatur, Deuteron. xx. 6. *Et quis vir qui plantavit vineam, & non violavit, profanavit, communem fecit eam?* id est, non primum vindemiavit eam: *no-la eneceto*, non incepit eam. *Ambulet, & revertatur in domum suam, ne quando moriatur in bello, & vir alius violabit eam;* id est, vindemiabit eam, incipiet eam: *enecarla a.* Ergo hic apte reddemus, & incipit, violavit, profanavit, communem fecit, subaudi, terram, *enecetola, publice orsus est, primum publicavit, scilicet culturam, violationem agrorum.* Quod Noster sensum mirifice exprimens, dixit, *cepit exercere terram.*

ram. VIR AGRICOLA. Hebr. *vir humi*, seu *telluris*. *אדמאב adamab* plerisque est terra culta, in qua sunt arva, agri, horti, arbores, alique fructus, & fruges ad victum utiles. In quo differt ab *ערץ eretz*, quæ univèrse quamlibet terram significat. Quidam notant, non hic significari, tunc primum agris colendis operam dedisse Noe; sed potius ipsum, collecto animo, quantumvis esset senex, rediisse ad agrorum culturam, & pristinos labores. Hebræi tradunt, Noe aratra, vomeres, & iuga animalium ad arandum invenisse, atque alia instrumenta ad terræ culturam, quibus aptius & commodius terra coleretur; cum tamen Adam, & alii ante Noe terram quoque coluerint; sed laboriosius & incommodius, cum multis instrumentis caruerint. Vide cap. v. vers. 29.

V. 21. ET NUDATUS IACUIT IN TABERNACULO SUO. Varie reddunt. I. *Et apertus fuit in medio tentorii sui*. II. *Et nudavit se, discooperuit se in medio tabernaculi sui*. III. *Et revelavit se ipsum in medio tabernaculi sui*. Possis reddere. IV. *Et migravit se ipsum in medio*, &c. quod mente & iudicio migraverat, vino captus. V. *Et involvit se, revolvit se in medio*, &c. quod vestibus se se involverat, ac revolverat, ut parum honeste iaceret, vel volutabatur in medio tabernaculi vino distentus. Noster verbum *גלגל galag*, quod bis tantum in Hithpahel legitur, Proverb. xviii. 2. *versari* exponit; unde hic VI. *Et versavit se ipsum in medio*, &c. id est, volutabat se, & corpus in varias partes versabat. Coniunctio Hithpahel magnam & foedam denudationem, volutionem, iudicii migrationem significat. Iacebat ergo vino somnoque sepultus.

V. 22. VERENDA. *גִּהְרֵבָה ghervab*, nuditas: sed quia nuditas turpis est, & dedecorosa, cuius nos pudet maxime in corpore, membri genitalis, quod natura ipsa & publica honestas tegendum docet; ideo hoc nomen etiam pro parte illa corporis pudenda seu verenda sumitur, Exodi xxviii. 42. Levit. xviii. 6. & alias. Vel appellavit nuditatem per antiphrasin, quod illæ partes quas natura testas & occultas esse voluit, non debeant denudari: nuditas enim corporis humani propalam turpis & pudenda cenieatur maxime partium genitalium.

V. 25. MALEDICTUS CHANAAN.

Quidam hic subaudiunt *pater*, e versu xviii. 22. Maledictus Cham pater Chanaan. Sed melius alii de filio Cham, nempe ipso Chanaan intelligunt, quod in Chanaanæis, & in terra Chanaan implenda erat hæc maledictio. Unde hic maledicitur patri in filio, & in posteritate. Notum est quid fecerit Deus Chanaanæis, & quid ipsi passi fuerint ab Israelitis, excisi penitus, & exturbati a patris sedibus. Quidam observant, maledixisse Noe posteritati Cham; sed, omisis reliquis filiis Cham, singulariter de Chanaan expressisse Moysen, quia tantum ea commemorasse voluit, quæ Israelitas confirmare, & alacriores reddere possent ad capefendam promissam terram Chanaan, quibus ista scribebat. *SERVUS SERVORUM ERIT*, &c. Phrasis hæc indicat vilissimum genus servitutis; quasi dicat: Postremus & infimus inter servos erit; non tantum servilis erit eius conditio, sed vulgari servitute deterior; nedum fratribus, sed etiam eorum servis serviet. Alii exponunt: *Maxima, vilissimaque servitute addictus suis fratribus erit*. Sic Hebræorum idiotismo, *Sandum sanctorum*, pro sanctissimo, Exod. xxvi. vers. 33. *Rex regum*, & *Dominus dominorum*, pro summo rege, dominoque ponitur, Hebræi vii. vers. 12. Deuter. x. vers. 17. & alibi. Sic Ierem. vi. vers. 28. *perversi perversorum*, id est perversissimi.

V. 26. SERVUS EIUS. *לַאמו* *lamo*, *et*, nempe fratribus, e versu præcedenti, vel posteris Sem. Invenitur *לַאמו* *lamo*, singulare Psalm. xxvii. 8. Isaie l.iii. 8. *Servus ei*, scilicet Semo. Hoc quidam impletum autumant in Gabaonitis Chananæis, Iosue ix. 27.

V. 27. DILATET DEUS IAPHETH. Hebræis pulchra paranomasia. *יפת יאֶפֶת iaphth* *Elohim* *scipeth*. Voci exponunt. I. *Venustabit, condecorabit, pulchrescere faciet Deus ipsum Iepeth*; id est, ipsum pulchrum, decorum, venustum. II. *Condecoretur, aut venustum se ferat, pulchrescat Dominus ipsi Iepeth*, a *יפת iaphab*. Sed id grammatica non patitur; unde enim *ן* *Tau* in *יפת iaphab*? III. *Dilatabit Deus ipsum Iepeth*. Hæc est receptor interpretatio. Sed *יפת iaphab* Hebræis alibi numquam fere significat *dilatare*, sed Chaldeis tantum: quamquam non desint, qui Hebræis *dilatare* & *extendere* primaria significatione importare contendunt; sed sunt fu-

tilis & ridiculi etymologici. Ergo hic elucidant: *Dilatabit*, aut *dilatet Deus ipsi Iapheth*; id est, propaget Deus genus ipsi Iapheth; faciat Deus ut semen Iapheth amplissimas regiones occupet: vel ut numerosa sit progenies Iapheth. Quaratione Iapheth exponemus *Dilatatum*. IV. Alii, quia verbum *נָפַח pathab* significat etiam *lallare blandis verbis*, vel *allicere in hanc vel illam partem*, etiam propter continuo sequentia verba, malunt vertere: *Blande reducet, vel inclinabit Deus ipsum Iapheth*. Nam temporale fore diffusum inter Sem, & Iapheth prædicit Noe: & postea futurum ut posteaquam distiti fuissent posteri ipsius Iapheth, qui erant gentiles, & a tabernaculis Sem (ex cuius progenie Deus Ecclesiam tum sibi delegerat) remoti, propius tandem accederent, & simul habitarent, quasi in communi domicilio: quod factum fuit blanda & suavi Dei voce, quam in Evangelio protulit: & quotidie adhuc impletur varicinium hoc, cum dispersas oves invitat Deus ad suum gregem. V. Nonnulli in eandem sententiam reddunt: *Persuadebit, alliciet, persuasibilem faciet Deus ipsum Iapheth*; seu deprecative: *Persuasibile faciat Deus ipsi Iapheth, ut habitet in tabernaculis Sem*, &c. rogat ut Deus eum amanter persuadeat, ne invidet fratri Sem iuniori natu honorem primogenituræ, & quod ex illo nasciturus sit Christus; hancque prærogativam sibi ademptam esse & translata in fratrem: ac ipsius posteritas quoque persuadeatur prædicatione Evangelii, ut ipsa quoque se coniungat Ecclesiæ ex Iudæis collectæ, &c. scilicet, ut suo tempore ad cultum Dei, & tentoria Sem, id est Ecclesiam accedat. Hinc dicitur Iapheth, quasi *Persuasibilis* passive. Hic enim, & tota ipsius posteritas persuasiva est voce Evangelii, ut habitaret in tabernaculis Sem, cui promissus erat Christus, & veniret etiam in societatem spiritualium & æternorum bonorum, quæ Filius Dei attulit in hunc mundum, remissionem peccatorum, donationem Spiritus sancti, & vitam æternam. Probant hanc interpretationem Forsterus, Avenarius, Tremellius, Iunius, Schindlerus, Buxtorfius, Mercero, & Druſio arguta, sed aliena, ac proinde explenda videtur: forsitan ob zelotypiam, quod eam ipsi primi non viderint: nam ego in ea non nisi vim verbigeninam, & plurimam pietatem aspicio. E-

quidem *נָפַח pathab*, in Hiphil, in *dilatandi* significatu exemplo caret: non quod hunc improbum; sed quod *persuadendi* frequentior & usitatioe agnoscatur. Quidam reddunt: *Blandus fit Deus ipsi Iapheth*.

Observavi id verbum varie a Nostro exponi. In Kal, Deuteronomii xi. 16. *decipi*, Iob xxxi. 27. *letari*, Iob v. 2. *parvulum esse*, Prov. xx. 19. *dilatare*, Osee vii. 11. *seduci*. In Niphal, Iob xxxi. 9. *decipi*. Ierem. xx. 7. *seduci*. In Pihel, Iudic. xiv. 15. *blandiri*, Exodi xxii. 15. Ieremiæ xx. 7. *seducere*, II. Samuel. 11. 25. I. Reg. xxii. vers. 21. 22. II. Paralipom. xviii. vers. 20. 21. Ezechiel. xiv. 9. *excipere*, Psalm. lxxviii. 36. *diligere*, Proverb. xvi. 29. Proverb. xxiv. 28. Osee ii. 14. Prov. i. 10. *lallare*. In Pual, Prov. xxv. 15. *leniri*, Ier. xx. 10. *decipi*, Ezech. xiv. 9. *errare*. In Hiphil, hoc loco Genesis, *dilatare*, Proverb. xiv. 28. *lallare*; quamquam id futurum potius Piel, vel ad *נָפַח* patet alii referant.

Notant, verbum *pathab* de sermone venusto & eleganti & ablandiente dici, quo quis per aliquem subito pellicitur, ac involuntatem, seu animi sententiam pertrahitur. Ex eo aiunt Græcos suum mutuasse *πείθω*, quod est, *blandis verbis suadere*, seu *persuadere*. Et ut Hebræos, ita Græcos suum verbum non solum suadendi, aut persuadendi, verum etiam obtemperanti tribuere; quasi sit hoc verbum, illicentem, aut suadentem sequi, obtemperare, flecti, abduci: ac sumi active & passive in eodem significato. Præterea esse *μίσω*, atque tam in bonam, quam in malam partem accipi, & cum in malam partem accipitur, idem esse quod blanditis, phaleratis verbis fallere, seu decipere. Ergo exponunt *suadere, persuadere, allicere, pellicere, lallare, inducere, adducere, pertrahere, blandiri, flectere, inclinare, adulari, allubescere*. Unde hic vertipotest: *Persuadere faciet, alliciet, blandiri, lallare faciet, allubescere faciet ipsi Iapheth*. Insigne vaticinium de gentium vocatione ad Ecclesiam. Vide S. Hieronymum hic in Traditionibus Hebraicis. Nec omiserim, defectivum esse futurum *נָפַח iaphab*, p'r apocopen, littera *h* He, ut indicaret quam ægre ac difficile poterit persuaderi gentibus ut ad Ecclesiam accederent, quæ crucem stultitiam reputabant. Hunc Iapheth existimant eum esse quem postea gentiles

Iapethum dixerunt. Gigantem fuisse Virgilius & Svidas memorant. Saturno, qui Noe creditur, æqualem fuisse, docet Lucianus in Saturnalibus. Ad vultum eius respexit Aristophanes in Nubibus:

Nec oportet te patrem Iapetum vocare. Svidas delirum, stultum interpretatur: forsan ab Hebraico יָפֶֿתֿ *peti, factus*. Et HABITET. Quidam intelligunt, Deus: sed plures, & melius, Iapheth; ut ex præcedenti Annotatione. IN TABERNACULIS SEM: quia ex Iudæis, & Gentibus una est conflata Ecclesia. Forsan varicinio indicavit Noe virtutem & felicitatem posterorum Iapheti, qui armis, religione iugiugati erant magnam orientis partem, quam incoluerunt posteri Sem, ad ulteriores usque Sinas & Iaponias: quod factum videmus, & quotidie fit felicibus Hispanorum navigationibus & expeditionibus ad profundum usque orientem.

MENOCHII.

Vers. 1. CRESCITE, ET MULTIPLICAMINI. Eadem verba cap. 1. vers. 22. de piscibus, & VIII. 7. de brutis, non habent vim præcepti; sed imperativum sumitur pro futuro: cresetis, & multiplicabimini.

V. 2. TERROR VESTER. Timent hominem fere naturaliter; hic tamen aliquod, & quasi semipernum in bestias dominum, quod per peccatum homines amiserant, restituit, & confirmat Deus.

V. 3. OMNE QUOD MOVETUR. Ante diluvium religiosiores saltem, quales Sethi filii carnis abstinuerant, fructibus, olivæque contenti. Iam cunctis potestatem facit Deus ut vescantur carnibus, quæ plenius nutriunt, cum præsertim terræ vis eluvione, & intusa maris salitudine facta esset hebetior.

Vers. 4. CARNEM CUM SANGUINE NON COMEDETIS. Animal ergo iugulandum, effundendus sanguis, atque ita decum coctis carnibus velci licebat. Præceptum hoc non iuris naturæ est, sed positivi. Ita vero imperatum est ut homines quam maxime abstinere ab effusione sanguinis humani, quem aliquos mortalium etiam potasse scimus: abstinere ergo voluit a sanguine bestiarum, ne a hominis sanguinem sitiendum gradus fieret. II. quia vo-

luit Deus sanguinem, qui est quasi vita animalis, sibi soli auctori vitæ offerri in sacrificiis pro vita peccatoris, ut patet Lev. XVII. 11. III. quia sanguis brutorum est gravis, terrestris, & multarum agritudinum causa.

V. 5. SANGUINEM ENIM ANIMARUM VESTRARUM REQUIRAM DE MANU CUNCTARUM BESTIARUM: adeo volo humano sanguini parci, ut etiam bestias, quæ illum effuderint, sim puniendus: patet ex lege Exodus XXI. 23. ubi Deus iubet bovem homicidam lapidari. DE MANU HOMINIS, DE MANU VIRI, ET FRATRIS EIUS. Tria inculcat. *Homini*, quem nomen, & natura humanitatis memorem esse iubet; *viri*, quem docet iræ dominari, & robore, ac potentia non abuti; *fratris*, cui frater amandus, non perdendus erat.

Vers. 6. FUNDETUR SANGUIS ILIUS; id est, æquum est ut fundatur. AD IMAGINEM; quasi dicat: Si non movet te natura communis, imago mea permoveat, ne cælestis Regis vivum simulacrum demoliaris.

V. 7. VOS AUTEM CRESCITE; quasi dicat: Videtis me hac prohibitione velle consulere generis humani propagationi; quin ergo illi incumbitis? IN GREDIMINI SUPER TERRAM: multiplicamini, ut quam citissime per universam terram ingredi, eamque occupare, & replere possitis.

V. 9. STATUAM. Hebraice est *statuens*; id est, statuo sedes, promissionem scilicet de non inducendo amplius diluvio, cuius mox signum itidem statuit.

V. 11. NEQUE ERIT DEINCEPS DILUVIUM, puta universale: unde sequitur: DISSIPANS TERRAM, scilicet universam.

V. 12. IN GENERATIONES SEMPTERNAS, ut æternum. In Hebræo est pro generationes, in peregrinationes, quia vita hominis est peregrinatio super terram. Genes. XLVII. 9. *Dies peregrinationis meæ centum triginta annorum sunt.*

V. 13. ARCUM MEUM. Arcus hic est iris; vocat suum, quia iris pulcherrima, & Dei rerum officis magnificentiam repræsentat: quare dicitur in Eccli. XLIII. 12. *Vide arcum meum, & benedic eum qui fecit illum: valde speciosus est in splendore suo.*

fuo . Orravit celum in circuitu gloria sue , manus Excelsi aperuerunt illum . Fuit irisan- te diluvium signum naturale nubium rori- darum , & consequenter pluviae , post dilu- vium vero , & pactum hoc Dei cum Noe , instituta est in signum supernaturale huius sceleris de non futuro deinceps diluvio .

V. 16. RECORDABOR FOEDERIS . Par est etiam homines conspecta iride di- luvii recordari . & causae eius meminisse , peccatorum scilicet .

Vers. 20. EXERCERE TERRAM . Ad- dam , alique mortales ante diluvium ter- ram coluerant , sarculo fortasse , ac ligone , aut alio laborioso . Instrumento . Noe pri- mus aratra excogitasse videtur , & facilius boum , ac iumentorum auxilio solum pro- fuisse . *PLANTAVIT VINIAM .* Vites , quae ante erant , & ex quibus vinum non exprimebant , in ordines digestis , vineta con- stituit , succum exprelit .

V. 21. INEBRIATUS EST , citra pec- catum , saltem lerbare , quia vini vis adhuc illi ignota . *NUDATUS EST IN TABER- NACULO SUO ,* ut solent dormientes , & ebrii , qui prae aestu tegumenta disiciunt .

V. 23. OPERUERUNT VERENDA PATRIS SUI . Sic Patrum spiritualium , & Ecclesiasticorum peccata tegenda docet . S. Greg. XXV. Mor. cap. xxii .

V. 24. CUM DIDICISSET QUAE FE- CERAT EI FILLUS SUUS MINOR . Vidit se alieno pallio tectum , quid factum esset quaesivit , & ex filiis cognovit .

V. 25. MALEDICTUS CHANAN . Chanaan filius fuit Cham hoc cap. num. 18. hic primus fertur vidisse avi nudita- tem , & patri Cham indicasse ; itaque in eum fertur maledictio , non odio personae , sed spiritu prophetico , quid futurum esset praenuntiant . Haec autem a Mose dicun- tur propter Chanaanos a Iudaeis suis sedi- bus expellendos . Punitur autem Cham , & Chanaan in suis posteris , qui maiorum suo- rum impietatis fuerunt imitatores , & he- redes . *SERVUS SERVORUM ,* id est servus infimus , & vilissimus .

V. 27. DILATET . Iaphet significat di- latatum : est ergo in Hebraeo allusio ad etymon Iapheti . Precatur Noe ut posteri Iaphet late spargantur , & crescant , & am- plas regiones occupent . *ET HABITET IN TABERNACULO SEM .* Deus scilicet , a quo bona omnia proficiuntur .

Vers. 4. & 5. CARNEM CUM SAN- GUINE NON COME- DETIS ; sed neque sanguinem seorsim . Prohibet enim omnem eum , seu sumptio- nem sanguinis , sive liquidus is sit , & po- tabilis , sive fartus , & coagulatus , ut est in sarciminibus ; sive adhuc in animali exi- stat , ut in morticinis , & suffocatis . Ita Eucherius , Lyranus , Tostatus & alii a . Rationem post S. Chrysostomus b : ut nem- pe etiam post diluvium mortales intelli- gerent habere se Dominum , qui pro arbi- trario iubere & vetare possit quod lubeat . Deinde ut comprimat perversum imretum & propensionem ad homicidia , ne scilicet assuescendo sanguini bestiarum , tandem nec humano parcere . Denique ut ostendat Deus quam sibi cordi sit sanguis , & vita hominis , subdit : *SANGUINEM ANI- MARUM VESTRARUM REQUIRAM DE MANU CUNCTARUM BESTIA- RUM ;* id est , puniri volo etiam bestiam , si illa hominem occiderit e . Ita iussit etiam Exodi xxi. 28. & Levit. xvii. 11. ubi & duas alias causas vetiti esus sangui- nis exponit Deus .

V. 13. ARCUM MEUM PONAM IN NUBIBUS , id est iridem : non quod illa ante diluvium in nubibus non apparuerit d , cum naturaliter radii solis reverberen- tur in nube rorida , unde iris exsurgit , quando sol , oculus , & centrum iridis in eandem lineam rectam concurrunt ; sed quia non apparuit tamquam signum foederis divini . Nam ante tantum erat natu- rale signum pluviae , praesertim si matuti- no tempore appareret ; post diluvium vero assumpta est a Deo in signum ex be- neplacito numquam amplius futuri diluvii e . Hoc vero signum Deus aptissime posuit in nubibus , quia e nubibus aquae delapsae fue- rant , & inde rursus metuendum erat diluvium .

V. 25. MALEDICTUS CHANAN . In filio sceleris conficio , forsam & auctore , & indice (ut volunt Hebraei & Theodo- retus) punitur parens ; sed maxime in po- steris illius Chananensis , qui a Iosue , & Israelitis expulsi , & excisi sunt . Nam pro- pter hos maxime scripsit haec Moses , ut doceat iuste expulsum fuisse . *ERIT SER- VUS SERVORUM ,* id est infimus & vi- lissimus servus fratrum suorum . Id imple- tum

tum partim Iosue ix. cum, excisis Chanaanais, Gabaonitæ, qui dolo mortem evaserant, perpetuo servitio Iudæorum tamquam mancipia addicti fuerunt, partim II. Paral. viii. vers. 7. & 8. ubi Salomon reliquias Chanaanorum Iudæis tributarios & servos fecit.

V. 27. IAPHETH HABITET IN TABERNACULIS SEM. Benedictio hæc Iaphethi & temporalis fuit, & spiritalis. Nam posterii Iaphethi, puta Gentiles Europæi, & maxime Romani, imperium temporale suum extenderunt in Iudæos posteros & filios Sem, & in omnia loca quæ tam ipsi incoluerunt, quam reliqui filii & posterii Sem, & Chanaan, sere ad Indiam usque. Spirituale quoque imperium, cum ad Christum illi conversi sunt, & veram religionem, & Ecclesiam (e qua isti exciderunt) amplexi, per primatum Ecclesiæ & sedem Pontificiam longe latius extenderunt f.

Vers. 28. VIXIT NOE POST DILUVIUM TRECENTIS QUINQUAGINTA ANNIS. Vidit ergo turrin Babel; vidit posteros suos numero immenso auctos per orbem dispergi; vidit invalescente idololatria pene omnes a vero Dei cultu deflectere; vidit denique cum prima Assyriorum monarchia filiorum & nepotum suorum assidua, & horrenda bella, eductis subinde a Nino in aciem, g. equitum ducentis millibus, peditum decies septies centenis millibus, adversus Zoroastrem regem Bactrianorum, qui & ipse supra quadringenta millia sub signis habebat. Neque id mirum, cum plurius simul uxorum esset usus; & omnes, & toti vacarent generatoni: uno tamen excepto Noe, qui insigni continentie exemplo totis his 350. annis quibus a diluvio supervixit, & verosimillime etiam aliis centum immediate ante diluvium, quibus fabrica arcæ occupabatur, nullos prorsus liberos suscepit. Nam ex nullis aliis quam ex Sem, Cham & Iaphet (ut hic vers. 19. dicitur Scriptura) disseminatum est omne genus hominum super universam terram. Hi vero tres nati fuerunt centum circiter annis ante diluvium, ut dicitur cap. v. vers. ult.

(*) Carthusianus, a Lapide.

(*) Homil. xxvii.

(*) Ita Abulenſis, Oleaster, & alii.

(*) Ut vult Alcuinus, & Glossa.

(*) Vide Valesium cap. 12.

(*) Vide S. Hieron. Chryſ. hom. xxix. & Rupertum Lib. IV. cap. xxxix. a Lapide & Bonfretium.

(*) Ita ex Ctesia Diodorus 112.

GORDONI.

Vers. 1. CRESCITE. De piscibus cap. viii. vers. 12. de brutis cap. viii. vers. 17. nunc de hominibus. Non est præceptum, sed imperativum positum pro futuro, Multiplicabimini. Vide cap. i. vers. 22.

V. 2. TERROR. Bestiæ hominem timent naturaliter. Plenum tamen dominium in bestias amiserunt homines per peccatum.

V. 3. QUOD MOVETUR, ET VIVIT, ERIT VOBIS IN CIBUM. Non præcipitur hic post diluvium, sed permittitur variorum rerum usus, quamvis fortassis ante diluvium non usurpabatur. Non ergo peccant religiosi ordinis homines (quicquid dicant Novatores) si quando a tali usu abſtineant. Itaque quod hic permittitur hominibus, est ut qui ante habebant pro esca olera virentia, nunc assumant carnes in escam, si velint.

V. 4. Prohibet Deus comedere carnem simul cum sanguine. Ex quo videri alicui potest, non prohiberi esum sanguinis separati. Erat tamen sub Mose amplior prohibitio sanguinis. Prohibito denique esus sanguinis sub Apostolis fuit tantum ad tempus, donec unirentur duæ Ecclesiæ.

V. 5. Subditur ratio, ut hinc intelligant abſtinendum esse ab effundendo sanguine humano, & homicidio; quasi dicat: Concessa cæde animalium, ne putetis concessam cædem hominum.

V. 6. FUNDETUR. Chal. per iudicem, seu ex sententia iudicis.

V. 9. STATUAM PACTUM. Et nunc statuo pactum de non inducendo iterum diluvio. Pacti signum dabit vers. 13.

Qua ratione pactum cum bestiis, cum pactum sit inter naturas intellectuales? Sane cum bestiis, interposito homine bestiarum domino, præsertim in lucrum & bonum bestiarum. Erit vero in generationes sempiternas, seu usque ad finem mundi.

V. 12. IN GENERATIONES SEMPTERNAS; hoc est, omnes.

V. 13. ARCUM MEUM PONAM. Iridem esse interpretantur Patres. In Heb. est *posui*, *וָנִי*. Fuit quidem iris ante diluvium; sed hic destinatur in signum sæderis, & non futuri diluvii.

V. 16. Fit mentio Chanaan, qui tamen natus

natus est post diluvium. Vide Iosue x. vers. 3.
V. 19. Si ab his tribus propagatum est genus humanum : ergo Noe tota reliqua vita 300. annorum non suscepit liberos.

Vers. 20. PLANTAVIT VINEAM. *ἵνα* vinum. Noe esse lanum habet Berosus Anianus : quem etiam bisonem aliqui faciunt, quod Noe utramque viderit aetatem, ante, & post diluvium. Et cur non etiam filii bisones? Fides de Iano sit penes auctorem. Excusatur Noe ab ebrietate, quod vini vim ignoraverit.


V. 21. VERENDA. Heb. nuditatem.

V. 22. RETROSUMI: facie a Noe a-versa.

V. 25. MALEDICTUS CHANAAN.
 At cur non Cham pater qui deliquit? Sane in filio maledicitur pater : ac proinde dum hoc accidit Noemo, videtur iam

natus Chanaan. Est factum postea ut Chanaanos delecent Israelitæ. Immo & recte servus dicitur, ut vides Iosue ix. de Gabaonitis Chanaanæis.

V. 27. Hæc benedictio obscuram habet interpretationem ; & quomodo Iaphet habitaverit in tabernaculis Sem. Latere hic videtur vaticinium de vocatione gentium. Iudæi quidem erant ex posteritate Sem. Aliqui vero per Iaphet accipiunt vel Gentiles, vel Romanos. Sane Romani occupaverunt tabernacula Iudæorum. Vel alio sensu Gentiles venerunt in tabernacula Sem, & ad Ecclesiam Christi inchoatam in Iudæis. Chanaan vero servavit Iapheto adducto ad tabernacula Sem, quando sub iugum Christianorum Imperatorum, & Ecclesiæ venerunt Idololatæ, & reliquæ Chananæorum.



C A P U T X.

Genealogia filiorum Noe, a quibus divisa sunt gentes post diluvium.

1 *



AE sunt generationes filiorum Noe, Sem, Cham, & Iapheth : natique sunt eis filii post diluvium. 1. (a) Filii Iapheth : Gomer, & Magog, & Madai, & Iavan, & Thubal, & Mosoch, & Thiras. 3. Porro filii Gomer : Ascenez, & Riphath, & Thogorma. 4. Filii autem Iavan : Elisa, & Tharsis, Cetthim, & Dodanim. 5. Ab his divisa sunt insulae gentium in regionibus suis, unusquisque secundum linguam suam, & familias suas in nationibus suis. 6. Filii autem Cham : Chus, & Mesraim, & Phuth, & Chanaan. 7. Filii Chus : Saba, & Hevila, & Sabatha, & Regma, & Sabatacha. Filii Regma : Saba, & Dardan. 8. Porro Chus genuit Nemrod : ipse cepit esse potens in terra, 9. & erat robustus venator coram Domino. * Ob hoc exivit proverbium : Quasi Nemrod robustus venator coram Domino. 10. Fuit autem principium regni eius Babylon, & Arach, & Achad, & Chalanne, in terra Sennaar. 11. De terra illa egressus est Assur, & edificavit Niniven, & plateas civitatis, & Chale. 12. Reclen quoque inter Niniven & Chale : hæc est civitas magna. 13. At vero Mesraim genuit Ludim, & Anamim, & Laabim, Nephtuim, 14. & Phetrusim, & Chasluim : de quibus egressi sunt Philisthiim, & Capthorim. 15. Chanaan autem genuit Sidonem primogenitum suum, Hethæum, 16. & Iebusæum, & Amorrhæum, Gergesæum, 17. Hevæum, & Aracæum : Sinæum, 18. & Aradium, Samaræum, & Amathæum : * & post hæc disseminati sunt populi Chananæorum. 19. Faciuntque sunt termini Chanaan venientibus a Sidone Geraram usque Gazam,

Gazam,

zam, donec ingrediariis Sodomam, & Gomorham, & Adamam, & Seboim usque Lefā. 20. Hi sunt filii Cham in cognationibus, & linguis, & generatio nibus, terrisque & gentibus suis. 21. De Sem quoque nati sunt, patre omnium filiorum Heber, fratre Iapheth maiore. 22. (b) Filii Sem: AElam & Assur, & Arphaxad, & Lud, & Aram. 23. Filii Aram: Us, & Hul, & Gether, & Mes. 24. At vero Arphaxad genuit Sale, de quo ortus est Heber. 25. Nati que sunt Heber filii duo: nomen uni Phaleg, eo quod in diebus eius divisa sit terra: & nomen fratris eius Iectan. 26. Qui Iectan genuit Elmodad, & Saleph, & Asarmoth, Iare, 27. & Aduram, & Uzal, & Decla, 28. & Ebal, & Abimael, Saba, 29. & Ophir, & Hevila, & Iobab, omnes isti, filii Iectan. 30. Et facta est habitatio eorum de Messa pergentibus usque Sephar montem orientalem. 31. Isti filii Sem, secundum cogitationes, & linguas, & regiones, in gentibus suis. 32. Hæ familiz Noe iuxta populos & nationes suas. Ab his divisæ sunt gentes in terra post diluvium.

(a) L. PR. 1. 5. (b) L. PR. 1. 17.

BURGENSIS

ROMANÆ CORRECTIONES.

V. 1. *Ha sunt generationes filiorum Noe. Iniuria delent quidam vocem filiorum.*
V. 9. *Ob hoc exivit proverbium. Cave mutes*

ab, quod est propter, cum ab; id est vocalem quartam cum prima.

V. 18. *Et post hac disseminati sunt. Legendum est post hac, non per hos.*

COMMENTARIA

S A.

Vers. 1. HÆ SUNT GENERATIONES; pro, hi quos genuerunt. *NATIQUE,* pro nati enim.

V. 2. GOMER. Nota, a GOMER Galatas ortos; a MAGOG, Scythas; a MADAI, Medos; a IAVAN, Iones, seu Græcos; a THUBAL, Iberos; a MOSOCH Cappadoces; a THIRAS, Thraces.

V. 3. ASCENEZ: ab hoc Rhegini; a RIPHATH, Paphlagones; a THOGORMA, Phryges.

Vers. 4. ELISA: ab hoc AEolides; a THARSIS, Cilices; a CETTHIN, Citiæ, seu Cyprii; a DODANIM, Rhodii. Vide Hieron. in Gen.

V. 5. DIVISÆ INSULÆ; id est, nati qui varias tenuerunt iniulas, scilicet maris mediterranei.

Vers. 6. CHUS: ab eo AEthiopes; a MESRAIM, AEgypti; a PHUTH, Libyi; a CHANAAN, Chananzii.

V. 7. SABA: ab hoc Sabæi; ab HEVILA, Getuli; a SABATHA, Sabatheni, qui & Astabari; a SABA, Arabes. Nota, hunc Saba per w scribi, superiore per d: a DADAN, AEthiopiarum populi. Vide Hieron.

V. 8. POTENS, id est fortis, vel tyrannus.

V. 9. VENATOR, id est oppressor innocentum, ut quidam interpretantur. *CORAM DOMINO;* quasi dicat, Deo inspiciente, & ferente: vel Deo iudice; quasi dicat, vere.

V. 10. ARACH, quæ Edeffa; *ACHAD,* quæ Nisibis; *CHALANNE,* quæ Seleucia, vel Ctisiphon. Hieron. *SENAAR,* id est Babylonis.

V. 11. ILLA, scilicet Babylonis; *ASSUR,* scilicet filius Sem. Quidam tamen Ninum intelligunt, qui dicitur Assur, quod Assyrii imperaverit, vel etiam Assur vocabatur. *CIVITATIS,* scilicet Ninive. Hieron.

V. 12. HÆC, scilicet Niniæ.

V

V. 14.

V. 14. CAPHTORIM, id est Cappadoces.

Vers. 19. LESA, quæ nunc Callitroë. Hieron.

V. 20. FILII, id est posterii. COGNATIONIBUS, id est familiis. LINGUIS, id est idiomatis, scilicet variis. GENERATIONIBUS: id non est Hebr. nec Chald. nec apud LXX.

Vers. 21. FILIORUM HERER, id est Hebræorum. Ab hoc quidam putant Hebræos dictos. Alii ab Abraham, qui primus dictus est Hebræus, id est transitor, quod scilicet Euphratem transisset, cum venit in terram Chanaan: videtur enim Chananæi ita illum cepisse vocare ob causam dictam, sicuti nunc dicimus Germanos, & Gallos Transmontanos.

V. 22. FILII, id est posterii. AELAM, a quo AElamitæ in Perside; ARPHAXAD, a quo Chaldæi; LUD, a quo Lydii; ARAM, a quo Syri, quorum metropolis Damascus. Hieron.

V. 23. US, a quo condita Trachonitis, & Damascus, quam regionem LXX. in Iob Austidem vocant, quasi Usitidem. HUL, a quo Armeni; GETHER, a quo Carii; MES, a quo Mæones. Hieron.

V. 25. DIVISA: SIT TERRA; id est, variis linguis. usi sint habitatores terræ.

E. S. T. I. I.

Vers. 5. ABHES: DIVISAE SUNT GENTES IN TERRA POST DILUVIUM. Repugnant hæc iis qui iuxta Pseudoberosum ponunt adhuc alios filios Noë, quos genuisset post diluvium, inter quos & Naucheras gener. 11. qui ponit a Luliseone filio Noë Germanos oriundos. Sed cum ab enumeratis tantum dicat Scriptura gentes esse divisas, non temere alii fingendi sunt. tum maxime quod Noë tempore diluvii totis centum annis cessaverat a gignendis liberis. Nam, ut patet cap. v. genuit Sem; Cham & Iaphet: cum esset quingentorum annorum, & diluvium venit cum esset sexcentorum annorum, cap. vii: Atque ita credibile non est, eum tunc iterum ad gignendos liberos se convertisse. Quod vero pro se illi adferunt cap. ix. tam Noë quam filius d. d. cum esse: Crescite & multiplicamini. sentius est, quod gater. etiam cen-

seatur crescere & multiplicari, cum filii eius alios filios generant.

V. 8. De Nemrod: IPSE COEPIT ESSE POTENS IN TERRA. Nemrod, auctore Iosepho in Antiq. post diluvium primus regni cupiditate tyrannidem arripuit, & coepit dominari in gente sua: quem etiam putant auctorem fuisse ædificandæ turris Babylonice, ita ut per anticipationem hic dicatur: Fuit autem principium regni eius Babylon.

V. 9. Porro vocatur ROBUSTUS VENATOR CORAM DOMINO, hoc est potentissimus hominum oppressor, inter omnes qui sub cælo erant: sicut enim venator feras persequitur, compellit, mactat; sic & tyrannus homines. Vel coram Domino; id est, etiam nihil reveritus Dominum.

V. 15. CHANAAN AUTEM GENUIT SIDONEM PRIMOGENITUM SUUM, HETHAËUM.... ET IEBUSAËUM.... ARACAËUM.... ARADUM. Ex eo quod Sidon primogenitus fuerit Chanaan, forte Sidonii specialiter intelliguntur infra cap. xv. & deinceps sæpissime, quando absolute est mentio Chananæorum, vel certe illi imprimis ea acceptione comprehendendi videntur.

Ad hoc quæri potest, quare hic nulla mentio fiat Phereæorum, quos tamen satis constat ex genere Chanaan fuisse, & ex septem populis terræ Chananæorum postea exterminandis, de quibus dicitur cap. xiii. Eo autem tempore Chananæus, & Phereæus habitabant in terra illa. An scilicet hic alii intelligantur Chananæi, & alii Phereæi; an potius iidem sint cum aliis populis hic nominatis, videlicet cum Aracæis. Causa hoc suspicandi est, quia subiungitur hoc loco: Post hæc disseminati sunt populi Chananæorum. Certe constat ex variis Scripturæ locis, Phereæos inter Chananæos fuisse computatos. Quare cum deinceps non fiat mentio Aracæi, nisi I. Paralipom. 1. ubi Aracæus iterum inter filios Chaman numeratur: (sed tunc rursus reticetur Phereæus) omnino suspicari licet, eum qui hoc loco, & I. Paralip. 11. vocatur Aracæus, fuisse principem primum illius populi, qui postea vocatus est Ihereæus: forte quia Phereæus vocatus fuerit præcipuus Aracæi filius.

Vers. 21. DE SEM QUOQUE NATI SUNT.... FRATRE IAPHET MAIORE.

RE. Ex Hebræo verti potest: *Frater Iaphet maior*. Arias tamen, & Septuaginta aulipulantur noliæ versioni. Incertum enim est quis ordo nativitatē fuerit filiorum Noe, eo quod consule de omnibustribus dicatur cap. v. Noe *versum* cum quingentorum esset annorum, genuit Sem, Cham, & Iaphet: non quod omnes simul generati erant, quod pugnet cum isto quod hic dicitur, *Fratre Iaphet maiore*; sed quod circa istam ætatem, unus prius, deinde alius fuerit generatus.

Si quæras, quo ordine; respondeo (quandiu certius aliquid forte eruatur ex Scriptura) verisimiliter illo ordine, quo semel atque iterum numerantur, primo Sem, deinde Cham, & postremo Iaphet. Quotiam spectare videtur quod specialiter dicitur de Sem, quod genuit *Arphaxad biennio post diluvium*. At vero cum filii Noe in ipso diluvio fuerint circiter annorum centum (nam nati sunt anno Noe quingentesimo, & venit diluvium anno eiusdem sexcentesimo) an postea prius gignere ceperint; an vero filii eorum impii simul diluvio perierint: Scriptura non exprimit. Quidam suspicantur, hæcenus steriles fuisse, aut ipsorum uxores; ideoque non suffecisse cap. viii. dixisse, *Crescite & multiplicamini*; sed quod pro hac sterilitate tollenda, Deus iterum cap. ix. dixerit, *Crescite & multiplicamini*. Sed in huiusmodi questionibus, qui velint, singuli in suo sensu abundant.

V. 23. AT VERO ARPHAXAD GENUIT SALE. Septuaginta Interpretes hic interponunt Caman: de quo vide Annotat. l. Paralip. i. & Lucæ xii.

MARIANAE.

Verf. 1. HAE SUNT GENERATIONES; pro, hi filii sunt, & poster. I. NIQUE SUNT; pro, nati enim sunt.

V. 2. FILII IAPHETH. Hic Græcis fortassis Iaphet fuit, cæli, & terræ filius. Cæli quidem, quoniam quorum virtutes miramur, & cælo lapsos credimus; terræ autem, quoniam ignotis parentibus orti sic vocantur. GOMER, ab hoc Gomeritæ; id est Galli, Iosephus; dicti Galatæ a laetis candore, Isidorus. MAGOG. Plinius in Cæsaryia Bambycem, alio nomine Hierapolim, a Syris ait Magog vocari: contra quam Ezechiel vaticinatur. MADAI, a

quo Medi ultra Tigrim. IAVAN. Ab hoc Græci, unde fortassis Iones dicti, & Iovis nomen fluxit. THUBAL, a quo Iberi si-ve Hispani. MOSOCH. Ab hoc non Cappadoces, ut Iosephus credidit, sed Moschi prope Tybarenos apud Herodotum Lib. iii. & longo intervallo ab his fortasse Moicovizæ. THIRAS, a quo Tyrus est condita, ut quidam putant, mater urbium aliarum, & gentium.

Verf. 3. PORRO FILII GOMER: ASCENEZ. Ab hoc Germani; sic ea natio passim ab Hebræis vulgo vocatur. Pro *Ascenez*, Hebræis *Aschenaz*. RIPHATH, a quo Riphæi, qui & Paphlagones: Iosephus. Inde fortassis in Sarmatia Riphæi montibus nomen, unde Russi seu Slavi. THOGORMA. Tygranci, qui & Phryges, ab hoc, teste Iosepho.

V. 4. FILII AUTEM IAVAN: ELIASA. Ab hoc Aeoli Helleponto adiacentes, & Aeoliæ, seu Vulcaniæ septem Insulæ, prope Siciliam. De quibus Ezech. cap. xxvii. verf. 7. THARSIS, a quo Tarsus in Cilicia, & Tharsis, quæ & Tanager, prope Carthaginem. CETHIM. Ab hoc Cyprus, ubi urbs Cition olim dicta. Tum & Macedones, qui & Macetes ab Aufonio vocantur, & Alexander in Machabæorum Libris de Cethim exiisse dicitur. Fortassis & Itali hoc nomine vocantur in Num. cap. xxiv. verf. 24. sic eam vocem eo loco reddidit Hieron. cum dixit: *Venient in triberibus de Italia*. DODANIM, seu forte Rhodanum, facilius unius litteræ permutatione, quoniam ab hoc Rhodios deducunt Hieron. & Isidorus. Itaque Sept. hoc loco pro *Dodanim* posuerunt *Rhodii*.

V. 6. FILII AUTEM CHAM: CHUS. Ab hoc duplex Aethiopia, in Africa, & in Asia, unde Moysis uxor Madianitis Aethiopiæ vocatur. MESRAIM, a quo Aegyptii, hodie etiam Arabum, & Turcarum lingua dicti Mesri, tum Iosephi ætate eodem vocabantur nomine. PHUTH. Occiduum condidit Mauritaniæ, ubi Phuth urbs, hodie Fez. CHANAN, ab hoc Palestina Chananeæ dicta est. Porro decem eius filii verf. 15. variis in ea provincia gentibus nomen dederunt. SIDA primus urbem Sidonem de suo nomine constituit. Hebræis secundus condidit Hebron. CIMAN octavus, a quo Cimæ gens, una & septem quæ deletæ sunt in Palæstina; nam Cinæi poster. Iethro,

thro, de quibus Iudic. iv. 11. & I. Reg. xv. vers. 6. inter Amalecitas vivebant, hoc etiam discrepantes a prioribus, quod hi per Coph initio, illi per Samech scribuntur. Sequitur nonus *Amathaus*, a quo Emath, quæ postea Reblatha, ac tandem ab Antiocho Syriæ Rege dicta est Antiochia. At IV. Reg. xxv. vers. 21. Reblatha in terra Emath ponitur, scilicet illi vicina, non eadem.

V. 7. FILII CHUS: SABA. Ab hoc in Arabia Felici Saba & Sabæi. HEVILA, a quo gens eo nomine Aegyptum inter & Palæstinam, de qua Genes. xxv. vers. 18. FILII REGMA: SABA, ET DADAN. A Saba, altera Saba in Aethiopia, unde Regina Saba hoc discrepans a priori Saba, quod illa per Samech scribitur, hæc per Sin. A Dadan suspicor Dedan provinciam prope Palæstinam, & Dodonæus in Epiro fluxisse.

V. 8. NEMROD, fuisse Zoroastrem Babiloniorum Regem magicæ artis inventorem, putarunt Græci, putavit Epiphanius initio sui Operis. Illud constat, occupasse tyrannidem post diluvium mortalium primum: id significant ea verba, IPSE COEPIT ESSE POTENS IN TERRA.

V. 9. ERAT ROBUSTUS VENATOR, id est astutus, sicut cap. xxv. vers. 27. Venator solent esse astuti. CORAM DOMINO, id est vehementer, vel sub cælo, fortis inter omnes qui sub cælo erant, & astutus.

V. 10. IN TERRA SENAAR. Chald. *Babylonis*.

V. 11. DE TERRA ILLA, scilicet Babylonis.

Vers. 13. AT VERO MESRAIM GENUIT LUDIM. Ab hoc Ludii ludorum Inventores priini, teste Hieronimo Lib. I. Unde quibusdam ludi vox. ANAMIM, hoc est fons aquarum; ab hoc Cyrene, ubi fons mirus meridie frigidus, per noctem servidus. LAABIM, a quo Libya.

V. 14. CAPHTORIM: sic Hebræi, Capadoces.

V. 20. HI SUNT FILII CHAM. Sunt non est in Hebr. neque in Gothicis; item ET GENERATIONIBUS non est in H. br. neque in Sept. neque in Chald.

Vers. 21. DE SEM QUOQUE NATI SUNT. Ex illis verbis FRATRE IAPHETH MAIORE, colligas, Sem non minimum fuisse inter filios Noe, sed maiorem. Verum vox Hebraica הגדול *bagadol*

ambigua est, quam Hieron. in ablativo reddidit. Sept. in genitivo, *fratre Iapheth maioris*. Quod si Latinam versionem Græcæ præferas, licebit Sem maiorem dignitate interpretari, non annis, præsertim cum vox Hebraica *magnum* proprie, non maiorem significet. Hebraica sic verito: *De Sem natus etiam ipse pater omnium filiorum Heber* (id est Hebræorum) *fratre Iapheth maioris, vel maiore*. Iudæi Hebræi sunt dicti ab hoc Heber, Israelitæ a Jacob, Iudæi a Iuda filio Iacob; sed non antequam in captivitate ductæ sunt decem tribus: sic Elias in Thisbi.

V. 22. FILII SEM: AELAM. Ab hoc Aelamis in Perside. ASSUR. Assyriorum hic pater, sic a beatitudine dicti, & rerum copia. ARPHAXAD. Chaldæorum hic pater, a quo Heber, & Abraham. LUD. Ab hoc Lydus Iosephus ducit. ARAM. Syriam hic coluit, a quo & Aram Hebræice dicta est.

V. 23. FILII ARAM: US. Hic provinciam Palæstinam inter & Cælefyriam, dictam Trachonidem, constituit, quam Sept. in Iob vocant Aufsidem, quasi Usfidem, ubi Iob principatum tenuit. GETHER, a quo Getæ prope Thraciam ab his in Scandiam transgressis Gotthi. Massageras a Getis ducit Isidorus, quasi graves Getas dixeris.

Vers. 29. ET OPHIR. Hic ad auream Cherioncium habitavit, quo Salomon classem mittebat auri comportandi causa. Pegu esse creditur in sinu Bengalæ. ET HEVILA. Hic Hevilam alteram condidit, quæ flumine Phison, id est Gange alluitur, Gen. 11. vers. 11.

V. 32. AB HIS DIVISAE SUNT GENTES IN TERRA POST DILUVIUM. Quæ ergo de Ionio quidam ex Methodii Revelationibus tradunt, genitum a Noe post diluvium, & multis prærogativis prælatum ceteris, commentitia sunt; quando a tribus Noe filiis & eorum posteris divisas per orbem gentes hoc loco Moyses testatur.

M A L V E N D A E.

Vers. 2. GOMER. Ab isto sunt Galli, Gallogræci, Galatæ, Comari, Cimærii, & aliæ gentes Scythiæ finitimæ. De Comaris Mela Lib. I. cap. 11. Vide Antichristum nostram Lib. VI. cap. xxv.

xxv. MAGOG. Scythæ, Massagetæ, Tartari. Vide Lib. VI. de Antichristo, cap. xxxi. MADAI. Medi. IAVAN. Iones, seu Ionia, seu Græci. THUBAL. Iberos Pontici, & Hispani, & Itali. Vide Antichristum Lib. VI. cap. xxii. & xxiv. MESCHEC. Cappadoces Pontici, ubi Mazaca urbs, & tota orientalis Ponti Euxini ora, item litus orientale Mæotidis, & Scythiæ, seu Tartariæ pars ad Tanaim, atque ipsa etiam Moschovia. Vide Antichristum Lib. VI. cap. xxi. THIRAS. Thracæ.

V. 3. ASCHENAZ. Germani. Quibusdam, Sarmatæ. Alii, Pontici, & Bythini, ubi lacus, & fluvius Ascanus; Plinio, & Ptolemæo; & regio Alicantia Straboni. Asiam exponunt apte ex Jerem. li. 27. RIPHATH. Paphlagones, olim Riphathæi. Alii, Riphates, Mææ; vel Riphathæi montes. I. Paralipom. i. vers. 6. *Diphath* scribitur. THOGHORMAH. Phryges. Alii, Germani; Alii, Turcæ. Alii, Armenia minor, in qua reges Tygranes. & urbes Tygranocertæ. Vide Antichristum Lib. VI. cap. xxv.

Vers. 4. ELISA. *Æfoler*. Alii, Siculi. THARSIS. Cilices, ubi Tarsus Ciliciæ. Vide Antichristum Lib. VI. cap. xxix. §. 1. & 2. CETHIM. Cretes, Cyprii, Macedones, Græci. Itali. Vide Antichristum Lib. VI. cap. ii. DODANIM. Rhodii a דודא Hebræo, quod idem est quod *δῶδα* Græce, id est *rosa*. Constat Rhodios monetam rosa signatæ, extantque hodieque eiusmodi nummi. Nisi dicamus, similitudine litterarum Hebraicarum pro *γ* positum *ד*. Certo I. Paralipomen. i. vers. 7. *Rodanim* scribitur. Vide Antichristum ibidem.

V. 5. AB HIS DIVISAE SUNT INSULAE GENTIUM. Intelligunt, filios Iaphet partitos inter se transmarinas regiones. Nam Græcia, & Italia aliæque terræ continentes, Hebræis, non minus quam Rhodus, aut Cyprus, insulæ dicuntur. propter interpositum mare: Hebræi siquidem insulæ appellabant quascunque terras ad quas non nisi per mare communis erat transitus, nondum lustratis ex omni parte regionibus, an mari undique cingerentur: unde factum ut loca etiam continentia, mari tamen mediterraneo proxima, & ab eis insulæ haud procul distita. ad quæ ex Iudæa non nisi per mare forent transmea-

re, insulæ appellarentur. Sie capiunt illud Jerem. xxv. 22. *Regibus terræ insularum, quæ sunt trans mare*. Et Sophoniæ ii. 11. *Adorabunt cum viri de loco suo, omnes insule gentium*. Vide Antichristum Lib. VI. cap. 11. Sed verisimilius est, Elisah, Tharsis, Cithim, Dodanin, occupasse & incoluisse omnes insulas AEGÆI, Ionii, & Carpathii maris, quæ sunt innumere.

V. 6. CHUS. Aethiopes Africani sub Aegypto, & magnum illud Abyssinorum imperium. Vide Antichristum Lib. VI. cap. xviii. MESRAIM. Aegyptii. omnium consensu. Vide Antichristum Lib. VI. cap. xvi. PHUT. Libya, seu utraque Mauritania Tingitana, & Cæsariensis, Getulia, Numidia. Veteris nominis vestigium extat in regno Fessensi. Vide Antichristum Lib. VI. cap. xvi. Alii *Phut* sunt Trogloditæ.

V. 7. SABA. Hebr. *Seba* cum *Samech*. Aethiopia Abyssinorum, ubi regia Saba. Alii regio Sabæa Arabiæ, propior sinui Arabico. Vide Antichristum Lib. VI. cap. xxvii. HEVILA. Arabiæ pars, quam incoluerunt Ismaelitæ & Amaleitæ. Genes. xxv. 18. & I. Samuel. xv. 7. Alii Getulia in Africa. Quidam *Sufanem*, putantque eam esse Genes. ii. vers. 11. de qua Vide Paradisum nostrum, cap. xli. SABATHA. Divinant esse imam regionem Arabiæ Felicis proximam sinui Arabico, ubi urbs Sabathra, de qua Plinius Lib. VI. cap. xxviii. Iosephus Altabarros vocat. Si sunt ad flumen Altabarum habitantes, erunt in Aethiopia. Quidam Strabonem Ptolemæi super sinum Persicum putant. REGMA. Populos Arabiæ Felicis volunt esse ad sinum Persicum, ubi Regamam urbem ponit Ptolemæus. Alii hariolantur Carmanism. SABBATHACHA. Regionem somniant Arabiæ Felicis sub sinum Persicum, ubi sunt Sachelitæ Ptolemæo. SABA. Hebr. *Scheba*, cum *Scin* dextro. Sabæa regio Arabiæ Felicis thurifera & myrrhifera sinui Persico propior. Alii Aethiopia sub Aegypto, seu Abyssinorum. Vide Antichristum Lib. VI. cap. xxvii. DEDAN. Quidam Palmyrinam regionem, in qua Alladanus, vel Aladanus mons. Alii est superior tractus Arabiæ Felicis, propinquus Regmæ. Ex variis Scripturæ locis constat, populos esse Arabiæ Desertæ, vel Petrææ in Iudæa, vel prope Idumæam, Ammonitis, Moabitibus, Ismaelitibus, Cædarenis seu Agarenis

renis vicinis, & confines. Vide Antichristum Lib. VI. cap. xxviii.

V. 8. NEMROD, *desectorem, apostatam, rebellem, desertorem*. Alii *amarum dominatorem*, id est tyrannum, interpretantur. POTENS. גִּבּוֹר *gibbor, fortis, potens, praevalidus, strenuus, verus, heros, gigas, superior*. Gigas Graecis, teste Helychio, non semper significat hominem inuolutae magnitudinis, sed interdum dynastem, sortem. Omnes intelligunt, Nemrod fuisse primum qui in mundo tyrannidem arripuit: nam antea hominum status mediocriter erat, ut si qui aliis praesent, non tamen dominarentur, nec sibi imperium sumerent; sed dignitate aliqua contenti, civilem in modum regerent alios, & plus in eos auctoritatis haberent quam potentiae. At Nemrod *capit esse potens in terra*; id est, coepit usurpare imperium, & dominari in alios, affectavit tyrannidem. Non aliene hic reddes: *Ipse violentavit, violavit, profanavit, vim intulit, ad esse praevalidus, superior, herus in terra*; id est, violato iure naturae, vi arripuit tyrannidem, miscuit sacra profanis, utimpararet; omnia polluit, contaminavit ut rex esset. Sic ponitur verbum חָלַל *chalal* in Hi-pli, Ezechiel. xxxix. 7. Vide supra cap. iv. vers. 26. & cap. ix. vers. 20. Aut aliter: *Ipse fistulavit, perforavit ad esse superior, herus, praevalidus in terra*; quasi dicat: Omnia fistulavit, corruptit, pertudit, perripuit, pertrebavit, ut rerum potiretur. Quidam reddunt: *Hic caput esse heros violentus in terra*. Vide supra cap. ix. vers. 20. notionem verbi *chalal*.

V. 9. ET ERAT ROBUSTUS VENATOR CORAM DOMINO. Ex verbo: *Ipse fuit praevalidus venatione, seu venationis, facibus* לְחַיָּה. Quidam, *praevalidum venationis* exponunt, gnarum venandi, astutum, probe callentem artem venandi: sic cap. xxv. vers. 27. Communiter intelligunt, metaphorice significari, fuisse Nemrod truculentum, raptorem, latronem, insidiatorem, captozem, & oppressorem hominum; qui homines ut feras capiebat, & opprimebat. Possis exponere, *praevalidus latrocinio*: quod magno satellitio, & militibus mercede conductis succinctus incederet, stipatus cohorte quasi praetoriana; quos antiqui latrones, quasi laterones, quod circum latera regibus obambulant, dixerunt. Recte quoque vertes, *fortis latro*. Venatorem

latronem appellat Maro XII. Aeneidos:

... . *huncque latronis*

Impavidus frangit telum.

Verbum לָטֵד *latrocinari, a latere, insidiari, venari*, significat. Sed Nemrod latro, grassator, insidiator erat, qui latrocinia exercebat, & manifestam tyrannidem profitebatur. CORAM DOMINO: *facibus*, seu *ad facies Effentii*. I. Per summam impudentiam & Dei contemptum. Hispanice: *Alas barbas de Dios*. Vide cap. xvi. vers. 11. II. Dei praetextu, & obtentu, seu specie, & ut ita dicam, facie religionis, inducebat Nemrod suae tyrannidi Dei faciem, quasi id Deus vellet, iuberet: multa Nemrod ad stabiliendum suum principatum constituebat, hominibus persuadens, quod ea grata & accepta Deo essent; ut Numa faciebat. Nihil aequae continet atque cohaerere facit caeteris humanos uti religio. III. *Coram Domino*, id est sub caelo, ut sit hyperbole, atque per excellentiam fortissimus fuerit omnium hominum qui sub caelo erant, ut nullus ei opibus, potentia, robore esset aequalis. IV. Ut illud *coram Domino*, indicet, quod Nemrod superbia ac vecordia se voluerit supra omnes efferre, & reliquos omnes quasi ex nubibus despicere: ut sit simile illud Maronis Ecloga V.

Sub pedibusque videt nubes in sidera Da-phnis.

V. Exile est quod quidam exponunt, *vere, revera*: quod Deus aestimet res ex vero & solido. Hos duos versus fuisse exposuimus in Antichristo Lib. VI. cap. vi. О В НОС ЕХИВІТ ПРОВЕРБІУМ. Hebr. *Super sic dicitur*. Quidam ita resolvunt: Nemrod potens, & imperiosus fuit, ut dicere liceat, quemlibet violentum tyrannum, esse alterum Nemrod. Melius Noster intellexit: inde factum tritum sermone proverbium de tyrannis & oppressoribus, aut de fortissimis quibuscumque heroibus, eos esse similes Nemrod. Neque dubitandum quin Deus primum tyrannidis auctorem odioso & invidioso per omnium ora traduci voluerit.

V. 10. PRINCIPUM REGNI EIUS. Sedes imperii, seu caput regni eius Babylon: cui etiam quatuor urbes subiectas memorat Moses, sive quod Nemrod eas conderit, sive quod iustis earum dominis pulsas eas occupavit. Existimo post aedificatam turrem & urbem Babel, & post linguarum confusionem, quam describit cap. sequenti,

ri, Nemrod sedem constituisse imperii sui in Babylone; sed Moſen hic per proleptin narraſſe regnum Nemrod, quod de eo obiter incidisset ſermo. ARA CH, Edeſſa, urbs Meſopotamiæ. Alii Cyrræſthica regio Cœles Syriæ, Polybio, Plinio, Ptolemæo. ACHAD, Niſibis, nota & ſamoſa urbs, ſtationem, ſeu ſtationem militarem Hebraice ſonant. Aliis Achabene, ſeu Achadene regio Meſopotamiæ Ptolemæo. Vide S. Hieronymum in Traditionibus, & in locis Hebraicis, & Eusebiana Scaligeri, pag. 236. CHALANNE, Seleucia, ſeu Cteſiphon. Aliis Calcitis regio ſuper Edeſſam Ptolemæo. Tremellius, & Iunius. Oppidum Calliſum, munimentum robuſtum, & commercandi opimitate gratiſſimum, inquit Ammianus Lib. XXIII. cap. VI. a commoditate & perfectione habitationis dictum hic, & Amos VI. verſ. 2. Alii Agrani eſſe putant, oppidum magnum Euphrati impoſitum, quod diruerit Perſæ, ut ait Plinius Lib. VI. Naturalis Hiſtorie, cap. XXVI. Seleuciam Hieronymus, Cteſiphontem Ieroſolymitanus Paraphraſtes vertit. Sed oppidum hoc Tranſſigritanum eſt, quod huic loco non ſatis convenit. SENNAAR. Singara urbs Meſopotamiæ, a qua parſ campeſtrum Meſopotamiæ dicta Singarena Sexto Ruſo in Breviario imperii cap. XXVII. Ex hac putant quidam ortos erroneſ illos, quos Itali Singaræ, nos Oitanos vocamus. De Sennaar plura habes in Antichriſto Lib. IV. cap. XVII. & Lib. VI. cap. VII.

V. 11. DE TERRA ILLA EGRESSUS EST ASSUR. Nefcio cur hunc Aſſur alium faciant ab Aſſur filio Sem, infra verſ. 22. Ille enim eſt qui condidit Aſſyriam. Sed Moſes uſus eſt hic proleptin, occasione novi imperii Babylonii, loquendi de Aſſyrio, quod inde ortum. Unde exponunt I. per occasionem hic verba fieri de Aſſur filio Sem, quod, cum habitaret in viciniis Nemrod, violenter inde expulſus fuerit, ut hoc modo barbaram ferociam Nemrod nominaret Moſes. Alii volunt, non violenter fuiſſe expulſum; ſed cum eſſet Aſſur vir pius, ne cum homine impio habitaret, ceſſiſſe illi, cum videret eum affectare tyrannidem. Vide Michææ v. 6. II. Alii legunt: Ex hac regione egreſſus eſt (ſcilicet Nemrod) in Aſſyriam. ut eant ſcilicet ſubiugaret, & imperii ſui fines propagaret. Ut hic Aſſur non ſit nomen proprium viri, ſed regionis ſic ab ipſo denominatæ, & Aſſur ſit accu-

ſandî caſus, pro Aſſurab cum He locali; vel Le Aſſur. Ita ſenſus erit, Nemrod amplo & opulento regno non contentum, longius ſua cupiditate vagatum eſſe, & protuliſſe imperii ſui fines atque in Aſſyriam, & illic quoque novas condidiſſe urbes. Cave probes hanc interpretationem, quæ tibicine fulciente indiget.

Notant, hic egreſſi, vel egredi, eſſe vel in expeditionem, vel ad quærendas novas ſedes, & colonias deducendas. De bello, Zachariæ XIV. 3. Egreſſus eſt Dominus & pugnavit in gentes. Habacuc III. 17. Egreſſus es ad ſalutem populi tui. II. Samuel. XI. 1. Quo tempore egrediuntur reges, ſcilicet in expeditionem. Iſaiæ XLII. 13. Dominus ut robuſtus miles egreditur. Pſal. LIX. 12. Non egredieris Deus in exercitibus noſtris.

ET PLATEAS CIVITATIS. Hebr. עִיר רֶחֱבֹבֶה rechoboth ghir, putant eſſe nomen proprium urbis, vel Rechoboth urbem. Volantque eſſe Orobam ad Tigrim, cuius meminit Ptolemæus. Noſter pro appellativo cepit, & ſingulariter plateas nominavit, quod urbi Nineveh ampliſſimas & latiſſimas plateas extruxerit. Alii reddunt: Et latitudines, amplitudines civitatis, quod Nineveh ampliſſima urbs ſupra modum fuerit, ut verſi ſequenti dicit. CHALB, putant eſſe Calacinam Aſſyriæ regionem apud Ptolemæum, quam Strabo appellat Chalanam.

V. 12. RESEN, urbem eſſe aiunt Adiabenes, Beſarany fortaſſe: Baſſora hoc tempore notiſſima. Gehiagam appellat Beniamin Tudolenſis in ſuo itineralio. HÆC EST CIVITAS MAGNA. De Nineveh intelligunt omnes. Et proſani, & ſacri ſcriptores magnitudinem & amplitudinem Nineveh mirifice prædicant. Vide Iſaiæ III. 3. Alii ad Reſen referunt; quali dicat: Eſt Reſen ſita eſſet inter Nineveh & Chala ingentes & populofas urbes, non tamen aut exigua, aut inſignis; ſed magna etiam, & populo plena fuit.

V. 13. LUDIM. Nominibus his pluralibus filiorum Miſraim, non tam filios ipſos Miſraim recenſere voluit, quam provincias, populofque qui a filiis illis propagati, & denominati ſunt; perinde ac ſi diſſer: Gemait Lud, & quos denominati ſunt Ludim: & ſic de aliis. Opportune hic ſubiocorrobora S. Hieronymi: Exceptis Laabim, & quos Libyer poſtea nominati ſunt, qui prius Phutii voca-

voca-

vocabantur, & Chasleim, qui deinceps Philistin appellati sunt, quos non corrupte Palaestinos dicimus: cetera sex gentes ignota sunt nobis: quia bello Aethiopico subversae, usque ad oblivionem praeteritorum nominum pervenire. Possederunt autem terram a Gaza usque ad extremos fines Aegypti. Sed conantur aliqui praefica nomina recentioribus restituere. Ludim, Ludaeos vocant ad discrimen Lydorum, ubi regnavit Cræsus: infra vers. 22. Cyrenaeos exponunt. Alii Libyes proprie dictos, a quibus Libya regio. Nonnulli Marcoticæ praefecturae incolae in Aegypto. Veteres, Lydos Asiae. Plurali forma tantum occurrit hic, & Jerem. XLVI. 9. ubi Aethiopiis & Libys coniunguntur, & a sagittandi peritia commendantur. אֲכַמִּים, quidam Troglodytas. Alii, Melammones, qui postea Nasamones Plinio, Ptolemæo, & aliis. Nonnulli Pentapolitas, sive Cyrenaeos, ubi Ammonis Iovis oraculum. עֵינַן גְּחַמְנִים, oculum, seu fontem aquarum interpretantur, quod in Cyrene sit fons ille solis admrandus, quem nocte fervet, & meridie riget, quem describunt Mela Lib. I. cap. VIII. Plinius Lib. II. cap. CIII. Solinus cap. xxx. Nec desunt qui putent Ammonios, seu Hammanientes Plinii, & Solini. Veteres, Πανφυλιος, LEHABIM, Libyam, quæ continet Cyrenaeicam & Marmaricam, Aegypto proximam. Vide Antichristum nostrum Lib. VI. cap. XVII. NEPHTHUM, quidam Africam minorem, & Numidiam. Alii, Aethiopes Aegypto conterminos, ubi urbs Naphata, seu Napata, Straboni, Plinio, Ptolemæo. Veteres, Figabios intelligunt, quos ego nescio.

P. 14. PETHRUSIM. Non dubito huius singulare esse פֶּתְרוֹס Petros, quod exat Isaie XI. 11. Jerem. XLIV. 1. Ezechiel. XXXIX. 14. & XXXIX. 14. Hic quidam Palaestinos exponunt, alii Pharusios, seu Pharusios, Libyæ seu Aethiopiæ populos, Straboni, Mela, Plinio, Ptolemæo. Nonnulli, Parthos: plures, Arabes Petraeos, seu Arabiam Petraeam, cuius metropolis Petra. Plinius Lib. VI. cap. XXIX. Phthurim oppidum Candacis reginae Aethiopum, expugnatum a Pub. Petronio Aegypti Praefecto sub Augusto, memorat. Et cap. XXVIII. Parthos supra Sufianos in Perside collocat. Veteres, Lydos hic putant. Vide Antichristum Lib. IV. cap. XVII. CHASLUIM. Cassioidem re-

gionem in introitu Aegypti, apud Ptolemæum voluit. Alii Saracenos existimant. DE QUIBUS EGRESSI SUNT PHILISTHIM; id est, ex quibus orti, vel ducti in colonias Palaestini. Istud non ad antecedens Chasluim, sed ad subsequentes Capthorim retulcrim propter discreta loca Jerem. XLVII. 4. & Amos, IX. 7. ubi dicitur Philisthim esse colonias deductas ex Capthorim. Heb. Et Casluhim, qui exierunt de ibi Philisthim, & Capthorim; id est, & Capthorim, ex quibus exierunt Philisthim. Videntur verba traiecta. Quidam פְּלִשְׁתִּים Pelishim dictos putant, quasi involutos in cineribus, id est implicitos curis saeculi. Annotant, tenuisse Philisthaeos regionem maritimam ad occidentem Iudææ: quæ ab illis Pelisib est dicta: in qua ut quinque fuerunt satrapiae, ita iuxta numerum earum, quinque etiam metropoles fuisse, Azotum, Gazam, Askalonem, Geth, & Accaronem; ubi satrapæ seu reguli ipsorum sederunt: Iosue XIII. 3. Vide Palaestinam descriptam a Plinio Lib. V. cap. XIII. Ptolemæo Lib. V. cap. XVI. CAPHTORIM. Cappadoces, & Cappadociam interpretatur Nolter, Deuter. II. 23. Jerem. XLVII. 4. Amos IX. 7. & id omnes amplectuntur. Ut distinguant a Melch, Cappadocius Ponticis, de quibus vers. 2. hic Cappadoces Tauricos, sive ad Taurum accipiunt. Vide de duplici Cappadocia Strabonem Lib. XII. pag. 368. & me in Antichristo Lib. VI. cap. XXI. Veteres hic Cilices exponunt. Quidam hariolantur Sethroiten nonon, seu praefecturam Aegypti, cum finitimis, de qua Strabo, Plinius, Stephanus, Tremellius, & Iunius hunc locum ita accipiunt: Et Chasluchoes, unde egressi sunt Pelisibthai, & Capthorai, Casluchoes, Cassioidis ad ingressum Aegypti incolae. Unde egressi sunt Pelisibthai, id est, a quibus coloni in terram propinquam migraverunt, qui vulgo Palaestina dicitur. Atque hic quidem traiectionem antea esse putavimus ex Deuter. II. 23. Jerem. XLVII. 4. & Amos IX. 7. sed illa mihi nunc videtur durior, & ad locorum istorum interpretationem minime necessaria: hæc enim dicuntur synecdochice iudicio meo, in hanc sententiam: Capthoræos ad Casluchoes, id est, Cassiotos venisse: nam illic iter est petentibus Palaestinam: inde utrosque coniunctis viribus, sed principibus auctoribusque Capthoræis in Palaestinam irrupisse. Et Captho-

thorae, *Setbroitidis praefectura incolae*, eorumque finitimos *Ierosolymitanus*, & *Hieronymus* quare exponunt *Cappadoce*, non video. At nos recte videmus. Vide *Ierem.* xlvii. 4.

Verf. 15. HETHAEUM. Occurrunt hic decem nomina gentium posterorum Chanaan, quae terram Chanaan, quae postea terra promissa & sancta nuncupata fuit, incoluerunt: quarum infrequentissima mentio in Sacra Historia praesertim in libro Iosue. Sed hic, quia prima earum incidit mentio, breviter dicentur. *Hethaei* tenuerunt partem terrae Chanaan versus ortum Sidonis proximam, usque ad montem Gelboe. Iuxta Hebron & Bersabee, eos fuisse putant alii. Vide *Iosue* 1. 4.

V. 16. IEBUSAEUM. Ierusalem, & loca proxima infedit, *Iosue* xviii. 28. *AMORRHAUM.* Magis ad austrum, & mediterranea loca proxima Arnon, & Morbarum finibus, seu Arabiae coluit, *Numer.* xxi. 11. *GERGSAEUM.* Hos *Mattheus* cap. vii. 28. *Geralenos*, seu *Gergesenos* vocat. Iuxta stagnum Tiberiadis, seu mare Galilaeae fuisse, *Eusebius*, & *S. Hieronymus* autumant: qui rursum haec de illa: *Gergasi civitas trans Iordanem iuncta monti Galaad, quam tenuit tribus Manasse.* Et haec esse nunc dicitur *Gerasa* urbs insignis Arabiae. Quidam autem ipsam esse *Gadaram* existimant. Sed & Evangelium meminit *Gerasenorum*.

V. 17. HEVAEUM. Horum metropolim & regalem urbem fuisse *Gabaon*, *Eusebius* & *S. Hieronymus* annotant. Non procul ab *Ierosolymis* aberat *Gabaon*, auctore *Iosue* Originum Lib. V. cap. 1. *ARACAEUM.* *Iosephus*: Arcen urbem in Libano sitam obtinuit. Ex quo & *S. Hieronymus*: Qui *Arcas* condidit oppidum contra *Tripolim* in radicibus Libani situm. *SINEAEUM.* *Hieronymus*: Ab oppido *Arcas* haud procul alia civitas fuit nomine *Sin*, quae postea vario eventu subversa bellorum, nomen tantummodo loco pristinum reservavit. Quidam *Caparorthe* incolam exponunt, quae urbs *Ptolemaeo* in *Idumaea* non procul a Iebus, meridiem versus. Nonnulli habitasse tradunt in Septentrionali Arabiae Deserta parte, & *Ierosolymae* versus meridiem. Alii somniant, *Sin*zuum *Hethaeo* ulteriorem versus ortum fuisse ad Iordanem fere. Huius nullibi alibi extat mentio nisi *Isaiae* xli. 12. ubi plurale *Sinim*, legitur. Per febrem delirant

qui hic *Sinos* populos extremi orientis intelligunt; cum hic diserte Scriptura dicat esse populos Chanaanorum.

V. 18. ARADIUM. *Iosephus*: *Aradum insulam obtinuit.* *S. Hieronymus*: *Aradii sunt qui Aradum insulam possederunt angusto freto, a Phoenices littore separatam.* Addunt alii & *Antaradum* Syriae urbem *Plinio*, *Ptolemaeo*, & aliis. Nonnulli divinant, *Aradium* ultra *Hevaeum* & *Amorrhaeum* vastae solitudinis *Cades* vicinam regionem incoluisse. *Ezechiel.* xxvii. 8. *Sidonis* coniunguntur, & insulares esse videntur: *Habitatores Sidonis* & *Aradii fuerunt remiges tui.* *SAMARAEUM.* *S. Hieronymus*: *Samaritae, quibus Edessa nobilis Syriae Cades civitas.* Quidam hariolantur, *Samaraeum* concessisse geminos montes *Sanir* inter *Girgazeos*, *Sinzeos*, *Hethaeos*, *צמראים*, *Tzema-raim*, urbis in Tribu *Beniamin* sit mentio *Iosue* xviii. 22. & montis in *Ephraim* II. *Paralipom.* xiii. 4. Nomen habet a *lanicio*, seu *lanificio*, quod forte in ea regione exercebant, quasi dicas *Lanarios*. *AMATHAEUM.* *Iosephus*: *Amathus vero Amatheni habitavit, quae adhuc extat, & ab arcolis Amathae vocatur: tamen hunc Macedones Epiphaniam ab uno e regum successoribus denominaverunt.* *S. Hieronymus*: *Amath usque ad nostrum tempus tam a Syris, quam ab Hebraeis, ita ut apud veteres dicta fuerat, appellatur. Hanc Macedones, qui post Alexandrum in Oriente regnarunt, Epiphaniam nuncupaverunt.* Et in ix. *Zachariae*: *Emath ipsa est quae ab Antiocho Epiphane condita, ex eo nomen accipiens, dicta est Epiphania; & nunc Syriae Cades est civitas.* De qua *Plinius* Lib. V. cap. xxxiii. xxiv. *Ptolemaeus* Lib. V. cap. xv. *Beniamin* *Tudelessis* in *Itinerario*: *Amath ingressus sum, antiquum nomen retinentem, sub Libano monte sitam, secundum fluvium labok.* Quidam hic *Amathaeum*, regionem a Libano ad *Abariam* usque porrectam accipiunt. De *Emath* disserui in *Antichristo* Lib. IV. cap. xvii.

V. 19. A SIDONE. Vide infra cap. xli. *verf. 19. GERARAM.* *Eusebius*, & *S. Hieronymus*: *Gerara, ex cuius nomine nunc Geraritica vocatur regio trans Daroma, procul ab Eleutheropoli viginti millibus & quinque, ad meridiem. Erat autem olim terminus Chanaanorum ad Australem plagam, & civitas metropolis Palaestinae. Scriptura commemorat, fuisse eam inter Cades & Sur; hoc est, duas*

solitudines, quarum una Aegypto iungitur, ad quam populus trans fretum rubri maris pervenit: altera vero Cades usque ad Saracenum cretium extenditur. Vide cap. xx. vers. 1. GAZAM. Eusebius, & S. Hieronymus: Gaza civitas Hevæorum in qua habitavere Cappadoces, primis cultoribus intersecit. Apud veteres autem erat terminus Chananæorum, iuxta Aegyptum. *Est usque hodie insignis civitas Palestina.* Vide Deuteronom. 11. 23. urbs sacris & profanis auctoribus celebrata, Alexandri Magni præsertim obfisione. Curtius Lib. IV. Vide Iosue x. vers. 41. LE SA. S. Hieronymus: *Isa ipsa est, quæ nunc Callirhoe dicitur, ubi aquæ calide prompentes, in mare mortuum defluunt.* Callirhoe ultra Iordanem esse, diserte affirmat Iosephus Lib. XVII. Originum, cap. viii. & I. Belli, cap. xxi. De qua vide Plinium Lib. V. cap. xvi. 24. Solinum cap. xxxviii. Ptolemæum Lib. III. cap. xvi. Quidam *pulebras* aquas interpretantur.

Vers. 21. DE SEM QUOQUE NATI SUNT, &c. Turbatum & traiectum ordinem huius versus in Hebraico, ut alii concinent, apud ipsos videre libeat: ego sic exprimo: Et ipsi demo fratri Iapheth maiori, vel maioris, natus est ipse qui fuit pater omnium filiorum Heber. Nimirum natus est Heber, qui fuit pater omnium eorum, qui dicti sunt Hebræi: ut pater omnium filiorum Heber non Sem sed Heber dicatur: ut hæc illustri appellatio ei potius competat qui nomen posteritati indidit: & illud, *natus est*, de abnepote dicatur, ut vers. 24. dicitur de nepote: nam Sela fuit nepos Arphacsad ex filio Kainan, uti dicemus cap. xi. vers. 12. PATRE OMNIUM FILIORUM HEBER. Ingens pugna doctorum, unde dicti sint Hebræi. Primus hoc nomine dictus reperitur Abraham, infra cap. xiv. vers. 13. Quidam existant sic vocatum initio a Chananæis & Phœnicibus, quod ex Mesopotamia, ubi habitaverat, traiecto Euphrate in Chananæam commigrasset; quasi dicas, Transiorem, Traiectorem, Peratrem, Transfluvialem, Transseuphratensem, uti dicimus Transpadanum. Transrhenum: atque hanc appellationem posteris hæsisse, ut nominarentur Hebræi, id est Transitores, Transfluviales, quo nomine etiam Aegyptii, & alii gentiles eos nuncupant. Vide Iosue xxiv. 2. Alii nomen gentilitium ab ipso

Heber abnepote Sem ductum arbitrantur: quam sententiam potiorē duximus in Antichristo Lib. VI. cap. iii. FRATRE IAPHETH MAIORE. Non levis quæstio, quis maior natus fuerit Sem, an Iapheth. Hebræa ambigua sunt, & hic æque reddi possunt, *maior*, ut ad Sem referatur, vel *maioris*, ut ad Iapheth. Consulto nos in re incerta ambiguitatem in nostra Translatione retinimus. Sed rationem accentuum. Hebraicorum, & fidem propæmodum historiæ sequuti, imus magis in sententiam LXX. veterum Patrum, & Hebræorum, qui Iapheth maiorem faciunt. Noe 500. anno vitæ suæ incipit gignere, cap. v. 31. Sem biennio post diluvium erat 100. annorum, cap. xi. 10. est is annus vitæ Noe 602. cap. vii. 6. non ergo Sem primus, aut natus maximus. Cham primus aut maximus esse non potuit, cap. ix. 24. iam igitur Iapheth natus maximus. Scio ut hæc eludant alii, sed hoc est simplicius; nec abluat ab iis Noëter, qui possit exponi, *fratre Iapheth maiore*, existente, ut fit ablativus absolutus.

V. 22. AELAM. Elymæi, præcipui Persarum, quorum metropolis Suia, Daniel. vii. 2. Elamitas Lucas appellat, Act. 11. 9. quos Parthis, Medis, & Mesopotamiis coniungit. Vide Antichristum Lib. IV. cap. xvii. Aiunt esse intus in superiore parte Persidis versus Mediam. Vide in Ierem. xi. 11. 34. ASSUR. Assyria, sic a conditore dicta, supra vers. 11. Vide Lib. III. de Antichristo, cap. xii. ARPHAXAD. Chaldæi, Iosepho, S. Hieronymo, & aliis. Quidam Sufianos, & Sufianam regionem volunt. LUD. Lydia, Asiæ minoris regio, in qua quondam imperavit Cræsus. ARAM. Syria, Iosepho, & Sancto Hieronymo, atque aliis. Quidam Armeniam Maiorem interpretantur, sumpto argumento & a similitudine vocabuli, & ab etymo: nam Aram *cellam* significat: Armeniam autem cellissimam terrarum esse, illud evincit, quod in montibus eius subsidente diluvio, arca Noe confederit. Vide cap. viii. vers. 4. Porro annotant, Amos ix. 7. referri, translatos populos ex Kir in Aram, seu Armeniam; quæ Kir, si non est illa in Assyria, sed quæ in Moab sita est, in qua est provincia Sur, sequi certo ex illo eventu postea appellatam Sur, sive Syriam, eam quæ prius Aram, sive Armenia dicebatur; quamquam adhuc aliqua pars Armeniæ primævum no-

men

men retinuerit. Aliis ista sunt incerta. Ceterum Aram esse Syriam non Armeniam, præter Scripturæ irrefragabilem auctoritatem, docet & Strabo Lib. XIII. qui ait Syros suo tempore Aramæos vocari. Et in calce Lib. XVI. annotat, Pofidonium tradere Syros ab Homero Arimos appellari. Verba Strabonis sunt, Lib. I. pag. 43 *Qui enim a nobis Syri, ii ab ipsis Syris Aramei dicuntur.* Et Lib. XIII. pag. 627 *Syri, qui nunc Arami dicuntur.* Et Lib. XVI. pag. 784. Nominat etiam Arimos Homeros, quas Pofidonius docet esse accipiendos non locum aliquem Syriæ, vel Ciliciæ, vel alius terræ; sed Syriam ipsam: Arime enim sunt, qui in ea habitant; & fortasse Græci eos Arameos, vel Arimos vocabant. Syriam sane a Sur, ut Assyriam ab Assur credibile esse appellatam postea. Nec desunt qui ab Aram nepote Nachor fratris Abraham, Syriam denominatam velint: Genes. xxii. 21. Aram in Scriptura Syriam esse, non est dubium. De variis Aram, seu Syriæ nominibus & regionibus, suis locis, uti occurrent, dicemus. *Syria*, inquit Plinius, Lib. V. cap. xii. *quondam tertiarum maxima, & pluribus distincta nominibus.*

V. 23. U. S. Iosephus: *Ufus habitator Trachonitidis fuit, Damascus conditor: ea fuit est Palestina inter & Syriam apponunt Cæsen.* S. Hieronymus: *Huz Trachonitidis & Damascus conditor, inter Palestinam & Cæsen-Syriam tenuit principatum: a quo LXX. Interpretes in libro Iob, ubi in Hebræo scribitur terra Huz, regionem Aushildem, quasi Hushitidem transfulerunt. Quidam Trachonitidem Aushitidem. Alii Armeniam minorem, ridicule. H u l. Iosephus: Hulus Armeniam tenuit. S. Hieronymus: Hui, a quo Armeni. Aliis est Acolis Asiæ minoris regio. Quibusdam Palmyrene ad Euphratem usque, ubi oppidum Cholte Ptolemæo. G e t h e r. Iosephus: Oetheres Baſtrianos tenuit. S. Hieronymus: Gether, a quo Acarnanii, sive Carii, aut Cares. Excerpta Latino-barbara Africani & Eusebii, Golphinius exponunt, quam gentem nescio. Quidam Aetholios putant, Achaiz regionem, & prope Gargaram Aetolorum Coloniam, Melæ Lib. I. cap. xvi. Alii Apamenes, ubi Atargatis culta. Vide Plinium Lib. V. cap. xxiii. Nonnulli Getas prope Thraciam, seu Gothos. M e s. Iosephus: Mesas vero Mesaneos tenuit; nunc Pafni castrum voca-*

tur. Sufianæ oppidum Ptolemæo, Pafines, seu Spafine Plinio, Pafine Arriano. S. Hieronymus: *Porro Mes, nunc vocantur Mænes.* Mænia Asiæ regio Straboni, Plinio, Ptolemæo, & aliis. Quidam Myſiam, seu Mæſiam. Aliis Mes est superior traſusyriæ inter Ciliciam & Mesopotamiam, ad partem usque Amani montis, quem Mafium vocant. Sunt & Mafii Persiæ populi, apud Herodotum. Sunt & Mafianæ gentes inter Cyphen & Indum flumina, Straboni. Est Mes fluvius Corasenzæ regionis in oriente, quem nemo præter Alexandrum adiit, ubi adamas reperit, teste Serapione. Sed hoc est in vocum similitudine divinare.

V. 24. ARPHAXAD GENVIT SALE, per interiectum Kainam. Vide cap. sequens, vers. 12.

Vers. 25. PHALEG: eo quod in diebus eius divisa sit terra. Vide cap. sequens, vers. 1. 7. & seq. videtur Phaleg natus eo tempore quo terra dispersita in varias linguas, & habitationes. Vel Heber vir pius, vaticinio indidit filio nomen, a re quæ ætate eius eventura erat.

Vers. 26. IECTAN GENVIT ELMO D A D. De quatuordecim his gentibus, quæ hic subiiciuntur, Iosephus: *Hi a Cophene fluvio Indiæ ad Assyriam usque habitant.* S. Hieronymus in Traditionibus: *Harum gentium posteriora nomina invenire non potui; sed usque in præsens, quia procul a nobis sunt, vel ita vocantur ut primum, vel quæ immutata sunt, ignorantur. Possederunt autem a Cophene fluvio omnem Indiæ regionem, quæ vocatur Ieria. Et in locis Hebraicis: Fuit autem unus de posteris Heber, nomine Ophir, ex cuius stirpe venientes a fluvio Cophene usque ad regionem Indiæ, quæ vocatur Ieria, habitasse refert Iosephus: a quo putor regionem vocabulum consequutam. Et in eisdem locis: (Sed & unus de minoribus Noe, Evilah dictus est: quem Iosephus refert cum fratribus suis a flumine Cophene, & regionem Indiæ, usque ad eum locum, qui appellatur Ieria, possedisse.) In Antichristo Lib. IV. cap. xxxv. in Iosepho pro Assyriam, & in S. Hieronymo, pro Ieriam, emendavimus Seriam, vel Sericam, unde Seres populi Indiæ orientalis geographis notissimi. Nam alioqui Ieria est nihil vocabulum, nec apud ullum Auctorem inter Indiæ regiones numeratur. Vide etiam Parad. um nostrum, cap. xli. Certumque est Semi filios; ac posteros hic*

X 2 enume-

enumeratos, incoluisse Asiam orientemque ab Euphrate usque ad Indicum Oceanum. Iosephus: *Seme vero filii Asiam usque ad Indicum Oceanum incoluerunt: ab Euphrate propagande dititionis initio facto*. Hoc ipsum docent S. Hieronymus in Traditionibus, & S. Epiphanius in Anchorato, pag. 1022. Excerpta Eusebiana, & Africana: *Est autem habitatio filiorum Sem, in longitudine, India usque Rhinocerotum. Latitudo a Perside & Baëtris usque in inferiorem Indiam, nempe Arabiam Felicem*. Sed vide quo progressa est quorundam vanitas, in assignendis vetustissimis & obscurissimis hisce gentibus, novis nominibus. *Idan* putant esse novi orbis Coloniam ingentem peninsulam, seu promontorium Iucatan, oppositum Floridæ, nullo alio indicio nisi similitudine vocis. *ELMODAD*. Themeothas, seu Thethimontas exponunt Sarmatiz Asiaticæ Pomponio, & Ptolemæo. Alii Emodios montes Ptolemæo. *SALEPH*, Selebios volunt. Excerpta, Baëtrianos. *ASAR-MOTH*, Sarmatas, seu Sauromathas putant. Alii Carmaniam. *IARE*, Ariam, & Arachosiam, Melæ, Ptolemæo: vel Zarathas Ptolemæi.

Verf. 27. *ADURAM*, Hircaniam existimant. *UZAL*, Oziam Baëtrianam, vel Oxianosogdianæ regionis Ptolemæo. *DE-LA*, Scythiam intra Imaum. Excerpta, Gedrosiam.

V. 28. *EBAL*, Bolitas, sive Obelitas intra Caucasum & Paropanysum montes, Ptolemæo. Excerpta, Scythas. *ABIMÆL*, Imaenses sive Imaos quorum est mons insignis Imaus in India ad mare Eonm. Excerpta, Hircanos. *SABA*, Sacas, Pomponii, & Ptolemæi, Strabonis, Plinii, & Diodori.

V. 29. *OPHIR*, volunt esse *Peru*, seu *Teruniam*, ingentem novi orbis regionem. Quam sententiam improbavimus in Antichristo Lib. IV. cap. xxxix usque ad xxxvii. inclusive, ubi docuimus Ophir esse amplissima regna Pegusia, Malachiam, Somatram, & immensam illam oram maritimam & Orientalem Sinus Gangerici. *HEVILA*, longe hic diversus ab illo de quo *verf. 7.* Hunc incoluisse volunt Indiam orientalem, & Gangericas regiones, fortasse Bengalam, & totam occidentalem oram Sinus Gangerici. Quidam existimant, Hevilah esse Indiam intra Gangem, & Ophir Indiam extra Gangem. Vide Paradisum nostrum,

cap. xli. & Lib. IV. de Antichristo, cap. xxxv. Ridicule quidam hanc distinguunt ab ea de qua supra cap. 11. *verf. 11.* & *Sufanem* illam faciunt. *IOZAB*, hariolantur esse novi orbis occidui capæ partem, quæ Parias dicitur, Peruanae regioni sere obversam, auro, margaritisque abundantem; seu oram illam vastam Novi orbis, ab urbe Nominis Dei ad fretum Magellanicum, magno oceano quem *del Norte* vocant, adiacentem.

V. 30. *MESSA*. Eusebius, & S. Hieronymus in locis Hebraicis: *Messa, regio Indiz, in qua habitaverunt filii Idan, filii Heber*. *Melæ* sunt Indiz populi circa Indum Fluvium Plinio Lib. VI. cap. xx. Quidam hic *Melæ*, montem Masium, Amani partem intelligunt. *SEPHAR MONTEM ORIENTALEM*. Eusebius, & S. Hieronymus in locis: *Sephar mons Orientis in India, iuxta quem habitaverunt filii Idan, filii Heber: quos Iosephus refert a Cophene flumine, & Indiz regionibus usque ad id locorum pervenisse, ubi appellatur regio Ietria (lege Seria, aut Serica.) Sed & classis Salomonis per triennium hinc quedam commercia deportabat*. Quidam existimant, *Sepher* hic esse Sipharam Ptolemæo, ad Euphratem sitam coniunctam montibus Chaldææ; nam hos dici hoc loco montes orientis, ut Numer. xxxiii. 11. Vide II. Reg. xvii. *verf. 24.* Alii Imaum montem potius putant. Recentiores nonnulli somniant, esse longissimum & altissimum tractum illum omnium montium qui hactenus in orbe visi sunt. a nostris Andes dictum in novo orbe occiduo, qui a nova Hispania per angustias Panamaricas totam regionem Peruanam traiecit, ad fretum usque Magellanicum.

In exprimendis nominibus gentium & regionum, quas hoc capite descripsit Moses, certiores quos sequeremur auctores, non habuimus, Iosepho, Eusebio, S. Epiphanio, S. Hieronymo, & aliis hos sequitis; adhibuimus quoque Excerpta quædam Latino-barbara ex Lib. I. Chronicor. Eusebii; & ex Iulio Africano, quæ publicavit Iosephus Scaliger: item Collectionem quamdam ex Chronico vetustissimo sub Alexandro Severo, quam edidit Henricus Canisius, quæ quoque videtur ex Africano desumpta. Recentiores, qui his addiderunt, aut mutarunt, suo tantum iudicio, levibus & incertis coniecturis divinasse non est dubium.

Hæc

Hæc nobis commentantibus, obiit Philippus III. Hispaniarum rex, pridie Kalend. Aprilis, M.DC.XXI. qui natus fuerat Idibus Aprilis, M.D.LXXVIII. vixit XLIII. annos, XIII. minus dies.

MENOCHII.

Vers. 1. **H**OC cap. filiorum Noe generationes describuntur, & quæ ex quibusque gentes ortæ sint. Difficultas est quæ nationes nunc respondeant nominibus quæ hoc capite habentur. Sætabimur probabiliora ab aliis tradita, nam certi nihil habemus.

V. 2. **GOMER:** ab hoc nati perhibentur Gomari, seu Cimbrî, & Cimmerici. **MAGOG:** ab hoc Getæ, & Masagetæ Scythicæ gentes, & Tartari, de quibus Ezech. xxxviii. & xxxix. **MADAI:** hinc Medi. **IAVAN:** Iones. **THUBAL:** Hispani, Iberi, tam qui in Europa, quam qui ad Pontum Euxinum, sive hi ex illis, sive illi ex his oriundi sint. **MOSCH:** Moschovitæ. **THIRAZ:** Thraces.

V. 3. **ASCENEZ:** Germani. Hebræi Germaniam Hebræice vocant Askenez. **RIPHATH:** Paphlagones. **THOGORMA:** Turcæ.

V. 4. **ELISA:** Itali, vel Fortunatarum insularum incolæ, nam insulæ Elisæ dicuntur. **THARSIS:** Tharsenses. **CETHIM:** Cithii, Cretenses, Cyprii. **DO-DANIM,** quasi Rodanum: Rhodii.

V. 5. **INSULAE GENTIUM.** Hebræi omnes regiones, ad quas ex Iudæa naves itur, vocant *insulas*, sive vere sint insulæ, sive non. Ierem. xxv. 22. Sophon. ii. 11.

V. 6. **CHUS:** Aethyopes. **MESRAIM:** Aegyptii. **PHUTH:** Libyæ, & Mauritanii. **CHANAAN:** Chananæi.

V. 7. **SABA:** Abyssini, sive Arabes Sabæi. **HEVILA:** Getuli in Africa, vel gentes quædam iuxta finem Persicum, & iuxta Amalecitas. I. Reg. xv. 7.

V. 8. **NEMROD.** Vox *Nemrod* rebellis significat, & filio huic Chus apte convenit: nam Dei contemptor fuit, & hominum tyrannus. Iste coepit esse potens in terra. LXX. vertunt: *Iste erat gigas*, mole corporis, robore, audacia, superbia, crudelitate. Scholia Græca *βίαιος, violentus*.

V. 9. **ROBUSTUS VENATOR:** non tam ferarum, quam hominum, quia vi, & insidiis homines captabat, opprimebat, necabat. Itaque venator, idem est ac latro. **CORAM DOMINO:** revera talis, & eximie talis fuit. Ita Ioannes Baptista magnus coram Domino, iudicio Domini, qui falli non potest.

V. 10. **PRINCIPIUM REGNII EIUS BABYLON.** Sensus esse potest duplex: vel caput regni ipsius fuisse Babylonem; vel ab ea initium regnandi captum, inde ad alia occupanda gradum factum fuisse. Nemrod iste fuisse videtur Belus Nini pater, auctor idololatriæ. **ARACH,** Edesa. **ACHAD,** Nisibis in Mesopotamia. **CHALANNE,** Seleucia, sive Ctesiphon regia Persarum. **SENNAAR.** Sic vocatur ager Babylonici circumiectus.

V. 11. **ASSUR,** Ninus filius Nemrod, qui vocatur Assur per anticipationem, quia postea fuit rex Assyriorum. **NINIVE,** civitas Assyriorum, cuius frequens mentio in Libris Tobie, & Ionæ. **PLATEAS CIVITATIS.** In Hebræo est *רֶחֱבוֹת* *Rechoboth, civitatem*, ut vertit Pagninus; sed vox hæc Hebræa significat etiam latitudines: itaque bene Vulgatus *plateas civitatis* interpretatus est.

V. 12. **HÆC EST CIVITAS MAGNA:** non Chale, sed Ninive est civitas magna. Itaque est hysteron proteron, & ita ordinanda sunt verba: *Reben quoque inter Chale, & Niniven: hæc est civitas magna*.

V. 13. **LUDIM,** Lydi, non illi quibus Croesus imperavit, sed alii iuxta Aegyptum, de quibus Isa. xlii. 9. Ezech. xxx. 5. **LAABIM,** Libyæ in Africa. **NEPHTHUM,** Numidæ.

V. 14. **PHETRUSIM,** Arabes Petræi. **CASLUIM,** Philistii, cum quibus Iudæis perpetuum bellum. **CAPHTORIM,** Cappadoces.

V. 16. **HETHAEUM, IERUSAEUM,** &c. nomina populorum quia filii Chanaan prognati sunt. Hi sedes habuerunt in terra promissionis. **SINAEUM:** incolæ deserti, & montis Sina.

V. 18. **ARADUM.** Hinc urbes Aradus, & Antaradus iuxta Sidonem, de quibus Ezechiel. xxvii. 8. **SAMARAEUM:** incolæ urbis, & regionis Samaritæ. Samaritani. **HAMATHAEUM:** incolæ urbis Emath, quæ in Scriptura est duplex, scilicet

licet Emath maior, quæ est Antiochia, & Emath minor, quæ est Epiphania.

V. 21. FRATRE IAPHETH MAIORE. Sensus est: de Sem, qui fuit frater maior Iaphetho. AELAM: unde Elamitæ, id est Persæ. ASSUR: Assyrii. LUD: Lydii. ARPHAXAD: a quo Chaldæi. ARAM: a quo Armæi, sive Syri.

V. 24. HEBER: a quo Hebræi.

V. 25. PHALEG, EQ QUOD IN DIEBUS EIUS DIVISA SIT TERRA: Phaleg enim Hebraice idem est quod divisio.

V. 29. OPHIR, HEVILA: hinc Indii, & variz Indorum gentes.

V. 31. SECUNDUM COGNATIONES, ET LINGUAS: dicitur per anticipationem: nam varietas linguarum nondum indacta, sed tunc terra erat labii unius.

T I R I N I.

Verf. 8. **N**EMROD COEPIT ESSE POTENS, scilicet tam mole corporis, quam robore, audacia, crudelitate. Unde LXX. pro *potens* legunt *gigas*.

V. 9. HIC ERAT ROBUSTUS VENATOR, non tantum ferarum, sed & hominum, quos instar prædonis, & tyranni partim vi & armis, partim insidiis & dolo captabat, spoliabat, sibi subiiciebat, & servire coquebat. Et quidem CORAM DOMINO erat talis, id est revera, & eximie, utpote etiam iudicio Dei, qui falsi non potest.

Petes: Quis hic Nemrod? Respondeo fuisse Iovem, seu Belum Saturni filium, patrem Nini: nam in utrumque quadrant quæ de tempore, quæ de loco, quæ de tyrannide, & imperio, quæ de pravis moribus utriusque Euseb. Hieron. August. & alii Scriptores tradidere. Utrumque faciunt primum Monarchiæ Assyriacæ auctorem; utrumque primum regem, & conditorem turris, & urbis Babel, seu Babylonis; utrumque primum auctorem idololatriæ; utrumque regnasse 69. annis. Huic in imperio, & tyrannide successit filius Ninus, qui patrem suum Belum, seu Bel & Baal (nam hæc erant Nemrod's, & Iovis cognomina; quasi dicat, dominum, & dominatorem) constructo illi templo, & seculo magnificentissimo, insit publice pro

deo coli; & morum ferocia, ac gentium devictarum fama etiam superavit, teste Iuliano, Strabone, Diodoro Siculo & aliis. Hic Ninus infra verf. 11. vocatur *Assur*, quia dominus & monarcha Assyriorum, in quorum a se subactorum finibus, sibi cognominem condidit Niniven, seu Ninam, regia sua, & sede imperii in eam translata. Et plateas in ea construxit, scilicet illas latas & longas lonæ 111. itineris trium dierum. Ita S. Hieron. b & Diodorus Siculus, qui addit, ambitum murorum Ninive fuisse 480. stadiorum, hoc est 60. miliarum Italicorum c. Probabilius tamen putarim, plateas hic accipi pro nomine proprio urbis: nam in Hebræo, Chaldæo, Græco, & Arabico legimus, *Plateas civitatem*. Et I. Paralip. 1. verf. 48. etiam Hebræum nomen *Rechoboth* retinetur in Latino textu, uti & Genes. xxxvi. verf. 37. & pro civitate ponitur.

V. 14. CAPHTORIM. Hebræum nomen Deuter. 11. verf. xxiii. vertitur a Nothro Vulgato *Cappadoces*. Qui quales fuerint, ibidem exponam.

Reliqua huius capituli vide I. Paral. 1. & Chronici nostri cap. xvi. ubi ponitur arbor genealogiæ omnium Patriarcharum veteris testamenti.

(a) Euseb. in Chron. Hieron. in Qq. Hebr. Aug. Lib. XVI. de Civ. cap. vii.

(b) S. Hier. supra Diod. Lib. II.

(c) Vide Petrarum, a Lapide, Bonsestium.

G O R D O N I.

Verf. 1. **T**RIBUS his filiis sic orbem divisit Hieronymus in Quæstion. Hebr. Sem data est Asia, sed valde orientalis; Iapheth septentrionalis Asia versus Taurum montem, & Europa tota. Cham occupavit Africam totam, & a Tauro monte usque ad Arabicum Oceanum; ac proinde Babylonem, Euphratem, & Tygrim. De horum progenie vide Iosiphum Lib. I. Antiquit. Moles hic capita familiarum recenset, & aliquas inde profectas nationes. Sed quis nationes omnes (quod aliqui facere conantur) ad hæc capita pro certo reducet? Variarum gentium originem attingere conati sunt historici, partim etiam geographi, & ubi locus aliquis Scripturæ postulabat (quod falsum est) etiam Bibliorum prolixi Interpretes. Vide

Vide Tomiellum in Annal. & hic Emanuel.


V. 2. De Magog, vide Plin. in Cæleſyria, & apud Ezechiel. cap. xxxv: 11. verſ. 2. Hinc Scythæ fluxerunt.

V. 8. & 9. Nemrod ex filiis Chus. Cum vocatur venator robuſtus, designat tyrannidem. Septuaginta gigantem vocant. Sic Pſal. xc. verſ. 3. venatoris nomen uſurpatori videtur: de laqueis, inquit, venantium liberavit Deus.

V. 10. & 11. De Babylone; Aſſyriis, Ninive, & horum origine, dixi abunde in Opere Chronologico, & ibidem in Compendio Geographico.

V. 19. En terminos Chananæorum a quatuor ventis, ſeu mundi plagis designatos.

V. 24. Ab Heber dicti ſunt Hebræi, in cuius familia remanſit, & conſervata eſt lingua Hebraica.



C A P U T XI.

In turris Babel ædificatione, ſuperborum faſtus, ac lingua confunditur. Sem genealogia aſque ad Abram texitur.

Rat autem terra labii unius, & ſermonum eorumdem. 2. Cumque (a) proficiſcerentur de oriente, invenerunt campum in terra Sennaar, & habitaverunt in eo. 3. Dixitque alter ad proximum ſuum: Venite, faciamus lateres, & coquamus eos igni. Habueruntque lateres pro ſaxis, & bitumen pro cæmento. 4. & dixerunt: Venite, faciamus nobis civitatem, & turrim, cuius culmen pertingat ad cælum; & celebremus nomen noſtrum antequam dividamur in univerſas terras. 5. Deſcendit autem Dominus ut videret civitatem, & turrim quam ædificabant filii Adam; 6. & dixit: Ecce, unus eſt populus, & unum labium omnibus: cœperuntque hoc facere, nec deſiſtunt a cogitationibus ſuis, donec eas opere compleant. 7. Venite igitur, deſcendamus, & confundamus ibi linguam eorum, ut non audiat unusquiſque vocem proximi ſui. 8. Atque ita diſiſit eos Dominus ex illo loco in univerſas terras, & ceſſaverunt ædificare civitatem. 9. Et idcirco vocatum eſt nomen eius Babel, quia ibi confuſum eſt labium univerſæ terræ: & inde diſperſit eos Dominus ſuper faciem cunctarum regionum. 10. Hæ ſunt generationes Sem (b) Sem erat centum annorum quando genuit Arphaxad, biennio poſt diluvium. 11. Vixitque Sem poſtquam genuit Arphaxad, quingentis annis, & genuit filios & filias. 12. Porro Arphaxad vixit triginta quinque annis, & genuit Sale. 13. * Vixitque Arphaxad poſtquam genuit Sale, trecentis tribus annis, & genuit filios & filias. 14. Sale quoque vixit triginta annis, & genuit Heber. 15. Vixitque Sale poſtquam genuit Heber, quadringentis tribus annis, & genuit filios & filias. 16. Vixit autem Heber triginta quatuor annis, & genuit Phaleg. 17. Et vixit Heber poſtquam genuit Phaleg, quadringentis triginta annis, & genuit filios & filias. 18. Vixit quoque Phaleg triginta annis, & genuit Reu. 19. (c) Vixitque Phaleg poſtquam genuit Reu, ducentis novem annis, & genuit filios & filias. 20. Vixit autem Reu triginta duobus annis, & genuit Sarug. 21. Vixit quoque Reu poſtquam genuit Sarug, ducentis ſeptem annis, & genuit filios & filias. 22. Vixit vero Sarug triginta annis, & genuit

nuit Nachor. 23. Vixitque Sarug postquam genuit Nachor, ducentis annis, & genuit filios & filias. 24. Vixit autem Nachor viginti novem annis, & genuit Thare. 25. Vixitque Nachor postquam genuit Thare, centum decem & novem annis, & genuit filios & filias. 26. Vixitque Thare septuaginta (d) annis, & genuit Abram, & Nachor, & Aran. 27. Hæ sunt autem generationes Thare: Thare genuit Abram, Nachor, & Aran. Porro Aran genuit Lot. 28. Mortuusque est Aran ante Thare patrem suum, in terra nativitatæ suæ in Ur Chaldæorum. 29. Duxerunt autem Abram, & Nachor uxores: nomen uxoris Abram, Sarai; & nomen uxoris Nachor, Melcha filia Aran, patris Melchæ, & patris Ieschæ. 30. Erat autem Sarai sterilis, nec habebat liberos. 31. (e) Tulit itaque Thare Abram filium suum, & Lot filium Aran, filium filii sui, & Sarai nurum suam, uxorem Abram filii sui, & eduxit eos de Ur Chaldæorum, ut irent in terram Chanaan: veneruntque usque Haran, & habitaverunt ibi. 32. (f) Et facti sunt dies Thare ducentorum quinque annorum, & mortuus est in Haran.

(a) Sap. x. 5. (b) I. Par. I. 17. (c) I. Par. I. 39. (d) I. Par. I. 28. Iof. xxiv. 2. (e) Iof. xxiv. 2. Nehem. ix. 7. Iudith v. 6. (f) Act. vii. 2.

B R U G E N S I S

ROMANÆ CORRECTIONES.

Verf. 13. Vixitque Arphaxad, postquam genuit Sale, trecentis tribus annis. Alii libri, consentanei Hebræo, & Chaldæo, scribunt quadringentis pro trecentis, hoc est augmentum numero uno centenario.

NOTATIO.

Verf. 12. Hoc loco interlicet editio Interpretum lxx. generationem unam, idque ad hunc modum: Et vixit Arphaxad annos 135. & genuit Cainam: & vixit Arphaxad postquam genuit ipse Cainam, annos 430. (aut, ut quidam legunt, 330.) & genuit filios & filias, & mortuus est. Et vixit Cainam annos 130. & genuit Sala: & vixit Cainam postquam genuit ipse Sala, annos 330. & genuit filios ac filias, & mortuus est. Et vixit Sala annos 130. & genuit Heber. Hanc editionem S. Lucas tertio Evangelii sui capite (verf. 35. & 36.) ubi Christi genealogiam scribit, loquitur: Qui fuit Heber, qui fuit Sala, qui

fuit Cainam, qui fuit Arphaxad. Hæc Cainam generatio in Hebræis, Chaldæis, & Latinis veteris testamenti codicibus non invenitur; sed ab Arphaxad Sale, a Sale Heber genitus legitur: quibus Philonis, & Iosephi Iudaicæ antiquitates consonant. Procopius Gazæus, in Hebræica, inquit, „ veritas habet, Salem genitum esse ab Arphaxad: quæ enim in medio ponuntur, obelisco signata videntur. „ Merito autem existimandum est, generationem hanc, nec sine causa a lxxii. Interpretibus additam, nec sine mysterio a Moyse prætermisam; utrumque vere, utrumque prudenter factum esse; alterum & vere, & prudenter Lucam securum esse. Roccoletur conformiter ab omnibus Genes. v. 9. alius Cainam, filius Enos, pater Malaleel, quem & Lucas suo loco numeravit. Genuit autem Arphaxad secundum Hebræos, Chaldæos, & Latinos codices anno ætatis suæ 35. Sale: vixitque post genitum Sale, 403. annis. Et Sale genuit anno ætatis 30. Heber.

C O M M E N T A R I A

S A.

Verf. 1. **L** ABII UNIVS; scilicet, omnes Hebræa lingua loquebantur.

V. 2. ORIENTE, scilicet Armenia, ubi Arca subliterat.

V. 3. VENITE, pro agite dum.

V. 5. FILII ADAM, idest homines: sic filius hominis, idest homo. Adam autem positum pro hominum.

V. 7. V&=

7. VENITE. Angelis dictum, per quos Deus descendebat, & operabatur. Augull. XVI. de Civ. cap. v.

V. 9. BABEL, idest confusio, vel venit confusio.

V. 10. GENERATIONES; id est, qui originem duxerunt, seu posterii.

V. 11. FILIOS & FILIAS. Non nominantur, quia Christus non ex iis nasciturus.

V. 12. GENVIT SALE. Nota, quod LXX. inter Arphaxad & Sale ponunt Canan, magnumque annorum numerum. Vide Luc. III. Itaque cogimur dicere, deesse aliquid in nostra Editione: quod mirum non est, cum Matthæus in Christi genealogia aliquos omiserit. Quamquam dici potest, Hieronymum, cuius est nostra Editio, secutum Hebræa; quæ hic diminuta, ut alibi etiam. Vide Exod. XII.

V. 28. ANTE, idest coram, scilicet adhuc Thare vivente. UR, ita dicta, quia in valle posita. Ur enim *vallis*. Vide Isa. XXIV.

V. 29. DUXERUNT, pro duxerant. LESCHAE, scilicet sororis Melchæ. Hier. ait, Saram dictam esse Iescham, scilicet fuisse binominem. Nota, oportere secundum hanc opinionem dicere, Aran fuisse maiorem natu quam Abraham.

V. 31. HARAN, Hebr. *Charan*, a fluvio Syriæ sic dicta.

EST II.

Vers. 4. CIVITATEM, ET TURRIM, CUIUS CULMEN PERTINGAT AD CAELUM. Hic si proprie cælum intelligatur, facinus stultum, & insanæ plenum fuit. Sed satis certum est hyperbolice significatum, voluisse eos edificare civitatem, & turrim, cuius cacumen in immensam altitudinem erigeretur. Causam huius conatus reddunt quidam, ut veniente rursus diluvio haberent quo confugerent. Sed obstat, quod pauci in cacumine possint servari; tum maxime quod ipsi subdunt: ANTEQUAM DIVIDAMUR IN UNIVERSAS TERRAS: scilicet parum profuisset talis turris longe posita. Causam certam & indubitam ipsi exprimunt, cum dicunt: ET CELEBRAMUS NOMEN NOSTRUM. Causa igitur

erat superbia, & gloriæ appetitus. Atque id etiam optime convenit cum ea re quæ mystice significatur: causa enim omnium hærescon, & confusions spirituales Babylonis præcipua est superbia; actandem quibque hæreticos sequitur, ut nec sibi ipsis, nec veritati consona loquantur. Neque iuvat sententiam primam, neque etiam aliam adhuc stultiozem, quasi voluissent Deum cælo deturbare, id quod subiungitur: Nec desissent a cogitationibus suis. Venite igitur, confundamus ibi linguam eorum: nam nihil aliud significatur iis verbis, quam Deum odisse superbiam.

V. 7. VENITE, DESCENDAMUS. Non male hinc statuitur pluralitas, immo Trinitas personarum: unus enim loquitur, & ut minimum pluraliter (*Venite*) duos alloquitur. At dices, Deum loqui ad Angelos. Respondeo, nusquam reperitur sic ad Angelos locutus Deus ut dicat, Faciamus hoc aut illud; sed præcipit illis ut faciant. Et de personis Trinitatis hæc accipienda esse, convincit etiam illud Genes. 1. *Faciamus hominem*, quod sane nullo modo potest de Angelis intelligi. Descendere autem dicitur Dominus, quia peculiare quoddam operaturus erat in terra, nempe linguarum confusionem. Vide nostra in I. Sent. dist. VIII. CONFUNDAMUS IBI LINGUAM ILLORUM. Origenes in Gloss. ord. sup. num. 18. Putandum est, inquit, quod diversi Angeli diversas in hominibus linguas & loquelas operati sunt, Verbi gratia, unus uni homini linguam impressit Babylonicam, alius Aegyptiam, alius Græcam, & sic fortasse diversarum gentium ipsi principes fuerunt, qui lingue & loquela videbantur auctores. Mansit autem lingua per Adam primitus data, id est Hebræa, in ea parte hominum, qui non Angeli, aut principis, sed Dei ipsius erant portio. Sic ille. Fuit ergo hic miraculosa operatio, sed & simul punitio, ut plerique scilicet subito prioris linguæ simul obliviscerentur. Et nota, quod non obstat his quæ hoc cap. narrantur, id quod cap. præced. in fine dicitur: *Isti filii Sem secundum cognationes, & linguas*: nam id per anticipationem narratur, sicuti multa alia alibi, & illo eodem capite etiam illud de Phaleg, quod in diebus eius divisa sit terra.

V. 14. ET GENVIT HEBER. Male quidam putant, ab isto Heber, Abraham, & po-

& posteros eius fuisse vocatos Hebræos . Vide infra Annot. cap. xiv. & I. Paral. 1.

V. 26. VIXITQUE THARE SEPTUAGINTA ANNIS, & GENUIT ABRAHAM ET NACHOR, ET ARAN. Et si ex hoc ordine consequens non sit Abraham fuisse maiorem natu omnium (nam & Moyses semper Aaroni præponitur, nisi maiornatu) tamen mysterium dignitatis significari, dubium non est: & quidem Aran fuisse maximum natu, satis ex hoc ipso capite, de filiabus eius, & filio Lot indicatur, nisi forte quis dicat de diversis Aran, hoc eodem capite agi; quod tamen verisimile non est.

V. 31. ET EDUXIT EOS DE UR CHALDÆORUM. August. Quæst. xxv. in Genes. dicit Abraham in ignem a Chaldæis missum (quod cum colere noller) inde liberatum esse. Hieronymo tamen magis videtur nomen loci significari, ex quo egressus sit Abraham, Thare, & reliqui. Neque tamen hæc pugnant: locus enim ab igne dictus videtur, videlicet quod ignis a Chaldæis solemnius coleretur.

M A R I A N A E;

Verf. 1. ERAT AUTEM TERRA LABII UNIUS. Ex hac turris Babylonice ædificatione, ut Philaster ait, fabula Græcorum traxit originem, gigantes, ut bellum inferrent Iovi, montes montibus imposuisse in Macedoniæ campo Phlegra. Noti sunt Ovidii versus. Sed & tyrannorum ingenium exprimitur, qui ut se muniant adversus omnes casus, arces similes extruunt, subditis arte deceptis, eorumque sudore, & sumptu. *Labii unius*. Hæc erat Hebraica lingua.

V. 2. DE ORIENTE, id est ab Armenia, ubi constitit arca. IN TERRA SENNAAR. Chald. semper pro *Sennaar* Babylonem ponit.

V. 3. BITUMEN PRO CAEMENTO. Dicerem, pro calce, seu luto, quod *בִּיתוּמֶן* domer proprie significat: nam *caementum* parietem & rudi lapide significat, non calcem, aut lutum quo lapides iunguntur.

V. 4. ANTEQUAM DIVIDAMUR IN UNIVERSAS TERRAS. Sic posuere Sept. Vox Hebraica, *Nē forte dispergamur*: nempe ut se munirent adversus externam vim, cam turrim constituere volebant: vel ut

possent redire cum vellent, relicta ibi arce. V. 5. AEDIFICABANT FILII ADAM. Hebr. *filii hominis*: nam *Adam* est appellativum; quasi dicat, homines.

V. 7. CONFUNDAMUS IBI LINGUAM EORUM. Ex una lingua septuaginta duæ evaserunt, ut magni Auctores testantur, iuxta numerum generationum Noe. Nam Iapheth quindecim generationes numerantur, Cham viginti septem, Sem triginta: unde toridem gentes fluxerunt. NON AUDIAT; id est, non intelligat.

V. 9. VOCATUM EST NOMEN EIUS BABEL, id est confusio, aut venit confusio.

V. 10. SEM ERAT CENTUM ANNORUM QUANDO GENUIT ARPHAXAD, BIENNIO POST DILUVIUM. Ex hoc loco fere colligunt, Sem non fuisse inter fratres Noe filios maiorem natu. Nam anno ætatis quingentesimo Noe cepit generare, sexcentesimo eius fuit diluvium. Ergo filius maior eo anno fuit centum annorum, non biennio post.

V. 11. FILIOS ET FILIAS. Non ponuntur nomina, quia ex ea stirpe non fuit Christus.

V. 12. PORRO ARPHAXAD VIXIT TRIGINTA QUINQUE ANNIS, ET GENUIT SALE. *Vixit annos centum triginta quinque, & genuit Cainan*. Hoc sequitur Lucas cap. 11. argumento certissimo, codices Hebræicos hac quidem parte esse vitiosos.

V. 16. GENUIT PHALEG. Hæc vox significat divisionem, quod tempore, quo natus est Phaleg, divisio linguarum est facta, anno centesimo primo post diluvium iuxta codices Hebræicos: nam Sept. multo plures annos numerant more suo.

V. 28. MORTUUSQUE EST ARAN ANTE THARE; id est coram Thare: sic Hebr. & Sept.

V. 29. DUXERUNT, pro duxerant. NOMEN UXORIS ABRAHAM, SARAI. Hæc alio nomine est Iescha filia Aran, Hieron. in Traditionibus, et sicque communis Expositorum sententia.

V. 31. UR sic dicta, quod in valle esset. Ur enim vallis est, *Haiz* xxiv. verf. 15. Hebraice est etiam UR; *lux*, seu *flamma*; quasi dicat, de flamma Chaldæorum: unde multa fabulandi occasio. H A R A N

est

est Syria absolute posita : nam pro Mesopotamia, vocatur Haran fluviorum.

V. 32. ET FACTI SUNT DIES THARE DUCENTORUM QUINQUE ANNORUM, ET MORTUUS EST IN HARAN. Sept. dicunt *Choran* : nam, ut docet Hieron. in *Trad.* solent semper pro Hebraica aspiratione η substituere χ , nempe ad indicandam eius aspirationis duplicis asperitatem. Porro hi ducenti quinque anni possunt intelligi aut totius vitæ, quod verius puto, aut post migrationem in Haran, quod Hebræi quidam cogitarunt. Utroque modo locus cum *Actis* cap. vii. punari videretur, ubi Stephanus ait, Abram post Thare mortem profectum ex Haran. Cum capite proximo dicatur Abraham septuaginta quinque annorum fuisse, cum profectus est, Hieron. se discruciat, discruciant alii, & de suo multa fingunt, ut ea loca concilient. Nobis nec placet responsio, si demus Stephanum qui loquitur, lapsum memoria, ut Melchior Canus de *Locis Theolog.* ait: neque enim Evangelista id, ut ille ait, suis verbis ponit, cui falsum tribuere nefas est. Si qua commodior ratio sit, eam sequamur: de quo cap. proximo vers. 4.

MALVENDAE.

Vers. 1. ERAT AUTEM TERRA LABII UNUS, &c. Quidam reddunt: *Fuerat enim universa terra, &c.* Notant, Moysen per hysterosin, usque ad vers. 10. exclusive, causas & initium explicasse historię originis gentium, & stationum earum, quæ superiore capite continetur: unde hoc caput usque ad vers. 10. perpetuum esse hyperbaton inferendum ante cap. x. deinde post cap. x. subnectendam historiam posterorum Semi, quæ hic a vers. 10. inchoatur. Quod genus hysterosin in antegressarum causarum narrationibus frequentissimum esse observant, ut infra cap. xii. vers. 1. & I. Samuel. 1. 17. Matthæi 1. vers. 18. & cap. xiv. vers. 3. vide Iosue 11. vers. 4. LABII UNUS, ET SERMO NUM EORUMDEM: unica lingua, idiomate, ac sermone omnes loquebantur, audiebantur, intelligebantur; una lingua & loquela communis omnibus erat; nec ulla erat linguarum & idiomatum diversitas. Lingua autem qua tum omnes ute-

bantur erat hæc pura, puta Hebraica, quæ nunc extat in sacris tantummodo Scripturis, qua Deus, primi parentes, Noe, Abraham, Moyses, & Propheta loquuti sunt, ac sacra oracula condiderunt: quæ tum Syriacæ & Chaldaicæ vocabatur, quod Noe, Abraham, & alii Patres, qui in Syria & Mesopotamia, seu Chaldaea habitaverunt, ea uterentur: nam quæ nunc Syriacæ & Chaldaicæ dicuntur, luxationes, dialecti, & veluti divergia sunt puræ illius & primigeniæ Hebraicæ: quam certe primævam fuisse, manifestum argumento sunt etymologiæ nominum propriorum primorum hominum, & aliarum rerum, quæ tum ita appellabantur, quas Scriptura illis assignat, quæ tantum in Hebraica lingua vim & rationem proprie habent, ut Adam, Heva, Kain, Seth, Noach, Phaleg, Abraham, Isaac, Iacob, Israel, &c. Item Babel, Ierusalem, &c. quæ passim in sacris litteris occurrunt. Quidam hic distinguunt, ut verba sint eadem, labium tamen, id est modum ac sonum proferendi & pronuntiandi interdum esse diversum. In Hispania eandem linguam aliter pronuntiant Bæti, aliter Castellani. Sic nunc in Italia; sic tempore Christi Ierosolymitani & Galilæi. Alii labium, linguam, seu loquelam intelligunt; sermones vero, vel verba, phrasin Hebraicæ, res ipsas, actiones, negotia, ut tunc homines, ut unius linguae, sic earundem rerum fuerint, & inter ipsos maxima morum ac negotiorum simplicitas, & concordia extiterit.

V. 2. AB ORIENTE. Heb. de anterioritate, quia oriens est anterior mundi pars, in Scripturis, Psalm. cxxxviii. 5. hoc est, ex Ararat, seu Armenia, quæ Chaldaæ, seu Mesopotamiæ, ubi Babel, orientalis est. Verisimile enim est, exacto diluvio, Noe, eiusque posteros in illis Armeniæ locis, ubi arca sublitit, hæsisse: indeque crescente multitudine hominum, coactos plurimos novas sedes & colonias quærere. Ridicule quidam, *Ad orientem*: hoc enim est nescire situs locorum. CAMPUM. *בִּקְעָה* *bik'qea* proprie *discissionem*, *dissectionem*, *biatum*, *vallem*, *convallē*, *planitiem*, interpretantur: quod sit velut discissa, & dissecta utrimque a montibus. Quidam Hebræorum ait esse quod vulgo dicimus, *campagna*. Noster *campum* reddere solet, Deuter. xi. 11. *campesiria*, Isaïæ xl. 4. *planum*.

Herodotus Lib. I. *Oppidum situm est in planitie ingenti*. Strabo Lib. XVI. *Babylon ipsa in campo iacet*. S. Hieronym. in XIV. *Isaie: Babylonem in campis sitam per quadrum sitam*. Orosius Lib. II. cap. vi. *Hec campi planitie undique conspicua*. SENNAAR. Vide Notas supra cap. x. vers. 10. Erymon vocis varie enucleant. Quidam a שַׁעַר *saghar*, inserto נָּון *Nun*, id est *horrui*: quod totus ille tractus terrarum a Mesopotamia orientem versus hominibus natura & moribus horridis incolatur. Alii a נָּעַר *na-ghar*, excussu: quod illuc homines post diluvium propter humilitatem & depressionem loci, veluti deiecti fuerint. Nonnulli, quod inde posteri Noe, ob linguarum confusio-nem, inviti exclusi & excussi fuerint. S. Hieronymus *dentium excussio* interpretatur; quod apte divisioni linguarum, quæ dentibus veluti instrumentis peragitur, congruit.

P. 3. PROXIMUM SUUM. רֵעָה *regheb*, proprie amicus, socius, sodalis, familiaris, coniunctus. In Novo Testamento redditur πλησίον, id est proximus. Ex vi vocis, *compascens*, quod simul vesci solet, Psal. LII. 15. *Qui dulces tecum capiebas cibos*. Hispanice *camarada*. VENITE. הָבָה *habab* notant cognitionem habere cum verbis אָהַב *ahab*, diligere, amare, אָבָה *abab*, desiderare, avere, בֹּא *bo*, venire: reperiri-que tantum in imperativo; atque esse non tam imperantis, quam desiderantis, & amice compellantis, & efflagitantis ut aliquid fiat; quasi per hoc verbum velimus nobis adhiberi ea quæ cupide diligimus, & avidè desideramus. Unde quidam hic reddunt: *Ad-bibe, laterabimus lateres*. Alii: *Affer, laterizabimus lateres*; ut Prov. xxx. 15. Insuper observant, quando id verbum con-struitur cum alio verbo mox sequente, inducere tunc naturam adverbii obsecrantis, seu amice adhortantis, & compellantis, seu invitantis, aut incitantis; exponuntque hic: *Agcedum, Agcedum, Eia, Soder, Euge, laterificabimus lateres*. Noster alibi sæpe verbo *dandi* exprimere solet; quod est gemi-num: unde hic proprie: *Da, cedo, laterificabimus lateres*. Etque Hebraismus quam simillimus Hispanismo nostro, quo cum aliquid facere aggredimur, quod & materia, & opera externa indigeat; vel cum quippiam celeriter & sedulo agere vo-lumus, aut opus urgemus, dicere solemus, *daca, bagamos esto*. Frigide quidam He-

bræorum explicat, *da*, subaudi auxilium; vel consilium *laterificabimus lateres*. FACI-MUS LATERES. לִבְנָה *lebenah*, later, sic dictus ab albedine, quod lateres cocti in fornace albescent: seu quod in Chaldæa, Mesopotamia, & Aegypto, lateres ex argilla, seu terra subalba fierent. Inde constatum est verbum לָבַן *laban*, quod ter-tantum legitur in Scripturis, hic, & Exo-di v. 13. proprieque est *lateravit, lateri-zavit, laterificavit, lateres formavit, aut confecit*. Congruit cum verbis בִּין *bin*, & בָּנָה *banah*, *construere, edificare*. Quidam Latine, *Ducamus lateres*, id est *figamus*. ET COQUAMUS EOS IGNI. Heb. *Et concremabimus concremationi*, vel in *concremationem*. Alii: *Et incendamus incendium*. Quidam: *Et comburemus in combustionem*, id est *ustrina*. LATERES PRO SAXIS. Qui scribunt, istos penuria saxorum adhibuisse lateres, nec naturam locorum, nec quæ Herodotus, Diodorus, & alii de extru-ctione Babylonis tradunt, scisse videntur. Ad firmitudinem & stabilitatem operis, & quia forte inter ipsos mundi conflagratio-nem iam fama vulgaverat, lateribus costi-libus usos potius existimamus. ET BITUMEN PRO CEMENTO. Sunt hic duæ voces eisdem litteris, sed punctis diversis. Prior חֶמֶר *chemar*, ter tantum reperitur, hic, & cap. x. & Exodi 11. 3. Aiunt esse *lutum turbidum, seu conturbatum, bitumen, lutum tenax* & bituminosum, limum, argillam, vel terram quamdam tenacem ac lentam, picip-similem. Quidam *lutum* quod fit ex calce & arena ad edificandum, compingendum, & complanandum. Alii *cementum*, quod calce fit, sic dictum forsitan a turbatione, & mix-tione aquæ & calcis: vel simpliciter *argil-lam*, quasi terram conturbatam. Nec de-sunt qui *terram, seu lutum rubrum*, nempe *cretam*, quam Hispanice *gradam* dicimus. Noster semper *bitumen* convertit. Posterior vox חֹמֶר *chomer* octodecies tantum occurrit, & semper Noster *lutum* exponit, nisi hic, ubi perire *cementum* dixit. Volant esse *lutum turbidum, terram tenacem ac bituminosam, cæmentum, vel ex argilla, vel ex calce, & arena constans*: interdum esse *cæmentum non calce & arena duratum, sed lutum ex terra quavis, & aqua mace-ratum & temperatum, seu subactum, ad ædificandum, obtegendum interliniendum, quod erat antiquæ structuræ genus; ac si*

dicas,

dicas, illitum, intritum, turbatione, & mixtione terræ & aque confusum. Quidam reddunt: *Et lutum fuit illis in cæmentum*. Alii: *Et argilla fuit illis in cæmentum*, vel *pro cemento*, seu *vice cæmenti*. Nonnulli: *Et bitumen fuit illis ad bituminandum, obliniendum*, חומר *chomer*, capientes pro infinito, abluere. Melius: *Et bitumen, asphaltus, fuit illis pro luto, seu cemento*. Inepte quidam: *Et cæmentum, argilla, fuit illis pro luto*. Iosephus Lib. I. Originum, cap. v. Struabant autem lateribus coctis ad firmitatem bitumine ferruminatis.

Quibusdā videtur absurdum quoniam modo poterint lateres coctiles bitumine committi & ferruminari: unde malleat hic calcem, argillam, lutum pro חומר *chomer* reponere. Sed nihil frequentius est apud externos scriptores, quam in extruptione Babylonis adhibitos coctos lateres bitumine conglutinatos, quod bitumen illis locis ætificis ad omnem firmitatem fit aptissimum. Mireque congruant in explicanda materia & extruptione urbis & turris Babel, iis quæ hic Scriptura memorat. Herodotus Lib. I. *Quidquid terre in deprimentia fossa efferebant, ex eo lateres ducebant, quorum postquam magnam vim duxissent, eos in fornacibus coquebant: postea exnoventes, asphalto ferventi per trigiesimum quemque laterum ordinem summitates arundinum insipatas conglutinabant*. Et post alia: *Babylone octo dierum itinere abest is fluvius baud magnus, qui una cum aqua permixtus reddit asphalti bituminis grumos: quæ asphaltus ad murum Babylonis comportabatur*. Diodorus Lib. I. *Murum lateribus bitumine conglutinatis coagmentavit*. Et de Belitemplo: *Totum opus ex lateribus & bitumine magno sumptu & ingenio fabricatum erat*. Arrianus Lib. VII. *Belit templum in media Babyloniæ urbe situm erat, magnitudinis atque opere ex lapide coctili & bituminato præclarum*. Curtius Lib. V. *Murus instructus laterculo coctili, bitumine interlatus*. Et postea: *Coctili laterculo struati sunt, totumque opus bitumine astringitur*. Iulianus Lib. I. *Murumque urbis cocto latere circumdedit, arena, pice, bitumine instrato, quæ materia illis locis passim a terra excrestat*. Ammianus Marcellinus Lib. XXIII. cap. x. *Babylon, cuius mœnia bitumine Semiramis struxit: arcem enim antiquissimus rex condidit Belus*. Orosius Lib. II. cap. vi. *Murus coctili latere, atque interfuso bitumine com-*

positus. Vide etiam Philostratum in Vita Apollonii Lib. I. cap. xviii. Strabo Lib. XVI. *Nascitur in Babylone copiosum bitumen, de quo memorie prodidit Eratosthenes, duo eius inveniri genera: alterum lentum atque humidum; alterum siccum: & lentum quidem, quod ab incolis naphtha vocatur, in agro Susarum tradit gigni; at siccum, quod & condensari potest, in Babylonia, cuius fons non procul ab Euphrate sit: siquidem exundante per nivium liquationem Euphrate, ad eius incrementum fons quoque augetur; atque tunc altissime glebe constipantur, lateritius edificis idoneæ*. Plinius Lib. XXXV. cap. xv. *Est vero liquidum bitumen, & quod a Babylone invehitur, Calcis quoque usum præbuit, ita ferruminatis, Babylonis muris*. Svidas in voce, *Adiabene*: *Hæc regio sita est ante Mesopotamiam fere orientem versus, ultra Tigridem. In ea vero est etiam bitumen, quæ Naphtha dicitur. Tantam vero firmitatem edificis habet hoc bitumen, ut cum coctis lateribus, parvisque lapidibus commixtum, quovis ferro sit robustius ac firmius*.

Vers. 4. FACIAMUS NOBIS CIVITATEM, ET TURRIM. Miranda plane sunt quæ de Babylonis magnitudine & amplitudine scriptores præci tradidere, quæ nos in Antichircho Lib. III. cap. xiii. xiv. xv. late descripsimus. Huius tam insanæ molis auctorem primum fuisse Nemrodum, quem plerique Belum Nini patrem existimant, Iosephus Lib. I. Originum, cap. v. Eusebius & S. Hieronymus in locis Hebraicis. S. Augustinus Lib. XVI. de Civitate Dei, cap. iv. Orosius l. b. II. cap. vi. diserte affirmant: & Genes. x. 10. Michæ v. 6. hoc ipsum satis innuit. De turri hac valde & immanis magnitudinis S. Hieronymus in xiv. Isaie hæc annotat: *Arx autem, id est capitulum illius urbis, est turris, quæ edificata est post diluvium, in altitudine quatuor millia dicitur tenere passuum, paulatim de lato in angustias coarctata. Describunt ibi templa marmorea, aureas statuas, plateas lapideis, auroque fulgentes, & multa alia, quæ pene videntur incredibilia*. Et sane omnem fidem excefferint, quæ Herodotus, Diodorus, Strabo, Arrianus, Curtius, & alii de ea turri, seu arce, seu capitolio, quod ipsi Belit templum, seu sepulcrum appellant, memorie prodidere: nempe de infinita eius magnitudine, altitudine, opibus, divitiis immensis. Strabo in modum pyramidis extru-

ctam

Itam refert. Nos ea omnia in Antichristo recensuimus. Templi quoque Beli meminere Plinius, Solinus, Ammianus, & alii. De urina vitrea, in qua iacebat in oleo Beli corpus, miranda tradunt Ctesias Gnidius in Perficis Excerptis apud Photium, & Aelianus Lib. XIII. variz Historiz cap. 111. De turri Herodotus Lib. xi. *In medio civitatis Iovis Beli templum areis portis, id quod mea etiam nunc etate exstitit, duorum undecumque stadiorum amplitudine, figura quadrata. In templi medio turris solida crassitudine, simul et altitudine stadii, cui alia rursus super imposita turris, et huic subinde alia, ad octavam usque. Diodorus Lib. I. In media deinceps urbe, Iovi, quem Belum Babylonii vocant, templum edificavit: de quo cum et scriptores discrepent, et opus vetustate collapsum sit, nihil est quod certo asseratur. Summa tamen altitudinis fuisse, et huius adiumento Chaldeos fiderum illic contemplationi vacantes, ortus et occasus exacte notasse constat. Strabo Lib. XVI. Ibi etiam Beli sepultura est, nunc eversa, quod fecisse Xerxes fertur, pyramis quedam erat quadrata, ex latere co-dili extructa, stadii altitudine, cuius quoque latus stadium obinebat. Eadem alii.*

Turris & civitatis Babel condendæ duplicem Explanatores causam assignant. Unam famæ propagandæ gloriæ, immortalis illo post se relicto monumento, quam & textus exprimit: *Et faciemus nobis nomen*: alteram ut haberent munitissimum locum ad arcendam vim externam, aut certissimum perflugium, si forte inde dispersis, eo redire liceret.

CELEBREMUS NOMEN, &c. Hebr. *Et faciemus nobis nomen*. Hispanice, *Haremono de nombrar*; ac si dicant: Fieri non poterit ut, crescente multitudine, omnes nos regio illic capiat: ideo extruamus insanam hanc molem, ac ædificium, quod veluti quoddam ingens mundi miraculum, æternum famam nominis nostri conservet, quamvis in diversas plagas dispergamur.

V. 5. DESCENDIT AUTEM DOMINUS. More humano de Deo loquitur: non enim Deus mutat locum. Effectum, non substantiam Deus descendit; hoc est, re ipsa ostendit sibi non esse ignotum Babyloniorum conatum, & molimen. Notant quidam, quando Scriptura indicare vult Deum lento gradu procedere ad sumendam vindictam de hominibus, dicere eum descendere, ut

Genes. xviii. 21. Michææ 1. 3. sed interdum favoris est, ut Exod. xix. 17. atque id ex loci circumstantia discernendum est. Aptius observant alii, quod quemadmodum tunc Deus ascendere ab aliquo dicitur, quando disparet, nec amplius quidquam cum eo agit; ita rursus Deus descendere dicitur quando apparet, aut sese revelat, vel re aliqua visibili, vel verbo, vel voce, vel factu, & opere: ut hoc loco. **FILII ADAM**, vel *fili hominum*, id est homines. Vide supra cap. vi. vers. 2. Ego hic colluviem hominum plebeiorum, vulgarium, viliorum acceperim; aut certe Chamitas afflecas Nemrod, a vera religione & cultu Dei alienos, quasi homines carnis & sanguinis sine spiritu Dei.

V. 6. NEC DESISTENT. Varie hunc locum reddunt: *Et nunc non prohibebitur ab eis*; *et nunc non adimeretur ab eis*; *et nunc non decerpetur ab eis*; *et nunc non præceditur ab eis*; *et nunc non abrumperetur ab eis*; *et nunc non colligetur ab eis*; *et nunc non areretur, cohibebitur, ab eis*; *et nunc non brevialitur ab eis*. Proprie: *Et nunc non vindemiabitur ab eis*. Notant verbum **בצב** batzar proprie esse decerpere, abrumperere, præcedere, seu adimere rem aliquam; sed præcipue dici de uvis, seu botris, colligendo in vas, quod est vindemiare. Habere tamen interdum contrariam significationem priori, esseque munire ne fiat irruptio, aut direptio, seu decerpitio. Sed alii volunt eas duas significationes nec contrarias, nec dissimiles esse: nam quod munitur, prohibetur, adimitur, præceditur ab iniuria hostium, ne direptioni pateat, vel ne quis eo perveniat. Nonnulli existimant verbum proprie esse includere: unde reddunt: *Et nunc non includetur ab eis*; id est, non prohibebitur, patebit eis, facile assequentur, voti compotes erunt. Quidam aiunt, collatis Scripturæ testimoniis, tantum dici de collectione fructuum, & uvarum, & de civitatibus, quæ muris includuntur, ut uræ in cophino, &c. Dicit etiam de ipsis muris, qui ædes civitatum cingunt, coarctant, includunt, & veluti collectas habent. **A COGITATIONIBUS SUI.** *Qui iaram*, idem est quod **בדד** badad: exponunt tacite cogitare, animo concipere, moliri. Quidam sumere in animum, assumere, præsumere, in animum inducere. Inde enim Latina sumo, assumo, facta volunt: unde hic vertunt: *Quod*

pra-

presumpserunt : Alii : *Quod moliti fuerunt* :

V. 7. DESCENDAMUS. Myſterium Sacrae Triadis inuui, conſentiunt omnes. CONFUNDAMUS. נבלה *nabelah* aiunt eſſe vocem anomalam, & valde irregularem : nam debuerat eſſe נבלה *nabollah* : poſſeque eſſe præteritum Niphāl, & confundetur ; vel ſuturum plurale Kal, & confundemus : ut indicet maximam, & perturbatam, atque vere anomam conſuſionem. UT NON AUDIAT. Notant, verbum שמוע *ſchamagh* conſtructum cum accuſativo, ut hic, plerumque ſumi, pro *percipere animo*, & intelligere. Unde hic vertunt : Non percipiens, non intelligens : ut alter alterius ſermonem non intelligat. Vide Deut. xxv:11. verſ. 49.

V. 8. DIVISIT EOS. Verbum Hebraicum פוצץ *putz* in Hiphil, *diſperſit*, *diſſipavit*, ſignificatum intendit, magnamque diſperſionem, diſſipationem indicat. Et ceſſaverunt. Proprie, & deſecerunt, deſtiterunt, abſtinerunt, deſecerunt, omiſerunt.

V. 9. VOCATUM EST. Heb. vocavit, ſubaudi Deus : vel impersonaliter, *vocatum fuit*. Vide Genſ. 1:1. verſ. 20. Vel ſit ſingulari pro plurali : *vocaverunt*, ſcilicet homines. Notant, quod Latini in multis loquutionibus dicere ſolent per tertiam perſonam pluralem, ſubaudiendos diſtinctionem, homines, aut ſimile : Hebræi eſſerunt per tertiam ſingulari ; ut hic, vocavit, pro vocaverunt homines. Semel id annotatum eſto : nam ſæpius occurrent eiufmodi loquutiones. NOMEN EIUS BABEL. Quidam Hebræorum compoſitum faciunt ex בבל *ba*, venit, & בל *bel*, conſuſio ; id eſt, *venit conſuſio* : inepte. Alii ineptius, *In conſuſione*. Ogidam, quaſi Baltel, uno Lamed eliſo, a Belbel Chaldaico, id eſt *confundere*. Diſſerte Moſes etymon enucleat, quia ibi בבל *balal*, *ibub*, *labium*, id eſt linguam, ſermonem, loquelam, omnis terræ. *Balal*, proprie eſt *miſcuit*, *permixcuit*, *fudit*, *perſudit*, *confudit*. Pronomen eius ſemineum eſt, & ad urbem referendum, quæ eſt Hebræis ſeminei generis ; non ad turrim, quæ eſt mæſculei. Manſit cunctis gentibus celebre Babylonis nomen. DISPERSIT EOS. Eſt quoque idem verbum in Hiphil, quod verſ. 8. vehementerque diſperſionem & diſſipationem ſignificat.

V. 10. HÆ SUNT GENERATIONES SEM. Solius Sem Moſes texit generatio-

nem ; quod ex ipſius progenie per Abraham natiſciturus erat Chriſtus, finis & ſcopus legis, & Scripturarum, ac ſemen benediſtum, ac promiſſum.

V. 12. ARPHACſAD GENVIT SALE. Ingens quaſtio. Hic LXX. Interpretes inferunt unam generationem ; nempe, *Arphacſad genuit Cainan*, *Cainan genuit Sale*, *Salẽ genuit Heber* : quam etiam generationem Cainan S. Lucas ſuo Evangelio cap. 11:1. verſ. 36. nimirum ex LXX. Interpretibus acceptam interpoſuit : quam tamen Hebraici codices, & Vulgata Editio, neque hic, neque I. Paralipomenon 1. verſ. 18. & 24. agnoſcunt. Eſſe iſperendam, propter æternam Evangelii veritatem, nemo cordatus ambigat : nam qui dicunt, vitio ſcriptorum in LXX. & in Lucam inditam, non evadunt inſignem temeritatis notam : cum Eccleſia & Lucam ita ſemper legerit, & approbaverit ; nec ullus unquam vetuſtus aut ſinceræ notæ oſtenſus aut repertus ſit vel LXX. vel Lucæ codex qui ea caruerit : & qui contra pertendunt, ſunt mere nugatores, & nihil niſi ſomnia narrant. Cur autem Moſes eam emiſerit (nam exiſtimare eam ab Hebraicis codicibus excidiſſe, eſt ridiculum) Deus ſcit, ſed nos later. Vide quæ ſuſe de his diſſerimus Lib. XII. de Antichriſto cap. x.

V. 13. TRECENTIS TRIBUS ANNIS. Hebræi : *Quadrageſiſ tribus annis* : quæ læſio iudicio eruditorum præſentia, quam non eſt dubium plurima Editionis Vulgatæ exemplaria præſerre. Sed cur a Correctoribus Romanis in noviffimis Clementianis Bibliis hic locus non ſit reſtitutus, divinare nescio. Iam ipſi in præſatione profitentur, eam Romanam editionem omnibus numeris abſolutam, pro humana imbecillitate affirmare, difficile eſſe : & multa, quæ mutanda videbantur, conſulto immutata reſiſtiſſe. Nobis tantum indicare, non mutare (quod id ſolius Eccleſiæ ſit) permiſſum.

V. 26. GENVIT ABRAM. Notant, nominari primum Abram inter filios Thare, non quod natu maximus, aut primogenitus fuerit (nam ex ſubducta annorum ratione, minimum fuiſſe demonſtrant) ſed quod dignior, ſanctior, & præcipuus primogenitorum Chriſti, cuiuſque res narrandas ex profeſſo ſuſceperat Moſes.

V. 28. ANTE THARE. Hebr. *Super ſaciẽs*

cies *Therach*; id est, ipso Thare vel vidente & presente, vel superlente & vivente. Quidam exponunt: *Et mortuus est Haran super facie patris sui*; id est, non est egres- sus patriam regionemque paternam. UR CHALDAEORUM. *אור* *ur*, Hebraeis *fo- cum, ignem*, significat inde Latinum, uro, uris. Sed consentiunt eruditissimi quique, hic proculdubio esse proprium nomen urbis in Chaldaea; quam tamen certum est ab igne habere appellationem, quem Chaldaei & Persae pro Deo coluerunt: nam cum vi- dissent olim igne caelitus delapso patriarcha- rum sacrificia consumi, putarunt esse Deum. Ammianus Marcellinus Lib. XXIII. cap. xxii. *Fervuntque, si iustum est credi, etiam ignem caelitus lapsum apud se sempiternis fo- culis custodiri; cuius portionem exiguum, ut faustam praestitisse quondam Aethiopicis regibus di- cunt.* Sed de Ur Iosephus Lib. I. Origini- um, cap. vii. *Arares in regione Chaldaeorum est mortuus, in urbe, quae Ur Chaldaeorum vocatur: & sepulcrum eius nunc usque ostenditur.* Eusebius, & S. Hieronymus in locis: *Ur Chaldaeorum, ubi mortuus est Ha- ran frater Abrahæ, cuius bodieque, sicut Iosephus refert, ibi tumulus ostenditur.* Volunt esse Orchoen Ptolemæi, vel Orheon Strabonis. Plinius Lib. V. cap. xxvi. *Orcheni, vel Orchoena, quoque tertia Chaldaeorum doctrina.* Ur castellum Persicum habet Ammianus Lib. XXV. cap. xxvi. Uram locum ad Euphratem memorat Plinius Lib. V. cap. xxiv. extremo: & Urimam penes Euphratem Ptolemæus cap. xv. Lib. V. Eupolemus apud Eusebium ix. de Iræparatione Evangelica, cap. iv. sic habet *In Camirene Babylonia urbe, quam alii Urien vo- cant, quod nomen Chaldeopolim significat.* Nec dubito, Camireniam dictam a *כור* *camar*, quasi *Ustrinam, bustum, focum, ignem*, quod est Hebraicis *Ur*: & quam Eupole- mus Camirenem, & Chaldeopolim appellat, a Mose dictam *Ur Chaldaeorum*: forsan quod in ea ædificati, seu sacerdotes, aut monachi, quos Hebraei, & Chaldaei *camarim* vocant, ignem perpetuum servarent, & colerent; qui etiam dicuntur Chaldaei, Daniel. xi. 2. quos mathematicos astrologos, liberalis scientiæ peritos interpretantur. De *camarim* agemus II. Regum xxiii. vers. 5. Meminit Procopius II. Persicorum, *periti magni*, ubi ignem perpetuum custodiunt magi, qui iidem qui Chaldaei: atque locum esse in

Perfameniis: quem Strabo XV. *Pyratheia* vocat. Vide Theodoretum V. *Historiæ Ec- clesiast.* cap. xxxviii. ubi de *Pyræo*. *Nehemiæ* ix. 7. *Noster, Ur Chaldaeorum*, ap- pellative exposuit, *ignem Chaldaeorum*; sed quod proculdubio pro nomine proprio accepit: solet enim nomina propria hominum & locorum tamquam appellativa Latine inter- pretari; cuius moris exempla passim oc- current. Nonnulli *Ur* dictam existimant, quod in valle sita esset: *Urim* enim valles significare aiunt, *Isaia* xxiv. 15. quod non probo. Alii *אור* *ur* hic exponunt *lustrationem ignis*, aut *per ignem*: quod in ea urbe forsan esset templum, ubi gentiles lustra- rent filios suos, & traducerent per ignem: de quo ritu dicemus Deuter. xviii. vers. 10. & II. Reg. xvi. vers. 3. Fuit *Ur* patria Abrahami, ortu tanti viri celebra- rima.

V. 29. *IESCHAB*. Plerique putant, hanc esse Saram uxorem Abraham, quam bino- miam existimant. Delirant plane, qui *Ie- scam* a *סרס* *sar*, sive conspiciendo dictam vol- unt, quoniam pulcritudine sua excitabat homines ad sui conspectum. Hinc illud *Gene- sis* xii. 15. *Et laudaverunt eam apud Pha- raonem.* Vel etiam quia cernebat futura per prophetiam facultatem, uti tradunt He- braei. *סרס* *sar*, vel *סרס* *sar* sacab verbum in ea significatione Hebraeis nuspiam legi- tur, cum Samech vel Sin sinistro, nisi Chal- daeis. Alii quasi *pieturatam, ingeniosam, in- dustriam*. Imperite quidam *Iescam*, ab *אשם* *ischsrah* deducunt, ut indice tsemianam præ- stantissimam & viraginem quamdam. Pro- prius, *susam, uniam, abellam, celatam*, quod domi se celaret, interpreteris.

V. 30. *STERILIS*. *עקרה* *ghakarah*, con- sentiente voce, *eruncata, eradicata, extirpa- ta, enervata, evulsa, sterilis, infecunda, cui evulsa est radix*, id est vis & virtus gene- randi, quæ enervata est, ut concipere non possit.

V. 31. *NURUM SUAM*. *כלל* *callab*, notant, perinde Hebraeis accipiemus esse vo- cem, ut Græcis nympham; nam si ad ma- ritum referas, sponsam sonare, si vero ad parentes sponsi, nurum significare. Sic *חתן* *chatan*, sponsus proprie: qui & deinceps ita oicitur locoero & socri, hoc est gener, ob desponsationem suam, quæ vere factus ge- ner. Dicit autem Hebraeis *Callab novam nu- ptiam*, seu sponsam, vel nurum, a *כלל* *cal- lab*,

lat, nempe ab omnimoda & consummata pulcritudine, & ornatu seu cultu, quodibus illis desponsationis, præ ceteris decorantur & præstant, & amantur; quasi dicas voce consentiente, *cultam*. Ut sponsa, ut nurus reddi debeat, loci circumstantia te docebit. *HARAN*. Eusebius, & *SHieronymus* in locis Hebraicis: *Charran civitas Mesopotamiæ trans Edeßam, quæ usque hodie Caroba dicitur; ubi Romanus cæsus est exercitus, & Crassus dux captus*. Plinius Lib. V. cap. xxiv. *Charras Clade Crassi nobiles*. Lucanus:

Affrictas Latio maculavit sanguine Carbas.

Urben Mesopotamiæ tradunt Ptolemæus, & alii. Plinius Arabiæ, sed conterminam Mesopotamiæ ad Euphratem. De ea Plutarchus in Crasso.

MENOCHII.

Verf. 1. **L**ABII UNIVS: omnes eodem idiomate, ac sermone utebantur.

P. 2. DE ORIENTE, de Armenia, quæ Babyloni est orientalis. Inde proficiebantur, vel quia iam illos terra non capiebat, vel quia melius solum quærebant.

P. 3. ALTER AD PROXIMUM. Hebraice, *vir ad virum*, id est alter ad alterum. *VENITE*. Hebræi utuntur imperativis pro notis adhortandi, qualis Græcorum nota, quæ hic est apud LXX. *ἔλθτε*. *LATERES PRO SAXIS*. Pertinacia cum inopia luctatur: defunt lapides, coquuntur lateres: deest cæmentum, calci substituitur bitumen.

P. 4. PERTINGAT AD CAELUM: hyperbole. *CELEBREMUS NOBIS NOMEN*. Conatus causa fuit cupiditas nominis æternandi. Non possunt a peccato excusari qui insanam hanc molem excitare instituerunt, non solum quia structura hæc ad inanem gloriæ cupiditatem spectat, sed etiam quia Nemrod illam excitare voluisse credibile est, ut fux tyrannidis, & impietatis arx esset.

P. 5. DESCENDIT AUTEM DOMINUS. Deus loco moveri nequit, qui implet omnia: nostri aspectu dicitur descendere, quando per aliquem effectum nobis experimur, seu sentimus quasi propinquorem. *FILII ADAM*: terrigenæ, de limo

creati. LXX. *filii hominum*. DONEC OPERE COMPLEANT: ironia.

P. 7. DESCENDAMUS, ET CONFUNDAMUS. Sunt verba Dei quasi consultantis, & pertinacem stoliditatem detestantis. Rabini putant hæc a Deo dici Angelis; sed ista dicuntur ab una Trinitatis persona reliquis, ut potestate paribus. Quod hoc versiculo repetitur, *Descendamus*, ita intellige: versu 5. descenderat ut videret, nunc descendit ut nova operatione sua linguas confundat. *UT NON AUDIAT*: non intelligant invicem, non quidem singuli homines (sic enim nulla fuisset hominum societas) sed singulæ cognationes: tot enim fuerunt linguæ quot familiæ, sive cognationes.

P. 8. ATQUE ITA DIVISIT: ignotatio linguæ alterius cognationis eos deduxit, & varias regiones petere suavit.

P. 9. BABEL: quæ vox confusionem significat. *LABIUM*. Lingua, quæ fuerat omnibus communis in una Hebræ familia servata est, hic Hebræa dicta.

P. 11. FILIOS, & FILIAS: quorum nomina tacentur, quia sunt extra lineam Messiæ.

P. 31. SARAINURUM SUAM: erat neptis Thare ex filio Aran, & alio nomine leſcha vocabatur, ut patet ex hoc capite num. 29. *EDUXIT EOS DE IGNE CHALDAEORUM*. Ur Chaldaeorum urbs ab igne, qui sortasse in ea colebatur, nomen invenit. Quod hic dicitur, Abram scilicet eductum ex igne Chaldaeorum, habetur etiam II. Esd. ix. 7. *Deus, qui elegisti Abraham, & eduxisti eum de igne Chaldaeorum*. Sensus est, eductum ex illa urbe, vel ex igne tribulationum, & afflictionum, quæ a Chaldæis idololatriis Abrahamo fidei intentabantur; vel ex igne, & flammis: nam traditio Hebræorum est, Abrahamum rogo additum a Chaldæis, & in ignem iniectum divino beneficio servatum esse; quam narrationem Hieronymus licet fabulosam reiicere videatur, tamen postea approbat. Potest etiam verti *de Ur Chaldaeorum*, id est de doctrina, nam noster urim Exod. xxvi. 11. 31. *doctrinam* interpretatur.

T I R I N I.

Perf. 5. **D**ESCENDIT DOMINUS, UT VIDERET CIVITATEM, ET TURRIM: anthropopathos, quia tunc primum Deus patefecit miraculo confusiois linguarum, & pœna inflata, se præsentem esse, & videre insanam substructionem, qui dissimulando hucusque videri poterat quasi absens, & non videre quæ gerebantur. Iosephus, & S. Augustinus Nemrodum faciunt auctorem huius fabricæ: nam, ut dicitur cap. præced. vers. 10. principium regni eius fuit Babylon. Nemp: voluit, æternum extare superbiæ suæ monumentum, simulque illudere Deo, ut, si rursus tentaret immittere terris diluvium, esset quo se impii ab aquis tutos recipere. Hic Nemrod insana hæc fabrica sua typum gessit Antichristi, qui in Babylonia, forsitan & eodem loco quo fuit hæc turris, primariam regni, monarchiæ, ac tyrannidis suæ sedem figet, impiamque rheomachiæ turrim eriget, ut insinuat in *a* Apocalypsi, & docent Ribera, Emmanuel Sa, Franciscus Suarez & plures alii. Addit auctor operis de Antichristo (apud S. Augustinum) S. Hieronymus, & Anselmus, Antichristum etiam Babylone nasciturum.

Petes, an Noe, tum adhuc *b* superstes, non adfuerit fabricæ turris Babel. Respondeo: Adfuit verosimillime, ut & alii viri pii, qui hanc fabricam iuverunt *c*, sed bono fine, verbi gratia ut hæc turris omnibus undique conspicua serviret pro specula, pro loco publici commercii, pro communi memoria, ornatu, gloria. S. Hieronymus *d* ex traditione refert, turrim, iam tum cum opus intermissum est, evectam fuisse ad quatuor millia passuum, seu ad milliare Germanicum; & reliquias ad sua utrique tempora perdurasse. Eusebius ex Abydeno, & Sybilla dicit, fabricam non solum confusione linguarum interruptam; sed etiam vi ventorum pro maiori parte everfam fuisse. Semiramis uxor Nini post centum annos urbem mira magnitudine & incredibili magnificentia instauravit: turrim non extulit quidem altius, sed concinne ornavit, & templo Beli eiusque sepulcro adaptavit. S. Augustinus *e*, Origenes, & alii passim volunt, disiectis linguis in quinquaginta quinque diversas, (ut ex

totidem familiis posterorum Noe cap. x. Geneseos colligit Cornelius a Lapide) in *iulo Heber* cuiusque posteris ab eo dictis *Hebrais*, cum vera fide, religione, & pietate mansisse primævam orbis linguam, indeque post nominatam Hebræam: in ceteris habitu illius linguæ prius delecto, & novo promptissimoque novæ linguæ, & cuique genti propriæ divinitus infuso.

Quoto anno ætatis Thare sit natus Abram, eiusque fratres, vide in Chronico cap. xiv.

(*a*) Apoc. 12. vers. 19. & cap. xvi. vers. 12. Sec. Rib. & Sa in Zach. v. vers. ult. Suarez III. part. quart. 59. disp. 54. art. 6. sect. 5. Hier. in cap. xi. Dan. Anst. in Elucidario.

(*b*) Gen. 12. vers. 28.

(*c*) Abulenſis, Delrio, Pererius, a Lapide, Bonfr.

(*d*) Lib. V. in Iliam, ad cap. xiv.

(*e*) Lib. XVIII. de Civ. cap. xxxix.

G O R D O N I.

Perf. 1. **L**ABII quidem unius erant, seu unius linguæ mortales tunc. Sed quæ fuerit lingua illa, certatur. Communiter putatur Hebraica, ut iam dicebam; quamvis ante confusionem non vocaretur Hebraica, cum esset omnibus communis: postea ab Heber nomen hoc accepit. Immo satis probabile est etiam ante diluvium, unam tantum fuisse linguam, quicquid sit de varietate dialectorum. Nec est cur aliquis neget tunc fuisse characteres, & usum scribendi etiam libros. De libro Enoch alibi dixi. Vide de characteribus Montanum in Apparatu Biblico, libro de Siculo.

V. 2. De ORIENTE. Arca in montibus Armeniæ hæsit, quæ terræ plaga est orientalis Babylonis. SENNAAR est Babylon, ut passim vertit Chaldaeus interpret.

V. 3. VENITE. Apud Hebræos poni solet vox imperandi pro nota exhortationis. PRO CAEMENTO, pro calce.

V. 4. ANTEQUAM DIVIDAMUR. Heb. *Ne forte dividamur*. Sic se munire volebant.

V. 5. Non movetur loco DENS, qui est ubique, sed dicitur descendisse, quia ibi incipiebat se præsentem ostendere, exercendo potentiam suam.

V. 6. DONEC COMPLEANT. Ironia est, notans vanitatem.

V. 7.

V. 7. NON AUDIAT, idest non intelligat.

Hinc pluralitatem personarum agnoscunt, & asserunt Patres, contra Iudæos. Non est probabile in hac confusione tot fuisse linguas quot capita; sed tantum varias fuisse pro varietate familiarum concurrentium ad hoc opus: immo solent numerari 72. Quo anno acciderit hæc confusio linguarum, dixi suo loco. Mihi est annus mundi 1787.

V. 9. BABEL, confusio; LABIUM, lingua.

V. 10. HÆ SUNT GENERATIONES SEM, ulque ad Abraham, quas deli explicatas cap. vi. in pleno diagrammate. De Cainan cur inferatur in illo diagrammate, prolixè Chronologi: & sane quæstio hæc multum ventilata, illorum propria est, & de qua egi ex professo in opere Chronol. qq. cap. v. Inferendus ille post Arphaxad, ann. 1693.

V. 13. TRECENTIS TRIBUS ANNIS. Vide cap. vi. in diagrammate. Hic locus apud LXX. Interpretes putatur mendosus; sed sequi oportet Latinum Codicem, & iuxta initium temporis rationem, citato cap. vi. Dixi iam pro decima generatione post Arphaxad, inferendum esse Cainan minorem auctoribus Sept. & Lucæ. Nec obstat quod dicatur Arphaxad genuisse Sale, quod intelligo mediate, seu per Cainan; sicut apud Matthæum Ioram dicitur genuisse Oziam.

V. 26. ET GENVIT ABRAM. Non est levis quæstio chronologica de ætate Abrahæ, ac eius peregrinatione; quam, ne actum agam, & alieno loco, vide expensam in opere chronologico qq. cap. v. num. viii. & ix. Aliqui natum putarunt anno Thare 130. quod passim propugnat noster Salianus, & sane diligenter: unde nascitur in annis chronologicis discrimen 60. annorum. Ego natum puto anno Thare 70. En mox breve diagramma, a quo, ob alibi firmatam iam a me Chronologiæ rationem, non dedico.

V. 28. ANTE THARE; hoc est, coram, seu adhuc Thare vivente. UR CHALDAEORUM. An proprium locis sit, 71M, discrepant Auctores; an vero appellativum, ignem significans. Septuaginta, & Latinus videntur accipere ut proprium, & urbis nomen. Verum est II. Eisdre ix.

vers. 7. verti ignem. Sed solet aliquando Noster interpretari vocem propriam, ut observo Paralip. I. cap. 11. & iv.

V. 29. Iscam hanc, multi putant esse Saram.

V. 31. TULIT ITAQUE THARE ABRAHAM FILIUM SUUM... ET EDUXIT EOS DE UR CHALDAEORUM, UT IRENT IN TERRAM CHANAAN. VENERUNTQUE USQUE HARAN, ET HABITAVERUNT IBI. Vide Iosue cap. iv. vers. 3.

Annus ætatis Thare 70.	Ætas Abraham. Nascitur Abraham primogenitus.
145	75 Professio Abrahæ ex Haran in Chanaan.
	60 Mora Abrahæ in Chanaan circiter an. 60.
205	135 Secunda professio, seu reditus Abrahæ in Chanaan, de qua loquitur Steph. Act. vii.
	175 Obiit Abraham Genes. xxv.

Diffentiunt ergo ab hac Abrahæ Chronologia, qui unicam tantum agnoscunt professionem Abrahæ in Chanaan; illam inquam, de qua Stephanus Act. vii. quæ incidit in Thare 205. annum, quo Thare etiam obiit. Negant ergo priorem professionem in Chanaan, & moram ibi 60. fere annorum, ante mortem patris. Certe horum ratiocinatio nihil, ut puto, evincit. Abraham, inquit, anno 75. ætatis ex Haran venit in Chanaan, ut ait Scriptura. Sed hæc professio fuit unica, & accidit tantum moriente patre, patris anno 205. Utraque pars huius minoris falsæ est apud me; ac proinde male colligunt natum Abraham anno patris 130. Rectius sane natus ponitur Abraham anno patris 70. ut habet hic positum diagramma, & anno mundi 1978. ac demum Abraham vixisse, & obiisse, ut alterum hic diagramma capite xii. subiiciet. Et vero quid mi-

rum est de duplici professione; cum sit probabilius Abraham, iubente Deo, cito ivisse in Chanaan, & excurrentibus 60. illis annis, saepe invisisse patrem, & rediisse? At non est in Scriptura duplex hæc professio? Argumentum negativum est. Et quot alia asseruntur probabiliter, quæ Scriptura non expressit? Quæ nemo vocabit falsa. Dedi rem explicatam locis supra vers. 26. citatis: quo etiam loco tractata

est quæstio, an Abraham sit primogenitus; & de ætate Saræ, an genita sit anno octavo patris sui Aran. Quin etiam multi dubitant, an Sara sit Iescha filia Aran, ut dixi vers. 29. & verius apparet, ut hic cap. xx. 12. Eandem Abrahæ professionem duplicem confirmat citatis Auctoribus Magallanus cap. xxiv. ad vers. 3. num. 24. V. 32. Perinde est Haran, seu Charam. Est Mesopotamiæ urbs ad Euphratem,

C A P U T XII.

Abram Dei mandato parens, promissaque accipiens, patria relicta, comitante Lot, Domino in Sichem sacrificavit. Inde propter famem Ægyptum ingressus, uxorem suam vocat sororem; quam in domum Regis sublatam, postea ditatus recipit.



Dixit autem Dominus ad Abram: (a) Egredere de terra tua, & de cognatione tua, & de domo patris tui, & veni in terram quam monstrabo tibi. 2. Faciamque te in gentem magnam, & benedicam tibi, & magnificabo nomen tuum, erisque benedictus. 3. Benedicam benedictibus tibi, & maledicam maledicentibus tibi, atque (b) **I**N TE benedicentur universæ cognationes terræ. 4. Egredus est itaque Abram sicut præceperat ei Dominus, & ivit cum eo Lot. Septuaginta quinque annorum erat Abram cum egrederetur de Haran. 5. Tulitque Sarai uxorem suam, & Lot filium fratris sui, universamque substantiam quam possederant, & animas quas fecerant in Haran; & egressi sunt ut irent in terram Chanaan. Cumque venissent in eam, 6. pertransiit Abram terram usque ad locum Sichem, * usque ad convallem illustrem: Chananeus autem tunc erat in terra. 7. Apparuit autem Dominus Abram, & dixit ei: (c) Semini tuo dabo terram hanc. Qui ædificavit ibi altare Domino, * qui apparuerat ei. 8. Et inde transgrediens ad montem, qui erat contra orientem Bethel, tetendit ibi tabernaculum suum, ab occidente habens Bethel, & ab oriente Hai: ædificavit quoque ibi altare Domino, & invocavit nomen eius. 9. Perrexitque Abram vadens, & ultra progrediens ad meridiem. 10. Facta est autem fames in terra; descenditque Abram in Ægyptum, ut peregrinaretur ibi: prævaluerat enim fames in terra. 11. Cumque prope esset ut ingrederetur Ægyptum, dixit Sarai uxori suæ: Novi quod pulchra sis mulier, 12. & quod cum viderint te Ægyptii, disturi sunt: Uxor ipseus est: & interficient me, & te reservabunt. 13. (d) Dic ergo, obsecro te, quod soror mea sis, ut bene sit mihi propter te, & vivat anima mea ob gratiam tuam. 14. Cum itaque ingressus esset Abram Ægyptum, viderunt Ægyptii mulierem quod esset pulchra nimis. 15. Et nuntiaverunt principes Pharaoni, & laudaverunt eam apud illum: & sublata est mulier

mulier in domum Pharaonis. 16. Abram vero bene usi sunt propter illam : fueruntque ei oves, & boves, & asini, & servi, * & famulæ, & asinæ, & cameli. 17. Flagellavit autem Dominus Pharaonem plagis maximis, & domum eius, propter Sarai uxorem Abram. 18. Vocavitque Pharaeo Abram, & dixit ei: Quidnam est hoc quod fecisti mihi? * Quare non indicasti quod uxor tua esset? 19. Quam ob causam dixisti esse sororem tuam, ut tollerem eam mihi in uxorem? Nunc igitur ecce coniux tua, accipe eam, & vade. 20. Præcepitque Pharaeo super Abram viris; & deduxerunt eum, & uxorem illius, & omnia quæ habebat.

(a) Act. vii. 3. (b) Gal. iii. 8. Inf. xviii. 18. xxii. 27. Heb. xi. 8. (c) Inf. xiii. 24. xv. 18. xvi. 2. Deut. xxxiv. 4. (d) Inf. xl. 21.

BURGENSIS

ROMANÆ CORRECTIONES.

- V. 6. *Usque ad convallē*. Merito hic omiſſa eſt & coniunctio, quæ præponebatur.
V. 7. *Qui appaſſerunt ei*. Quod ſequitur in quibuldam libris, & *invocavit ibi nomen eius*, conſulto tranſpoſitum eſt.

- V. 16. *Et famula, & asina*. Non eſt ſcribendum familia pro famula, quod eſt ancillæ; nec omittendum asina femininum, licet præceſſerit maſculinum *asini*.
V. 18. *Quare non indicasti?* Non addas pronomen *mibi*, ſed ſubaudiās.

COMMENTARIA

S A.

Verſ. 1. **D**IXIT; pro, iam vero dixerat. Vide Act. vii.

V. 2. **BENEDICAM TIBI**; ideſt, *cumulo te bonis*. Hebr. **BENEDICTUS**, ideſt fortunatus. Hebr. *beneficentia*.

V. 3. **MALEDICAM**, ideſt puniam. **IN TE**, ideſt propter te, ſcilicet propter ſemen tuum, Chriſtum. Vide cap. xlviii. **COGNATIONES**, ideſt familiæ.

V. 4. **EGRESSUS EST**, ſcilicet multo ante quam pater moreretur. Aug. xvi. de Civ. cap. xv. Nota, quod ex Ur dicitur exiſſe anno ætatis 52. ex Haran autem 75. vivo patre, quæ ſubinde inviſebat: vixit enim pater poſtea 60. annis, quo mortuo numquam rediit in Haran.

V. 5. **POSSEDERANT**. Alii vertunt, *acquiſierant*, & id ſignificat verbum Hebræum. **ANIMAS**, ideſt homines. **QUAS FECERANT**, ſcilicet gignendo; vel emendo ſervos. Chald. *Quas legi ſubiecerant*.

V. 6. **CONVALLē ILLUSTRē**, ſcilicet Mambré, ſecundum quosdam. Alii vertunt, *queretum*, ſeu *planitiem Moreb*, ſcilicet ſic dictam à Moreb Chananæo.

LXX. queretum exteſſam: Chald. *planitiem Moreb*. **CHANANÆUS ERAT**, pro, Chananæi erant.

V. 7. **APPARUIT**, ab hoc anno, quo Abram cœpit peregrinari in AEgyptum, uſque ad exitum ex AEgypto, anni ſunt 430. de quibus Exod. xii. Act. vii.

V. 8. **CONTRA ORIENTEM**, ideſt ad Orientem. **INVOCAVIT**, ſcilicet precando.

V. 10. **IN TERRA**, ſcilicet Palæſtina.

V. 12. **RESERVABUNT**, ſcilicet vivam.

V. 13. **SOROR**. Vide infra cap. xx. verſ. 12.

V. 16. **BENE USI**; pro, benefecerunt.

V. 19. **CONIUX TUA**, ſcilicet inaſta. Chryſ.

EST I I.

Verſ. 1. **E**GREDERE DE TERRA TUA. Iam ante cum patre exierat de terra ſua, id eſt regione Chaldæorum; ſed ſenſus eſt: penitus exi, ita ut ad eam numquam ſit animus redeundi.

V. 2. **IN TE BENEDICENTUR UNIVERSÆ COGNATIONES TERRÆ**. He-

Hebræi sic intelligunt: *Benedicent sibi invicem*, dicendo, Benedicat nobis Deus, sicut benedixit Abraham. Sed interpretante Paulo, sine dubio significatur quod in semine Abraham, quod est Christus, benedictionem salutis, & iustitiæ accipiant omnes gentes. Si ergo active legatur cum Hebræis, sensus est: de hoc scilicet se benedicunt, sibi que gratulabuntur. Interim Chaldæ quoque habent passivè: *Benedicentur propter te*.

V. 5. ET ANIMAS QUAS FECERANT IN HARAN. Abutebantur hac Scriptura inter alias, qui animam rationalem a parentibus trahi sentiebant. Sed anima syncdochice passim in Scriptura pro homine toto ponitur. Sic August. Quæst. cl. super Genesin. Dicitur autem homo hominem generare, seu facere, non quia per virtutem generativam forma essentialis, scilicet anima rationalis, introducit in materiam, quasi educta e potentia materis; sed quia causa est unionis partium essentialium, in quantum dispositionem eam, quæ sit in materia, virtute generantis, infallibiliter, ex primæ Dei institutione sequitur unio animæ & corporis. Potest tamen hic locus generaliter etiam intelligi, tam de pecoribus, quam de hominibus, quæ una cum Abraham egressa sunt de Haran. Animam autem rationalem, non virtute generantis produci, sed extrinsecus advenire, etiam Aristoteles vidit Lib. II. de Generat. animalium cap. III. motus eo argumento quod cernebat in anima intellectiva operationem quamdam, quæ non esset alicuius corporis actus. Ceterum quomodo nihilominus trahatur peccatum originale a parentibus, vide Commentar. nostrum ad Rom. v. & in Librum II. Sent. dist. xvii.

V. 7. SEMINI TUO DABO TERRAM HANC. Epiphanius sub finem Ancoratidic, Chananæos quondam terram illam occupasse per vim, eiecitque posteris Sem; idemque hæc Deum dicere: sequutique sunt olim etiam alii hanc sententiam, & nunc quoque Bannes in II. II. quæst. x. art. 10. Sed nobis ea traditio Iudaica magis videtur, quam Ecclesiastica, immo satis repugnare Scripturæ. Nam non dicitur, Restituam, sed *Dabo*. Deinde Abraham, Isaac & Iacob nunquam sibi ius in illam terram vendicaverunt, sed fatebantur se peregrinos.

Tertio nec Iephte in controversia quam habebat cum hostibus, aliud allegavit quam terram illam suo populo a Deo suo datam esse. Adde quod Dominus Deut. ix. & alibi suæ promissionis, & Chananæorum exterminat. onis causas non alias reddit quam suum amorem erga patres Israelitici populi, & peccata illarum nationum. De quo & infra cap. xv. *Necdum enim completæ sunt iniquitates Amorrhæorum &c.*

V. 12. INTERFICIENT ME, ET TE RESERVABUNT. Quæritur quomodo consistat hic metus cum fide promissionis ipsi hoc eodem cap. factæ. Respondeo: Poterat cogitare Deum impleturum sine dubio promissiones, non tamen sine opera, solitudineque humana, de conservanda vita. Vide Annot. infra xxxii. Iud. xx. & Act. xxvii.

V. 13. DIC ERGO, OBSECO, QUOD SOROR MEA SIS. Quomodo soror? Explicat plenius Abraham infra cap. xx. dicens: *Filiâ patris mei, &c. non filia matris meæ*. De quo vide nostra in IV. distict. xli. & Bellarminum de Matrimonio capite xxviii.

V. 15. ET SUBLATA EST MULIER IN DOMUM PHARAONIS. Dubitant quidam num Pharaeo eam cognoverit. Sed cum narratio altera, cap. xx. de Abimelech, a quo tacta non est, sit huius similis, præsumendum, quod uno loco exprimitur, in altero quoque intelligendum. Quin & Pharaonem eam non tetigisse, ex eo quoque colligitur quod reges non statim tales ad se admitterent, sed prius purgatas, & preparatas, ut pater in Libro Ester. Itaque plagas a Deo immisas interea ardorem eius repressisse, demumque verisimiliter Deum eum admonuisse, ut ibi cap. xx. Abimelech. Vix enim aliqui cohereret quod sequitur (vers. 18.) *Vocavitque Pharaeo Abraham &c.*

M A R I A N A E.

Vers. 1. DIXIT; pro, iam vero dixerat Dominus ad Abram. EGREDERE DE TERRA TUA. Hebraice, *Abi tibi*: modus loquendi Hebræis usitatus sine alio mysterio. Hæc visio modo narratur, sed facta est in Mesopotamia: A Æor. vii. nunc tamen plane executioni mandatur.

V. 2.

V. 2. ERISQUE BENEDICTUS. Hebraice, *Esse benedictio*, eadem sententia, ut præter Hieron. Chald. & Sept. vertunt: *Et eris benedictus*.

V. 3. IN TE BENEDICENTUR UNIVERSAE COGNATIONES TERRAE. Declaratio eius quod dixerat, *Eris benedictus*, seu *benedictio*. Nempe dicent: *Faciati tibi Deus, sicut fecit cum Abraham*. Sic cap. XLVIII. vers. 20. Iacob explicat benedictionem datam Iosephi filiis: *Faciati tibi Deus sicut Ephraim, & sicut Manasse*. Nos in Abraham semine benedictas gentes dicimus, quia per Christum sunt collata omnia bona. IN TE ergo, idest propter te, propter semen tuum.

V. 4. EGRESSUS EST. Antequam pater Thare moreretur: Anqust. XVI. de Civit. Dei cap. xv. Ex Ur discessit anno ætatis 3. ex Haran anno 75. vivo patre. Nam vixit postea sexaginta annis; & fortassis eum invisebat frequenter. Quo modo quidam verba Stephani cum his locis concilient. Discessisse ex Haran post mortem patris amplius non reductus. Hoc sequamur potius quam Cui sententiam.

V. 5. QUAS FECERANT. Hebr. *acquisierant*, sive genitas, sive empras pecunia, vel ad Deum adiundas. Porro ANIMAS, id est homines. UT IRENT IN TERRAM CHANAN. Quomodo ergo Paulus ad Hebræos XI. vers. 8. dixit, *Abraham exiit nesciens quo iret*? Nempe id sumpsit Paulus ex illis verbis, *Veni in terram, quam monstrabo tibi*; ergo licet iret in terram Chanaan, nesciebat quo iret, quia ignorabat qualis terra esset, quid facturus ibi.

V. 6. USQUE AD CONVALLEM ILLUSTREM. Sept. *Ad quercum excessam*. Chald. *Ad plantitum More*. Vox Hebr. *אֵלֶּם* ambigua est. Quibuldam sic incat *quercum*, quam significationem se utus est alibi sæpe Hieron. al. is significat *plantitum*, seu *convallum*, perinde enim est. Ego suspicor hanc sive *quercum* dix-*ris*, sive *convallum*, esse *Mambre*, de qua cap. XIII. vers. 18. & cap. XIV. vers. 13. nam & nomina *More*, & *Mambre* sunt affinia, & Scholiastes Græcus hoc loco legit: *Usque ad quercum Mambre*.

V. 7. APPARUIT AUTEM DOMINUS. Ab hac apparitione cum Abram cepit peregrinari in Aegypto, usque ad

exitum ex Aegypto, numerantur anni 430. de quibus Exod. XII. A& VII.

V. 8. MONTEM, QUI ERAT CONTRA ORIENTEM. Pro, ad orientem Bethel. AB OCCIDENTE HABENS BETHEL. Hebr. *a mari*, sic Sept. sed per mare occidens intelligitur, quia mare nostrum est ad occasum Terræ sanctæ. ET INVOCAVIT NOMEN EIUS. Hebr. *Et vocavit in nomine Domini*; nimirum, vel ipse invocavit nomen Domini, vel vocavit alios ad nomen Domini: sic quidam Hebræus. Et sic vocavit vox est orationis. Vel vocavit filios Adam ad Dei cultum.

V. 10. IN TERRA, intellige Palæstina, FACTA EST FAMES.

V. 15. ET NUNTIAYERUNT PRINCIPES PHARAONI. Ad verbum; Et viderunt eam Principes Pharaonis: sic Sept. verterunt, sic Chald. sed quoniam superiori versu dictum erat, *Viderunt Aegyptii mulierem*, nunc Hieron. idem videndi verbum mutavit in nuntiandi.

V. 16. BENE USI SUNT: bene fecerunt ei.

V. 17. PROPTER SARAI. Hebr. *Propter verbum Sarai*; sed vox *verbum* sæpe redundat.

V. 19. UT TOLLEREM EAM MIHI IN UXOREM. Sept. & Chald. *Et accipiam eam mihi in uxorem*, ad te culpa redit, qui dixisti esse sororem tuam. Hic disputat Hieron. an Pharaeo eam cognoverit: excusat tandem ex tempore quo semine curabant corpora priusquam ingrederentur ad Regem. Accusant alii Abram, quod propter famem se & uxorem tali periculo obiecerit. Sed nimirum sanctorum facti aliquando Deo movente a communi lege exhibentur.

V. 20. DEDUXERUNT EUM. Sept. & Chald. *Comitati sunt eum*, nimirum honoris, & præsidii causa. Et vide ingenium aulicorum, continuo vela vertunt quo inclinat regii favori; aura: Tametsi voces Hebraicæ *וּמִן מִלְּכֵהוּ* *iesallu otho* proprie significant *dimiserunt eum*.

M A L V E N D A E.

Vers. 1. DIXIT AUTEM DOMINUS. Fere annotant omnes, præteritum perfectum hic poni pro plusquam perfecto: iam vero dixerat Dominus, nempe

pe cum adhuc esset in Ur Chaldaeorum, antequam migraret in Charan. Qua ratione hunc locum aiunt interpretatum Stephanum Actor. vii. 2. *Deus gloriæ apparuit patri nostro Abraham, quum esset in Mesopotamia, priusquam moraretur in Charan, & dixit ad illum: Exi de terra tua, & de cognatione tua, &c.* nempe ipsa verba quæ hic exponuntur. EGREDERE. Hebr. *Abi tibi*, vel *vade tibi*. Hebraismus, & Hispanismus, *Vete*. Inepte quidam, *tibi*, ad tuam utilitatem.

V. 2. FACIAMQUE TE IN GENTEM MAGNAM; hoc est, efficiam ut ex te oriatur gens maxima, celebris, inclyta, nempe populus Dei, Ecclesia, Christus, fideles, credentes:

... ex te toto surget gens aurea mundo:

ut mysterio respiciat nedom Iudaicum populum, sed Christianum, qui fide propagatus est ex Abrahamo. Notant quidam, ex isto loco, aliique similibus, perspicuum esse, quod hæc appellatio gentis seu *na goi*, non solum gentibus, sed etiam Iudæis competat. Nisi quod postea Iudæi recentiores omnes populos, qui aliam quam Iudaicam sectarentur religionem & cultum, vocarunt *Goyim goim*, non aliter atque Christiani etiam reliquos omnes populos, extra, & præter Iudaismum, quos suo nomine vocant Iudæos, & Christianismum, vocant gentes, seu gentiles; cum tamen perinde nos Christiani gentes simus, atque alii infideles & ethnici. Sic Græci omnes alios a se barbaros appellant. Quare refutandos esse Iudæos, qui alias omnes gentes, quæ non sunt circumcisæ, per contemptum hoc nomine appellant. Et multo magis recentiores Iudæos ineprire, qui nedom nos Christianos *goim* gentes, verum etiam singulos viros *goi* gentem appellant, qui non sunt ex semine Abrahamæ, quasi unus vir gens sit, & gentem aliquam constituat. Ceterum in novo Testamento *goim*, quo Hebraicum nomen *goi* exprimitur, gens, aut gentilis vocatur populus, quicumque extra Hebraismum, seu Iudaismum, aut ex semine Abrahamæ non est ortus: & *goim na goim*, gentes, ceteri populi in Dei iisdem non comprehensi: qui tempore Apostolorum dicti sunt Ellenes, id est Græci; quod inter gentes Græci præcipui haberentur, & maxima pars orientis Græco sermone uteretur. Sic

in Actis & in Paulo passim. ERISQUE BENEDICTUS: & *esto benedictio*. Latini quoque ita loquuntur: Non scelestus, sed ipsum scelus. Abstrahum mire augeat significatum; quasi dicat: Nedom benedictus, sed ipsa benedictio esto. Uius est imperativo ut certitudinem promissionis & benedictionis firmaret. Augubo te, & cumulabo ingentibus bonis: eris fortunatissimus, & felicissimus, ut ipsa felicitas videri queas: effundam in te largissime omnium bonorum cornucopiam. Hanc partem antecedentia, & sequentia declarant, in quibus enumerat Deus fortunas & felicitates seu bona quæ conferurus erat in Abrahamum. Nonnulli hunc locum ita reddunt, atque interpretantur: *Et magnificabo nomen tuum, ut sis benedictio*; id est, ut sis velui exemplar & norma, ac formula quædam benedicendi, & bene precandi, usurpenque passim homines nomen tuum in solemnibus benedictionibus. Felicitatem tantum promittit, quæ omnes passim admiratione afficiat, ut sibi Abrahamæ personam & nomen in formulis benedicendi tanquam exemplar sumant; quasi dicat: Reddam nomen tuum celebre & insigne, ita ut tibi omnes bene precentur: præterea, quum quis bene precabitur alteri posthac, sit precaturus ut illi eveniat sicut tibi evenit, dicetque: Uinam tibi benefaciat Deus sicut benefecit Abrahamæ, ut Genes. xxviii. 4. & cap. xlviii. 16. Sic Romani in formula bene precandi suis principibus, optabant illis felicitatem Augusti, bonitatem Traiani.

Vers. 3. MALEDICENTIBUS TIBI. Hebr. *alleuantes te*, vel *leui facientes te*. Vide Notas Genesis viii. vers. 21. quasi dicat: Favbo amicis tuis, eos augebo bonis; sed inimicos tuos puniam, & malis afficiam. ET BENEDICENTUR IN TE OMNES COGNATIONES TERRÆ. Hebræorum quidam exponunt: Qui aliis bene precari volet, utetur hac formula: Felicitati tibi eveniat ut ipsi Abrahamæ evenit. Verum genuina explanatio ut hæc promissio sit prorsus similis illi quæ infra cap. xxi. 18. clarius repetitur his verbis: *Et benedicentur in semine tuo omnes gentes terræ*. Quod semen Paulus ad Galatas iii. 16. Christum interpretatur: *Abrahæ dictæ sunt promissiones, & semini eius: non dicit, Et seminibus, quasi in multis; sed quasi in uno, Et semini tuo, qui est Christus*. Ergo hic in te,

te, id est in semine tuo; vel propter te, id est propter semen tuum Christum. Vide Act. 11. 25. 26. BENEDICENTUR. Prosperabuntur, fortunabuntur, felicitabuntur, bonis augebuntur. Quæ bona Christus in mundum attulerit, nulli non notum.

Vers. 4. SEPTUAGINTA QUINQUE ANNORUM, &c. Chronologicas Quæstiones de horto Abrahamæ, quoto anno patris sui Thare natus sit, Genes. xi. 26. & quomodo post mortem Thare egressus sit de Charan, fusius disputavimus in Antichristo Lib. II. cap. xi. In his Commentariis hanc, & alias, quæ passim in Scripturis occurrunt, vel omittemus, vel leviter tantum attingemus: quod tetricæ, spinosæ, ac molestæ esse soleant; & quod assatim, & ad fastidium usque ab Explanatoribus excutiantur.

V. 5. UNIVERSAMQUE SUBSTANTIAM QUAM POSSEDERANT. רכש *recuscb*. Notant, cum seorsum ponitur absolute, significare generaliter omnem substantiam mobilem, comparatam, & in unum comportatam: ut fit affine verbo רכש *ragasch*: ut quando sibi habet adiuncta bona, tum exceptis illis, alia notare, quæ ibi non sunt expressa. Alii generale nomen esse volunt ad omnia bona sive mobilia, sive immobilia, ut univèrse significet substantiam, facultates, fortunas, res, suppellectilem, opes, possessiones, divitias. Hispanice, voce consimili, *riquezas*. Ex eo nomine constat est verbum רכש *racasch*, quod quater tantum in Scripturis ponitur. Hic possidere vertit Noster, cap. xxxi. 18. bis, *acquirere*, cap. xxxvi. 6. *habere*. Aiunt proprie esse comportavit, collegit substantiam, concessit opes, ditatus est, ex verbo substantiæ, vel consubstantiavit, comparavit facultates, divitias. ET ANIMAS QUAS FECERANT. Hebr. *Et animam quam fecerunt*: subaudiendum כל *col*, quod proxime antecessit: Et omnem substantiam quam consubstantiaverunt: & omnem animam quam fecerunt: נפש *nepescb*, anima hic pro persona, & synecdochice pro toto composito, a nobiliore eius parte appellacione sumpta; ut alibi passim in Scriptura ponitur. Vide infra Genes. xxxvi. 6. Sic Hispanice loquimur: *Havia mil animas*, id est homines. Quidam hic servos emptitios intelligunt, aut certe vernaculos domi suæ natos. *Fecerant*; id est, paraverant, acquirerant,

vel genuerant. Nonnulli intelligunt de personis fidelibus, quas secum legi Dei, & veræ religioni acquirerant, & aggregaverant, atque in vero Dei cultu instituerant. Sed potius accipimus servitia Abrahami, & Loti, quæ sibi vel pretio acquirerant, vel eis domi nata fuerant ex servis & ancillis; nempe servos & emptitios, & vernaculos.

V. 6. SICHEM, lamolæ urbis, & in Scripturis celebris hic primum mentio: de qua Eusebius, & S. Hieronymus in locis Hebraicis: *Sichem* & *Salem*, quæ Latine & Græce *Sicima* vocata est, civitas Iacob, nunc deserta est. Ostenditur autem locus in suburbanis Neapoleos, iuxta sepulcrum Ioseph, quam subvertit Abimelech, & seminavit in ea *Salem*, sicut in libro Iudicum scriptum est. Postea vero insaurata est a Ieroboam, ut regnorum narrat historia, & sita est in finibus tribus Ephraim: sed & filius Emor appellatur *Sichem*, a quo & locus nomen accepit. Idem S. Hieronymus in epitaphio Paulæ: *Transiit Sichem quæ nunc Neapolis appellatur*, & ex latere montis Garizim. Sicamion Plinii Lib. V. cap. xix. quidam existimant. Sed disseert Plinio, Ptolemæo, aliisque Neapolis, quæ *Sichem*, urbs Samariæ, diversa a Sicamino Phœnicie urbe ita dicitur. De *Sichem* vide in Deuter. xi. vers. 29. & in Iosue xxiv. vers. 1. Prolepsi hic usus Moses, nam non nisi postea dicta est *Sichem*, tempore Iacob, a *Sichem* filio Emor, Genes. xxxii. 19. Ioannis iv. 5. appellatur *Sichar*. USQUE AD CONVALLEM ILLUSTREM. מלון מורה *elon moreb*. Quia inter *Sichem* & convallem nulla intercedit Hebraica coniunctio, quidam existimant esse appositionem; id est, usque ad locum, qui hac tempestate dicitur *Sichem*, qui olim tempore Abrahamæ vocabatur *Elon moreb*; ut sit idem locus *Sechem* novo nomine, qui prius appellatus sit *Elon moreb*: quod varie interpretantur. I. *Robur*, quercum, *ilicem*, vel quercetum *moreb*. II. *Pinum moreb*. III. *Alnum moreb*, ex vocis similitudine. IV. *Ulmum moreb*. V. *Terebinthum moreb*. VI. *Castaneam moreb*. VII. *frequentius, plantitum moreb*. Noster, quum bis tantum coniunctum reperitur *Elon moreb*, hic *Convallem illustrem*, Deuter. x. vers. 30. *Vallem tendentem* & *intrantem procul*, exposuit. Indubie מורה *moreb* a מרחק *raah*, vidit, deduxit; ac fiducias, conspicuam, spectabilem, illustrem, extensam oculis. Quia

A a

dam,

dam, quod in hoc loco Deus apparuerit, ac visus fuerit Abraham. illique magnifice ostenderit promissionem eius terræ, versu sequente, & cap. xiiii. vers. 14. & 15. quasi dicas, *Vallem*, seu planitiem Monstratoris: *Morch* enim monstratorem significat: & a tam illustri monstratore Deo, Abrahamum id nomen loco imposuisse. Alii exsiliant, *Morch* esse nomen proprium cuiusdam viri Chananeæ, qui tabernaculum suum, ut mos erat illorum temporum, sub quercu, seu querceto, vel alia arbore in planitie illa habuerit. vel loci, de nomine possessoris. Forlan dicta *Valdis*, seu *Quercus Morch*, quod ibi esset statio iaculatorum: nam ibi itationem aliquam fuisse, innuitur Iudic. ix. vers. 6. aut quod esset schola aliqua aut academia litterarum: siquidem *Morch* ארץ *iarab*, iaculatorem & doctorem significat, qui doctrinam in animos discipulorum eiacular. Non sunt audiendi qui *convallem Morch* & *convallem Maure* unum & eundem locum faciunt. *Convall*em illustrem fuisse describit sacri topographi, quos adito. Esse vel ipsam Sechem, vel in agro Sectemetane: quod est verisimilius, non est dubium. CHANANAEVS AUTEM TUNC ERAT IN TERRA; id est, nihil minus in speciem videbat Abraham, quam quod ipsi fuerat a Deo promissum; & tamen certa id percipiebat fide, ut patrem credentium decuit.

V. 7. ALTARE. מִזְבֵּחַ *mizbeach*, ara, altare, אֶבֶן *zabach*, mactare, sacrificare: quod in eo mactatæ seu iugulatæ pecudes sacrificabantur; & ad illud fiebant vota, preces, gratiarum actiones, invocationes in nomine Domini, conciones sacræ de futuro semine mulieris, deque rebus aliis divinis, & morum institutione. Avenarius, ex *Mizbach*, deducit *Misse* vocabulum.

V. 8. TRANSGREDIENS. פָּנָה *ghabnah*, in Hiphil varie hic exponunt. I. Et transiit: subaudi, tabernaculum, aut domicilium, vel se. II. Et avulsit, eradicavit se. III. Et procegit se, vel procegitur est. IV. Et digressus est, amovit se. V. Et refixit tentorium Bethel. Sic dicta per prolepsin: nam tunc Luza dicebatur. Vide infra cap. xxviii. vers. 19. A OCCIDENTE. Heb. אֶמֶת *emet*: quia enim mare magnum, seu mediterraneum, est terræ Chananeæ ad occidentem situm, sæpe in Scriptura pro occidente ponitur: sic Exod. x. vers. 19. HAI.

Eusebius, & S. Hieronymus de locis Hebraicis: γῆ Γλαι, iuxta Bethaven & Bethel, quam expugnavit Iesus, rege illius interfecto, & habitavit in illa quondam citra Iordanem Amorriteus: nunc desertus tantum ostenditur locus. Et in littera, A; At vero vix parvæ ruine residet, & locus tantummodo monstratur. ET INVOCAVIT NOMEN EIUS. Heb. Et vocavit in nomine Eborab. Vide supra vers. 7. & cap. iv. vers. 26. hoc est, professus est verum ac legitimum Dei cultum, solemnem ritu sacrificans, & Deum invocans, suoque ad pietatem & Dei unicam religionem inlituens. Alii exponunt: Et litavit, seu rite sacrificavit.

V. 9. PERREXITQUE, &c. Hebr. Et movit Abram ambulando, & movendo ad meridiem. Alii: Deinde profectus est Abram cundo, & proficiscendo, vel indefinenter perendo, in meridianum trañum; id est, ex montanis illis inter Bethel & Hai perrexit versus australem plagam per multas mansiones. subinde tentoria movendo, & quasi castrametando. Alii exponunt, quasi sensum & pedetentim progrediendo. AD MERIDIEM, seu ad meridianum trañum Chananeæ, qui spectat Aegyptum: quia ratione factum est ut invadente tunc de qua versu tequente, in Aegyptum potius quam alio migraverit.

V. 10. UT PEREGRINARETUR IBI. Observant, verbum נָחַר *ghur*, quando constructum cum שָׁם *schem*, ibi, ut hic, tum significare, ad locum, aut ad gentem aliquam extra patriam suam peregrinari, se, resque suas, vel curru, vel alio vehiculo trahere: nam verbum generali significatione volunt esse trahere, quod fortasse extra patriam peregrinantes, quasi inviti & ingratas trahantur in alieno solo. Quidam reddunt: Ad commorandum, diversandum, hospitandum, habitandum ibi. Alii: Ad contrahendum, videlicet vñdum, & annonam: ad comparandum sibi comestum, ibi. Sed aptius est, ad trahendum ibi, & se, & res suas, ac suos, vel vitam, vel tempus, vel ætatem.

Vers. 11. QUUMQUE PROPE ESSET. Heb. Secundum quod appropinquavit: & quia אֶבֶן *bikrib*, est Hiphil, transitive quidam exponunt: Quum appropinquare fecit, vel quum admovit, subaudi, tentorium suum ad ingrediendum in Aegyptum. Forlan Hiphil indicat, secundum quod quum maxime appro-

propinquavit. Alii: Appropinquare se fecit. NOVI QUOD PULCHRA SIS. Noster duas particulas emphaticas omisit Heb. הִנֵּה, ecce, & מֵנָּה, quod est quæso, obsecro, euge, &, age, æquid, nunc, iam. Quidam hic vertunt: Ecce nunc, iam quidem, fave, profecto. Observant, na. significare affectum, impulsu seu motum animi, quo desiderium cordis nostri indicamus erga superiorem, ut eum sciamus: effluere obsecrantis; interdum vero esse adhortantis, quando scilicet non est inferioris ad superiorem, sed ad semetipsum, vel ad aequalem ad aliquid operis faciendum. Sed quando est ad æqualem, vel inferiorem, si eius opera inaequalem, ne dum adhortantis, sed obsecrantis est, ut hic. Quidam, Ecce nunc; puta, quam meridianas istas feminas contempler, & te cum illis comparo, novi mulierem pulchram aspectu esse te.

P. 13. UT. לִמְעַן lemagban, Ut propter, propterea quod, quia, eo quod, significare aiunt; quasi responsum, seu redditionem causæ importet. Ego ex verbo, Ad correspondentiam dixi; quasi dicat: Si tu dixeris te meam esse forem, huic tuo dicto correspondet hoc quod est, bene mihi esse. PROPTER TE. בְּעִבְרִי baghaburec, בְּעִבְרִי baghabur, docent, idem esse quod pro ideo, eo quod, propter, propterea quod: esseque dictionem significativam, significantem transitionem vel de causa ad effectum, vel e contra ab effectu ad causam, aut quando unum transire significatur pro alio. Ego ex verbo reddidi, In transiitione tua; id est, si hoc transigeris. Hispanice, si passare por esso. Vel in transiitione tua; id est, ad te transibit gratia huius facti. OBERATIAM TUI. בִּגְלַלֶּךָ biglalec, exponunt, causa tui, occasio tui, gratia tui, propter te. Proprie in revolutione tua, hoc est occasione tui. Occasio facile voluitur: vel in devolvendo te in me id beneficium: aut si in me devolveris hanc gratiam. Alii exponunt, In revolutione tua; id est, in secreto tuo, si tacueris te meam esse uxorem, aut in fictione, & dissimulatione tuæ, seu in hac arte involvendi rem, dum & veritatem tacebis, & mendacium vitabis.

P. 14. PULCHRA NIMIS, id est pulcherrima. Vide Genes. i. vers. 31.

P. 15. SUBLEATA EST. Heb. Accepta fuit. Foran non tantum quia rapta, sed

quod grata, & mire placuerit universæ domui Pharaonis. Quidam reddunt: Et capta mulier illa in Pharaonis domum perducta est. Metalepsis, ut Matth. iv. vers. 5. & 8. & cap. xxvii. vers. 27. nam perducendi verbum superiore includitur, ut peregrina syntaxis indicat: sic infra cap. xliii. vers. 33. 34. Exod. xviii. vers. 12. & cap. xxv. vers. 2. & cap. xxvii. vers. 20. & alibi passim est eclipsis verbi inclusi. Vide Præfationem Forsteri in suum Dictionarium Hebraicum, Regula 52. PHARAONI פַּרְעֹה Parogh, Primum hic occurrit celebre istud nomen commune Aegyptiis regibus, de quo paucis hic inferam quæ aliqui observarunt. Reticulum est quod quidam a charo insula vetustissima Alexandriæ obversa Pharaones dictos existimant. Nonnulli, quod liberi & alieni essent ab operibus Dei, & veræ religionis; nam verbum פָּרַע paragh, vacuum, otiosum, liberum, esse, vel a laboribus, & operibus, vel a lege, vel a disciplina, seotredentia, significare volunt. Sed hac ratione omnes reges impii & mali dicendi essent Pharaones. Alii, quod a populis tributa, opera, vedigalia exigent, quasi dicas, exactores: nam paragh, abstrahere quoque denotare aiunt; itemque nudare, uti sint nudatores populi. Nec desunt qui ab ultione deducant, quasi ultiores: nam & Romæ nomen erat lovis ultoris. Quidam quia putant verbum paragh, significare exuere impedimenta, expedire, & preparare se ad bellum: inde Pharaones dictos pertendunt, quos Græci postea l'etol-mæos appellarunt, id est bellatores, a πῆλμας; quod est bellum, inserto r. Vanissimum commentum, quod nullum etymon fulciat. Nescio unde aliquis accepit, Pharaones dictos proprie quali villanos, quod reges Aegypti ab omni antiquitate fuerint in sua gente sacerdotes summi ac pontifices præcipui. Plerique Pharaones dictos arbitrantur, quod liberi, otiosi, vacui, immunes essent ab operibus, & oneribus, quibus alii in regno obnoxii sunt; quasi dicas, seriatos, privilegiatos, exemptos iure communi. Ex Hebræo Pharygh, volunt deducta Latina, seriatos, privilegiatos, privatos, baro, barones. Sed hæc sunt vanitate ipsa vaniora; ac si vero ea ratione non omnes nationum omnium reges possint dici Pharaones. Alii a cæsare & coma quam nutrent, quæ Hebraice dicitur פָּרַע perogh,

Pharaones appellatos augurantur, ut forsan Romani Cæsares, a cæsare, cum qua nascerentur, ut notat Festus. Mirum quod Parthorum reges non sint dicti Pharaones, quod capillati essent. In tanta etymologia- rum divinatione, multo tutius ac certius est, quod Iosephus habet Lib. VIII. Originum cap. 11. pag. 269. Pharaonis nomen Aegyptium esse, regemque significare ea in lingua, & propriam esse appellationem regis ac potestatis; atque a primo Aegyptiorum rege, qui dictus sit Pharaon, quod nomen regem sonat, reliquos omnes successores longissimo tempore Pharaones nuncupatos; quasi antonomasice reges dicas. Quod satis innuitur Genes. xli. 44. cum Pharaon dixit ad Ioseph: *Ego sum Pharaon; sed absque te non levabit quisquam manum suam aut pedem suum*, &c. ac si dicat: Retineo mihi nomen & rem Pharaonis, volo mihi manere nomen regium, & dignitate regiam; tibi tamen secundae a me tribuo, nempe officium & administrationem frumentorum. Herodotus Lib. II. numero 111. filium Sesostris Pheronem appellat Aegypti regem. Satis constat ex Scriptura, & ex Sanctis Patribus, Hieronymo, Augustino, aliisque, Pharaonis nomen commune fuisse multis regibus Aegyptiorum, ut Cæsaris Romanis principibus, Ptolemæi Aegyptiacis regibus, &c. Insistit & spuria esse aiunt, quæ in Eusebii Chronico numero 346. de Pharaonis etymo legebantur. Errat aperte Iosephus, qui temporibus Salomonis Pharaonum nomen defecisse scribit: cum tempore Iosæ nominetur *Pharaon Necho*, II. Reg. xxiii. 29. & Ieremiæ xliiv. 30. *Pharaon Hophra*. De hoc Pharaone raptore Saræ, Iosephus Lib. VI. Belli, cap. xi. *Nechias* (Necho) qui iam erat rex Aegyptiorum, idemque Pharaon vocabatur, cum infinita manu descendit, reginamque Saram materni nostri generis rapuit.

V. 16. **BENE USI SUNT.** Hebr. *Benefecit*, nempe Pharaon; id est, ingentibus beneficiis affecit Abrahamum, favore & gratia prosequutus est. **OVES, ET BOVES.** Vide Genes. iv. vers. 2. Videtur esse expositio eius quod dixerat, *Benigne fecit*; quasi greges, & armenta, servos & ancillas in multa copia ei dono dederit Pharaon.

V. 17. **PLAGIS MAGNIS.** Large di-

vinant. Quidam feminis fluxum, vel impotentiam cocundi. Alii peltem grassantem. Nonnulli morbos & dolores gravissimos, & acutissimos. Plures sterilitatem in viris & feminis. **PROPTER SARAI.** Heb. *Super verbo Sarai*. Notant דבר *da-bar*, id est *verbum*, quando assumit ab initio דבר *ghal*, ut hic דבר-דבר *ghal-de-bar*, idem esse quod *super causa*, *super re*; idemque Hebraeis valere, quod Latinis propter. Occurrit hæc phrasia aliquoties. Exod. viii. 12. *Et clamavit Moyses ad Dominum super verbum*. Numer. xvi. 49. *Propter morientes super verbo Coraich*. Sed verbum Hebraicis idem est quod factum, res, materia, negotium, ut sunt passim exempla obvia. I. Reg. xv. 5. *Excepto verbo*, id est *facto*, *Urbe Hebraeis*. Sic Lucæ 11. *Videamus verbum hoc, quod factum est*, &c. Sic hic, *Super verbo Sarai*; id est, *super facto*, negotio, re Sarai. Hispania eleganter: *Sobre el echo, o caso de Sarai*.

V. 20. **ET DEDUXERUNT EUM;** id est, comitati sunt eum, dederunt ei comitatum. Vel honorifice, & humaniter deduxerunt eum. Notant quidam, Saram, quum rapta fuit a Pharaone, minimum fuisse sexaginta quinque annorum; nam Abraham tunc temporis erat minimum septuaginta quinque annorum, supra vers. 4. & Sara decennio tantum minor marito suo, cap. xvi. 17. ad hæc, peregrinationibus, & laboribus, mæstititque exercita; & tamen eius pulchritudo tanta, ut regibus & principibus admirationi esset.

M E N O C H I I.

Vers. 1. **DIXIT AUTEM DOMINUS.** Hæc Abram vocatio contingit in Ur Chaldaeorum: est ergo hic prolepsis: *Dixit autem*, pro dixerat autem. D. Stephanus Act. vii. 2. asserit hanc vocationem contigisse in Mesopotamia, sed Mesopotamiam late sumit, ut comprehendit etiam proximam Chaldaeam. **TERRA TUA, Chaldaea**, solo natali. **COGNATIONE**, idololatris, qui te cognatione attingunt. **DOMO TUA**: si malint manere, deserere etiam domesticos tuos. **QUAM MONSTRABO.** Abrabæ fidem Paulus commendat, quod patriam r. liquerit ignarus quo properaret. Heb. xi. 8.

V. 2. **GENTEM MAGNAM,** æquandam *fil-*

bellis cæli, & arenæ maris, opibus, & dignitate insignem, & ex qua Servator mundi nasciturus. **BENEDICAM TIBI**, congestis in te naturæ, gratiæ, externisque bonis. **ERISQUE BENEDICTIO**: nec te promissum meum frustrabitur. **MAGNIFICABO NOMEN TUUM**: ut cunctis fæculis, & orbe toto sit clarum, ac nobile.

V. 3. BENEDICAM BENEDICENTIBUS: beneficiam bene de te merentibus, malefacientes tibi mulstabo malis. **IN TE BENEDICENTUR OMNES**: id est, in semine tuo, quod semen (teste Paulo ad Galat. III. 16.) est Christus. Per hoc enim spirituale semen, Abraham factus est pater omnium credentium. **LOT FILIUM FRATRIS SUI**, filium Aran: erat ergo Lot frater Saræ uxoris Abrahæ. **SUBSTANTIAM**: sic vocant Hebræi opes, quæ in pecoribus potissimum tunc positæ erant. **ANIMAS**, personas, capita: pars dignior pro toto; sicut: *Da mihi animas, cetera tolle tibi*: infra cap. XIV. 21. & Ioan. XII. 25. *Qui amat animam suam, perdet eam*. **QUAS FECERANT**, scilicet suas; quas genuerant, educarant, aut etiam emerant, aut permutarant. **FILIOS**, servos, ancillas. **CONVALLEM ILLUSTREM**. **LXX. quercum excelsum**: vallem, ac planitiem robustis, ac proceris quercubus spectabilem. **CHANANÆUS**. Populus ille sic proprie dictus, ad distinctionem Hevæi, Pherezei, Iebusæi, &c. qui & ipsi, latius sumpto vocabulo, Chananæi dicuntur.

V. 7. APPARUIT AUTEM DOMINUS ABRAHÆ, per Angelum scilicet in corpore assumpto. **SEMINI TUO**, carnali, quod ex Isaac descendet.

V. 8. AD MONTEM. Aliqui putant esse Garizim, & Hebal, de quo Deut. cap. XXVII. **BETHEL**: per prolepsin, nam ita appellata est postea a Iacob infra cap. XXVIII. 19. cum prius diceretur Luza. Dicitur, **CONTRA ORIENTEM**, quia mons erat orientalis ipsi Bethel. **AD OCCIDENTE HABENS BETHEL**. Hebræice: *A mari habens Bethel*: mare enim mediterraneum respectu Iudææ, & Bethel est ab occasu.

V. 9. AD MERIDIEM. Hebræice, *ad austrum*, quod etiam solet explicari voce deserti, ut hic vertunt LXX. In Scriptura ergo merides, ausler, & desertum,

quod ad situm attinet, idem significant.

V. 10. PEREGRINARETUR: non ut habitaret, spem enim promissæ sibi terræ nunquam abiecit. **DESCENDITQUE**. Promissionis terra est altior AEGYPTO; idco ad hanc ex illa proficiscentes descendere, ex AEGYPTO vero in Iudæam ascendere dicuntur. **IN AEGYPTUM**. Fortasse in AEGYPTO sola fames non grassabatur: vel in Mesopotamiam redire non licebat Deo prohibente.

V. 11. NOVI, &c. Noverat audaciam, & incontinentiam illius populi: quare non vana suspicio. **PULCHRA**. Ut minimum erat sexaginta quinque annorum; sed vel serius illo ævo senectus sentiebatur, vel divino beneficio vigor corporis, & decor servatus.

V. 13. DIC QUOD SOROR MEA SIS. Quo sensu Sarai Abrahami soror esset, explicat ipse Abrahamus Genes. XX. num. 12. **UT BENE SIT MIHI**, ne occidat. Non potest Abraham vocari in suspicionem proditiæ pudicitie uxoris suæ. Sibi consuluit ne occideretur, nihil mentitus, reliqua providentiæ numinis, cui se curæ esse sciebat, permisit. Et fortasse ita fecit, ac locutus est, Dei instinctu, quod graves Auctores affirmant. Adde, Abrahamum potuisse multum confidere Saræ castitati, cuius pudicitiam, & animi constantiam perspectam habebat.

V. 15. IN DOMUM: non ad stuprum, sed ut esset uxor, saltem secundaria.

V. 16. BENE USI SUNT. Pharaeo multa in illum tamquam in sororium beneficia contulit.

V. 17. FLAGELLAVIT PHARAONEM: non ut adulterum, nam ignorabat coniugatum; sed ut tyrannum, quia invitam rapuisset. **PLAGIS MAXIMIS**. Quænam fuerint hæ plægæ non dicitur in Scriptura. Aliqui putant fuisse fluxum feminis, & impotentiam copulæ in Pharaone; alii pestilentiam, aut tumultum, seditionesque populares; alii morbos, doloresque gravissimos; alii sterilitatem tam hominum, quam animalium. Ex hoc patet quam verum sit quod dicitur in Psal. CXLV. *Dominus custodit advenam; pupillum, &c. viduam suscipiet*. **ET DOMUM EIVS**: aulicos, familiares, quorum indicio abducta Sara: hi enim ut participes sceleris, ita pœna vacuos esse non decuit.

V. 18.

V. 18. QUOD UXOR TUA ESSET. Vel ipse suspicatus est, & ipsa Sara interrogata, veritatem cognovit; vel Deus Pharaoni plagam causam aperuit.

V. 19. UT TOLLEREM: ut non dubitarem eam mihi tollere in uxorem.

T I R I N I.

Vers. 1. **I**N TE BENEDICENTUR UNIVERSAE COGNATIONES TERRAE: quia ratione feminis tui, qui est Christus, ut explicat Ap. Iulius ad Galatas cap. III. vers. 16. iustitia, & gloria, & salus, & omne bonum conferetur omnibus omnino gentibus. Hæc tertia apparitio, & promissio facta est Abrahamo non in Charan (urbe Mesopotamiæ, vulgo dicta Charræ, ubi Crassus cladem accepit) sed in Chanaanitide iam existentii, ut in Chronico probavi cap. xv. Primo ergo apparuit Deus Abrahamo in Ur civitate Chaldaeorum, ut patet Act. vii. vers. 2. & Iudith v. vers. 9. Secundo apparuit eidem in Charan, mortuo iam parente, & iussit pergere in Chanaanitidem, Genes. xii. vers. 1. Porro civitas illa Chaldaeorum, unde primum excessit Abram, vocabatur Ur, quod Hebraice ignem significat, quia Chaldei ignem ibi pro Deo colebant: sicut & vicini illis Persæ solebant in locis, quæ inde pyrea dicta vult Procopius, & alii. Hinc iubetur Abram inde abscedere, scilicet ad declinandam idololatriam, & forsitan etiam persecutionem: ea ipsi de causa Chaldaeis excitaram. Nam, ut demus, Abramum in pueritia suæ prava parentum quorundam & cognatorum instructione idola quoque a coluisse (ut de patre illius Thare, & fratre Nachor constare videtur) verosimile tamen est, meliore mox avorum institutione (nam & Sem, & Sale, & Heber, & multi alii: pii ac constantes viri etiam tum supererant) vel privata astrorum creaturarumque consideratione (ut vult Philo) & peculiari instinctu Dei, ad veram illius fidem cultumque traditum, multa hoc nomine tam ab amicis, quam hostibus pati coactum, forsitan etiam supplicii ignis (quod Hebræi tradunt) periculum adiisse. Cui ut eriperetur, iussisse Deum ut inde in Chanaanitidem profugeret. Unde Euseb. Lib. II. cap. ix. vers. 7. di-

citur Deus eduxisse Abramum de igne Chaldaeorum.

V. 13. DIC QUOD SOROR MEA SIS. Ita vere poterat & licite: nam apud Hebræos nepotes, & qui eiusdem sanguinis sunt, vocantur fratres, & nepotes sorores. Sic cap. xiii. vers. 8. & xi. vocat Lor suum fratrem, cum solum esset nepos illius, scilicet filius Aaran fratri Abrahamæ, ut patet cap. xi. vers. 27. ergo poterat & Saram sororem Lor vocare suam quoque sororem. Ante coniugium vocabatur illa Iescha, cap. xi. vers. 29. sed post nuptias voluit illam Abraham vocari Sarai, id est domina mea, quia uxor: sicut illa Abrahamum vocabat dominum meum, cap. xviii. vers. 12.

Petes an licuerit Abrahamo exponere Saram periculo adulterii. Respondeo: Formaliter id intendendo neque licuit, neque exposuit; materialiter, permittendo, si vis inferretur, potuit. Sed habebat Deo, cui se suoque, dum prudenter cavet, curæ fore sciebat iuxta promissa sibi facta. Ita S. August. c. Fidebat etiam castitati, prudentiæ, & constantiæ uxoris suæ. Addit Pererius, etiam Dei instinctu ita fecisse.

V. 17. FLAGELLAVIT AUTEM DOMINUS PHARAONEM. Aegyptiaca lingua Pharaon regem significat, inquit Iosephus d. Unde omnes Aegypti reges, usque ad imperium Græcorum dicti sunt Pharaones; sed exinde a Græcis Ptolemæi: ut hi apud Syros, omnes dicebantur Antiochi; apud Romanos, Cæsares, & Augusti; apud Parthos, Arsacides; apud Philistim. Abimelech: nam omnia hæc dignitatis regis nomina sunt. Ita Eusebius e, Sanctus Hieronymus, & alii. FLAGELLAVIT AUTEM FLAGIS MAXIMIS, nempe peste, tumultu & seditione populari, inquit Iosephus. Morbis insolentibus, & horrendis cruciatibus, ait Philo. Alii, conclusione vulvæ, & sterilitate; ut ex simili casu. cap. xx. vers. ult. colligi potest.

(a) Isaia xlii. vers. 29.

(b) Ex Iosepho ult. vers. 2. & Iudith. v. vers. 7. & Gen. cap. xxxi. & de Abrahamo idem affirmant Hebraei, Philo Lib. de Abrah. August. X. de Civit. cap. ult. Cyrill. Tom. III. contra Iulian. Lib. III. in fine. Genebrardus in Chronol. Masius & Securius in Iosepho ult. & alii.

(c) Aug. XXI. contra Faust. cap. xxxiii.

(d) Ioseph lib. VIII. Antiq. cap. 11.

(e) Eusebius in Chronic. Hieron. in Isaia xxx. & Ezech. xxxix.

GORDONI.

	Natus anno mundi.	Generat annos.	Vixit	Moritur
Abraham.	1978	100	175	2155
Isaac	2078	An. 60. Gen. xxv. v. 26.	138	2258
Jacob	2138	91 Iosephum	147	2285
Ioseph	2229		110	2338
Servitus Aegypti incipit An. 2360, durat ad exodum usque.				
Moses 1 2403 Hinc ad exodum An 85.				

Ad annum nascens Abraham ponitur regnum Aegyptiorum: de cuius tamen varia origine, vide Chronolog. qq. cap. iv. & vi. Semistamis imperat anno 1987. Circumcisio instituitur 2077. Argvorum regnum, & Phoronei tempora, 2148. Ogyris diuivium 2207. Sparta condita 2298. Atheniensium regnum 2443. Iob floret 2444. Deucalionis diluvium 2469. Hæc obiter confercum annis Patriarcharum, ut videas quæ sub Patriarchis acciderint.

Vers. 1. **P**ost narratam (quadam hy-
stologia, & anticipatione,
cap. xi.) egressionem Abraham de Ur Chal-
dæorum, nunc vocationem narrat, & ap-
paritionem antea factam, qua præceperat
Deus Abraham egressum. Accesserunt itine-
ris Comites, pater, & Lot filius fratris
Abraham: educitur ad vitandam idololatri-
am. Et quamvis aliqui negent Abraham
fuisse umquam idololatram, tamen plures
affirmant cum Augustino Lib. X. de Civit.
cap. ult. EGREDERE DE TERRA TUA.
לך לך *lech, lecha*: vade tibi ab הך ambu-
lavit. D. vocatione Abraham vide Act. 17.
& Hebr. xi. vers. 8. Primus e me-
dia infidelitate vocatur, typus & pater cre-
dendum vocatus; promissionem primus de
Christo accepit. Et hic vers. 2. quod sit fu-
turus in gentem magnam promittitur.

V. 3. IN TE BENEDICENTUR UNI-
VERSÆ COGNATIONES TERRÆ,

hoc est in semine tuo, qui est Christus,
ex Paulo ad Gal. cap. 3. iterum de hac
re cap. xx.

V. 4. EGRESSUS. Vide cap. xi. vers.
31. Prima enim est profectio Abraham de
Ur, qua per Haran ivit in Chanaan, sic-
ut iussit Deus. Habitatit quidem Thare
in Haran, sed Abraham sequutus oracu-
lum progressus est. Habuit Abraham an-
nos 75. in exitu ex Haran, ut hic vides,
& in diagammate cap. xi. estque hæc pri-
ma profectio.

V. 5. LOT FILIUM FRATRIS. Lot
filius Aram: ergo frater Saræ uxoris A-
braham. Sed vide infra cap. xx. vers. 12. &
Levit. xviii. vers. 9. ANIMAS QUAS
FECERAT: homines, quos habuit, genuit
vel emit. Nota Heb. cap. xi. vers. 8. *Nesciens quo iret*. Sciebat Abraham se ire in
Chanaan; at nesciebat loci conditionem.

V. 6. Huius profectio Abrahami in
Chanaan. ac postea in Aegyptum, Chrono-
logum iam obiter indicat cap. xi. To-
porapham dat tabula geographica. Vi-
de Iosue cap. vi. & viii. & Adricho-
mum fuisse hæc loca describentem. **AD
LOCUM SICHEM**, hoc est ad locum,
ubi villa vocata postea est Si hem, a Si-
chem filio Hemor. Gen. xxiv. fuit in
tribu Ephraim, non longe a monte Ga-
rizim. **CONVALLEM ILLUSTREM**.
Hebr. וְאֶלְעֵזֶר *elon*. Latinus vertit *conval-
lem*. Septuaginta *querum excelsam*. Sane
עֵזֶר Hebræis est arboris species; sed an
querus, ilex, vel pinus, dubium. Immo
Hieronymus non unam arborem aut quer-
cum, sed quercum int. ligat. Heb. מֹרֶה
more, conspicuum significat. N. ster. Illu-
strem vertit. forte ex præcitate arborum.
Addit Moses Chananæum tunc incoluisse
ea loca, ad quæ primum venit Abraham.

V. 7. Ab hac vocatione usque ad exo-
dum, aibi numeravi annos 430. de quibus
Act. vii. vide Exod. cap. xii.

V. 8. MONTES, Garizim, BETHEL.
Nondum locus hic vocabatur ex cap. xxviii.
vers. 19. sed est prolepsis.

V. 9. AD MERIDIEM. Septuag. ha-
bent *desertum*. Idem sonat: nam desertum
erat ad meridiem.

V. 11. PULCHRA. Attigerat annum æ-
tatis saltem sexagesimum quintum, tamen
decor servatus, vel Deo providente, vel
quem ævum illud patiebatur.


V. 13.

V. 13. Abraham sine mendacio ait Saram uxorem, esse sororem suam ex cap. xx. 12. erat enim filia Thare patris, sed ex alia matre, quam Abrahamus: aut quod probabilius est, neptis Thare, ut infra cap. xx. vers. 12. Vide in diagrammate supra ad annum 3. mundi. Inepte Calvinus accusat lenocinii Abrahamum, dum uxorem exponit periculo adulterii: nam acta res est divino instinctu (ut exitus declaravit) tantumque dicit Sara, quod verum erat, & tacet se uxorem esse, ad vitandum periculum vitæ Abrahami. Immo propter raptam invitam, flagellatur Rex a Deo, & sic servatur inviolata. Exitus hic monstrat divinum instinctum non defuisse: ac pro-

inde conditio hic posita probat scientiam conditionalem. Ceterum quod vers. 8. *Contra orientem Bethel*, seu e regione ipsius Bethel, prius dicta est Luza. Vide Genes. xxviii. 19. postea tempore Jacob vocata est Bethel. Est proleptis. De urbe Hai, Iosue viii.

V. 15. Pharaon commune erat nomen regibus Aegypti, & mansit usque ad tempora captivitatis Babylonice. Cetera iam declarata sunt.

V. 19. *IN UXOREM*. Notat Hieronymus non fuisse cognitam Saram a Pharaone, ob tempus quo feminae curant corpora ut ingrediantur ad Regem.



C A P U T XIII.

Abram, & Lot Aegyptum egressi, pra nimia opulentia separantur; & Lot Iordanis fines eligente, Abram habitat in terra Chanaan: ubi rursus Dei promissiones de multiplicando semine, terraque possidenda, accipit.

A Scendit ergo Abram de Aegyptio, ipse, & uxor eius, & omnia quæ habebat, & Lot cum eo, ad australem plagam. 2. Erat autem dives valde in possessione auri & argenti. 3. Reversusque est per iter, quo venerat, a meridie in Bethel, usque ad locum ubi prius fixerat tabernaculum inter Bethel & Hai: 4. in loco altaris (a) quod fecerat prius, & invocavit ibi nomen Domini. 5. Sed & Lot, qui erat cum Abram, fuerunt greges ovium, & armenta, & tabernacula. 6. Nec poterat eos capere terra, ut habitarent simul: (b) erat quippe substantia eorum multa, & nequibant habitare communiter. 7. Unde & facta est rixa inter pastores gregum Abram & Lot. Eo autem tempore Chanaanus, & Pherezæus habitabant in terra illa. 8. Dixit ergo Abram ad Lot: Ne quæso sit iurgium inter me & te, & inter pastores meos & pastores tuos: fratres enim sumus. 9. Ecce universa terra coram te est: recede a me, obsecro: si ad sinistram ieris, ego dexteram tenebo; si tu dexteram elegeris, ego ad sinistram pergam. 10. Elevatis itaque Lot oculis, vidit omnem circa regionem Iordanis, quæ universa irrigabatur antequam subverteret Dominus Sodomam, & Gomorham, sicut paradisus Domini, & sicut Aegyptus venientibus in Segor. 11. Elegitque sibi Lot regionem circa Iordanem, & recessit ab oriente: divisique sunt alterutrum a fratre suo. 12. Abram habitavit in terra Chanaan; Lot vero moratus est in oppidis quæ erant circa Iordanem, & habitavit in Sodomis. 13. Homines autem Sodomitæ pessimi erant, & peccatores coram Domino nimis. 14. Dixitque Dominus ad Abram, postquam divisus est ab eo Lot: (c) * Le-

(c) * Leva oculos tuos, & vide a loco, in quo nunc es, ad aquilonem, & meridiem, ad orientem, & occidentem. 15. Omnem terram, quam conspicias, tibi dabo, & semini tuo usque in sempiternum. 16. Faciamque semen tuum sicut pulverem terræ. Si quis potest hominum numerare pulverem terræ, semen quoque tuum numerare poterit. 17. * Surge, & perambula terram in longitudine, & in latitudine sua: quia tibi daturus sum eam. 18. Movens igitur tabernaculum suum Abram, venit, & habitavit iuxta convallem Mambre, quæ est in Hebron; ædificavitque ibi altare Domino.

(a) Sep. XII. 7. (b) Isrl. XXVI. 7. (c) Sep. XII. 7. Isrl. XV. 18. XVI. 4. Deut. XXXIV. 4.

BRUGENSIS

ROMANÆ CORRECTIONES.

V. 14. *Leva oculos tuos*. Non subiicias in

directum, quod alii.

V. 17. *Surge, & perambula*. Coniunctio *ergo* superflue interponitur a quibusdam.

COMMENTARIA

SA.

Vers. 1. **A** USTRALEM, scilicet respectu Palestine.

V. 3. A MERIDIE: coniunge cum *versusque*.

V. 6. COMMUNITER, idest simul.

V. 9. CORAM TE, idest in tua electione. Vide cap. XXXIV. SINISTRAM, scilicet eunti ad orientem.

V. 10. VENIENTIBUS IN SEGOR; idest, qualis est Ægyptus ea parte qua itur in Segor; vel potius (sic enim coniungendum) universa usque ad Segor irrigabatur sicut paradisus Domini, & sicut Ægyptus. Chald. *Ad introitum Segor*. LXX. *Donec veniatur in Segor*.

V. 11. ALTERUTRUM A FRATRE suo; idest, alter ab altero, Hebraice.

V. 13. CORAM DOMINO, idest Deo iudice, adeoque vere, seu Deo inspectante, & interim serente.

V. 16. SICUT PULVEREM, scilicet multitudine.

V. 18. MAMBRE: sic dicta a viro Mambre. DOMINO, idest in honorem Domini.

EST II.

Vers. 2. **E** RAT AUTEM DIVES VALDE IN POSSESSIONE AURI, ET ARGENTII. Hebr. plenus:

Erat autem gravis valde pecore, argento, & auro. Et mirum, Hieronymum in vertendo omisisse (si tamen omisit, & non culpa librarii intercidit) id quod præcipuum erat, scilicet *pecoris*, quod nec a Septuaginta neglectum est. Constat enim præcipuas opes antiquorum fuisse pecora, atque oves imprimis. Unde etiamnum ovium cultus, non ovilio, sed opilio, tamquam opum conservator scilicet, dici videtur. Dicitur autem Hebr. *gravis pecore*, id est onustus. De quo & mystice Hieronym. *Licet videantur esse divitiæ pecoris, auri, & argenti; tamen in Ægyptia sunt, viro sancto graves sunt*. Sic & Isaac 1. *Populo gravi iniquitate*, scilicet pondere iniquitatum prægravato.

V. 8. NE, QUÆSO, SIT IURGIIUM INTER ME ET TE. Notanda hic insignis modestia tanti viri, & patris erga nepotem, & e contra parum gratus animus Lot, quo non ipse patruo potius optionem reliquerit. Unde & pro cupiditate hac melioris portionis, verisimiliter Lot punitus fuit temporaliter: scilicet cap. seq. in captivitatem ductus, multaque in Sodomis videre indigna coactus.

V. 11. ELEGITQUE SIBI LOT REGIONEM CIRCA IORDANEM &c. Non videtur Lot omnino inculpabilis, quod propter terræ fertilitatem elegerit eam regionem, cuius habitatores erant pessimi. Inter quos proinde ipsius innocentia, & præ-

B b ser-

fertim familiæ eius, graviter esset periclitatura; nisi dicamus, Lot excusabiliter ignorasse, quod essent eius regionis incolæ tam mali. Fuerit igitur fortasse aliqua culpa, nisi forte etiam tum nondum fuerint tam mali.

M A R I A N A E.

Vers. 1. **A** SCENDIT ERGO ABRAHAM DE AEGYPTO: Nempe Terra promissionis sublimior Aegypto est. AD AUSTRALEM PLAGAM, non comparatione Aegypti, sed Palæstinæ, ad austrum confedit.

V. 2. ERAT AUTEM DIVES VALDE. Vox Hebraica *גביר* *Cabed* gravem significat, eadem *divitem*, quod dives ob multam familiam & opes difficulter movetur, vel quoniam sibi, & aliis molestus est. IN POSSESSIONE AURIS ET ARGENTI. Hebr. *in pecoribus, in argento, & in auro*: sic Sept. & Chald. verterunt. Sed *pecus* ab Hebræis *מקנה* *Mikneh* vocatur, id est *possessio* (ut vertit Hieron.) quod seculo eo tempore bona & opes pecoribus constarent: unde & pecunia dicta, quod in pecorum locum succederet, idque indicat nota pecudis, qua primum signata est.

V. 6. COMMUNITER. Hebr. *Simul non poterant habitare*.

V. 7. UNDE ET FACTA EST RIXA. Divitiarum fructus, rixæ, & bella.

V. 9. ECCE UNIVERSA TERRA. Hebr. *An non universa terra?* Et vide, maioris esse dividere; minoris eligere. Vide symbolum amicitie. Amici, ut lineæ parallelæ, nec recedunt, nec concurrunt: sic Abram ita recedere voluit Lot, ut ipse tamen præsto esset. SI AD SINISTRAM. Sinistram septemtrionem vocat, dextram meridiem: sic Chald. *Si ad septemtrionem ieris*. Versa facie ad ortum, septemtrio ad lævam est.

V. 10. REGIONEM IORDANIS. Chald. *planitiem Iordanis*. Quidam Hebræus ait, vocem *גביר* *Gibcir*, quæ hic ponitur, esse nomen proprium eius regionis & planitiei. SICUT PARADISUS DOMINI, in quo posuit Adam. VENIENTIBUS IN SEGOR: Iunge non cum *sicut Aegyptus*, sed cum *irrigabatur*. Sept. *Donec veniat in Segor*. Erat autem Segor oppidum Sodomorum prope Moab.

V. 11. RECESSIT AB ORIENTE: Lot ad plagam orientalem greges pascere, Abram ad occiduum: sic Lot ab oriente recessit Abræ comparatione, non Sodomæ quo ivit. Aut *orientis* sit nomen proprium tractus ubi Lot erat.

V. 12. IN OPPIDIS QUAE ERANT CIRCA IORDANEM. Hebr. *In urbibus planitiei, vel campis* (ut habuit Lot). Nulla Iordanis mentio neque in Sept. neque Chald.

V. 13. HOMINES AUTEM SODOMITAE. Ex abundantia fere iniquitas. Erant ergo mali & peccatores: mali erga homines, peccatores erga Deum, idque vehementer; hoc enim significant illa verba, *CORAM DOMINO NIMIS*: tametsi Hebr. non est *coram Domino*, sed *erant peccatores Domino nimis*.

V. 14. LEVA OCULOS TUOS. Hæc visio post discesum Lot, quia Deus pacificus apparet; vulque quemdam gultum dare eorum quæ pollicetur. Sic mandat Abramo ut videat oculis, & pedibus terat terram promissam. ET OCCIDENTEM. Hebr. *Ex mare*, sed perinde est: de quo cap. xii. vers. 8.

V. 18. MOVENS IGITUR TABERNACULUM. Sic Sept. posuere. Hebraica potius significant *tetendit tabernaculum*, ut vertit Chaldaeus; sententia tamen est eadem; nempe, motis castris, quod sit tabernaculis iam sublati iam fixis, venisse, & habitasse iuxta quercum, aut *CONVALEM MAMBRE*. Nomen hoc est hominis Amorrhæi, ut sequenti cap. dicitur, a quo locus est vocatus. Sepe Hieron. pro *alon* vertit *convallē*; alii *quercum*, aut *quercetum*. Sup. xii. 6.

M A L V E N D A E.

Vers. 1. **A** D AUSTRALEM PLAGAM: *ad meridiem*, vel *in meridiem* (ut tractum Chenahanæ, a quo tractu antea descenderat, supra cap. xii. vers. 9).

V. 2. DIVES VALDE. Heb. *gravis valde*, id est rebus cum ante partis, supra cap. xii. vers. 5. tum donatis a rege, ibidem vers. 16. & certe gravant divitiæ, & sunt maximo oneri: tum gravitatem, gloriam, & honorem conciliant.

V. 3. PER ITER QUO VENERAT. Heb. *ad motiones, seu ad profectiones suas*.

Qui-

Quidam, suis itineribus, id est sibi commodis & cognitis, quibus in Aegyptum ante descenderat; vel per eandem maniones & castrametationes, quibus ante promoverat tentoria, supra cap. xii. vers. 9.

V. 6. ET TABERNACULA, seu tentoria, id est domestici multit: synecdoche. Hic vere confirmatur veritas illius promissionis Dei qua fedixerat amicum fore amicis Abrami, supra cap. xi. vers. 35. Nam huc spectant illa Moïsi verba hoc veru: *Ipsi Loto ambulanti cum Abramo.*

V. 7. PHEREZABUS. Heb. *Pherezæus*. Huius gentis nulla mentio in prima nationum origine descripta Genes. x. vers. 15. & 16. inter gentes Chenahanææ. Quidam ex variis Scripturæ locis hunc sibi huius gentis situm ac descriptionem confluunt. A iunt ex Amorrhæis Pheræos ortos, mari salis seu Alphaltic lacui finitimum spatium occupasse, illustri inter ceteros accolæ sibi parato nomine, Geth regiam urbem, & Beth Gharabæ ædificasse, & incoluisse; horumque ditionem secundum ad mare per Aphekam usque ad Ierico productam fuisse. Præterea Amorrhæos, & Pheræos præcipua inter Chenahanæos nomina fuisse, qui populorum, gentiumque frequentia, atque rerum etiam copia, locorumque præstantia ceteras excelluerint familias; divisisque tractibus, in suam societatem, seu municipiorum iure conscriptas sortitos fuisse: Amorrhæos enim loca montana, & proxima campellria circa Iordanem incoluisse; Chenahanæos vero regionem quæ ab Amorrhæis ad mare mediterraneum producebatur; mediam inter hos partem, secundum mare mortuum Pheræos inesse. Alii volunt, eos circa Samaritam habitasse. Sed sunt hæc in obscuro. Nonnulli putant, dictos *Pherezim* (פֶּרֶזִים) quasi villicos & paganos, quorum villas & pagos sine muris incolebant, hominum genus agreste, procul urbibus degens: vel quasi irruptores, quod latrocinii, & irruptionibus essent infames, graffatores, & rapto vivere soliti. Sane ex hoc loco satis colligitur eos propinquos fuisse locis inter Bethel & Hai, ubi tunc Abram, & Lot sedes habebant.

Annorant, idcirco nunc inductam mentionem Chenahanæorum & Pherezæorum a Moïse, ut redderet rationem, cur Abram, & Lot tam anguste habitarent, nec

caperet eos terra, ut una simul degerent; Sustinuisset, inquiunt, utroque terra illa, nisi etiam illi alii populi eandem occupassent, qui meliorem palcuorum partem ut possessores terræ suo pecori retinebant: unde fiebat ut peregrini Abram, & Lot pacis orum penuria laborarent, atque a se habitarent, ac pecuarii inter se contenderent. Vel ideo memorasse duas has gentes, ut innuere, eas magis quam alias fuisse finitimas & conterminas ei loco, in quo habitabant Abram, & Lot. Alii, ut indicaret, quanto in periculo res Abrami & Loti essent, inter barbaras & efferas illas gentes, maxime illis dissidentibus & inter se contententibus, ne invaderentur a vicinis illis externis. Unde ne illis impiis prædæ, aut scandalo essent, illico actum de concordia inter utrumque, ut separarentur.

V. 9. ECCE UNIVERSA TERRA CORAM TE EST. Heb. *Nonne omnis terra ad facies tuas?* Quidam: *Nonne universa hæc terra est coram te?* id est, tibi expressa. Notant, has interrogationes Hebrææ vehementissimam efficere affirmationem, tamquam si auditor coram in rem præsentem duceretur manu, & ad oculi iactum assensus esset. Sic infra cap. xx. vers. 5. Exodi xiv. 12. Iosue 1. 9. & alibi sæpius. Vide Notas in Iosue 1. 9. SI AD SINISTRAM IERIS, &c. Hunc versum illa ex Hebræo exprimes: *Si sinistra, subaudi, percuertit, vel si sinistra elegeris, petes, ieris, ego & dextrabo*, id est ad dexteram cedam, ibo, pergam, tenebo, *& si dextera percuertit, vel si dexteram elegeris, petes, ieris, ego & sinistrabo*, id est ad sinistram cedam, pergam, tenebo. Hebraice eleganter a dextra effectum est verbum *dextrare*, & a sinistra, *sinistrare*. Quidam hic *sinistrum*, septentrionalem partem, dexteram, australem interpretantur. Si duo valem (duo vau) sunt hic conversiva, sic redemus: *Et dextravi, & sinistravi*, ut præterita indicent promptissimum ac paratissimum Abrami animum ad exequenda, quæ proponebat; quasi dicat: *Iam feci, quæ dico.*

V. 10. CIRCA REGIONEM. כְּכֹר *cucar*, aiunt esse *circularem*, seu *orbicularem* aliquam *portionem*, *aut regionem*, quæ sit velut *circumfusa*: & ut כְּכֹר *cor* Hebræis est *capacissima mensura aridorum*; ita *cucar*,

prima littera geminata, (nam ad *cor* reducunt) esse *maximam rotunditatem*, vel in quantitate in plano, vel in pondere: generalique nomine *orbem* exponunt; hique reddunt: *Et vidit omnem orbem Iordanis*. Quod Lucæ 111.3. versum putant: *Et venit in omnem regionem Iordanis*. Huic expositioni favet istud Noltri: *Et vidit omnem circa regionem Iordanis*. Alii planitiem reddunt. Nonnulli *fructum, portionem, partem, trallum*, quod sit veluti fossa, & circumcisa ex toto: *Et vidit omnem portionem, partem Iordanis*. Quidam: *Et vidit omnia aquora campi Iordanis*. AEquor consentit cum *cor*, & *ciccar*. Latinis dictum ab æqua planitie. IORDANIS. Hic primum occurrit inclyti amnis nomen in Scriptura celebrimi, quem quidam dictum volunt quasi ירדן *Ior Dan*, id est, *fluvius Dan*, quod ex Dan fonte nascatur, seu quod ex duobus fontibus oriat, quorum alteri *Ior*, alteri *Dan* sit nomen. Quidam, ac si esset ירד מן דן *Iored min Dan*, hoc est fluvius, vel descendens ex Dan fonte. Vide S. Hieronymum in Traditionibus Hebraicis, Genes. xiv. & in Locis; & quæ fuse de Iordanis ortu differimus in Anthonio Lib. III. cap. viii. Vide etiam Notas in Iosue 1. vers. 2. IRRIGABATUR. מַשְׁכֵּב *maschkeb* quidam pro participio Hiphil capiunt, redduntque *irrigans*. Coniugationemque Hiphil volunt augere significatum, quasi quod ea regio maxime esset irrigua, aquisque ad cultum agrorum abundaret; sed cum sit participium masculinum, non recte cohæret cum nomine *femineo ciccar*. Unde melius alii, & ampliori significato, pro nomine substantivo & abstracto sumunt, id est *irrigatio*; quasi dicat: Nedom irrigabatur, sed tota erat ipsa irrigatio. VENIENTIBUS IN SEGOR. id est, erat tota irrigua usque ad Segor. Intelligi volunt totam illam regionem Pentapoleos, quæ amenissima, & fertilissima erat, quasi hortus, vel paradisus voluptatis ille plantatus a Deo, & quasi terra AEgypti, quam Nilus inundat, & fecundat: nam Iordanis quoque exundans tempore aestis campos implebat, ut Nilus, Iosue 111. 15. Eccli. xxiv. 36.

V. 11. ET RECESSIT AB ORIENTE: vel respectu loci, in quo tunc Abraham manebat, quod forsitan eius loci, quem Abraham & Lot occupabant partem orienta-

lem Lot, occidentalem vero Abram tenebat; & ab ea parte orientali tunc Lot recesserit. Quidam volunt hic, de oriente significare ad orientem. Dure, quod *per min* iunctum verbis movendi, difficile admittat eiusmodi significatum. Alii volunt, id dici de Lot iam ingressio in Pentapolim, quod postquam ibi fuit, recesserit a parte Pentapolis magis orientali, ad Sodomam, quæ magis occidua erat in eadem Pentapoli; aiuntque esse hic hysleron proteron: nam prius separati sunt ab invicem, quam Lot ab oriente recesseret. Satis vero constat, Pentapolim, nempe regionem quam petebat Lot, & toti Palestinae, & locubiti tum Abram morabatur, orientalem esse.

V. 12. IN TERRA CHANAAN. Hinc, & e. vers. 7. & e. cap. xii. vers. 6. facile colligitur, Chanaan n-dum esse nomen universale totius terræ promissæ, cuius termini describuntur Genes. x. 19. sed mansisse peculiariter parti cuidam eius regionis, eamque esse, quam Abraham incoluit cum primum e Charan in eam terram commigravit, in qua erant Sichem, Bethel, Convallis Moreh. Sacri topographi terminos huius Chananiticæ portionis describunt. Hinc in aliis Scripturæ locis Chanaan aliis Terræ promissæ populis coniunguntur. Numer. xiii. 36. *Chanaan vero moratur iuxta mare*, & circa fluenta Iordanis. ET HABITAVIT IN SODOMIS. Heb. *Et tabernaculavit, tentoriorum usque ad Sodomam*. Quidam exponunt: Fiendo & refigendo tentoria, variis mansionibus, veluti promovendo castra, pervenit ad Sodomam, ubi sedem fixit tandem, infra cap. xiv. vers. 12. sic enim solent scenitzæ, & pastores mutare tabernacula, pecoris pascendi gratia. Alii intelligunt, Lot variis tentoriis & tabernaculis, utpote divitem & opulentum, impleisse loca usque ad Sodomam; tetendisse in campis Sodomæ vicinis.

V. 13. ET PECCATORES. Heb. *erratores, delictores*. Quidam, *errones, erroneos, errabundos, reos, culpabiles, vel culpandos*, reddunt. Sed Latinis *errones* sunt, qui incertis sedibus vagantur; etiam si non sint in culpa, aut crimine. Quidam exponunt, *sceleratos*, qui sponte errant, & delinquant, non casu, aut per imprudentiam. CORAM DOMINO. Heb. *ipse*

Domino, vel *ad Dominum*. Quidam exponunt, *contra Dominum*. Alii, per summam impudentiam. Melius alii duas voces, *Domino*, & *valde*, exprimere, fuisse illos perditissimos & depravatissimos supra modum: nam vox Domini intendit significatum, vel *Domino*, quod peccata eorum ingiter vindictam clamarent a Domino: Genes. xviii. vers. 20, 21.

V. 15. USQUE IN SEMPITERNUM, iustam conditionibus, quæ Deut. iv. vers. 25. 26. 27. proponuntur.

V. 16. NUMERARE. מנא manab putant significare rem aliquam per partes seu numeros subducere, &, ut arithmetici vocant, subtrahere, ut fit numerando, quando de summa & univērsitate singularum partium fit detractio: atque esse speciem arithmetice, quam subtractionem, seu subtractionem appellant. Foran a particula, seu præpositione מן min, quæ detractio-nem importat. Alii e contra existimant, id verbum proprie speciem illam arithmetice designare, quam vocant additionem, & in summam reductionem, quasi fit summam colligere. Nonnulli exponunt, in species, partes, portiones distribuere; atque esse species a genere subtractas singulatim & seorsim numerare, partiitive & numeratim distribuere, ut cognitionem habeat cum præpositione מן min. & cum מן min, specie. Noster in Kal per numerare vertere solet.

V. 17. PERAMBULA. הִתְהַלֵּךְ. hithallec, in Hithphael, ambulationem, seu perambulationem seriam, attentam, diligentem indicat.

V. 18. CONVALLIEM MAMRE. מַמְרֵי עֵלֹנֶה elone mamre, iam dixi ad Cap. xii. vers. 6. non satis constare quænam arbor Hebræis sit elon, cuius hic plurale ponitur, nam varie reddunt, quercum, robur, ilicem, alnum, elatē pinum, abietem, castaneam, ulmum, terebinthum. Tanta est ignorantio nominis! Frequentiores quercum, seu quercetum, robur, vel roboretum, seu ilicem; aut ilicetum (nam pluralis numerus satis id indicat) exponunt. Burchardus de Monte Sio: Ab Hebron ad dimidiam leucam fons est Abrahæ in convalle Mamre, & terebinthus, sub qua comedit Dominus, Abraham ministrante. Verum est quod antiqua viciūssate consumpta est, sed de radicibus eius alia nata est, de cuius fructu,

& signo tuli mecum. Et non est quercus, sicut quidam opinantur: folia habens modica sicut lentiscus, sed fructum sicut quercus. Vide, quæ paulo inferius de hac terebintho subiciuntur.

Mamre nomen proprium esse viri Amorhæi diſerte dicitur cap. xiv. vers. 13. Explodendi omnino, qui eundem locum putant elone moreb, & elone mamre; nam ille erat in Sichem, aut prope, cap. xii. vers. 6. hic erat in Hebron, aut iuxta, ut in hoc versu affirmatur: & Abraham ex elon moreb, venit in elone mamre, nostra, hoc cap. vers. 3. & 4. & vers. isto 18. Noster, cum hæc vox ter tantum occurrat hic, & Genes. xiv. 13. & Genes. xviii. 1. semper convallē dixit. Alii planitiem; nec est dubium locum fuisse arboribus consitum.

QUAE EST IN HEBRON. Eusebius & S. Hieronymus in locis Hebræis: Hebron enim olim metropolis Philistinorum, & habitaculum gigantum, regnumque postea Davidis in tribu Iuda, civitas sacerdotalis & fugitivorum. Distat ad meridiam plagam ab Aelia milibus circiter viginti duobus. Quercus Abraham quæ & Mamre, usque ad Constantii regis imperium monstrabatur; & mausoleum eius in præsentiarum cernitur. Cumque a nobis iam ibidem Ecclesia edificata sit, a cunctis in circuitu gentibus terebinthus superstitione colitur: eo quod sub eo Angelus Abraham quondam hospitio suscepit. Hæc ergo primum Arbee, postea a Chebron uno filiorum Calb, sortita vocabulum est. Et in epitaphio Paulæ, de eius peregrinatione: Intravit Sars cellulas, videns incunabula Isaac, & vestigia quercus Abraham, sub qua vidit diem Christi, & Letarius est. Et postea: Quercus Mamre iuxta Chebron, in qua usque ad ætatem infantie meæ, & Constantii regis imperium terebinthus monstrabatur percoctus. & annos magnitudine indicans, sub qua habitavit Abraham: Mirro autem cultu in Ebræis habitata est, & velut quoddam insigni nomine consecrata. Videt de hac terebintho Iosèphum Lib. V. Belli, cap. vii. De quercu seu terebintho Mamre, de superstitione ibi gentilium cultu, atque Ecclesia ibidem Constantini Magni iussu constructa, plura Eusebius Lib. III. vitæ Constantini, cap. L. 1. r. Socrates Lib. I. cap. xiv. Sozomenus Lib. II. Historiæ Ecclesiasticæ, cap. 111. & alii posteriores tradiderunt.

Si verum est quod S. Hieronymus affirmat, hanc urbem nomen sortitam ab Hebron filio Caleb, qui eam cepit, Isae xiv. 13. & 14. (ut certe magnam habet probabilitatem) coniectat quidam, ipsum librum Genesis, ac reliquum Pentateuchon, ut modo extat, non esse ab ipso Mose conscriptum: siquidem cum Moyses scriberet, nondum Hebron filius Caleb urbem nomen dederat: putantque Efdram, aut alium quempiam divinum scriptorem, longo post Moien tempore, interiectis hic, illic, verborum clausulis, & sententiis, opus ipsum illustrasse, & explicatius reddidisse. Huiusce coniecturae suspiciones haud leves deinceps in opere non semel se dabunt. Vide infra cap. xiv. vers. 14. satis conilat ante Hebron vetustius ei nomen fuisse, nempe vel Mamre, Genes. xxiii. 19. vel Kiriath Arbath, Genes. xxiii. 2. & Isae xiv. 15. vetustissimae urbis mentio non semel incidit aliis Scripturae locis, in quibus plura de ea.

AEDIFICAVITQUE IBI ALTARE DOMINO. Singulariter Moyses pietatem Abrahami commendat, quod is, quocumque pergeret, veram religionem, cultu quoque externo prosteretur.

M E N O C H I I.

Vers. 1. **A D A U S T R A L E M P L A G A M.** Rediit Abraham in Bethel unde exierat. Is. locus australis est respectu Iudaeae, ad hanc enim semper plagas mundi accommodat Scriptura, utpote Iudaeis scripta.

V. 2. **D I V E S.** Hebr. *gravis*: nam divites multa secum trahunt onera, & impedimenta. **A U R O, E T A R G E N T O:** quibus a Pharaone locupletatus.

V. 4. **I N L O C O A L T A R I S:** fortasse post discessum eius a Chaldaeis destructis, vel ab ipso nec Abram, ne idololatrae illud contaminarent.

V. 5. **T A B E R N A C U L A,** tentoria, seu papilionis. *Casulas* vocat S. Paulus ad Heb. 1. 9. Lot: individuum Abraham comens, ideoque illi benedixit Deus.

V. 6. **N O N P O T E R A T I L L O S C A P E R E T E R R A,** propter gregum multitudinem.

V. 7. **F A C T A E S T R I X:** quia sibi quilibet parca uberiora, & meliores aqua-

tiones vendicabat. **I N T E R P A S T O R E S,** non inter dominos. **C H A N A N A E U S, E T P H E R E Z A E U S:** ut intelligas tantoperculosiorem disensionem fuisse, quod cincti essent impiis, & essent hominibus, promptis ad iniuriam inferendam, & coram quibus non decebat fideles rixari.

V. 8. **N E, Q U A E S O, S I T I U R G I U M I N T E R M E E T T E.** Adhuc nullum inter illos iurgium fuerat; sed vix poterat evitari rixarum occasio, nisi separatione. **F R A T R E S S U M U S,** id est propinqui. Lot erat filius fratris Abram.

V. 9. **U N I V E R S A T E R R A,** ista Chananaeorum, in qua sum iussus degere. **C O R A M T E E S T.** Habitatores parati sunt quam voles plagam habitandam vendere, vel locare.

V. 10. **S I C U T P A R A D I S U S D O M I N I.** Heb. *Sicut hortus Domini*, quem scilicet Deus Adamo instruxerat, & adornaverat: Genes. 11. 8. **S I C U T A E G Y P T U S V E N I E N T I B U S I N S E G O R.** Sensus est: Tota Pentapolis ante subversionem, maxime a loco in quo tunc erat Abraham, eundo versus Segor, irrigua erat, & fertilissima sicut paradijus, & sicut Aegyptus, quam Nilus secundat.

V. 11. **E L E G I T Q U E S I B I.** Vetus est consuetudo ut in familia maior dividat, minor optet; quod laudat divus Ambrosius. Lib. I. de Abraham cap. 111. & D. August. de Civ. Lib. XVI. cap. xx. Permisit tamen Deus Lot decipi, ut bono exemplo Lothi Sodomitae ad virtutem provocarentur, & promissio Abrahamae facta impleteretur, & nos moneretur amceniora non praeter salutaribus. **R E C E S S I T A B O R I E N T E.** Hysteron proteron. Prius digressi sunt quam Lot recederet ab oriente, hoc tamen prius narratur. Recessit autem ab oriente, nam perrexerat Sodomam versus, quae totius Pentapoleos maxime occidua fuit. **A F R A T R E S V O:** propinquus a propinquo. Lot erat filius fratris Abram, ut dictum est.

V. 12. **M O R A T U S Q U E E S T.** Magna iusti Lot laus est mansisse incontaminatum inter sceleratissimos, quo nomine laudatur Il. Petri 11. 7.

V. 13. **S O D O M I T A E P E S S I M I E R A N T, E T P E C C A T O R E S C O R A M D O M I N O.** Quid significet formula illa dicendi, *coram Domino*, dictum est supra cap.

cap. x. num. 9. Peccatorum horum originem explicat Ezechiel cap. xvi. num. 49.

V. 15. OMNEM TERRAM, QUAM CONSPICIS. Probabile est Deum, vel Angelum vice Dei, totius illius terræ, & partium illius speciem obieciſſe Abrahamo, ſicut offendit eam Moſiſ a monte Phaſſa, Deuter. xxxiv. 1. & Chriſto tentator, Matth. 19. 8. *TIBI DABO, ET SEMINI TUI.* Particula *Et* habet vim explicandi; & ſenſus eſt: dabo tibi in ſemine tuo: dabo tuis in tui gratiam. *IN SEMPTERNUM*, quomdiu durabit Hebræorum reſpublica: vel promiſſio conditionem habet, ſi officium fecerint, honeſtatem, iuſtitiamque coluerint: vel etiam ultra reſpexit Deus ad terram viventium, & ſpirituale ſemen Abraham. Vide Rom. iv. 16. & ix. 8.

V. 16. SICUT PULVEREM TERRÆ. Eſt hyperbole; plurimus tamen fuit populus ille; longe vero plures qui ſpirituale ſemen Abraham ſunt.

V. 17. PERAMBULA. Non præcipit, ſed offert; quaſi dicit: Si vis ſcire quanta ſit hæc terra, & qualis, perambula eam, miraberis, & gaudebis.

V. 18. Convallis Mambre fuit planities roboreis ſilvis conſiſta, ſimilis convalli illuſtri: in hac fuit illex, ſeu quercus illa nobilis, diſta *Quercus Mambre*. Nomen accepit vel ab urbe Hebron, quæ & Mambre diſta cap. xxi. in fine, vel a viro quodam principe, de quo cap. xiv. *IN HEBRON:* in territorio Hebron, iuxta Hebron. *AEDIFICAVIT ALTARE DOMINO.* Abraham religioſus ubique Domino erigit altaria, dicitque Domino: A te principium, tibi deſinet.

T I R I N I.

Verſ. 13. ERANT PECCATORES CO-
RAM DOMINO; id eſt, eximii & maximi a peccatores; neque ſolum iudicio hominum tales, ſed & ipſiſſime Dei, qui falli non poteſt. Ezech. xvi. verſ. 49. Ecce, ait, hæc fuit iniquitas Sodome, ſuperbia, ſaturitas panis, & abundantia, & otium... & manus egeni & pauperi non porrigebant... & fecerunt abominaciones coram me, ideſt maximas.

V. 18. IUXTA CONVALLEM MAM-

BRE; id eſt, iuxta vallem quercubus conſiſta, quæ erat cuiuſdam viri Amorihæi, nomine Mambre, de quo cap. ſeq. verſ. xiii. *QUAE EST IN HEBRON,* non in urbe, ſed in vicina, ſeu in agro, & ditione Hebron, quæ antea Arbee, vel Cariatharbee dicebatur. Vide Iosephum, b & S. Hieronymum. Quoto anno vitæ Abraham everſa fuerit Sodoma, dixi in Chronico cap. xv.

(a) Genef. 2. verſ. 8.

(b) Ioseph. Lib. V. Belli cap. vii. Hieron. de Locis Hebr. & Sam. xxi. v. 23.

G O R D O N I.

Verſ. 1. A DAUSTRALIS PLACAM, ſcilicet Palæſtinæ. Venit in Bethel, unde exierat. Plaga vocatur auſtralis reſpectu Iudææ, vel Palæſtinæ. Sic ſolet Scriptura designare plagas, utpote ſcripta Iudeis.

V. 5. TABERNACULA, papiliones, tentoria.

V. 8. FRATRES SUMUS. Erat Lot nepos ex fratre; ſed Hebræi cognatos vocant fratres.

V. 9. UNIVERSA TERRA: pauci habitatores ſunt; elige. Hic argumentum habes pro humana libertate.

V. 10. SICUT PARADISUS DOMINI; hoc eſt inſiar paradisi terreſtris (designat amœnitatem) & ſicut fertilis illa pars AEgypti, ex qua AEgypto venit in Segor. Hæc regio Iordanis eſt Pentapolis. Segor oppidum Sodomorum, prope Moab.

V. 11. RECESSIT AB ORIENTE; nam Sodoma erat totius Pentapolis pars maxime occidua.

V. 12. Sane Pentapolis etiam Chanaanorum erat, ſi late nomen Chanaan accipias. Verum hic, & aliquoties reſtringitur (in præſentia) ad certam, & arctiorem provinciam.

V. 14. LEVA OCULOS. Hoc eſt dictum Abraham, poſtquam diſceſſerat Lot; & iubetur intueri terram promiſſam.


V. 15. IN SEMPTERNUM. Sæpe notatum eſt *עולם*, *hæolam*, non designare ſemper æternum, ſed longum tempus.

V. 17. PERAMBULA. Non præcipit ut corpore & pedibus perambulet; ſed ſic offert terram.

P. 18.

V. 18. IUXTA CONVALLER MAMBRE. Vide cap. xii. ubi de convalle hactenus est. Mambre nomen viri est, ex

cap. xiv. vers. 13. Erat locus iuxta Hebron: de qua urbe dicam Iosue x.



C A P U T XIV.

Devictis quinque regibus, ac spoliatis Sodomis, Lot cum plerisque aliis captivus ducitur a quatuor regibus victoribus: quos Abram persecutus, omnes captivos, spoliisque reduxit, atque benedictione a Melchisedech accepta, cuncta regi Sodomorum reddidit.

I Actum est autem in illo tempore ut Amraphel rex Sennaar & Arioch rex Ponti, & Chodorlahomor rex Elamitarum, & Thadal rex Gentium, 2. inirent bellum contra Bara regem Sodomorum, & contra Bersa regem Gomorrhæ, & contra Sennaab regem Adamæ, & contra Semeber regem Seboim, contraque regem Balæ, ipsa est Segor. 3. Omnes hi convenerunt in vallem Silvestrem, quæ nunc est mare salis. 4. Duodecim enim annis servierant Chodorlahomor, & tridecimo anno recesserunt ab eo. 5. Igitur quartodecimo anno venit Chodorlahomor, & reges qui erant cum eo; percusseruntque Raphaim * in Astarothcarnaim, & Zuzim cum eis, & Emim in Save Cariathaim, 6. & Chorræos in montibus Seir, usque ad Campes tria Pharan, quæ est in solitudine. 7. Reversique sunt, & venerunt ad fontem Mishpat, ipsa est Cades; & percusserunt omnem regionem Amalecitarum, & Amorrhæum qui habitabat in Asafonthamar. 8. Et egressi sunt rex Sodomorum, & rex Gomorrhæ, rexque Adamæ, & rex Seboim, nec non & rex Balæ, quæ est Segor; & direxerunt aciem contra eos in valle Silvestri, 9. scilicet adversus Chodorlahomor regem Elamitarum, & Thadal regem Gentium, & Amraphel regem Sennaar, & Arioch regem Ponti: quatuor reges adversus quinque. 10. Vallis autem Silvestris habebat puteos multos bituminis. Itaque rex Sodomorum, & Gomorrhæ, terga verterunt, cecideruntque ibi: & qui remanserant, fugerunt ad montem. 11. Tulerunt autem omnem substantiam Sodomorum, & Gomorrhæ, & universa quæ ad cibum pertinent, & abierunt; 12. necnon & Lot, & substantiam eius, filium fratris Abram, qui habitabat in Sodomis. 13. Et ecce unus qui evaserat, nuntiavit Abram Hebræo, qui habitabat in convalle Mambre Amorrhæi, fratris Elcol, & fratris Aner: hi enim pepigerant fœdus cum Abram. 14. Quod cum audisset Abram, captum videlicet Lot fratrem suum, numeravit expeditos vernaculos suos trecentos decem & octo, & persecutus est usque Dan. 15. Et divisit sociis, irruit super eos nocte; percussitque eos, & persecutus est eos usque Hoba, quæ est ad lævam Damasci. 16. Reduxitque omnem substantiam, & Lot fratrem suum cum substantia illius, mulieres quoque, & populum. 17. Egressus est autem rex Sodomorum in occursum eius, postquam reversus est a cæde Chodorlahomor, & regum qui cum eo erant in valle Save, quæ est vallis regis,

gis. 18. (4) At vero Melchisedech rex Salem, proferens panem, & vinum, erat enim sacerdos Dei altissimi, 19. benedixit ei, & ait: Benedictus Abram Deo excelso, qui creavit cælum & terram: 20. & benedictus Deus excelsus, quo protegente, hostes in manibus tuis sunt. Et dedit ei decimas ex omnibus. 21. Dixit autem rex Sodomorum ad Abram: Da mihi animas, cetera tolle tibi. 22. Qui respondit ei: Levo manum meam ad Dominum Deum excelsum possessorem cæli & terræ, 23. quod a filo subregminis usque ad coringiam caligæ, non accipiam ex omnibus quæ tua sunt, ne dicas: Ego ditavi Abram: 24. exceptis his, quæ comederunt iuvenes, & partibus virorum, qui venerunt mecum, Aner, Escol, & Mambre: isti accipiant partes suas.

(4) Hebr. vii. 2.

BURGENSIS

ROMANÆ CORRECTIONES.

Verf. 5. In *Astarothcarnaim*. Male quidam, interiecta coniunctione, scribunt *In Astaroth & Carnaim*.
V. 7. Et venerunt ad fontem *Misphar*. Mo-

rito hic omissum est adverbium *usque*.

V. 15. *Usque Hobab*, quæ est ad levam *Damasci*. Er hic merito omitteitur, quod alii addunt, & *Phœnicem*, sic: *Usque Hobab & Phœnicem*, quæ est &c.

COMMENTARIA

S A.

Verf. 1. **A**MRAPHEL, scilicet Nemrod, secundum quosdam. SENNAAR, idest Babylonis. PONTI, Hebr. Chald. & LXX. *Elasfar*. Forte Hieronymi tempore Pontus dicebatur. ELAMITARUM, scilicet Persarum. GENTIUM, Hebr. *Gaim*, forte Provinciæ nomen, et si alicui Gentes significet.

V. 3. SILVESTREM. Hebr. *desertam*, seu *vastatam*.

V. 4. RECESSERUNT, scilicet tributum negaverant.

V. 5. RAPHAÏM, scilicet gigantes. CARNAÏM, iunge cum ASTAROTH. Est autem oculus in Arabia. CUM EIS. Hebr. in *Ham*; & sic vertit Hieron. in Genes. ubi *Zuzim* & *Enim* interpretatur, *terribiles*, & *horrendos*. IN SAVE. Alii vertunt in *planitie*.

V. 7. AD FONTEM. Alii vertunt, ut est Hebr. ad *Hen*. MISPHAT, idest iudicii, scilicet prope petram, ubi Deus populum iudicavit: dicitur enim id per anticipationem: Hieron. A SATHAMAR, idest urbe palmarum, nunc dicitur En-

gaddi, ubi balsamum, & palmæ. Hieron.

V. 10. CECIDERUNT; scilicet, sese coniecerunt in puteos, nam postea fit mentio Rezis Sodomorum; nisi intelligatur novus alius creatus.

V. 14. NUMERAVIT. Alii *armavit*, vel *davit* in *prælium*, EXPEDITOS, idest instructos, & assuetos militiæ. DAN est unus e fontibus Iordanis, alter enim Ior, non longe distans, unde Iordanis dictus. Hieron.

V. 15. SOCIIS. Alii, *copiis*.

V. 18. MELCHISEDECH. Hunc Hebræi dicunt esse Sem filium Noë, & vixisse usque ad Isaac. Hieron. in Genes. SALEM, idest Ierusalem, quæ prius Salem dicta. Hieron. in Genes. Non Ierusalem, sed Salem, de qua Genes. xxxiii. Hieron. Epistola cxxvi. ERAT ENIM; quasi dicat, protulit, ut offerret in sacrificium Deo, tanquam eius sacerdos.

V. 19. DEO, idest a Deo, vel apud Deum. Chald. *coram Deo*.

V. 20. DEDIT, scilicet Abram ipsi Melchisedech. OMNIBUS, scilicet hostium spoliis.

Cc V. 21.

- V. 21. ANIMAS, idest homines, Hebr.
 V. 22. LEVO MANUM MEAM AD DOMINUM; idest, iuro per Dominum.
 V. 23. CALIGAE, idest calceamenti.
 V. 24. IUVENES, idest servi mei. ACCIPIENT, scilicet si volent.

E S T I I.

Vers. 2. **U**T INIRENT BELLUM CONTRA BARA-REGEM SODOMORUM. Severus Sulpit. Lib. I. sacrae Historiae putat hoc primum fuisse bellum inter mortales. Cui ego non facile assenserim: nam si Cain fratrem occidit, quis putet in eius posteritate ante diluvium, in tanta vitiorum licentia, non fuisse bella?

V. 10. TERGA VERTERUNT, CECIDERUNTQUE IBI. At paulo post vers. 17. dicitur: *Egressus est autem rex Sodomorum in occursum eius postquam reversus est.* Quomodo ergo iam antea ceciderat? Respondeo: Ceciderunt, non ipsi Reges Sodomae & Gomorrhæ, sed eorum milites. Nempe hoc modo est oratio construenda: ITAQUE REX SODOMORUM, ET REX GOMORRHÆ TERGA VERTERUNT, CECIDERUNTQUE IBI, scilicet hi de quorum sociis subiungitur: ET QUI REMANSERANT FUGERUNT AD MONTEM. Et similis locus est II. Mach. I. vers. 16. de Antiocho, & eius militibus.

V. 13. NUNTIAVIT ABRAHAM HEBRAEO. Quidam dicunt, vocatum Hebraum ab Heber, de quo cap. v. sed saluntur, Gloss. ord. huius loci exponit: *Hebraeo*, id est transfluviali; & adducit locum Iosue ult. Item Græce est *ἑβραῖος*; quod Chrysostomi interpres vertit transitorum, vel transfluvialium. Vide etiam I. Paralip. I.

V. 14. NUMERAVIT EXPEDITOS VERNACULOS TRECENTOS DECEM ET OCTO. Queritur quare bellum hoc ex parte Abrahæ non fuerit iniustum, cum reges illi iure alios invasisse videantur? Sic enim Scriptura dicit (vers. 4.) *Duodecim annis servierant Chedorlaomor, & tertio decimo anno recesserunt ab eo.* Sed respondetur, quod non erat iusta servitus, sed per tyrannidem imposita. Alii respondent, eum vindicasse iniuriam nepotis Lot, maxime

quod ipse tantum advena esset in Sodomis, ut patet cap. xix. Sed non satisfaciunt: nam Abraham non solum Lot, & iusque familiam liberavit, sed omnem omnino prædam reduxit, tamquam totius belli socius. Itaque tenenda prima responsio. De hoc numero vernaculorum 318. eiusque mysterio, vide Paschas. Diac. Lib. I. de Spiritu, sancto cap. I.

V. 18. AT VERO MELCHISEDECH REX SALEM. August. præfat. in Psal. xxxiii. conc. II. *Salem*, inquit, *civitas fuit illa quæ postea (sicut docti prodiderunt) Ierusalem dicta est.* Unde convincitur quod Liber Quæst. vet. & novi testam. non sit S. Augustini, licet ipsi adscribatur, quandoquidem ibi ponat hunc Melchisedech fuisse Spiritum sanctum, scilicet Deum; cum priore loco dixerit fuisse regem particularis civitatis. Hebræi volunt, Melchisedech fuisse sem filium Noe, quos & Genebrardus nostro tempore secutus est: & Hieronym. Epist. cxxvi. ad Evagrium non omnino abhorre videtur ab hac sententia. Et quidem anni quos Scriptura tribuit Sem, patiuntur illum uique ad hæc tempora vitam produxisse. Sed obstat aperte huic sententiæ, quod de Melchisedech dicitur ad Hebr. vii. *Sine patre, sine matre, sine genealogia*: etenim genealogia Sem, in Scriptura est notissima. Et quid opus est querere eum, cuius genealogiam, initium, & finem obcertum mysterium ibi Apostolus dicit esse incognita? Interim hominem Chanaanæum potius fuisse, quam vel ex posteris Sem, vel ipsum Sem opinati sunt apud Hieronym. dicto loco, Hippolytus, Irenæus, Eusebius Cæsariensis, & alii. Nos malumus ignorare eius genealogiam cum Apostolo, quam temere eam assignare. PREFERENS PANEM, ET VINUM. Hebræi hæc prolata volunt, quibus recrearetur exercitus. Sed frustra id fuisse: nam supra vers. 13. dictum est de regibus: *Tulerunt omnem substantiam Sodomorum &c.* *Et universa quæ ad cibum pertinent*; ac mox subiungitur de Abraham, quod excussisset eis omnem prædam; ac deinde quoque sequitur, Abraham non voluisse quidquam de præda tenere, exceptis iis quæ iuvenes comederant. Non opus ergo erat exercitui necessaria suppediare.

Hæretici nostri urgent quod in Hebræo additur, *illi*, scilicet Abrahæ, *panem & vinum*

vinum offerens, seu proferens. Respondeo, ita quidem, sed prius oblata Deo, pro more solemnum epularum. Vide I. Reg. 1. item cap. ix. & alibi. Et ita intelligendum esse patet ex eo quod subiungitur: ERAT ENIM SACERDOS DEI ALTISSIMI: quorum enim illud alioqui adiungeretur? Replicant hæretici, in Hebræo non esse causalem enim, sed simpliciter copulativam &c. Sed frivola est evasio. Nam passim in Scriptura & pro enim sumitur. Sic Genes. xxi. Nunc cognovi quod timeas Dominum, & non peperisti; id est, quia non peperisti. Psal. cxvii. Laus mea Dominus, & factus est mihi in salutem; scilicet, quia factus est. Esaie LXIV. Ecce tu iratus es, & peccavimus; nempe, quia peccavimus. Vide etiam Psal. lxx. & cetera & alibi.

V. 20. ET DEDIT EI DECIMAS EX OMNIBUS. Non Melchisedech ipsi Abrahamo, quod somniant Iudæi: nam Abraham de omnibus recuperatis negat se accepturum usque ad filium subtegminis; sed Abrahamus Melchisedech, sicut Apostolus ad Hebr. vii. clare dicit, Melchisedechum quidem benedixisse Abrahamo; sed e contra Abrahamum ei decimas de omnibus dedisse: simulque explicat mysteria.

Si ulterius quæras, de quibus dederit Abrahamus decimas? Respondeo, non de recuperatis bonis sociorum, sed de spoliis hostium.

MARIANAE:

Perf. 1. **A**MRAPHEL. Hunc quidam putant Nemrod. REX SENNAAR, *Babylonis Rex*, sic Chald. ARIOCH REX PONTI. Hebr. Rex Elasar, quam vocem intactam Sept. & Chaldaeus reliquerunt. Aquila *Ponti* dixit, Symmachus *Seytharum*. Ego non credebam, ex locis tam remotis venisse eos reges. REX GENTIVM: provinciarum nomen.

V. 2. IPSA EST SEGOK. Per anticipationem dicitur sic hoc loco: nam Gen. xxi. id nomen accepit, quando Lot ad eam confugit.

V. 3. IN VALLEM SILVESTREM. Hebr. *in vallem agrorum*, nempe agrestem, quod & *silvestrem* significat, sive campestem. QUAE NUNC EST MARE SALIS: sic lacus Asphaltites, seu mare mor-

uum vocatur. Post Sodomæ incendium vallis operita est aquis Iordanis, eaque inundatione in lacus extitit.

V. 5. PERCUSSERUNTQUE RAPHAIM. Sept. & Chald. *Gigantes*, vocati Raphaim, a terrore quem visi incutiebant, a verbo *רָפָה* *Raphah*, quod est *debilitare, debilitare*. Sed vere est nomen gentis cap. xv. vers. 20. ZUZIM CUM EIS. Ubi nostra Editio habet *cum eis*, Hebraice legitur *רָפָה* *behaim*, & Hieron. in Traditionibus legi ait *cum n herb*, cum modo Hebraici codices legant *cum n be*. Ita Hieron. eo loco dicit esse nomen loci: sic Chald. *Qui erant in Ham*: & Hebraei Schol. *כָּן מִרְפָּה* *mirapha*, nomen loci sic disti. Quo magis miror Hieron. in nostra Editione posuisse *cum eis*. Porro pro ZUZIM, Sept. & Chal. *viros fortes*, seu *robustos* posuit. Hieron. putavit esse gentis nomen sic disti.

V. 6. CHORRAPOS IN MONTIBUS SEIK. Per anticipationem ii montes sic vocantur, qui ab Eian id nomen accepere postmodum.

V. 7. ASASONTAMAR. Hieron. in Traditionibus, esse Engaddi palmis & balsamo nobile oppidum, & nomen *Asasontamar* ait significare idem quod *arvus palmarum*.

V. 13. IN CONVALLE MAMBRE. Hic vides *Mambre* esse nomen viri, & quidem tunc viventis, & qui cum Abram ivit ad bellum, vers. 24.

V. 14. NUMERAVIT EXPEDITOS. Hebraica proprie significant *Armarunt instructos suos* (nempe in armis exercitos) dominatos, seu vernaculos. DAN, unus e fontibus Iordanis, alter Ior, unde Iordanis vocem quidam derivant. Eo usque Abram hostes ei persecutus.

V. 18. ATVERO MELCHISEDECH REX SALEM. Hebræorum communis sententia est, *Salem* esse Ierusalem, & Melchisedech *Sem*, qui ad hæc certe tempora longævam ætatem produxit. Erat autem sacerdos, quia primogeniti per familias communere fungebantur. Quod si primogenitus non fuit, quia alii ob impios cultus eo honore exciderant; vel quia princeps in sua urbe. Reges enim olim idem Sacerdotes erant. Nos de rege, & reg. Insist. Lib. I. cap. x. Quod vero Paulus ait ad

tium imperaret. Nonnulli *Galileam gentium* putant Isaïæ ix. 1. quem alii superiorem vocant. Nec defunt qui subaudiunt, *asitarum gentium* a nominans hic. Vide Isaïæ xii. vers. 23.

P. 2. IPSA EST SEGOR. Proleptis: non enim vocata est Segor, nisi infra Genes. xix. vers. 22. cum servatus est in ea Lot. Vide ibi.

P. 3. IN VALLEM SILVESTREM. עֵשֶׂת גִּבְעֹנִים *ghibonim*, *hassiddim*, nomen proprium esse volunt alicuius loci. Alii exponunt, *plantarum camporum*. Nonnulli, *vallem arborum*, seu *agrorum cultorum*. Quidam, *vallem agrorum occisorum*, id est aratro, seu verriculo proscissorum, & contusorum, אֶרֶץ סָדָד *sadad*. Alii, *vallem glebarum*, id est habentem plurimas glebas; vel *vallem agrorum quorum glebæ sunt contusæ*. Nec defunt qui *vallem calcium* interpretentur, quod עֵשֶׂת סִיד *siddim* significet. Alii, *vallem carcerum*. Antiqui, *vallem salinam*, seu *vallem salinarum*. Sed *siddim* salium, vel *salinas* nusquam significat. Hæc vox in Scriptura tantum habetur, nempe vers. 3. 8. 10. huius Capitis, & Noster semper *vallem silvestrem* expulsi: de qua hæc S. Hieronymus in Traditionibus: *Vallem Siddim* Aquila interpretatur עֵשֶׂת מִשְׁפַּחֵי הַיָּם, Theodotus, עֵשֶׂת הַיָּם, amara memora significantes. MARE SALIS. Ita vocabitur postea; postquam scilicet delebit Deus Pentapolim, emergente ibi stagno salso, infra cap. xix. vers. 24. *Mare Salis* vocatus est lacus Asphaltites: quod Deus nedum igne & sulphure, sed etiam sale ardenti easurbes extinxerit, Deut. xxix. 23. vel quod ibi essent salinæ, seu salis fosinæ, Sophoniz. ii. 9. seu potius quod aqua ipsa propter bitumen saluginosa esset. Apposite dixit, *Mare salis*, quod alia stagna Chanaan dulcia essent, præter Asphaltiten.

P. 5. RAPHAÏM. Quidam pronomine proprio accipiunt gentis Chananiticæ, de qua infra cap. xv. vers. 20. Alii, gigantes interpretantur. רָפָאִים *raphaim*, quidam deducunt a רָפָא *rapha* cum אֶלֶף *aleph*, quonominis dictos volunt omnes gigantes, & tyrannos; quasi dicas, sanos, validos, potentes. Et quia gigantes propter tyrannidem male audiebant, quasi certo damnati, ideo sæpe pro mortuis, & infernalibus, aut manibus accipi. Vel per antiphrasin, quod mortui omni sanitate, medicina, & virtute careant, nec ullo reme-

dio sanari possint. Alii *Rephaim* appellatos gigantes existimant, quod quasi inferi in antris & cavernis sub terra plerique eorum habitarent. Nec defunt qui nomen *Rephaim* ad infernales & manes tractum putant, quod semper specie immani & gigantea apparere soleant. Vel pro gigantibus mortuis capiunt. Verum plures a רָפָא *rapha*, cum הֵן *he* derivant, ab effectu, quod horrenda statura sua aliorum animas debilitarent, & remissos redderent: & quod ad eorum conspectum languerent homines, & manus præ metu remitterent. Inde mortuos significare, in quibus omne robur, & vis naturæ elanguit, & omnis virtus vitalis deficit. IN ASTAROTH-KARNAIM. Consentiunt eruditiores nomen esse proprium loci, aut urbis: de quo Eusebius, & S. Hieronymus in Locis: *Astharoth-Karnaim* terra gigantum, quondam in supercilio Sodomorum, qui interfecit Chodorlaomer. Suntque hodie duocastella in Batanea hoc vocabulo, novem inter se millibus separata inter Adarav, & Abilam civitatem. Et inferius: *Astharoth* antiqua civitas Og regis Basan, in qua habitaverunt gigantes, quæ postea cecidit in sortem tribus Manasse, regionis Batanæ; & sex millibus ab Adar urbe Arabie separata est. Porro Adar ab Ostra (Bofra) viginti quinque millibus distat. Et rursum: *Karnaim* *Astharoth* nunc vicus est grandis in angulo Batanæ, & appellatur *Carnæa* trans flumina Jordanis. Traduntque fuisse ibi domum Iob. Sed & supra meminimus *Carnæa* viculi in nono ab *Ælia* milliario.

Plerique distinguunt duas *Astharoth*: alteram hanc *Karnaim* in supercilio Sodomorum; alteram in regione Batanæ, regiam Og regis Basan, in Edrai, de qua Deuter. i. vers. 4. Sed errant: nam Eusebius, & S. Hieronymus perspicue affirmant, *Astharoth-Karnaim* in Batanea fuisse, in eaque habitasse gigantes, ut hic dicitur, ibique regiam fuisse Og, qui & ipse gigas. Quocirca illud, *In supercilio Sodomorum*, vel lapsus memorie, vel assumentum erit. Nominis rationem varie enucleant. Quidam locum sic dictum volunt, quod ibi essent greges, seu proles ovium insigniter, & eximie cornutæ. Alii, quod ibi essent plures caulæ gregum inter montem, aut collem bicornem. עֶשְׂתֵּי קַרְנֵי *ghashtereth* enim over Hebræis significat: & קַרְנֵי *karnaim* duo, seu gemina cornua. Nonnulli, quod

in eo loco plura essent fana seu templa lunonis, aut Luna, aut Veneris-Mammæ, specie ovis cornuta cultæ. Hæc est celebris Aithoreth, seu Astartes, dea Sidoniorum, de qua Iudicum 1. vers. 14. & 1. Regum xi. vers. 5. plura dicemus. Nec desunt qui ibi facellis & aris adoratum Capricornum signum cæleste augurentur, vel Arcturum, quod Aithoreth, compositum putent, ex *ay ghasch*, id est, *arcturus*, & *tor*, id est, *ordo gyrans*. At de his copiosiora suo loco. Vide Deuter. vii. vers. 13.

ZUZIM, proculdubio nomen gentis, quidam exponunt, quasi *posset*, vel quod præcipui essent, ac prævalidi: vel quod posset essent, & postea regionis, per quos ad alias esset aditus. Alii splendidos, gloriosos, seu delicatos interpretantur. Nec desunt qui a velocitate, & agilitate dictos putant. Nescio unde aliqui terribiles exponant. Deuter. 11. 20. putant appellari *Zom-zomin*. CUM *EIS*. S. Hieronymus *becham* cum *et chetib* legit, exponitque, in *Cham*. Exemplaria quantæ habent cum *et be*, *becham*, quod reddi potest, in *eis*, vel *cum eis*. Sed plerique, in *Ham*; voluntque nomen esse proprium loci: uti toto hoc versu describuntur loca; ubi istæ gentes percussæ. *E.MIM*; vocabulum Moabiticum, uti videtur Deuter. 11. 14. exponunt, *formidabilis, terrificus, horrendus*. Vel abstracte, *formidines, terrores, horrores*: sic dictos gigantes, & tyrannos, quod subditis, & aliis vel ob inusitatam magnitudinem, vel ob sævitiam, & crudelitatem essent formidabiles, ac terrifici. Alii, quasi turbulentos, turbatores, tumultuatores, frementes, quod omnia tumultibus impleant, a cognatis verbis *haim* *hum*, דמה *hamah*, דמה *humam*. Nonnulli מים *maim*, quod vituperosus, maculosus, turpes, liberi, ac macule generis humani essent. S. Hieronymus: Quatuor reges profecti de Babylone, interfecerunt gigantes, hoc est, Rephaim: robustos quoque Arabie, & Zuzim in Ham, & Enim in civitate Sæve, quæ usque hodie sic vocatur. Zuzim autem & Enim, terribiles & horrendi interpretantur: pro quo LXX. sensum magis, quam verbum ex verbo transferentes, gentes fortissimas posuerunt. IN *Sæve*. Usque ad tempora S. Hieronymi hanc urbem hoc ipsum retinuisse nomen S. Hieronymus nuper affirmabat; de qua

idem in locis Hebraicis: *Sæve civitas antiqua, in qua habitaverunt Ommei, gens valida, super regionem Sodome; quam excidit Chodorlaomor*. **CARIATHAÏM**, geminam urbem significat; de qua Eusebius, & Hieronymus in locis: *Cariathaim civitas, quam extruxerunt filii Ruben*. Nunc autem est vicus Christianis omnibus florens, iuxta Medebam urbem Arabie, & appellatur Coriatha, in decimo milliaro supradictæ urbis, contra occidentalem plagam, vicinus eius loci qui appellatur *Bare*. Urbem fuisse Moabiturum, dicitur Ezechielis xxv. 9. Eam edificasse, vel instaurasse Rubenitas, scribitur Numeror. xxxiii. 37. forsitan a Chodorlaomor excisam.

V. 6. ET CHORRAEOS, חורר, exponunt, quasi candidos, candidatos, albos, claros, spectatos, illustres, mobiles, splendidos, liberos, ingenuos, claro genere natos, indutos albis, rogatos toga candida, optimates: quod albo colore uterentur nobiles & clari, isque color esset axioma, & insigne ingenuorum, præsertim in oriente, ut etiam Romanis toga candida: vel quod vultu candido, ingenuo, liberali, quasi spectabiles essent: חורר *chor albedine*, seu *candore*. S. Hieronymus in xxxvi. Genes. *liberos* interpretatur, quod forsitan haberent rempublicam liberam sine rege aut principe. Quidam *heroes* explicant. Alii חור *chor*; foramine, caverna, quasi dicas, Troglodytas, cavernas incolentes. Hevæis cognatam fuisse gentem, aliqui Hebræorum putant. Horum progeniem describit Moyses infra cap. xxxvi. vers. 20. &c. Vide de his etiam Deuter. 11. vers. 11. IN *MONTIBUS SEIR*. Montem Seir prius Chorraei seu Horraei habitaverunt: deinde, illis pulsus, aut deletis, Esau cum posteritate montem illum incoluit, Genes. xxxvi. vers. 8: & Deuter. 11. 22. Montem esse Idumæ ab austro Chananæ, nimis est ex Scripturis pervagatum. De hoc monte Eusebius, & S. Hieronymus in Locis: *Seir mons in terra Edom, in quo habitavit Esau in regione Gabaena; quæ, ex eo quod Esau pilosus esset & hispidus, Seir, id est pilosus, nomen accepit. In quibus locis prius habitavit Chorraeus, quem interfecit Chodorlaomor. Meminit montis Seir & Isaias in visione Idumææ. Regionem, quam hic Eusebius & S. Hieronymus vocant Gabaenam, Iosephus Lib. II. Originum, cap. 1. Gobiolim vocat, & Palin.*

Pſalm. LXXXII. 8. *Ghebal* appellatur. Numquam existimaverim שֶׁגִּיר *seghir* montem a pilis Eſau accepiſſe nomen, ut cum Hieronymo plerique putant: nam ante Eſau iam ſub eo nomine incolebatur ab Chorreis, ut hic Moſes ait, nec opus eſt prolepi, quando antiquius aliud nomen non extat. Potius a Seir quodam auctore generis Chorreorum, de quo Genef. xxxvi. verſ. 20. & 1. Paralipom. 1. 37. nomen ſortitum crediderim: vel quod ſilvis & rupibus, cautibusque aſperis vagantibus, quos Iſaias pilosos vocat, hirsutus eſſet & horridus. Quidam a Faunis petunt. USQUE AD CAMPESTRIA PHARAN. *למא* el, inferio: iſa ab *למא* aial, plerique planitiem exponunt. Alii reddunt: Uſque ad arietem Pharan. Notant enim *Aial* ſignificare arietem: & metaphoriſe frontem, ſeu prominentiam in ianua, quam alii ſuperluminare, alii frontifpiciū vocant: quod prominentias ædium oporteat eſſe & prævalidas; & quod formam arietinorum capitum interdum reſentat. Hic ergo arietem ſignate poni exiſtitant, & explicantque: Uſque ad prominentiam, frontifpiciū, ſeu promontorium Pharan. Alii vertunt: Uſque ad quercum Pharan, aliene. Nonnulli: Uſque ad arborem Pharan. Veteres: Uſque ad terebinthum Pharan. Quidam ulmarium, quercetum, ſilvā ex ulmis, vel quercubus, interpretantur. De Pharan Eufebius & S. Hieronymus in Locis: Pharan nunc oppidum trans Arabiam, iunctum Saracenis, qui in ſolitudine vagi errant. Per hoc iter fecerunt filii Iſrael cum de monte Sina caſtra moviſſent. Eſt ergo, ut diximus, trans Arabiam contra aſtralem plagam, & diſtat ab Aſla contra orientem, itinere trium dierum. In deſerto autem Pharan Scriptura commemorat habitaſſe Iſmaelem. Unde & Iſmaelitic, qui nunc Saraceni. Legimus quoque Chodorſaon regem percuſſiſſe eos qui erant in deſerto Pharan.

F. 7. FONTEM MISPHAT. מִיִּסְפָּח *miſſaphat*, id eſt fontem, ſeu oculum iudicii. S. Hieronymus: Per anticipationem dicitur, quod poſtea ſe vocatum eſt: ſignificat autem locum apud petram, qui fons iudicii nominatur, quia ibi Dominus populum iudicavit. Idem locus dictus מִיִּסְפָּח *miſſaphat*, aque litigii, quod ibi litigarint Iſraelitæ cum Deo; ibique Deus iudicio miraculi litem diremerit. Vide Numer.

xx. 13. Iſa. 13. EST CADES. Eufebius & Hieronymus in Locis: *Kades*, ubi fons eſt iudicii, & *Kades-Banne* in deſerto, que coniungitur civitati *Petra* in Arabia: ibi occubuit Maria, & Moſes rupe percuſſa, aquam ſitienti populo dedit. Monſtratur ibidem uſque in præſentem diem ſepulcrum Mariæ. Sed & principes Amalech ibi a Chodorſaon occiſi ſunt. Conſtat ad aultrum maris ſaſſi, conſinem *Petræ* Arabiæ inſigni urbi fuiſſe. Haud abſurde putant fuiſſe *Kadyti* Herodoti, de qua ipſe Lib. II. cap. CLIX. *Nicus* terreſtri, nec congreſſus cum Syris in Magdolo, victoria poſitus eſt, & poſt prælium, *Kadyti* magna Syriæ urbe. Et Lib. III. num. V. Nam a Phœnicæ uſque ad montes *Kadyti*, que eſt urbs eorum Aſſyriorum qui nunc *Raleſſini* vocantur: ab urbe *Kadyti* non remotè, ut mea fert opinio, quam *Serdis*, æmporia ſecundum mare, &c. Niſi quod eam maritimam facere videtur Herodotus, quod *Cades* non convenit. AMALECITARUM. Videtur prolepiſ, qui poſtea dicti ſunt Amalekitæ ab Amalek, filio Eliphaz, nepote Eſau, Genef. xxxvi. 12. 16. Iosephus de filiis huius Eliphaz: Nam Amalecus erat nobis, & Thamma concubina genitus. Hi habitaverunt Idumææ regionem, que Gabolitis dicitur, & eam que de Amaleci nomine Amalecitis eſt appellata. Quondam enim late patentem terram Idumææ nomen compledebatur: cuius partes a primis colonorum inductoribus denominatæ, appellatiſque eas poſtea retinuerunt. Eufebius & S. Hieronymus in Locis: Amalecitis regio in deſerto ad meridien Iudææ, trans urbem *Petra* cunctibus Aulam; cuius & Scriptura recordatur dicens: Amalec habitat in terra, ad aſtrum: ſed & iuxta eam alius Chanaanæ habitabat, qui & dimicavit contra filios Iſrael in deſerto; de quibus ita ſcribitur: Amalec autem & Chanaanæ habitabant in valle. Vide Numer. xxi. 30. cap. xiv. 25. Gens celeberrima in Scriptura, cuius ſæpius mentio occurrit. ASASON THAMAR. S. Hieronymus: Hoc oppidum eſt, quod nunc vocatur Engaddi, baſſami, & palmarum fertile. Porro Hazaran Thamar in lingua noſtra reſonat, Urbis palmarum. De Engaddi Eufebius, & S. Hieronymus in Locis: Engaddi in tribu Iuda, ubi abſconditus eſt David in ſolitudine, que eſt in Aulone Hierichus, hoc eſt in regione illa campeſtri, de qua ſupra diximus (in voce Aulon.) Vocatur

tur autem usque hodie vicus praegrandis *Indeorum Engaddi*, iuxta mare mortuum: unde *Ex opobalsamum* venit; quas vineas *Engaddi Salomon nuncupat*. Plinius Lib. V. cap. xvii. Cum *Essenos* occidentalem partem *Asphaltitis* habitare tradit, inquit: *Gens socia palmarum*. *Infra bos Engadda opidum* fuit, secundum ab *Ierosolymis*, fertilitate, *palmietorumque* memoribus; nunc alterum *bustum*. De *Engadda* quoque *Iosephus*, *Ptolemæus*, *Stephanus*. Vide *geographos* sacros. II. *Paralipomen.* xx. 2. *Hofajon-Thamar*, quæ est *Engaddi*. חצון חמר *chat-zon thamar*, dictam voluit a *calculus*, seu *lapillis*, seu *ossibus dactylorum*. חצן id significat, vel a sagitta, seu *iaculando*, & penetrando, quod ibi essent altissimæ palmæ,

Ubi vincere summum

Arboris baud ulla iactus potuere sagittæ.

Fesseque prius rediere sagittæ,

Arboris ad summum quam pervenere cacumen.

uti poetæ loquuntur. *Thamar*, palmam significare notum est. *Lusitani dactylos tamaras* vocant. De *Engaddi* dicemus etiam in *Iosue* xv. 62.

V. 10. PUTEOS MULTOS BITUMINIS. Quidam reddunt: *Et vallis fiddim plena erat puteis cæmenti*. Alii: *Abundabat fossis argillosis*. Sunt qui existiment fuisse ibi plurimos furnos, quibus cæmentum, vel bitumen decoqueretur, & hos appellari puteos. De voce חמר *chemar* diximus cap. xi. vers. 3. ex verbo: *Et vallis fiddim putei putei*, vel *fossæ fossæ*, bituminis; id est, hinc inde plurimos habebat puteos, unde effodiebatur bitumen, vel lutum glutinosum, visco um. bituminosum, vel argilla. Notant quidam במרות במרות *be-erob, beerob*, variatum in punctis præter morem; nam habent geminum sepol, cum scribi soleant cum sece, & zeri: ut distingueret puteos bituminis a puteis aquarum viventium & scaturientium; vel ut indicaret fossas potius fuisse, aut scrobes. Alii valent mutationem funditorum esse regimen, utendumque, *Putei puteorum bituminis*. De his puteis *Brochardus*, qui terram israhelam invisit anno Domini 1283. *Hi putei nunc in hodiernum diem cerantur in latore lacus Asphaltitis, habentes singuli per rimas cretæ: & id quod nunc oculis vidi*. Existimant quidam idcirco inusitam a Mo-

se mentionem horum puteorum bituminis, ut indicaret ex composito a rege *Sodomorum* delectum certamini hunc locum, hostibus locorum ignaris iniquum propter foveas. Alii, ut ostenderet locum in quem multi eo prælio ceciderunt, nempe in fossas illas bituminis, ut m. x. subit, *CACIDERUNTQUE IBI*. Melius reor; ut innueret, hunc locum postea verum in lacum *Asphaltitem*; quasi i putei paraceves essent futuri lacus. *Iosephus*: *Castrostrati sunt in valle puteorum bituminis: tunc enim putei fuerant in eo loco; mox vero Sidoniis deletis, lacus ibi, quem a sententi bitumine Asphaltitem dixerat, repente exiit*. *ET CACIDERUNT IBI*, plurimi. Quidam intelligunt cecidisse in puteos, quod verisimile non est, quum locorum non essent ignari, Alii dicunt, servandæ vitæ causa ut ibi delitescerent, illuc se deiecit. Nonnullis videtur *Mosen* hoc dicere, tam formidabiles illis fuisse hostium gladios ut non dubitaret se præcipites in foveas iacere, ubi perirent; nam statim subiecit, servatos fugisse in montes. Sed sunt hæc vana, & ridicula. Simplicius fames cadere pro interfici, ut etiam Latinis succurrit. *Hebræi dicunt. Cadere in gladio*.

V. 13. UNUS QUI EVASERAT. פליט *palit*, evasor, id est qui fugiendo, ex cæde, & periculo evaserat. *ABRAM HEBERÆO*. Vide supra cap. x. vers. 21. *IN CONVALLI MAMRE*. Vide cap. xii. vers. 18. *HI ENIM PERPEGERANT FOEDUS CUM ABRAM*. H. b. *Et ipsi heri, nomini, superiores fœderis Abram*. Quidam exponunt, quod tamquam superiores & potiores in terra illa ierant totius cum *Abram*. Alii: *Et ipsi potentiores, potissimi, præcipui fœderis cum Abram*; quasi ii essent præcipui fœderatorum *Abram*. Quidam: *Et ipsi viri fœderis Abram*, id est confœderati *Abram*. Plerique: *Et ipsi habebat pascuum cum Abram*.

V. 14. NUMERAVIT. Verbum נקח *berik*, in *Hiphil* varie reddunt. 1. *Et armavit*; 2. *Et accinxit*, ad bellum; 3. *Et educere eos fecit gladios e vagina*; 4. *Et expeditavit*; 5. *Et duxit*; 6. *Et evacuatit*; id est, fecit expeditos, vacuos onere, & impedimentis; 7. *Ad evagationem exercuit*. Quinque alias plus minusve id verbum in Scriptura rep. nitur, & *Nostri* diverse quoque interpretatur. *Genes. xlii.*

35. Psal. xxxiv. 3. Eccl. x. 3. Zachar. iv. 12. Malach. iii. 10. *effundere* dixit. Exod. xv. 9. Levit. xxvi. 33. Ezechiel. v. 12. & cap. xii. 14. *evaginare*. Ezechiel. xxviii. 7. & cap. v. 2. *nudare*. Isaie xxxiii. 6. *evacuare*. Ieremie XLVIII. 12. *exaurire*. Psal. xviii. 43. *delere*. Habacuc i. 17. *expandere*. Hoc vero loco, *numerare*: sensum fortasse magis quam verbum sequutus. Hic possis reddere: Effudit, erugnavit, nudavit, evacuavit, expandit; h. c. est, eduxit, emisit leves, expeditos, nudatos, vacuos: instruxit aciem levisarmaturæ. EXPEDITOS. חנכיים *chanichim* omnia ista complectitur, edoctos, imbutos, instructos, assuetos, domesticos, initiatos, catechumenos, novitios, tirones, dedicatos. Intelligit adolescentes aut iuvenes domesticos Abrami, quos in religione, & in armis instruxerat. Quidam dixit *ustratos*. TRECENTOS DECEM ET OCTO. Ios phus Lib. VI. Belli cap. xi. *Atque Abraham trecentos & decem & octo praefecto habebat, quorum singulis infinita multitudo parebat.* DAN. S. Hieronymus: *Et persecutus est eos usque Dan.* Ad Phœnicees oppidum, quod nunc Panceas dicitur. Dan autem unus de fontibus est Iordanis. Nam & alter vocatur Ior, quod interpretatur *fontes*, quod est rivus. Duobus ergo fontibus, qui haud procul a se distant, in unum rivulum confluerat, Iordanis deinceps appellatur. Et in Locis Hebraicis: Dan viculus est in quarto a Panceade milliario euntibus Tyrum, qui usque hodie sic vocatur: terminus Iudæe provincie contra septemtrionem: de quo & Iordanis flumen erumpens, a loco sortitus est nomen, Ior quippe *fontes*, id est *fluvium*, sive rivum *Hibrai* vocant. Hæc urbs primum appellata est Lesem, & Laïs, d'inde a Danitis occupata, & instaurata dicta est Dan. Iosue xix. 47. Iudicum xviii. 27. Hinc quidam suspicantur. Moysi non inscripsisse librum Geneseo modo quo nunc habetur, sed pauca in eo ab Ezdra, vel alio d' vino viro fuisse immutata: siquidem Moysi ætate hæc urbs non Dan, sed Lesem, vel Laïsa vocabatur: nam Dan non est appellata nisi a Danitis post tempora Moysi uti nuper dicebamus. Eldram vero, vel alium divinum virum, pro vetustis & exoletis locorum vocabulis nova, quibus rerum gestarum memoria posset optime & percipi & conservari, reposituisse: ut hic appellaret Dan, quæ non

nisi longe post mortem Moysi hoc nomen nadia fuerit. Vide quid simile supra cap. xii. vers. 18. Nam, quod quidam aiunt, Moysi vaticinio nomen urbis prædixisse, ridiculum est. Fuit terminus aquilonaris terræ sanctæ, ut Beer-seba australis: unde illud frequens in sacris libris, *A Dan usque Bersabee*. De hac urbe plurima diximus in Antichristo, Lib. III. cap. vii. 1.

V. 15. ET DIVISIS SOCIIS, IRRUIT SUPER EOS NOCTES. Hebraice: *Et divisus, dispersus, distributus fuit super eos nocte*; hoc est, suis in ordines, seu in turmas, aut in cohortes distributis, nimirum instructa acie, invasit eos. Alii exponunt: *Et divisit sese super eos*; id est, divisit suas copias in duas partes, & assumpta altera turma, irruit super eos. Nonnulli, *Et divisit se*; id est, subluxit, separavit se a sociis, nempe Mamre, Escol, Aner, & cum solis suis noctu adorulis eos hostes: ut ipsi sui que in solidum victoria deferretur. Quem sensum verba illa firmant, *Ipsi, & servi eius*. Unde illud Vulgati, *Et divisit sociis*, ita videtur capiendum, separatim, exclusis, subductis a se, vel relictis. *חובה חובה* Chobab, de qua Eusebius, & S. Hieronymus in Locis: Choba ad levam partem Damasci. Est autem Choba villa in eisdem regionibus, habens eccolas Hebræos, qui credentes in Christum, omnia legis præcepta custodiunt, & a principe hæreseos Hebronitæ nuncupantur. Contra huiusmodi dogma Paulus Apostolus scribit ad Galatas. Quidam Opoton Plinii Lib. V. cap. xvi. esse existimant. DAMASCI *דמשק* Dammesek. Hic primum claræ cum primis urbis, sacris & humanis auctoribus celebratæ mentio occurrit. Eusebius & S. Hieronymus in Locis: *Damascus nobilis urbs Phœnicis: eodem autem vocabulo, & Massek ancille Abram filius appellatus est Genes. xv. 2.* Et in Tradit. Hebraicis: *Ab hoc Damasco Eliezer aiunt Damascum conditam & nuncupatam.* Ceterum Iosephus, & S. Hieronymus: ab Us filio Aram potius conditam existimant. Vide supra cap. x. vers. 23. sunt qui putent Damalcum dictam *דאם* dam, sanguine, & *פסאק* sak, sacro, ut Ionet, saccum sanguinis. id est rubri vini: nam & a vini copiosa Bacchum illic in sacro habitare sinnerunt: quod magna fuerit in ea regione vini fertilitas, & abundantia: Græcos quoque pari verborum com-

D d

po-

positione, eam *alua*, sanguinem. id est virum rubrum, *adamas*, id est sacrum, appellatam existimasse. S. Hieronymus in xxviii. Ezechielis a *דאם* dam, sanguine, & *אבר* schakab, bibere, deluxit, quasi sanguinem bibens, quod ibi interfecit fuisse Abel a Kaino, & terra sanguinem eius biberit. Quidam annotant, terram Damasci esse rubram, flexibilem, tractabilem instar cere, ex qua formatus fuerit Adam: inde ipsa terra dicta sit *Adamah*; & Damascus, quasi sacculus terræ rubræ, seu argillæ. Qua recedit intus a Phœnice, Syriam dictam Damascenam, Plinius Lib. V. cap. xii. prodiit. Damascus Syriæ urbem fuisse, & ab ea partem Syriæ, Syriam Damascenam vocatam, auctores omnes affirmant. De Syria Damasci futurus est nobis sermo II. Samuelis viii. 5. Describere Damascus accurate plurimi recentiores sacri topographi. Sed & Strabo Lib. XV. Benjamin Tudeletis Itinerarii pag. 52. Urbs ipsa maxima, atque pulcherrima est, muris cinctæ; regio vero tota hortis & paradisis instructissima, ex singulis lateribus quindena continens miliaria. Numquam alias in tota terra, fructifera urbs huic similis visitur.

V. 17. *IN VALLE SAYE*. Quidam hic reddunt. *Ad vallem plenam*: nam *אשכנז* aschkenaz, *equabile* esse significat. Possis vertere, *Ad vallem æquoris*, camporum. Vide supra vers. 5. Topographi sacri putant hanc esse convallem illustrem, de qua diximus cap. xii. vers. 6. atque eam quam describunt Eusebius, & S. Hieronymus in Locis Hebraicis, in hunc modum: *Aulon non Græcum, ut quidam putant, sed Hebræum vocabulum est. Appellatur autem vallis grandis atque campestris, in immensam longitudinem se extendens, quæ circumdatur ex utraque parte montibus, sibi invicem succedentibus, & coherentibus, qui incipientes a Libano & ultra, usque ad desertum Pharan perveniunt. Suntque in ipso Aulone, id est Valle campestris, urbes nobiles, Scythopolis, Tiberias, flumenque propter eam; sed & Iericho, mare mortuum, & regiones in circuitu, per quas medius Iordanis fluit, oriens de fontibus Pancadis, & in mare mortuum introitus. Eadem ferme habet S. Beda Libello de Locis sanctis, cap. x. Hanc vallem hodieque a Palæstina vocari Aulonem, recentiores terræ sanctæ descriptorum affirmant. Pulcherrimam, amœnissimam, fertilissi-*

mam, hortis & paradisis felicem fuisse, omnes affirmant. Vide cap. xiii. vers. 10. & in Iosue xvii. vers. 11. & Iudith i. vers. 8. *Aulon* corruptum est vocabulum pro *Aulon*, vel *Elon*, vel potius est Græcum, pro *valle*. VALLIS REGIS. Quidam existimant sic dictam, quod in ea habitaret Melchi-zedek rex; aut quod ibi prædia, & campos habuerit; vel quod ampla & magnifica, ac regia fuerit: unde Iosephus campum regium appellat. Qui augurantur, fuisse locum & stadium, ubi reges ludebant, & sese exercebant, somnia asserunt. Vide II. Samuel xviii. 18.

V. 18. MELCHIZEDEK. Hunc Hebræi & plurimi ex nostris Sem Noe filium suspicantur. Sed cum Paulus Hebr. vii. 3. dicat patrem & genealogiam Melchi-zedek in Scripturis non prodii, cum tamen Senii diserte exprimitur; verisimilius est quendam aliquem Chananæum regulum fuisse; sed pium, & verum Dei cultum ac religionem profitentem. SALEM. Eusebius, & S. Hieronymus in Locis Hebraicis triplicem Salem distinguunt: unam ipsam Sichem, vel prope Sichem; alteram Ierusalem, quæ prius dicta est Salem; tertiam in octavo lapide a Scythopoli, in campo, quæ Sumias vocabatur. Iosephus, & plerique alii, Melchi-zedek regem Ierusalem fuisse arbitrantur. Sed doctissimus Hieronymus Epistola cxvi. ad Evagrium contra pertendit, Melchi-zedek in Salem iuxta Scythopolim regnasse: cuius verba subiicio: *Salem autem, non ut Iosephus. & nostri omnes arbitrantur, esse Ierusalem; sed oppidum iuxta Scythopolim, quod usque hodie appellatur Salem: & ostenditur ibi palatium Melchi-zedek, ex magnitudine ruinarum, veteris operis ostendens magnificentiam. Considerandum quoque est, quod Abrahæ a cæde hostium revertenti, quos persecutus est usque Dan, quæ hodie Paneas appellatur, non de via Ierusalem, sed de oppido (Salem) metropoles Sichem in itinere fuerit: de quo in Evangelio quoque legimus: Erat autem Ioannes baptizans in Ennon iuxta Salim, quia aquæ erant multe ibi. Nec refert, utrum Salem, an Salim nominetur, cum vocalibus in medio litteris peraro utantur Hebræi, & pro voluntate lectorum, atque varietate regionum, eadem verba diversis sonis, atque accentibus proferantur. Hæc ab eruditissimis gentis illius didicimus. Hæc S. Hieronymus, cuius*

cuius sententiam egregie probamus. Brocard. *In pade australi montis Thabor, contra villam Endor, prope viam qua ducit a Syria in Aegyptum est locus ubi Melchizedek dicitur occurrere cum pane, & vino Abraham rediens a caede quatuor regum.* Eadem habet alter Burchard. *PROFERENS PANEM, ET VINUM.* Victoriale hic epulum nonnulli interpretantur; ac si dicat: Lascium ac famelicum exercitum regia liberassite refecit ac pavit pane, ac vino, quibus omne genus cibi, ac potus significatur; quasi dicat, adduxit commeatum. Nequaquam sunt pii qui hic verum sacrificium panis, & vini incruentum Deo a Sacerdote Melchizedek rite oblatum non agnoscunt. Id constanter antiqui Hebraei, id vetustissimi Christianorum Patrum semper intellexere. Tot tantorumque testium agmina laudant orthodoxi quae scriptores, qui sacrosanctum corporis & sanguinis Christi (sub speciebus panis, & vini sacrificium, cuius illud Melchizedekianum insignis typus & figura fuit, adversus impios propugnant. Ex verbo locum ita reddunt: *Exire fecit, eduxit, protulit, extulit, abtulit panem, & vinum.* Verbum *יצא* botzi, in Hiphil interdum esse sacrificare, & ritui sacrificantium competere, & Hebraei docent, & Iudicum vi. 18. manifeste declaratur: *Et exire faciam, educam, offeram, proprie offeram, sacrificium meum, seu oblationem meam, & statum ad facies tuas.* Preclare hic hostis quidam veritatis, *Extulit panem, & vinum:* ut & sacrificium, & ritum sacrificii, nempe quo in altum extollitur & elevatur, nolens fateri cogereetur. Id sane Deus Fortiter in mentem immisit immerenti. Nec a verisimili abhorret, panem illum & vinum in sacrificium prius Deo oblatum, exercitui in epulum convivale & victoriale deinde distributum: ut pane illo ac vino consecrato ac benedicto Melchizedek copias Abrahami paverit ac refeceret; ut nunc Eucharistia sacrosancta populo distribuitur. ERAT VINUM SACERDOS: divine Noster & Pan pro causali accipit, exemplis passim obvius in Scriptura; quasi dicat: Obluit Deo sacrificium panis ac vini, nam erat Sacerdos Dei altissimi. Fuit illud sacrificium epinicum, victoriale, triumphale, eucharisticum pro parte victoriae Abrahami. Vox *כחן* echen, proprie significat sacerdotem, nimirum

rum eum qui est constitutus, seu ordinatus ad sacra perficienda, peragenda, ut rem sacram operetur, ut sit ministrus in facris, ut sacerdotio fungatur, Græci *ἱεραρῆς* vocant. Interdum vero abusive non est ecclesiastici officii, sed honoris & dignitatis, illicque tribuitur qui erant intimi & secretissimi regum: quia enim reges pro diis habentur in terris, & ita aliquando in Scriptura appellantur; inde factum est ut transferretur hoc nomen ad eos significantes qui erant regibus a secretis, intimi, familiares, primarii ministri, primores, magnates, æditi regum, per quos rex consulebatur, eius voluntas aliis manifestabatur, &c. quibus sacra, & arcana regum, & regni commissa erant; quasi decus, regum sacros ministros, liturgos, sacerdotes, hierophantes, nempe regum sacratissimos: ut II. Samuelis. xx. 26. *Ipse autem Iairites erat sacerdos David:* & cap. xviii. vers. 18. *Filii autem David sacerdotibus erant:* quod I. Paralipom. xviii. 17. ita exponitur: *Filii David primi ad manum regis, id est ad negotia regis, seu ad latus regis.* I. Reg. iv. 5. *Zabud filius Nathan sacerdos.* Melchi-zedek verum & legitimum fuisse sacerdotem in sacrificiis, aliique sacris rite ministrantem, ac mirabilem sacerdotii & pontificatus Christi æterni Dei vivi, & veri typum, & David, & Paulus egregie demonstrarunt. In cruentum hoc Melchizedeki sacrificium imitati videntur gentiles in Sacram, & Præmetio, de quibus Festus. DEI ALTISSIMI. *ה' ע'ליון* & *ה' גבוה*, duo nomina Dei, hic primum occurrentia. El plerumque ponitur abstractive pro potentia, fortitudine, robore, virtute, facultate aliquid faciendi: sæpius concretive, pro forti, potenti, robusto, penes quem est facultas faciendi aliquid, cuius potentia late sese extendit & exierit. De Deo sæpiissime dicitur; & ut reor, non a concreto, sed ab abstracto, per antonomasiam El Deus appellatur, id est ipse potentia, nedum potens, vel potentissimus: propterea quod Deus omnia potest, cui nihil est impossibile; sed eius potentia, potestas, virtus, maiestas, facultas extendit se ad, & super omnes creaturas, & a cuius maiestate & potentia dependent universa in celo & in terra, quæ habent aliquam potentiam, potestatem, facultatem, & virtutem: & propter hæc dona & beneficia, quæ ab ipso acceperunt, & ha-

bent, ipsi tamquam iuramento astricti sunt, illi præstare cultum, obedientiam, & gratitudinem. Deducunt enim ab אֱלֹהִים *alab*, quod est *se iuramento asfringere*. Alii ab אֱלֹהִים *al*, *fortitudo*, *virtus*. Notant, in Scriptura univérse dici de Deo vero, & de falsis diis; itemque de hominibus potentibus, fortibus, prævalentibus. Exempla facile in Scriptura se dabunt. *Gheslon*, non est dubium quin primo ac præcipue sit attributum Dei, id est *Altissimus*, *supremus*, *summus*, qui respectu Angelorum & hominum, adeoque omnium creaturarum sit in altissimo ac supremo gradu dignitate, gloria, nullis plane rebus subiectus, nullis passionibus, quibus nos premimur, obnoxius; & cuius essentia, nomen, gloria, altitudo, maiestas, regnum omnem humanum & angelicum sensum exsuperet atque excellat: sicuti Paulus de Christo scribit Philippenses 11. vers. 9. *Exaltavit eum, & dedit ei nomen supra omne nomen, ut in nomine Iesu se flectat omne genu*, &c. Nam quamvis nomen *Iesu* diversum sit ab *Gheslon*; at mire Apostolus vim & notationem huius exprestit. Tribuitur deinceps id nomen homini, & aliis rebus, uti exempla suis quæque locis docebunt.

V. 19. BENEDIXIT EI; id est, omnia fausta, felicia precatus est: forte concepta forma verborum, quæ in benedictione sacerdotali postea præscripta est, Numeror. vi. vers. 23. BENEDICTUS ABRAHAM DEO EXCELSO. Confirmat, ratamque habet Melchizedech divinæ vocationis gratiam Abrahamo, æterni fœderis cum Deo isti respectu; ac si dicat: Benedictus, laudatus, laudandus, laude & honore dignus, celebrandus est, seu felix, prosper, fortunatus, faustus, augustus est Abram, quem Deus vocatione & gratia sua, pacto & fœdere sempiterno dignum constituit, & tantis bonis auxit & ornavit.

V. 20. PROTEGENTE. Verbum פָּדוּ מִיָּגֶן, in Pihel ter tantum in Scriptura reperitur: hic Proverb. iv. 9. Osæ x1. 8. & Noster ubique verbo *protegenti* reddidit, quod credideris eiusdem significationis esse cum פָּדוּ גִּזְיוֹן. Sed hic varie interpretantur: 1. *dedit*, *tradidit*; 2. *conclusit*, *circumdedit*; 3. *compegit*, *compulsores* *invidit*; 4. *ligavit*, *corripuit*; 5. *circumvolavit* *coangustatores* *suos*, seu *coarctatores*, *conclusores*, *oppressores*, *confrittores*, *hostes*,

adversarios: hoc enim proprie significat vox פָּדוּ תַּרְיָם, nempe eos qui premunt, arctant, & angunt. Et DEDIT EI DECIMAS EX OMNIBUS. Alii: *Dabatque ei*, scilicet Abram Melchizedech, *decimas* *de rebus omnibus*.

V. 21. DIXIT AUTEM REX SODOMORUM AD ABRAHAM. Alii: *Quapropter dixit Rex Sedomi Abrahamo*: nempe quum videret ille de præda decimas Melchizedech dari, metueretque ut recuperaret res suas. DA MIHI ANIMAS, CETERA TOLLE TIBI. Hebr. *Da mihi animam*: enallage numeri, id est homines mihi subditos, qui in tuam potestatem venerunt: *facultates vero accipe*. Exponunt quasi dicat: Saltem mihi restitue partem eorum quæ ad me pertinebant, nempe homines meos; reliquam vero, nempe facultates, si ita videbitur, servato tibi. Aliter accipit S. Chrysostomus, tamquam si reliquam partem rex Sedomi Abrahamo donaret gratiarum ergo. Sed illud prius, iudicio n eo, iniquius, magis cum ingrata illius hominis mente, & sanctissimo Abrami responso convenit.

V. 22. LEVO MANUM MEAM AD DOMINUM DEUM EXCELSUM. Quidam reddunt: *Levavi manum meam*, sive *iuravi elata manu mea ad Iehovam Deum fortem excelsum*; id est, quum ab bellum profecturus Dei auxilium implorarem, iuramento me obstruivi: synecdoche signi, & rei significatæ. Habitus & ritus iurantium, elata in cælum manu: hoc signo profitebantur se Deum habere præsentem testem veritatis, & perjurii vindicem. *Levare*, seu *tollere manum in cælum*, pro *iurare*, Exod. vi. 8. Numeror. xiv. 30. Deuter. xxxii. 40. Daniel. xxi. 7. Apocalyp. x. 5. Possit quoque hic esse abstinentiæ, & moderationis; quasi dicat: Tollo manum meam coram Deo, nihil capio, nihil sumo, manus servo puras & abstinentes a præda, & rebus tuis.

V. 23. QVO D. Hebr. *Si*. Notant particulam si in iuramentis, & obligationibus vim habere negantem. I. Reg. 2. 31. *Iuret mihi rex Salomon, si interficiet servum suum gladio*. Psalm. lxxxviii. 36. *Semel iuravi in sancto meo, si David mentiar*. Psalm. xciv. 11. *Quibus iuravi in ira mea si introibunt in requiem meam*. Marci viii. 12. *Amen dico vobis, si dabitur generationi isti signum*.

ignum. Ita hic, *Si accipiam*, id est non accipiam. Alii volunt esse eclipsin, sive apollopesin in iuramentis usitatissimam; Pro, *Dira mihi impreans*, vel *dispercam*, male mihi sit, si accipero: ut infra cap. xxi. vers. 23. & I. Samuel. xiv. 22. Quidam hunc versum reddunt: *Dira mihi impreans*, si vel filium, vel corrigiam calceamenti accipero, si, inquam, accipero de re ulla quæ sit tua: ut non ducas, Ego dixi Abramum. QUOD A FILO USQUE AD CORRIGIAM CALIGÆ. Exponunt: A filo, quo sutores vestimenta consunt; vel a filo, quod a sinibris vestium defluit, usque ad ligulam stridoriam calceamenti. Alii: A filo, seu vitta capitis usque ad calceamenti; id est, a capite ad pedes. Aliqui, *Si vel filium, vel corrigiam calceamenti accipero*, volunt esse proverbialem formulam derebus vilissimis & nullius pretii, a quibus qui se abstenturum dicit, confirmat, multo magis a maioribus & pretiosioribus temperatum esse. EXCEPTIS HIS QUÆ COMEDERUNT IUVENES. Quidam reddunt: *Penes me nihil futurum est* (sic infra cap. xli. vers. 16.) *tantum quod isti pueri concederunt*. Iuvenes נַעֲרִים *negharim*, *neghar*, proprie excussus. Observant, isto nomine Hebræis appellari puerum seu iuvenem eius ætatis qua iam e molliore parentum cura foras excussus est, aut excutendus ad aliquod ministerium, ut alicui operi faciundo assuefiat aut exerceatur. Quare sæpe ministri ita appellantur, quod ea ætas ad quotidianas functiones & ministeria adhiberi soleat. Et dicitur hoc nomine, quousque ad eam conditionem pervenit qua incipit iam sui iuris esse: quamquam per catachresin interdum etiam largius usurpent, vel pro iuniore, vel pro rudiore, seu ineptiore. Græci παῖς vocant; Latinis est infans: nam esse nonnumquam intellectus, vel sensus, non ætatis, metaphoricè, constat. Ierem. i. 6. *Ecce nescio loqui, quia puer ego sum*, id est rudis, imperitus, infans: ut etiam Paulus scripsit I. Corinth. xiv. 20. *Nescite pueri effici sensibus*. Alii notant, in universum hoc nomen proprie seni & iam proveccto opponi, & totam ætatem adhuc teneram complecti, hoc est infantiam, pueritiam, adolescentiam, & iuventutem, ut ex variis Scripturæ locis videre licet. אֲדָמָה *ghelem* esse proprie puerum & adole-

scem; נַחֲרָה *bachur* vero iuvenem delendum. Non enim etiam pueri Latine duas ætates complecti, & pro famulo seu ministro quoque poni. נַחֲרָה *naghar*, puerum dictum putant, quod ut excussus, seu agilis, vegetus, & vivax, atque alacer; non sicut ætate iam proveccti, qui tardiores sunt, & inhabiles. Sunt qui *naghar* designant usque ad annum vigesimum: quamquam pro ministro, ætatis alioqui ratio non habeatur; licet iunior sere seniori ministrare soleat: Genes. xliiii. 8. ubi agitur de Beniamino ætatem illam viginti annorum superante. Possè & *naghar* dici quod excussus sit a cura rerum, quod secure agat, & in diem vivat.

-- *utilium tardus provisor*, & *iram colligit*, ac *ponit temere*, & *mutatur in boras*:

inquit Horatius in Arte poetica. Nec desunt qui *naghar* appellatum existiment, quod moveatur in utero materno, & inde in mundum excutatur, & in lucem edatur. Nonnulli sic vocatum eleganter volunt per translationem, quasi omnia excutientem, quiescendi impatientem, stare loco nescium. Vim vocis accurate expressit Psalm. cxxvi. 4. *Sicut sagitta in manu potentis, ita filii excussurarum*: qui instar sagittarum prævalidi manu emissarum, excutientur. Quidam *naghar* dictum volunt, quod sit excussus, exturbatus, præceps, præcipitans in actionibus. Hic plerique pueri reddunt, id est servi, atque administri, quorum meminit supra vers. 14. & sequentibus, et II. Machabæor. viii. vers. 28. qua notione sæpe Latinis vox *puer* usurpatur. Livius Lib. XLV. cap. vi. *Pueri regis apud Macedonas vocabantur principum liberi ad ministerium celsi regis*. Hispanice vocamus *pates*. ET PARTIBUS VIRO-
RUM QUI VENERUNT MECUM, A-
NER, ESCOL, ET MAMBE: ISTI
ACCIPIENT PARTES SUAS. Quidam:
Et pars borum virorum, id est auxiliarium, quorum duces statim hic nominantur, ut supra vers. 13. qui profecti sunt mecum, ipsorum esto.

M E N O C H I I.

Verf. 1. **R**EX SENNAAR, Babylonis. Vide Genf. cap. xi. num. 2.

REX PONTI, non illius Euxini, sed alterius vicinioris. Sunt qui putent esse civitatem Cœleſtyriæ, quæ a Stephano de Urbibus dicitur Hellas; quæ mera est coniectura. **R**EX ELAM: Rex Perſarum, qui Elamitæ dicuntur in Scriptura. **R**EX GENTIUM, vel Rex Galilææ, quæ Gentium dicta est, ut cenſet Maſius Joſue cap. xii. 9. Vel hic gentes accipiuntur pro erronibus, & profugis ex variis gentibus, quibus aſylum in ſuoregno dederit hic Thadal.

V. 3. **V**ALLEM SYLVEſTREM, amœnam, & inſtar nemoris pulchris arboribus conſentiam. **M**ARE SALIS: qui locus ab Hebræis vocatur etiam *Vallis Salinarum*, aut mare mortuum.

V. 4. **R**ECESSE RUNT, rebellarunt. **Q**UERE RANT CUM EO: qui illi erant ſocierati.

V. 5. **R**APHAIM. Hæc vox gigantes ſignificat. Hi habitantur in terra Baſan, quæ ideo dicta *Terra gigantum*, Deut. i. 13. **A**STAROTH CARNAIM, Diana, vel Iuno bicornis: nam Carnaim bicornem ſignificat. Sunt tamen qui a bicorni, ſeu bicipiti monte dictam putent Aſtaroth carnaim, quod in eo ſita eſſet. **S**AVE. Aliqui vertunt *planitiem*. Videtur fuiſſe Urbs in planitie ad mare mortuum.

V. 7. **M**ONTIBUS SEIR. Hi ſunt montes Edom. in Cabalena regione, poſtmodum habitatio Eſau. **F**ONTEM MESPHAT, fontem iudicii, ira dictus, quod ibi Iudei contra Moysen, & Aaron murmurarint, iurgati ſint, & veluti iudicio expoſtularint; ideo etiam dicitur: Aqua contradictionis. *Ibidem*. Deus Moysen, & Aaron propter incredulitatem damnavit ne terram promiſſionis ingrederentur. Poſtea cum illic miraculo edito Deus fuiſſet ſanctificatus, locus dici cœptus eſt Cades. Vide Num. xx. 11. **A**MALECITARUM: qui poſtea ab Eſau nepote ſic vocati Genef. xxxvi. 16. Senſus ergo eſt: regionem quam poſtea Amalecitæ poſſederunt. **A**SA-SOTHAMAR, urbs palmarum quæ fuit Amorrhæorum, Urbs etiam Engaddi vocata.

V. 10. **P**UTEOS MULTOS. Heb. pu-

teas, puteos. Geminatio vocis copiam puteorum ſignificat, ut illud Pſalmi cxxi. 4. *Illuc aſcenderunt tribus, tribus Domini*; id eſt, omnes tribus. Quinque reges elegerunt hunc locum, quod periculofus eſſet hoſtilis ignaris horum puteorum. **C**ECIDERUNTQUE IBI: non ipſi Reges Sodomæ, & Gemonrhæ (hi enim fugerunt, & evaſerunt, ut patet n. 17.) ſed eorum milites, quorum pars capti, pars caſi, pars in puteos bituminis delapſi.

V. 12. **N**ECNON ET LOT, vel in prælio captum, vel inermem in urbe inventum, haud dubie poena electionis parum ſapienter inſtituta; & moræ inter improbos, ut aliqui Patres ſentiunt.

V. 13. **A**BRAM HEBRÆO. LXX. *re' nepar*, id eſt *transitori*. Sentiunt enim Hebræum dici a voce *ny banar*, quæ tranſire ſignificat, & hanc etymologiam ſecuti, dicemus Abrahamum vocari tranſiterem, & Hebræum, quod Euphratem tranſiſſet. Alia verior eſt ſententia, dici Hebræos ab Heber, a quo deſcendebant, & cuius idioma retinebant.

V. 14. **N**UMERAVIT: non numeravit tantum, ſed etiam ſelegit. Hebræa ſignificat: *Expediit initiatus, vel inſtructus ſuos*, quos ſcilicet iam ferrum, & arma tradiare docuerat, ut peregre habitans ſe tutum præſtaret ab iniuria. **T**RECENTOS DECEM ET OCTO. Tot poſtea Patres in Concilio Nicæno. **U**SQUE DAN. Urbs Dan tempore Abraham, & Moſis vocabatur Lais, vel Leſem, & ita ſcripſit Moſes; ſed qui hæc ditia Moſis digeſſit, pro Lais ſubſtituit Dan, quo poſt Moſen vocata eſt Joſ. xix. 47. Alii putant ſpiritu prophetico Moſen ſcribere nomen urbis, quod poſtea erat acceptura. **V**ERNACULOS SUOS: ſervos domi ſuæ natos.

V. 15. **D**IVERTIS SOCIIS. Abraham unam turmam duxit: ſocios tres, puta Aner, Eſcol, & Mambre in tres, ut videretur, turmas diviſit, ut omnes eſugii vias hoſti præcluderet, utque a quatuor partibus eos adoriens percelleret, opinantes a magno exercitu ſe undique cingi, atque ita ſomno, vinoque ſepultos opprimeret.

V. 17. **I**N OCCURſU EIUS: ut gratias ageret, & impetraret ſibi reddi cives ſuos. **V**ALLIS REGIS. LXX. addunt *Melchifelech*: vel quod ita dicta ob occurſum hunc regis Melchifelech; vel quod

ibi

ibi essent eius delitiæ; vel tandem quod æternitate digna esset rege.

V. 18. MELCHISEDECH. Aliqui putarunt, Melchisedech esse sem filium Noe; sed Sem genealogia textitur in Scriptura, Melchisedech autem est sine genealogia, ut ait D. Paulus ad Hebr. vii. Fuit ergo aliquis ex regulis Chanaanorum, qui inter impios pie vivebat, & iuste, ut bene illi nomen quod ferebat, conveniret: nam Melchisedech significat regem iustitiæ. Porro Melchisedech fuit Christi typus: quia uterque rex iustitiæ; uterque rex Salem, id est pacis; uterque sine genealogia, nam Christus patrem non habuit in terris; uterque quasi æternus inducitur in Scriptura; tandem uterque sacerdos, & pontifex. *REX SALEM:* rex Ierusalem, quæ prius Salem, & Iebus dicta. *PROFERENS PANEM, ET VINUM,* ad sacrificium, quia erat sacerdos. Partem panis suo ritu sacrificavit, v. g. cremando; partem vini libavit, effundens Deo in gratiarum actionem pro victoria; deinde reliquam panis, ac vini partem in milites Abraham libandam, id est participandam, & comedendam distribuit: hic enim mos erat sacrificii pacifici. *SACERDOS.* Vox Hebr. *cohen* proprie sacerdotem significat; abusive vero, & raro principem: quod sequentia clare ostendunt, nam additur, *DEI ALTISSIMI.*

V. 19. BENEDIXIT EI, maior minori, Melchisedech Abrahamo, formula usus, quæ hic habetur.

V. 20. DEDIT DECIMAS, Abraham Melchisedech, ut patet ad Heb. iv. 7. *EX OMNIBUS,* spoliis.

V. 21. DA MIHI ANIMAS, cives, & subditos meos captivos.

V. 22. LEVO MANUM MEAM: iurantis habitus.

V. 23. AFILIO SUBTEGMINIS; id est, ne minimum quidem accipiam. Vox subtegminis non est in Hebræo sed addita a nostro Interprete explanationis causa. Subtegm. n. est filium, quod fuit flamine textitur. *USQUE AD CORRIGIAM CALIGAE.* Caliga est calceus. *NE DICAS:* *EGO DITAVI ABRAHAM;* quasi dicat: Ne iactes me ex tuis incommodis mea quæsisse commoda; aut iactes me amore munerationum tuorum tibi suppetias ivisse. Quia nihil tale suberat in muneribus Pharaonis, cap. præced. ea recepit.

TIRINI.

Perf. 17. I N VALLE SAVE, QUAE EST VALLIS REGIS.) Septuaginta addunt, *Melchisedech:* quia forte iste rex in ea valle hortos suos, & loca ad delicias facta habebat: forte etiam ludicras, & militares exercitationes. Nam Chaldaeus habet: *Ipsæ erant loca refrigerii, vel stadii regis.* Huius etiam vallis sit mentio II. Reg. xviii. vers. 18. Hic Melchisedech non fuit Sem, primogenitus Noe, ut tradunt Hebræi, & nonnulli Catholici a: nam licet hic etiam tum in vivis esset, saltem non regnabat in Chanaanitide, neque erat sine patre & matre, & sine genealogia, cum Scriptura dierte affirmet fuisse filium Noe, & ex proavis Abrahæ. Quæ omnia contraria sunt iis quæ Apostolus ad Hebræos cap. vii. Melchisedech propria facit. Sed fuit princeps aliquis & regulus Gentilis e gente Chanaan, rex Salem, seu Ierosolymæ, ut est in Chaldaeo, quam & illum condidisse Iosephus b affirmat, & fidelium (qui tum ipsius, tum aliorum opera illic reperiebantur) doctor, sacerdos, pastor. Ita S. Dionysius c, Hieronymus, Hippolytus, Irenæus, uterque Eusebius, Apollinaris, & alii, cum plerisque recentioribus d. Addunt S. Ignatius, e & Suidas, Melchisedech semper virginem permansisse. Unde & in hoc typum gessit Christi, uti & in nomine & nominis ty-mo, in officio, in sacerdotio, in sacrificio. De quibus fuse Heb. vii. & Psal. cix.

V. 18. PROFERENS PANEM, ET VINUM: non ad cibum militum, vel epulum, ut ex Iosepho contendunt hæretici, quia tot spoliis onustis hæc non decant; sed ad sacrificium pacificum in gratiarum actionem Deo pro victoria Abrahæ a Babylonis parata. Solebat enim Melchisedech pro materia sacrificii sui uti pane, & vino. & quidem ordinarie ac publice, sic edoctus, & iussus a Deo. Et in eo differbat illius sacerdotium tum a sacerdotio reliquorum in lege naturæ (qui vel primogenituræ, vel principatus iure sacerdotes erant, uti erat etiam ipse Abraham) tum ab Aaronico sacerdotio post instituto: quia hæc fere omnia cruenta erant; istud vero Melchisedech incruentum. Unde & Christus ut palam faceret se sacerdotem esse se-

cun-

cundum ordinem & ritum Melchisedech (uti Deus per Davidem de illo prædixerat f) sub iisdem speciebus panis & vini suum quoque sacrificium in ultima cœna incontinentem instituit . Ita omnes tam sancti Patres , quam Doctores Scholastici . ERAT ENIM SACERDOS DEI ALTISSIMI .) Hæretici vertunt : *Et erat princeps Dei* . Sed imperite : nam *Gr* copulativum apud Hebræos frequentissime usurpatur pro causali enim , vel quia . Et Hebræum *cohen* magis proprie , & sæpius sacerdotem significat : nec nisi uno alterove l.co , si recte memini , principem in Scriptura designat : puta II Reg. viii. vers. 18 ubi filii David dicuntur fuisse *cohen* , seu principes : & Isaïæ lxi. vers. 6. *Por autem sacerdotes Domini vocabimini* , quamvis etiam illis locis Latinus Interpres *sacerdotes* vertit , neque incongrue , ut ibid. ostendimus . Sed contentis aliis locis usurpatur pro *sacerdote* . Et ita hunc locum explicat S. Paulus ad Hebræos vii. & LXX. & ss. Patres , adeoque ipse Iosephus g. & Philo , & plures alii Iudæi . Et quid novi hic alioqui diceret Moses , si , quem antea regem vocarat , iam principem faceret ? Aut quæ ratio proferendi , vel offerendi Deo panis & vini , quia princeps erat ? Neque enim principis est sacrificare , sed sacerdotis . Unde etiam subditur ,

V. 19. BENEDIXIT EI Melchisedech Abrahamo . maior minori : & decimas ab Abramo accepit , scilicet intuitu sacerdotii sui , & sacri ministerii quo publiceungebatur . Unde & Apostolus H. br. vii. colligit . tam Abramum quam Aaronem , & omnes Aaronicos sacerdotes minores fuisse Melchisedech , quam eoque idem illi omnes per parentem suum Abramum , in cuius lumbis continebantur , tamquam inferiores & bene ictionem a Melchisedech accepissent . & decimas eidem persolverint .

(a) Rupert. Lib. V. de Trin. Isidorus de Vita Prophetarum . Tostatus . Lyran. Glossa . Genebrardus in Chronol.

(b) Lib. VII. Belli cap. xviij.

(c) Dion. Cels. Hier. cap. ix. Hier. Epist. ad Evangelium . Hipp. & alii citati a Bonjerio . Petreio .

(d) Delrio , a Lapide hic , Ailera in Hebr. vii. Tomello in Ann. & Saliano , Sigonio Lib. I. de Reg. Hebr.

(e) Ignat. Ep. ad Philadelphios .

(f) Hist. c. vii. vers. 10.

(g) Ioseph supra . Philo Lib. de Abrahamo .

GORDONI.

Vers. 1. SENNAAR , Babylonis . PONTUS : alia regio noratur , quam Pontum Euxinum , satis ignota . Rex Elam putatur Persarum , qui Elamitæ dicuntur . THADAL REX GENTIUM . Heb. *goim* ; quod tamen aliqui putant esse provincie nomen . Aliqui Galilæam gentium accipiunt .

V. 2. SEGOR . Per anticipationem : nam postea cap. xvi. cepit vocari Segor .

V. 3. IN VALLEM SILVESTREM . In regione Pentapolis , illustris dicta ob æmœnitatem . Septuaginta vertunt , *vallem falsam* . Nomen forte hoc accepit post incendium I entapoleos , aut potuit esse pars illius regionis ante incendium . MARE SALIS , vallis salinarum , mare mortuum .

V. 5. RAPHAÏM putantur gigantes , ut etiam vertit Hieronymus Proverb. ix. de his dixi Deut. xli. vers. 10. ASTAROTHICARNAIM videretur esse bicornis Dianæ & lunonis urbs , sic dicta ab idolo Dianæ bicornis ; quippe quæ in fronte extrorsum habebat lunulam bicornem . ZUZIM , ET EMIM gentes sunt , sed satis ignotæ . Septuaginta vertunt , *gentes fortes* , contenti cedite sensum . IN SAVE CARIATHAIM . Save aliqui urbem esse in planitie volunt . Cariathaim vero urbem designat non longe a mari mortuo . Vide Iudic. cap. i.

V. 6. ET CHORRAÏOS IN MONTIBUS SEIR . Hi dicti sunt postea I umai , pulsi Chorræis . Seir Idumææ mons Australis est . CAMPESTRIA PHARAN . Mons est Pharan inter Idumæam & mare rubrum . Vide num. 13.

V. 7. FONS MASPAT . Septuag. *fons iudicii* ; dictus aque contradictionis , num. 20. percussa etiam regio Amalecitarum , seu quam postea occupaverunt Amalecitz ; sic dicti ab Amalec nepot. Elau . Alisanthamar , Chaldeus vertit Engaddi . Est in tribu Iuda ad mare mortuum . Vide I. Reg. xxiv. & Cant. i.

V. 10. I'UTEOS MULTOS . Elegerunt hunc locum Reges , ut hostibus periculosum , ex ignotis puteis . CECIDERUNT . Designat casum exercitum , non reges ipsos : nam vers. 17. rex Sodomorum occurrit releventi Abraham .

V. 14. NUMERAVIT EXPEDITOS, armis exercitos vernaculos. Heb. *instituto suos*. USQUE DAN. Septentrionalis terminus Chananaeorum; post multos tamen annos vocari coepit Dan.

V. 17. VALLIS SAYE. Non est illa de qua vers. 5. quippe quæ est ultra Iordanem verius Moabitæ, ubi non erat Melchisedech; sed est alia cis Iordanem, ex Hieronymo Epist. cxxvi. Ad hanc vallem egressus hic dicitur Rex Sodomorum. Est enim aliqua verborum transpositio in textu.

V. 18. MELCHISEDECH. Certum est ex textu, hunc Melchisedech fuisse hominem; non tamen videtur Sem. Vivebat quidem adhuc Sem; at Sem genealogiam habet, ut supra; Melchisedech vero in Scriptura est sine genealogia, ex Hebr. vii. Rex erat Salem, pius ut nomen sonat, ac typus Christi. Vide Hebr. vii. 2. Vox Salem, pacem quidem significat, ex Paulo ad Hebr. Ceterum Salem urbs est, & ex plurium opinione, est Iersalem, sic olim vocata, ex Hieronymo in Epitaphio Paulæ; immo & Iebus vocabatur, ac demum Iersusalem. ERAT ENIM SACERDOS. כהן עמלקי *velut cohen*, & Septuag. ὁ δὲ ἱερεὺς τοῦ θεοῦ. Dat causam, cur protulerit panem ad sacrificium. Pessima fide præcūdunt Novatores particulam *enim*, quam dat Latina versio. Nec rarum est in Hebræo *ve*, poni pro *ut*, ut Isa. lxxv. 5. *tratus es, &* (quia) *peccavimus*. Hinc illud Psalm. cix. *Tu es sacerdos in æternum secundum or-*

dinem Melchisedech, iuxta interpretationem Pauli ad Heb. cap. vii. Quo spectant etiam verba Moysi. PROFERENS PANEM, ET VINUM. In Hebræo est *protulit panem & vinum*. Optime verti potest, *obtulit*; nam sic Iudic. vi. vers. 18. *hosefibi*: radix est *hose*. Denique Patres omnes per *Coben* sacerdotem intelligunt, non vero principem, saltem hoc loco. Hinc porro benedixit, ut maior minori. Hinc denique Patres docent, hic oblatum panem, & vinum in cultum; & sacrificium oblatum in gratiarum actionem pro victoria Abraham. Inepte ergo Calvinus ait, sacerdotem hunc (Christi typum, & renuntiatum talem a Paulo) protulisse panem, ut instrueretur epulum victoriæ, vel etiam ut pasceret, inquit, Abrahamum. An non ex hostium ipsius satis reficieba ut? Esto etiam de sacrificio participasse Abraham: nam etiam post Moysen hoc inter idem laicos licebat.


V. 20. DEDIT EI DECIMAS. Nempe Abraham Melchisedech, Heb. vii. vers. 4. Dantur enim decimæ Deo, & ministris eius. Scit etiam Iacob cap. xxviii. vers. 22. Ex omnibus, spoliis.

V. 21. DAMI MIHI ANIMAS, homines captivos. Nihil Abraham vult accipere a Melchisedech.

V. 23. Filium subtegminis, & corrigia sunt duæ res minime, per quas iuramento aenotabant homines, se ne minimum quidem accepturos. Hoc sacro iurantis proverbio utitur Abraham.

C A P U T XV.

Deus Abra de posteritate desperanti filium promittit, cui credens Abram iustificatur: & in signum promissæ terræ, præscriptum a Domino offert sacrificium, atque suæ posteritatis futuram peregrinationem.

1  Is itaque transactis, factus est sermo Domini ad Abram per visionem dicens: Noli timere Abram, ego protector tuus sum, & merces tua magna nimis. 2. Dixitque Abram: Domine Deus, quid dabis mihi? Ego vadam obique liberis; & filius procuratoris domus meæ iste Damascus Eliezer. 3. Addiditque Abram: Mihi autem non dedisti semen; & ecce vernaculus meus, heres meus erit. 4. Statimque sermo Domini factus est ad eum, dicens: Non erit hic heres tuus; E e sed

fed qui egredietur de utero tuo, ipsum habebis heredem. 5. Eduxitque eum foras, & ait illi: (a) Suspice cælum, & numera stellas, si potes. Et dixit ei: Sic erit semen tuum. 6. (b) Credidit Abram Deo, & reputatum est illi ad iustitiam. 7. Dixitque ad eum: Ego Dominus qui eduxi te de Ur Chaldæorum, ut darem tibi terram istam, & possideres eam. 8. At ille ait: Domine Deus, unde scire possum quod possessorus sim eam? 9. Et respondens Dominus, Sume, inquit, mihi vaccam triennem, & capram trimam, & arietem annorum trium, turturem quoque, & columbam. 10. Qui tollens universa hæc, (c) divisit ea per medium, & utrasque partes contra se alitrinsecus posuit; aves autem non divisit. 11. Descenderuntque volucres super cadavera, & abigebat eas Abram. 12. Cumque sol occumberet, sopor irruit super Abram, & horror magnus, & tenebrosus invalit eum. 13. Dictumque est ad eum: Scito prænoscent quod (d) peregrinum futurum sit semen tuum in terra non sua; & subiicient eos servituti, & affligent quadringentis annis. 14. Verumtamen gentem, cui servituri sunt, ego iudicabo: & post hæc egredientur cum magna substantia. 15. Tu autem ibis ad patres tuos in pace, sepultus in senectute bona. 16. Generatione autem quarta revertentur huc: necdum enim completæ sunt iniquitates Amorrhæorum usque ad præsens tempus. 17. Cum ergo occubuisset sol, facta est caligo tenebrosa, & apparuit clibanus fumans, & lampas ignis transiens inter divisiones illas. 18. In illo die (e) pepigit Dominus fœdus cum Abram, dicens: Semini tuo dabo terram hanc a fluvio Aegypti usque ad fluvium magnum Euphraten, 19. Cinæos, & Cenezæos, Cedmonæos, 20. & Hethæos, & Pherezæos, Raphaim quoque, 21. & Amorrhæos, & Chananæos, & Gergelæos, & Iebusæos.

(a) Rom. iv. 17. (b) Rom. iv. 3. Gal. iii. 6. Jac. ii. 23. (c) Ierem. xxxiv. 18. (d) Act. vii. 6. (e) Sup. xii. 7. xxix. 15. Inf. xxi. 4. Deut. xxxiv. 4. I. Par. ix. 26. I. Reg. iv. 20.

C O M M E N T A R I A

S A.

Verf. 1. **F**ACTUS EST SERMO DOMINI; idest, locutus est Dominus, Hebr. MAGNA, scilicet erit.

V. 2. FILIUS PROCURATORIS, &c. quidam vertunt, *filius procuratoris*, seu *dispensationis*, idest dispensator domus meæ. Chald. *Filius domus meæ*. LXX. *Filius Masech vernacule meæ*. Theodotio vertit, teste Hieronymo, ut nos legimus. ELIEZER, scilicet heres meus erit. Ab hoc quidam dicunt conditam Damascum, eius nomine appellatam. Vide tamen supra cap. x.

V. 3. SEMEN, idest filios.

V. 5. STELLAS. Scilicet noctu fuerat facta visio. SIC ERIT, scilicet innumerable.

V. 9. ET COLUMBAM. Hebr. *Et pul-lum columbarum*.

V. 10. ALTRINSECUS, idest hinc inde, scilicet ex opposito.

V. 13. SCITO PRÆNOSCENS. Hebr. *Sciando scias*, idest certo scias. QUADRINGENTIS, scilicet computandis a quinto anno Isaac, quo domo pulsus est Imael.

V. 14. IUDICABO, id est puniam.

V. 16. GENERATIONE QUARTA, scilicet ab ingressu in Aegyptum. Est quidem Naasson quartus a Pharis, qui cum patre Iuda ingressus est.

V. 17. INTER DIVISIONES, scilicet loco Dei, more fœderis: transibant enim, fœdus facientes, inter divisiones hostiæ; quasi dicerent: Ita fecimus, si pactum violabimus. Vide Ierem. xxxiv.

V. 18. FLUVIO AEGYPTI, scilicet qui

qui Aegyptum separat a terra Chanaan, & prope Rhinocolorum urbem in mare infuit. Vide Isa. xxvii.

EST II.

Vers. 1. **E**GO PROTECTOR TUVS MAGNA NIMIS. Queritur an hæc coniunctum, an divisim sint accipienda? Versio depruaginta aperte sic habet: *Et merces tua magna erit valde*. Et ex sequentibus satis apparet, hoc modo, id est disionctim, illa accipienda: subdit enim mox Abraham: *Domine Deus, quid dabis mihi?* quasi dicat: Promittis magnam sorem mercedem meam: quid ergo dabis mihi pro mercede? Deinde desiderium suum exponit sequentibus verbis, quibus declarat suam arduam, dicens: *Ego vadam absque liberis*, &c. quæ querimonia nullum haberet locum, si tantum Deus intelligeretur merces. Deus quidem debet haberi præcipua merces: unde & illud, *Ego merces tua magna nimis*; sed & aliud quid, in ordine ad Deum tamen, potest præterea expectari, ut videmus hic expectasse patrem omnium credentium.

V. 5. NUMERA STELLAS, SI POTES. Aug. Lib. XVI. de Civit. cap. xxiii. hunc locum docte exponit. SIC ERIT SEMEN TUUM. Vide annotat. Deut. I.

V. 6. CREDIDIT ABRAHAM DEO, ET REPUTATUM EST EI AD IUSTITIAM. Abutuntur hoc loco novatores, quasi iustificatio sit in solâ fide. Nempe non significatur hic Abraham tunc primum accepisse iustitiam, vel peccatorum veniam, quando credidit Deo promittenti sibi semen (siquidem iam ante per fidem, & obedientiam, qua relicta patria exiit in terram alienam, Deo placebat: Hebr. xi.) sed eam fidem illi valuisse ad incrementum iustitiæ, quatenus opus erat singulariter Deo gratum. Apostolus vero ad Rom. iv. idem illud accommodat primæ nostræ iustificationi; quam docet esse ex fide tamquam fundamento totius renovationis, ac reparationis nostræ per Christum: & quia fides, ut ait Augustinus epist. cv. prima datur per quam cetera impetrentur; non quod sola fides sufficiat.

Illud tamen adhuc queri potest, quomodo ea Pauli collectio, saltem non sit

consequens, fidem peccatoris credentis in eum qui iustificat impium, esse simpliciter iustitiam; si simpliciter iustitia fuit fides Abraham Deo credentis: in qua, sicut dictum est, forma quædam fuit nostræ iustificationis. Respondeo, similitudinem constare, salva proprietate utriusque iustificationis, secundæ videlicet, & primæ. Nam fides, qua iustificatur is qui iam iustus erat, ut Abraham, a Spiritu sancto procedit inhabitante, ideoque simpliciter est iustitia. Quod non perinde dici potest de fide peccatoris credentis in eum qui iustificat impium: non enim proficitur ea fides ab inhabitante Spiritu, sed tantum movente, donec ille sic credens, ipsa fide eum promovente, gratiam adoptionis affectus fuerit. Vide plenius nostra ad Rom. iv. & in IV. distinct. 1.

V. 8. UNDE SCIRE POSSUM? Excusatur hæc interrogatio, sicut & illa B. Virginis Luc. 1. *Quomodo fiet istud?* naturale est enim intellectui nostro, audito nuntio rei magnæ, & quasi impossibilis, statim querere rei illius modum. Vide Aug. Lib. XVI. de Civit. Dei cap. xxiv. & annotat. Lucæ 1.

V. 9. SUME MIRI VACCAM TRIENNEM. Ex hoc loco probat S. Thomas, Abraham fuisse sacerdotem, III. Par. quæst. xxxi. art. 2. Et idem ostendit Canon Missæ, nominans Sacrificium Patriarchæ Abraham.

V. 13. QUOD PEREGRINUM FUTURUM SIT SEMEN TUUM IN TERRA NON SUA, ET SUBIESCIENT EOS SERVITUTI, ET AFFLIGENT QUADRINGENTIS ANNIS. Genebrardus totos hos quadringentos annos vult completos in Aegypto; sed errat: nam Genes. xvi. Caath filius Levi avus Moysei ingressus est cum Jacob in Aegyptum. Vixit vero Caath tantum 137. annis, & eius filius Amram pater Moysei, tantum 137 ut est Exodus vi. Itaque sensus huius loci est, & similium, Aetor. vii. & Exodus xii. *Affligent eos quadringentis annis*; scilicet ab hoc tempore, usque ad finem quadringentorum annorum; qua ratione etiam ad Galat. quadringenti triginta anni exactiori calculo ponuntur a tempore huius promissionis usque ad legem Moysei datam. Vide etiam plenius Exod. xii. vers. 40. & Aetor. xiii. & dicto loco ad Galat. iii.

V. 16. NEDDUM ENIM COMPLETAE SUNT INIQUITATES AMORRHAEORUM. Sensus est: mensura peccatorum pro qua constitui punire Amorrhæos exterminatione, & intereccionem, nondum est impleta.

M A R I A N A E.

Vers. 1. **A**D ABRAM PER VISIONEM, certe propheticam. Sept. *Per visionem noctis*. Noctu accidit, ex vers. 5. EGO PROTECTOR TUUS. Hebr. *clipeus tuus*.

V. 2. DAMASCUS ELIEZER, idest Damascenus: sic Chald. Hebr. *Damefceb Eliezer*. Ab hoc quidam aiunt conditam Damascum Syriz caput, & de eius nomine sic vocatam.

V. 5. SUSPICE CAELUM. Verbum Hebraicum *הנח* habet significat respice diligenter ab uno ad fastigium: sic Hebraeus ait: Proprietas vocis est aspectus a summo usque ad imum. NUMERA STELLAS. Nimirum noctu facta est visio.

V. 9. VACCAM TRIENNEM. Sic Heb. *שנים בת שנים* nempe vox *mesulefeth* significat *filium trium annorum*: sic Sept. intellexerunt, sic Aven Ezra. Chald. *tres vaccas*, & *tres capras* posuit. Id sequitur D. Kimhi in Lib. Radicum. COLUMBAM. Hebr. *pullum columbinum*.

V. 10. DIVISIT EA PER MEDIUM: ut Deus flammæ specie lambentis eas partes appareret Abramo, & cum illo pacificetur. Ritus erat ut pacificentes inter hostiæ frustra uterque transliceret.

V. 13. QUADRINGENTIS ANNIS. Filii Israel manserunt in Aegypto 410. annis, ut sentiunt Hebraei, aut 415. quod ponit Epiphanius in Ancorato, ique per Levi & posteros ad Moysen usque colligitur. Sed hi quadringenti anni numerantur a tempore huius promissionis factæ ætatis Abræ anno 75. Quod vero Exod. xii. vers. 40. dicitur: *Habitatio autem filiorum Israel qua manserunt in Aegypto, fuit quadringentorum triginta annorum*, quod & Paulus repetit ad Galat. iii. aut dicendum est, minorem numerum hoc loco inprimi, aut illi annos inchoari ab egressu ex Ur Chaldaeorum. Itaque in Exod. Sept. dixerunt: *Habitatio filiorum Israel in terra Aegypti, & in terra Chanaan, ipsi & patres eo-*

rum quadringenti triginta anni.

Vers. 16. GENERATIONE AUTEM QUARTA. Sic etiam invenio in Græcis colicibus omnibus. Quod vero Exod. xii. 18. ubi nos legimus, *Armati ascenderunt filii Israel*, Sept. posuerunt, *Quinta autem generatione*, potest referri ad vitium interpretationis *hamussim* vocis Hebraicæ, quæ armatos significat, deduci putantium ab *hamer*, quæ dictio *quinque* significat. Alii conciliant, quod per stirpem regiam quarta generatione ascenderint, per Leviticam quinta, a Levi ad Eleazarum Aaronis filium tribus aliis interiectis. Contra Naafion fuit quartus a Phares, qui cum patre Iuda in Aegyptum descendit.

V. 17. FACTA EST CALIGO TENEBROSA. Dicerem *tenebrosa*, & *nocturna*: nam vox Hebraica *חשך* habet, ut Hebraeus Echol. ait, significat *tenebras*, non promiscue, sed *nocturnas*. LAMPAS IGNIS; quasi Dei typus transiens inter hostiæ partes. Sic iungebantur scedera: inter hostiæ partes pacificentes transibant. Alii ad comburendum sacrificii argumento placere illi factum putant. August. II. Retractat. cap. xlii. hoc totum non vere, sed per visionem contigisse ait. Nempe vers. 1. dicitur: *Falsus est sermo Domini ad Abram per visionem*.

V. 18. A FLUVIO AEGYPTI. Hæc promissio in Davide & Salomone est impleta: sic Esdr. I. cap. iv. sic Eupolemus apud Euseb. præpar. Evang. Lib. IX. cap. iv. Hic fluvius Aegypti aut Nilus est, quod magis puto; aut alter ignobilior, quo ab Aegypto dividitur Palestina, & ad Rhinocoluram in mare influit.

M A L V E N D A E.

Vers. 1. **H**IS ITAQUE TRANSACTIS. Hebr. *Post verba ista*, id est post res istas, post hæc gesta. Verbum Hebr. *pro re. facta*, gesto, &c. passim in Scriptura. Vide supra cap. xii. vers. 17. sic infra cap. xxii. vers. 1. & II. Samuel xi. vers. 18. & II. Reg. xv. vers. 36. & alibi sæpius. EGO PROTECTOR TUUS SUM. Hebr. *Ego scutum*, *clipeus sum tibi*, id est defensor tuus ab hostium odio, invidia, impetu, & violentia. ET MERCES TUA MAGNA NIMIS. Alii: *Merces tua ampla est valde*; quasi dicat: *Eti rei a te gestæ fructum*

Atque neque tibi servasti, neque oblatum accepisti; contra populi pio tuo erga te officio abutuntur ad ludificandum te; tamen apud me reposita est tibi felicitatis merces. Hæc ita accipienda esse ostendit Abrahami responsio.

V. 2. DOMINE. Hic primum occurrit nomen Dei אֲדֹנָי *Adonai*: habet formam pluralis cum affixo nominis אֲדֹנָי *adon*, quod proprie significat sustentatorem, columnam familie, seu reipublicæ; sic dictum ab אֲדֹנָי *eden*, fulcro, sustentaculo, basi, cui aliquid innuitur. Et sustentatur: quod ut basi ædificium, ita huic אֲדֹנָי *adon* curatio & administratio rerum incumbit, & innitur; qui sustentat & regit vel domum, vel politiam legibus. ne cadat; cui incumbit cura & administratio rei familiaris, sive politicæ: & tam de Deo quam de hominibus dicitur in Scriptura. *Adonai* vero, subscripto sub littera Nun, Cametz, semper & ubique de sustentatore Deo dici obicervant; quod tamen nonnulli Angelis etiam tribui volunt, in quibus etres Deum, cuius illi ministri erant, re erebantur; sed ego Angelis numquam tribui, sed soli Deo vero facile exitium. Mutuatur sua puncta nomini לַיהוָה, quod לַיהוָה *lehi* & exprimi voluerint per *Adonai*, quia ipsum לַיהוָה *lehi* per se esset ineffabile. Formam pluralem refert, honoris. & amplificationis gratia, ut Hebræi existimant; at pii quique & eruditi, ut innuat mysterium Sacræ Triadis. Plerique dominum seu herum per antonomasiam interpretantur. Nonnulli putant esse proprium Filii Dei, eo quod ipse sit sustentator, colume, columna, basis, & fundamentum Ecclesiæ suæ. Aliqui volunt, ut quidem apparet, litteram *lod* in nomine *Adonai* esse affixum primæ personæ, & id nomen poni pro לַיהוָה, siquidem hoc affixa non assumat. Ex verbo reddetur: *Sustentatores mei*, Domini mei, *Heri mei*, pro *Sustentator meus*, Dominus meus, *Herus meus*. Alii malunt *lod* esse formativum nominis, ut in כִּילֵי *chilai*, parvus. *avarus*; quasi dicas, Sustentator, Dominus. *Herus*. Nec desunt qui velint, *Adonai* esse nomen iudicii & severitatis, a *dun*; & לַיהוָה *lehi* vero misericordiæ. Notant Hebræi *Adonai* Deo proprium inveniri in Scriptura cxxxiv. locis. DEUS. Hic לַיהוָה, qui iungitur nomini *Adonai*, scribitur cum punctis nomen *Eloim*, ex bis

effertur *Adonai*; & sic legendum erit, *Adonai Elohim*. Vide supra cap. 11. vers. 4. Plerique tamen malunt enuntiare *Adonai Iehovi*, notantque *Iehovi* idem quidem omnino nomen esse quod *Iehovah*, sed *Iehovi* patheticum esse: quapropter eo in patheticis orationibus, precibusque vehementissimis usum esse Abramum hic & vers. 8. tamquam singultientem: itemque Moysen, Deuter. 11. vers. 24. & 1x. vers. 26. Itaiam v11. vers. 7. & frequenter deinceps Ieremiam xxx11. vers. 17 & 25. Ezechielem passim. Vide in Psalm. lxxv11. vers. 21 QVOD DABIS MIHI? Alii, *Quid daret mihi*? quasi dicat: Quorum daret, & quod istud mihi proderit, si prole caream & EGO VADAM ABSQUE LIBERIS. Alii: Cum ego incedam liberis carens; id est, vitam transigam aternos ad mortem properans. Ego vadam. Hebr. Ego ambulans, vel vadens, aut abiens. Exponunt, Ego morior. Festus: *Abiisse*, pro *obiisse*, dicebant. *Abirionem antiqui dicebant mortem*. Tertullianus de Testimonio Animæ cap. 1v. Si de aliquo iam pridem defuncto tamquam viro quis requirat, præ manu occurrit dicere: *Abiit iam*, & reverti debet. Ita loquebantur ut dysphemiam vitarent in mortis mentione. Hinc in titulis sepulcrorum, pro *Obiit*, dicebant, *Vixit*. Sic verbum אָבִיבָא *abibab*, ambulavit, sumi notant Iob xiv. 20. & x1x. vers. 10. Psalm. cxxv. 5. *Abfque liberis*. עֲרֵירִי *ghariri* vocari aiunt, qui conditione similis est עֲרֵירִי *gharghar*, myrice, id est siccus, aridus, sterilis, solitarius, orbis, infecundus, unicus; qui vel pro fus liberis caruit, vel eos sepelivit; quasi dirutus, suffokus, destructus. Aliis est nudus, spoliatus liberis. ET FILIUS PROCURATORIS DOMUS MEÆ. Hebr. Et filius מֶשֶׁכֶׁק *meshek* domus meæ. Varie ex Hebr. convertunt. I. ut *Meshek* sit nomen proprium ancillæ cuiusdam Abami; Et filius *Meshekæ* vernacule *Meæ*. Vide S. Hieronymum in Traditionibus. II. Et filius potum dantis, pocillatoris, seu pincernæ domus meæ: ut *Meshek* sit idem quod מֶשֶׁכֶׁק *meshek*, a שָׁכַק *schakab*, potavit. III. Et filius discursonis, excursionis, discurfationis, id est procuratoris, domus meæ; hoc est, œconomus, villicus, procurator, dispensator domus meæ: nam officium œconomi, seu dispensatoris est huc illuc discurrere in administrandis rebus domesticis. IV. Et filius

lius derelictionis domus meae, vel *is cui relinquatur domus mea sit*; id est, heres extraneus, ac (ut Iureconfulti loquuntur) non suus. V. *Et filius derelictionis domus meae*; id est, filius relictus, relictus, qui ex antiquis domus meae vernulis hic luperebat. VI. *Et filius educationis domus meae*; id est, qui educit ex penu necessaria familiae, promus, condus. ISTE DAMASCUS. ELTEZER. Alii: *Sit Damascus Eltezer iste*; quasi dicat: Nec filius meus, ne unus quidem alius e consanguineis meis heres mihi obtinet; sed homo Syrus ex Damasko, & extraneus. Se ipse amplius declarat versu sequente.

V. 3. VERNACULUS MEUS. Hebr. *Filius domus meae*, id est verna meus. Sic supra cap. XIV. vers. 14. & Eccle. 11. 7.

V. 4. SED QUI EGREDIETUR DE UTERO TUO. Alii: *Sed qui prodibit visceribus tuis*; id est, ex te nascetur. Synecdoche.

V. 5. EDUXITQUE EUM FORAS, ET AIT ILLE, &c. Quidam: *Deinde quum eduxisset eum foras, dixit, &c.* Postquam multum cum Abramo per visionem colloquutus esset, usque dum nox advenisset, de qua infra vers. 17. Promissioni autem per hysterofin. temporum intersecurus symbolum ipsius, hoc versu; postea vero distincte quoque promissio hereditatis, futurarumque rerum praedictio suo signo coniuncta, & scedere confirmata ex ordine temporis exponitur.

V. 6. ET CREDIT ABRAM DEO. Vox *Abram* non est in Hebr. sed necessario intelligitur: Quidam: *Tunc credidit Abram Iehovah*. Ex verbo: *Et credidit in Iehovah*. אָמַן *beamin* in Hiphil, aiunt Hebraei idem valere quod Graecis πιστω, & Latinis *credidit*: filius est, dictis fidem habuit, alterius verbis seu promissionibus acquievit, certo apud se statuit, esse verum, & constans quod sibi dictum est; verbis seu promissis alterius firme: innixus seu fulcitus, seu fulsus est; certam & stabilem persuasionem habuit de re aliqua; certus, stabilis, firmus, constans, huius fuit de re aliqua in corde suo: excludereque id verbum omnem haesitationem, & incertitudinem, atque cum omni dubitatione pugnare. Addunt, quando construitur cum *Beth*, in, ut hic, maiorem vim habere, proprieque esse, inniti, vel certo sibi persuadere; pro vero, cer-

to, indubitatoque habere. *Credidit in Iehovah*; id est, firmiter, fideliter, stabiliter, constanter, inconcusse innixus est in Iehovah; certam & indubitatam fidem habuit verbis Dei; certo sibi persuasit, firmum, verum, certum, ratum, stabile, constans esse id quod sibi Deus promittebat. Nonnulli reddunt; *Et credere fecit in Iehovah*; id est, fecit seipsum credere in summo Deo; nempe voluntarie, spontanee, prompte credidit, sine alia testimoniorum, vel signorum demonstratione. ET REPUTATUM EST ILLI AD IUSTITIAM. Quidam reddunt: *Qui imputavit ei illud in iustitiam*. Sic, inquirunt, reddimus, ex Psal. cv. 37. & Rom. iv. 9. וְכֵן חֲשָׁבָה, proprie esse aiunt *cogitavit, excogitavit, imaginatus est, consideravit, ratiocinatus est, arbitratus est, aestimavit, putavit, computavit, imputavit, reputavit, deputavit*; ut haec omnia fiant cum magna homini attentione: quae omnia significata huic loco mire conveniunt: *Et imputavit, aestimavit, sapienter & ingeniose excogitavit eam illi iustitiam*. Magnum hoc verbi pondus egregie indicat, Deum unice probasse, aestimasse, ac plurimum scisse hanc fidem Abrami; quasi significet, Deum magna animi & iudicii intensione secum ratiocinatum, atque ingenioso arbitrio sui lance ex aequo & iusto perlibasse, aestimasse, ac reputasse ingens extitisse meritum fidei Abrami, quamque dignum, ut ei Deus maiorem iustitiam, gratiam, & sanctitatem augetet. Neque enim hic sermo est de prima iustificatione, & sanctificatione Abrami. quae ex impio iustus effectus est; quasi haec tanta & in solidum solae fidei deputeretur, ut impii garrunt (nam iam ante haec iustus, & amicus Dei erat Abram) sed de incremento iustitiae & sanctitatis eiusdem, quam secundam iustitiam, seu iustificationem vocant Theologi: siquidem heroico hoc, & memorabili fidei actu, quo Abram Deo pollicenti prompissime credidit, gratia iam & caritate informato, praeeruit sibi apud Deum, atque ab eo consecutus est maiorem iustitiam, gratiam, sanctitatem. Cave autem hunc locum accipias de iustitia imputativa tantum, & externa. Qui imputavit ei illud in iustitiam; hoc est, eum, quamvis in se iustitia interna, & inherente carentem, qua coram Deo posset consistere, pro iusto habuit, numeravitque

in iustitia loco, favore dumtaxat externo, quod promissiones firma fide amplexus est. Quod est plus quam Oedipæum ænigma, Deum, eum qui iustitia caret, pro iusto habere. Iustitia enim hoc loco, & alibi, cum de homine dicitur respectu Dei, vel quam a Deo homo accipit, quaque iustus est, interna & inherens est animi probitas, bonitas, integritas, renovatio, sanctitas, perfecta & universalis virtus; nempe iusta causa qua quis se in sua conscientia coram Deo, & hominibus inculpatum exhibet, ac Deo gratus & acceptus est; nimirum divina ipsa gratia animis nostris infusa, qua per Christum iusti & sancti efficiuntur, & sumus, uti S. Concilium Tridentinum, ex Patrum & Ecclesiæ doctrina, definit sessione vi. cap. 7.

Paulus Roman. iv. vers. 3. egregie versat hunc locum, passiveque, seu impersonaliter reddit: *Et reputatum est illi ad iustitiam*: eodem quo Hebræa sensu: *Et reputavit illi Deus*; & *reputatum est illi a Deo*: fortasse respiciens etiam ad locum Psalm. cv. vers. 31. Vel impersonaliter, *Et reputavit*, pro reputatum est, more Hebræo, de quo vide supra cap. xi. 9. ex verbo: *Et reputavit eam ei iustitiam*. Relativum eam quidam ad fidem referunt: *Et reputavit eam fidem illi Abramo iustitiam*: unde reddunt: *Et imputata est ei hæc fides ad iustitiam*. Alii pro neutro capiunt: *Et reputavit hoc, istud ei iustitiam*; nempe hoc eius factum, seu opus, quod Deo creditur: quod eodem r. dicitur. Feminis enim pro neutris utuntur Hebræi, ut Psal. xxvi. 4. *Unam petii a Domino*, pro unum. & alibi passim. Nonnulli eam iustitiam intelligunt: *Et reputavit illi eam*, vel hanc, seu istam iustitiam. Hebræorum quidam וְלוּ, & illi, reciproce accipiunt pro sibi: *Credidit in Iehova*, & *reputavit hoc sibi iustitiam*; id est, Abram duxit sibi summæ iustitiæ credere in Iehova. Sed Deum esse qui iustitiam Abramo adscripserit, & imputaverit. & contextus ipse, & Paulus disertissime docent.

¶ 7. DIXITQUE AD EUM. Quidam, *Dixerat etiam ei*, nempe quam mercedem eius valde amplam esse prædicavisset, supra vers. 2. nam hoc alterum est mercedis genus a Deo, quod non heredem solum, sed hereditatem quoque amplissimam, cælestis & spiritualis hereditatis symbolum,

daturus esset. EGO DOMINUS, QUI EDUXI TE DE UR CHALDAEORUM. Alii: *Ego sum Iehova, qui eduxi te*, &c. Notant, esse exordium in promissionibus frequens, ad faciendam de illis fidem, a natura Dei, quæ ex se est, & aliis dat esse.

¶ 8. DOMINE DEUS, UNDE SCIRE POSSUM QUOD POSSESSURUS SIM EAM? Alii: *Domine Iehovi, quo agnoscam me hereditario iure possessorum eam?* Non infidelitate negat, sed fideli studio suam fidem confirmari peti, ut faciat Gidhon Iudic. vi. vers. 7. & rex Chizkia, II. Reg. xx. 8.

¶ 9. SUME, INQUIT, MIHI. Hebr. *Accipe mihi*. Metalepsis, pro *sumens offer mihi*, ut supra cap. xii. vers. 15. Vide Forsterum in Præfatione Dictionarii §. 52. Sic versu sequente. VACCAM. גִּבְלָהּ gheghlah. Noster hic, & Offic. x. 5. vaccam; alibi sapius, vitulum: I. Samuel. xvi. 2. Ierem. L. 11. masculine, vitulum; sed est Hebr. semineum. Aiunt esse butulam, vitulam, quamdiu non est secunda. Ego potius, quæ iam secundaria, quasi rotunditatis & devolutioni uteri apta sit, & quæ ferendis plautris idonea esse incipiat; quasi vitulam plautralem dixeris. TRIENNEM. Ter hæc vox Hebræice in hoc versu occurrit, bis femineæ מִשְׁבֻּלִּשֶׁבֶת mescbulschbet, & semel masculinæ, מִשְׁבֹּל מִשְׁבֻּלִּשֶׁבֶת mescbulschbet. Plerique Hebræorum reddunt: *Vitulam triplicatam*, & *capram triplicatam*, & *arietem triplicatam*; vel *vitulam triplicem*, & *capram triplicem*, & *arietem triplicem*: ut terna corpora ex unoquoque istorum generum acceperit, nimirum tres vitulas, tres capras, & tres arietes. Quod miror Nostorum aliquos sequutos, Noster id participium Eccle. iv. 12. *triplex recidit*. Sed aprius alii cum Nostro hic ad ætatem retulerunt. Verbum מִשְׁבֻּלִּשֶׁבֶת mescbulschbet proprie tertiare significat. ut I. Reg. xviii. 34. unde ex verbo reddemus hic: *Vitulam tertiatam*, seu *tertiantem*, vel *tertiantam*, & *capram tertiatam*, &c. id est ternantem, trimam, triennem; ut singula hæc fuerint annorum trium. CAPRAM. גִּבְזָא ghezaiunt tam capram quam caprum significare, quod obfirmatam frontem cornibus habeat: a גִּבְזָא ghezai, obfirmavit, corroboravit. Nec dubitant, Græcos suum αἶς ab Hebræis mutuatos; voluntque esse promiscui gene-

ris: quamvis alii existiment, solitarie positum, semper esse feminine. **ARISTEM.** ארם *ail* docent esse *aristem* cicurem, & *gregarium*, qui cornua habeat prominentia, quibus possit iniuriam, & vim propulsare: a fottitudine & robore nomen habet. **TURTURAM.** תור *tor*. Dictam putant hoc nomine turturem, vel a sono, seu gemitu quem edit, per onomatopœiam, vel a gylando, circumrotando, seu ab indagando, & inquirendo comparare suum. Latinum turtur ab Hebraico *tor* factum, facile quis agnoscat. **COLUMBAM.** צלם *ghozal*. Bis tantum hæc vox in Scriptura reperitur. Deuter. xxxii. 11. *pulsos aquile*, Noster venit. Aiunt esse *pipionem*, *pullum* vel *columbe*, vel *aquilæ*; a rapina sic dictum, vel active, quod rapiat, ut pullus aquilæ; vel passive, quod expositus sit rapinæ, ut pullus columbæ. Hic quum de sacrificio agatur, apte intelligimus pullum columbæ. Quidam suspicantur *yrum* esse vocabulum.

V. 10. **DIVISIT EA.** בָּרַךְ *barbar* alibi non ponitur in Scriptura nisi hoc versu, primum in Pihel, secundo in Kal. Aiunt esse *culro*, vel *securi divisi in duas partes animalia*, per medium eorum dissecti, ut solebat olim fieri in feriendis fœderibus: esseque verbum fictiale, seu sacrificale, quod ipsum, & ab eo deductum nomen non nisi in fœderibus sciendis, in Scriptura usurpetur, ut hic, & Ierem. xxiv. 8. ac *barbar*, magnam cognitionem habet cum בָּרַךְ *berib*. *fœdus*, litterarum transpositione. Observant a *barbar* eadem metaphoræ factum Latinum *partiri*. Quidam hunc versum reddunt: *Abraham itaque sumpta offereus ei omnia hæc, quum dissecuisset ea per medium, posuerat dimidiatum viri partem e regione amici sui, seu cuiusque partem e regione suæ alterius; aves vero non dissecuerat.*

V. 11. **VOLUCRES.** עַיִן *ghait* exornant volatum, turbam ferarum avium, quæ multitudine, & impetu involat, & irrunt, ac raptu velocissimo invehunt. Nomen collectivum esse notant Ierarum, ac rapacium avium. Latinum *aks* Hebraicognatum, apte respondere existimant. **CADAVERA.** פֶּגֶר *piegher*, conientiente Latina voce, est *piger*: sic Hebræi vocant cadaver, quod anima & sensu cautum, pigrum, & immobile iaceat. De humano fere dici,

præterquam hoc loco, annotant. **ABIGEBAT.** נָשַׁב *nashab* ter tantum in Scriptura extat: Isaïæ xl. 7. Psalm. cxlvi. 18. ubi Noster per *flare*, seu *sufflare* vertit: proprie hic: *Et afflavit, efflavit, disflavit eos*. Quidam exponunt, *flatu oris*; id est, ingenti boatu ac voce abegit eos. Alii, *velo*, aut *linteo*, seu *terriculo* ventilando, aut *sonitu*, & *complosione* manuum. Nonnulli reddunt: *Disflaverat*, seu *arcuerat eas Abram*; id est, ventulo facto eas propulerat.

V. 12. **QUUMQUE OCCUMBERET SOL.** Heb. *Et fuit sol ad venire*, seu *ad veniendum*, *ingrediendum*, *intrandum*. Notant, verbum, בָּא *bo*, *venire*, de sole quoque in Scriptura dici, quando ingreditur aut subit terras, vel Oceanum, iuxta vulgi opinionem. Latini dicunt *occumbere*, *occidere*. Sic infra vers. 7. & cap. xxviii. vers. 11. & alibi non semel.

V. 13. **SCITO PRAENOSCENS QUOD PEREGRINUM FUTURUM SIT SEMEN TUUM IN TERRA NON SUA.** Vide Act. vii. 6. Aliqui reddunt: *Sciendo scito quod semen tuum, &c. vel certo scito peregrinos fore posteros tuos in terra aliena*, id est Chanaanæ, & Aegypti. Et **SUBJACIENT EOS SERVITUTI.** Hebr. *Et servient eos*; hoc est, *ut ire sibi eos faciant*. Nonnulli Hebræorum volunt pronomen affixum positum hic pro separato, בָּנָה *babem*, & *servient in eis*; & notant, quando eorum גִּבְרֵי *ghabad* construitur cum *scito*, tam active significare *arritiem*, seu *servitiam* exercere in aliquem tamquam in *servum*, abusi aliquo pro *servo*, *servitum* ab aliquo exigere; quasi dicat: *Duriter & sæpe eos tractabunt, abutientur eis pro servitute*. *servitum* exivent ab eis, *servitute* eos prement incolæ terræ alienæ. Alii simpliciter accipiunt: *Et servient eis*, vel *quis incolæ servituros*; id est, eorum imperio subitus fore. **ET AFFLIGENT EOS.** **A II.** *Qui affligent eos*: incolæ terræ alienæ abutentur pro eros Abram. **QUADRINGENTIS ANNIS.** Alii, *Liqui quadringentos annos*. Hic, equum, numerus incipit a nato Iitachako. ex quo Abram consecutus est promissionis semen, & præcise impletur quum Israël ex Aegypto educuntur, ut optime Augustinus docet questione xlvii. in Exodus. Vide Notas in Exodus xii. vers. 40.

V. 14.

V. 14. VERUM TAMEN GENTEM CUI SERVITURI SUNT, EGO IUDICABO. Alii: *Atque etiam in gentem illam cui servierint, me iudicia exercituum esse*, id est puniturum. ET POST HAEC EGREDIENTUR. Quidam, *Et postea egressuros ipsos*, a servitute, qua ab Aegyptiis premebantur. CUM MAGNA SUBSTANTIA. Alii, *Cum facultatibus*, seu opibus magnis. Vide Exod. III. 21. & XII. 36.

V. 15. TU AUTEM IBIS AD PATRES TUOS. Alii: *A te quidem abiturum ad patres tuos*. Periphrasis mortis: quod alibi dicitur *aggregari ad populos suos*, ut infra cap. XXV. vers. 8. Plautus dixit, *Penetrare ad plures*; quod aliqui emendant, *ad patres*: sed apud leges *ad plures*; nam plures sunt morui quam viventes. IN PACE; id est. in prosperitate & felicitate. Alii, *Cum pace*; id est, non afflictum sub alieno imperio, ut posteri. IN SENECTUTE BONA. Alii, *In canitie bona*, id est dunturna senectute, in qua satur dierum, divitiarum, gloriae, praesentiumque benedictio omnium futurus es: sic enim haec periphrasis explicatur I. Paralipom. XXIX. vers. 28. Alii, *In senectute bona*, id est robusta, vegeta, viridis, non morbis, & infirmitatibus solita. *שֵׁבַח* *sebah*, cum sem sinistro est proprie canities, decrepitas, decrepitudine; plus est quam זָקֵנָה *zekenah*, senectus, Hebraei annotant, *zekenah*, est. 60. annorum aetatem; *sebah*, vero 70. Dirissem expresse poni. ur I. Samuel. XII 2.

V. 16. GENERATIONE AUTEM QUARTA REVERTENTUR HUC. Alii: *Generatio autem quarta*; vel *aetatem vero quartam*; seu *ipsos vero aetate quarta huc reversuros*. Metonymia, id est quartos ab ingredientibus in Aegyptum, prout factum est: talis enim quartus fuit a Iehuda, qui in Aegyptum descendit; & filii Moïschis. & Aharonis ex tribu Levi quarti fuerunt a Kehath, qui inter descendentes in Aegyptum numeratur, infra cap. XVI. 21. sed cum tota illa aetas, pauculis exceptis, occubuerit in deserto, iam cum Augustino statuiamus, aetatis nomen potius ad successionem temporum, quam ad numerum generationum pertinere, in hanc sententiam: Aetatem ordinariam hominis esse annorum ferme septuaginta, ut ait Moïsch Psalm. LXXXIX. 10. futurum autem ut quarta post aetate quam in Aegyptum

descenderint, in terram promissionis revertantur: nam in Aegypto commorati sunt annos 210. quibus tres aetates continentur, id est ter 70. anni; post vero anno demum quadragesimo, aetate scilicet quarta, desertum emensi sunt, pedemque posuerunt in possessionem terrae. Alii aetatem accipiunt pro saeculo centenario; sed aliud est aetas, aliud saeculum: deinde vero non iam saeculum quartum, sed principium quinti futurum esset: nam anno primo, post quadringentesimum a nato Iitachako Israelitae ex Aegypto egressi sunt: nisi forte accipias, quarto saeculo expleto. Illam vero aetatis humanae circumscriptionem homines quoque profani tenuerunt; ut Solon apud Herodotum in Clione secisse legitur. Vide Notas in Psalm. LXXXIX. vers. 10. NONDUM ENIM COMPLETAE SUNT INIQUITATES AMORRHAEORUM. Alii ex Heb. *Non enim completa est iniquitas Emorrai adhuc*, id est Chenahanzororum, quos in fine capitis enumerat synecdoche. Quidam hic iniquitatem pro poena iniquitatis fumunt, metonymice, ut passim in Scriptura; quasi dicat: Nondum completum est tempus quo poenas de Chenahanzororum sceleribus sumam. Alii aptius de culpa, & poena accipiunt: Nondum tempus a me praefinitum advenit, quo puniri debent Chenahanae: ob consummatam & summam ipsorum iniquitatem; nondum peccata sua ad culmum & fastigium provexere; nondum mensuram scelerum suorum implevere; adhuc plura patratu sunt: ad quae cum pervenerint, eos excindam; ac si dicat: Certe nullum finem peccandi facturi sunt, quousque sibi supremum excidium accersant; & donec sceleribus suis promeriti fuerint ut iure possessione terrae pellantur, ad posteros tuos non perveniet eius terrae dominum. Emorrai hic tantum meminit, synecdochice, sub his alias Chenahanaeas gentes intelligens, quod praecipui essent, & in eorum ditione tunc habitaret Abram, nempe in querceto Mamre supra XIII. 18. & XIV. 13.

V. 17. FACTA EST CALIGO TENEBROSA. *חֹשֶׁךְ* *ghalatab*, Ezechiel. XII. vers. 6. 7. & 12. *Noster caliginem reddit.* Aiunt esse crepusculum, proximum tempus post vesperam; quod fit post occasum solis quando res obteguntur & operiuntur: a

F f ver-

verbo *עָרַב* *ghat'h*, inserto *Lemed*. Hebræi de nocte dici putant. Alii, *cæcam noctem*, *tenebras*, *caliginem maximam* exponunt: aptius *noctem creperam* dices. Quidam exponunt, *Quum cæca nox esset*. Et APPARUIT CLIBANUS FUMANS, ET LAMPAS IGNIS TRANSIENS INTER DIVISIONES. Quidam: Et ecce fumantem furnum, & ardentem lampada transcurrentem inter segmenta illa. Videlicet furnum, & lampada, quæ duo, partes inter se contrahentes fœdus, sanctissimum mysterio figurabant: ut moris erat iis qui promissa externis symbolis confirmabant, ut Ierem. xxxiv. 18. & 19. ut lampas ardens Deum, fumus vero fumans Abrahamum cum posteritate figurarent, qui ut in furno excelsi sunt in Aegypto: Deuteron. iv. 20. *Clibanus*. תֹּנִיךְ *ibannur*, furnus, fornax, *clibanus*, *caminus*, *focus*, qui lucet igne, a נִיר *nir*, *lucere*, vel *lucerna*. Hispanice Arabica voce vocant *atnor*. Transiens inter divisiones illas. Confer hanc pericopen cum versu 10. supra, & cum sequente 18.

V. 18. IN ILLO DIE PEPIGIT DOMINUS FŒDUS CUM ABRAMO. Alii: Hoc die pepigit Iehova cum Abramo fœdus. Observant verbum *כָּתַב* *charath* quando construitur cum nomine *כָּתַבְתִּי* *berith*, fœdus, in casu accusandi proprie significare *scindere*, *exscindere*, *descendere*, *percutere*, *ferire*, *icere*, *pangere fœdus*: sumpta locutione a vetustissimo ritu qui in fœderibus pangendis servabatur, qui sane ritus egregie hoc capite describitur, vers. 10. & 17. Erat autem duplex ritus. Primus ut in fœdere quædam animalia cæderentur, & mactarentur. Virgilius VIII. *AEneidos* de Romulo Romanorum rege, & Tatius Sabino tum inter se paciscentibus:

Post iidem inter se posito certamine reges

Armati, Iovis ante aram, paterasque tenentes

Stabant, & casa inungebant fœdera porca.

Et Livius Lib. I. cap. xxiiv. de fœdere inter Romanos & Albanos idō, post multos fœderis eius descriptos ritus, de Fœtiali scribit: *Legibus deinde recitatis, Audi, inquit, Iupiter, audi Pater patræ populi Albani, audi tu populus Albanus: ut illa palam prima postrema ex illis tabulis, ceræve recitata sunt, sine dolo malo, utique ea hic*

hodie restissime intellecta sunt: illas legibus populus Romanus prior non deficiet; si prior defecit publico consilio, dolo malo, tu illo die Iupiter populum Romanum sic ferito, ut ego hunc porcum hodie feriam: tantoque magis ferito quanto magis pates, pollesque. Id vult dixit, porcum saxo scilicet percussit. Suetonius de Claudio, cap. xxv. *Cum regibus fœdus in foro icit porca casa, ac vetere Fœtialium præfatione adhibita.* Servius in VIII. *AEneidos*: *Sed huius, inquit, porce mors optabatur ei qui a pace resisteret.* Atqui ab eiusmodi animalium percussione dictum *percutere*, *ferire fœdus*, apud Latinos, non est dubium. Vide Notas supra in cap. vi. vers. 18. Alter ritus erat ut animalia mactarent, ac sacrificarent: & mactata per medium a capite ad caudam delincerent & discerent, deinde partes distictas hinc inde sibi e regione oppositas collocarent, ac per medium illarum partium pacificentes, seu fœdus incutentes transirent: eo signo illud indicare volentes, ut sanctius in unum corpus seu fœdus coalescerent, sacrificio simul inclusi: vel ut eo ritu offenderent inter partes pacificentes, seu fœderantes factam iam esse transitionem seu transactionem, conventionemque, nempe pacta conventa, quæ postea confirmabantur quoque aliis signis, & publicis epulis. Hunc ritum exacte hic Abramo servatum, perspicuum est: nam primum animalia illa sacrificavit, deinde discieuit ea per medium; postmodum dimidiatam cuiusque partem posuit e regione suæ alterius, ut explicate supra vers. 10. describitur; postremo ipse Deus in figura ardentis lampadis, & posteritas Abrami, forma fumantis furni (quæ erant duæ partes contrahentes fœdus) per medium illarum discictarum partium transivere, vers. 17. qui totus erat plenus & absolutus fœderationis ritus: a quo plane Hebræis dicitur *exscindere*, *scindere fœdus*, quod animalia per medium scindenter in fœdere sanciendo. Quocirca explicatis fœderis ritibus, iam hoc versu clarius exponitur: *In die ipso scidit Iehova cum Abramo fœdus.* Quibus verbis perspicue explicavit quo tenderent præfati illi ritus sacrificatorum, & discissorum animalium, & transitio inter ea: nimirum quod essent ritus ac cæremoniæ ineuntium fœdus. Hunc morem & ritum a Chaldæis accepisse Abramum auctor est S. Cyrillus Lib. X. in 14.

Iulianum, extremo: ubi confirmat tale quidpiam etiam apud Sophoclem in Antigone: legi: ipsum adito. Huius ritus & moris in pangendis fœderibus mentionem fieri infra cap. xxi. vers. 17. & Deuteronom. xxix. v. r. 12. nonnulli existimant; sed differtissime exprimitur Ierem. xxxiv. vers. 18. & 19. vide ibi. SEMINATIO DABO TERRAM HANC. Hebr. in præterito, *Dedi*; hoc est, inviolabili decreto ad iudicandum, et si executionem in quadringentesimum annum differo. A FLUVIO AEGYPTI. Hunc esse Nilum, qui dictus sit etiam *Sichor*, id est turbidus, Iosue xiii. 3. I. Paralipomen. xiii. 5. Isaiæ xxiii. 3. Ierem. 11. 18. & alibi: *torrens*, seu *vallis Aegypti*, ut Numer. xxxiv. 5. fuisse docuimus in Paradiso voluptatis, cap. xxx. Tremellius, & Iunius exponunt: *A flumine Aegypti*, id est Schichore fluvio in Sirbonidem paludem influente, & determinante Arabiam ab Aegypto: sic enim legitur illius nomen Iehosue xiii. 3. Complementum sub Davide, & Schelomone, vide II. Samuel. vii. 1. & I. Reg. ix. & II. Paralipom. ix.

V. 19. CINABOS, ET CENEZAEOS, CEDMONAEOS. Tremellius, & Iunius: *Terram Kenecorum Kenizzæorumque, & Kadmonæorum*. Kenæi ad meridiem fuerunt sitii, *Kenizzæi* (ut conicio) ad septentrionem, *Kadmonæi* ad orientem: sic termini promissæ terræ hoc versu exponuntur; præterquam a mari, quod claudebat occidentalem tractum. *Cineos*. Hebr. *Ken*. Collatis locis Scripturæ de Kenæo, gens esse videtur inter Hamalekitas, vel proxima Hamalekitis, a qua denominatus videtur Iethro focer Moysi, quod eam urbem seu regionem cum posteris incoluerit. Vide Numer. xxiv. vers. 20. 21. 22. Iudic. i. 16. & 17. vers. 11. & 17. I. Samuel. xv. 6. & xxvii. 10. & I. Paralip. 11. 55. Eusebius, & S. Hieronymus in locis Hebraicis: *Ken* regio *Philistini*. Describunt eam recentiores sacri topographi, quam apte, ipsi viderint. Adito Notas in Numeror. xxiv. vers. 21. *Cenezæos*. *Keniz*. Videntur isti dicti a Kenaz nepote Esau, principe seu duce inter Idumæos clarissimo, infra cap. xxxvi. 11. 15. 42. & 43. Eusebius, & S. Hieronymus in Locis: *Kenaz regio principis Idumæorum*. Atque tunc erit ingens proleptis, nam longe post hæc tempora

fuit ille Kenaz; & nescio quam apta huic loco. Describunt hanc regionem novi terræ sanctæ geographi, sed pro cerebro. *Cedmonæos*. Hebr. *Kadmonæos* (קדמוני *Kadmoni*) proprie sonat anteriores, antiquos, *priscos*, *caecos*, ut vocat Ennius; vel *orientales*. Forte illi qui in Scriptura dicuntur *filii orientis*, & cum Philistinis, Idumæis, Moabitibus, Hammonitis, Kedarenis, Hamalekitis, Madianitis, Arabiz populis coniunguntur, Isai. xi. 14. Ierem. xlix. 28. Ezechiel. xxv. 4. qui etiam Iudic. vi. 3. & Iob 1. 3. nostro interpreti *orientales* appellantur. Hebr. *Filii orientis*, fortasse inter Arabiz populos erant orientiores. Putant fuisse ex filiis Abrami e Ketura, quos ad terram orientalem segregavit, infra cap. xxv. 6. Et sic erit proleptis.

MENOCHII.

Vers. 1. EGO PROTECTOR TUUS. In Hebræo est: *Ego sum clipeus tuus: in morem clipei ego te protegam*. Sic Psalm. v. 13. *Sicut scuto bone voluntatis tue coronasti nos*. IXX. habent: *Ego hyperaspites tuus*; id est, ego scuto te protego. EGO BROMERCEB TUA. Fortiter te, sapienter, ac pie gessisti; mercedem feres; ego, qui sum bonorum oceanus, præmium tuum ero, æterna habebis bona, & externis etiam hisce abundabis. Hæc mercede lætabatur David, cuius illa vox, *Dominus pars hereditatis meæ*. Psal. xv. 6. Et mentitur iniquitas sibi cum ait apud Malach. 111. 14. *Vanus est qui servit Deo, & quod emolumentum, quia custodivimus præcepta eius, & quia ambulavimus tristis coram Domino?*

V. 2. QUID DABIS MIHI? quasi dicat: Credo te mihi multa bona daturum, sed cuius illa tandem erunt, cum liberis caream? Sciebat Abram sibi a Deo, qui non fallit, promissam prolem; sed timet ne promisso culpa sua excidat: & amor, ut assolet, timorem augeat. FILIUS PROCURATORIS. Hebr. *בן בעל משהב*. Varie vertitur, & exponitur, id est *filius meseb*, quæ est ancilla mea oriunda Damasco. II. *filius religionis domus meæ*; id est, is cui curam omnem rei familiaris meæ reliqui, & commisi. III. *filius excursionis*, vel *discurſionis domus meæ*; id est oconomus, qui per domum discursat ut

ff 2 omni-

omnibus prospiciat. IV. *filius potum dantis domus mea*, quod etiam procuratorum est, qui cibum, & potum familiæ præbent. ISTE DAMASCUS ELIEZER : servus hic meus, cui nomen Damascus filius Eliezer, vel Damascenus, quod matre Damascena natus. Hebr. דמשק *Dammeseb*, & videtur præfixa littera *Daleth* loco litteræ *He* demonstrativæ, quod Syri solent, & nihil aliud significare, quam *iste procurator*.

V. 3. VERNACULUS MEUS : servus omni meæ natus.

V. 5. SIC ERIT SEMEN TUUM : non solum carnale, de quo modo sollicitus es, sed multo magis spirituale.

V. 6. CREDITIT DEO ; quamvis ardua promittenti, prolem scilicet ex uxore annu. REPUTATUM EST EI AD IUSTITIAM. Hebr. *Et reputavit illam*, scilicet fidem, Deus illi, ad iustitiam, maiorem, ut coram Deo iustior appareret, & esset.

V. 7. POSSIDERES, per tuos posteror.

V. 8. UNDE SERVO POSSUM : non dubitat qui ita crederet ut reputaretur ei ad iustitiam ; sed vel rei modum scire vult ; vel ita promissionem vult confirmari ut nullis posterorum demeritis illam irriteret ; vel petit signum non tam sibi quam posteris.

V. 9. VACCAM TRIENNEM, ET CAPRAM TRIMAM. Vult offerri animalia hæc tria, quia tertio ætatis anno sunt perfecta statura, & robore. COLUMBAM. Hebr. *pullum columbinum*.

V. 10. DIVISIT EA PER MEDIUM : sedit ea secundo a capite ad caudam : ritus feriendi fœderis. Hæc enim animalium dissectio erat pro diris in fœdisfragos, ut ita dividerentur. Retentus postea hic mos, ut indicatur Ier. xxxiv. 18. *Qui prævaricantur, inquit, fœdus meum, & non observaverunt verba fœderis, quibus assensu sunt in conspectu meo, vitulum, quem considerant in duas partes, & transferunt inter divisiones eius*. PARTES CONTRA SE ALTRINSECUS POSUIT : altrinsecus opposuit medietates quadrupedum invicem respondentes, relicto spatio intermedio ad transiendum. AVES NON DIVISIT : quia non faciebant ad fœdus, sed tantum ad sacrificium.

V. 12. SOPOR IRRUIT SUPER A-

BRAM. Sopor hic partim fuit naturalis ex labore diurno occidendi, dividendi, sacrificandi victimas, & abigendi volucres ; partim fuit a Deo immixtus, sicut Adæ soporem immisit, Gen. 3. 21. & est utrobique in textu Hebræo eadem vox תרדמה *tar-dema*, quam LXX. vertunt *eclassim*. In ecclasiis ergo raptus Abram, vidit posterorum suorum in AEGypto servitutem, idque videns angore, & horrore correptus est.

V. 13. IN TERRA NON SUA : partim in AEGypto, partim in Chanaanæ. ET SUBIICIENT EOS SERVITUTI, ET AFFLIGENT QUADRINGENTIS ANNIS. Hi 400. anni partim referendi sunt ad illud, *Assigent*, partim ad illud, *Peregrinum erit semen tuum*. Sensus ergo est : Fluent anni 400. quibus Isaac, & posteritui partim peregrini erunt hic in Chanaan, & in AEGypto ; partim in AEGypto servient, & affligentur. Porro in AEGypto habitaverunt Hebræi annis 215.

V. 14. IUDICABO : gravissime puniam plagis maximis. Exod. & seqq. capitibus. MULTA SUBSTANTIA : suis opibus, & AEGYPTIORUM, quos spoliabunt.

V. 15. IN PACE, morte placida, & quieta. IN SENECTUTE BONA, annorum centum septuaginta quinque.

V. 16. GENERATIONE AUTEM QUARTA ; id est, quarto sæculo, five quarto centenariio annorum, puta post 400. annos. NECDUM COMPLETAE SUNT INIQUITATES AMORRHÆORUM. Notanda Dei longanimitas in puniendo. Scelera Amorrhæorum, & Chananæorum (ut patet Lev. xviii. & Deut. vi. & xii.) fuere præcipue tria. Primo idololatria, qua etiam proprios filios igne comburendo diis immolabant. Secundo iniuste oppressiones peregrinorum, & pauperum. Terio promiscua matrimonia cum consanguineis, & cognatis, & nefanda libido cum maribus, & bestiis.

V. 17. FACTA EST CALIGO. Hæc omnia vidit Abram in ecclasiis, ut habent LXX. num. 12. CLIBANUS FUMANS. Videtur fuisse imago AEGYPTIACÆ servitutis, quam servierunt in luto, & lateribus, quos in fornacibus igni durabant. Itaque hæc eorum servitius vocatur *fornax ferrea AEGYPTI*, Deut. iv. 20. LAMPAS IGNIS. Deus, cuius imago est lampas nia, perdivisio-

visiones transit more foederis pangentium ; transit & Abram : ita foederis nrmatum . Omnia hæc in visione sibi videre visus est Abram .

V. 18. A FLUVIO AEGYPTI. SIC VOCAT FLUVIUM , seu rivum potius Nili inter Pelusium & Rhinocoluram in mare delluentem , qui solet etiam vocari torrens deserti , & Aegypti . USQUE AD FLUVIUM MAGNUM EUPHRATEM . Ponit duos fines terræ promissionis ab aquilone Euphratem , ab austro hunc Aegypti fluvium . Reliquos duos fines habes Num. xxxiv. 6. & 10. Fortasse tempore Davidis , & Salomonis usque ad hunc fluvium Israeliticum regnum se porrexit . Vel certe implenda fuit promissio , nisi peccata impedivissent .

V. 19. CINAEROS , &c. Undecim gentium hic terra promittitur ; quam tamen non possederunt peccatis eorum obstantibus : nam leges & conditiones pacti cum Deo initi non servaverunt .

TIRINI.

Perf. 2. **F**ILIUS PROCURATORIS DOMUS MEAE ISTE DAMASEUS ELIEZER ; id est , Eliezeri filius , scilicet erit mihi heres , quia ob defectum verorum filiorum , hunc mihi adoptavi . Notat S. Hieronymus , Tostatus , & alii , ab hoc Damasco conditam , & nuncupatam urbem Damascum .

V. 5. NUMERA STELLAS , SI POTERIS . Hinc patet , stellas tanto numero esse ut ab homine numerari non possint . Nam quanto quisque acutius cælum intuetur , maxime opticis recens inventis perspicillis , tanto plures deprehendit . Ita S. Augustinus a , Basiliius , Eusebius ; immo & Aristoteles , Plato , Seneca b . Quando ergo Ptolemeus , & Astrologi dicunt non esse nisi 1022. stellas fixas , agunt de iis solis quæ visu facile & distinctè possint ab homine percipi . SIC ERIT SEMEN TUUM , tum carnale , tum spirituale ; quasi dicat : Posterit tui instar stellarum erunt innumerabiles , sublimæ , æternæ , potentes , famosi , splendidi , gloriosi . Sed his tam lætis mox tristia quædam miscet Deus .

V. 9. SUME MIHI VACCAM TRIENNIUM , ET CAPRAM TRIMAM , &c. Hæc enim aubibere iubet Deus non solum tibi : sed cum Abrahamo eiusque posteris faciendi gratia , quo promittebat se illos perpetuo protecturum , & in promissam Cha-

naanitidem inducturum ; neque solum sacrificii causa , quo volebat ab Abrahamo honorari ; sed etiam , & quidem præcipue , ad mysterium Abrahamo patefaciendum , nam omnia hæc erant symbola earum rerum quæ postea is Abrahamæ infra vers. 13. & sequentibus obventuræ prædicuntur . Tria enim animalia , vacca , capra , aries , & hæc ipsa tria , seu triennia , præsignabant tres generationes quibus Israelitæ in Aegypto exulaturi , & servituri essent , videlicet tempore Caath , Amram , Moysi : quo tempore Aegyptii mulgebant Iudæos tamquam vaccas , & capras ; illorumque , tamquam opimorum arietum , velleribus , & carnibus sese pascabant . Dissedio animalium in frustra , afflictio erat , & dura tyrannis Aegyptiaca . Volucres infestantes horum animalium cadavera , erant Aegyptii , & Og , & Seon , & Amalec , & alii hostes affligentes , & devorantes Iudæos . Abraham abigens volucres significabat Deum tutelarem & liberatorem Iudæorum . Turtur , & columba non dissectæ præsignabant quartam generationem , qua Iudæi exulaturi erant ex Aegypto liberi & integri . Et turtur quidem gemebunda significabat 40. annos luctus in deserto ; columba , animal sociale , tempus Iosue , quo Iudæi terram promissam lætæ & placide incoluerunt . Horror magnus , & tenebrosus , idest qualis obvenire solet homini densis tenebris immerso ; item clibanus fumans , symbola erant fornacis , & servitutis Aegyptiacæ . Sopor Abrahami sole occumbente significat , Deum , mortuo Iosepho , quasi dormientem , & dissimulantem curam Hebræorum afflictionem . Lampas ignis , idest fax ardens , quæ transit inter diffusa cadavera (& illa forsitan incendit , atque absumpsit ad complendum sacrificium) significat iustitiam divinam , quæ & puniti Aegyptii & Israelitæ salvati ; item columnam ignis , & nubes , quæ Deus in mari rubro divisit Hebræos ab Aegyptiis . Exodi xxi. vers. 21. eolusque deinceps per desertum deauxit in terram promissam c .

V. 13. ET AFFLIGENT QUADRINGENTIS ANNIS . Hi 400. anni non referuntur ad solum Affligent , sed ad omnia tria præcedentia , scilicet Peregrinum eris semen tuum , & , subiecit eos servitui , & affligent . Hæc enim tris duraverunt simul 400. annis . Nam ex quo semet Abrahamæ

cœpit extare, puta ab ortu Isaac, cœpit peregrinari in terra non sua. Et hæc peregrinatio usque ad egressum ex Aegypto duravit præcise 405. annis. Vide in Chronico cap. xv. distributionem gestorum Abraham per annos quibus singula peracta sunt.

V. 16. NEDUM ENIM COMPLETAE SUNT INIQUITATES AMORRHAEORUM: supple, & reliquorum Chananæorum. Voluit enim Deus tantisper tolerare horrendam idololatram, incestus, & tyrannidem Chananæorum (nam hæc erant illorum iniquitates quas notat Scriptura d.) donec impleteret mensura illa tum scelestorum, tum vindictæ, quam Deus cuicunque nationi, immo cuicunque familiæ, forsitan & capiti, prius quam insigne aliquod supplicium irroget, ab æterno prefixit. Unde Matth. xxii. Christus dicebat Iudæis: *Implete mensuram patrum vestrorum.*

(a) Aug. Lib. XVI. de Civ. cap. xxxii.

(b) Cirati a Petro & aliis.

(c) Vide Petenium, a Lapide, Salianum, Bonfretium.

(d) Levit. viii. Deut. ix. & xii.

GORDONI.

vers. 3. **P**ROTECTOR TUUS. אֱלֹהֵינוּ *anochi magen lach. Ego clypeus tuus, & merces tua magna nimis.* Hinc, invito Calvino, collige, valere bona opera ad meritum: nempe quia hic proponitur merces; nec solum temporalem, sed etiam spiritualem, & seipsum promittit. PER VISIONEM, ut apparet in vigilia, ex vers. 5. *Eduxit eum foras: en vigilantem; tamen LXX. designant noctem.* Utrumque verum est.

V. 2. Abraham dicturus multa sibi deesse, cum careat liberis, *Filius, inquit, æconomi mei* (Heb. *Sanguis procuratoris*) erit mihi heres. מִשְׁכָּן *mewek, & דָּם dam: sanguis procuratoris Damascus.* Respondet Deus vers. 4. non desuturum heredi.

V. 3. VERNACULUS est servus domus natus.

V. 5. NUMERAS STELLAS. Ergo in vigilia, sed noctu. SIC ERIT SEMEN. Significat ad litteram, multiplicandum esse semen secundum carnem; tamen allegorice refertur ad spirituale semen.

V. 6. CREDIDIT ABRAHAM DEO, ET REPUTATUM EST EI AD IUSTITIAM. Hæc fides non sterilis aut inanis

fuit; sed ex obedientia, caritate, aliisque virtutibus nobilitata: & sic reputatum est ad iustitiam, non per imputationem, & falso; ut fingit Calvinus: nam Dei iudicio reputatur iustus, quod falli, aut fallere non potest. Ergo revera iustus. Ad iustitiam, inquam, maiorem: nam antea iustus erat, ex vers. 1. Nec iam cœpit primum credere. En simul meritum fidei. Septuag. & ἰδὲν Heb. חָשַׁב *chawab*, reputavit וַיַּחֲשֶׁב *vaiachwebeba*; ubi relativum finale refert credere, seu fidem, non vero iustitiam Christi imputatam. Plura Opusc. de Veritate Cathol. sect. 2. cap. xviii. & xix.

V. 8. Laudata est egregie fides Abraham, vers. 6. Non ergo nunc dabitur es de promissione Dei: tantum ergo dum ista proponit, petit sibi declarari locum, modum, & tempus huius promissionis: & certe ut hac maiore explicatione huius fœderis, facilius inducerentur posterius ad credendum his divinis promissis.

V. 9. Hæc quæ subiiciuntur de animalibus & partibus altrinsecus positiss, seu ex opposito, sunt symbola futuræ habitationis populi, & persecutionis in Aegypto: ut constat ex toto reliquo capite, ubi res hæc explicatur. Sic vers. 12. horror ille maxime refert persecutionem; & similiter vers. 17. elibanus ille.

V. 10. DIVISIT. En modum feriendi fœdus: divisit sectione a capite ad caudam. Hæc sectio denotabat, ita ut eveniret fœdisfragis. Non divisit aves, quia erant ad hostiam.

V. 12. & 13. Soporiste coniunctus eum revelatione de posteris, non fuit pure naturalis, sed vel maxime divinitus immixtus. Hunc soporem Abrahami תַּרְדֵּמָה *tarde-ma*, Septuag. vertunt ὕπνος, quando vidit posterorum servitutem 400. annorum in Aegypto. At solum 215. annis fuerunt in Aegypto. Respondeo ita quidem esse: at numerantur illi quadringenti anni ab ortu Isaac, uti demonstravi suo loco; vel certe hæc omnia esse terminanda intra spatium hoc 400. annorum. Hinc iam recte subditur.

V. 16. GENERATIONE AUTEM QUARTA REVERTENTUR HUC, hoc est quarto sæculo, seu centenari. NEDUM, inquit, COMPLETAE SUNT INIQUITATES AMORRHAEORUM: tantumdem temporis dedit his Deus ad poenitentiam.

V. 17.

N. 17. Debit firmari hoc fœdus sacrificio, & consumptione victimarum: & tamen non exprimit Moses modum consumptæ victimæ. Sane vel potuit a Deo inflammari sacrificium, vel etiam ab igne, quem Abraham apposuit. Lampas ignis transiens inter divisiones erat typus Dei transeuntis inter partes divisas. Mos est iungendi fœderis: nam qui fœdus faciebant transibant inter partes divisas.

N. 18. Termini sunt terræ promissæ: Fluvius Aegypti est ille parvus fluvius, distinguens Aegyptum a Palestina. Vide hos terminos magis declaratos Iosue 1. vers. 4. & cap. xiii. Item Exod. cap. xxiii. & Num. cap. xxxiv. De hoc flumine Aegypti alibi. Describitur a quibusdam rivulus a Nilo desluens in mare inter Pelusium & Rhinocoluram.



CAPUT XVI.

Agar a domina Sarai traditur Abræ nxor: quæ nbi concepisset, atque ob id dominam contemneret, ab illa afflictâ, fugam init: sed iussu Angeli eidem submissa, parit Ismaelem.

Igitur Sarai uxor Abram, * non genuerat liberos: sed habens ancillam Aegyptiam nomine Agar, 1. dixit marito suo: Ecce, conclusit me Dominus, ne parerem: ingredi ad ancillam meam, si forte saltem ex illa suscipiam filios. Cumque ille acquiesceret deprecanti, 3. tulit Agar Aegyptiam ancillam suam, post annos decem quam habitare cœperant in terra Chanaan, & dedit eam viro suo uxorem: 4. qui ingressus est ad eam. At illa concepisse se videns, despexit dominam suam. 5. Dixitque Sarai ad Abram: Inique agis contra me: ego dedi ancillam meam in sinum tuum, quæ videns quod conceperit, despectui me habet. Iudicet Dominus inter me & te. 6. Cui respondens Abram, Ecce, ait, ancilla tua in manu tua est, utere ea ut libet. Affligente igitur eam Sarai, fugam iniit. 7. Cumque invenisset eam Angelus Domini iuxta fontem aquæ in solitudine, * qui est in via Sur in deserto, 8. dixit ad illam: Agar ancilla Sarai, unde venis, & quo vadis? Quæ respondit: A facie Sarai dominæ meæ ego fugio. 9. Dixitque ei Angelus Domini: Revertere ad dominam tuam, & humiliare sub manu illius. 10. Et rursum, Multiplicans, inquit, multiplicabo semen tuum, & non numerabitur præ multitudine. 11. Ac deinceps, Ecce, ait, concepisti, & paries filium; vocabiturque nomen eius Ismael, eo quod audierit Dominus afflictionem tuam. 12. Hic erit serus homo, manus eius contra omnes, & manus omnium contra eum: & e regione universorum fratrum suorum figet tabernacula. 13. * Vocavit autem nomen Domini qui loquebatur ad eam, Tu Deus qui vidisti me. Dixit enim: Profecto hic vidi posteriora videntis me. 14. Propterea appellavit puteum illum Puteum viventis, & videntis me. Ipse est inter Cadès & Barad. 15. Peperitque Agar Abræ filium: qui vocavit nomen eius Ismael. 16. (a) Octoginta & sex annorum erat Abram quando peperit ei Agar Ismaelem.

(a) Is. xxiv. 62.

ROMANÆ CORRECTIONES.

- V. 1. *Non genuerit liberos*. Tertio hic recte omittitur pronomen *sibi*, quamquam subaudiendum sit *ex* Hebræo.
- V. 7. *Qui est in via Sur*. Alii legunt relati-

vum femininum *qua*, relatum ad solitudinem; sed Sixtina Biblia rectius masculinum *qui*, ita ut ad fontem referatur, quod Hebræa exigunt.

- V. 13. *Vocavit autem*. Non addas *Agar*, sed intelligas.

C O M M E N T A R I A

S A.

Vers. 2. **C**ONCLUSIT; id est, sterilem fecit. Nota, quod tunc erat 76. annorum.

V. 6. *MANU*, id est potestate.

V. 7. *SUR*, id est qua itur in Sur, & inde in Aegyptum, quo illa, nempe Aegyptia, festinabat: Hieron.

V. 8. *A FACIE SARAI*; id est, propter Sarai, Hebr.

V. 11. *AFFLICTIONEM*, id est orationem in afflictione factam.

V. 12. *MANUS EIUS CONTRA OMNES, ET MANUS OMNIUM CONTRA EUM*. Significat, posteros eius, scilicet daracenos incertis sedibus vagos impugnatu- ros omnes, & ab omnibus impugnandos: Hieron. *E REGIONE*; quasi dicat, neminem timens.

V. 13. *VOCAVIT*; pro, invocavit. Chald. *Oravit in nomine Domini*. *TU*, subaudi, dicens. *QUI VIDISTI ME*. Alii, *qui vides me*. Chald. *videns omnia*. *POSTERIORA*, id est tergum, scilicet recedentis.

V. 14. *APPELLAVIT*, scilicet Angelus, vel Abraham vel aliquis alius: est enim Hebr. verbum masculinum.

E S T I I.

Vers. 2. **C**UMQUE ILLE ACQUIESCERET DEPRECANTI, scilicet divina ad hoc inspiratione motus, ut testatur Innoc. III. nam polygama contra ius naturæ erat; tamen Augustinus videatur factum excusare per consuetudinem gentium, inter quas Abraham vivebat. Sed hoc non sufficisset ad violandum ius naturæ, de qua dictum est supra cap.

11. *Et adharebit uxori sue*, non uxori- bus.

V. 6. *ECCE ANCILLA TUA IN MANU TUA EST: UTERE EA UT LIBET*. Non excusaretur Abraham a peccato, permittendo uxori quidvis in ancillam, maxime gravidam; sed intelligendum est, *Ut libet*, tamen intra limites rationis. Tum maxime enim excusatur, quia forte ei Deus iam dixerat etiam quod dixit cap. xxi. *Omnia quæ dixeris tibi Sara, audis vocem eius*.

V. 13. *PROFECTO HIC VIDI POSTERIORA VIDENTIS ME*. Moyli promittitur etiam tale quid Exod. xxxiii. *Vide ibi*.

M A R I A N A E.

Vers. 2. **S**I FORTE SALTEM EX IL- LA SUSCIPIAM FILIOS. Vox Hebr. *Fortè edificabor ex illa*. Familia instar ædificii construitur filiis. Eo respectu in Exodi cap. 1. vers. 21. cum dixit de obstericibus Aegyptiis: *Et quia timuerunt obsterices Deum, edificavit eis domos*; id est, liberos dedit. Dent. xxv. vers. 9. *Sic fiet domini qui non edificat domum fratris sui*. Erat tunc Sarai annorum 76.

V. 3. *VIRO SUO IN UXOREM*. Non fuit Agar pellex, sed uxor. Erat licita polygamia. Uxor secundaria fuit Agar. Infr. vers. 16.

V. 5. *INIQUE AGIS CONTRA ME*. Sententiam Noster expressit; alioqui ad verbum rediendum: *Iniquitas mea super te: meæ iracundiæ poenas dabis*.

V. 7. *IN VIA SUR IN DESERTO*. *Via Sur*, qua iur in Sur. Vox in deserto addita est ab Interpretæ, aut ab aliquo alio, nam in Gotthrcis non erat; sed cer- te

te ad indicandum, *Sur* illud non Assyriam significare, quæ remota erat, sed desertum sic dictum, Chanaan inter & Aegyptum, quo illa, quippe Aegyptia, festinabat.

V. 8. A FACIE SARAI; id est, propter Sarai fugio.

V. 11. VOCABISQUE NOMEN EIUS ISMAEL. Quinque viri vocati sunt a Deo suis nominibus antequam nati, Ismael, Isaac, Iosias, Ioannes, Iesus. Hieron. in Traditionibus adicit Salomonem. AUDIERIT DOMINUS AFFLICTIONEM TUAM, preces in afflictione: vel *audierit*, id est cognoverit, *afflictionem tuam*.

V. 12. HIC ERIT FERUS HOMO. Hebraice *onger*, ad incandam ingenii feritatem. Hebræi referunt ad venandi feras studium, cui Ismael fuit deditus. E REGIONE UNIVERSORUM. Hebr. *Coram omnibus fratribus suis habitabit*; quasi dicat: Non timebit sibi neque a vicinis, neque a fratribus.

V. 13. VOCAVIT. Quidam *invocavit*: & sic principium orationis erit, TU DEUS. PROFACTO HIC VIDI POSTERIORA VIDENTIS ME. Ad verbum: Num etiam hic vidi post videntem me? quod Interpres dixit *posteriora videre*, ad indicandum nostræ cognitionis imbecillitatem, similis ei qui hominem a tergo videt. Idipsum indicavit, cum Moyli dixit: *Posteriora mea videbis*. Vel *posteriora*, id est tergum recentis, nempe obicure.

V. 14. APPELLAVIT, Abram, vel Angelus, vel hoc, vel alio tempore: nam Hebraice verbum est masculinum, sed in ea lingua genera non servantur semper. Ita potest intelligi: *Appellavis Agar putum illum, Putum viventis*.

V. 16. OCTOGINTA ET SEX ANNUM. Anno decimo post adventum in terram Chanaan duxit Agar, sic superius vers. 3. & proximo anno natus est Ismael.

M A L V E N D A E.

Vers. 1. T AGAR, (תגר) peregrinam Hebr. sonat.

V. 2. ECCE. Heb. *Ecce queso*: vel *Ecce nunc*, iam; id est, quia nunc ætate sum (erat enim 75. annos nota) intelligo Deum voluisse mihi sterilitatem asferre. CONCLUSIT ME DOMINUS, NE PAREM. Reddunt ex Hebræo: *Conclusit*,

constrinxit, occlusit, obscuravit, clausit, coarctavit, cohibuit, detinuit, impedivit me a pariando, seu gignendo; id est, vulvam meam, seu uterum meum clausit, obscuravit, ne pariam: reddidit me sterilem & infecundam. Erat tum Sarai LXXV. annorum; si conferas cap. XII. vers. 4. & cap. XVII. vers. 17. cum versu 3. & 16. huius capitis. Verum annotant, verbum *ghatzar* proprie *prævalere, prævalescere* significare; atque ut plurimum talem prævalescitiam significare qua aliquid sive retinetur, sive concluditur, sive cohibetur & coarctetur, sive impeditur; hinc illis verbis communiter ab Interpretibus transferri; sed principalem & genuinam eius significationem esse *prævalere*, quæ semper præluere debet, nec illis verbis obscurari, aut involvi, vel amitti par est. Unde hic exponunt: *Prævaluit me* לְחַיָּה, *ne gignam*, id est, prævalide conclusit me לְחַיָּה. Sic infra cap. XX. vers. 18. *Si forte* אִינִי וְלֹא, *forte, fortasse*. Observant, non esse penitus dubitantis particulam, sed potius bene o-ninantis, & sperantis. seu committentis aliquid meliori & feliciori eventui. Ex IL- LA SUSCIPIAM FILIOS. Hebr. *Ædificabor*, vel *filiorum de illa*. Filius dicitur Hebræis בֶּן, a בָּנָה *banah, edificavit*, quod filii, cohabitatione viri cum muliere, ædificentur, & sint veluti ædificium patris ac matris; sive quod sint generis sulture. & familiam ædificent. *Banah* hic dicitur de procreatione sobolis, quæ cohabitatione & congressu viri cum muliere ædificatur. Plautus Mollertia:

.... Nunc etiam volo

Dicere, ut vos homines adium esse similes arbitremini,

Primum dum parentes fabri liberum sunt, & fundamentum

Liberorum substruunt.

V. 4. DOMINAM SUAM. גְּבִירָה *gebirah*, proprie superior, domina, hera, heros. Dicitur de illa muliere seu uxore quæ reliquis superior est dominio, potestate, principalitate, auctoritate.

V. 5. INIQUE AGIS CONTRA ME. Hebr. *Iniuria mei super te*. Constructa vox, passiva significatione, ut infra cap. XXI. 51. pro eo quod est, *Iniuria que fit mihi, in te recidit*. Expostulatio, inquit, hæc nata videtur ex eo quod Abram ancillæ insolentiam non satis arbitrio Sarai corri-

Gg

ge-

geret. Vide similem loquutionem Ierem.
L. 35.

V. 7. ANGELUS DOMINI. מַלְאָךְ
malach quidam deducunt ab מַלַּח balac,
ambulare, ire, transposita littera He, & ea
mutata in Aleph. Est universe angelus,
legatus, nuntius, sive homo, sive spiritus,
qui destinatus est ad legationem, seu mi-
nisterium perficiendum: quique habet man-
datum a domino suo ambulandi & eundi
ad annuntiandum, vel efficiendum aliquid.
Græcum angelus, & Latinum legatus,
cognitionem litterarum & sonum confimi-
lem habent cum Hebraico malac. Dicitur
in Scriptura de hominibus, & de spiriti-
bus. Quando autem de homine vel de spi-
ritu intelligi debeat, ex verbo sibi adiun-
cto, vel ex aliis circumstantiis cognoscere
licebit. Verbum נָרַב narab, *apparendi* de
angelis spiritibus semper dicitur; sed quan-
do de angelis hominibus est sermo, tum
verba apponuntur quæ corporibus congruunt,
non spiritibus. Quidam existimant aposto-
li nomen respondere Hebraico malac; sed
certe apostolus melius dicitur שְׂכִיחַ se-
bach, vel צִיר tzir, *missus, legatus*. Hic sa-
ne certum est esse angelum spiritum divi-
num. Atque hoc loco primum in Scriptu-
ra mentio occurrit beatarum illarum ad di-
vinarum mentium spiritualium, Deo sa-
mulantium. Quidam collatis Scripturæ lo-
cis, in quibus de divinis & spiritualibus
Angelis est sermo, hanc sibi Angeli defi-
nitionem consilant: quod sit substantia
spiritualis, incorporea, sapiens, iusta, bea-
ta, agilis, potens, Deo obediens, creata a
Deo in ministerium electorum: ut Paulus
etiam ait, Angelos esse spiritus administrato-
rios, qui in ministerium emittuntur,
propter heredes salutis. IN VIA SUR.
Eusebius, & S. Hieronymus in Locis: Sur,
ubi invenit Angelus ancillam Saræ Hagar,
inter Cades & Barad. Extenditur autem de-
sertum Sur usque ad mare rubrum, quod ad
Ægypti confinia pervenit. Porro Cades soli-
tudo est super urbem Tetram. Sed & Scrip-
tura desertum Cades contra faciem Ægypti
extendi memorat: ad quod primum venire
Hebræi rubro mari transvadato. Vide Ge-
nes. xx. 1. xxv. 18. Exodi xv. 22. S. Hierony-
mus: Consequenter Ægyptia in via Sur,
quæ per eremum ducit ad Ægyptum, ire
festinabat.

V. 9. ET HUMILIARE SUB MANU

ILLIUS. Ex verbo, Humilia te, afflige
te, preme te, prosterne te; id est, patere,
vel patere te affligi sub manibus eius;
hoc est, sub potestate, potentia, & impe-
rio eius; illi te subde, quantumvis male
te accipiat. Illud videtur imitatus Petrus,
l. cap. v. vers. 6. Humiliamini sub potenti ma-
nu Dei. Et coniugatio Hithpahel hic ma-
gnam humiliationem, & subiectionem, seu
depressionem significat.

V. 11. ET PARIES. וְיִלָּדְתִּי veiladeti,
notant Hebræi esse verbum compositum ex
וְיִלָּדְתִּי ioledeti, participio præteriti, & יִלָּדְתִּי
ialadeti, præterito; vel esse ex coniuga-
tione Pohel. Non sine mysterio. ut certitu-
dinem partus Hagar firmius exprimeret, ac
stabiliret; quasi dicat: Iam iam tu paries,
& quasi iam peperisti; certissime paries:
vel paulo post, propediem paritura es: ut
etiam Iudic. i. vers. 5. AUDIERIT DO-
MINUS AFFLICTIONEM TUAM. No-
tant quando verbum שָׁמַע shamagh, *audi-
re*, construitur cum præpositione הָא el,
tum idem Hebræis significare quod Latini
attendere aures, seu animum auscultare, anim-
advertere, advertere animum, scilicet ad
preces, seu flagitationem; & acquiescere,
atque præstare, quod postulatur. Ita hic:
Quia audivit I H V H ad afflictionem tuam;
ia est, attendit, & te compotem voti se-
cit.

V. 12. FERUS HOMO. פֶּרֶד pere: de-
cies hæc vox in Scriptura ponitur, & sem-
per eam Noster onagrum exponit, nisi hoc
loco, ubi ferum dixit. Aiunt esse feram,
contentiente Hebraica voce, animal ferum,
a fructificatione & secunditate ovisum:
sunt enim fera animalia secundiora, & plu-
res fetus edunt quam animalia domestica.
Noster & alij post ipsum transulerunt,
Onager, id est alinus agrestis, seu silvestris,
eo quod inter feras sit notissimus; sicut
etiam pro פֶּרֶד izipor reddiderunt passerem.
Hic tamen cum Nostro adiectione capiunt:
Et ipse erit ferus homo. Semel hic tantum
adiectione positum volunt. Alii reddunt:
Et ipse erit onager homo, vel hominum; id
est, vir similis onagro, asino silvestri, fe-
rus, durus, agrestis, civilium morum ex-
pers, intrastabilis, iugi impatiens, qui ne-
mini subiici velit, instar onagri, Iob xi.
12. Onagris indomitus animus tribuunt
auctores. Vel quod desertis & solitudini-
bus viveret, venationi intentus. Quidam
ad

ad terrorem bellicum referunt, quod bellicosus futurus esset, & hostibus formidabilis, & quod nemo eum impune laceraturus esset, ut se mox exponit: *Manus eius contra omnes, &c.* Nonnulli reddunt: *Et ipse erit fera hominis*; quod speciem hominis dumtaxat retulerit; cetera feræ. Audacius quidam: *Et ipse erit fructificans homo*. Quod Hagareni mire pollicent. Alii: *Et ipse erit silvæ fructus homo*, vel rusticus homo. S. Hieronymus: *Significat autem, semen eius habitaturum in eremo*; id est, *Savacenos vagos, incertisque sedibus*; qui universas gentes, quibus desertum ex latere iungitur, incursum, & impugnantur ab omnibus. Vide infra cap. xxxvii. vers. 25. E R R O R E C O N E U N I V E R S O R U M F R A T R U M S V O R U M, FIGET TABERNACULA. Bisariam exponunt. I. Inivitis & reluctantibus fratribus suis fixas habebunt sedes Ismaelitæ, violenter occupabunt terram, quam inhabitent; licet obitare & impedire contentur fratres eorum. II. E contrario, Ismaelitis inter hostes suos, & in magna hostium copia, non desuturos fratres, & amicos qui eis præsidio adfint, & eorum propugnent res. III. Plerique tamen intelligunt, Ismaelitarum populum & reliquos separatim fore; quasi dicat: Non esset cum fratribus suis Isaacidis unum corpus, unam gentem, unam rempublicam non erit pars, vel membrum unius gentis; sed per se unum corpus, & unam gentem distinctam a fratribus suis Abrahæ filiis constituet. IV. Alii tamen malunt: *Super facies omnium fratrum suorum habitabit*, id est prope fratres suos, ut ab ipsis videri possit, nempe coram Levitis, & Abramitis. Nam habitavit in deserto Pharan, infra cap. xxi. vers. 21. & inersit exequis patris cum fratre Isaac cap. xxv. 9. *Figet tabernacula*; egregie: nam consentiente voce *כבד* *sebacan*, ad verbum dicees, *secentabit*, si ita fas est loqui, *tabernaculabit*: nam tunc in scenis, seu umbraculis, & tabernaculis habitabant. Virgilius IV. Aeneidos:

--- Tum silvis scena coruscis.

Vulgo per habitare, colobitare, commorari redeunt: sæpius in Scriptura cum voce tabernaculi coniungitur. Nec dubito quin a Ioanne 1. 14. per *σκηνωσιν*, tabernaculavit, umbraculavit, scenavit translatus fuerit.

Nescio cur hic quidam, *Hospitabitur* transferunt. Vide cap. xxv. vers. 18.

V. 13. QUI LOQUEBATUR. Hebr. *דבר* *deber* participium præsens, loquens. Vitærum statum inter verbum *דבר* *dabar* loqui, & *אמר* *amar* dicere: quod *Dabar* notat rei, seu causæ, seu negotii, seu historię, aut rei gestæ dispositionem; nempe talem loquendi actum significat, quo historia, seu res, ordine, & quadam dispositione, ac partium enumeratione narratur; *amar* autem designat actum discendi, nempe eius verborum ac rerum dispositionis, seu constructionis enuntiationem. Unde generalis est *dabar* quam *amar*; perinde ut Latinis loqui est generaliusquam dicere. Deinde *dabar* magis est reale, & externum quam *amar*. Ad hæc *dabar* est absolutum, & sæpe sine respectu ad alterum; *amar* vero semper est ad alterum. Nam homo vivens loquitur; non tamen homo dicit, nisi alteri. Insuper *dabar* nec figurate tribuitur sermonis expertibus, ut interdum *amar*. Addunt alii, *dabar* haud temere usurpari de aliis quam de maximi momenti sanctionibus & rebus; quale pondus non est in verbo *amar*. Hæc omnia locorum circumstantiæ te docebant. Uti differant loqui & dicere, ostendit Varro Lib. IV. de lingua Latina, cap. vii. TU DEUS, QUI VIDISTI ME. *וַיֵּרֵא* *roi*, quidam participium esse putant, cum affixo: *Videns mei*, vel *me*. Alii thoar, seu adiectivum sine affixo: *Tu Deus videns*, id est summe providens: sic olim prophetæ vocabantur *videntes*. Nonnulli nomen substantivum: *Tu Deus visionis*, vel *visus*; id est, qui videri, & apparere soles hominibus, ac illis conspicuum te præbere, ac patellacere; vel qui vides ac cernis omnia, & curam omnium geris, ac mei præcipue; qui te ostendere solum afflictis ac miseris, & iis qui tua cura ac providentia indigent. Aliter: *Tu Deus visionis*, vel *visi*, id est ostenti, prodigii, monstri. Virgilius III. Aeneidos:

Talibus attonitus visis, & voce deorum.

Et rursum:

Monstra Deum refero.

Et in VIII.

--- Atque oculis mirabile monstrum.

Monstrum a monstrando, & monendo, quod monstret futura, & moneat volun-

G. g. 2 ta-

tatem deorum, inquit Sinius Capito. Reputabat Hagar vium illud Angeli ostentum, ac monstrum. Sic *rei* capitur Nahum. III. 6. PROPECTO VIDI POSTERIORA VIDENTIS ME. Varie hunc locum reddunt, & interpretantur. I. Si, *an, num etiam hic vidi post videntem me?* ut interrogatio sensum reddat negentem; id est, non vidi illum discedentem more aliorum hominum, nam subito evanuit ex oculis meis; nec vidi illum a tergo incesu, aut cursu abeuntem: intellexi Angelum esse, qui mecum loquebatur, non hominem: nam si homo fuisset, vidissem illum abeuntem, nempe incessum eius, tergo, vestigia. Et subita disparitione intellexit illum fuisse Angelum Dei. Similia quædam de deorum apparitione disserit Calaisius apud Heliodorum III. Aethiopicæ, cap. VIII. in hunc modum: *Dii, & numina venientia ad nos, & a nobis recedentia, quamvis profanos homines latuerint, tamen quin a sapiente cognoscantur, effugere non possunt; sed ex oculis notari possunt, cum continuo obtutu intueantur, & palpebras nunquam concludant: & magis etiam ex incesu, qui non ex dimorione pedum, neque transpositione existit, sed ex quadam impetu aërio, & vi expedita, findentium magis auras, quam transcurantium. Quamobrem statuas quoque eorum Aegyptii ponunt, coniungentes illis pedes, & quasi unientes. Quæ etiam Homerus sciens, ut Aegyptius, & doctrina sacra instructus, occulte & involute verbis seddidit, relinquens intelligenda iis qui possent. De Pallade quidem:*

- - Atque truces oculi fulsere tuenti.

De Neptuno autem:

Namque pedum, crurumque simul vestigia pone

Perfacile, agnovi, remeante, aurasque secante.

Dii quoque cognosci possunt, certoque notari.

Tanquam fluente in incesu: hoc enim est, Perfacile remeante; non ut quidam decepti, Perfacile agnovi, putarunt. Fortassis Hagar Aegyptiaca disciplina edocta de apparitione deorum, simile quid notaverit in Angelo sibi apparente & disparente. Hanc interpretationem cave putes pugnare cum sensu Vulgati: nam ipsa eodem tendit.

II. Num etiam hic vidi post visionem meam? ac si dicat: Tandemne tot malis domi,

& in fuga afflicta, & iam manifesta Dei visione obiurgata, & admonita, coacta ero respicere, oculos avertere, conspicuum Dei providentiam & curam agnoscere? Profecto ex corde agnosco, & profiteor. Aliter: Dormio, an vigilo? Hæc quam vidi, vera, realis, & subsistens, an ficta, & phantastica visio est? Realis plane ac vera! Postquam disparuit, intellexi me revera angelicam visionem vidisse. III. Nonne etiam hic vidi Angelum, post videntem me? id est, postquam Deus se mihi ostendit, & vidit, ac benigne respexit afflictionem meam. IV. Quidam Hebræorum exponunt: Nonne etiam hic vidi post prophetiam meam? id est, intellexi hanc mihi oblatam visionem, seu prophetiam. Quid si forte Hagar augurata sibi fuerat hanc Dei apparitionem & consolationem, seu rerum suarum meliorem statum. V. Alii Hebræorum: Nonne etiam hic in deserto vidi Angelum Domini, post videntem me? id est, postquam vidi eos in domo Abram, ubi eram assucta videre Angelos. Nam quod solita esset videre illos, inde sumunt, quod viso nunc Angelo non expaverit, ut Menoac, Iudicum xii. 22. Tunc illud, Post videntem me, idem erit quod postquam ego sum, vel fui videns. VI. Profecto etiam hic vidi ea quæ sunt post videntem me, vel posteriora videntis me, id est terga abeuntis, vel disparentis. In disparitione cognovit esse Angelum Dei. Indicat morem apparitionum divinarum, cum subito ex oculis in tenuem auram evanescent, vel in sublimem seruntur, ut Iudicum xii. 20. unde cognoscunt rem divinam esse, quæ illis apparuit. VII. Nonne etiam hic vidi post videntem me; vel postquam fui videns, seu post visionem meam? hoc est, quum mecum loqueretur, non cognovi illum esse Angelum Domini; sed ut elapsus est subito ab oculis meis, iam agnovi illum esse Angelum Dei. Vidi igitur aliud postquam evanuit ab oculis meis, quam quum loqueretur mecum. VIII. Audacius quidam: Nonne etiam contritio, concussio, percussio, subaudi, erit mihi, quia vidi post videntem me? quod הוים *halom*, hic id quoque significat. Olim hæc erat opinio, ut qui Deum, vel Angelum vidisset, statim esset moriturus: Iudicum xii. 22. IX. Etiamne iam video post videntem me? id est, lucem hanc aspicio, &

vi.

vivo? Synecdoche unius functionis vitæ pro tota vita, cui similis est Exod. xxiv. 11. Miratur enim se post Dei visionem vivere, quia a conspectu Dei aut Angelum mortem securitatem putabant, ut nuper dicebamus. Vile infra xxxi. 30. *Post videntem me*; id est, postquam Angelus, cui nota eram, mihi apparuit; vel post visionem videntis me. Paulanias in Phocicis, numero 351. *Homeri igitur illud facile existimari potest nihil a vero abhorre: non posse cuiquam hominum bene vertere, cui deos perspicue cernere contigerit.* Nec prorsus alienè exponas: Num etiam istu vidi post videntem me? quasi dicat: Subitanea nimium, momentanea, & improvisa hæc visio fuit, quæ me velut ictu percussit.

V. 14. APPELLAVIT. קָרָא kara masculine verbum, non satis apte ad Hagarem referas. Quidam Angelo, vel Abrahamo tribuunt, infulse. Alii subaudiunt, is qui ei nomen imposuit, vocavit Puteum, &c. sed alias notavimus, tertiam personam præteriti, seu futuri activam, sumi plerumque Hebræis passive seu impersonaliter: vocavit, pro, vocatum fuit. Vide Genes. 11. 20. PUTEUM VIVENTIS, ET VIDENTIS ME. כַּר לֹדִי רוֹאִי beer lachai roi: cum Lamed ista construuntur; id est, Puteum Viventi videnti mei. Alii: Puteum Vroi videnti mei; vel Puteum, Vivens videt me. Nonnulli: Puteum ad Viventem videntem me: vivum, vel vivens epithetum æterni & veri Dei: Quidam: Puteum Viventis, vidente me: perpetuam. Possis: Puteum ad Vivum, id est qui vivas, & scaturientes aquas haberet, videntis me; hoc est, Puteum aquæ vivæ Dei videnti me. KADES. De ea diximus cap. xiv. ad vers. 7. de BARAD Eusebius, & S. Hieronymus in Locis: *Inter Kades & Barad, hodieque Agbar puteus demonstratur.* Barad Chaldei Paraphraste Hagaram dicunt. Sacri topographi ponunt in deserto Pharan, ubi postea habitavit Ismael, & in tribu Simeon.

MENOCH II.

Vers. 2. CONCLUSIT: sterilem fecit, concipiendi vi privavit. INGREDERE: nubat tibi: sic honeste Hebræi congressum cum muliere explicant. EX ILLA SUSCIPIAM. Hebr. Si quo

modo adificet ex ea. Aedificationis metaphora generationem filiorum significat. Sic Exod. 1. 21. dicitur de obstericibus, *Aedificavit eis domos.* DEPRECAŇTI. AEgre castitatis amator ad polygamiam inducitur; quæ tamen licia illo ævo.

V. 3. AGAR AEGYPTIAM, genere Aegyptiam, sed religione Hebræam, Sarai a Pharaone donatam, ut putat D. Chrysostomus. UXOREM, legitimam quidem, sed secundariam. Huiusmodi vocantur in sacris litteris concubinæ.

V. 4. DESPEXIT. Non cuiusvis est meliorem bene ferre fortunam.

V. 5. INIQUE AGIS CONTRA ME. Hebræus: *Insuria mea super te est*, id est tibi, qui non prohibes, imputanda. IN SINUM TUUM: ut esset uxor tua. IUDICET DEUS, num æquum sit iniuriam meam a te dissimulari. Non postulat Sarai a Deo vindictam, sed illi causam suam committit.

V. 6. UTERE EA UT LIBET. Non permittit sævire, sed iusto modo compellere. AFLIGENTE, coercente.

V. 7. ANGELUS DOMINI. Deus vel Agar oratione permotus est, vel potius id meritis Abram tribuendum, cuius prolem Deus volebat conservatam. IN VIA SUR. Desertum Sur situm est inter Cades & Barad, & extenditur usque ad mare rubrum Aegypto conterminum. Fugiens Agar petebat patriam suam Aegyptum.

V. 8. ANCILLA SARAI. Conditio admonet, ut agnoscat errorem. A FACIE SARAI. Hebraismus, facies pro persona.

V. 9. SUB MANU: illius potestati, & correctioni te subde.

V. 10. MULTIPlicans MULTIPlicabo: plurimum multiplicabo.

V. EO QUOD AUDIERIT. nam Ismael idem quod exaudito Dei. AFFLICTIOnem tuam, sitim, laborem, lassitudinem, formidines, qui comitatus prægnantis, & in solitudine fugientis.

V. 12. FERUS HOMO. Vox Heb. קָרָא phere onagram significat, ut hic vertit Chaldeus. Noster Interpres eandem sententiam expressit, & ad sonum Hebraice vocis alludit. Erit instar onagri ferus, intradabilis, solivagus, & incertis sedibus errans. Nec de Ismael tantum hæc vera sunt, sed etiam de posteris eius, tales enim

Aga.

Agareni, & Saraceni. MANUS EIUS CONTRA OMNES, &c. ipse omnes infestabit, & ab omnibus infestabitur. EREGIONE, ex adverso: habitavit enim Ismael in deserto Pharan directe contra habitationem Isaac, & reliquorum filiorum Abraham. FRATrum SUORUM, Isaac, & filiorum Abraham ex Cetura. FUGIT TABERNACULA. Arabes plerique adhuc hodie degunt in papilionibus seu tentoriis, ut & olim. Hæc sunt tabernacula Cedar, Cant. 1. 5.

V. 13. VOCAVIT, invocavit. Chaldaeus: *Oravit in nomine Domini*. DOMINI QUI LOQUEBATUR, Dei, cuius personam loquens Angelus representabat. VIDIISTI ME: misertus es mei, aspexisti afflictionem meam. DIXIT ENIM; Agar intra se cogitavit, nam redditur ratio cur gratias egerit. PROFACTO HIC; quasi dicat: Minus mirarer si Deum habuissem proprium in domo Domini mei Abram; sed obstupesco quod etiam in hoc deserto mihi præsto esse dignatus fuerit. VIDI POSTERIORA VIDENTIS ME. Ance illa non faciem suam Agar ostendit, sed ab illa adversus, eam est allocutus. Id ita factum ut significaretur faciem non tantum essentiae divinae, sed etiam gloriæ corporis a Deo assumpti non posse capri ab oculo mortali. Vel etiam quia Agar imperfecte Deum cognoscebat, & diligebat utpote quæ obedientiam heræ suæ. Deum enim ipsum susceperat; ideoque necdum reversa, aut ad illum conversa, vicissim ei Deus non faciem, sed tergum suum ostendit.

V. 14. APPERCEBAT, vel ipsa Agar vel inde finite quisquis hoc nomen imposuit puto.

V. 15. PERPERITQUE: Postquam domum reversa veniam a dominis impetravit. VOCAVIT: credens Agar ipsi, affirmanti hoc nomen ab Angelo inditum.

V. 16. OCTOGINTA ET SEX ANNORUM. Hebr. *Filius octoginta & sex annorum*. Frequens loquutio, pro, erat homo natus tot annos. Nam solent vocem filius præponere quando ætatis annos voluit indicare.

TIRINI.

vers. 3. TULIT AGAR AEGYPTIAM ANCELLAM SUAM,

ET DEDIT EAM VIRO SUO, non concubinam, sed uxorem, ut habetur hic. Neque erat tunc polygamia illicita; & in tanta paucitate fidelium ita expediebat. Et Deus in iure naturæ dispensabat, ius uxoris, quod ex prima coniugii institutione non nisi unus esse debbat, in plures uxores dividens. Sic Deus summus naturæ dominus dedit Abrahamo ius occidendi Isaac; & Hebræis ius spoliandi Aegyptios.

V. 11. VOCABIS NOMEN EIUS ISMAEL; quod Hebraice significat, *audivit Deus*, scilicet afflictionem tuam; & iuvit, & liberavit te. Unde & Agar mox gratias agens.

V. 13. VOCAVIT, seu invocavit, NOMEN DOMINI (Chaldaeus, *oravit*) dicens: TU DEUS QUI VIDIISTI ME; id est providisti, & curam mei in hoc terribili deserto gessisti. PROFACTO ENIM VIDI POSTERIORA, seu dorsum VIDENTIS ME; id est, vidi Angelum, qui humana specie mihi apparuit, neque ad-uvit; sed non vidi nisi abeuntem & a tergo: sicut & Moyse contigit, Exod. xxxiii. vers. 23. Quo significatur, quamdiu in hac vita sumus, nos non posse clarum Angelorum, multo minus Dei, cuius vices hi Angeli gerebant, cognitionem habere; sed tantum obscuram, imperfectam, & confusam.

(4) Vide S. Th. & DD. Scholast. in IV. dist. xxxviii.

GORDONI.

vers. 1. CALVINUS pro sua solita modestia Saram velut lenam damnat; recte tamen antiqui Patres cum Augustino exculant. Ut dixi cap. xxi. licita tunc erat polygamia; & spe proles, Agar altera uxor accepta est. Non est certe polygamia ita educationi proles contraria, ut non possit interdum a Deo permitti, ad gentis & religionis conservationem. Vide supra cap. iv. vers. 17.

V. 2. INGREDERE, scilicet inito nubio. Polygamia eo tempore, ut dicebam, erat permissa; quamvis ex prima coniugii institutione non sic esset; nec futurum ut semper maneret.

V. 3. AGAR. Uxor secundaria fuit, de qua re alibi. Itaque pellex non erat.

V. 7. IN VIA SUR IN DESERTO. Est hoc desertum inter Cades & Barad ex-

extensum ad mare rubrum, e regione Aegypti : ex Hic. Lib. de Locis Hebraicis.

V. 8. A FACIE SARAI. Personam dat.

V. 9. SUB MANU ILLIUS: sub potestate eius.

V. 10. Angelus a Deo missus solatur ancillam. Datur filio nomen Ismael *יִשְׁמָעֵאל*; hoc est, exaudivit Deus: & promissa multiplicatio Ismaelitarum, Asiam, atque Africam abunde replevit. Hi sunt quos Saracenos vocamus. *Manus eius contra omnes, & manus omnium contra eum*: vers. 12.

V. 11. Hic datur ratio, cur vocetur Ismael, quod ex Hieronymo est, exaudito Dei, vel audivit Deus. De huius semine vide cap. xvii. vers. 20. Ismaelitæ dicti etiam sunt Agareni, ab Agar, & postea Saraceni a Sara dici elegerunt.

V. 12. FIGET ISMAEL TABERNACULA E REGIONE FRATRUM. Habitarunt Ismaelitæ in regione Cedar, in de-

serto Pharan: habebant ad septentrionem Idumæos posteros Esau, ad meridiem Madianitas, ad orientem Amalechitas. E REGIONE UNIVERSORUM; hoc est, non sibi timebit ab ullo. Et quod eius heritatem declarat, in Hebr. vocantur onager. Etiam hodie Arabes dicuntur habitare in tabernaculis. Sunt ista tabernacula Cedar, ut noto Cant. 1.

V. 13. VOCAVIT, invocavit, oravit. *Vidisti*, respexisti ad afflictionem meam. *Dixit enim, Agar intra se: VIDI POSTERIORA*. Angelus averſa facie loquebatur ad Agar, & illa ait, *Vidi posteriora*; hoc est, imperſeſſe cognoscens eum qui me alloquebatur, inveni gratiam.

V. 14. Puteus isto, vers. 3. vocatus est fons; estque in solitudine Bersabee, sicut etiam Barad, nec longe a fluvio Aegypti; de quo cap. xv. vers. 18.

CAPUT XVII.

Abra repetuntur promissiones, ipsius, & Sarai nomina immutantur, circumciso præcipitur, filius ex Sara promittitur una cum successu Ismaelis, & Abraham circumcisionis præceptum exequitur.

Postquam vero nonaginta & novem annorum esse cœperat, apparuit ei Dominus, dixitque ad eum: Ego Deus omnipotens: ambula coram me, & esto perfectus. 2. Ponamque fœdus meum inter me & te, & multiplicabo te vehementer nimis. 3. Cecidit Abram pronus in faciem. 4. Dixitque ei Deus: Ego sum, & pactum meum tecum, (a) erisque pater multarum gentium. 5. Nec ultra vocabitur nomen tuum Abram; sed appellaberis Abraham: quia patrem multarum gentium constitui te. 6. Faciamque te crescere vehementissime, & ponam te in gentibus, regesque ex te egredientur. 7. Et statuam pactum meum inter me & te, & inter semen tuum post te in generationibus suis, fœdere sempiterno: ut sis Deus tuus, & seminis tui post te. 8. Daboque tibi, & semini tuo terram peregrinationis tue, omnem terram Chanaan in possessionem æternam, eroque Deus eorum. 9. Dixit iterum Deus ad Abraham: (b) Et tu ergo custodies pactum meum, & semen tuum post te in generationibus suis. 10. Hoc est pactum meum quod observabitis inter me & vos, & semen tuum post te: circumcidetur ex vobis omne masculinum; 11. & circumcidetis carnem præputii vestri, ut sit (c) in signum fœderis inter me & vos. 12. Infans octo dierum circumcidetur in vobis, omne masculinum in generationibus vestris, tam vernaculus, quam emptitius circumcidetur,

tur, & quicumque non fuerit de stirpe vestra : 13. eritque pactum meum in carne vestra in sœdus æternum . 14. Masculus, cuius præputii caro circumcisa non fuerit, delebitur anima illa de populo suo : quia pactum meum irritum fecit. 15. Dixit quoque Deus ad Abraham : Sarai uxorem tuam non vocabis Sarai, sed Saram. 16. Et benedicam ei, & ex illa dabo tibi filium cui benedicturus sum, eritque in nationes, & reges populorum orientur ex eo . 17. Cecidit Abraham in faciem suam, * & risit, dicens in corde suo : Putatne centenarius nascetur filius; & Sara nonagenaria pariet? 18. Dixitque ad Deum : Utinam Ismael vivat coram te. 19. Et ait Deus ad Abraham : (d) Sara uxor tua pariet tibi filium, vocabisque nomen eius Isaac, & constituam pactum meum illi in sœdus sempiternum, & semini eius post eum . 20. Super Ismael quoque exaudivi te : ecce benedicam ei, & augebo, & multiplicabo eum valde : duodecim duces generabit, & faciam illum in gentem magnam . 21. Pactum vero meum statuam ad Isaac, quem pariet tibi Sara tempore isto in anno altero . 22. Cumque finitus esset sermo loquentis cum eo, ascendit Deus ab Abraham . 23. Tulit autem Abraham Ismael filium suum, & omnes vernaculos domus suæ; universosque quos emerat, cunctos mares ex omnibus viris domus suæ : & circumcidit carnem præputii eorum statim in ipsa die, sicut præceperat ei Deus . 24. Abraham nonaginta & novem erat annorum quando circumcidit carnem præputii sui . 25. Et Ismael filius tredecim annos impleverat tempore circumcisionis suæ . 26. Eadem die circumcisis est Abraham & Ismael filius eius . 27. Et omnes viri domus illius, tam vernaculi, quam emptitii & alienigenæ, pariter circumcisi sunt.

(a) Eccl. xlv. 20. Rom. iv. 17. (b) Act. vii. 8. (c) Rom. iv. 11. Lev. xli. 3. Luc. iii. 24. (d) Isth. xlviii. 10, & xxi. 2.

B R U G E N S I S

ROMANÆ CORRECTIONES.

V. 4. Et pactum meum tecum. Superfluit verbum *penam*, quod adiciunt quidam.

V. 17. Et risit, dicens in corde suo. Hic verborum ordo, ut est certior altero, in corde suo dicens, ita antiquis Latinis atque Hebraicis libris congruentior.

C O M M E N T A R I A

S A.

Verf. 1. **A**MBULA CORAM ME; id est, da operam ut nihipla ceas: sic Psalm. cxiv. *Plocebo Domino*; ubi Hebr. *Ambulabo coram Domino*.

V. 5. ABRAHAM: ab אב pater, רב multum, בן multitudinem.

V. 7. GENERATIONIBUS SUIIS, idest temporibus suis, seu ætatibus suis. UT SIM DEUS TUUS, ET SEMINI TUO POST TE. Id erat pactum, scilicet ut cohererent ipsum tamquam Deum, Deusque illis beneficiaceret; seu, quod eodem recidit,

ipse illorum esset Deus. & illi eius populus.

V. 14. DELEBITUR; quasi dicat: non censetur de populo; vel: unus est morte. Vide Num. xix. August. cont. Pelag. & Celest. interpretatur: peribit ob peccatum originale morte æterna. FACTUM, scilicet de ligni prohibitionem in paradiso: August. II. de Nupt. IRRITUM FECIT, idest neglexit. August. XVI. de Civit. cap. xvii. ait: quando in Adam peccavit, irritum factum est.

V. 15. SARAI, idest principem meam, seu dominam meam. SARAM, idest principem, seu dominam.

V. 16.

V. 16. EX EO, scilicet filio; vel pro, *ex ea*, scilicet Sara. Hebr. & Chald. *ex ea*. LXX. *ex eo*.

V. 17. PUTASNE? Id dixit ex incredulitate. Hieron. III. contra Pelag. Alii ex admiratione dictum putant. Vide cap. XVI.

V. 18. CORAM TE; idest, te illius vitam approbante.

V. 19. ISAAC, idest risum, quia risit Abraham, Hieron. Dicerem potius, quia parentibus lætitiā attulit eius nativitas. *PACTUM*, scilicet de circumcissione, vel potius de Christo ex eo nascituro; quamquam id etiam per circumcissionem significabatur: vel illud de quo supra num. 7. in cuius signum data circumcisio.

V. 21. AD ISAAC; quasi dicat: Nascetur Christus ex Isaac, non ex Ismaele.

V. 22. ASCENDIT DEUS; idest, Angelus discessit, scilicet in cælum unde venerat.

E S T I I.

*Verf. 5. N*EC VOCABITUR ULTRA NOMEN TUUM ABRAHAM, &c. Sed cur viro nomen est augmentum, & mulieri diminutum? nempe pro Abraham, Abraham; & pro Sara, Sara? Resp. Certe mystica ratio est, quia per virum vis rationalis, per mulierem autem sensualitas intelligitur. Debet igitur semper in nobis pars superior, idest ratio crescere, & sensualitas decrescere. Unde & Abraham paulo ante dicitur: *Ambula coram me, & esto perfectus*; Sara autem paulo post increpatur, & reprimatur a risu, qui est actus sensualitatis, maxime quod etiam secundam Dei assertionem quasi ridiculam habuerit: risit enim & Abraham hoc capite, nec reprehensus est: de quo risu sic Ambrosius Libro I. de Abraham cap. IV. *Quod autem, inquit, promisso ex Sara filio, risit Abraham, non incredulitatis, sed exultationis indicium fuit.* Sic & Apostolus de eo (ad Rom. IV. 19.) *Nec infirmatus est fide, nec consideravit corpus suum mortuum.* QUIA PATREM MULTARUM GENTIUM CONSTITUIT TE. Hoc quidem ad litteram de carnali posteritate dictum est. Nam & Ismaelitis, Madianitis, & Idumæi ex posteris Abraham fuerunt, alique quatuordecim Genes. XXV. Minime tamen du-

bium ab Apostolo Roman. IV. pertinere hæc promissa ad semen spirituale; ita tamen ut promissio hæc Abraham facta non fuerit præstanda, nisi interveniente generatione carnali, qua Christus (in quo benedicendæ erant omnes gentes) ex eo secundum carnem prius nasceretur. Vide, si placet, Commentarium nostrum ad Rom. IV.

V. 7. UT SIM DEUS TUUS, ET SEMINIS TUI POST TE. Colligit hinc Calvinus, eo ipso quo quis est semen Abraham, ad eum pertinere promissionem Abraham factam. Sed responsio manifesta est, promissionem illam de benedictione spirituali intellectam, non ad carnale semen Abraham pertinere, sed ad spirituale, quemadmodum eam ipse Apostolus interpretatus est Roman. IV. & IX. Si enim carnale semen intelligas, iam ad neminem ex gentibus illa promissio pertinebit, sed ad solos & Abraham, & Isaac secundum carnem genitos. Si autem de spirituali semine intelligatur (sicut vere intelligendum est) nihil hæc ratio facit pro parvulis non baptizatis: non enim nisi per baptismum Abraham filii efficiuntur. Vide nostra in II. Sent. distinct. XXXI.

V. 14. MASCVLVS CUIVS PRÆPUTII CARO CIRCVMCISA NON FVERIT, DELEBITUR ANIMA ILLA DE POPULO SVO. Habetur huius rei illustre exemplum Exod. IV. Vide ibi. *DELEBITUR ANIMA DE POPULO SVO.* Alibi dicitur: *Peribit anima illa de populo suo.* Augustinus multis locis vocat æternam, & secundam mortem Lib. XIII. de Civit. cap. XIV. & Lib. XXI. cap. XVI. & XXI. Item Lib. I. de peccat. merit. cap. XXVIII. & alibi. Prosper quoque æternam miseriam vocat Lib. II. de vocat. Gent. cap. XXII. & XXIV. *DELEBITUR ANIMA ILLA DE POPULO SVO, QUIA PACTUM MEUM IRRITUM FECIT.* Ad litteram, hoc videtur ita intelligendum, ut per tura dicatur anima masculi non circumcisi, quia circa eum non fuerit observatum pactum circumcissionis, qua sola posset perditionem evadere; sicut hodie perire dicitur infans, quia non est baptizatus; id est, eo quod institutio baptismi, quo solo salvari potuit, circa eum non fuerit observata. Quamquam subinde Patres illud intelligant de pacto seu præce-

Hh pro

pro Dei a primo parente violato; quo dictum erat: *Quocumque die comederis*, &c. quod pactum irritum fecisse dicitur infans eo sensu, quo dicit Apostolus Roman. v. *In Adam omnes peccasse*. Hoc modo interpretatur Auguft. Lib. XVI. de Civit. cap. xxvii. ubi tamen etiam priorem intellectum adiiicit. Quæ sane videtur magis germana esse illius sententiæ expositio. Vide nostram in IV. Sent. dist. i.

V. 25. ISMAEL TREDECIM ANNOS IMPLEVERAT TEMPORE CIRCUMCISIONIS SUÆ. Hinc scilicet Ismaelitæ, sive Agareni, qui læ Saracenos vocant, & Mahometicam sequuntur religionem, etiamnum multi decimo tertio ætatis anno circumciduntur. Non tamen omnes Mahometani servant hunc morem, sed quidam serius, quidam tardius circumciduntur; ut fit, quando relicta lege Dei quicquid sibi vult legem fingere.

M A R I A N A E.

Verf. 1. **A**MBULA CORAM ME: mihi placeat stude: sic Psalm. cxiv. vers. 9. pro *Placebo Domino*, Hebr. est *Ambulabo coram Domino*.

V. 5. NEC ULTRA VOCABITUR NOMEN TUUM ABRAM. In circumfisione mutatur nomen. Nova appellatio, novi mores. *Abram, pater excelsus; Abraham, pater turbæ*: quia pater turbæ gentium. *Sarai item princeps mea; Sara, princeps abfolute*, ob copiam posteritatis. Vide Philonem de nominibus mutatis.

V. 6. ET PONAM TE IN GENTIBUS. Hebr. *in gentes*. Sic Sept. hoc est, faciam ut ex te multæ gentes nascantur.

V. 7. IN GENERATIONIBUS SUIIS; pro, in temporibus suis statuam pactum cum filiis & posterituis. UT SIM DEUS. Id erat sedus.

V. 8. IN POSSESSIONEM AETERNAM. Vox *נצח* *abazab* significat hereditatem, & possessionem fundorum, non rerum moventium: sic bene iungitur cum voce *aeternam*. EROQUE DEUS VORUM; quasi dicat, ea lege dabo terram, si me ut Deum suum coluerint.

V. 10. HOC EST PACTUM MEUM. Signum pacti fuit circumficio, ut vers. 11. habet: pactum enim erat ut illi Deum colerent, Deus illis daret terram illam. CIR-

CUMCIDETUR EX VOBIS; pro, circumcidetur itaque in vobis.

V. 12. CIRCUMCIDETUR IN VOBIS OMNE MASCULINUM. In iustitiæ operibus non fecerunt viri & feminae. Quare præcipiens masculos circumcidi, tantum ostendit ea sacramenta, & circumfisionem non facere iustos, sed esse egena elementa, quod docet Paulus ad Roman. iv. De quo Iulianus contra Tryph. & Irenæus Lib. IV. cap. xxx.

V. 14. DELEBITUR ANIMA ILLA. Reus mortis apud Iudices erit qui non circumcidetur, aut de libro iustorum delebitur. QUIA PACTUM MEUM IRRITUM FECIT, vel hoc, vel antiquum in Adamo, quod infantes etiam violant: sic Auguft. II. de Nupt. & concup. cap. xi.

V. 16. CUI BENEDICTURUS SUM ET REGES POPULORUM ORIENTUR EX EO. In Hebr. *cui*, & ex eo, feminini generis sunt, & utrumque refertur ad Saram. Sed quoniam per filium futura hæc erant, interpretatur o in sententia non discrepat. Sept. etiam ad filium ea retulerant, dicentes, ex eo.

V. 17. ET RISIT. Chald. *Et gavisus est*. Itaque risum fuisse ex lætitiâ credidit. Et interrogatio, PUTASNE CENTENARIO NASCETUR FILIUS? ex admiratione: alioqui infidelitatem increpasset Deus. Putasne centenario. Abraham Sara maior decem annis. Id Aristot. præcipit, cum virum triginta, feminam viginti annorum connubio iungit.

V. 18. UTINAM ISMAEL VIVAT CORAM TE, te volente: vel ita vivat ut tibi placeat, tuisque obediat mandatis.

V. 23. STATIM IN IPSA DIE. Hebr. *In corpore dici huius*, nempe cum multum diei superesset, non necit moras. non expectat finem dici in re quamvis difficillima. Similis locutio cap. vii. vers. 13. de Noe.

V. 25. ISMAEL FILIUS TREDECIM ANNOS IMPLEVERAT. Ex hoc posteri Ismaelis observabant ut non ante annum tertiumdecimum filios circumciderent, Auctore Ioseph. I. Antiquit. cap. xx. Hinc constat falli Diodorum Siculum, cum Lib. I. dixit, Iudæos ab Aegyptiis circumfisionem accepisse: accipere enim a Deo, ab ipsis Sacerdotes Aegyptii, Arabes, Phœnices, Aethiopes, Chaldæi, & Saraceni; uti

uti Origenes, Eusebius, Cyrillus & Hieronymus tradidere.

M A L V E N D A E.

Verf. 1. **O**MNIPOTENS. Hic primum se offert שדד Schaddai unum de principibus Dei nominibus, de cuius vi, & significato reponam hic quæ viri Hebraicarum litterarum usu & experientia exercitati tradiderunt. Quidam a שדד Schaddad delucunt, id est *vassare*, quasi *vassatorum* dicas, *potentem*, & *invictum*, cui ne mo queat resistere; & qui ea potentia, qua omnia ex nihilo fecit, possit eadem omnia vassare, & in nihilum redigere, modo velit. Hoc nomen traxisse vastationem mundi in diluvio, quidam hariolantur. Alii Schaddad putant generaliter significare in universum permeare, *peruniversitare*, sive in bonum, sive in malum; nimirum in universum dare, vel adimere; ubertim & affluenter dare; vel vastando & depopulando diripere & auferre; quamquam verbaliter semper in malam partem accipitur. Hinc שדד Schad, id est *mamma*, *uter*, quia illius humor & succus per universum corpus consensu permeavit, & puerorum quoque corpora permeat, irrigat, humectat, & alit. Inde etiam attributum Dei Schaddai, quasi dicas, *Permeator*, *peruniversator*, *uberrimus*, cuius bonitas permeat per universas creaturas, dans illis essentiam, vitam, & motum. Et ut alias a שדד *rechem*, *matrice*, *visceribus*, dicitur שדד *rachum*, id est visceratissimus, misericordissimus, Hispanice *Entranable*: ita a שדד *mamma* appellatur Schaddai, id est mammeatus (qua voce usum Plautum in Pænulo, annotat Nonius) *mammus*, *mammosus*, *multimammus*; ut veteres gentiles vixere Dianam, & Iidem, seu Cererem mammosam, & Venerem multimammam; quasi dicas, *mammosissimus*: nimirum quod Deus omnia eo caritatis affectu & amore nutriet quo mater infantem uberibus applicando fovet, lacteque alit, & irrigat. Sic etiam ab ubere uberrimus dicitur; quasi dicas, *Divina ubertas*, *copia*, *vis*, *succus*, *humor universalis*. Reception tamen, & frequentior est eorum sententia, quæ Schaddai compositam vocem esse volunt, ex שדד *sche* relativo coniuncto, & nomine שדד *dat*, *sufficiens*, *abun-*

dantia, *copia*, *ubertas*, *plenitudo*, *satietas*, *copie cornu*, quasi dicas, *Cui sufficiens, sufficientissimus, abundantissimus, copiosissimus*, quod ipse per se se non modo omnibus bonis abundet, ut ille cecinit: *Ipsa fecis contenta opibus, nihil indiga nostris* sed etiam alijs abunde tribuat, sicut Ioannes de Filio Dei dicit cap. 1. *vers. 16. Et de plenitudine eius nos omnes accepimus*. Et 1. *Timoth. vi. 17. In Deo vivente, qui præstat nobis omnia abunde ad fruendum*. Ac similem nominis rationem quidam Hebræorum adducunt, ideo Deum dictum *Schaddai*, quod ipse abundet, omnesque omnium creaturarum defectus expleat, omnibusque creaturis dei sufficientiam suam: & ut Paulus ait 11. *Corinth. xiii. 5. Sufficiens nostra ex Deo est*. Hanc nominis significationem mire a Paulo explicatam volunt Act. xviii. 24. *Deus, qui fecit mundum, & omnia quæ in eo sunt, hic, calis & terre cum sit Dominus, non indigens aliquo, cum ipse det omnibus vitam, & inspirationem, & omnia; in ipso enim vivimus, & movemur, & sumus*, &c. Sic 1. *Corinth. xii. cum multa & diversa hominum dona ordine commemorasset, tandem vers. 6. Sed idem est Deus operans, seu efficiens omnia in omnibus*. Et *vers. 11. Sed hæc omnia operatur, seu efficit unus ille & idem spiritus, dividens peculiaaria singulis prout vult*.

Ex his igitur omnibus facile nominis Schaddai significationem colligunt, quod non tantum aut simpliciter de Deo dicatur, eoquod sit omnipotens, & omnia possit; sed etiam quod proprie sit sufficiens, qui in se, & a se sufficiens, abundantiam, ubertatem, copiam omnimodam habeat, ita ut nullius ope egeat; sed in se sufficiens sit ad eam considerandam omnibus, ad protegendum, & ad promissa servanda, & explendis defectus omnium: quin etiam quod sit efficax, & efficaciter omnia in omnibus operetur & faciat; ipsiusque cura, providentia, sapientia, bonitate, efficientia, influxu cuncta existant, vivant, & moveantur: omnes homines, atque etiam creaturæ universæ de eius inexhausta plenitudine, & immensa copia existantiam, vitam, motum, operationes tamquam ex æterno, & inexhausto thesauro accipiant, & depromant. LXX. variè nomen Schaddai reddere solent. aliquando ΚΤΡΙΟΣ, *Dominus*; interdum ΙΚΑΝΟΣ,

sufficiens; ὁ ἴδιος ΠΑΝΤΟΚΡΑΤΩΡ, *omnipotens*. Iob xxix. 5. *Materia copiosus valde*. Symmachus, & Theodotion ΙΚΑΝΟΣ, *sufficiens*; Aquila, ΑΑΚΙΜΟΝ, *robustus, sufficiens*; Græci Patres ΑΤΤΑΡΚΗΣ; Noſter, & Latini communiter *Omnipotens*; Quidam recentiorum, *Viſtor*. Notant, quando adiungitur nomini *et*, ut hic, poni vice epitheti, & attributi: *Ego, Eſ ſchaddai, Deus Sufficiens*.

AMBULA CORAM ME. Hebr. eſt verbum in Hiſthabel, id eſt *ambulare te fac*. Quidam, *Indefinenter ambula coram me*; id eſt, te ipſum curæ meæ, protectionique committe; ac ſtatue actionum, cogitationumque tuarum omnium me eſſe arbitrum. Sic infra cap. xxiv. verſ. 40. cap. xlviii. verſ. 15. & ſupra cap. v. verſ. 24. & cap. vi. verſ. 9. & Pſalm. cxv. verſ. 9.

P. 3. CECIDIT ABRAM PRONUS IN TERRAM. Notant non ſolum quod divinæ maiestatis præſentia perterreſceret, ut de Moſe legitur Exodi iii. verſ. 6. & alibi paſſim in veteri & novo teſtamento; aut quod ex officio honorem exhiberet maiestati Dei, ut ſynecdochice accipitur Levit. ix. verſ. 24. ſed potius quod gratias Deo ageret de beneficio ſœderis oblato, hac corporis inclinatione gratum animum ſuum ſignificans, ut infra verſ. 17.

P. 4. DIXITQUE EI DEUS, nimirum, poſtquam ſe erexiſſet, ut colligitur e verſ. 17. ubi rurfus procidiſſe dicitur. MULTARUM GENTIUM. Hebr. *Multitudinis gentium*. *non hamon* eſt cuiuſlibet rei multitudo, copia, turba: ſic diſta a tumultu ſeu ſtrepitu, aut fremitu, quem excitat: immo & pro ipſo tumultu, ſeu ſtrepitu ponitur, perinde ut Græcis ὄχλος, & turbam, & tumultum ſignificat. Lucæ xxi. 6. *Et querebat opportunitatem, ut traderet eum ſine turba*. Myſterium huius promiſſionis enucleat Paulus Roman. iv. verſ. 11. 16. & 17. Alioqui pater fuit decem tribuum, Iſmaelitarum, & Idumæorum, & natorum Keturæ: ex quibus multæ gentes ortæ ſunt, reſeque profluxerunt.

P. 7. FODERE SEMPTERNO, ſcilicet in Chriſto, quod ad ſubſtantiam perpetuo continuandum eſt, celi mutabilibus ſymbolis.

P. 8. IN POSSESSIONEM AETERNAM, vel ſeculi. Notant עולם *gloſiam* hic ſignificare tempus illud dumtaxat quo ſue-

runt Iſraelitæ in terra Chanahan: quod equidem determinatum & finitum fuit. Vel, in poſſeſſionem duraturam, antiquam, ſeu olim, aut longi, & occulti temporis. Quidam exponunt: Id eſt re quidem & veritate ſymboli, ſeu ſacramenti in perpetuum duraturam; ſymbolo vero & ſacramento ipſius, prout ſymbolorum perpetuitas poteſt conſiſtere. indefinitam ex voluntate Dei, donec ſymbolorum veritas, & complementum advenit ſemper duraturum. Sic enim res indefiniti temporis tropice appellari ſolent, etiam in profanis auctoribus, ut in verſu illo Horatii:

Serviet æternum qui parvo neſciet uti.
Et Terentius Eunuch: *Spero æternam inter nos gratiam fore*. Virgilius II. Georgicorum:

.... glebaque verſis

Æternum frangenda bidentibus...

Et AEneid. XI.

Æternum telorum, & virginis amorum.

Et ita paſſim loquuntur.

P. 9. CUSTODIES. ὁ δὲ ſchamar aiunt importare curam, ſolicitudinem, ſtudium, diligentiam cuſtodiendi, retinendi, & aſſervandi aliquid, ne amittatur, aut elabatur, aut excidat, vel perdat. Sic accipitur verbum Chriſti Lucæ xi. verſ. 28. *Beati qui audiunt verbum Dei, & cuſtodiunt illud*; id eſt, firmiter retinent, nec patiuntur ſibi excuti. Sed plus id ſignificat; id eſt, qui exequuntur, opere complent, perficiunt, qui ex præſcripto verbi Dei vitam, & actiones ſuas inſtituunt, & quæ Deus facienda præcipit, faciunt: quæ ratione ſumitur Deuteronomii xxxiii. 9. nempe *ſervare mandata*, ut inquit Chriſtus.

P. 11. ET CIRCUMCIDETIS CARNEM PRÆPUTII VESTRI. Obſervant, circumciſionem carnalem, eſſe pelliculæ, qua virgæ glans, ſeu balanus obtegatur, circumſectionem & amputationem: & quia promiſſio Abrahamæ facta erat de ſemine, ideo circumciſionem inſtitutam a Deo in membro genitali, ut hoc æterno circumciſionis ſigno Abraham ſeminis promiſſi admoneretur. Deinde circumciſionem maſculino tantum generi fuiſſe mandatam, ut Iudæi illa admonerentur peccati originis, nempe omnes ſemine virili propagatos eſſe peccatores, & obnoxios iræ Dei, & æternæ damnationi: ſed ideo parum generi ie-

femineo, quod quidam nasciturus esset ex femina sine virili femine, Filius nimirum Dei, Dominus noster Iesus Christus conceptus de Spiritu sancto, natus ex Maria Virgine, benedictum illud semen in quo benedicendæ erant omnes gentes, & cognationes terræ. Mysterium circumcisionis exponit Paulus Rom. iv. vers. 11.

V. 12. ET QUICUMQUE NON FUERIT DE STIRPE VESTRA. Hebr. *De omni filio alienigenæ, qui non de femine tuo ipse*. Notant, ut *כֹּחַ maccar* notum aliquem, & cognitum significat, qui scilicet est unius & eiusdem feminis, generis, nationis, religionis, earumdemque legum; ita & contrario *כֹּחַ nechar* significat nothum, id est talem personam, aut rem quæ non est unius & eiusdem feminis, nationis, religionis, earumdemque legum, sed illegitimam, alienam, extraneam a proprietate & veritate, id est notham, ignobilem. Quare ut apud Hebræos discrimen est inter *maccar* & *nechar*; ita apud Latinos inter notum & nothum, nobilem, & ignobilem. Varro Lib. IX. de lingua Latina: *Nothum ex peregrino hic natum*. Quidam hic vertunt: *De omni filio extraneitatis, alienationis, qui non*, &c. Alii: *De omni filio discretionis, separationis*, id est extraneo, separato, &c. Noster hanc vocem reddere solet, per alienum, alienigenam, advenam.

V. 14. DELEBITUR. Hebr. *exscindetur*; id est, vel non annumerabitur, accensebitur inter fideles, nec erit particeps beneficiorum ac promissionum Dei: vel interficietur, tolleretur e medio, extirpabitur. IRRITUM FECIT. *הִפְחִיז bephar*, in Hiphil usitatus est in Scriptura. Noster frequentius vertit *dissipare*; frequentissime *irritum facere*, Ezechiel. xvi. 15. & cap. xli. 7. *dissolvere*, Psalm. lxxxvi. 11. 34. *dipergere*, Isaïæ xiv. 27. *infirmare*, Iob xv. 4. *evacuare*, Psalm. lxxxiv. 5. *avertere*, Ezechiel. xvi. 19. *prævaricari*, Numeror. xxx. 13. *contradicere*. Notant, verbum proprie significare *labefacere*, *labefacere*, *frangere*, *mutilare*, *abrogare*, *abolere*, *irritum*, *casum reddere*, *facere*. Opponi aiunt verbo *הִפְחִיז bekim*, quod est, *statuere*, *stabilire*, *firmare*, ut Numeror. xxx. 14. Per *מַרְאֵיִזוּ bephar* Paulus Rom. 111. 31. *Legem ergo destruimus*, *abrogamus*, *irritum facimus per fidem*? *Abfit*; sed *legem stabilimus*. Sic etiam Gal. 111. 17.

V. 17. ET RISIT. *פִּנָּס tzachak* ex agnatis verbis aiunt significare *alleviationem*, seu *levationem in animo hilaris, qui in risum solvitur*. Hebræi ex uno fonte quinque significata ei tribuunt, *videre ore*, *letari*, *iocari*, *ludere*, *sublannare*; esse autem hoc verbum hic non dubitantis, sed admirantis, exuberantisque gaudii; uti a Paulo Roman. iv. & Hebr. xi. utriusque, & Abrahamæ, & Saræ fides celebratur. Putant Christum Ioan. vi. 11. 56. ad hunc locum respexisse, & verbum *tzachak*, gaudendi & exultandi verbo expressisse: *Abraham pater vester exultavit ut videret diem meum*: *vidit*, & *gavisus* est.

V. 19. SARAH UXOR TUA. Omisit reddere particulam *אֵת abet*, quam notant esse indeclinabilem, & consignificativam; significare autem protractionem sermonis, seu continuitatem, & asseverationem prioris membri; nimirum, *At, est, sed, attamen, verumtamen, quin etiam, insuper, immo, vere, certe, profecto, sane, maxime Sarah uxor tua pariet, &c.*

V. 20. DUCES. *נְסִיכִים nescbiim*, *prelatos*, *primates*, *principes*, quasi levatos, aut elatos super alios.

V. 21. ASCENDIT DEUS AB ABRAHAM. Notant, verbum *הִיגְבַלח abah*, quando de Deo, vel de gloria Dei, vel aurore, vel nube, vel rore, vel Angelo, vel visione dicitur, quæ sunt res, ut ita dicam, spirituales & cælestes; tum idem significare quod recedere, subduci a conspectu, & oculis hominum, hoc est disparere: quod eiusmodi res cælestes & spirituales, cum e conspectu nostro subducuntur, sursum ferri videntur. Unde hic vertunt: *Et sublatus est Deus ab Abraham*; vel *ascendens disparuit*. Hanc phrasim imitatum voluit Lucam, cum de Christo dixit cap. xxiv. 51. *Et discessit, diremptus*, seu *inconspicuus factus* est illis, id est, *desiit illis esse conspicuus*, *subdixit se ab illis*; & *sursum ferebatur in cælum*. Indecolligunt Deum, vel Angelum visibili & aspectabili specie apparuisse Abrahamæ, ut vers. 1. huius capitis innuitur. Vide cap. xxxv. vers. 13.

V. 23. ET CIRCUMCIDIT CARNEM PRÆPUTII EORUM. Non solum Hebræi, sed & aliæ gentes amplæxæ sunt circumcisionem. Iosephus Lib. I. in Apionem, pag. 1407. *Verum neque Herodotus Ha-*
licar-

licanæffcus noſtram ignoravit gentem ; ſed quodammodo eius meminiffe cognoſcitur . De Colchis enim referens , in ſecundo Libro ſic dicit : Soli autem inter omnes Colchis , & Aegyptii , & Aethiopes verenda ab initio circumcidunt ; Phœnices vero , & Syri in Paleſtina conſtituntur hoc ab Aegyptiis didiciſſe . Syri autem qui circa Thermoontem & Parthenium fluvium commorantur , & iis vicini Macrones , a Colchis dicuntur nuper didiciſſe . Hi namque ſunt inter homines ſoli qui circumciduntur : & iſti ſicut Aegyptii ſacere dicuntur ; de Aegyptiis autem & Aethiopi- bus dicere non poſſum , utri ab alteris didice- re . Dixit ergo Syros , qui in Paleſtina ſunt , circumcidi . Omnium autem qui habi- tant Paleſtinam , ſoli Iudei circumciduntur . Hoc igitur ſciens de iſtis dixit . Quod Iudæi ab Aegyptiis circumciſionem didice- rint , nugæ , cum fuerit divinum manda- tum Abraham factum . Aegyptos , Syros , Arabes , Iudæos circumciſionem amplexos docet quoque Dioſcorus Siculus Lib. I. cap. xxviii. & lv. idem tradit de Troglodytis Lib. III. cap. xxxi. Ridicule etiam Strabo Lib. XVI. pag. 530. de Creophagus ; Glandes mutili , & mulieres eorum Iudaice exciſe . Aethiopes Abyſſini etiam hodieque femi- nas circumcidunt , ut auctores ſunt Fran- ciſcus Alvareſius de rebus Aethiopicis cap. xxii. & Damianus Goes de moribus Aethiopum .

M E N O C H I I .

Verſ. 1. APPARUIT DOMINUS . Hæc apparitio iſeo inſtituta ne putaret Abram promiſſionem feminis cap. xv. factam per Iſmael completam . *DEUS OMNIPOTENS ;* quaſi dicat , qui volo , & poſſum . *AMBULA CORAM ME ;* ſtude in omnibus mihi placere . *LXX. incipit , bene placens eſſe .* ESTO PERFECTUS : enitere ad culmen virtutum cun- ctarum , *LXX. irrepheſibilis .*

V. 2. PONAMQUE : promiſſionem ra- tam faciam . VEHEMENTER NIMIS . Hebraiſmus , plurimum , plurimum .

V. 3. CECIDIT , adorans , & gratias agens .

V. 4. EGO SUM : ego ille qui ſolus ſum , qui ſtabilis ſum , & immutabilis in promiſſis . PATER MULTARUM GEN- TIUM , Iudæorum , & Gentilium : præ-

cipue vero reſpicit ad ſemen cœliſte Chri- ſtum , & ex eo , ac per eum fideles Abra- hæ filios .

V. 5. NEC ULTRA VOCABITUR NOMEN TUUM ABRAHAM ; SED AP- PELLABERIS ABRAHAM . Abram ſigni- ficat patrem exc-ſum ; Abraham patrem multarum gentium .

V. 6. REGESQUE : ex Eſau Idumæo- rum , & Amalecytarum , ex Iacob Iſrae- lis , & Iuda . STATUAM , confirmabo . *GENERATIONEUS SUIS ,* temporibus eorum . *FOEDERE SEMPITERNO :* diuturno valde , quamdiu ſervabunt pactum . Si vero ſermo ſit de ſemine ſpirituali , plane in perpetuum .

V. 9. DIXITQUE ITERUM , intermiſ- ſo nonnihil ſermone .

V. 10. HOC EST PACTUM , id eſt ſi- gnum pacti mei , *CIRCUMCIDETUR EX VOBIS ,* qui fidem Abraham proſitebuntur , *OMNE MASCULINUM .* Mafculis tantum imperata circumciſio .

V. 11. CARNEM PRAEPUTII . Locus hic circumciſionis . & non in alio membro delectus , quia in hoc membro ſe effectus peccati inobediencie primum manifeſtavit : & quia fuit ſignum fidei qua credebatur Abraham Chriſtum ex ſe naſciturum . Praeputium eſt pellis glandem tegens . *IN SIG- NUM FOEDERIS .* Data circumciſio ut eſſet ſignum pacti ab Abraham cum Deo initi . II. erat circumciſio ſignum repræſen- tativum fidei Abraham . & iſtitæ per eum adeptæ , Rom. iv. III. erat ſignum diſtin- ctivum fidelium ab infidelibus Iudæorum , ſcilicet a gentilibus . IV. erat ſignum pur- gativum peccati originalis . V. præfigura- tivum baptiſmi .

V. 12. INFANS OCTO DIERUM . Præciſe octavo die , quia ante hunc nimis adhuc tener , necante ſeptimum diem com- pletum , certitudo ulla eſt vitale ſore . Si ante octavum diem infans periclitaretur , poterat æque ac ſemine ſalvati reme- diis ac ritibus legis naturæ . Iuſta etiam de cauſa poterat ultra octavum diem diſſerri , ut in deſerto dilata eſſet per 40. annos , Iſoſue v. 6. *CIRCUMCIDETUR .* Aliqui putant cultro lapideo , tali enim uſus eſt Moſes , Exod. iv. & Iſoſue cap. v. ſed nihil tale hic præcipitur , & Iuſtinus contra Tryphonem teſtatur ſua ætate Iudæos ſerreo cultro uſos . *TAM VERNACU-*

CULUS, QUAM EMPITIUS, CIRCUMCIDETUR, ET QUICUMQUE NON FUERIT DE STIRPE VESTRA. Hebræa sic habent: *Omnis servus domi natus, & empitius qui non est de semine tuo, circumcidendo circumcidetur*. Aliqui putant tam servos, quam famulos liberos iussos circumcidi. Alii nullum adultum servum hic obligari ad se, vel suas proles circumcidendas, nisi ipse sponte in id consentiat. Tandem alii existimant omnes servos etiam adultos, non autem famulos iuberi circumcidi. Omnes illæ sententiæ habent suos auctores, & rationes. Cornelius a Lapide tertiam veriorē putat. Secunda est Pererij, & Suarez.

V. 14. DELEBITUR ANIMA ILLA DE POPULO SUO; id est, quicumque etiam infans circumcisi non fuerit, non modo ad hunc populum meum non pertinebit, sed etiam cum ad adultam ætatem pervenerit morte punietur, quod circumcisiōnem neglexerit. QUIA PACTUM MEUM IRRITUM FECIT, in adolescentia, cum rationis compos factus negligentiam parentum supplere debuit. Veletiam irritum fecit pactum in infantia, quia pactum meum vel casu, vel parentum vitio in eo irritum fuit, & violatum.

V. 15. NON VOCABIS SARAI, SED SARAM. Sarai idem significat quod domina mea, vel princeps mea. Sara vero absolute significat Principem, ac dominam; quasi dicat: Sarai hæcenus unus mariti, & familie fuit domina; iam vero erit Sara, id est absolute princeps, & domina: quia erit mater gentium plurium, immo cunctarum per Isaac, ex quo Christus, qui est pater omnium gentium fidelium & Christianarum.

V. 16. BENEDICAM EI: naturæ vitiiis subitis fecundam reddam. CUI BENEDICTURUS SUM, non filio, sed Saræ: nam Hebræice est femininum.

V. 17. RISIT: non dubitavit, sed quasi ad rem novam obstupescens, & gratulans. Chaldaeus habet, *Gavisus est*. Hinc ex admiratione nata interrogatio: PUTASNE CENTENARIO NASCETUR FILIUS? Si duritasset, a Domino reprehensus fuisset. Divus tamen Hieronymus, & D. Chrysoſt. dubitasse censent.

V. 18. UTINAM ISMAEL VIVAT CORAM TE: non modo sit superstes, sed

honeste, & sancte vivat: hoc enim votum Abraham: hoc significat illud *coram te*.

V. 19. ISAAC. Isaac rifum significat. Sic autem dictus est propter rifum Abraham, & non propter rifum Saræ, quæ nondum riserat. Postea Sara pariter ridens & gaudens de filio sibi nato hoc nomen iam datum iterat, & confirmat infra cap. xxi. 6. CONSTITUAM PACTUM MEUM ILLI: quæ pacto promissi, pergent ad posteros tuos per Isaac, non per Ismaelem.

V. 21. AD ISAAC, cum Isaac. ANNO ALTERO, anno proxime sequenti.

V. 23. STATIM IN IPSO DIE: prompte obediens Deo.

V. 25. TREDECIM. Hinc (teste Iosepho Lib. I. cap. xii.) Saraceni desumpserunt ritum circumcidendi suos anno ætatis 13. aperte a lege Dei Abraham data, recedentes.

TIRINI.

Verf. 5. **N**EC ULTRA VOCABITUR NOMEN TUUM ABRAM, id est pater excelsus; SED APPELLABERIS ABRAHAM, id est pater magnæ multitudinis. Sic infra verf. 15. *Sarai uxorem tuam non vocabis Sarai*, id est dominam meam; sed *Saram* absolute, id est dominum, quia plurimum nationum, & regum erit domina, & mater; immo cunctarum gentium per Isaac, & Christum filium suum erit spiritualis mater. Ita S. Hieronymus, Ambrosius, & alii.

V. 7. UT SIM DEUS TUUS, ET SEMINIS TUI. Hoc est sœdus quod in eo vobiscum: ex vestra parte requirit ut me perpetuo pro Deo habeatis colatisque; ex parte vero mea continet tria, quæ vobis præstabo. Primum ut in immensum multiplicemini, ut dicitur verf. 2. 4. 6. Secundum ut terram Chanaan tradam vobis possidendam, verf. 8. Tertium ut ex semine tuo Messias procreetur, verf. 16. hic, & cap. seq. verf. 18. Erit vero hoc pactum meum, seu signum huius mecum sœderis, in carne vestra, quam circumcisedis in omni masculo, etiam vernaculo, etiam emptitio, & quicumque de familia vestra esse & manere voluerit. Volbat enim Deus non solos posteros Abraham, sed etiam totam illorum familiam, adeoque totum populum per circumcisiōnem Deo con-

consecrari, & hoc signo ab aliis seu impiis, seu idololatriis fecerim: ne qua forte eiusmodi contagio per servos alienæ religionis invehetur in populum Dei. Unde patet, circumcissionem non fuisse tantum signum memorativum pacti hic ab Abraham initii cum Deo; sed etiam secundo signum repræsentativum veræ fidei & religionis, propriæ in adultis, alienæ in infantibus. Hinc tertio quoque erat signum demonstrativum simul, & purgativum peccati originalis in posteris Abraham. Quarto erat distinctivum populi Dei ab omnibus aliis. Denique præfigurativum baptismi Christianorum. Ita SS. Patres & Doctores.

P. 14. MASCULUS, CUIUS PRÆPUTII CARO CIRCUMCISA NON FUERIT, DELEBITUR ANIMA ILLA DE POPULO SUO; id est, occidetur morte corporali: neque enim aliter ea phrasibus sumitur in Scripturis a. Hæc poena iolos adultos tangebatur, & infantes postquam adoleviscent. Præceptum tamen erat parentibus, ut octavo die infantem circumciderent. Ante illum diem non licebat, quia infans nimis tenellus. Post illum iusta de causa poterat differri, ut in deserto per quadraginta annos nemo circumcissus fuit, quod omni hora incerti essent de itinere profequendo. Ita Iosephus, Theodoretus, & alij. Quod si mortis interea periculum ingrueret, poterat privilegio & ritu antiquo iuvare infans, & quocumque alio externo actu fidei per parentes vel amicos exhibito, expediri a peccato originali; uti poterant feminæ Judaicæ, & alij omnes aliarum nationum populi. Nam præceptum circumcisionis tangebatur solos illos Abraham posteror qui erant & habebantur filij promissionis, seu semen Patriarcharum: quales fuerunt soli filij & posterij Jacob. Unde Ismaelitis seu Agareni, iam Saraceni, item Idumæi posterij Esau, filij Cethuræ, & alij, etsi ex Abrahamo prognati, quia tamen non habebantur filij promissionis, non obstringebantur aliter huic præcepto quam vernaculi, vel servi, nempe non nisi quia, & quamdiu cum semine promissionis habitabant, unamque cum illis familiam constabant: unde separatione facta, poterant omittere circumcissionem, etiam retento apud se vero Dei cultu. Plures tamen illorum, uti etiam Ammonitæ, Moabitæ, & Aegyptii, teste b Philone,

Iosepho, & Herodoto, eam ex pia consuetudine retinuerunt; non omnes generaliter, sed plurimi: neque ut ceremoniam sibi præceptam, neque ut sacramentum ad expiandum originale peccatum, neque ut signum fidei vel obedientiæ erga Deum, multo minus ut professionem venturi Messiae, sicut Iudæi faciebant; sed ut liberum morem, & sanctum ritum, a Deo acceptum, a maioribus observatum, atque id temporis passim laudatum & honoratum. Ita Suarez c. Quia eadem de causa etiam Mahomet suis sectatoribus circumcissionem præscripsit. Putat Sanctus Augustinus, Bernardus, & Magister Sententiarum, circumcidi solitus cultro lapideo, quia illo usæ est Sephora Exodi iv. & Iosue capite v. Sed nihil tale præscriptum fuit; immo Iustinus d testatur, Hebræos sua ætate usos cultro ferro. Ita etiam sentit Hugo Victorinus, Sanctus Thomas, Lyranus, Tostatus, & alij. Poterant etiam a quolibet, & quovis loco circumcidi.

(a) Num. ix. vers. 13. Exodi xxi. vers. 15. & cap. xxxi. vers. 14. &c. Vide Caiet. & Bonif.

(b) Philo Lib. de Circumcisione. Ioseph. Lib. XIII. Antiq. cap. x. Herodot. in Clio.

(c) Suarez III. Part. q. lxx. dist. xxxi. sect. 2.

(d) Iust. contra Tryphonem.

GORDONI.

Verf. 1. EGO DOMINUS OMNIPOTENS. וְאֵנִי יְהוָה מְלֵאדָאִי. Heb. וְאֵנִי יְהוָה מְלֵאדָאִי, sufficientia; sic iustissimissimus est Deus sibi, & aliis, qui satiat & replet omnia; & Aq. xvii. dicitur non indigens aliquo, ἀντρίπνοα. AMBULA CORAM ME: fac ut mihi placeas.

P. 2. PONAM FOEDUS; hoc est, iam antea positum habeo ratum: de quo supra cap. xvi. nec debet hic aliud novum, & diverſum foedus intelligi.

P. 4. EGO SUM; hoc est, sum ego qui pactum meum ponam tecum; vel ecce ego pono pactum tecum. Succedit mutatio nominis.

P. 5. Mutat nomen Abram אַבְרָם, excessus. אַבְרָם, altum. Abraham אַבְרָהָם, pater excessus multitudinis: דָּוָן. multiplicari. Alii aliter: non moror.

P. 6. PONAM TE IN GENITIBUS; id est, ut ex te nascantur multæ gentes.

P. 7.

V. 7. **UT SIM DEUS.** In hoc erat foedus, ut coleretur tanquam Deus.

V. 10. Signum est initi pacti circumcisio, signum fidei Abrahæ acceptæ in præputio, Rom. iv. & sublato peccati originalis, præfigurans baptismum, & distinguens Iudæos a gentibus. Recepta circumcisio tandem a Saracenis, non ad professionem legis Moisaicæ, sed ex consuetudine gentis, & imitatione. Poterat ob periculum vitæ differri post octavum diem; sed non licebat antevertere; etiam in deserto intermissa est, ob molestias itineris, suppletum defectum remedio legis naturalis, ut in seminis fiebat. Circumcisioni nec locus, nec minister designatus erat. Vide Iosue v. vers. 2.

V. 12. Explicat hic locus, qui, & quando obligarentur, nempe octavo die; ut illi in quibus implenda erat facta promissio, & pertinebant ad familiam Patriarcharum; ac demum illi per quos semen promissione contentum, erat propagandum: ac proinde nec Ismael, nec Esau obligabantur, nisi forte pro tempore quo cum Abrahamo, & promissionis semine habitabant. Quod est hic de vernaculis circumcidendis, clarum est ex textu. Sed qua demum in Iudæis omnibus necessitate, & quibus conditionibus, satis longam hoc, nec admodum utilem peti disquisitionem. Hæc Theologorum mefis est, & cholarum.

V. 13. **FOEDUS AETERNUM.** Sane usque ad Christum duravit circumcisio: successit baptismus.

V. 14. **DELEBITUR.** Pœna contempti huius remedii, est mors spiritualis; & in aëtris forte etiam corporalis a iudice: valebat seminis signum externum ad professionem fidei. Querunt tamen, & dissentiant Theologi, an circumcisio esset, fidei

professio talis quæ sua ratione auferret peccatum originale. Vasquez nec signum necessarium esse dixit, nec causam sine qua non: ita ille III. Part. Tom. II. disput. clxv.

V. 15. Nomen *Sara* dominam significat. Prius vocabatur Sarai שָׂרָי, domina mea; postea sublato Iod finali, & posito ך, quasi non iam domina mea, aut unius familiæ, sed absolute domina, quasi multarum gentium.

V. 16. **ISAAC** ex Sara promittitur. **CUI BENEDICTURUS SUM.** Stat bonus sensus, & verus; sive *70* cui referat filium, ut Septuaginta, & Vulgatus videntur intelligere; sive Saram, ut subindicant in Heb. verbum, & articulus generis feminini. Sed favet Vulgato frequens enallage generis apud Hebræos; sicut hic esse videtur, & illud etiam, **ORIENTUR EX EO.**

V. 17. **RISIT.** Chal. *gavissus est.* Risus iste non denotat hic incredulitatem, ut satis docet Paulus Rom. iv. vers. 19. sed sine peccato risit Abraham ex iniperato gaudio, animi admirantis tantum beneficium. Et dum addit vers. 18. *Utinam revertat Ismael*, non male hoc dictum putatur ex submissione animi; quasi fateretur se indignum novo hoc beneficio de Isaac.

V. 19. Datur nomen nascituro **אַבְרָם** *abram* a risu. **ET CONSTITUAM PACTUM MEUM ILLI IN FOEDUS SEMPERITERNUM.** August. II de Nupt. & Concup. cap. xi. pactum intelligit vel hoc cum Abraham. vel antiquum cum Adamo.

V. 22. **ASCENDIT DEUS;** idest, discessit Angelus.

V. 23. **IN IPSA DIE,** idest eodem die: obedientia Abraham.



C A P U T XVIII.

Angeli ab Abraham hospitio suscepti, filium ex Sara promittunt: quæ ob id ridens, corrigitur. Sodomorum eversio prædicitur, pro quibus Abraham sæpius deprecatur.



Pparuit autem ei (a) Dominus in convalle Mambre sedenti in ostio tabernaculi sui in ipso fervore diei. 2. Cumque elevasset oculos, apparuerunt ei tres viri stantes prope eum: quos cum vidisset, cucurrit in occursum eorum de ostio tabernaculi, & adoravit in terram. 3. Et dixit: Domine, si inveni gratiam in oculis tuis, ne transeas servum tuum: 4. sed asseram pauxillum aquæ, & lavate pedes vestros, & requiescite sub arbore. 5. Ponamque bucellam panis, & confortate cor vestrum, postea transibitis: idcirco enim declinastis ad servum vestrum. Qui dixerunt: Fac ut locutus es. 6. Festinavit Abraham in tabernaculum ad Saram, dixitque ei: Accelera, & tria fata similæ commisce, & fac subcinericios panes. 7. Ipse vero ad armentum cucurrit, & tulit inde vitulum tenerimum & optimum, deditque puero: qui festinavit, & coxit illum. 8. Tulit quoque butyrum, & lac, & vitulum quem coxerat, & posuit coram eis; ipse vero stabat iuxta eos sub arbore. 9. Cumque comedisent, dixerunt ad eum: Ubi est Sara uxor tua? Ille respondit: Ecce in tabernaculo est. 10. Cui dixit: (b) Revertens veniam ad te tempore isto, vita comite, & habebit filium Sara uxor tua. Quo audito, Sara risit post ostium tabernaculi. 11. Erant autem ambo senes, provectæque ætatis, & desierant Saræ fieri muliebria. 12. Quæ risit occulte, dicens: Postquam consenui, & dominus meus vetulus est, voluptati operam dabo? 13. Dixit autem Dominus ad Abraham: Quare risit Sara, dicens: Num vere paritura sum anus? 14. Numquid Deo quidquam est difficile? Iuxta conditum revertar ad te hoc eodem tempore, vita comite; & habebit Sara filium. 15. Negavit Sara dicens, Non risi, timore perterrita. Dominus autem, Non est, inquit, ita; sed risisti. 16. Cum ergo surrexissent inde viri, direxerunt oculos contra Sodomam; & Abraham simul gradiebatur, deducens eos. 17. Dixitque Dominus: Num celare potero Abraham quæ gesturus sum; 18. cum futurus sit in gentem magnam, ac robustissimam, & BENEDICENDÆ sint in illo omnes nationes terræ? 19. Scio enim quod præceptorus sit filiis suis, & domui suæ post se, ut custodiant viam Domini, & faciant iudicium, & iustitiam: ut adducat Dominus propter Abraham omnia quæ locutus est ad eum. 20. Dixit itaque Dominus: Clamor Sodomorum, & Gomorrhæ multiplicatus est, & peccatum eorum aggravatum est nimis. 21. Descendam, & video, utrum clamorem qui venit ad me, opere compleverint, an non est ita, ut sciam. 22. Converteruntque se inde, & abierunt Sodomam: Abraham vero adhuc stabat coram Domino. 23. Et appropinquans ait: Numquid perdes iustum cum impio? 24. Si fuerint quinquaginta iusti in civitate, peribunt simul: Et non parces loco illi propter quinqua-

quaginta iustos, si fuerint in eo? 25. Absit a te, ut rem hanc facias, & occidas iustum cum impio, fiatque iustus sicut impius: non est hoc tuum, qui iudicas omnem terram; * nequaquam facies iudicium hoc. 26. Dixitque Dominus ad eum: Si invenero Sodomis quinquaginta iustos in medio civitatis, dimittam omni loco propter eos. 27. Respondensque Abraham, ait: Quia semel cepi, loquar ad Dominum meum, cum sim pulvis & cinis. 28. Quid si minus quinquaginta iustis, quinque fuerint? * delebis, propter quadraginta quinque, universam urbem? Et ait: Non delebo, si invenero ibi quadraginta quinque. 29. Rursumque locutus est ad eum: Sin autem quadraginta ibi inventi fuerint, quid facies? Ait: Non percutiam propter quadraginta. 30. Ne quælo, inquit, indigneris Domine, si loquar: Quid si ibi inventi fuerint triginta? Respondit: Non faciam, si invenero ibi triginta. 31. Quia semel, ait, cepi, loquar ad Dominum meum: Quid si ibi inventi fuerint viginti? Ait: Non interficiam propter viginti. 32. Obsecro, inquit, ne irascaris Domine, si loquar adhuc semel: Quid si inventi fuerint ibi decem? Et dixit: Non delebo propter decem. 33. Abiitque Dominus, postquam cessavit loqui ad Abraham; & ille reversus est in locum suum.

(a) Heb. xlii. 2. (b) Sup. xviii. 19. Inf. xli. 1. Rom. ix. 9. L. Pct. xii. 6. (c) Sup. xii. 3. Inf. xxii. 17.

B R U G E N S I S

ROMANÆ CORRECTIONES.

V. 4. *Es lavare pedes vestros*. In aliis antiquis passim legitur, *Et laventur pedes vestri*; verum illud Hebræo consonat.

V. 5. *Et confortato cor vestrum*. Similis est huius loci ratio, ubi alii codices legunt, *Et confortetur cor vestrum*.

V. 6. *Tria sata simila commisce*. Non est omittenda vox *simila*.

V. 25. *Nequaquam facies iudicium hoc*. Nec hic omittendum est pronomen *hoc*.

LECTIONUM VARIETAS.

V. 28. *Delebis propter quadraginta quinque universam urbem?* Quædam manuscripta, cum antiquis libris veteris nostri Epanorthotæ, omittunt maiorem numerum, nempe *quadraginta*, conformiter Hebræis, & Chaldæis, quin etiam Græcis quibusdam codicibus, nominatim Sixtine editioni.

C O M M E N T A R I A

S A.

Perf. 1. **F**ERVORE DIET, cum scilicet peregrini ad hospitium solent divertere.

V. 2. **ADORAVIT IN TERRAM**; id est, se demissa in terram facie incurvavit, reverentia causa, more orientalium.

V. 3. **DOMINE**. Vel singulare pro plurali; vel mysterium Trinitatis indicatur, quam illi representabant; vel unum ex illis alloquitur.

V. 4. **ARBORE**, scilicet quæ erat ante tabernaculum.

V. 9. **DIXERUNT**; pro, dixit unus illorum.

V. 10. **VITA COMITE**; quasi dicat, vivente te, & uxore. Chald. *Quo vis civis vivi*. Vide IV. Reg. iv. num. 16.

V. 11. **MULIEBRIA**, id est menstrua.

V. 14. **CONDICTUM**; quasi dicat, ut prædixi, seu promisi. **EODEM TEMPORE**, scilicet sequentis anni.

V. 15. **SED RESISTI**. Redarguit Dominus.

minus risum Saræ, quia dubitationis fuit; non Abraham, quia admirationis, & lætitiæ. Augult.

V. 16. DEDUCENS EOS. Remansit unus Angelus cum Abraham, duo Sodomam missi: Augult. in Gen. quæst. xxx: 11. Nota quod qui mansit, Deus erat, secundum Iulianum in Tryph. & Epiphanius in Ancor. scilicet Deum representabat.

V. 18. IN ILLO, idest per semen illius, scilicet Christum.

V. 19. FACIANT IUDICIUM, ET IUSTITIAM; idest, *reſte & iuste vivant*, Hebraice. PROPTER ABRAHAM. Hebr. *ſuper Abraham*.

V. 21. SCIAM, scilicet quomodo res habeat, vel qua pœna puniendi sint. Nota quod loquitur Deus humano more: nam ab æterno omnia ſcit.

V. 27. ET CENIS: id addidit, quia nomen terræ honestum quodammodo videbatur. Chryſoſt.

V. 33. ABIITQUE DOMINUS, idest ille Angelus, qui loquebatur cum Abraham (alii enim duo Sodomam abierant) Deumque representabat; ideoque etiam ſupra Dominus dictus.

EST II.

Vers. 2. & 3. **A**PPARUERUNT ET TRES VIRI.... ET DIXIT, DOMINE. Augult. Lib. III. contra Maxim. cap. xxvi. vult, ut Abraham in his tribus agnoviſſet Trinitatem; & dicit illud, *Tres vidit, & unum adoravit*; quod canit Eccleſia. Non quin & homines, aut Angelos humana ſpecie eſſe putarit (nam eis & pedes lavare, & cibos apponere voluit, immo appoſuit; ipſique, ut videbatur, comederunt) ſed quod interea inſtitu divino tres recipiendo, & unum tantum alloquendo, hoc myſterium indicarit.

V. 10. REVERTENS VENIAM TEMPORÉ ISTO, ET HABEBIT FILIUM SARA. Verba ſunt Angeli in perſona Dei loquentis ad Abraham. Hebraea paulo obſcuriora ſunt, eundem tamen ſenſum volunt, iſtum videlicet: Hoc eodem tempore poſt annum revolorum, quando reverſus veniam ad te, Sara coniux tua, quamquam ſterilis & vetula, filium habebit. Citat Apoſtolus pro commendanda fide ad Rom. ix. Vide noſtra ibidem.

V. 12. & 13. QUARE RISIT OCCULTE.... DIXIT AUTEM DOMINUS: QUARE RISIT SARA? Reſponſa eſt Sara ridens, quia ex incredulitate quadam riſit, ſciens verifiſimiliter etiam antea cap. præcedenti virum ſuum hac de re divinitus fuiſſe edoctum: quæ incredulitatis ſpecies etiam ex coapparet, quod dixit, *Non riſi*. Alioqui & Abraham eadem de cauſa capite præcedenti riſit, nec tamen reprehenſus eſt.

V. 21. ET VIDEBO UTRUM CLAMOREM QUI VENIT AD ME, OPERE COMPLEVERINT, AN NON EST ITA, UT SCIAM. In Hebraeo non additur (*ut*) tamen ſignificatur Deum ut iuſtiſſimum iudicem non punire, niſi cauſa optime cognita.

V. 25. NEQUAQUAM FACIES IUDICIUM HOC. Hebraea ſic habent ad verbum: *Numquid iudex omnis terræ non faciet iudicium?* interrogative: & Chaldaica ad eundem modum. Græci quidam affirmanter, quidam interrogative interpretantur. Sed de toto ſenſu huius loci, an aliquando poſſit iuſtus puniri cum impio: vide cap. xxi. Ezech.

V. 32. & 33. NON DELEBO PROPTER DECEN. ABIITQUE DOMINUS, &c. Nihilominus Abrahamum ſpecialiter adhuc exorariſſe pro Lot, & familia eiſus, ſatis docente illa verba capitis ſequentis, ubi dicitur, quod recordatus Dominus Abraham, liberavit Lot.

MARIANAÆ.

Vers. 1. **I**N CONVALLÉ MAMBRE. I Sept. *Ad quercum Mambre*. Vocis Hebraicæ ambigua, ſeu multiplex ſignificatio utramque interpretationem admittit. Sed Conſtantini tempore quercus oſtendebatur eo loco, ad quem Abraham Angelos accepit. IN IPſO FERVORE DIEI, quando nimirum viatores ad hoſpitia divertunt.

V. 2. TRES VIRI STANTES PROPE EUM. Nempe Abraham viros initio putavit, ad Hebr. xiii. verſ. 2. *Per hanc latuerunt quidam, Angelis hoſpitiis receptis. Prope eum*. Hebraice *ſuper eum*, ſed præpoſitio ſuper Hebraica multa ſignificat, inter alia idem quod prope, ut illud Ioan. cap. iv. *Sedebat ſic ſupra fontem*: & Lucæ iv.

IV. vers. 39. *Stans super illam* : tum in Psalm. xxiii. *Super maria fundavit eum*, nempe orbem terrarum prope maria.

V. 3. DOMINE: unum et tribus alloquitur; NE TRANSEAS SERVUM TUUM, id est domum servi tui.

V. 4. SUE ARBORE, quæ erat ante tabernaculum, quiescite.

V. 6. TRIA SATA SIMILAE. Satum continet modium Italicum, aut modium cum dimidio, ut Hieronymus credidit Matth. xiii. vers. 33. & Ioseph IX. Antiquit. cap. 11. Modius Italicus quantum duo nostri calemnes. Sept. *tres mensuras* dixerit.

V. 10. CUI DIXIT: REVERTENS VENIAM. Hebraice *revertendo revertar*; pro, revertar haud dubium. Tres accepit hospitio, sed uni loquitur quasi præcipuo, vers. 3. & unus hic pollicetur Abraham filium. Revertar VITA COMITE, si vixero: loquitur Angelus more humano. SARA RISIT. Hic risus non tam lætitiæ fuit quam derisionis; ideo increpatur. Porro post illa verba, POST OSTIUM TABERNACULI, Hebraice additur, *Et ipse post illud*, nempe Angelus erat post ostium; & memento, ianuam olim foras versus aperiri, ideoque fores dictas: auctor Servius.

V. 11. DESIERANT SARAE FIERI MULIERIA; scilicet, menses, seu menstrua desiderant Saræ, sine quibus non concipitur.

V. 12. VOLUPTATIO PER AM DABO? Hebraice, *Erit mihi voluptas*; sed vox Hebraica *bednab*, tum *voluptatem* significat, tum *nitorem cutis*, seu *juventutis*. Quæ occasio extitit locum varie interpretandi: *Erit mihi nitor*, *erit mihi iuventa*. Sept. sane locum multo aliter reddidere: *Nondum mihi fuit usque nunc*: quam interpretationem contextus quidem paritur, sed sublatis punctis Hebraicis.

V. 14. NUMQUID DEO QUIDQUAM EST DIFFICILE? Vox Hebraica *happal* significat *difficile esse*, quod secutus est Hieron. & *occultari*, quod sequitur Chald. dicens: *Numquid occultabitur a facie Domini verbum*? Prior interpretatio respicit promissionem; posterior negationem Saræ, quæ Deum non latuit, tametsi postmodum refertur. IUXTA CONDITIONEM, ut promissi.

V. 15. RISISTI. Risus Saræ arguitur, quia dubitationis; risus Abraham

non, quia admirationis, & lætitiæ. Augustinus.

V. 18. BENEDICENDAE SINT IN ILLO. id est semine illius.

V. 21. UT SCIAM. Loquitur humano more: scire volo, an verus sit clamor qui venit de Sodomitis.

V. 22. ABRAHAM VERO ADHUC STABAT CORAM DOMINO. Correctio scribarum, *Takum Sapirum* dicta. Olim legebatur, *Deus stabat coram Abraham*. De hac correctione aliis locis plura.

V. 25. ET OCCIDAS; pro, ut occidas. NON EST HOC TUUM, QUI IUDICAS OMNEM TERRAM; quasi dicat: Non est iudex superior, ad quem sit provocatio; ideo mitis esse debes. Ubi vero dicit, *non est hoc tuum*, vox Hebr. *הלה basilab*, potest significare *abominatio tibi*, supple, ita facere: significat etiam, *abstine a te*, per modum prohibentis.

V. 27. CUM SIM PULVIS ET CINIS. Principium designatur hominis, & finis in quem definit. In quo videtur mos fuisse tunc corpora extinguentium cremandi. Sept. dixerunt, *ἐσθλὴς*, in quo Latini Interpretes in Regiis male vertit, *Terra, & pulvis*, *ἐσθλὴς* enim *civis* est.

V. 28. DELEBIS PROPTER QUADRAGINTA QUINQUE? sic Sept. Hebr. *propter quinque*; supple, qui desunt ex quinquaginta, quos dixi. Sicque est in Vulgata, in Complur. & Regiis, sed sententia eadem est.

V. 33. ABIITQUE DOMINUS. E tribus duo iverunt Sodomam, tertius cum Abraham mansit. Hic completo sermone discessit.

MALVENDAE.

Vers. 2. ADORAVIT IN TERRAM. *אִנָּחִי schachab. vel אִנָּחִי schabach*, in Hithpael, notant habere significationem reciprocam, proprieque significare *abjicere sese, inclinare*, seu *curvare*, aut *incurvare deorsum*, seu *prostrernere se toto corpore*; *procidere totum*, *procumbere primum alicui honoris & reverentiae causa*, Latini videntur talem inclinationem supplicandi verbo expressisse. Suetonius in Augusto, cap. xciii. *Sed & Caium nepotem*; quod Iudeam protervehens, apud Ierosolymam non supplicasset, colaudavit. Et supplicia deo, un, id est

id est sacrificia, apud Festum, & Nonium. Græci aliquando unica voce προσευχή, adorare, aliquando participio προσευχόμενος, cadens proci-dens, vel alio aliquo apposito circumlocuti sunt; Matth. iv. 9. Si cadens ad-oraveris me: & cap. xviii. 26. Et proci-dens adorabat eum. Cum de Deo dicitur, internam adorationem, cuius hæc externa corporis prostratio signum certissimum est, designat; & cultum latræe proprie signifi-cat. Ut aliis quoque a Deo tribuatur, dicemus suis locis. Maximum & demississi-mum genus adorationis erat, cum quisali-cui se toto corpore prostrabat ad terram, & facie tenus ad terram procumbebat; ut hic Abraham Deo, vel Angelis. Quia autem schabach non includere prostrationem, neciunt Hebraismi,

V. 3. DOMINE. Adonai, hic cum ca-metz, disquirunt Hebræi num sit sacrum, an profanum. Quidam profanum censent, quasi maximum & digniorem inter tres illos sit allocutus; alii sacrum: & certe Deus erat qui in illis tribus v'is Abrahæ apparebat: vel erant tres Angeli; quamvis Abraham tunc nondum esse Deum aut Angelos sciebat: nam eos ut homines in-vitat. Sed is, qui puncta affixit, rem ip-sam, non Abrahæ cognitionem attendit.

V. 6. TRIASATA. חֲמִשָּׁה seab septies præter hunc locum, occurrit in Scriptu-ra. Noster I. Reg. xviii. 32. aratiuncu-las, II. Regum vii. 1. 16. bis, & 18. mo-dium, I. Samuel. xxv. 18., bis, & hic, fatum. Iosephus Lib. IX Originum cap. 11. Satum autem continet modium Italicum & dimidium. S. Hieronymus in Matth. xiii. 33. Satum genus est mensuræ iuxta mo-rem Palestine, unum & dimidium modium capiens. Eadem habet S. Isidorus Lib. XIV. cap. xxv. & alii. Syrum esse vocabulum quidam existimant, atque in Novo Testa-mento ad imitationem Hebræorum vel y-rorum dici fatum. Volunt quidam fatum Italicum esse duos Hispanicos celemines. Ad hunc locum respexit Christus Matth. xiii. 33. Quod accepit mulier abs-condit in farine satis tribus: ut plerique observarunt. SIMILAE. Heb. farine simi-le. חֲמִשָּׁה solet, aiunt esse florem, seu de-licias farine triticeæ, nempe farinam triti-ci purissimam, purgatissimam, a חֲמִשָּׁה fa-lab, quasi conculationem, seu expressio-nem latine dixeris. De vocibus soletib, &

similæ plura diximus in Antichristo Lib. V. cap. vi. COMMISCE. מִשְׁכָּה fusch quinques tantum legitur. Noster hic, Osee vii. 4. I. Samuel. xxviii. 24. II. Samuel. xiii. 8. miscere, commiscere dixit; Jerem. vii. 18. conspergere. Aiunt esse subigere, sub-agitare massam farine aqua conspersam, more pistorum. agitare passam attrituendo, & commiscendo tam. Veteres Latini depes-re dixerunt. Vide Nonium cap. 11. f. 234. SUBCINERICIOS PANES. חֲמִשָּׁה, ghugab aiunt esse panem super carbonibus, seu prunis, & non in fornace, adustulatum, coctum. Quidam substantive ustulariam, seu ustulatam convertunt. Aiunt esse quam La-tini Tortam subcinericiam, placentam ustula-tam, panem subcinericium, tortam, seu pla-centam carbonibus tostam, seu coctam vocant. S. Isidorus XX. Originum cap. 11. Panis subcinericius cinere coctus, & reversatus: ipse est & focatus. Chbanitius, in testa coctus. Consentiente voce Hebræa ghugab, & Latina, focatus, est quam Hispanicè dicimus hogaza, nam & verbum Latinum coquo, ab Hebraico deductum observant.

V. 7. AD ARMENTUM. בָּקָר bakanomen est collectivum communis generis, & ut פָּסִי רְזֹנֹת de grege ovium, seu pecudum collective, id est de minoribus animalibus pascualibus, dicitur, ut sunt aves, capræ, agni, hædi; ita bakar de armento, id est maioribus iumentis; seu animalibus pascua-libus dicitur, ut sunt boves, vaccæ, vitu-li: quæ hoc generali nomine insigniuntur, quia sunt in inquisitione, inspectione, & cura hominum, eorumque gubernatione opus habent. Ut cognitionem habeat cum nomine transposito בָּרַק barak, quod fulgu-rationem significat. Vide Genes. iv. vers. 2 Convenit vox Hif-anica vagueria.

V. 8. ET ACCEPTIT BUTYRUM. חֲמִשָּׁה chemah, butyrum, dictum voluit a חֶמֶן chemam, quod est calere, quod butyrum semper caleat, & numquam frigescat, aut congeletur; five quod ex lacte coagula-to, & per frequentem agitationem calefacto educatur.

V. 10. VITA COMITE. Heb. Secun-dum tempus vite. Quidam exponunt: Cum hoc tempus vixeret; vel secundum tempus vivum, vel vivens. Vox viventis, propria aliqui vegetantium, & animantium, tri-buitur hic temporis, ut structuræ. I Para-lipom. ix. 9. & lapidibus, Nehemæ iv.

2. Confirmatur hæc expositio e vers. 14. infra. POST OSTIUM TABERNACULI. Heb. *Et ipsum post eum*; id est, ipsum ostium erat post illum Angelum qui loquebatur; quasi dicat: Angelus habebat faciem averfam ab ostio tabernaculi; sive Angelo loquente erat ostium ad tergum.

V. 11. MULIEBRIA מִיּוֹם אֶרֶץ, *semita longa & protensa, via*; & transferuntur ad morem, & consuetudinem longotem *pore tritam, & introductam*; item ad conversationem. Hic fluxum mensium omnes interpretantur. Delierant ei menses fluere: unde inepta erat ad conceptum; sive nulla erat in ea concipiendi facultas: Romanor. iv. vers. 19. Quidam hypallagem putant: *Via secundum mulieres, pro secundum viam, seu consuetudinem mulierum*. Sic Iob xxiv. vers. 18. Similis phrasis cum nomine דֶּרֶךְ *deret, via est*, Genes. xxxi. 35. Quidam exponunt: *Cessaverat esse Sarcenita*, id est mos, sicut mulieribus esse solet. Fortasse quia nec se comibat, nec orabat, nec rei uxoris dabat operam, more aliarum mulierum in ætate integra.

V. 12. VOLUPTATI OPERAM DABO? Heb. *Fuit mihi voluptas*: Maiorem sentum habet præteritum; quasi dicat: Iam diu nuntium voluptati remisit, quia diu est quod consenui. Quidam nomen גְּדֵנָה *ghednah* conferunt cum גְּדָדָה *ghadab*, & cum transposito גְּדָן *ghanad*; redduntque: *Erit mihi ornatus, decor alligatura*: De cultu, & mundo muliebri dicitur verbum *ghadab*, Ezechielis xxiii. 40. quasi dicat: Nunc me comam ornabo? Hispanice *Me tocare, Valentine Emlligare*.

V. 14. NUMQUID DEO QUIPQUAM EST DIFFICILE? Verbum מְאִדָּה *pala* in Niphal notant significare *mirabile, difficile esse, esse magis arduum, esse excelsum* quæ quod homines ratiocinatione æsequi aut arte, aut factis præstare possunt: nempe factum seu opus extra, & supra communem naturæ cursum, rationem, intellectum, iudicium, possibilitatem positum: cuius nulla causa, aut ratio dari potest. Alii esse proprie ignotum, occultum, absconditum, arcanum, velatum esse: & quia quæ nobis velata, aut ignota sunt, videntur nobis mira & mirifica, hinc etiam exponi, *Mirificatus fuit, arduus, & excelsus fuit, ultra captum nostrum*. Nonnulli conferunt cum מְאִדָּה *pala*, redduntque:

*Separatum, divisum, difundum fuit: vel a cognitione, ratione, scientia, intelligentia, sensuque: vel ab actione, & viribus hominum, captum, sapientiam, intelligentiam, & facultatem humanam superavit mirabilis, gravis, arduus, difficilis factum, impossibilis, occultus, excellens fuit, quantitate, aut qualitate, ut ratione quis æsequi, aut re præstare nequeat: occultum, impossibile fuit: quia sane, quæ sunt admiranda, sunt a nobis separata. Unde varie locum expriment. I. An abscondetur a Domino verbum? vel Numquid Domino quidquam est occultum? aut Latetne Deum quidquam? II. Numquid velatum, id est impossibile, erit a Domino quidquam? III. Numquid arduum erit supra IHVH quidquam? IV. An separabitur a Domino verbum? vel prohibebitur, ut scilicet non possit illud tacere? V. An erit difficile a Domino res? vel num difficile erit ipsi Deo quidquam? VI. Num mirificabitur, vel mirum erit Deo verbum? aut Num potest esse Deo mirificum quidquam? quasi dicat: Potest quidquam esse tam mirabile & excellens quod a Deo fieri non possit? Quidam æstimant ad hunc locum respexisse Gabrielem Archangelum, quum ad Deiparam dixit, Lucæ 1. 37. *Quia non erit impossibile apud Deum omne verbum*. Ubi Lucam מְאִדָּה *niphla*, per *almarne* reddidisse volunt. Sed, ut reor, propius allusit ad loca Ieremiæ xxxi. 17. 27.*

V. 19. SCIO ENIM QUOD PRÆCEPTURUS SIT. Heb. *Quoniam scio cum correspondentie, sive ad correspondentiam, quod, ve: qui mandabit, &c. Elegans loquendi modus Hebræis: quem nos Hispani scite representamus: Se que es hombre de buena correspondencia, que mandará, &c. De voce מְעַבְּרִים *menagban* vide cap. xii. ad vers. 13. IUDICIUM, ET IUSTITIAM. Notant cum hæc duo nomina in Scriptura coniunguntur זֶדֶקָה *zedakah*, & מִשְׁפָּט *mischpat*, ut hoc loco, nempe iustitia, & iudicium, primo civiliter iudicium significare alteram iudicii partem, quæ rei, & nocentes damnantur ac puniuntur; iustitiam vero alteram partem, quæ est absolvere innocentem: eoque iuris beneficio tueri ac defendere a malorum iniuria: quod equidem nihil aliud est quam iuris beneficium imperitari, & beneficare iusto: & utrumque esse ex officio iudicis; & utrumque fecisse Salomo.*

lomonem in historia de puero mortuo, & duabus mulieribus: & Iehu occidendo falsos prophetas, & servando veros. Sic David II. Samuel. viii. 15. *Faciebat iudicium, & iustitiam omni populo suo.* Sic sumi volunt hoc loco, quod Abraham praecepturus esset posteris fuis ut hanc utramque iuris partem sequerentur. Nam iubei nos: pi-ritus sanctus, ut iustificemus iusta, & damnemus iniusta: cum si fecerimus, iudicium, & iustitiam fecisse dicimur. Quae duo potissimum in externa & civili & rum publicarum administratione a nobis requirit, & exigit Deus. Ceterum ecclesiasticae, spiri-tualiter, sive theologicè proculdubio iudicium est vitare mala & peccata; iustitia, Deum timere, observare Dei mandata: quas duas partes David Psal. xxxvi. 27. illis verbis expressit: *Declina a malo, & fac bonum.* Sic Isaia lvi. 1. *Custodite iudicium, & facite iustitiam:* & alibi saepe. Sed hoc loco non dubito quin Abraham posteris suis iustitiam, & iudicium civiliter, & theologicè esset praecepturus.

V. 20. CLAMOR SODOMORUM, & antecedentia scelera clamoris causae: metalepsis in hac voce frequens, ut Isaia v. vers. 7.

V. 21. OPERE COMPLEVERINT. Heb. *Fecerunt consummationem;* id est, pro-lexerunt peccata sua ad cumulum, imple-verunt mensuram, ad extremum malum se proiecerunt. Similis loque di motus est supra cap. xv. 16. Quidam. *Faciunt consummationem;* id est, omnino faciunt. Sic accipi volunt Ezechiel. xi. vers. 13. Alii distinguunt: *An iuxta clamorem eius qui per-venit ad me, fecerint: consummatio. con-sumptio.* subaudi, erit eis; id est, eos con-sumam, consummabo, funditus perdam, vel Num iuxta clamorem eius, sedom, qui venit ad me, fecerint: quod si ita res habet, faciam consummationem in eis; id est, prorsus delebo eos.

V. 21. PERDES. *NED sapba* duas con-trarias significationes tribuunt, addere, ad-ricere, contrahere, colligere, congregare; & e contra abstrahere, adimere, consumere, absumere, finire, perdere, perimere: sed se-re est contrahere, seu colligere ad perdendum & perimendum. Sic hic: *An contrades, adicies, colliges, abstrahes iussum cum im-probo?* Id est, nullo discrimine iustum, & improbum in poena habebis? ut illud Vir-gilii X. Aeneidos:

Tros, Rutulufve fuit, nullo discrimine habebis.

Quidam hic: *An exterminabis, vel occides iustum cum improbo?* aliene. Iustum, פִּיזָה tzadik, Græce Δίκαιος, iustus, qui vacat culpa, seu reatu, qui approbatus est, qui eam iustitiam in se habet quam descriplimus paulo ante, vers. 19. & cap. xv. ad vers. 6. aliquando iudicialiter sumitur pro eo qui sententia iudicis absolvitur, in-sontem dicimus, & opponitur רַשָׁע rasebagh, improbo, reo, nocivo, damnato, son-ti, de quo statim. Hic ubi de poena agitur, recte insontem intelliges. CUM IMPRO. Rasebagh saepius in Scriptura opponitur nomini tzadik, iusto. Aiunt significare im-probum, inquitum, turbulentum, turbidum, turbatorem, praefradum, seditiosum: ut co-gnationem habeat cum verbo transposito רַשָׁע rasebagh, commoveri, agitari: item damnosum, damnatum, reum, nocentem, no-xium, fontem. Ingenium improborum, & nominis etymon pulchre describitur Pro-verb. xiv. 6. & Isaia L. 20. 21. quod d'ris & saevis animi perturbationibus agitentur. Pu-tant a Paulo voce ἀδελφός, reprobus, ab-surdus, redditum I. Corinth. ix. 27. repro-bus, efficiat; & ad interprete Matthaei xxvi. vers. 66. Εἰς τίς βασιλεῖον, Reus est mor-tis; & a Ioune xviii. 30. μαλεστής, ma-lesactor, improbus, nocens, seditiosus. No-ster sequutus veteres, impium reddere solet; nos improbum dicemus: quem Nonius dehinit minime probum, saevum, turpem. Servius, nulli probandum.

V. 24. ET NON NASCE NAFSA LOCO IL-LI. Observant נָפֶשׁ nafs aliquoties verbis sustinendi, tolerandi, sufferendi, supportandi, seu parcendi, exprimendum esse: ut Iob xxi. 3. *Sustinete me, & ego loquar.* Isaia vers. 14. *Laboravi sustinens.* Psalm. lxxviii. 8. *Propter te sustinui opprobrium.* Qua etiam ratioe redditum volunt in novo testamen-to. Actor. xiii. 18. *Mores eorum sustinuit in deserto.* Roman. ix. 22. *Sustinuit in multa patientia vasa ire.* II. Corin. h. xiii. 7. *Caritas omnia suffert, omnia sustinet.* II. Co-rinth. xi. 1. *Ultimum sustinueris modicum quid inipientie meae;* sed & supportate me. Sic hic: *Et non sustinebis locum istum propter quinquaginta?* vel *Non tolerabis, sufferes, sec.* Quilam: *Et non levabis punitionem a loco?*

V. 25. AESIT A TE. חַלִּילָה chailah, pro-

profanum, profanatio, pollutio. Vox abominantis aliquid ut profanum. Construitur cum dativo: unde reddunt, *Profanatio tibi*, sit: alii, *Prohibitio tibi*; alii, *Veta tibi*: nonnulli, *Nefas*, vel *nefarium tibi*: *Non est fas tibi*. Tamen sit nomen substantivum, Noster & alii per verbum reddunt, *Abste tibi*, vel *a te*.

V. 27. RESPONDENSQUE ABRAHAM. Notant, verbum *אָנָה ghanab*, respondit, quando non procul subsequitur verbum *אָמַר amar*, dixit, idem valere quod Latinis iterum: & non semper responsionem ad priora interrogata continere; sed continuare sermonem intermissum, aut novum sermonem subicere & attexere. Ita hoc loco, & infra cap. xxiv. vers. 50. & passim in novo testamento. QUIA SEMEL COEPI. Verbum *אָנָה iahal* in Hiphil variam notionem: & usum videtur habere. Quidam autem significare actum volendi. Et quidem in novo testamento nunc per verbum *velo*, nunc per *pare*, verbum esse. Noster autem communiter per *cepit*, inceptum reddere solet. Cum sequente aliquo verbo tere construitur. Notant proprie esse assentiri, seu assensum animi præbere ad aliquam agendum: alii acquiescere, contentum esse transcurrunt. In Niphal vero volunt significare cupidum esse faciendi simul multa, attendere pleraque temere, audacem esse in attentando plurima; quod est proprie stultorum: unde Noster per *stultescere*, *stultum fieri* reddidit, *Isaia xix. 13.* Nume *xii. 11.* *Jerem. v. 4.* & cap. *L. 36.* Nonnulli vero in utraque formula, Niphal, & Hiphil exponunt, *solvis*, *resolvis*, *dissolvis*; & proprie in Hiphil significare volunt *resolvi ad aliquam actionem*, *solvere* se, *expedire ad aliquid agendum*; quod Latinis est *incipere*, *tentare aliquid*, *aggreddi*. Unde locus varie reddi potest. 1. *Ecce nunc volui loqui*; 2. *Ausus fui, tentavi, aggressus sum loqui*; 3. *Acquivi, contentus fui loqui*; 4. *Paravi loqui*; 5. *Stultus fui ad loqui* (Hispanice necesse habulando) ut sit vox venerationis plena, quasi cum Deo, qui est summa sapientia, homo non nisi stulte loqui possit; 6. *Resolvi me*, vel *resolvus sum ad loquendum*: Hispanice, *resolvi me a hablar*; 7. *Cesivi, cupivi loqui*.

MENOCHII.

Vers. 1. SEDENTI: more suo præstolanti peregrinos, & veluti expandenti sagenam hospitalitatis. FERVORE DISI, tempore meridiano: tunc enim qui iter faciunt in hospitium se recipiunt.

V. 2. ELEVASSET OCULOS. Ipse in convalle, seu querceto sedebat; via vero, in qua Angeli erant, altior erat. TRES VIRI: tres Angeli virili specie. Fuisse Angelos docet D. Paulus ad Heb. xiii. 2. *Es hospitalitatem nolite oblivisci*, per hanc enim latuerunt quidam, Angelis hospitio receptis. Moles etiam cap. seq. num. 1. vocat eos Angelos, ADORAVIT IN TERRAM, civili, & orientalibus consueto honore illos veneratus.

V. 3. DOMINE. Unus eorum trium honoratior videbatur, hunc alloquitur.

V. 4. LEVATE. Non ipsi peregrini pedes lavabant, sed domestici eo munere desungebantur. Quidam Libri habent, *Laventur*. Divus Augustinus serm. LXX. de tempore, insinuat, ipsum Abraham hoc munere functum.

V. 5. PANIS. In Scriptura panis nomine omne ciborum genus comprehenditur, CONFORTATE COR: reficite vos cibo. IDcirco ENIM DECLINASTIS; id est, divina providentia factum est ut hac hora transeuntes hac, hospitalitatis mem participes facit, me honoraretis. Dixerunt: unus suo & sociorum nomine. SICUT LOCUTUS ES, modice, & parce appara.

V. 6. TRIA SATA. Satum mensuræ genus, quo arida mensurabantur. LXX. dixerunt, tres mensuras. SIMILAS. Simila, seu similago est ea farinæ pars, ex qua crassiores surculos excreti sunt. Hic tamen accipi videtur pro farina expurgatissima. SUBCERNERICIOS PANES, extra ciborum cineribus & prunis iniectis coctos.

V. 8. TABAT IUXTA EOS, ut ministrans, & adhortans, humanitatis, & officii causa.

V. 9. COMEDISSENT. non adione vitali, sed cibo in corpus assumptum transmissio. & in aerem tenuissimum resolutio. UBI EST SARA? Sciunt, sed sternunt interrogatione viam dicendis.

V. 10. CUI, Abrahæ. DIXIT, ille qui
K k inter

Inter tres Angelos præcipuus. **REVERTENS VENIAM.** Hebr. *revertendo revertar*; hoc est, certissime revertar. **TEMPORE ISTO.** LXX. habent *κατά τὴν ὥραν*; quasi dicat, ad eandem horam. Nisi forte illud *ὥρα* significare velit quod dicimus *Italiæ*, di *questi* *flagione*, nam horæ Græcis sunt quatuor præcipuæ anni partes. **VITA COMITE.** Loquitur humano more. **POST OSTIUM TABERNACULI,** ubi ipse erat; Angelus vero tergum ostio obverterat, ut notat Chaldaeus.

V. 11. **FIERI MULIEBRIA,** suere menstrua ad conceptionem necessaria.

V. 12. **RISIT OCCULTE.** Hebr. & Chald. *intra se*, ut etiam LXX. quod verbis non ausa, risu refellit: nam quidam risus est genus confutationis. **DOMINUS MEVS.** Vide conjugalem reverentiam. *Sara obediebat Abraham* (inquit D. Petrus ep. I. cap. III. nu. 6.) *dominum cum vocans.*

V. 13. **DOMINUS.** Angelus ille præcipuus, hac occulti risus Saræ revelatione se prodit pliusquam hominem esse.

V. 14. **LUXTA CONDICTUM,** ut promissum.

V. 15. **NEGAVIT SARA.** Non est necesse, quod aliqui faciunt, Saram a mendacio vindicare. Fortasse timore consternata, non satis deliberate locuta est.

V. 16. **DIREXERUNT OCULOS:** iter versus Sodomam converterunt.

V. 17. **NUM CELARE POTERO.** Hoc postulat lex amicitiae ut secreta communi-centur. Dat etiam Dominus Abrahamo materiam exercendæ caritatis pro Sodomitis orando.

V. 18. **CUM FUTURUS SIT IN GENTEM MAGNAM:** maiora hæc promissi Abrahamo, cur, quod minus est, secretum hoc tegam? **ROBUSTISSIMAM.** Hebr. *Offeam.* **BENEDICENDÆ SUNT IN ILLO,** per Christum semen eius.

V. 19. **SCIO ENIM QUOD PRÆCEPTURUS SIT FILIIS SUI** &c. Altera ratio cur non celer eum. Novi te esse iustum, ac familiam bene instituere: æquum ergo est te non ignorare causam excidii Sodomorum, ut hoc exemplo tuos abducas a sceleribus. **UT CUSTODIAN VIAM DOMINI:** Deum verum rite colant, eiusque mandatis pareant. **FAC-**

CIANT IUDICIUM. Iudicium significatur id quod Dei, sapientumque iudicio rectum est, & iustum. **UT ADDUCAT.** Loquitur de se Deus in tertia persona, quasi de alio. Sensus est: ut impleam quæcumque Abrahamæ promissum.

V. 20. **CLAMOR:** est prosepopia; quasi peccata vocem tollant, & ad Dei aures accedant, eumque ad vindictam provocent. **SODOMORUM, ET GOMORRHÆ.** Hos tantum nominat, quia ut opibus, & nobilitate, sic flagitiis ceteris antistabant. **MULTIPLICATUS.** Sermo esse videtur non tantum de frequentia nefarii illius sceleris, sed de aliis etiam, quæ memorat Ezech. xvi. 49. otio, gula, inhospitalitate, crudelitate, &c.

V. 21. **DESCENDAM, ET VIDEBO.** Humano more loquitur; quasi dicat, accedam ut certius cognoscam. Aptum iudicium monitum ne temere pronuntient, sed prius omnia bene considerent, cognoscant, circumspectant. **UTRUM CLAMOREM QUI VENIT AD ME, OPERE COMPLEVERINT:** ut pro modo scelerum gravior, aut mitius puniant.

V. 22. **CONVERTERUNTQUE,** non qui cum Abrahamo loquebatur, sed alii duo Angeli. **ADHUC STABAT,** post duorum iussessum.

V. 24. **QUINQUAGINTA IUSTI.** De Sodoma sola loquitur, quæ aliarum civitatum caput, & in qua degebat Lot, & quæ magis criminosa.

V. 25. **QUI IUDICAS OMNEM TERRAM;** quasi dicat: Mitius te agere par est, cum sis iudex omnium supremus, a quo non est ad alium provocatio, & qui es, & habetis iusti iudicii norma certissima. **NEQUAQUAM FACIES IUDICIUM HOC.** Hebr. sic habent. *Abst tibi: munus quid iudex omnis terræ non faciet iudicium?* quasi dicat: Abst ut tantam severitatem in has civitates expromas, ne forte videaris modum puniendi, qui recto iudicio regi debet, transilisse.

V. 26. **IN MEDIO CIVITATIS,** intra ambitum civitatis.

V. 32. **PROPTER DECEM.** Hic substitit Abraham, Dei clementiam admirans, & ultra progredi veritus. Nullam de eripiendo Lot mentionem intulit, sat sciens eum Deo cordi esse, & divinæ illius providentiæ fidens.

TIRINI.

Verf. 22. **C**ONVERTERUNTQUE SE, scilicet duo Angh (ut patet cap. seq. vers. 1.) relicti apud Abrahamum tertio, qui maiestate vultus, & imperandi ac iudicandi auctoritate spectabilior erat, Deumque referebat, de quo mox dicitur: Abraham adhuc stabat coram Domino, & vers. ult. demum, finito colloquio abiit seu disparuit. Lyranus, & Tostatus dicunt, Hebræos trahere, hos tres fuisse Michaellem, Gabrielem, & Raphaellem, quorum primus Dei vicem & personam gessit in Sodomæ scel-ribus investigandis & puniendis, duo posteriores tamquam a primo missi everterunt Sodomam, & Lot eduxerunt. Abraham quidem, & Sara initio nesciebant esse Angelos: patet Hebr. xiii. vers. 2. unde & epulo illos tamquam homines exceperunt, neque alia adoratione eos adoravit Abraham, quam qua infra capite xxiii. vers. 7. dicitur adorasse filios Heth. Sed sensim cum illis agendo, ex splendore, futurorum prædicatione, & aliis signis certo deprehendit Angelos legatos Dei esse, immo Dei vicem, & personam gerere, maxime medium, qui instat iudicis excidii Sodomæ intentabat. Unde ut talem longe maiori reverentia ac submissione deinceps compellat, honorat, & pro Sodomis interpellat. Ita SS. Chrysostomus, Ambrosius, Augustinus.

GORDONI.

Verf. 1. **I**N CONVALLE. Hebr. *בְּאֵלֶּה* *belesne*, in quercubus, vel convalibus: vox utrumque significat: ibi Angelos excepit hospitio.

V. 2. APPARUERUNT EI TRES VIRI. Fuisse Angelos docet Paulus Hebr. xiii. vers. 2. Civilis hæc adoratio est. Unum alloquitur, qui honoratior visus est, postquam se incurvasset.

V. 4. LAVENTUR. Dicit hic aliquis assumpta ab Angelis corpora, dura non esse, ut tangi, & lavar possint: quomodo item colorata, ut videantur? Sed occurrendum est, posse Angelum tum varia accidentia, tum mollitiem, & duritiem exhibere, magis aut minus resistendo, ut agnosci non possit ab homine, an sit cor-

pus humanum, adhibita etiam duriore materia. Morus tamen non erit ibi vitalis, ut sciunt Philolophi.

V. 5. Hos esse Angelos non agnovit Abraham; & quod inde est, *Adoravit*, tantum civilem honorem designat. Magnus Doctorum consensus est, hic adumbrari mysterium Trinitatis, cum expressio sit unius & trium. Dixi iam quomodo Angeli per motum localem, & applicando activa passivis, exhibeant corpus palpabile. Nec obstat argumentum Christi Luc. xxiv. docentis ex tactu non esse se spiritum: nam argumentum Christi magnam quidem habebat probabilitatem, & vim sufficientem ad persuadendum, non tamen evidentem certitudinem. PANIS completur Hebraico loquendi more cibos quoscumque.

V. 6. Minima Hebræis mensura erat ovum gallinaceum. Cabus continebat 24. ova: satum sex cabos habebat: ephi tria lata. Porro decima pars ephi dabat gomor. Corus habebat decem ephi, & triginta modios. De his Exod. xvi. Corus & choros idem sunt. SIMILA hic significat expurgatam farinam.

V. 8. SUB ARBORE, quæ erat ante tabernaculum.

V. 9. COMEDISSENT. Non erat vitalis hæc comestio: transmissus cibus in aliud resolvebatur.

V. 10. VITA COMITE REVERTAR. Humano modo hoc dicit, si de se loquitur Angelus. Aliqui referunt ad Abraham, si salvus ille erit. Porro eodem tempore, seu exeunte anno ab hoc die. Risit Sara occulte, velut dubitans de futura prole, hac ætate. Nec forte peccavit contra fidem, nondum facta sufficiente propositione obiecti credibilis; cum nesciret esse Angelum; & ætas obstaret oraculo. Abraham tamen ex insequenti colloquio de Sodomitis, videri potest hausisse maiorem notitiam aliquam. Ceterum verba, IPSA POST OSTIUM TABERNACULI, in Hebræo ambigua quibuscumque sunt, ob varie positum pronomen, nunc masculinum וְהָאֵל (immo l'agninus vertit in neutro, ipsum) nunc etiam & apud alios femininum וְהָאֵלֵּי. De qua varietate dixi supra cap. xiii. vers. 14. Recte in Vulgato explicatur; item a Hieronymo. Et satis nota est enallage generis apud Hebræos. Certe

in Hebræo legendum est מִן־בִּי, ut olim, quicquid dicant Maioretæ; vel saltem sit *hæu*, pro *bi*.

V. 11. MULIERIA, menstrua, DERIERANT, sine quibus non concipit mulier. Sept. *ῥα γυναικία*.

V. 12. RISIT OCCULTE. Hebr. *Risit intra se*. Nomen Ilaac a risu, Risus Saræ arguitur, quia dubitationis fuit. Non tamen risus Abrahæ, quia admirationis, & lætitiæ est, ex Augustino, ut dicebam cap. xvii. vers. 17.

V. 13. IUXTA CONDICTIONEM, sicut promissi.

V. 16. DIRÊXERUNT OCULOS, converterunt se.

V. 19. Dat causam cur revelet Abraham excidium Sodomorum.

V. 20. Agit de excidio.

V. 21. VIDERO. In Scriptura aliquando Deus dicitur mala & peccata ignorare.

V. 22. CONVERTERUNT: abierunt duo, tertius persistat loquens cum Abrahamo usque ad suum capitis. STABAT, rogaturus pro Sodoma.

V. 33. ABIIITQUE, scilicet Angelus qui loquebatur cum Abraham: nam abierant alii duo Sodomam.



C A P U T XIX.

Lot, Angelis hospitio susceptis, a Sodomitis vino patitur: cum uxore, & utraque filia a Sodomitico ereptus incendio, uxorem in via amisit: tandemque inebriatus, cum utraque filia incestum ignorans commisit, unde ortum habuerunt Moabita, & Ammonita.

Veneruntque duo Angeli Sodomam vespere, * & sedente Lot in foribus civitatis. (a) Qui cum vidisset eos, surrexit, & ivit obviam eis, adoravitque pronus in terram, 2. & dixit: Obsecro, domini, declinate in domum pueri vestri, & manete ibi: lavate pedes vestros, & mane proficisemini in viam vestram. Qui dixerunt: Minime, sed in platea manebimus. 3. Compulit illos oppido ut diverterent ad eum; ingressisque domum illius fecit convivium, & coxit azyma; & comederunt. 4. Prius autem quam irent cubitum, viri civitatis vallaverunt domum a puero usque ad senem, omnis populus simul. 5. Vocaveruntque Lot, & dixerunt ei: Ubi sunt viri qui introierunt ad te nocte? Educ illos huc, ut cognoscamus eos. 6. Egressus ad eos Lot, post tægum ocludens ostium, ait: 7. Nolite, quæso, fratres mei, nolite malum hoc facere. 8. Habeo duas filias, quæ necdum cognoverunt virum: educam eas ad vos, & abutimini eis sicut vobis placuerit, dummodo viris istis nihil mali faciatis, quia ingressi sunt sub umbra culminis mei. 9. At illi dixerunt: Recede illuc. Et rursus, Ingressus es, inquit, ut advena; numquid ut iudices? Te ergo ipsum magis quam hos affligemus. (b) Vimque faciebant Lot vehementissime; iamque prope eras ut effringerent fores. 10. Et ecce miserunt manum viri, & introduxerunt ad se Lot, clauferuntque ostium; 11. & eos, qui foris erant, (c) percusserunt civitate a minimo usque ad maximum, ita ut ostium invenire non possent. 12. Dixerunt autem ad Lot: Habes hic quempiam tuorum? Generum, aut filios, aut filias, omnes, qui tui sunt, educ de urbe hac: 13. delebimus enim locum istum, eo quod increverit clamor eorum coram Domino, qui misit nos

ut

ut perdamus illos. 14. Egressus itaque Lot, locutus est ad generos suos qui accepturi erant filias eius, & dixit: * Surgite, egredimini de loco isto: quia delebit Dominus civitatem hanc. Et vilos est eis quasi ludens loqui. 15. Cumque esset mane, coegebant eum Angeli, dicentes: Surge, tolle uxorem tuam, & duas filias quas habes: ne & tu pariter pereas in scelere civitatis. 16. Dissimulante illo, apprehenderunt manum eius, & manum uxoris, ac duarum filiarum eius, eo quod parceret Dominus illi. 17. (d) Eduxeruntque eum, & posuerunt extra civitatem, ibique locuti sunt ad eum, dicentes: Salva animam tuam: noli respicere post tergum, nec stes in omni circa regione; sed in monte saluum te fac, ne & tu simul pereas. 18. Dixitque Lot ad eos: Quæso, Domine mi, 19. quia invenit servus tuus gratiam coram te, & magnificasti misericordiam tuam quam fecisti mecum, ut salvares animam meam, nec possum in monte salvari, ne forte apprehendat me malum, & moriar. 20. Est civitas hæc iuxta, ad quam possum fugere, parva, & salvabor in ea: numquid non modica est, & vivet anima mea? 21. Dixitque ad eum: Ecce etiam in hoc suscepi preces tuas, ut non subvertam urbem pro qua locutus es. 22. (e) Festina, & salvare ibi: quia non potero facere quidquam donec ingrediaris illuc. Idcirco vocatum est nomen urbis illius Segor. 23. Sol egressus est super terram, & Lot ingressus est Segor. 24. (f) Igitur Dominus pluit super Sodomam, & Gomorrhæm sulphur, & ignem a Domino de cælo: 25. & subvertit civitates has, & omnem circa regionem, universos habitatores urbium, & cuncta terræ virentia. 26. (g) Respicientque uxor eius post se, versa est in statuam salis. 27. Abraham autem confurgens mane, ubi steterat prius cum Domino, 28. intuitus est Sodomam, & Gomorrhæm, & universam terram regionis illius; viditque ascendentem favillam de terra quasi fornacis fumum. 29. Cum enim subverteret Deus civitates regionis illius, * recordatus Abrahæ, liberavit Lot de subversione urbium in quibus habitaverat. 30. Ascenditque Lot de Segor, & mansit in monte, duæ quoque filię eius cum eo (timuerat enim manere in Segor) & mansit in spelunca ipse, & duæ filię eius cum eo. 31. Dixitque maior ad minorem: Pater noster senex est, & nullus virorum remansit in terra qui possit ingredi ad nos iuxta morem universæ terræ. 32. Veni, inebriemus eum vino, dormiamusque cum eo, ut servare possimus ex patre nostro semen. 33. Dederunt itaque patri suo bibere vinum nocte illa: & ingressa est maior, dormivitque cum patre; at ille non sensit nec quando accubuit filia, nec quando surrexit. 34. Altera quoque die dixit maior ad minorem: Ecce dormivi heri cum patre meo, demus ei bibere vinum etiam hac nocte, & dormies cum eo, ut salvemus semen de patre nostro. 35.* Dederunt etiam & illa nocte patri suo bibere vinum: ingressaque minor filia, dormivit cum eo; & ne tunc quidem sensi quando concubuerit, vel quando illa surrexerit. 36. Conceperunt ergo duæ filię Lot de patre suo. 37. Peperitque maior filium, & vocavit nomen eius Moab: ipse est pater Moabitum uique in præsentem diem. 38. Minor quoque peperit filium, & vocavit nomen eius Ammon, id est filius populi mei: ipse est pater Ammonitarum uique hodie.

(a) Hebr. xlvii. 20. (b) II. Pet. ii. 8. (c) Sap. xix. 16. (d) Sap. ii. 6. (e) Sap. x. 6. (f) Deut. xxi. 23. (g) Ista. clxii. 19. Jerem. li. 40. Esch. xvi. 47. Os. xi. 8. Amos iv. 11. Luc. xviii. 29. Iudæ vii. 41. Sap. xviii. 35.

G E N E S I S

B R U G E N S I S

ROMANAE CORRECTIONES.

V. 1. *Et sedente* *Est*. Neque coniunctio & hic auferenda est.

V. 14. *Surgite, eprodimini*. Hic non est interponenda, aut addenda coniunctio &.

V. 19. *Recordatus Abrahæ liberavit* *Est*. Alii: *Recordatus est Abrahæ, & liberavit* *Est*.

V. 35. *Dederunt etiam & illa velle*. Quidam etiam gravant verbum *dederunt* particula enclitica *dederuntque*.

C O M M E N T A R I A

S A.

Vers. 2. **P**UERI, id est servi.

Vers. 8. **E**DUCAM. Putavit oblatione hac furorem populi placandum, nec illum acceptaturum quod offerebatur. Chryl. hom. XLIII.

V. 11. **Q**UI FORIS ERANT. Hebr. *Qui erant ad osium*. CAECITATE. LXX. *ἀσπασία*; quasi dicat, audentia, qua scilicet aliqua videntur, alia non videntur. Sic qui percussus ab Eliseo, & discipuli, Lucæ XXIV. Aug. in Gen. quæst. XLIII.

V. 14. **L**UDENS; quasi dicat, non serio.

V. 15. **S**CLERE, id est sceleris punitione.

V. 16. **D**ISSIMULANTE. Hebr. *tardamē*. PARCERET, id est, vellet erigere.

V. 17. **R**ESPICERE POST TERGUM. Id Lucæ IX. pro pœnitere accipitur; at hic proprie accipitur. CIRCA REGIONE. Hebr. *planitie*.

V. 19. **M**AGNIFICASTI MISERICORDIAM; id est, maxima usus es erga me misericordia. Nec POSSUM IN MONTE SALVARI. Turbatione timoris Deo non credit: sic & filias voluit prostituere. Aug. in Gen. quæst. XLIV.

V. 22. **S**EGOR, id est parva, Hebr. *Tsohar* *וְצוֹהַר*.

V. 24. **P**EVLT DOMINVS A DOMINO, id est Filius a Patre. Aug. locut. Gen. cap. XXX. & in Gen. quæst. LIX. *A Domino*, id est *a se*, Hebr. Hæc subversio dicitur a quibusdam facta anno 51. a confusione linguarum.

V. 26. **P**OST SE, id est post tergum. Hebr. *post eum*, id est averſa a tergo viri, quem tequebatur. Chald. *post se*. LXX. *re-*

trorsum. SALS, scilicet metallici, qui est durissimus. Est quidem sal sapientiæ symbolum, & hic positus ad insipientium admonitionem.

V. 27. **S**TETERAT, scilicet sæpe interrogans Deum.

V. 28. **F**AVILLAM; alii *vaporem* vel *fumum* vertunt.

V. 35. **C**ONCUBUERIT. Hebr. *accubueris*, scilicet filia, ut supra.

V. 38. **A**MMON. Hebr. *Ben Ammi*, id est *id est filius populi mei*.

E S T I I.

Vers. 3. **C**OMPULIT ILLOS UT DIVERTERENT AD EUM. Sic & capite præcedenti Abraham occurrat, obsecratque hospites ut ad se diverſant. Et ad hæc duo exempla respexit Apostolus Hebr. XII. cum dixit: *Hospitalitatis nolite obſervare: per hanc enim quidam latenter Angelos receperunt, quos existimabant homines*. Sic enim legendum est iuxta Sixtina Biblia ex originali, non autem placuerunt. Sic & de discipulis in Emaus: *Et coegerunt eum*.

V. 8. **E**DUCAM EAS AD VOS, AR-UTIMINI ILLIS. Si ista fuisset nuda permissio minoris mali ad evitandum malum gravius, peccatum non esset. Ita enim in lege permissus est libellus repudiit ad evitandum mala, quæ ex odiis coniugum sequebantur, & nunc permittuntur lupanaria, ad præcavendum promiscua stupra. Sed quia non sola fuit permissio, sed cooperatio quædam per hoc quod dixit: *Educam eas*, &c. hinc probabilius putatur Lot non omnino a peccato excusandus; licet perturbatio, & studium defendendi hospiti-

tes peccatum minuerint. Vide Aug. quæst. xlii. in Genes.

V. 12. HABES HIC QUEMQUAM TUORUM GENERUM, AUT FILIOS, AUT FILIAS? De generis quomodo accipiendum sit, mox explicatur, dum Scriptura commemorat, Lot egressum fuisse, & locutum ad generos suos, qui accepturi erant filias eius. Sed quid agimus de filiis? An Angeli ignorabant Lot non habere filios? Resp. Angelos locutos ut peregrinos ac ignaros, etsi Dei nuntios: non enim necesse est Dei internuntios omnia omnino scire.

V. 23. NON POTERO FACERE QUICQUAM, DONEC INGREDIARIS IL-
LUC. Sensus est, quod stante illo promisso, quo Deus promiserat se servaturum Lot in Segor, non poterat Deus subvertere Sodomam, priusquam Lot in Segor venisset. Et ex his patet non inconvenienter dici, quod Deus per sua promissa, nobis debitor fiat. Atque ita de Deo loquuntur interdum PP. ut Aug. serm. xvi. de verbis Apostoli, & in enarratione secunda Psalm. xxxi. item Gregorius homilia xxxvii. super Evangel. Vide in I. Sent. dist. xlv.

V. 24. IGITUR DOMINUS PLUIT SUPER SODOMAM. ... A DOMINO. Prudent. contra Umonotas de hoc sic: *A Domino Dominus flammam pluit in Sodomitarum.* Et clarius se explicans subiungit: *Quis Dominus? de quo Domino? Si solus ab arce fidei spectat Pater, &c. innuens Patrem per Filium pluisse.* Alii tamen volunt hanc geminationem tantum more Hebræo factam.

V. 26. VERSA EST IN STATUAM SALIS. De ea Sap. x. sic: *Incredibilis anime memoria stans figmentum salis.* Liranus refert statuam hanc non minui, quantumcumque animalibus eam lambentibus: sed fabula videtur. Nihilominus petram hanc figuram mulieris, similitudinem salis aquæ habuisse, (sicut Christus dicit sal terræ. & Gregorius & Hilarius meminerunt petreæ salis) arguit mysterium significatum: de quo sic inter alios Augustinus de cantico novo cap. iv. *In statuam salis conversa est, ut salus suo exemplo condiret, ut discant non retrospicere.*

V. 31. ET NULLUS VIRORUM REMANSIT IN TERRA. Dubium utrum

putarint in tota terra, an tantum in terra vicina? Si priori modo, excusabilis fuisset puellarum factum; sed quoquo modo, debuissent prius inquirere an superesset viri. Vide seq.

V. 32. VENI, INEBRIEMUS EUM VINO, DORMIAMUSQUE CUM EO. Aug. Lib. XXII. contra Faustum cap. xlii. disputat de facto Lot, utrum, & quatenus excusari possit. Chrysost. in hunc locum non modo ebrietatem Lot, verum etiam factum huiusmodi excusare videtur. Sed certe, salva Chrysostomi reverentia, non recte; etsi propter honestum finem minus reccatum fuerit. An vero Lot ab ebrietate excusari possit, quasi vim vini ignorarit, nec hoc videtur: nam mirum si pater, vir dives, & hospitalis vim vini non sciret, quam (ut videmus) bene norant filiae. Itaque nec Lot ab omni peccato excusari posse videtur.

V. 33. AT ILLE NON SENSIT, NEC QUANDO ACCUBUIT, NEC QUANDO SURREXIT: non quasi concubitus commiserit dormiens, aut nihil sentiens; sed quod ita fuit vino consopita eius ratio, ut more brutorum nihil cogitans cum qua misceretur, ad coitum moveretur præsentem feminam, de uxoris morte, vel omnino de uxore nihil cogitans, immo nec posttridie sciens se cum muliere concubuisse: quomodo aliqui qui homicidium committunt ex ebrietate, posttridie nesciunt se id fecisse. Sic Bonavent. in II. distict. xxii. in fine: *Non sensit, id est non discretit.*

MARIANAÆ.

vers. i. VENERUNTQUE DUO ANGELI SODOMAM. Hebræi tres Angelos venisse putant tribus negotiis præfectos: unum, ut partum Saræ nuntiaret, quo factum manifestum cum Abraham: August. in Gen. quæst. xxxiii. alterum, ut Lot educeret; tertium, ut Sodomam everteret. Quidam etiam e nostris Angelum cum Abraham locutum putarunt fuisse Christum, seu Dei Filium, ut testatur August. de Civit. Dei Lib. XVI. cap. xxi. sic vocatur Dei nomine, eum veneratur Abraham, & ad eum dirigit sermonem. SEDENTE LOT IN FORIBUS. Ad portas civitatis erant fora, & mercatus. *Quando sedet in portis vir eius:* Prov. xxxi.

xxx. verf. 23. sic Ruth 4. *ascendit Booz ad portam, & sedit ibi.*

V. 2. DECLINATE IN DOMUM PVERI VESTRI, id est servi vestri. In Domum, ita ut ibi pemotetis. Ea est vis verbi *לָיִן Linu*, pro quo Noster dixit, *Manete ibi.* IN PLATEA MANEBIMUS. Excusatio hæc acuit potius invitantem, ut magis invitetur.

V. 3. COMPULIT ILLOS OPPIDO. Vox *כָּפַץ ipōzar* est proprie multis verbis, & precibus urgere, ut ait Hebræus Schol. FECIT CONVIVIUM. *מִשְׁתֶּה mistheb* Hebraicum a bibendo deducitur, sicut & *εὐαγέριον* Græcum. Nec crediderim Latinam vocem diicere, sed deduci a comibendo, duplici b mutata in u.

V. 4. OMNIS POPULUS SIMUL. Hebr. *Omnis populus a fine ab extremo*, nempe urbis gravem furorem.

V. 8. SUB UMBRA CULMINIS MEI. Hebr. *signi mei*; pro tecti mei, domus mea.

V. 9. INGRESSUS ES, INQUIUNT, UT ADVENA. Hebr. *Unus venit ad peregrinandum, & iudicando iudicabit.*

V. 11. PERCUSSERUNT CAECITATE. *A'apasia* fuit hæc, qua videntes alia, domus portam videre non poterant. August. in Gen. quæst. xl.iii. sic qui quærebant Elisæum: sic discipuli, Lucæ xxiv. Christum non agnoscebant.

V. 15. IN SCelere CIVITATIS, vel in punitione, ne pereas.

V. 16. DISSIMULANTE, tardante, Hebr. scilicet Lot.

V. 18. QUÆSO DOMINE MI. Convertit ad unum sermonem, quia alter festinabat reverti ad excidium.

V. 19. QUIA INVENTIT SERVUS TUUS GRATIAM. Magnanimo beneficia ab ipso accepta commemorat, non illi data: Aristot. Nec possum in monte salvare. Præ timore non credit se in monte evasurum.

V. 21. SUSCEPI PRECES TUAS. Hebr. *faciem tuam*; sed perinde est.

V. 22. VOCATUM EST NOMEN URBIS ILLIUS SEGOR, id est parva. Antea superius dicta est Segor, sed per anticipationem.

V. 24. DOMINUS PLUIT... A DOMINO. Antiqui ex repetitione colligebant mysterium Trinitatis; quasi dicat, pluit

Filius a Patre. Id verum esse, Concilium Sirmiense cap. xiv. anathematice sancit. Novi Expositores explicant: *Pluit Dominus a Domino*, id est de cælo, vel a se.

V. 26. POST SE, retrorsum, Sept. VERSA EST IN STATUM SALIS, antequam Lot perveniret Segor; & ibi ea statua extabat Iosephi & Hieronymi ætate. Nolebat Deus ut illi ad urbem converterent oculos, ne amor rerum reliquarum revocaret retro. Sal metallicum erat quod imbre non liquefuit. Plin. Lib. XXXI. cap. vii.

V. 28. QUASI FORNACIS FUMUM. *כִּבְשָׁן kibshan*, ait Hebræus, significat fornacem calcis, seu calcariam. Adverte, Angelos qui iverunt Sodomam, non vocari Dei nomine ineffabili, sed solum eum qui cum Abraham est locutus. Veteris incendii vestigia, terra torrida infrugiferaque; poma extrinsecus pulchra, intus cinere repleta. Tacitus Libro XXI. Solinus cap. xlviii.

V. 32. VENT, eia, age; verbum pro adverbio: INEBRIEMUSEUM.

V. 35. QUANDO CONCUBERIT. Hebr. *Cubuerit illa*, scilicet filia.

V. 38. NOMEN EIUS AMMON. Stephanus de urbis. *Lotus quidam filium habuit Ammæum, a quo Ammanitæ Arabes dicunt.*

M A L V E N D A E.

Verf. 1. **E**T MANE PROFICISCEMINI. Pro mane Hebr. est *שָׁכַם schacam*, quod est mane surgere, diluculo surgere. Manicare dixit Lucæ Interpres, xxi. 38. Manicandi verbum esse Latinum, & veteri Iuvenalis Interpreti usurpatum, alibi docemus. Gellius Lib. VII. cap. 1. & Lib. II. cap. xxix. diluculare dixit. Quidam conferunt cum *שָׁכַם schechem*, humero, quasi sit erigere humerum surgendo de lecto: ridicule. Alii maturinare reddunt. Nonnulli simpliciter surgere, levare. Hispanice *levantarse*. Annotant, quando *schacham* absolute ponitur, esse mane surgere, maturinare, manicare, diluculare; quando vero ei adiungitur nomen *בֹּקֶר boker*, mane diluculo, verbo simplici *surgens* vertendum, ne fiat inutilis re-eritio. Sed tunc *boker* putaverim sensum augere, & maturam, celeremque manicacionem indicare; nam eiusmodi re-

peti-

petitiones ad auxilium Hebræis esse familiares, nimis est pervagatum. Sic c. ix. vers. 14. *nubificare nubem*, & cap. xxxii. 13. *pernoctare nocte*.

V. 3. COMPULSIT ILLOS. מצר *patzar* aiunt, quando construitur cum Beth, ut hic, significare proprie *rumpere in aliquo homine*, quando quis veste aliquem secum abrumpit, ac trahit, alioquin invitum ac nolentem: ut habeat cognationem cum verbo מצר *paratz* transposito. Unde hic vertunt: *Et rupit in eis valde*. Hispanice eleganter, *Rompio con ellos*. Aliqui volunt esse *inflare, perseverare, irruere in aliquem rogando, effragitando*. Alii per vim facere exponunt. Noster, *Compulsit*, cogit reddere solet. Luc. xxiv. 29. per *cogere* videtur interpretatus. Sic vers. 9. infra. CONVIVIUM, מִשְׁכֵּחַ *mischtch* Hebræis dicitur a bibendo, quasi bibale, ut Græcis *symposium* a computando: *computationem* proprie veritas, seu convivium, in quo apponitur potus: nam convivium, quasi combibium dictum quidam exstimaverunt; quamvis Cicero a vitæ convictu dictum malit. Et COXIT ΑΖΥΜΑ, מצח *matzah* Græci, & Noster eos secutus *azyma* transcurunt, id est in-fermentata: aiunt esse placentas, seu tortas compressas & subariditas ex puriore farina, extracta & educta, quasi expressa & emulsa ex viliori. a verbo מצח *matzatz*, quod est *exprimere, emulgere*. Convenit vox Græca *maza*, & Latina *massa*, seu *passa*. Notant, coxisse *azyma*, ut mature comederent, & se ad quietem componerent. Vide supra cap. xviii. vi.

V. 5. UT COGNOSCAMUS EOS. Observant, adeo deploratos fuisse ut, abiecto omni pudore, turpissimum suum flagitiosissimumque animum palam profiterentur. Atque hinc dictam in vulgo *sodomiam*. Vide simile Iudic. xix. vers. 22. *Cognoscere*, pro coitu venereo, ut supra cap. iv. vers. 1.

V. 8. HABEO DUAS FILIAS. . . . EDUCAMEAS ADVOS, ET ABUTIMINI EIS. DUMMODO VIRIS ISTIS NIHIL MALI FACIATIS. Quidam: Tanta erat olim hospitalitatis reverentia ut suorum hospitum incolumitatem suis etiam damnis redimerent, & se quidvis lubire paratos esse ostenderent potius quam ut ius hospitii, quod sanctum est, violaretur. Nec tamen propterea probari, aut in

exemplum trahi potest quod hic Lot, aut Iudicum xix. vers. 24. Ephraëus ille facit: quia facienda non sunt mala, ut eveniant bona. Sed Loti verba amolientis sunt, ut hac tam iniqua oblatione, & damno rerum suarum, familiarque suæ, civium animos emolliret.

V. 9. UT IUDICES. Heb. *Et iudicavit iudicare*; id est, vult nobis imperitare, leges, & vivendi rationem præscribere: perpetuus est censor morum, & vitæ nostræ, morosus & fastidiosus nobis. Nam hanc esse volunt vim huius Hebræismi. Vide II. Petri ii. vers. 8.

V. 11. CAECITATE. סְחָרִים *sanverim* vox quadrata, & peregrina videtur, quæ usum Moïsen voluit, ad significandam ingentem & densissimam occæcationem seu cæcitatem: nam & quatuor litteræ, & pluralis numerus, id potissimum indicant, nempe crassissimam excæcationem. Hebræi aiunt, esse eam cæcitatem quæ in corde sit, & in oculis, cum quis videns nescit quid videat, ut in magna luce; quasi dicas hallucinationes. Græci Interpretes *aorasmam* dixerunt, Chaldæi *irradiationes*; quasi radiis percussis oculi nihil penitus cernant. Quidam componunt ex סְחָרִים *asof*, id est, *damnum, periculum*, & חָרִי *ghorver*, *cæcus*, quasi *damnum & periculum cæcorum*, qui capti sunt oculis: vel ex סְחָרִים *seneb*, *rubus*, qui propter densitatem frondium tenebrosus est & cæcus; vel tamquam si oculos spinæ iniecit perfoderent. Sed ut dixi, vox peregrina videtur. Ter tantum legitur in Scriptura, hic, & II. Regum vi. 17. bis. *Præstributiones oculorum, & hallucinationes*, quidam exponunt: alii *secomata*, seu *vertigines*.

V. 15. QUUMQUE ESSET MANE. Hebr. כִּשְׁמוֹ *chemo*, sicut *aurora ascendit*. Hinc nostrum Hispanicum, *Como subio la aurora*. COGEBANT EUM ANGELI. וַיִּמְצוּ in Hiphil bis tantum legitur, hic, & Isaïæ xxii. 4. ubi Noster *incumbere* dixit, quod hic recte quadret: *Et incubabant Angeli in Lot*; id est, eum urgebant. Alii reddunt: *Et properare, festinare, accelerare fecerunt Angeli ipsum Lot*. Quidam: *Instabant, urgebant, premebant, ardebant Angeli ipsum Lot*. Alii, *Solicitabant*.

V. 16. DISSEMBULANTE ILLO. Verbum quadratum מַחְבֵּא *mahbah* in Hithpael novies tantum in Scriptura ponitur; L l nec

nec in alia coniugatione legitur. Noster varie reddidit, Gen. xlii. 10. *disferre*, II. Samuelis xv. 28. *abscondere*, Iudicum i. 26. & Psalm. cxviii. 60. *turbare*, Exodi xxi. 39. & Habacuc ii. 3. *moram facere*, Isaie xxix. 9. *obstupescere*, Iudicum xix. 8. omisit transferre, aut dixit *assumptis viribus*, hic *dissimulare*. Quidam aiunt, proprie esse *turbare*, *interturbare*, *tumultuari*, *distrabi* negotiis ex vicinis verbis *חמא hamab*, & *חמא hamam*; nec esse verbum dubitantis, sed deliberantis, & disputantis, seu interturbati & occupati animi & distracti in re aliqua. Putant a Luca x. 40. 41. verbum per *ἡσυχάζω*, & per *ῥαψάζω*, *satagere*, *distrabi*, *turbare* circa plurima. Ego vero & quadraturam, & coniugationem verbi existimo plurimum eius significatum intendere, ut maximam turbationem. & distractionem tunc Loti significet; quasi tunc multum turbatus satergit, & circumcursaret, ac distraheretur ad colligendas res suas; & multum cunctaretur, ac moram traheret. Quidam tardare, morari exponunt. Alii, *Aliquantulum cunctari*, *aliquantisper remorari*, *disferre aliquandiu*, comprehendere iniquitatem temporis: ut cognitionem habeat cum *חמא* meum, *quantulum*, & *חמא* iom, *dies*, quasi sit disferre de die in diem. Sed hoc est in etymis futiliter nugari. Quanto satius fuerit ignorantiam profiteri. Nec desunt qui negligere. *posthabere* interpretentur, quod Noster hic *dissimulare* dixit. Nec prorsus aliene vertas, *Et obstupuit*; quasi præ metu, & rei novitate stuperet, atque torperet. Ego verbum proprie *moram*, *torporum*, *tardationem* denotare ruto, quæ significatio cunctis locis recte aptari potest. Proprie: *Et interturbare sese fecit*. EO QUOD PARCERET. Nomen est *חמא chemab*, quod cum bis tantum in Scriptura occurrat. Isaie lxi. 9. *indulgentiam* Noster exposuit, hic fere omnes reddunt: *In passione*, *percentia*, *ignoscencia*, *mollitudine*, *commiseratione*, *venia*, *clementia*, *indulgentia* IHUH semper cum.

¶ 17. SALVA ANIMAM TUAM. Heb. *Eripe te*, ad vitam tuam attendens: eclipis coniugati.

¶ 18. DOMINE MI. Heb. *Adonai* est cum *camez*, & videtur esse sacrum: unde Lot viuetur iam cognovisse illos Angelos, qui vices Dei gerebant.

¶ 19. INVENIT GRATIAM; id est,

venit in gratiam, inivit gratiam, consecutus, nactus est gratiam. Sic hoc verbum sæpe tumitur in Scriptura: ut Lucæ i. vers. 30. & Romanor. iv. 1. MISERICORDIAM TUAM, *חן chesed* primaria, inquit, ac propria significatione idem Hebræis notat quod Græcis *ἔλεος*, hoc est affectum illum pietatis, aut caritatis, quo parentes naturaliter tanguntur erga liberos, & vicissimii erga illos; quo frater erga fratrem, amicus erga amicum afficitur. Potest autem, & licebit reddi secundum sententiæ commoditatem. Nunc pro gratia, nunc pro caritate, nunc pro pietate; nunc pro beneficencia, seu benignitate, vel beneficio, nunc pro gratitudine, nunc pro sanctitate, seu bonitate. Græci *ἔλεος*, id est misericordia, verterunt, quos fere semper secutus est Noster. Paulus videtur exposuisse caritas, seu dilectio.

¶ 21. SUSCEPI PRECES TUAS. Heb. *Levavi facies tuas*. Notant, *levare faciem alterius*, idem valere quod nobis, acceptare, præferre, anteferre, habere alicuius hominis respectum; & esse acceptationis, favoris, benevolentie, & gratiæ. I. Samuel xxv. 35. *Audivi vocem tuam*, & *levavi*, *acceptavi*, Noster *bonoravi faciem tuam*. II. Reg. iiii. 14. *Nisi faciem Iosaphath regis Iuda levarem*, id est acceptarem, Noster *erubescerem*. Sic hoc loco exponunt: *Ecce levavi*, *acceptavi*, *facies tuas etiam in hac re*; quasi dicat: Etiam in hac re volo tibi gratificari.

¶ 22. IDEIRGO VOCATUM EST NOMEN URBI SEGOR. Heb. *Propterea vocavit*, vel impersonaliter, *vocatum est nomen urbis Tzohar*, id est parva, modica, exigua, vilis. Hæc prius appellata fuit Belagh, Genes. xiv. vers. 2. & 8. de qua S. Hieronymus in Traditionibus: *Bala lingua Hebræa xarânor*, id est devotio, dicitur. Traiunt igitur Hebræi, hanc eandem in alio Scripturarum loco I. Samuel. ix. 4. *Sahian nominari*, dicitur rursus *מִלְכָּם מְרִיכָה*, id est vitulam contemnentem. Isaie xv. 5. *quod scilicet tertio motu terra absorpta est*. Et ex eo tempore, quo Sodomæ, & Gomorrhæ, *Adamæ*, & *Sebaim* divino igne subverse sunt, illa Parvula nuncupatur. Siquidem Segor transfertur in Parvulam, quæ lingua Syra Zoara dicitur. Et in locis Hebræis: *Bala*, quæ est Segor, nunc Zoara nuncupatur, sola de quinque Sodomæ.

domorum urbibus, Lot precibus reservata. Imminet autem mari mortuo, & praesidium in ea positum est militum Romanorum: habitatoribus quoque propriis frequentatur: & apud eam gignitur balsamum, & poma palmarum, antiquae ubertatis indicia. Nullum autem moveas quod Segor eadem Zoara dicitur, cum idem sit nomen Parvulae vel Minoris; sed Segor Hebraice, Zoara Syriace nuncupatur. Bala autem interpretatur Absorpta: super quo in libris Hebraicarum Questionum plenius diximus. Et rursus? Segor, quae & Bala, & Zoara, una de quinque civitatibus Sodomorum, ad preces Lot de incendio reservata, qua usque nunc ostenditur. Meminit huius & Isaias in Visione contra Moab. De praesidio Romano posito Zoarae in Notitia Imperii haec habentur: Equites sagittarii indigene, Zoara, scilicet stativa habebant. Ceterum unum & idem omnino nomen est, quod Hebraice dicitur Tzogbar, & Syriace Tzogbara, addito tantum He finali, vel Aleph. Zoara pagi Palaestinae meminit Stephanus Byzantius: & Zoaram Petrus ac Arabiae attribuit Ptolemaeus Lib. V. cap. xvi. & Iosephus Lib. V. Belli cap. v. quod Petra non multum abistat lacu Asphaltite. Segor describunt pluribus sacri geographi. Vvithelmus Tyrius Lib. XXII. Belli sacri cap. xxx. ait suo tempore appellatam Palmer, nempe a palmetis, quae ibi frequentia. Iacobus Vitrarius in Historia Ierosolymitana, cap. LIII. Paunier habet. Vide Iosue xv. 54.

V. 24. PLUIT. Verbum *המטר* hmitr in Hiphil magnam vim & imperum pluviae designat, ut non plueret, sed ruere de caelo viderentur torrentia ignis, & sulphuris, nempe fulmina, uti Iosephus, & omnes intelligunt. SULPHUR. *גפרית* gephrit aiunt esse. gummi genus seu bituminis, aut materia glutinosa, quae facile ignem concipiat & terrae sterilitatem indicat. Omnes sulphur interpretantur. Plinius Lib. XXXV. cap. xv. Fulmina, & fulgura quoque sulphuris odorem habent; ac lux ipsa eorum suspurea est. Quidam picem esse volunt; fortasse id quod Plinius ibidem *pisaphaltum* vocet ex coagumento picis, & bituminis. ET IGNEM. Ignem istum mixtum sale fuisse, dicitur Deuter. xxix. 23. ubi *sal combustus*, vel *combustionis* dicitur: quod sal iniectum in ignem mirum in modum ignem exacuit, & acerrimum reddit: & mirabi-

li quoque exemplo, quo urbes perduelles, quando exciuntur, aratrum in eas immittitur, & sale seminantur. Urbes quoque tunc incendio absorptae & deletae ibidem nominantur quatuor, Sodoma, Gomorra, Adama, & Seboim ut Osee xi. 8. cum hoc loco duae tantum exprimantur, duae aliae intelligantur. Sapientiae x. 6. Descendentem ignem in Pentapolim. DOMINUS A DOMINO. Patres exponunt: Dominus a Domino, id est Filius a Patre, ut hic mysterium sacrae Triadis indicetur. Sublimis sensus & excolendus, ut sit simile illi Psalm. cix. 1. Dixit Dominus Domino meo. Hebraei, & plerique recentiorum phrasim linguarum malunt, ut sit emphatica repetitio, quod non usitato modo aut naturae ordine tunc Deus pluerit; sed tamquam exerta manu palam fulminaverit, praeter solitum naturae morem: ut satis constaret, nullis causis naturalibus constaram fuisse pluviam illam ignis, & sulphuris, aut picis ardentis. Cornelius Tacitus refert, eas urbes *isâu fulminum arsisse*. Ergo pluit Dominus a Domino, ipse Dominus a se pluit, fuit mirabilis, supra naturam, opus proprium Dei, non nubium, aut alterius naturalis causae naturalis illa ignea, & sulphurea pluvia: solus Deus sua ope & virtute pluviam illam confluxit. Quidam illud a Domino ad auxilium additum volunt; quasi fuerit ingens & maxima pluvia. Heb. De ad Dominum vel De cum Domino. Notant articulum *נמ* etb, quando a fronte recipit praepositionem *Mem*, ut hic, tum exponi per pronomen *ipse* emphatice, *Ab ipso Domino de caelo*. Semel id annotatum esto, in similibus locutionibus, quae saepius occurrunt. Additum DE CAELO significat, ne putarimus, ignem illum & terram tunc erupisse, & urbes illas absorpsisse; quod existimavit Strabo Lib. XVI. pag. 526. qualiter Ercuvius mons & terra ignem quondam eructabat; & in Germania apud Iuhones ignis & terra erupit, auctore Tacito Annal. xiii. extremo.

V. 25. ET SUBVERTIT CIVITATES HAS, ET OMNES CIRCA REGIONEM. Haec fuit *vallis Silvestris*, seu *vallis Siddim*, quae igne, & sulphure a Deo de caelo tacta fuit, & tota cum quatuor urbibus deleta: ubi de repente exitit lacus Asphaltites, seu mare salis, aut mortuum; cum in ea valle antea iacescent plurimae

foſſæ, ſeu putei aſphalti, hoc eſt bituminis, erumpente nimirum poſt conflagrationem, e terra magna vi aquarum, & bituminis. Vide quæ notavimus cap. xiv. verſ. 3. & 10. Hic eſt inſignis ille lacus Aſphaltites, nedum ſacris, ſed etiam profanis auctoribus celebratus: de quo Eraſthænes, Poſſidonius, Zennophilus, Ariſtoteles, Diſodorus Siculus, Strabo, Plinius, Solinus, Joſephus, Cornelius Tacitus, Juſtinus, Ptolemæus, Paulantias, Galenus, & alii tam multa prodidere. Deſcribunt illum accurate ſacri topographi. Nec illud omiſerim quod ad verſum illud Maronis Eclogæ vii.

... Incende bitumine lauros,
Servius annotavit: *Id eſt, lauros divino igne conſume; nam bitumen ex fulmine dicitur procreari. Unde iuxta Babyloniam, quia frequentia cadunt fulmina, hac re lacus redundant; adeo ut inde fabricent muros. Nec a veriſimili abſudit, tantam vim fulminum iactorum a Deo in Pentapolim, terram alioquin ſuapte natura bituminofam, bituminioſiorem reddidiſſe. Vide de hoc lacu Joſue xii. verſ. 16. ET CUNCTA TERRÆ VERENTIA.* Joſephus Lib. V. Belli cap. v. *Et renaſcentes in fructibus cineres, qui colore quidem ſunt edulibus ſimiles, carpentium vero manibus in fumum diſſolvuntur, & cinerem.* Cornelius Tacitus Hiſtor. V. *Haud procul inde campi, quos ſerunt olim uberes, magnique urbibus habitatos, fulminum iactu aſſiſe, & manere veſtigia: terramque ſpecie torridam, vim frugiferam perdididiſſe, nam cuncta ſponte edita, aut manu ſata, ſive herba tenuis, & flore, ſive ſolitaria in ſpeciem adolevere, atra & inania, velut in cinerem tranſeſcunt. Ego ſicut Iudæas quondam urbes igne cæleſti ſlagraſſe conſeſſerim; ita hactenus lacus inſici terram, cornumpi ſuperſuſum ſpiritum; eoque ſetus ſegetum, & autumnii putrefcere reor, ſolo, cæloque iuncta gravi.* Solinus cap. xxxviii. *Pomum gignitur, quod habeat ſpeciem licet maturitatis, mundi tamen non poteſt: nam fuliginem intrinſecus ſavillaceam ambioſitatum extime cutis cobibet, quæ vel levi tactu preſſa fumum exhalat, & ſuſciſcit in vagum pulverem.* Eadem Terullianus in Sodomâ, cap. iv. S. Auguſtinus Lib. XXI. de Civitate Dei cap. v. Egeſippus Lib. IV. Exerci. cap. xxi. Oſorius Lib. I. cap. v. S. Beda de locis ſanctis cap. xii. Iaco-

bus Vitriacus Hiſtorix Ieroſolymitanæ cap. 2111. *Brocardus diligens terræ ſanctæ inſpector: ita ut nec ullum germen proſeras fere per ſpatium quinque leucarum. Ibi terræ naſcentia, non ſecus quam ſi a pruna fuiſſent tacta, emoriuntur: ſub Engaddi iuxta mare mortuum ſunt arbores pulcherrimæ, ſed fructus earum, quando decerpuntur, intus ſavilla, & cinere pleni inveniuntur. Ut ſit illud Sapientix x. 7. Et in certo tempore fructus ſerentes plantæ. Deuteron. xxix. 23. Non ſeretur, neque germinabit, nec aſcendet in ea omnis herba.*

V. 26. Uxor eius poſt ſe. Heb. *De poſt eum.* Quidam intelligunt, poſt Lot virum ſuum: Lot enim mulieres ſequebatur, ut urgeret eas. Forſan cura mariti, qui pone ſequebatur, eam averſit. Alii, *De poſt eum;* id eſt, quæ erat a tergo eius, nempe Lot; nempe ſequebatur iſpſa maritum ſuum, & reſpexit retro poſt ſe. Nonnulli figuratam putant eſſe locutionem: *Reſpexit poſt ſe;* id eſt, eam incepti pœnituit, ut illud Lucæ ix. 62. *Nemo mittens manum ſuam ad aratrum, & reſpiciens retro, aptus eſt regno Dei.* VERSA EST IN STATUAM SALIS. Mira ſunt quæ in huius loci explicationem aſſerunt quidam. Hebræi exponunt, *In cumulum, acervum, ſive maſſam ſalis,* quod igne, qui ſulphur & ſalem commixtum habuerit, Deuteron. xxix. verſ. 23. perierit. Nonnulli non reſerunt ad materiam, aut ſaporem, ſed quiaea ſtatua, quacumque illa materia ſacrit, notabile aliquid, & acre habuerit, quod viatores moneret. Videtur enim notas aliquas impreſſas habuiſſe, quæ inſtar ſalis, prætereuntes edocuerent, memorabile illud eſſe portentum. Alii ſtatuum ſalis interpretantur ſtatuum incorruptibilem, permanſuram in ſempiternum; quaſi dicat: *Mutata eſt in ſtatuanam quæ eſſet perpetuum incredulitatis exemplum.* Sic Numeror. xvi. 19. dicitur *paſſum ſali.* id eſt incorruptibile, immortale, ſempiternum, perpetuoque duraturum, quod ſal areſcat corruptionem. Plerique ad ſalem metallicum, & efficitium alluſum putant, de quo Plinius Lib. XXXI. cap. 7. *Sunt & montes nardi ſalis, ut in Indiis Oromenus, in quo lapidinarum modo cœditur renaſcens. Efficitur & e terra. Charis Arabiæ oppido muros, domoſque maſſis ſalis faciunt, aqua ferruginantes.* Inter

Aegyptum & Arabiam, etiam squalentibus locis captus est inveniri. Iosephus de hac statua salis Lib. I. Originum cap. xxii. Ceterum Loti uxor inter abeundum subinde ad urbem respiciens, & curiosius cladem hanc contra mandatum Dei spectans, in statuam salis est versa. Dicitur est mihi iam & de illa; nam extat hodie quoque. Tertullianus in Sodomia cap. iiii.

Ipse quoque imago sibi formam sine corpore servans

Durat adhuc, numquam pluvius, nec diruta ventis;

Quin etiam si quis mutilaverit advena formam,

Protrinus ex sese suggestu vulnera complet. Dicitur & vivens alio iam corpore sexus,

Munifico solito disspungere sanguine menses.

Benjamin Tudelensis in Itin. rario: *A mari vero Sodomitico ad cumulum salis, in quem Loti uxor conversa est, duæ leucae sunt. Constat enim adhuc: cumulus ille, qui a gregibus aliquando lambendo imminutus denuo ad pristinam crescit molem. Sunt hæc plane miræ; fidem tamen meam non obstringo. Brocardus: A Iericho quinque sunt leucae contra austrum ad oppidum Segor, sub monte Engaddi positum: inter quem montem, & mare mortuum est statua salis, in quam uxor Lot fuit conversa. Pro qua videnda multum subillaboris, sed in cassum: nam averterunt me Saraceni, dicentes locum non carere periculo, propter serpentes, vermes, & feroces bestias ibi habitantes. Sed postea comperirem non ita se habere. Consentiant alii terræ sanctæ descriptores, suo tempore extitisse adhuc eam statuam. Sapientie x. 7. Et incredula animæ monumentum flans columna salis.*

V. 31. QUI POSSIT INGRESSE AD NOS. Notant, verbum *וָיָב* *bo*, venire, quando de adventu seu ingressu viri ad feminam dicitur, tum honeste conjunctionem viri & mulieris, id est *congrredi*, seu *coire cum muliere*, eam *inire*, significare; & tunc construi cum præpositione *וְ* *vel*, ad. in, ut Genes. vi. 4. Genes. xvi. 2. 4. Psalm. c. 1. & semel reperiri constructum cum *וְ* *ghal*, id est *super*, nimirum isto loco: *Et vir non in terra ad veniendum, vel qui veniat super nos*: creduntque virgines reverentius, ac verecundius, quam vulgaris loquendi modus erat. illam conjunctionem voluisse significare. Est enim honestius di-

cere, venire super mulierem, quam venire in mulierem, & eam inire. Recte quidem Hebraice, ac Latine; sed non vernaculis linguis, præsertim Hispanice: quamvis *El* & *Ghal* sæpius confundantur in Hebraismo.

V. 34. HERI. *וְעַתָּה* *emesch* aiunt significare tempus noctis obscurum & opacum, quo in somniis res sensibus obversantur, & quasi in obscuro sese atrestandas offerunt; esseque semper de tali tempore intelligendum, quod paulo ante crastinum discessit; quare compositum putant ex *וְ* *מש* *musch*, *discedere*, & *וְ* *מש* *maschash*, *palpare*; id est, tempus palpabile, quod discessit; hoc est, tempus in quo palpatione, & attentione opus fuit. Noster vertit adverbio *heri*; neque potuit ob linguæ egestatem commodiorem reddere. Alii simpliciter, præteritam, *hesternam* noctem, *vesperam*, *heri vespere*, significare volunt. Discrimen inter *לילה* *lailah*, & *emesch* constituunt, quod *emesch* non nisi de hesternæ & præterita nocte; *lailah* vero etiam de præsentis, ut in hoc versu manifeste, & cap. xxxi. 29. cernere libet.

V. 37. & 38. Hi sunt Moabitæ & Ammonitæ, nobiles Arabiæ populi, & in Scripturis celebres: quos utroque Cæle Syriam incoluisse Iosephus annotat.

MENOCH II.

Vers. 1. DUO ANGELI: illi duo qui ab Abrahamo recesserant. *VEPERE*, sub noctem. *SEDENTE LOT*, ut hospitalitatis, quam ab Abrahamo didicerat, occasione caperet. *IN FORIBUS CIVITATIS*, ut peregrinos primus exci-eret, & ne qua vis illi inferretur a civibus, aut ne in commerciis, quæ iuxta portas exercebantur, circumvenirentur. *ADORAVIT*: valde honoris causa se incurvavit.

V. 2. PUERI VESTI, servi vestri. *LAVATE*, permittite lavari, ut supra cap. xviii. 2. *MINIME*. Negant ad primam invitationem honestatis causa, non negatori si amplius urgeantur.

V. 3. COMULIT ILLOS OPPIDO: valde urit rozando: speciem præ se tulit eos cogentis. *AZYMA*: subcinericius panes firmo carentes ut superiori cap. xviii. num. 6.

V. 4. OMNIS POPULUS SIMUL: ita ut (quod Hebraeus textus indicat) ab extremis etiam oppidi finibus confluerent, ut aliquo modo sceleris illius participes essent, quod offendit in ea urbe decem integros non fuisse: aderant etiam pueri, quod intellige de doli capacibus.

V. 5. COGNOSCAMUS EOS: turpiter eis abutamur.

V. 7. MALUM HOC, quo & hospitii ius, & lex naturæ violantur.

V. 8. ABUTIMINI ILLIS. Vel perturbatus Lot non satis intellexit se non posse stupro exponere filias, quæ a So. omittis non expectabantur: vel ad eum egit modum quo quis alteri amico irato pugionem offert, dicens: Me potius occide, quam eum cum quo tibi est rixa, vires: certus amicum iratum non processurum ad necem.

V. 9. RECEDE ILLUC: abi ab ostio, ne nos impediās. INGRESSUS ES UT ADVENA, NUMQUID UT IUDICES? quasi dicat: Ne hic iudicem agas, aut morum censorem, cum sis peregrinus. TERGO IPSUM MAGIS QUAM HOS AFFLIGEMUS: te ipso abutemur. VIMQUE FACIERANT, trudentes, foribus vim inferentes, ut iuvenes ad probrum abriperent.

V. 10. ET ECCE. Rem inopinatam vide: hospites sui securi subito referant ostium, Lothum introducunt, populum depellunt.

V. 11. PERCUSSE RUNT CAECITATE. Non plane cæci facti sunt, sed offusa caligo, ut fores domus Lot invenire non possent, immo nec suas, ut habemus in Lib. Sap. cap. ult. num. 16. Vel in Libro Sapientiae tantum dicitur Sodomitæ ostium Lot, Aegyptios vero domorum suarum portas præ tenebris invenire non potuisse.

V. 12. DIXERUNT, duo illi viri, ut exprimitur in Hebræo. HABES NIC QUÆMPIAM TUORUM? omnes tibi sanguine, aut necessitatibus aliis iunctos parati sumus eripere tui gratia.

V. 15. QUASI LUDENS LOQUI: ioco, non serio loqui, delirare. TOLLE UXOREM TUAM, ET DUAS FILIAS. Hæ tantum Lotho crediderunt.

V. 16. DISSIMULANTE ILLO, moras neciente, fortasse etiam orante Deum ut parceret.

V. 17. SALVA ANIMAM: vitam eri-

pe incendio. NOLI RESPICERE; id est, nolite: nam id etiam uxori, & filiabus mandatum. Iubet autem non respicere ad exercendam Lot obedientiam, in detestationem etiam eorum qui flammis addiebantur, quibus neminem compati volebat: vel etiam quia eum propere cupiebat, nec moras necesse, nullumque quod inde egressus esset dare signum poenitentiae. IN MONTE, qui imminet urbi Segor.

V. 18. DOMINE. Duo erant Angeli, sed unus Lot, & uxorem manu ducebat: hunc compellat hic Lot dicens, Domine; alter eum sequens pone inter duas filias medius eas pariter ducebat.

V. 19. MAGNIFICASTI MISERICORDIAM. Hebraismus, pro maxima erga me usus es misericordia. NEC POSUM IN MONTE SALVARI: prætexius, non vera necessitas: nam postea ivit in montem.

V. 20. NUMQUID NON MODICA EST? parvi oppiduli salutem peto, ut mihi sit refugio, & saluti. Pauci in eo incolæ, quare & pauciora, & leviora crimina.

V. 21. SUSCEPI PRECES TUAS. Heb. Suscepi faciem tuam. LXX. ἰδὼν αὐτὸν τὸ πρόσωπόν σου, admiratus sum faciem tuam, reveritus. De hoc dici possit illud Pauli Heb. v. vers. 7. Exauditus est pro sua reverentia. UT NON SUBVERTAM. Deus statuera oratione Lothi oppido parcere, quare in animum eius immisit ut pro eo deprecaretur.

V. 22. NON POTERO QUIDQUAM, iuxta divinum decretum, quo iussus sum te prius periculo subducere, & totam postea plantam inflammare. INGREDIARIS ILLUC, in territorium urbis. SEGOR, quæ prius dicebatur Bala, supra cap. xiv. 2.

V. 24. PLUIT DOMINUS A DOMINO. Plane a Domino fuit pluvia hæc ignis, & sulphuris, non autem a causis naturalibus. Ex repetitione colligitur Interpretes mysterium Trinitatis; quasi dicat, pluit Filius a Patre: id verum esse Concilium Sirmiense cap. iv. anathemate sancit. SULPHUR, ET IGNUM. Incertum an vox Hebraica שׁוּפְרִית gophrit significet sulphur, picem, an bitumen. Sulphur peccati factorem, ignis libidinis ardorem significat. DE CAELO, de aere.

V. 25. OMNEM CIRCA REGIONEM, non

non solum Sodomam, & Gomorrhiam, sed Adamam quoque, & Seboim. **UNIVERSOS HABITATORES**: nulli insonantes: si qui a scelere puri propter ætatem teneram, iis Deus hoc incendio consuluit ne parentum mores cum adoleviscent, sequerentur. Femine propter luxum, & superbiam, probabile eorum cum viris foeditatis genere, qua illis licebat, inquinatas fuisse. Nec hoc tantum igne conflagrarunt Sodomitæ, sed, ut habemus apud S. Iudam, num. 7. *Facili sunt exemplum ignis æterni penam sustinentes*: quam penam adulterum neminem evasisse credibilis est. **URBEM**, quatuor, quas dixi. **CUNCTA TERRÆ VIRENTIA**: tota vallis cremata.

V. 26. RESPICIENS, verbis Angeli non credens, ut indicat Liber Sap. cap. x. 7. relictarum Sodomæ rerum desiderio, & cognoscendi studio, undenam strepitus ille crepitantium flammarum, qui exaudiebatur, quarum etiam quamvis aversæ, fulgor aliquis perstringebat oculos, respexit. **IN STATUAM SALIS**, effigie muliebri, quæ etiamnum extare dicitur ab iis qui in iis regionibus peregrinati sunt. Sal hoc videtur fuisse metallicum, quod pluviam resistit, & ædificiis soliditate sua est utile, de quo Plin. Lib. XXXI. cap. vii. Est autem versa in statuam Salis uxor Lot, ut esset perenne monumentum divinæ vindictæ, quo posterio doceantur Dei mandatis parere, & in bene coeptis pergere, nec retrospicere. Videtur Dominus animæ uxoris Lot pepercisse, quod gravis culpa non fuerit ad incendium illud respicere.

V. 28. QUASI FORNACIS FUMUM. Vox Hebræa significat fornacem calcariam.

V. 29. RECORDATUS ABRAHÆ: memor petitionis illius: *Ne perdas iustum cum impio*: supra cap. xviii. num. 23. & 26.

V. 30. ASCENDIT LOT DE SEGOR. An cum ipse egressus est Segor, perdidit Dominus etiam civitatem illam, ut ceteras: constat ex num. 21. non fuisse eversam. **TIMUERAT ENIM**, contemplatus vim incendiis. In via tantum fuerat prohibitus respicere.

V. 31. DIXITQUE MAIOR. Crediderat utraque soror, mortales omnes extin-

ctos incendio, ut olim audiverant a parente diluvio periisse; itaque studium reparandi humani generis illas incitavit ad facinus. Nec tamen excusandæ, nam a congressu cum parente naturalis reverentia illas poterat abstergere, & ex Lotho querere poterant, num aliqui homines flammam illas effugissent.

V. 33. AT ILLE NON SENSIT: ebrietate victus uxorem suam sibi putavit accubare, immemor illam mortuam.

V. 35. DEDERUNT ETIAM. Secunda Lothi ebrietas minus a culpa excusari potest quam prima. Sed quis adeo afflictus omnia possit prospicere?

V. 37. MOAB, dicitur quasi **MO me ab**, ex patre, quasi profiteatur se cum filium ex patre genuisse. Pudentius altera quæ filium vocavit *Ammon*, Heb. **אֲמוֹן בֶּן לֹחִי** *ben ammin*, id est *filius populi*, vel generis mei; id est, non ex Sodomitis genitus est, sed patrem habet ex gente mea.

TIRINI.

Vers. 8. HABEO DUAS FILIAS. **HABUTIMINIS**. Vero-similius est, Lot hac oblatione filiarum non peccasse: quia a Scriptura, etiam post hoc factum vocatur iustus a. Sicut enim quis placare volens offensum, subinde nudum pectus pugionemque offert, dicens, Occide me, non animo ut ita fiat, sed ut hac submissione placeat iratus; ita videtur hic Lot obtulisse filias suas ad stuprum, non animo ut id fieret, & ita flagitio redimeretur, sed animo placandi hac tanta submissione furentem populum. Sibi enim persuadebat, & rationabiliter (ut eventus ostendit) quod populus non admitteret eam oblationem (maxime cum constaret, illas filias iam desponsatas esse civibus Sodomæ, quorum haud dubie aliqui amici istic aderant) sperabatque tam liberali oblatione averti re impios a coepto scelere. Ita S. Chrys. b & Caict.

V. 11. UT OSTIUM INVENTRE NON POSSENT. Sapientia ult. dicuntur *subitaneis cooperiti tenebris, unusquisque transitum ostii sui quaesivisse*: Grace est, *transitum suarum portarum*. Non ergo solius domus Lot, sed & suarum propriarum domorum ostia reperire non poterant, quantum-

tuncumque quærent. Non erat tamen absoluta cæcitas (ut est in Latino) quæ est carentia potentæ visivæ (quia sic non fuissent ultra solliciti de ostio Lot, & suis ostiis quærendis; sed desisterent a facinore duces pocius viarum inclamassent) sed erat *ἀσπεία* (ut est in Græco) seu non videntia, quam alii *ἀσπεία* vocant, quæ quæ s, licet videre possit, & quadam alia videat, hæc tamen hic & nunc non videt, vel saltem non distincte discernit. Sic nimirum contigit his Sodomitis. Deo non concurrente cum oculis ad receptionem specierum ab ostiis emissarum, aut ad actum visionis eliciendum. Ita Iosephus, S. Ambrosius, Chrysostomus c, Augustinus.

V. 22. ID CIRCO VOCATUM EST NOMEN URBIS ILLIUS SEGOR, id est parva. Quia enim Lot veritus non posset in montem evadere, ut Angelus monuerat, p. tut, & impetravit ut posset pro alio habere vicinam urbem, idque vel hoc solonome petit quia parva erat, idcirco nomen illud *Segor*, seu parva, illi inditum est, & remansit. Alioquin ante vocabatur Bala d: & erat quinta urbs pentapoleus iam igni delinata cum Sodoma, Gomorha, Amana, & Sebo m e; sed precibus Lot erepta & conservata. Ita Iosephus, S. Hieronymus, & Borchardus.

V. 24. PLUIT DOMINUS A DOMINO SULPHUR, &c. Hebraismo; id est, Dominus a seipso pluit, vi & potentia propria, non intercurrentibus causis naturalibus, ut solet in aliis incendiis. Ita Caietanus, Pagninus, Vatablus, Oleaster. Licet etiam cum antiquioribus Patribus f, & Concilio Sirmienti g dici possit Deus Filium pluisse a Deo Patre, seu virtute Patris: quia Pater non operatur nisi per Filium, qui est eius Sapientia & æternum Verbum. Unde & contra Photinum hæreticum probant hinc Patres divinitatem Filii, & pluralitatem personarum in Deo.

V. 26. VERSA EST IN STATUAM SALIS. Ita merebatur inobedientia, & incredulitas ipsius. Nam ita dicitur Sapientia x. *Incredibilis anima*, id est incredula, memoria *stans figmentum salis*. Et licet vero simile sit illam non nisi venialiter peccasse, atque ita salvam esse, & purgatorio expiatam animam; voluit ta-

men severius punire Deus, & novo salis exemplo fatuos docere, credendum in omnibus, & obediendum Deo, nec in sancto proposito respiciendum retro, aut tergiversandum. Ita Rupertus, Prosper b, & alii. Unde & Christus Lucæ xvii. vers. 31. in eadem sententiam ait: *Memento uxoris Lot.*

Nota, corpus retenta figura feminea conversum fuisse in sal, non illud molle, quale nostrum est marinum sal; sed in aliud lapideum, & quasi metallicum, quod ex montibus marmorum instar excindi solium & olim, & etiamnum, testes sunt Plinius i, Solinus, Isidorus, Aulus Gellius, Olaus Magnus, Petrus Hispanus, & alii. Bochartus k & Adrichomius dicunt, hoc quoque tempore illam statuam extare inter mare mortuum & montem Engaddi, in quem Lot contigit. Mare vero mortuum vocatur lacus ille qui, exussis funditus his quatuor oppidis, & terra quasi ad inferos depressa, emerit, putidus. & crassus, & salis aquis plenus, quibus innatant ubique moles bituminis, quas putei, quibus ante vallis erat plena l, ex imo evomunt. Unde a bitumine dullos est lacus Asphaltites: & quia nullo fert pisces, aliæ animalia, mare Mortuum vocatur: & a falsævine, nare salis, vel falsissimum. Est & fumans perpetuo & tenebrosus, sicut os inferni, uti oculis meis vidi, inquit Borchardus. Vicina vero ad s. vel e. leucas sterilia prorsus & cinerulenta sunt. Poma eadem hinc inde videas, ad speciem pulchra, sed si tangas in favillam vertuntur. Ita Philo m, Iosephus, Strabo, Solinus, Plinius, Tacitus, Tertullianus, Augustinus, & alii iam dicti.

V. 37. & 38. VOCAVIT NOMEN EIUS MOAB; id est, ex patre, scilicet meo, concepi hunc filium. AMMON, in Hebræo & Chaldæo est, *Ben-ammon*, seu *Ben-ammi*, id est filius populi, seu cognationis mee, quia in unico patre putabat esse universum populum suum, seu spem totius stirpis. Voluit vero Deus in detestationem huius incestus manere æternam memoriam eius infamæ criminis, etiam in ipsis nominibus *Moabitarum* & *Ammonitarum*, ut item

Hæ-

Hebræos detereret ab illorum connubiis ; & omnes , quanta ex ebrietate nascantur mala , edoceret . Ita SS. Chryso-
stomus , Hieronymus , Ambrosius , &
alii .

- (a) Sap. ult. vers. 16.
(b) Chrysost. homil. xlii.
(c) Chrysost. homilia de Eliseo. Aug. quæst. xlii.
& Lib. xxii. de Civ. cap. xix.
(d) Cap. xiv. Genes. vers. 2.
(e) Deut. xxix. vers. 23.
(f) Hilarius de Trin. Lib. IV. Irenæus Lib. III. cap. vi. Cyprian. Lib. III. ad Quirin. cap. xxxiii. Ambros. Lib. I. de fide cap. 11. Hieron. in cap. 1. Osee.
(g) Conc. Sirmien. cap. xv.
(h) Prosper Lib. I. de tradit. & promiss. cap. xvi.
(i) Plin. Lib. xxxi. cap. vii. Ibid. Lib. xvi. cap. 11. Gell. Noct. Att. Lib. II. cap. xxii. Olaus Lib. XIII. cap. v. Felt. Hist. in hid.
(k) Borch. part. I. cap. vii. Adrich. in Descript. terre sanct.
(l) Genes. xiv. vers. 10.
(m) Philo L. de Abraham. Ios. Lib. V. Belli cap. v. & xvi. Strabo Lib. VII. Geograph. Solin. cap. xxvii. Poly-
hist. Plin. Lib. V. cap. xvi. Tacitus Lib. V. hist. Tetrull.
de Pallio cap. 11. Aug. XXI. de Civ. cap. v.
(n) Chrysost. hom. lvi. ad pop. Hieron. in vita
S. Pauli. Ambros. de Elia & Isaias.

GORDONI.

Verf. 1. **C**Ur non tres? Tot enim ca-
pite præcedente recesserunt ab
Abraham vers. 22. Verum ex eodem loco
colligitur , tertium , qui primarius videba-
tur , substituisse cum Abrahamo , in illodia-
logismo , cap. xviii. vers. 23. & deinceps .

V. 3. COMPUTIT : verbis & precibus
adegit , quod satis explicat vox Heb. *נצב*.

V. 8. SUB UMBRA CULMINIS , te-
sti , vel domus meæ . Peccat Lot offeren-
do filias ; immo ut fiat , suadet Angelo ;
sed repentino motu perturbatum excusat
aliquantulum Augustinus Libr. contra Men-
dac. cap. ix. forte etiam ex ignorantia in-
vincibili , putabat se recte suadere minus
malum . Licet hoc quidem aliquando ; &
saltem sub tali ignorantia . Quod suo loco
prolixius explicant Theologorum scholæ .

V. 9. INGRESSUS ES ; ac si dicerent :
Peregrinus es , & te morum censorem facis .

**V. 11. PERCUSSERUNT CAECITA-
TE .** Quidam hoc interpretantur de aora-
sia , ut est apud Septuaginta ; nempe non
de potentia videndi sublata , sed de impe-
dito actu videndi , & saltem aliqua ex par-
te , & res ut erant . Textus tamen noster

habet cæcitatem . Septuaginta ; *τις ἀσπασίας*
sunt assertores .

V. 16. DISSIMULANTE ILLO , tar-
dante illo exire .

V. 17. NON RESPICERE . Vatablus
putat proverbium proferri ; ac si diceretur :
Non te poeniteat i i i n e r i s c æ p t i . Dicendum
est tamen , esse præceptum , ex poena ; cum
textus habeat , veriam uxorem Lot in sta-
tuam salis in poenam transgressionis . Sta-
tuam adhuc extare aliqui scribunt . Ani-
ma tamen non est mutata in statuam .
Causam dati præcepti non disquiro ; quis
novit sensum Domini ?

**V. 19. NEC POSSUM IN MONTE
SALVARI .** Lot turbatus timore non cre-
dit se posse salvari a morte ; postea tamen
ivit in montem .

V. 22. Mansit salva Segor , urbs una
Pentapoleos prius dicta Bala , cap. x. vers.
8. Iam tunc Segor , id est parva . Sic in-
telligi quod habetur Sap. x. vers. 6. *ἡ πόλις
ἐσθλὴ* , id est parvum . **INCIRCO VO-
CATUM EST .** Hoc refertur debet ad vers.
20. ubi vocata est urbs parva .

**V. 24. PLUIT DOMINUS A DOMI-
NO .** Hinc Concilium Sirmien. quod Ar-
rianorum fuit , dixit , Filium , qua Deus
est , obieci , & ministrare Deo Patri . Ali-
qui intelligentes Patrem , & Filium , col-
ligunt personam que est Deus posse pro-
duci . Verus tamen sensus est , pluisse Do-
minum a seipso , seu a sua potentia ; non
vero a causis naturalibus . Sept. *κατὰ τοῦ
ἑᾶς ἀπαυ* . Non ergo fuit hæc pluvia natu-
ralis . Observavi alibi , deleram Sodomam
anno mundi 2077. qui fuit 99. Abrahami .
Quod vero aliqui dent anno 2037. est ,
quia prætereunt Cainam , cui debent dari
30. anni .

V. 25. Dux urbes hic nominantur ; ta-
men quatuor exulsi ; in quarum loco ,
Deo operante , erupit Asphaltites iarns .
Quima , scilicet Segor , liberata est . Vide
Ioseph. Lib. V. Belli. cap. v. Reliquas duas
exultas urbes Adona , & Seboim expressit
Moses Deuter. xxix. vers. 23. In hunc la-
cum se exonerat Iordanis nunc , nec inde
ultra emergit .

V. 26. Vera conversio hæc , in statuam ,
ut dixi vers. 17. & Scripturæ verba non li-
cet ad sensum improprium detorquere .
Dei virtute res acta est .

V. 27. UBI STETERAT , scilicet iuxta
Mm con-

convallē Mambre; ibi habitabat Abraham. Disflabat ab Aiphalite lacu leucis sex horariis: unde poterat agnosci incendium ex favillis.

V. 30. Hic mons est in quem Angelus initio volabat vers. 17. ut evaderet Lot. Suspiciantur multi esse Engaddi colles.

V. 32. Non puto posse excusari a peccato filias Lot in hoc incestu: nam concubitus fuit sine connubio, & cum parente deformitatem habet tam notam ut non appareat locus ignorantie excusanti. Et qua denique prudentia poterant femine

hoc aggredi consilium, sine consultore aliquo? Fuit iure naturali damnatus hic concubitus. Vide Levit. cap. xviii. de gradibus prohibitis. At quid de Lot? Sane peccasse videtur in cavā data, & ebriare. Nec potest ex ignorantia excusari, saltim in secunda ebrietate, utpote antea expertus vim hanc esse in vino inebriandi. Anno insequente hanc conflagrationem Sodomitæ, natus est Isaac. De anno mundi dixi alibi: mihi est an. 2078.

V. 38. Ab Ammon Arabes dicti Ammonitæ.

C A P U T XX.

Abraha in Geraris peregrinanti uxor a rege tollitur: qua ad Domini iussu cum magnis donis intacta redditur, & Abraham orante salus domui regis restituitur.

Rosectus inde Abraham in terram australem, habitavit inter Cades & Sur: & peregrinatus est in Geraris. 2. Dixitque de Sara uxore sua, Soror mea est. Misit ergo Abimelech rex Geraræ, & tulit eam. 3. Venit autem Deus ad Abimelech per somnium nocte, & ait illi: En morieris propter mulierem quam tulisti: habet enim virum. 4. Abimelech vero non tetigerat eam, & ait: Domine, num gentem ignorantem, & iustam interficies? 5. Nonne ipse dixit mihi, Soror mea est; & ipsa ait, Frater meus est? In simplicitate cordis mei, & munditia manuum mearum feci hoc. 6. Dixitque ad eum Deus: Et ego scio quod simplici corde feceris; & ideo custodivi te ne peccares in me, & non dimisi ut tangeres eam. 7. * Nunc ergo redde viro suo uxorem, quia propheta est: & orabit pro te, & vives. Si autem nolueris redde, scito quod morte morieris tu, & omnia quæ tua sunt. 8. Statimque de nocte confurgens Abimelech, vocavit omnes servos suos, & locutus est universa verba hæc in auribus eorum, timueruntque omnes viri valde. 9. Vocavit autem Abimelech etiam Abraham, & dixit ei: Quid fecisti nobis? Quid peccavimus in te, quia induxisti super me & super regnum meum peccatum grande? Quæ non debuisti facere, fecisti nobis. 10. Rursumque expositulans, ait: Quid vidisti ut hoc faceres? 11. Respondit Abraham: Cogitavi mecum, dicens: Forsitan non est timor Dei in loco isto: & interficient me propter uxorem meam: 12. alias autem & (a) vere soror mea est, filia patris mei, & non filia matris meæ; & duxi eam in uxorem. 13. Postquam autem eduxit me Deus de domo patris mei, dixi ad eam: (b) Hanc misericordiam facies mecum: in omni loco, ad quem ingrediemur, dices quod frater tuus sum. 14. Tulit igitur Abimelech oves, & boves, & servos, & ancillas, & dedit Abraham; reddiditque illi Saram uxorem suam, 15. & ait: Terra coram vobis est: ubicumque tibi placuerit, habita. 16. Saræ autem dixit: Ecce mil-

mille argenteos dedi fratri tuo: hoc erit tibi in velamen oculorum ad omnes qui tecum sunt, & quocumque perrexeris: * mementoque te deprehensam. 17. Orante autem Abraham, sanavit Deus Abimelech, & uxorem, ancillatque eius, & pepererunt: 18. concluderat enim Dominus omnem vulvam domus Abimelech propter Saram uxorem Abraham.

(a) Sap. xii. 13. (b) Inf. xxi. 23.

B R U G E N S I S

ROMANAE CORRECTIONES.

V. 7. Nunc ergo redde viro suam uxorem, quia propheta est; & orabit pro te, & vires. Hic est ordo, non tantum Sixtiiorum, verum etiam nostrorum antiquorum codicum, Hebraice

veritati consonantium. In aliis multis libris illud, Quia propheta est, postponitur huic, Et orabit pro te.

V. 16. Mementoque te deprehensam. Non delectas encliticam coniunctionem que,

C O M M E N T A R I A

S A.

Vers. 1. INDE, scilicet a convalle Mambre.

V. 2. DIXITQUE, scilicet interrogantibus quæ esset.

V. 3. MORIENS, scilicet nisi reddideris uxorem, ut infra declaratur.

V. 5. SIMPLICITATE, scilicet non putans me male facere.

V. 6. CUSTODIVI, id est prohibui.

V. 8. DE NOCTE, id est summo mane.

V. 12. FILIA PATRIS, id est neptis: scilicet erat filia Aram, qui natus ex alia, non matre Abraham. Quidam putant filiam Thare ex alia uxore. LXX. Soror mea est ex patre, & non ex matre. Vide Hier. contra Helvid. & sup. cap. xi.

V. 13. MISERICORDIAM, id est beneficium, seu gratiam. LXX. iustitiam. Vide etiam cap. seq. num. 23.

V. 15. CORAM VOBIS, id est in vestra electione; quasi dicat: Videtis terram, eligite quod placeat.

V. 16. VELAMEN OCULORUM, id est defensionem pudoris, quod scilicet te intactam viro tuo reddiderim. Dicuntur quidem oculi pudoris sedes. DEPREHENSAM, scilicet in errore.

V. 18. CONCLUSERAT; id est, sterilem reddiderat.

E S T I I.

Vers. 3. EN MORIERIS PROPTER TIS est, sed monentis, ne tangat mulierem.

Sed quaeritur, an Abimelech peccaverit? Et videtur quod non: quia & ipse Dominus dicit: Et ego scio quod simplici corde feceris. Pro contraria tamen parte est quod dicitur, Et orabit pro te: & rursum quod ipse Abimelech dicit: Quia inluxisti super me & super regnum meum peccatum grande. Itaque secundum aliquid innocens erat Abimelech, & secundum aliquid culpabilis. Innocens ab adulterio, & adulterii voluntate; culpabilis autem, quatenus mulierem quamcumque sine vinculo coniugii sibi sociare voluerit: tum etiam quod non satis diligenter inquisierit an esset coniugata, sed passus est verbis ambiguis se falli.

V. 7. QUIA PROPHETA EST, ET ORABIT PRO TE. Propheta, id est homo Deo familiaris; quasi dicat, itaque habet & fiduciam impetrandi.

V. 12. VERE SOROR MEA EST, FILIA PATRIS MEI, ET NON FILIA MATRIS MEAE. Nempe Sara filia erat Aran fratris Abraham, sed qui duo, scilicet Abraham, & Aran, ex eodem patre Thare, sed non item ex eadem matre nati essent.

Mm 2

sent.

feret. Necdum enim, inquit Hieronymus in Traditione. Hebr. super Genesim, inter patres & fratru filias nuptiae fuerant lege prohibita, quae in primis hominibus etiam inter fratres & sorores inite sunt. Fuit igitur Sara soror Abraham, scilicet quia neptis ex fratre: quomodo etiam Tobias inior cap. viii. dicit se accipere sororem suam in coniugem. Sed Abraham hac forma verborum propterea maxime usus est, ne putaretur uxor: quia nefas erat etiam eo tempore sororem proprie dictam habere coniugem. Vile nostra in IV. dist. xl.

V. 16. HOC ERIT IN VELAMEN OCULORUM AD OMNES. In Hebraeo sic: Ecce ipsum tibi operimentum oculorum omnibus qui tecum, & cum omnibus; & corripuit se. Septuaginta sic legunt: Haec erunt tibi in honorem (vel pretium, Graece τιμή) faciei tuae, & omnibus quae (seminini generis) tecum sunt; & omnia verisifica; id est, vera loquere. Et videtur significari, hae data Sarae & mulieribus quae cum ea erant, ut Sara magis ornata, ac proinde potentior appareret in oculis hominum, adeoque libere posset eloqui se coniugatam; nec quisquam auderet viro potenti uxorem cupere. Sequitur: Et corripuit se. Sensus est phrasi Hebraica: & correpta est, scilicet a suo ipsius animo, iam edocta quam periculosam esset se dicere sororem sui mariti esse.

M A R I A N A E.

Verf. 1. CADES ET SUR. De deserto Sur Exod. xv. quod Num. xxxiii. vocatur Ethan: estque prope Mare rubrum. Gerara distat ab Ierusalem itinere trium dierum, sicutque Regia Philistinorum. Hieronymus in Paralip.

V. 2. DIXITQUE DE SARA: scilicet rogantibus quae esset illa mulier, dixit esse sororem.

V. 3. EN MORIERIS. Hebraice, En tu mortuus, supple es, adum de vita tua: comminatoria denuntiatio.

V. 4. NUM GENTEM IGNORANTEM ET IUSTAM. Ignorantem vox redundat, sumpta ex Sept. certe Hebr. non est, sorte vitiose.

V. 7. QUIA PROPHETA EST. Propheta qui vaticinatur, & qui ex Deo in-

telligit divina & futura, ut Maria, Aaron, Iosue.

V. 12. FILIA PATRIS MEI, ET NON FILIA MATRIS MEAE. Sept. Soror ex patre, & non ex matre. Superius diximus filiam fuisse Aram, neptim Thare; quod si sequimur, dicemus filiam pro nepti sumere, neque fuisse natum Aram ex matre Abraham, sed ex alia femina. Thare enim creditur duas uxores habuisse. Ex altera Aram, ex altera Abraham natus est.

V. 15. TERRA CORAM VOBIS EST: vestrae electioni proposita: ubi placebit, habitate.

V. 16. IN VELAMEN OCULORUM. Mos antiquus velandi nuptas, unde nubentis vox, & flammum in nuptiis, & ritus velandi virgines quasi nuptas Christo, & quae alium sponsum non querant, ut virgines aliae. Ergo decem viro mille argenteos unde velum emas, quod praetendas oculis: & omnes qui tecum sunt, & quicumque alii intelligant te esse nuptam. Nam ubi nos legimus, QUOCUMQUE PERREXERIS, Hebraice legitur: Et ad omnes (supple serviat) velamen. Quod addit, MEMENTOQUE TE DEPREHENSAM, Hebr. tantum est נִסְתַּחֲבַחְתְּ Penochabath, quod quidam vertunt, Esloque reprehensa: alii, corripuit se, vel erudit se. Ego verterem: Et verum dicens, pro dic: sic Sept. הָיָה נִסְתַּחֲבַחְתְּ, & Hebraice Schol. dicit, eam vocem significare בְּדִיךְ בְּדִיךְ puritatem verborum: quam sententiam nosser Interpretes explicuit cum dicit, Memento te esse deprehensam, neque in mendacio, ne illud amplius dicas.

V. 18. CONCLUSERAT: sterilem reddiderat omnem feminam domus Abimelech. Prius hae gesta fuisse in Geraris quam narrantur, quidam putant, specie inducti Sarae, qua captus est Abimelech, in nonagenaria vix credibili. Negant alii, & decorem tot annos continuatum, quod non peperisset, affirmant.

M A L V E N D A E.

Verf. 1. IN GERARIS. Eusebius, & S. Hieronymus in Locis Hebraicis Geraram designant, quorum verba posuimus cap. x. verf. 19. Hanc appellavit Gurbath II. Paralipomen. xxvi. 7. auctor

Tra-

Traditionum in eum Librum affirmat.

P. 3. PER SOMNIUM. חֲלוֹם *chalom* volunt proprie esse *incrassationem, ingrossationem, coagulationem*, id est somnium: esse namque somnium veluti vitellum in albugine illud, id est somno, hoc est species illa quæ remanet, nec evanescit ut somnus, sed cuius post somnum reminiscimur. Nimirum incrassationem & concrectionem specierum in phantasia, quod insomnia crassa sint & concreta, atque ex humoribus crassis, & densis vaporibus, atque ex pinguedine cerebri gignantur. חֲלוֹם *calomus* Hebræis est vitellum ovi, quasi coagulum. HABET ENIM VIRUM Hebræa varie reddunt: Et ipsa maritata marito: 2. Et ipsa adamata marito: 3. Et ipsa addita marito: 4. Et ipsa subacta, subagitata marito: 5. Et ipsa dominata domino: Hispanice, tiene Dueno; 6. Et ipsa possessa marito. Sed nihil melius quam, Et ipsa posita marito. Antiqui dixerunt: Potius hostium, potius servitutis, passive, nimirum qui ab hostibus captus, vel in servitutem devenerat. Vide Festum. Sic Deuteronom. xxii. vers. 22.

P. 5. IN SIMPLICITATE. חֲדָתָהּ *thom*, integritas, perfectio, virtus, quæ opponitur versutiae, & perversitati. Paulus solet reddere simplicitatem, non ut sit intellectus, sed voluntatis. Nostræ simplicitatem, innocentiam, perfectionem.

P. 7. QUIA PROPHETA EST. נָבִי *nabi*, vates, propheta: & proprie talis est persona, quæ a Deo immediate est excitata, ut, quod ei divinitus vel in somnis, vel in visione, vel ab Angelo, vel in verbo revelatum est, venturum, futurum, seu faciendum aliis denuntiet, quasi oraculorum & decretorum divinorum interpres, & elocutor. Deducunt a נָבִי *bo*, venire, aut a נָבִינִיב, *sermons*, quod propheta ventura prædicat, & sermones a Deo accipiat, & populo annuntiet. Et magna fuit prophetarum non modo in Ecclesia Dei, verum etiam apud gentes æstimatio & gloria, quod Deus eisdemmodi homines magnis signis & miraculis, atque stupendis factis inflamascere vcluerit, & ornari, quibus ipsorum vocatio, ministerium, & verbum confirmaretur. Dissert autem propheta a sacerdote, quod propheta prædiceret ventura, & munere concionatoris fungeretur, & mysteria divina explicaret; ac sacerdos

sacris præesset in templo, & rem divinam curaret, administraretque sacrificia, & Dei cultum. Non aliter quam ut apud nos concionator dissent a parocho, seu pastore, qui sacramenta administrat. Propheta poterat esse ex alia tribu quam Levitica; sacerdos non nisi ex Levitica. Propheta clarebat miraculis, quibus fidem alituebant iis quæ ex parte Dei populo annuntiabat; sacerdos non opus habebat miraculis. Prophetæ functio & vocatio erat extra ordinaria; sacerdotis ordinaria. Ut nomen prophetæ varie sumatur, suis locis dicemus. Nec est dubium Abrahamum insignem fuisse prophetam, cui Deus multa revelaverit, & pura futura prædixerit. Hic prophetæ nomen accipit; volunt pro eo qui spiritu Dei actus scælus ipsius profiteatur, & gloriam prædicat. Vide in Tobie iv. vers. 12. ET ORABIT PRO TE. פָּלַל *palal* in Hithpalel, sicut est oratione, prece causam suam, seu negotium ad Deum attulit; & non dici de qualibet ad quemvis oratione, sed de illa tantum, quæ battologæ opponitur, & ad Deum dirigitur. Licere autem verti verbis deprecandi, vel objecerant, vel orandi, vel appellandi, vel interpellandi, quæ duo cum Hebræo *palal*, הִתְפַּלֵּל congruunt.

P. 13. EDUXIT ME DEUS. Hebr. Errare fecerunt me Elolam, vel Dii. Quidam de Angelis intelligunt: Quando circumduxerunt me Angeli, per varios errores. Alii: Errare fecerunt me Elolam, id est tres divinæ Personæ. Et hoc est rectum: nam Elolam cum de Deo ipso dicitur, construi aliquando cum verbo, vel adiuncto plurali, annotavimus Genes. i. vers. 1.

P. 16. MILLE ARGENTEOS. Siclos intelligunt fere omnes, mille sicles argenti, secuti Chaldæos Interpretes. Siculum valere quatuor drachmas Hispanicas etiam annotant. Unde dedit Abimelech Abrahæ quatuor mille drachmas Hispanicas: quod pro illo tempore non erat exile, aut vile donum. Alii libras argenti volunt fuisse; & tunc ultra mille scuta aurea Hispanica donum excurreret: quod malim, ut dignum rege erat. HOC ERIT TIBI IN VELAMEN OCULORUM. Variæ locum elucidant. I. Ipse Abraham erit tibi in velamen oculorum; id est, propugnator est pudoris tui: quicumque tibi cum esse virum noverit, oculos a te verteret, & ad

ancillis tuis . II. Ipse maritus , cui iuncta es , instar tibi tibi erit , quo te tegere debeas , ac protegere , ne sis alienis exposita : vel ipsum mariti nomen velabit ac tegeret oculos omnium , ne te concupiscant ac cupiant , uti ego feci , quod nescivi eum tuum esse maritum . III. Ipse maritus erit tibi velamen , tegumentum , operimentum oculorum , id est honoris , & pudoris tui : ipse te defendet ac proteget adversus calumniam , & rumores , quod mecum fueris : qui rem omnem ex vero & integro narrabit , & te a me intactam dimissam ostendet . IV. Hoc ipsum , nempe me dedisse fratri tuo marito mille argenteos , erit tibi in velamen oculorum , id est ad tuum ipsius pudorem ac verecundiam . (Velantur enim & obteguntur pudentium & erubescientium oculi , & ora . Hispanice dicimus : *Cubrir la cara de vergüenza* .) Ad pudorem , inquam , tuum hoc erit , ut deinceps pudeat te , tam coram tuis , quam alienis , dicere te viri tui forem , tacere uxorem ; hoc est , celare veritatem , & quasi alius imponere . V. Ecce ipsum , nempe argentum , & minus quod dedit fratri tuo , erit tibi in operimentum oculorum omnibus qui tecum fuerint , & aliis : operient enim tibi oculos , ne te aspiciant , aut concupiscant : ne exemplo meo , qui te male vidi , & concupivi , cogantur his donis redimere vitam suam , ut ego feci : nam dicent : Haud parvo fletit Abimelecho sua libido , siquidem tantum non periiit : & nos etiam abiteamus . VI. Hoc argentum erit velamen , prætexus excusationis tuæ apud tuos & alios qui ausi fuerint te arguere , aut honorem tuum maculare ; cum hoc donum evidens argumentum sit tuæ pudicitiae . VII. Hic tibi est operimentum oculorum : ut sit periphrasis mariti , a iure quæ in uxorem habet , & ab officio illius protegendæ ; tum ab officio uxorum in viros , tynechohice explicato , ut revererantur viros , Ephesior. v. 28. 33. iisque subiectæ sint : nam in subiectionis signum velatur uxor , infra cap. xxiv. vers. 65. & I. Corinth. xi. simile est *expandere alium vestimentum* , Ruth. 111. 9. *Haize* . IV. Hinc habere , & obnubere , id est caput operire : unde nuptiæ dictæ a capitis operatione , inquit Festus : & nupta , id est operata . Eius verba sunt : *Nuptias quas esse eunt* . *Aliter* & *Cineus* , quia

flammeo caput nubenti obtulatur , quod antiqui *obnubere* vocaverunt . Quasi dicat : Hic ipse sit tibi maritus , omnibus qui tecum sunt , & omnibus ; id est , quemadmodum a tuis familiaribus maritus hic esse tuus agnoscitur , sic fac ut apud alios quodcumque agnoscat . VIII. *Hoc erit tibi in velamen oculorum* , id est in defensionem pudoris , quod scilicet te intactam viro non reddiderim . IX. Ac si dicat : Fungor vice paranymphei , & novantiqui auspex matrimonii ; te viro quasi denuo in uxorem trado ; quin & dotem superaddo sictosmille : noli nova nupta erubescere ; velamen id est , flammeum habet , quo velare , & quo etiam ruborem doli , in quo deprehensas es , obnubas ; quodque omnium de tua pudicitia a me imminuta suspitionem facile diluet , cum viderint iam sancte & pudice a me habitam , & tam honorifice viro redditam . Futilis & putida expositio . X. Hoc argentum erit tibi in velamen oculorum , scilicet ut ex eo compares , aut facias tibi , operimentum , tegumentum , velamen pulcherrimum , dignum oculis (Hispanice *vestido*) speciosum , vel opere Phrygionico ocellatum , ocellis distinctum , contextum , aut insertum , variegatum , vel acu pictum , qualibus insignes , nobilesque feminae uti solent ad ornatum . Ut sit illud opus quod verbo *שבע* *sebahatz* Hebraei exprimere solent : nempe velamen simile illi quod Maro describit I. Aeneidos :

... pallum signis , auroque rigentem .

Et circumtextum croco velamen acantho .

Sic Hispanice solemus dicere , *para velos* , *para chopines* cum dona feminis dantur .

XI. Hoc erit tibi tegumentum , operimentum , velamen , prætexus oculorum ; hoc est , hoc munere tegam , operiam tibi oculos ; id est , placabo te , & omnes domesticos tuos , ut obliviscamini , & mihi condonetis injuriam , quam feci vobis , tamquam qui oculos velatos & opertos habebatis , & nihil criminis in me videritis . Hispanice , *Con esto os tapado los ojos* . Simili phrasi dixit Iacob infra cap. xxxii. vers. 20. verbo *capibar* , tegam , operiam , oblinam , expiabo , placabo facies eius munere . Huc respexisse putant Petrum I. Epist. 11. 16. *Non quasi velamen prætexus habentes malitiae libertatem* . Hanc interpretationem necessario aliis anteferas . XII. Ecce hoc tibi velum ad occultandam pulchritudinem

tuum

tuam & apud eos qui tecum sunt, & apud reliquos omnes, ne scilicet quem tentes.

Pronomen **אמן** hu possit referri ad Abraham, ipse ad argentum, ipsum ad munus, ad factum, seu rem gestam. Vocem **כסית** *cesub* omnes exponunt *tegumentum*, *operimentum*, *velamen*, *prætextum*. Nec deiciunt qui *Capo* servile esse velint, nam **מד** *sub* est *pallium*, *vestimentum*, *operimentum*, Genes. xlii. unde hic reddunt: *Ipsum erit tibi sicut pallium, vestimentum, operimentum*.

ET QUOCUMQUE PERREXERIS, MEMENTO TE DEPREHENSAM. Diverse exponunt ex fonte. I. *Et in omnibus correpta, increpata, redarguta, obiurgata*. II. *Et in omnibus disciplinata, erudita, castigata*; id est, per hæc omnia quæ ei sub Pharaone, & sub Abimelech contigerunt, erudita fuit, ne amplius maritum diceret fratrem. Vel rubore suffusa est Sara, quod a gentili & profano rege redargueretur. III. *Et ad omne obiectum*, vel *ad omnem obiectionem*. Redduntque totum locum: *Eccæ hoc erit tibi velamen oculorum erga omnes qui apud te sunt, & contra omnem etiam obiectionem*, seu *adversus omne obiectum*. Hebr. **וזה כל יונכחתי** *veerib col venochachati*; id est, *et ad omnes*, vel *cum omnibus*, *et redarguta*. **נכחתי** *nocachati* participium Niphal semineum; sed quod aiunt, transire in naturam nominis; quasi dicas, *obiectionem*, *obiectum*, *argumentum*, *disceptionem*: & *Vau* ei præfixum, more linguæ abundare, vel sumi pro *etiam*. Quidam illud *veer col* antecelentibus iungunt hoc sensu: *Eccæ ipse tibi velamen oculorum ad omnes qui ad te sunt, et ad omnes*; *et redarguta*; id est, erga omnes domesticos tuos, & erga omnes alios. Quem sensum alii præferimus. Aliqui: *Et castigaberis*, seu *eslo cauta*, ne mentiaris esse fratrem, qui maritus est. Nonnulli: *Atque hæc omnia ut erudita sis*; id est, quæcumque hæcenus gesta sunt, inquit, & quæ iam dico tibi, ea huc spectant omnia, ut erudita sis, caveasque impossibile, ne umquam dissimules hunc esse maritum tuum. Sic Abrahamo (qui ex facto non emendaverat hanc imprudentiam suam antea periculi experientia supra cap. xlii. vers. 18.) Deus hunc Abimelechum in iudicem, præceptorem, & doctorem veritatis obtulit.

V. 17. ANCILLASQUE EIUS. **אמה**

amab, si est ab **אמן** *aman* significat *ancillam*, *famulam*, a fidelitate. Si est ab **אמר** *amari*, **אמ** *em* *inire*, quasi matres maiores, Hispanice, *dugnas*. Ego exiitmo, ut **אמן** *amen* Hebræis est *fidelis*, *curator*, *nutritus*, cuius fidei infantes & pueri nutriendi, & educandi committuntur; sic *amab* esse *famulam*, *curatricem domus*, *nutritam*, cuius fidei & curæ & res domesticæ, & educatio, seu nutritio puerorum commissa est, ut digniores famulas, quas Hispanice *ayas*, aut *amas*, contentiente voce, appellamus, significet.

MENOCHII.

Vers. 1. PROPECTUS INDE. Mutat sedes Abraham, quia advertebat virulentas maris mortui exhalationes, & vicina loca sterilia. TERRAM AUSTRALEM, respectu convallis Mambre. GERARIS. Gerara urbs metropolis Palæstinæ, & sedes regia, fuit in tribu Simeon.

V. 2. DE SARA UXORE SUA. Saræ nonagenariæ pulchritudo divino muneri tribuenda: cum enim Dominus ei fecunditatem largitus est, etiam reddidit pulchritudinem iuventæ. Alii dicunt tunc nonagesimum annum parem fuisse nostro quadragesimo: præterea continentiam, & quod nunquam peperisset, iuvasse ut corporis decor non defloresceret. TULIT SAM, non auso resistere Abraham.

V. 5. IN SIMPLICITATE, simplici, innocenti, recto, ac sincero animo.

V. 6. ET EGO SCIO, te innoxium ab adulterio, sed non ab iniuria: tulisti enim invitam pro tuo imperio. NE PECCARES, peccato adulterii. NON DIMISI, morbo impelivi: nam infra num. 17. dicitur: *Sanavit Deus Abimelech*, &c.

V. 7. PROPHETA EST: familiariter cum illo verari, & multa illi mysteria rerum futurarum revelare soleo.

V. 8. STATIMQUE DE NOCTE, extrema noctis parte, cum iam albesceret cælum. In Hebræo est, *Mancavit diluculo*: sic etiam LXX.

V. 9. QUID FECISTI? non est interrogantis, sed expostulantis. PECCATUM GRANDE, gravem peccati ultionem, & penam. NON DEBUISTI FACERE: nec decuit, nec licebat.

V. 10.

V. 10. QUID VIDISTI? quæ signa in-
iustitiæ, aut libidinis in nobis deprehen-
disti?

**V. 12. FILIA PATRIS MEI, ET NON
FILIA MATRIS MEAE.** Thare filii fue-
rant Abraham, & Aran; Sara vero filia
erat Aran: itaque Thare, qui Abrahamo
erat pater, Saræ erat avus; avi autem usu
nonnullarum gentium vocantur patres:
recte ergo dicitur: *Filia patris mei*. Ex eo
autem quod dicitur, *Et non filia matris
meæ*, colligunt aliqui, Thare duas habui-
sse uxores, ex quarum una natus sit Abra-
ham, ex altera Aran, qui genuit Saram,
& Lot. Alioqui Sara dici potuisset filia
matris Abraham, quæ illi avia fuisset,
quemadmodum Thare, qui avus erat, pa-
ter illius dicitur.

V. 16. MILLE ARGENTEOS, scilicet
siculos, ut vertit Chaldaeus, nam cum in
Scriptura ponitur argenteus, vel aureus,
intelligitur sculus. Valet autem sculus unus
quatuor regales Hispanicos. **FRATRI
TUO.** Est ironia: ci quem tu vocas fra-
trem. **IN VELAMEN**, quibus tibi vela-
men comparare possis, quo ostendas te
nuptam, ne quis alius, ut ego, in erro-
rem inducatur; quo etiam velamine ocu-
los tuos veles, pudore suffusa quod depre-
hensa sis. Tandem quod sit tibi testimo-
nium pudicitiae tuæ non imminuat, quod
a me tam honorifice dimissa sis. Elius pu-
tat datam pecuniam illam, ut cultius or-
naretur Sara, tamquam scilicet potens aut
princeps femina, ac proinde nullus ei in-
iuriam intentare auderet. **MEMENTO TE
DEPREHENSAM**, ac proinde pudefa-
ctam, ideoque in posterum quæ sis fatere:
quod LXX. habent: *Et in cunctis esto veri-
dica*.

V. 18. CONCLUSERAT, ut nec pos-
sent puerperæ partum eniri, nec mulieres
a viris cognosci. Quis fuerit Abimelech
morbus Scriptura non explicat. Aiunt ali-
qui eum ingenti cruciatu in venenis af-
fectum fuisse.

T I R I N I.

Vers. 12. VERE SOROR MEA ES:
quia cum veritate dicere pos-
sum esse sororem meam, est enim FILIA
PATRIS MEI, ET NON FILIA MATRIS
MEAE, Erat nempe Sara filia Aran fratris A-

brahæ, neptis vero Tharæ patris Abrahæ:
quem Tharam post mortem Arran patris
sui, Saræ, & Lot tamquam patrem habe-
bant, colebant, adeoque & vocabant; uti
& apud Gallos, & Belgas avus vocatur
magnus pater. Quia tamen non una &
eadem fuit mater Aran & Abrahæ, nam
hi ex diverſo thoro prognati erant; id-
circo hic dicit Abraham, Saram esse fi-
liam patris sui, non matris suæ. Ita S.
Augustinus a, & alii.

V. 16. ECCE MILLE ARGENTEOS,
scilicet siculos, ut vertit Chaldaeus, & pro-
bant Delrio b, & Mariana. quoties in Scri-
ptura ponitur argenteus, vel aureus, in-
telligi siculum. Sculus vero est florenus Bel-
gicus, cõsians quatuor regalibus Hispani-
cis. Ergo mille argentei, erant mille flo-
reni & Belgici. **HOC ERIT TIBI IN VE-
LAMEN OCULORUM;** id est, hac sum-
ma ematur tibi, si desit, velum, seu flam-
meum, quo, utpote iam pridem nupta,
mose matronarum, veles oculos & faciem
tuam. Reprehendit enim Saram, quod nu-
do capite (ut solent virginis) incendio,
simulaverit se necdum nupsisse, atque ideo
multis & erroris, & adulterii occasionem
præbuerit. Monctque, ut se deinceps cau-
tius tegat apud omnes qui cum illa fami-
liarius versabuntur, ne scilicet aspectu vul-
tus illius ad illicita moveantur. Vide de
hoc velo Pinedam d, Alexandrum ab Ale-
xandro, & alios.

(a) Aug. Lib. XXII. contra Faust. cap. xxxv.
(b) Delrio hic, Mariana cap. vi. de Ponderib. Bonfr.
hic & alii.
(c) Proleg. de Ponderib.
(d) Pined. in Salom. prævio Lib. V. cap. 117. num. 10.
Alex. Lib. II. Genial. cap. v.

GORDONI.

Vers. 1. ABRAHAM reliquens conval-
lem Mambre, & Hebron,
venit versus Aegyptum in Geraram, in
qua dicitur hic peregrinatus; & quam ali-
qui faciunt Metropolim Philistinorum.
Habitat ergo inter duas solitudines Cades,
& Sur, quod est prope mare rubrum, &
Num. xxxi. vocatur Ethan. Gerara abest
a Ierusalem itinerarium dierum. Philisti-
norum regia.

V. 2. Probabile est Abimelech nomen
esse commune Regibus Philistinorum, ex
Euthymio Psalm. xxxiii. Sane ex hac mo-
di-

nitione divina non est improbable Regem hunc non abhorruisse a lege naturæ, castigatum tamen inflicta aliqua poena, forte sterilitate, & comminatoria morte, ut sic restituere cogeretur Saram marito. Vide vers. 17. & 18.


V. 12. VERE SOROR MEA EST, FILIA PATRIS MEI. Frater & soror non uterini, hic inierunt coniugium, si verba hæc simpliciter accipias. Vere tamen Sara erat filia Aram (qui erat frater Abrahæ) dicta vero filia Thare patris Abrahæ, quia erat neptis Thare in linea recta. Et tale ante Moïsem erat licitum coniugium. Vide Levit. cap. XVIII. vers. 9. NON FILIA MATRIS MEAE. Hoc quidem verum esse interpretantur, qui volunt Thare pa-

trẽm Abrahæ duas habuisse uxores, & ex una natum Abraham, ex altera Aram, qui est pater Saræ.

V. 15. TERRA CORAM VOBIS EST. Habitare, ut placebit: permittitur hoc vobis.


V. 16. Per argenteos hic, siclos aliqui intelligunt: siclus autem sere respondet quatuor Regalibus Hispanicis. Datur, inquit Rex, hoc donum, ut velamen emas oculorum, nec te tam facile exponas hominum conspectui, memor eorum quæ hic tibi acciderunt. Quid statim? I. Reg. IX. tetradrachmus. DEPREHENSAM. Dicitur ad cautionem in posterum.

V. 18. CONCLUSERAT, reddiderat sterilem.



CAPUT XXI.

Nascitur Isaac, & ablactatur; Ismael vero cum matre domo pellitur in desertis victurus. Abimelech cum Abraham fœdus medio iuramento percussit.

1.  Istavit autem Dominus Saram, sicut (a) promiserat, & implevit quæ locutus est. 2. Concepitque, & (b) peperit filium in senectute sua, tempore quo prædixerat ei Deus. 3. Vocavitque Abraham nomen filii sui, quem genuit ei Sara, Isaac: 4. & circumcidit eum octavo die, sicut (c) præceperat ei Deus, 5. cum centum esset annorum: hac quippe ætate patris, natus est Isaac. 6. Dixitque Sara: Risum fecit mihi Deus: quicumque audierit, corridebit mihi. 7. Rursumque ait: * Quis auditurum crederet Abraham, quod Sara lactaret filium, quem peperit ei iam senis? 8. Crevit igitur puer, & ablactatus est: fecitque Abraham grande convivium in die ablactationis eius. 9. Cumque vidisset Sara filium Agar AEgyptiæ ludentem cum Isaac filio suo, dixit ad Abraham: 10. (d) Eiece ancillam hanc, & filium eius: non enim erit heres filius ancillæ cum filio meo Isaac. 11. Dure accepit hoc Abraham pro filio suo. 12. Cui dixit Deus: Non tibi videatur asperum super puero, & super ancilla tua: omnia quæ dixerit tibi Sara, audi vocem eius: quia (e) in Isaac vocabitur tibi semen. 13. Sed & filium ancillæ faciam in gentem magnam, quia semen tuum est. 14. Surrexit itaque Abraham mane, & tollens panem, & utrem aquæ, imposuit scapulæ eius, tradiditque puerum, & dimisit eam. Quæ cum abiisset, errabat in solitudine Bersabee. 15. Cumque consumpta esset aqua in utre, abiecit puerum * subter unam arborum quæ ibi erant. 16. Et abiit, seditque e regione procul quantum potest arcus iacere: dixit enim: Non videbo morientem puerum: & sedens contra, levavit vocem suam, & flevit. 17. Exaudivit

N n au-

autem Deus vocem pueri; vocavitque Angelus Dei Agar de cælo, dicens: Quid agis Agar? Noli timere: exaudivit enim Deus vocem pueri de loco in quo est. 18. Surge, tolle puerum, & tene manum illius: quia in gentem magnam faciam eum. 19. Aperuitque oculos eius Deus: quæ videns puteum aquæ, abiit, & implevit utrem, deditque puero bibere. 20. * Et fuit cum eo: qui crevit, & moratus est in solitudine, factusque est juvenis sagittarius. 21. Habitavitque in deserto Pharan, & accepit illi mater sua uxorem de terra Aegypti. 22. Eodem tempore dixit Abimelech, & Phicol princeps exercitus eius, ad Abraham: Deus tecum est in universis quæ agis. 23. Iura ergo per Deum, ne noceas mihi, & posteris meis, stirpique meæ. Sed iuxta misericordiam (f) quam feci tibi, facies mihi, & terræ in qua versatus es advena. 24. Dixitque Abraham, Ego iurabo. 25. Et increpavit Abimelech propter puteum aquæ quem vi abstulerant servi eius. 26. Responditque Abimelech: Nescivi quis fecerit hanc rem; sed & tu non indicasti mihi, & ego non audivi præter hodie. 27. Tulit itaque Abraham oves, & boves, & dedit Abimelech: percusseruntque ambo fœdus. 28. Et statuit Abraham septemagnas gregis fœdum. 29. Cui dixit Abimelech: Quid sibi volunt septem agnæ istæ quas stare fecisti fœdum? 30. At ille: Septem, inquit, agnas accipies de manu mea, ut sint mihi in testimonium, quoniam ego fodi puteum istum. 31. Idcirco vocatus est locus ille Bersabee: quia ibi uterque iuravit. 32. Et inierunt fœdus pro puteo iuramenti. 33. Surrexit autem Abimelech, & Phicol princeps exercitus eius, reversique sunt in terram Palæstinorum. Abraham vero plantavit nemus in Bersabee, & invocavit ibi nomen Domini Dei æterni. 34. Et fuit colonus terræ Palæstinorum diebus multis.

(d) Sup. XVII. 20. XVIII. 20. (e) Gal. IV. 23. Heb. X. 23. (c) Sup. XVII. 20. Matth. I. 2. (d) Gal. IV. 20. (e) Rom. IX. 7. Heb. X. 23. (f) Sup. XX. 23.

B R U G E N S I S

ROMANÆ CORRECTIONES.

V. 7. *Quis auditorum crederet Abraham?* Ita legendum est participium futuri temporis, quarto casu, *auditorium*, non primo, *auditus*; multo minus secundo *auditorium* a no-

mine *auditor*.

V. 25. *Subter unam arborum qua ibi erant.* Lege pluraliter, *Arborum qua ibi erant*, non singulariter, *Arborem qua ibi erat*.

V. 20. *Et fuit cum eo.* Non addas, sed subaudias *Deus*.

C O M M E N T A R I A

S A.

Perf. 6. **R**ISUM, idest gaudium, seu lætitiā. CORRIDEBIT, id est congaudebit, congratulabitur.

V. 7. ABRAHAM, scilicet dicenti; vel pro, de Abraham.

V. 9. LUDENTEM, idest irridentem. Quidam vertunt *lascivientem*. Hieron. interpretatur: *Super primogenitura contendentem*.

V. 12. IN ISAAC VOCABITUR TIBI SEMEN; quali dicat: Per Isaac habebis posteritatem promissam, eaque te patrem dicet.

V. 14. EIUS, scilicet Agar. PUERUM, scilicet cætodecim annorum: Isaac enim tunc erat quinque annorum; natus autem fuerat in Geraris, eum Ismael esset tredecim. Hieron. in Gen.

V. 17. QUID AGIS? Hebr. *Quid tibi est?*

V. 23.

V. 23. MISERICORDIAM. LXX. iustitiam. Vide sup. cap. xx. num. 13.

V. 31. BERSABEE, idest puteus iuramenti, vel puteus septem. IURAVIT, sub, & propter septem aquas: utrumque enim eo nomine significatur, ut proxime dictum. Vide infra cap. xxvi.

V. 34. COLONUS, idest incola.

E S T I I.

Vers. 9. FILIUM AGAR LUDENTEM CUM ISAAC FILIO SUO. Ex Hebræo varie vertunt Interpretes: alii ludentem, alii idolatriam exercentem, alii lascivientem, alii denique eadem machinantem. Apostolus ad Galatas cap. iv. ad hunc locum respiciens, dicit: *Quomodo tunc is qui secundum carnem, persequatur eum qui natus fuerat secundum spiritum; ita & nunc.* Ex quo loco manifestum est, debere in hoc sensu intelligi persecutionem aliquam. Persecutio autem duplex est: alia corporalis, alia spiritalis. De corporali persecutione intelligunt qui dicunt, hic significari quod Ismael ludendo m. rem fuerit machinatus Isaac, ut hereditatem adipisceretur. Et hoc indicare videntur illa verba: *Non enim erit beres filius ancillæ cum filio m. Isaac.* Alii tamen consensu Apostolo putant quod Ismael quasi p. r. ludum voluerit Isaac ad idolatriam invitare, sicut Iudei ad suam iudaismum Christianos, & postea etiam Gentiles ad suam idolatriam. Sic & Exodus cap. xx. *Et surrexerunt ludere*, de his qui vitulum adorarunt. Nec tergiversandum est, eo quod in Hebræo non additur illud *cum Isaac filio suo*: nam contextus hoc addi debere docet, & Apostolus ad Galatas cap. iv. addit, & ipsi etiam Interpretes Septuaginta.

V. 10. EIICE ANCILLAM, ET FILIUM EIUS. Testatur Apostolus ad Galatas cap. iv. hæc per allegoriam esse dicta, & explicat. Nempe sicut Sara postulant, & D. o. postulatam eius approbante, cecidit est de domo Abrahamæ Agar ancilla cum filio suo Ismaele; sic Ecclesia Christi per Spiritum sanctum urgente, eiici oportuit & familia & populo Dei eos qui legem veterem necessario observandam volebant. Atque hoc præcipuum est quod Apostolus ex hac historia Genesis p. r. allegoriam exposta docere voluit. Vide nostra eo loco.

V. 12. OMNIA QUAM DIXERIT TIBI SARA, AUDI VOCEM EIUS. Ex hoc loco Abrahamum similiter prius petente Sara, ancillam divina dispensatione accepisse in uxorem, non male colligitur. Et in univ. de his qui in lege veteri duas simul habuerunt uxores, sic Innocentius III. cap. Gaudemus: *Nec ulli, inquit, unquam licuit simul plures uxores habere, nisi cuius & divina revelatione concessum, per quam, sicut Jacob a mendacio, Israelita a furto, & Samson ab homicidio, sic & patriarche. & alii viri iusti, qui plures leguntur habuisse uxores, ab adulterio excusantur.* Hæc ille. Quam responsionem indicat etiam Ambrosius Lib. I. de Abraham cap. iv. & Chrysostomus hom. lvi. in Genesim. Neque obstat quod Polygamia lege divina esset prohibita, Genesim cap. ii. nam ideo tantum fuit prohibita, & est mala, quia ordinarie repugnat pacificæ educationi prolium, propter innatam mulieribus zelotypiam. Itaque cum Deus posset huic incommodo providere, potest etiam in lege monogamiz, id est, unius cum unica, dispensare. Vide si placeat, plura de his in IV. distinct. xxxiii.

M A R I A N A E.

Vers. 1. VISITAVIT AUTEM DOMINUS SARAM. Chald. *Recordatus est*: atque ea est præcipua significatio verbi *ḥāḥ pakad*, fecit quod promiserat illi.

V. 2. CONCEPITQUE, ET PEPERIT FILIUM. Supple, Abraham, ex H. bræo, Chald. & Sept. ita ut in SENECTUTE SUA referatur non ad Saram, sed ad Abrahamum, quod indicat pronomen masculinum in H. br. similiter quod sequitur, TEMPORE QUO PRÆDIXERAT EI, nempe Abrahamo, DEUS.

V. 6. RISUM FECIT, gaudium. CORRIDEbit, congaudebit.

V. 7. QUIS AUDITURUM CREDERET. Hebr. *Quis dixit*, pro, diceret, *Abrahæ: Lactat filius*, ubi nos filium, *Sara, & quod peperit filium senectuti eius?*

V. 8. AB LACTATUS EST: FECITQUE ABRAHAM GRANDE CONVIVIUM. Erat Hebræis usitatum ut a conceptione fetus usque ad ab lactationem abstinerent ab uxoris: Clemens Strom. iii. Sic quando infans ab lactabatur, quasi in-

N n 2 statu-

flurato coniugio, instruebant convivium. Hoc mater Samuelis facit, ablactatum deferens in vitulis tribus: I. Reg. 1.

V. 9. LUDENTEM CUM ISAAC FILIO SUO. A tempore Hieronymi illud cum Isaac filio suo non erat in Hebræo, nec modo est, sed ludendi vox significat colere idola aliquando, tum pugnare: II. Reg. 11. tum coire: Genes. xxvi. Unde occasio varie Indum Ismaelis cum Isaac interpretandi. Nobis simplicius videtur ludendi vocem referre ad morem puerorum turbantium omnia domi, ut explicat Schol. Hebræus. Erat Isaac quinque annorum, Ismael octodecim.

V. 11. DURE ACCEPIT ITAQUE ABRAHAM PRO FILIO SUO. Hebr. *Super negotio filii sui*: sic Chald. explicat. Vox autem *דור* *adus* negotium, & causam significat, caretque singulari.

V. 12. ISAAC VOCABITUR TIBI SEMEN: id est, per Isaac habebis posteritatem promissam.

V. 14. SURREXIT ITAQUE ABRAHAM MANE. Vide diligentiam. Et TOLENS PANEM ET UTREM AQUAE. Pro utre Hebr. *דני* *banath*, quæ vox non utrem tantum, sed vas in genere significat, seu ex corio, seu ex ligno. Interpretes tamen omnes posuerunt *utrem*. Et DIMISIT EAM, scilicet Agar: sic Sept. & Chald. sed vox Hebraica proprie *deducere*, seu *comitari* significat; qua usus est cap. xii. vers. 20. cum dixit Aegypti aulicos comitatos Abrahamum. Itaque videtur Abraham aliquanto spatio profecutus Agar, & filium.

V. 16. ET SEDENS CONTRA, LEVAVIT VOCEM SUAM. Hebr. *Et sedit contra*, & *levavit vocem suam*. Sept. *Clamans autem puer flevit*. Sed articulus femininus ostendit sctum referendum ad Agar, ut Hieron. retulit. Flevit quidem puer, ut proximo versu continetur; ceterum hoc versu 16. nihil de eo sctum dicitur.

V. 18. TOLLE PUERUM, ET TENE MANUM ILLIUS. Ismael erat iam decem & octo annorum, sic cum Agar balulare non poterat; sed quod ait, *Tene manum*, explicat modum tollendi.

V. 23. NE NOCEAS. Hebr. *Si mentiris*, si fidem datam fallas, scilicet nocendo.

Abimelech loquitur. Et POSTERIS MEIS, STIRPIQUE MEAE. Hebr. & Chald. *Et filio meo*, & *nepoti meo*. IUXTA MISERICORDIAM QUAM FECI TIBI. Sept. *iustitiam*, ut & cap. xx. vers. 13. Verum hæ voces passim confunduntur: melius tamen hic est, *misericordiam*, ut Hebr. & Chald.

V. 28. ET STATUIT ABRAHAM SEPTEM AGNAS GREGIS SEORSUM. Pulchra paranomasia hoc loco. Hebræis solemne erat iurare per septem, quoniam eo numero propter eius perfectionem Deum significabant. Sic a voce *שבע* *sebab*, id est septem, vox iurandi Hebraice deductur. Itaque iurare apud illos perinde est atque *septennare*. Quare Abraham septem agnas separans, quod & ipse iuraret, & exigeret vicissim iuramentum, eo numero indicavit. Tum puteus *Bersabee* est dictus, quoniam septem agnis est redemptus, & quia ibi uterque iuravit. Euseb. etiam Lib. XI. de Præpar. cap. xv. ait nomen Dei septem litteris constare. Et fortassis ab hoc fonte deductum est ut ad confirmandum testamentum, & iusiurandum, septem ex lege testes adhiberentur.

V. 33. ABRAHAM VERO PLANTAVIT NEMUS. Hebr. vocem *עץ* *ajel* varie interpretantur; sed commodior omnibus ratio ut significet arborem sive in commune, sive cuiusdam certi generis, & singulare sumatur pro plurali: *Plantavit arborem*, id est arbores, quas noster recte vocavit *nemus*.

MALVENDAE.

Vers. 7. VISITAVIT. Notant, hinc sumendam esse frequentissimæ huius phræseos explicationem: est enim visitare exequi promissum bonum, vel derivatum malum. Verbum *ביקש* *ba-kad* latissime patet, & in bonum, & in malum passim usurpatur.

V. 8. ET ABLACTATUS EST. Hebr. *Retributus fuit*: elegans loquendi modus Hebræis, quem retinui; id est, tributus est curatricibus, seu nutricibus, solidioribus cibis nutriendus, & educandus in vitæ muneribus, depulsus a lacte materno: vel retributus, compensatus, recompensatus fuit; id est, pro lacte tributus est ei solidioribus. Verbum enim *שילם* *gamal*, unius rei pro alia vicissitudinem, & compensationem

denotat; ut hic, alterius, seu solidioris alieni pro laque, & laetitia.

V. 9. **LUDENTEM.** Participium Pihel *פיהל* metachabek, quidam exponunt: *Facientem irridere, vel iridentem, subannantem*, nempe omnia quae tunc fiebant in honorem Isaac, *deridantem, celebrantem, & suleminitem* convivii. Alii *illudentem*, subaudi ipsi Isaac, insolenter & petulantem cum eo loquentem; quasi sibi, & non illi ius primogeniturae conpiteret. Hunc sensum probat auctoritas Pauli ad Galatas IV. 29. ubi *persequentem* vertit: & possit, hic reddi *velutantem*, insolenter se gerentem.

V. 12. **AUDI VOCEM EIUS.** Hebr. *Audi in voce eius*. Notant, cum verbum *שמע* *schemagh* constituitur cum Beth, idem esse Latinis quod *acquiescere*. *Acquiesce in voce eius*, morem eius regere. **QUIA IN ISAAC VOCABITUR TIBI SEMEN.** Paulus Roman. VII. 9. reddidit verbum *vocandi per* *שמע* *schemagh*, hoc est *constituitur*, *reputabitur*. Propagatio generis, successio, hereditas, religio, nomen familiae, semen illud benedictum, ac divinae promissiones per Isaac, non per Ismahelem tibi fluent ac derivabuntur.

V. 14. **ET UTREM.** *חמת* *chemeth* quidam, voce conf. nientie, *hemina* reddunt, quae capiebat dimidium sextarii; deducuntque a *חם* *chamam*, calefcere, quod esset vas testaceum calore ignis, vel solis coctum. Alii, *lucenam, urceum, urnam, hydriam*. Nescio quid in mentem venerit iis qui *serinum* sunt interpretati. Cum tertantum haec vox in Scriptura occurrat, nec alibi quam in hoc capite. Noster secutus veteres, semper *utrem* dixit: quod satis est. & mori illarum regionum magis accommodatum.

V. 16. **QUANTUM POTEST ARCUS IACERE.** Hebr. *sicut iaculantes*, seu *iaculatores arcus*; id est, quantum sagittantes possunt telum, seu sagittam arcu emitte-re. Volunt *פיהל* *metachabek*, esse participium plurale Pihel constructum. Alii potius nomen participiale volunt, id est *iactus, prociectus, extortio* scilicet *iaculorum, iaculationes*: quantum tela, aut iacula uno istu propelli possunt. Unde hic reddunt: *Circiter aliquot iactus arcus.*

V. 18. **ET TENE MANUM ILLIUS.** Ex Hebraeo quidam exponunt: *Et tene ma-*

nu tua eum: vel *Et tene te ipsam manu ad eum*, ut robores eum fortiter. Alii: *Et tene te ipsam manu tua in eo*; id est, sulci, sustentata te, innicere manu tua in eo. Sic solent matres manu super caput, aut humerum puerorum nixae incedere. Nonnulli: *Robora, fortifica, fac invalescere manum tuam in eo*; id est, sustentata eum, est enim debilis pro languore. Verbum *פיהל* *chazak*, *firmam*, *validum apprehensum*, vel *eum comprehensione firmam retentionem* significat: ut cum corpus constringitur, aut spiritus retentione firmatur, aut res hiantes, vel non cohaerentes refarciuntur, aut solide compinguntur. Unde hic reddemus: *Et valde apprehendere fac manum tuam in eo.*

V. 20. **IUVENIS SAGITTARIUS:** *קשה* *robek kashat*, varie ex onunt. I. *iaculator arcus, sagittarius*, hoc est *venator*. II. *multiplicans*, id est *extendens*, vel *frequentans, arcum*. III. *copiosus arcarius*, id est *sagittandi peritus*. IV. *sagittarius arcarius*. V. *magister arcus*. Hinc rabbi nomen pro magistro, saepius in Evangeliiis. VI. *magister arcuariae*, id est *artis arcuariae, seu totius rei quae ad arcum pertinet*. *קשה* *kashath* quidam idem volunt esse quod *kesheth*, id est *arcus*. Alii *thor* esse putant, id est *arcarius, arcitens*, Graecis *toxotes*, nempe *per totum facientium arcum, vel peritus iaculandi arcu*, quem nos *sagittarium* dicimus. Nonnulli malunt esse substantivum, id est *arcuaria ars*. Noster secutus Chaldaeos, *iuvenerem* dixit, *רביה* *rabiah*, ex Thargum *נער* *nagbar*.

V. 23. **IURA ERGO PER DEUM, NE NOCEAS MIHI.** Hebr. *Et nunc iuramento obstrictus esto mihi in Elobim*, hic, *si dolo malo ages, &c.* Quidam: *Nunc itaque iura mihi per Deum hic, dira tibi improciis, si mentitus fueris mihi*. Vide de hac formula supra cap. XIV. vers. 23. **ET POSTERIS MEIS.** *כי* *nin* aiunt proprie significare *filiationem, procreationem, propagationem*; et seque collectivum, id est *prolem, sobolem*. Ex Hebraico factum videtur Hispanicum *nino*.

V. 25. **ET INCREPAVIT.** Hanc verbum alii reddunt: *Reprehendit vero Abraham Abimelechum, propter putum aque illius, quem vi occupaverant servi Abimelechi.* Regio erat siticulosa, ut apparet ex

historia Hagaræ, & Deuteronom. xi. vers. 10. quomobrem non debet leviculum videri id de quo Abraham regem interpellabat.

V. 27. TULIT ITAQUE ABRAHAM OVES, ET BOVES &c. Alii: Et accipiens Abraham greges, & armenta, dedit Abimelecho: pepigeruntque ambo fœdus: videlicet ut testaretur nihil amplius offensivis animo suo hærere, se excusationem accipere, & in traditione hac beneficia accepta grato animo agnoscere: nam fœdera, quum incuntur, non raro in utramque partem sunt munerations, ut Diomedis, & Glauci exemplum apud Homerum ostendit. Hebræi ex verbo: Et accepit Abraham ovem, & bovem, & dedit Abimelecho: & sciderunt duo ii fœdus. Putant, ovem, & bovem hic adhibita in sacrificium, & scissa per medium, & Abrahamum, & Abimelechum inter scissas partes transisse, quod erat signum sacri fœderis scissi, ut supra cap. xv. vers. 18. Vide infra vers. 30.

Vers. 28. SEPTEM AGNAS GREGIS. כִּישְׁבוֹת chibsoth, agnam tencram, que nondum annum egressa est: puto a כִּבֵּס cibbes, quasi lotam, candidam, pulchram. Agna ovium, vel gregis dicitur, quasi adhuc parva, quæ gregali cura indigeat. SEORSUM: nam negotium hoc de puteo diversum erat ab altero de ineundo fœdere.

V. 30. UT SINT MIHI. בְּעֵבֶר beghabar exponunt ut propterea quod. Sed propius, in transiitione, id est in hac transactione nostra, & scederet: vel in transiitione per partes victimæ casæ, nempe, quod idem est, in pacto, vel fœdere isto.

V. 31. BERSABEE, QUIA IBI UTERQUE TURAVIT. Idem nomen שְׁבַע sebhagh significat septem, & iurare. Notant quidam, quod numerus septenarius esset numerus multitudinis, & saturitatis; & iuramenta sacra deberent fieri, & fierent etiam multis, & sufficientibus testibus, ipsam multipliciter confirmato animo, & confirmatis argumentis & causis: vel, ut alii divinant, quod septies repeterentur verba iuramenti: vel quod ad religionem iuramenti septem adhiberentur testes, vel res: ut hic si-prem agnæ. Beer sebhagh igitur significat puteum septem, & puteum iuramenti, quia ibi uterque iuravit.

V. 33. NEMUS. שָׁמַי eschel ter tantum in Scriptura ponitur hic, & I. Samueli xxii. 6. & cap. xxx. vers. ultimo; & Noster sem-

per nemus vertit. Sed pro loco cap. xxx. vers. 13. in I. Paralipom. x. 12. dicitur שָׁמַי elab, ilex, quercus, therebintus. Eschel, Hebræi putant esse generale nomen arborum, unde hic reddunt, Arborem, arboretum, silvam, nemus, paradisum. Alii peculiarem arborem esse volunt, quam Arabes vocant atal, tamarici similem, aut tamarici speciem. Quidam nostrorum notant, nomen esse collectivum, arborem, arboretum, nemus plantatum: & שָׁמַי ascherab, lucus, a beatitudine & felicitate; ita שָׁמַי eschel a שָׁמַי sechalab, ab inco'munitate, tranquillitate, & salute dici; quasi locus salubris, & tranquillus. Nonnulli subtiliter ariolantur, esse nemus, arbutum, silvam, locum consitum arboribus salvis, id est Deo consecratis: ut isthuc confugientes, & invocantes Deum, essent salvi & tuti a direptione. Cognitionem namque habere cum שָׁמַי sebaal, rogavit, & שָׁמַי sechalab, salvus, ac tutus fuit. Hinc per metathesim שָׁמַי, & שָׁמַי, nemorosus: item asylon, seu asylum. Atque eiusmodi lucum plenum quercubus glandiferis plantasse Abraham, ut esset facer, ibique Dei cultum celebraret: & ut esset asylum, ne Abimelech, & Palestini iniuriam loco inferrent, ut fecerant in puteis: quem morem imitatur Romulum, de quo Virgilius VIII. Aeneidos:

Hinc lucum ingentem, quem Romulus acer asylum

Retulit.

Livius Lib. I. cap. viii. Locum, qui nunc septus densis sentibus inter duos lucos est, asylum aperit. Asylum, inquit Servius, hoc est, templum misericordiae, unde nullus posset abduci. Nescio unde quidam divinarunt eschel esse platantum, nisi a coniectura umbræ. IN BERSABEE. Eusebius, & S. Hieronymus in Locis Hebraicis: Lege diligenter historiam Bersabee. In tribu Iudæa, sive Simeonis, est usque hodie vicus grandis in vicesimo a Chebron miliario, vergens ad austrum, in quo Romanorum militum praesidium positum est. A quo loco termini Iudææ terræ incipientes tendebantur usque ad Dan, quæ iuxta Pancadem cernitur. Interpretatur vero Bersabec, puteus iuramenti, eo quod ibi Abraham & Isaac fœdus cum Abimelech sociaverunt iurantes. Et in Traditionibus: Notandum, quod Isaac non sit natus ad quercum Mamre, sed in Geraris, ubi &

Ber-

Bersabee usque hodie oppidum est. Quæ provincia ante non grande tempus, ex divisione præfidiæ Palestine, salutaris est dicta. De Romano præsidio in Bersabee posito, in Notitia orientalis Imperii, in duce Palæstinæ hæc notantur: Equites Dalmatæ Illyriciani, Bersabee: corrupte pro Bersabee. Iacobus Vitriacus in Hitoria Ierosolymitana, cap. xxxvi. Bersabee autem terminus terre sanctæ a parte australi. Est autem civitas Bersabee in illa parte Iudææ quæ celsa in partem tribus Simæon, ad radicem montium, in initio campestrium, inter montes & Ascalonem sita, decem milliariibus distans ab Ascalona: & vulgariter hodie Gibelin appellatur. Brocardus: A Gaza quatuor numerantur leucæ usque ad Bersabee, quæ nunc Giblin dicitur: & est terminus Iudææ atque terre promissionis contra austrum. Distans ab Hebron sicut & Gaza paulo amplius una die. Quibusdam difficile videtur, si a Geraris, seu Bersabee ad montem Moris, seu Ierosolymam, iter tridui erat, ut dicitur cap. xxi. vers. 4. Bersabee non nisi vigesimo milliario ab Hebrone abuisse, ut Eusebius, & S. Hieronymus dixerit: plus enim distasse non est dubium. Mezarmam Ptolemæi Lib. V. cap. xvi. corrupto vocabulo, esse Bersabee plerique suspicantur, nimirum ex situs ratione.

MENOCHII.

Vers. 1. VISITAVIT DOMINUS SARAM, largæ suæ gratiæ donatione, vel, ut vult Chrysost. hom. xlv. per Angelum corporali specie.

V. 2. IN SENECTUTE SUA, in senectute Abrahami, ut patet ex Hebræo ubi est articulus affixus masculinus. Sensus est: peperit filium Abrahamæ sen.

V. 3. CUM CENTUM ESSET ANNO- RUM. Referenda hæc non ad præceperat, sed ad circumcidit: circumcisi enim est Isaac, ut epiam natus anno Abrahamæ centesimo.

V. 6. RISUM FECIT MIHI DEUS: Dominus me gaudio replevit; & quicumque intellexerit arridebit, & congratulabitur mihi.

V. 7. QUIS AUDITURUM CREDERET ABRAHAM? &c. quis credidisset venturum aliquando tempus cum Abrahamo nuntiaretur natam ei seni prolem ex Sara

anu? LACTARET: quod certissimum est signum partum ab ipsa editum, nec esse supposititium.

V. 8. ABLACTATUS EST, cum Isaac quintum ætatis annum ageret, ut sentit D. Hieronymus. Ut eo tempore longior vita, ita infantia productior. Postea exeperunt ab lactare tertio anno, ut habemus II. Machab. vii. 27. FECIT GRANDE CONVIVIVM. Erat Hebræis usitatum ut a conceptione fetus usque ad ab lactationem abstinerent ab uxoris: Clem. Strom. 111. Itaque quando infans ab lactabatur quasi in lactu- rato coniugio convivium instruebant. Hoc mater Samuelis facit, ab lactatum deferens in vitulis tribus: I. Reg. 1.

V. 9. LUDENTEM CUM ISAAC. Ludere in Scriptura aliquando significat idola colere, aliquando pugnare II. Reg. 11. 14. aliquando coire, Genes. xxvi. Ex varia significatione nata occasio varie ludum Ismaelis cum Isaac interpretandi. Sive idola colere quasi ioco doceret, sive rei alicuius turpis sermonem induceret, sive irriteret, aut vexaret, aut sibi primogenitorum iura vendicaret; certum est iocos illos Isaaco noxios persecutionem fuisse, ut illam appellat D. Paulus ad Galat. 1v. 29.

V. 10. EICE ANCILLAM, in matrem etiam Sara excauduit, quod filii petulantiam non competeret. Postulavit autem ut eiceretur divinitus mota, ut colligitur n. 12.

V. 12. OMNIA QUAE DIXERIT, quoad hanc expulsionem. IN ISAAC VOCABITUR TIBI SEMEN. Posterit tui, qui descendunt ex te per Isaac, non qui per Ismael, Abraham filii vocabuntur, & ex illis, non ex Ismaele, benedictum semen orietur.

V. 13. QUIA SEMEN TUUM EST, in tui gratiam.

V. 14. TRADIDITQUE PUERUM qui iam 17. ætatis annum agebat. ERRABAT, ignara viarum. BERSABEE, quæ sic postea vocata ab urbe eiusdem nominis.

V. 15. UNAM ARBOREM. In Hebræo est plurale. LXX. abietem reddiderunt. Vox Hebraica virgultum significat in genere. ABIECIT, de illius vita desperans.

V. 16. ET ABII, non sustinens videre illum animam agentem.

V. 17. NOLI TIMERE, meum adventum, & fulgorem, aut pueri mortem, non enim morietur.

V. 19.

P. 19. APERUITQUE OCULOS EIVS ut adverteret vicinum fontem, quem prius turbata non viderat. *DEUS*, Angelus Deum referens.

P. 20. ET FUIT CUM EO. Deus illi adfuit, & illi favit in gratiam patris Abrahamæ. *LUVENIS SAGITTARIUS.* Significat a iuventute vacasse venationi, & sagitationi ferarum.

P. 21. DESERTO PHARAN, quod est trans Arabiam contra plagam Aultralem. *ÆGYPTI,* quia & ipsa Agar Ægyptia.

P. 23. NE NOCEAS MIHI. Hebraice est, *Quod non mentieris mihi;* id est, quod dolo malo necem non ages, nec mihi, aut meis eris inimicus: nam iniuria mendacium nonnumquam dicitur in Scriptura. *IUXTA MISERICORDIAM.* Hebraismus; pro, sicut de te bene merui, sic tu de meis merearis.

P. 25. PUTEUM, quem ante eiectam Agar servi Abrahamæ fodierant: postea fuit a Palæstinis vi ereptus, illis uti prohibitis.

P. 27. TULIT. Opima de gregibus, & armentis suis delegit, & regi donum obtulit.

P. 31. BERSABEE. Vox Hebræa (vel potius voces, nam duæ sunt) significat *puteum iuramenti*, vel *puteum septem*, scilicet agnatum, quas Abraham pro puteo, & loco circumiacente tribuerat num. 30.

P. 33. PLANTAVIT NEMUS. Ionathas auctor Thargum Hierosolymitani ait fuisse hortum arbore densum, & plenum optimis fructibus, solitumque peregrinos in hoc orto excipere, & recreare, ac pro mercede pacisci, ut creatorem cæli & terræ timerent, & colerent. Ex eo autem quod sequitur, *ET INVOCAVIT NOMEN DOMINI DEI AETERNI,* patet Abrahamum illic altare exstitisse.

P. 34. COLONUS, incola & peregrinus.

T I R I N I.

Vers. 9. CUM VIDISSET SARA FILIUM AGAR ÆGYPTIÆ, Ismaelem, *LUDENTEM.* Cum quo luserit, non exprimunt Hebræa, & Chaldeæ; sed *LXX.* & nostra Vulgata addunt, *CUM ISAAC;* id est, illudentem, insulantem Isaac, eundemque vexantem & persequen-

tem, ut ait S. Paulus ad Galatas IV. vers. 29. Sic II. Reg. 11. vers. 14. *Surgant,* inquit Abner, *pueri,* & *Iudam;* id est, pugnent inter se. Nempe Ismael iure progenituræ superbiens, & tredecim annis senior Isaac, cum videret illum parentis pluresculum in deliciis esse (utpote in cuius ablactatione tam solemne convivium infiruxerant, & ex quo semen promissum cælitus sibi splendebant, passimque gloriabantur) oderat illum, & tam verbis quam verberibus male subinde mulcabat. Quod cum Sara observasset, & tulisset, aliquamdiu, verita tandem ne occasione eius iurgii, & pravo exemplo Ismaelis efficeretur etiam animus Isaac; & ne, mortuo olim Abrahamo, Ismael Isaacum vel hereditate extruderet, vel saltem nonnisi aequali iure secum parceretur succedere patri, divino instinctu postulat a marito ut exheredetur improbus filius, & cum superba matre in exilium pellatur. Allegorice hæc applicat Synagogæ Judaicæ S. Iulius supra, illudenti, & persequenti Ecclesiam Christi.

P. 31. VOCATUS EST LOCUS ILLE BERSABEE, id est puteus iuramenti, *QUIA IBI UTERQUE,* Abraham, & Abimelech, *IURAVIT* fœdus, & *fidelitatem mutuam.* Ab hoc puteo urbs vicina dicta fuit Bersabee, quæ ultima erat Iudææ ad meridiem, sicut Dan ultima erat ad septentrionem. Et per hos duos terminos exprimi solet longitudo Iudææ, a Dan usque Bersabee. Tempore S. Hieronymi erat Bersabee vicus insignis, in eoque præsidium Romanorum. Nunc Gibelina vocatur. inquit Adrichomius, a

P. 33. PLANTAVIT NEMUS IN BERSABEE, id est lucum, seu arboretum, utique adiunctis amœnis hortis, ubi & animinum oblectabat, & sacrificium Deo offerrebat, & familiarum divini verbi pabulo reficiebat. Erat enim ibi quasi oratorium, ad quod subinde a curis & negotiis se recipiebat ad apendum cum Deo, & de Deo. Posterius Abrahami sub Ieroboamo aliisque regibus, quasi imitatione patriarchæ sui, crexerunt pari modo altare & tanum in Bersabee, non Deo cæli, ut fecit Abraham, sed idolis suis, ut testatur Regum hitoria & Propheta Amos. b

a Adrichom. in Descript. terræ sanctæ.

b IV. Reg. XXIII. vers. 8. Amos v. vers. 3.

GORDONI.

Verf. 1. **V**ISITAVIT, speciali adfuit favore.

V. 2. IN SENECTUTE SUA. Ita noſter, quaſi de ſara; tamen ex Hebræo eſt manifeſte de ſenectute Abrahami ex affixo maſculino, & contextu.

V. 3. CUM CENTUM ESSET ANNO-
RUM, refer ad circumcidit.

V. 6. Quo anno natus ſit Iſaac, dixi alibi. RISUM FECIT, id eſt gaudium. Item CORRIDEBIT. Hoc verſu, in voce *riſus* alludit ad verſ. 10. cap. XVIII.

V. 8. ABLACTATIONIS. Erat illis iſta conſuetudo.

V. 9. Ludere aliquando eſt pugnare: II. Reg. II. verſ. 14. h. c. aliquid alpere geſtum eſt in Iſaacum. Immo vox Hebraica ſignificat ludere, & illudere. In Hebræo deſunt illa verba, FILIO SUO. Sed aut fuerunt in Hebræo, aut debent ſubintelligi, ut conſtat ex verſu inſequenti: & iſta ſunt in vulgato & apud Septuaginta.

V. 12. Vult tantum eos qui ſunt Iſaac, reputari ſemen Abraham (in quo impletur promiſſio, & ex quo Meſſias, unde eſt benediſtio gentium) eoſque ſolos eſſe per repromiſſionem filios Abraham. Non ſufficiebat ergo naſci ex Abraham, ut patet ex Iſmaele. Hinc intelliges allegoriam Pauli Gal. IV. Nam ſimili modo tantum illi reputabuntur ſemen Abraham in Chriſto, qui ſunt repromiſſionis filii per Chriſtum, hoc

eſt per fidem, & gratiam aggregati Chriſto. Nec ſatis eſt ad ſenſum Pauli, carnalis filius Abraham, ut ſit ſemen Abraham in Chriſto.

V. 14. Divortium cum Agar, iubente Deo; non tamen quoad vinculum, ut voluit Novatores, ſed quoad torum, ad vitandas lites, ut nunc paſſim ſit in Eccleſia. Proleptis eſt in nomine Berſabee. Nam poſtea tantum ſic vocata eſt ſolitu-
do iſta, ut mox dicam. Et progreſſa Agar habitavit ex verſ. 21. in deſerto Pharan, non procul a Geraris. Et probabile eſt Abrahamum ex Geraris ſubmiſtraſſe ad vitam neceſſaria.

V. 18. TOLLE PUERUM. Non baſulat puerum, ſed manum tenet: erat enim annorum pluſquam quindecim.

V. 20. ET FUIT CUM EO, ſane Deus, ex Hebræo, & Septuaginta.

V. 21. PHARAN eſt ultra Arabiam ad auſtrum.

V. 25. Puteus iſte fuit vi ereptus per Palæſtinos.

V. 31. LOCUS BERSABEE, QUIA IBI UTERQUE IURAVIT; & ſeptem agnis emptus eſt: alluſio vocis *שב* iuravit, & *שב* ſeptem. Nomen Berſabee nunc poſitum, & ſignificat puteum iuramenti. Vide cap. XXVI.

V. 33. NEMUS. In Heb. eſt *עץ* *arbor*. Ignoravit Eugubinus poni aliquando arborem pro loco arboribus conſito (Septuag. *agrum* habent.) Nec male Mariana ait ſingulare eſſe pro plurali, ut ſit arbor pro arboribus, aut nemore.

C A P U T XXII.

Fides, & obedientia Abrahæ in filii sui præcepta immolatione probatur; sed ab ipsius immolatione prohibetur, promissionesque ei confirmantur: & filii Nachor fratris Abrahæ numerantur.



Uz postquam gesta sunt, (a) tentavit Deus Abraham, & dixit ad eum: Abraham, Abraham. At ille respondit, Adsum. 2. Ait illi: Tolle filium tuum unigenitum, quem diligis, Isaac, & vade in terram visionis: atque ibi offeres eum in holocaustum super unum montium quem monstravero tibi. 3. Igitur Abraham de nocte confurgens, stravit asinum suum, ducens secum duos juvenes, & Isaac filium suum. Cumque concidisset ligna in holocaustum, abiit ad locum quem præceperat ei Deus. 4. Die autem tertio, elevatis oculis, vidit locum procul; 5. dixitque ad pueros suos: Expectate hic cum asino: ego, & puer illuc usque properantes, postquam adoraverimus, revertemur ad vos. 6. Tulit quoque ligna holocausti, & imposuit super Isaac filium suum; ipse vero portabat in manibus ignem, & gladium. Cumque duo pergerent simul, 7. dixit Isaac patri suo, Pater mi. At ille respondit: Quid vis fili? Ecce, inquit, ignis & ligna: ubi est victima holocausti? 8. Dixit autem Abraham: Deus providebit tibi victimam holocausti, fili mi. Pergebant ergo pariter: 9. & venerunt ad locum quem ostenderat ei Deus, in quo ædificavit altare, & desuper ligna composuit: cumque alligasset Isaac filium suum, posuit eum in altare super struem lignorum. 10. (b) Extenditque manum, & arripuit gladium, ut immolaret filium suum. 11. Et ecce Angelus Domini de cælo clamavit, dicens: Abraham, Abraham. Qui respondit, Adsum. 12. Dixitque ei: Non extendas manum tuam super puerum, neque facias illi quidquam: nunc cognovi quod times Deum, & non pepercisti unigenito filio tuo propter me. 13. Levavit Abraham oculos suos, viditque post tergum arietem inter vepres hærentem cornibus, quem assumens obtulit holocaustum pro filio. 14. Appellavitque nomen loci illius, Dominus videt. Unde usque hodie dicitur: In monte Dominus videbit. 15. Vocavit autem Angelus Domini Abraham secundo de cælo, dicens: 16. (c) Per memetipsum iuravi, dicit Dominus: quia fecisti hanc rem, & non pepercisti filio tuo unigenito propter me: 17. benedicam tibi, & multiplicabo semen tuum sicut stellas cæli, & velut arenam quæ est in litore maris: possidebit semen tuum portas inimicorum suorum, 18. & (d) BENEDICENTUR in semine tuo omnes gentes terræ, quia obedisti voci meæ. 19. Reversus est Abraham ad pueros suos, abieruntque Bersabee simul, & habitavit ibi. 20. * His ita gestis, nuntiatur est Abrahæ quod Melcha quoque genuisset filios Nachor fratri suo, 21. Hus primogenitum, & Buz fratrem eius, & Camuel patrem Syrorum, 22. & Cafed, & Azau, Pheldas quoque, & Iedlaph, 23. ac Bathuel, de quo nata est Rebecca: octo istos genuit Mel-

Melcha, Nachor fratri Abraham. 24. Concubina vero illius, nomine Roma, peperit Tabea, & Gaham, & Tahas, & Maacha.

(a) Judith VII. 32. Hebr. XI. 77. (b) Jac. II. 27. (c) Psal. CIV. 9. Luc. I. 73. Eccl. XI. 9. 27. Heb. VII. 13. I. Mach. III. 31. Luc. I. 73. (d) Sap. XII. 3. XVII. 28. Infir. XVII. 4. Ad. XII. 25. Eccl. XII. 25.

B R U G E N S I S

ROMANA CORRECTIO.

V. 10. *His ita gessit*. Non mutes adver-bium *ita* cum coniunctione *itaque*.

C O M M E N T A R I A

S A.

Vers. 1. **T**ENTAVIT, id est probavit: August. in Gen. quæst. LXXV. AD SUM. Hebr. *Ecce ego*, id est eccum me.

V. 2. VISIONIS. Hebr. *Moriab*. Locus est, ubi templum a Solomone extructum. LXX. *excelsam*. Chald. *divini cultus*. Est autem *Moriab*, *myrrha Domini*.

V. 3. DE NOCTE, id est summo mane. PRAECEPTAT. Hebr. *dixerat*.

V. 4. TERTIO. A Geraris ad montem Moriah, iter est dierum trium: Hieron. in Gen.

V. 9. OSTENDERAT. Hebr. *dixerat*.

V. 12. COGNOVI; id est, feci ut cognosceres, sic I. Cor. II. *Non iudicavi me scire aliquid inter vos*, &c. Aug. I. de Trin. & IV. de Gen.

V. 13. TERCUM, scilicet suum.

V. 14. VIDET. Hebr. *videbit*, id est providebit. VIDEBIT. Hebr. *videbitur*, id est apparebit, scilicet Christus. LXX. *visus est*: forte præteritum pro futuro.

V. 17. STELLAS CAELI. Id propter pauciores, firmiores, & clariore dictum est. At ARENAM MARIS, propter multitudinem infirmorum & carnalium, quæ tranquillo tempore quæta, aliquando tentationum & tribulationum fluctibus operata est, & turbata: Aug. PORTAS, id est propugnacula: hæc enim solent esse in urbium portis.

V. 18. IN SEMINE, id est propter semen, scilicet Christum.

V. 21. HVS. De huius stirpe Iob descendit, non de Esau: Hieron. in Gen. Buz. Ex huius genere secundum He-

bræos fuit Balaam, qui in Iob dicitur Eliu, & primo erat sanctus, & Dei Propheta: Hieron.

V. 22. CASED, a quo Chaldæm, id est Chaldæi: Hieron.

V. 24. ROMA, Hebr. *Rumab*.

E S T I I.

Vers. 1. **T**ENTAVIT DEUS ABRAHAM. Non proprie tentavit, sed figurate, quia id fecit quod tentantes, & per experientiam aliquid scire volentes, solent. Hoc autem fecit Deus non ut ipse sciret, sed ut hominibus, atque ipsi etiam Abraham manifestum fieret, quod antea latebat; scilicet quantum timeret Deum, ut ad eius iussum etiam filium unigenitum occidere paratus esset. Porro quid Abraham cogitavit hoc facere parans, aut quomodo divinam promissionem in Isaac factam, cum eius præmatura morte consistere posse intellexerit, ostendit Apostolus ad Hebræos cap. XI. his verbis: *Fide obtulit Abraham Isaac, cum tentaretur; & unigenitum offerebat qui susciperet repromissiones: arbitrans quia & a mortuis suscitare potens est Deus*. Hæc Apostolus. Et ad hanc Abraham fidem etiam illud pertinet quod dixit ad pueros: *Expectate hic: ego autem & puer illuc usque properantes, & quam adoraverimus, revertemur ad vos: fiducia scilicet tali ex Dei promissis concepta, vel Deum mox post immolationem puerum suscitaturum, vel etiam (quod factum est) ab immolatione prohibeturum*.

V. 7. & 8. UBI EST VICTIMA HOLOCAUSTI? Et mox: DEUS PROVIDEBIT SIBI VICTIMAM HOLOCAUSTI,

O o 2

Pro

Pro victima holocausti Hebr. est, *agnus*, seu *pecus* in *holocaustum*. Sane etiam Deus posita arietem in holocaustum suppeditavit; tamen Abraham sic præcise non intellexerit, sed in genere commiserit Deo rationem huius sacrificii, ut supra dictum est.

V. 12. NON EXTENDAS MANUM TUAM SUPER PUERUM. Prohibetur Abraham perficere quod iussus fuerat, quia satis erat obedientiam eius, & devotam erga Deum voluntatem probasse in aggressu operis. **NUNC COGNOVI, QUOD TIMEAS DOMINUM.** Sensus est, cognoscere te feci. Ita hunc locum intelligunt, & per eum alias quasdam eius generis Scripturas explicant, Augustinus Libro I. de Trinitate cap. xii. & Lib. lxxxiii. questionum quest. lx. Ambrosius Lib. V. de Fide ad Gratianum cap. vii. & viii. Hilarius Lib. ix. de Trinitate, & alii. Vide nostra in III. Sentent. distinct. xv.

M A R I A N A E.

Perf. 2. TOLLE FILIUM TUUM. Cuncta verba difficultatem facti exaggerant, quod filius, quod unicus, quod dilectus. Porro quod addit, **IN TERRAM VISIONIS**, Sept. *In terram excessam*; Chald. *In terram divini cultus*; Heb. *In terram Moriah*, ut Hieron. etiam fateatur, nempe quo loco templum postea constructum est: II. Paral. cap. iii. sic est Hebraeorum sententia, qui addunt, eo loco Abel, & Cain, & postea Noe sacrificia obtulisse. Significat *Moria*, *myrrham Dei*; sed *visionem*, si deducatur מרא *raah*. Distat a Geraris itinere trium dierum, Hieron. in Genesi sic vers. 4. *Die autem tertio vidit locum procul.* A Mambre autem quercu distat sedecim millibus. Ut intelligas ubi tunc Abraham habitaret, nempe in Geraris, non in Mambre.

V. 3. DE NOCTE CONSURGENS. Hebr. *Mane surrexit in crepusculo*; quod Sept. & Chald. posuerunt, & Noster *noctem* vocavit. Vide diligentiam in re difficillima.

V. 9. CUMQUE ALLIGASSET ISAAC FILIUM SUUM. Communis sententia est hoc accidisse quo anno mortua est Sara ætatis anno 127. ut Isaac fuisse anno

rum triginta septem necessum sit. Ergo sponte se ligari permittit. In quo dubium utri pieratis palma tribuatur, patri, an filio. Ex hoc tacto sumptis occasionem variae gentes putantur, in suprema angustia filium maiorem regis mactandi; quod Moabiturum regem fecisse cum oblatione premeretur, divinæ litteræ tradunt. Tum apud Euseb. Lib. IV. de Præpar. cap. vii. Philo in Phanicum Historia susceperunt in ea gente ait, ut in supremis periculis civitatis Princeps filium dilectissimum mactaret; quod fecisse Saturnum ait, quem Phœnices Israelem vocant, nempe vitiatæ memoria, & commutatis nominibus pro Abrahamo avo Israelem nepotem posuit.

V. 13. VIDITQUE POST TERGUM ARIETEM INTER VEPRES HABENTEM CORNIEUS. Vox Hebraica אריז *aribaz*, multis modis sumi potest: nempe ut sit idem quod *retro*, & hoc secutus Hieron. dixit *post tergum*, scilicet suum; vel ut sit idem quod *post*, & hoc modo potest referri ad vocem Angeli, hac sententia: *Viditque post*, supple, quam Angelus eum vocavit: vel ad arietis hanciem inter vepres, ut sit ad verbum: *Viditque*, & ecce aries postquam inter vepres hæsaret cornibus. Et hoc secutus Chald. est. Pro vepribus Hebraice עשבים *sebach*, quod ex Hebraeis Aven Ezra sumit pro *arbores*, & Chaldaeus; at David Kimhi pro *ramo*: sed utraque significatione, arborem, & ramum densum & implicatum significat, quando ipsa Hebraica radix *sabach*, *implicare* significat. Sept. ipsam vocem *sabac* intactam relinquant: ex qua planta detentum vel suspensum, *ariz*, *arizon*, arietem dixit. Quod ad Christi in cruce typum antiqui Patres referunt, & ex complicatione, quam vox ipsa significat, colligunt, vincula peccatorum in ea arbore soluta. Sed & recentior quidam, Christum Marc. xv. alluisse ad hunc locum putat illis verbis: *Eli, Eli, lamna sabadboni*: nam in Psal. xxi. unde priora verba sumuntur, Hebraice *hasabani* legitur, id est *reliquisti me*: atque hoc modo significaret totus locus, *Deus, Deus meus, ut quid me ligasti?* Ingeniosa cogitatio, nisi Epiph. rescisset hæresi lxxi. ubi ait, hæc verba non Hebraica, sed Syriaca esse, & ipse Evangelista ait significare, ut quid dereliquisti me? quod *sebadboni* significat in lingua Syriaca, scriptum p. r. w. fin,

fit, ut in Evangelio etiam legitur, non per *o sameb*, ut est hoc loco.

V. 14. IN MONTE DOMINUS VIDEBIT: sic Hieron. in Tradit. in Hebraico haberi ait. Nunc Hebr. legitur, *Prius videbit*, cum ait: *Appellavitque nomen loci illius, Dominus videbit*; deinde, *videbitur*, illis verbis: *Unde usque hodie dicitur, In monte Dominus videbitur*. Et Sept. *Dominus visus est*. Et itaque ad Christum optime hoc refertur, qui in typo Isaac immolati, & arietis visus est, & in seipso videndus in eo monte erat; sed iuxta nostram litteram, *In monte Dominus videbit*, id est providebit, alludit ad id quod dixerat vers. 8. *Dominus videbit*, aut *providebit, fili mi*, nempe victimam. Quidam ait utrumque nomen fuisse monti, *videbit*, propter figuram, id est hostiam; *videbitur*, propter Christum. Litteræ Hebraicæ utroque loco legi possunt, *Dominus videbit*, ut est in Vulgata: puncta addita discernunt. Lectio nostra est commodior.

V. 16. PER MEMETIPSUM IURAVI. Modus iurandi firmissimus.

V. 17. POSSIDEBIT..... PORTAS, id est urbes, & oppida: sæpe *portæ* pro urbibus. Ergo *possidebit portas*; id est, hostibus erunt filii tui superiores.

V. 18. QUIA OBEDISTI VOCI MEAE. In Hebræo: *Benedicentur in semine tuo omnes gentes terræ, merces, quia obedisti voci meæ*. *עקב* *hebe* est calcaneus, est etiam merces, quoniam operis postremus fructus est: sententia non discrepat. Quomodo Hebraei intelligant gentes benedicti in semine Abraham, & quomodo intelligat Paulus, superius est indicatum. IN SEMINE, id est propter semen, qui est Christus.

V. 21. HUS PRIMOGENITUM. Ex huius semine Iob, ut ait Hieron. non ex Esau posteris, ut quidam putant.

V. 22. CASED. Ab hoc Chaldim, id est Chaldei: Hieron. in Traditionibus.

V. 24. CONCUBINA. *פגש* *paleghes* magis significat pellicem, quam concubinam, nempe quæ viro iungitur ad concubitum, sed sine ulla nuptiarum celebritate: sic Sept. *παλλακή* dixerunt; sed perinde est.

Festum tubarum sive clangoris qui cornu fit, Iudeis sollempne mensis Tisri die primo, Isaac immolationis monumentum, & arietis lærentis cornibus, uti Hieron. in-

dicat in Tradition. Quare suspicantur prima die eius mensis gestum quod hoc capite continetur.

M A L V E N D A E.

Vers. 1. TENTAVIT. *נסה* *nissab* in Pihel aiunt proprie esse *levare, elevare, extollere, elevare ad altiora, petere, seu affectare altiora, tentare in altum*: atque importare ausum, nîsum, & conatum; quasi sit ausum facere in altum, periculum facere, experiri aliquem in maioribus, altioribus, & sublimioribus, quæ ordinarium actum, vel facultatem eius excedant. Noster perire, & significanter verbo *tentandi* addere solet, quod per levare ad tentandum, vel attentare alii exprimunt. Unde hic: *Et Elobim tentavit Abrahamum*; id est, extulit illum ad altiora, petiit ab eo altiora & maiora, scilicet fidei probationem, machinatione filii.

V. 2. UNIGENITUM. Hebr. *unicum* post amandatum Ismahelem, ex primaria uxore natum: vel unicum non genitura, sed successione, & promissione. Sic Prov. iv. vers. 3. *TERRAM VISIONIS*. *מוריה* *moriah* nomen proprium loci, seu montis, ubi postea constructum est templum Salomonis, II. Paralip. III. 1. cuius nominis etymon ad nauscam usque enucleant Explanatores. Mihi simpliciter est *myrrha Dei*: quod forsitan locus myrrhæ ferax esset, Cantic. IV. 6. Divinant quidam a Moreh viro Chanaanæ inditum loco nomen. Vi. e cap. XII. ad vers. 6. Quidam exponunt *doctrinam Domini*, quod eo loco & monte sit templum a Salomone constructum, II. Paral. III. 1. & doctrina de voluntate Dei erga nos patefacta.

V. 10. ARRIPUIT GLADIUM, seu cultrum. Exponunt, cædendis victimis comparatum, qui *secespita* olim dicebantur, a secandis cæspitibus: nam ex cæspite fiebant aræ. Svetonius in Tiberio, cap. XXV. De secespita. v. de Festum. qui huic usui etiam acierem destinat; & Servium in Lib. IV. AEncidos, ad versum

... Tyroque ardebat murice Iena.

UT IMMOLARET. *עשה* *schachat*. Iudei volunt hoc verbum proprie significare *trahere*: machatio autem, seu iugulatio fit tracto per iugulum gladio, id est ducto & reducto. Alii conferunt cum *schach* transpositi-

posito, *expandere*; & cum sinistro *וְיָצַח* *sa-*
chut, *exprimere*, *effluere*: ut sit proprie
pecudem expanam mactare, ut sanguis lar-
gius effluat, exprimatur, & secernatur se-
orum; quamquam figurate postea etiam
de mactatione hominum dicatur, propter
similitudinem. Iudei Germani vulgari sua
lingua vocant *schecten*, unde hic reddunt:
Et accepit cultrum ad mactandum filium suum.
Ubi observant, Moſeu propter typum, pec-
culiari consilio utum hoc verbo hic, ut
nimis præmonſtraret, quod Christus vic-
tima, expansione in cruce mactandus erat
pro redemptione humani generis, & san-
guis eius effundendus copiose in emunda-
tionem peccatorum nostrorum.

V. 11. ANGELUS DOMINI. Expo-
nunt: id est Christus sermo æternus Pa-
tris, qui idem appellatur Deus, infra vers.
12. itemque Iehova, vers. 16. Alii unum de
sanctis Angelis intelligunt.

V. 13. INTER VEPRES HAEREN-
TEM. Hebr. *Apprehensus in perplexitate*:
quidam, *In duma*, id est in perplexitate;
& densitate ramorum; seu inter vepres,
spinas, dumos, vel ramos se invicem im-
plicant; aut inter arbuta, frutices, vir-
gulta perplexa & complicata.

V. 14. DOMINUS VIDET. Hebr. *Do-*
minus videbit. Repetit quod vers. 8. dixe-
rat: *Elohim videbit sibi victimam in holocau-*
stum; id est, providebit, nempe arietem
cornibus fructibus implicatum. UNDE US-
QUE HODIE DICITUR: IN MONTE
DOMINUS VIDEBIT. Hebr. *Quod, quia,*
vel qui locus hodie dicitur: In monte Domi-
nus videbitur. Proverbium id esse omnes
fere agnoscunt; quasi dicat: Ex eo quod
ibi Abrahamo contigit, proverbium mana-
vit, quo in rebus perplexis, & arduis, ac
plene desperatis, quarum nullus cernitur
exitus, ad Dei providentiam recurritur,
dicendo: *In monte Dominus providebit*; hoc
est, suo tempore, & loco, ut olim factum
fuit in Abraham. Et quod passive dicitur,
In monte Dominus videbitur, est admiranda
phrasîs Hebraica, quam vix intelligent qui
Hispanismo non fuerint imbuti. Hispani
enim in re magni momenti, & quæ nul-
lum, aut difficilem exitum habet, quæ-
que nulli humanæ opi, sed soli divinæ pro-
videntiæ exequenda relinquunt, solemus
passive dicere, *Dios se a viso*; vel *Dios se*
vera; & significantius Valentine, *Deu si*

ha viſt; vel *Deu si vœura*; hoc est, mani-
feste Deus exeret suam præsentiam, vim,
efficacitatem: postquam omnia humana sub-
sidia desunt. Quidam ad mysterium refer-
runt, quod Dominus Iesus Christus æter-
nus ac verus Deus in monte illo Moriah
videndus esset, quotidie docens in templo,
& cum hominibus conversans, &c.

V. 16. DIXIT DOMINUS. *Neum* *Je-*
huch, vocem *נֵאֻם* *neum*, quidam notant esse
nomen participiale, id est *sermo certus*,
dictum indubitatum, *sermo fidelis*, *sermo om-*
nini fide & *acceptione dignus*. LXX. Chal-
dæi, Noster, verbo *dixit* expressere; etsi
non tantum & simpliciter significet *dicere*,
sed potius, certum, seu verum dicere,
certum asserere, seu asseverare, certo as-
firmare, certo promittere. Et non nisi Deo
tribuitur, qui solus verax est, & verita-
tem loquitur: qui cum neque mentiri,
neque fallere possit, sicut Christus Patri
suo dicit, *Sermo tuus veritas est*; indubita-
ta fide amplectendum est, quicquid pro-
mittit, & loquitur. Postea etiam prophe-
tis & apostolis immediate a Deo vocatis
adscribitur, qui, ut Petrus II. Epistola 1.
21. *Non humana voluntate, sed a Spiritu*
sancto impulsu locuti sunt sancti Dei homi-
nes: & de quibus Filius Dei dicit: *Qui*
vos audit, me audit: neque errare possunt.
Hanc vocem Paulus Apostolus reddidit,
πιστός ὁ λόγος, *fidelis sermo*, I. Timoth. 1. 11.
1. & II. Timoth. 11. 11. & iterum longiori
periphrasi vocis huius significationem ita-
git exprimere, cum ait, I. Timoth. 1. 15.
Fidelis, certus, sermo, & omni acceptione
dignus: & ad Titum 1. 11. 8. *Fidelis, cer-*
tus, sermo. Observant præterea, quod per-
inde ut Scriptura veteris testamenti vo-
cem *נֵאֻם* *neum*, ita Paulus hæc verba *πιστός*
ὁ λόγος, vel præmittit dicturus rem cer-
tam & indubitam, vel subiicit, vel statim as-
severatione confirmans, quod dixit. Addo,
numquam hæc dici, nisi de rebus magni
momenti. Ad hæc annotant, non posse
recte ex Scripturis intelligi, cognoscique,
quid credendi, seu fidei vox in Scriptura
sacra proprie significet, nisi harum dua-
rum vocum *נֵאֻם* *neum*, & *בְּמִשְׁלֵי* *bemîn* si-
bi correspondentium cognitione, quæ ma-
gna ex parte ex earum collatione sumi-
tur. Nam verbum *neum*, significat *certa*
& *indubitata loqui*, *veritatem dicere*; id
quod est solius Dei loquentis; mox pro-
phe-

phetarum, & apostolorum, certo verbum Dei loquentium, quique a Deo immediate vocati, testimonium habent, quod errare non possint: ita rursus verbum *beemin*, proprie significat *fidem* certo adhibere illi verbo Dei, credere, *essentiri*, acquiescere illi, *persuasum habere*, verum & certum esse illud Dei verbum: alioquin non esset *fidus*, sed vel incerta opinio, sive simplex notitia, vel vana superstitio: qualis est ludæorum, Turcarum, impiorum a Dei religione & cultu alienorum. Igitur ut *neum* significat certum & indubitatum sermonem Dei, verbum Dei verax; ita *beemin*, fidei seu credendi vocabulum, significat, verbo Dei inniti, assentiri, & fide sibi, certaque persuasionem & assensu apprehendere, & applicare, quæ in verbo Dei proponuntur. Nam hæc duo verba correlative se habent, & æquali modo significandi sese mutuo respiciunt: sicut etiam littera Nun in illis correlative se habet, in altero initialis, in altero finalis existens. Et ut prius est verum dicentis; ita alterum est certo credentis, & fide apprehendentis, & assentientis. Nos Paulum secuti reddemus, *Fidelis sermo. QUIA FECISTI.* Heb. tres particulae causales iunguntur, *quia*, pro eo, propterea, *quod fecisti*: ut exaggeret divinum & heroicum factum omni laude & præmio dignissimum: acervus enim causalium id plane indicat.

V. 17. PORTAS. Hebr. singulare *portam*. שַׁבְּחָגָר *schaghar*, portam Hebræis dictam exultant ab horrore, quod sit propter amplitudinem, custodiam militarem, munitionem, propugnacula, iudiciaque & magistratus horrenda, & formidabilis. Et quia olim iudicia, & publica negotia exercebantur in portis civitatum coram vulgo egrediente & ingreiente, ut ex multis Scripturæ locis constat, sicut apud nos in curiis & prætoriis; transfertur interdum ad significandum loca iudiciorum seu ipsa iudicia publica, & cætus, seu conventus populi. Sic Turcæ vocant portam, curiam, prætorium, regiam Imperatoris ipsorum. Aliquando etiam sumitur pro robore, potentia, imperio, seu pro iure, potentia, potestate, regno: quod munitiones & propugnacula in portis collocari solebant, & ibidem ius a magistratibus dici, ut paulo antea observabamus. Item pro consiliis, deliberationibus, machinamentis, ut Psal. ix. 15.

Qui exaltas me de portis mortis, id est de consiliis, deliberationibus, potestate, iure mortis: quamvis hic quidam *portas*, specus subterraneos tenebris obfritos intelligant, vel sepulcrum. Ut alibi dicuntur *portæ inferi*, uti Isaiæ xxxviii. 10. Iob xxxviii. 17. sic quidam capiunt illud Matth. xvi. 18. *Et portæ inferi non prævaldebunt adversus eam*; id est, omnes munitiones, machinæ, artes, consilia, robur, potentia, cætus, regnum inferorum. Ergo hic: *Possidebit semen tuum portas inimicorum suorum.* Quidam exponunt: Obtinebunt propugnacula urbium, quæ in portis earum esse solent: urbibus potentur, & superiores hostibus fuissent: vel cætus, iudicia, potentiam, prætoria, regna inimicorum suorum obtinebunt. Quidam Hebræorum annotant, nonnumquam in Scriptura portam intelligi terram, vel regionem, synecdochice, ex parte totum, ob eius ingressum, qui est veluti porta terræ vel regionis. Unde quia terra valida & munita, valida est in ingressu suo, quia habet in circuitu montes, ut & maria, quæ postquam hostes penetrarunt, tota illa regio capta perfacilis est; ideo dicitur Nahum iii. 13. *Patendo patuerunt portæ terræ tue.* Sic Deut. v. 14. & alibi. Unde hic interpretantur: *Possidebit portas inimicorum suorum*, id est terras & regiones hostium.

V. 18. ET BENEDICENTUR IN SEMINE TUO. Hebr. *Et benedicere sese facient*, vel *et benedicent sese*, in semine tuo; id est, prosperas, fortunatas, felices, augustinas, beatas, bonis omnibus cumulas se ducent, ac reputabunt; quasi dicat: Nondum erunt felices, & tantis bonis auctæ, sed etiam ipsam suam felicitatem palam agnoscent, profitebuntur, æstimabunt, ac sibi de ea gratulabuntur invicem. Vide cap. xii. ad vers. 3. *QUIA OBEDISTI.* Hebr. duæ causales: *Es quod, quia audisti.* Quidam priorem vertunt, *Merces, quod audivisti*: aliene. Vide cap. xxvi. vers. 4. & 5.

V. 21. CAMUEL PATREM SYRORUM. Quidam ad Syriam Zobah, sive Cavam, aut Cœles arctant: nam aliorum Syrorum Aram auctor, Genes. x. vers. 22. sed hoc est divine. S. Hieronymus: *Camuel vero pater est Damasci. Ipsa enim vocatur Aram, quæ hic pro Syria scripta est.* Syriæ igitur Damascenæ auctor videtur: forte quia ibi rerum potius est. Forisam di-

dictus est hic Camuel pater Aram, seu Syrorum, quod in Syria illa ubi habitavit Nachor, nempe Mesopotamia, e cap. xxiv. 10. vir ingens, & magnarum opum, ac clientelarum fuerit. Forſan aliquam partem Syriæ obtinuit; ſed quænam illa fuerit, ignoratur. Sic I. Paralipom. 11. 23. Machir dicitur pater Galaad, non qua Galaaditi regioni nomen ſuum impoſuit, ſed quia ibi imperavit. De Huz, & Buz vide S. Hieronymum hic. Quidam ariolantur horum nominum Aram & Buz veſtigia ſervata in Meſopotamia, Conſtantii Cæſaris temporibus, ut meminit Ammianus Lib. XVIII. cap. xxiii. Quum prope caſtella Romana veſſet, quorum uni Reiman, alterum Buzaz appellatur, perſugarum indicio didicit multorum opes illic translatas aſſervari, ut in munimentis præceſſis & fidei.

V. 24. CONCUBINA פִּלְגֶשֶׁת pillegheſch, vocem quadratam, plerique exiſtimant eſſe exoticam & peregrinam, ut ſunt ſerme voces quatuor aut plurium litterarum in hac lingua. Conſentiunt Hebræi & noſtri, fuiſſe legitimam & veram uxorem; ſed ſecundariam, quæ abſque contractu dotali, ſponſalibus, & ſubarrhatione, atque aliis ſolemnitatibus ducebatur; & ut ipſa primaria uxori, & matrifamilias ſubiecta erat, ita eius filii non ſuccedebant in hereditate paterna, ſed in donationibus, & legatis dumtaxat, ut ex initio capitis xxv. huius Libri perſpicue cognoscitur. Cethura, quæ uxor Abrahami dicitur Genef. xxv. i. eadem concubina ſeu pillegheſch vocatur I. Paralipom. 1. 32. Sic Iudicum xix. 1. 5. Exiſtimant aliqui inter pillegheſch & primariam uxorem illud fuiſſe diſcrimen, quod inter matronam & matrem familias Gellius Lib. XVIII. cap. vi. assignat. Atqui pillegheſch putant eam eſſe quam Græci & Latini pellicem appellarunt: nam & vocem pellex ex Hebraica pillegheſch luxatam & eſſictam facile exiſtiant, litteris, & ſono nominum conſentientibus: atque etiam verifiſimile eſt olim nomen pellicis Græcis & Latinis idem valiſſe, quod pillegheſch Hebræis; quamvis poſtea a Iuriſconſultis vocabulum pellicis alio ſit detortum. Erymon & rationem nominis varie exequuntur. I. Quidam componunt, a verbis פָּלַג palag, ſegregari, & וָאֵשׁ wagaſch, accedere, quaſi illa ſit, & ita dicatur ad quam maritus ab uxore ſegregatus accedat. II. Alii

deducere malunt a פָּלַשׁ palasch, noſtare; inſerta littera Ghimel; & ſic dictam concubinam a volutando, quod volutetur in coitu. Sicut פִּלְגַל ſibegal coniux regia dicta eſt a ſubagitando. Sed cui uui Ghimel? III. Plerique conſtant ex פִּלְגַל palag, dividere, & ex אִשָּׁה iſchſchah, muliere, uxore; quaſi dicas, uxor divita, diſſertita, ſecundaria, a primaria uxore & matrifamilias; ſeu quaſi dimidium uxoris dicas. Sed ſi nomen eſt peregrinum, fruſtra quaeruntur ei etymologiæ in lingua ſancta. Noſter ubique concubinam vertit; nos conſervantes originem, pellicem reddemus. Et MAACHA. Ab hoc dictam Aram, ſeu Syriam Maacha, I. Paralipom. xix. 6. plerique exiſtimant. Ut Camuel verſ. 21. ita hunc Macha quaſdam partes Syriæ obtinuſſe, atque in his rerum poſitos, veriſimile eſt. Maacha urbem in Syria fuiſſe, quæ regia fuerit, II. Samuel. x. 6. 8. dicitur; forſan quam hic ipſe Maacha conſtruxerit, vel in ea imperitaverit, a quo urbs ipſa nomen accepit.

M E N O C H I I.

Verſ. 1. TENTAVIT. Ad bonum tentat Deus Abraham, ut quantâ in eo lateat virtus appareat.

V. 2. TOLLE. Hebræa ſunt valde pathetica: Tolle nunc filium tuum, unicum tuum, quem dilexiſti Iſaac: idem habent LXX. UNICENTUM, etiam Iſmaelem genuerat Abraham; ſed Iſaac dicitur unigenitus ex Sara uxore primaria. DILEXIS. Hebr. eſt dilexiſti; quaſi dicat, cogitaſſe illum non eſſe: vixit. ISAAC, qui tibi cauſa riſus, & nunc meroris. INTERAM VISIONIS: ſic vocat per anticipationem, nam poſtmodum ab Abrahamo nomen illi inditum num. 14.

V. 3. DE NOCTE, primo diluculo. Hebr. manebat Abraham mane; hoc eſt, ſurrexit primo mane. ISAAC, agentem ætatis annum 25. Saræ nulla ſit mentio, cui non videtur Abraham indicaviſſe quid faciurus eſſet.

V. 4. DISTERTIO. In Geraris degebat, inde ad terram viſionis, ſive ad montem Moria, in quo poſtea templum Hieroſolymitanum, eſt iter tridui. Sic D. Hier. quod intellige non de urbe Gerara, ſed de regione; nam conſtat tunc habitaviſſe in Be-
ſa-

fabee, ut colligitur ex cap. xxi. num. 31. & post immolationem reversus est in Bersabee hoc cap. num. 19. a Bersabee autem ad montem Moria est iter unius diei. Lentē ergo processit, quia rebus ad sacrificium necessariis impeditus. **VIDIT LOCUM** : signo aliquo illi a Deo dato cognovit collem in quo Deus sacrificium fieri volebat.

V. 5. REVERTEMUR. Non est mentitus, vel enim de se solo loquitur numero plurali, more Hebræorum, vel credidit filium suscitandum a Deo, qui promiserat ei semen ex Isaac, cuius verbum irritum esse non poterat. Itaque D. Paulus ad Hebr. xi. 19. ait Abrahamum *contra spem in spem credidisse*, arbitrando, quia *ego a mortuis resuscitare potens est Deus*.

V. 6. IMPOSUIT SUPER ISAAC. Cerne figuram Christi crucem suam baiulantis.

V. 7. UBI EST VICTIMA? Etiam hoc colloquium augebat patris dolorem.

V. 8. DEUS SIBI PROVIDEBIT, quamvis modum nesciret.

V. 9. VENERUNT AD LOCUM. Ioseph vult fuisse locum ubi postea templum, quasi Isaac esset figura victimarum templi. Probabilius est quod alii asserunt, fuisse Calvariae collem, in quo postea Christus crucifixus est. Utrique autem locustam is in quo postea fuit templum. quam in quo crucifixus est Christus, ad montem Moria pertinebat, qui in varios distinctus erat colles, qui variis nominibus appellabantur. **AEDIFICAVIT**, obiter cespitem fossa, & saxi aliquot coarctatis. **ALLIGASSET**, declarata illi prius voluntate divina, nec illo mortem recusante, sed libenter admitte, quandoquidem ira Deo placitum.

V. 10. ABRAHAM, ABRAHAM. Vocem geminat, ne animo incitato pater præveniret. Sic Chrysostom. & Ambrosius.

V. 12. NUNC COGNOVI. More hominum loquitur, qui cuius rei periculum fecerunt, id se perfectè putant novisse. **NON PEPERCISTI**, quantum in te fuit.

Vers. 13. ARIETEM HAERENTEM CORNIBUS INTER VEPRES. Verus fuit aries alicunde ab Angelo adductus. Quod dicitur, *Inter vepres*, in Hebræo est **בין הסבך**, quod alii aliter vertunt. Proprie videtur significare *perplexionem*, ut vertit Pagninus, sive, ut alii, *implexionem*:

Hærebat ergo aries cornibus in implexis densorum virgultorum ramis.

V. 14. USQUE HODIE DICITUR: IN MONTE DOMINUS VIDEBIT. Sensus est, etiamnum cum montem illum significare volumus, dicimus, hoc factum, aut dictum est in monte illo, cui nomen, Dominus videt, aut videbit. Aliqui legunt, *Dominus videbitur*, quasi sit prophetia de Christo, qui in monte cruci affixus videndus erat. Porro Abraham loco nomen imposuit, *Dominus videt*, ex eo quod ipse num. 8. filio responderat, *Dominus providebit*; vel, ut alii vertunt, *videbit*. Erat etiam forma adagialis apud Hebræos: *In monte Dominus videbit*, qua utebantur in angustiis constituti, & Dei auxilium optantes; quasi dicerent: Sicut in monte extremo in periculo misertus fuit Abrahæ, sic etiam nostri tandem miseretur.

V. 16. PER MEMETIPSUM IURAVI. Cum non posset per maiorem se iurare, iuravit in semetipso; Hebr. vi. 13. Sic Ieremize xxii. 5. *In memetipso iuravi, dicit Dominus*.

V. 17. POSSIDEBIT SEMENTUUM PORTAS, urbes Chananzorum sub Ioseph; Palæstinorum, Ammonitarum, Syrorum, &c. sub David, & Salomone: est synecdoche, nam per portas urbes intelligit.

V. 18. BENEDICENTUR IN SEMINE TUO, in Christo Domino, nam *ideo non dicit, In seminibus*, ut notavit D. Paulus ad Galat. iii. 16.

V. 20. QUOD MELCHA. Sequens genealogia texitur propter Rebecam, ut constaret merito illam Isaac uxorem quæsitam.

T I R I N I.

V. 2. TOLLE FILIUM TUUM UNIGENITUM, scilicet ex Sara, & unicum repromissionis filium, & quia expulso iam Ismaele, & exheredato, unicus Isaac domi supererat. **ET VADE IN TERRAM VISIONIS.** Hebraice *Moria*, id est visibilem, & facile conspicuam, etiam eminens, quia alta & montosa erat terra: hinc eodem sensu Septuaginta vertunt, *In terram excessum*, **IBI OFFERES EUM**, me iubente, cui ius vitæ & necis est in omnes, **SUPER UNUM MONTIUM QUEM MONSTRAVERO TIBI:** signoco-

Pp lu

Iunior ignis desuper apparituræ, inquit Rabbini.

Nota. Mons Moria in plures colles dissectus erat. In una parte erat Sion, in qua arx David, iuxta quam in area Ornan lebuzai a Davide coempta, Salomon templum construxit *a*. Alia pars montis Moria extra urbem Ierusalem mansit, posteaque dicta est mons Calvariae, in quo tam Isaac, quam Christum per Isaac præsignatum, immolatum fuisse, docet S. Hieronymus ex traditione Iudæorum *b*.

V. 5. POSTQUAM ADORAVERIMUS, id est sacrificaverimus, REVERTEMUR AD VOS. Nam Abraham, ut patet ex epistola ad Hebræos *c*, credens, quia *ex a mortuis resuscitare potens est Deus*, certo sibi persuadebat, quod Deus Isaacum vel non pateretur occidi, vel occisum resuscitaret. Sciebat enim fallere non posse qui promiserat, ex Isaac nasciturum Christum, & innumerabilem posteritatem sicut stellas cæli, *ex sicut pulvrem terræ d*. Ita Origenes, S. Augustinus, & alii.

V. 9. CUMQUE ALLIGASSET ISAACUM. Haud dubie Abraham, cum ad rem veniendum esset, exposuit filio divinam voluntatem. Ille vero, ut refert Iosephus, nullo modo reluctatus, ultro alacriterque sese obtulit immolandum, ac, ne forte in ipsa iugulatione vel invitatus reniteretur, etiam se vinciendum dedit. Nam si reluctari voluisset robustus, ut minimum 25. annorum juvenis, Abraham iam longe centenarius maior nunquam illum alligare potuisset. S. Augustinus, Nyssenus, & Procopius, putant matrem quoque Haram consensam fuisse, & consensisse immolationi filii. Sed negat hoc Iosephus, Chrysostomus, & Pererius.

V. 14. APPELLAVIT NOMEN LOCI ILLIUS, DOMINUS VIDET; quasi dicat: Deus clementer respicit cultores suos & prospicit illis; ut iam oportune prospexit ne filius meus occideretur, sed loco filii aries substitueretur. Ita Hebræi, Chaldeus, Pererius, & alii. *UNDE USQUE HODIE* in proverbio, assiduis vulgo dicitur: *IN MONTE DOMINUS VIDEBIT;* quasi dicat: Sitis magno & constantissimo, credite, fideite, obedite Deo: qui Abraham, & Isaac in monte tam opportune per Angelum, per arietem prospexit, is idem & vobis aderit, dabitque plis

conatibus felicem eventum. Ita S. Hieronymus, Cajetanus, & Delrio.

- (*a*) Patet II. Paralip. xii. vers. 7.
(*b*) Ita S. Aug. Lib. XVI. de Civit. cap. xxxii. Biodorus Tarsensis & alii.
(*c*) Heb. xi. vers. 19.
(*d*) Genes. xlii. vers. 26. & cap. xv. vers. 1.
(*e*) Aug. serm. lxxxi. de Temp. Nysseni. & alii apud Corn. a Lapide.

GORDONI.

Vers. 1. **Q**UAMVIS proprie Deus non tenet, tamen aliquando se habet ad modum tentantis, & explorantis, ut sic hominis virtus aliis appareat; vel ut homo ipse discat quid possit, quantumque pendeat a Deo, quoties incidit in malocclusiones.

V. 2. IN TERRAM VISIONIS. Hebr. *in מוריה Moria*; ac si dicas, terram visionis, seu ad montem, quem Abraham ab hoc effectu vocavit, *Domus videbit*. Hic mons Moria erat in Ierusalem, mons in quo Salomon edificavit templum. Radix מוריה *mor*. Mons Calvariae extra muros videtur pars fuisse montis Moriae. Varie de hoc scriptores. Vide Deut. cap. xxxiii. vers. 12. Vocat unigenitum, quia unicus erat ex Sara primaria uxore, aut quia maxime dilectus erat, quod habet textus, & solus filius promissionis.

V. 3. HABITABAT tunc Abraham Bersabee, ex vers. 14. & 19. & distabat, ex Adrichomio, leucis horariis viginti (trium dierum iter est) a Monte Moria, ubi est Ierusalem.

V. 5. REVERTEMUR. Non est mentitus: nam de se ipso in plurali loqui potuit. Ac demum prophetavit, si de se, & filio est sermo, sed ignorans quid diceret.

V. 9. ALLIGATUR Isaac volens: est enim probabile Abrahamum aperuisse filio voluntatem Dei. Iosephus tradit, tunc Isaac iussisse viginti quinque annorum.

V. 12. NUNC COGNOVI. Humano modo loquitur, significans se fecisse in hac tentatione & experimento virtutis ut cognoscat ab aliis obedientia, & virtus Abraham. En interim allegorice repræsentatum Christum in passione, & resurgendo liberatum. Hic etiam locus probat Theologis esse in Deo scientiam creaturarum.

V. 13. POST TERGUM. Hebr. מחר, *retro*.

V. 14.

V. 14. DOMINUS VIDEBIT. Sept. Dominus visus est. Vulgatus, videbit, id est providebit.

V. 16. Vide Heb. vi. vers. 13. ubi agit Paulus de hoc iuramento. At cur inassertione veritatis Deus per semetipsum iurat? Certe quia est optimus testis, & assertor veritatis; nec est alius tam bonus.

V. 17. POSSIDEBIT PORTAS, regiones, & urbes.

V. 21. de Hus, & progenie Iob, vide Iob 1.

V. 24. Concubina in praesentia, ac alibi, secundariam designat uxorem, ignobiliorē, nec familiarē dominam, ut alias observavi cap. xxv. vers. 6.

C A P U T XXIII.

Sara mortua plangitur, atque in spelunca duplici; quam Abraham ab Ephron cum agro praesenti emis pecunia, sepelitur.

Ixit autem Sara centum viginti septem annis. 2. Et mortua est in civitate Arbee, quae est Hebron, in terra Chanaan: venitque Abraham ut plangeret & fletet eam. 3. Cumque surrexisset ab officio funeris, locutus est ad filios Heth, dicens: 4. Advena sum & peregrinus apud vos: date mihi ius sepulcri vobiscum, ut sepeliā mortuum meum: 5. Responderunt filii Heth, dicentes: 6. Audi nos domine: princeps Dei es apud nos: in electis sepulcris nostris sepeli mortuum tuum: nullusque te prohibere poterit quin in monumento eius sepelias mortuum tuum. 7. Surrexit Abraham, & adoravit populum terrae, filios videlicet Heth, 8. dixitque ad eos: Si placet animae vestrae ut sepeliā mortuum meum, audite me, & intercedite pro me apud Ephron filium Seor, 9. ut det mihi speluncam duplicem, quam habet in extrema parte agri sui: pecunia digna tradat eam mihi coram vobis in possessionem sepulcri. 10. Habitabat autem Ephron in medio filiorum Heth. Responditque Ephron ad Abraham cunctis audientibus qui ingrediebantur portam civitatis illius, dicens: 11. Nequaquam ita fiat, domine mi, sed tu magis ausculta quod loquor: Agrum trado tibi, & speluncam quae in eo est, praesentibus filiis populi mei: sepeli mortuum tuum. 12. Adoravit Abraham coram populo terrae. 13. Et locutus est ad Ephron * circumstante plebe: Quæro, ut audias me: dabo pecuniam pro agro: suscipe eam, * & sic sepeliā mortuum meum in eo. 14. Responditque Ephron: Domine mi, audi me: 15. terra, quam postulas, quadringentis siclis argenti valet: istud est pretium inter me & te: sed quantum est hoc? Sepeli mortuum tuum. 16. Quod cum audisset Abraham, appendit pecuniam, quam Ephron postularat, audientibus filiis Heth, quadringentos siclos argenti probatae monetae publicae. 17. Confirmatque est ager quondam Ephronis, in quo erat spelunca duplex, respiciens Mambre, tam ipse, quam spelunca, & omnes arbores eius in cunctis terminis eius per circuitum, 18. Abrahæ in possessionem, videntibus filiis Heth, & cunctis qui intrabant portam civitatis illius. 19. Atque ita sepelivit Abraham Saram uxorem suam * in spelunca agri duplici, quae respiciebat Mambre: hæc est Hebron in terra Chanaan, 20. Et confirmatus est

ager, & antrum quod erat in eo, Abrahæ in possessionem monumenti a filiis Heth.

B R U G E N S I S

ROMANÆ CORRECTIONES.

V. 13. *Circumstante plebe.* Non est addendum pronomen eius.

Ibid. *Et sic sepeliam mortuum meum in eo.* Non scribas antecedens *agro* pro relativo *eo*.

V. 19. *In spelunca agri duplici.* Pro sexto casu *duplici* quidam scribunt secundum *duplicis*.

NOTATIO.

V. 19. *Atque ita sepelivit Abraham Saram uxorem suam in spelunca agri duplici.* Plerique Latinorum codicum legunt: *in spelunca agri duplici*; quidam, *in spelunca agri duplicis*. Priori lectioni Græca suffragantur, in τῇ σπηλαιῳ τῷ διπλῳ. Utraque ex Hebræo verti potest סערה שנה הכפלה מל Nam, si שנה legas, rectius *duplici* transferas: si vero שנה, ut est in punctatis Bibliis, potius *duplicis* vertendum videtur. Cum enim שנה his insignitam pun-

dis vocem נחמלה regat, interpretandum est,

In spelunca agri duplicitatis, id quod est, *agri duplicis*. Nec obstat quod spelunca huius capituli vers. 9. & alibi duplex dicatur: nam & spelunca duplex dici potest, & ager: illa quia duplex erat (forte quia duæ speluncæ sibi mutuo vicinæ erant, aut quia altera intra alteram, ut Procopius existimat) hic, quia speluncæ duplici adiacebat, erat enim in extrema agri parte. Certe Gen. XLIX. 29. & 30. iuxta Hebræa legitur: *Sepeliste me cum patribus in spelunca qua in agro Ephron Hethi, in spelunca qua נחמלה הייתה in agro duplicitatis*, seu *duplici*, qui est contra Mambræ. Itaque neutra illarum lectionum Latinarum reicienda est, quamquam a Nostro & LXXII. Interpretibus, pene semper duplex spelunca dici soleat, & Iosephus Lib. I. cap. XXXIII. sepulcrum duplex vocet: „Sepulcrumque eius, factum est duplex.“ Quidam Interpretum retinent Hebræam vocem Machpelah, ut proprium loci nomen.

C O M M E N T A R I A

S A.

Vers. 2. **A R B E E**, idest *quatuor*, scilicet Adam, Abraham, Isaac, & Iacob, ibi sepulchrorum: Hieron. in Gen.

V. 4. **I U S**. Hebr. *hereditatem*, seu *possessionem*. **M O R T U U M**; quasi dicat, *funus*.

V. 6. **P R I N C E P S D E I**, idest *magnus princeps*. Sic cedri Dei, montes Dei. **E L E C T I S**, idest *selectis*; vel quasi dicat, in eo quod tibi elegeris. **P R O H I B E R E P O T E R I T**. Hebr. *prohibebis*.

V. 7. **A D O R A V I T**; scilicet *s. gratias agens se coram populo incurvavit*.

V. 10. **I N M E D I O F I L I O R U M H E T H**, idest *inter Hethæos*.

V. 15. **S I C L I S**. Siclus drachmas duas continet, adeoque pretium erat scutorum 80. quamquam erat & siclus drachmarum quatuor. Vide cap. seq. **Q U A N T U M E S T M O C S** quasi dicat, *tam vili vendo propter te*.

E S T I I.

Vers. 4. **D A T E M I H I L U S S E P U L C R I**. Hebr. *possessionem sepulchri*, id est *locum in quo sepeliuntur mortui mæe familie*. Petit autem dari *non gratis*, sed, ut mox patet, *venditione*.

V. 7. **E T A D O R A V I T A B R A H A M P O P U L U M T E R R A E**, id est *indigenas eius loci*. Non enim populus terræ pleboculam, id est *vulgus inhonoratum*, significat in Scripturis, ut quidam suspicati sunt, sed *universum populum*. Non ergo Abraham adoravit, id est *honoravit*, *infimam plebem*, sed qui in populo primas tenebant: cum illis enim agendum ei erat, ut sepulchræ locum impetraret pro Sara uxore sua. Sic Levit. cap. xx. populus terræ iubetur lapidare blasphemum, id est *hominem illius loci*, maiores quidem iudicando, minoris vero exequendo. Ceterum docet hic locus, nomen adorationis non semper eodem modo sumi, & sicut Abraham non peccavit hic

con-

contra illud præceptum: *Dominum Deum tuum adorabis, & illi soli servies*, ita nec peccare Catholicos, cum suo modo honorant genuflexionibus Sanctos, eorumque imagines.

V. 16. APPENDIT PECUNIAM ABRAHAM, QUAM EPHRON POSTULAVERAT. Nempè maluit emere, quam dono accipere, ne forte agrum donatum posteri donatoris aliquando vellent revendere, causantes, vel suaminopiam, vel donationem temerariam, aut non legitimam fuisse defraudatis herejibus. Sic & David aream Ornamentorum pro ædificatione altaris pretio voluit comparare, etsi & ille gratis eam offerret.

M A R I A N A E.

Vers. 1. VIXIT AUTEM SARA. Duobus ante annis mortuus est Thare pater Abraham. Seder holam. Ex annis quos ille vixit manifesta est ratio.

V. 2. IN CIVITATE ARBEE. Hebr. in Cariatharbe: vox est ex duabus duplicata. קריא Kiriah est civitas aut pagus potius, argumento vocis Alqueria, Hispanis inde deductæ, & vocis Corepiscopus, de quo extat frequens mentio, & ab eadem notatione significat Episcopum villam aut ruralem. מרבץ Arbah, vox altera, aut est nomen proprium viri qui in eo pago vixit: Iosue XIV. vers. 15. Hebr. ad verbum: Hebron ante pagus Arbee, homo magnus in Enacim ipse. Plerique tamen per Arbee volunt significari quatuor, & hoc aut propter viros quatuor de genere Enacim, qui ibi principes erant; aut quod ibi quatuor paria essent sepulta, Adam & Eva, & tres Patriarhæ cum uxoribus. Et ne quis putet ex Vulgata nostra id esse natum, eo loco Iosue, ponente pro homine magno, ibi Adam maximus situs est. sciat inter Hebræos etiam id me invenisse vulgatum, possemque verba adscribere, si esset tanti. Idem Hieron. assertit in Traditionibus. VENITQUE ABRAHAM. Fortassis non adeat morienti Saræ.

V. 3. CUMQUE SURREXISSET AB OFFICIO FUNERIS. Hebr. Et surrexit de super mortuos suos: quod Sept. & Chald. expresserunt. Videtur ergo irruisse in amplexus claveris.

V. 4. IUS SEPULCRI. Hebr. hereditatem,

seu possessionem sepulcri. UT SEPELIAM MORTUUM MEUM: in Hebr. additur, a facie mea; quasi dicat, ut removeam ab oculis.

V. 6. PRINCEPS DEI; id est, magnus princeps tu es apud nos.

V. 9. SPELUNCAM DUPLICEM. Sic vocatur, vel quod domus supra eam esset, vel, ut Aven Ezra, quia spelunca intra speluncam. IN POSSESSIONEM SEPULCRI: in fundum sepulcri: sic Hebræus.

V. 15. SED QUANTUM EST HOC? quasi dicat: De pretio non contendamus, gratis agrum damus. Vel significat, minus hoc est quam valet, alteri tam exiguo pretio non darem.

V. 16. ABRAHAM APPENDIT PECUNIAM. Si quis fuisset sepultus in ea spelunca, non liquisset eam vendere pecunia, neque ius sepulchræ, neque locum, quia sacer redditur. Ecclesia tamen aliquid recipit, non ut pretium, sed elemosinæ consecræ nomine. Sed Hieron. in Trad. deliquisse Ephron putat, & delicti argumentum, vers. 16. post venditionem id nomen diminutum sua littera detracta scribi. QUADRINGENTOS SICLOS. Siclus pendebat quantum argentei nostri quatuor. PROBATAE MONETAE PUBLICAE: argenti, sive monetæ transeuntis inter mercatores de dar y tomar. Sic Cant. v. vers. 5. myrrha probatissima vocatur transiens, Hebr. & superius vers. 9. pecunia digna, Hebr. argento pleno. Eadem est significatio monetæ probatæ. Sed Chald. addit de suo posteriori loco: Quæ recipiatur in omnibus provinciis: nam est pecunia, quæ fines suæ gentis non transcendit. Considera etiam, nomine æris inter Romanos significari pecuniam promissæ, quod primum signavere æs. Apud Hebræos fortassis eadem de causa argenti nomine significabatur. Et fortassis apud eam gentem æs non signabatur.

V. 19. MAMERB, HÆC EST HEBRON. Idem locus tum his duobus nominibus, tum Cariatharbe vocabatur.

M A L V E N D A E.

Vers. 2. IN CIVITATE ARBEE, QUÆ EST HEBRON. Hebr. In Kiriah Arbah, ipsa Chebron. S. Hieronymus in Traditionibus: Sed dicitur Civitas Arbee, hoc est, quatuor, quia ibi Abraham, & Isaac,

*Iſaac, & Jacob conditus eſt, & ipſe princeps humani generis Adam, ut in Jeſu Libro aper-
tus demonſtrabitur. Et in locis: Arbee, id
eſt, quatuor, eo quod ibi quatuor patriarchæ,
Abraham, Iſaac, & Jacob ſepulti ſunt, &
Adam magnus, ut in Joſue Libro ſcriptum
eſt; licet cum quidam conditum in loco Cal-
varie ſuſpiciantur. Et in Epitaphio Paulæ;
Chebron, hec eſt Cariath Arbee, id eſt oppi-
dum virorum quatuor, Abraham, Iſaac,
Jacob, & Adam magni, quem ibi conditum,
iuxta librum Jeſu Nave, Hebræi autumant;
licet pſerique Chaleb quartum putent, cuius ex
latere memoria monſtratur. Hebræi multas
aſſerunt cauſas cur hæc urbs Arba, id eſt,
quatuor ſit dicta. I. Quia olim ibi quatuor
viri pii habitaverint, Aner, Eſcol, Mam-
re, Abraham. II. Quia ibi quatuor celeberrimæ
matronæ ſepulchra, Heva, Sara, Re-
becca, Lia. III. Item quatuor patriarchæ,
Adam, Abraham, Iſaac, Jacob. IV. Quod
ex ea urbe Abraham egreſſus quatuor re-
ges percuſſerit, ac fuderit. Nec deſunt qui
quatuor ibi famoſos gigantes imperitaſſe
tradant, Arba, Achiman, Siſai, Thoſmai,
Joſue xv. 13. 14. Iudicum I. 10. Quidam
Cariath Arbah exponunt, Tetrapolim, quia
priſci diſtribuebant regias civitates in qua-
tuor partes. Prima erat curia, ſeu princi-
pum ſenatus, & ſacerdotum; ſecunda mi-
litum; tertia agricolarum; quarta opificum.
Ceterum diſerte Joſue xiv. 15. dicitur:
*Et nomen Hebron antea Kiriath Arbagh, ho-
mo grandis in Enakim ipſe.* Simpliſſime ac-
cipimus Hebron prius dictam Kiriath Ar-
ba, id eſt urbem Arba, qui Arba fuit ho-
mo magnus inter Enakinus, ſeu gigantes
illos. Unde ab illo Arba videtur nomen
urbi ſactum; vel quia eam primus condi-
derit, vel quia in ea imperitaverit. Hebræo-
rum nonnulli Hebionem a Cham filio Noe
conditam auſurantur. Adito explanatores
Joſue, & quæ notavimus ſupra cap. xiii.
verſ. 18. De loco ubi ſepultus Adam, ſuſe
diſſeruius in Paraſiſo, cap. lrv. Ego non
dubito, primum & antiquiſſimum nomen
Hebron fuiſſe Kiriath-Arba. Vide Notas Jo-
ſue xiv. verſ. 15. **UT PLANGERET.**
TEO ſapbad aiunt proſſe eſſe *planſu cele-
brare mortuum*; & dici de illa cæremonia
& pompa lugentium & lamentantium mor-
tuos, ut denotet cæremoniam funeralem,
& pompam funebrem, ac totum illum ap-
paratum & geſtum exequiarum.*

V. 9. SPELUNCAM DUBLICEM. Ex-
ponunt vel duas ſpeluncas, vel unam in-
tra aliam, ut de ſepulcro Chriſti annotant
Evangeliorum enarratores. Alii *machpe-
lah* nomen proprium loci eſſe volunt, e
verſ. 17. & 19. **PECUNIA DIGNA. Heb.**
In argento pleno. Quidam exponunt: *In ar-
gento pleno*, id eſt, non attonſo, ſaliato,
aut diminuto, ſed iuſti ponderis. Alii, in
argento bono, probato, optimæ notæ. Hi-
ſpanice *en plata fina*. Nonnulli, iuſto pre-
tio & condigno. Hoc ſecutus Noſter.

V. 13. QUÆSO UT AUDIAS ME.
Heb. ex verbo: *At ſi tu, ſi audi me.* Qui-
dam deſiderivam, & mancã orationem pu-
tant, & multa pro ſuo cerebro ſupplent,
parum memores maieltatis linguæ, quæ af-
ſectibus interdum plena, ita eos exprimere
ſolet: *At ſi tu, utinam audi me*; id eſt, at
proſecto tu utinam audi me; vel ſed certe
tu utinam, quæſo, audi me: **PM** enim
particula eſt certo aliquid determinantis,
ſive aſſumative, ſive negative. At hic pro-
culdubio eſt certo aſſumantis.

P. 16 QUADRINGENTOS SICLOS
ARGENTI. *שקל שקל*, nomen pondus;
quali dicas, *pondicator, librator*, ſeu *pondus*,
libratio: erat enim regula & modus omnium
ponderum: vel quod tunc monetæ ſue pec-
unia non numeraretur diſcrete, ut nunc
apud nos, ſed ponderaretur, libraretur,
appenderetur; ut ex verbo librandi hoc
verſu poſito liquet: atque ex pondere, &
libratione haberetur ſumma, ut nunc ex
numero habetur. De ſiclo infiniti perſcrip-
ſerunt; ſed veriſſimum eſt quod dixit Jo-
ſephus Lib. III. Originum, cap. x. *Siclus au-
tem nummi genus eſt apud Hebræos, quales
ſunt tetradrachmi Attici.* S. Hieronymus in
lv. Ezechielis, verſ. 10. *Siclus autem, id
eſt ſlater, habet drachmas quatuor.* *Drach-
ma autem ſolio Latinumunciam ſaciunt.* Phi-
lo de ſpecialibus Legibus, pag. 597. eluci-
dant verba illa Levitici xxvii. 3. *Dabit quin-
quaginta Siclos argenti ad menſuram ſanctua-
rii*, inquit: *libet enim a vicenario ad ſexa-
genarium, viri pretium eſſe drachmas duce-
ntas e ſolido argento.* Sicli argentei Hebræici,
qui hodieque extant plurimi, & paſſim oſ-
tenduntur, quorumque formæ & effigies
typis æneis fideliter a multis expreſſæ vi-
tuntur, certum & indubitatum ſicli pondus
& valorem oſtendunt: nempe reddit ſiclus
dimidiam argenti unciam, hoc eſt quatuor

Hic

Hispanicorum regaliū nummorum pondus, & aestimationem. De siclo profano, & de siclo sanctuarii, dicemus ad Exodi xxx. 13. nam pondere & valore nihil inter se differre, plerique observant: ubi quoque alia de siclo dicemus. Ergo emit Abraham agrum illum ab Ephron, m d e regalibus nummis Hispanicis. Vocis *sicel* pro siclo meminit & Petronius Arbitr in Satyrico, pag. 59. *Sed præter unum dispondium, sicelque, quibus lupos destinaveramus mercari, nihil ad manum erat.* Sic enim legendum, ac retinendam vocem *sicel* in Petronio, iam priorem animadvertimus a viris eruditissimis. Xenophon L. b. l. Cyri Expeditionis, pag. 256. *Siclus septem Atticis obolis, & semisse valet.* Iulius Pollux Lib. IX. Onomastici, cap. vi. hunc Xenophontis locum respiciens, inquit: *Puto byllus (Siclus, ut legendum eruditi monent) quo nomine Xenophon uti consuevit, moneta barbarica nomen esse, nempe Hebraicæ. S. Eucherius Lib. II. Instructionum: Sicel, qui corrupte siclus, uncie pondus habet, scrupulum decem.* S. Isidorus Lib. XIV. Originum, cap. xxiv. *Sicel, qui Latino sermone siclus appellatur, Hebraicum nomen est, habens apud eos uncie pondus; apud Latinos autem, & Græcos quarta pars uncie est, & stateris medietas, drachmas appendens duas.* Unde cum in litteris divinis legitur siclus, uncia est; cum vero in gentiliū libris, quarta pars uncie est. Acceperunt a S. Hieronymo. Vide cap. xxiv. vers. 12. Sed si siclus uncia est, diplomatus erit pretium agri Ephronici: nempe 111 mce. nummi regales Hispanici. ARGUMENTI PROBATAE MONETAE PUBLICAE. Heb. *Argenti transcutis* ad, vel per mercatorem. *מסח* *sacher* proprie est circumforator, circulator, circumforans; & quia merces de loco in locum circumferuntur circumquaque a negotiatoribus & mercatoribus, ideo hoc nomen dicitur Hebræis de negotiatore, seu mercatore, qui circumit mercatum, vel circumfert merces. *Transcutis ad mercatorem:* Hispanice, *Moneda corriente, de dar y tomar*, vel comiteantis ad mercatores, id est ea quantitate, & qualitate ut etiam inter ipsos mercatores, qui in expendendo numismatam pretio sunt diligentissimi, translatitia & recepta esse posset: Hispanice, *Que pasa entre mercaderes.* Sunt plus nimio morosi mercatores in examinanda, exigenda, & probanda pecu-

nia; & non nisi optimam & probam admittunt. Nec alienus erit sensus: *Transcutis ad circumforatorem, circulatorem, circumforanem;* hoc est, tam probum argentum, & optimæ notæ ut etiam ipsi agyptæ falsarii, harum rerum callentissimi, vitium in eo nullum deprehendere possent.

V. 19. QUAE RESPICIEBAT MAMRE: HAEC EST HEBRON. Brocardus: *Prope viam quæ ducit in Ebron, est prædium Mamre, ubi habitavit longo tempore Abraham iuxta ilicem.* Ab hac ilice per dimidium leucam versus dexteram, est Hebron civitas illa vetus, olim *Caristib-Arbe* dicta: in qua regnavit David septem annis, sitaque fuit in monte. Hodie præter magnas ruinas nihil ibi cernitur; sed ad tres iactus arcus, anstrum versus, declinando tamen paululum ad orientem, est Hebron nova, extructa in loco scilicet ubi spelunca duplex, ubi sepulti sunt Adam, & Heva, Abraham, & Sarab, Isaac, & Rebecca, Jacob, & Lia. Saraceni circa speluncam duplicem, quæ erat in ecclesia cathedrali, edificaverunt munitionem. Benjamin Tudelensis Iudæus, qui sub Alexandro III. Romano Pontifice, & Frederico AEnobarbo Imperatore, per orbem peregrinatus, loca sancta quoque præfens invisit, de Hebron, & spelunca duplici hæc refert: *Hinc (nempe a Bethlehem) leucis sex confectis Hebron veni in plano sitam: nam Hebron antiqua metropolis in monte fuit; sed nunc deserta est: in valle vero ager est, in quo est machpelah, id est duplicitas, hoc est gemina velut valliscula; ibique sita est urbs, ibidemque templum ingens, quod sancti Abraham vocatur. Fuerat autem locus ille Iudeorum synagoga, quo tempore ab Ismaelitis regio occupabatur. Gentes vero, a quibus postea oriens est, sepulcra sex in templo construxere, nominibus Abraham, & Saræ, Isaac, & Rebeckæ, Jacob, & Liæ. Dicant autem nunc incolæ peregrini illa esse patriarcharum monumenta; offeruntque illis pecunie. Verum enim vero Iudæi cuspiam accedenti, & mercedem ianitoribus porrigenti, spelunca ostenditur, porta ferrea patefacta, quæ a dictis antiquis illis adhuc manet. Descenditque homo inferius limpadem accensa in primam speluncam, in quam nihil invenitur, neque etiam in secunda, donec tertia subeat: in qua sex monumenta sunt, Abraham, Isaac, & Jacob, Saræ, Rebeckæ, & Liæ, alterum e regione alterius singulaque characteribus incisa sunt, nominibusque distin-*

Ha singulorum, hoc modo: SEPULCRUM ABRAHAM PATRIS NOSTRI; SUPER QUEM PAX SIT, &c. ad idem exemplum. Ardet autem perpetuo lampas nocte atque die in speculca, ministris templi oleum & pabulum ministrantibus assidue. In ipso vero duplicis agris antiquae domus patris nostri Abraham monumenta adhuc extant, & videntur, & fons ante illam scaturit: neminemque licet illic domum edificare propter Abraham observantiam. Hæc Beniamin.

MENOCHII:

Verf. 1. CIVITATE ARBER. Hebraice dicitur Cariath-Arbe, quam vocem immutatam retinet nonnumquam Scriptura in libro Iosue, Iudicum, & alibi. QUAE EST HEBRON, sic postea appellata. Potius dicendum spiritus propheticus hæc Mosem scripsisse, quam a quoquam postea libris eius inserta.

V. 2. VENITQUE ABRAHAM. Putant aliqui Saram mortuam esse absente Abraham, ac propterea d. Cum. Venitque Abraham. Verum venire, apud Hebræos sepe significat ordiri aliquid, accingere se ad aliquid faciendum. UT PLANGERET. Planctus in Scripturis solemniter significat exequiarum. Act. viii. 2. & alibi.

V. 3. FILIOS HETH, populum Hethæorum. ADVENA SUM. Hebr. incola, diu apud vos habitavi cum uxore, finite inter vos quiescere mortuam, quam viventem non estis designati.

V. 4. IUS SEPULCRI. Hebr. possessio nem sepulcri. Non vult misceri sepulcris idololatrarum, sed sibi seorsim locum postulat. MORTUUM MEUM, cadaver Saræ. Funus meum. LXX. τὸν νεκρὸν μου mortuum meum.

V. 6. PRINCEPS DEI. Hebraismus, id est princeps magnus: sic montes excelsi dicuntur montes Dei. IN ELECTIS, in optimo, & honestissimo sepulcrorum nostrorum. NULLUSQUE TE PROHIBERE POTERIT: nemo futurus adeo potestus qui te audeat prohibere.

V. 7. ADORAVIT, civili honore gratias acturus se incurvavit demisse. POPULUM TERRAE, indigenas loci.

Verf. 8. SI PLACET ANIMAE VESTRAE: si vobis acceptum est.

V. 9. SPELUNCAM DUPLICEM, in

qua duplex concameratio, & duplex crypta: altera fortasse ad viros condendos, altera ad feminas. PECUNIA DIGNA, digno, ac iusto pretio.

V. 10. PORTAM: quia hoc actum in porta, ubi iudicia, & commercia exercebantur.

V. 11. AGRUM TRADO TIBI, gratis largior. Non fuit crimen simoniz emere agrum ad sepulturam, aut ius sepulture: secus esset si locus ille sacer fuisset ecclesiastica benedictione, quæ eo tempore nondum erat.

V. 13. QUÆSO UT AUDIAS ME. LXX. Quoniam apud me es, audi me: vel potius, quoniam ades mihi; hoc est, quandoquidem adeo mihi faves. Chaldaeus: Si tu utique facis mecum misericordiam.

V. 15. QUADRINGENTOS SICLOS. Dictum supra, siclum unum æquivalere quatuor regalibus Hispanis. SED QUANTUM EST HOC? quasi dicat: Non deest te, vel me, qui & amici, & divites sumus de tantula summa sollicitari.

V. 16. PROBATAE MONETAE PUBLICAE. Hebr. Inter mercatores transiunt. Itali dicunt: Moneta corrente fra mercanti. Chaldaeus: Quæ recipiebatur pro mercimoniis in unaquoque provincia. Oportet ergo esse probatissimam.

Verf. 17. RESPICIENS MAMBRE, oppositum oppido Mambre. CONFIRMATUS EST, per eruptionem firmo & stabili iure translatus. In Actis Apostolorum cap. vii. verf. 16. S. Stephanus ait, Abraham agrum a filiis Hemor filius Sichem mercatum esse: non ergo ab Ephron. Multi multa. Dici potest Ephronem natum maximum ex filiis Hemor suo & fratrum nomine agrum vendidisse: Hemor autem binomium fuisse, & Scor etiam, ut hicnum. 8. fuisse appellatum.

TIRINI.

Verf. 4. DATE MIHI IUS SEPULCRI VOBISCUM. Non petit Abraham facultatem, se siveque post mortem miscendi cadaveribus Chananzorum; sed vult, pecunia sibi vendi locum aliquem, sibi que proprium fieri, in quo mortuam coniugem suam sepeliat. Patet ex verf. 16. ubi 400. argenti siclos (seu

florens Belgicos) appendit Ephroni pro agro ipsius.

Nora . Videtur Abraham in grati animi signum , ab hoc Ephrone , nomen urbi in qua mortua , & sepulta est Sara , indidisse ; licet malit Serarius , ab hac potius amica societate , quam inuit Abraham cum eius loci viris principibus , urbem illam vocatam Hebron , a *cheber* quod Hebræis societatem significat ; nam ante vocabatur *Arbee* , vel *Cariathabee* , id est civitas Arbee , gigantis unius e maximis & famosissimis illius terræ , qui domicilium istuc habuerat . Vocabatur subinde etiam Mambre , a principe Amorrhæo domino eiusdem loci , & vallic vicinæ , qui una cum Abrahamo pugnavit adversus quatuor reges a . In hoc Saræ sepulcro sepultus est quoque Abraham b , Isaac c , Rebecca , et Lia : Iacob quoque ex Aegypto in illud idem transferri voluit d .

a Gen. xiv. 13. et 24. b Ibid. xiv. 9. c Ibid. xxv. 29. d Ibid. xlix. 31.

GORDONI.

Verf. 2. **A**RBE. Heb. *Cariatharbee* . De qua civitate dixi Iosue capit. x. & cap. xiv. hic vocatur **HEBRON** . De voce Cariath , Iulic. cap. 1. Cum dicitur Abraham venisse , aliqui colligunt absentem fuisse , cum moreretur Sara ; tamen commodus sensus est , si dicas venisse , seu accinxisse se ad debitum funeri obse-

quium . Vide Gen. ult. vers. 10. de planctu septem dierum in funere .

V. 4. Vult sepulcrum esse separatam ab idololatriæ . **IUS SEPULCRI** : possessionem emit , seu terræ partem . Nihil spirituale emptum , nec locus sacer erat : unde simoniacus dici non potest .

V. 6. **PRINCEPS DEI** . Septuag. *Rex a Deo tu es in nobis* : in Heb. *Dux* : quæ omnia valde excellentem designant .

V. 7. **ADORAVIT POPULUM TERRÆ** . יִשְׁתָּעוּ *ishte'u* , adoravit , incurvavit se , honorem exhibens civilem : radix חָתָו .

V. 9. **SPELUNCAM DUPLICEM** : quia erat spelunca vel intra aliam , vel iuxta eam : hic erat fundus sepulcri . **PECUNIA DIGNA** , pretio iusto & condigno .

V. 10. In porta fiebant iudicia .

V. 15. **QUADRINGENTOS SICLOS ARGENTI** . De valore sicli dixi cap. xx. vers. 16. & alibi . En interim topographiam Hebron , & Mambre . **QUANTUM EST HOC ?** Significat pretium quidem esse nimis parvum , sed tamen libenter sic vendi .

V. 16. **APPENDIT PECUNIAM** . Hic pono , neminem ibi antea fuisse sepultum : alioqui venditum fuisset ipsum ius sepulture , & simoniace .

V. 17. **QUONDAM EPHRONES** . In Actis aliud habet nomen . Vide Act. vii. vers. 16 ubi de hac questione dissero .

V. 19. Nec est improbabile Hebron vocatam fuisse Mambre , saltem omnino prope est .

C A P U T XXIV.

Servus Abrahæ ab ipso adiuvatus, & in Mesopotamiam ad quarendam uxorem Isaac missus, signo a Domino petito, Rebekcam invenit, & habito parentum, ac fratris, ipsiusque consensu adducit ad Isaac, quam ille ducit in uxorem, & ita super matris morte accipit consolationem.

ERat autem Abraham senex, dierumque multorum: & Dominus in cunctis benedixerat ei. 2. Dixitque ad servum senioreni domus suæ, qui præerat omnibus quæ habebat: (a) Pone manum tuam subter femur meum, 3. ut adiurem te per Dominum Deum cæli & terræ, ut non accipias uxorem filio meo de filiabus Chananæorum, inter quos habito; 4. sed ad terram & cognationem meam proficiscaris, & inde accipias uxorem filio meo Isaac. 5. Respondit servus: Si noluerit mulier venire mecum in terram hanc, numquid reducere debeo filium tuum ad locum de quo tu egressus es? 6. Dixitque Abraham: Cave nequando reducas filium meum illuc. 7. Dominus Deus cæli, qui tulit me de domo patris mei, & de terra nativitatis meæ, qui locutus est mihi, & iuravit mihi, dicens: (b) Semini tuo dabo terram hanc: ipse mittet Angelum suum coram te, & accipies inde uxorem filio meo. 8. Sin autem mulier noluerit sequi te, non teneberis iuramento: filium meum tantum ne reducas illuc. 9. Posuit ergo servus manum sub femore Abraham domini sui, & iuravit illi super sermone hoc. 10. Tulitque decem camelos de grege domini sui, & abiit, ex omnibus bonis eius portans secum, profectusque perrexit in Mesopotamiam ad urbem Nachor. 11. Cumque camelos fecisset accumbere extra oppidum iuxta puteum aquæ vespere, tempore quo solent mulieres egredi ad hauriendam aquam, dixit: 12. Domine Deus domini mei Abraham, occurre, obsecro, mihi hodie, & fac misericordiam cum domino meo Abraham. 13. Ecce ego sto prope fontem aquæ, & filię habitatorum huius civitatis egredientur ad hauriendam aquam. 14. Igitur puella, cui ego dixero: Inclina hydriam tuam ut bibam: & illa responderit: Bibe, quin & camelis tuis dabo potum: ipsa est quam præparasti servo tuo Isaac: & per hoc intelligam quod feceris misericordiam cum domino meo. 15. Necdum intra se verba compleverat, & ecce Rebecca egrediebatur, filia Bathuel, filii Melchæ uxoris Nachor fratris Abraham, habens hydriam in scapula sua: 16. puella decora nimis, virgoque pulcherrima, & incognita viro: descenderat autem ad fontem, & impleverat hydriam, ac revertabatur. 17. Occurritque ei servus, & ait: Pauxillum aquæ mihi ad bibendum præbe de hydria tua. 18. Quæ respondit: Bibe domine mi: celeriterque deposuit hydriam super ulnam suam, & dedit ei potum. 19. Cumque ille bibisset, adiecit: Quin & camelis tuis hauriam aquam, donec cuncti bibant. 20. Effundensque hydriam in canalibus, recurrit ad puteum ut hauriret aquam; & hausit eam omnibus camelis dedit. 21. Ipse autem contemplantur eam tacitus, scire volens utrum prosperum iter suum fecisset Dominus, an non. 22. Postquam autem biberunt cameli, protulit vir in-

aures

aures aureas, appendentes siclos duos, & armillas totidem pondo siclorum decem.
 23. Dixitque ad eam: Cuius es filia? Indica mihi: est in domo patris tui lo-
 cus ad manendum? 24. Quæ respondit: * Filia sum Bathuelis, filii Melchæ,
 quem peperit ipsi Nachor. 25. Et addidit, dicens: Palearum quoque & feni plu-
 rimum est apud nos, & locus spatiosus ad manendum. 26. Inclinavit se homo,
 & adoravit Dominum, 27. dicens: Benedictus Dominus Deus domini mei Abra-
 ham, qui non abstulit misericordiam & veritatem suam a domino meo, & recto
 itinere me perduxit in domum fratris domini mei. 28. Cucurrit itaque puella,
 & nuntiavit in domum matris suæ omnia quæ audierat. 29. Habebat autem Re-
 becca fratrem nomine Laban, qui festinus egressus est ad hominem, ubi erat
 fons. 30. Cumque vidisset in aures, & armillas in manibus sororis suæ, & audis-
 set cuncta verba referentis: Hæc locutus est mihi homo: venit ad virum, qui
 stabat iuxta camelos, & prope fontem aquæ; 31. dixitque ad eum: Ingredere,
 benedictæ Domini: cur foris stas? Præparavi domum, & locum camelis. 32. Et
 introduxit eum in hospitium, ac destravit camelos, deditque paleas, & senum,
 & aquam ad lavandos pedes eius, & virorum qui venerant cum eo. 33. Et
 appositus est in conspectu eius panis. Qui ait: Non comedam, donec loquar ser-
 mones meos. Respondit ei, Loquere. 34. At ille, Servus, inquit, Abraham sum:
 35. & Dominus benedixit domino meo valde, magnificatusque est: & dedit ei
 oves, & boves, argentum, & aurum, servos, & ancillas, camelos, & asinos.
 36. Et peperit Sara uxor domini mei filium domino meo in senectute sua, de-
 ditque illi omnia quæ habuerat. 37. Et adiuravit me dominus meus, dicens:
 Non accipies uxorem filio meo de filiabus Chananæorum, in quorum terra habi-
 to; 38. sed ad domum patris mei perges, & de cognatione mea accipies uxorem
 filio meo: 39. ego vero respondi domino meo: Quid si noluerit venire mecum
 mulier? 40. Dominus, ait, in cuius conspectu ambulo, mittet Angelum suum te-
 cum, & diriget viam tuam: accipiesque uxorem filio meo de cognatione mea,
 & de domo patris mei. 41. Innocens eris a maledictione mea, * cum veneris ad
 propinquos meos, & non dederint tibi. 42. Veni ergo hodie ad fontem aquæ,
 & dixi: Domine Deus domini mei Abraham, si direxisti viam meam, in qua
 nunc ambulo, 43. ecce sto iuxta fontem aquæ; & virgo, quæ egreditur ad
 hauriendam aquam, audierit a me: Da mihi paulillum aquæ ad bibendum ex
 hydia tua: 44. & dixerit mihi: Et tu bibe, & camelis tuis hauriam: ipsa est
 mulier quam præparavit Dominus filio domini mei. 45. Dumque hæc tacitus me-
 cum volverem, apparuit Rebecca veniens cum hydia, quam portabat in scapu-
 la: descenditque ad fontem, & hausit aquam. Et aio ad eam: Da mihi paulu-
 lum bibere. 46. Quæ festinans deposuit hydriam de humero, & dixit mihi:
 Et tu bibe, & camelis tuis tribuam potum. Bibi, & adaquavit camelos. 47.
 Interrogavique eam, & dixi: Cuius es filia? Quæ respondit: Filia Bathuelis sum,
 filii Nachor, quem peperit ei Melcha. Suspendi itaque in aures ad ornandam sa-
 ciem eius, & armillas posui in manibus eius, 48. pronusque adoravi Dominum,
 benedicens Domino Deo domini mei Abraham, qui perduxit me recto itinere,
 ut fumerem filiam fratris domini mei filio eius. 49. Quamobrem si facitis mis-
 ericordiam & veritatem cum domino meo, indicate mihi: sin autem aliud pla-
 cet, & hoc dicite mihi, ut vadam ad dexteram, sive ad sinistram. 50. Respon-
 deruntque Laban, & Bathuel: A Domino egressus est sermo: non possumus ex-
 tra placitum eius quidquam aliud loqui tecum. 51. En Rebecca coram te est,

tolle eam, & proficiscere, & sit uxor filii domini tui, sicut locutus est Dominus. 52. Quod cum audisset puer Abraham, † procidens adoravit in terram Dominum. 53. Prolatisque vasis argenteis, & aureis, ac vestibus, dedit ea Rebecca pro munere, fratribus quoque eius, & matri dona obtulit. 54. Inito convivio, vescentes pariter, & bibentes manserunt ibi. Surgens autem mane, locutus est puer: * Dimitte me ut vadam ad dominum meum. 55. Responderuntque fratres eius, & mater: Maneat puella saltem decem dies apud nos, & postea proficiscetur. 56. Nolite, ait, me retinere, quia Dominus direxit viam meam: dimitte me ut pergam ad dominum meum. 57. Et dixerunt: Vocemus puellam, & queramus ipsius voluntatem. 58. Cumque vocata venisset, sciscitanti sunt: Vis ire cum homine isto? Quæ ait: Vadam. 59. Dimiserunt ergo eam, * & nutricem illius, servumque Abraham, & comites eius, 60. imprecantes prospera sorori suæ, atque dicentes: Soror nostra es, crescas in mille millia, & possideat semen tuum portas inimicorum suorum. 61. Igitur Rebecca, & puellæ illius, ascensis camelis, secutæ sunt virum: qui festinus revertebatur ad dominum suum. 62. Eo autem tempore deambulabat Isaac per viam quæ ducit ad (c) puteum, cuius nomen est Viventis & videntis: habitabat enim in terra australi. 63. & egressus fuerat ad meditandum in agro, inclinata iam die: cumque elevarisset oculos, vidit camelos venientes procul: 64. Rebecca quoque, conspecto Isaac, descendit de camelo, 65. & ait ad puerum: Quis est ille homo qui venit peragrum in occursum nobis? Dixitque ei: Ipse est dominus meus. * At illa tollens cito pallium, operuit se. 66. Servus autem, cuncta quæ gesserat, * narravit Isaac. 67. Qui introduxit eam in tabernaculum Saræ matris suæ, & accepit eam uxorem: & in tantum dilexit eam ut dolorem qui ex morte matris eius acciderat, temperaret.

(a) Gen. XLVII. 29. (b) Sup. XII. 7. XIII. 25. & XV. 16. Inf. XVII. 2. (c) Sup. XVI. 14.

B R U G E N S I S

ROMANÆ CORRECTIONES.

V. 12. Dixit: Dominus Deus. Non scribas: Graviter Dominum dicens: Dominus Deus.

V. 14. Cum domino meo. Non legendum, sed intelligendum est nomen Abraham.

V. 24. Filia sum Barhuclis, filii Melcha, quem peperit ipsi Nachor. Alii inverterunt verborum ordinem hoc modo: Filia sum Barhuclis, filii Nachor, quem peperit ei Melcha. Et quamquam hæc lectio clarior sit, non tamen est huius versus, sed quadragiesimi septimi subsequents.

V. 32. Ad laucando pedes eius. Cave mutes prenomem singulare aino cum nomine plurali camelorum, quod est in plerisque libris.

V. 41. Cum veneris ad propinquos meos. Ita rectius legitur, propinquos ex antiquis libris, quam proximis.

V. 54. Dimitte me. Plurale legendum est, non singulare dimitte.

V. 59. Et nutricem illius. Non addas Debo-

nam proprium nutricis nomen.

V. 65. At illa tollens cito pallium. Non subicias pronomen suum.

V. 66. Narravit Isaac. Redundat quod quidam hic interponunt, adduntque domino suo.

LECTIONIS VARIETAS.

V. 52. Procidens adoravit. Complura manuscripta, quæ fide digna, omittunt procidens.

N O T A T I O.

V. 24. Filia sum Barhuclis, filii Nachor, quem peperit ei Melcha. Alii legunt: Filia sum Barhuclis, filii Melcha, quem peperit Nachor. Et quamvis utriusque lectionis idem sit sensus; hæc tamen huius loci: illa vero quadragiesimi septimi versus esse cognoscitur, quando cum Hebræis, Græcis, & Chaldæis Latina exemplaria conferuntur. Thare pater Abraham genuit Nachor, Nachor ex Melcha uxore sua genuit

nus *Bathuel* patrem *Rebecca*. (Gen. xi. 27. & 29. & ibid. xxiv. 15.) Itaque quod dicitur, *Quem peperit Nachor*, intelligendum est *ipsi Nachor*, ut etiam Hebræi, Chaldæi, & Græci expresse habent. Quia vero id paulo obitu-

rius erat, quidam ad hunc modum mutant: *Filius Melcha*, quem peperit ex *Nachor*; quidam hoc modo vitiarunt: *Filius Melcha*, quem peperit ei *Nachor*.

C O M M E N T A R I A

S A.

Vers. 2. **S**UBTER FEMUR. Sic olim iurabatur. Vide cap. xlvii. Hieron. l. cont. Iovin. adiurasse ait in femore, id est in Christo de eius femine nascituro. Vide etiam Hieron. in Gen. & epist. cxi. Crediderim ego fuisse eo ritu significatam subiectionem cuiusque sic manum ponebat: itaque solitum fieri a servis, & filiis. Vide infra cap. xlviii.

V. 3. ADIUREM; id est, faciam iurare.

V. 10. NACHOR; id est, in qua Nachor habitabat.

V. 12. OCCURRE; id est, exaudi me, vel fac occurrere quod opto.

V. 18. ULNAM. Hebr. *manum*.

V. 21. CONTEMPLABATUR EAM. Hebraice, *Obstupescit in ea*.

V. 22. SICLOS DUOS, pro drachmas duas, ut patet ex LXX. & Hebr. nempe siclum unum communem: nam siclus Sanctuarii, drachmæ quatuor. SICLORUM DECEM. Hebr. & LXX. *decem aureorum*.

V. 23. CUIUS ES FILIA? Id antea interrogaverat, ut patet infra.

V. 27. MISERICORDIAM. LXX. *iustitiam*. Vide sup. cap. xx. & xxi. VERITATEM, scilicet prout iussit, quasi dicat, fideliter egit.

V. 32. DESTRAVIT; id est, clitellas detraxit.

V. 33. PANIS, id est, cibus.

V. 40. IN CUIUS CONSPECTU AMBULO; id est, cui studeo placere.

V. 41. INNOCENS ERIS A MALEDICTIONE. Hebr. *Mundus eris a iuramento*, id est absolutus: quamquam etiam verum potest, *maledictione*.

V. 49. VERITATEM, id est, fideliter.

V. 50. SERMO, id est, res hæc; quasi dicat: A Domino factam est istud; seu, hæc est voluntas Domini. Nota, quod utitur nomine *leboræ*; id enimerat proprium Dei Hebræorum, etsi ipsi eum non colebant.

V. 51. LOCUTUS; id est, voluit, seu vult.

V. 60. PORTAS. Vide cap. xxiii.

V. 63. AUSTRALI, scilicet Geraris.

V. 63. MEDITANDUM. Chald. *orandum*.

V. 65. PALLIUM. Alii *operimentum*, vel *peplum* vertunt.

E S T I I.

Vers. 6. **C**AVE NE QUANDO REDUCAS FILIUM MEUM ILIUC. Nempe sciebat Abraham sibi suisque posteris promissam terram Chanaan, idcirco quod exisset de terra sua. Neque tamen contra hoc fecit Iacob, commorando ibi annis multis. Nam id fecit & fugiens iram fratris Esau, & acceptis inde uxoris ex cognatione sua, animo in patriam revertendi; quod & fecit cum primum potuit.

V. 14. IGITUR PUELLA CUI EGO DIXERO. Signum hoc quod sibi ipsi statuisse servus Abraham videtur, sortis quamdam rationem habuit; sed ideo in eo non peccavit, quia non nisi devota ad Deum oratione illam reverenter sibi statuit, & alia ratio dirigendorum suorum consiliorum non occurrebat. Vide Francon. Lib. III. de Gratia Dei. Hinc & illud vers. 50. *A Domino egressus est sermo*.

V. 16. VIRGOQUE PULCHERRIMA, ET INCOGNITA VIRO. Hebr. *Virgo*, *quæ vir non cognoverat eam*. Quod ergo additur, *Et incognita viro*, non sic dictum est quasi sint quædam virgines viris cognitæ; sed posterius continet explicationem prioris. Unde & sic Vat. b. versio: *Et virgo, quippe quam vir nullus cognoverat*.

V. 50. A DOMINO EGRESSUS EST SERMO: NON POSSUMUS EXTRA PLACITUM EIUS QUIDQUAM ALIUD LOQUI TECUM. Non significatur quod Dei præscientia, præordinatio, aut voluntas imponat hominibus necessitatem; sed sensus

fus est : Quoniam satis apparet sermonem egressum esse a Domino, non licet nobis repugnare. Ita loquitur & Balaam Num. xxi. xxiij. & xxiv.

V. 57. VOCEMUS PUELLAM, ET QUARRAMUS EIUS VOLUNTATEM: non utrum nubere Isaac vellet: nam adstans pridie consenserat patri dicenti: *En Rebecca caram te est, & sit uxor filii domini tui*: ipsaque munera idcirco acceperat, conviviumque simul celebrarat; sed respicit hic Scriptura ad verba quæ immediate præcedunt prolata postridie, cum servus Abraham mox voluit proficisci, & e contra fratres Rebecca dixerunt: *Maneat puella saltem decem dies*. Super hoc ergo querunt Rebecca voluntatem, utrum iam statim velit proficisci. Atque hoc modo etiam intelligit hunc locum Ambros. Lib. I. de Abraham cap. ult.

V. 63. AD MEDITANDUM IN AGRO, INCLINATA IAM DIE. Quidam meditationem hanc intelligunt contemplationem siderum, quia nimirum (uti tradunt Hebræi) edoctus erat Isaac scientiam astrorum a patre, quem & Chaldaei dicunt scientiam illam attulisse in Aegyptum, eamque Aegyptios docuisse. Sed rectius Divus Hieronymus intelligit, Isaac, ut aliis in rebus, ita in hoc Christi typum gessisse, qui exiit solus in montem orare. Nam & usque in hodiernum diem consuetudo est Iudæis orare circa tempus vespertinum.

V. 67. ET INTANTUM DILEXIT EAM, UT DOLOREM QUI EX MORTE MATRIS EIUS ACCIDERAT TEMPERARET. Et hic Isaac typum Christi gessit, utpote qui sponsam suam Ecclesiam intantum dilexerit ut dolorem quem in sua humanitate patiebatur, ex morte matris suæ, id est abiectione populi Iudaici (ex quo secundum carnem progenitus erat) amore sponsæ suæ temperaret.

M A R I A N A E.

Verf. 7. **A**D SERVUM SENIOREM. Vide quem præficit ceteris, nempe maiori ætate. SUBTER FEMUR MEUM. Hodie quoque inter Iudæos servatur ut qui iusiurandum exigit, flectat super manum iurantis. Hoc Iudæi

ipsi referunt ad circumcissionem; ac si dicat qui iurat, tam firmum fore id pactum quam circumcissionis. Hieron. ad Christum refert futurum ex femore Abraham, per quem eo etiam tempore tacite iurarent.

V. 5. NUMQUID REDUCERE DEBEO. Hebr. *Reducens reducam*: generatio operis complementum indicat.

V. 9. SUPER SERMONE HOC. Hebr. *Super verbo*, id est, negotio hoc iuravit servus.

V. 10. IN MESOPOTAMIAM. Hebr. *In Aran naharim*, id est fluviorum, nempe Mesopotamiam. Sed *Aran*, quo primum pervenit Thare profectus de Ur Chaldæorum, & ubi eum reliquit Abraham, quando Dei iussu abiit in Chanaan, *Haran* scribitur cum aspiratione densa, hic sine illa. Ita *Haran* est urbis nomen, *Aran naharim* totius Mesopotamiæ. URBEM NACHOR, ubi Nachor habitabat.

V. 12. OCCURRE; pro, succurre, exaudi me Domine.

V. 16. VIRGOQUE PULCHERRIMA, ET INCOGNITA VIRO. Gaudet lingua Hebræa his repetitionibus, sicut & in 1. vers. de Abraham dixit: *Erat senex, diurnusque multorum*.

V. 18. SUPER ULNAM SUAM. Hebr. *Super manum deposuit urnam*.

V. 20. IN CANAEIS. Dictio *קנאים* *hasoketh* significat lapidem cavum ubi cameli bibebant. Sept. dixere *מריאנים*, nempe labrum, Noster *canalis*.

V. 21. IPSE AUTEM CONTEMPLABATUR EAM. *וַיִּבְטֹחַ* *saab* admirari potius est. Admirabatur eam, obstupebat in ea. Id etiam contemplari est.

V. 22. PROTULIT VIR IN AURES. Hebr. in singulari *inaures*, sed pro *inaures*. APPENDENTES SICLOS DUOS. Chald. dixit *siclum unum*. Sept. *drachmam unam*. At vox Hebræa *שֶׁטֶל* *bekah* significat Hebræis *sicli dimidium*, nempe duas drachmas: nam quod Hieron. ait in Traditionibus, *Siclum uncie pondus*, quid sibi velit nescio. Et fortassis Noster pro drachmis duabus dixit *siclos duos*: aut siclus aureus erat unius drachmæ. Quod autem addit, ARMILLAS TOTIDEM PONDO SICLORUM DECEM, idem dixit Chald. Sept. autem: *Decem aureorum pondus earum*. Hebraice ad verbum: *Decem auri*

pon-

pondus carum. Noster siclos addidit, quasi suppleens quod decrat.

V. 23. LOCUS AD MANENDUM. *ליל לילין* latin, *adpernoctandum*, & notat Schol. Hebr. significare nocturnam mansionem, neque ultra unam noctem extendi. Pagninus ad *pernoctandum* dicit.

V. 25. PALAEARUM QUOQUE ET FENI PLURIMUM. Pro feno, Hebr. מִבְּדָּה *mispho*; significat pabuli iumentorum quodvis genus: sic Sept. *χρῆσταιρα*, id est *pabula*, dixere.

V. 32. DESTRAVIT CAMELOS. Detrahit clitellas, strandi voci significatione contraria fistaque voce. Sept. *אֲרִיזָה* dixerunt, eodem respicientes. Hebr. significat *aperuit camelos*: quod Hebræus ad frena detracta refert, quibus os clauditur a pabulo. AD LAVANDOS PEDES EIUS: sic Hebr. *pedes ipsius*, scilicet servi Abraham: sic Sept. & Rom. Vulgata: Regia, & Lov. *pedes camelorum*, male.

V. 33. PANIS. Ea voce promiscue intelligitur cibus.

V. 49. MISERICORDIAM ET VERITATEM. *Beneficium cum fide*, Hebr. scilicet si facitis.

V. 50. A DOMINO EGRESSUS EST SERMO, res, negotium hoc. NON POSSUMUS EXTRA PLACITUM EIUS QUIDQUAM ALIUD LOQUI TECUM. Hebr. *Non possumus tibi loqui bonum vel malum*. Eadem sententia: non possumus ad verba tua quidquam addere.

V. 51. SICUT LOCUTUS EST DOMINUS; id est, sicut voluit, sic fiat.

V. 53. DONA OBTVLIT. מִגְדָּנִים *migdanab*, vox Hebraica quibusdam significat *fructus suaves*. Aven Ezra ait fuisse vestes pretiosas: radix est *megbed* cuius significatio perspicua non est. Hieron. Deut. xxxiii. 13. pro ea voce *poma* posuit bis aut ter. Alii *delicias* vertunt. Quæ significatio huic loco quadrat; quasi dicat, *delicias obtulit, munuscula cognatis Rebecca*.

V. 54. SURGENS AUTEM MANE. Vide diligentiam: unica nocte quiescit, & sub auroram proficisci satagit.

V. 55. MANEAT SALTEM DECEN DIES. Hebraice, *Maneat nobiscum diebus vel decem*. Hebræi fere per *dies* intelligunt annum, per *decem* menses decem. Sed cum nullo exemplo confirmet, facile re-

iiicitur: ac melius Noster coniunctionem vel, quod Latine etiam fit, sumpsit pro *saltem*: *Maneat dies saltem decem*. Chald. *Maneat puella aliquo tempore, aut decem mensibus*.

V. 62. IN TERRA AUSTRALI. In Geraris habitabat Isaac.

V. 63. EGRESSUS FUERAT AD MEDITANDUM. Vox מִשְׁבַּח *suah* potest significare *versari inter arbores*: nam מִשְׁבַּח *sihim* etiam *arbores* significat; & hoc secuti sunt Sept. & plerisque Hebræis ea significatio placet. Significat aliquando etiam *orare*, seu *meditari*, *summissa voce loqui*, ut faciunt meditantes; quod secuti sunt Hieron. & Chald. Hieron. dixit *ad meditandum*. Chald. *ad orandum*. Et tane qui se implicat coniugio, prius debet meditationi & precibus vacare, ne labores imparatum inveniant.

V. 65. PALLIUM. Alii *operimentum*, aut *peplum* vertunt. Vox Hebraica זָבִיחַ *zabiph* significat *velum quo se mulieres operiunt*: Hebr. Schol. Vide hoc capite signum bonæ indolis, in hospites promptam & paratam benignitatem.

MALVENDAE.

Vers. 1. BENEDIXERAT EI: fortunaverat, locupletaverat, auxerat, felicitaverat. IN CUNCTIS. Heb. singulariter interpreto, *in omni*, pleniore sensu, quem Hispanice scite representamus, *en todo*.

V. 2. SENIOREM DOMUS SUAE. Heb. *senem domus suæ*. Observant, nomen זָקֵן *zekan*, *senex* in statu regiminis, ut hic ponitur, quando de publicis personis dicitur, non tam *senesetate* significare, quam publicas personas in administratione, cum æconomica, tum politica, aut ecclesiastica constitutas: quare dignitatis, & officii publici potius nomen esse, quam ætatis; quamquam illi ad rerum administrationem adhiberi soleant qui senes sunt, & longam habent multarum rerum experientiam: unde quia senes apti sunt ad gubernacula, inde senis nomen transfertur ad eos qui rebus admoti sunt, qui senili prudentia præstant, quamvis ætate senes non sint. Propterea communiter reddi per seniozem, qui aliis etiam ætate senioribus antepositur, propter publici ministerii dignitatem, quo fungitur. Sic Græci
ge-

*gerentes, & Latini senatores dixerunt. Presbyter in novo testamento dicitur. Sic hic semet domus sua, id est œconomum, procuratorem, dispensatorem, prælectum domus, cui cura rerum domesticarum commissæ erat. Sed ego simpliciter interpretor, grandem natu, antiquum & vetustum familiam domus, & familie. Unde hic quidam recidunt: Ad servum inveteratum domus sua, qui contiguus eius optime noverat. Hunc fuisse Damasum Eliezer, e cap. xv. vers. 2. plerique annotant. FEMUR. ירך iarech, femur dictum volunt a ירך rachech, tenevum esse, quod sint illæ corporis partes circa feminalia & lumbos tenerimæ. Alii cum מר arach, prolongatus fuit, conserunt, nempe pars crassior in utroque latere hominis iuxta testiculos ac genitalia, a lumbis usque ad genua tendens insit caudicis, seu caulis oblongi. In se interdum transfiguratur ad significandum latus, maxime aliarum rerum ab homine (nam cum de homine dicitur, proprie semper accipitur pro femore) quod femora sint in latere item caudicem, seu hostile. Mirus est hic ritus iurandi, ponendo manum sub femore. Quidam id subiectionis servi ad herum symbolum esse volunt, quod qui in alterius potestatem & ministerium ingrediebatur, manum sub femore ponebat; quasi herus manui, id est operibus, & functionibus servi infedere, & dominari deberet. Alii, quia tunc agebatur de quaerenda uxore filio, & de rebus genitalibus, tangendo partes illas femoris præcirca generationis instrumenta, iuramento attingebatur servus, ut totum illud negotium genitale fideliter & diligenter exsequeretur. Plures volunt, totum id tributum mysterio, & fidei nascituri ex femore Christi. Femur in Scripturis generationis & sobolis principium dicitur. Genes. xlix. 10. Exod. 1. 2. Notant Hebræi hunc ritum iurandi usurpatum quoque Indis, & Aethiopiis. Iosephus: *Modus vero diviniendi fuit talis: subactis alter alteri manibus sub femora, Deum ita testem vocabant eorum quæ destinaverant. Vide similem ritum infra cap. xlvii. vers. 29.**

V. 6. CAVE. Heb. *Serva tibi, Custodi tibi.* Elegans Hebraismus, & Hispanismus, *Guardate.*

V. 8. NON TENEBERIS. נקב nakab, proprie est vacuum, vacuatum, purum, mundum, absolutum esse a culpa, aut pœna,

aut ab alia quavis re, non esse obnoxium; & quod Noster docte dixit, non teneri.

V. 10. CAMELOS. גמל gamal, camelus, vel gamelus, facta voce ex Hebraica, alatione nomen habet, quod dulcissimum lac ab hominis, camelinum, inquit Plinius Lib. XXVIII. cap. ix. Multa huius animantis mentio in sacris litteris, quod eius frequens usus in illis orientalibus regionibus. Plinius Lib. VIII. c. xviii. *Camelos inter armenta pa. scit orient, quorum duo genera, Bactriani, & Arabici.* Arabicorum usus in Chananea. Varro Lib. IV. de lingua Latina, cap. xx. *Camelus suo nomine Syriaco in Latinum venit. EX OMNIBUS BONIS EIUS PORTANS SECUM.* Heb. *Et omne bonum domini sui in manu eius.* Quidam istud per parenthesis interiectum putant; quasi dicat: Servus ille totam domum gubernabat, & quæque optima & pretiosa domus in manu, seu facultate & potestate eius erant: ut non mirum sit, si camelos decem, & alia quæcumque voluit, secum asportavit. Alii: *Secum in manu detulit de pretiosis suis quibusque domini sui: quem sententia expressit Noller, & versus 22. confirmat. AD UR-REM NACHOR,* nempe Aran, seu Charras, e cap. xi. vers. 3. & cap. xxviii. vers. 10. quod etiam Iosephus annotat.

V. 11. CUMQUE CAMELOS FECISSET ACCUMBERE. Heb. *Et genuflectere, geniculari, acclinare, accubare fecit camelos.* Aristoteles Lib. III. Historiæ Animalium, cap. vi. *Habent camelus præterea inferne gibbum alterum similem superiori, quo reliquum sulcitur corpus, ubi genua submittit.* Vide Plinium Lib. VIII. cap. xviii.

V. 14. PUELLA, CUI EGO DIXERO, &c. Notant, rei eventum declarasse, non supersticiosa divinatione, sed divino instinctu motum fuisse servum ut sibi signum hoc proponeret ad fidem suam confirmandam. Simile est de Ionathane & armigero. Ismael. xiv. vers. 9. & 10. Simile etiam quod de Gedehone legitur Iudic. vii. vers. 11. & sequentibus: nisi quod expresse Gedehoni dicitur a Deo propositum signum, hic non exprimitur. HYDRIAM. יד cad tredecim locis in Scriptura reperitur, & Noster semper secutus Græcos, *hydriam, seu lagenam* vertit: alii consona Hebraica voce, *cadum* exponant. Qui rem vasculariam executi sunt, cadum, apud veteres figura turbinata, id est cono, & styrolo, & nuci pi-
neæ

neque simili describunt. Vas vinarium fuisse ex Nonio cap. xix. dices. Quidam inepte אכר *lacad*, id est capiendū deducunt. Vas esse testaceum, ex Iudicum vii. 20. apparet. IPSA EST QUAM PRAEPARASTI. Hebraeorum verbum יצא *iacach*, volunt habere hic singularem & extraordinarium modum significandi: redduntque: *Hanc correxisti seruo tuo Isaac*; id est, disciplinasti a puera, instituisti disciplina. Alii, *Hanc adiudicasti*. Nonnulli, *Hanc arguisti*, id est, certis argumentis ostendisti; vel *Hanc disputasti*, deputasti: certis rationibus; causis, argumentis, designasti. Sic infra vers. 44. Nec desunt, qui exponant: *Eam ipsam certissime explorasti seruo tuo*, &c.

V. 15. REBECCA. Heb. רבקה *Ribkah*. Sic dicta quasi iuvenca, saginata, nitida, expolita. Vide II. Samuel. iii. vers. 5.

V. 16. VIRGO. בתולה *berbulah*, virgo, etiam matura viro. & plenis nubilis annis; integra tamen, intacta, & incorrupta viro. Dissert a נקרה *nagbarab*, excussa, puera: & ab נלה *ghalmah*, adulescentula, abscondita: quod haec duo nomina proprie sunt etatis, at *Berbulah*, conditionis, & virginietatis: indicat enim virginem, & incorruptam, ac viro intactam, & inexper- tam.

V. 17. PAUXILLUM AQUAE MIHI AD BIBENDUM PRAEBE. Verbum מנן *gimme* tantum hic reperitur in Hiphil, quod Noster dixit, *Ad bibendum praebere*, & in Piel semel tantum in Iob xxxix. 24. ubi Noster *sorbere* transtulit. Hic varie reddunt: *Sorbere, absorbere me fac, queso, parum aquarum de cado tuo*. Alii: *Refrigera me, obsecro, exiguū aquarum de cado tuo*. Nonnulli: *Fac me mundare pauxillo aquae, vel fac me aliuere*. Aliqui: *Propina mihi, queso, pauxillum aquae*. Observant verbum *gimme*, significare in rem aliquam unperum *facere* sive *siccam* sive *humidam*: unde hic vertunt: *Imbibere me fac, queso, parum aquae de cado tuo*. Et intelligendum esse non de imbibitione in os, sed de imbibitione in quantitate aquae; quasi dicat: *Impetum me facere sine in parum aquae, vel immergere me fac*. Alii aiunt, *gimme* proprie esse *inundare, exundare, fluctuare, aliuere*; & metaphorice, *impetere, incutere*; perinde ac unda aliuendo impetit, & atterit ripas: ut cognitionem habeat cum מנן *agam, flagno, copia aquarum*: redduntque:

Inunda me, impetere me fac, vel aliuere, proluere me: ut Virgilius:

... & pleno se proluuit auro.

Nec desunt qui: *Ingurgitare fac me parum aquae*. Tam belli, & ridiculi sunt etymologici, qui hac ratione ex caelo facient curcubitum.

V. 21. CONTEMPLABATUR EAM. מִשְׁתַּחֲוִית *mishtachvit*, participium praesens masculinum Hithpael, varie exponunt: *Stupens, irruens, obruens, conquassans sese, attonitus, desertus, desiniturus, desolatus ei*, vel ad eam, vel de ea: quidam, *collisus, devastatus in eam*. Proprie est magno impetu, irruptione, fragore, trepitu collidi, concuti, obrui. Hithpael, *clava atronada*. Nec alibi in Hithpael invenitur. TACITUS. Participium masculinum praesens ex Hiphil מַחֲרִישׁ *macharish*, haec omnia conplectitur: *silens, cogitans, machinans, arans, fabricans, cessans*. PROSPERUM ITER SUUM FECISSET. תַּלְאֵחַב *tzalach*, in Hiphil, ut hic ponitur, omnia ista continet: *an prosperavit, secundavit, promovit, scidit, fidit, perrupt, pervasit* לַחֲוִי *viam suam*. Hithpael: *Si Dior le abrio camino, le rompio el camino*.

V. 22. INAUREM. נָזַם *nezem*, Noster secutus Graecos Interpretes, & plerique nostrorum ab נזם *ozen*, auris deduxerunt, inaurumque reddiderunt; sed ne dum aurum, sed frontis, nasi, aut faciei fuisse ornamentum e Prover. xi. 22. חֲזַז *haz* iii. 21, Ezechielis xvi. 12. & hic vers. 47. manifeste liquet. Quidam litterarum methathesi אָזָנָה *zonah*, vel אָזָנָה *zanah* addito Mem finali deducunt, quae sunt verba merendi, meretricandi, prostituendi; quasi *nezem* generaliter sit ornamentum, quod publice vel in fronte, vel in naribus, vel in auribus prostat, aut prostituitor causa emendandae & querendae sibi bonae gratiae. Unde Chaldaei Interpretes plerumque verunt קֶדֶשׁ קֶדֶשׁ *kadesch, & kedeschab*, a verbo quod *sanctitatem*, & *meretricationem* sonat. Id quoque putare cum preceptore tuo Angelo Caninio, Forerius ait; sed cum ipsa Forsteri verba transtulit, uterque ab eo acceperunt. Quanto prudentius Mercerus ait: *Sed cum etiam sanctissimas feminas legimus hoc ornamentis genere usas, abisti ut ab impudico verbo illud deducamus. Monile in genere vertere licebit. Vultus tantum fuisse, non reliqui corporis, idem existimat. Sedecies in Scripturis ponitur, & Noster ubique in aures exponit: nisi Proverb. x. i*

22. ubi *circulum* dixit, & Isaïæ III. vers. 21. *gemmas*. Hispanice appellamus *cercillos*. *Viriolas* quidam hic imperitissime reddunt. APPENDENTES SICLOS DUOS. Hebr. בקע מִשְׁכָּל bekagh mischkalo. Vox bekagh his tantum occurrit in Scriptura. Hic Noster *duos siclos* reddidit: Exod. xxxviii. 26. penitus omisit, ut ibi videbimus. Aiunt significare *dissellum*, *sfissum*, seu *dissellionem*, *fragmentum scli*, id est *dimidium scli*, seu *dimidiam partem scli*. מִשְׁכָּל mischkal vero exponunt *librationem*, *librammentum*, *pondus*, *libram*. Unde omnes sere, Hebræos sequuti, hic reddunt: *Dimidium scli pondus eius*, vel *pondere suo*; alii, *Semisiss pondus eius*. Firmant hanc interpretationem quæ in Exodo scripta habentur: nam quod cap. xxx. 13. 15. dicitur, *dimidium scli*: ita exponitur cap. xxxviii. 26. Bekagh in singula cran-
cia, *dimidium scli in scli sanctuarii*: ubi perspicue demonstrat vocis bekagh significacionem, nempe *dimidium scli*: quamvis Noster totum illum versum Hebraicum omiserit interpretari: nec enim extat in Editione vulgata ut ibi dicemus. S. Hieronymus quoque in Traditionibus hæc habet: *Et tulit vir in aurem auream, didrachmum pondus eius. Bekagh, quod in hoc loco pro didrachmo scribitur, semiuncia est; sekel vero, qui Latino sermone siclus corrupte appellatur, uncie pondus habet*. Locum hunc Hieronymi non esse corruptum: illud argumento est, quod ita eum etiam descripsit S. Eucherius, & S. Isidorus, uti vidimus supra cap. xiii. vers. 16. Perspicue hic Hieronymus bekagh semiunciam, seu *dimidium scli* interpretatur; & siclum uncie pondus habuisse affirmat. reclamantibus passim siclis argenteis vetustissimis, qui hodieque cxtant, qui paulo plus semiuncia continent. Unde putant hallucinatum Hieronymum. Sed cur Noster *siclos duos* dixit, ipse non eruo. Forsan siclos dimidiatos intellexit, ut quilibet inauris dimidium scli, ambæ duæ duos dimidios siclos appenderint. Multa hic alii asserunt. Qui בקע bekagh nomen esse menuræ peculiaris, seu ponderis nobis ignoti, fatentur, non imprudenter faciunt. ET ARMILLAS. צַמִּיד tzamid, proprie coniugatura, colligatura, alligatura, Numcior. xix. 15. Inde *armilla*, *brachiale*, *viriola*, quæ coniugata, & colligata est ad manum, vel brachium. Hispanice *braçaletes*, exor-

cas, *manillas*. Glossæ veteres: *Viriola*, *clanion*, *pselson*, *viriole*, *clania*, *pselia*, *periberia*. Etrursus: *Klanion*, *brachiolon*, *viriole*, *viriola*. Item: *Pselson*, *viriola*, *armilla*, *brachionarium*. Insuper: *Armille*, *brachionifere*. Denique: *Brachiolon*, *viriola*. Glossæ Isidori: *Viria*, *viriola*, *brachiales*. Aliæ Glossæ: *Virice*, *viriale*, *brachiale*. Plinius Lib. XXXIII. cap. 111. Ut habeant in lacertis iam pridem viri aurum; virice Celticæ dicuntur viriles Celtibericæ. Habeant femine in armillis digitisque totis, &c. Festus: *Armillas ex auro*, quas viri militares ab imperatoribus donati gerunt, didas esse existant, quod antiqui numeros cum brachiis armos vocabant; unde arma ab his dependentia sunt vocata; S. Isidorus Lib. XIX. Originum, cap. xxxi. *Armille* autem proprie virorum sunt collate victorie causa militibus ob armorum virtutem. Unde & quondam vulgo virilæ (forte viriolæ) dicebantur. Ab intellectu autem circuli *armilla* non discrepat, quia ipsa quoque hoc ubi ponitur, ambiendo confringit; sed quando *armilla* latius extenditur, circulus rotundus fit. S. Ambrosius hic *virias* dixit; qua voce, eodemque significato usus est Tertulianus cap. iv. de Pallio ubi novi Tertuliani editores imperitissime & incipissime, pro *viria*, *birrus* reslituere conantur. Noster, cum vox *tzamid* septies tantum in Scriptura legatur, semper *armillam* vertit, nisi Numer. xix. 15. ubi *operculum* dixit. PONDO SICLORUM DECEM. Hebr. Decem auri pondus earum. Obervant cum aurum adiuncto numero ad pondus, vel nummorum rationem significandam usurpatum, siclorum pondere, & pretio explicandum esse: quod erudite Noster fecit hic, & Iudic. viii. 26. Ergo hic summa, & æstimatio erit x. scutorum aureorum Hispanicorum.

V. 25. PALEAM. מִשְׁכָּל mischbal, deducunt a מִשְׁכָּל banab, edificare, & sic dici, quod præterquam in pascendis equis, asinis, camelis, pecoribus, etiam eius in cæmentis, & luto, atque in urendis lateribus maximus usus fuerit, quibus domus & ædificia construebantur: *stramen*, *stramentum*, *paleam* reddunt. ET FENI. מִשְׁכָּל mischbal, quinques in Scriptura legitur. Noster ter *senum*, & bis *pabulum* vertit. Derivant a מִשְׁכָּל saphab, addere, quod sit omne pabulum instrumentorum, quod stramini seu paleis addebatur, & admiscebatur. Hebræi aiunt esse

fe

se omne pabulum aut cibum iumentorum præter paleam, ut hordeum, avenam. Quidam migma, seu mixtionem esse volunt, quod Hebræis בליל *belil* dicitur, Isaïæ xxx. 24.

V. 27. ET VERITATEM SUAM. *אמת* *emet*, fidem, certitudinem, constantiam, veritatem, simplicitatem: & opponitur opinioni, falsitati, mendacio, hypocrisi; id est, opponitur proprie operibus quæ non ex vero, recto, & simplici corde fiunt. Differt ab *אמנה* *emunab*, sicut opus virtutis a virtute, & sicut opus a voluntate, a qua profectum est. Nam *emunab* est fides, seu cordis assensus, seu ipsa persuasio, qua quis alterius dictis fidem adhibet; at *emet* est ipsum opus a fide assensu emanans. ET RECTO ITINERE ME PERDUXIT. Hebr. *Ego, in via deduxit me*. Illud ego volunt tantum expletivam esse particulam, quæ sensum augeat: *Me in via, me, inquam, deduxit*. Sic infra cap. xxvii. vers. 34. Quidam: *Me, me, inquam, hac eadem via*, scilicet benignitatis & fidei, de qua paulo ante, *deduxit Iehova*; quasi dicat: Tam benigne mecum egit atque fideliter quam egisset cum domino meo, si hoc iter suscepisset.

V. 31. PRÆPARAVI. Sic verbum *פנה* *pinna* in Pihel reddere solet Noster. Sed Levitici xiv. 36. efferre, & Sophoniæ iii. 13. avertere; quæ est genuina significatio. Per evacuare, vel repurgare alii convertunt: unde hic exponunt: *Et ego evacuavi, repurgavi domum meam*. Melius: *Amevi, extuli, everti domum meam*; id est, extuli quæ in ea erant, rem domesticam, & alia impedimenta, & alio averti, ut tibi vacua & libera maneant. Vel ego expedivi domum meam. Propius meo iudicio reddes: *Et ego faciavi domum meam*; id est, faciem, decorem, ornatum ei dedi, ornavi, & apparavi eam, conspicuam eam reddidi. Vide in Isaïæ xl. vers. 3. Hispanice, *E' desembarcado la casa*. Quidam explicant: *Ego verti domum*, verrendo, mundando scopis, removendo impedimenta. Nec est dubium Christum hoc usum verbo Lucæ xv. 8. quod Lucas per evertere transulit. Nec multum a verbo Christi aberrabant qui olim ibi legebant, *Et evertit vel vertit*, id est vertit domum.

V. 32. DESTRAVIT. Pulchre vim verbi Hebraice explicavit, quod est *aperuit*

camelos; id est, illis stramenta, quibus conclusi & colligati tenebantur, fultulit, detraxit clitellas camelis, ut liberius requiescerent, & accumberent.

V. 38. SED Hebr. *fi non*. Hispanica phrasidis, *si no*, id est sed.

V. 41. A MALEDICTIONE MEA. *אמא* *alab* aiunt proprie esse adurationem, coniurationem, iuramentum, quo quis cum imprecatione, maledictione, devotione mali, astringitur ad servandum pactum, vel iuramentum, cum alterius partis, quæ iuramentum aut pactum violat, devotione, seu imprecatione. Derivationem, iuramentum execratorium, devotiorum exponunt.

V. 50. RESPONDERUNTQUE LABAN ET BATHUEL. Hebr. *Et respondit Laban*, *ו* *Beihuel*, *ו* *dixerunt*: primum verbum, *respondit*, singulare, secundum plurale, *dixerunt*. Et singulare tribuitur filio, qui hic præponitur patri, in assensu coniugii præbendo, & in conficiendo negotio, nimirum quod vir esset impiger & alacer, rerum peritus, industria, & prudentia præstans, cui pater curam administrandæ familiæ dereliquerat: fortasse quia ipse pater senio, aut valetudine impeditus. Laban quidem prudentia valuisse in administranda re familiari, ex historia rerum cum Iacob gestarum cap. xxxi. facile intelligitur. Unde hic dux verbi fuisse videtur: nec patris Bathuel amplius ulla mentio.

V. 53. DONA. *מגדנות* *migdanoth* quater tantum in Scriptura legitur. Noster hic *dana* reddidit, II. Paralipom. xxxii. 23. *munera*, II. Paralipom. xxi. 3. *consolationes*, I. Esdræ i. 6. *supellectilium*. Quidam conferunt cum nomine *גידן* *gidden*, & cum eius derivativis, seu denominativis, *קערינ* *qerim* *maghadannim*, & *maghadannoth*, quia, ut habent litteras Gimel, & Ghain eiusdem potestatis ac prolationis, ita etiam eiusdem esse significationis, ac proprie denotare *voluptuaria*, *voluptuosa*, *oblectamenta*, *bellaria*, *delicias*. Neque derivari volunt a nomine *מגד* *meged*, neque habere aliquid cum ipso commune. Hebræi censent, *migdanoth* significare quæcumque pretiosa & optima tam in fructibus, quam in auro, argento, lapidibus pretiosis, gemmis, vestibus, &c. Alii volunt esse generaliter, quidquid in re quapiam eximium, optimum, præstantissimum, ac pretiosissimum est, & veluti in deliciis habetur; libe-

terque per delicias, delicata, suavia, nobilia, excellentia, exquisita verunt. Atque in opibus id esse putant, quod Græci *cimelia* vocant, quæ sunt pretiosa quæque & exquisita, quæ ex thesauris, & supellectili pro munere hospitibus, & amicis dantur. Nonnulli existimant *migdanno* esse bellaria, dulcia, delicata ex pomis medicis & citreis, vel aliis optimis terræ fructibus, faccharo, aut melle confecta, quæ odorem, succum, & saporem suavissimum & excellentissimum referant. Hispanice *confituras, regalos*. Addunt alii, esse etiam vas ex citro confecta, id est citrea, quæ olim in magno pretio fuere: inde citreæ mense Plinio, Martiali & aliis tantopere celebratæ, quæ cum aureis certarent. Mirum voluisse quosdam, *migdanno* dici tantum de fructibus terræ: quod loco II. Paralipom. xxi. 3. minime convenit. Hic vero quidam reddunt: *Et voluptuaria dedit fratri eius, & matri eius*: alii, *Et bellaria dedit*, &c. nonnulli, *Delicata, seu dulces fructus*, de terra Israël: aliqui, *Res pretiosas, seu de fructibus terræ præstantissimas*: ridicule hic alii, *Et poma dedit fratri eius*. Iosephus videtur exponere dona rara, vel nunquam antea visa. Nos *cimelia* diximus, quæ scriptoribus Latinis mediæ ætatis non raro usurpata; & in Glossis, *quædam cimelia*.

V. 55. **SALTEN DECEM DIES.** Heb. *dies*, aut *denarium*. Hebræorum nonnulli exponunt *annum*, vel *decem menses*: annum enim tunc dari solitum autumant deponis puellis, ut sibi necessaria nuptiarum ornamenta curarent. Vide Scaligerum Lib. III. *Isagogicorum Canonum* pag. 171. Sic sumi *dies* pro anno Levit. xxv. vers. 29. & alibi, observant. Alii reddunt, *Aliquot dies, saltem decem, vel saltem decadem*, rum *scilicet*.

V. 62. **IN TERRA AUSTRALE.** S. Hieronymus: *Terra austris Geraram significat: unde a patre ad immolandum quondam fuerat adductus. Prope Bersabee.*

V. 63. **AD MEDITANDUM IN AGRO.** *פח נח שחב*, vel *schab* conferunt cum verbo *פח שחב* *schab*, *natare*, & aiunt esse generaliter natare, seu versari in materia ipsa & ampla, in mente, corde, ore, vel elocutione, idque secum vel cum alio. Unde universè exponunt quidquid e corde vel ore enatat, ut sunt meditatio-

nes, colloquia, disputationes, preces, orationes, querelæ, obmurmurationes, meditationes: & generaliter sumi aiunt pro negotio & occupatione quæ in ore, vel in corde est assidue. Variæ vertunt pro loci & sententiæ exigentia. Hic quidam, *Ad orandum*: alii, *loquendum*, nempe cum agricolis, & operariis diurnis: nonnulli, *Ad confabulandum*: Hebræorum aliqui, *Ad virgultandum, vel frutificandum*, a *נח שחב* *schab*, *arbutum, frutex*: nimirum ut deambulare, & spatiaretur inter virgulta & arbuta: Iorian ut agrum arbutis fruticibus, & virgultis repurgaret; seu putaret virgulta, & arbores, vel per se, vel opera & ministerio servorum. Nec desunt qui, *Ad philosophandum, seu studendum*: non nemo, *Ad exercendum sese*: Noster optime, *Ad meditandum*. Meditari Latinis scriptoribus etiam pro exercere, Plauto, Virgilio: unde meditationes armorum. Item pro *discere*, & *perdoceri*, apud Nonium, cap. iv. Noster id verbum in Hiphil, per exercere vertit Psalm. cxviii. 78. Nec aliene reddes, *Ad conferendum*, nempe meditata, vel studia, vel preces. Erant enim patres astronomiæ peritissimi. **INCLINATA IAM DIE.** Hebr. *Ad aspiciere ad vespem*; id est, cum respiceret vespem sol, quo tempore sol ingrediebatur thalamum suum, & terras, seu maria subibat. Apud expones, *Ad vertere se vespem*; id est, cum vespere se verteret, & terras aspiceret. Alii ad Isaac referunt, quod exierit ad aspiciendum cælum, & stellas sub vespem, quod esset gnarus astrologiæ.

V. 65. **PALLIUM.** *תרגום* *tzagbiph* ter tantum in Scriptura ponitur: hic Noster, *pallium*, Genes. xxxviii. 14. *theristum*, ibidem vers. 19 habuit: LXX. semper *theristum* dixerunt. S. Hieronymus in Traditionibus: *Theristum pallium dicitur, genus etiam nunc Arabici vestimenti, quo mulieres provincie illius velantur. Et in tit. Isaiæ, ad vers. 23. Theristra, quæ nos palliola possumus appellare, quibus obvoluta est Rebecca, & hodie quoque Arabiæ, & Mesopotamiæ operiuntur femina: quæ dicuntur Græce theristra, ab eo quod in theri, hoc est in æstate, & caumate, corpora protegitur feminarum. Eadem habet S. Isidorus Lib. XIX. Originum, cap. xxv. Pollux quoque & Suidas, theristum ætivum vestimentum definiunt. Alii hic *calyptram, lincum, for-**

donis, pepum, pallam, flammum, velum, exponunt.

MENOCHII.

Vers. 1. **I**N CUNCTIS BENEDIXERAT EI. Deus cum bonorum spiritualium & terrenorum affluentia cumularat.

V. 2. SERVUM SENIOREM, Eliezer procuratorem domus suæ. SUBTER FEMUR MEUM. Hodie quoque inter Iudæos servatur ut qui iusiurandum exigit, sedeat super manum iurantis. Hoc Iudæi referunt ad circumcissionem; ac si dicat, qui iurat tam firmum fore id pactum quam circumcissionis. Hieron. & alii ad Christum referunt futurum ex femore Abrahæ, per quem etiam eo tempore tacite iurarent. Vide D. Hieron. I. contra Iovin. & Epist. cXL. Emmanuel Sa putat fuisse eo ritu significatam subiectionem eius qui sic manum ponebat: itaque solitum fieri a servis, & a filiis. Vide infra cap. XLVII.

V. 3. AD IURUM, iurare te faciam, ut est in Hebræo.

V. 4. AD TERRAM MEAM. In Haran ad domum Nachor fratris mei. COGNATIONEM MEAM, familiam Nachor, quæ Deum cæli colebat, sed cum idolis.

V. 6. CAVE NE QUANDO REDUCAS FILIUM MEUM ILLUC. Nam Deus non Metopotamiam, sed Chanaanem eius semini promiserat.

V. 7. DE DOMO PATRIS: de Haran, ubi mortuus Thare. TERRA NATIVITATIS, de Ur Chaldeorum. ANGELUM SUUM. Etiam Hebræi credebant, a Deo custodes Angelos dari hominibus.

V. 8. SIN AUTEM NOLVERIT. Certus erat ipse, sed dubitationi servi respondet.

V. 9. SUPER SERMONE HOC: promissit fideliter se iussa completurum.

V. 10. EX OMNIBUS BONIS: præcipua quædam ex singulis bonorum generibus. URBEM NACHOR, Haran, ubi Nachor habitabat a Bersabee, ubi tunc erat Abraham septem vel octo dierum itinere distantem.

V. 12. OCCURRE: fac ut se mihi offerat quod peto. LXX. *Prosperum fac mihi occursum.*

V. 13. ECCE EGO STO. Non dubitabat de promisso, sed de seipso, ne ut indigno Deus non daret instinctum, & cognitionem peculiarem eiusquam vellet Isaac uxorem. Non tentat Deum, a quo motus fuerat, signum petendo: & quicquid in signo incertum est, totum divinæ providentiæ innititur, & promissis Abrahæ a Deo factis. Notandum etiam cum D. Chryf. & aliis, signum quod statuit hic servus, congruum fuisse: erat enim signum bonæ uxoris, & indolis atq. hospitalis, providæ, & strenuæ. FONTES. Scriptura fontis, & putei nomine promissæ utitur.

V. 14. IPSA EST. Quæso Domine, futura Isaac uxor, hæc faciat, & dicat.

V. 15. NECDUM INTRA SE VERBA COMPLEVERAT. Nota quam prompte hos Deus exaudiat.

V. 16. INCOGNITA VIRO: casta, & incorrupta corpore, & mente.

V. 21. CONTEMPLABATUR EAM TACITUS: attonitus perpendebat non speciem tantum, sed officiositatem, sedulitatem, caritatemque, & iam domino suo dignam indicabat.

V. 22. INAURES AUREAS APPENDENTES SICLOS DUOS. Siclos minores duos, nam etiam dimidiatus sicles vocatur subinde sicles. Itaque unaquæque in auris appendebat drachmam unam, ut habent LXX. Hebr. & Chaldaus textus. ARMILLAS PONDERE SICLORUM DECem. Idem dixit Chaldaus. LXX. autem: *Decem aurorum pondus earum*: Hebræa ad verbum: *Decem auri pondus earum*: Noster siclos addidit, quali supplens quod deerat.

V. 27. MISERICORDIAN, ET VERITATEM. Solent hæc duo Hebræi coniungere: Sensus est, misericors pollicendo, verax præstando.

V. 28. IN DOMUM MATRIS: in eam domus partem ubi mater cum puellis degerebat, more Hebræorum, & Orientalium omnium, quibus virorum, & seminarum una in domo distinctæ habitationes.

V. 30. CUMQUE VIDISSET INAURES. Prius vidit in aures in manu fororis, deinde egressus est ad servum Abraham.

V. 31. BENEDICTE DOMINI: Deo dilecti.

dilecte, & gratiose, cui Deum favere cerno, & ut porro faveat, opto.

V. 32. **DESTRAVIT** : sarcinas detraxit, deposuit.

V. 33. **DONEC LOQUAR SERMONES MEOS** : nisi prius exposuero legationis mee summam, nisi exposuero cuius rei gratia huc missus sim.

V. 35. **BENEDIXIT DOMINO MEO VALDE** : supra modum ditavit. **MAGNIFICATUS**. LXX. *Exaltatus est*.

V. 41. **INNOCENSERIS A MALEDICTIONE**. Promiscue vocat iuramentum, & maledictionem, quia in fine iurisurandi addebatur imprecatio : Si hdem sefellero *hec faciat mihi Deus*, & *hec addat*. **SUSPENDI**, dedi, ut cum vellet posset suspendere.

V. 49. **UT VADAM AD DEXTERAM. SI VE AD SINISTRAM** : quasi dicat, ut hinc discedens ubi potero aliam uxorem quaeram.

V. 50. **LABAN, ET BATHUEL**. Præponitur Laban patri, quia, ut ferventior, prævenit promittendo, & pater dictum eius ratum habuit. Nec mirum prævenisse, quia fortasse pater iam senex robusto filio curam totius familiae commiserat. **A DOMINO EGRESSUS EST SERMO** : voluntas Dei hæc est.

V. 51. **CORAMTE EST** : in manibus tibi traditur abducenda. **LOCUTUS EST DOMINUS**, signo quo voluntatem suam declaravit.

V. 53. **VASIS**, mundo muliebri, & alia suppellectile : sic enim Hebræi vocant vasa musica, vasa bellica, vasa mortis : ipsa quoque corpora, eorumque membra dicuntur vasa.

V. 57. **QUAERAMUS IPSIUS VOLUNTATEM** : non de nuptiis cum Isaac, in has enim Rebecam iam consensisse colligitur ex num. 51. 53. 54. & 55. sed de discessu a parentibus, & professione ad Isaacum.

V. 60. **SORORI, consanguineæ** : nam ad convivium cognati multi vocati fuerant, qui ab Hebræis fratres appellari consueverunt. **CRESCAS IN MILLE MILIA** : plurimam posteritatem Deus tibi tribuat.

V. 61. **PUELLÆ ILLIUS**, ancillæ in dotem datæ, ut tunc moris, sicut & postea cap. xxix. num. 24. & 29.

V. 62. **PERVIAM**. LXX. *Per desertum*. Quæsierat solitarium locum Isaac idoneum ad orandum.

V. 63. **AD MEDITANDUM**. Vox Hebraica significat submissa, & intra labia compressa voce mullare ; quod solent qui cum animo suo aliquid meditantur, & volunt.

V. 64. **DESCENDIT**, honoris sponso descendendi gratia.

V. 65. **PALLIUM**, ut eo honestatis, & pudoris causa nova nupta coram sponso suo se tegeret, & obnuberet.

V. 67. **IN TABERNACULUM SARAE**. Hinc patet scorsim a viris habitasse mulieres. **EX MORTE MATRIS SUAE** : quæ triennio circiter ante decessum erat.

T I R I N I.

VERF. 2. PONE MANUM TUAM SUBTER FEMUR MEUM, UT ADIUREM TE. Hic ritus ut peculiaris Patriarchis, ita prorsus arcanus erat, & mysterii plenus : quo designabant, Messiam ex suo femore ac semine iuxta divina promissa nasciturum. Hinc per eundem Messiam (quem hic agnoscit *Dominum Deum celi & terre*) adiurat Abrahamus procuratorem suum, id est obtestatur, etiam addita maledictione *a*, etiam iuramento ab illo postulato, ne aliam filio suo uxorem, & consequenter nascituro ex illa Messiae matrem, quam ex sua cognatione & familia, fideli tum & bene morata desumat. Ita SS. Hieronymus, Ambrosius, Augustinus, Gregorius *b*.

V. 14. **IGITUR PUELLA, CUI EGO DIXERO : INCLINA HYDRIAM TUAM UT BIBAM ; ET ILLA RESPONDERIT : BIBE ; QUIN ET CAMELIS TUIS DABO POTUM : IPSA EST QUAM PRAEPARASTI SERVO Tuo ISAAC**. Ex instinctu Dei vel Angeli (quem præmonuerat Abraham ubique in hoc negotio assuturum) servus sibi signum hoc constituit ; quo aliquin etiam humanitus internosci ab aliis possit puella bonæ indolis, provida, & hospitalis ; qualem norat placitaram tum sponso Isaac, tum focero Abrahamo, hospitalitati extreme addictis. Et eventus ex voto secutus docet id a Deo suggestum fuisse. Alioqui non licet temerario omine, aut divi-

GORDONI.

divinatione tentare Deum. Simili instinctu Gedeon ex somnio Madianitarum, & Ionathas ex verbis Philistinorum captarunt omen victoriæ, ludicum vii. & i. Reg. xiv.

V. 27. DEUS NON ABSTULIT MISERICORDIAM, ET VERITATEM, seu fidelitatem in promissis complendis. Sic enim passim accipitur in Scripturis. Quamquam hoc loco possit etiam dici esse hendiadin. de qua in Prolegomenis c; quasi dicat: Non abstulit Deus veram misericordiam, seu beneficentiam suam a domino meo Abraham; sed vere misericordem ac beneficum se exhibet hero meo, quod ita prosperet iter meum, negotiumque mihi ab illo commissum. Sic infra vers. 49. idem servus simili phrasi utitur apud fratres Rebeccæ: *Si facitis misericordiam & veritatem cum domino meo*; id est, si vultis verum beneficium præstare hero meo, & Rebeccæ filio eius nuptui dare: *indicate mihi, ut eadæ ad dexteram, sive ad sinistram*: idiotismo Hebraico; id est, ut sciam qua via mihi eundem sit: utrum in Rebecca sistere, an ad aliam Isaac sponsam quaerendam pergere debeam.

V. 62. DEAMBULABAT ISAAC AD PUTEUM, CUIUS NOMEN EST VIVENTIS, ET VIDENTIS; id est, quem Agar ab Abrahamo expulsa, sed ab Angelo recreata, vocavit puteum *Viventis*, scilicet Dei, & *Videntis*, scilicet miseriam ancillæ, illique misericorditer providentis & opitulantis, ut dixit supra cap. xvi. vers. 14.

V. 63. EGRESSUS AD MEDITANDUM IN AGRO. Chaldæus, *Ad orandum*; Græcus, *Ad se exercendum*, scilicet spiritali exercitio orationis, agendo, & colloquendo cum Deo de rebus tum naturalibus & terrenis, tum supernaturalibus, cælestibus, & divinis. Ita S. Ambrosius, Augustinus, Hebræi, Lyranus, & Tostatus d.

(*) Infra vers. 47.

(†) Hieron. in Trad. Hebr. Ambr. Lib. V. de Abr. h. cap. ult. August. serm. lxxv. de Tempore. Greg. Epist. ad Pammachium.

(‡) Proleg. de idiotismo Heb. num. 41.

(§) Citati a Cornelio a Lapide.

Vers. 1. **N** Otavi ad annum mundi 2118. Isaacum anno ætatis 40. accepisse Rebeccam uxorem. Agebat Abraham annum 140.

V. 2. Ritus iurandi solemniter hic indicatur & infra cap. xlvii. vers. 29. ut ponatur manus subter femur.

V. 4. Hæc cognatio designata, est familia Nachor, quæ tunc erat in Charan, ex cap. xxvii. vers. 43. & merito, quia Abraham discens e Charan reliquit totam patris sui familiam.

V. 6. CAVE NE QUANDO REDUCAS FILIUM MEUM ILLUC. Non vult filium manere in Mesopotamia: Deus enim promisit semini non Mesopotamiam, sed Chanaanæam.

V. 7. DE DOMO, de Haram, & Ur Chaldæorum.

V. 8. NE REDUCAS ILLUC. Non permittas ut ibi maneat, aut in eo, familia mea eo reducatur. Sensus hic patet ex vers. 6.

V. 10. Servus portat secum ex omnibus bonis. Hoc videtur esse ad munera danda factum: serebat nempe ex omnibus aliis. URS NACHOR, ubi Nachor habitavit.

V. 11. ACCUMBERE ex vi vocis Hebraicæ est *genusflectere*; denique hic est *quiescere*.

V. 13. Servus non censetur tentasse Deum: Deo enim inspirante res acta est: & respondet effectus, ut iam subiticio.

V. 14. Est oratio servi, & laudabilis, ubi ex fiducia in Deum, & in re magni momenti, petitur specialis directio a Deo: petitur, inquam, in periculo magni erroris, signum a Deo, ut fecit Ionathas i. Reg. xiv. Et quidem eventus respondit facto. Nihil in his adiunctis, & circumstantiis superstitiosum est, aut fortuito actum; sed petitio instructionis est a Deo, quando res valde urget, ut etiam fecit Gedeon, ne periculum grave adiret sine Deo. Iudic. vi.

V. 18. SUPRA VELNAM. Hebr. *manum*. Ergo urnam deposuit supra manum suam.

V. 20. Per canaliam designat lapidem cæ-
vum.

vum, ex quo animalia bibebant. Labrum erat. Sept. habent *περιτρίποι*.

V. 22. **INAURES AUREAS**. Habent Septuaginta, *duas in aures, δύο ὠτιά*. Has quidem protulit; postea dedit, vers. 47. In pondere exprimendo est in codicibus varietas: nam in Hebræo est semisiclus; in Chaldæo, siclus; in Vulgato, sicli duo; apud Septuaginta est drachma, quæ dat quartam partem sicli. Non male interpretatur hoc qui dicet, varietatem natam ex varia æstimatione sicli apud varias nationes; aut quia aliqui siclum acceperunt pro semisiclo. Ut ut sit, communior interpretatio est, quamlibet in aurem appendisse semisiclum, seu duas drachmas Atticas, quæ faciunt quartam partem uncie. **ARMILLAS TOTIDEM PONDO SICLORUM DECEM**. Septuag. *Decem auricorum pondus earum*. Noster per siclos expressit.

V. 24. Rebecca est nephis Nachor qui erat frater Abrahæ: sic vero reddenda sunt verba: Quem (Bathuelem scilicet) Melcha peperit marito suo Nachor: ut dicam vers. 50.

V. 25. **FENI PLURIMUM**. Sept. *ἄσπματα, pabula*.

V. 32. **DESTRAVIT**: detraxit frenam, & clittellas. **PEDES** intellige, non camelorum, sed servi.

V. 43. *אֲבָלִים* *bhalmah* proprie absconditam significat, hoc est virginem excellentem, adeo ut nec visa sit a viro. Vide Hieronymum Lib. contra Iovinianum. Rad. *אָבַל*, abscondere.

V. 48. **FILIAM FRATRIS**. Rebecca erat neptis Nachor. fratris Abrahæ; sed ex consuetudine scripturæ, filia vocatur: sic enim consanguinei vocari solent; sicut frater vocatur qui consanguineus est.

V. 49. **AD DEXTERAM** &c. ut hinc

discedens quæram alibi domino uxorem.

V. 50. Bathuel ille an frater, vel pater sit Rebecca, in dubium revocavit Iosephus, qui Bathuelem Rebecca patrem scribit nunc mortuum fuisse, & Bathuelem hic nominatum esse Rebecca fratrem. Fratrem quoque esse contendit Salianus cum Iosepho. Vide infra cap. xxx. vers. 12.

V. 51. **CORAM TE EST**: tibi datur abducenda.

V. 53. Per vasa non male aliqui mundum mulicbrem intelligunt; aut aliquid etiam ad supellectilem spectans: nam vasa apud Hebræos significare solet quicquid ulum pertinet.

V. 57. **QUERAMUS**, non de consensu in matrimonium, sed de discessu.


V. 60. **SOROR NOSTRA ES**. Ita loquebantur consanguinei, qui cognatam vocant sororem.

V. 62. Colligi hinc potest, Abrahamum post mortem Saræ rediisse in Bersabee: nam putens iste erat in solitudine Bersabee. Vide supra xvi. 14.

V. 63. **AD MEDITANDUM**. Varie hoc interpretantur Auctores. Recte puto exponi simul ad exercitandum corpus, & cogitandum de rebus suis. Eugubinus, qui toties male reprehendit Septuaginta, hic etiam hallucinatur: nam apud eos *ῥῆ*, *ἀποκρίσις*, & hic, & Psalmo cxviii. 15. 23. & 27. in bonam partem accipitur.

V. 64. **PALLIUM** est hic velum mulierum Arabicarum, aut peplum, ex Hieronymo in Q9 Hebraicis, *Siposper*.

V. 67. **IN TABERNACULUM SARAE**. Satis commode hoc intelligitur de gynæceo, ut ibi esset velut familie domina. **EX MORTE MATRIS**. Iam obierat mater sere ante triennium.



C A P U T XXV.

Abraham multis ex Cetura susceptis filiis mortuus est: Ismael quoque postquam duodecim genuit duces, moritur. Isaac pro uxore sua sterili precatus, geminos genuit Esau, & Iacob; quorum maior vendidit minori primogenita.

Abraham (a) vero aliam duxit uxorem nomine Ceturam: 2. * quæ peperit ei Zamran, & Iecsan, & Madan, & Madian, & Iesboc, & Sue. 3. Iecsan quoque genuit Saba, & Dadan. Filii Dadan fuerunt, Assurim, & Latufim, & Loomim. 4. At vero ex Madian ortus est Ephra, & Opher, & Henoch, & Abida, & Eldaa: omnes hi filii Ceturæ. 5. Deditque Abraham cuncta quæ possederat, Isaac; 6. filiis autem concubinarum largitus est munera, & separavit eos ab Isaac filio suo, dum adhuc ipse viveret, ad plagam orientalem. 7. Fuerunt autem dies vitæ Abrahæ, centum septuaginta quinque anni. 8. Et deficiens mortuus est in senectute bona, provectæque ætatis, & plenus dierum; congregatusque est ad populum suum. 9. Et sepelierunt eum Isaac, & Ismael filii sui in spelunca duplici, quæ sita est in agro Ephron filii Seor Hethi, e regione Mambre, 10. * quem emerat a filiis Heth: ibi sepultus est ipse, & Sara uxor eius. 11. Et post obitum illius benedixit Deus Isaac filio eius, qui habitabat iuxta puteum nomine Viventis & videntis. 12. Hæ sunt generationes Ismael filii Abrahæ, quem peperit ei Agar Ægyptia, famula Saræ: 13. & hæc nomina filiorum eius in vocabulis, & generationibus suis. (b) Primogenitus Ismaelis Nabaioth, deinde Cedar, & Adbeel, & Mabsam, 14. Masma quoque, & Duma, & Massa, 15. * Hadar, & Thema, & Iethur, & Naphis, & Cedma. 16. Isti sunt filii Ismaelis; & hæc nomina per castella & oppida eorum, duodecim principes tribuum suarum. 17. Et facti sunt anni vitæ Ismaelis centum triginta septem, deficiensque mortuus est, & appositus ad populum suum. 18. Habitavit autem ab Hevila usque Sur, quæ respicit Ægyptum introeuntibus Assyrios. Coram cunctis fratribus suis obiit. 19. Hæ quoque sunt generationes Isaac filii Abraham. Abraham genuit Isaac: 20. qui cum quadraginta esset annorum, duxit uxorem Rebeccam filiam Bathuelis Syri de Mesopotamia, sororem Laban. 21. Deprecatusque est Isaac Dominum pro uxore sua, eo quod esset sterilis: qui exaudivit eum, & dedit conceptum Rebecæ. 22. Sed collidebantur in utero eius parvuli; quæ ait: Si sic mihi futurum erat, quid necesse fuit concipere? Perrexitque ut consuleret Dominum. 23. Qui respondens, ait: (c) Duæ gentes sunt in utero tuo, & duo populi ex ventre tuo dividuntur, populique populum superabit, & maior serviet minori. 24. Iam tempus pariendi advenerat; & ecce gemini in utero eius reperti sunt. 25. (d) * Qui prior egressus est, rufus erat, & totus in morem pellis hispidus: vocatumque est nomen eius Esau. (e) Protinus alter egrediens, plantam fratris tenebat manu; & idcirco appellavit eum Iacob.

16. Sexagenarius erat Isaac quando nati sunt ei parvuli. 27. Quibus adultis; factus est Esau vir gnarus venandi, & homo agricola; Iacob autem vir simplex habitabat in tabernaculis. 28. Isaac amabat Esau, eo quod de venationibus illius vesceretur; & Rebecca diligebat Iacob. 29. Coxit autem Iacob pulmentum: ad quem cum venisset Esau de agro lassus, 30. ait: Da mihi decoctione hac rufa, quia oppido lassus sum. Quam ob causam vocatum est nomen eius (f) Edom. 31. Cui dixit Iacob: Vende mihi primogenita tua. 32. Ille respondit: En morior, quid mihi proderunt primogenita? 33. Ait Iacob: Iura ergo mihi. Iuravit ei Esau, & vendidit primogenita. 34. Et sic accepto pane, & lentis edulio, comedit, & bibit, & abiit; parvipendens quod primogenita vendidisset.

(a) L. Par. 1. 3a. (b) L. Par. 3. 29. (c) Rom. 12. 10. (d) Osee 12. 3. (e) Matth. 1. 2. (f) Heb. 11. 16. Add. 1.

B R U G E N S I S

ROMANÆ CORRECTIONES.

V. 2. *Qua peperit ei Zamran.* Ita scribendum est *Zamran*, ultima littera existentetertia ex liquidis *n*, non secunda *m*.

V. 10. *Quem emerat a filiis Heih.* Non est mutandum relativum masculinum *quem*, quod agrum refert, cum feminino *quam*, quod

referat speluncam.

V. 15. *Hadar & Thema.* Prioris nominis ultima littera est *r*, id est *res*, non *d*, quod est *daleth*; *Hadar*, non *Hadad*.

V. 25. *Qui prior aggressus est.* Sic legunt Sixtina Biblia cum antiquis exemplaribus, comparativum *prior* pro superlativo *primus*.

C O M M E N T A R I A

S A.

Verf. 1. **C**ETURAM. Hebræi putant esse Agar, de concubina factam uxorem: Hieron.

V. 3. **ASSURIM**, &c. Nomina sunt populorum.

V. 6. **CONCUBINARUM**; idest, uxorum minus principalium, scilicet ductarum sine ceremoniis, quarum filiis non dabatur hereditas, sed munera.

V. 8. **PLENUS DIERUM**, id est qui satis diu vixerat. Hieron. tamen interpretatur, omne tempus vitæ eius diem fuisse, non noctem.

V. 13. **ETUS**, scilicet Ismaelis.

V. 16. **PER CASTELLA ET OPPI-DA.** Chald. *In villis & civitatibus*. LXX. *In mansionibus & tabernaculis*; quasi dicat, ita apud suos vocabantur.

V. 18. **INTROEUNTES**; id est, qua itur ad. **FRATRES**, idest filii: Hieron. in Gen.

V. 21. **EXAUDIVIT**, scilicet post annos 20. Chryf.

V. 22. **PERREXITQUE**, scilicet ad sacerdotem: Chryf.

V. 23. **SERVET MINORI.** Tempore David Idumæi subiecti Iudæis.

V. 25. **APPELLAVIT**, scilicet pater, vel qui nomen imposuit.

V. 31. **PRIMOGENITA**, scilicet successionem in principatu, velut patris in reliquos fratres, & sacerdotio, & duabus bonorum partibus.

E S T I I.

Verf. 1. **A**BRAM VERO ALIAM DUXIT UXOREM NOMINE CETHURAM. Errant qui existimant hanc Cethuram eandem esse cum Agar: nam illam prius longe ante duxit, & mox sequitur in plurali: *Filiis autem concubinarum dedit munera*: ubi significatur plures fuisse.

Simul nota, easdem concubinas & uxores

res

res nominari. Nempe in Scriptura passim concubinæ vocantur uxores, quæ sine solemnibus cæremoniis iungebantur, ideoque proles earum non succedebant in paternam hereditatem. Vide Genes. cap. xviii.

Si obiciatur filios tamen duarum ancillarum Jacob cum aliis eius filiis accepisse possessionem; respondebitur primo quod hic specialiter dictum erat: *In Isaac vocabitur semen*. Deinde Sara expresse reclamavit, dicens: *Non erit heres filius ancille cum filio meo Isaac*. Hoc autem uxores Jacob non leguntur fecisse. Denique etsi non deberetur talibus hereditas, tamen poterat dari.

V. 23. MAIOR SERVIEIT MINORI. Completum est hoc ad litteram non in ipsorum personis, sed, ut etiam oraculi verba declarant, in populis qui ex illis orti sunt. Completum, inquam, tempore Davidis, qui Idumæos, id est populum ex Esau genitum, sibi ac populo Israelitico fecit tributarios, II. Reg. cap. viii. Spiritualiter autem impletur in electis ac reprobis, quia quicquid a reprobis, aut circa reprobos agitur, id totum servit ac proficit saluti & felicitati electorum: *omnia enim propter electos*, ut ait Apostolus II. ad Timoth. cap. ii. Vide si placet Commentarium nostrum ad Rom. ix.

V. 31. VENDE MIHI PRIMOGENITAM TUAM. Queritur an hic non fuerit commissæ simonia? Probabilior responsio videtur, si dicamus ius primogenituræ respectu iuris sacerdotii illo tempore fuisse ex genere eorum quæ antecederent se habere ad spiritalia, non autem consequenter. Nam sicut calix prior est consecratione, ita ius primogenituræ prius erat sacerdotio, & sine eo consistere poterat, quemadmodum reipsum consistebat tempore legis Moysi, & nunc consistit tempore gratiæ Christi: immo coniunctio illa sacerdotii cum primogenitura, non videtur probari posse ex sacris litteris, sed magis contrarium apparet ex eo quod statim post initium humani generis non solum Cain, qui erat primogenitus, verum etiam Abel secundogenitus leguntur obtulisse sacrificia. Vide nostra in Librum IV. Sententiarum distinct. xxv.

V. 32. EN MORIOR: QUID MIHI PRODERUNT PRIMOGENITA? Non est sensus, Morior tamen: quia nullo mo-

do existimandum est, ei omnem cibum desuisse in domo paterna opulentissima; sed sensus est: Vita mea brevis est, paulo post morior, præsertim cum exerceam artem periculosa, scilicet venatoriam, in qua facile continget me invadi, & læcerari a fera quapiam: quid tunc mihi proderunt primogenita? Et verba sunt hominis parvi æstimantis primogenita, pro ea re quam vehementer ac gulose desiderabat, quod & Apostolus ad Hebræos cap. xii. notat.

Dubium tamen non est an venditio hæc fuerit valida? Sane pater Isaac eam non agnovit, cum etiam moriturus, adhuc Esau habeat pro primogenito cap. xxvii. Tamen quia matris consilio, & (ut putatur) Deo suggerente, Jacob ei benedictionem præripuit, alii existimant venditionem hanc fuisse validam. Vide ibi plenius. Porro ius primogenituræ erat in privilegio aliquo auctoritatis civilis, sed non sacerdotalis, de quo vide Annotationes cap. xxvii. & xlix. & I. Par. cap. v.

MARIANAE.

Verf. 1. ALIAM DUXIT UXOREM NOMINE CETURAM. Quas uxores dixit Agar, & Ceturam. postmodum verf. 6. concubinas seu pellices vocat: & Hebræi, ut ait Hieron. in Trad. putant Agar eandem esse Ceturam, quam mortua Sara iustæ uxoris loco habuerit; sed resistuntur ex verf. 6. ubi ait: *Filius autem concubinarum largitus est munera*. Inter filios Ceturæ & nepotes numerantur Madian, Saba & Dadan, de quibus in Ezech. tum Ephraïm, a quo Africam dictam assert Hieron. ex Alexandro Polyhistor, & Cleodemus, cognovissent Malcho.

V. 8. ET DEFICIENTS. Duo, quæ Hieron. in Tradit. accusat in Sept. editione, in hoc versu inveniuntur in nostra, argumento non esse sinceram Hieronymo: alterum est, quod dicunt, ET DEFICIENTS MORTUUS EST; alterum quod addit, PLENUS DIERUM: nam in Hebræo vox *dierum* non est. Sed in hoc posteriori video etiam Chald. cum nostra & Sept. conspirare. Et quod ad prius spectat, vox *ἰσὺ*, *iguab*, iuxta Hebræorum sententiam, significat vel *facilem mortem*, ut ait Kimhi, vel *momentaneam*, ut Aven Ezra: &

Ss 2 huc

huc respexerunt Sept. cum dixerunt, *Deficiens mortuus est*, In Hebræo ad verbum, *Expiravit*, aut *defecit*, & *mortuus est*, nempe repetitione ea qua gaudet ea lingua.

V. 13. HÆC NOMINA FILIORUM EIVS. *Emu*, scilicet Ismaelis. NABATHOTH, DEINDE CEDAR. Ab his Nabathæa, & Cedar, seu Nomades. *Sicut tabernacula Cedar*: Cant. 1.

V. 16. PER CASTELLA ET OPPIDA. Hebraice potius *per villas* & *castella*: sic quidam Hebræus; sed perinde est.

V. 17. ET APPPOSITUS AD POPULUM SUUM. Hinc colligunt certe, ait Abulensis, salutem consecutum Ismaelem: quoniam id de prædestinatis solum dicitur.

V. 18. INTROEUNTIBUS ASSYRIOS; pro, qua itur in Assyrios. CORAM CUNCTIS FRATRIBUS SUIB. Hieron. *Cunctis filiis suis persistibus*, quos fratres vocari putat. Alii, *Mortuus est superseditibus fratribus suis*. Ceterum *Et naphal* significatio ambigua est: nam significat *cadere*, *obire*, & hoc secuti sunt Vulgata, Pagninus, & alii: significat etiam *habitare*, & hoc secuti sunt Sept. & Chald. & quadrat cum iis quæ superius dicuntur cap. xvi. vers. 12. *E regione universorum fratrum suorum fies tabernacula*. Nempe utroque loco significat, non procul recessurum a terra Chanaan: deinde, iis quamvis invitis, possessurum sua. Quæ sententia apertior erit, si pro *coram cunctis fratribus*, ponamus, *Contra faciem cunctorum fratrum suorum*: quod verba Hebraica ferunt. Sept. & Chald. pro *coram* posuere *ante*, sive *e regione*, quod cum nostra interpretatione consentit.

V. 21. PRO UOXORE SUA. Hebr. *תוכי* *tenochi*, quod verti etiam potest *contra uxorem suam*: quoniam aut illa non cupiebat concipere; aut certe quoniam labor erat illi futurus: sed melius *pro uxore*, ut posuerunt ferme omnes. EXAUDIUIT EUM, anticipatio est: accidit post annos viginti: Chrylost.

Vers. 22. SI SIC MIHI FUTURUM ERAT, QUID NECESSE FUIT CONCIPERE? Hebr. *Si sic*, quare hoc ego, supple, concupivi? quare concepisti?

V. 23. MAIOR SERVIET MINORI.

Tempore David, Idumæi subditi fuerunt Iudæis.

V. 25. APPELLAVIT EUM: nimirum pater eius appellavit eum IACOB.

V. 27. VIR GNAVUS VENANDI. Nempe astutus, versutus: nam iis artibus opus est ad capiendas feras: idque cui assuevimus, sæpe in mores convertitur. Explicat ita locum quidam Hebræus; & potest confirmari expositio: quoniam *Iacob*, quasi ex opposito, dicit fuisse simplicem, dolis non assuetum. Sic Nemrod *robustus venator*. Fortassis eodem pertinet, quod de Ismaele dicitur Genes. cap. xxi. vers. 20. *Mortuus est in solitudine, sacellusque est invenis sagittarius*. HOMO AGRICOLA. Hebr. *vir agri, agrestis*, libenter versans in agro Esau.

V. 31. VENDE MIHI PRIMOGENITA. In Hebr. additur *sicut hodie*. Eodem modo vers. 33. *Iura ergo mihi*, additur in Hebr. *sicut hodie*. Sept. & Chald. *hodie dixerunt*, *Vende mihi hodie*, *Iura mihi hodie*: aut fortassis significat, *sine fraude*, *perspicue*, sicut hic dies perspicuus est. Quidam locum reddit: *Vende mihi iuxta hunc diem*; pro, iam iam, continuo. PRIMOGENTA TUA. Prærogativas primogenituræ multas colligunt Expositores, ac nominatim Abulensis hoc loco, quo disputat etiam, quare a Paulo Esau vocetur *prophanus*, quia vendidit; & Iacob qui emit, crimine careat.

M A L V E N D A E.

Vers. 2. DE sedecim istis filiis Abraham ex Keturah, seu genitibus, Iosephus hæc annotat: *His omnibus filiis ac nepotibus Abrahamus deducendi colonias fuit auctor: occupaveruntque Troglodyticam regionem, & Arabiam Felicis, quicquid ad rubrum mare pertinet*. S. Hieronymus: *Non hoc dicimus, quod de Cetura nati filii Abraham, iuxta historicos Hebræorum, occupaverint Troglodytem, & Arabiam quæ nunc vocatur Eudæmon, usque ad maris rubri terminos*. Alii putant, a plerisque filiis Arabiæ ex Cetura occupatas Indiæ regiones. Tremellius, & Iunius hæc annotant: *Qui omnes Arabiæ fuerunt incolæ; & Syria huic contemine: unde vestigia extant apud geographos, sed corruptis vocibus: verbi gratia, videtur a Zimrane dicta regio Zorani, ac*

potius *Zamram* Felicis *Arabie* in *Cinacolocopitarum* regione; a *Iokiscane*, *Catanii* *Palmyrenes* *Syrie* contermini, in quorum finibus oppidum *Cafaman* *Ptolemeus* annumerat *Palmyrene* *Syrie*, *Lib. V. Geographiæ*; a *Medane* *Mediana* oppidum in finibus Felicis *Arabie*, pro eo quod est *Madania*; a *Ischabako*, *Scabiosa* *Laodicea* in *Laodicea* *Syrie*; a *Schuacho*, *Saccæi* incolentes orientalem tractum *Syrie* ad *Barhaneam*; a *Sebea*, *Sabe* in *Arabia* deserta; a *Dedane*, *Adada* in *Palmyrene* *Syrie*: & sic deinceps. Sed hoc est merum divinare. *MADIAN*. *Eusebius* & *S. Hieronymus* in *Locis*: *Madian* urbs ab uno filiorum *Abraham* ex *Cetura* sic vocata. Est autem trans *Arabiam* ad meridiem in deserto *Saracenorum*, contra orientem maris rubri. Unde vocantur *Madianæi*, & *Madianæa* regio. Legimus & filias *Hobab* socris *Mosis*, filias *Madian*; sed hæc alia civitas est homonymos eius, iuxta *Arnonem* & *Arcopolim*, cuius nunc ruine tantummodo demonstrantur. De qua *Iosephus* *Lib. II. Originum*, cap. v. Cumque ad urbem *Madianam* pervenisset in rubri maris littore sitam, denominatam ab uno ex *Abrahami*, & *Cheturæ* filiis. Frequens in *Scriptura* *Madian*, seu *Madianitarum* mentio, quos finitimos & confines fuisse *Moabitibus*, & *Ammonitis* non est dubium.

V. 3. *SABA*, ET *DADAN*. Geminos alios iis cognomines habes *Genes. x. 7.* sed longe diversos: illos vetustiores, & ex progenie *Cham*; istos ex genere *Sem*. Hic *Seba*, *Arabie* Desertæ partem accipiunt, ut *Iob. 1. vers. 15. Assurim*, &c. *S. Hieronymus*: *Assurim* in negotiatores transferri putant; *Laumim* eris, ferrique metalla cudentes; *Launim* vero philarchos, id est principes multarum tribuum atque populorum. Alii ab hoc *Assurim* vocatos *Syros* esse contendunt.

V. 4. EX *MADIAN* ORTUS EST *EPHA*. *S. Hieronymus* in *lx. Isaie*, ad vers. 6. *Madian* & *Epha* regiones sunt trans *Arabiam* fertiles camelorum, omnisque provincia appellatur *Saba*. Observabis in *Hieronymo* morem illum loquendi, trans *Arabiam*: intelligit enim *Arabiam* Felicem, quæ respectu *Chananæ*, est trans *Arabiam* *Petræam*, & dexteram. *OPHER*. *Iosephus*: Fertur etiam quod hic *Opbes* cum exercitu profectus occupavit *Libyam*, quam postea nepotes eius tenuerunt, *Africam* ab ipso denominatam. Attestatur huic opinioni & *Al-*

xander *Polihistor* sic scribens: *Cleodemus*, inquit, propheta, cognomine *Malius*, qui ad imitationem *Mosis* Legislatoris, *Iudeorum* Historiam contexuit, narrat *Abrahamum* ex *Cetura* aliquot filios suscepisse, tres nominatim recensens, *Apbram*, *Surim*, *Iapiram*. *A Surim* appellatam *Assyriam*: ab *Apbra* vero & *Iaphra* urbem *Aporem*, & regionem *Africam* nominatas. Hos enim ductu *Herculis* in *Libya* militasse contra *Antæum*. *Herculem* etiam ex *Apbra* filia genuisse filium *Dedorum*: & ex hoc *Sophonem* prognatum: a quo *Sophaces* barbari habent nomen. nempe *Syphaces*. Eadem transcriptis *S. Hieronymus*, & ex ipso *S. Isidorus IX. Originum*, cap. 11.

V. 8. ET DEFICIENTES. Hebr. Et expiravit. Hebræi putant verbo גָּוַגַּב *gavagb* indicari, levi morbo absumptum, citra moram, & cruciatum, intra paucos dies deficiente humido innato, niñirum facili & placida morte, quam *Augulius* apud *Suetonium* *eutbanasium* vocabat. Sed id non significat verbum *gavagb*, sed potius trahere ultimum spiritum, agere animam, expirare, agonizare. Sic vers. 17. *PLENUM DIERUM*. Hebr. non additur, dierum, sed tantum & satur; quamvis in hac locutione, dierum addatur *Genes. xxxv. 29. I. Paralip. xxiii. 1.* Alii subaudiunt, satur vitæ. Nonnulli univérse: satur bonorum, obiit opulenter in magnis divitiis & opibus. *CONGREGATUSQUE EST AD POPULUM SUUM*. Periphrasis mortis; id est, reliquis ante ipsum mortuis adiunctus. Sic infra vers. 17. & supra cap. xv. vers. 15. Alii notant, apponi ad patres, seu ad populum suum, significare potissimum, in fide, & religione parentum, seu maiorum suorum, aut populi sancti decedere. Lege *S. Ambrosium* *Lib. I. de Cain & Abel*, cap. 11.

V. 13. *NABATHOTH*. De duodecim istis *Ismaghelis* filius *Iosephus*: Hi quidquid terrarum est *Euphratem* inter & rubrum mare habitant, *Nabathææ* nomine regioni indito. Sunt autem ii a quibus *Arabes* gentem suam, eiusque tribus denominaverunt, cum propter ipsorum virtutem, tum propter *Abrahami* auctoritatem. Eadem omnino *S. Hieronymus*. *Nabathæa* regio notissima scriptoribus. *Strabo* *Lib. XVI. pag. 134.* *Nabathæa* populosa sane regio, & pasculis abundans. Multa de eadem *Plinius*, *Diodorus*, & alii: & *Ovidius* *Lib. I. Metamorphoseon*:

Eufus

Eufus ad auroreum Nabathæaque regna recessit.

Nabathæi quæque ponuntur in Felice Arabia a Ptolemæo Lib. VI. cap. vii. CEDAR. Eusebius, & S. Hieronymus in Locis; *Est autem Cedar regio in creta Sarcenorum, a filio Ismaelis Cedar ita cognominata, Scenitas esse, & tenitoriis celebres, Canticor. 1. 4. Psalm. cxix. 4. dicitur, multa de his mentio in sacris libris, qui etiam ut Nabathæi, a copia gregum commendantur, Isaïæ lx. 7. Plinius Lib. V. cap. xi. Cedraos appellat, Arabes, Nabathæis confinis. A nigrore, & fulcitate nomen habent: quod corpore sint ob æstum solis fusco. Arabiæ terræ incolæ fuisse constat. ADDEEL. In hoc, & sequentibus filiorum Ismaelis nominibus mire divinant aliqui, aut potius in tanta vetustate nugantur. Addeci autem esse Agubenos Arabiæ Desertæ populos iuxta Felicem Arabiam. vel his conterminos Rhaabenos, de quibus Ptolemæus. Lib. V. cap. xix. MASSAM, Masfamanes, ad montem Zamathan in Arabia Felice, Ptolemæo Lib. VI. cap. vii.*

V. 14. MASSA. Hebr. *Misfah, Rhahabenos* Orchenis iunctos, non procul a sinu Persico in Arabia deserta, ubi collocatur oppidum Zagmais Ptolemæo Lib. V. cap. xix. DUMA, *Dumeos*, inter Agubenos & Rhaabenos, ubi oppidum Dumætha, Ptolemæo ibidem. Forſan huius meminit Isaïas xxi. 11. In Idumæa, & prope Seir fuisse videtur. MASSA, *Massanos*, supra Rhaabenos sitos, apud eundem Ptolemæum eodem Lib. V. cap. xix. Notant hic obiter, tria ista nomina filiorum Ismaelis eponi. *Audius, Silentium, Suffimentia*, iuxta illud vulgare, *Audi, vide, & tace, si vis vivere in pace.*

V. 15. HADAR, Hebr. *Chadar*, somniant esse Athritas Felicis Arabiæ prope Nabathæos, Ptolemæo Lib. VI. cap. vii. THEMA, *Themaneos*, ad montes Felicis Arabiæ, ubi oppidum Thæma, Ptolemæo ibidem. S. Hieronymus: *Themab ad austrum, & Cedma ad orientalem plagam dicitur.* Explicavit significationes vocum Hebraicarum. Non est dubium, Arabiæ desertæ populos fuisse. IETHUR, *Ithureos*, in Syria Cæles, & Arabiæ Desertæ finibus, de quibus Strabo Lib. XVI. pag. 755. & 756. Plinius Lib. V. cap. xxiii. & Lu-

cæ iii. vers. 1. NAPHIS, *Nubeos*, Arabes ad Libanum montem pertingentes, Plinio Lib. VI. cap. xxviii. CEDMA, Hebr. *Kedmah, Kadmaneos*, qui postea de communi ignis cultu cum Babylonis finitimis AElitæ sunt appellati per corruptiones Hebraicæ vocis *עץ עשב*, ignis. Sunt autem AElitæ populi iuxta Babyloniam sub Cauchabenis, apud Ptolemæum Lib. V. cap. xix. Videtur hic *Kedmah* esse ille qui I. Paralip. v. vers. 19. dicitur *Nodab*.

V. 16. PER CASTELLA. חצרים *chatzerim* aiunt esse loca superne aperta sub dio, in quibus fenum aut gramen crescit, sive intra civitatem sint circa ædificia, sive ruri, seu in agro; dicta a חצר *chatzir*, feno, gramine; esseque sine muro, septo tantum circumdata, & formam atrii habere: *atria, villas, prædia* transferunt: discrimenque notant inter oppidula, quæ filias urbium solet Scriptura vocare, & inter חצרים *chatzerim*, id est villas, seu prædia, quæ minora sunt, & ad alenda præora, & forma referunt atria. Sic Græcis αὐλὰ *aula*, & atrium, & caulam, vel septum ovium significat. Aulæ etiam, seu regis habent ante se subdialia, & ampla loca villis similia. Quidam *vicos* exponunt; esseque volunt loca nullis munita muris, in quibus tamen cœtus hominum degunt, qualia Græci dicunt *ἱστιάριον*, nimirum minime operosis substructa ædificiis, & veluti nocturnæ dumtaxat quietis, vitandæque cæli iniuriæ gratia pro hominibus & pecoribus comparata. *Curtas* hic alii reddidere. (*Cortes* Latini dixerunt. *Cortes*, inquit Nonius cap. 11. sunt villarum intra maceriam spatia.) Hispanice, *cortijos, corrales*. Vide Levitic. xxv. vers. 31. & Iosue xv. vers. 32. Noster vocem pluralem *chatzerim* varie transfert. Levitic. xxiii. 31. Isaïæ xlii. 11. domos, Nehemiæ xiii. 7. vestibula, Psalm. lxiiv. 5. Psalm. lxxxiii. xi. Isaïæ 1. 2. Zachar. iiii. 7. atria, I. Paralip. iv. 32. Iosue xlii. 28. cap. xv. 36. cap. xxi. 12. villas, Iosue xv. 47. villulas, I. Paralip. iv. 33. & cap. ix. 25. Iosue xlii. 23. viculos, Psalm. x. 8. occulta; hic vero castella. ET OPPIDA EORUM. חָטְרֵי תֵּיבֵּI

nem, Ezechiel. xxv. 4. *caulas*. Existimant aliqui, *tirab* esse ædificium splendidius, quod ordines parietum, columnarum, & aliorum ornamentorum habeat, אר טור *tor*, ordine: *palatium, arcem, castellum* interpretantur. Alii castellum ab ambitu, quod quasi circulo quoque am extructum & circumscriptum sit, dictum volunt. Quidam *tabulatum*, seu *residentialium* exponunt. Vox Hebraica *tirab* est ipsissima Valentina *tira*, quæ est ordo, series. Nimirum quod sua tabernacula, seu tentoria, (nam omnes nomades & scenitæ erant) seriatim, & per ordinem fixa haberent, instar domorum, aut vicorum; nec male hordas dicere possumus, ut Tartarorum. Sed ego non dubito Ezechielem xxv. 4. respexisse ad hunc locum Genesis, atque vocem *tirotb*, quæ hic ponitur, exposuisse, cum ait: *Ad hic ecce ego dans te filiis orientis in hereditatem, & sedere facient tirotb suas in te*. Filios orientis esse Hagarenos & Ismaelitas, de quibus hic sermo, e vers. 6. huius capitis, & aliis Scripturæ locis manifeste liquet. *Tirotb* in Ezechiele Noster appositissime *caulas* dixit; ac satis explicavit, quæ essent *tirotb* filiorum orientis, seu Ismaelitarum, quæ hoc loco Genesis describuntur: nempe *caule, edes pastoritæ, tabernacula* verterunt hic Græci Interpretes. Neque enim ego, aut ullus cordatus nomadibus istis, scenitis, & pastoribus ampla, & splendida palatia, illo præsertim tempore, tribuerit.

V. 18. CORAM CUNCTIS FRATRIBUS SUIB. Hebr. *Super facies omnium fratrum suorum cecidit*. Quidam Hebræorum subaudiunt, *cecidit ei fors, vel habitavit*. Ita verbum נפל *naphal*, *cecidit*, exponunt, ut I. Samuel. xxix vers. 3. Vel *accidit ei habitatio*; qua ratione Græci, & Chaldaei transulerunt: quem sensum egregie firmat versus 12. capitis xvi. sed Nostri interpretatio præferenda est; quasi dicat: Obiit in eodem loco ubi cohabitaverat.

V. 20. DE MESOPOTAMIA. Hebr. *de Padan Aram*. Omnes intelligunt Mesopotamiam, & semper voci *Padan* adiungitur *Aram*, nisi Genes. xlviii. 7. ubi sola ponitur vox *Padan* sine *Aram*. Noster duas voces solet interdum reddere Mesopotamiam Syriæ, aliquando Mesopotamiam simpliciter. Quidam Hebræorum expo-

nunt, *Syriam duorum*, nempe fluviorum, quæ est inter Euphratem & Tigrim, quod *Padan* Chaldaice, & Rabbinice *duo*, *par* significet. Alii, *Syriam campestris*, vel *regionem Syriæ*, quod *Padan* Arabica, seu Ismaelitica lingua agrum, seu regionem denotet. Ridicule nonnulli *Padan* nomen proprium urbis Syriæ putant, exponuntque de *Padan Syriæ*; cum urbs ubi Bathuel, & Laban habitabant, Charan, vel Carrhæ diceretur, non *Padan*. Meminit quidem Ptolemæus duorum oppidorum *Mesopotamiæ*, quorum primum vocat *Aphhadana*, aliud *Apphadana*, Lib. V. cap. xviii. sed utrumque diversum facit a Charris.

V. 21. DEPRECATUSQUE EST. נחנח *ghathar*, aiunt esse *suavibus, blandis, & dulcibus verbis oravit* ad Deum pro reialicius impetratione: oravit ut demulceat, ut conciliet, amanter & familiariter supplicavit Domino. Alii exponunt: *vehementer rogavit, oravit, deprecatus est valde, amicis verbis exoravit*; tamquam suffragium suave olentem orationem suam misit ad Dominum. Nonnulli, *Multiplicavit*; id est, multiplicibus, copiosis, & densis precibus supplicavit Domino: *efflagitavit*. Noster in Kal, ut hic occurrit, per *deprecari, & orare* reddere solet. Congruente voce *intercedere*. PRO UXORE SUA. לנכח *lenocach*, varie expriment. I. *coram*, vel *ad præsentiam*, seu *præsentem uxore sua*: ut ipia quoque adderet suas preces, ut coniunctum Deo supplicarent, ut oratio esset efficacior. II. *e regione uxoris suæ, contra uxorem suam*: ut ipse oraret in uno angulo, & uxor eius in altero, ex adverso; vel, ut habens obversam uxorem suam, attentius dirigeret corpus suum ad Deum pro illa. III. *ad rectitudinem, ad directionem, directæ, rectæ, uxoris suæ*; id est, intente, directæ, rectæ dirigebat preces ad Deum pro uxore sua; vel, ut Deus uxorem suam redificaret, & dirigeret ad pariendum: erat enim per sterilitatem quasi diltorta, & perversa. In hac significatione exposuit hanc vocem Noster Prov. iv. 25. & Isaïæ lvii. 2.

V. 22. COLLIDEBANTUR. נחנח *hitbotatzu* a נחנח *hit* quidam deducunt; exponuntque: *Et concurrerunt invicem, concurrere se faciebant*; id est, collidebant, conculcabant se. Alii melius a נחנח *ratatzu*, *conquassabant, concutiebant, conculcabant, conterebant, confringebant sese*: ut & Hit-

lithpabel coniugatio, & geminatio littere magnam vim & impetum concutiendi designet. Quidam putant hoc verbo usum Ioannem Baptistam Lucæ 111. 14. *Neminem concutitis*. Nec alibi in hac formula extat. **UT CONSULERET DOMINUM.** Hebr. *Ad quærere, inquirere, perquirere, sciscitari Dominum*, cum cura, sollicitudine, studio, diligentia: omnia enim hæc aiunt includi in verbo דרש *darasch*. Alii per *scrutari*; & *perscrutari* reddunt. Notant, quod quando hoc verbo dicitur quæri Dominus, seu Deus, tum peculiari phrasi significare, quærere verbum & voluntatem Dei ex sacerdotibus, petere, vel exquirere voluntatem Dei per sacerdotem, aut prophetam. Alii hic intelligunt, ivisse ad oraculum aliquod, seu altare, & ibi sacrificasse. Hebræi hariolantur, consuluisse Melchizedek: alii focerum, qui propheta erat, cap. xx. 7.

P. 23. SUPERABIT. אמץ *amatz* in Kal, ut hic ponitur, Noster solet reddere *confortari, fortem, robustum esse*. Alii *erectum esse, surrectum esse, strenuum esse, erectum esse vel corpore, vel animo, vel viribus, viriliter agere*. Quidam conferunt cum עצם *goetzem, esse, & putant indicare, osseum, robustum, consolidatum esse*.

P. 24. GEMINI. Notant Hebræi in voce תומים *thomim* deesse Aleph, pro תומים *thomim*, cuius delectus causam asserunt, quod Esau impius futurus esset.

P. 25. IN MOREM PELLIS HISPIONUS. Hebr. *Sicut pallium, vestis pili, seu pilosa*. אדרת *addereth*, est semineum, id est *magnifica, ampla, illustis, clara, inclita*. Perumque sumitur pro veste, stola, pallio ampliore, magnifico, splendido, quo uti sunt reges, & prophetae, & insigniores personæ, & eo discernebantur a vulgo. Aliqui *amplum* substantive vertunt: *alioquam*: alii *paludamentum*. Notant quidam, quod quando hæc vox iungitur cum שער *seghar, pilus*, אדרת שער *addereth seghar* minime splendidum cultum significat; sed pilosum ac rude pallium, vel stragulum, seu potius philosophicum pallium, ut illud Eliæ II. Reg. 11. 3. & I. Reg. xix. 13. & Zachar. xiii. 4. Nimium homines celestium rerum contemplatione sola distracti, villosa veste corpus ab aeris iniuria defendere, atque infernere satishabebant; exquisitum cultum autem relinquebant. Ubi vero coniungitur cum שער *seghar, Ba-*

ylone, אדרת שער, addereth seghar, id est *pallium Sogarenum, seu Babylonicum*, ut Iosue vii. vers. 21. denotare vestem magnificam, & quæ gloriam conciliet ei qui utitur; seu pallium coccineum, aut purpureum, quod *paludamentum* Latini dixerunt, proprium ducum, imperatorum ac procerum: atque *addereth seghar* dici antithetice ad *addereth seghar*, hoc est pallium villosum, ad pallium magnificum seu purpureum. Sed hoc est nolle observare vim vocabulorum, nec usum. Vestem vel pallium pilosum, intelligimus villis, vel pellibus animalium fultum, ut nunc dicimus, *ropas demartas*, &c. Noster *addereth seghar* pallium solet vertere, cum de veste dicitur. **NOMEN EIUS ESAU.** Hebraice Esau sonat *fastum, aptatum, comparatum, ornatum, perfectum*: nam perfectior infantibus, id est instructus pilis, in lucem venerat.

P. 26. NOMEN EIUS IACOB. Hebr. *Iahakob*. Quidam componunt ex יד *jad, manus*, & יקב *ghakab, calcaneo*, id est manu tenentem calcaneum; sed gratia paronomasie in vertendo perire manum. Alii vel esse futurum verbi יקב *ghakab*, vel *lod esse formatum* nominis; quasi dicas *calcaneatorem, seu supplantatorem*. Vide infra cap. xxvii. vers. 36.

P. 27. VTR SIMPLEX. חם *tham, integer, perfectus, consummatus*, qui in doctrina, & fide, ac bonis operibus, coram Deo est integer, & coram mundo irreprehensibilis, & habens bonam conscientiam. Erat ergo Iacob vir integer, id est non varius, sed simplex: non quidem mente seu intellectu, hæc est sine industria & peritia; sed voluntate: non inquietus, sed, ut filii lucis, quietus, inculpatus vita & moribus iuxta legem Dei, non fraudulenter consiliis, nec irrequietus, ut improbi. *Tham* opponitur *perverso*, Iob ix. 20. *Improbo*, ibidem vers. 23. Aliqui antithesim hic esse volunt: quia dixerat de Esau robustum fuisse, & venationi adductum, virumque agrestem; opponit ei ingenium Iacob placidum, mansuetum, simplex, qui domi quietem colebat. **HABITABAT IN TABERNACULO**; id est pecuariam, & rem domesticam exercebat: ideo plurali utitur; quasi dicat: Vel domi, vel apud greges erat: ut cap. iv. 20.

P. 28. EO QUOD DE VENATIONIBUS ILLIUS VESCERETUR. Hebr. *Quia*

Quia venatio in ore eius ; id est venatio, seu serina erat ei cibis, seu esca gratissima ; & ideoque diligebat Esau, quod is solitus esset de venatione sua, id est de serina carne, quam venatione sua capiebat, cibos patri suo ministrare, qui eorum gustu afficiebatur, cap. xxvii. vers. 31.

V. 29. *COXIT* חָזַק *hezid* in Hiphil coqueret passim reddunt. Quidam reddunt *effervescit*, *ebullivit*, active: nam regit post se acculativum, id est *effervescere*, *ebullire fecit*. *PULMENTUM* נָחַץ *nazid* Noster pulmentum, edulium, coctionem vertere solet: alii *pultem*, *decoctionem*, *insulium*: ad verbum, *effervescit*, *ebullitionem*.

V. 30. *DA MIHI* הַיָּיִן *bilghis* in Hiphil nullibi nisi hic reperitur, & quidam mira audacia deducunt ab עָרָב *ghatab*, inserto Lamed, & facta litterarum transpositione; & a עֲרֵבָה *ghalath* crepusculo formant, de qua voce diximus cap. xv. vers. 17. redduntque: *Crepuscula me, obsecro*; id est, refice me, vel ciba me in crepusculo, vel sub crepusculo. Alii prodigiose, a לֹם *lot*, quod lotum interpretantur, reddunt, *Lota me, obsecro*; seu *fac me vestri loti, obsecro, ruse*, &c. & de loto fructu arboris, vel herba multo differunt ex Homero, Dioscoride, Plinio. Sed pulmentum illud e lentibus fuisse, non loto, vers. 24. dicitur. Communiter exponunt, *Cedere*, *deglutare fac me*. Hebræi quidam, *Funde mihi, obsecro*; alii, *Sorbere*, *absorbere*, *devorare fac me, obsecro*; quidam, *Ingerere mihi, queso*: nec desunt qui, *Obtege me*, *Obrue me*, *Imple me*; vel, ut Latini olim dicebant, *Degumare fac me*, id est degustare.

V. 31. *VENDE MIHI PRIMOGENITAM TUAM*. Omittit נָסַח *caion*, *vende secundum dicem*, vel *sicut die*. Quidam exponunt, *Secundum iuxta hunc diem*; id est, hodie, iam iam, absque ulla dilatione. Forsan litterarum similitudine legendum נָסַח *baion*, *in die, hodie*. De iure primogenituræ multa hic differunt Explanatores, quæ non transcribo. Hebræi notant inclusisse successionem in primaria hereditate, & præcipuis donis; in dignitate, honore, auctoritate, principatu patris, quod auctoritatem haberet in minores, ita ut minores fratres illi u. patri assurgerent, ministrarent. Vide cap. xxvii. sequens vers. 29. 37. *EN MORIOR: QUID MIHI PRODERUNT*

PRIMOGENITA? Duplicem sensum fert hic versus. Primus, Cum brevi in hoc mundo vivamus, quid opus est curare eiusmodi honores? Secundo, Morior præ fame, latius est vitam primogenituræ redimere. Verba profani, qui gulam suam mortis periculo obtexit, cum non deessent in domo Isaac, quibus famem pellere potuisset. Vide Paulum Hebræor. xii. 16.

MENOCHII.

Vers. 1. *ALIAM DUXIT UXOREM*, mortua Sara, & Agar dimissa, & forte etiam defuncta. Causa ducendi divinus instinctus, ut ex eo semen inter gentes quoque multiplicaretur. Annum agebat ætatis 137. CETHURÆ videtur fuisse ancilla Abraham, ut etiam fuerat Agar: si enim fuisset ingenua, non appellaretur concubina num. 6.

V. 2. *MADIAN*, ex quo Malianitzæ.

V. 5. *CUNCTA QUÆ POSSEDERAT*. Id factum primo antequam Isaac duceret Rebecca, quare Eliezer dicebat cap. xxiv. num. 36. *Dedit illi omnia quæ habuerat*. Nunc donationem videtur confirmasse.

V. 6. *FILIIS AUTEM CONCUBINARUM*, Agar, & Cethuræ. Concubinæ erant legitimæ uxores, ut etiam aliquando vocantur in Scriptura: sic Agar cap. xvi. 3. uxor appellatur: non erant autem uxores primariæ, nec matres familias, & servilis conditionis, & ancillæ manebant etiam post nuptias, in thori tantum communionem admittæ. *MUNERA*, pecuniam, aurum, argentum, vestes, &c. *SEPARAVIT*: ne cum Isaac contenderent, eumque in terræ promissæ possessione turbarent. Rursum ne posteris eorum sua idololatria, & vitis Isaacidas inessent. *AD PLAGAM ORIENTALEM*. Hi vocantur in Scriptura *Filii orientis*.

V. 8. *DEFICIENS*: non violentia, aut vi morbi, sed humido naturali deficiente cecidit. *IN SENECTUTE BONA*: cum esset 175. annorum, mature, & tempore suo, sive spectes ætatem, sive merita. *Bona etiam*, quia sine ægritudine. *PLENUS DIERUM*: vivendi satur, ut habent Hebræi, & cupiens dissolvi. *CONGREGATUS EST AD POPULUM SUUM*. Hoc non potest intelligi de corpore, quod cum

T t suis

fuis in patria sepultum non est. Intelligendum ergo de anima, quæ post mortem superstes & immortalis. *Populum suum*, iustos in limbo.

V. 11. IUXTA PUTEUM VIVENTIS, ET VIDENTIS, in Bersabee. Puteus Viventis & videntis erat intra ipsam solitudinem, per quam Agar erraverat, quæ e-remus dicitur solitudo Bersabee. De hoc puteo agitur supra cap. xvi. 14. & xxi. 19. & xxiv. 62.

V. 13. CEDAR. Cedareni Arabes de quibus, & tentoriis eorum non semel in Scriptura.

V. 14. DUMA. Inde onus Dumæ apud Isa. cap. xxi. vel sunt Idumæi, vel illis vicini. *THEMA*, a quo civitas, & regio Theman ad meridiem Idumææ, cuius rex Eliphaz Iobi amicus.

V. 17. DEFICIENTESQUE, sicut pater senio defunctus. *APPOSITUS*. Hinc orta Hebræorum opinio de illius pœnitentia, & salute.

V. 18. HEVILA, de qua dictum supra cap. ii. num. ii. CORAM CUNCTIS FRATRIBUS SUIBUS OBIT: non significat eum corona fratrum suorum cinctum obisse, sed iis superstitibus.

V. 21. DEPRECATUSQUE. Vox Hebræa significat eum multiplicasse preces, & D. Chrysostom. ait toto vicennio eas continuasse. *PRO UXORE*. Hebr. *contra uxorem*; id est, contra sterilitatem uxoris. Vel fortasse sensus est simul cum uxore, quasi e regione uxoris, cum qua communi- cabat preces.

V. 22. COLLIDEBANTUR. LXX. *exsiliabant, exultabant*: vel, ut alii vertunt, *gessiebant, ludebant, calcitrabant, colluctabantur*, dum scilicet uterque nititur prior in lucem exire. *SI SIC MIHI FUTURUM ERAT*: si mihi abortiendum, & una cum parvulis moriendum: id timebat Rebecca. *PERREXITQUE UT CONSU- LERET DOMINUM*. Aliqui sentiunt ad domesticum altare ivisse, illic orasse, & per Angelum responsum accepisse. Alii putant in montem Moria ascendisse ad Melchisedech sacerdotem adhuc superstitem.

V. 23. DUAE GENTES, duo filii, qui erunt patres, & capita duarum gentium, hoc est Iudæorum, & Idumæorum sibi ad- versantium. *MAIOR SERVIET MINOR*: Idumæi servient Iudæis.

V. 25. TOTUS HISPIDUS, non ca- pite tantum, sed reliquo fere corpore: in- de etiam dictus est *Seir*, id est pilosus. *Esau* vero. id est factus, perfectus, quia qui ad perfectum pervenerunt ætatem ii pilis obstiti sunt. *Edom* etiam appellatus est, quasi sanguineus, a rubeo colore co- lionis rusæ, de qua paulo post, hoc cap. *PROTINUS*, immediate, quasi conten- dens de primogenitura. *IACOB*, a ver- bo 227 *ghacab*, quod supplantando, seu plantam tenendo, decipere significat.

V. 27. AGRICOLA. LXX. *ἀγρονομός* *ag- gressis*, quod etiam ad mores refertur. *SIMPLEX*. LXX. *ἀπλᾶς*, *minime fictus*. Vox Hebræica perfectum, iustumque signi- ficat. *HABITABAT IN TABERNACU- LIS*, raro foras progrediens, nec venati- oni, ut Esau, intentus, sed rei domesti- cæ curam gerens. Chaldaus exponit fuisse *ministrum domus doctrine*, id est audito- rem sapientiæ. Hoc si est verum, habes scholarum antiquitatem.

V. 28. ISAAC AMABAT ESAU, ut- pote primogenitum. *REBECCA DILI- GEBAT IACOB*, faniore affectu, quod melius moratum videret, & amabilius moribus, & propter promissiones sibi a Deo factas.

V. 29. PULMENTUM, lenticulæ AE- gyptiæ, ut docet S. August. in Psal. xlvii.

V. 30. DA MIHI. In Hebræo est, *Ob- tege me, obrue me, imple me de rursu, rursu isto*. Vel, *Fac me torare de rursu*, &c. Lo- quendi modus aviditatem, & intemperan- tiam petentis indicat.

V. 31. PRIMOGENITA TUA. Pri- mogenituræ privilegia eo tempore succunt sequentia. I. in menia locus dignior: infra cap. xlii. 33. II. civilis principatus in fra- tres, & successio in patriam dignitatem, qua primogenitus ceteris loco patris erat, adeo ut corameo se inclinarent: infra cap. xxvii. & vocarent eum dominum, ut Ia- cob Esau appellat, Genes. xxxii. & xxxiii. III. in hereditatis divisione duas partes ac- cipiebat natu maximus, alii singulas. Theodoretus quæst. lxxvii. IV. Pater mo- riturus primogenito benedicebat: Gen. xxvii. 4. V. iuxta aliquos primogeniti erant sa- cerdotes familiar, & ad hanc usum pecu- liares vestes habebant. Porro in venditio- ne primogenitorum peccavit Esau gula, sacrorum contemptu, & fortasse etiam si- mo-

mo-

monia vendens ius sacerdotii. Iacob vero non peccavit quia intendit emere tantum ius primarium primogenituræ, quod erat temporale, & vendibile, sicuti potest vendi ager, cui annexum ius patronatus. Nec peccavit iniustitia, quia vili emit a volente, & sciente. Adde, doctum a matrescivisse hoc ius Dei dispositione, & dono ad se pertinere.

V. 32. EN MORIOR. Gulæ necessitatem prætexit.

V. 33. IURA ERGO MIHI, per te mihi licitum fore primogenitorum prærogativæ pacifice frui.

V. 34. ABIIT PARVIPENDENS: ventrem virtuti, cibum honori, gulam benedictioni præferens, & fortasse iam tum meditatus, quod iure amiserat, vi & ferro retinere.

T I R I N I.

Verf. 6. FILIIS CONCUBINARUM, id est filiis Agar, & Cethuræ: quæ licet veræ, legitimæ, & propriæ dictæ essent uxores, ut hic dicitur verf. 1. quia tamen ignobiliores erant & servæ, vocabantur concubinæ, quasi concumbentes secundariæ uxores: cavebaturque pactis dotalibus, ne filii earum ius haberent ad hereditatem paternam; sed hac integra relicta filiis primariæ uxoris, quæ erat domina totius familiæ, iuebantur certis muneribus seu donis pro arbitrio patris designandis esse contenti. Ita Pererius, Serarius a, & alii.

Odorropensis totius vitæ Abraham habes in Chronico nostro cap. xv. Arborem vero genealogiæ parentum eius & filiorum usque ad Christum, cap. xlvj.

V. 8. CONGREGATUS EST AD POPULUM SUUM. Phrasîs Hebr. qua significatur Abraham translatus eoquo maiores eius transierant, scilicet a statu viventium in terris, ad statum degentium in altera vita. Sic infra verf. 17. dicitur eadem phrasî *Ismael appositus ad populum suum*. Notat Brugenius, in veteri testamento, cum statim a morte etiam iustissimi ad limbum transirent, dici solitum, eos congregari ad populum suum, in novo vero, cum animæ puræ mox in cælum avolant, dici, Transire ad Dominum, In Domino mori, Intrare in gaudium Domini, &c.

V. 22. COLLIDEBANTUR IN UTERO EIUS PARVULI. Symmachus venit, *collidebantur*, scilicet uter superior esset, & prior exiret. Hæc lucta non vi naturæ, aut casu, sed Dei nutu contigit, uti mox matri ab Angelo indicatum est: cum enim illa vitæ suæ proliumque metuens, pergeret (verosimiliter ad oratorium, & ad aram domesticam, in qua sacrificium Deo offerebatur b) ut consulere Dominum de tam insolitæ rei successu & eventu; hoc responsum accepit:

V. 23. DUO POPULI EX VENTRE TUO DIVIDENTUR; id est, duæ proles, a quibus duo populi, scilicet Israelitæ, & Idumæi, ex uno hoc tuo partu nascentur, habitatione, moribus, religione prorsus inter se contrarii & divisi, & ob id etiam perpetuo discordes. ET MAIOR SERVET MINORI; id est, populus qui ex maiori, seu primogenito tuo procedet (puta Idumæi) serviet alteri populo, qui ex minori nascetur, scilicet Israelitis. Quod factum tempore Davidis, & Salomonis, II. Reg. viii. & rursus tempore Hyrcani c filii Simonis Machabæi, ut Iosephus d, & alii describunt. Ex his patet, a Deo revelatum Rebecçæ, Iacobum divino decreto prælatum esse fratri Esau Esau, illique deberi iura primogenituræ, etsi postrior gigneretur: unde etiam licite potuit suadere Iacobo, eidemque cooperari ad benedictionem paternam altu, & solertia fratri præripiendam. Ita S. Augustinus, Rupertus, & alii; qui allegorice cum S. Paulo ad Romanos ix. verf. 10. volunt hic designari, Christianos Iudæis præponendos quoad gratiam, fidem, & salutem æternam.

V. 25. VOCATUM EST NOMEN EIUS ESAU, id est factus, perfectus: quia cum toto corpore pilosus esset & hirsutus, non tam tener infantulus, quam vir perfectus videbatur. Hinc & alterum illi nomen fuit *Seir*, hoc est pilosus: & tertium *Edom*, id est rufus, tum a rufo pilorum colore, ut hoc versu dicitur: tum a coctione lentis rufæ, pro qua vendidit primogenita sua, verf. 30. PROTINUS ALTER EGREDIENS, utero materno, plantam fratris tenebat manu, ut eum nascendo præverteret. ID CIRCO APPELLAVIT EUM IACOB, id est tenens plantam, vel supplantator, ut infra dicitur cap. xxvii. verf. 36. *Iste vocatum est nomen eius Iacob*.

It a cob:

rob: *supplantavit enim me* (inquit) *en altera vice.*

V. 31. VENDE MIHI PRIMOGENITA TUA, seu ius primogenituræ tuæ.

Petes: Quodnam fuit in lege naturæ ius primogenituræ? Respondco: Præter ea quæ nostrorum temporum primogenitis communia sunt, ut quod reliquis honore, dignitate, loco in publicis confessibus præferantur; & peculiare ipsis erat primo duplicem in hereditate paternâ portionem accipere. Colligitur ex Deuter. xxi. vers. 17. Item Paralip. v. vers. 1. ubi cum duæ tribus conceduntur Iosepho, & consequenter duæ portiones in partitione terræ sanctæ; dicuntur primogenita Ruben translata fuisse in Ioseph. Secundo, peculiari benedictione a patre morituro benedici: quæ ut magnæ erat efficacæ apud Deum, ita maxime estimabatur. Tertio dignitas sacerdotii: quod tamliu primogenito soli competebat. quamdiu fratres illi cohabitabant. Nam cum quis emigraret, & aliam conflaret familiam, uti caput fiebat illius novæ familiæ, ita & iure sacerdotii illi adnexi statim gaudebat. Quarto, moriente patrefamilia, primogenitus in locum illius succedebat, & ceterorum fratrum quasi parens erat, & dominus, & princeps. Patet infra cap. xxvii. *Dominum tuum illum constitui, & omnes fratres eius servituti illius subiugari.*

Petes secundo an Esau vendendo suam primogenitam peccavit, & quo genere peccati. Resp. Peccavit primo gula: nam quod dicit, *En morior*, nonnisi falsus prætextus fuit quo Iacobum induceret ad lentem donationem. Et ut vere eguisset, & valde; quis credat, in tam divite Isaac domo vel carnem, vel alios cibos, vel saltem panem defuisse, quo Esau, si voluisset, vires instaurare potuisset? Secundo irreligiositate peccavit, & contemptu rei sacræ, quasi nihil æstimans etiam ius sacerdotii quo una cum primogenitura sese spoliaret. Unde & *profanus* vocatur Esau a S. Paulo ad Hebræos xii. vers. 16. Et quidam volunt, etiam simonia peccasse, vendendo rem sacram.

Petes tertio an etiam Jacob ex eodem capite non peccarit simonia, emendo rem sacram; & simul iniustitia, emendo tam vili rem tam pretiosam. Resp. Neutro modo peccavit. Tum quia hoc ius primoge-

nituræ sciebat Jacob suum esse, sibi que etiam gratis deberi, ex divino decreto & oraculo, vers. 23. matrî revelato. Unde bene prudenterque occasionem ultro hic oblatam amplectitur, qua a fratre volente, & orante obtineat, quod etiam invito potuisset iure, & vi extorquere. Tum quia ius sacerdotii non erat nisi accessorium ad ius primogenituræ, quod in se. & in reliquis etiam accessoriis erat temporale, & prætio æstimabile. Talia vero emi, & vendi possunt; ut sit quotidie in variis dominis temporalibus, quibus annexum est ius patronatus. Et facile erat Iacobo juveni pio, ac sagaci sacrum a profano mente ac intentione secernere; licet forte Esau profanus, & sacrorum contemptor nihil hæc curaret, & tam sacra quam profana ridens, utraque venderet, atque ita simonia peccaret. Ita Caietanus & alii Theologi.

(a) Sacer. in Iud. xix. quæst. 2.

(b) Ita Theol. quæst. lxxv. in Genes.

(c) Gen. xxvii. vers. 40. Abdiæ vers. 18. & Chron. cap. xlii. post med. claus. 2.

(d) Ioseph Lib. xiv. Antiq. cap. xviii.

(e) Ia II. II. quæst. c. art. 2.

GORDONI.

Vers. 1. M Ale aliqui putant Agar esse Ceturam, & post mortem Saræ evasisse primariam uxorem: quod satis refellit vers. 6. Cetura videtur, sicut & Agar, fuisse ancilla Abraham: nam vers. 6. vocatur concubina.

V. 5. CUNETA. Id antea fecit ex cap. xxiv. vers. 36. & nunc donationem confirmat. **MUNERA,** aurum, vestes &c.

V. 6. FILIIS AUTEM CONCUBINARUM. Fuerant hæ concubinae Agar, & Cetura, vere uxores; sed non ut dominae, ac primariæ, ut erat Sara, quæ data dote erat consors bonorum, & extra servilena conditionem.

V. 8. Obiit Abraham, de cuius morte, & chronologia extat diagramma hic cap. xii. Aliqui mortuum scribunt, anno mundi 2123. Anachronismus est 30. annorum, quod omittant Cainan. Habes suo loco annos omnes Abrahami compositos, & comparatos, tum cum annis expansis, tum cum regnorum Epochâ, illorum temporum. Vide loine cap. xiv. vers. 15. **CONGREGATUSQUE EST,** corpore ad sepulcrum, anima

ad

ad limbum. Congregari ad populum, idiomus est Hebræorum, designans mortuum.

V. 11. IUXTA PUTEUM, in deserto Bersabee. De hoc putco supra cap. xvi. vers. 14. & cap. xxi. vers. 19. & xxiv. vers. 62.

V. 13. CEDAR. Inde Cedareni Arabes.

V. 14. DUMA. Hinc Dumæ, Isai. xxi. Idumæis vicini. THEMA. Hinc regio Theman ad meridiem Idumææ, ubi Rex Eliphas amicus Iob.

V. 18. HEVILA. Designatur regio ampla Arabiæ, quæ a sinu Persico ad mare rubrum, & Aegyptum protenditur, Aegyptumque respicit. Adrichom. in Pharan. num. 43. Designavi mortem Ismaelis ad annum mundi 2201. vide quæ ibidem notata sunt de profectione Elai ad Ismaelem. Per fratres hic intellige filios, & cognatos, ex Hieronymo in Qq. Hebraicis.

V. 20. Agit de ortu Iacob, & Esau. Hic Bathuel Syrus est, ex ea Syriæ parte, quæ Mesopotamia vocatur. De Bathuele dixi cap. xxiv. vers. 24. & 50.

V. 21. EXAUDIVIT. Hoc accidit post annos aliquot.

V. 22. COLLIDEBANTUR. Rad. Heb. *ץץ* *ratfats*. Hieronymus alicubi vertit, *calcitrabant*; Septuag. *ῥαυοντες*, *salabant*; Augustinus, *gestiebant*. Hanc parvulorum luctum in utero, dum uterque nictur prior exire, non male, futuri inter fratres certaminis prognosticum puto, Dei nutu præmissum; ut satis aperit vers. 23. Esau vocatus est Seir, & Edom vers. 30. a polenta rufa. Edom significat rufum.

V. 23. MAIOR SERVET MINORI. Non in persona (nam Iacobo non servivit

maior Esau) sed in posteris, quando scilicet Idumæi posteris Esau, a Davide domiti, tempore Davidis, & Salomonis, servierunt posteris Iacob heredibus terræ promissionis, II. Reg. cap. viii. Interpretes præter hunc sensum litteralem, admittunt etiam allegoricum, in Iudæis sub lege, & Christianis sub gratia. Esau hic *עַדְוָה*, seu rufus dicitur: unde genti nomen. Vide Malach. i. 2. ubi de dilectione Iacob, & odio Esau.

V. 25. HISPIDUS, pilosus, idque corpore toto. Seir pilotum significat. Disus est etiam Edom, sanguineus.

V. 27. GNARUS VENANDI. Aliqui *asitum* interpretantur. AGRICOLA, libenter in agro versans. In *tabernaculis*: domi se continebat, non venator Esau.

V. 31. VENDE MIHI PRIMOGENITAM. *Τὸ πρωτόγονον*, ius primogenituræ. Ius primogenitii in lege naturæ hæc habebat: erat fratrum velut dominus, & instar patris; in divisione hereditatis singuli singulas, ipse duplicem portionem reiebat, Deut. xxi. Item erat sacerdos familiæ, saltem post diluvium; ac denique a patre moriente benedictionem accipiebat. Iam de simonia, & peccato hic ementis, & vendentis ius istud, quod annexum spirituale habebat, certant Interpretes. Lege nostrum Suar. de Relig. Tom. I. Lib. IV. cap. vi. Excusatur certe Iacob, qui doctus a matre (cui Angelus vers. 23. id. revelat) intellexit hoc ius dono Dei ad se pertinere, ut forte esset non emptio, sed vexationis redemptionis. Quod ergo egit, pertinebat ad illud matri factum oraculum, quæ Dominum consuluit. At quomodo? Sane pro more illius ætatis, quæ nec tabernaculum, nec Aaronem habebat.



C A P U T XXVI.

Isaac ob famem in Geraris peregrinatus, post acceptam Terræ promissionem, & seminis benedictionem, reprehenditur ab Abimelech quod Rebeccam dixerit suam esse sororem: & pastoribus ipsorum pro puteis iurgantibus, Abimelech cum Isaac fœdus percussit.

IRta autem fame super terram, post eam sterilitatem quæ acciderat in diebus Abraham, abiit Isaac ad Abimelech regem Palæstinorum in Gerara. 2. Apparuitque ei Dominus, & ait: Ne descendas in Aegyptum, sed quiesce in terra quam dixero tibi. 3. Et peregrinare in ea, eroque tecum, & benedicam tibi: tibi enim, & semini tuo dabo univerſas regiones has, (a) complens iuramentum quod spondendi Abraham patri tuo. 4. Et multiplicabo semen tuum sicut stellas cæli; daboque posteris tuis univerſas regiones has; (b) & BENEDICENTUR in semine tuo omnes gentes terræ, 5. eo quod obedierit Abraham voci meæ, & custodierit præcepta & mandata mea, & cæremonias legesque servaverit. 6. Mansit itaque Isaac in Geraris. 7. Qui cum interrogaretur a viris loci illius super uxore sua, respondit: Soror mea est: timuerat enim confiteri quod sibi esset sociata coniugio, reputans ne forte interficerent eum propter illius pulchritudinem. 8. Cumque pertransissent dies plurimi, & ibidem moraretur, prospiciens Abimelech rex Palæstinorum per fenestram, vidit eum iocantem cum Rebecca uxore sua. 9. Et accersito eo, ait: Perspicuum est quod uxor tua sit: cur mentitus es eam sororem tuam esse? Respondit: Timui ne morerer propter eam. 10. Dixitque Abimelech: Quare imposuisti nobis? Potuit coire quispiam de populo cum uxore tua; & induxeras super nos grande peccatum. Præcepitque omni populo, dicens: 11. Qui tetigerit hominis huius uxorem, morte morietur. 12. Sevit autem Isaac in terra illa, & invenit in ipso anno centuplum: benedixitque ei Dominus. 13. Et locupletatus est homo, & ibat proficiens atque succrescens, donec magnus vehementer effectus est: 14. habuit quoque possessiones ovium & armentorum, & familiæ plurimum. Ob hoc invidentes ei Palæstini, 15. omnes puteos, quos foderant servi patris illius Abraham, illo tempore obstruxerunt, implentes humo: 16. in tantum ut ipse Abimelech diceret ad Isaac: Recede a nobis, quoniam potentior nobis factus es valde. 17. Et ille discedens, ut veniret ad torrentem Geraræ, habitaretque ibi, 18. rursus fodit alios puteos, quos foderant servi patris sui Abraham, & quos, illo mortuo, olim obstruxerant Philisthiim; appellavitque eos eisdem nominibus quibus ante pater vocaverat. 19. Foderuntque in torrente, & repperunt aquam vivam. 20. Sed & ibi iurgium fuit pastorum Geraræ adversus pastores Isaac, dicentium: Nostra est aqua: quam ob rem nomen putei, ex eo quod acciderat, vocavit Calumniam. 21. Foderunt autem & alium; & pro illo quoque rixati sunt, appellavitque eum Inimicitias. 22. Profectus inde fodit

dit alium puteum, pro quo non contenderunt: itaque vocavit nomen eius, Latitudo, dicens: Nunc dilatavit nos Dominus, & fecit crescere super terram. 23. Ascendit autem ex illo loco in Bersabee, 24. ubi apparuit ei Dominus in ipsa nocte, dicens: Ego sum Deus Abraham patris tui, noli timere, quia ego tecum sum: benedicam tibi, & multiplicabo semen tuum propter servum meum Abraham. 25. Itaque ædificavit ibi altare: & invocato nomine Domini, extendit tabernaculum; præcepitque servis suis ut foderent puteum. 26. Ad quem locum cum venissent de Geraris, Abimelech, & Ochozath amicus illius, & Phicol dux militum, 27. locutus est eis Isaac: Quid venistis ad me, hominem quem odistis, & expulistis a vobis? 28. Qui responderunt: Vidimus tecum esse Dominum, & idcirco nos diximus: Sit iuramentum inter nos, & incamus fœdus, 29. ut non facias nobis quidquam mali, sicut & nos nihil tuorum attigimus, nec fecimus quod te læderet; sed cum pace dimisimus auctum benedictione Domini. 30. Fecit ergo eis convivium, & post cibum, & potum 31. surgentes mane, iuraverunt sibi mutuo: dimisitque eos Isaac pacifice * in locum suum. 32. Ecce autem venerunt in ipso die servi Isaac, annuntiantes ei de puteo quem foderant, atque dicentes: Invenimus aquam. 33. Unde appellavit eum Abundantiam; & nomen urbi impositum est Bersabee, usque in præsentem diem. 34. Esau vero quadragenarius * duxit uxores, Iudith filiam Beeri Hethæi, & Basemath filiam Elon eiusdem loci: 35. (c) quæ ambæ offenderant animum Isaac & Rebeccæ.

(a) Sup. XII. 7. 15. 28. (b) Sup. XII. 3. XVIII. 28. XXII. 17. VIII. 19. (c) Inf. XVII. 46.

BRUGENSIS

ROMANÆ CORRECTIONES.

V. 31. In locum suum. Huius loco non

scribas, In domum suam.

V. 34. Duxit uxores. Non addas duas.

COMMENTARIA

S A.

Verf. 1. TERRAM, scilicet ubi Isaac habitabat. ACCIDERAT IN DIEBUS ABRAHAM. Vide sup. cap. XII.

V. 3. PEREGRINARE IN EA. Hebr. *Peregrinare in terra hac.*

V. 4. IN SEMINE, id est propter semen.

V. 5. CAEREMONIAS. Hebr. *statuta.*

V. 9. MENTITUS. Hebr. *dixisti.*

V. 10. POTUIT COIRE. Hebr. *Tarum absuit quin dormiret.*

V. 11. HOMINIS HUIUS. Hebr. *Virum hunc, & eius.*

V. 12. CENTUPLUM, scilicet quam seminaverat.

V. 17. TORRENTEM. Alii, *vallem.*

V. 18. FODIT, scilicet in torrente, seu valle Geraræ.

V. 19. FODERUNTQUE, scilicet servi Isaac.

V. 20. CALUMNIAM. Alii *contenti o-nem: LXX. iniquitiam.*

V. 21. INIMICITIAS. Sic etiam LXX. *alii odium.*

V. 33. ABUNDANTIAM. LXX. & alii, *iuramentum*, scilicet legerunt per *o*. At Hier. per *o* & quidem verius: quid enim ad aquæ copiam iuramentum? Nisi dicas, duabus de causis Bersabee vocatam, & ob iuramentum, & ob aquæ abundantiam, scilicet unius litteræ pronunciatione mutata.

V. 35. OFFENDERANT, scilicet contem-

tendendo cum utroque, ut indicant LXX. vel non obediendo, ut Chald. indicat. Hebraic. irritabant.

E S T I I.

Vers. 5. **M**ANDATA MEAE, ET CÆREMONIAS, LEGESQUE SERVAVIT. Quas ceremoniis; cum lex cæremonialis nondum esset lata? Respondeo; iam Deus instituerat circumcisionem, sorte & alia nonnulla. Vel certe est enallage numeri pluralis pro singulari.

V. 7. **S**OROR MEAE EST. Potest hoc eodem modo excusari a mendacio, quo simile factum Abrahæ: quia pater Abrahæ & avus Rebecca erant fratres. Et quamvis regi dicenti, *Cur mentitus es eam sororem tuam esse?* non legatur Isaac respondisse sicut responderat Abraham, *Vere soror mea est;* sed dixerit: *Timui ne morerer propter eam;* potest tamen intelligi quod & illud dixerit, minor excusationis paternæ, etsi scriptum non sit, interim maxime ad rem ipsam responderit.

Sed queritur: Quomodo sperabat Isaac posse latere, cum (ut capite præcedenti patet) iam habuerit liberos? Respondeo: Forte hæc narratur per hysterosin, ut acciderint ante natos filios. Vel potest etiam dici, quod in tam magna familia Isaac, ubi erant servorum ancillarumque filii, facile potuerint latere filii Isaac, indistincto severe, ne quis eos proderet.

V. 12. **E**T INVENIT IN IPSO ANNO CENTUPLUM. Non est hoc incredibile: nam & Christus dicit Matth. XIII. *Facit aliud quidem centesimum* (fructum) &c. Quin etiam Historiæ Indicæ Lib. III. cap. XXXIX narratur, quod qui primi seminarunt fumentum in Hispaniola insula Indicæ occidentalis, invenerint illo anno octies centuplum.

M A R I A N A E.

Vers. 1. **O**RTA AUTEM FAME SUPER TERRAM: certe ubi Isaac habitabat.

V. 3. **P**EREGRINARE IN EA. Hebr. *Peregrinare in terra hac quam dixero, sive habita, ut Sept. & Chald. posuerunt.* COMPLENS IURAMENTUM. Hebr. *Et flare*

feci iuramentum, præteritum pro futuro; & flare faciam, sic Sept. & Chald. reddiderunt.

V. 4. **I**N SEMINE TUO: propter semen tuum Christum.

V. 5. **E**O QUOD OBEDIERIT. Sic etiam Sept. & Chald. nam Hebraica reddi etiam possunt, *Mores quod obediit:* *hekeb* enim inter alia tum *calcaneum* significat, tum *mercedem*, quod sit in opere ultimum. Supra cap. XXII. vers. 18. *ET CÆREMONIAS.* Hinc colligunt quidam, cæremonias legis viguisse ante legem. Ceterum *hukotbat*, statuta & *pascha* potius quam cæremonias significat.

V. 10. **P**OTUIT COIRE QUISPIAM DE POPULO: Hebr. *Ut parum* (pro parum absuit) *dormivit unus populi cum uxore tua.* Quidam per annum intelligit primum; quasi dicat: Ego, qui primus populi sum, potui coire cum uxore tua.

V. 11. **Q**UI TETIGERIT HOMINIS HUIUS UXOREM. Hebraice: *Qui tetigerit virum hunc, & uxorem eius:* sicque Græce redditur locus. Et tangendi vocem pro nocendi sumit Chaldaeus, sumunt alii Hebræi.

V. 12. **E**T INVENIT IN IPSO ANNO CENTUPLUM. Sept. *Et invenit in eo anno centuplum hordium.* Chald. *Centuplum quam æstimaverat.* Nimirum vox *Sebarim* significat genus mensuræ, seu modium, quam significationem sicutus Hier. absolute dixit, *Invenit centuplum,* nempe pro una seminis centum menturas. Significat etiam *opinionem*, a verbo *Sabar*, quod *existimare* significat: hoc lecturus est Chald. & inter Græcos *Aquila*, *inavar sinaxiam*, centum ut cogitavit. Eadem vox significat *bordeum*, sed paulo aliter scripta, nempe cum puncto final, *sebarim*, quod Sept. deperit, & quoniam in iis regionibus & in Africa propter æstum hordæ videntur.

V. 14. **E**T FAMILIAE PLURIMUM. Sept. *Agricolationes multe.* Certe vox *habudab*, utrumque potest significare, & *servos multos*, & *opera multa*, quæ Isaac habuit.

V. 19. **A**QUAM VIVAM, scaturientem, & manantem repererunt pastores Isaac.

V. 20. **C**ALUMNIAM. Alii contentiorem vertunt. Sept. *iniustitiam.*

V. 25.

V. 25. PRÆCEPITQUE SERVIS
SUIS UT FODERENT PUTEUM. He-
braice: *Et foderunt ibi servi Isaac puteum.*

V. 26. ET OCHOZATH AMICUS IL-
LUS. Ochozath potest esse nomen proprium,
quod secuti sunt Hieron. Sept. & Kimhi: pot-
est etiam esse nomen appellativum, & si-
gnificat *congregationem amici eius*, pro ami-
corum, qui cum sunt comitati: sic Chald.
& quidam ex Hebræis intelligunt.

V. 29. AUCTUM BENEDICTIONE DO-
MINI. Hebr. *Tu nunc benedictus Domini.*

V. 32. ANNUNTIANTES EI DE PUT-
EYO, nempe de quo superius vers. 25. AT-
QUE DICENTES: INVENIMUS A-
QUAM. Sept. *Non invenimus aquam*, & *אין*
עומק, atque ita legebatur tempore Hieron.
ut patet ex Tradit. Nimirum *אין*, quod si-
gnificat, *ei annunciantes*, legerunt *אין* eam-
dem prolatione, sed negationem. Quare
locus hic in Regiis vitatus est: nam le-
gunt in Sept. *Invenimus aquam*, quod ex
Complut. manavit.

V. 33. APPELLAVIT EUM ABUN-
DANTIAM. Pro *Abundantia*, Sept. po-
tuerunt *Iuramentum*: quod Hieron. in Tra-
dit. refellit, affirmans, Aquilam & Sym-
machum potuisse *saturitatem*. Similitudo vo-
cis decept: nam *אשר* *שבת*, cum puncto
iamin, ut modo est in Hebraico, significat
iuramentum, & *septem*; at cum *smol*, si-
gnificat *saturitatem*, vel *abundantiam*. Et
alioqui bene coheret, ut quemadmodum
superius Abraham eam urbem vocavit *Ber-
sabæe* a iuramento facto cum Abimelech,
sive a septem agnis (perinde enim esse di-
ximus) ita hoc loco ex repetito iuramen-
to, repetatur ab Isaac & putei & oppidi
appellatio: sive quia septimum puteus fuit
inter eos quos foderunt Abraham & servi, vo-
cavit eum *Bersabæe*, id est puteum septi-
mum.

V. 35. QUAE AMBAE OFFENDERANT
ANIMUM. Hebr. *Et erant amaritudo animi*
Isaac & Rebecca, scilicet utraque uxor Esau.

MALVENDAE.

Vers. 5. ET CUSTODIERIT PRÆ-
CEPTA. Hebr. *Et servavit*
observantiam meam; vel *אין* *עומק* *אין*
עומק *אין* *עומק*, id est, fuit observans mei,
expectavit, respexit ad iussa mea; ea, quæ
mandavi ei terenda servavit & execu-

tus est: משרת משרת, custodia, ob-
servatio, conservatio, observantia. Quidam
stationem quoque significare notant, sumpta
ratione nominis a militum aut excubiarum
stationibus, ubi suum quique munus obit,
& locum sedulo tuerit; quasi Abraham
stationem suam strenue obierit, locum, &
munus suum in obsequendo & observando
legem egregie executus fuerit. Sic sumi-
tur Isaac xxi. 8. ET CÆREMONIAS.
אין חוקות, sunt proprie prescriptæ for-
mæ, seu normæ, quibus aliquid est impres-
sum, insculptum, descriptum, aut delineat-
um, vel ad faciendum, vel ad representan-
dum; nempe, quasi ordinationes, formæ,
regulæ, normæ, decreta, statuta, consti-
tutiones prescriptæ, ordinatæ, certæ, seu
constitutæ, quibus rationes rerum gerenda-
rum, vel ritus, seu cultus, & cæremoniæ
aliquid referentes, & representantes impres-
sæ, & expressæ continentur. De qua voce
dicemus alibi opportunius. Vide Exodi xv.
vers. 25.

V. 8. IOCANTEM. Quidam interpre-
tantur, licentia maritali, graviter, & hone-
ste, quidem, sed liberius ridentem, lu-
dentem, ac iocantem cum uxore, quam
revera vir gravis & honestus cum aliena
fecisset: unde Abimelech cognoverit ux-
orem fuisse: sed cur cum sore non potuit ita
iocari? Hebræi & Nostri participium *אין*
מצחק, ridens, ludens, iocans, capiunt
pro eo quod viri iacere solent cum uxori-
bus suis, id est pro coniugali actu. Sic ver-
bum *אין* *מצחק* in Pihel Genes. xxxix.
17. sumi volunt. Latini, ut est in Glossis
ludori, dicebant, excellere, seu excitare,
pro cum uxore esse in libertate. Veteres La-
tini venereos actus ludos & iocos voca-
bant. Petronius in Satyrico, pag. 56. *In-
venit me cum fratre ludentem.* Et pag. 72.
*Lusumque puerilem libidinosæ speculabatur di-
ligentia.* Galienus Imperator in Epithala-
mio:

*Ite, agite, o iuvenes, pariter sudate me-
dullis &c.*

Ludite, sed vigilantes nolite extinguere lychnos.

Maximianus Hetruscus Elegia 4. de ami-
ca ad venerem amatorem invitante:

*Quin potius placito noli, inquit, parcere
ludo:*

Parcite tristitias, & renovate iocos.

Sic in epitaphio Sardanapali, *Edæ, bibe, lu-
de*

de, inquit Arrianus Lib. II. *Illud lude molliore quodam, lasciviorque Assris vocabulo expressum aiebant.* Vide Notas Isaaci Grangæi in Iuvenalis Satyrarum VII. pag. 298. Nec Cynicus, aut Crates erat Itzhak, nec Rebecca Hypatia; sed in cubiculo, & honeste congregiebantur: sed reges, ut sunt curiosi, omnia rimantur, & ex alto despicunt.

V. 10. GRANDE PECCATUM. *DUM ascham*, exponunt *ascham*, id est rem, seu culpam, aut penam asilatum, exibilatione, horrore, abominatione dignam, quam omnes dissilunt, exhorreant, abominentur: reatum reddunt. Alii. *delictum adrox*, & turpe scelus. Nonnulli, *piaculum*, id est reatum, imagine scelus, cui expiatione opus esset. Virgilius VI. *Aeneidos*:

Diffusit in feram commissi piacula mortem;
id est crimina, quæ expiatione indigebant, vel propter quæ expiatio debetur. inquit Servius, qui etiam annotat, *piacula dici sacrificia*. Vim & usum nominis *ascham* in sacrificiis dicemus suo loco. Nam ut *piaculum* Latinis *sacrilegium*, & *sacrificium* significat; ita etiam Hebræis *ascham*. Vide Levitici v. vers. 6.

V. 12. CENTUPLUM. *שערים schegharim*, non alibi in Scriptura invenitur in ea significatione qua hic. Ubique *portas* significat; hic vero aiunt esse *modios*, seu *mensuras aridorum maximas*, a quibus aestimarent alias omnes minores mensuras, & in quas etiam ingrederentur reliquæ omnes: dictas a *שער scheghar*, *aestimare*, *reputare*; seu a portis urbium, in quibus fiebant iudicia, quod forsan essent portis additæ, ad quarum normam seu iustitiam reliquæ omnes mensuræ exigerebantur, censerentur, rectificarentur. Hic quidam vertunt: *Et invenit in anno ipso centum modios, seu mensuras*, hoc est centies tantum quantum seminaverat. Alii, *Centum aestimationes*, id est centies tantum quantum aestimaverat, aut expendere: reddidit illud semen centum pro uno. Si puncta negligimus, possit reddi, *Centum bordearum*, vel *centum bordes*; quod Græci exposuerunt *centuplicatum bordum*, pro uno grano centum. *שערים schegharim*, cum scilicet sinistro, *bordes*, Levit. xxvii. 16 & alibi.

V. 14 ET FAMILIÆ PLURIMUM. *עבדו ghabuddab* proprie *servitus*, vel *servitium*. Plurali numero Latini *servitia* ser-

vos vocabant; singulari numero *servitium* multitudinem servorum, auctore Sosipatro, qua voce ulum Ciceronem observant. Hic proprie quadrat. Hebræi nomine *Ghabuddab* intelligunt *servos*, & *ancillas*, item *proventum qui obvenit ex cultura terre*, ut comprehendat agros, vineas, hortos, pomaria, &c.

V. 18. RURSUS FODIT ALIOS PUTIOS. Heb. *Et reversus sunt Itzhak, & Isachar*. Observant phrasim Iebraicam, quod, cum verbum *שבו sibu*, *reverti*, construitur cum alio verbo sequenti tunc adverbiascere, & poni pro *rursus*, *iterum*, *denuo*. Iosue v. 2. *Et revertere, circumcide*; id est, iterum circumcide. Iob vii. 7. *Non revertetur oculus meus ad videre bonum*; id est, non denuo videbit bonum. II. Paralip. xxxiii. 3. *Et conversus fuit, & edificavit excelsa*; id est, iterum edificavit excelsa. Psal. lxx. 20. *Et conversus vivificasti me*; & vers. 21. *Et conversus consolatus es me*. Sed hic est verbum *שבו sibu* cum *samach*. Psal. lxxxiv. 7. *Tu conversus vivificabis nos*. Psal. lxxxvii. 41. *Et reversi sunt, & tentaverunt Deum*. Genes. xxx. 31. *Revertar, pascam gregem tuum*. Ierem. xii. vers. 15. *Convertar, & miserere*. Et cap. xviii. vers. 4. *Conversusque fecit illud*. Ezechiel. viii. vers. 6. *Conversus videbis abominationes maiores*. Isaia vi. 13. *Et revertetur, & erit in combustionem*. Zacharia viii. 15. *Reversus cogitavi*; id est, rursus, denuo, iterum cogitavi: & mille aliis locis. Hæc paulo longius annotare visum, quod Casaubonus Maldonatum fugillat exponentem illud Lucæ xxii. 32. *Et tu aliquando conversus confirma fratres tuos*; id est, iterum atque iterum confirma; pertendens, nec verba, nec ullum Hebraismum tale quidpiam significare. Qui viderit hunc tractantem Hebræa, putabit, si alia nescit, myllem magnum linguæ, qui tamen in hunc, & alios crassissimos & pudentissimos lapsus passim præcipitur. Hebraismus hic vel pueris ipsis pervulgatissimus; quem saltem a suis foritero, Mercero, Avenario, Drusio, ac Genevensibus, & Tigurinis Scholiastis facile discere potuisset. Nam & ipsorum & nostrorum nulli non notus, & passim observatus.

V. 20. EX EO QUOD ACCIDERAT. Heb. *Quia surgati fuerunt*, verbum *פגעו pugu*, *gabat*, cum scilicet sinistro, semel tantum in Scri-

Scri-

Scriptura extat, nempe hic, ubi in formula Hithpabel ponitur. Noster omisit: quidam a *פָּעַי גִּלְשָׁכַח* dextro significatum accerunt, ut sit *fraudulenter*, & *calumniose agere*, contendere, litigare, iurgari, arte sophistica & fraudulenta veste eripere, ac rapere, & alienare. Alii exponunt: Iurgari contumeliose, litigare cum calumnia, contendere calumniis & iurgiis, contumeliis afficere. Quidam reddunt, *Quia fraude egerunt*. Alii, *Quia calumniati sunt inter se*. Qui exponunt, *Et vocavit nomen patris occupationem, detentionem, quia occupaverunt, aut detinuerunt eum*, ex Rabbinico significato & usu verbi desumunt. Plures: *Quia contendere, litigaverunt, rixati sunt*. Verbum in Hithpabel magnam rixam, & contentionem significat. Verum ex hoc versu facile colligitur, verbum *פָּעַי גִּלְשָׁכַח* synonymum esse cum *רִיב רִיב*, quod initio versus ponitur. VOCAVIT CALUMNIAM. *פָּעַי גִּלְשָׁכַח* reddunt litigium, contentionem, iurgium fraudulentum, rixam, controversiam, calumniam. Iosephus pugnam dixit.

V. 26. ET OCHOZATH AMICUS ILIUS. Quidam hic *חֹזַת* achuzath pronomine appellativo, non proprio capiunt; vertuntque: *Et turma, collegium, cæsus, comitatus, societas amicorum eius*, vel *ex amicis eius*. Sic dicta ab *חֹזַת* achaz, apprehendit, tenuit, quod qui comitantur principem, numquam discedant ab eo, sed quasi eum teneant. Alii nomen officii & dignitatis putant: quasi *apprehensorem*, seu *possessorem*, vel *tentorem* dicas, *teniente* Hispanice; nempe vel vicarium regis, seu viceregem aut proregem, præfectum prætorio; vel corporis custodem, aut præfectum cohorti amicorum, vel prætorianis militibus. Quin etiam *פִּיֶּסֶל* picol nomen officii interpretantur, id est *omnis*, vel *omnium*; nimirum summum consiliarium, & interpreterem regiorum oraculorum, per quem omnes os regis consulebant, & qui regis mandata ad omnes referret. Sic quoque Abimelechum commune regum Palestinorum nomen volunt. Nam hunc Abimelechum & Phicolem diversos statuunt ab illis qui transegerunt cum Abraham, cap. xxi. 22. cum intervallum incidat minimum centum annorum. Sed illa ætate non est mirum eisdem esse potuisse. Alit, ut Noster, & LXX. potius nomen proprium esse existimant viri. Achurath, sive Achylas (ex quo for-

tasse nomen Anchysæ patris Aeneæ inditum) quidam suspicantur; quamvis quibidam id nimis curiosum videntur.

V. 33. ABUNDANTIAM. Ecce hic eodem loco, & eidem nomini novam & aliam nominis rationem & significationem ab illa quæ exprimitur Genesis xxi. 31. nimirum a novo eventu, nempe aquarum repertarum abundantia: scilicet *שֶׁבַע* sebahagb dextrum significat septem, & iurare; at *Schabagb* sinistrum, satiari, saturari. Levi pronuntiationis mutatione variatur significatus: qui etiam communis est, quod septenarius numerus, sit numerus saturitatis & plenus; & quod iuramentum plenam & abundantem facit fidem.

V. 35. QUAE AMBÆ OFFENDERANT ANIMUM. *מַרָּב* marab posuit esse nomen substantivum a *מָרַר* marar; unde reddunt: *Et fuerunt amaritudo spiritus ipsi Iizchak, & ipsi Ribbikab*. Alii deducunt a verbo *מָרַר* marar, id est mutare, rebellem & inobedientem esse; & tunc quidam faciunt participium. *Et fuerunt unaquæque earum, mutans, mutabilis spiritus*; id est, erant leves, & inconstantes, vel rebellantes, contradicentes, inobedientes, immorigeræ spiritus, vel spiritu, aut spiritui, id est animi, vel animo. Nonnulli nomen substantivum faciunt: *Et fuerunt mutatio, mutabilitas, contraditio, rebello spiritus ipsi Isaac, &c.* Noster verbum *marab*, solet reddere per *rebellare*, inobedientem esse, provocare ad iracundiam, offendere, protervum, seu contumacem esse, amarum esse; quæ omnia significata mire hic quadrent in nurus Itzachak, quæ loceris erant rebelles, immorigeræ, protervæ, præfractæ, contumaces, amaræ.

MENOCH II.

Verf. 1. SUPER TERRAM, Chanaam ubi degebat. POST EAM. De qua sime supra cap. xxi. ABIMELECH: non ille de quo in eo cap. xxi. sed fortasse eius filius. Credibile regibus Geraræ nomen commune Abimelech fuisse, ut etiam Aegyptii omnes dicti sunt Pharaones. Abimelech significat Pater meus rex: reges enim & patriæ, & subditorum patres esse debent.

V. 2. APPARUIT EI DOMINUS. V u 2 Cur

Cur prohibitus ire Isaac quo pater ipsius Abraham perrexerat, in Aegyptum scilicet? An quod Aegyptiis necessarius fuerat Abraham adventus, ut veræ fidei, & religionis doctrina imbuerentur, nunc vero id minus necessarium? An quod voluerit Deus ostendere quod etiam in rerum inopia, & sterili solo suos alere possit? QUAM DIXERO. Nondum enim pervenerat in Gerara.

V. 3. PEREGRINARE IN EA: ad tempus in ea tamquam peregrinus habita.

V. 5. EO QUOD OBEDIERIT. Hebraica reddi etiam possunt: *Merces*, quod obediens: nam vox Hebraica *אָפְּקָדָה* calcaneum significat, & etiam mercedem, quod sit in opere ultimum. VOCI MEAE, iussioni de necando filio. CAEREMONIAS: tum propriam circumcisionis, tum alias omnibus communes, quas Deus in lege naturæ instituit, quibusque coli voluit. Habuit enim lex naturæ, uti & Moysi, & Christi, suos ritus, sua sacra, & sacramenta.

V. 7. SOROR, cognata. Excusandus ut patet supra cap. xx.

V. 8. IOCANTEM: licentia maritali liberior agentem, quam cum aliena viri graves soleant.

V. 9. MENTITUS. Opinione Abimelech mendacium erat, quia cognationis signatus erat rex.

V. 10. QUISPIAM DE POPULO. Hebr. *Unus populi*, quod aliqui vertunt, *Primus populi*, & de ipso Abimelech intelligunt. LXX. habent, *Aliquis ex genere meo*. GRANDE PECCATUM: gravem culpam, vel gravem poenam.

V. 11. QUI TETIGERIT HOMINIS MUIUS UXOREM. Hebr. *Qui tetigerit virum hunc, & uxorem eius*: & tangendo vocem pro nocendi sumunt Chaldaei & Hebraei. MORTE MORIETUR. Eadem mortis poena postea in lege Moysi statuta.

V. 12. SEVIT, in terra conducta. BENEDIXITQUE EI DEUS; pro, nam benedixerat ei Dominus.

V. 18. QUOS FODERANT. Maluit veteres erudere, & expurgare, quam novos fodere. I. quia certus illic aquæ venam esse. II. quia facilius, & minus invidiosum, quia iuste utebatur paterno labore, nec poterat ei novum opus denun-
tari. III. ut gratam patris memoriam re-

novaret: quare iisdem nominibus appellari voluit.

V. 19. IN TORRENTE. LXX. *in valle*, quam scilicet interfluebat torrens, vel in ipso secco alveo torrentis per metonymiam.

V. 20. NOSTRA EST: quia in nostro solo fodistis. Sed hoc iniuste prætexebant, quia consentientibus foderant. CALUMNIAM. Vox Hebraica significat etiam oppressionem, fraudem, iniustitiam.

V. 21. INIMICITIAS: nam toties iterata vexatio fuit indicium odii inveterati.

V. 22. LATITUDO. Hebr. *latitudines*; quasi dicat, Hic puteus latam, liberam, & immunem a Geraritarum invidia, abundantemque nobis, nostrisque pecoribus dabit adaquationem; ideoque vocetur *Latitudo*. DILATAVIT NOS DOMINUS. Metaphora sumpta a redactis in arcum, qui postea evadunt: sic Psal. IV. 1. *In tribulatione dilatasti mihi*.

V. 23. EX ILLO LOCO, ubi ultimum puteum foderat. IN BERSABEE. Finita sane tandem rediit eo unde propter famem exiverat.

V. 24. DEUS ABRAHAM. Sum verus ille Deus, qui cum parente tuo hic pactum pepigi; vel etiam dicitur Deus Abraham; quasi dicat: Omnes quidem creaturæ meæ sunt, sed tamen apud me unus Abraham plus valet quam omnes alii: itaque gaudeo appellari Deus Abraham.

V. 25. EXTENDIT TABERNACULUM: ut ibi sedem & domicilium figeret. UT FODERENT PUTEUM: quærerent, & eruderent illum quem olim Abraham his locis effoderat.

V. 26. CUM VENISSENT: non tam ut societatem inirent, quam ut specularentur, parati ad bellum, si tenuem, & infirmum; ad frædas, si validum, & potentiorum inveniunt. OCHOZATH. Aliqui putant esse nomen appellativum: unde vertunt, *Et cæcus amicorum eius*. Verum melius LXX. & noster Interpres accipiunt *Ochozath*, quasi nomen proprium. PHICOL. Videtur esse nomen officii potius (ut etiam Abimelech) quam nomen proprium. Erymon, sive interpretatio illius est, *Omnes facies*, quod scilicet omnium militum, quorum dux erat, animi, & oculi in eum converfi. Coniicio fuisse nome-
culi-

officii, quia etiam tempore Abrahamæ rex Geraræ Abimelech, & eius dux Phicolapellabatur supra cap. xxi. 22. qui si iidem sint, ille regnavit, hic vero dux exercitus fuerit plus annis centum.

V. 27. QUEM ODISTIS: quem vos odisse factis ostenditis.

V. 29. NEC FECIMUS QUOD TE LAENDERET. Falsum est hoc, nam ipsi conventibus pastores iniuste ab usu puteorum suorum arcuerant. AUCTUM BENEDICTIONE DOMINI: quia vidimus te auctum, &c. Variab. vertit: *Nam tu es benedictus Domini.*

V. 31. SURGENTES MANE. In iuramenti publici, & solemnisi reverentiam ieiuni, & sobrii præstant iuramentum.

V. 33. ABUNDANTIAM. Vox Hebrææ *saturitatem* significat; quasi dicat: Ex hoc puteo abundantes latices petemus, & saturabimur.

V. 34. DUXIT UXORES, invito patre iam centenario, ipse quadragenarius. Isaac tamen ne filium contristaret, dissimulavit displicentiam, ut ait Iosephus, qui etiam addit, soceros fuisse dynastas Hethæorum, quod est credibile.

V. 35. OFFENDERANT, malis moribus, & contumacia, & quia manebant idololatræ.

TIRINI.

Verf. 19. FODERUNT IN TORRENTE, id est iuxta torrentem, ET REPERERUNT AQUAM VIVAM, puta fontanæ perpetuo scaturientem.

V. 33. APPELLAVIT EUM, puteum, ABUNDANTIAM. Scilicet, ominabatur Isaac, ex hoc puteo, uti pacificam, ita & copiosam pecoribus, ac familiæ adæquationem futuram. ET NOMEN URBIS, puteo illi vicinæ. IMPOSITUM EST BERSABEE; id est, puteus saturitatis, seu abundantie. Idem tamen verbum *Bersabee* paulo vehementiore aspiratione significat etiam *puteum iuramenti*. Unde ex utroque capite urbi illi impositum est nomen *Bersabee*: prius ab Abrahamo cap. xxi. Genes. verf. 31. quia ibi Abraham & Abimelech mutuo fœdus & fidem iurarunt, uti & hoc cap. Isaac eidem Abimelecho, vel filio potius successoris eius, simile fœdus ad eundem puteum iuravit: posterius ab Isaac, hoc loco, &

hoc versu, ubi ex copia aquarum vocavit *puteum abundantie*. Ita Caeteranus, & Tolstus.

V. 35. AMBÆ, uxores Esau, OFFENDERANT ANIMUM ISAAC, ET REBECCÆ. In Hebræo, Chaldæo, & Græco est *offendebant*, nempe quotidie & continuo: cum enim essent ex Hethæis impiis, & idololatræ oriundæ, verosimile est etiam ethnicis & superstitiosis illius gentis ritibus magis quam veri Dei cultui addictas fuisse. Forte etiam, quia primogenito nupsérant, cui imperium in alios iure debebatur, superbia tumidæ non modo spernebant Iacobum, minorem natu, cuiusque modestiæ ac pietati quotidie insultabant; sed socerum quoque, ac socrum, subinde se monentes ac corripientes, ridebant & contemnebant. Unde in Hebræo est: *Erant amaritudo spiritus Isaaco, & Rebecca.*

GORDONI.

Verf. 1. V. Ide cap. xii. de hac sterilitate. Putatur Isaac post mortem patris habitasse in Hebron. Hic narratur nunc venisse in Geraram ad Abimelech, successorem illius de quo cap. xxi.

V. 4. BENEDICENTUR IN SEMINE TUO, hoc est in Christo.

V. 5. EO QUOD OBEDIERIT. Remunerat Deus bona opera.

V. 7. SOROR. Cognatum designat, ut supra cap. xx. de patre, ubi de hoc loquendi modo.

V. 8. LOCANTEM, hoc est, liberius & blandius agentem cum ea.

V. 9. Isaac videtur Regi mensitus; sed fallitur Rex.

V. 12. CENTUPLUM. Locupletatur Isaac, dum pro una mensura centum colligit mensuras. Fertilis quidem terra illa erat; sed accessisse hic videtur peculiaris Del providentia erga Isaac, præsertim hoc tempore sterili, ex verf. 1.

V. 18. QUOS FODERANT. Placuit ei potius veteres purgare puteos, quam fodere novos.

V. 19. IN TORRENTE: sorte in alveo siccæ torrentis. AQUAM VIVAM, sponte scaturientem invenerunt servi Isaac.

V. 20. NOSTRA EST: quia nempe in nostro solo est.

V. 22. LATITUDO, designat tum ab undan-

undantem aquam, tum libertatem a rixa.
V. 23. Exacta fame, redit Iacob unde digressus est.

V. 27. Nocuerunt, & profitentur se amicos.

V. 32. INVENIMUS AQUAM. Sept. non invenimus, *ἐν τῷ ὕδατι*; tamen in Regiis, & Complutensi est *וַיִּנְּנוּ*, *nuntiaverunt ei*; non autem *וַיִּנְּנוּ*, quod est non.

V. 33. ABUNDANTIAM. Hic apud Septuaginta est vox, *ἰσχυρὸν*, *ignos*. Hieronymus vertit *abundantiam*. Verum Hebr. *שֶׁבַע* *shebabb*. Prout *ש* habet punctum in sinistro, vel dextro cornu, significabit *abundantiam*, vel *iuramentum*. Cum ergo tempore Hieronymi non essent puncta, potuit vox utroque modo intelligi.

Ergo Septuaginta concipientes punctum in dextro cornu, vertunt *iuramentum*; sed propterea non voluerunt dicere puteum vocari iuramentum; sed designaverunt hoc modo loquendi, repertam eodem die aquam, & iuramentum interpositum, *verf. 31.* & ita sensum dant verum. BERSABEE. Vide supra XXI. ubi hoc nomen putro impositum est. Nunc vero urbi imponitur ab Ilaaco; aut si (ut aliqui suspicantur) fuit antea ab Abrahamo nomen Bersabee impositum urbi, potuit etiam iterum imponi ab Ilaaco, facta mutatione in sono littere *ש* ut antea diceretur *בְּאֵר שֶׁבַע*, *Beer shebabb*, puteus iuramenti; postea vocaretur *בְּאֵר שֶׁבַע* *Beer shebabb*, puteus abundantis.

C A P U T XXVII.

Iacob matris consilio benedictionem loco Esau accepit; ad cuius odium fugiendum moneatur a matre ut in Haran ad Laban concedat.

Senuit autem Isaac, & caligaverunt oculi eius, & videre non poterat; vocavitque Esau filium suum maiorem, & dixit ei. Fili mi? Qui respondit, Adsum. 2. Cui pater, Vides, inquit, quod sensuerim, & ignorem diem mortis meae. 3. Sume arma tua, pharetram, & arcum, & egredere foras: cumque venatu aliquid apprehenderis, 4. fac mihi inde pulmentum sicutve Ille me nosti, & asser ut comedam, & benedicat tibi anima mea antequam moriar. 5. Quod cum audisset Rebecca, & ille abiisset in agrum ut iustionem patris impleret, 6. dixit filio suo Iacob: Audiui patrem tuum loquentem cum Esau fratre tuo, & dicentem ei: 7. Asser mihi de venatione tua, & fac cibos ut comedam, & benedicam tibi coram Domino antequam moriar. 8. Nunc ergo fili mi, acquiesce consiliis meis, 9. & pergens ad gregem, asser mihi duos hœdos optimos, ut faciam ex eis escas patri tuo, quibus libenter vescitur: 10. quas cum intuleris, & comederit, benedicat tibi priusquam moriatur. 11. Cui ille respondit: Nosti quod Esau frater meus homo pilosus sit, & ego lenis. 12. Si attrectaverit me pater meus, & senserit, timeo ne putet me sibi voluisse illudere, & inducam super me maledictionem pro benedictione. 13. Ad quem mater, In me sit, ait, ista maledictio, fili mi: tantum audi vocem meam, & pergens asser quæ dixi. 14. Abiit, & attulit, deditque matri. Paravit illa cibos, sicut velle noverat patrem illius. 15. Et vestibus Esau valde bonis, quas apud se habebat domi, induit eum, 16. pelliculaeque hœdorum circumdedit manibus, & colli nuda protexit. 17. Deditque pulmentum, & panes, quos coxerat, tradidit. 18. Quibus ill-

is,

tis, dixit, Pater mi? At ille respondit: Audio. Quis es tu fili mi? 19. Dixitque Iacob: Ego sum primogenitus tuus Esau: feci sicut præcepisti mihi: surge, sede, & comede de venatione mea, ut benedicat mihi anima tua. 20. Rursusque Isaac ad filium suum, Quo modo, inquit, tam cito invenire potuisti, fili mi? Qui respondit: Voluntas Dei fuit ut cito occurreret mihi quod volebam. 21. Dixitque Isaac: * Accede huc, ut tangam te fili mi, & probem utrum tu sis filius meus Esau, an non. 22. Accessit ille ad patrem, & palpatum eo dixit Isaac: Vox quidem, vox Iacob est; sed manus, manus sunt Esau. 23. Et non cognovit eum, quia pilosæ manus similitudinem maioris expresserant. Benedicens ergo illi, 24. ait: Tu es filius meus Esau? Respondit, Ego sum. 25. At ille, Affer mihi, inquit, cibos de venatione tua, fili mi, ut benedicat tibi anima mea. Quos cum oblatos comedisset, obtulit ei etiam vinum: quo hausto, 26. dixit ad eum: Accede ad me, & da mihi osculum, fili mi. 27. Accepit, & osculatus est eum. Statimque ut sensit vestimentorum illius fragrantiam, benedicens illi, ait: Ecce odor filii mei sicut odor agri pleni, cui benedixit Dominus. 28. Det tibi Deus de rore cæli, & de pinguedine terræ, abundantiam * frumenti, & vini. 29. Et serviant tibi populi, & adorent te tribus: esto dominus fratrum tuorum, & incurvantur ante te filii matris tuæ. Qui maledixerit tibi, sit ille maledictus; & qui benedixerit tibi, benedictionibus repleatur. 30. Vix Isaac sermonem impleverat, & egresso Iacob foras, venit Esau, 31. coelosque de venatione cibos intulit patri, dicens: Surge pater mi, & comede de venatione filii tui, ut benedicat mihi anima tua. 32. Dixitque illi Isaac: Quis enim es tu? Qui respondit: Ego sum filius tuus primogenitus Esau. 33. Expavit Isaac stupore vehementi, & ultra quam credi potest, admirans, ait: Quis igitur ille est qui dudum captam venationem attulit mihi, & comedi ex omnibus priusquam tu venires? Benedixitque ei, & erit benedictus. 34. Auditis Esau sermonibus patris, irrugit clamore magno; & consternatus, ait: Benedic etiam & mihi, pater mi. 35. Qui ait: Venit germanus tuus fraudulenter, & accepit benedictionem tuam. 36. At ille subiunxit: Iuste vocatum est nomen eius Iacob: supplantavit enim me in altera vice: (a) primogenita mea ante tulit, & nunc secundo surripuit benedictionem meam. Rursumque ad patrem: Numquid non reservasti, ait, & mihi benedictionem? 37. Respondit Isaac: Dominum tuum illum constitui, & omnes fratres eius servituti illius subiugavi; frumento, & vino stabilivi eum: & tibi post hæc, fili mi, ultra quid faciam? 38. Cui Esau: Num unam, inquit, tantum benedictionem habes, pater? Mihi quæque obsecro ut benedicas. Cumque eiulatu magno fletu, 39. motus Isaac, dixit ad eum: (b) In pinguedine terræ, & in rore cæli desuper, erit benedictio tua. 40. Vives in gladio, & fratri tuo servies: tempusque veniet, cum excutias & solvas iugum eius de cervicibus tuis. 41. Oderat ergo semper Esau Iacob pro benedictione qua benedixerat ei pater: dixitque in corde suo: (c) Venient dies luctus patris mei, & occidam Iacob fratrem meum. 42. Nuntiata sunt hæc Rebecæ: quæ mittens, & vocans Iacob filium suum, dixit ad eum: Ecce Esau frater tuus minatur ut occidat te. 43. Nunc ergo, fili mi, audi vocem meam, & confurgens fuge ad Laban fratrem meum in Haran: 44. habitabisque cum eo dies paucos, donec requiescat furor fratris tui,

tui, 45. & cesset indignatio eius, obliviscaturque eorum quæ fecisti in eum : postea mittam, & adducam te inde huc. Cur utroque orbabor filio in uno die? 46. Dixitque Rebecca ad Isaac : (d) Tædet me vitæ meæ propter filias Heth: si acceperit Iacob uxorem de stirpe huius terræ, nolo vivere.

(a) Sup. xiv. 35. (b) Hebr. xi. 17. (c) Abd. 2. 20. (d) Sup. xxvi. 35.

B R U G E N S I S

ROMANÆ CORRECTIONES.

V. 12. *Et inducam super me maledictionem.* Non est mutanda prima persona inducam cum tertia inducat.

V. 21. *Accede huc, ut tangam te.* Pro adverbio *huc* alii libri habent *ad me*, minus recte.

V. 28. *Frammenti, & vini.* Omittit quod sequitur in quibusdam libris *& olei*. Idem usus venit infra vers. 37.

C O M M E N T A R I A

S A.

Vers. 2. **V**IDES QUOD SENUERIM. Hebr. *Eccē ego senui*, & ignoro, &c.

V. 4. **P**ULMENTUM, id est cibos.

V. 7. **C**ORAM DOMINO; id est, Domino approbante & favente.

Vers. 8. **A**CQUIESCE CONSILIIS MEIS. Hebr. *Audi vocem meam in eo quod præcipio tibi.*

V. 11. **P**ILOSUS. Hebr. *šair* שַׁיִר unde mons Seir.

V. 13. **I**STA MALEDICTIO. Hebr. *Maledictio tua.*

V. 16. **N**UDA. Hebr. *levitatem*, seu *levitorem*.

V. 17. **C**OXERAT. Hebr. *paraverat*.

V. 19. **P**RIMOGENITUS, scilicet quantum ad ius successionis, quod emerat.

V. 23. **B**ENEDICENS, id est cum vellet benedicere.

V. 27. **C**UI BENEDIXIT DOMINUS, id est qui a Domino refectus est variis floribus.

V. 28. **R**ORE. Videtur etiam pluvia intelligenda, & reliqua quibus terra e caelo fecundatur. **P**INGUEDINE, id est fertilitate. Gotth. addit *& olei*.

V. 30. **V**IX ISAAC. Hebr. *iam Isaac*.

ET EGRESSO. Hebraice, *simul ac egressus*.

V. 34. **I**RRUGIIT. Hebr. *clamavit*.

CONSERNATUS. Hebraice, *vehementer amaro*.

V. 35. **F**RAUDULENTER. Fraus qui-

dem videbatur, sed revera mysterium fuit, Deo rem totam disponente.

V. 39. **B**ENEDICTIO TUA. Hebraice, Chald. & LXX. *habitatio tua*.

V. 40. **V**IVES IN GLADIO; id est, eris vir bellicosus. **E**XCURIAS. Id factum sub Ioram Rege Iuda. Vide IV. Reg. 8.

V. 41. **L**UCTUS; pro, mortis, in qua lugeri solet.

E S T I I.

Vers. 11. **E**T EGO LENIS. Sic legendum per *n* consonantem, & non *u* vocalem, & vox ea significat qualitatem asperitatis corporis contrariam, sicut & vox Græca *δυσος*.

V. 12. **E**T INDUCAM SUPER ME MALEDICTIONEM PRO BENEDICTIONE. Sic in prima persona legunt etiam Hebr. Græc. Chald.

V. 14. **P**ARAVIT ILLA CIBOS, SICUT VELLE NOVERAT PATREM E-IUS. Non hoc gulæ erat, sed appetebatur, & parabatur quod, & qualiter senili corpori conveniebat.

V. 15. **E**T VESTIBUS ESAU VALDE BONIS. Hebræorum traditio est olim ad primogenitos pertinuisse ius sacerdotii, ut testatur Hieronymus in Tradit. Hebr. super Genesim, & in epist. cxxvi. ad Evagrium, fuisseque has vestes Esau velut sacerdotales. Sed eam traditionem vanam esse vide I. Paralip. v. & in IV. distinct. xxv. ubi de simonia agitur. Item Exodi

xix.

xi. & xiv. Primogeniti erant familiarum principes. Ergo non est verisimile quod erant sacerdotes: quia etsi interdum idem esset rex & sacerdos, ut Melchisedech, id tamen perarum erat, eo quod officia sint valde diversa, nec in eandem personam, ut fere sunt mores, ingenia, & occupationes hominum, facile conveniant. Unde nullo modo verisimile est in lege naturæ id fuisse communiter receptum. Item si primogenito ius sacerdotii debebatur, Scriptura alicubi meminisset: sæpe enim de primogenitis loquitur cum significatione dignitatis præ aliis fratribus, nec tamen sacerdotii meminit.

V. 19. EGO SUM PRIMOGENITUS TUUS ESAU. Quæstio vetus est an Iacob hæc verba loquens mentitus sit. Origenes simpliciter mendacium agnoscit Lib. VI. Stromaton, dicens, Iacob Patriarcham benedictione patris artificioso impetrasse mendacio. At Augustinus ita patrociniū eius suscipit ut omnino a mendacio excusandum putet. Unde de hoc facto Iacob disserens cap. x. Libri contra mendacium ait: *Iacob quod matre fecit auctore, ut patrem fallere videretur, si diligenter, & fideliter attendatur, non est mendacium, sed mysterium. Quæ si mendacia dixerimus, omnes etiam parabola, ac figure significandarum quarumcumque verum, quæ non ad proprietatem accipiendæ sunt, sed in eis aliud ex alio intelligendum, dicuntur esse mendacia.* Augustinum sequitur Magister Sententiarum Lib. III. & Thomas in II. II. ubi de mendacio disputat. Sed huic excusationi obstat, quod mysterium in historia latens non tollit sensum historicum, sicut in Historia Saræ & Agar. Et proinde aut inveniendum est quomodo secundum historiam Iacob non fuerit mentitus (id quod multi offendere conantur, quia Iacob, etsi non nativitate, iure tamen emptionis erat primogenitus) aut si id per singula eis dicta inveniri non potest, non videtur omnino a mendacio posse excusari.

V. 33. BENEDIXI EI, ET ERIT BENEDICTUS. Istud est quod Apostolus ad Heb. xii. dicit Esau reprobatum, hoc est repulsam passum a patre nolente ei benedictionem impertiri, quam ut primogenitus expectabat. Hanc enim peccam meretur homo profanus, hoc est carnalis, & ventri deditus, quod primogenita sua tam

vili vendidisset. Noluī autem pater datam alteri benedictionem revocare, quamvis ignorans, & deceptus eam dedisset; sed potius eam confirmavit: quia cognito eo quod Iacob fecerat, cum paululum oblituisse, statim tamquam Propheta animadvertitrem a Deo geri, volente per hunc modum ostendere, ratum se habere responsum, quod olim Rebecæ uxori ipsius se consulenti reddiderat, de præminencia filii minoris. Ita D. Thomas & alii. Vide de hisctiam plura, si placet, in Comment. nostro ad Hebr. xii.

V. 37. DOMINUM TUUM ILLUM CONSTITUI. Non hoc in ipso Esau impletum est sed vix tandem in eius posteris, subiugatis Idumæis a rege David, II. Reg. viii. qui tamen paulo post sub regem iterum iugum excusserunt; de quo similiter hic prophetat Isaac, dicens: *Veniet tempus cum excutias iugum eius.*

V. 43. NUNC ERGO, FILI MI, AUDI VOCEM MEAM. Hinc discit quod certitudini finis consequendi non repugnat sollicita provisio mediorum, & evitatio contrariorum. Certa erat sancta mulier de divino oraculo (*Maiores servavit minori*) & tamen eum monet ut fugiat iram fratris, ipsum volentis occidere. Itaque & divina prædestinatio non tollit quoque, sed magis statuit studium bonorum operum, utpote quæ Scriptura docet esse media necessaria ad finem prædestinationis, scilicet ad salutem.

M A R I A N A E.

Perf. 3. SUME ARMA TUA, PHARETRAM. *תִּקַּח חֶבֶל יְחִיעֶל* deducitur a verbo *תָּקַח* *thalah*, quod est *suspendere*: sic cum pharetra & gladius suspendantur, *Heron.* & *Sept.* dixere *pharetram*; *Chald.* & *Hebræi* sere *gladium* exposuerunt.

V. 7. BENEDICAM TIBI CORAM DOMINO: vere, & ex animo: vel, ut precer Deum ut omnia tibi prospera cedant.

V. 12. ET EGO LENIS. Mallem *lenis*, ut Respond. in Vincent. putat legendum: sic *Sept. vir lenis*, *λαγνός*.

V. 12. INDUCAM. *Hebr.* sic, & sic *Sept.* & *Chald.* quasi dicat: Videbor illi imposter, meque execrabitur.

X x

V. 15.

V. 15. ET VESTIBUS ESAU VALDE BONIS. Hebraei putant has vestes sacerdotales, quibus maiores filii instaurabant sacrificia. Hieron. in Tradit.

V. 16. COLLINUDA; scilicet, pilis nuda texit.

V. 18. AT ILLE RESPONDIT, AUDIO. Hebraica sic: *Et dixit, Pater mi. Et dixit, Ecce ego. Quis es tu fili mi? Deest respondit*, scilicet Isaac, Audio.

V. 21. Affer mihi, inquit, cibos. Hebraice, *Affer mihi, & comedam de venatione.*

V. 26. DA MIHI OSCULUM. Hebr. *Osculare mihi*, in dativo, qua forma Hebraeus Schol. ait significari osculum manui, aut humero impressum: nam osculum oris cum accusativo exprimi debuit, ac dici, *Osculare me.*

V. 27. CUI BENEDIXIT DOMINUS. Qui ager, scilicet a Domino variis floribus vestitus est, ea est agri benedictio.

V. 28. ABUNDANTIAM FRUMENTI, ET VINI. Gotth. addit *& olei*, sed non est in Hebraeo, neque in Sept. neque infra vers. 37. ubi repetuntur eadem verba.

V. 33. ET ULTRA QUAM CREDI POTEST: additum ab Interprete.

V. 34. BENEDIXIT ETIAM ET MIHI, PATER MI. Hebr. *Benedic mihi etiam ego pater mi.* Apophthegma repetita vers. 38. suppleendum, etiam ego attuli cibos; vel, sum filius tuus.

V. 36. IUSTE VOCATUM EST NOMEN EIUS IACOB. Ab ortu dictus est sic, quia tenuit fratris plantam, quæ *אָפּי hekeb* vocatur; nunc a supplantando vocat Iacob, quod verbum *אָפּי bakab* significat, Paronomasia.

V. 39. IN PINGUEDINE TERRAE, ET IN RORE CAELI DESUPER, ERIT BENEDICTIO TUA. Hebr. *De pinguedine terræ erit habitatio tua, & de rore caeli desuper*; quasi dicat: In pingui solo, & pluviis irriguo habitabis.

V. 40. CUM EXCURTAS. Id factum sub Ioram Rege IV. Reg. VIII. cum Idumæa rebellavit contra Iudeos.

V. 41. VENIENT DIES LUCTUS, id est mortis patris, quo tempore lugeri defuncti solent.

V. 42. MINATUR UT OCCIDAT TE. Hebr. *Consolatur se contra te ad occidendum te*; hoc est, sola spe vindictæ se oblectat,

quod Hieron. & Sept. dixerunt *minatur*, ad lententiam respicientes.

V. 43. IN HARAN. Hic rursus cum aspiratione densissima hæc vox scribitur. Hebr. Sept. *Charran*.

V. 44. CUM EO DIES PAUCOS. Hebr. *unos dies*, qui est etiam Hispanismus, ex uniate sumptus, quæ modica est, nempe numeri principium.

V. 46. SI ACCEPERIT IACOB UXOREM DE STIRPE HUIUS TERRAE. Hebr. *Si acceperit Iacob uxorem de filiabus Hebr.* sicut ille ex filiabus terræ. Sicut ille, nempe uxores Esau; vel sicut ille, quæ in hac regione vivunt.

M A L V E N D A E.

Vers. 1. CALIGAVERUNT. *כָּהָה cabah* in Kal sexies occurrit. Noster hic Deuter. xxxiv. 7. lob xvii. 7. *caligare*, Isaac xli. 4. *tristem esse*, Zachariae xi. 17. *tenebrescere, & obscurari*, convertit. Quidam *obscurum* & *turbidum esse* aiunt: unde hic reddunt, *Et obscuri fuerunt oculi eius, vel turbidi fuerunt*. Alii, *contrahi, stringi, rugari, corrugari, contrahi in rugas exponunt: Et rugarunt, contrahii in rugas fuerunt oculi eius*, ut sit humore exhausto.

V. 3. ARMA TUA. *כֶּלִי cheli*, vas, generaliter significat omne vas, instrumentum, suppellectilem, utensilia, & quidquid in usum hominis paratur, consummatur, perficitur; estque vas, non tantum ad excipendum liquorem, seu liquorum capax, sed etiam quodcumque vas, seu instrumentum ad domesticos usus, vel ad alia comparatum. Hinc ponitur pro armis, pro ornatu, &c. Latini quoque *vasa* appellaverunt omnem suppellectilem, & arma, ut *conclamare vasa*. Hinc Paulus dicitur *vas electionis*, id est lectissimum instrumentum, & organum: & Roman. vi. 13. *Et membra vestra arma insitite*; id est instrumenta. Hic *vasa tua*, id est instrumenta venatoria, & omnem venationis apparatus. P. M. A. RETRAM. *חֵרֶץ chelitz* omnes pharetram interpretantur. Suspicio mihi est, ne consentiente voce, sit illud quod Hispanice dicimus *tabeli*, nempe *cingulum*, seu *balteus* aureis, aut argenteis bullis ornatus, quem transversum ab humero in latus milites, vel venatores, aut qui se fortes iactant, de-

deicere solent, sic dictus a חֶלֶב *talab*, *suspender*, quod ex eo gladios, enses, & alia arma suspensa, & nunc sclopetos minores, seu pistolas, deferrent. Virgilius XII. Aeneidos:

... humero cum apparuit alto
Baltor, & notis fulserunt cingula bullis.

Alibi vox *iheli* in Scripturis non extat.

V. 4. PULMENTUM. Plurale מַטְמָמִים *matghammim* masculinum, & מַטְמָמוֹת *matghamoth* feminine septies tantum in Scripturis legitur, & Noster semper *cibos, escas, pulmentum* exposuit. Consentiant, esse cibos sapidos & gratos palato, pulmenta sapida, edulia delectabilia, cibos conditos, exquisitos, delicatos, suaves palato dum gustat, cupedias, lautities, reddunt. Hinc putant, Græcos suas *matyas*, id est cibos lautos, delicatos, conditos, opiparos, de quibus Athenæus Lib. XIV. cap. xxiii. defumplisse. *Mattæas* vocat Terullianus cap. iv. de Testimonio animæ, & *matyolas* Atrobus Lib. VII. adversus gentes. Matthæas mentio apud Senecam patrem, Controversia 27. & apud Martialem Lib. X. epigram. 59. Quidam *matyas* in iis auctoribus legendum potius volunt. *Matæas* etiam Sveronii in Caligula, cap. xxxviii. existimant. Vide Proverbium *matyazin*, & interpretes Martialis.

V. 11. ET EGO LENIS. חֶלֶב *chalak* proprie *disperitius, drosus, diffusus, glaber, blandus, mollis, lubricus, levigatus, levis*.

V. 12. ATTRACTAVERIT ME. שָׁשׁ *maschashch*, *contrellavit, attraxit, tenuavit, palpavit*. Eo verbo usum voluit Christum Lucæ xxiv. 38. *Contrellate me, palpite me*. Et Ioannes I. Epist. i. 1. reddidit: *Quod manus nostræ contrellaverunt*. NE PUTET ME SIBI VOLUISSE ILLUDERE. Heb. *Et ero in oculis eius, sicut, tamquam, quasi errare faciens*; id est, tamquam seducens, seductor, impostor, deceptor; alii, *subannator, illusor, derisor*. Participium Pihel geminatum מַתְבַּחֵם *methbagh-tem*, turpem & indignam admodum impollutam, & quæ gravissimum ei detrimentum posset inferre, significat. MALEDICTIONEM, *levigationem, scilicet honoris, & bonorum, vel vilipensionem, despectum, contumeliam*. Maledictionem solent vertere, seu execrationem. PRO BENEDICTIONE.

Quidam hic reddunt, *Et non ausionem*, ut apponatur alleviationi.

V. 20. VOLUNTAS DEI FUIT UT cito OCCURRERET MIHI QUOD volebam. Heb. *Quia occurrere fecit Ens potentissimus tuus facibus meis*; id est, quia Deus fecit ut cito mihi occurreret præda, quam captam paravi tibi in cibum. Alii: *Nam occurrere se fecit Dominus Deus ante me*; vel *se mihi obtulit*: mihi adfuit, præstō fuit, Deo iuvante cepi statim prædam. Non tam recte.

V. 28. FRUMENTI. דָּגָן *dagan*, aiunt esse generale nomen, ut Latini *frumentum*, compendique omnes fruges terræ nascentes in arstis, quarum grana tribulis excutiantur, & in borrea reponuntur. *Frumenta*, inquit Servius, sunt omnia, quæ ex se mittunt aristas; nec a frugibus distinguenda.

V. 29. QUI MALEDIXERIT TIBI, SIT ILLE MALEDICTUS. Heb. singulari phrasi, *Maledicentes tibi, maledictus*; id est, quisque seorsim & sigillatim ex tibi maledicentibus, sit ille maledictus: nedum cum reliquis communi una involvatur maledictione, sed per se cum sua quemque maledictio tangat, ac si eum solum esset invasura: qui modo loquendi significatum auct. Eodem modo subiungit de benedictionibus.

V. 33. EXPAVIT. חָרָה *chamad* aiunt proprie significare commotionem apertam, & visibilem, ac manifestam, vel corporis, vel animi, vel utriusque simul, sive ex pia cura & sollicitudine, sive ex metu mali subito maxime natam & ortam; & esse contrarium quieti & tranquillitati: verbo tremendi, seu trepidandi in Kal reddendum putant. Nunc in bonum, nunc in malum sumi volunt, pro anxio esse & sollicitum quocumque modo. In bonum accipi notant, II. Regum iv. 13. *Ecce tremuisti, trepidasti, ad nos omnem tremorem istum*; id est, pia & officiosa tumultuatione circa nos tumultuata & commota est, quod tamen alii reddunt: *Ecce adhibuisti erga nos totam hanc sollicitudinem*; seu in nos omni hac sollicitudine usa es: de pia & officiosa Sunamitidis hospitæ Elizæ cura & anxia sollicitudine, & sedulitate, in eo excipiendo: quod Noster expreilit: *Ecce sedula in omnibus ministrasti nobis*. Atqui existimant Christum ad hoc Sunamitidis factum respicientem, hoc eodem verbo usum, & similem phrasim usurpasse,

passio, Lucæ x. vers. 41. quod tamen Lucas explicandi causa duobus verbis exprimere studuerit: *Martha Martha sollicita es, & turbaris*, seu *tumultuaris*, circa multa. Vide cap. xix. vers. 16. Quidam istud verbum, per *tremiscere* convertunt, cum quis ita tremiscit, ut continuo motu agitetur, neque loco subsistere queat. Aliqui *currendi*, & *festinandi* significationem etiam ei assignunt, quod fit in trepidatione. Observavi verbum *charad* in Kal, ut hic ponitur varie a nostro transferri. I. Sam. xvi. 4. *admirari*, Genesis xlii. 28. *turbari*, Exod. xix. 16. Iudicum vii. 3. *Eldæ* ix. 4. *timere*, Osee xi. 10. *formidare*, Isaïæ lxxvi. 2. & 5. *tremere*, Exodi xix. 18. *terribilem esse*, Ezechiel. xxvi. 16. *attonitum esse*, I. Samuel. xlii. 7. *perterriti*, Osee xi. 11. *avolare*, Isaïæ xix. 16. Ezech. xxvi. 18. *stupere*, Isaïæ xxxii. 11. cap. xlii. 5. Ezechiel. xxxii. 10. I. Samuel. xiv. 15. cap. xxi. 1. Isaïæ x. 29. *obstupescere*, I. Samuel. iv. 13. Iob xxxvii. 2. *pervere*, I. Samuel. xxviii. 5. Ruth ii. 8. & hic, *expavere*, II. Reg. iv. 13. *sedulo ministrare*. Hic ergo quidam vertunt: *Et tremuit Itzhak tremore magno vehementer*; id est, commotus seu turbatus est. Sic etiam LXX. ἰσχυρῶς reddiderunt, quod, monente S. Angustino, commutationem, seu commotionem mentis significat, id est raptum & extasim. Alii: *Et formidavit Itzhak formidine magna valde*. Nonnulli: *Et commotus est Itzhak commotione magna valde*.

V. 34. **BENEDIC ETIAM ET MIHI, PATER MI.** Heb. *Benedic mibetiam, ego, pater mi*. Quidam exponunt: *Etiam ego filius tuus sum, pater mi*. Alii volunt vocem ego esse expletivam particulam, & augere affectum: *Benedic mihi, mihi quoque, pater mi*. Vide supra cap. xxiv. vers. 27. & I. Samuel. xxv. vers. 24. & Psalm. cxviii. vers. 14.

V. 36. **IUSTE VOCATUM EST NOMEN EPIUS IACOB, SUPPLANTAVIT ENIM ME.** גַּבְרָא *ghakab* in Kal quater tantum legitur in Bibliis; & Noster *supplantare* semper exponit. Nonius: *Supplantare dictum est quasi pedem supponere*. Lucilius Lib. XXIX. *Supplantare aiunt, Græci ὑπονομιζω dicunt*. M. Tullius de Officiis Lib. III. *Contendere debet, quam maxime potest, ut vincat, supplantare eum quicum certat; at manu pellere nullo modo debet*. Aiunt ver-

bum *ghakab* proprie esse *conculcare*, *persuadere*, *supplantare*, *calcaneare*; id est, calcaneo ferire, contundere, premere, vel, si mavis, *calcicare*. Alii. *apprehendere*, *tenere* *calcaneo*, proprie *calce intorquere*, & *persuadere*. Nonnulli, *tortuosum esse*, & *postergare* exponunt, vel *pravum*, *asperum*, *disortum*, *obliquum*, *inequale*, *calcato asperum*, & *indomitum esse*. Metaphorice, *circumvenire*, *decipere*, *seducere*, *callide*, *astute*, *fraudulenter*, *verjute agere*: quod *supplantare* nostri dixerunt. Verum etymon exprimitur supra cap. xxv. vers. 26. ab apprehendendo & tenendo plantam seu calcaneum. Hic: *Calcnavit me iste duobus idibus*; id est, conculcavit me duobus ictibus. Hispanice, *Ta me a dado dos golpes*; vel *supplantavit me duobus vicibus*: Hebraice *zancadilla*.

V. 40. **VIVES IN GLADIO**; id est, inquietam vitam ages, & fines tuos armis tueri cogeris. **TEMPUSQUE VENIET CUM EXCURTIAS, ET SOLVAS IUGUM EUS DE CERVICIBUS TUIS.** Hic certant grammatici. Quidam reddunt: *Et erit quod descendere facies, & abrumpes iugum eius de collo tuo*; id est *excuties*. Alii: *Et erit quando initeris, firmaberis vires acquisieris, defricabis iugum eius a collo tuo*. Aliqui: *Et erit quum planges, lamentaberis, abrumpes iugum*, vel *abrumpendo excuties*, &c. id est, quum duram, molestam, & lamentabilem servitutem aliquam tu sustinueris, ad cuius gravitatem coactus fueris ingemere. Synecdoche. Vide II. Samuel. viii. vers. 13. Putant respexisse hic Patriarcham ad gravem illam calamitatem de qua II. Reg. iii. vers. 27. quum filius regis Idumæorum, captus a Moabitarum rege, fuit in Kircharefetha in holocaustum oblatum: unde indignatio gravis, ac non multo post defectio a regno Iehudæ consecuta est. Sic, inquiunt, usus servatur antecedentis particulæ *Et erit*, & propria verbi Hebraici ratio, utlegitur Psalm. ltv. 3. ut illud taceamus quod magis prophetiam illam auctoritatem redolet, si hoc antecedens liberationis signum dixeris prænuntiari. Plei que: *Quum extenderis, aut extendere facies*, subaudi dominium, vel terminos tuos: *quum dominaberis*, & *abrumpes iugum eius*, &c. **ET SOLVAS. פָּרַשׁ פְּרוֹאֵה, rumpere, abrumpere, abstrahere, auferre**; & metaphorice, *eripere*, *lucrare*, *redimere*; signifi-

gnificare notant. Alii *conterendi, frangendi, confringendi* significatum ei attribuant. Nec desunt qui, *defricare, abrumperere fricando, fricare* exponant; quemadmodum pecora, vel iumenta cum parieti, vel arbori sese affricant deterendo iugum. Ridicule: nam nih! nisi sonus & similitudo vocum eos movit. Quando varicinium huius versus impletum fuerit, abunde hic explana- tores disserunt. Nonnulli sub Iehoramore- ge Iudæ volunt, II. Reg. vii. vers. 20. Existimo, quando ritus, religionem, & Israelitica sacra susceperunt, sub Hircano pontifice. Iosephus Lib. XIII. Originum, cap. xvii. Hircanus vero etiam Idumæa ur- bes cepit Adora, & Marisam; subiungitque omnibus Idumæis edixit ut circumciderentur nisi mallet e propriis sedibus pelli. At illi amore patriæ admiserunt & circumcissionem, & reliquam iuxta Iudaicos ritus vivendi for- mulam; atque ex eo primum tempore inter Iudeos censeri cepti sunt. Strabo Lib. XVI. pag. 523. Iudeæ extrema occidentalia Cæso- moxi proxima Idumæi occupant. Idumæi quid- em Nabatheï sunt; per seditionem autem inde eieciti, Iudeis se adiunxerunt, & eorum leges amplexi sunt.

V. 41. OPERAT ERGO. *וַיַּעַם* satam aiunt idem esse quod *וַיַּעַם* satan, id est adversari impediendo, seu adversando impe- dire: unde hic reddunt: *Adversatus est impediendo Esau Jacob*: in omnibus se illi adversarium ostendebat, illi obstant, eique se opponens, ac intestino odio eum prose- quens.

V. 42. MINATUR UT OCCIDAT TE. Heb. *Consolans se sibi, vel de te, ad interficere te*, simili phrasi Isaïæ 1. 24. *Con- solabor super hostibus meis, & vindicabor de inimicis meis*. Hispanice apte exprimimus: *Se a acortado de ti para matarte*.

V. 46. TAEDET ME VITAE MEAE PROPTER FILIAS HETH. *וַיִּקַּץ* katz in Kal, ut hic ponitur, novies tantum in Scri- ptura ponitur; & Noster diverse reddidit. I. Reg. xi. 25. & Exod. 1. 13. *odire*, Proverb. 11. 11. *abdicere*, Levitici xx. 23. *abominari*, Isaïæ vii. 16. *detestari*, Numer. xxi. 5. *nauscare*, Num. xxii. 3. *non posse ferre*, Isaïæ xviii. 6. *astutare*; quamquam alii id velint esse a *וַיִּקַּץ* katz; hic vero *sedere*. Omnia ista significata huic locore- ste conveniunt: *Tædet me vitæ meæ: odio habeo, abominor, detestor, nausco, astuo,*

abicio, ferre non possum vitam meam. Alii: *Angustus afflatus sum in vita mea*. Quidam: *Fasidio habui vitam meam*. Nonnulli: *Suc- cisa sum in vita mea*; vel *finis vitam meam*; vel *finis sum in vita mea*. Hispanice, *Ac- bada me tienen la vida*. Nonnulli: *Com- puncta fui per vitam meam a facie filiarum Heth*: nempe a *וַיִּקַּץ* katz, *spina*, quæ pun- git; id est, laboravi, & compuncta sum ex vitæ tædio, vitam fastidivi, averior vi- tam meam, & fastidio. Nec desunt qui, *astuavi*. Notant verbum proprie significare *compunctus fuit*, & quando construitur cum ablativo *וַיִּקַּץ* mipline, a facie, idem esse quod *abhorrescere a re quapiam*, & quan- do construitur cum Beth, esse, *horrorem*, seu *fastidium, & nauseam habere in re ali- qua*. Hic utramque constructionem habet: *Nauseam, horrorem, fastidium habeo in vita mea*, quia abhorresco a filiabus Cheth.

MENOCHII.

Vers. 1. **S**ENUIT ISAA: annum enim segebat centesimum trigessimum septimum, quamquam adhuc viginti annis 43. nam mortuus est annorum 180. CALI- GAVERUNT: tum ætate, tum crebris ægritudinibus. Sic Argut. Lib. XVI. de Ci- vit. cap. xxx. Non erat cæcus, sed cæcu- tiebat.

V. 3. ARMA TUA. Hebraice, *Vasa*.

V. 4. PULMENTUM, edulium gustui suave, & delicatum. SICUT VELLE ME NOSTI: quibus scis me libenter vesci. BENEDICAT TIBI ANIMA MEA: ego tibi benedkam; vel, ex animo tibi bened- dicam.

V. 7. CORAM DOMINO. annuente, favente Domino; vel, ex animo, & vere.

V. 11. EGO LENIS, glaber, non hi- spidus ut Esau.

V. 12. ILLUDERE. LXX. *despicere, vilipendere*, immo insidiari senectuti, & cæcitati. MALEDICTIONEM: sicut ac- cidit Cham, qui patri suo illulit.

V. 13. IN ME SIT; quasi dicat: Nihil periculi est, frustra pavescis, in me reci- pio bene cuncta cessura.

V. 14. ATTULIT, duos scilicet hœ- dos, ut scilicet ex iis in pulmentum me- liores, & teneriores partes deligeretur.

V. 15. VALDE BONIS. Heb. *desidera- bilibus*. LXX. *pulebris*, unde in arca in- ter

ter odores servabat eas Rebecca, odoratas enim fuisse patet num. 27. Hebræi putant has vestes sacerdotales fuisse, quibus primogeniti sacrificabant. Hieron. in Tradit.

V. 16. CIRCUMDUXIT MANIBUS: in morem chirothecarum, ut tantum exterior pars manuum, & digitorum esset pilosa, interior volaglabra, & depilis. COLLI NUDA: munit partes, quas cæcitiens attrituaturus videbatur.

V. 17. PANES, subcinericios.

V. 19. EGO SUM PRIMOGENITUS TUUS EŒAU. Non est necesse laborare in excusando Iacob, aut Rebeccam a mendacio, quod tamen officiosum fuit, & adhibitum ad vendicandum quod sibi divina promissione debebatur; idcirco tantum veniale peccatum, & fortasse nullum, si excusabantur ignorantia, qua putarent aliquando mentiri officiose peccatum non esse. D. August. Libro contra mendacium Iacobum a culpa mendacii, mysterio, excusare nititur. Vide illum cap. x.

V. 23. BENEDICENS ERGO: certus animo mox benedicere.

V. 24. TUES FILIUS MEUS? Ut sit omnino certus de persona, iterum interrogat.

V. 26. DA MIHI OSCULUM. Hebr. *Osculare mihi*, in dativo: qua forma Hebræus Scholiasies ait significari osculum manui, aut humero impressum, nam osculum oris cum accusativo exprimi debuit, additi, *Osculare me*.

Vers. 27. VESTIMENTORUM FRAGRANTIAM: nec enim vestimentorum fragrantia tanta erat ut a fene remoto posset percipi. AGRIPLENI, fructibus, & floribus. Fortasse vestes florum, & fructuum odorem referebant, nam in arcibus mulieres ad gratiam odoris vestibus conciliandam rosarum solia, & mala cydonia, & huiusmodi res odoratas includunt. CUI BENEDIXIT DOMINUS. Tunc Dominus agro benedixit cum vernat floribus, & exuberat fructibus.

V. 28. DE RORE CAELI, ET DE PINGUEDINE TERRAE. Sensus est: Deus tibi det de caelo rorido, & terra fertili, ac pingui ABUNDANTIAM FRUMENTI, ET VINI, hoc est omnium ad cibum, & potum necessariorum.

V. 29. SERVIANT TIBI POPULI. Præcedentia ad opes pertinent; istud ad

imperium, & dignitatem. Impleta est hæc benedictio, cum Davidi, Salomoni, & Asaemonziis subiecti fuerunt Idumæi, Philistii, Moabitæ. ADORANT TE TRIBUS: posterius EŒau, & Iismaelis. DOMINUS FRATRUM TUORUM, non bello tantum, sed iure primogenituræ. QUI MALEDIXERIT TIBI, SIT ILLE MALEDICTUS, &c. quasi dicat: Deus tuos tuorumque partes & causamaget: qui tui sunt amici, vel inimici, suos cenabit.

V. 33. EXPAVIT ISAAC. LXX. verterunt, Isaac raptum in ecstasim magnam vehementer, ut intelligamus in ea abalienatione Deum illi revelasse fraudem Iacob, & voluntatem suam, ne rescindere cogitaret. Vide D. August. quæst. LXXX.

V. 34. AUDITIS EŒAU SERMONIBUS, ultimis potissimum verbis confirmationis facti, IRRUGUIT: non suam tantum tristitiam, sed ferociam etiam valido clamore quasi rugitu offendens. Philo, & Eusebius. censent clamorem hunc ab invidentia fraterni incrementi expressum fuisse, quod scilicet cum prætulerat, sequenti subiecerat pater. BENEDIC ETIAM ET MIHI, quasi dicat: An non & ego filius tuus sum, cur ergo debeo benedictione carere?

V. 35. BENEDITIONEM TUAM, quæ tibi iure naturæ debita erat, nisi te illa indignum præstiteris; vel, quam ego tecum tuam opinabar.

V. 36. ALTERA VICE: secundo, bis, iterum.

V. 37. OMNES FRATRES: omnes cognatos, & consanguineos.

V. 39. DIXIT AD EUM. D. Paulus ad Hebr. xii. 17. EŒau licet cum lacrymis benedictiorem petierit, adeptum negat; sed de primaria illa iure naturæ debita loquitur, quæ primogenito dari solita, & Iacobo cesserat. IN PINGUEDINE TERRÆ, ET IN RORE CAELI DESUPER ERIT BENEDICTIO TUA. Hebr. est: *Erit sessio*, vel *habitatio tua*, quasi dicat habitabis in terra pingui, & fertili, quam Deus fecundabit immisione roris, & pluvie.

V. 40. VIVES IN GLADIO; quasi dicat: Fertilem terram occupabis non agrotatione tua, sed vi, raptu, præda. Tales EŒau posterius. SERVIES. Impletum sub David, II Reg. viii. 14. EXECUTIAS,

ET

ET SOLVAS IUGUM. Idumæi regnante in Iuda Ioram rebellaverunt IV. Reg. VIII.

V. 41. ODERAT ERGO: memoriam doloris animo fovens, continuam odii materiam suggerebat. IN CORDE SUO: perfecto mentis consensu, & plena deliberatione secreto secum ipse statuit. DIES LUCTUS PATRIS MEI. Hunc nolebat contristare; de matre nihil est sollicitus.

V. 44. DIES PAUCOS. Breve pollicetur fore tempus absentiae, ut facilius persuadeat.

V. 45. CUR UTROQUE ORBAROR FILIO? Utrique consuluit: alterum immunem a periculo, alterum integrum præstat a crimine.

V. 46. NOLO VIVERE. Hebr. *Ad quid mihi vita?* quasi dicat: Si Chananzæam, aut Hetheam ducat, tristis, & acerba erit mihi vita, ut mori potius optem quam vivere.

T I R I N I.

Vers. 3. CUM VENATU ALIQUID APPREHENDERIS, FAC MIHI INDE PULMENTUM, id est obsonium, edulium: nam pulmentum in Scriptura denotat id omne quod pani additur.

V. 19. DIXITQUE IACOB: EGO SUM PRIMOGENITUS TUUS ESAU, scilicet figuratus, & personatus. Nam & decreto divino *a*, & iure emptionis *b* sum primogenitus tuus; & ut privilegio primogenituræ mihi debito nunc fruatur, & solemniter a te benedicat, cum id aliaratione non possum sperare (te nimis propenso in Esau *c*) indui personam eius quem putas esse primogenitum tuum, & FECISTE UT PRÆCEPISTI MIHI, scilicet vero primogenito tuo: nam licet materialiter, & ex errore præceperis Esau ut pararet tibi gratia cibaria, & ita seise ad benedictionem accipiendam compararet; formaliter tamen intendisti id ei præcipere qui voluntate & decreto divino primogenitus tuus esset: cum autem ego is sum, & iam tibi hæc eadem in eundem finem paravi, vere affirmare possum, fecisse me sicut præcepisti mihi. SURGE, SEDE, ET

COMEDE DE VENATIONE MEA, quam non in agro, non in saltu, sed in stabulo venatus sum. Ita S. Augustinus d. Simili modo Matth. xi. vers. 14. Ioannes Baptista etiam Christo vocatur Elias, non quoad personam, sed quoad spiritum, & Tobie v. vers. 18. Angelus Raphael dicit se esse Azariam, id est adiutorem Dei, filium Ananize, id est gratie Dei. Nam certum est ex communis Doctorum sententia, cum iusta & prægnans causa subest, licet personam simulare, & mentali restrictione uti. Et cum possit hac ratione sanctus Patriarcha in re tanta commodè a peccato excusari, non libenter cum cum nonnullis & mendacii vel venialis arguerim: maxime cum iam non puer esset, sed provectæ ætatis vir, utpote septuaginta septem annorum f; neque a patre, etiam re deprehensa, arguatur; quin potius magis magisque stabilietur, dicente patre, *Benedixi ei, & erit benedictus*. Neque obstat, quod paulo post subiungit, *Venit germanus tuus fraudulentus*, qui non agit de mala & illicita fraude, sed de astutia, ut idem sit quod astute, seu callide: unde & Chaldaeus vertit, *In sapientia, seu sapienter venit*. Allegorice Sanctus Augustinus & Prosper g vestes Esau, collare, & chirothecas hædinas, interpretantur peccata nostra, quæ Christus in se assumptis, & luit.

V. 40. VIVES IN GLADIO; id est in continuis fere bellis; quasi dicat: Posterius tui erunt bellicosi, & rapaces. Nihilominus FRATRI TVO SERVIES. Ita servierunt Idumæi Iudeis tempore Davidis, Salomonis *b*, & aliorum regum. TEMPUS tamen VENIET, CUM EXCUTIAS, ET SOLVAS IUGUM EIUS DE CERVICIBUS TUIS. Excusserunt enim tempore Ioram i filii Ioasaphat regis Iudæ, per 800. circiter annos, nempe uique ad Hyrcanum Simonis Machabæi filium, a quo rursus attriti, & subacti sunt, & etiam circumfessionem religionemque Iudaicam suscipere coacti *k*. Caput tamen iterum erigere ceperunt per Herodem Alcalonitam ex Idumæis oriundum, qui cum filiis & nepotibus suis annos pluraquam centum Iudeis imperavit usque ad excidium Ierosolymæ: quin & Tito Imperatori in hac urbe expugnanda.

ma-

magnis copiis adfuerunt, teste Iosepho / & aliis.

- (a) Gen. xiv. 23.
 (b) Genes. xiv. vers. 33.
 (c) Genes. xiv. vers. 28. & xviii. vers. 7. & seqq.
 (d) Aug. Lib. contra mendacium cap. x.
 (e) Chrys. hom. lxxxviii. in Genes. Lipomano in Ca-
 rena Scoto in III. Sent. dist. xxxviii. Adriano quod
 Lib. I. Lyrano, Caiet. Delrio, a Lapide, Bonfretio
 hic.
 (f) Ut probat Bonfr. hic vers. 2. & alii.
 (g) Aug. sup. Prosper L. part. pred. cap. xxi;
 (h) II. Reg. viii. vers. 24. I. Paz. xviii. vers. 13.
 Ioseph. Lib. VII. Antiq. cap. vi.
 (i) III. Reg. xi. vers. 35. IV. Reg. xiv. vers. 7. IV.
 Reg. viii. vers. 10. II. Paz. xxi. vers. 6. Ioseph Lib.
 IX. Antiq. 11.
 (k) Ioseph Lib. XIII. Antiq. cap. xviii. Vide etiam
 I. Mac. i. vers. 65.
 (l) Ios. Lib. XIV. Antiq. initio & Lib. I. Belli.

GORDONI.

Vers. 1. **H**uius rei Chronologiam dedi
 ad annum mundi 2215. quo
 Iacob declinans a fratre, fugit in Meso-
 potamiam ad Laban, qui est annus a na-
 tivitate horum fratrum 77. Post annos qua-
 tuordecim natus est Ioseph, ac proinde an-
 no fratrum 91. qui est annus mundi 2229.
 ut ad eundem notavi annum. Vide dia-
 gramma supra cap. xii. de Iosephi Chrono-
 logia postea. Hinc obiter habetur Isaaci
 cæcitate durasse annis 43. Nam anno æ-
 tatis 60. genuit Iacobum: inde sunt 77.
 anni usque ad fugam Iacobi, quando ca-
 ligaverunt oculi Isaac, anno ætatis Isaaci
 137. inde sunt anni 43. ad mortem Isaaci:
 obiit enim anno ætatis 180. & proinde mun-
 di anno 2258. Nota hic ex vers. 2. Isaacum
 mature, ac per annos 43. disponere domui
 suæ, & præmeditari mortem.

V. 3. **SUME ARMA TUA**, instrumen-
 ta tua, **PIA RETRAM**, tuam, רֶחֱלִי *re-*
hecha: rad. חָלַל suspendere.

V. 4. **PULMENTUM**, edulium, obso-
 nium, seu quicquid ad edendum additur
 pani.

V. 7. **CORAM DOMINO**; hoc est,
 annuente, & favente Domino.

V. 16. **COLLI NUDA**: textit nuda pi-
 lis; seu textit lævorem: hinc aliqui legunt:
Eccē ego lævis. Sept. *lævis*.

V. 19. **EGO SUM PRIMOGENITUS**

TVUS ESAU. Quæstio est; an hic men-
 tiatur Iacob. Sane numquam licet menti-
 ti. August. Lib. contra mendacium. cap. x.
 ait, esse figuratam locutionem, sicut Matth.
 xi. Ioannes Baptista vocatur Elias, non in
 persona, sed in spiritu, & virtute. Tamen
 si totius sermonis adiuncta, & voces de
 armis, de venatione, &c. spectentur, erat
 mendacium, sed officiosum, & leve. At
 mysterium fuit quod uicebatur. Resp. suis-
 se mysterium ex parte Dei, non tamen ex
 parte Iacob: aut etiam sit primogenitus
 quoad ius illud quod emerat a fratre.

V. 27. **AGRI PLENT**, hoc est, abun-
 dantis herbis fragrantibus, & floribus.

V. 28. Hic, & sequente versu duo ca-
 pita benedictionis sunt opes, & imperium.
 Et hic quidem in opibus totus est.

V. 29. **SERVIAN**. Hactenus de opi-
 bus, nunc de imperio in homines, & di-
 gnitate. Impleta est benedictio in poste-
 ris, & præcipue in Davide, & Salomone.
 Adde Machabæos. **DOMINUS FRA-**
TRUM, etiam iure primogenituræ. **QUI**
MALEDIXERIT TIBI, SIT ILLE MA-
LEDICTUS. Hic tandem pœnam dat ho-
 stium, ubi non tantum precatio est, sed
 etiam prophetia.

V. 36. **SUPPLANTAVIT.** Allusio est
 ad nomen Iacob. **אָפּקָב** *abhakab* supplantationem significat: **אָפּקָב** *abhakab*, paronomasia est. **אָפּקָב** *abhakab*, planta: hinc **אָפּקָב** *abhakab* Iacob, quasi supplantator. Vide cap. xxv. vers. 22.

V. 37. **OMNES FRATRES**, cognatos;
 nec revocatur solemniter benedictio, præser-
 tim hæc quæ a Deo est.

V. 40. **VIVES IN GLADIO**: præser-
 tim per posteros: etenim Idumæi bellicosi
 erant valde. **SERVIES**, inquit, **FRATRI**:
 nempe ut dixi cap. xxv. vers. 23. Nam Idumæi
 subacti sunt, II. Reg. cap. viii. vers. 14.
 sed postea excusserunt iugum, III. Reg.
 cap. xi. vers. 14.

V. 45. & 46. Suadet filio Iacob, ut di-
 scedat, ne forte ex rixa cum Esau con-
 tingat, utrumque perire. Eligit porro po-
 tius mori, quam ut Iacob uxorem ducat
 ex Hethæis.



C A P U T XXVIII.

*Iacob in Mesopotamiam transiens, videt in somnis scalam cui innitebatur Dominus :
& accepta de terra ac seminis multiplicatione promissione, experientius
votum Deo roget.*

1.  Ocavit itaque Isaac Iacob, & benedixit eum, præcepitque ei dicens: Noli accipere coniugem de genere Chanaan; 2. sed vade, & proficiscere in Mesopotamiam Syriæ, ad domum Bathuel patris matris tuæ, & accipe tibi inde uxorem de filiabus Laban avunculi tui. 3. Deus autem omnipotens benedicat tibi, & crescere te faciat, atque multiplicet, ut sis in turbas populorum. 4. Et det tibi benedictiones Abrahæ, & semini tuo post te: ut possideas terram peregrinationis tuæ, quam pollicitus est avo tuo. 5. (a) Cumque dimisisset eum Isaac, * profectus venit in Mesopotamiam Syriæ ad Laban filium Bathuel Syri, fratrem Rebeccæ matris suæ. 6. Videns autem Esau quod benedixisset pater suus Iacob, & misisset eum in Mesopotamiam Syriæ, ut inde uxorem duceret; & quod post benedictionem præcepisset ei, dicens: Non accipies uxorem de filiabus Chanaan: 7. quodque obediens Iacob parentibus suis isset in Syriam: 8. probans quoque quod non libenter aspiceret filias Chanaan pater suus: 9. ivit ad Ismaelem, & duxit uxorem, absque iis quas prius habebat, Maheleth filiam Ismael filii Abraham, sororem Nabaioth. 10. Igitur egressus Iacob de Bersabee, pergebat Haran. 11. Cumque venisset ad quemdam locum, & vellet in eo requiescere post solis occubitum, tulit de lapidibus qui iacebant, & supponens capiti suo, dormivit in eodem loco. 12. Viditque in somnis scalam stantem super terram, & cacumen illius tangens cælum, Angelos quoque Dei ascendentes, & descendentes per eam, 13. & Dominum innixum icalæ dicentem sibi: (b) Ego sum Dominus Deus Abraham patris tui, & Deus Isaac: Terram, in qua dormis, tibi dabo, & semini tuo. 14. Eritque semen tuum quasi pulvis terræ: (c) dilataberis ad occidentem, & orientem, & septemtrionem, & meridiem: & (d) BENEDICENTUR IN TE, & in semine tuo cunctæ tribus terræ. 15. Et ero custos tuus quocumque perrexeris, & reducam te in terram hanc; nec dimittam nisi complevero universa quæ dixi. 16. Cumque evigilasset Iacob de somno, ait: Vere Dominus est in loco isto, & ego nesciebam. 17. Pavenisque, Quam terribilis est, inquit, locus iste! Non est hic aliud nisi domus Dei, & porta cæli. 18. Surgens ergo Iacob mane, (e) tulit lapidem quem supposuerat capiti suo, & erexit in titulum, fundens oleum desuper. 19. Appellavitque nomen urbis Bethel, quæ prius Luza vocabatur. 20. Vovit etiam votum, dicens: Si fuerit Deus mecum, & custodierit me in via, per quam ego ambulo, & dederit mihi panem ad vescendum, & vestimentum ad induendum, 21. reversusque fuero prospere ad domum patris mei: erit mihi Dominus in Deum, 22. & lapis iste, quem erexi in

Y y titu-

titulum, vocabitur Domus Dei, cunctorumque quæ dederis mihi, decimas offeram tibi.

(a) Ofce XII. (b) Infir. XXV. 7. XLVII. 3. (c) Deut. XII. 20. & XIX. 14. (d) Sup. XXVI. 4. (e) Infir. XXVI. 13.

B R U G E N S I S

ROMANA CORRECTIO.

V. 3. *Profilius venit*. Ne mutes simplex

venit cum composito pervenit.

C O M M E N T A R I A

S A

*Vers. 2. V*ADE. Hebr. *Surge*.

V. 3. ET CRESCERE; pro, id est crescere. *SIS IN TURBAS POPULORUM*; id est, habes copiosam posteritatem.

V. 4. POLLICITUS EST. Hebraice, Chald. & LXX. *dedit. AVO TVO*. Hebr. Chald. & LXX. *Abrahe*.

V. 8. PROBANS, id est intelligens. *NON LIBENTER ASPICERET*; id est, displiceret ei. Hebr. *Quod male essent in oculis patris sui*, &c.

V. 9. NABAIOH, scilicet primogeniti Ismaelis. Vide supra cap. XXV.

V. 11. QUI IACEBANT. Hebr. *illius loci*.

V. 12. SCALAM. Significabat hæc Christum, cuius summum & imum, divinitas & humanitas. *ANGELOS*. Vide Ioan. I.

V. 14. ET IN SEMINE; pro, id est in semine.

V. 18. IN TITULUM, id est instar metæ, seu columnæ. *DESUPER*. Hebr. *super eius caput*, id est summitatem.

V. 21. ERIT MIHI DOMINUS IN DEUM; id est, colam Dominum ut verum Deum.

V. 22. LAPIS, id est locus in quo lapis. *CUNCTORUM*. Si hic pecunia etiam intelligitur, offerret res quæ tantum valerent, quantum pecuniæ decima. *OFFERAM*, scilicet in sacrificium.

EST II.

*Vers. 12. V*IDIT IN SOMNIS SCALAM. Mysterium huius visionis breviter explicabimus ex Augustino Lib. XII. contra Faustum cap. xxvi. & in Psalm. cxix. quo posteriori loco etiam reicit illam expositionem quæ legitur in Commentar. adscripto Hieronym. in eundem Psalmum, quasi ascendentes intelligerentur proficientes, descendentes vero deficientes. Per scalam itaque Christus intelligitur, qui in Evangelio seipsum vocat viam, quam mirum e terra ascenditur in cælum. Per Angelos significati sunt prædicatores Evangelii, qui ascendunt, dum divinæ in Christo naturæ sublimitatem annuntiant, descendunt cum humanæ naturæ humilitatem prædicant. Vel ascendunt per contemplationem, descendunt per actionem. Dominus autem scalæ innixus loquitur ad Iacob, terram ei promittens, & semen benedicendum, quia omnes Dei promissiones quæ ad statum reparationis humanæ pertinent, Christo ininituntur, & non nisi per eum adimplentur. Unde quicquid a Deo Patre petimus, hac clausula concludimus, *Per Christum Dominum nostrum*. Ita fere Augustinus, itemque Gregorius I. Parte Pastoral. & S. Thom. II. II. quæst. lxxxvi.

V. 18. TULIT LAPIDEM QUEM SUPPOSUERAT CAPITI SUO, ET EREXIT IN TITULUM. Quod Hieronymus hic vertit *titulum*, Hebræis significat *statuam*. Idem quoque Hieronymus Ofce III. vertit *altare*, quomodo & hic verti potuit. Sequitur enim : *FUNDENS OLEUM DESUPER*: quod de altari con-

ve-

M A R I A N A E.

venientius dicitur, quam de statua. Si omnino contenderis statuum intelligi tam hic, quam in Ofæ 111. sensus nequaquam incommodus reddi poterit huiusmodi: *Erexit in titulum*; id est, erexit in altum, instar statuae, & ad eum modum quo gentiles erigere solent statuas; quod ipsum tamen Iacob non fecit, ut lapidem veneretur, sed pro titulo & monumento. Vide etiam Num. xxxiii. & Deut. vii. ubi duo sunt affinia vocabula, quorum alterum Hieronymus vertit *aras*, alterum *statuas*. Sacrum etiam ritum esse oleum superfundere, ex eo præterea intelligitur, quod & dæmon simius Dei, illud ad sua sacra traxerit. De quo sic Apuleius Apolog. 1. ut accusatorem suum impietatis arguat, *Negant, inquit, vidisse se qui fuerit, unum saltem in sinibus eius aut lapidem unctum, aut ramum coronatum.*

V. 20. VOVIT ETIAM VOTUM, DICENS. Exemplum hoc sancti Patriarchæ voventis Deo votum pro prospera protectione ac resitu, & pro evitandis periculis, opponendum est hæreticorum nostri temporis profanæ novitati, dicentium, æque valere, aut etiam plus, opus libere sine voto factum, quam id quod sit ex voti obligatione; quasi non sit homo grator Deo, qui totum se mancipat Deo persponentem obligationem, quam ille qui aliquid propriæ voluntatis sibi reservat.

Sed quaeritur, quomodo voveat Iacob se Dominum habiturum pro Deo, cum ad hoc obligatus esset iam ab initio, divina, & naturali lege. Respondeo: Iis verbis, *Erit mihi Dominus in Deum*, non internum cultum significat, sed externum, quem videlicet designat verbis sequentibus, quibus dicit: *Et lapis iste quem erexi, vocabitur domus Dei*, &c. Vovet igitur se in eo loco sacrificaturum Deo, & omnium facultatum suarum decimas allaturum. Id impletum est partim in Iacob postquam rediit, partim in posteritate eius. Nam in hoc loco postea ædificatum est templum Domino, ubi sacrificia, & decimæ a populo Israelitico offerebantur Deo. Sic Sulpitius in Histor. Lib. I. hunc locum intellexit, ita scribens: *Porroque (Iacob) si rebus prosperis revertisset, eum lapidem, titulum sibi domus Domini futurum, decimasque omnium quæ acquisita sibi forent, Domino daturum.*

Vers. 3. BENEDICAT TIBI, ET (pro, id est) CRESCERE TE FACIAT. Posterior pars explicatio prioris est.

V. 4. QUAM POLLICITUS EST. Hebr. *quam dedit*; sed dedit pollicendo tantum.

V. 8. PROBANS, cognoscens, scilicet Esau, quod uxores eius priores patri displicerent.

V. 14. ET BENEDICENTUR IN TE, ET IN SEMINE TVO. Hebr. Schol. *In te, id est propter te, & propter semen tuum.* Favet hæc expositio Christianis, qui per Christum benedictas gentes, hoc est donis cælestibus auctas, exponunt.

V. 17. ET PORTA CAELI. Hebræus Schol. *Porta, per quam intelligitur, quæ in celo de terrestribus sunt definita.* Scala Christus est; divinitas, superior pars scalæ; humanitas, pars inferior.

V. 18. ET EREXIT IN TITULUM, nempe statuum. Sed quoniam vetitum erat titulos aut statuas erigere, dicendum est eo pertinere præceptum, ne statua in formam animantis conformatam statueretur; quod Iacob non fecit, sed lapidem erectum in matris modum statuit. Aut vetitum ita uam erigere ad adorandum, quando in Sanctuario Cherubim specie hominis erant. FUNDENS OLEUM DESUPER, id est super caput statuae: sic Hebr. Itaque non totam statuum inunxit. Sept. *Esfudit super summitatem ipsius.*

V. 20. PANEM AD VESCENDUM, ET VESTIMENTUM AD INDUENDUM. Vide modestiam non petit delicata, & delicias.

V. 22. LAPIS ISTE... VOCABITUR DOMUS DEI. *Lapis*, id est locus ubi est lapis. Hinc suspicantur quidam, eo loco deinde extructum templum. Verum ex Iosue Libro constat, post occisos habitatores Ierusalem, tribum Ioseph ascendisse Bethel, & cepisse eam. Ita Bethel non erat ubi templum extructum est.

MALVENDAE.

Verf. 11. ET SUPPONENS CAPITALE s. v. o. Hebr. *Et posuit capitalem sibi*. מַרְאִשְׁתּוֹ *meraascheth*, quidam singulari, alii plurali faciunt: proprie est capitale, id est res quæ ponitur subter, vel super, vel iuxta caput, sive necessitatis, sive ornatus gratia. Quidam *cervical*, *pulvinar*, *pulvinum*, seu *culcitram* interpretantur. Festus: *Capitale linteum quoddam, quo in sacrificiis utebantur*. Varro Lib. IV. de Lingua Latina, cap. xxix. *Dictum capitale a capite, quod sacerdos tunc in capite etiam solent habere*. Erit quod Hispanice dicimus *cabecat*.

V. 12. VIDITQUE IN SOMNIS SCALAM. Myſteria & ſignificationes huius ſcalæ varie & aſſatim Explanatores enucleant. Quidam ſcalam, iter Iacob in Meſopotamiam; Angelos aſcendentes & deſcendentes, euntis & redeuntis cuſtodes: Deus in ſummitate ſcalæ, quia rei totius moderator & proviſor; ipſe ductor, reductor, & apud ſocerum conſervator: quem ſenſum ſtat verſ. 15. Hebræi aiunt, ſcalam iſtam ſignificare divinam providentiam, & quod omnia iſta inferiora dependant a ſuperioribus, ut auream illam Homeri catenam. Aut ſymbolum eſt Chriſti, qui ſolus cælum terræ coniungit, ipſe ſolus mediator, qui pertingit a cælo uſque ad terram, & ille per quem bonorum omnium cæleſtium plenitudo deorſum ad nos deſcendit, noſque viciffim ad Deum conſcendimus. Idem, cum ſic caput Angelorum, efficit ut illi membris ſuis terrenis adſint, ac miniſtrent; & ut ipſe dixit Ioan. 1. 51. *Amen, amen dico vobis: videbitis cælum apertum, & Angelos Dei aſcendentes & deſcendentes ſupra Filium hominis*. Nimirum hunc ſibi proprie honorem vindicaturus erat, quod poſtquam manifeſtatus eſſet mundo, Angeli aſcenderent ac deſcenderent, miniſtri beneficiæ Patris erga nos propter ipſum Chriſtum, Hebræor. 1. 14. nam ad ſcalam Iacob Chriſtum illis verbis reſpexiſſe, non dubito. Delirium eſt ſomnare Deum in terra ad ſcalæ pedem aſtiſſe Iacobo; cum ſteterit in cæcimine & ſummitate eius, ut Iolephus, & omnes hæcenus intellexerunt.

V. 18. IN TITULUM. מַצָּבָה *matzzeb-*

bab. Varie hanc vocem Noſter exprimere ſolet, frequenter *titulum*, frequentius *ſtatuum*, Oſæ 111. 4. *altare*. & cap. x. 2. *aras*, & eodem cap. x. 1. *ſimulacra*. Recentiores *ſtatuum* plerique vertunt. In modum *metæ* quidam fuiſſe ſuſpicantur. Nonnulli ſimulacrum ex lapide, ære, aliove metallo, quod alicui mortuo vel viventi olim decernebatur, ad alicuius rei benegeſtæ memoriam. Hebræi aiunt eſſe lapidem, qui ad adorandum erigitur, vel in titulum ſepulcri, ut cippum. Sed latius ſumunt pro omni eo quod memoriz cauſa, aut ad rei alicuius ſignificationem ſtatuitur, & erigitur. *Monumentum* exponunt. Hic vero proculdubio ſacrum monumentum, vel aram ſignificat, religionis cauſa poſitam & erectam ad adorandum Deum, tamquam locum ſacrum & religioſum, in quo apparuerat Deus, & præſentiam ſuam Iacobo exhibuerat; utque eſſet veluti ſacellum, & memoria divinæ illius viſionis. Clemens Alexandrinus Lib. I. Stromatum, cap. xiii. *Prius itaque quam accurate, perſeſſeque tenerentur imaginum habitus, veteres columnas erigentes, eas colebant tamquam ſtatuas, nimirum prava imitatione, ex ſaclo Iacob*. Diſcrimen ſtatuum Hebræi inter *matzzebabb titulum*, & מַצָּבָה *mizbeach altare*. Primo quod titulus uno conſtaret lapide, altare pluribus; deinde titulus erigebatur ad libationem & fuſionem olei, altare ad ſacrificium. *FUNDENS OLEUM DESUPER*. Hunc ritum manari ad gentiles, ſed falſo & præpoſtero cultu, qui lapides unguine inungebant, & adorabant, diſces ex Theophræſti Character de *Superſtitione*, Clemente Alexandrino Lib. VII. Stromatum, cap. 111. Apuleio I. Floridum, Arnobio Lib. III. adverſus gentes, Minutio in iuo Octavii, S. Auguſtino Lib. XVI. de Civit. Dei cap. xxxviii. Plinio Lib. XIII. cap. 131. *Aquile certe ac ſigna, pulſoſcraſenta illa & cuſtodius horrida, inunguntur ſeſſis diebus: nimirum hac mercede corruptæ terrarum orbem devicere aquile*. Vide in Iſai. LViii. verſ. 6. Tituli olim apud Chriſtianos dicebantur maiores & digniores Eccleſiæ. Hinc tituli Cardinalium. Sed de hoc lapide Iacob vide ſelecta quædam in *Eufebianis* Scaligeri, ad numerum m. m. c. l. vide & infra cap. xxxv. verſ. 14.

V. 19. QUAE PRIUS LUZA VOCAB-

B A -

BATUR. Hebr. *בית עולם* *ulam* *luz*, *nomen* civitatis prioritatis, vel principio, aut ad prioritatem, seu ad principium, primo, vel primum. S. Hieronymus: *Ab eo, quod supra dixerat: Quam terribilis est locus iste! non est hic nisi domus Dei, & haec porta caeli: nunc loco nomen imponit: Et vocavit illum Bethel, id est domum Dei: quilo- cus vocabatur ante Luz, quod interpretatur nux, sive amygdalon. Unde ridicule quidam verbum Hebraicum Ulam nomen esse urbis putant, cum Ulam interpretetur, prius. Ordo itaque iste est Ierusalem: Et vocavit nomen loci illius Bethel, & prius Luza vocabulum erat civitatis. Antiquae enim scripturae verbo Ulam, sive Elem plene sunt, quod nihil aliud signat nisi ante, aut prius, vel vestibulum, sive superliminare, vel possem. Et in Locis: Sita autem est Bethel euntibus Aethiam de Neapolis in lava parte viae, duodecimo circiter milliaro ab Aethia: & usque hodie parvus licet viculus ostenditur: sed & Ecclesia edificata est, ubi dormivit Iacob pergens Mesopotamiam. Unde ipsi loco Bethel, id est domus Dei, nomen imposuit, Et infra: Bethel vicus in duodecimo ab Aethia lapide, ad dexteram euntibus Neapolim, quae primum Luza, id est amygdalon vocabatur: & cecidit in sortem tribus Benjamin iuxta Bethan & Gai, quam expugnavit Iesus, rege illius interfecto. Porro quod quidam putant, secundum errorem Graecorum voluminum, Ulaumalas antiquitus nuncupatam, verhemter errant. Verbum quippe Hebraicum, & nomen ipsius civitatis pariter misceverunt: cum Ulam significet prius, id est *נְפִישׁוֹן*; Luza vero amygdalon, & sit sensus: Vocabatur autem Bethel prius Luza. Nec non & hoc quod Beth-aven aliud oppidum suscitatur, Hebraei putant eandem esse Bethel: sed ex eo tempore, quo ibi ab Ieroboam filio Nabat vituli aurei fabricati sunt, & a decem tribubus adorati, vocatum esse Beth-aven, id est domum idoli, quae antea vocabatur domus Dei. Sed & super hoc in Libris Hebraicorum Quaestionum plenius diximus. In LXX. varie hoc nomen afferunt exemplaria: Et Ulam Luz erat nomen civitatis prius: Et Laumans, vel & Ulaumans, aut Ulaumans nomen civitatis prius: Ulam pro nomine proprio acceperunt. Vel ex duribus vocibus unam corrupte confluxerunt. Ulam, ait S. Hieronymus, ante, vel prius. Hebraei, & nostri omnes nihil tale significare*

affirmant: sed *aff*, *at*, *verumtamen*, *certe*, *profecto*, *equidem*, *quidem*, *etenim*, *plane*, &c. ut pueri sciunt. Forte Hieronymus vocem *עולם* *gholam* cum *Ain*, vel postremam huius versus *רשכונא* *rishkonab* in animo habebat. Nec absurde quis hunc locum reddiderit: Et Ulam Luz nomen urbis a principio; id est. porticus, vestibulum, fornice urbis Luz: quod ibi forsitan esset vestibulum, seu porticus eius civitatis: nam Bethel non omnino esse ipsam Luz, sed paulo ab ea se unctam, peripicue dicitur Iosue xvi. 2. Brocardus: *Ostenditur adhuc iuxta Bethel, lapis ille in titulum erectus, una cum sepulcro Drbora nutricis Rebecca.* Vocatam eam urbem Luz a copia micum, vel amygdalarum, vel avellanarum, ipsum nomen satis indicat. Sunt eiusmodi nomina Hispanice oppidis imposita, ut *Nogales*, *Almendral*, *Avellaneda*. Suo tempore appellatam Sargoreg, auctor est Beniamin itinerarii pag. 39.

MENOCHII.

Vers. 1. **BENEDIXIT EUM:** praecedentes benedictiones confirmans, & ob patienter, & immerito toleratum fratrem adaugens, & illi fauste a Domino iter precans.

V. 2. **VADE, ET PROFICISCERE:** Divus Augustinus censet iam Isaac innotuisse conatus Esau: innunt LXX. qui habent, *Surgens, fuge:* sine mora discede, subtrahe te fratris insidiis, & violentiae: itaque Sapiens ab hac fuga vocavit Iacobum *profugum irae fratris*, Sapiens. x. 10. **DE MUM BATHUEL:** cui tunc, patre mortuo, praeerat Laban.

V. 3. **CRESCERE TE FACIAT, ATQUE MULTIPLICET:** Deus det tibi fructum ventris copiosum, hoc est multos liberos. **IN TURBAS POPULORUM.** hoc est populosas: tantam posterorum multitudinem ut multas & populosas gentes exaequet.

V. 4. **DET TIBI BENEDICTIONES ABRAHAE:** faciat te, tuoque dignos promissionibus Abraham. **SEMINI Tuo POST TE:** sit communis benedictio tibi, & semini tu. **UT POSSIDEAS,** iure hereditario tu, & non Esau. **TERRAM PEREGRINATIONIS.** terram Chanaan, ad quam redibis, & in qua ut peregrinus habitabis.

P. 5. PERVENIT IN MESOPOTAMIAM. Dicuntur hæc per prolepsim: nam priusquam eo perveniret multa contigerunt, hoc & sequenti capite narranda.

P. 6. BENEDIXISSET, iam secundo.

P. 9. IVIT: fortasse culpam priorum coniugiorum initorum abolere volens, & patri rem gratam facere. Sed inconsulte accipiens uxorem de ancillari stirpe, quæ cum Saræ liberis in partem hereditatis venire non poterat. Peius si fecit contumacia, & parentum contemptu. *AD ISMAELEM,* Ismaelitas, nam Ismael ante quatuordecim annos obierat.

P. 11. AD QUEMDAM LOCUM, fortuito, & non cogitans in eo pernoctare.

P. 12. SCALAM STANTEM SUPER TERRAM... ET ANGELOS ASCENDENTES, ET DESCENDENTES PER EAM. Videtur instituta visio hæc ad consolandum Iacob, qui solitarius, mæstus, & sollicitus extra patriam domum peregrinabatur. Angelus ergo descendentes felicem Iacobi abitum in Aram, ascendentes vero felicem eius reditum in Chanaan significant. Ita aliqui.

Verius puto voluisse Dominum Iacobum consolari visione scalæ, quæ symbolum incarnationis Verbi ex Iacobi stirpe. Per scalam ergo significatur Christus descensus, & nasciturus per varios gradus, & generationes, & genitores, quorum ultimus est Ioseph cum B. Virgine; summus Adam, qui immediate a Deo creatus est. Duo scalæ latera sunt misericordia, & veritas. Scala tangit terram, quia Christus in terris visus est, & cum hominibus est conversatus; tangit cælum, quia secundus Adam est de cælo cælestis, & quia ipse est nobis scala, per quam ad cælum ascendimus. Descendunt Angeli ut hoc mysterium hominibus annuntient, ascendunt ut ardentia Patriarcharum desideria, & orationes ad Deum ferant. Tandem gradus scalæ possumus interpretari Christi virtutes, per quas ascendit ad cælum.

P. 13. TIBI, ET SEMINI TVO. Particula *et* posita est pro id est: dabo tibi. hoc est semini tuo; quod postea impletum in Historia Iosue, & Regum.

P. 15. NISI COMPLEVERO: nisi prius persecero.

P. 17. QUAM TERRIBILIS EST LOCUS ISTE! &c. Bene Chaldaeus huius

loci sententiam expressit. *Quam terribilis est locus iste!* Non est locus communis, sed locus in quo beneplacitum est coram Deo, & e regione huius loci est porta cæli, *PORTA CÆLI*, qua viderat inde Angelos procedentes, & eo intrantes post scalæ ascensum.

P. 18. EREXIT IN TITULUM: rudem illum lapidem in modum cippi levavit, & in terram erectum defixit in monumentum visionis, ut in reditu eodem loco divini beneficii memoriam recoleret, quod fecit cap. xxxv. num. 3. D. Hieronymus Osee 111. lapidem hunc vocat altare. *FUNDENS OLEUM DESUPER:* ut Deo honorem exhiberet, & ei creaturam suam libaret, & lapidem divinæ gratiæ indicem quodammodo honoraret.

P. 19. BETHEL, QUAE PRIUS LUZA VOCABATUR. Prius Luz, vel Luza a nacam, vel amygdalarum copia (*Luz* enim Hebraice nucem significat) dicebatur: a Iacobo dicta est Bethel, id est domus Dei, quod iuxta illam dormiens vidisset Deum innitentem scalæ.

P. 21. ERIT MIHI DOMENUS IN DEUM. Significat ille illum p-culiari affectu, reverentiaque culturum.

P. 22. LAPIS, QUEM EREXI IN TITULUM, VOCABITUR DOMUS DEI; id est, locus in quo lapis hic, erit mihi sanctus, & pro Dei domo; & super lapide hoc quasi super altari sacrificabo.

T I R I N I.

Vers. 12. VIDET IN SOMNIS SCALAM. Litteraliter voluit Deus mæsto, & anxio Iacobo, iamque exili, per hanc scalam significare divinam providentiam, & opem de cælo illi ubique affuturam: & Angelos, qui continuo e cælis in terram, & e terra in cælum commeant, ipsi speciatim tum in descensu, seu abitu in Mesopotamiam, tum in ascensu, seu reditu in Palestinam, auxilio, & solatio futuros: denique Deum perpetuo spectatorem, & fautorem itineris, & negotiorum ipsius futurum. Ita Theodoretus a, Gennadius, & alii.

Allegorice scala hæc est Christus, eiusque ex Iacob secundum carnem generatio, cuius tot sunt gradus, quot personæ intermedie: huius una pars in terris stans denotat

notat humanam naturam Christi; altera cælum contingens, eiusdem divinam naturam. Per hanc scalam non soli Angeli, sed & omnes fideles (qui & ipsi, saltem in futura vita, sunt sicut Angeli Dei, Matth. xxii.) continuo ascendunt, & descendunt; id est, familiarem accessum habent ad Deum, & ad vitam æternam. Ita Rupertus, Vatablus, & passim Doctores. Et de hoc aliquid iterum dicam Sapientie x. 10.

Topologice scala hæc est via ad perfectionem, cuius varii gradus, incipientium, proficientium, perfectorum, quibus Deus in vertice sese unit, suaviatur, & deliciatur. Ascensus est cælestium contemplatio; descensus vita activa. Ita S. Gregorius b, & S. Thomas.

V. 17. QUAM TERRIBILIS EST LOCUS ISTI! id est, quam venerandus, quam religiosus! nempe propter Dei, & Angelorum præsentiam. Vere non est hic aliud nisi domus Dei, ET PORTA CARLI; quasi dicat: Deus hic præsentem se, & familiarem quasi in domestico suo palatio exhibet: hic facilis per ipsum, seu per opem & providentiam ipsius (allegorice per Christum) quasi per apertam portam, aditus patet in cælum, & ad thronum Dei. Unde & nomen loco illi, & urbi vicinæ indidit Bethel, id est domus Dei. Ita Rupertus, & Caietanus. Et ne locus memoria excideret, lapidem quem noctu capiti supposuerat, e-rexit in titulum; id est, posuit in signum & indicium rei ibidem sibi cælitus demonstratæ: & etiam ut hoc signo posset olim in reditu locum agnoscere, ibidemque tam insignis beneficii memoriam recolere; quod & fecit cap. xxxv. constructo illic altari, & sacrificio Deo oblato. Itaque titulus hic non significat inscriptionem, ut vulgo usurpatur; sed neque columnam, aut pyramidem; quo sensu dicitur Absalon sibi fecisse titulum c. Multo minus significat statuam vel idolum; qua ratione prohibentur tituli Levitici xxvi. Sed idem est quod signum seu indicium rei gestæ; quale hic erat ipsemet lapis cui ante ut cervicali indormierat. Quem tamen etiam oleo unxit, ut hac cæremonia designaret, se illum ipsum lapidem olim erigendo ibidem altari, & locum circumvicinum divino cultui & sacrificio tamquam domum Deo pro-

priam & dicatam destinasse; quod metonymice hic vers. ult. indicat, cum dicit: *Lapis iste vocabitur domus Dei*; id est, locus in quo erexi hunc lapidem, erit Deo dicatus. Ita Chaldeus, Lipomanus, & alii. Et res postea sic gesta docuit cap. xxxv. vers. 7.

(a) Theod. quest. lxxvii. in Genesim. Genad. in Cat. Græc. Diodorus Tarsensis, a Lapide, &c.

(b) Greg. Lib. V. Moral. S. Thom. II. II. quest. xviii. art. ult.

(c) II. Reg. xlviii. vers. 18. & apud Ioseph. Lib. VII. Antiq. cap. 12.

GORDONI.

Vers. 1. I Saac confirmat priores benedictiones datas Iacobo. Explicat hereditatem, vult simul hac missione subducere eum periculo quod a fratre timebatur.

V. 4. UT POSSIDEAS, tu hereditatem promissam, non vero Esau. QUAM POLLICITUS EST AVO TVO, Abrahamo, ex Sept.

V. 8. PROBANS QUOQUE; hoc est, sciens, & experientia deprehendens quod priores quas habebat uxores non placerent patri.

V. 9. IVIT AD ISMAELEM. Iam quidem obierat Ismael, ut noto ad annum mundi 2201. sed ad familiam Ismaelis proficiscitur nunc Esau.

V. 11. Ex lapidibus unum accepit: nam ex vers. 18. unicum elegit lapidem.

V. 12. De hac scala ad litteram, & allegorice multi multa: sed nihil est, ob quod litteralis sensus Lectorem moretur. Vide de allegorico Alcazar. Apocal. cap. iv. vers. 1. Designatur certe Dei providentia erga Iacob, in hoc itinere patriam deserentis.

V. 13. TERRAM, IN QUA DORMIS, nempe Chanaanam, DABO TIBI, ET SEMINI TVO, hoc est tibi in semine tuo. Nec dimittam, seu non cessabo, nisi complevero quæ dico.

V. 16. VERE DEUS IN LOCO ISTO. Certe ubique est, sed speciali modo, & favore est hic; & ideo vers. 17. vocat locum terribilem, hoc est sanctum, religiosum, & ob tam insignem Dei præsentiam, vocat domum Dei, nomine imposito Bethel; de quo dixi Ioseph vii. & Ieremias xlviii. Bethel est in tribu Ephraim, Iosue

sue **xviii. vers. 13.** Sane male a quibusdam putatur Ierusalem. Aliam Bethel dant aliqui cum Pererio, sed in tribu Benjamin. Quicquid sit, Bethel, de qua hic, est eadem cum Luza.


V. 17. **PORTA** per quam intelliguntur in terris quæ in cælo de mortalibus decernuntur: unde exeunt Dei dona & iudicia.

V. 18. Offendunt Calvinum loca ista de titulo erecto, altari, unctioe, & voto. At Novator est, & læditur hic tantum a seipso. Legat porro infra **xxxv. 7.** ubi iterum est altare. Ad hoc Patriarchæ exemplum similia agit, & erigit Ecclesia. August. de Civit. Lib. XVI. cap. **xxxviii.** pu-

tat allegorice hic significari Christum, & Christum Christianorum.


V. 19. **BETHEL:** ubi nunc sit, certatur. Adrich. in Benjamin, num. 42. scribit una leuca distare ab Hai, eversâ a Iosue. Vide supra **xti. 8.** En Bethel vocatur Luz, vel Luza. Ita Vulgatus, & sine dubio olim etiam Septuaginta; sed in codice **LXX.** irrepsit mendum; debetque in omnibus codicibus retineri *Luza*. Vide **L. Reg. cap. xiii. vers. 4.**

V. 22. **LAPIS;** hoc est, locus iste in quo est lapis, erit mihi sanctus, & pro domo Dei. Iacob vovet Deo decimas. Sed in Calvinum vota similia improbantem dixi suo loco.



C A P U T XXIX.

Iacob a Laban susceptus, septem annis pro Rachel servivit, cui cum supposita esset Lia, septem alios annos pro eadem implere coactus est. Rachele autem sterili, Lia quatuor peperit filios.

I  **Refectus** ergo Iacob venit in terram orientalem. 2. Et vidit puteum in agro, tres quoque greges ovium accubantes iuxta eum: nam ex illo adaquabantur pecora, & os eius grandi lapide claudebatur. 3. Morisque erat ut cunctis ovibus congregatis, devolverent lapidem, & resectis gregibus, rursus super os putei ponerent. 4. Dixitque ad pastores: Fratres, unde estis? Qui responderunt: De Haran. 5. Quos interrogans, Numquid, ait, nostis Laban filium Nachor? Dixerunt, Novimus. 6. Sanusne est? inquit. Valet, inquiunt; & ecce Rachel filia eius venit cum grege suo. 7. Dixitque Iacob: Adhuc multum diei superest, nec est tempus ut reducantur ad caulas greges: date ante potum ovibus, & sic eas ad pastum reducite. 8. Qui responderunt: Non possumus, donec omnia pecora congregentur, & amoveamus lapidem de ore putei, ut adaquemus greges. 9. Adhuc loquebantur, & ecce Rachel veniebat cum ovibus patris sui: nam gregem ipsa pascebat. 10. Quam cum vidisset Iacob, & sciret consobrinam suam, ovesque Laban avunculi sui, amovit lapidem quo puteus claudebatur. 11. Et adaquato grege, osculatus est eam: & elevata voce flevit. 12. & indicavit ei quod frater esset patris sui, & filius Rebecæ: at illa festinans nuntiavit patri suo. 13. Qui cum audisset venisse Iacob filium sororis suæ, cucurrit obviam ei, complexusque eum, & in oscula ruens, duxit in domum suam. Auditis autem causis itineris, 14. respondit: Os meum es, & caro mea. Et postquam impleti sunt dies mensis unius, 15. dixit ei: Num quia frater meus es, gratis servies mihi? Dic quid mercedis accipias. 16. Habebat vero duas filias:

filias: nomen maioris Lia; minor vero appellabatur Rachel. 17. Sed Lia lippis erat oculis; Rachel decora facie, & venusto aspectu. 18. Quam diligens Iacob, ait: Serviam tibi pro Rachel filia tua minore, septem annis. 19. Respondit Laban: Melius est ut tibi eam dem quam alteri viro: mane apud me. 20. Servivit ergo Iacob pro Rachel septem annis: & videbantur illi pauci dies præ amoris magnitudine. 21. Dixitque ad Laban: Da mihi uxorem meam: quia iam tempus impletum est ut ingrediar ad illam. 22. Qui, vocatis multis amicorum turbis ad convivium, fecit nuptias. 23. Et vespere Liam filiam suam introduxit ad eum, 24. dans ancillam filiz, Zelpham nomine. Ad quam cum ex more Iacob fuisset ingressus, facto mane vidit Liam: 25. & dixit ad socerum suum: Quid est quod facere voluisti? Nonne pro Rachel servivi tibi? * Quare imposuisti mihi? 26. Respondit Laban: Non est in loco nostro consuetudinis ut minores ante tradamus ad nuptias. 27. Imple hebdomadam dierum huius copulæ; & hanc quoque dabo tibi pro opere quo serviturus es mihi septem annis aliis. 28. Acquievit placito; & hebdomada transacta, Rachel duxit uxorem: 29. cui pater servam Balam tradiderat. 30. Tandemque potius optatis nuptiis, amorem sequentis prioris prætulit, serviens apud eum septem annis aliis. 31. Videns autem Dominus quod despiceret Liam, aperuit vulvam eius, sorore sterili permanente. 32. Quæ conceptum genuit filium, vocavitque nomen eius Ruben, dicens: Vidit Dominus humilitatem meam; nunc amabit me vir meus. 33. Rursumque concepit, & peperit filium, & ait: Quoniam audivit me Dominus haberi contemptui, dedit etiam istum mihi: vocavitque nomen eius Simeon. 34. Concepitque tertio, & genuit alium filium, dixitque: Nunc quoque copulabitur mihi maritus meus, eo quod pepererim ei tres filios: & ideo appellavit nomen eius Levi. 35. Quarto concepit, & peperit filium, & ait: Modo confitebor Domino: (a) & ob hoc vocavit eum Iudam: cessavitque parere.

(a) Matth. 23. 2.

B R U G E N S I S

ROMANÆ CORRECTIONES.

V. 13. *Cucurrit obviā ei.* Pro simplici *cu-*

curre quidam legunt compositum *occurrit*:

V. 25. *Quare imposuisti mihi?* Nequaquam addendum est nomen *Liam*.

C O M M E N T A R I A

S A.

Perf. 12. **I**NDICAVIT, pro, iam indicaverat.

V. 14. **OS MEUM ES, ET CARO MEA**; id est, *consanguineus meus es*, Hebr.

Perf. 17. **LIPPIS. LXX. infirmis**: alii, *debilibus*.

V. 20. **PAUCI**: scilicet levis eorum labor, alioqui etiam breve tempus longum

videtur amantibus: Augustinus in Genesim quæst. 88.

V. 22. **VOCATIS MULTIS AMICORUM TURBIS.** Hebr. *Congregavit omnes viros loci.*

V. 25. **QUID EST QUOD FACERE VOLUISTI?** Hebr. *Cur hoc mihi fecisti?*

V. 31. **APERUIT VULVAM**; id est, secundam reddidit.

V. 32. **RUBEN**, id est *videns filium*. **HUMILITATEM**, id est afflictionem.

Zz V. 33.

V. 33. SIMSON, id est *audiens*, seu *ex-auditio*.

V. 34. LEVI, id est *copulatus*.

V. 35. CONFITEBOR; id est, laudabo, seu gratias agam. IUDAM, id est *confessionem*.

E S T I I.

Vers. 9. **N**AM GREGEM IPSA PASCEBAT, scilicet Rachel, ad significandum quod Ecclesia, cuius figuram gerebat, per suos pastores, pascit gregem Christi. Et nota vocabulum *ipsa*: quia non per mercenarios, sed per seipsam pascit, id est per veros pastores, qui sunt præcipua Ecclesiæ membra.

V. 12. QUOD FRATER ESSET PATRIS SUI, ET FILIUS REBECCÆ. Pars posterior expositio est prioris. Hoc enim sensu dicit se esse fratrem Laban patris Rebeccæ, quia filius erat Rebeccæ, sororis Laban. Fratris igitur nomen ad filium sororis extenditur, sicut & quum Lot frater Abraham vocatur, filius fratris Abraham intelligitur. Sic quoque infra vers. 15. Num quia frater meus es, gratis servies mihi?

V. 17. SED LIA LIPPIS ERAT OCULIS. Nempe synagoga, veniente Christo, excæcata fuit. Erat enim velamen positum super oculis Iudæorum.

V. 23. ET VESPERE LIAM FILIAM SUAM INTRODUXIT. Laban hac in parte maxime fuit culpabilis, qui auctor fuit rei; Jacob protus inculpabilis, qui laboravit ignorantia facti, eaque invincibili. Lia ex parte excusanda; scilicet quod laboraret quadam ignorantia iuris, existimans id sibi sciendum quod pater iuberet, nec adulterii crimen esse, si affectu coniugali accederet ad Jacob; tamen & ex parte accusanda, quod accederet ad Jacob ignorantem, & proinde in eam non contententem.

V. 24. AD QUAM CUM EX MORE IACOB FUISSET INGRESSUS. Verbis illis, *Ex more*, innuitur quomodo Jacob non agnovit esse Liam, nisi facto mane: nempe quia solebant olim sponsæ obvelata facie traduci ad torum maritalem, pudoris causa: unde & nuptiæ a nubendo, id est velando, apud Latinos dictæ sunt. Lia, re per se honesta & laudabili, ad salen-

dum generum suum abusus est Laban pater Liæ. Ipsam quoque Liam nihil necesse est a peccato excusari. Esto fuerit typus spiritualis, quod Lia supposita fuerit pro Rachele (quem typum explicat Augustinus Lib. XXII. contra Faustum cap. 11. & seq.) sed & Caiphas impie Christum condemnans prophetavit. Vide nos in IV. dist. xxx.

V. 27. IMPLE HEBDOMADAM DIERUM HUIUS COPULAE. Quidam hunc locum non satis intelligentes, putant Iacob primo septennio completo, quo ei per fraudem substituta est Lia, servisse septem annis aliis, quibus completis, tandem acceperit Rachelem uxorem. Verum non dicit Scriptura eum post alios annos septem accepisse Rachel, sed post hebdomadam dierum, id est post septem dies. Nuptiæ enim priores cum Lia agebantur diebus septem; quibus completis, etiam Rachelem accepit, ea tamen conditione ut pro ea serviret septem annis aliis. Annotant hoc Hier. & Aug. in Quæst. Et hanc quoque dabo tibi pro opere quo servieris. Nota: pro mercede laboris sui accepisse dicitur Iacob duas filias Laban, nam & supra vers. 15. merces vocatur. Non tamen proprie mercedem accepit ipsas personas (non enim illas tamquam rem sui solius iuris accepit) sed ipsarum coniugium, quatenus contractus erat humanus, præsupponens dotem, & similia.

V. 30. AMOREM SEQUENTIS PRIORIS PRAETULIT: nec immerito aut indecenter: tum quia Rachelem prius duxerat pactis nuptialibus, tum ob pulchritudinem, quæ honesta est amoris causa, & ut videtur, quia moribus quoque erat integrior. Nam passa fuerat Lia sibi a patre persuaderi ex parte adulterium, quando supposita fuit pro Rachel. Taceat itaque Calvinus, qui amorem hunc ut carnalem notat in Iacob.

M A R I A N A E.

Vers. 6. **S**ANUS NE EST? Hebr. *Paxne est ei?* Pacis nomine bona omnia intelligunt. Bellum מלחמה *Milhamah*, ab edendo vocant, quasi voret omnia. VENIT CUM GREGE SVO. Hebr. *veniens* participium, pro *veniebat*, accentu posi-

posito in ultima: sicut e contra vers. 9. *Et ecce Rachel veniebat*, aut *venit*, vox præteriti est propter accentum in priori.

V. 14. ET POSTQUAM IMPLETI SUNT DIES MENSIS UNIUS. Hebr. *Et habitavit cum eo mensem dierum*. Hebraeus quidam: *Mensem dierum*, id est integram, non partem. Aut forte quoniam non cœpit initio lunæ, voluit significare e duabus lunis aut mensibus triginta dies mansisse, quot in uno mense sunt.

V. 15. NUM QUIA FRATER MEUS ES GRATIS SERVIES MIHI? Hebr. sic: *Vere frater meus es, servies mihi gratis?* Vox enim *hachi* significat *vere* & *iuste*. Vide cap. xxvii. vers. 36. Ea hic mutatur significatio.

V. 17. SED LIA LIPPIS ERAT OCULIS. Hebr. *senecris*, quod Sept. dixere *infirmis*; & quidam exponunt *lacrymantibus*. Chald. miror dixisse *pulchris*.

V. 20. ET VIDEBANTUR ILLI PAUCI DIES. Hebr. *uni dies*, pro paucis. Et quidem longissimi dies fuerunt, amanti enim omnis mora longa est; sed labor in illis exhaustus modicus videbatur cum mercede collatus.

V. 27. IMPLE HEBDOMADAM DIERUM HUIUS COPULAE. Hebr. *Imple hebdomadam huius*, nempe *Lix*. *Hebdomada* referatur ad nuptiarum celebritatem, quam dies septem continuare, solemne est hodie Iudæis, & olim fuit, ut in Lib. Iudicum in nuptiis Samsonis factum legimus.

V. 28. RACHEL DUXIT UXOREM. Non expectavit alios septem annos, sed continuo illi data est: sic Hieronym. in Trad. Erat autem Iacob annorum 84. ut ex ortu Iosephi, eiusque, & patris ætate, cum Iacob descendit cum filiis in Aegyptum, perspicitur. Et vides certe suceptum olim, ut mariti uxoris dotes darent, non contra.

V. 35. CONFITEBOR DOMINO; pro, laudabo Dominum. ET OB HOC VOCAVIT EUM IUDAM. Ab hoc sine dubio Iudæi sic dicti sunt: sed quando cœperint sic dici, non constat. Quidam, quo tempore regnum est divisum: sic Euseb. & Epiph. At Laſtantius putat, ex quo egressi sunt ex Aegypto, sic dictos, Lib. IV. cap. x. Verum Ioseph. Lib. XI. cap. v. postquam ex captivitate Babylonica resierunt,

tunc primum putat id genti nomen fuisse. Elias in Thishi a captivitate decem tribuum putat.

M A L V E N D A E.

Vers. 1. PROFECTUS ERGO IACOB. Hebr. *Et levavit Iaghabob pedes suos*. Alii: *Deinde sublevis Iaghabob pedibus suis*; id est, non invitus, ac pedes trahens, sed alacris reliquum iter confecit, divino oraculo confirmatus. IN TERRAM, vel in *regionem orientalem*. Hebr. *Filiorum orientis*, id est Mesopotamiam, quæ Chenanæz est orientalis. Vide supra cap. xv. vers. 19.

V. 6. RACHEL. Hebraice dicitur *ovis*. A mansuetudine & simplicitate ovili videtur nomen naſta, ut Hispanice *chordera*; vel a pulchritudine, quod oves pulcherrime habeantur; vel quia a pueritia oves pascēbat, vers. 9.

V. 8. NON POSSUMUS: propter lapidis magnitudinem vires nostras superantem; vel ne videantur agere contra morem, non expectatis aliis.

V. 9. NAM GREGEM IPSA PASCERAT. Exponunt: Id est, gregem agebat, & observabat in pascuis; sive ordinare ab ipsa fuisse factum, sive hoc tempore mandatum ipsi intelligas.

V. 10. QUAM QUUM VIDISSET IACOB, ET SCIRET CONSOBRINAM SUAM, OVESQUE LABAN AVUNCULI SUI. Hebr. *Secundum quod vidit Iaghabob Rachel filiam Labanis avunculi sui, & pecudes Labanis avunculi sui*: Subaudiunt, *advenisse*. Ellipsis est verbi, quod necesse est repeti ex præcedente versu: cui ellipsi per similes extat Matth. 11. vers. 10. *Videntes stellam, nimirum stantem supra ubi erat puer*, &c. AMOVIT LAPIDEM; vel *evolvit lapidem*: suam operam in devolvendo lapide cum pastoribus contulit. Sic inspirato officio animum Rachelis devinciebat sibi antequam innotesceret. Hæc enim ante fuisse gesta quam gentem suam Racheli exponeret omnino probant.

V. 14. OS MEUM ES, &c. Hebr. *Profecto os meum*, &c. Notant Labanem aut exclamatione sibi satisfactum affirmasse, aut honeste rogasse ne pluribus uteretur Iaghabob apud se ad probandum Iacob suum; quasi dicat: Quid multis opus est?

Missa fac ista obsecro: nam *os meum*, & *caro mea* es: hoc commune vinculum tanti est apud me ut alia omnia de quibus videris laborare, aut esse nihil, aut nihil ad me pertinere putem. Sic paralepsis erit, ut supra cap. 111. vers. 1.

V. 16. LIA, vel *Leah fessam*, seu *fati-gatum* significat: forte lippitudine, & morbo oculorum.

V. 17. LIA LIPPIS ERAT OCULIS. Hebr. *Et oculi Leah molles, teneri*; id est, tenerrimis erat oculis. Quidam ad pulchritudinem oculorum retulerunt. Habebat oculos teneros, molles, blandos, gratiosos, elegantes, qui allicerent; ac si dicat: Lia commendabatur a formositate & pulchritudine oculorum tantum; cum Rachel nedom oculis, sed tota facie & corpore esset pulcherrima & venustissima. Nolter ad morbum oculorum retulit; & fere deformem Liam intelligunt. Habebat oculos teneros, molles, lacrymantes, qui humore defluerent, vel debiles, non satis firmos ad obtutum, ut facile convincerent. Nec defunt, qui in רכות *rachoth*, מ initiale deducere putant, pro ארכות *arachoth*, id est *longi*: *Et oculi Lie, longi*. Hispanice, *ragados*. Alii in eundem sensum exponunt, *extensi*. Utrumque ad pulchritudinem oculorum spectat.

V. 18. SERVIAM TIBI PRO RACHEL FILIA TUA MINORE SEPTEM ANNOS. Quidam intelligunt: *Pro Rachele*; id est, si des statim Rachelem: non enim ita servitutem pacificebatur ut coniugium usque ad exactum septennium differret; quasi dicat: Si dederis mihi, & ego accepero Rachelem uxorem, postquam ea mihi cesserit, serviam tibi septem annos. Iuxta hanc interpretationem, vers. 20. interiectus est per hyphenon proteron; cuiusque locus erit post illud vers. 30. *Amorem sequentis priori prætulit*. Unde Rachelem ante primum septennium duxisse putant.

V. 21. QUIA IAM TEMPUS IMPLETUM EST. Hebr. *Quia impleti fuerant dies mei*. Nonnulli interpretantur, non de septennio servitutis exacto, sed de ætate Iacob: completi sunt dies mei; id est, maturus sum plus satis uxori; egisse enim tunc volunt annum quasi septuagesimum sextum, cum pro uxore pacificeretur; quod ita colligunt, si ex centum triginta annis,

quos natus erat Iacob, cum sisteretur Pharaoni, infra cap. XLVII. 9. ætatis Ioseph quadraginta anni detrahantur, & quatuordecim anni servitutis Iacobi pro uxoribus, sub quorum fine Ioseph natus est, cap. xxx. 25. Verum omnes intelligunt, Iacob Rachelem post exactum septennium servitutis uxorem accepisse: & series Mosæicæ narrationis id satis demonstrat.

V. 27. IMPLE HEBDOMADAM DIERUM, non annorum. Expleto septennio servitutis pro Rachele, & expleta septimana nuptiarum Liæ, ingressus est Iacob ad Rachel, ac cum ea matrimonium consummavit: non enim post aliud septennium, id est post quatuordecim annos duxit Iacob Rachelem; sed post primum septennium, & septimanam Liæ, ut S. Hieronymus contra Iosephum, & alios hic recte observavit.

V. 31. DESPICERET LIAM. שנה *sana*, odiis, odio habuit: aiunt esse contemptus & neglectus, quia ea quæ odimus, negligimus, & contemnimus. Dicit autem interdum notant per comparationem alterius, quod magis amatur, non quod proprie odio habeatur, ut hic: non oderat Iacob Leam; sed præ Rachel, quam unice amabat, videtur odio habuisse, quod eam negligeret, & despiceret; nec erga eam, eam amoris vim exerebat ut erga Rachelem.

V. 32. RUBEN. Hebr. ראובן *Reuben*, id est *visionis filius*; vel potius *videre filium*.

V. 33. SIMEON. Hebr. שמעון *schin-gbon*, id est *exauditum*, vel *auditionem*. APPELLAVIT. Hebr. קרא *kara*, *vocavit*, est maieuleum. Quidam pro impersonali, seu passivo capiunt, *vocatum fuit*, ut alibi passim. Alii Deo attribunt, quod hic singulari præfatio ac divino impulsu nomen acceperit, quo præsignificabatur Levitas, Levi posterus Aaroni summo pontifici, & filiis eius sacerdotibus adiunctos, accommodatos, & mutuatos esse debere in ministerio tabernaculi & templi, atque illis ministros & servientes futuros, Num. xviii. vers. 1. & sequentibus, ubi ratio nominis exponitur.

V. 34. LUDAM. Hebr. יחודה *Ichudah*: significat *laudationem*, *laudcm*, *confessionem*, *celebrationem*; quasi dicat: illustrem, celebrem, inclytum, laudatum. Et recte di-

vino

vino præfagio, nam ea tribus regia futura erat, & toti genti nomen datura.

M E N O C H I I.

Vers. 1. **P**ROFECTUS ERGO, solus domo egressus: quod colligitur ex verbis ipsius Iacob infra cap. xxxii. 10. *In baculo meo transivi Iordanem istum, & nunc cum duabus turmis regredior.* IN TERRAM ORIENTALEM, Mesopotamiam.

V. 2. LAPIDE CLAUDEBATUR. Claudebatur puteus, ut possent greges salubris, purius, & copiosius potari, cum non liceret cuiquam remoto operculo aquam sordidare, vel crebrius haurire: neque enim erant copiosi latices, atque ideo cautio necessaria.

V. 4. FRATRES: nomen amoris, officii, & societatis: ut pastor pastores alloquitur.

V. 5. FILIUM NACHOR. Laban erat filius Bathuelis; sed vocatur filius Nachor, qui illi erat avus, eo quod celebrius esset nomen Nachor, qui caput, & princeps familiarie.

V. 6. ECCE RACHEL. AEVO illo pudicitia cum simplicitate vivebat. Puella dives, speciosa, nubilis, sine periculo, & suspitione inter pastores versabatur. GREGE SUO, patris sui Laban.

V. 7. NEC EST TEMPUS. Ostendit se pastoritæ disciplinæ peritum, & se fraterno affectu curare res ipsorum, nam id vespere faciendum erat.

V. 10. SCIRET: nam ex pastoribus dicerat, n. 6. AMOVIT LAPIDEM: quia intellexerat solam expectari, & iam in futuram coniugem officiosus.

V. 11. OSCULATUS. Indicavit prius quis esset, & tunc iuxta provinciam morem fecit: propinqui enim propinquas osculabantur. FLEVIT, ex animi teneritudine, & vehementi lætitia.

V. 12. FRATER PATRIS, nepos matruelis. Frater hic cognatum significat. FESTINANS, ut hospitalis, & officiosa virgo.

V. 14. OS MEUM, ET CARO MEA: consanguineus meus. IMPLETI SUNT, post integrum mensem quo illi servivit.

V. 17. LIPPIS ERAT OCULIS. Lippitudo Liæ videtur fuisse sola debilitas,

mollities, & teneritudo oculorum, qua fit ut non possint diu in rem aliquam desigis; sed volubiles sint, pronique in lacrymas, ita ut pupillæ suis orbibus quasi innatare viderentur: hoc enim significat vox Hebraica *מִיָּד רָעוּת*.

V. 18. SERVIAM TIBI. Iacob inops venerat, non erat unde donationi propter nuptias satisfaceret, aut iuxta ævi illius morem, uxorem coemeret, itaque pro pretio septennium servit.

V. 19. MANE APUD ME, suscepta gregum meorum custodia.

V. 20. PAUCI DIES. Hebr. *Uni dies*. PRÆ AMORIS MAGNITUDINE. Iacobo pretium pro Rachele vile videbatur: alioqui amor impatiens est moræ.

V. 21. DA MIHI UXOREM MEAM: iam enim verbis de præstiti matrimonium contractum. INGREDIAR, ut matrimonium consummem.

V. 22. VOCATIS MULTIS AMICORUM: omnibus viris loci illius, LXX. & Chaldaeus. FECIT NUPTIAS, convivium nuptiale.

V. 23. ET VESPERE. Virgines enim dum nubebant, verecundiae causa in tenebris viri thalamum adibant.

V. 24. DANS ANCILLAM. Omnino modica dos, & quasi nulla pro personarum conditione. Data ancillula in speciem, nederetur indotatam dedisse: quare postea filiae hanc dotem pro nulla duxerunt, infra xxxi. 14. AD QUAM, Liām, non Zelpham. VIDIT LIAM. Peccavit Lia obtemperando parenti, consentit enim in stuprum, immo adulterium. Gravius Laban, qui eam ad facinus induxit.

V. 26. CONSUETUDINIS. Videtur Laban fido se consuetudinis prætextu excusare: nam si obliuisceret consuetudo, quomodo publice nuptias celebrat quasi daturus Rachelem, quam omnes sciebant esse natu minorem?

V. 27. HEBDOMADAM DIERUM. Septem tantum diebus differunt nuptiæ Rachelis, dum scilicet nuptiæ Liæ per integram hebdomadam celebrantur; ea tamen lege ut post aleptam Rachelem septem annis aliis serviat.

V. 31. DESPICERE LIAM: minus amaret quam Rachelem. APERUIT VULVAM: secundam reddidit.

V. 32. RUBEN: quæ vox significat Videte filium, scilicet quem mei misertus mihi largitus est Deus.

V. 33. SIMEON, id est auditio obediens. V. 34. LEVI, idem est quod copula, cohesio, adiunctio; quasi dicat: Addidi iam pariendo tres filios marito: igitur deinceps ipse amore mihi adiungetur, & agglutinabitur.

V. 35. IUDAM. Iuda idem est quod confessio, sive laus.

T I R I N I.

Verf. 20. **V**IDEBANTUR ILLI PAUCI DIES, PRÆ AMORIS MAGNITUDINE. Nam licet amanti omnis mora longa & gravis esset, quatenus retardabat optatum usum rei amate; brevis tamen & levis videbatur quatenus eam consecraret cum excellentia & nobilitate rei quam sibi interva comparabat. Nota, more prisco emi solitas pretio uxores, non solum apud Hebræos, sed & apud Græcos, & Romanos, ut fuse declarat Brissotius a. Sic David b, *Centum*, inquit, *præputiis Philistini despondi mihi Michol filiæ Saulis*. Et Osæas Propheta c uxorem sibi comparavit *quindecim argenteis*, & *hordæ coram dimidio*. Iacob vero cum aliud pretium ad manum non haberet, septem annorum servitutem promittit. Debebat vicissim Laban filiabus dotem de more dare; sed ut minus amans illarum, minusque curans, id neglexit. Quo nomine utraque infra cap. xxxi. verf. 15. graviter queritur, & merito.

V. 27. IMPLE HEBDOMADAM DIERUM HUIUS COPULAE. In Hebræo, Chaldæo, & Græco solum est: *Imple hebdomadam huius*; id est, expecta donec transcant septem de more dies festi, quibus tui cum Lia coniugii solemnitas celebratur. Iis exactis, iradam tibi quoque Rachelem mox in uxorem; sed ea lege, ut pro ea servias mihi alios septem annos. Turpe enim nimis esset & probrosum Liæ, si, durantibus illius diebus nuptialibus, sororem eius superinduceres. Septem vero dies solemnia nuptiarum celebrari solita, patet etiam ex nuptiis Samson, Iudic. xiv. verf. 12. Fallitur ergo Iosephus, cum dicit, post hebdomadam annorum, seu post septennium a nuptiis Liæ, ductam

demum Rachelem. Nam præter clara verba textus huius, etiam anni, quibus Iacob non pluribus quam viginti mansit apud Laban in Mesopotamia, non patiuntur tantas nuptiarum moras d.

Tropologice Rachel, & Lia sorores, duæ sunt vitæ, contemplativa, & activa. Primo ducenda est Lia, id est laboriosa (hoc enim Hebraice significat Lia) sed secunda, vita activa; dein speranda Rachel, id est ovis, quæ est symbolum quietis, & contemplationis. Ita SS. Augustinus e & Gregorius.

Allegorice Lia designat Ecclesiam Christi militantem; Rachel triumphantem.

V. 32. VOCAVIT NOMEN EIUS RUBEN, id est filium visionis, seu providentiæ divinæ, quæ Deus videns me contempui esse marito meo, providit mihi de filio, æmula sterili relicta: hoc nomine haud dubie me præ illa diligeret deinceps maritus meus. Ita grata in Deum mater, voluit etiam in ipso nomine filii perennem beneficii divini memoriam extare, ut quoties illum videret, vel nominaret, toties recordaretur, & gratias ageret divinæ erga se beneficentiæ. Idem observavit in nominibus sequentium prolium suarum, nempe *Simcon*, id est auditio: Quia, inquit, *Dominus audivit me contempui haberi*, & *ideo exaudivit me*. *Levi*, id est copula, coniunctio; quasi dicat: Hoc quoque pignore a Deo per me accepto, *copulabitur mihi maiore affectu maritus meus*. *Iuda*, id est confessio, laus sit Deo: & sic capite sequenti de aliis.

(a) Esch. L. de Ritu nuptiarum.

(b) Il. Reg. 11. 14.

(c) Osæ 12. 2.

(d) Ut ostendit Bonfr. Inisio cap. xxv.

(e) Aug. Lib. XXII. contra Faustulum cap. xii. Gregor. Lib. VI. Mor. cap. xxviii.

G O R D O N I.

Verf. 1. & 2. **I**ACOB (ex cap. xxxii. verf. 10.) venit in Mesopotamiam solus & inops. puteus clauditur lapide, ne quis vel inficiat, vel hauriat aquam.

V. 4. FRATRES, nomen officii, & amoris.

V. 6. SANUS NE EST? *שָׁלֵם* Heb *shalom* omnem prosperitatem significat.

V. 11. OSCULATUS; sed prius indicavit quæ esset.

V. 12.

V. 12. INDICAVIT QUOD FRATER ESSET PATRIS SULET FILIUS REBECCÆ. Per fratrem intellige ex sorore nepotem: nam Iacob filius est Rebeccæ, quæ erat soror Laban, qui patet est Rachelis: ergo Rachel, & Iacob consobrinus. *nm, frater, propinquus, cognatus.* Nec minus late patet nomen Latinum, *frater*, quasi fere alter. Vide cap. xxiv. vers. 50.

V. 14. DIES MENSIS UNUS: sunt dies triginta FRATER, consobrinus.

V. 17. LIPPIS. Aliqui *lacrquantibus* reddunt. Hebr. *teneris*. Septuag. habent, *infirmis oculis*.

V. 18. SERVIAM TIBI. Vetere more emit servitute uxorem; fere ut dato apud Romanos, & Græcos pretio.

V. 20. Amanti quidem tempus breve, videtur longum; sed labor illius temporis videtur modicus præ amore.

V. 21. UXOREM. Rachelem petit, cum qua verbis erat contractum matrimonium.

V. 23. ET VESPERE. Plutarchus in Lycurgo, virgines viri thalamum olim in tenebris adiisse narrat.

V. 24. ANCILLAM, exigua dos.

V. 27. IMPLE HEBDOMADAM, scilicet dierum, seu septem dies festi cum Lia, & Rachelem habebis. Ergo Iacob cognito errore, consentit in matrimonium cum Lia. Sane hinc collige Iacobum non peccasse: laborabat facti ignorantia invincibili. Peccarunt tamen Laban, & Lia. Duxit vero Iacob Rachelem post septem dies a matrimonio Liae. Ac deinde post hanc dierum moram pro eadem Rachele servivit septem annos alios. Lia parit Ruben & fratres, vers. 32.


V. 32. RUBEN ראובן a rad. ראה *ras*, quod est videre, dictus filius visionis. Hinc subditur: VIDIT DOMINUS HUMILITATEM MEAM.

V. 34. LEVI, hoc est adhæreo, copula: iam, inquit, adhærebit, mihi maritus.

V. 35. CONFITEOR DOMINO; id est, laudabo Deum: inde nomen pueri IUDA, hoc est confessio: tandem inde dicti Iudæi; an forte in separatione regni, post mortem Salomonis.

C A P U T XXX.

Rachel sterilis, & Lia parere cessans ancillas suas marito tradunt, ex quibus singula binos suscipiunt filios: præter quos Lia duos alios, & filiam parit; Rachel vero Ioseph: quibus natis, Laban de mercede paciscitur cum Iacob, qui hoc modo plurimum datatus est.

1.  Errens autem Rachel quod infecunda esset, invidit sorori suæ; & ait marito suo: Da mihi liberos, alioquin moriar. 2. Cui iratus respondit Iacob: Num pro Deo ego sum, qui privavit te fructu ventris tui? 3. At illa: Habeo, inquit, famulam Balam: ingredere ad illam, ut pariat super genua mea, & habeam ex illa filios. 4. Deditque illi Balam in coniugium: quæ, 4. ingresso ad se viro, concepit, & peperit filium. 5. Dixitque Rachel: 6. Indicavit mihi, Dominus, & exaudivit vocem meam, dans mihi filium: & idcirco appellavi nomen eius Dan. 7. Rursumque Bala concipiens peperit alterum, 8. pro quo ait Rachel: Comparavit me Deus cum sorore mea, & invalui: vocavitque eum Nephthali. 9. Sentiens Lia quod parere desisset, Zelpham ancillam suam marito tradidit. 10. Qua post conceptum edente filium, 11. dixit, Felicitur: & idcirco vocavit nomen eius Gad. 12. P. perit quoque Zelpha alterum. 13. Dixitque Lia: Hoc pro beatitudine mea: beatam quippe me dicent mulieres: propterea appellavi eum Aser. 14. Egressus autem Ruben tem-

tempore

pere messis triticeæ in agrum, reperit mandragoras, quas matri Liæ detulit. Dixitque Rachel : Da mihi partem de mandragoris filii tui . 15. Illa respondit : Parumne tibi videtur quod præripueris maritum mihi, nisi etiam mandragoras filii mei tuleris? Ait Rachel : Dormiat tecum hac nocte pro mandragoris filii tui . 16. Redeuntque ad vesperam Jacob de agro, egressa est in occursum eius Lia, * &, Ad me, inquit, intrabis: quia mercede conduxisti te pro mandragoris filii mei. Dormivitque cum ea nocte illa . 17. Et exaudivit Deus preces eius: concepitque, & peperit filium quintum, 18. & ait: Dedit Deus mercedem mihi, quia dedi ancillam meam viro meo: * appellavitque nomen eius Issachar . 19. Rursum Lia concipiens, peperit sextum filium, 20. & ait: Dotavit me Deus dote bona: etiam hac vice mecum erit maritus meus, eo quod genuerim ei sex filios: & idcirco appellavit nomen eius Zabulon . 21. Post quem peperit filiam, nomine Dinam . 22. Recordatus quoque Dominus Rachelis, exaudivit eam, & aperuit vulvam eius . 23. Quæ concepit, & peperit filium, dicens: Abstulit Deus opprobrium meum . 24. Et vocavit nomen eius Ioseph, dicens: Addat mihi Dominus filium alterum . 25. Nato autem Ioseph, dixit Jacob focero suo: Dimitte me ut revertar in patriam, & ad terram meam . 26. Da mihi uxores, & liberos meos, pro quibus servivi tibi, ut abeam: * tu nosti servitutem qua servivi tibi . 27. Ait illi Laban: Inveniam gratiam in conspectu tuo: experimento didici, quia benedixerit mihi Deus propter te: 28. constitue mercedem tuam quam dem tibi . 29. At ille respondit: Tu nosti quomodo servierim tibi, & quanta in manibus meis fuerit possessio tua . 30. Modicum habuisti antequam venirem ad te, & nunc dives effectus es: benedixitque tibi Dominus ad introitum meum . Iustum est igitur * ut aliquando provideam etiam domui meæ . 31. Dixitque Laban: Quid tibi dabo? At ille ait: Nihil volo: sed si feceris quod postulo, iterum pascam, & custodiam pecora tua . 32. Gyra omnes greges tuos, & separa cunctas oves varias & sparso vellere; & quodcumque sursum, & maculosum, variumque fuerit, tam in ovibus quam in capris, erit merces mea . 33. Respondebitque mihi cras iustitia mea, quando placiti tempus advenerit coram te: & omnia quæ non fuerint varia, & maculosa, & surva, tam in ovibus quam in capris, * furti me arguent . 34. Dixitque Laban: Gratum habeo quod petis . 35. Et separavit in die illa capras, & oves, & hircos, & arietes, varios atque maculosos; cunctum autem gregem unicolore, id est albi, & nigri velleris, tradidit in manu filiorum suorum . 36. Et posuit spatium itineris trium dierum inter se & generum, qui pascabat reliquos greges eius . 37. Tollens ergo Jacob virgas populeas virides, & amygdalinas, & ex platanis, ex parte decorticavit eas: detractisque corticibus, in his quæ spoliata fuerant, candor apparuit; illa vero quæ integra fuerant, viridia permanserunt: atque in hunc modum color effectus est varius . 38. Posuitque eas in canalibus, ubi effundebatur aqua: ut cum venissent greges ad bibendum, ante oculos haberent virgas, & in aspectu earum conciperent . 39. Factumque est ut in ipso calore coitus, oves intuerentur virgas, & parerent maculosa, & varia, & diverso colore dispersa . Divisitque gregem Jacob, † & posuit virgas in canalibus ante oculos arietum: erant autem alba, & nigra quæque, Laban; cetera vero, Jacob, separatis inter se gregibus . 41. Igitur quando primo tempore ascendebantur oves, ponebat Jacob virgas in canalibus aquarum ante oculos arietum, & ovium, ut in earum contemplatione conciperent; 42. quando vero serotina admixtura erat, & conceptus extremus, non ponebat eas . Factaque sunt ea quæ crant

erant scrotina, Laban; & quæ primi temporis, Iacob. 43. Ditatufque est homo ultra modum, & habuit greges multos, ancillas, & servos, camelos, & asinos.

BRUGENSIS

ROMANÆ CORRECTIONES.

V. 16. *Et ad me, inquit, intrabis.* Confo-
dendum est verbum *ait*, quod quidam ad-
dunt: *Et ait, ad me, inquit, intrabis.*

V. 18. *Appellavitque nomen eius Issachar.*
Omitte quod sequitur in quibusdam libris,
quod est merces.

V. 26. *Tu nosti servitutem.* Non addas con-
iunctionem *vero*.

V. 30. *Ut aliquando provideam etiam domui*

mea. Non est omittenda particula *etiam*.

V. 33. *Furti me arguent.* Cave mutes ver-
bum plurale tertie personæ *arguent* cum sin-
gulari secundæ personæ *argues*.

LECTIONIS VARIETAS.

V. 40. *Et posuit virgas in canalibus.* Alia
manuscripta fide digna omittunt hic illud *in*
canalibus, quod legitur supra vers. 38. & in-
fra vers. 41.

COMMENTARIA

S A.

Vers. 2. PRO DEO, idest Deus.

V. 3. SUPER GENUA; qua-
si dicat, quod ubi pepererit, in gremio
ponam.

V. 6. IUDICAVIT MIHI; idest, cau-
sam meam egit. DAN, idest *iudicans*, seu
iudicium.

V. 8. ET INVALUI; pro, immo in-
valui, idest *prævalui*. NEPHTHALI,
idest *comparationem*, seu *æquiparationem*.

V. 9. TRADIDIT. Hebr. *Dedit in uxorem*.

V. 11. GAD, idest *felix*.

V. 13. MULIERES. Hebr. *filie*. A-
SER, idest *beatitudo*.

V. 14. MANDRAGORAS. Sunt her-
bæ poma, magnitudine avellanæ, flava &
pulchra, radix forma humana. Vide Can-
tic. VII.

V. 18. ISSACHAR, idest *merces*.

V. 20. DOTAVIT....DOTE; pro, do-
navit dono. ZABULON, idest *habitans*,
seu *habitaculum*.

V. 22. APERUIT VULVAM; idest,
secundam reddidit.

V. 23. OPPROBRIUM: scilicet oppro-
brii olim erat sterilitas.

V. 24. JOSEPH, idest *augmentum*.

V. 27. INVENIAM GRATIAM; qua-
si dicat: Si tibi carus sum, mane apud
me, & contitue, &c.

V. 28. CONSTITUTE, &c. quasi dicat:
Dic quam velis mercedem.

V. 30. IUSTUM EST, &c. Hebr. *Et*
nunc quando faciam & ego pro domo mea?

V. 32. GYRA....ET SEPARA. Hebr.
Transibo separando. SPARSO VELLERE;
idest, sparsis in vellere maculis. FUR-
VUM; idest *subnigrum*. Alii *fulvum* le-
gunt.

V. 33. RESPONDEBITQUE, &c.
quasi dicat: Apparebo iustus, nec fraude
ulla usus. CRAS, idest *postero*, seu fu-
turo tempore. PLACITI, scilicet iuxta
conventionem solvendi.

V. 37. PLATANIS: alii, *castaneis*.

V. 38. CONCIPERENT. Apparet hic
quanta sit imaginationis vis.

V. 41. PRIMO TEMPORE, scilicet
martio.

V. 42. SEROTINA, scilicet septembri,
cum debiliior fetus.

E S T I I.

Vers. 1. CERNENS AUTEM RA-
CHEL QUOD INFECUN-
DA ESSET. Quod Iacob legitur habuisse
quatuor uxores, nempe duas sorores, &
earum ancillas, calumniati sunt olim Ma-
nichæi, velut incontinentiæ & propen-
sæ libidinis signum: calumniatus est & hoc
nostro sæculo Calvinus, detrahens laudi-
bus Patriarcharum, quas apud Aug. alio-
que Patres, immo in Scriptura de iis le-
gimus. Quibus respondetur, polygamiam
hanc Iacob, si Scripturam diligenter inspi-
cia-

ciamus, nullo modo eius intemperantiae adscribi posse, cum e contra potius eius continentia multis indicii commendetur. Nam Iacob non aliam uxorem petiisse legitur præter unam Rachel; Lia vero per fraudem ei supposita est, ignorant, & nolenti; quamquam possea, ut eam retineret, consensit, quadam necessitate indutus. Ancillas autem earum accepit, non sua sponte, sed rogatus ab eis, idque non impulsu libidinis, sed prolis amore. Semper enim præ oculis habebat sanctus Patriarcha divinam promissionem de semine eius in immensum multiplicando.

V. 14. DA MIHI PARTEM DE MANDRAGORIS. Cyprianus in præfat. de Operibus Cardinal. Rachel, inquit, ad odorem, non ad esum, Lia mandragoras concupiscit. Hæc Cyprianus.

V. 33. RESPONDEBITQUE MIHI CRAS IUSTITIA MEA. Sensus est, iustitia mea cras, id est postero tempore, testabitur de me, CORAM TE, id est in conspectu tuo, te vidente, & agnoscente; QUANDO PLACITI TEMPUS ADVENERIT: vel, ut in Heb. ad verbum, Cum venerit super mercedem meam: quod Hieron. sic intellexit: cum venerit tempus pascæ mercedis. Potest etiam sic intelligi: cum iustitia mea venerit super mercedem meam; id est, cum ob iustitiam meam merces mea fuerit aucta, & benedicta a Deo. FURTI ME ARGUENT. Ita recte Sixtina in tertia plurali. Nam & Hebræa, & Græca sic sonant: Et omne quod non fuerit varium &c. firatum erit apud me; id est, imputabitur mihi pro re furtiva, scilicet si fuerit deprehensum.

V. 37. TOLLENS ERGO IACOB VIRGAS POPULEAS VIRIDES. Queritur quomodo Iacob excusuletur a fraude, utpote qui tali arte usus est ad habendum gregem numerosiores & meliores. Respondet, quod uti arte licita ad consequendum id quod sibi iure debetur, non fraus est, sed prudentia; atqui pro labore quatuordecim annorum, quibus Iacob servierat Laban, merces ei ampla debebatur: igitur eam arte consequi licuit.

At, dices, laboravit pro Rachel. Respondet, primo quidem septennio ex pacto pro ea servivit, sed secundo septennio, non ex animo pactus est, utique fraude Laban circumventus. Deinde iure na-

turæ cum uxoribus simul ei dos iusta & honesta a patre uxorum debebatur, nec dabatur.

M A R I A N A E.

Vers. 2. NUM PRO DEO EGO SUM? id est, num Deus ego sum?

V. 3. ET HABEAM EX ILLA FILIOS. Hebr. Et ædificabo etiam ego ex illa. Filii, domus sunt; ideo ædificare dicuntur qui eos procreant.

V. 6. IUDICAVIT MIHI DOMINUS: vindicavit me, aut sententiam pro me tulit.

V. 8. COMPARAVIT ME DEUS. Hebr. Ludationibus Dei laudata sum cum sorore mea: nam verbum לָוַהּ parlat Hebræis laudari est.

V. 9. MARITO TRADIDIT. Hebr. Dedit Iacobo in uxorem: sic Sept. scilicet Zelfham ancillam.

V. 11. DIXIT, FELICITER. Gad significare potest exercitum, aut fortunam, seu fatum. Hoc posterius secutus est Hieron. Sept. Chald. & faver locus faixæ xvi. Possisti fortune mensam, ubi vox gad est. Alii quidam deducunt a verbogadad, quod est congregare, & credunt vertendum venit exercitus, nempe filiorum: multos filios habeo. Iuxta alios, venit fortuna, quod uno verbo Hieron. dixit, felicitur.

V. 14. REPERIT MANDRAGORAS. Non est certum מַנְדְּרָגוֹרִים dudaim significare mandragoras: quidam lilium ea voce significari potius volunt: sane canistrum significat. Jerem. xxiv. vers. 1. Verum cum Interpretes omnes, ipsi etiam Expōitores Hebræi in unam sententiam conspirent, ea voce hoc loco mandragoras significari; non est quod nova sectemur. Sed quare Rachel illas tantopere voluit? Augustin. XXII. contra Faustum, cap. lvi. ob pulchritudinem, & gratum odorem expetitas a Rachele dicit, non ob aliud. Et sane mandragoras esse odoratas, Cant. vii. vers. 13. asseritur. Epiphanius in l'hyfiologo, cap. iv. elephantem seminam ait mandragora gustata inflammari ad vencrem, eaque mari data sic coire. Iulianus Apostata epist. ad Calixenam, qui amorem coniugis pietatis antepōnit, multum mandragoræ bibisse ait. Lucian, in Demosth. encomio, mandragora somnum conciliari indicat.

eat. Quidam putant, quoniam vim ad concipiendum habet. Ego in Dioscoride tantum invenio, matrici prodesse, & ciere menses. Forma est ad modum lactuæ, & in medio poma nucibus maiora, quædam grati odoris. Radix crassa, & duplex, complicatis fibris inter se, gemini cruris similitudine. Inde vero natus rumor, maris & semine formam & membra eas fibras representare. Ex eo etiam Columella Lib. X. initio illam *semibominem* vocat, id est *andr ogyum*.

V. 23. ABSTULIT DEUS OPPROBRIUM MEUM. Sterilitas tunc probrofa habebatur.

V. 30. AD INTROITUM MEUM. Hebr. *Ad pedem meum, benedixit te Deus*, eadem sententia: unde Hebræis Proverbium, רגלִי שׁוֹבָה לְפָנֶיךָ, *Bonus pes ad liberandam*.

V. 32. GYRA OMNES GREGES TUOS. Locus difficilis in Hieronymi quidem versione; sic tamen Hebr. *Gyrabo omnes greges tuos hodie*. *Aufer inde omne pecus punctatum & maculosum, & omne pecus furorem nigrum in ovibus, & maculosum, & punctatum in capris, erit merces mea*. Per capras intelligit omne pecus, nempe maculosum: tum auferri cum maculosis, quæ tunc erant, nigrum pecus vult; ne mixturæ varii coloris pecudum tribuerentur fetus qui maculosi prodirent. Itaque Iacob penes se gregem tantum album retinuit. Regia Biblia pro *furore*, *fulvum* ponere; sed male.

Vers. 33. RESPONDEBITQUE MIHI CRAS IUSTITIA MEA: quam iuste tecum agam, ex effectu apparebit. *Cras*, futuro tempore. QUANDO PLACITI, pacti nempe exequendi. Hebr. *Quando venerit* (supple, tempus) *super mercedem meam ad faciem tuam*, id est coram te.

V. 35. ET SEPARAVIT. Hebr. *Et separavit in die illa bircos fasciatis & maculosos, & omnes capras punctatas & maculosas, omne cui candor in eo* (id est, aliqua candida pars) *& omne nigrum in agnis: & dedit in manu filiorum suorum*, nempe ipsius Laban. Separatur ergo varium omne in capris, & nigrum in ovibus, ne varietati parentum situs varietas & nigredo tribueretur; & tamen quod ex unicoloribus nasceretur varium, id sibi dari vult Iacob.

V. 40. DIVISITQUE GREGEM IACOB..... ERANT AUTEM ALBA ET NIGRA QUÆQUE. LABAN. Vox *alba* confundit sententiam, & non est in Hebræo; sed hoc modo: *Divisit greges Iacob, & dedit facies ovium ad alligare*, nempe ut includerentur in aliquem locum, ubi iuxta leges positas delectus esset: *& oves nigras Laban: & posuit sibi greges seorsum*, nempe Iacob eos qui ad illum pertinebant, & non posuit eos iuxta oves Laban. Sed quare dicit de solis nigris datas Labano? Certe quia albæ quæ nascebantur, semper manebant penes Iacob, ut eas custodiret, & pasceret; maculosæ quæ nascebantur, eius erant, quas separabat a grege Labani: nigras, ne micerentur cum albis, continuo tradebat Labano. Erat ergo pactum, ut varium in grege, & nigrum Labano continuo traderetur. Album tantum maneret penes Iacob. Ex albo grege nascebantur nigræ, alba, & varia. Nigra & alba Labani erant, varia, Iacobi. Ex iis nigra tradebantur continuo Labano, alba manebant penes Iacob, ut ea pasceret Labani nomine, cuius erant. Varia penes eundem Iacob manebant, sed ut ipsius. Sic loci sententia capiatur, alioqui difficillima.

V. 41. IGITUR QUANDO PRIMO TEMPORE. Voces in Hebræo sunt מְקוֹרֵי הַמַּיִם *mekusaroth*, quam *tempestivam*, seu *primi temporis genituram* intelligunt. & הַבְּרִיחַ *habatibh*, pro qua posuerunt *serotina*. Vides duplicem Iacobi artem: altera, virgas parte corticis detrahta varii coloris poluit ante oculos pecudum, quando admissis maculis concipiebant, ex re visa eo tempore sciens permutari fetum ad eam similitudinem. Quod in hominibus sæpe etiam contingere, Hieronym. in Trad. & Isidor. XII. Etym. cap. 1. locupletes auctores sunt. Deinde primi temporis fetus ea arte sibi retinuit, nempe, ut Hebræus ait, qui mense Nisan nascebantur; posteriores Labano relinquebat mense Tisri editos, quoniam deteriores illi sunt: tunc enim virgas detrahebat, ne varia nascerentur.

MALVENDAE.

Verf. 2. **N**UM PRO DEO EGO SUM? Alii: An loco Dei sum ego: quasi dicat: Possem ne ego mihi arrogare, quod solius Dei est? Ipse te sterilem reddidit, & solus potest secundare. Sic infra cap. l. verf. 10.

V. 6. **DAN**, id est iudicium, vel iudicavit. Alii, *Causam agentis, ius dicentis, vel iudicium exercentis filium.*

V. 8. **COMPARAVIT ME DEUS CUM SORORE MEA, ET INVALUI.** Numerabo hic interpretationes. I. *Luctationibus Dei luctata sum cum sorore mea: etiam prævalui.* II. *Coniunctionibus Dei coniuncta sum cum sorore mea.* III. *Additionibus Dei addita sum cum sorore mea.* IV. *Colluctationibus Dei colluctata sum cum sorore mea.* V. *Duplicationibus Dei duplicata sum cum sorore mea; id est, duplicibus partibus æquata sum cum sorore mea, vel duplo maior & superior evasi.* VI. *Conatibus Deiconata sum cum sorore mea.* VII. *Complicationibus Dei complicata sum cum sorore mea.* VIII. *Contortionibus Dei contorta sum cum sorore mea.* IX. *Involuntibus Dei involuta sum cum sorore mea.* X. *Calliditatibus, versutiis, technis Dei; callide egi, versutusum cum sorore mea.* XI. *Perfuris, commutationibus Dei, commutata sum cum sorore mea.* XII. *Vicissitudinibus Dei paria feci cum sorore mea.* XIII. *Subversionibus Dei subversa sum cum sorore mea.* XIV. *Pravitationibus Dei prava facta sum cum sorore mea.* XV. *Perversitatibus Dei perversa fui, &c. Verbum הָבַט patibul in Niphal ter tantum in Scripturis reperitur. Noster hic comparare reddidit, Job. v. 13. & Proverb. viii. 9. prævum esse. In Hithpael semel reperitur Psal. xvii. 27. ubi perverti exposuit. Aiunt esse complicari, contorqueri, disforqueri: unde ad luctandum transferri, quod complicatione & distortionem membrorum se invicem subvertere contentur luctantes, calliditate & versutia magis quam virtute ac robore: unde etiam metaphorice significare callide, versute, astute, technis agere. Notant in novo testamento verti per διαπαυσίς distortum, obliquum, implicatum, prævum esse. Matthæi xvii. 17. Actor. xx. 30. Philipp. ii. 15. Alii volunt esse vertere duabus vicissi-*

*tudinibus, disforquere versutia magis quam robore, commutare vices duarum rerum, pervertere summum in imum, &c. et contra; proprieque dici de commutatione & verura duarum personarum aut rerum. Nihil aptius quam complicationibus, distortionibus Dei complicata, distorta fui cum sorore mea: etiam potius, præpotius, prævalui; quasi dicat: Versute, astute, callide egi cum sorore mea, cum hanc technam excogitavi, ut ex ancilla mea filios tollerem, quos meos, in genibus meis natos reputarem: & prævalui, res mihi feliciter successit. Complicationes, distortionem, seu versutias Dei vocat, id est non malas, & a pravo spiritu; sed bonas, licitas, & a Deo inspiratas: vel maximas, præclaras, artificiosas intelligit, quod nomen Dei rebus adiunctum ad auxesim poni soleat: sic Cantorum viii. 6. *flamma Dei*, Ieremiæ ii. 31. *Caligo Dei*. Vide Genes. i. verf. 2. Egrege Nolter: *Comparationibus, comparavit me Dominus.* Verbum est etiam luctæ, aut pugnæ, & gladiatorum (Svetonius in Caligula, cap. xxxv. Hunc e speculaculis detractum repente, & in arenam deductum, Thraci, & mox Hoplomacho comparavit) quando aliquis alteri in lucta, aut in pugna committitur, & componitur, ut par efficiat.*

NEPHTHALI, id est, *complicatum, distortum, implicatum, comparatum, versutum, obliquum.* Alii, *Luctationis, vel luctæ mee filium.*

V. 11. **FELICITER.** בָּרַךְ *bagad.* Hic quoque numerandæ versiones. I. *In excursionem, seu incurfione.* II. *In fortuna.* III. *Venit prosperitas.* IV. *Venit præliator, excursor.* V. *Venit fidus bonum, vel planeta bonus, id est auspicio.* VI. *Venit turma, seu exercitus, scilicet filiorum; hoc est turmatim, & in modum exercitus veniunt mihi filii.* VII. *In Marte, vel venit Mars, ut prælagiat filium futurum egregium bellatorem, & fortunatum præliatorem ac ducem.* Quidam Hebræorum, *Per Iovem.* VIII. *Venit coactor copiarum;* quasi dicat: *Erit hic egregius exercituum ductor, & imperator inter fratres suos.* IX. *In latrocinio, vel venit latro.* Vide infra cap. xli. verf. 19. Quidam *Bagad* volunt compositum ex בָּרַךְ *ba* verbo, id est *venit*, unde multa hic exemplaria cum Aleph describunt; alii ex *Beit* præpositione, *in*, & בָּרַךְ *gad.*

gad. S. Hieronymus hic exponit, *In procinctu*, quod de apparatu belli Latini dicunt; & nos Hispani de partu mulieris, *Essa encinta*. Utrumque hic quadrat. Melius exponemus, *In excursione*; hoc est, vel prospere mihi res excurrunt; quod Noster *Feliciter* dixit: vel excurrunt mihi filii, turmatim obveniunt, in magna copia. GAD, id est *incursores*, *excursorem*, *irruptorem*, *Martem*. Accidit Noster interpretatur, Genes. XLIX. 19. seu procinctum dicas. Nec male *latronem*. S. Hieronymus expeditum. Quidam, *turmarium*, vel *turme filium*.

V. 13. PRO BEATITUDINE MEA. ששן *oscher*, beatitudo, felicitas, successus rectus ac bonus, laus, qua quis felix, & beatus ab aliis predicatur. Hic, *In beatitudine mea*; id est, beata seu felix sum ego, feliciter mihi cessit, felicitati meæ hoc est tribuendum, auspicio mihi hoc contigit: Quamquam etiam hic formam infinitivi possit habere, quæ cum litteris Bictam in naturam nominis transit, & adverbialiter potest reddi; id est, feliciter, præclare, recte mecum agitur. A SER, id est rectum, beatum, felicem, fortunatum; vel beatem, aut beatissimum filium.

V. 14. MANDRAGORAS. Ineptus essem si omnia quæ hic explanatores de mandragoris disserunt, transcribere vellem. Sint ea in medio, & omnibus ubique obvia. דודים *dudaïm*, quidam volunt significare violas; aliqui herbas *satyrion*; nonnulli *poma gratissimæ* & odoris, & saporis; Hebræorum aliqui *ficus optimas*, & odoriferas: nec desunt qui velint esse quod Germanice dicitur, *Juden tursen*. Alii, *lilia alba* interpretantur; quidam *gelseminum*; alii, *philtira*, seu *amatoria*. Sunt qui eo nomine generaliter comprehendere volunt omnes *amabiles flores*, qui elegantia & odore grati sunt, quique humiles sunt. Unde *Dudaïm* hic *amabiles flores* exponunt. Certum est vocem suam etymon a figura uberum vel mammarum, vel quod inter ubera deferri soleant, vel ab amore ducere. Si hariolari licet, forsitan sint *tubera terre*, quæ ubera terræ dici possint, quæ maximum naturæ miraculum appellat Plinius Lib. XVIII. cap. 11. & sunt delicie ciborum; sed hæc nullum odorem spirare valentur. *Mandragore* considerationem Plinius exsequitur Lib. XXV. cap. XII.

Vide Tractatum Drusii de *Dudaïm*, ad finem Ruth.

V. 18. ISSACHAR sonat est merces, vel vir mercedis, vel merces viri.

V. 20. DOTAVIT ME DEUS DOTE BONA. Verbum *zabad*, & nomen *zebed*, nullibi alibi in Scripturis reperiuntur nisi hic: ubi omnes exponunt, *Dotavit, dnavit, dedit dotem, donum, datum*. ZABULON, id est *cobabitationem, habitaculum*. Quidam, *Donum cobabitationis, Donatum filium ad conciliandam cobabitationem viri*. Et verbum זבול *zabal*, *cobabitavit*, alias in Scriptura non legitur. ETIAM HAC VICE MECUM ERIT MARITUS MEUS. Hebr. *cobabitabit mihi vir meus*. Elegans locutio; id est, libenter, mecum versabitur, quia ei sex liberos peperit.

V. 21. DINAM. Hebr. *Dinah*, id est iudicium. Prælagio quodam videtur ei nomen indidisse, a iudicio illo & clade Sicimitarum propter stuprum eius, cap. xxxiv. Erudite S. Hieronymus: *Hæc transfertur in causam, quam significanti Græci Dicen vocant: iurgii enim in Sicimis causa extitit*.

V. 23. ABSTULIT. וסמ *asaph* aiunt proprie esse colligere, congregare: & ut Latinis colligere, interdum est multa in unum redigere; aliquando carptim auferre, & abstrahere: ita *asaph* Hebræis nunc pro in unum contrahere, seu colligere; nunc pro auferre, abstrahere, seu dilstrahere sumitur: quod loci, & sensus circumstantia demonstrabit. Nonius cap. iv. *Colligere, auferre*. Lucilius Lib. XXX.

.... Ruis hæc, & colligis omnia furtim. Plautus Aulularia:

Quin ipse pridem sonfor unguis dempserat.

Colligit omnia, abstulit præseginna. Sic hic: *Colligit, abstulit, detraxit approbrium, contumeliam, convicium, probrium meum*. Huc respexit Eliäbeth Lucæ I. 25. quando eadem verba Rachelis imitata, dixit: *Sic fecit mihi Dominus in diebus quibus me respexit, ut auferret probrium meum inter homines*. Vide cap. xxxiv. vers. 14.

V. 24. ADDAT MIHI. וספ *ioseph* quidam existimant esse participium masculinum Kal verbi וספ *iasaph*: *Addens, adiungens, adiciens Dominus mihi, augens mihi*. Alii futurum Hiphil eiusdem verbi esse volunt, Ad-

Adiiciet, adiiciet mihi. Unde quidam nomen proprium Ioseph patriarchæ, potius a futuro Hiphil, quam a participio Kal factum putant, quod pleniori scriptura exaratum legitur Psalm. lxxx. 6. יְהוֹשִׁיף *Iehoseph* : quocirca addendum, vel addiciendum potius quam additum, aut adiectum interpretandum ducunt : quod mater Rachel hoc nato, alium sibi addendum optabat, & vovebat. Observa eruditionem matronæ, quæ ex duobus verbis cognatis *asaph*, & *iasaph*, nomen filio confluxit, indeque rationem noninis construxit : quod per illum Dominus opprobrium eius collegisset, id est abstulisset; & quod alium sibi addendum sperabat, & certissime prælagiebat. Et coniugatio Hiphil hic magnum & certum incrementum designat.

V. 27. EXPERIMENTO DIDICI. וְנָח נִחְשֵׁב, aiunt significare *curiose & calide observare, observatione, tentatione.* & *experientia discere artem, seu rem aliquam, experiri, experimentari* : augurari, divinare, ominari, coniectari, augurium facere, captare; arte illicita arcana tentare : superstitionem & reprobam augurandi artem fere semper in Scriptura denotat. Novies in sacris libris occurrit, & semper Noster augurandi verbo, & nomine *augurii* exponit, nisi I. Reg. xx. 33. ubi *accipere omen, seu ominari*; & hoc loco, ubi *experimento discere reddidit*. Cum nomine וְנָח *nachasch* eiusdem thematis cognationem habet, quod *as*, aut *chalschem*, aut *cuprum* significat, item *serpentem* : fortasse quod sit genus quoddam divinandi per pelves, & abena : vide Leviticum xix. vers. 26. & serpentes sint incantationibus, & divinationibus apti. Vide Genes. 111. vers. 1. Hebræi numerant species aliquas divinandi, seu augurandi : nempe Ex buccella ex ore cadente, Ex baculo & manu elapso, Ex filio retrosum vocante, Ex corvo erocitante, Ex capreolo seu capra sistente & interrupte, aut remorante, Ex serpente a dextre, & vulpe a sinistris occurrente. Ne quid occipias mane, initio mensis, egressu sabbati. Item augurantes per muscelam, per aves, per stellas, &c. Hic reddunt : *Auguratus fui* ; & *benedixit me Dominus causa tui* ; id est, augurio & divinatione deprehendi, Deum auxilium facultates meas tua causa; ac si dicat : Tam certo id experimento compertum habeo ac si illud

vaticinio, & augurio, aut divinatione didicissem. PROPTER TE. Hebr. In devolutione tua, vel causa tui, occasione tui, seu propter te : tu enim es, qui tot bona in me devolvisti : vel in devolutione tua, qua ex domo paterna ad nos es devolutus : tuo adventu. Vide Genes. xii. vers. 13.

V. 28. CONSTITUE MERCEDEM TUAM. Imperativum נָקַב *nakebba* varie reddunt : *explica, exprime, expone, declara, nomina, nuncupa, designa, æstima, indica, prescribere, nota, fige, præfige, definit, perfora*. Aiunt verbum נָקַב *nakab* cum Latino *cavo, excavo*, ut sono, ita quoque significatione convenire : sed interdum ab interpretibus verbis *perforandi* & *exscindendi* converti, ut locorum circumstantiis & sensui aptius convenire existimant. Sumi aliquando pro infamia notare, notam infamie inurere, *profundere nomen alicuius*; quasi confingere, periorare, pungere, seu excavare nomen & famam alterius : unde per blasphemare, & maledicere solet aliquoties reddi. Exempla sunt obvia. Observant quoque, hoc verbum singulariter significare *excavare in dica, seu notare* & *signare foraminibus, seu puncturis*, uti fieri solet in rationibus, aut dicis mercedum, stipendiorum, portionum, salariorum, distributionum : qua ratione hic accipi volunt : unde reddunt : *Excava mercedem tuam super me*, Possis exponere : *Exscinde mercedem tuam apud me* : *demos un corte en vuestra soldada, vel punge mercedem tuam* : *apuntad, fennalad*.

V. 30. AD INTROITUM MEUM. Heb. *Ad pedem meum*; id est, ad ingressum vel ad adventum meum, quum primum ad te pedem intuli : sive *per pedem meum*; hoc est, quod ego hinc inde discurrerim, sedulo in omnibus ministraverim, & pedibus meis omnia perlustraverim.

V. 32. VARIAS. נָקַב *nakob* octies tantum in Scriptura occurrit, nimirum hoc, & sequenti capite : Noster *varium* ubique interpretatus est : communiter *punctum*, vel *punctatum* exponunt, id est maculis, seu notis quibuscumque parvis quasi punctis respersum, & variegatum. Nec displicet quod quidam ex vicinia verbi נָקַב *iakad, usit, vertunt punctum, ustum, adustum, inustum*, id est notis inustis quasi punctis signatum & impressum; uti notæ seu stigmata

mata eiusmodi inuruntur equis, armentis, pecoribus. Virgilius III. Georgicorum :

Continuque notas & nomina gentis inurunt.

Quamvis *inustum* hic nigrum intelligi velint. ET SPARSO VELLERE. מְשַׁרְשֵׁר *tal* quater in hoc capite legitur : Noster ter *maculosum* dixit. Aiunt proprie esse *obtectum*, obductum *maculis* quibusdam grandioribus, seu latioribus, quales sunt centones, frusta, pittacia, quæ vestibus aut pannis laceris & detritis assuuntur & inlariuntur. Hispanice, *remendados* ; ut cum vestis varia frustula assuta habet. Rabbinus vero nomine מְשַׁרְשֵׁר *tal* utuntur pro *assuere, resarcire*, & pro *pittaciis*. Antitheton faciunt nomini *nakod*, ut illud sit notis, seu punctis minoribus respersum, *tal* latis maculis obductum. Quæ hic Oleastrius de duabus his vocibus differit, sunt vana, futilia, nec ex usu & prout lingua; ut his sæpe in Hebraismo nugatur.

ERIT MERCES MEA. Nonnulla hic subaudiunt, quæ ex filo & ductu orationis intelligenda videantur, in hunc modum : Et illud quod deinceps nascetur tale, erit merces mea; id est, pecudes quæ istis similes posthac nascentur, mihi cedent mercedis loco; quasi dicat : Quæ alba deinceps nascentur, tua erunt; quæ vero variegata, seu multicoloria, & fusca, erunt merces mea. Summam pacti conventi hanc esse volunt : Ego tibi pecudes versicolores & fuscas abducendas traſam; tu mihi uni colores albas custodinas tantum traſe : postea quidquid ex his unicoloribus aibis nascetur sulcum, aut varii coloris, merces mea esto; quidquid autem non fuerit eius modi, si invenietur penes me, id mihi furto ascribito.

V. 33. RESPONDEBITQUE MIHI CRAS IUSTITIA MEA. Notant verbum מָחָר *gharâ* interduum idem valere quod *reddere, rependere* ; ut Osee 11. 22. Sic Latinis respondere. Virgilius I. Georgicor.

Ille seges demum votis respondet avari Agricole.

Servius : Respondet, aut satisfaciunt, aut consentiunt; ut

Disſis respondent cetera matris.

Ita hic : Et respondebit mihi iustitia mea in die crastino; id est, aliquando, suo tempore, quandocumque opus erit, iustitia mea pro me satisfaciunt, vel mihi consen-

tiet, & rependet ac reddet mihi abunde meritam mercedem. Alii : Et testificabitur pro me iustitia mea; id est, ostendet & declarabit quod iuste mihi debetur. Quidam : Et exaudiet me iustitia mea : mihi savebit. QUANDO PLACUIT TEMPUS ADVENIT CORAM TE. Hispanice, Quando llegue el plazo, id est constitutum tempus; Heb. Quia, vel quum venies, aut veniet; super mercedem meam. מְחַיִּיב *tabo* potest esse secunda persona futuri masculina, venies, & tunc tribuitur Laban; & potest esse tertia feminea, veniet, ut referatur ad iustitiam : duplici sensu: Quum tu Laban venies ad videndum mercedem meam oculis tuis; vel quum veniet iustitia mea super mercedem meam, te vidente & cernente. Aperte asserit, se a Domino sperare fidei & probitatis suæ certissimum testimonium & fructum, quam Deus ipsum peculio & re familiari quam maxime augerebit.

V. 35. HIRCOS. חִירָשׁ *thaisch* quater tantum in Scriptura ponitur, & Noster *hircum*, seu *hircos* semper transfert, nisi Proverb. xxx. 31. ubi *ariletem* dixit, forsitan silvestrem. Consentiant esse caprum, *hircum gregarium*, & *cicurem*, id est marem inter capras, qui gregem antecedit, ac rupes & alta loca facile ac strenue conscendat, vel quod capras fortiter incendant : ab incessu enim, vel incensu commendatur eo loco Proverbiorum. Hebr. hic, *Capros circumligatos*, vel *circulatos*, aut in modum circuli ligatos, hoc est maculis circumligantibus & ingentibus corpus circumdatos : Hispanice *barreados, cinchados, cennidos*; quasi zonis & fasciis macularum revinctos, virgatos. Quidam hic addunt *circumligatos* in pedibus, aut talis, vel cruribus, nempe qui habebant maculas diversicolores in locis ubi aligari solent, nimirum in cruribus, aut pedibus, seu talis. Sed id frivolum, nec tale quid in Hebræo. Notant, tria hic macularum genera distingui, ingentia, obducta, & punctata; nisi, quod reor, ingentia, & obducta, sint eadem, & unum sit alterius expositio : quod maculæ latiores ingenter corpus. CUNCTUM AUTEM GREGEM UNICOLOREM, ID EST ALBI ET NIGRI VELLERIS, TRADIDIT IN MANIBUS FILIORUM SUORUM. Hebr. Omne quod albedo in eo, vel omne in quo erat

erat aliquid albi; hoc est, quod totum non erat unicolor albus, sed aliquas maculas albas habebat in corpore nigro, nempe diversicolor; *Et omne fuscum in ovibus*: *Et dedit in manu filiorum suorum*. Quinque genera, aut quatuor hoc versu describi videntur, cincta, obducta, punctata, & hæc quidem poterant esse nigra, vel sulva in corpore albo; maculæ albæ in corpore nigro; & toto corpore nigra: ut intelligamus, diversicoloria, & nigra cessisse Labano; alba sola Jacobo.

Sed iam insuperabilis propemodum enascitur quæstio, quod Noster hic e contrario, unicoloria alba & nigra cessisse Labano videtur affirmare contra Hebraicam veritatem, contra seipsum, vers. 32. 33. contra ipsa pacta conventa, quæ explicuimus vers. 32. & contra ipsissimum, ut apparet, rei gestæ veritatem. Explanatores non se extricant. Ego ingenue ignorantiam profiteor. Res tota sarciretur si in Nostro levi mutatione, pro *unicolorem*, legeremus *omnicolorem*, vel *multicolorem*; quod ab aliis annotatum video: & illud, *Id est albi Et nigri velleris*, acciperemus, non seorsim totum album, & totum nigrum; sed unamquamque pecudem mixtum albam & nigram, id est diversicolorem. Lyra. Lib. differentiarum veteris Testamenti Genes. xxx. vers. 35. *Cunctum autem gregem unicolorem, id est albi Et nigri* (scilicet unius coloris) *velletis, tradidit in manu filiorum suorum*. Hæc littera sonat quod totaliter alba, & totaliter nigra fuerunt tradita filiis Laban pascentia: quod est falsum secundum omnes expositores Hebraicos & Latinos. Videtur autem littera nostra primo fuisse corrupta per scriptores ponentes *unicolorem* pro *omnicolorem*, & postea per aliquem imperitum expositorem, qui sequens dictam corruptionem addidit, *Id est albi Et nigri velleris*, quod non est in Hebræo. Et sic videtur quod ista fuerit littera nostra: *Cunctum autem gregem omnicolorem*, id est varium in colore quocumque modo, *Et omnem rufum dedit in manus filiorum suorum*: & sic est eadem cum Hebraica in sententia. Hæc Nicolaus Lyranus. Quod Hebræi de Elia dicunt, *Thibis solvet dura*; nos huius nodi vindicem Spiritum sanctum imploremus. Nobis tamen indicare tantum, non mutare permisum.

V. 36. GREGES EIUS. Hebr. *Pecudes*

Laban. Vox Hebr. לבן *laban* & potest esse proprium nomen foci Jacob, vel appellativum, id est *pecudes albedinis*, seu *albas*: ut intelligamus, unicolores albas cessisse Jacobo.

V. 37. VIRGAS. מקל *makkal*, singulariter *baculum*, vel *virgam*, a קלל *kalal* deducunt, nempe a *levitate*, *Et tenuitate*. Nec Latinum *baculus* ab Hebraico *makkal* sono abludit, *m* cum *b* permutato: sunt enim eiuldem organi litteræ. POPULEAS. תבנה *hibneh* bis tantum invenitur, hic, & Olæ IV. 13. utroque loco Noster *populum* arborem convertit. Consentunt omnes esse *populum*, sic dictam ab albedine corticis, vel quod detracto cortice nimum sit alba. Græci *leucen* appellant ab albore, ut nos etiam *Valentini alber*. Virgilius ecloga IX.

..... Hic candida *populus* arvo
Imminet.

Eius fabulam exsequitur Servius ad Eclogam VII. Virgili. Alii arborem esse volunt serentem resinam. Populum ad Eridanum fluvium, & in finibus Syriæ resinam ferre tradit S. Isidorus Lib. XVII. Originum, cap. VII. electrum ait Dioscorides Lib. I. cap. CXIV. nonnulli *betullam*: de qua Plinius Lib. XVI. cap. XCVIII. *Gallica hæc arbor mirabili candore, atque tenuitate; terribilis magistratum virgis. Utraque, populus, & betulla, aquatica, candida, & cum voce Hebraica sono utcumque conveniens. VIRIDES. תל לכת, *viridis, succosus, humidus*, recens: opponitur sicco & arido. AMYGDALINAS. תל לז non alibi in hac significatione invenitur: quidam *nucem*, alii *corylon*, seu *avellanam* putant. Servius in I. Georgicorum: *Sane coryli proprie dicuntur: nam avellane ab Avellane Campanie oppido, ubi abundant, nominatæ sunt*. Huius caudex & virgæ ob lentorem facile decorticantur; unde quidam putant dictas a Virgilio *eduras corylos*, id est non duras, sed blandas, ac lentas. Noster *amygdalum* exposuit, quod Arabice eo nomine amygdalæ vocentur. ET EX PLATANIS. תרנגבת *tharngbat*, Noster, securus Græcos & Chaldaeos, *platanum* dixit, hic, & Ezechiel. xxxix. 8. nam alibi non invenitur. S. Hieronymus hic, *Malo granatum*. Hebræi, ac recentiores volunt esse *castaneam*, sic dictam a figura, quam habet densam & cumulatam. Alii, a denudando, quod facile denudetur,*

tur, hoc est decorticetur. Quidam ab involvendo, quod multis putaminibus, & tunicis involvatur. Ex PARTE DECORTICAVIT EAS, &c. Hanc partem versus ex Hebræo ita reddunt: *Et decorticavit in eis cortices, vel decorticationes albas, nudationem, seu nuditatem albedinis, quæ super baculos, vel virgas. Alii: Et incidit in illis incisuras albas, denudationem candoris, qui erat in virgis. Nonnulli: Et deglubit eas, ut albedo appareret, denudans scilicet quod album erat in virgis; id est, partim decorticavit ipsas virgas; ea autem parte virgæ qua corticem detraxit, albor, qui suberat cortici, apparuit; & ita varia effecta est virga. Illud enim, denudationem, vel expoliationem candoris, per apparitionem dictum est; id est, ab illis detraxit summam partem corticis multis in locis; qua detracta, reddidit virgas illas variis in locis albas; quasi dicat, fecit ut virgæ illæ essent variorum colorum. Sed nemo melius, & aptius Nostro hunc locum paraphrasi illustravit.*

V. 40. Hic versus Hebraice difficilis: eum ad verbum reddimus: sensum hunc esse putamus: Separavit Iacob agnos, & oves variatas sibi natus ex strophæ illa virgarum, & in unum redegit gregem; fecitque eum antecedere in pascendo; pecudes seu oves unicolores albas, quas ipse primum pascendas acceperat a Laban, ex quibus setas variatos tollere se speraverat, & iam tulerat; & istas oves seu pecudes unicolores albas Laban, faciebat respicere illum gregem antecedentem variatum & discolorum, ut aspectu & contemplatione illorum præcedentium agnorum variatorum, illæ conciperent, & parerent maculosos, & variatos fetus, qui ipsi Iacobo cederent in mercedem. Mira industria! Unde illud, *In pecudibus, seu in pecore Laban, non est coniungendum cum illo, Circumligatum, & ad omne adiutum*: nam neutrum erat in pecore Laban, quod pascendum acceperat Iacob; sed ad illud, *Et dedit facies pecudum*, hoc modo: *Et dedit facies pecudum, quæ erant in, vel ex pecudibus Laban, seu quæ erant pecudes Laban, ad circumligatum & fuscum*; hoc est, posuit facies pecudum albarum unicolorum, quas pascendas acceperat a Laban, ut aspicerent ad antecedentem ipsas gregem variatorum. Nec enim eiusmodi

di traiectiones verborum; & hyperbata inusitata sunt in sacris libris. Insuper Iacob novos illos greges variatos, qui sibi recens nati fuerant, non miscuit cum grege illo primo unicolore quem acceperat a Labano, sed seorsim ducebat, ac pascibat.

V. 41. QUANDO PRIMO TEMPORE ASCENDEBANTUR OVES. Heb. varie reddunt: *In omni incallescere grex ligandarum*, id est earum pecudum quæ debebant nasci circumligatæ, seu fasciis & maculis vinctæ, de quibus vers. 35. Aliter: *In omni concipiendo oves circumligatas*; id est, cum oves circumligatæ & virgatæ concipere debebant: vel tum cum oves ipse, circumligatas & cinctas pecudes concipere debebant. Aliqui: *In omni conceptu ligatarum*, id est robustiorum & fortiorum, cum compactiores oves concipere debebant. Ligatas intelligunt, quæ naturæ robur habebant colligatum ac densum, & vires corporis valentiores. Hebræi & Chaldæi hic *מקושף* *mekuschelcharoth*, ligatas primitiva, & primogenita exponunt, quæ concipiuntur septembri, & in nisan, seu martianiscentur, quæ sunt fortiora & robustiora in pecudibus, utpote genita ex prima admixtura. Unde locum explicant: *Quoties coibant oves primitivæ & robustiores*. Nonnulli ligatas eleganter dictas putant oves aut pecudes primogenitas, quæ ex prima admixtura nascuntur verno tempore, quando scilicet solent oves ligari tendendi gratia, quasi natæ ligandi seu tendendi oves tempore. Ridicule. Verbum *מריחם*, quod incallescere vertimus. *Vim* verbi Hebræici, inquit S. Hieronymus, *nisi circumstita exprimere non possum: proprie enim dicitur extremus in costu caler, quo corpus omne concutitur, & patrans voluptati vicinus est finis*.

V. 42. QUANDO VERO SEROTINA ADMIXTURA ERAT. *חבץ* *ghataph* in significatione *serotinandi* singularissimum est, nec reperitur in Scriptura nisi in hoc versu, inhitivum Hiphil, & Pahl Kal. Alioqui verbum proprie est *operiri, obtegi, obrui*. Unde hic vertunt, *Quum obrueretur grex*, id est in altera admixtura. Hispanice admixturam appellamus *caprir* operire, quod tum feminæ a maribus operiantur, & quasi obruantur, fetarum viribus tunc exhaustis & debilibus: unde qui inde nascun-

tur, **גְּבֻתֻּפִּים** *gbatuppim*, id est *obrutī, effecti, confecti, infirmi, ac debiles* dicuntur. Nescio cur hanc vocem hic quidam *cessantes*, seu *cessantia* verterint. Hanc ferotinam admixturam esse aiunt, cum mense martio concipiunt pecudes, & septembri pariunt: quæ robore & virum compactu primam admixturam non æquat. Hebræi quidam annotant, hic esse sermonem de partu ovium, quæ posterius pariunt: quo tempore bona pars ovium parit: ac eo tempore non apponebat Iacob virgas. Tempore enim quo magna pars ovium parit, norat quod venturus esset Laban ad videndum quid oves parerent; ideo non ponebat virgas eo tempore. Ineptissime. Nam virgas Iacob non in partu, sed in conceptu ponebat; & eo consilio in prima admixtura, ut sibi compactiones pecudes nascerentur. Observant quidam verbum *גְּבֻתֻּפִּים* proprie esse *induti, amicti, operiri, obtegi*. Hispanice, & Italice *amantarfe*. Unde hic reddunt: *Et cum tegere facerent oves; vel cum induerentur, seu vestirentur oves; id est, cum oves vehementer lana operirentur: voluntque esse pulchram descriptionem temporis quo oves non admodum coitui incumbunt, sed potius ut se lana contegant propter adventantem hiemem: ut sit sensus: Cum posteriori admixtura vacarent greges. Fetus autem huiusmodi hibernales non æque laudantur ac priores. Unde hic etiam **גְּבֻתֻּפִּים** *gbatuppim*, *amictos, indutos, opertos*, scilicet lana interpretantur, agnos corticos, seu autumnales, ferotinos, ex secunda admixtura, qui ex ovibus lana contestis nascuntur. Sicuti e contra **קֶשְׁבִּירִים** *keschurim* dicuntur *agni ligati, & tonsi*, qui verno tempore ex prima admixtura, quando oves ligantur, & tondentur, nascuntur, qui sunt meliores & compactiones. Sed sunt hæc subtilia, curiosa, aliena. In verbo **בְּרֵאשִׁית** *baghatip* scribitur *Pe magnum*, & est prima littera magna quæ ponitur in Hebraicis Bibliis. Ego caulam, & mysterium eius non divino; nisi sit forsitan ad indicandam mirabilem ac singularem fuisse hanc totam narrationem, atque eximiam artem, & industriam Iacob.*

Animadverterunt plerique in tota hac re gesta, tres insignes strophas seu industrias adhibuisse Iacob. Prima fuit virgarum decorticatarum, ad quarum aspectum oves

variegata conciperent: nam aspectum, & imaginationem plurimum imprimere fetui, & exemplum mulieris parientis Aethiopem apud Quinilianum; & Persinæ parientis Charicleam apud Heliodorum; & mulieris deformis parientis pulcherrimum, apud Hippocratem; & Hispanicum equarum; & mille alia notissima perspicue demonstrant. Secunda industria facere ut antecederet grex variegatorum, ut adeorum conspectum pecudes variegatos parerent, vers. 40. Tertia, ponere virgas in prima tantum admixtura, & non in secunda sive ferotina: ut variegata, quæ sibi obventura erant, fortiori & compactioniora nascerentur, vers. 41. 42.

M E N O C H I I.

Vers. 1. **I** NVIDIT. Si tantum doluit quod infcunda esset, nulla fuit culpa: si optavit sororem sterilem esse, potuit culpa esse lethalis, aut venialis pro affectus, & deliberationis modo. Non mirum in filia Idololatæ hos affectus insurgere. **DA MIHI LIBEROS.** Zelo ardens, & muliebri inconsiderantia, nec potens ferre desiderii magnitudinem, erupit in verba impatientiæ, quæ etiam speciem habent blasphemiarum. **ALIOQUIN MORIAR.** Vel sensus est sibi violentas manus illaturam, ut visum est Sancto Chrysostomo: vel sententia est, vitam sibi morte acerbiorē fore.

V. 2. **I** RATUS, merito ob incivile, insipiens, & blasphemum dictum, quæ petebat a viro quod Deo reservatum, nempe secunditatem. **NUM PRO DEO EGO SUM?** quasi dicat: A Deo, non a me proles postulanda est.

V. 3. **P**ARIAT SUPER GENUA MEA: ut filium quem ipsa peperit ego baiulem, & nascentem pro meo accipiam. Honchalla scribit morem fuisse ut quæ alterius prolem volebat adoptare, puerperam gremio insidentem inter pariendum genibus fulciret, & recens natum infantulum super genua sua statueret.

V. 6. **I**UDICAVIT MIHI DOMINUS; quasi dicat: Cum sorore de secunditate contendī, ac quodammodo litigavi: iam mihi causam adiudicavit Dominus. **DAN**, id est iudicium.

V. 8. **C**OMPARAVIT ME CUM SORORE

RORE MEA DEUS. In Hebræo proprie est: *Colluctationibus Dei callide colluctata sum, & prævalui.* Dicuntur colluctationes Dei phrasi Hebraica, colluctationes magnæ; quasi dicat: Cum Lia pro fecunditate, & prolis gloria, colluctata sum, iamque callide eam non amplius parientem vici, dum pro me sterili ingeniose, & astute ancillam meam subrogavi. Inde filium vocavit Nephthali, hoc est colluctantem, concertantem; idque astute & callide.

V. 11. FELICITER. Vox Hebraica ut nunc legitur, significat *fortunam*, vel, *fortunate, feliciter*, ita etiam habent LXX.

V. 13. HOC PRO BEATITUDINE; iam etiam ex ancilla fori æquor; & beata ab omnibus prædicabor.

V. 14. RUBEN; puerulus forte quinquennis lufurus cum æqualibus. **MESSIS TRITICEAE,** tempore messis serotinæ, ad differentiam messis hordeæ, nam far, & triticum serotina. Vide Exod. cap. ix. 32. Sane cum mandragoræ vere excunte florent, Cantic. vii. 13. fructum ferunt demum autumno. **MANDRAGORAS.** Olim credebantur vim philtiri habere, ut tradunt Dioscorides, & Theophrastus: certe fecunditatem iuvant, ut Medici docent, ideoque a Rachel appetitæ.

V. 15. DORMIAT TECUM. Iacob noctes partiebatur uxoribus; & cum ista competeret Racheli, ius suum fori cedit.

V. 16. MERCEDE CONDUXI TE: redemi operam tuam coniugalem.

V. 17. EUS, Liæ bono hæc animo facientis, & Deum orare non cessantis.

V. 18. ISSACHAR, id est merces.

V. 20. DOTE BONA: matrimonio quasi dirempto redintegrando, & reconciliando, Deus mihi novam fecunditatem quasi dotem delicit. **ZABULON,** idem est quod habitaculum, vel cohabitans; quasi dicat: Ob tot proles meas amabit me, & hilariter firmiterque cohabitabit mihi maritus meus.

V. 23. OPPROBRIUM MEUM, sterilitatem, quæ tunc magno dedecori erat.

V. 24. ADDAT MIHI DOMINUS. Oportet Rachel a di sibi secundum filium; inde ex hoc suo voto, & desiderio vocat filium Ioseph. Ioseph ergo idem est quod addens, vel accrescens, ut pater cap. xli. 22.

V. 25. NATO AUTEM IOSEPH. Iam postulat Iacob se dimitti, quia expleti septem anni, quibus pro Rachel servierat.

V. 26. NOSTI SERVITUTEM; scis me diligentiam, & fidem quam debui, toto tibi tempore præstitisse. De mercede verbum nullum, quia pro mercede uxores duæ erant.

V. 27. INVENIAM GRATIAM: sine te a me exorari. **EXPERIMENTO DIDI CI QUIA BENEDIXERIT MIHI DEUS PROPTER TE;** quasi dicat: Tu es fortunatus, & ego propter te; tu bonam fortunam tuam tecum in domum meam induxilli. *Benedixerit mihi, me ditaverit.*

V. 28. CONSTITUTE; quasi dicat: Petite quod vultis, ego dabo. **MERCEDEM TUAM.** Non est sermo de mercede pro præterito tempore, sed agitur de mercede qua velit in posterum servire: nam retinere volebat: & ad hanc mentem respondet Iacob num. 31. *Iterum pastam, & castroriam pecora tua.*

V. 30. AD INTROITUM MEUM. Hebr. *Ad pedem meum;* id est, simul ac in domum tuam pedem intuli.

V. 32. GYRA OMNES GREGES TUOS. Coge in gyrum oves, & capras tuas, ut simul omnes lustremus, & separemus unicolores a diversicoloribus. **SEPARA CUNCTAS OVES.** Primum pactum Iacob cum Laban, ut scilicet unicolores setus, puta toti albi, aut toti nigri cederent Labano, sparsi vero & varii Iacobo. **FURVUM, MACULOSUM, ET VARIUM.** Furvum est fuscum, sive subnigrum, in quo albedo nigro mixta est, ut partim album, partim nigrum videatur. Maculosum est quod magnas habet maculas, albas, vel nigras. Varium, sive sparso vellere illud est quod parvulis maculis albis, vel nigris, quasi punctis distinctum, & punctatum est.

V. 33. RESPONDEBITQUE MIHI CRAS IUSTITIA MEA: quam tibi iuste fideliterque servierim futura dies ostendet: spero enim ut vel præter naturæ ordinem me Deus ditet. *Cras,* tempore futuro. **PLACITI TEMPUS,** in anni fine, quando, iuxta placitum tuum, & pacta inita, portiones utriusque dividuntur.

V. 34. FURTI ME ARGUMENT: si

Rbb 2 uni-

unicolores apud me reperiantur, quasi fur-
ti reus habear.

V. 35. TRADIDIT IN MANU FILIO-
RUM SUORUM: totum gregem credidit
Iacobo, huic autem additi filii Laban pa-
stores, & ipsi futuri sub Iacob, & quasi
inspectores eorum quæ gererentur, num
scilicet fideliter præstaret Iacob quod pro-
miserat. His traditi greges unicolores ex
pacto.

V. 36. TRIUM DIERUM: quale spa-
tium ambulando greges conficiunt. Pla-
cuit tanta loci intercapedo, ne ex uno ad
aliud gregem admittarii transirent, aut ne
oves, aut capræ maculosas inspicendo, si-
miles parent.

V. 37. TOLLENS ERGO IACOB VIR-
GAS POPULEAS VIRIDES, ET AMY-
GDALINAS, ET EX PLATANIS, EX
PARTE DECORTICAVIT EAS. Astus
hic fuit, & strophæ Iacobi, qua licite uti
potuit. I. quia rationem illam ab Angelis
in somnis doctus est, ut haberetur cap. seq.
n. 11. II. titulo compensationis, quia a
Laban homine avaro opprimebatur, & ius-
tam laborum suorum mercedem extorque-
re nequibat. III. quia primus Laban pa-
ctum violavit cum separaverit oves unico-
lores a diversicoloribus n. 35. nam ex uni-
coloribus sere non erant nascituræ nisi uni-
colores. Porro ars Iacobi naturalis fuit:
in coitu enim phantasæ vis solet esse ma-
xima, mentisque reputatio setui similitudi-
nem cogitavit, aut visam tunc maxime
imprimit.

V. 38. IN CANALIBUS, conchis, vel
aqueductibus, quibus aqua infusa detine-
batur arte, ne deflueret donec pecora bi-
bissent.

V. 42. SEROTINA. Ovium quædam
verno, quædam autumnali tempore concip-
iebant, arietibus ad eas admissis. *Seroti-
nan* ergo *admissuram* vocat autumnalem
septembris; *admissuram vero primi tempo-
ris* eam quæ in vere fiebat mense mar-
tio.

T I R I N I.

Vers. 2. **N**UM PRO DEO EGO SUM?
id est, an putas me esse
Deum, ut ex sterili te faciam secundam?
Pulchre Hebræi notant, Deum sibi soli
quatuor claves naturæ reservasse. Prima

est clavis vitæ seu generationis, ut ex
hoc loco patet. Secunda clavis alimonie,
Psal. cxliv. vers. 16. Tertia clavis pluvia-
rum, Deuter. xxviii. vers. 12. Quarta est
clavis sepulcrorum, seu resurrectionis, E-
zechiel. xxxvii. vers. 12.

V. 14. REPERIT MANDRAGORAS.
Pulchra sunt poma mandragoræ, & od-
orifera, præsertim quæ masculæ sunt. teste
Sancto Ambrosio a, Augustino, Cassiodo-
ro, & Levino Lemnio. Formam habent
uberum, quo etiam nomine Hebræice hic,
& in Canticis, appellantur. Et quia frig-
idæ admodum, ideo somno conciliando
servire, maxime vero mensuris ciendis,
matrici purgandæ, profluvio sistendo, re-
frigerando humedandoque seminarum ute-
ro (qui in calidis regionibus, ut erat Me-
sopotamia, & Iudæa, fervidior insto sic-
ciorque est) adhiberi solitas. testatur b
Dioscorides, Theophrastus, Epiphanius,
& alii: qui addunt, ex plurium opinione
mandragoram vim philtii habere, & id-
circo circæam vocari, & pomum amoris.
Et hæc videntur causæ fuisse cur Rachel
eam tam avidè a sorore experiret, licet
frustra: nam, ut ex versibus sequentibus
pater, tres adhuc annos sterilis mansit:
quibus exactis reddita est secunda non vir-
tute mandragoræ, sed beneficio solius Dei.

V. 33. RESPONDEBITQUE MIHI
CRAS IUSTITIA MEA; quasi dicat:
Tibi savebit natura pcorum, quæ alba
ex albis, nigra ex nigris procreare solet:
quæ omnia ex pacto tibi cedere debent.
Sed mihi quoque, uti certo confido, favo-
rabiliter respondebit, seu savebit iustitia
mea, id est Deus intuitu iusti laboris
mei. *Cras*, id est futuro tempore,
QUANDO PLACITI TEMPUS ADVE-
NERIT; id est, quando iuxta placitum
tuum, & pacta iam conventa, in fine an-
ni setus dividendi erunt, ut tibi cedant
omnes unicolores, vel toti albi, vel toti
nigri; mihi soli survi, id est subnigri, vel
sparsi, id est varii, seu diversæ coloris: quos
spero singulari Dei providentia etiam ex
unicoloribus, licet contra consuetudinem
naturæ, procreatum iri. Id verone fieret,
altu providenæ conatus est Laban, hæc ra-
tione. Omnes diversicolores sibi pascendis
desumpserat, & itinere tridui segregavit ab
unicoloribus, ne forsan illorum præsentia
& aspectu, vel coitu unicolores concipe-
rent,

rent,

rent, parerentque diversicolores. Dein parum fidens Iacobo, cui greges omnes unicolores reliquerat, exploratores ei apposuit filios suos, titulo tenus ut subsistent Iacobo, eumque iuvarent in gregibus custodiendis; sed re vera ut invigilarent ne quæ aliunde diversi coloris animantia a Iacobo admicerentur unicoloribus. Sed astuto astutior fuit Iacob, vel potius ab Angelo novam artem edoctus, ut ipsemet affirmat cap. xxxi. vers. 11. & sequentibus, virgultis semidecorticatis decepit Labanum, & licite quidem, non solum quia Deus, cuius sunt omnia, ita volebat, sed etiam quia debitam sibi multis nominibus mercedem, uxorumque dotem, ab avaro Laban iniuste detentam poterat iuste Iacob ac astu sibi vindicare, & clam compensare. Ita SS. Hieronymus c. & Augustinus d. Vi naturali hæc facta fuisse, egregie & fute docent e. Tostatus, Franciscus Valesius, Leonardus Vairus, Levinus Lemnius, Delrio & alii; licet S. Chrysostomus f. & Theodoretus id miraculo adscribant, velintque Angelos phantasiâ pecorum vehementius applicasse ad virgarum variegatarum attentorem apprehensionem, ut colligi videtur ex cap. xxxi. iam citato: & his faveat experientia, quæ multi cum idem tentaret quod Iacob, successu tamen frustrati sunt.

(a) Ambros. serm. xix. in Psal. cxviii. Aug. supra cap. lvi. Cassio, in Cant. vii. vers. ult. Lemn. cap. 11. de Herbis Biblicis.

(b) Dioscor. Lib. IV. cap. lxxi. Theoph. Lib. IX. plant. cap. x. Epiph. in Philologo cap. iv.

(c) Meton. in Quæst. Heb.

(d) Aug. Lib. XVIII. de Civ. cap. v.

(e) Tostat. in hunc locum, Vales. de Sacra phil. cap. xi. Vair. Lib. I. de Fascino. Lemnius Lib. I. de Occultis naturæ mris. cap. iv. Delrio Lib. I. Disquis. magic. cap. 111. quæst. 3.

(f) Chrys. hom. lvi. in Gen. Theol. quæst. lvi. in Genes.

GORDONI.

Vers. 1. **A**LIOQUIN MORIAR. Acerbum designat dolorem, & impotentem. Ad Deum dirigenda erat petitio.

V. 2. **NUM PRO DEO EGO SUM?** non sum Deus.

V. 3. **UT PRIAT SUPER GENUA MEA.** Sensus est: ancilla quidem pariet, & ego partum ut meum fovebo in sinu meo: an etiam lactabatur?

V. 6. **IUDICAVIT:** defendit causam meam.

V. 8. **COMPARAVIT ME DEUS:** Multa est, nec tamen multam necessaria concertatio de voce hac Nephthali, unde sit, ut constet de significato. An sit a נֶפְתָּלִי *nephthal*, in coniug. Niphal. (nam נֶפֶט *peht* in Cal non est in usu) quod significat conari, & luctari in concertatione duorum inter se. Certe hic Rachel putat se ita concertare cum sorore Lia, ut iam se putet sorori æqualem saltem; quia licet in moJo pariendi non sit plena æqualitas; tamen cum accedat maior favor inarriti, existimat se omnibus expensis, saltem ut æqualem comparari cum sorore.

V. 11. **FELICITER.** In Hebræo est בָּגָד *bagad*, quod significare potest, *venit felicitas*; aut certe in bono eventu: nam גַּד *gad* quod significat bonam fortunam, & רִי בִּבָּא *ri bibba*, potest esse servile, significans *in*; vel potest esse verbum, significans *venit*.

V. 13. **BEATAM**, inquit, me fecit: inde nomen inditum: nam Aser designat beatitudinem. De Ruben dixi cap. præcedente.

V. 14. **REPERIT MANDRAGORAS.** דֹּדִים *dodim*, דָּד, *dad*, *uber, mamma*: Septuag. μάλα μακροκαρπία. Habent quidem speciem uberum: pulchræ sunt; somnibus conciliant, & iuvant fecunditatem in torridis regionibus, ut frigidae sunt.

V. 15. **DORMIAT.** Iacob noctes uxoris partiebatur, ut hic locus subindicat de cessione iuris.

V. 18. Sequuntur reliquorum filiorum, immo & tribuum nomina. Issachar significat ex mercede natum (data mercede pro copula) יִשָּׁחַר *ieshar*, & vox שָׂכָר *shachar*, *merces*. Similiter Zabulon significat habitaculum. זָבֻל *zabal*, *habitare*: dixit enim vers. 20. *Mecum erit*, aut habitabit זְבֻלִּי *zebulon*.

V. 20. **NOTE BONA.** Fecunditatem restituit, quasi novam dotem.

V. 23. Sterilitas erat tunc opprobrium.

V. 24. Ioseph, incrementum designat. * *Radix* הָרָא *harâ* quod est addere, ad quod allusit mater. Hic filius duodecimus natus est, exeunte anno 14. & ultimo, quo Iacob servivit.

Cronologia Ioseph indicata est capit. xii. Nascitur anno mundi 2229. & patris anno

anno 91. venditur post 16. annos : servit annis 13. vixit annis 110. moritur anno mundi 2338.

V. 28. CONSTITUTE MERCEDEM . Sermo iam est de mercede futuri temporis , & qua velit Iacob deinceps servire . Optat enim Laban eum retinere .

V. 30. AD INTROITUM MEUM : ad meum adventum . Hebr. *ad pedem meum* , phrasi Hebraica .

V. 32. Per vocem GYRA , idem intellige ac si diceret , lustremus gregem , ut ante nos transeant greges . Sic quidem Septuaginta referunt verbum plurale ad gregem ; tamen in Hebraeo est *transibo* , *אעבר* *ebbebor* .

V. 33. Agnoscunt hic Interpretes non parvam deinceps obscuritatem , natam praesertim ex varietate versionum , quas conciliare inter se , in tanta narrationis varietate difficile est . Sane pactum unicum hic fuit inter Iacob , & Laban ; non vero duplex : ex versu 35. & textu vulgato . Pactum vero fuit ut fetus ex ovibus , & capris , si essent unius coloris , nempe toti albi , vel toti nigri , pertinerent ad Laban ; si vero coloris varii , hoc est partim albi , partim nigri , seu survi , cederent Iacobo . Ita cum Hieronymo Pererius . Stat huius loci prior quidem difficultas , quid sit *furvum* in sorte Iacob . Hebr. *חמ* *hum* . Certe non significat hic totum nigrum : nam Vulgatus habet *furvum* , & schol. *ποικίλος* , *variegatum* ; immo textus vers. 32. subiungit *maculosum* , quasi explicans quid sit *furvum* : & nisi sic explices , seu pro non toto nigro , erit contradictio in textu , nec stabit bene pactum inter Iacob & Laban . Immo *חמ* etiam fuscum significat , seu subnigrum , & non penitus nigrum . R. Sa-

lomon *fulvum* interpretatur . Alterum quod hic parit difficultatem sunt haec verba :

V. 35. CUNCTUM GREGEM UNICOLORUM . Hoc sic intelligi , quod tantum albi coloris , vel tantum nigri erat tradidit filio . Sic autem intelligi *et unicolorum* , & supplendum esse *et* tantum , ostenditur primo , quia nisi insequentia verba (id est albi , & nigri velleris) explicantia praecedentem vocem designarent albos tantum , & nigros tantum ; darent loco explanationis sensum plane oppositum , & non unicolorum , vi coniunctionis copulantis . Idem colligo ex vers. 35. Hebr. *כל אשר לבן בו* , *omne cui candor in eo* , hoc est pure & solum candidum , ex modo , inquam , & phrasi Hebraica : atque ita stabit facilis sensus : Filiis datus est grex qui totus albus erat , & qui tantum ac totus niger ; Iacob grex reliquus . Eundem sensum de hac separatione repetit , & explicat versus 40. Quae autem nascebantur post hanc gregis separationem , dividi debebant iuxta pactum vers. 32. & 33. Et sic (inquit Iacob) cras , seu tempore suo , & quo nascentur fetus , seu bis in anno , stabit placitum , & de tota re iudicium .

V. 37. VIRGAS POPULEAS , &c. Collige ex cap. xxxi. vers. 11. Iacobum edoctum ab Angelo usum fuisse hac arte . Adae porro id actum esse a Iacob titulo compensationis , quando aliter merces laboris extorqueri non poterat .

V. 40. QUANDO PRIMO TEMPORE . Martium intelligunt Interpretes , nempe in mense Nisan . In mense vero Tisri non apponebat Iacob virgas ; & tunc nata unius coloris erant Laban . Haec *serotina* vocantur ; & solent esse deteriores fetus , mense septembris .



C A P U T XXXI.

Iacob, iubente Domino, ad patrem cum omnibus suis tacitus revertitur; quem Laban insequitur: Rachel autem patris idolis ablatis, ipsum quarentem astu decipit: tandemque Iacob & Laban inito fœdere, ad propria quisque discedit.

1 **P**ostquam autem audivit verba filiorum Laban dicentium: Tulit Iacob omnia quæ fuerunt patris nostri, & de illius facultate ditatus, factus est inclytus: 2. animadvertit quoque faciem Laban, quod non esset erga se sicut heri & nudius tertius, 3. maxime dicente sibi Domino: Reverte in terram patrum tuorum, & ad generationem tuam, eroque tecum: 4. misit, & vocavit Rachel, & Liam in agrum, ubi pascebat greges, 5. dixitque eis: Video faciem patris vestri quod non sit erga me sicut heri & nudius tertius: Deus autem patris mei fuit mecum. 6. Et ipsæ nostis quod totis viribus meis servierim patri vestro. 7. Sed & pater vester circumvenit me, & mutavit mercedem meam decem vicibus: & tamen non dimisit eum Deus ut noceret mihi. 8. Si quando dixit: Variæ erunt mercedes tuæ: pariebant omnes oves varios fetus: quando vero e contrario ait: Alba quæque accipies pro mercede: omnes greges alba pepererunt. 9. Tulitque Deus substantiam patris vestri, & dedit mihi. 10. Postquam enim conceptus ovium tempus advenerat, levavi oculos meos, & vidi in somnis ascendentes mares super feminas, varios & maculosos, & diversorum colorum. 11. Dixitque Angelus Dei ad me in somnis, Iacob? Et ego respondi, Adsum. 12. Qui ait: Leva oculos tuos, & vide universos masculos ascendentes super feminas, varios, maculosos, atque resperfos. Vidi enim omnia quæ fecit tibi Laban. 13. Ego sum Deus Bethel, (a) ubi unxisti lapidem, & votum vovisti mihi. Nunc ergo surge, & egredere de terra hac, revertens in terram nativitatis tuæ. 14. Responderuntque Rachel, & Lia: Numquid habemus residui quidquam in facultatibus & hereditate domus patris nostri? 15. Nonne quasi alienas reputavit nos, & vendidit, comeditque pretium nostrum? 16. Sed Deus tulit opes patris nostri, & eas tradidit nobis, ac filiis nostris: unde omnia quæ præcepit tibi Deus, fac. 17. Surrexit itaque Iacob, & impositis liberis, ac coniugibus suis super camelos, abiit. 18. Tulitque omnem substantiam suam, & greges, & quidquid in Melopotamia acquisierat, pergens ad Isaac patrem suum in terram Chanaan. 19. Eo tempore ierat Laban ad tendendas oves, & Rachel furata est idola patris sui. 20. Noluitque Iacob confiteri focero suo quod fugeret. 21. Cumque abiisset tam ipse quam omnia quæ iuris sui erant, & amne transmissio pergeret contra Montem Galaad, 22. nuntiatum est Laban die tertio quod fugeret Iacob. 23. Qui assumptis fratribus suis, persecutus est eum diebus septem; & comprehendit eum in monte Galaad. 24. Videntque in somnis dicentem sibi Deum: Cave ne quidquam asperere loquaris contra Iacob. 25. Iamque Iacob extenderat in monte

te tabernaculum : cumque ille consecutus fuisset eum cum fratribus suis , in eodem monte Galaad fixit tentorium . 26. Et dixit ad Iacob : Quare ita egisti , ut clam me abigeres filias meas quasi captivas gladio ? 27. Cur ignorante me fugere voluisti , nec indicare mihi , ut prosequerer te cum gaudio , & canticis , & tympanis , & citharis ? 28. Non es passus ut oscularer filios meos , & filias : stulte operatus es . 29. Et nunc quidem valet manus mea reddere tibi malum ; * sed Deus patris vestri heri dixit mihi : Cave ne loquaris contra Iacob quidquam durius . 30. Esto , ad tuos ire cupiebas , & desiderio erat tibi domus patris tui : cur furatus es deos meos ? 31. Respondit Iacob : Quod infcio te profectus sum , timui ne violenter auferres filias tuas . 32. Quod autem furti me arguis : apud quemcumque inveneris deos tuos , necetur coram fratribus nostris . Scrutare quidquid tuorum apud me inveneris , * & aufer . Hæc dicens , ignorabat quod Rachel furata esset idola . 33. Ingressus itaque Laban tabernaculum Iacob , & Liæ , & utriusque famulæ , non invenit . 34. Cumque intrasset tentorium Rachelis , illa festinans abscondit idola subter stramenta cameli , & scdit desuper : scrutantique omne tentorium , & nihil inveniendi , 35. ait : Ne irascatur dominus meus quod coram te assurgere nequeo , quia iuxta consuetudinem seminarum nunc accidit mihi : sic delula sollicitudo querentis est . 36. Tumenique Iacob , cum iurgio ait : Quam ob culpam meam , & ob quod peccatum meum sic exarxisti post me , 37. & scrutatus es omnem suppellectilem meam ? Quid invenisti de cuncta substantia domus tuæ ? Pone hic coram fratribus meis & fratribus tuis , & iudicent inter me & te . 38. Idcirco viginti annis fui tecum ? Oves tuæ , & capræ steriles non fuerunt , arietes gregis tui non comedi : 39. nec captum a bestia ostendi tibi ; ego damnum omne reddebam ; * quidquid furto peribat , a me exigebas : 40. die nocteque æstu urebar , & gelu , fugiebatque somnus ab oculis meis . 41. Sicque per viginti annos in domo tua servivi tibi , quatuordecim pro filiabus , & sex pro gregibus tuis : immutasti quoque mercedem meam decem vicibus . 42. Nisi Deus patris mei Abraham , & timor Isaac affuisset mihi , forsitan modo nudum me dimisisses . Afflictionem meam , & laborem manuum mearum respexit Deus , & arguit te heri . 43. Respondit ei Laban : Filiz meæ , & filii , & greges tui , & omnia quæ cernis , mea sunt : quid possum facere filiis , & nepotibus meis ? 44. Veni ergo , & incamumus sædus , ut sit in testimonium inter me & te . 45. Tulit itaque Iacob lapidem , & erexit illum in titulum ; 46. dixitque fratribus suis , Afferte lapides . Qui congregantes fecerunt tumulum , comederuntque super eum : 47. quem vocavit Laban Tumulum testis , & Iacob , Acerbum testimonii , uterque iuxta proprietatem linguæ suæ . 48. Dixitque Laban : Tumulus iste erit testis inter me & te hodie : & idcirco appellatum est nomen eius Galaad , id est Tumulus testis . 49. * Intueatur , & iudicet Dominus inter nos quando recesserimus a nobis , 50. si afflixeris filias meas , & si introduxeris alias uxores super eas : nullus sermonis nostri testis est absque Deo , qui præsens respicit . 51. Dixitque rursum ad Iacob : En tumulus hic , & lapis quem erexi inter me & te , 52. testis erit : tumulus , inquam , iste , & lapis sint in testimonium , si aut ego transiero illum pergens ad te , aut tu præterieris , malum mihi cogitans . 53. Deus Abraham , & Deus Nachor , iudicet inter nos , Deus patris eorum . Iuravit ergo Iacob per timorem patris sui Isaac : 54. immolatisque victimis in monte , vocavit fratres suos ut ederent panem .

panem. Qui cum comedissent, manserunt ibi, 55. Laban vero de nocte con-
surgens, oculus est filios, & filias suas, & benedixit illis; reversusque est
in locum suum.

(4) Sup. xxviii. 12.

B R U G E N S I S

ROMANAE CORRECTIONES.

V. 29. *Sed Deus patris vestri*. Pronomen *tui*
consulto mutandum est cum *vestri*, ne quis
errorem esse putet.

V. 32. *Et aufer*. Non omittatur conjunctio *&*.
V. 39. *Quidquid furto peribit*. Praefendum
est nomen *furto* adverbio *furtim*.

V. 49. *Intuatur, & indices*. Non prae-
ponas, *Et adiecit Laban*.

C O M M E N T A R I A

S A.

Vers. 2. **H**ERI ET NUDIUSTERTIUS,
ideft antea, scilicet fuerat.

V. 7. **DECEM**, ideft multis.

V. 13. **SUM DEUS**. Nota, Angelum,
se Deum vocare: scilicet loquitur Dei no-
mine.

V. 15. **PRETIIUM NOSTRUM**, ideft
quod nobis debebatur, pro viri nostri la-
boribus.

V. 16. **PRAECEPTUM**. Hebr. *divit*.

V. 20. **CONFITERI**; pro, indicare.

V. 21. **AMNE**, scilicet Euphrate, qui
Mesopotamiam a Syria dividit. **GALAAD**,
sic postea dictus locus.

V. 24. **VIDITQUE**, ideft sensit, vel
audivit: nam Hebr. solum dicitur, *Deus ei*
locutus in somno.

V. 34. **ABSCONDIT**; pro, absconde-
rat, scilicet antea.

V. 35. **CONSUETUDINEM FEMI-
NARUM**; quasi dicat, parior menstrua.
**SIC DELUSA SOLICITUDO QUAE-
RENTIS EST**. Hebr. *Et scrutatus est, &*
non invenit idola.

V. 36. **TUMENSQUE, &c.** Hebr. nihil
de tumore dicitur, sed solum quod sit ira-
tus, & iurgatus.

V. 37. **PONE HIC**; ideft, profer in
medium.

V. 38. **IDCIRCO**. Hebr. *iam*, vel *ec-
ce*. **STERILES NON FUERUNT**. Hebr.
Non fuerunt abortae, s:u abortum passae.

V. 40. **AESTU**, iungendum cum **DIE**.
GELU, iungendum cum **NOCTUQUE**.

V. 41. **DECEM**, ideft multis.

V. 42. **TIMOR**, ideft Deus, quem ti-
mebat, seu colebat. **HERI**, ideft hester-
na nocte.

V. 43. **FILIAE**, scilicet istae.

V. 45. **TITULUM**, ideft statuam, seu
monumentum.

V. 46. **FRATRIBUS**, ideft affinibus,
qui venerant cum Laban. Vide supr. nu-
mer. 23.

V. 47. **UTERQUE IUXTA PROPRIE-
TATEM LINGVAE SUAE**. Id additum
ab Interprete, ut significaret, alterum Sy-
riace, alterum Hebraice locum appellasse
Tumulum testis.

V. 48. **GALAAD**: id Hebraeum est:
nam Syriace legat *Sabadutha*.

V. 49. **DOMINUS**. Vide Iudic. xvii.
num. 3.

V. 50. **TESTIS EST**, scilicet nobis se-
paratis. August. in Genes. quæst. xcix. *Nul-
lus*, inquit, *extraneorum vel nullus Deite-
stimonio iungendus*. Hebr. *Non est quisquam*
nobiscum: en Deus testis inter me, & te;
quasi dicat: Ut omnes absint, Deus certe
semper testis erit.

V. 52. **SI AUT EGO TRANSIERO**
ILLUM PERGENS AD TE, &c. Hebr.
Quod nec ego illum, transibo ad te, nec tu
illum, transibis ad me, ad malum.

V. 55. **DE NOCTE**. Hebr. *mane*, seu
diluculo, scilicet summo mane.

E S T I I.

Vers. 7. **S**ED ET PATER VESTER
CIRCUMVENIT ME. Signi-
ficat Iacob se fraude circumveniri a La-
ban,

ban, quantum in illo erat; alioqui Deum prohibuisse, quo minus fraus illius effectum haberet. Fraudem autem intelligit de qua dicit: **MUTAVIT MERCEDEM MEAM DECEM VICIBUS.** Ubi quidam putant numerum certum positum pro incerto. Sed rectius Hier. & post eum Aug. certum ac definitum numerum intelligunt, ut sensus sit, Laban *decem vicibus*, nempe per denos ovium partus, pactam cum Iacob conditionem mutasse. Cum enim post primam conventionem videret, varium nasci pecus, post setum dicebat: Volo ut mihi princeps varia nascantur, tibi unicoloria. Quo audito Iacob virgas decoricas in canalibus non ponebat. Cum ergo nascerentur unius coloris, mutata conditione Laban, quæ unius essent coloris, sibi nasci volebat, varia Iacob. Atque hoc pacto usque ad decem vices a Laban mutata conditio est; quamquam frustra; cum Iacob ad seturam seu variam, seu unicolorem, virgas aut poneret, aut non poneret. Ne cui autem in sex annis decem pariendi vices incredibiles videantur, dicit Hieron. oves Mesopotamiz bis in anno parere, sicut & Italiz, de quibus Virgilias: *Bis gravide pecudes.*

V. 30. CUR FURATUS ES DEOS MEOS. Putant quidam non fuisse proprie furtum quod Rachel commisit, auferendo patris sui idola (nam sic vocantur supra vers. 19.) non enim ad colendum, sed ad tollendam a patre occasionem idololatriæ, id ab ea factum esse. Verum bona intentio furti peccatum excusare non potest, sicut nec a furto excusatur qui subducit diviti, ut det pauperi. Non enim sunt facienda mala, ut eveniant bona. Sed iustior excusatio erit, si dicatur occulte abstulisse deos aureos seu argenteos, velut quorum valor seu pretium iure filiabus debebatur pro dote. Sicut enim Laban fraudaverat mercedem Iacob decem vicibus, ita & filias fraudaverat iusta dote. Unde Rachel, & Lia vers. 15. quoque dicunt: *Nonne quasi alienas (pater noster) reputavit nos, & vendidit?*

V. 32. QUOD AUTEM FURTI ME ARGUIS: APUD QUEM CUMQUE INVENERIS DEOS TUOS, NEC ETUR CORAM FRATRIBUS SUIS. Hinc colligi videtur, iuste etiam simplex furtum puniri supplicio capitis. Neque enim la-

cob, præiudicio suo aliquem suorum in discrimen mortis vocasset, nisi rigore iustitiæ tale supplicium debitum fuisset. Quæ iustitiæ severitas etiam apud gentiles, maxime in servos, servata est. Unde illud Horatii: *Non furtum feci, non passens in cruce corvos.* Quod notandum propter quoddam Iurisperitos (quos etiam Lyranus sequitur) qui negant iustum esse secundum iustitiam civilem, ut pro simplici furto quis capitis animadversione puniatur.

V. 34. ILLA FESTINANS ABSCONDIT IDOLA. Hebr. est *theraphim* sicut & supra vers. 19. quod tantum proprie significat *imaginem*. Neque hinc consequens esset, ea proprie esse idola, aut a Laban pro diis culta, nisi ipse Laban vers. 30. vocaret illos deos suos. Hebr. *elohim*: etenim *theraphim* etiam aliquando in bonam partem accipi paret I. Reg. xix. ubi Michol dicitur accepisse statuam, & posuisse in lecto Davidis, ut hoc pacto eam a morte eriperet. Alii tamen volunt, *theraphim* semper in malam partem accipi; de quo vide Annotata I. Reg. xix. Osee iiii. & Iudic. xvii.

V. 40. DIE NOCTUQUE AESTU VERBAR, ET GELU. Ita & LXX. *οἷμα ἡμέρας*. Quædam tamen exemplaria habent, *Urgebar*, id est premebar; sed correctora legunt, *Urbar*. Vide Hebr. Et simile est illud Psal. cxx. *Ter diem sol non uret te, neque luna per noctem.* Sic Ovidius Lib. III. Tristium eleg. ii. *Usus ab assiduo frigore pontus erat.*

V. 42. NISI DEUS PATRIS MEI ABRAHAM, ET TIMOR ISAAC AFUISSET MIHI, FORSITAN MODO NUDUM ME DIMISSES. Per timorem Isaac, verimiliter intelligitur reverentia, quam vel Laban gerebat erga Isaac adhuc viventem, nolens eum gravius offendere in Iacob; vel quam Isaac ipse gerebat erga patrem suum Abraham; vel denique reverentia Isaac, qua quique eum merito revereretur, ut virum sanctum, & Dei amicum: nam timor sæpe pro reverentia sumitur.

V. 50. SI INTRODUXERIS ALIAS UXORES SUPER FILIAS. Queritur an salvo hoc fœdere non potuisset Iacob alias adhuc uxores ducere ad multiplicandum genus. Videtur dicendum, quod in hæc verba Laban Iacob non consenserit, nisi quatenus in-

hu-

huiusmodi factio esset aliqua iniuria priorum uxorum. Nam Iacob respondens, & scdus approbans, nihil dicit de uxoribus, sed tantum dicit: *Si aut ego transiero illum* (tumulum scilicet) *pergens ad te, aut tu praeieris, malum mihi cogitans*. Et haec etiam videtur tantum fuisse intentio Laban: nam immediate praecedat: *Si affixeris filias meas*.

MARIANAE.

vers. 7. **D**ECEM VICIBUS, id est multis: numerus finitus pro indefinito. Hebr. *Decem numeris*, seu *partibus*; quod est, decem vicibus mutavit mercedem meam Laban.

V. 8. ALBA QUAEQUE ACCIPIES. Vocem *חֲלָדִים* *hakudim*, superiori capite varia seu maculosa reddidit *vers. 35. & 39.* sed illomet capite *vers. 40.* & hoc loco pro eadem voce *alba* reddidit, nescio quid in eo secutus: nam plerique ea voce *succincta* intelligunt, nempe quorum macula cingebat totum corpus: sic verti potest: *Succincta erit merces tua*. Qui enim *alba* dedisset, cum gregem reliquis Iacobo a socero omnis albus esset? Sept. ut Hier. *alba* posuerunt: Chald. *maculosa*.

V. 9. SUBSTANTIAM PATRIS VESTRI. *חֲזֶקֶת מִכְנֶה* proprie greges significat, sic dictos a possidendo, quoniam antiquis ea praecipue possessio erat.

V. 10. SUPER FEMINAS, VARIOS. Hic est eadem vox Hebraica *hakudim*, & Sept. hoc loco *subalbos* verterunt.

V. 13. EGO SUM DEUS BETHEL, qui in Bethel tibi apparui. Angelus se Deum vocat, quia Dei nomine loquitur.

V. 15. COMEDITQUE PRETIUM NOSTRUM; quasi dicat: Nullam dotem nobis dedit, aut quod debebatur pro viri nostri labore, id vendidit Laban, & comedit.

V. 19. RACHEL FURATA EST IDOLA PATRIS SUI. Hebr. *teraphim*, qua voce haud dubium significantur imagines: I. Reg. xix. *vers. 13.* *Tulit autem Michol statuas*, Hebraice *teraphim*: & quidem loquentes. Zach. x. *vers. 2.* *Simulacra locusta sunt inutile*. Itaque reddebant de futuris responsa. Neque umquam invenio eam vocem in bonam partem accipi, sed procul tu impio. Quod si Osee iii. dicas legi

vers. 4. *Quia dies multos sedebunt filii Israel sine rege, & sine sacrificio, & sine teraphim*: ad hoc tempus respexit, quo Iudaei neque pium cultum exercent templo everso, neque idoli sunt dediti.

V. 20. NOLUITQUE IACOB CONFITERI, indicare. Hebr. *Furatus est cor Laban*; id est, & eo ignorante fugit.

V. 21. AMNE TRANSMISSO, nempe Euphrate: nam mons Galaad ultra Iordanem est citra Euphratem. GALAAD sic vocatur per anticipationem. Num. xxvi. *vers. 29.* a nepote Manasse accepit id nomen.

V. 24. NE QUIDQUAM ASPERE LOQUARIS. Hebr. *Observa tibi, ne loquaris cum Iacob a bono usque ad malum*; id est, ne in ira aliquid loquaris, neque bonum, neque malum, id est nihil omnino. Sententiam expressit Hieron.

V. 26. CLAM ME ABIGERES FILIAS MEAS. Hebraice: *Furatus es cor meum*.

V. 36. EXARSISTI POST ME. Pagn. *Persecutus es me*. *פָּלַךְ* *dalak* hic *persequi* significat, ut Hebraei credunt: sic Plalm. vii. *vers. 14.* pro *sagittas suas ardentibus effecit*, explicant *persequentibus* (scilicet me) *sagittas effecit*; id est, paravit Deus.

V. 42. NISI DEUS PATRIS MEI ABRAHAM, ET TIMOR ISAAC. Hebr. *Nisi Deus patris mei, Deus Abraham*, & *timor Isaac*, id est quem timet Isaac. Iudaei inter alia Dei nomina *timorem* nominant, quod sit timor noster, quem timere debemus omni tempore vitae, praesertim cum *vers. 53.* dicatur. *Iuravit Iacob per timorem patris sui Isaac*. Tum quidam *Os* dictum putant quasi *sine timor*, iuxta illud: *Primus in orbe deos fecit timor*.

V. 47. UTERQUE IUXTA PROPRIETATEM LINGVAE SUAE. Adiectum hoc ab Interprete.

V. 50. NULLUS SERMONIS NOSTRI TESTIS EST; quasi dicat: Ut omnes absint, Deus certe testis est.

vers. 55. LABAN VERO DE NOCTE CONSURGENS. *Mane surgens*, Sept. quod in Hebraeo etiam habetur; sed perinde est.

MALVENDAE.

vers. 2. SICUT HIERI ET NUDIUS TERTIUS. *כְּחֶמְלָא שְׁלוֹשׁ יָמִים* *chithemol sebilshom*. Quidam curiose ob-

servant, quod quando תהמו *themol* coniungitur mediante aliqua voce cum שישם *shishsham* vertendum esse per *heri* *hesherno*, & dicendum, *Heri*, & nudius tertius; quando vero immediate contrahitur, ut hic, convertendum per adverbium *nudius* solum: & ita hic vertunt tantum: *Sicut nudius tertius*, id est antea. Sed id argutus alii putant, qui reddunt sine conjunctione: *Sicut heri nudius tertius*: & proprie, *Sicut heri nudius tertius*, si Latini hoc ferrent: syncedoché frequens in sacris libris, qua pars proxima pro toto tempore antecedente sumitur. Sic infra vers. 4.

V. 7. DECEM VICIUS, id est sapius, ut infra vers. 41. & Numeror. xiv. vers. 22. & Iob xix. vers. 3. Quidam exponunt, Id est bis fere quotannis: nam ibi fuit Iaghabok a tempore contractus sexennium, infra vers. 41. Vide S. Hieronymum.

V. 10. MARES. תרים *ghatbulim*, *hircos*, capros maiores interpretantur, quasi in cumbentes feminis, & quibus grex incumbit ac fudit: idem esse aiunt quod תרים *teiaschim*, cap. præcedenti, vers. 35. Quidam ex circumstantia loci, generale hic esse nomen putant, ut comprehendat hircos & arietes, ut תרים *tzon*, oves, & capras includit. Unde prudenter Noster *maves* dixit. ET DIVERSORUM COLORUM. כרים *beruddim* hic tantum reperitur & vers. 12. & Zacharie vi. 3. 6. ubi Noster variis reddidit. Quidam hic *conspersos*; alii *separatos*, id est separatim habentes maculas; nonnulli *maculis altis respersos*; plerique *grandinatos*, id est maculis grandineis, seu grandinosis, & in modum grandinis respersos, punctis notatos, quasi grandineis: nec desunt qui *grandine guttatos*, quasi guttas grandinis habentes, כרים *barad*, *grandinare*, & *grandinem* significat. Ego hos esse puto quos capite præcedenti vers. 36. dixit: *Omne quod albedo in eo, sive omne in quo aliquid albi*. Porro tria illa postrema nomina huius versus כרים *קרים*, *קקים*, *ghakuddim*, *pekuddim*, *beruddim*, quæ vertimus, *circumligatos*, *punctos*, seu *punctatos*, & *grandinatos*, quidam ad hircos, alii ad pecudes referunt; sed ego potius ad fetus nascentes ex iis: quod magis ductus & filo serum videtur convenire; quasi dicat: Vidi capros, seu arietes incuntes pecudes; ex quorum congressu ex-

tabant circumligati, puncti, & grandinati. Sic vers. 12.

V. 19. תרפים *theraphim*. De hac voce cuiusque etymo plura differui in Antichristo Lib. XI. cap. xiii. videntur hic esse idola, seu *funclara*, quæ domi cultus & religionis causa habebantur, quæ etiam consulebant, & ab iis oracula, & responsa petebant, forsitan deorum Penatum, aut Larium. Dicta existimo רפאב *raphab*, remittere, quod animos hominum metu & religione remitterent. Aliz etymologiæ sunt ridiculæ.

V. 34. SUBTER STRAMENTA CAMELI. כר *car* Chaldaei, & Hebraei, & plerique recentiorum *clitellam*, *fellam*, *stramentum*, quod vulgo *basso* dicitur, exponunt. Hebræorum nonnulli putant esse speciem cameli velociter currentis, nempe dromedarii: unde possit hic verti: *Et posuit ea in dromedario cameli*; quasi dicat, in camelo dromedario, qui *car* dicitur. Quidam annotant, *car* significare primo locum *pascuum*, qui *vel* *salce* secatur, *vel* *animalibus pascendo abscinditur*. Itaque xxx. 32. Psalm. lxiv. vers. ultim. nempe *pratium*; & poni interdum pro *pabulis camelorum*, vel *stramentis defectis*: Unde hic reddunt: *Et posuit ea in scello camelorum*. Alii, *Inter pabulum camelorum*. Rabbinii utuntur hoc nomine pro *pulvillo maiore*; ut possit transferre: *Et posuit ea in pulvillo cameli*.

V. 36. QUAM OB CULPAM MEAM. Hebr. quidam reddunt: *Quæ est amotio mea*, id est quid est quod ego amoverim?

V. 39. EGO DAMNUM OMNE REDDEBAM. Hebr. *Ego peccabo eam*; id est, reum me peccati constituebam, culpam erat in me transferebam compensando: non ad te reportando disceptum, aut dilaceratum a feris, sed perfolvendo, aut subfultuendo, vel reponendo aliam pecudem integram & sanam pro discepta. Communiter vertunt: *Ego expiavi, purgavi illud*: quidam: *Ego peccare feceram illud*; hoc est, in me omnem culpam transferrebas, quasi mea causa dilacerarentur oves. Notant in futuro מפקה *achattennab* deest Aleph radicis: forte ad indicandam hanc singularem errandi & peccandi significationem, quam habet hoc verbum in Pihel, cum in ea coniugatione contrariam habere soleat, nempe *erratum*, *peccatum* *subfult*, *expiavit*, *mundavit*, *purgavit*. Ego po.

potius Aleph omiffum puto ad indicandum quam minimum in eo delinqueret Iacob, qui femper omnem curam & induftriam adhiberet confervando gregi. Alii: *Ego Iuebam pro eo*; id eft, damnum rependebam, ac refarciebam. **FURTO PERIBAT.** Hebr. *Furatum dici* & *furatum noftis*: furationem paffive, id eft, furto ablatum: in Paul. גנבתי *genubeti* notant Iod effe paragogicum, & addititium. Causam nullam reddunt nifi morem linguæ. Forfan ob euphoniâ, vel quod furtum eiusmodi effet infigne & artificiofum, adeo vigilante & custodiende Iacob, & citra ipsius culpam.

V. 42. ET TIMOR ISAAC. Hebr. *Pavor, metus Ifaac*, id eft Deus, quem timebat, ac reverebatur pater meus Isaac. Quidam volunt hic *pachad*, pavorem usurpationis, metonymice, cui soli pavor, metus, timor, id eft cultus, & reverentia, debetur. Latinis *metus* pro cultu, & religione fumi- tur. Virgilius II. Georgicorum:

Atque metus omnes, & inexorabile fatum

Subiecit pedibus, strepitumque Acherontis avari.

Et VII. AENEIDOS:

.... multosque metu servata per annos.

Servius: Metu, religione quæ nascitur per timorem.

Petronius:

Prinus in orbe deos fecit timor.

Unde hic, *Et religio Itzhak*. Festus: *Deus dictus est, sive a Græco dicitur, quod significat metum, eo quod hominibus metus sit.*

V. 47. QUEM VOCAVIT LABAN TUMULUM TESTIS, nimirum Syriaca lingua שוהות יערי *iegar sabaduthab*; & Iacob *Acervum testimonii*, nempe Hebraica lingua גלגל. Unum & idem nomen & significatum, diversis linguis expressum, nempe Aramæa & Hebræa; nisi quod Chaldaice שוהות *sabaduthab*, magis testimonium, martyrium, quam testem significet; & *ghed*, Hebraice, magis testem quam testimonium; sed facile utrumque in utraque lingua confunditur. Sicuti יערי *ieghar* Syriace *acervum, cumulum*, tumulus significat, ut Hebraicum גל *gal*. Ridiculos se propinant qui hic ampullas quæstionum inveniunt. *Tumulus testis*, & *Acervus testimonii* unum & idem re & significatione. Vide S. Hieronymum hic.

V. 48. ET IDCIRCO APPELLATUM EST NOMEN EIUS GALAAD. Nomen eius proprie Hebraice fuit גלגל *galghad*, id est tumulus, cumulus, acervus, clivus testis, aut testimonii: nimirum ab eventu foederis inter Iacob & Laban, quem hic describit Moyses. Deinde luxato nonnihil vocabulo, appellatus est Ghilghad, seu Ghileghad, seu ut nostri effertur Galaad. De quo Eusebius, & S. Hieronymus in Locis Hebraicis: *Galaad, ad quem septimo die processionis e Charris Iacob profectus venit. Est autem ad tergum Phœnices, & Arabiæ, collibus Libani copulatus; extenditurque per desertum usque ad eum locum ubi trans Iordanem habitavit olim rex Seon Amorrhæorum. Cecidit supradictus mons in sortem filiorum Ruben, Gad, & dimidie tribus Manasse. Sed & Ieremias loquitur: Galaad tu mihi initium Libani. A quo monte & civitas in eo condita sortita est vocabulum, quam & cepit de Amorrhæorum manu Galaad filius Machir, filii Manasse. Brocardus: Ultra Iordanem sunt varii montes, nempe mons Seir, mons Hermon, mons Libani, & mons Galaad; qui tamen omnes sunt unus mons continuus, nisi quod in diversis locis diversa sortitur nomina. Mons Galaad est altissimus, & videtur reliquorum caput esse ob eminentiam. Benjamin Tudelensis: Damasco profectus integro itinere Galaad me contuli, quæ eadem Gilead quondam dicta, amplam regionem aquarum fluvii, & fontibus scatentem, hortis, atque pomariis plenam. Putant quidam esse Hippon Ptolemæi Lib. V. cap. xv. alii Tracienis colles prope Damascum, Straboni Lib. XVI. pag. 520. suspicor potius esse montes illos quos idem Strabo ibidem in Cœleſyria non longe a Damasco ita describit: *Arabiam & Ituræam versus sunt montes asperi & altis speluncis insignes: quarum una quatuor hominum milia recipere possit in excursionibus, quæ undique in Damascenos sunt. Frequentius quidem Barbari in Felicis Arabiæ mercatores grassantur. Quod tamen nunc minus fit sublato Zenodoro latrone. De quo vide Iosephum Lib. XV. Originum, cap. xiii. Galaad montis & terræ mentio frequens in Scriptura.**

V. 49. INTUEATUR. Hebr. Et שפח מיתפח, nomen proprium esse volunt loci atque urbis in monte Galaad: in qua postea habitavit Iephthæ, Iudicum xi. Inter-

ter-

terpretatur *specula*, quod esset in editissimo loco, unde & Iacob sumpsit occasionem indendi nominis, & utendi verbo *speculandi*, cum socero. Constructa proculdubio videtur in eo loco ubi pacta conventa inter Iacob & Laban agitata sunt: de qua non semel redibit sermo. Vide Iosue xi. vers. 3. QUANDO RECESSERIMUS A NOBIS. Hebr. *Quia*, vel *quando abscondemur, latebimus, vir de sodali suo*; id est, discesserimus alter ab alterius conspectu; quasi dicat, quum nemo nostrum alterum videbit; sive quando quisque nostrum procul aberit a socio suo. Quidam per præfens vertunt: *Quia abscondimur, lateamus, vir de socio suo*; hoc est, quia occulte, vase, astute, recte solent agere homines intra se; quasi dicat: Deum latere non poterunt nostræ rationes, & artes, quantumvis inter nos lateant, & sint occultæ.

M E N O C H I I.

Vers. 1. POSTQUAM AUTEM. Discessus Iacobi tres causæ ponuntur. Prima mordaces calumniæ filiorum Laban; secunda, ipsius odium vultu fe prodens; tertia, & præcipua Dei iussio. TULIT. Falso iniquitatis insimulant, dum factum vocant iustam mercedem, opesque ipsi a Deo datas.

V. 2. FACIEM LABAN. Hæc solet vel invitam invidiam claris notis prodere, ut docet Sanctus Basilii Oratio de invidia. SICUT HERI, ET NUDIUSTERTIUS, sicut prius: est Hebraismus.

V. 3. DICENTE SIBI DOMINO, per Angelum in somnis.

V. 4. RACHEL, ET LIAM. Rachel præponitur ut primaria, & voluntarie sine fraude in uxorem accepta. IN AGRUM: ut sine arbitris mentem suam illis pandere queat.

V. 7. CIRCUMVENIT: pacta me invito, sed non audente contradicere, mutavit. DECEM VICIBUS, multis vicibus: numerus certus pro incerto. Vel etiam vere decem vicibus mutavit, ut Iacob ipse cum Labano expostulat hoc cap. num. 41.

V. 8. OMNES OVES: pleræque, adeo multæ ut ceterarum vix habenda ratio præ paucitate.

V. 10. VIDIQUE IN SOMNIS. Pro-

bat Deum Labano abstulisse, & sibi dedisse, quia in somnis illum Deus per Angelum docuit dolum bonum, quo usus.

V. 13. EGO SUM. Hoc addidit, ne putet illusionem phantasiæ, vel dæmonis factum esse. DEUS BETHEL, qui tibi apparui innixus scalæ in Bethel cap. xxviii. ET VOTUM VOVISTI. Meminit voti ut sibi illud placuisse ostendat, & ut ad illud perficiendum excitet.

V. 14. NUMQUID HABEMUS RESIDUI QUIDQUAM IN FACULTATIBUS, ET HEREDITATE DOMUS PATRIS NOSTRI? Nonne pater nos quasi exheredes fecit? I. dum nos indotatas tibi uxores tradidit. II. dum pretium nostrum, quo nos scilicet tibi coemisti uxores, puta laborem quatuordecim annorum servitutis tuæ, totum sibi usurpavit, ut non tam quasi pater nos in matrimonio, attributa dote, collocasse, quam quasi mango vendidisse videatur.

V. 17. SURREXIT: accinxit se ad iter. IMPOSITIS LIBERIS. Aetas id postulat, nam maximus natu Ruben nondum quatuordecim annos compleverat; minimus Ioseph vix sexennis.

V. 18. PERGENS AD ISAAC PATEM SUUM. Hunc terminum itineri præfigebat. In via fere decennium posuit, habitando in Sichem, & in Bethel.

V. 19. FURATA EST IDOLA. Huius furti alii alias rationes afferunt. Abstulit vel ne parens illa aspiciendo, vel per illa augurando fugam Iacob cognosceret, & persequeretur; vel ut parenti idola colendi occasionem subtraheret; vel ut deos penates secum extulit, ipsa etiam idololatricæ addicta; vel tandem quia ex pretiosa materia, intentione dotis compendandæ, quam iniuste pater detraxerat, supranum.

15. IDOLA, Hebraice *theraphim*, sunt statuae humanam formam habentes, ut patet I. Reg. xix. 3. Præsertim vero vox *theraphim* usu appropriata est iis statuis, quæ opera dæmonum responsa dabant, ut patet Iudic. xviii. 18.

V. 20. NOLUITQUE CONFITERI. Hebr. *Furatus est Iacob cor Laban*; id est, incilio & ignorante Laban, clanculum auferat; quasi cor, id est scientiam, & conscientiam Laban secum abstulisset.

V. 21. AMNE TRANSMISSE, Euphrate. MONTEN GALAAD, qui postea

ea num. 48. dictus est Galaad : est proleptis.

V. 23. FRATRIBUS, valida manu cognatorum, & famulorum, & civium.

V. 26. QUARE ITA EGISTI? Culpas Jacob, cum ipse esset in culpa, fingitque se amicum, cum animo esset infesto.

V. 27. UT PROSEQUERER. Forte ita mos habuit eo tempore prosequendi amicos discedentes.

V. 28. FILIOS MEOS, nepotes ex filiabus.

V. 34. ILLA FESTINANS, male sibi conscia, & ad quid pater veniret suspicata. SUBTER STRAMENTA, sub clitelis. SEDIT DESUPER, ne pater ibique rareret.

V. 35. IUXTA CONSUETUDINEM FEMINARUM; quasi dicat: Labore fluxu menstruum, ideo præ infirmitate assurgere non possum.

V. 36. TUMENSQUE JACOB, præ ira. Falsam causam defendens, sed ignarus. Jacob mitissimus erat, sed sæpius læsa patientia fit furor.

V. 37. FRATRIBUS MEIS, quos tecum adduxisti, mihi affines, tibi consanguineos.

V. 38. NON COMEDI: ut solent mercenarii, qui se, non gregem pascunt.

V. 39. CAPTUM A BESTIA, laniatum a fera. Lex pastoritia permittebat ut si sine pastoris culpa pecus a feris necaretur, ostensa domino parte aliqua residua, noxæ pallor eximeretur. QUICQUID FURTIM PERIBAT: voluisti me non culpam tantum, sed & casum præstare; quod iniustum fuit.

V. 40. AESTU UREBAR, ET GELU: sudabam, & algebam: urebat me sol per diem, & luna per noctem. Sicut calor, sic & frigus adurit, hoc est exsecrat, & ut habent hic Hebræi, consumit, ac comedit. FUGIEBATQUE SOMNUS, præ sollicitudine: boni enim patris familias est ultimum decubare, & primum de strato surgere.

V. 42. TIMOR ISAAC: Deus, quem timuit, & coluit Isaac. NUDUM, bonis, liberis, uxoribus spoliatum. AFFLICTIONEM, humiliationem.

V. 43. QUID POSSUM FACERE FILIIS, ET NEPOTIBUS MEIS? Deum, a quo fuerat increpatus, timebat: fingit

tamen se caritate suorum parcere; quasi dicat: Non patitur natura me meis nocumtum inferre.

V. 44. IN TESTIMONIUM, monumentum fœderis INTER TE ET ME.

V. 45. IN TITULUM, in signum, & monumentum. Vide supra cap. xxviii. 18.

V. 46. TUMULUM, aggerem largum, latumque, & planum: nam in eo quasi mensa pransi sunt.

V. 47. IUXTA PROPRIETATEM LINGUÆ SUÆ. Idem plane diversarum linguarum vocibus significant. Jacob Hebraice locutus; Laban vero natus in Syria, & a stirpe Heber degenerans, Syriacum nomen indidit.

V. 48. GALAAD quid significet statim subiungitur, id est TUMULUS TESTIS.

V. 50. NULLUS SERMONIS NOSTRI TESTIS EST AESQUE DEO: etiamsi nulli mortalium adsint, interest tamen Deus, quem nihil latet.

V. 51. LAPIS, QUEM EREXI. Hinc contra Mesopotamiam Laban, inde contra Chananeam Jacob, singuli columellam supra tumuli marginem extremum crexerant, terminos quos ad nocendum neutri malo transgredi animo liceret.

V. 53. DEUS NACHOR. Laban Deo vero falsa numina adiungit, Deo Abrahæ, idola Nachor; Jacob per solum Deum Abrahæ, & Isaac iurat.

V. 54. IMMOLATISQUE VICTIMIS, hostiis pro pace, ac fœdere cum socero Laban. VOCAVIT, invitavit, epulo exceptit. Trita locutio Job i. 4. Matth. xxii. 3. Luc. xiv. 9.

V. 55. DE NOCTE, diluculo, summo mane. IN LOCUM SUUM, in Haran.

T I R I N I.

vers. 19. **R**ACHEL FURATA EST IDOLA PATRIS SUI, ex auro, argento, aliave materia pretiosiore conflata. Primo, ut hac via saltem ex parte compensaret damnum dotis sibi iniuste a parente subtractæ: nam paulo ante quærebatur vers. 15. Etiam comedit pretium nostrum; quasi dicat: Tantum abest sperare possumus aliquam pro dote pecuniam, vel portionem hereditariam paternam

ternam & maternam, ut ne pretium quidem, quo nos *quasi alienas*, seu tamquam mancipia, tibi vendidit in uxores, poterimus ex unguibus crudelis & avari parentis ulla arte extorquere: nam maluit ipse illud abligurare & decoquere, quam filius alendis ordinandisve impendere. Ita Pererius. Addit Aben Esra, Rachelem iteo furatam esse hæc idola, ne pater illa consulendo resciscere posset per quod iter Iacob fugam suam instituisset. Itemque ut occasionem & materiam ulterioris idololatriæ parenti subtraheret, inquit Basilus, Nazianzenus, Theodoretus. Forte etiam id fecit Rachel, ut deos illos penates haberet secum, sui, suæque fugæ tutelares: nam licet ex marito cognitionem aliquam veri Dei hausisset; more tamen & vitio gentis illius, & in gratiam parentum suorum, simul cum vero Deo colebat etiam idola, quæ Iacob in Chanaanæ demum sustulit capite xxxv. vers. 5. Et hanc rationem maxime probant Chrysostomus, Rupertus, Gennadius, Caietanus, & Oleaster.

V. 42. NISI TIMOR ISAAC AF-
FUISSET MIHI. Est metonymia, actus potentie pro obiecto *a*. *Timor*, id est is quem timet *Isaac*, scilicet Deus. Patet vers. 53. *Iuravit Iacob per timorem patris sui*; id est, per Deum quem timet, colit, ac reveretur pater. Laban vero ibidem iurat per *Deum Abraham*, & per *Deum Nachor* fratris Abraham; hoc est, per Deum verum quem colebat Abraham, simul & per falsos deos quos colebat Nachor idololatra parens Laban. Hoc exemplo Iacob docent Theologi, licere fidelibus excipere iuramentum, immo in necessitate etiam exigere, ab infidelibus, licet sciant iuratos per falsos deos: quia non nisi permissive id excipiunt.

(a) Psal. de Idolis. Heb. num. 46.

GORDONI.

Vers. 1. **E**X hoc murmure, & quasi calumniâ, contra Iacob, cogitare ille coepit de reitu. Vox TULIT habet insinuationem furti.

V. 2. Facies animum ostendit. HERI, sicut prius.

V. 7. CIRCUMVENIT, saltem mutando toties quæ promittebat: nam Laban vi-

dens eventum favere Iacobo, mutavit sæpe pactum: modo unum colorem eligebat, modo alium; & ita subinde Iacob mutabat industriad. Quod subdit, DECIM VICIBUS, est numerus certus pro incerto, hoc est sæpius: satis indicat variata pacta.

V. 9. SUBSTANTIAM, possessionem gregis. Radix נקב, possidere: hinc נקבתי *mikne*, possessio, vel greges.

V. 10. Monetur in somno per Angelum, quo bono dolo uti debeat.

V. 13. DEUS BETHEL; hoc est, qui per Angelum in Bethel locutus est.

V. 14. NUMQUID HABEMUS RES-
DUI QUIDQUAM? hoc est, nihil superest quod expectemus nobis ex bonis paternis, cum nos habeat pater ut alienas.

V. 15. COMEDIT PRETIUM NO-
STRUM: dotem non concessit, eam comedit, consumpsit.

V. 17. IMPOSITIS LIBERIS. Ex his Ruben annum decimum quartum; Ioseph minimus sextum attingebat. ABII. Contigit hic reditus Iacob, anno mundi 2235, quando adhuc vivebat Isaac pater eius, ex diagrammate, quod deli cap. xii. Hæsit tamen aliquot annis in Sichem, & Bethel, antequam adiret patrem: quod notat Abulen-
sis. Vide cap. xxvii. initio, ubi de Isaac superflite, & de Bethel, cap. xxviii.

V. 18. PERGENS, ad Isaac patrem. Habitat Iacob in Sichem & Bethel al quot annis; nec tamen omisit invisere patrem, ut infra cap. xxxv. vers. 27.

V. 19. FURATA EST IDOLA. תרפים *teraphim*, imagines humanæ formæ. Aliquando statuæ sunt, quæ, agente dæmone, dabant responsa, ut habemus ex Iudic. cap. xviii. vers. 18. Hæc teraphim ut idola coluit Laban. Ridiculus est Calvinus, cum ait tales esse imagines Papistarum. *μωρῶματα* quidem sunt, non *ιδώματα*. Plura Exod. cap. xx.

V. 20. NOLUITQUE IACOB CON-
FITERI SOCERO SUO QUOD FUGERET. Hoc ipsum dicit, sed alio loquendi modo, Textus Hebr. *Furatus*, inquit, est Iacob cor Laban.

V. 21. AMNE TRANSMISSO, Euphrate: nam mons Galaad est inter Euphratem & Iordanem.

V. 23. FRATRIBUS, hoc est cognatis, more Scripturæ.

V. 26.

V. 26. 7^a ABICERIS reprehensionem habet.

V. 28. FILIOS MEOS, nepotes sane.

V. 35. IUXTA CONSUETUDINEM: fluxum menstruum obtendit.

V. 36. EXARSISTI: persecutus es me.

V. 37. CORAM FRATRIBUS, quos tecum adduxisti, cognatos tuos, & mihi affines.

V. 39. Postulabat hoc lex pastorum de laniato a feris. At iniustum fuit ut Iacob præstaret culpam furti.

V. 42. ET TIMOR ISAAC; hoc est, Deus, quem timet, & colit pater meus Isaac. Actus ponitur pro obiecto, ut etiam mox vers. 53.

V. 46. FECERUNT TUMULUM instar mensæ, ibique comederunt.

V. 47. UTERQUE IUXTA PROPRIETATEM LINGUÆ SUÆ. Hoc additum est a nostro Interprete, ad maiorem ex-

plicationem; nec alibi est. Sicut etiam versu 48. addita sunt illa verba, *Id est, tumulus testis*. Sic Noster Hebræam vocem interpretatur.

V. 48. NOMEN EIUS GALAAD. In signum fœderis erigitur titulus & tumulus. Unde nomen loci postea Galad, Galaad, & Galatidis regio, quasi sit tumulus testis: quod satis expressit textus Heb. 57^a & 77, *Qul & bbed, tumulus testis*. Claudat Tribum Gad, & protenditur ad Libanum. Vide Adrichomium in Manasse, num. 50. & 51. ubi montem Galad, regionem, & iter Iacob describit.

V. 53. Nachor iste putatur frater Abrahæ, & avus huius Laban, quem aliquinotant fuisse idololatram; ac proinde coniungit Deum verum cum deo falso. Vide vers. 42. de timore.

V. 54. NOCTE; hoc est, antequam elucesceret, seu diluculo.

CAPUT XXXII.

Iacob, visis Angelis, nuntios, & munera ad fratrem suum Esau veritus mittit, interea cum Angelo luctans; & benedictionem, ac nominis mutationem casto femoris nervo accipit.

I * **I**acob (a) quoque abiit itinere quo ceperat: fueruntque ei obviam Angeli Dei. 2. Quos cum vidisset, ait: Castra Dei sunt hæc: & appellavit nomen loci illius Mahanaim, id est Castra. 3. Misit autem & nuntios ante se ad Esau fratrem suum in terram Seir, in regionem Edom: 4. * præcepitque eis, dicens: Sic loquimini domino meo Esau: Hæc dicit frater tuus Iacob: Apud Laban peregrinatus sum, & sui usque in præsentem diem. 5. Habeo boves, & asinos, & oves, & servos, & ancillas: mittoque nunc legationem ad dominum meum, ut inveniam gratiam in conspectu tuo. 6. Reversique sunt nuntii ad Iacob, dicentes: Venimus ad Esau fratrem tuum, & ecce properat tibi in occursum cum quadringentis viris. 7. Timuit Iacob valde; & perterritus divisit populum qui secum erat, greges quoque, & oves, & boves, & camelos, in duas turmas, 8. dicens: Si venerit Esau ad unam turmam, & percusserit eam, alia turma, quæ reliqua est, salvabitur. 9. Dixitque Iacob: Deus patris mei Abraham, & Deus patris mei Isaac: Domine qui dixisti mihi: Revertere in terram tuam, & in locum nativitatis tuæ, & benefaciam tibi: 10. minor sum cunctis miserationibus tuis, & veritate tua quam explevisi servo tuo. In baculo meo transivi Iordanem istum; & nunc cum duabus turmis regredior. 11. Erue me de manu fratris mei Esau, quia valde eum timeo: ne forte veniens

Ddd per-

percutiat matrem cum filiis. 12. Tu locutus es quod benefaceres mihi, & ddatares semen meum sicut arenam maris, quæ præ multitudine numerari non potest. 13. Cumque dormisset ibi nocte illa, separavit de his quæ habebat, munera Esau fratri suo, 14. capras ducentas, hircos viginti, oves ducentas, & arietes viginti, 15. camelos setas cum pullis suis triginta, vaccas quadraginta, & tauros viginti, asinas viginti, & pullos earum decem. 16. Et misit per manus fervorum suorum singulos scorum greges, dixitque pueris suis: Antecedite me; & sit spatium inter gregem & gregem. 17. Et præcepit priori, dicens: Si obvium habueris fratrem meum Esau, & interrogaverit te, Cuius es? † aut, Quo vadis? aut, Cuius sunt ista quæ sequeris? 18. respondebis: Servi tui Jacob: munera misit * domino meo Esau: ipse quoque post nos venit. 19. Similiter dedit mandata secundo, & tertio, & cunctis qui sequebantur greges, dicens: Iisdem verbis loquimini ad Esau, cum iueneritis eum. 20. Et addetis: Ipse quoque servus tuus Jacob iter nostrum insequitur: dixit enim: Placabo illum muneriis quæ præcedunt, & postea videbo illum, forsitan propitiabitur mihi. 21. Præcesserunt itaque munera ante eum, ipse vero mansit nocte illa in castris. 22. Cumque mature surrexisset, tulit duas uxores suas, & totidem famulas, cum undecim filiis, & transivit vadum Iaboc. 23. Traductisque omnibus quæ ad se pertinebant, mansit solus: 24. & ecce vir luctabatur cum eo usque mane. 25. Qui cum videret quod eum superare non posset, tetigit nervum femoris eius, & statim emarcuit. 26. Dixitque ad eum: Dimitte me, iam enim ascendit aurora. Respondit: Non dimittam te, nisi benedixeris mihi. 27. Ait ergo: Quod nomen est tibi? Respondit, Jacob. 28. At ille, Nequaquam, inquit, Jacob appellabitur nomen tuum, sed Israel: quoniam si contra Deum fortis fuisti, quanto magis contra homines prævalebis? 29. Interrogavit eum Jacob: Dic mihi, quo appellaris nomine? Respondit: Cur quæris nomen meum? Et benedixit ei in eodem loco. 30. Vocavitque Jacob nomen loci illius Phanuel, dicens: Vidi Deum facie ad faciem, & salva facta est anima mea. 31. Ortusque est ei statim sol, postquam transgressus est Phanuel: ipse vero claudicabat pede. 32. Quam ob causam non comedunt nervum filii Israel, qui emarcuit in femore Jacob, usque in præsentem diem: eo quod tetigerit nervum femoris eius, & obstupuerit.

(*) *Isa. XLVII. 16.*

B R U G E N S I S

ROMANÆ CORRECTIONES.

V. 1. *Jacob quæque abitis itinere quo cæperat*, Alii legunt: *Jacob autem abijt in itinere quod cæperat*. Coniunctionem quoque mutant eum autem, addunt præpositionem in; denique pro ablativo quo scribunt accusativum quod.

V. 4. *Præcepitque eis*. Servandum est præteritum præcepit, non substituendum præsens præcipit.

V. 18. *Domino meo Esau*. Pronomen primæ

personæ meo non est mutandum cum pronome tertiæ personæ suo.

V. 29. *Cur quæris nomen meum?* Sequitur in quibusdam libris quod est mirabile; sed non est illud huius loci, verum *Judic. XIII. vers. 18.*

LECTIONUM VARIETAS.

V. 17. *Aut, Quo vadis? aut, Cuius sunt ista?* Quidam libri loco duplicis aut disjunctivæ, legunt duplicem & copulativam.

C O M M E N T A R I A .

S A .

Verf. 4 **F**RATER TUUS. Hebr. Chald. & LXX. *servus tuus*.

V. 5. INVENIAM GRATIAM; idest, gratus sim.

V. 10. MINOR, idest inferior; quasi dicat, indignus tot beneficiis in me tuis. ET VERITATE, id est fide promissorum. IN BACULO; id est, nihil habens præter baculum; quasi dicat, cum solo baculo.

V. 15. FETAS: alii *lassantes*. TAUROS VIGINTI: ita LXX. sed Hebr. & Chald. *Taurus decem*.

V. 20. DIXIT, scilicet apud se. Sunt autem verba hæc Moyſis, non autem ipsorum nuntiorum.

V. 21. CASTRIS, scilicet loco quem Castra vocavit. Vide sup.

V. 22. MATURB. Hebr. Chald. & LXX. *noſte*.

V. 25. NERVUM. Hebr. *curvaturam*: LXX. *latitudinem*. EMARCUIT. Hebr. *mota loco suo*, seu *luxata*, scilicet coxendix, id est os femoris, quod in ischium inferitur, id est in curvaturam seu cavitatem ossis superioris, in qua & vertitur.

V. 26. ASCENDIT; pro, oritur, seu orta est. BENEDIXERIS; id est, aliquid boni imperieris.

V. 28. APPELLABITUR, scilicet tantum. ISRAEL, idest *princeps cum Deo*: non est autem nunc impositum, sed prædicitur imponendum, scilicet infra cap. xxxv. Hieron. CONTRA DEUM; idest, in lucta cum Angelo, Deum representante.

V. 30. PHANUEL, id est *facies Dei*. FACIE AD FACIEM, idest clare. SALVA FACTA; quasi dicat, ne tamen mortuus sum.

V. 32. NERVUM, idest contrahentem, & moventem femur. OBSTUPUERIT: alii, *contractus fuerit*.

E S T I I .

Verf. 4 **S**IC LOQUIMINI DOMINO MEO ESAU. Quæritur quomodo hoc non contrarietur benedictioni paternæ, qua Isaac ad Iacob dixerat: *Esse dominus fratrum tuorum*; immo & ad ipsum Esau: *Dominum tuum illum constituit*: Respondet: Hæc prædicta sunt ab Isaac, non tam in personis Iacob & Esau, quam in utriusque posteris. Adde, quod Iacob non agnoscit Esau dominum, tamquam illi subditus sit ut servus, sed tantum civili more eum ita vocat, ut animum eius sibi infensum leniat.

V. 10. MINOR SUM CUNCTIS MISERATIONIBUS TUIS. Non est sensus: Indignus sum miserationibus tuis, quasi significet se male meritum. Sed hic sensus videtur esse: Meritis non assequor, non æquo miserationes, seu beneficia tua. Est enim id quod solenus benefactori aliqui dicere: Plus beneficiorum mihi præstas, quam promereri queam.

V. 25. QUI CUM VIDERET, QUOD EUM SUPERARE NON POSSET. Quæritur an Iacob auctæ fuerint vires, an Angelo diminutæ. Respondetur: Neutrum; sed Angelus assumptus corpus, in quo Deus posuit motivam virtutem inferiorem ea quæ erat in Iacob, non quod in eo corpore fuerit vera animæ potentia, sed virtus quædam similis. Aut certe dicendum esset, Angelum (qui utique potuisset illo corpore assumpto sic uti ut Iacobum luctando superaret) victum fuisse volentem; id est, usum fuisse per illud corpus virtute motiva remissius. Sed prior sententia verior est: nam sequitur: *Qui cum videret, quod eum superare non posset*: Ergo vere non poterat eum superare. TETIGIT NERVUM FEMORIS EIUS. Hoc quid præfiguraverit, vide apud Rupertum in fine Lib. I. in Matthæum pulchre. Nervus autem femoris non debet intelligi genitale membrum: tum quia propter hoc Iacob non claudicasset pede; tum quia postea genuit Beniamin; tum quia omnino diversus est ille nervus femoris, a

D d d 2 cu-

cu'us esu abstinere Iudæi usque in præsentem diem.

V. 28. NEQUAQUAM IACOB APPELLABITUR NOMEN TUUM, SED ISRAEL. Constat ex tota historia sequenti, eum adhuc Iacob fuisse appellatum, & quidem frequentius quam Israel. Sensus igitur est: Posthac non solum vocaberis Iacob, sed etiam altero nomine augeberis, ut dicaris Israel; quasi dicat: Quia non solum supplantasti fratrem hominem (id sonat Iacob) sed etiam in luctu superasti Deum, id est Angelum vices gerentem Dei. Arbitror & sic posse intelligi: in posteris tuis non appellaberis nomine Iacob, sed Israel; puta, posterius non Iacobitæ, sed Israelitæ nomine patronymico dicti sunt.

V. 29. CUR QUÆRIS NOMEN MEUM? Vide ad similem locum Iudicum XIII.

V. 30. VIDI DEUM FACIE AD FACIEM, ET SALVA FACTA EST ANIMA MEA; quasi dicat, nec tamen mortuus sum; licet ea sit vis gloriosi aspectus Dei, ut mortalis homo eum sustinere non possit. Nec tamen intelligitur de Dei visione beatifica, sed qua videtur in illustri & gloriosa admodum specie, in qua decet Deum representari. Vide Exod. cap. XXIV. & XXXIII. Num. XII. & alibi. Vel forte probabilius, quod receptum erat opinione hominum, morituum quempiam si Deum videret, eo quod homo mortalis, & peccator plane indignus reputabatur qui Deum oculis aspiceret. Unde & Manue pater Sampsonis Iudic. XIV. dicebat: *Moriemur, quia vidimus Dominum*; & Petrus ad Iesum: *Exi a me, quia homo peccator sum*.

M A R I A N A E.

Verf. 2. **E**T APPELLAVIT NOMEN LOCI ILLIUS MAHANAIM, IDEST CASTRA. Vox *Mahanaim* est in numero duali, & significat gemina castra, nempe Angelorum ex una parte, & familiaræ Iacob ex altera. Est autem locus ultra Iordanem, non procul a monte Galaad.

V. 4. HAEC DIXIT FRATER TUUS IACOB. *Servus tuus* est. Hebr. sic Sept. & Chald.

V. 10. MINOR SUM: indignus sum. ET VERITATE, promissis tuis. IN BACULO MEO: in solo baculo, omni ope destitutus transivi Iordanem.

V. 15. TAUROS VIGINTI. Sic Sept. sed Hebr. *decem*. ET PULLOS EARUM DECEM. Vox, *earum* Hebr. non est, sed bene suppletur.

V. 20. PLACABO ILLUM MUNERIBUS. *אָפֶרַב* *acaphrab* significat, *auferam indignationem eius, placabo*; sed addit *faciem eius*, quoniam in facie indignatio apparet. FORSITAN PROPITIABITUR MIHI. Sept. Chald. *Forsitan suscipiet faciem meam*. Dicerem potius, *Levabit faciem meam*, ut est Hebr. *Mos est delinquentium ut demittant faciem*.

V. 22. MATURE SURREXISSET. Quidam *mane*; Hebraice, *nocte*; sic Sept.

V. 24. ET ECCE VIR LUCTABATUR CUM EO USQUE MANE. Hunc antiqui Patres volunt esse Dei Filium, qui ludicris certaminibus se ad vera compararet. Vocatur autem *vir*, quod loqueretur ut homo, & in humana forma appareret. De hac lucta Osee XII. vers. 4. ubi dicitur invaluisse ad Angelum, & rogasse eum, ac flevisse; nempe Angelus flevit.

V. 25. TETIGIT NERVUM FEMORIS EIUS. Nempe ut eum prosterneret luctu, more eorum qui crura adversarii crucibus innectunt, ut eum subvertant. In Hebræo est *חָפָה* *capb*, quæ vox *volam*, seu *palmam* significat. Quærent autem Hebræi cur sic vocetur curvatura femoris, quæ est prope acetabulum, & finis coxendicis. In quo non est opus laborare, sed certe curvaturam femoris significat. *חָפָה* *ghed*, quæ vox est in vers. 32. *nervum* significat, seu *musculum*, qui tactu Angeli luxatus est, & a quo Iudæi abstinere, rei gelatæ argumento.

V. 28. NEQUAQUAM IACOB APPELLABITUR NOMEN TUUM: certe non solum. Quo ex loco satis constat, falli antiquos, qui *Israel* dicunt significare *videns Deum*, cum potius significet *vincens Deum*. Sic Hieronymus in Tradit. accusat priorem etymologiam. QUANTO MAGIS CONTRA HOMINES. Hebr. *Et cum hominibus* & *prævaleris*; sed prior & valet *quanto magis*, ut posuit Hieronymus; posterior & sumitur pro *et*.

iam;

iam : Cum hominibus etiam praevaleris .
V. 30. FACIE AD FACIEM . Clare vidit Deum . ET SALVA FACTA EST ANIMA MEA . Antiquis persuasum erat , neminem videre Deum quin continuo moreretur . Exodi xxxiii. vers. 20. *Non videbit me homo , & vivet ;* & Iudic. iii. vers. 23. Samsonis pater mortem timet , quia vidit Deum .

MALVENDAE.

Vers. 2. CASTRA DEI. מַחֲנֵה machaneb aiunt significare *residentialiam, confidentialiam, desiderialiam*, id est *turram, aciem, copias, agmen*, quod vel ad quietem, vel ad pugnandum, aut ad oppugnandum, vel obsidendum aliquam urbem demittit se, & confidet, & residet in aliquo loco. Nomen militare esse consentiunt omnes. Nolite per castra, per turram solet vertere. Alii hic *castrametationem, aciem, agmen*; nonnulli *temorium* reddunt. Notant dici tam de loco, quam de exercitu. MAHANAIM. מַחֲנֵה duale est, & significat *binas turmas, duas acies, bina castra*, seu *castra gemina, duo agmina*. Forſan quia vidit duas turmas, aut legiones, seu agmina Angelorum. Quidam, nam ibi ipſius, & Angelorum exercitus coniuncti erant, & eos contemplabatur Iaghabok. Quamquam dualis forma non ſemper praecise duo ſignificet, ut in *ſebaimum, miſſraim*, cum poſſit eſſe plurale. Fuit urbs in tribu Gad, Iſuee xiii. 26. cuius mentio alibi occurrit in ſacris libris. Romani multis locis caſtrorum nomen indidere; & in Hiſpania oppidum Baeticæ Caſtra gemina, Plinio Lib. III. cap. i.

V. 3. IN TERRAM SEIR, IN REGIONEM EDM. Hallucinetur perſpicue Brocardus, & alii, qui putant in alio monte Seir, ultra Iordanem prope montes Gelboe, ſupra lacum Genaliaricum, proximo itineri venientis Iacob e Meſopotamia tunc habitaſſe Eſau; cum hic diſerte dicatur, habitaſſe tunc in Seir regionis Edom, nempe iuxta deſertum Iharan, cis Iordanem, non longe a mari mortuo. Vide ſupra cap. xiv. verſ. 6.

V. 10. MINOR SUM. Priorem partem huius verſus ita alii clariſſe ex Hebraeo transferunt : Inferior, impar ſum omnibus beneficiis, totique illi ſidei quam preſti-

iſti ſervo tuo; id eſt, fateor me indignum fuiſſe cui tot beneficia tamen bona fide conferres : ne dum eo me dignum iudicem, quod petiturus ſum.

V. 12. QUOD BENEFACERES. Heb. *Benefaciendo beneficiam tibi*. Formula Hiſphil hic ingentem beneficentiam & benignitatem denotat ut verſ. 9. quaſi dicat, maximis beneficiis te afficiam, & augebo.

V. 16. ET SIT SPATIUM. מִן re-vach, *reſpiratio, aura, relaxatio, ſpatium, interſtitium, intercapedo, dilatatio, progreſſus, protenſio*; hic reddunt : *Et reſpirationem ponetis inter gregem & gregem*, id eſt *relaxationem, ſeu ſpatium relaxationis, quo poſſit aura tranſire*.

V. 20. PLACABO ILLUM MUNERIBUS. Heb. eleganti phraſi exprimitur : *Tegam, operiam, obſtinam facies eius in munere, ſeu in donario*. Hiſpanice : *Cubrirle de la cara con el preſente*. Communiter reddunt : *Expiabo, propitiabo, placabo, propitiatio mihi reddam*. Verbum כָּפַר chipper in Pihel, proprie eſt *tegere, operire, abſcondere, vel immunditiam, vel ſordes, vel erratum, vel reatum errati, vel iram, vel offenſionem amovere, tollere a conſpectu, ne amplius appareat, aut ſit*. Solent reddere verbis *expiandi, purgandi, depurgandi, emundandi, luſtrandi, placandi, delinendi*. Similem phraſim habes cap. xx. verſ. 16. *Operimentum oculorum*.

V. 22. VADUM IABOK. Eusebius, & S. Hieronymus in Locis Hebraicis : *Iabok fluvius, quo tranſmiſſo luſtatus eſt Iacob adverſus eum qui ſibi apparuerat; vocatusque eſt Iſrael. Fluit autem inter Ammon, id eſt Philadeſphiam, & Geruſam in quarto miliario eius; & ultra procedens, Iordanis fluvio commiſcetur*. Topographi ſacri aiunt eum fluere ex montibus Arabiæ, ſeu Galaad, & inſuere in Iordanem, non procul ab eo loco ubi Iordanis ſtagnum Geneſaræ exit.

V. 24. VIR LUCTABATUR CUM EO. Verbum לָחַם abak non alibi extat in Scriptura niſi hoc loco, & verſ. 25. & bis quidem in formula Niphal, quæ ſignificationem paſſivam ſolet habere. Quidam hic volunt habere ſignificatione *activam, exponuntque, Colluſtatur eſt*; innotuendo vehementer ſuauiſſe evolvere ſumpta metaphoram a vento, qui intorquendo ſe, aliquem

quem evertit, dispellitque, ad colluctatores, qui similiter student se vi evertere. Unde hic reddunt, *Et colluctabatur vir cum eo*. Alii ab **מִבְּקִי** *abak* nomine, id est pulveris, deducunt, ut sit idem quod Latinis, in arenam, seu pulverem descendere, quod est luctatorum, qui pulverem ad luctam utebantur. Suetonius in Nerone, cap. ltv. *Ut in publica fame Alexandrina navis nuntiaretur pulverem luctatoribus auticis advenisse*. Virgilius:

Fulva luctantis arena.

Qui usus pulveris in lucta fuerit, docent artis gymnasticæ explanatores. Vide Plinium Lib. XXXV. cap. xtti. Forſan quod in lucta pulvis spargatur & excitetur pedibus luctantium. Virgilius III. Georgicorum:

Et sparsa ad pugnam proludit arena.

Nonnulli conferunt cum verbis **חָבַק** *chabak* amplexus est, & cum **אֲבָק** *abac*, implicatus est: quod luctantes se te amplectantur, & brachii implicent. Nec desunt qui exponant, pulverem in lucta excitato conspergi. Aliqui similiter id verbum per anhelare reddunt: quod luctantes crebros anhelitus mittere soleant. Ad verbum, Pulverizatus fuit, id est colluctatus: nec sine mysterio posita hic coniunctio Niphal passiva, quod qui luctabatur, volebat se vinci a Iacob. **U S Q U E M A N E**. Hebr. *Usque ad ascendere auroram*. Quidam exponunt: *Donec, vel usque dum inciperet apparere aurora, aut oriretur aurora*. Alii: *Donec recederet, & abiret aurora*. Vide cap. xvii. vers. 22. Sic vers. 26. infra.

V. 25. **TETIGIT NERVUM FEMORIS EIU S**. **כִּף** *capli* proprie curvitatē, curvaturam, cavum, cavitatem, concavitatem, femoris eius. Quidam vertunt *palam*; alii, *sinum*; nonnulli *pixidem*; alii *acetabulum*. Obſervant, *verberam & cotylen*, id est ossis concavitatem illam, in quam absconditur, & immititur summa pars ossis femoris, & in qua vertitur, quam Græci *ischion* vocant, nempe sinum & concavitatem, seu pixidem coxæ, item significare *os femoris*, sive *caput illud femoris*, id est os illud rotundum, quod in *ischion*, seu cavitatem illam inseritur. Aiunt, os illud rotundum suo loco motum & luxatum fuisse; non acetabulum seu pixidem, aut cotylen. Quidam vertunt: *Et tetigit coxendicem femoris eius*; & luxata est cox-

dix. Alii: *Et tetigit volam femoris eius*: quod caro quæ est circum os superioris iuncturæ, eo loco speciem volæ habeat: ændinem quidam appellant, quo caput femoris iungitur acetabulo, & hunc dici a Nostro nervum; atque hunc tetigisse, seu lætuisse Angelum luctantem. Seu potius luxavit nervum, quem acetabulum, seu cotyla ossis sacri transmittit in coxam, id est nervum illum qui cotylam cum femore committit, & iungit; ut se exponet vers. 32.

V. 28. **NEQUAQUAM, INQUT, IACOB APPELLABITUR NOMEN TUUM**; hoc est, non tantum Iacob appellabitur nomen tuum: neque enim primum nomen adimit, sed novum addit, ac binominem facit. Similis eclipsis I. Samuel. vii. 7. **FORTIS FUISTI**: **שָׂרָה** *sarah*, duobus tantum locis reperitur in Scriptura, hic, & Olee xii. ubi Noster, *Directus est*. Voluit idem esse cum **יִשָּׁר** *ischar*, rectum, directum esse. Sed *ischar* est cum Schin dextero, cum *sarah* in Olee sit sinistrum. Aiunt significare principem esse, obtinere principatum, dominium, præcipuum esse, principaliter, superabiliter, seu strenue agere, superiorem esse, superare. Idem cum **שָׂרָר** *sarar*, & **שָׂרָר** *sur*, inlitr. Unde hic vertunt, *Principaliter egisti cum Deo*; alii, *Superabiliter egisti cum Deo*; quidam, *Principatum habuisti, obtinuisti cum Deo*, vel *principem egisti cum Deo*: nonnulli, *Princeps fuisti cum Deo*: pſerique, *Dominatus es cum Deo*; id est, victoriose egisti, victorem te præstitisti, & eo fuisti superior. Locum nos ita reddemus: *Quia principasti, principaliter te habuisti, cum Deo, & cum hominibus, & prævaluisti, prævaluisti*. Variè exponunt: Quia strenue egisti cum Deo, etiam hominibus prævalebis; vel quanto magis hominibus prævalebis? ut secundum & sumatur proetiam, vel quanto magis; nec futurum convertat in præteritum more linguæ. Alii: Erit nomen tuum Israel, quia heroice te gessisti cum Deo, & cum hominibus, & prævaluisti: iuste hoc nomen feres, quia cum luctam seu pugnam strenue inieris cum Deo & hominibus, utrique prævaluisti. Atque hoc est genuinum nominis Israel etymon, *Princeps Dei, Principaliter agens, vel se gerens cum Deo*. Pulchre Oſeas locum hunc exposuit cap. xi. 3. *In utero calcantem fra-*

fratrem suum, & in agere suo שרה sarah principavit, principaliter egit, id est victoriose cum Elolam; & ישר isar (hoc est ex שר sur, principavit ad Angelum, & præpotuit: sicut, & supplicavit pro gratia. Quidam annotant, pugnam, seu luctum iacob cum Angelo, lationem, seu luxationem coxendicis, & claudicationem, eo omnia spectasse, ut eiusmodi luctu præexercitamento voluerit Deus Iacobum metu liberare ab adventu fratris, & fidem eius de præsidio divino confirmare, dum ei robur subministrat etiam cum Angelo luctanti: ut sciret, se prævaliturum fratri, qui tam strenuus cum Angelo stetit; atque intelligeret, se non sua, sed cælesti virtute stetit, ut non succumberet: ob id relictam ei claudicationem.

V. 30. VIDI DEUM FACIE AD FACIEM. Quidam curiosius, vidi exponunt pro pugnavi, manum conferui. Hispanice, Me affronte cara a cara. Sic verbum videndi sumi notant. II. Regum xiv. 8. & 11. & cap. xxxiii. 30. pro congressi, & confingere: qua etiam ratione Latini cernere olim dixerit, pro certare, pugnare. Virgilius XII. Aeneidos:

Inter se coisse viros, & cernere ferro:
Ubi Servius: Pera & antiqua lectio hæc est: nam Ennium secutus est, qui ait:

Olli cernebant magnis de rebus agentes.
Posteritas caput ligere, & decernere.

Quo etiam modo, cernere pro dimicare & contendere usurpasse Pacuvium, Accium, Ennium, docet Nonius cap. iv. § 69. Sed simplicius est ut de visione intelligatur. ET SALVA FACTA EST ANIMA MEA. Bisariam accipiunt. Primo, Et tamen non sum mortuus, quamvis Deum viderim. Ea enim tunc erat opinio, ut qui Deum, vel Angelum vidisset, statim esset moriturus. Secundo, Ereptus sum & liberatus a latro meo Esau, iram eius evasi, confirmatus divino hoc oraculo. Locum Peniel, vel Phanuel describunt sacri topographi. Brocardus: Offenditur autem hodie locus Phanuel ultra Iordanem ad orientalem plagam. Locus est prope torrentem Iabok, nempe inter Iordanem & Iabok; & interpretatur Facies Dei, vel Locus aspectus Dei fortis, vel aspectus & visus faciei Dei fortis.

V. 32. NERVUM. Hebr. NERVUM נש נאשבח. Hæc vox נאשבח non alibi occurrit

in Scriptura nisi bis in hoc versu: quam varie reddunt. Nervum oppressionis, nervum contractionis, id est nervum qui se contraxit, & dimovit a loco suo; quasi dicat: Abstinent a tendine illo, seu musculo qui in Iacob contractus, & dimotus fuit a loco suo; nempe, non elunt partem illam coxendicis, seu volam, aut carnem musculosam instar volæ, quæ est super, vel circa ischion, & cotylen. Alii nervum extrahunt: quidam nervum mobilem, id est dissilientem: nonnulli nervum luxatum, seu deficientem: aliqui nervum obrutionis, id est stuporis, qui obstupuerat, & obtorpuerat; sive nervum obstupescit. Nec desunt qui nervum oblivionis, seu obliviosum, id est nervum luxatum, & torpidum, quasi loci sui, & officii oblitum. Aliqui nervum mutuum, quem acetabulum seu cotyle ossis sacri transmittit in coxam, tamquam si mutuo illi concederet. Aiunt, esse primum e quatuor nervis in semur progredientibus, qui in externam femoris cutem per ramos disseminatus, absumitur in musculis illis qui exterius femoris latus occupant. Quem quia comprehendere difficile est, Iudæi totam illam carnem musculosam non comedunt. נש נאשבח potest esse nomen substantivum, & adiectivum: nervum obrutionis, seu oppressionis; & nervum obrutum, sive oppressum.

MENOCHII.

Vers. 1. ITINERE QUO COËPERAT, a monte Galaad in Chananeam. ANGELI DEI. Comitatus illum fuerat Angelus custos Mesopotamiæ cum suis usque ad confinia; nunc in limite Chananeæ provinciæ huius præses ei obviam procedit cum suis inferiorum Angelorum cohortibus. Apparuit ergo illi utraque turma instar acierum ordinarum hinc inde auxilio eius parata. Diodorus Tarlensis putat Angelum Chananeæ fuisse S. Michaelem principem populi Israel.

V. 2. CASTRA DEI, cæli legiones ordinatæ, quarum summus Imperator Deus Sabaoth, id est exercituum.

V. 3. MISIT AUTEM. Dei providentia factum ut dum Iacob in Mesopotamia moratur, Esau, indignatus parentum voluntatem in Iacob propensiores, Chananeam reliquerit, & montana habitationi dele-

delegerit, ut sic Iacobi posteris liberâ cederet Chananæ possessio. NUNTIOS ANTE SE, exploraturus quo animo erga se esset Esau. IN TERRAM SEIR. Hoc nomen, & sequens, *Edom*, per proleptim posita.

V. 4. DOMINO MEO. Non cedit iuri suo primogenituræ, &c. sed utitur blanda compellatione, ut leniat hominis ferociam. FRATER TUUS. Hebr. habetur, *Servus tuus*, ut etiam apud LXX. USQUE IN PRÆSENTEM DIEM; quasi dicat: Non est cur discessus meus, vel absentia mea tibi sit suspecta: duram tor annis servitutem servivi quasi exul, & mercenarius: miserere te par est, & fratrem domo non arceret.

V. 5. HABEO BOVES. Non iactat divitias, sed indicat fratri se nec gravem futurum, nec dedecori propter egestatem, nec reditu paternam opes imminuturum.

V. 6. REVERSIQUE, nuntiarunt Esau placatum, & amoris, honorisque causâ obviam venire. QUADRINGENTIS VIRIS: vel ad suam ostentandam potentiam, vel ut magis Iacob honoraret, vel ut se securum redderet: nam multos timet is quem multi timent.

V. 7. TIMUIT: quia Esau violentus, & quia sciebat Esau existimare se ab Iacob offensum. DUAS TURMAS: ita ut in singulis pretiosiora quæque ultimo essent loco; ideo secundum turmæ agmen extremum Rachel claudibat, & Ioseph.

V. 8. SALVABITUR, effugio, vel cædis saturitatem.

V. 10. MINOR CUNCTIS MISERATIONIBUS: nulla vel minima gratia, vel misericordia tua dignus. VERITATE, fide in promissis. IN BACULO MEO: solus, scipioni, seu pedo innixus. LORDANEM ISTUM: quem ex edito loco a longe conspicio, & te favente cogito transmittere.

V. 11. MATREM CUM FILIIS. Ad agialis loquendi formula; id est, nulliparcat.

V. 13. IBI, in Mahanaim.

V. 15. CAMELAS FETAS, quæ recens pepererat, & pullos lactabant.

V. 20. FORSITAN, id est utique: habet enim particula illa vim continuandi, & affirmandi. Ioan. VIII. 19. *Sine sciretis, forsitan & Patrem meum sciretis.*

V. 21. NOCTE ILLA, cuius die præcedente munera miserat, postridie summo mane uxores, liberos, familiam, gregesque traduxit per vadum Iaboc.

V. 22. VADUM IABOC, torrentem, seu fluviolum: fuit duobus fere milliariibus ante Iordanem.

V. 24. VIR LUCTABATUR CUM EO. Hic vir fuit Angelus, ut patet Osee XII. 3. Hoc cap. num. 30. vocatur Deus, quia Deum repræsentabat. Videtur fuisse Angelus cultos Iacob, & lucta ad eum finem instituta est ut spem Iacob conciperet se cum Esau prospere acturum, illo placato, & officiis superato: hoc enim est quod ait Angelus num. 28. *Quoniam si contra Deum fortis fuisti, quanto magis contra homines prevalebis?* Videtur autem hæc lucta non imaginaria, sed corporea fuisse, quia Angelus sibi corpus aptaverat.

V. 25. QUI CUM SUPERARE NON POSSET. Deus concursum suum, & vires resistendi subtraxit Angelo, ut a Iacobo teneretur, & vinceretur. TETIGIT, percussit, seu læsit, ut Iacob intelligeret se non suis viribus, sed peculiari Dei auxilio prævaluisse angelicæ creaturæ. NERVUM FEMORIS. Caput illud ossis femoris, quod in cotylen, seu acetabulum inseritur, & cum illa nervo ligatur, percussus est. EMARCVIT, nimia luxatione, & extensione inutilis factus fuit, vel loco motus est.

V. 26. ASCENDIT AURORA. Nolebat Angelus speciem humanam a quoquam videri, & mox adfuturi erant famuli Iacob. NON DIMITTAM TE, Ita loquitur desiderio benedictionis, quam cum lacrymis petiisse insinuat Osee XI. 3.

V. 28. ISRAEL dicitur אֱלֹהֵי יִשְׂרָאֵל, id est dominatus est Deo, quod scilicet prævaluisse contra Angelum, qui Deum referebat. CONTRA HOMINES, contra Esau, & ceteros tibi insecutos.

Vers. 29. CUR QUÆRIS NOMEN MEUM? Noluit Angelus indicare nomen suum, ne posterius Iacob illum adorarent ut Deum: fuerunt enim Iudæi in superstitionem proclives. BENEDIXIT EI. Benedixerat ei facto, cum nomen eius mutavit, nunc etiam verbo benedixit; sed qua formula Scriptura non expressit. Fortasse precatus est illi benedictiones Abraham, & semini eius promissas.

V. 30. PHANUEL, id est *facies Dei*. VIDI: non tantum vidi Angelum in facie corporea, sed cum eo etiam manus conferui, & victor evasi. SALVA FACTA EST ANIMA MEA: erat enim vetus persuasio eos qui Angelos vidissent, morituros. Vel lenius est, liberatus sum metu fratris: unde Oseas cap. xii. habet, *Confortatus sum*: certam spem concepimus me a fratre non violandum.

V. 31. CLAUDICABAT. Abulensis, & alii passim docent Iacob illico ab Angelo sanatum, antequam ad Eiaū perveniret.

V. 32. NON COMEDUNT. Iacob, & posterius non abstinuerunt se omni nervo, sed isto tantum. Vatabulus per nervum intelligit ipsum musciculum qui est propinquus acetabulo, de quo diximus num. 25.

T I R I N I.

Verf. 1. FUERUNT EI OBVIAM ANGELI DEI. Quinam isti Angeli? Respondeo: Præfides & custodes Chanaanæ, duce S. Michaelē Archangelo, inquit Diodorus Tarsensis. Sicut enim adversus Laban habuerat Iacob in Mesopotamia comites & tutelares Angelos illius regionis, qui iussu Dei salvum & incolumem iam illum deduxerant ad confinia Chanaanæ cis amnem, scilicet Euphraten; iam in confinio Chanaanæ, cum maior exinde metus periculumque immineret ab offenso iratoque fratre suo Esau, occurrit nova Angelorum Chanaanitidis custodia, qua etiam adversus hunc, omnesque alios hostes suos perpetuo defenderetur. Unde Iacob conspectis binis his Angelorum castris, scilicet aliorum redeuntium in Mesopotamiam, & aliorum excipientium sese in Chanaanitide, appellavit nomen loci illius *Mahanaim*, id est *binā castra Dei*. Ita Hebræi, & passim Interpretes.

V. 34. VIR LUCTABATUR, id est Angelum specie & habitu viri; sed qui personam Dei repræsentaret. Patet Osee xii. verf. 3. ubi vocatur *Angelus*: & hic verf. 28. ubi *Deus* appellatur. Addit Oseas ibidem, flevisse Iacob cum luctaretur cum Angelo.

Petes: Quis hic Angelus? Origenes, Hieronymus, & alii quidam, teste Procopio Gazæ, putarunt fuisse dæmonem,

Sed dæmon personam Dei non repræsentat: neque Iacob petiisset a dæmone sibi benedici. Georgius Venerus *h* putat fuisse Angelum custodem Esau, qui Iacobum vi cogere voluerit ad restitutionem primogenitorum olim fratri subtrahentem. Sed absit ab Angelo sancto ut repugnet decreto divino, quo cesserant Iacobo primogenita. Dico ergo, fuisse Angelum custodem Iacobi. Ita Patres Græci, & Latini.

Petes secundo: Cur ille luctatur cum cliente suo? Respondeo: Ut hac lucta & victoria spem anxio illi faciat fratrem quoque suum Esau facilius superandi: nam nihil ab homine metuendum ei qui etiam Deum superare possit.

Petes tertio an fuerit corporalis lucta. S. Hieronymus, & Glossa interlinearis dicunt, spirituales fuisse; S. Thomas & Rupertus, imaginariam: sed reliqui Patres veram & corporalem luctam fuisse affirmant. Et verbum luctandi, & nervus femoris contractus, & stupor tibie, & claudicatio Iacobi id prorsus evincunt.

Petes quarto: Cur tetigit, seu tangendo læsit, nervum femoris Iacobi; vel (ut habent Hebræi, Chalæi, Græci) iuxta curvaturam femoris Iacobi? Respondeo: Ut ipsa læsione certus redderetur primo de veritate luctæ & victoriæ: deinde se non suis, sed solius Dei viribus Angelo prævaluisse.

Petes quinto an manserit perpetuo claudus. Respondeo, verosimilius non nisi ad aliquod tempus claudicasse: quia vel sic fiebat abunde satis intentioni & scopo Angeli iam dicto. Ita Hebræi, & Tostatus.

Petes sexto quid sibi vult nomen Israel ab Angelo inditum Iacobo. Respondeo: Idem quod *dominans* seu *prævalens Deo*. Ita enim hic explicat ipsemet Angelus, & S. Hieronymus a cum Theodotione, Symmacho & Aquila, & Septuaginta interpretibus. Neque vero patiuntur litteæ Hebrææ, ut idem significet quod *vir videns Deum*, sicut Philo, Nazianzenus, Hilarus, Chrysostomus, Eusebius, Augustinus, Prosper & alii quidam sic exposuerint.

Tropologice, S. Thomas, & S. Gregorius e hanc luctam dicunt esse orationem, qua videmus Deum quasi *facie ad faciem*, seu vere nobis præsentem, ac vim illi facimus, eidemque prævalemus ac dominamur:

E e e mur:

mur: atque omnibus hostibus superiores reddimur.

Allegorice, claudicavit Iacob, id est posterius Iacob Iudæi post tragicam cum Christo luctam: nam pars una credens & inherens Christo, sursum ivit; altera incredula & rebellis, deorsum. Ita S. August. f. Potest & allegorice hæc lucta Iacobi cum Deo, dici figura fuisse Christi, totas sæpe noctes in oratione luctantis cum Deo, maxime vero in horto Gethsemani.

(*) Orig. L. III. Periarcho. Hieron. in v. Ephes.

(*) Georgius Ven. Tom. I. sect. 111. problem. 234.

(*) Hieron. supra.

(*) Hieron. in QQ. Heb.

(*) Gregor. homil. xiv. in Ezech. & in Psal. vi. poenitent.

(*) Aug. serm. xxx. de Tempore.

GORDONI.

vers. 1. **ANGELI.** Putatur Angelus Michael (cum suis) custos Chananæ occurrisse Iacobo redeunti in Chananæam, in qua non amplius iam habitabat Esau.

V. 2. **CASTRA DEI SUNT.** מַחֲנֵה אֱלֹהִים *mahanê Elobim*. Locus est ultra Iordanem, citra montem Galaad.

V. 3. De Seir vide cap. xxi. & Ezech. cap. xxv. vocatur mons in Idumæa orientali respectu Palæstinæ (putatur patria Iob) trans Iordanem, quam aliqui distinguunt ab altera Idumæa, quæ australis est, & quam post Adrichomium asseruit Torniellus anno mundi 2319.

V. 4. **DOMINO ME.** Sic lenit animum fratris, non cedit iure primogenituræ.

V. 10. **MINOR SUM,** indignus donis tuis. **VERITATE,** idest promissione. **IN BACULO,** solus & inops.

V. 15. **CAMELOS FETAS.** Intellige lactantes, ut satis explicant Septuaginta.

V. 21. **IN CASTRIS.** In Hebr. *Mechanaim*. Non videtur esse locus aliquis proprius, sed appellativum nomen. Pagninus vertit, *cum turma*, ubi in Hebræo est מַחֲנֵה *mahanaim*, vel מַחֲנֵה *mahanê*.

V. 22. **VADUM IACOB.** De hoc torrente agit Hieronymus de Locis Hebraicis. Oritur e montibus Galaad, & influit in Iordanem, eo loci ubi Iordanis erumpit e lacu Geneareth.

V. 24. **VIR LUCTABATUR:** Angelus

est: Patres, & August. Lib. XVI. de Civit. cap. xxxix. auctoritate Deus dicitur. Hieronymus alicubi (sed ex sententia Originis) ait fuisse dæmonem. Bonus Angelus iste est, & a quo Iacob petit benedictionem. Vult se vinci, ut spem addat Iacobo. Lucta hæc non imaginaria, sed corporea est: quod indicant nervi stupor, & apud. Septuaginta, παλαι. Non superat Angelus, Deo etiam fortassis concursu negante, & ut sic constaret Iacobo se tutum futurum apud Esau.

V. 26. **ASCENDIT AURORA.** Certe quia non expediebat, ut oriente sole Iacob retardaretur a progressu. Et in hunc etiam finem facit Iacob, ut Angelus illi bene precetur.

V. 28. Non admittit Iacobo hoc quod habet, & quod retinebit, nomen; sed datur illi nomen dignius, & per excellentiam vocabitur Israël. Ceterum interpretatio huius nominis non est, vir videns Deum, ac si diceret *אֱלֹהִים רָאָה* *is voc est*: forte rectius aliter. Nam Hebr. est *יִשְׂרָאֵל* *Israel*, ubi nec est *א*, nec *ש*, cum puncto in dextro cornu. Consule porro textum Hebraicum, ubi in nominis interpretatione est denotatum verbum *שרה* *Sara*, quod est principem esse: & sic habet: *Quia dominans, seu princeps fuisti cum Deo: tibi saritibi Elobim: vel quia fortis fuisti contra Deum.*

V. 29. **CUR QUÆRIS NOMEN MEUM?** Addunt aliqui codices: *Quod est mirabile.* Sed addi hoc loco non debet: nam non est in codicibus correctioribus: non est in Hebræo, nec in editione Septuaginta correctiore, nec denique in Sixtina Romana & Regia; immo nec in versione Hieronymi correctiore habetur; tamen Iud. xi. 1. vers. 18. Hæc interrogatio denotat Deum esse ineffabilem nomine quod ipsum comprehensive exprimat.

V. 30. **PHANUEL.** פְּנִיֵּאל, *peniel*; *radix* פְּנֵי *videre*. Hic ergo Phanuel, visio Dei, aut videns Deum. Septuaginta reddunt, *ὁδὸς* *hōdō*, *faciem Dei*. Non est clara Dei visio.

V. 32. An fuerit Iacob curatus ab Angelo; aut quando postea, non constat. Nervus in animalibus, quem non comedunt Iudæi, est nervus non quicumque, sed femoris.



C A P U T XXXIII.

Jacob ab Esau occurrente benigne excipitur, egregue adigit ut munera accipiat, domumque revertatur: & sic Jacob in Salem profectus agri partem emit, fixisque tabernaculis altare crexit.

E Levans autem Jacob oculos suos, vidit venientem Esau, & cum eo quadringentos viros: divisitque filios Liaz & Rachel, ambarumque famularum: 2. & posuit utramque ancillam, & liberos earum in principio; Liam vero, & filios eius, in secundo loco; Rachel autem & Ioseph novissimos. 3. Et ipse progrediens adoravit pronus in terram septies, donec appropinquaret frater eius. 4. Currrens itaque Esau obviam fratri suo, amplexatus est eum: stringensque collum eius, & osculans flevit. 5. Levatisque oculis, vidit mulieres, & parvulos earum, & ait: Quid sibi volunt isti? & si ad te pertinent? Respondit: Parvuli sunt, quos donavit mihi Deus servo tuo. 6. Et appropinquantibus ancillæ, & filii earum, incurvati sunt. 7. Accessit quoque Lia cum pueris suis: & cum similiter adorassent, extremi Ioseph & Rachel adoraverunt. 8. Dixitque Esau: Quænam sunt istæ turmæ quas obviam habui? Respondit: Ut invenirem gratiam coram domino meo. 9. At ille ait: Habeo plurima, frater mi: sint tua tibi. 10. Dixitque Jacob: Noli ita, obsecro; sed si inveni gratiam in oculis tuis, accipe munusculum de manibus meis: sic enim vidi faciem tuam quasi viderim vultum Dei: esto mihi propitius, 11. & suscipe benedictionem quam attuli tibi, & quam donavit mihi Deus tribuens omnia. Vix fratre compellente suscipiens, 12. ait: Gradiamur simul, eroque socius itineris tui. 13. Dixitque Jacob: Nosti domine mi, quod parvulos habeam teneros, & oves, & boves fetas, mecum: quas si plus in ambulando fecero laborare, morientur una die cuncti greges. 14. Præcedat dominus meus ante servum suum; & ego sequar paulatim vestigia eius, sicut videro parvulos meos posse, donec veniam ad dominum meum in Seir. 15. Respondit Esau: Oro te, ut de populo qui mecum est, saltem socii remaneant viz tuæ. Non est, inquit, necesse: hoc uno tantum indigeo ut inveniam gratiam in conspectu tuo domine mi. 16. Reverfus est itaque illo die Esau itinere quo venerat in Seir. 17. Et Jacob venit in Socoth: ubi ædificata domo, & fixis tentoriis, appellavit nomen loci illius Socoth, id est tabernacula. 18. Transivitque in Salem urbem Sichimorum, quæ est in terra Chanaan, postquam reversus est de Mesopotamia Syriæ; & habitavit iuxta oppidum. 19. Emitque partem agri in qua fixerat tabernacula, a filiis Hemor patris Sichem, centum agnis. 20. Et erecto ibi altari, invocavit super illud fortissimum Deum Israel.

C O M M E N T A R I A

S A.

Verf. 4. **S**TRINGENSQUE. Hebr. & Chald. *Ceciditque super.* FLE-VIT. Hebr. *fleverunt.*

V. 10. DEI, id est Angeli.

V. 11. BENEDICTIONEM, id est munus. OMNIA, scilicet mihi; quasi dicat, qui me locupletavit.

V. 14. VESTIGIA EIUS. Hebraice, *Vestigia familiae*, seu gregis.

V. 18. SALEM. Ioan. iv. dicitur Sichar. Hic, secundum Hieronymum, tradunt Hebraei sanatum semur Iacob. Dicebatur hæc civitas tempore Hieronymi Neapolis.

V. 19. AGNIS: alii *nummis*, seu *denariis*. Vide Ios. ult.

E S T I I.

Verf. 1. **A**DORAVIT PRONUS IN TERRAM SEPTIES. Non hoc adulationis erat, sed honoris pro more gentis.

V. 10. SIC VIDI FACIEM TUAM QUASI VULTUM DEI. Non est estimandum sanctum Patriarcham Iacobum præ timore tam fuisse perturbato animo ut in eam adulationem prorumperet qua fratrem suum Esau Dei appellatione honorare vellet; verum sciendum est, recte ac vere tribui hominibus eas proprietates per participationem quæ per excellentiam soli Deo competunt, ut bonitatem, clementiam, iustitiam, sapientiam. Quin, & quod in proprietatibus frequentissime accidit, id aliquando etiam in ipso nomine usuvenit. Ita apud Latinos proverbium est, *Homo homini Deus*: quod dicitur propter beneficentiam quam homini exhibet. Ita & ad Moysen dicit Dominus: *Ego te constitui Deum Pharaonis*; quod dictum est propter potentiam quam adversus eum per prodigia exercebat. Ita quoque indices propter iustitiæ administrationem aliquoties in Scriptura dii vocantur. Ad hunc ergo modum Iacob dicit se vidisse faciem fratris, quasi vultum Dei, quia videlicet ab eo tam benigne ac placido vultu suscipiebatur. Potest etiam ita verti, *Quasi viderim vultum*

Angeli: nam vox Hebr. *Elohim* interdum pro Angelis ponitur; ut in Psal. viii. *Minuisti eum paulo minus ab Angelis.* Ita sensus erit: vultus tuus tam serenus, & gratiosus mihi apparuit quam vultus Angeli.

V. 14. DONEC VENIAM AD DOMINUM MEUM IN SEIR. Queritur quomodo Iacob a mendacio excusetur, qui fratri promiserat ad eum venturum in Seir, quo tamen venisse non legitur. Respondet Aug. in Quæst. non esse mendacium, si aliquid promittatur, quod postea ob causam iustam, mutato consilio, non præstetur. Dicit etiam potest nihil obitare quin etiam forte venerit illuc ad fratrem, licet Scriptura non commemoret.

M A R I A N A E.

Verf. 1. **D**IVISITQUE FILIOS LIAE ET RACHEL. Heb. *Super Liam & Rachel*: sic Hieron. vertit in Tradit. Chald. *Cum Lia, & cum Rachel.* *72* *hal* enim significat *cum*, uti superiori cap. *verf. 11.* *Percutiat matrem cum filiis.* Loco cum est ea vox polysema Hebræis.

V. 3. DONEC APPROPINQUARET FRATER EIUS. Hebraice: *Donec appropinquaret ad fratrem suum*: sic Sept. & Chald.

V. 4. ET OSCULANS FLEVIT. Heb. *Et osculatus est eum*. Hebraica vox *osculatus est*, quatuor punctis notata superius est. Heb. Schol. iis notis designari putat, Esau id ex animo non fecisse. Ego potius credo significari, eam vocem redundare, & in aliis codicibus non esse, certe in multis.

V. 5. QUID SIBI VOLUNT ISTI? ET SI AD TE PERTINENT? Hebr. *Qui isti tibi?* ac si diceret: *Qui isti, ut sint tecum?* sic Hebræus; nempe, quorum hi tecum sunt? Quocumque modo veritas, sententia non discrepat.

V. 8. QUAE NAM SUNT ISTAE TURMAE? Hebraice: *Qua tibi omnes turmae?* sed vox *tibi* in ea lingua sæpe redundat.

V. 11. SUSCIPE BENEDICTIONEM, munus. DONAVIT MIHI DEVS TRIBUENS

BUENS OMNIA, scilicet quæ habeo. Hebraice: *Quia largitus est mihi Deus, & quia sunt mihi omnia; id est, nihil mihi deest.*

V. 14. SEQUAR PAULATIM VESTIGIA EIUS. Cuius? num Esau? Hebr. *Sequar vestigia operis (gregis) quod ante me est, & vestigia puerorum.* Sed gregem Hebraice opus vocat, sicut Hispanice rem familiarem *hazienda* vocamus.

V. 18. TRANSIVITQUE IN SALEM URBEM SICHIMORUM. Hebr. *Et venit Iacob Salem urbem Sichem.* In quo Hieronym. in Tradit. se torquet quomodo Salem sit Sichem, cum conflet Ierosolymam potius vocatam Salem, & Ioan. iv. Sichem urbs vocatur *Sicbar*. Sed nimirum vox illa potest esse nomen urbis, quod sequitur nostra Vulgata, sequuntur Sept. aut potest esse nomen adiectivum, significans idem quod *perfectus, sanus, incolonus*. Hoc secutus Chald. dixit, *Et venit sanus*. Sequitur Pagninus cum vertit, *Venit incolonus*. Et Hieronymus in Tradit. assert, Hebræos prædicare, in ea urbe Iacobo semur restitutum, atque ex eo Sichem vocatam Salem. Hæc urbs tempore Hieronymi vocabatur Neapolis.

V. 19. CENTUM AGNIS. Vox *שתיים* *kestib* & ovem significat, & monetam *meche*, seu *ghera*, id est oboli pondere. Chald. hoc loco, & Hebræi fere numum putant fuisse. Noster & Sept. agnos posuere. Stephanus Actor. vii. vers. 16. emptum argum ait pretio argenti, non agnis. Idem nodus occurrit Iob ult. 11. cum refertur singulos amicos post redditam sanitatem dedisse illi ovem unam, ubi vox eadem Hebraice est. Et sane in tanta copia pecoris, & a viris principibus. quale donum esset ovis una? Fuit ergo pecunia, & quidem aurea, & magni ponderis, Ovis dicta, quod ovis forma percussa esset: ut & apud Latinos pecunia dicta est eadem de causa, & quod ea in commerciis uteretur vice pecudum, cum quibus merces alias mutare solebant antea.

M A L V E N D A E.

Vers. 7. EXTREMI IOSEPH, ET RACHEL. Hebr. *Et postea adductus fuit, accessus fuit*, passive, si ita loqui liceat, *Ioseph, & Rachel*. Est dignum

notatu, quod cum verbum *נשגב* *nagbasib* vers. 3. de Iacob, vers. 6. de ancillis, & vers. 7. de Leah ponatur in formula Kal, activa, vel neutra; quando vero hic de Ioseph dicitur, ponitur in Niphal formula passiva: forsitan quia Ioseph adhuc puerulus ipse per se accedere vel non scivit, vel non potuit; sed admonitus, aut iussus accedere, aut adductus fuerit. Quamvis alii in Niphal neutram significationem id verbum habere velint.

V. 10. NOLI ITA, OBSECO. Hebr. *Non, obsecro*: ellipsis vocis contrariæ; id est, *ne, queso, recuses*. Sic infra vers. 15. Prov. xxviii. vers. 16. I. Timoth. iv. vers. 3. Sapient. iii. vers. 13. EST O MIHI PROPITIUS. *רצח* *ratzah* mirabilem significationem habet. Aiunt significare *occurrere animo*; hoc est, favore & benevolentia prosequi, prono & prompto animo esse, accurrere animo & affectu, bonam habere voluntatem erga aliquem, ut suo modo conveniat cum verbo *רצח* *ratz*, *currere*. Quando constituitur cum accusativo, vel affixis pronominibus, ut hic, tunc licebit vertere, *Acceptare, acceptam habere, approbare, gratum habere, bene velle, amore, benevolentia, & prona voluntate prosequi*. Noster varie solet vertere pro varia verbi constructione, uti suis locis ostendimus. Hic varie reddunt, *Et complacui mihi*, *& bene voluisti me*, *& acceptasti me*, *& gratum, acceptum habuisti me*, *& gratum mihi fecisti, beneplacitum habuisti me*, *& suscepisti me*.

V. 13. FETAS. *גללה* *ghalab* volunt esse participium semineum verbi *גלל* *ghal*, id est *lactantes, nutriendes, educantes*, quibus lac in ubera ascendit, & subinde ad nutritionem accrescit, quo prolem educunt, & enutriant. Conferunt cum verbis *גלל* *ighal*, *profuit*, & cum *גללה* *ghalab*, *ascendit*, nempe animantes, quæ lactando profunt, & quibus in ubera lac ascendit. Quinquies hæc vox occurrit, & Noster semper *fetas* convertit, nisi I. Samuel. vi. 10. ubi *lactantes* dixit: quam genuinam voluit esse significationem: unde omnes fere hic *lactantes, nutriendes fetus* exponunt. Quod Noster transtulit *fetas*, intelligunt, non gravidas, sed partu iam exoneratas, & lactantes: qua etiam ratione Latini locuti sunt. Servius in illud Virgilii I. AEn. idos.

Loca

.... Loca feta furentibus austris,
hæc annotat :

*Loca feta, nunc plena ; veluti est, Feta ar-
mis. Sciendum est etiam, fetam dici & gra-
vidam, & partu liberatam ; ut*

*Fecerat, & viridi fetam Mavortis in
antro.*

*Enixam eam fuisse, lac quod pueris præ-
bebat, ostendit. Item fetam, gravidam ; ut
est,*

*Non infueta graves tentabunt pabula
fetas.*

*Ergo quia feta medius sermo est, bene hoc
loco epitheton discrevit, dicens, Grævis fet-
as : ut bonum facinus, & malum facinus
dicimus ; & bonum venenum, & malum ve-
nenum. Eadem & fufius habet Nonius cap.
iv. num. 211. Ego existimarem ghaloth
esse a verbo ghalab, ascendit ; atque hic
cum nonnullis, ascendentes veterim, id est
gravidas, quod his uteris ascenderet, &
intumesceret : vel quod eas mares ascen-
derint, ut cap. xxxi. vers. 10. dicuntur
hirci ascendentes super pecudes ; quasi di-
cas, *ascensas*, seu *insensas*. Aut quod eis
ubera ascenderent, id est lacte intumescer-
ent, ad lactandum. Nam quod alii di-
cunt, dictas hic *ascendentes*, quod revera
ascenderint in terram, quæ erat altior, &
in ascensu fatigetur grex, aliis locis hæc
notatio non convenit. Quid si hic, *ascen-
dentes super me*, sit, quas ego fero, porto,
duco, meæ curæ & deductioni impolitæ ?
quod videtur imitatus Isaias xl. 11. Ascen-
dentes, fetas ipse portabit. Et Christus in
Evangelio de ove perditâ : *Imponit eam in
humeras suas. QUASI PLUS IN AM-
BULANDO FECERO LABORARE.**

*V. 14. ET EGO SEQUAR. Verbum
נִהְיָהּ etibabalab in Hithpahel reddunt,
Adducam, adducere me faciam, me addu-
cam, me deducam. Magnam curam dedu-
cendi, sustentandi, & fovendi significat,
ut si mater manu ducat puerum susten-
tando eum. Quidam reddunt : Ego autem
præbebo me ducem. PAULATIM : red-
dunt, Sensim, leniter, peletentim, placide,
quiete, lente ; quasi abscondite, clam, tacite,*

*absque strepitu, & impetu. In וְהָלַח לֵטִי
Iod quidam volunt esse paragogicum, ni-
mirum ad indicandum quam placide acle-
viter Iacob cuperet deducere greges & pue-
rulos suos ; quasi dicat, lenissime, placidis-
sime. Alii volunt esse pronomen primæ
personæ : inde hic vertunt : Et ego dedu-
cam me ipsum lenitati meæ, vel ad lenita-
tem meam, ad quietem meam, ad lenitudi-
nem meam : lente, pro commoditate mea :
Hispanice, Con mi quietu ; alii, submis-
se, dimisse : nonnulli, ad suave meum : aliqui,
ad absconditum mei, id est sine strepitu,
qui celeritate ac suscitatur. VESTIOIA
וְהָלַח. Hebr. pedi, vel pedem operis. מְלָכָה
melacab notant generaliter significare quam-
libet rem quæ ad ministerium, & usum
hominum cedit, five sint artes, five pecora,
five opera alia industria & labore par-
ta, ut sunt opes, substantia, greges. Ex-
ponunt opus, opificium, industriam, artifi-
cium, ministerium, ministeriale. Hic quidam
reddunt, Ad pedem gregis ; alii, ad pedem
substantiæ, vel ad pedem rerum istarum.
Sic sumitur hæc vox Exodi xxxi. vers. 8.
& Exod. xxxvi. vers. 7. ut includat fa-
miliam, greges, armenta, & omnia quæ
erant ipsi Iaghaboko. Nonnulli, iuxta mo-
dum ministerialis, id est pecoris ; Ad pedem,
id est iuxta gressum, ut poterunt ingredi
greges, & parvuli ; vel iuxta passum, His-
panice, Al passo, de mis reses, i de mis
ninno. Sed melius, Ad pedem operis : ele-
gantissimus Hebraismus, & Hispanismus,
al pie de la obra ; id est, operi inten-
tus & assistens, curansque necessaria ope-
ri.*

*V. 17. SOCOth. S. Hieronymus : Su-
choth est autem usque hodie civitas trans
Iordanem hoc vocabulo, in parte Scythopoleos.
Sonat scenas, tuguria, Hispanice cabannas.
Iter Iacob clare ostendit situm huius ur-
bis. Transvadit amne Iabok, venit Phae-
nuem, inde in Suchoth, inde transmisso
Iordane venit Salem & Sichem.*

*V. 18. TRANSIVITQUE IN SALEM
URBEM SICHIMORUM. Hebraei &
Chaldaei interpretes consentiunt, Salem hic
non esse nomen proprium urbis, sed ap-
pellativum, & ad Iacob referendum ; ex-
ponuntque : Et venit Iacob integer, sanus,
incolumis, rebus omnibus salvus, & inte-
grus, nullum in itinere passus incommo-
dum, in urbem Sichem. S. Hieronymus :*

Idem

Tradunt Hebræi, quod claudicantis semur Jacob ibi convalescerit, & sanatum sit: propterea eandem civitatem curati atque perfecti vocabulum consecutam. Et sane verissimum est, illud tradere plerosque Hebræorum, sed sua fide. Ceterum hanc interpretationem amplexi sunt plerique recentiorum: ex Catholicis Lyranus, Caietanus, Sanctes, Oleasius, Forerius, Lippomanus, Honcala; ex Protestantibus Leo Iudas, Immanuel Tremellius, & Franciscus Iunius, Mercerus, Druſius, Buxtorſius. At hic Salem nomen proprium urbis esse, ipsam Sichem, alio nomine dictam Salem, vel eius ditionis, Noſter, & plurimi alii intellexerunt. Euſebius, & S. Hieronymus in Locis: *Salem civitas Sicimorum, quæ est Sichem: sed & alia villa ostenditur usque in præsentem diem; iuxta AELIAM contra occidentalem plagam hoc nomine.* In octavo quoque lapide a Scythopoli in campo vicus *Salumias* appellatur. In Salem ditionis Sichem regnaſſe quondam Melchizedekium, cap. xiv. vers. 18. annotavimus. Hic quoque Salem nomen urbis accepere LXX. Interpretes: quod etiam secuti sunt Forsterius, Montanus, & Schindlerus.

V. 19. AGNIS. *קִשְׁתָּב* *keſtab*, Job xlii. 11. ovem, Ioseph xxiv. 32. novellis ovibus, dixit Noſter: nec alibi hæc vox occurrit: agnum, sive agnam, interpretati quoque sunt LXX. & Chaldaei. Hebræi constanter affirmant esse genus nummi, seu pecunie, aut monete. Quidam eorum volunt esse idem quod *מֶגֶבֶה* *meghab*, quæ sedecim grana hordei pendit; alii, continere quatuor *מֶגֶבֶה* *meghab*, nempe sexaginta quatuor grana hordei; nonnulli pendisse quatuor *שֶׁבֶהָלִים* *ſebeghalim*, cum quatuor insuper *מֶגֶבֶה* *meghab*, id est quatuor ferme argenti uncias, seu octo siclos. Nummum ergo exponunt etiam Reuchlinus, Caietanus, Steuchus, Lippomanus, Honcala, Sanctes, Leo Iudas, Forsterius, Mercerus, Masinus, Avenarius, Marinus, Immanuel Tremellius, Iunius, Schindlerus, Buxtorſius, & ipse etiam Montanus in Ephron. Forsterius & Avenarius, *nummum grossum* esse volunt, a *קִשְׁתָּב* *keſbeth*, *firmiſſitate*, & *caſſitate*, quod esse soleat ſignum, & firmamentum contractus mutui. Sed *keſbeth*, est cum Scin dextro, & *keſtab*, cum Scin sinistro. Reuchlinus, & Steuchus *obolus*, vel *denarium* vertunt: male. Tremellius,

& Iunius, Druſius, Schindlerus, & Buxtorſius aiunt esse nummum, vel pecuniam agni, vel pecudis imagine ſignatam & percussam: ſic apud Athenienſes *ἀγνὸς* nummus bovis imagine cuſus: unde proverbium, *Bos in lingua*, de quo vide Eraſmum Chiliadis primæ Centuria vii. adagio 18. & Gilbertum cognatum Centuria 1. adagio 32. & apud alias gentes, nummi variorum animantium figuris percussi: quod etiam Montanus obſervavit. Stephanus Aſſorum vii. 16. *keſtab*, *pretio argenti*, expoſuit: quod magis cum nummi, quam cum agnis convenire videtur: & ſane haud multum intereſt inter pecudem & pecuniam, cum pecunia a pecu dicatur. Varro Lib. IV. de Lingua Latina: *Pecunia a pecu: a paſtoribus enim horum vocabulorum origo: quod in pecore pecunia tum conſiſtebat paſtoribus.* Plinius Lib. XVIII. cap. 111. *Pecunia ipſa a pecore appellabatur.* Servius rex, *ovium, boumque eſſigie primum ac ſignavit: qui locus mire hunc noſtrum illuſtrat.* Huc etiam referunt illud Plauti in Truculento:

Ego propterea minas oves in crumena hac in urbem detuli.

Servius ad illud Maronis eclogæ 1.

.... nec cura peculi,

inquit: *Peculi autem, aut antiquè dixit, quia omne patrimonium apud antiquos peculium dicebatur, a pecoribus, in quibus eorum conſtabat univerſa ſubſtantia: unde etiam pecunia dicta eſt a peculio. Aut certe & hoc ad morſum temporum pertinet: nam modo tantum ſervi peculium dicimus: ut invidioſe patrimonium ſuum dixerit peculium, ac ſi ſervus eſſet: quia ſe diu apud Mantuam ſerviſſe memoravit.* Feſtus: *Peculium ſervorum a pecore dictum eſt, ut pecunia patrum familias.* Hebræi quidam hic reddunt: *Centum margaritis*, ut *keſtab*, ſit *margaritum*, ſeu *margarita*: ridicule & ſanctæ. Obſervant hic, conſtructionem nominis *מֶגֶבֶה* *meab*, *centum*, quod poſtpoſita ei nomina ſere ſemper ſint ſingularia, modo tamen collectivo, nedum in annis (de qua conſtructione diximus Genef. v. verſ. 3.) ſed etiam in aliis rebus. Iudicum xvii. 2. *Et centum argentum.* Iudicum xxi. 12. *Quadringentas excuſſam, virginem.* Genef. xxxi. 7. Genef. xxxi. 1. *Quadringenti vir.* Hic in *centum agno*, vel *groſſo*.

V. 20. INVOCAVIT SUPER ILLUD
FOR-

FORTISSIMUM DEUM ISRAEL. Heb. *Et vocavit ei El Elobim Israel*. Noster retulit ad Dei invocationem & cultum in illo altari a Iacobo peractum; quod etiam Chaldaei interpretes intellexerunt: alii ad inscriptionem & titulum altaris commodant; quasi inscripserit altari *potentissimo & fortissimo Israelis*, duobus nominibus Dei, singulari, & eiusdem plurali, utroque unius & eiusdem significationis.

M E N O C H I I.

Vers. 1. **D**IVISITQUE. Iacob divino quamvis tressus auxilio, & promissis, alacer fratri occurrit; ita tamen suas uxores, & filios disposuit ut quos maxime diligeret, longius a periculo removeret.

V. 3. IPSE PROGREDIENS, sequens primam, secundam vero turmam praecedens, ut decebat patrem familias pro carissimis pignoribus se primum periculo offerre. ADORAVIT: genu in terram & capite submisso, civilem fratri, ut natu maiori, honorem exhibuit. SEPTIES potest accipi pro *sepius*, potest etiam accipi definite.

V. 5. QUID SIBI VOLUNT? Quae causa ut tali ordine me excipiant? Sunt ne tui?

V. 8. QUAE NAM SUNT ISTAE TURMAE, primae gregum donomissorum. Audierat a pastoribus; sed iterum rogat, ut occasionem habeat ex fratris responso non acceptandi munus. UT INVENIREM GRATIAM: observantiae meae contestandae gratia mihi munusculum, ut digneris mihi benevolus esse, & praeteritorum oblivionem animo admittere.

V. 9. SINT TUA TIBI: nec his ego, nec opus tibi ad condonationem: nam placatus sum.

V. 10. NOLI ITA, abnuere quae offero. SI INVENIGRATIAM IN OCULIS TUIS: si bona fide mihi reconciliatus es, & ex animo condonas. *MUNUSCULUM*. Vox Hebraea מנחה *mincha* significat proprie munus, quod vel Deo vel homini superiori, ad contestandam eorum excellentiam, & offerentis subiectionem offertur. QUASI VIDERIM VULTUM DEI: visus est mihi vultus tuus inclytus, augustus, veneratione dignus, &

quædam imago Dei. ESTO MIHI PROPITIUS: censebo te mihi bene velle, & propitium mihi esse, si a me oblata non repudies.

V. 11. BENEDICTIONEM, munus de benedictione, qua Deus mihi benedixit; particulam bonorum, quibus me Dominus cumulavit.

V. 12. GRADIAMUR SIMUL, in terram meam Seir.

V. 13. NOSTI, DOMINE MI, QUOD PARVULOS HABEAM TENEROS, ET OVES, ET BOVES. Causam reddit veram, & idoneam ne simul gradiantur. FETAS, hoc est lactentes. CUNCTI GREGES, multi, plerique: est hyperbole.

V. 14. AD DOMINUM MEUM IN SEIR. Ita nunc proponebat Iacob; sed postea mentem mutavit, Esau veritus ingenum.

V. 15. DE POPULO, de comitibus, aut militibus meis.

V. 17. IN SOCOTH; quæ ita postea dicta est a tentoriis Iacob. AEDIFICATA DOMO, tugurio.

V. 18. SALEM; nomen urbis, quæ etiam Sichem, & Sichar est dicta: *Isa. IV. 5.* HABITAVIT IUXTA OPIDUM: ante Salem tentoria sua defixit, & habitationem castrorum vallo circumdedit.

V. 19. EMITQUE, modum agri non ita magnum, eo quod Sichimitæ non alia lege permittebant eum in suis finibus habitare, nisi quid proprium possideret. FILIIS HEMOR. Hemor fuit princeps Sichimorum, eius subditi hic vocantur filii: quia princeps patriæ pater esse debet. CENTUM AGNIS, vel permutatione centum agnorum, vel pretio agnorum dato, vel centum nummis, quibus agni figura esset impressa: nam *Act. VII. 16.* dicitur emisse pretio argenti.

V. 20. FORTISSIMUM DEUM ISRAEL. Videtur aliquibus inscriptio aræ addita in hæc verba concepta; *Ara Dei fortis Israel.*

T I R I N I.

Vers. 10. **V**IDE FACIEM TUAM. QUASI VIDERIM VULTUM DEI, scilicet speciosissimum, longeque gratissimum: nam quæ excellentissima in unoquoque genere sunt, Hebraei dicunt esse Dei, verbi

verbi gratia, *Montes Dei*, id est celsissimi, &c. Non ergo adulatio hæc est, sed ut summum hyperbole, qua Iacob significat, conspectum fratris sibi iucundissimum, optatissimumque accidisse. Et vero cum præter omnem expectationem eum benevolo in se animo comperisset, a quo non nisi omnia hostilia metuerat, cum veritate poterat dicere, se vultu conspectuque illius placido & amico non secus recreari quam si Dei ipsius benigno aspectu frui fruisset. Ita Tostatus, & alii.

Acta omnia Iacobi & Esau ordine annorum digesta habes in Chronico cap. xvi. posteros vero amborum, cap. xlvj.

GORDONI.

Vers. 3. **A**DORAVIT PRONUS IN TERRAM. Civilem fratri reverentiam. *וַיִּשְׁתָּחוּ וַיִּשְׁתָּחוּ* *veiistabu*. Septuaginta habent *προσκύνησεν*. *שָׁחוּ*, incurvari.

V. 10. MUNUSCULUM. In Hebr. *מִנְחָה* *mincha*: est munus Deo, vel etiam homini oblatum. Addit ad favorem conciliandum, videri vultum veneratione dignum.

V. 11. BENEDICTIONEM, rem Dei benedictione commissam mihi.

V. 14. SEQUAR VESTIGIA EIUS. Heb. *Vestigia operis quod ante me est*, scilicet gregis & puerorum. DONEC VENIAM. Dissensio inter Interpretes est, an sit mentitus hic Iacob, quia non ivit postea ad fratrem in Seir. Verum Scriptura non dicit eum non ivisse; quin etiam pro-

babile est ivisse, quamvis hoc non exprimitur a Mose.

V. 17. SOCHOT. Hebr. *סוּכּוֹת* *succoth*; Septuag. vertunt *συνας*, *tabernacula*, Explicat sic vocem Hebraicam: *סוּךְ* *sach* est *tabernaculum*, Rad. *סָכַךְ* *saccach*, *ut gere*.

V. 18. SALEM. Nunc Salem, nunc Sichem dicta urbs est; immo tandem Sichar, Ioan. iv. vers. 5. Hieronymus etiam de Locis Hebraicis eandem facit urbem Sichem hanc & Salem; sicut porro ille distinguit Salem hanc Sichimorum, a Salem quæ est iuxta Scythopolim, ubi Ioannes baptizavit. Est Scythopolis iuxta mare Genesareth.

V. 19. Sichimorum princeps est iste Hemor. Non male aliqui hic per patrem, & filios, intelligunt hunc principem, & subditos; ut certe princeps debet esse pater populi. Alii aliter. Per centum agnos, animalia intelligo, non autem nummos: erat enim tunc in usu rerum commutatio: nec est discedendum a proprietate vocis.

V. 20. ET ERECTO ALTARI INVOCAVIT SUPER ILLUD FORTISSIMUM DEUM ISRAEL. Septuaginta *θυσιαστήριον*. Hebr. *מִזְבֵּחַ* *mizbeach*. En sacrificium. En etiam aut inscriptionem huius altaris, *אֱלֹהֵי יִשְׂרָאֵל* *el Elobe Israel*, si legas vocavit; aut certe fortissimum Deum Israel (*vaikra lo*) invocavit super illud (non autem vocavit illud) & hanc lectionem posterioriorem docent Vulgatus, Septuaginta, & Hieronymus.

C A P U T XXXIV.

*Ob Dinæ raptum ac stuprum, Sichemita prius circumcisi, a Simeone & Levi Dinæ fratribus perimuntur, atque a reliquis Iacob filiis urbs eorum vastatur :
quapropter Simeon & Levi a patre arguuntur.*

Hgressa est autem Dina filia Liæ ut videret mulieres regionis illius. 2. Quam cum vidisset Sichem filius Hemor Hevæi, princeps terræ illius, adamavit eam; & rapuit, & dormivit cum illa, vi opprimens virginem. 3. Et conglutinata est anima eius cum ea; tristisque delinivit blanditiis. 4. Et pergens ad Hemor patrem suum, Accipe, inquit, mihi puellam hanc coniugem. 5. Quod cum audisset Iacob, absentibus filiis, & in pastu pecorum occupatis, siluit donec redirent. 6. Egresso autem Hemor patre Sichem ut loqueretur ad Iacob, 7. ecce filii eius veniebant de agro: auditoque quod acciderat, irati sunt valde, eo quod sædam rem operatus esset in Israël, & violata filia Iacob, rem illicitam perpetrasset. 8. Locutus est itaque Hemor ad eos: Sichem filii mei adhæsit anima filiæ vestræ: date eam illi uxorem. 9. & iungamus vicissim connubia: filias vestras tradite nobis, & filias nostras accipite. 10. Et habitate nobiscum: terra in potestate vestra est, exercete, negotiamini, & possidete eam. 11. Sed & Sichem ad patrem, & ad fratres eius ait: Inveniam gratiam coram vobis; & quæcumque statueritis, dabo: 12. augete dotem, & munera postulate, & libenter tribuam quod petieritis: tantum date mihi puellam hanc uxorem. 13. Responderunt filii Iacob Sichem, & patri eius in dolo, sævientes ob stuprum fororis: 14. Non possumus facere quod petitis, nec dare sororem nostram homini incircumciso: quod illicitum & nefarium est apud nos. 15. Sed in hoc valebimus fœderari, si volueritis esse similes nostri; & circumcidatur in vobis * omne masculini sexus: 16. tunc dabimus, & accipiemus mutuo filias vestras ac nostras; & habitabimus vobiscum, erimusque unus populus: 17. si autem circumcidi nolueritis, tollemus filiam nostram, & recedemus. 18. Placuit oblatio eorum Hemor, & Sichem filio eius: 19. nec distulit adolescens quin statim quod petebatur expleret: amabat enim puellam valde, & ipse erat incolus in omni domo patris sui. 20. Ingressique portam urbis, locuti sunt ad populum: 21. Viri isti pacifici sunt, & volunt habitare nobiscum: negotiantur in terra, & exerceant eam, quæ spatiosa & lata cultoribus indiget: filias eorum accipiemus uxores, & nostras illis dabimus. 22. Unum est quod differatur tantum bonum: si circumcidamus masculos nostros, ritum gentis imitantes. 23. Et substantia eorum, & pecora, & cuncta quæ possident, nostra erunt: tantum in hoc acquiescamus, & habitantes simul, * unum efficiemus populum. 24. Assensique sunt omnes, circumcisis cunctis maribus. 25. Et ecce die tertio, quando gravissimus vulnere dolor est, arreptis, duo filii Iacob, Simeon & Levi fratres Dinæ, gladiis, ingressi sunt urbem confidenter: (a) interfecisque omnibus masculis, 26. Hemor, & Sichem pariter necaverunt,

runt, tollentes Dinam de domo Sichem sororem suam. 27. Quibus egressis; irruerunt super occisos ceteri filii Iacob, & depopulati sunt urbem in ultionem stupri. 28. Oves eorum, & armenta, & asinos, cunctaque vastantes quæ in domibus & in agris erant, 29. parvulos quoque eorum, & uxores duxerunt captivas. 30. Quibus patratis audacter, Iacob dixit ad Simeon & Levi: Turbastis me, & odiosum fecistis me Chananeis, & Pherezeis habitatoribus terræ huius. Nos pauci sumus: illi congregati percutient me, & delebor ego, & domus mea. 31. Responderunt: Numquid ut scorto abuti debuere sorore nostra?

(*) Inf. xlii. 6.

B R U G E N S I S

ROMANÆ CORRECTIONES.

V. 15. *Omne masculini sexus*. Interpres dedit neutrum *omne*, non masculinum *omnis*.

V. 23. *Unum efficiamus populum*. Futurum indicativi *efficiamus* non est mutandum cum præsentis imperativi *efficiamus*.

C O M M E N T A R I A

S A.

Vers. 1. MULIERES. Hebr. *filias*.
Vers. 3. CONGLUTINATA; quasi dicat, vehementer amavit. TRISTEMQUE. Hebr. *puellamque*. LXX. *virginemque*.

V. 10. IN POTESTATE VESTRA. Hebr. *coram vobis*. EXERCETE. Hebr. *habitate*.

V. 19. INCLYTUS, id est honoratissimus, seu præcipuus.

V. 21. CULTORIBUS INDIGET. Id non est Hebr.

V. 22. UNUM EST QUO DIFFERTUR, &c. Hebr. *Verum in hoc consentient nobis viri ad habitandum nobiscum*, &c.

V. 25. SIMEON ET LEVI. Hi principes & auctores, sed cum illis alii plurimi: August. in Genes. quæst. cviii.

V. 28. VASTANTES. Hebr. Chald. & LXX. *accipientes*, seu *rapientes*.

E S T I I.

Vers. 1. EGRESSA EST AUTEM DINAM, ut videret MULIERES. Dicit Iosephus Lib. I. Antiq. cap. xxvii. fuisse in civitate illa Sichimorum solemnitatem quandam, ad quam Dinam curiositate ducta, accurrebat, ut mu-

lieres eius civitatis videret, quia in diebus solemnibus solent ornatiore cultu procedere. Locus hic moralis est, & aptissimus ad exhortandas virgines, ut non facile prod-eant in publicum, & virorum conspectui se obiciant vagantes, & curiosæ agentes: quod & Apostolus Paulus damnat in iunioribus viduis I. Tim. v. Simul autem, inquit, & otiosæ discunt circuire domos, non solum otiosæ, sed & verbose, & curiosæ, loquentes quæ non oportet. Et in primis nufquam magis periclitatur pudor virginum quam in enceniis, atque aliis huiusmodi solemnitatibus, & cœtibus.

V. 14. NEC DARE SOLOREM NOSTRAM HOMINI INCIRCUMCISO: QUOD ILLICITUM, ET NEFARIUM EST APUD NOS. Queritur quomodo hoc non sit mendacium, quandoquidem & Iacob ipse accepit filias Laban hominis incircumcisi. Et cui potuissent aliqui dare nuptui Dinam sororem suam, nisi incircumcisi? Dici potest, alicui ex filiis Esau. At Abraham ipse si filiam habuisset, cui dedisset nisi incircumcisi? Non enim poterat quemquam non generis sui cogere ad circumcisionem: nec ulla Scriptura significat id fuisse necessarium illo tempore. Interim quorundam opinio est Dinam postea traditam fuisse sancto Iob in matrimonium, addentes quod esset circumcisi, & ex-

Fif 2 liis

liis Esau. Vide Pererium, & Caietanum.

V. 25. ARREPTIS.... SIMEON, ET LEVI... GLADIIS. Quæritur an factum horum fratrum commendari debeat, vel certe excusari possit. Quidam enim non excusant tantum, verum & commendant, eo quod Iudith dicat in oratione sua cap. 1x. Deum dedisse Simeoni patri suo gladium &c. Respondeo factum illud potius reprehendendum; maxime cum illud reprehendat ipse Iacob Patriarcha, tenuit quidem hoc capere, gravissime autem in seculo mortis, quando pro benedictione, duobus his fratribus, propter hoc factum, reliquit maledictionem, Genes. xliix. 6. Deinde ratio reprehensionis multiplex est. Primo quia fraude & mendacio circumciderunt habitatores Sichem; tum quia sacramento suæ religionis, id est circumcissione, ad hoc abusi sunt ut eos interimerent; quasi si qui baptizare se simulans, inimicum suum submergat; ac tertio, quia defuit legitima auctoritas. Ea enim erat penes Iacob, tamquam principum familiæ, quem constat non consensisse. Denique quia innoxios cum nocentibus peremerunt. Neque enim ullo modo verisimile est totam civitatem in flagitium unius hominis consensisse. Ad illud quod obiectum est contra ex Libro Iudith, cap. 1x. respondetur eo loco, sicut & Genes. xlviii. ad illud quod ex eo loco obicitur.

V. 30. ILLI CONGREGATI PERCU-
TIENT ME. Quæritur quomodo hic metus consilietur cum fide promissionum ipsi, & patribus eius factarum. Responderi potest, non esse verba metuentis, nec diffidentis, sed obiurgantis filios suos, ut qui temeritate sua, quantum in ipsis erat, frustrarent divinas promissiones; cum potius debuissent ea facere quæ ad illas implendas tenderent, scientes ea quæ Deus promittit, per ordinaria media (nisi Deus aliter ostendat) esse expectanda; veluti si quis absolutam accepisset a Deo promissionem æternæ salutis, deberet tamen ille voluntate quæ nihilominus media necessaria ad salutem facipere. Potest etiam dici, quod cum metu hoc fuit, & familiæ interitus, potuit consilire fiducia veritatis promissionis divinæ: nempe eodem modo sicut Abraham paratus fuit filium unicum, in quo promissiones acceperat, immolare: utpote, ut est Hebr. xi. 19. arbi-

trans, quia & a mortuis suscitare potens est Deus.

M A R I A N A E.

Vers. 2. **V**I OPPRIMENS VERGLENEM. Hebr. Et humiliavit illam: sic Sept. vel, ut alii, & affixit illam.

V. 3. TRISTEMQUE DELINIVIT BLANDITIIS. Hebr. Et locus est ad cor puellæ, nempe quæ illi placerent: loquendi forma Hebraicæ lingue frequens.

V. 7. REM ILLICITAM PERPETRASSET. Hebr. Et sic non fiet. Sept. & utique non ita erit. Aut fortassis futurum pro præterito: Et non ita factum est: nihil simile nobis accidit.

V. 9. ET IUNGAMUS VICISSEM CONNUBIA. Iungite connubia nobiscum. Sept. & inquamque ad nos iungite ex nobis generos; quod vim Hebraicæ vocis exprimit: nam & habban, gener est.

V. 10. TERRA IN POTESTATE VESTRA EST. Hebr. ad facies vestras, id est coram vobis, ad nutum vestrum. EXERCETE, habitate.

V. 12. AUGETE DOTE, ET MUNERA. Sponsi dote puellis dabant, munera eius cognatis, uti Eliezer fecit cum Rebecca, & cognatis. AUGETE, petite quantum velitis.

V. 13. IN DOLO. Responderunt filii Iacob, nempe communicato inter se consilio: nam Iacob dixit in morte: In consilium eorum non veniat anima mea.

V. 14. HOMINI INCIRCUMCISO? QUOD ILLICITUM ET NEFARIUM EST APUD NOS. Hebr. Homini cui & bar-lab (id est præputium) quia & bar-lab (id est ignominia) ipsum nobis. Ego utraque voce putabam pulchra significari: priori, cum præputio, qualia Gentes habebant; & fortassis ab hac voce deductur Hispanis *barla*, quod Iudæi incircumcisos illuderent: posteriori, eadem præputio sublato; ac si diceret: Vobis est membrum cum præputio, nobis *barla*, id est sine illo: unde puto Latinis fluxisse *verpam*, & *verpum*, pro circumciso. Nec mirum, honestatis causa pro membro ignominiam posuisse: nam & quo loco in Paulo legimus: Quorum Deus venter est, & gloria in confuso.

fufone ipforum: ad Philip. 111. verf. 19. Græce est, atque ita Auguft. legit fermone xv. de Verbis Apoitoli: *Gloria in pudendis eorum*; nempe, quod circumcisi effent, & non ex Gentibus, in eo tantum gloriabantur.

V. 21. QUAE SPATIOSA ET LATA CULTORIBUS INDIGET. Hebr. *Et terra ecce lata manibus eorum*. Manibus, id est spatiis: sic in Psalm. *Hoc mare magnum, & spatiosum manibus*. Ducitur autem metaphora ex eo, ut Hebræus ait, quod sicut manus præbet homini omni necessaria, sic terra, præsertim lata, sic mare. Vel sicut nos maris partes sinus vocamus, sic partes maris, & terræ Hebraica lingua vocat *manus*.

V. 22. UNUM EST QUO DIFFERTUR. Hebr. *Peruntamen in hoc consentiunt nobis terræ ad habitandum nobiscum*.

V. 23. ET SUBSTANTIA EORUM. Hebr. *Greges eorum, & substantia, & omnia iumenta eorum, nostra erunt*.

V. 25. SIMEON, ET LEVI. Hi principes consilii occidendi Sichimitas, sed alii cum illis plurimi: Augustinus in Genes. quæst. cviii.

V. 27. DEPOPULATI SUNT URBEM. Hebraice, *diripiunt*.

V. 28. VASTANTES QUAE IN DOMIBUS. Hebr. *Diripiunt, acceperunt quæ in urbe, quæ in agro*.

V. 30. NOS PAUCI SUMUS. Hebr. *Et ego homines numeri*; nempe, mecum pauci sunt. Notanda autem vox מִתְּמֵיתֵי, quæ a motiendo deducta, proprie mortales significat, quod Latine etiam dicitur. Quæ vox mortuos etiam significat, solum punctis discrepans: nam cum scribitur מִתְּמֵיתֵי mortales homines, quando מֵיתִים mortuos significat. Parum nos a mortuis discrepare ea vocum similitudo indicat, vel mortuos potius esse propter peccatum.

M A L V E N D A E.

Vers. 3. TRISTEMQUE DELINUIT BLANDITIIS. Optime Hebraïsmum exposuit: *Et locutus fuit super cor puellæ*. Notant, quod ubique in Scriptura hæc phrasîs, *Loqui super cor alterius*, idem valet quod Latinis blanda, suavia, & iucunda loqui, quæ cor liben-

ter audit: item, placare, mulcere, delinire, persuadere, reconciliare, pacatum & tranquillum reddere alterius animum. Quidam hic reddunt: *Et locutus fuit quæ erant puellæ cordi*; id est, accommodavit sermonem suum ad animum puellæ, & ad gratiam eius dixit, fecitque omnia, ut eam consolaretur, & in amorem sui pelliceret. Eandem phrasîm rep. ries Genes. 2. 21. Iudicum xiiii. 3. Ruth 11. verf. 13. II. Samuel. ixix. verf. 7. Isaïæ xl. 2. Oleez 11. verf. 14.

V. 5. QUOD CUM AUDISSET IACOB. Hebræa addunt: *Et Iacob audivit, quia taminavit Dinam filiam suam*. Verbum מִתְּמֵיתֵי tame, idem omnino voce & significatione cum Latino *tamino*; atqui Latinum ex Hebræo traxisse originem nullum esse dubium, plerique existimant; quamvis simplex *tamino* non sit in usu, sed eius composita, *contamino*, *atamino*, *intamino*; sed istud *intamino* in contraria significatione. Ergo hic exponunt: *Quod contaminasset, paluisset, inquinasset, violasset, vitiasset, corrumperet Dinam filiam suam*. Quidam: *Quod temerasset Dinam filiam suam*; quo verbo usus est Tacitus Annal. I. Eandem Iuliam in matrimonio Agrippæ temeraverat. Festus: *Temerare, violare sacra, & contaminare: dictum videlicet a temeritate*. Sicut LUIT. Verbum לִיבֵיתִי becheriseth in Hiphil ista omnia complectitur: cessavit, finit, subtrahit, cogitavit, aravit mente, fabricatus est: & iornula Hiphil significatum intendit; quasi dicat: Animo secum multa versabat, tacitum volvens sub pectore vulnus. Aliqui exponunt, *Dolorem contumit*, neque respondit, donec cum filiis revertentibus consilia communicasset.

V. 7. IRATI SUNT VALDE. Omisit clausulam huic proxime antecedentem: nam Hebraice additur: *Et dolore affecti sunt homines*. Verbum גִּזְזוּ ghatzab positum hic in Hithpael, vivum & acerrimum dolorem notat. Ex verbo: *Et dolore sauciaverunt, dissecraverunt se ipsos homines*. Vide Genes. vi. verf. 6. Quod ait, *Irati sunt valde*, quidam reddunt: *Accensa fuit ira ipsorum valde*: alii, *Et commovit eos vehementer*. FOEDAM REM. מְבַלְבָּלִים nebalab, defluentiam, marciditatem, languiditatem, flacciditatem, insulsiorem, fatuitatem, stultitiam, insipientiam. Aiunt hoc nomine vocare Scripturam factum contra publici-

blicam honestatem, vel contra mandatum Dei, vel contra naturam, & simul illud factum turpitudine, vituperium, & ignominia comitatur: est flagitium, facinus malum, fatuitas cum scelere coniuncta, nequitia, contumelia, nefarium factum, turpe, indecorum, nefas, res facta, & abominanda, labe, Hispanice mengua, ut stuprum, sacrilegium, &c. Quidam reddunt, *Abiectionem fecit.*

V. 8. SICHEM FILII MEI ADHAESIT ANIMA FILIAE VESTRAE. Verbum *שָׁחַף chaschak* fere semper cum Beth nota ablativi; nisi semel *לְאִיזָה xxxviii.* ubi cum accusativo construitur: notantque significare esse animo facili ac propenso in aliquem; voluptatem & delectationem habere in aliquo; circumplecti, implicari, circumcingi vehementi amore, desiderio erga aliquem; flagrantissime concupiscere. Hic reddunt: *Sichem filii mei voluptatem habuit anima eius in filia vestra: alii, Sichem filius meus propensa est anima eius in filiam vestram: quidam, Sichem filius meus amore propendet animus eius erga filiam vestram: nonnulli, Sichem filius meus complacet sibi anima eius in filia vestra: aliqui, Sichem filii mei anima eius deperit filium vestram; vel filius meus ex animo diligit filiam vestram; id est, tenetur maximo desiderio filiae vestrae. Id verbum in Kal octies legitur in Scriptura, & Noster semper diversimode convertit. Deuter. x. 15. conglutinari, Deuter. vii. 7. iungi, Deuter. xxi. 11. adamare, I. Regum ix. 19. placere, II. Paralip. viii. 6. velle, Psal. xc. 14. sperare, *לְאִיזָה xxxviii. 17. erueret, hic adhaerere.* Et quidem omnes aliae significationes, huic loco recte conveniunt, ut, *Sichem filii mei conglutinata est, iuncta est anima eius in filia vestra; vel Sichem filii mei placet sibi anima eius in filia vestra; vel vult, adamat, sperat anima eius in filia vestra: nec illud erit alienum, Sichem filii mei eruta est anima eius in filia vestra: Hispanice, Vuestra huius le a arrancado, robado el alma.* Sic saepe queruntur amatores sibi eripi animam.*

V. 9. ET IUNGAMUS VICISSIM CONNUBIA. Verbum *יָחַד chatan* proprie est affinitatem contrahere per mutuas dispositiones, & con nubia: atque hic locus geminam verbi significationem exprimit, cum declarat quid sit affinitatem contrahere, nempe dando suas, & recipiendo vicissim

aliorum in connubium. Et positum in *Hichpahal*, magnam & arctissimam affinitatem denotat.

V. 10. NEGOTIA MINI. *סָחַר sachar* proprie est circumire, circumgrare, circulare, lustrare, perlustrare, circumlustrare, circumperagrare locum, aut regionem: & quia merces de loco in locum circumquaque circumferruntur a negotiatoribus & mercatoribus, ideo hoc verbum Hebraeis idem significat quod Latinis *negotari*, *mercari*, *nundinari*, id est circumire negotiandi causa, circumferre merces, aut fora circumire, nundinas frequentare, Nec aliene hic exposuerim, *Et negotia mini eam*, id est pasturis, & culturis exercere. Sic Noster vertit verbum *sachar* infra vers. 21. Alias *Iacob & filii parum mercaturis intendebant. Negotia terram est non solum eam otari*; unde *negotium* Latinis dictum, inquit Festus, *Quod non sit otium.* Vide vers. 21. ET POSSIDETE EAM. Hebr. *Et apprehendimini in ea*; id est, detinete vos in ea, figite radices, ne facile discedatis.

V. 12. AUGETE DOTE. *וַיִּזְכֹּר mohar* proprie festinatio, accelerantia: inde notant significare *dote*m, quod festinanter, & celeriter & promittitur desponsatis, & deuter nuptis; aut quod homines festinare faciat ad nuptias: nam ea magis moventur quam forma. PUELLAM HANC. Notabis toto hoc capite vocari *Dinam נָחֵר naghara*, excusam: & recte sane, quia ei iam ereptus & excussum pudor, ac virginitas: & fortasse deficit ultimum *He* in nomine, ad denotandam imminutam eis integritatem.

V. 13. AMABAT ENIM PUELLAM VALDE. Verbum *שָׁחַף chaschak* quando construitur cum Beth, ut hic, volunt reddendum per, *beneficium habere, sibi complacere, voluptatem, oblationem capere in aliquo*: & in eadem constructione idem fere esse cum verbo *רָצָה ratzah*, de quo diximus cap. xxxiii. vers. 10. Grati utrumque reddiderunt verbo *יִשְׂרָאֵל israhel*, bonam voluntatem habere, beneplacere, complacere. Nec dubium quin Pater aeternus alterutro usus sit in ea constructione *Matthaei i. 17. cap. xii. 18. & cap. xv. 1. 5. Hic est Filius meus dilectus, in quo mihi bene complacui*: unde hic vertunt: *Quia complacuerat, beneplacitum habebat in filia Iacob: alii, Quia amabat, deperibat filiam Iacob: alii*

CLYTUS. נִכְבָּד *nichbad*, gravis, honoratus, gloriosus, splendidus, excellens, præstans, inclitus, nobilis, clarus. Putant hanc vocem abstracte redditam a Petro Epist. II. cap. 11. vers. 10. *Doxas, glorias, dignitates non borrent, non venerunt conviciis inesse*: abstractum pro concreto; id est, viros gloriosos, & maiestate præditos, nempe magistratus, qui gloria & maiestate pollent, vocanturque dii, & qui eos violaverit, crimine læsæ maiestatis accersitur. Sicheim supremum a patre magistratum in urbe obtinebat: ut apud nos regis primogenitus, quem principem vocamus, dicitur gubernator generalis.

V. 20. INGRESSIQUE PORTAM URBIS. Exponunt: Quo solebant cives convenire, & ibi publica negotia transigere, ut nunc in curiis. Vide supra cap. xxiii. vers. 10.

V. 21. QUAE SPATIOSA ET LATA. Hebr. *Lata manuum*. Quidam exponunt: *Lata manibus*, hoc est sinibus, locis, recessibus, vallibus. Sic Psalm. ciii. 25. *Mare magnum, & spatiosum manibus*, hoc est sinibus: sic brachia maris appellamus. Subtilius alii annotant, quando יָד *iad*, manus cum voce רַחֵב *rachab*, latum construitur, tunc figurate capi pro terminis, seu limitibus. Hebræi enim manum vocant tantum spatii seu loci quantum alicuius potestati subiectum est, & quousque potestas aut ditio ipsius extenditur. Solebant enim in limitibus collocare manum, quæ disungebat ditiones, ac demonstrabat quousque potestas seu regio, aut ditio alicuius protendebatur. Unde hic intelligunt: *Terram latam manibus*, id est spatiis, limitibus, terminis, ditionibus. Sic Isaie xxii. 18. quidam exponunt: *Ecce ampla spatium est*; id est, nobis est spatiosior quam ut eam possumus colere soli.

V. 25. DIE TERTIO, qui vulneratis, ex sententia medicorum, est criticus. CONFIDENTER. Alii, *secure*: amphilogon: nam & cives secure agebant, nihil hostile a familia laghakobi metuentes, & filii laghakobi secure ingressi sunt, nihil sibi a graviter decumbentibus metuentes. Illud prius nonnulli Chaldæum secuti magis probant.

V. 30. NOS PAUCI SUMUS. Hebr. *Et ego mortales numeri*. Notant quidam ut rem non indignam scitu, Hebræis eisdem

litteris, & pari forma dici מֵתִים *metim* cum Tēri, mortuos, & מֵתִים *methim* cum Sceva, homines, viros, viros, quasi dicas mortales. Et ut Latini a conditione sua homines vocant mortales, ita etiam Hebræi vocant eos similiter *methim* cum Sceva; quasi mysterio indicetur vivos a mortuis punctulo uno tantum distingui: tam prope mortem sumus. Nisi quod Hebræi, quantum ex sacris litteris deprehenditur, paulo arctius hoc vocabulo utantur, pro viris, seu hominibus, seu mortalibus eiusdem familiæ, tribus, sortis, societatis, vel civitatis, ut reipublicæ. Observant insuper, quod quando hoc nomen pluralis numeri *methim* absolute ponitur, tum pusillum, & imbecillum numerum denotare, ut Isaie xli. vers. 14. similiter cum construitur cum nomine מִסְפָּר *misphar*, numerus; ut mortales numeri, ut hic; vel cum adverbio מְעַט *meghat*, parum, mortales paucitatis, vel parum: tum etiam significare parvam manum, exiguum, infirmum, & pusillum cœtum, qui collatione alterius rei, vel partis valde est paucus, pusillus, infirmus, invalidus, imbecillis; immo veluti mortuus, aut morti destinatus, & veluti oves ad maculationem. Cum vero utrumque & *misphar*, & *meghat* simulcum *methim* coniungitur, ut I. Paralipomen. xvi. vers. 19. tum maiorem diminutionem significare; quasi diceret, non solum paucos, sed paucissimos numero. Sed hic, *Et ego mortales*, vel *virī, numeri*, vel *paucus numero*. Aliqui subaudiunt *mibi*: *Et ego, homines numeri mibi*; id est, cum sint mihi pauci homines. Sumus pauci mortales, infirmi, imbecilles, invalidi, & quasi mortui iam destinati inter barbaros istos, qui plures, & fortiores nobis sunt. Ego non dubito istud quoque מֵתִים *methim* cum Sceva esse a מוֹת *muth*, mori, quamvis alii reclamant. Volunt comprehendere utrumque sexum, & viros, & mulieres. Phrasim istam, *Virī, seu mortales numeri*; id est pauci, qui facile præ paucitate numerari possunt, reperies etiam Deuteron. 17. xxxiii. 6. I. Paralipom. xvi. 19. & Psalm. civ. vers. 12. Sic anni numeri Iob xvi. vers. 22. & reliquia numeri Isaie xxi. vers. 17.

V. 31. UT SCORTO. זֶנֶח *Zonah*, meretrix, scortum: scribitur cum Zain magno: & hæc secunda littera magna, quæ po-

ponitur in Bibliis Hebraicis. Ego mysteriorum & rationem non eruo. Fortasse ad indicandum rarum & tragicum hunc Dinæ & Sichem casum. Vide cap. xxx. vers. 42. Hanc Dinam volunt Chaldaei interpretes, postea nupsisse Iob. Fides penes ipsos illo.

M E N O C H I I.

Vers. 1. **D**INA, filia Jacob ex Lia, tum annorum forte quindécim. **UT VIDERET MULIERES.** Heb. *filias*, puta virgines æquales suas. **RUGIONIS.** Tunc festum fuisse ait Iosephus, ad quod convenerant.

V. 2. **FILIUS EMOR HEVAEI,** de stirpe Hevæi, filii Chanaam, nepotis Cham: Genes. x. 17. **PRINCEPS TERRAE,** filius principis terræ.

V. 3. **CONGLUTINATA EST ANIMA EIVS:** impotenter eam amavit. **DELINIVIT BLANDITIIS.** Hebraice, *Locutus est ad cor puellæ.* Loqui ad cor, est verba grata, & consolatoria dicere.

V. 4. **QUOD CUM AUDISSET,** a comitibus Dinæ, qui effugerant. **SILUIT,** dissimulavit quod corrigere non poterat, Deo totum permittente.

V. 6. **EMOR PATRE SICHEM.** Indulget filio, qui debebat corripere. **LOQUERETUR AD IACOB,** de futuris nuptiis.

V. 7. **IN ISRAEL,** contra Israel patrem Dinæ.

V. 8. **ADHAESIT ANIMA:** deperit filiam vestram.

V. 10. **TERRA IN POTESTATE VESTRA EST:** habitate eam, & colite arbitratu vestro.

V. 11. **INVENIAM GRATIAM CORAM VOBIS:** annuite precibus meis. **QUAECUMQUE STATUERITIS, DABO,** in compensationem iniuriæ, & donationem propter nuptias.

V. 12. **AUGETE DOTEM:** uxorem de more comparabo; sed vos quod vultis pretium statuite. **MUNERA POSTULATE,** etiam amplissima vobis dari, ut mos sponsæ fratribus dare.

V. 13. **IN DOLO,** fraudulenter: non enim sic illos intendebant ad Dei cultum allicere, sed vulneris dolore ægros opprimere. Iacob soli fuit ignarus.

V. 14. **NON POSSUMUS.** Iacob filius

permisit ut responderent quod ipsis videre: illi capita contulerunt, & dolum meditati, crudelitati pietatem prætexunt.

V. 15. **IN HOC VALEBIMUS FODERARI:** ita demum licebit mutuis iungi connubiis. **SIMILES NOSTRI,** ritum eundem circumcisionis usurpantes.

V. 17. **TOLLEMUS:** discedentes de honestatam adducemus, vos Deo puniendos relinquentes.

V. 18. **HEMOR, ET SICHEM:** Hemor, qui spe lucri movebatur, & volebat filio complacere; Sichem, cui præ amore nihil difficile.

V. 19. **INCLYTUS,** totius familiæ honoratissimus.

V. 20. **PORTAM,** ubi prætorium erat; & iudicia, concionesque fiebant, & forum vernalitium.

V. 21. **PACIFICI SUNT,** &c. Triplex ad persuadendum ratio adhibetur. I. necessitas communis terræ colendæ, & inhabitandæ. II. voluptas coniugiorum, ductis mulieribus ex Mesopotamia, quæ Chananæis pulchriores. III. lucrum, quia participes futuri opum Iacob.

V. 23. **NOSTRA ERUNT,** non proprietate, sed commercio, & communicatione civili.

V. 25. **QUANDO GRAVISSIMUS VULNERUM DOLOR:** quod verum esse confirmat Hippocrates Libro de Fracturis. Vide Valesium sacræ philosophiæ cap. xii. **DUO FILII,** non sine suorum comitatu. Tunc Simeon viginti unius, Levi viginti annorum erat. **CONFIDENTER,** ut in oppressos dolore, & nihil tale suspicantes. **INTERFECTIS OMNIBUS MASculis.** Multiplex in hoc facinore peccatum. Mendacium; perfidia; erga parentem inobedientia, quem ista non probaturum satis intelligebant; iniustitia belli, cum penes illos summa potestas non esset, sed penes parentem Israel; sacrilegium, quod circumcisionis sacra cæremonia ad iniustam cædem abusi; crudelitas, quod ultra modum severiunt; temeritas, quod Iacob, & totam illam familiam in magnum discrimen adduxerint, irritatis Chananæorum populis. Quod si in Libro Iudich cap. ix. vers. 2. laudari videretur hoc factum, iniustitia tantum Dei laudatur, qua Sichimitarum impunitas, & violentia vindicata est, Deusque dicitur gladium Simeoni dedisse, ad

ad eum modum quo datus est postea Chanaanais, & Assyriis, ut divinæ iustitiæ administri essent ad puniendā peccata, sceleris ipsi interim non immunes.

V. 26. TOLLENTES DINAM DE DOMO SICHEM, ubi die stupravit.

V. 27. DEPOPULATI, diriperunt quæ placebant, cetera vero perdiderunt.

V. 29. PARVULOS QUOQUE EORUM, ET UXORES DUXERUNT CAPTIVAS. Cum cædes, & depredatio fuerint iniustæ, credendus Iacob, ubi rescivit, & potuit, captivos omnes liberos dimisisse, & quæ supererant bona restituisse.

V. 30. TURBASTIS, metu, & angore. *ODIOSUM FECISTIS*. Hebr. *Me facere fecistis*. CHANANAEIS, ET PHEREZAEIS, qui sunt Hevæis vicini.

V. 31. NUMQUID UT SCORTO ABUTI DEBUERE SORORE NOSTRA? Oratorum frivola excusatio.

T I R I N I.

Vers. 25. DUO FILII IACOB, SIMEON, ET LEVI, tamquam principes, & auctores crudelis, & nefandi consilii, manu famulorum stipati patrarunt hanc cædem. Ubi nota multiplex istorum peccatum. Primum imprudentiæ & temeritatis, cum adolescentes vix annorum viginti, infans & invito patre, rem tam arduam, tam periculosa in medio vicinorum hostium aggressi sunt. Secundum iniustitiæ, & usurpationis iuris alieni, cum privata auctoritate, nullo iusto titulo, bellum moverunt, principe familiæ suæ nec probante, nec consulto, penes quem tamen unum illud ius erat. Tertium perfidiæ, & proditoris, cum ulciscuntur iniuriam iam a se condonaram, & iusta satisfactione abolitam, mutuoque fœdere, quin & connubio exteram. Quartum sacrilegii, cum ad dolos & fraudes suas, & iniustam cædem abutuntur circumcissione, re apud ipsos sacratissima. Quintum crudelitatis & tyrannidis, cum graviter lætos & afflictos, idque ex suggestionem suam, & in gratiam sui, iamque quasi moribundos, hostiliter invaserunt & iugularunt. Sextum oppressionis innocentium: neque enim solum raptorem, eiusque familiam, sed & omnes urbis masculos, etiam innoxios, & omnium infans,

iugularunt, pueros, & feminas captivas abduxerunt, agros, & domos spoliaverunt, greges prædæ sunt, mœnia suffoderunt. Unde & gravissime eos reprehendit Iacob, & montanus etiam maledixit, Genes. XLIX. vers. 5.

Dices. Iudith IX. vers. 2. dicitur *Deus dedisse Simeoni gladium, in ultionem horum Sichimitarum, & uxores eorum, ac filias dedisse servis suis in prædā, qui zelaverunt zelum Dei*. Respondeo: Non aliter fecit hæc Deus quam sicut Nabuchodonosor præcepit expugnare Tyrum, & aliis tyrannis dat vires, animos, opes, & arma ad puniendum rebelles; ut scilicet vindicta iusta sumatur, quam illi promeriti fuerant. Cumque huic voluntati Dei parent tyranni, lubinde etiam præmiis afficiuntur a Deo, licet alioquin & ipsi tyranni, & actus tyrannici, quibus in hoc exequendo utuntur, extreme displiceant Deo. Sic enim & in præsentī factum. Volebat Deus ultio probrosum raptum & stuprum Dinæ vix quindecim annorum puellulæ: usus ad id est zelo Simeonis, & Levi, qui totis animis eo ferebantur; & in hoc serviebant nutui, & intentioni Dei, quod zelo pudicitie ultionem ex raptore eiusque complicitibus sumptum ibant, & ex hoc capite digni erant laude ac præmio; sed quatenus zelus hic imprudens, ac perfidus fuit, & limites excessit modestiæ, ac iustitiæ, eatenus non servierunt nutui, & voluntati Dei; sed gravissime peccarunt, & puniri meruerunt, ac puniti sunt. Simili modo obfetrices Aegyptiæ, quæ mendacio suo tutatæ sunt vitum infantium Hebræorum, b benedictæ fuerunt a Deo, non propter mendacium, sed propter pium affectum, & beneficium Hebræis impensum. Nam potest in uno eodemque opere aliquid esse boni, quod præmiat Deus; & aliquid mali quod oderit, & puniat.

(a) Chronic. cap. XVI.

(b) Exod. cap. I. vers. 20.

G O R D O N I.

Vers. 1. ERANT sere ætate æquales Dinæ, & Ioseph. Nata Dina est ante reditum Iacob e Mesopotamia circa annum 2235. Iob vero floruit in Idumæa anno 2444. Figmentum itaque est quod

G g g ait

ait Rupertus ex Philone, Dinam postea uxorem Iob datam. 200. annorum & amplius est intervallum. Hæc a Sichem oppressa est fere anno decimo post reditum patris e Mesopotamia, annum agens fere decimum sextum. Hæc acta apud Sichimos. Anno vero inséquente, aut circiter, cum pater habitaret in Hebron, ad convallem Mambre, venditur Ioseph, ex cap. xxxvii. vers. 14.

V. 2. EMOR HEVAEI, ex progenie Hevæi filii Chanaan nepotis Cham, Gen. x. 17.

V. 12. Quicquid sit hoc nostro, & sub Romanis sæculo, de iure dotium, de quo nihil hic attiget dicere, hæere oportet in verbis Scripturæ, afferentis Sichimos obtulisse tibi dotem (forte ob illatam iniuriam) tui. Manera alia.

V. 14. Inire coniugia cum incircumcisis fuit a tempore Abrahami. apud eius posteros probrosum, & ex traditione illicitum. Tempore vero Moïsis cepit, ex Lib. Deut. cap. xxi. esse in præcepto ne hoc fieret. Vide Esther cap. x. & Gen. xxxiv.

V. 15. IN HOC VALEBIMUS: ita licebit inire coniugium.

V. 20. PORTAM, ubi tribunal, & ubi iudicia exercebantur.

V. 23. NOSTRA ERUNT, civili communicatione, non proprietate: partem efficiant Reipublicæ.

V. 25. GRAVISSIMUS VULNERUM DOLOR. Negat Calvinus die tertio dolorem esse gravissimum. Sed non advertit, verba hæc esse Moïsis, non Simeonis, Audax per inscitiam corruptela est. Ratio doloris est, quia secundo die ad locum vulneris fuit tantum pituita; tertio vero bilis acris & urens; quarto die effluens

sanguis inflat, & febrem excitat. Dubium hic non est quin peccaverint filii Iacob in modo. Vide Iudith ix. 13. Sichem antiqua sedes Abraham, & Iacob, & postea metropolis Samariæ, sita in monte Ephraim. Simeon, & Levi non fuerunt hi soli, sed principes in hac cæde.

V. 27. Certum est filios Iacob varie; & graviter hic deliquisse, in dolo, in rupto sedere, occisione innocentium, & direptione bonorum: quod si factum hec videatur laudatum Iudith ix. vers. 2. est hoc ex alio capite. Video hic sollicitos esse aliquos ut ostendant quomodo possit idem actus vituperari, & laudari, esse bonus, & malus. De hac re ex professo dixi Lib. I. Operis Theologici. Et difficultas est de actu interno, unde puto resultare formalem bonitatem. Et mihi quidem probabilius est, cum similia exempla proponuntur, intervenire plures actus internos, & eorum unum posse esse bonum, alterum simpliciter malum. Bonus erat zelus iustitiæ in filiis Iacob, & quem exercere poterant moderate, cum non haberent alium iudicem; sed vitiosus erat actus voluntatis de dolo, de violata fide, de excessu in vindicta. Restat tantum denominatio actus externi.

V. 28. OVES EORUM. Putatur Iacob in digressu dimisisse captivos, & ablata bona restituisse quoad potuit.

V. 30. ODIOSUM CHANANAEIS, & his qui vicini sunt Hevæis. NOS PAUCI. Ita Noster expressit quod est in Heb. *metbi, mortalis*. Extenuat potentiam resistendi, & numerum; quasi diceret, vicinos morti, a voce *met*, mortuus est, hinc *metim*, mortales, & *metim metim* mortui: illud per hoc per.

C A P U T XXXV.

Ubi Iacob idola suorum iuxta Sichem defodisset, inbente Domino ascendit in Bethel, ubi Dobora moritur: nascitur Benjamin cum morte matris Rachel: Ruben cum Bala dormit: numerantur filii Iacob, cuius pater Isaac moritur.

INterea locutus est Deus ad Iacob: Surge, & ascende Bethel, & habita ibi, facque altare Deo qui (a) apparuit tibi quando fugiebas Esau fratrem tuum. 2. Iacob vero convocata omni domo sua, ait: Abiicite deos alienos qui in medio vestri sunt, & mundamini, ac mutare vestimenta vestra. 3. Surgite, & ascendamus in Bethel, ut faciamus ibi altare Deo: qui exaudivit me in die tribulationis meæ, & socius fuit itineris mei. 4. Dederunt ergo ei omnes deos alienos quos habebant, & inanes quæ erant in auribus eorum; * at ille infodit ea subter terebinthum, quæ est post urbem Sichem. 5. Cumque profecti essent, terror Dei invasit omnes per circuitum civitates, & non sunt ausi persequi recedentes. 6. Venit igitur Iacob Luzam, quæ est in terra Chanaan, cognomento Bethel: ipse, & omnis populus cum eo. 7. AEdificavitque ibi altare, & appellavit nomen loci illius, Domus Dei: ibi enim (b) apparuit ei Deus cum fugeret fratrem suum. 8. Eodem tempore mortua est Dobora nutrix Rebecca, & sepulta est * ad radices Bethel subter quercum: vocatumque est nomen loci illius, Quercus fletus. 9. Apparuit autem iterum Deus Iacob postquam reversus est de Mesopotamia Syriæ, benedixitque ei, 10. dicens: (c) Non vocaberis ultra Iacob; sed Israel erit nomen tuum. Et appellavit eum Israel, 11. dixitque ei: Ego Deus omnipotens, cresce, & multiplicare: gentes, & populi nationum ex te erunt, reges de lumbis tuis egredientur. 12. Terramque quam dedi Abraham, & Isaac, dabo tibi, & semini tuo post te. 13. Et recessit ab eo. 14. Ille vero erexit titulum lapideum in loco quo locutus fuerat ei Deus, libans super eum libamina, & effundens oleum, 15. vocansque nomen loci illius, Bethel. 16. Egressus autem inde, venit verno tempore ad terram quæ ducit Ephratam: in qua cum parturiret Rachel, 17. ob difficultatem partus periclitari cœpit. Dixitque ei obstetrix: Noli timere, quia & hunc habebis filium. 18. Egrediente autem anima præ dolore, & imminente iam morte, vocavit nomen filii sui Benoni, id est filius doloris mei: pater vero appellavit eum Benjamin, id est filius dexteræ. 19. Mortua est ergo Rachel, & sepulta est in via quæ ducit Ephratam, hæc est Bethlehem. 20. Frexitque Iacob titulum super sepulcrum eius: (d) Hic est titulus monumenti Rachel, usque in præsentem diem. 21. Egressus inde, fixit tabernaculum trans turrem gregis. 22. (e) Cumque habitaret in illa regione, abiit Ruben, & dormivit cum Bala concubina patris sui: quod illum minime latuit. Erant autem filii Iacob duodecim. 23. Filii Liæ: primogenitus Ruben, & Simeon, & Levi, & Iudas, & Issachar, & Zabulon. 24. Filii Rachel: Ioseph, & Benjamin. 25. Filii Balæ ancillæ Rachelis: Dan, & Nephthali. 26. Filii Zelphæ ancillæ Liæ: Gad, & Aser. Hi

Ggg 2 sunt

sunt filii Jacob, qui nati sunt ei in Mesopotamia Syriæ. 27. Venit etiam ad Isaac patrem suum in Mambre, civitatem Arbee, hæc est Hebron: in qua peregrinatus est Abraham, & Isaac. 28. Et completi sunt dies Isaac centum octoginta annorum. 29. Consumptusque ætate mortuus est; & appositus est populo suo senex & plenus dierum: & sepelierunt cum Esau & Jacob filii sui.

(a) Sup. xxviii. 13. (b) Sup. xxviii. 18. (c) Sup. xxxii. 28. (d) Inf. xiviii. 7. (e) Inf. xlix. 2.

B R U G E N S I S

ROMANÆ CORRECTIONES.

V. 4. *At ille infodit ea*. Retinendum est neutrum *ea*, non mutandum cum feminino *eis*.

V. 8. *Ad radices Bethel, subter quercum*. Legendum est *subter*, quod locum inferiorem significat; non *super* contrarium, tametsi hoc sit in Romana anni 1593. editione: error est enim typographicus.

C O M M E N T A R I A

S A.

Vers. 2. **V**ESTIMENTA, scilicet acceptis vestibus mundis.

V. 4. **E A**, scilicet simul cum idolis. **T E R E B I N T H U M**; alii, *quercum*.

V. 6. **B E T H E L**; id est, Deus Bethel.

V. 7. **D O M U S D E I**. Hebr. *El*.

V. 8. **D E B O R A**, quæ, scilicet mortua Rebecca, se ad Jacob contulerat. **R A D I C E S**: scilicet est Bethel in monte sita.

V. 10. **I A C O B**: subintellige, tantum. Vide sup. cap. xxxi.

V. 11. **C R E S C E**, scilicet posteritate. **E T M U L T I P L I C A R E**: explicatio præcedentis. **E T P O P U L I**; pro, id est populi.

V. 12. **D E D I**, id est promisi.

V. 15. **V O C A N S Q U E**; pro, iam vero vocaverat, vel, iterum vocavit, sicut & Deus his ipsum vocavit Israel, scilicet cap. xxxii. & xxxv.

V. 16. **V E N I T V E R N O T E M P O R E**, &c. Hebr. *Erat adhuc quasi miliare terræ ad veniendum Ephratam, & peperit*, &c. Chald. *Cum adhuc esset spatium terræ, ut ingrederetur Ephratam*. &c. Vide IV. Reg. v. ubi idem verbum Hebraicum vertit Hieronymus. *Electio terræ tempore*. LXX. utrobique Hebraicum verbum posuerunt, quasi nomen proprium, scilicet *Χαββάδα χαβράθα*; quamquam Hebraice est *chibrat*.

V. 19. **M O R T U A**, scilicet cum esset 36. annorum secundum Hebræos. Iacob vero obiit cum esset 97. annorum.

V. 20. **T I T U L U M**, id est statuam, seu columnam. **S U P E R**, id est iuxta.

V. 22. **C O N C U B I N A**, id est uxore minus principali. Vide sup. cap. xxv. & Iudic. xix. l. Paral. 1.

V. 26. **N A T I S U N T E I I N M E S O P O T A M I A**; scilicet, fere omnes: August. in Genes. quæst. cxvii.

V. 27. **A R B E E**: scilicet id erat nomen civitatis. Vide supra cap. xxxiii.

V. 29. **C O N S U M P T U S Q U E**; pro, consummatus, id est perfectus, vel quasi dicat, deficiens præ senio.

E S T I I.

Vers. 2. **A**BIICITE DEOS ALIENOS, QUI IN MEDIO VESTRI SUNT. Sed quid? An putandum est sanctum Patriarcham Iacob permisisse ut in sua familia colerentur dii alieni? Nullo modo. Unde ergo habebant Deos alienos? Supra dictum est Rachel suratum fuisse idola patris sui. Deinde advehebant secum prædam urbis Sichimorum, in qua verisimile est, eos idola complura reperisse, quæ propter pretium auri, & argenti, ex quibus facta erant, simul asportaverant. Proinde Iacob metuens, ne illorum aspectu, pulchritudine, ac præsentia inducerentur ad colendum ea, voluit eadem ab eorum conspectu removeri, immo penitus tolli: quod & fecit, insidens ea tamquam anathemata, & res detestabiles

les subter terebinthum, ita ut ne quidem aurum, & argentum in suos usus voluerit convertere. Qua in re commendatur nobis magna perfectio, & zelus Iacob pro religione veri Dei; quamquam tamen neque uxores Iacob, neque filii facile fuerint participes criminis idololatriæ, sed tantum servi, & ancillæ ex gentibus idolorum cultoribus. Iacob enim habuisse numerosissimam familiam patet tum cap. xxxii. vers. 7. ubi dicitur *populum suum* (vox multitudinis est) *distribuisse in duas turmas*; tum quod ausi sint Simeon, & Levi, raptum aliquibus ex familia paterna (etiam ipso infans) collectis. Sichem invadere cap. xxxiv. Nec mirum, nam & avus eius Abraham iam tunc subito potuit colligere exercitum cccxviii. armatorum, Genes. xiv.

V. 16. VENIT VERNO TEMPORE AD TERRAM QUAE DUCIT EPHRA-TAM. Similiter cap. xlviii. *Eratque vernum tempus, & ingrediebatur Ephratam*. Nihilominus Hebræa hoc loco sic habent: *Et profecti sunt de Bethel, & erat adhuc quasi militare terre ad veniendum in Ephratam*. Sic Pagninus. Pro militari, *Atias* transiit posuit, *Vatablus iugerum*; eademque diversitas Interpretum est similiter cap. xlviii. Et sane causa nominandi verni temporis adhuc nulla apparet.

V. 18. RACHEL VOCAVIT FILIUM SUUM BENONI. Expositiones illæ *Benoni, id est filius doloris mei, & Benjamin, id est filius dexteræ*, non sunt in Hebræo (neque enim idem seipsum interpretatur) tamen consulto Hieronymus utriusque nominis interpretationem adiecit, ad excludendum errorem eorum qui perperam nomen Benjamin interpretantur *tamquam filium dextræ*. Et similem errorem annotavit Hieron. in vocabulo *Israel*, quod in libro nominum interpretatum esse dicit *videns Deum*: quam etiam interpretationem dicit omnium pene sermone tritam, & reperiri apud magnæ auctoritatis scriptores; cum vera interpretatio nominis *Israel* sit quæ supra cap. xxxii. vers. 28. aperte indicatur, *Fortis contra Deum, vel princeps cum Deo*. Et videant hinc studiosi, quam acute Hebræa sint excutienda.

V. 21. FIXIT TABERNACULUM TRANS TURREM GREGIS. De tur-

gregis vide S. Hieron. super Micheæ iv.

V. 22. ET DORMIVIT CUM CONCUBINA PATRIS SUI. Crimen hoc grande Ruben primogeniti sui, etsi Iacob ad tempus dissimularit, metuens maiora mala (nam ut vidimus cap. præced. Ruben ferox erat) tamen moriens, illud egregie punivit, Genes. xlix. quando dixit ad illum: *Non crescas, quia ascendisti cubile patris tui*. Item quando ab eo abstulit ius primogenituræ, quo adduplicem portionem, quam dedit Ioseph; qui propterea etiam contrario vocabulo vocatur *filius accrescens* eodem cap. xlix. de quo & I. Paralip. v. Item ablatum est ab eo ius primogenituræ, quo ad principatum, qui translatus est ad tribum Iuda, his verbis, *Non auferetur sceptrum de Iuda, iissem locis citatis*. Denique iuxta multos, Deus quoque ob hoc scelus abstulit a Ruben ius primogenituræ, quo ad sacerdotium, quando postea tribum Levi deputavit, eamque solam, ad ministerium tabernaculi.

V. 29. ET APPOSUIT EST, scilicet Isaac, populo suo. LXX. habent: *Et apposuit est ad genus suum*: ex qua versione Ambrosius Libro I. de Abel, & Cain cap. 11. quaerit mysterium, cur Scriptura nunc dicat, *ad genus suum*, nunc ad *populum suum*. Sed contra Hebræam veritatem, quæ tantum habet: *Et collectus est ad populos suos*.

M A R I A N A E.

Vers. 2. **M**UTATE VESTIMENTA; quasi dicat, munda vestimenta sumite.

V. 4. INFODITEA SUBTER TERE-BINTHUM, scilicet idola. Quidam codices legunt *ear*, sed male. Gotthici, & Romani, *ea*. *alab* genus est arboris. Noster, & Sept. *terebinthum* dixerunt: Chald. *quercum*. Hebræus Schol. *Genus est arboris infrugifera, ulmus nempe*. POST URBEM SICHEM. In Hebr. *cum Sichem*; sed cum Chald. sumpsit pro iuxta. Sept. & Hebr. pro in Sichem.

V. 7. ET APPELLAVIT NOMEN LOCI ILLUS, DOMUS DEI. Hebr. *Appellavit nomen loci illius, Deus Bethel*. Sed Bethel est idem quod *domus Dei*.

V. 8. MORTUA EST DEBORA NE-TRIX REBECCAE. *Debora* Hebr. & Græ-

Græce. Hinc vero nutricis nomen poprium *Debora* est translatum in cap. xxiv. vers. 59. per errorem, nam in correctis codicibus eo loco id nomen *Debora* non est, neque esse debet. SUBTER QUERCUM : *תחת אלון*. Sæpe pro hac voce superius Hieron. reddidit *convallē* : hoc loco tumipie, tum Sept. *quercum* posuerunt. Et fortassis locis omnibus ea est legitima interpretatio, quam semper Græca editio certe sequitur.

V. 9. APPARUIT AUTEM ITERUM DEUS. Quod hoc versu & proximo dicitur de mutatione nominis Iacob, repetitio est eius quod refertur cap. xxxii.

V. 12. QUAM DEDI. Deum promittere, dare est, propter certitudinem. Ergo terram quam dedi, id est quam promisi.

V. 16. EGRESSUS AUTEM INDE, VENIT VERO TEMPORE AD TERRAM. Græce : *Descendens autem Iacob de Bethel, fixit tabernaculum suum ultra turrin Gader*. Et videtur olim ita fuisse Hebraice, quando Hieronym. ait in Tradit. Hebræos affirmare, eo loco deinde templum extructum, & vocari turrin *Ader*, id est gregis, propter pecora, quæ ad sacrificia afferbantur. Proferunt in eam rem Michæam, qui cap. iv. turrin gregis templum vocat. Ipse potius putat esse aliam turrin, quæ prope Bethlehem eo nomine sita erat, ubi pastores erant qui ad Christum natum venerunt : & ex eo mysterio a Iacobo id nomen accepit. Porro pro *vero tempore*, Hebr. est *chibrath* *חִבְרַת*, quod quidam interpretantur, *Sicut milliæ terre usque ad Ephrata* : alii, & inter eos Chald. *Venit cum adhuc esset spatium terre, ut ingrederetur Ephratam*. De quo Genes. xlviii. vers. 7.

V. 19. MORTUA : scilicet cum esset annorum triginta sex, obiit Rachel secundum Hebræos. Iacob autem tunc erat annorum 97.

V. 21. EGRESSUS INDE, FIXIT TABERNACULUM TRANS TURRIN GREGIS. Quod Hebr. est hoc loco positum, Sept. posuerunt vers. 16. Pro gregis est Hebr. *Gader* : sic quæ ex Hieron. sunt posita superius vers. 16. in hunc locum magis transferantur.

V. 22. BALA CONCUBINA. Ancilla viro coniuncta, uxor ab'que contractu & sponsalibus, in sacris litteris iam uxor, iam

concubina vocatur : ut Ceturæ, uxor appellatur Genes. xxv. vers. 1. & concubina, 1. Paral. i. vers. 32. QUOD ILLUM MINIME LATUIT. Hebr. *Et audivit Israel*. Porro in Hebraicis Bibliis sequitur intervallum, & in eo circulus ; indicans nempe deesse aliquid : fortasse quod in Sept. est, *Et malum apparuit in conspectu eius*. Aut fortasse circulus indicat ordinem esse inversum : nam quæ sequuntur de filiis Iacob, cum fine proximi capitis post Esau filios melius cohærerent. Psal. lxxxv. Hebræis lxxxvi. vers. 11. similem circulum invenio in Bibliis Ven. quæ significatione, non assequor. Certe sæpe significat ibi libri medium esse, quod in Isaie observo cap. xxxiii. vers. 20.

V. 26. NATI SUNT EI IN MESOPOTAMIA, ferme omnes : nam non omnes ii filii in Mesopotamia sunt nati. Augustin. in Genes. quæst. cxvii.

V. 29. APPOSITUS EST POPOLO suo ; id est, sepultus est cum maioribus suis. Alii, *Adiunctus est iustorum animabus*, quas vocat populum suum. Quod Abulenſis nisi de iustis dictum negat. Genes. xvii. & xxv. cap.

M A L V E N D A E.

Vers. 2. MUNDAMINI. *טהור תהיו* *taher* est in formula Hithpabel, ut non qualemcumque munditiam, sed seriam & accuratam indicet, corporis, & anime. Ac MUTATE VESTIMENTA VESTRA. *חליפותי* *chalaph* est ex Hiphil, quæ formula etiam denotat magnam mutationem, & puritatem vestimentorum. Erant sacrificaturi in Bethel : opus erat insigni puritate & munditie etiam in vestibus. Id quod etiam more receptum apud Romanos : unde *pura vestimenta* dicebant. Festus : *Pura vestimenta sacerdotes populi Romani cum sacrificabant, habere soliti erant, id est non oblita, non fulgurita, non funesta, non maculata : ex hac causa (læco) ex cadavere*. Servius in IV. AENEIDOS : *Sane in sacris pura vestis appellatur, quæ neque funesta sit, neque maculam habeat ex homine mortuo*. Equidem filii Iacob polluti erant cæde recenti.

Vers. 3. SURGITE, ET ASCENDAMUS IN BETHEL, &c. Hebr. omnia sunt præterita : *Et surreximus, & ascendimus*

omnis

mus Bethel, & feci ibi altare, &c. ad indicandam propoliti firmitatem & certitudinem. Simile habes cap. xliiii. vers. 8. & alibi sæpe: vel, *Ut surgamus, & ascendantus, &c.*

V. 4. ET INAURES QUAE ERANT IN AURIBUS EORUM. Quia ad deos referunt: *Quæ erant in auribus eorum.* Synecdochice, totum ornatum, & mundum eorum. Alii volunt insignia fuisse alicuius superstitionis, quæ cultores deferrent: quæ omnia sustulit Iacob, cum ne post hac ea ut superstitionis insignia gestarent, tum ne impofterum ad novos deos confidandos materia essent ac irritamentum. INFODIT EAS. Notant, tota familiarum ignorante, ut præfens malum tolleretur, & a futuro caveretur. SUBTER TEREBINTHUM. *אלה elah*, Noster Iudicum vi. vers. 11. 19. II. Samuel. xviii. vers. 9. 10. 19. I. Paralip. x. 12. Isaïa 1. 30. Ezechiel. vi. 13. Iosue xxiv. 26. *quercum* convertit; at I. Samuel. xvii. 2. Isaïa vi. 13. Osee iv. 13. & hic *terebinthum*, secutus Græcos, qui eam vocem nunc *terebinthum*, nunc *quercum* solent interpretari. Quidam observant, esse speciem *quercus*, alii *alunum* esse arbitrantur, alii *silium*; seu potius, congruente voce, *ilicem* esse existimant, & dictam ab *alab*, *adiuvare*, *imprecari*, quod diris imprecationibus devota sit, ne cadatur: sicut Gentiles tales arbores & silvas *sacras* & *inceduas* dixerunt: vel dictam ab expansione & prominentia ramorum. Alii *alunum*, vel *pinum*, vel *abietem*, aut *elatem*, conveniente voce; nonnulli *castaneam*; plerique *robur*: voluntque ab *אל* *ial* *robore*, & fortitudine nomen habere. Quidam arbitrantur hunc locum illum ipsum esse qui Genes. xii. 6. dicitur *Eloy*, *Morib quercus*, seu *ilex Morib*: quod stare recte potest: nam *quercus Morib* fuit apud Sichem; hæc autem Iacobi etiam apud Sichem fuit. Hanc quoque *quercum* esse volunt, sub qua Iosue crexit titulum, cap. xxiv. 26. & quæ Iudicum ix. 6. vocatur *Quercus stationis*: seu *statuæ*, a titulo illo seu lapide a Iosue erecto, & statuto.

V. 5. TERROR DEI, id est maximus, & divinitus immixtus. Sic sopor Dei, I. Samuelis xxvi. vers. 12. Vide Genes. i. vers. 2.

V. 6. & 7. De his duobus versibus vide cap. xxviii. vers. 19.

V. 8. SUBTER QUERCUM. De voce *אלון allon* diximus cap. xii. vers. 6. & cap. xiii. vers. 18. Chaldæi hic *plantitum*, *vallem*, *convallum* interpretantur: quod non displicet.

V. 11. DE LUMBIS TUIS. *חצלים chaltaiim*, duale, *lumbi*: quidam ita dictos putant ab extrahendo, quod ex iis extrahatur genus humanum, seu genitale semen: alii a cingendo, quod accingantur armis ad militiam, vel quod circa illos accingantur vestes ad iter, vel ut quis fit expeditior: nonnulli a laxitate dictos volunt. Inepte aliqui hic *renes* exponunt.

V. 14. LIBANS SUPER EUM LIBAMINA. Riddle quidam: *Et colavit super eam colationem*: æque subtiliter alii, *Et extendis super eam extensionem*, *נאסף nasef* in liquidis fundere, aut *libare* significat.

V. 16. VENIT VERNO TEMPORE AD TERRAM QUAE DUCIT EPHRAÏM. Heb. *Et fuit adhuc עבראב ebrath*, *terre ad venire Ephrathab*. Nominis constructi *chibrath*, *Caph*, potest esse radicale, a *עבר ebrath*, & potest esse servile, quasi, *sicut*, *circiter*, *fere עבר ebrath*, *terre*, a *עבר ebrath*. Iuvat hic varias perscrutari explanationes. LXX. *Et factum est dum appropinquaret in Chabrath ad veniendum in Ephraim*. Aquila: *Et factum est in itinere terre intraiens in Ephratha*. Chaldæus, Rabbi Scelomoh, Rabbi Mose Gerundensis, Lyranus, Sanctes, Vatablus, Robertus Senalis, Avenarius, Marinus, Schindlerus, Buxtorfius: *Et fuit adhuc miliare*, vel quasi, *fere miliare terre ad veniendum Ephrathab*. Rabbi Scelomoh in Genes. xlviii. vers. 7. vult esse *mensuram terre* bis mille passuum, quale erat iter sabbati. Kimchi putat significare *tantum vie spatium*, quantum confici potest a mane usque ad tempus sumendi cibum: id quod Vatablus etiam, & Avenarius sequuntur. Caietanus: *Et fuit adhuc sicut prandium terre ad veniendum Ephrathab*; id est, *tantum spatium terræ quantum durat prandium*, vel quantum iter usque ad prandium. Drusius: *Et fuit adhuc circiter dietam terre ad veniendum*, &c. id est, quantum spatium terræ viator conficit a mane ad ientaculum, ante prandium. Georgius Agricola: *Et fuit adhuc sicut statibus terre*, id est *iter unius diei*; vel *sicut prandium terre*: quod itinere unius diei perse-

Ad prandere, vel potius cenare confue-
viſſent Hebraei. Rabbi Menachem, Reu-
chlinus, Oleastrus: *Et fuit adhuc multum
ſpatium terræ*, &c. Sed hi nesciverunt, ſe-
pulcrum Rachel a Bethlehem non di-
ſtare niſi dimidium milliariſ, ſeu leuæ.
Forſterum miror, qui ait *chibrath* ſignifi-
care terram quæ ſarculo ferro quaſi cribrum
apparatur; ipſeque funiculum exponit, ac
ita locum reddit: *Et fuit adhuc funiculus
terræ ut veniretur ad Ephrathab*. Mercerus:
Et fuit adhuc paraſanga terræ, &c. Rheu-
chlinus, Leo Iudas, Clarius, Avenarius,
Marinus, Pomarius: *Et fuit iugerum arvi,
vel ſtadium terræ*, &c. Aben Ezra, Steu-
chus, Pellicanus, Honcala: *Et fuit ſpa-
tium, intervallum terræ*, &c. Montanus:
Et fuit quaſi tractus terræ, &c. Immanuel,
Iunius, Schindlerus: *Et fuit adhuc quaſi
portio, pars, pauciſſimum, exiguum terræ*, &c.
cum ſuperſeſſet adhuc exiguum ſpatium iti-
neris conſiderandum. Quidam, *Quaſi buccæ
terræ*: non male. Hiſpanice diceremus,
Un bocado, un pedazo de tierra, id eſt exi-
guum terræ: Moſes Gerundenſis ait, ſe
aliquando Ieroſolymam proſectum, oculis
ſuis vididiſſe ſepulcrum Rachel non niſi mil-
liare unum Italicum a Bethlehem diſtare:
quod Beniamino Tudelenſi conſentit. Hiſ-
panicus interpres, *Como media lega de tier-
ra*. Ex verbo: *Et fuit adhuc multiplicatio
terræ*, id eſt ſpatium terræ: conſona voce
Hiſpanice, *una chebrada*, id eſt ſpatium
terræ contragofam. Hiſpanicus interpres:
I avia avn como media lega de tierra. Tre-
mellius, & Iunius: *Et fuit adhuc planum,
ſeu campus terræ*. Ter tantum in Scriptu-
ra hæc vox habetur, & Noſter ubique
vernum, *eleſtium* tempus exponit, hic, &
cap. xlviii. verſ. 7. & II. Regum v.
19. S. Hieronymus: *Sed melius eſt ſi trans-
ſcribitur: In eleſtione terræ tempore cum intro-
iret Ephrata*. Porro vernum tempus ſignificat,
cum in ſorem cuncta rampuntur, & anni
tempus eleſtium eſt. Vel cum transcurrentes per
viam, carpunt, & eligunt e vicinis agris
quodcumque ad manus venerit, diverſis ſori-
bus invitati. Plerique Hebræorum volunt
in כבֿרֿת *chibrath*, Caph eſſe ſervile, &
notam ſimilitudinis, vocemque eſſe כבֿרֿ
barab, id eſt *cibus*: unde interpretantur:
Et fuit ſicut, vel ſecundum cibum terræ; id
eſt, quando terra dat cibum ſeu fruges,
nempe verno tempore: quod quadrat S.

Hieronymo. Alii אֶרֶץ *bara* deducunt:
Secundum procreationem terræ: eodem ſen-
ſu: quum terra incipit procreare & gi-
gnere fructus. Quidam, *Circa viridationem
terræ*, quando cuncta viſcunt. S. Hiero-
nymus אֶרֶץ *barar*, eligere, derivallè vi-
detur: *Secundum, vel circa eleſtione tem-
pore*; hoc eſt, in eleſtione terræ tempore,
nempe verno. Quidam hariolantur S. Hiero-
nymum ſumpſiſſe *chibrath*, pro *chebarab*,
id eſt *cribro*, & interpretatum illud tem-
pus quo terra hiſcit foraminibus & rimis
inſtar cribri, ob æſtum vernum ſcilicet.
Sed id ſrivolum eſt.

V. 17. OB DIFFICULTATEM PAR-
TUS PERICLITARI COEPIIT. Nota-
bis, quod verbum קֶשֶׁת *kaſchab*, difficulta-
tem partus ſignificans, in præcedenti verſu
ponitur in Pihel, in hoc autem in Hi-
phil, quæ coniugatio ſignificatum intendit:
ut innueret creviſſe amplius dolorem, ac
difficultatem partus.

V. 18. בֶּן־זְמוּנִי. Varie etymon
elucidant. I. *Filium doloris mei*, II. *Filium
luctus mei*, III. *Filium roboris mei*, patienti-
æ, virtutis, fortitudinis meæ; id eſt, in
quo ſupremum robur, & vires meas con-
ſumpſi. IV. *Filium concupiſcentiæ meæ*: &
intelligunt de effectû concupiſcentiæ, id eſt
de dolore illo qui ſequitur concupiſcen-
tiam, ſeu venerem; quaſi dicat: Hic do-
lor fructus eſt concupiſcentiæ meæ. BEN-
JAMIN, IDEST FILIUS DEXTE-
RÆ, id eſt dilectum, & carum: nam
dextera, quæ honoratior eſt ſiniſtra, am-
plectimur, & apprehendimus nobis caros
& dilectos: quod filii, qui poſtremo na-
ſcuntur, ſoleant eſſe parentibus cariores.
Alii, quod dextera ſymbolum ſit ac hiero-
glyphicum potentie, roboris, fortitudi-
nis, firmitatis, ſelicitatis. Inde illud Ma-
ronis:

Nate meæ vires, mea magna potentia
ſolus.

Et quod parentes ſenes filioloſ minimos ad
dexteram habere ſoleant, ut ab hiſ dedu-
cantur, & iis tamquam ſcipionibus inni-
tantur. Nec deſunt qui, quamvis id non
probet Hieronymus, Beniamin exponant,
Filium dierum, id eſt ſenectutis.

V. 19. EPHRATAM: HÆC EST BE-
THELEHEM. Fruſtra ſunt qui putant, Be-
thlehem dictam Ephrathab ab uxore Ca-
leb primi, I. Paralip. ii. multo enim iam
tem-

tempore ante sub Iacobo appellabatur Ephrata: nam quod I. Paralipom. 11. 51. Salma dicitur pater Bethlehem; & cap. 14. 4. Hur primogenitus Ephrata vocatur etiam pater Bethlehem: non sic est intelligendum, quasi ipsi primi eius urbis conditores extiterint; sed quod instauratores, vel in ea rerum potiti. Quem morem loquendi observavimus Genes. xxii. vers. 21. Porro Ephratam dictam a copia frugum, quod esset fertilis; & Bethlehem, quod frumenti, panisque esset feracissima, non est dubium. S. Hieronymus in Epitaphio Paulæ: Ephrata regio uberrima, atque carpophora. Eusebius, & S. Hieronymus in Locis Hebraicis: Ephrata regio Bethleheem civitatis David, in qua natus est Christus. Est autem in tribu Iuda; licet plerique male existimet in tribu Benjaminis, iuxta viam ubi sepulta est Rachel, in quinto miliario ab Ierusalem in eo loco qui a LXX. vocatur Hippodromus. Et de Bethleheem: Bethleheem civitas David in sorte tribus Iudæ, in qua Dominus noster atque Salvator natus est, in sexto miliario ab Ælia, contra meridiana plagam, iuxta viam quæ ducit Chelbron: ubi & sepulcrum Iesse, & David ostenditur, & mille circiter passibus procul turris Ader, quæ interpretatur turris gregis, quodam vaticinio pastores dominicæ civitatis conficis significans. Sed prope eandem Bethleheem Regis quondam Iudææ Archelai tumulus ostenditur; qui semitæ ad cellulam nostram & via publica arvercentis principium est. Iosephus Lib. V. Antiquit. cap. 11. diserte scribit Bethlehem triginta & amplius stadia ab Ierusalem distasse. Itinerarium Ierolymitanum Burdegalense vetustum: Ab Ierusalem euntibus Bethleheem millia quatuor: super strata in parte dextera est monumentum ubi Rachel posita est uxor Iacob: inde millia duo a parte sinistra est Bethleheem, ubi natus est Dominus noster Iesus Christus: ibi boschia facta est iussu Constantini; de qua Eusebius Lib. III. Vitæ Constantini, cap. xi. Nec omittenda fuerunt ista Brocardi: Porro ad Bethleheem civitatem David, ad austrum sitam tres sunt leucæ (a Ierusalem) in cuius sinistra parte est via quæ ducit in Chelbron: in qua viatori quoque occurrit, si parum ad dexteram declinet, sepulcrum Rachelis, cui pyramis pulchra imminet, a Iacob in titulum monumenti extructa. Est Bethleheem sita in colle arido, & oblon-

go, habens in occidente, & in declivi loco collis ingressum, ubi etiam est cisterna iuxta portam, de qua David bibere desideravit, cum esset in presidio. In extremitate vero orientali sub rupe quadam, quæ erat iuxta murum civitatis, fuit, secundum morem illius terræ, locus pro stabulo, habens præsepe in rupe excisum, ubi mundi Salvator de Virgine natus, & reclinatus fuit, cum locus altus commodior in diversorio non esset, quam præsepe, in quod mundi Creator & Redemptor reponeretur. Hic hodie sacellum est extructum nobilissimum, stratum marmore, & marmoris erectum columnis, ut vix hodie inveniri possit locus sacer illo pulchrior: ut etiam Sultanus tentarit hinc asportare columnas, & alia crusta marmorea, quibus parietes nient, ad decorandum palatium suum Babylonicum; sed serpente subito apparente, & terrorem incutiente, desistere coactus est a concepto proposito. Videntur quoque iuxta hanc Ecclesiam indicia quedam monasterii, in quo Iesus, & sepulcrum D. Hieronymi peregrinis ostenditur. Item ostenditur locus occisionis Innocentium puerorum, & sepulcra Paulæ & Eustochii, haud longe ab hac Ecclesia. Sed Bethleheem pluribus describunt sacri topographii, qui terram esse aiunt rerum omnium copia præstantem, amœnitatē arborum, hortorum, pratorum, herbarum, florum insignem. Sed recte cum Prudentio licet exclamare:

O sola magnarum urbium
Maier Bethleheem, &c.

V. 20. EREXITQUE IACOB TITULUM SUPER SEPULCRUM EIUS, &c. Benjamin Tudelensis: Inde (ab Ierolymis) duabus parasangis Bethleheem Iudæ distat, cui dimidii fere miliaris spatio Rachelis sepulcrum proximum est in bivio: estque tumulus constructus lapidibus duodecim, iuxta numerum filiorum Iaghabok; supraque tumulum est testudo quatuor columnis innixa. Porro tumuli lapides, Iudæorum illac pretereuntium nominibus multis & variis incisæ sunt. Ager oppidi aquarum rivos, & puteos, & fontes habet.

V. 21. TURREM GREGIS. De hac vide quæ diximus ex S. Hieronymo versu præcedente: de qua quoque agit Epistola xxvii. Descriptores terræ sanctæ aiunt, campum esse uberrimum, pascuis & grandibus olivis referunt, mille tantum passus a Bethleheem distitum.

H h h

V. 26.

V. 26. QUI NATI SUNT EI IN MESOPOTAMIA SYRIÆ. Exponunt: Esti Beniamin in itinere est natus, maioris tamen partis ratione dicuntur Padane Syriæ editi: quare aut Beniamin Padane conceptum dicendum est, aut intelligendum de omnibus excepto Beniamine: quod genus synecdoches in narrationibus planis receptum est, ut infra cap. XLVI. vers. 15. Exod. XII. vers. 40. Iudicum IX. vers. 5. Ioan. XX. vers. 24. I. Corinth. XV. vers. 5.

V. 29. MORTUUS EST. Notant, etsi Isaac mors statim post Iacobireditum describitur; tamen diu postea contigisse, cum iam Ioseph fuisset a fratribus venditus, & ultra duodecim annos captivus: esse itaque hic anticipationem.

M E N O C H I I.

Perf. 1. **I**NTEREA, dum Iacob accolarum incursum pavet, Deus illic metum d'scutit, & consolatur. FACQUE ALTARE, ut promissisti cum lapidem erigeres. DEO, QUI APPARUIT TIBI; mihi, qui apparui: loquitur de alio in tercia persona. Sic Numer. XII. 6. dicitur, *Trophæa Domini*, hoc est meus.

V. 2. DEOS ALIENOS: quia forte tunc audiverat Rachelem furatam idola Laban, aut etiam aliquid adhæserat aliquibus de præda Sichimorum, idolum scilicet aliquod aureum, vel argenteum. MUTATE VESTIMENTA: exuite sordida, induite munda, ut hoc cultu externo munditiam animi profiteamini.

V. 3. SOCIUS FUIT, itu in Mesopotamiam, & reditu in Chanaan.

V. 4. INAURES, quæ idolorum auribus appendi solebant, vel in quibus idololatrarum deorum suorum imagines sculpebant. INFODIT, prius confracta, ac liquefacta; sicut fecere Moyses, & Ezechias, Exod. XXXII. 20. & II. Reg. XVIII. 4. Potuisset materiam in usum sacrum convertere, sed noluit, ne quod vestigium superesset profani cultus. SUBTER TEREBINTHUM. Vox Hebræa *terebinthum*, & quercum significat. Masius Iosue ult. n. 26. putat hanc esse terebinthum, seu quercum More, iuxta quam Abraham primo aam Deo crexit Gen. 11. 6.

V. 5. TERROR DEI, ingens, & a Deo missus, ne auderent insequi discedentem.

V. 6. QUAE EST IN TERRA CHANANÆ, ad differentiam alterius Iud. 1. 26. OMNIS POPULUS, numerosa ejus familia.

V. 7. APPELLAVIT: prius inditam appellationem supra cap. XXVIII. 19. confirmavit.

V. 8. DEBORA. Fuit hæc nutrix Rebecæ matris Iacob, quæ cum ea ex Haran venit in Chanaanem ad Isaac. Tradunt Hebræi hanc Deboram a Rebecca remissam in Haran, ut inde revocaret Iacob, ac in itinere, dum cum Iacobo redit, mortuum esse, ut hic dicitur. AD RADICES BETHEL, ad inum montis, in quo Bethel. QUERCUS FLETUS: sic vocata propter plantum quem ibi fecit familia Iacob.

V. 9. APPARUIT AUTEM ITERUM DEUS IACOB. Proxime apparuerat, quando iussit eum in Bethel ascendere; nunc rursum apparet postquam eo pervenerat. BENEDIXITQUE EI: cum nominis novi confirmatione, gratiæ donis, & virtutibus animum adauxit.

V. 10. NON VOCABERIS ULTRA IACOB: non amplius solo nomine Iacob, sed etiam novo Israel appellaberis.

V. 11. OMNIPOTENS: ut scias præstare me posse quæ promisi. CRESCERE, ET MULTIPLICARE: cresces & multiplicaberis. GENTES, ET NATIONES. Tribus Israel, numero gentibus, & nationibus pares.

V. 12. TIBI, ET SEMINI Tuo DABO: tibi dabo, quia semini tuo dabo.

V. 14. TITULUM: qui simul esset titulus, id est monumentum huius apparitionis, & promissionis divinæ, & simul esset altare, unde super eum Iacob sacrificat, & libat; id est, effundit in honorem Dei libamina, vinum scilicet.

V. 16. VERNO TEMPORE. Hebr. est *chibrat*, quod deducitur a radice *chibara*, quæ *cibare* significat, addito Caph servili, quod secundum, vel iuxta significat; quasi dicat, iuxta tempus, quo terram cibum, & segetem effert: quod S. Hieronymus aliquando vertit *tempus viridationis*.

V. 18. BENIAMIN. Rachel moriens vocavit filium *Benoni*, id est filium doloris; sed pater illum appellat *Beniamin*, id est *filium dexteræ*: ut enim ostenderet se

forti

forti animo hunc casum ferre, nomen auspiciatū indidit, & filium dexterae nominavit, quia robur præcipuum in dextera. Vocatus etiam est filius dexterae, quia fuit patri carissimus, utpote nata minimus, & in senectute genitus.

V. 19. VIA QUAE DUCIT EPHRATAM, inter Ierusalem, & Bethlechem.

V. 20. TITULUM. Columellam, pyramidem percleantem fuisse ait Borchardus.

V. 21. TURREM GREGIS. Turris Eder, id est gregis, mille tantum passibus distat a Bethlechem: iuxta hanc turrem multi docent Angelum apparuisse pastoribus nocte nativitatē Christi.

V. 22. DORMIVIT CUM BALA. Hinc Jacob spoliavit Ruben sua primogenitura, eique moriens maledixit Genes. XLIX. 4. Balum autem deinceps Jacob non attigit, utpote hoc incestu pollutam. sicuti David abstinuit concubinis quas Absalom incestaverat, II. Reg. XVI. 22.

V. 26. NATI SUNT IN MESOPOTAMIA, fere omnes, nam Benjamin natus iuxta Bethlechem.

V. 27. CIVITATEM ARBEE. In Cariat-Arbe, sive Hebron. PEREGRINATUS, sine fixo domicilio.

V. 29. CONSUMPTUSQUE AETATE, deficiente calore naturali, & exarescente humido radicali, quod calorem naturalem patitur, & conservat, sicut flamma lucernæ pascitur oleo. APPOSITUS EST POPULO SUO, patribus in limbo. Vide dicta supra cap. XXV. num. 8. PLENUS DIERUM, satur vitæ. SEPELIERUNT, apud Rebeccam, quæ prius obierat. ESAU, ET JACOB. Filiorum munus est parentum iusta curare.

TIRINI.

Verf. 4. **I**NAURES QUAE ERANT IN AURIBUS EORUM, scilicet idolorum, puta anathemata, monilia, variaque ornamenta alia statuis appendi solita, quæ S. Augustinus a vocat deorum phylacteria. Voluit enim Jacob in plenam idololatriæ detestationem hæc omnia contrahita in terra deiodi, neque ullis usibus adhiberi permittit. Sic & posteris Iacobi præcipit Deus Deuter. VII. Sculptisla eorum igni combures: non concupisces argen-

tum, & aurum de quibus falsi sunt; neque assumes quidquam ex eis.

V. 21. TRANS TURREM GREGIS. Locus erat pascuis uberrimus, unico miliari distans Bethlechem, sic vero similiter dictus quod ibi Patriarcha suos greges pascere solet. Estque idem locus, in quo Angeli pastoribus nato Christo apparuerunt, Luc. 11. Ita Hieronymus, b & Tostatus. Unde & Helena templum ibidem sub nomine sanctorum Angelorum construxit, teste Adrichomio c.

(a) August. in Gen. quæst. cxi.

(b) Hieron. hic, & de Locis Hebraicis.

(c) Adrich. de Locis sanctis.

GORDONI.

Verf. 1. **I**ACOB post cælem Sichemorum, inde (ne a vicinis aliquid mali eveniret) Deo movente, venit Bethel (de qua supra cap. XXVIII.) ubi solvit votum, & habitare iubetur: quo pervenit ex verf. 6. 14. & 15. Inde vero versus Ephratam, verf. 16. hæc est Bethlechem, ubi moritur Rachel, verf. 19. Illinc venit ad turrem gregis, verf. 21. ac tandem venit ad patrem, verf. 27. scilicet in Mambre, seu Hebron, ubi moritur Isaac.

V. 2. ABIICITE DEOS ALIENOS. Sed unde hi dii alieni? An de Idolis a Rachele sublati apud Laban in Mesopotamia; aut quæ servi asportasse cum potuerunt ex illa regione? An non etiam potuerunt ibidem secisse in direptione Sichemorum? At quid illud, MUNDAMINI? Potest intelligi aliqua purgatio ludæis postea non insueta. Nec absurdum est ut qui iter aggrediebantur in Bethel, mutent vestimenta, sive itineris, sive voti solvendi causa.

V. 3. SOCIUS, & dux euntis in Mesopotamia, & redeuntis in Chanaanem.

V. 4. IN AURIBUS EORUM, certe deorum, ut apparer: nisi etiam forte servi Iacob superstitione quoque in aures habuerint. SUBTER TEREBINTHUM Hebr. נֶחֱמ, *ela*. Aliqui etiam *quercum* vertunt. Apud Septuag. *quercus excelsa*. Nec est improbabile esse illam de quam cap. XII. verf. 6. Hebr. *elon moreh*, *quercus moreh*.

V. 6. IN TERRA CHANAAN: nam
Hhh 2 est

est alia de qua Iudic. cap. 1. vers. 26. **PO-
PULUS**, familia.

V. 7. De Bethel supra cap. xxvi. vers. 18. Altare erigit, & nomen loci prius a se inditum confirmat. Inscriptionem attigi ad cap. xxxiii. vers. 20. Demum hic vers. 11. reponuntur promissiones.

V. 8. **SUTER QUERCUM**. Hebr. **אלון** *elon*: sic Hieronymus *quercum* vertit, alibi *convallium*. Sept. **אלון** vertunt *quercum*.

V. 9. De nomine Iacob vide supra cap. xxxii.

V. 10. Confirmatur nomen Israel Iacobo impositum supra cap. xxxi.

V. 16. Hic & tribus sequentibus versiculis agitur de nato Benjamin, & sepulchro Rachel prope Ephrata, quid Bethlehem; ubi plurimum suajatur quid significet in Hebr. **כברת** *chibrat*; an vernum tempus, ut Hieron. & Eugub. An spatium parvum terræ, quo distabat a Bethlehem sepulcrum Rachel: & aliis **כ** est servilis littera; aliis radicalis. Sane designari spatium terræ, & mensuram (verbi gratia mille passuum) insinuant Sept. & videntur deduxisse *chabrata* a radice **כבר** *chabar*, nec male (quicquid dicat Eugubinus) quia ubi reperitur in Scriptura **כברת** semper apponitur vox **ארץ** terra. Et apud Hebræos **ברת** *berath*, erat certa mensura. Sept. nomen Hebraicum retinent; cum deesset Græca vox. Est porro versio Hieronymi probabilis, qui IV. Reg. v. vers. 19. vertit, *Electio terræ tempore*. Ethinc vult **ברת** *berath* esse a radice **ברא** *bara*, eligere: & **כ** servile erit. In re tam obscura eligat quod vult Lector. Vide IV. Reg. v. 19.

V. 18. **ID EST FILIUS DOLORIS** **מעי** *mei* **דלורי** *doloris mei*. Adiecta est hæc nominis explicatio ab Interprete. **מין** est dolor, vel afflictio. In hoc suburbano

Bethlehemitico natus quoque Christus Dominus. Nascitur Benjamin anno mundi 2245. Iacobi anno 107. anno insequente venditus est Ioseph.

V. 20. **HIC EST TITULUS MONUMENTI RACHEL**. Hæc erat tituli, vel pyramidis inscriptio. Non est novum erigi titulos, & monumenta defunctorum. Intelligere vero potuit Moses vel ex relatione, vel ex revelatione extare titulum suo tempore.


V. 21. **TRANS TURRIM GREGIS**. Septuag. *Turram Oader*. Heb. **טור גדר** *tor gader*. Vide Hieron. de Locis Hebr. Ibi Angeli pastoribus apparuerunt. Sic forte vocatur, quia Iacob ibi greges suos pascebat. Distat 1000. passibus a Bethlehem, ubi Iacob gregem pavit. Ierusalem vero & Bethlehem distant 6000. passuum. Ceterum Micheæ iv. vers. 8. templum Hierosolymitanum vocatur turris gregis, sed tropice.

V. 22. **DORMIVIT**. Ideo Ruben privatus est primogenitura, & ei maledixit pater moriens Genes. xlix. vers. 4.

V. 26. **NATI IN MESOPOTAMIA**. Solus Benjamin natus in Chanaan. Omitit interdum Scriptura minorem numerum; aut de eo non curat, ex more loquendi.

V. 27. Venit Iacob ad patrem in Hebron, anno circiter trigesimo a digressionem in Mesopotamiam; puto tamen interiecto tempore, aliquoties visitasse patrem officii causa. Ceterum an nunc contingerit vivente adhuc Isaac, venditio Ioseph, dixi satis suo loco. Moritur Isaac in Hebron Iacobo presente, cum esset Iacob annorum 120. mihi est annus mundi 2258. De hac civitate hic nominata vide cap. xxxiii.

V. 29. **POPULO SUO**, maioribus, aut sanctis. **SEPELIERUNT**, apud Rebeccam.



C A P U T XXXVI.

Eſau cum uxoribus & filiis a fratre Iacob ob nimiam utriusque opulentiam ſeparatur : filiorum Eſau genealogia cum habitatione deſcribitur.

IAE ſunt autem generationes Eſau, ipſe eſt Edom. 2. Eſau accepit uxores de filiabus Chanaan : Ada filiam Elon Hevæi, † & Oolibama filiam Anæ filiz Sebeon Hevæi : 3. Baſemath quoque filiam Iſmael ſororem Nabaioth. 4. (a) Peperit autem Ada, Eliphaz : Baſemath genuit Rahuel : 5. Oolibama genuit Ieſus & Ihelon & Core. Hi filii Eſau qui nati ſunt ei in terra Chanaan. 6. Tulit autem Eſau uxores ſuas, & filios & filias, & omnem animam domus ſuæ, & ſubſtantiam, & pecora, & cuncta quæ habere poterat in terra Chanaan; & abiit in alteram regionem, reſeſſitque a fratre ſuo Iacob. 7. (b) Divites enim erant valde, & ſimul habitare non poterant: nec ſuſtinebat eos terra peregrinationis eorum præ multitudinem gregum. 8. (c) Habitavitque Eſau in monte Seir, ipſe eſt Edom. 9. Hæ autem ſunt generationes Eſau patris Edom in monte Seir. 10. & hæc nomina filiorum eius : (d) Eliphaz filius Ada uxoris Eſau : Rahuel quoque filius Baſemath uxoris eius. 11. Fueruntque Eliphaz filii: Theman, Omar, Sepho, & Gatham, * & Cenez. 12. Erat autem Thamna, concubina Eliphaz filii Eſau, quæ peperit ei Amalech. Hi ſunt filii Ada uxoris Eſau. 13. Filii autem Rahuel: Nahath, & Zara, Samma, & Meza. Hi filii Baſemath uxoris Eſau. 14. Iſti quoque erant filii Oolibama * filiz Anæ filiz Sebeon, uxoris Eſau, quos genuit ei, Ieſus, & Ihelon, & Core. 15. Hi duces filiorum Eſau: filii Eliphaz primogeniti Eſau: dux Theman, dux Omar, dux Sepho, dux Cenez, 16. dux Core, dux Gatham, dux Amalech. Hi filii Eliphaz in terra Edom, & hi filii Ada. 17. Hi quoque filii Rahuel filii Eſau: dux Nahath, dux Zara, dux Samna, dux Meza. Hi autem dux Rahuel in terra Edom: * iſti filii Baſemath uxoris Eſau. 18. Hi autem filii Oolibama uxoris Eſau: dux Ieſus, dux Ihelon, dux Core. Hi duces Oolibama filiz Anæ uxoris Eſau. 19. Iſti ſunt filii Eſau, & hi duces eorum: ipſe eſt Edom. 20. (e) Iſti ſunt filii Seir Horræi, * habitatores terræ: Lotan, & Sobal, & Sebeon, & Ana, 21. & Diſon, & Eſer, & Diſan. Hi duces Horræi, filii Seir, in terra Edom. 22. Faſti ſunt autem filii Lotan: Hori, & Heman. Erat autem ſoror Lotan, Thamna. 23. Et iſti filii Sobal: Alvan, & Manahat, & Ebal, & Sepho, & Onam. 24. Et hi filii Sebeon: Aia, & Ana. Iſte eſt Ana qui invenit aquas calidas in ſolitudine, * cum paſceret aſinos Sebeon patris ſui: 25. habuitque filium Diſon, & filiam Oolibama. 26. Et iſti filii Diſon: Hamdan, & Eteban, & Iethram, & Charan. 27. Hi quoque filii Eſer: Baalan, & Zavan, & Acan. 28. Habuit autem filios Diſan: Huſ, & Aram. 29. Hi duces Horræorum: dux Lotan, dux Sobal, dux Sebeon, dux Ana, 30. dux Diſon, dux Eſer, dux

dux Disan : isti duces Horrazorum qui imperaverunt in terra Seir. 31. Reges autem qui regnaverunt in terra Edom antequam haberent regem filii Israel, fuerunt hi : 32. Bela filius Beor, nomenque urbis eius Denaba. 33. Mortuus est autem Bela, & regnavit pro eo Iobab filius Zaræ de Bosra. 34. Cumque mortuus esset Iobab, regnavit pro eo Hufam de terra Themanorum. 35. Hoc quoque mortuo, regnavit pro eo Adad filius Badad, qui percussit Madian in regione Moab : & nomen urbis eius Avith. 36. Cumque mortuus esset Adad, regnavit pro eo Semla de Masreca. 37. Hoc quoque mortuo, regnavit pro eo Saul de fluvio Rohoboth. 38. Cumque & hic obiisset, successit in regnum Balanan filius Achobor. 39. Isto quoque mortuo, regnavit pro eo Adar, nomenque urbis eius Thau : & appellabatur uxor eius Meetabel, filia Matred filiz Mezaab. 40. Hec ergo nomina ducum Esau, in cognationibus, & locis, & vocabulis suis : dux Thamna, dux Alva, dux Ietherh, 41. dux Oolibama, dux Ela, dux Phinon, 42. dux Cenez, dux Theman, dux Mabfar, 43. dux Magdiel, dux Hiram : hi duces Edom habitantes in terra imperii sui, ipse est Esau pater Idumæorum.

(a) I. Paral. 2. 29. (b) Sup. XIII. 6. (c) Ios. XIV. 4. (d) I. Paral. 2. 36. (e) I. Paral. 2. 37.

B R U G E N S I S

ROMANÆ CORRECTIONES.

V. 11. *Et Cenez*. Sequitur in quibusdam libris *Et Chore*, sed superfluc.

V. 14. *Filia Ana filia Sebeon*. Cave scribas masculinum *filii* pro feminino *filia*, priori præsertim loco.

V. 17. *Isti filii Basemath uxoris Esau*. Minime redundant hæc verba.

V. 20. *Habitatores terra*. Non mutandus nominativus pluralis *habitatores* cum genitivofingulari *habitatoris*.

V. 24. *Cum pasceret asines*. Pro masculino *asnes* non est substituendum femininum *asnas*.

LECTIONUM VARIETAS.

V. 2. *Et Oolibama filiam Ana filia Sebeon*. Pro genitivo feminino *filia* alii legunt accusativum *filiam*, alii genitivum masculinum *filii*. Legantur Notationes nostræ in varias Bibliorum lectiones.

NOTATIO.

V. 2. Quatuordecim ex scriptis nostris codicibus habent : *Esau accepit uxores &c. Adæ &c. Et Oolibama filiam Ana, filii Sebeon Hevæi* : atque hi Regiorum Bibliorum Latino textui, Rabano, & Græcis libris consentiunt. Alii quatuordecim, cum Parisiensem quinque scribunt : *Filiam Ana filia Sebeon He-*

væi : atque his Hebrææ, & Chaldææ suffragantur, quamvis vertendum potius videatur : *Filiam Ana filiam Sebeon Hevæi*. Et sane hoc modo, acculandi inquam casu, tria manuscriptorum nostrorum legere comperimus ; unum, quod Abbas S. Iacobi Leodiensis mutuo dedit ; alterum, quod Collegium Trilingue annumeravit ; tertium, quod D. M. N. Augustinus Hunnæus contribuit. Et quidem primum Leodiense nonnullam indicat scdam mutationem ; secundum vero, & tertium omni exceptione maiora sunt. Est aliud manuscriptum, quod Atrebatense collegium supeditavit, quod illis accedens *filia* legit. Videtur autem minus probanda ea lectio, *Filiam Ana filia Sebeon Hevæi*, quod sensum non habeat, nisi aut nugacem, aut falsum. Vel enim significatur, Oolibama filiam fuisse Anæ & filiz Sebeon Hevæi, id est filii & nurus Sebeon Hevæi, quod est Anæ & uxoris eius (in quem sensum Hunnæi R legit, *Filiam Ana filiam filia Sebeon Hevæi*) id quod frivolum est : vel significatur, Oolibama filiam fuisse Anæ, & Anam filiam fuisse Sebeon Hevæi, quod verum non est. Fuit enim Ana (ut ex 24. huius capituli versu constat) filius Sebeon Hevæi. Itaque præferenda videtur lectio ista : *Filiam Ana filiam Sebeon Hevæi*, ut ad Oolibamam utrumque referatur, quæ & Anæ fuit filia, & Sebeonis : ac Sebeonis quidem, quia ex filio Ana neptis. Fortassis autem ad hanc tollendam obscuritatem, LXX. ut habet prima lectio, *Filiam Ana*

Ana filii Sebeon Hevæi transfulerunt. Eadem est versu 14. lectiois diversitas: novendecim enim nostrorum manuscritorum, cum quinque Parisienſium legunt filia Sebeon; duodecim

filii Sebeon. Filiam, ut loco non convenit, ita nulla legunt: & illa quidem Hebræis & Chaldæis; hæc autem Græcis libris conſonant.

COMMENTARIA

S A.

Vers. 2. A D A. Hæc sup. cap. xxvi. dicitur Basemath. OOLIBAMA cap. xxvi. dicitur Judith. FILIAE. Hebr. & Chald. *filie*; at LXX. *filii*.

V. 3. BASEMATH cap. xxviii. dicitur Mabeleth. ELIPHAZ, de quo in Iob; Hieron.

V. 6. HABERE POTERAT. Hebr. *acquiescat*.

V. 9. EDM, id est *Idumæorum*.

V. 16. FILII ELIPHAZ. Hebraice, Chald. & LXX. *Duces Eliphaz*.

V. 20. FILII SEIR, scilicet qui ante Esau principes erant: Hieronymus.

V. 24. AQUAS CALIDAS. Alii, *mulos*, scilicet iunctis equo & asina: forte legendum, *equas*.

V. 31. REGNAVERUNT, scilicet post duces.

V. 33. IOBAB. Hunc quidam putant Iob; at Hebræi dicunt, Iob esse de stirpe Nachor: Hieron.

V. 40. HÆC ERGO. Hebr. & Chald. *Et hæc: LXX. hæc.* ESAU, scilicet filiorum.

E S T I I.

Vers. 2. E T OOLIBAMA FILIAM ANAE, FILIAE SEBEON. Intricata est hic lectio. Nam pro *Anæ filia Sebeon*, quasi Ana femina fuisset, reposituerunt nonnulli masculinum *Anæ filii Sebeon*. Et omnino constat Anam virum fuisse, patremque Oolibama, & filium Sebeon hoc ipso cap. vers. 24. Nihilominus in Hebræo est femininum, sed quod verti potest vel per genitivum, vel per accusativum. Certe veritas historię requirit, ut hoc vers. 2. in accusativo legatur, *Filiam Anæ, filiam Sebeon*; paulo post vero vers. 14. uti legitur, utrumque in genitivo; sed utrumque hoc sensu, nempe ut Oolibama uxor Esau, dicatur & filia Anæ, & filia Sebeon; non quasi habuerit duos patres,

sed quod Sebeon fuerit eius avus, sicque hic filia pro nepote ponitur: quod mirum non est, nam & Abraham Lot nepotem suum vocat fratrem Gen. xiii. vers. 8. Vide Notationes eruditæ in hunc locum Francisci Lucæ.

V. 8. HABITAVITQUE ESAU IN MONTE SEIR, IPSE EST EDM. Videndum quomodo hic locus non repugnet ei qui est cap. xxxii. ubi dicitur Iacob rediens ex Mesopotamia misisse nuntios ad fratrem suum in terram Seir, in regionem Edom; quin quod xxxiii. cap. dicit Iacob se secuturum vestigia Esau, donec veniat in Seir; immo & Esau reversus dicitur illo die itinere quo venerat in Seir. Quomodo igitur hic tandem dicitur a fratre suo Iacob recessisse, & habitationi suæ delegisse montem Seir? Respondet Augustin. & recte Esau, post fratris Iacob in Mesopotamiam discessum, noluisse habitare cum parentibus suis, partim quod indigne ferret se benedictione fraudatum, partim quod uxores suas videret parentibus suis exotias esse, uti supra dictum est; ac tum cœpiſſe habitare in monte Seir. Ceterum post reditum fratris sui, reparata cum eo amicitia, reversum esse ad parentes in terram Chanaan; ubi cum patre Isaac mortuum simul sepeliſſent, ut dicitur capite præced. in fine; quia eos iam ditatos illa terra, sicut hic dicitur, capere non poterat, rursum abcessisse in Seir; atque ibi gentem Idumæorum ab Edom, seu Esau sic dictam propagasse.

V. 15. HI DUCES FILIORUM ESAU: & rursum in fine vers. 40. *Hæc ergo nomina ducum Esau in cognationibus, & locis, & vocabulis suis.* Confer diligenter quæ sunt I. Paralip. 1.

V. 24. ISTE EST ANA QUI INVENIT AQUAS CALIDAS IN SOLITUDINE. Pro *aquas* quidam *equas* legendum suspicantur. Vide Olcastrum h.c.

V. 33. ET REGNAVIT PRO EO IOBAB. Quidam, ut Græci, putant hunc esse Iob, cuius patientiæ exemplum Scrip-
ptu

ptura integro Libro proponit. Hieron. repugnat in Lib. Traditionum Hebraicarum in Genesim. Sed postea de hoc plenius, cum ad illum Librum ventum erit.

M A R I A N A E.

Vers. 2. **A** DA FILIAM ELON. Tres uxores Esau videntur fuisse binominæ propter cap. xxvi. & xxviii.

V. 4. PEPERIT AUTEM ADA, ELIPHAZ. Hic numeratur inter amicos Iob, ut Hieronymus affirmat, neque tempora discrepant.

V. 9. ESAU PATRIS EDM, id est Idumæorum, ut vertit Chald.

V. 20. FILII SEIR: qui ante Esau Principes ibi erant, hoc loco numerantur: Hieronymus.

V. 24. ET HI FILII SEBEON: AIA ET ANA. Quidam Hebræus pro Aia putat legendum *Peala*, & *Vau* initio positum non putat adventitiam, & coniunctionem, sed radicalem. Video tamen alios omnes legere, & reddere illud nomen per Aia, aut per Abia, nempe *Vau* coniunctionem putant. INVENIT AQUAS CALIDAS. In Hebræo est vox *מַיִם יְקִיָּים* *icimim*, quam Græci intactam reliquerunt. Sept. & Theodotion in singulari *ῥὴν ἰακίμ*. Sym. & Aquila in plurali *ῥὴν ἰακίμ*. Male in Regiis legitur *ιακίμ*. Chald. venit gigantes, seu fortes. Hebræi plerique putant esse *mulos*, פָּרָדִים *peradim*, ex mixtione equi & asinæ, quod Aia mixtionem eam primæ excogitavit, & fecit. Neque vero nova ea opinio est, sed ante Hieron. tempora frequens. Quod ex ipso constat in Trad. ubi ait, ea voce significari maria, seu aquarum congregationem: nempe Aia lacum invenit in solitudine, aut aquarum venam. Et quidem Hebr. iisdem litteris maria significantur, sed puncta sunt alia. Ait etiam ea voce in lingua Punica significari aquas calidas, quod ipse in nostra Vulgata est secutus. Sed inter alia a plerisque ait *mulos* ea voce intelligi. Quam interpretationem nec reicimus, nec probamus.

V. 33. REGNAVIT PRO EO IOBAB. Plerique Patres hunc putant Iob, sed utraque vox Hebraice multum discrepat: & inter filios Nachor Hus ponitur, in qua ipse regione habitabat. Sed & hoc cap. vers. 28. ponitur Ius alter in monte Seir,

a quo pars eius regionis dicta videtur; quando Thren. iv. vers. 21. *Gaude & letare Edom, quæ habitas in terra Hus*. De qua poterat intelligi fuisse Iob, esseque Iobab, nisi litteræ utriusque vocis discreparent tantopere. FILIUS ZARAE DE BOSRA. Ex hac urbe putant fuisse Iob, nempe qui eundem faciunt Iobab. Sane de ea Isaias cap. lxiii. *Quis est iste qui venit de Edom, in suis vestibus de Bosra?* Et forte sic est dicta a munitione: nam ea voce Hebræice *arx* significatur. Unde quod de Didone finxerunt emisse a Mauris quantum terræ corio bovis tegeret, quod *Bysra* Græce, id est *corium* significet, est verosimilius emisse aream arcis extruendæ, quam *bosra* sive *bysa* significat Hebræice.

V. 40. ET VOCABULIS SVIS. Hebr. *In nominibus suis*. Quisque enim de suo nomine partem quam possidebat, & regionem vocavit: id ea verba significant. Ex iis quæ hoc capite extremo dicuntur de Regibus Edom, satis constat, filios non successisse ibi patribus, sed electione potestatem dari.

M A L V E N D A E.

Vers. 9. **P**ATRIS EDM. Constat provinciam Idumæam, & Idumæos dictos ab Edom, Esau, qui eam regionem obtinuit, & in ea ipsi & post-ri imperitarunt. Iosephus: *Esau Hebrone fratri concessa, habitavit in Saira; & Idumæe dominatus est a se ipso denominatæ. Adomus enim cognominatur*. Et postea de filiis Esau: *Hi habitaverunt Idumæe regionem, quæ Gabolitis dicitur. Quondam enim late patentem terram Idumæe nomen complectebatur*. Eusebius, & S. Hieronymus in Locis: *Idumæa regio Esau: quæ ex eo, quod ille Edom vocabatur, nomen accepit. Est autem circa urbem Petram, quæ nunc dicitur Gabalene*. De Gabalene diximus cap. xiv. vers. 6. Strabo Lib. XVI. pag. 523. *Iudææ extrema occidentalia Casio proxima Idumæi occupant, & lacus. Idumæi quidem Nabathæi sunt; per seditionem autem inde egressi, Iudæis se adiunxerunt, & eorum leges amplius sunt. Ad mare autem Sirbonidis maiorem occupare partem, & quæ deinceps sunt usque ad Ierosolymam, mari omnia vicina. Mihi veris falsa. Male lacum Asphaltiten vocat Sirbonidem, cum sit longe diversus. Idumæam de-*

describunt Plinius Lib. V. cap. xiii. & xiv. Ptolemæus Lib. V. cap. xvi. & alii. Ptolemæus, inquit: *Idumæa*, quæ tota est ab *occafû Jordanis fluvii*. Solinus cap. xxxvii. *Idumæa*, palmis opima. Poetæ quoque Idumæam a palmis celebrant. Virgilius III. Georgicorum.

Primus Idumæas referam tibi, Mantua, palmas.

Et Lucanus:

.... *Et arbusculo palmarum dives Idumæ.*
Celebres in Scripturis Idumæi: quos sæpius conveniemus.

V. 15. *HI DUCES.* מְלִיכִים *aluphim* sepe omnes exponunt duces, duces, tribunos, doctores, magistros, rectores, principes. Hebræi notant מְלִיכִים *aluphim* corona tantum a rege distare, ac eo esse inferiorem. Ego ab מְלִיכִים *eleph*, *chilade*, *chiliarchos* proprie reddiderim: quos alibi Scriptura distinctius מְלִיכִים כִּיר *aluphim*, principes chiliarchum, vel chiliarchiarum appellat. Verbum *Magistri* non male quadrat. Festus: *Magistrare*, regere, *Et* temperare est. *Magistrare*, moderari: unde *magistri* non solum doctores artium, sed etiam pædagogum, societatum, vicorum, collegiorum, equitum dicuntur: quia omnes ii magis ceteris possunt. Unde *Et* magistratus, qui per imperia potentiores sunt quam privati. *Magistri* dicuntur in omnibus rebus, qui magis ceteris possunt: ut *magistri* equitum, *magistri* populi: item ludorum *Apollinis*, dixerunt antiqui. *Magister* populi vocabatur *dislator*, cuius erat summa potestas in populum, ut auctor est Varro Lib. IV. de Lingua Latina, cap. xv. Virgilius de Pastoribus usurpat hoc nomen, *Aeneidos* xii.

.... *pavidi cessare magistri.*

Servius: *Proprie magistri sunt militum; pastores pecorum. Sed reciprocè sunt ille translationes: nam Et ductor militum, pastor vocatur; Et magistros pecorum dicimus.* Cicero: *Nominat hominem, quem magistrum pecoris esse dicebat.* *Magister* autem est pecoris, ad quem omnia pertinent animalia. Item *pastor* ut rex, *Et* revera pastor est, *Et* ductor exercitus, ut *Homæus*, *Pastorem* populorum. De tribunis, aut magistris militum idem Virgilius in IX.

.... *Et rerum dedit esse magistros.*

Haud ergo hic male, *Isti* tribuni, doctores, *magistri* filiorum *Esaui*: qui in familiis & tribubus suis magis ceteris poterant, & erant

veluti tribuni, & chiliarchæ, quod *Esaui* tæ per tribus & chiliarchias distributi essent.

V. 20. *ISTI SUNT FILII SEIR HORRAEI.* Opportuna est hic S. Hieronymi observatio: *Postquam enumeravit filios Esaui, alius repetit Et exponit qui ante Esaui in Edom terra principes fuerunt ex genere Chorreorum, qui in lingua nostra interpretantur Liberi.* Legamus diligenter Deuteronomium ii, vers. 22, ubi manifestius scribitur, quomodo venerint filii *Esaui*, *Et* interfecerint Chorreos, ac terram eorum hereditate possederint. Idcirco autem Chorreorum recordatus est, quia primogenitus filiorum *Esaui* ex filiabus eorum acceperat concubinam (nempe Timnagh, e vers. 12. & 22.) Quod autem dicitur *Theman*, *Et* *Kenez*, *Et* *Amalek*, *Et* reliqua; sciamus postea regionibus Idumæorum ex his vocabula imposita. Vide supra cap. xiv. vers. 6. Quidam Hebræorum hic illud, *Seir Horraei*, appellative exponunt, *Seir nobilis*, incluyi: perperam, cum sit nomen gentilitium.

V. 21. *DISON.* Infra vers. 26. Hebraice vocatur *Disan*.

V. 24. *ISTE EST ANA, QUI INVENIT AQUAS CALIDAS IN SOLITUDINE.* Pro *aquas calidas*, Hebraice est יַמִּין *iemun*: quæ vox quam semper difficilis fuerit, & abstrusi significatus, illud manifeste argumento fuerit, quod LXX. *Aquila*, *Symmachus*, *Theodotion*, vetustissimi Interpretes, eam in suis translationibus interpretatam reliquerint, nescientes plane quid esset: nam si a יַם *iam*, aut יַמִּין *iamim*, aut יַם *maim*, esset; haud difficile fuisset significatum eius a mari, aut aquis erui. Vocem peregrinam esse, nec in Hebræa, nec in vicinis linguis originem habere, plerique volunt. De ea eruditissime hic S. Hieronymus disserit: quem consule. Nullibi nisi hic reperitur. Hebræi constanter omnes *mulos* vertunt. Quæcunque fabulam commenti sunt, quia hoc capite vers. 26. *Sebeon* & *Ana* dicuntur fratres, & vers. 24. *Sebeon* dicitur pater *Anæ*; inde hariatati sunt, *Sebeonem* cum matre sua fuisse congressum, ac genuisse ex ea per nefandum incestum ipsum *Anam*. Ajunt ergo, quia *Ana* fuit פְּסֻלָּה *passul*, id est *profana*, *nebulosa*, *spuria*, *polluta*, *illegitima*: idcirco inivit in mundum פְּסֻלָּה *passulum*, *profana*, *polluta*, *Et* *immunda*,

spuria, ac *illegitima* animalia, nempe mulos. Sed peripheue diversus fuit Ana vers. 20. ab Ana vers. 24. nam ille patruus, hic nepos eius ex fratre fuit; quasi vero inutilitatem sit diversos eodem appellari nomine. Existimant igitur Hebræi, istum Anam invenisse in deserto mulos, id est procreationem mulorum, sive artem, qua generantur muli: procreatio enim mulorum artificialis potius videtur, quam naturalis: nam cum is Ana pasceret asinos patris sui Sebeon coniecit ac commiscuit duas species, nempe asinorum & equarum, ex quorum mixtura nati sunt muli: atque ut rem novani ac singularem, memoratam e Moise. Ceterum muli generantur etiam ex equo & asina, Varro Lib. II. de Re rustica, cap. viii. Nam muli & binni, bigeneri atque institui, non suapte genere ab radicibus: ex equa enim & asino fit mulus; contra ex equo & asina binnus. Uterque eorum ad usum utilis, partu fructus neuter. Ex equo & asina burdo quoque dicitur. Plinius Lib. VIII. cap. xlii. Equo & asina genitos mares, binnos antiqui vocabant; contraque mulos, quos asini & equa generarent. Vide de hinniis Columellam Lib. VI. cap. xxxv. Fortasse utrumque genus primum excogitavit Ana. Ergo *iemim* hic mulos interpretantur Hebræi omnes, Lyranus, Caletanus, Sanctes, Streuchus, Reuchlinus, Vatablus, Leo Iudas, Clarius, Fagius, Munsterus, Pellicanus, Forsterus, Mercerus, Honcala, Pomarius, Marinus, Avenarius, Buxtorfius, Drusius, Immanuel, Junius. Etymon varie enucleant: quidam ab *דומ* *dom*, quod novum genus, monstrificum, & horrendum, ac formidabile sit; vel quod muli soleant esse duri, indomiti, crudeles. Alii a *דומ* *tham*, quod muli sint confummati, & perfecti ex duobus animalium speciebus, ut etiam cognationem habeat cum *דומים* *thoomim*, gemellis, seu geminis, quod muli sint veluti gemelli ex gemina specie. Sed si nomen est peregrinum, frustra erit etymon illi ex Hebraica lingua accerere. Nihil horum probat Schindlerus, vultque in prima rerum creatione iam fuisse mulos, nec eorum generationem inventum fuisse Anæ. Alii, *iemim* hic maria, seu aquarum congregationes, aut lacus, stagna, paludes, quæ forsitan in deserto invenerit Ana, interpretantur. Alii *thermas*, aquas calidas, vel

sulphuratas, iuxta linguæ Punicæ significationem, ut annotat S. Hieronymus, exponunt, quod secutus est Noller, in quo quidam subtiliter relictunt, *Equas calidas*, ut suos mulos statuunt. Nec desunt qui nostrum velint legisse, *חמים* *chamim*, calores, intellexisseque *aquas calidas*: quod ego non credo. Chaldaicus interpret dicit, *גבבארא* *ghibbaraia*, quod quidam gigantes interpretatur; alii *fortes prævalidos*; quasi dicat, animalia fortia, ac robusta, ut sunt muli, qui ferunt onera gravia. Nonnulli, uti refert S. Hieronymus, *ימים* *iemim*, putant esse *asinus velocissimos*, ex onagris & asinibus generatos; quam mixturam Ana invenit. Ego obcuritatem vocis non illustro: quare tutius est amplecti versionem quam probat Ecclesia.

V. 31. ANTEQUAM HABERENT REGEM FILII ISRAEL. Hebr. *Antequam regnaret rex filius Israel*. Quidam exponunt: Id est, gubernator unicus, & ordinarius, Moses, ut Deuteronomio xxxiii. vers. 5. Iudicum xvii. 6. & I. Samuel. xxi. vers. 12. Alii ad Saulis tempora referunt. Sed primum est rectius; quasi dicat: Ad hanc usque nostram ætatem, cum nondum Israelitæ ab Aegyptiorum servitute liberati proprium haberent gubernatorem, administrationem liberam, quæ me gubernatore cepit, octo isti qui sequuntur in Edomæa regnaverunt.

V. 32. NOMENQUE URBIS EIUS DENABA. Eusebius & S. Hieronymus in Locis: *Dannaba civitas Balach, filii Beor regis Edom, post quem regnavit Iob; licet mihi videatur longe aliter: & est usque hodie villa Dannabach in octavo milliario Arcopoleos pergentibus Arnonem; & altera Dannahia super montem Phogor in septimo lapide Esbus; id est, Hesebon. Est autem eisdem testibus Arcopolis urbs Moabiturum.*

V. 33. IOBAB FILIUS ZARAE. Hunc plerique antiquorum & recentiorum putant esse sanctum Iob, reclamante passim S. Hieronymo, & Hebræis, qui eum de stirpe Nachor fratris Abraham faciunt, Genes. xxii. vers. 21. quod mihi magis probatur: nam in eodem nomine, litteræ nominis non sunt eadem. *BOZRA* *בזרה* *botzrah*, insignis Idumææ civitas, cuius non semel in Scriptura occurrit mentio, ut Isaia lxiii. vers. 1. a munitione nomen habet;

bet; quasi *munitionem*, aut *arcem* dicas, quod vel arx esset, vel urbs munitissima. Hinc primum nomen Carthaginis Byrsam, vel Byfram factum fuisse nonnulli exultant, quod Phœnices Carthaginis conditores, lingua Chananæa, hoc est ipsa Hebræa, uiderentur. Virgilius I Aeneidos:

... *fasti de nomine Byrsan:*

quamvis ipse Virgilius, & alii Byrsam coriurum, tergum bovisintelligant. Vide Deuteronom. iv. vers. 43.

V. 34. **THEMANORUM.** Eusebius, & S. Hieronymus in Locis: *Theman regio principum Edom in terra Gebalitica, a Theman filio Eliphaz, filii Esau sortita vocabulum. Sed & usque hodie est villa nomine Theman distant ab urbe Petra quinque millibus; ubi & Romanorum militum presidium sedet: de quo loco fuit Eliphaz rex Themanorum. Unus quoque filiorum Ismael appellabatur Thiman. Sciendum autem, quod omnis australis regio Hebræis Theman dicitur. In Notitia orientalis Imperii, in Palæstina: Cohors quarta Palæstinorum, Themane, scilicet stativa habebat. Sonat Hebræis תִּמְאָן theman, dexterum, quia respicientibus orientem, australis plaga ad dexteram est. Pimius Lib. VI. cap. xxviii. Nabatæis Thimaneos iunxerunt veteres; nunc sunt Taveni, Stolleni, Saraceni.*

V. 35. **ET NOMEN URBIS EIUS AVITH.** Eusebius, & S. Hieronymus in Locis: *Getbaita, pro qua in Hebræo positum est Avith, civitas Adad, qui quartus regnavit in Idumæa terra, qua nunc Gabalene dicitur.*

V. 36. **MASRECA.** Eusebius, & S. Hieronymus in Locis: *Masracha civitas regni Edom, circa Gabalene.*

V. 37. **DE FLUVIO ROHOBOH.** Hebr. *de Robohobh fluvii.* Eusebius, & S. Hieronymus in Locis: *Robohobh iuxta fluvium, ubi erat rex Edom; & usque hodie est presidium in regione Gabalena, & vicus grandis, qui hoc vocabulo nuncupatur. De hoc presidio puto in Notitia Imperii hæc scribi: Ala secunda Felix Valentiana apud presidium. Et mox: Cohors quarta Phrygum, presidio. Ut hic Nolter dixit, Desfluvio Robohobh, I. Paralipom. 2. 48. ait: De Robohobh, quæ iuxta amnem sita est. Ridicule hic quidam Chaldæos paraphrastasecutori, fluvium, seu amnem. Euphratem intelligunt: quid enim urbi Idumæ, seu Ga-*

baliticæ cum Euphrate, a quo plusquam octo dierum itinere distat. Remotius alii hic reddunt, *Ex Robohobis ad flumen sitis; intelliguntque Orobam Ptolemæi ad Tigrim sitam. Vide supra cap. x. vers. 11.*

V. 39. **NOMENQUE URBIS EIUS PHAV.** Hebr. פִּינְחֹן. Eusebius, & S. Hieronymus in Locis: *Phog civitas Hadar regis, quæ est in regione Gabalitica.*

V. 41. **DUX PHINON.** Idem Eusebius, & S. Hieronymus: *Phenon castra filiorum Israel in deserto. Fuit autem quondam civitas principum Edom, nunc viculus in deserto; ubi æris metalla, damnatorum supplicii effodiuntur, inter civitatem Petram & Zoaram. Huius loci meminere Eusebius Lib. VIII. Historiæ ecclesiasticæ, cap. xvi. S. Athanasius Epistol. ad Solitarios, & Martyrologia 4. Maii. Fuit Phinon xxxvi. mansio filiorum Israel in deserto, Numerorum xxxiii. 42. sic dictus fortasse locus a stupore & confusione, qua afficiuntur qui in metallariis servant, quibus membra stupent ac torpesunt. Vide Lib. VI. de Antichristo, cap. xxviii.*

V. 42. **DUX CENEZ.** Eusebius, & S. Hieronymus in Locis: *Cenez regio principum Idumæorum. Vide supra cap. xv. 19. DUX MABBAR.* Idem Eusebius, & S. Hieronymus: *Mabbar usque ad præsentem diem vicus grandis in regione Gabalena: & appellatur Mabbara, ad urbem Petram pertinet.*

V. 43. **DUX MACDIEL.** Idem: *Et hæc in regione Gabalena. Sic ergo videremus, duces istos seu chiliarchos Idumæorum a terris quibus imperabant, seu potius terras ab ipsis sumpsisse vocabula. Non una fuit causa ut dynastas Idumæorum tam accurate Moses percensuerit, cum in gratiam Esau primogeniti Iacob, tum quod Idumæi gens clara & inclyta fuerit, & tandem ad Iudaismum transierint.*

MENOCHII.

Vers. 1. **G**ENERATIONES. Enumerantur Esau generationes, ut ostendatur non irrita fuisse benedictio patris, & quia Idumæos cum Iudæis in unam gentem coarcturos, Deus ab illis pro fratribus haberi voluit: Deut. xxxiii. 7. *IPSE EST EDM.* Esau, qui alio nomine Edom appellatur.

V. 2. ADA FILIAM ELON HETHAEI. Hæc Gen. xxvi. 34. vocatur Iudith filia Beer: nam olim tam viri, quam mulieres non uno tantum nomine vocabantur. Sic Iacob dicitur etiam Israel; Esau, Edom; Sara, Iesca.

V. 6. ABIIIT IN ALTERAM REGIONEM, in Idumæam, quo iam ante abierat propter parentum offensam, ut patet cap. xxxiii. vers. 3. sed mortuo patre cum pascua tam multis gregibus non sufficerent, eodem rediit. Factum est hoc nutu divino, ut terra Chanaan Iacobo cederet, cui promissa fuerat.

V. 7. DIVITES. Imitatus est Esau consilium proavi sui Abraham, qui eadem de causa separatus est a Lot nepote suo.

V. 8. IPSE EST EDM: ipse non mons, sed Esau.

V. 9. PATRIS EDM, Idumæorum.

V. 10. FILIORUM EUS. Nomine filiorum nepotes quoque comprehendit, sicut Matth. 1. 2. Christus dicitur *filius David filii Abraham*.

V. 15. HI SUNT DUCES FILIORUM ESAU. Hic recensentur duces, num. vero 31. reges, rursus num. 40. duces in Idumæa regnantes: quia Idumæi primo amplexi sunt aristocratiam, in qua duces ex optimatum sententia rempublicam gubernabant; deinde amplexi sunt monarchiam, & reges habuerunt; tandem iterum amplexi sunt aristocratiam. Porro tam duces, quam reges electione, non successione veniebant ad principatum: quare non defunctorum filii, sed alii habenas imperii capebant.

V. 24. QUI INVENTIT AQUAS CALIDAS. Pro *aquas calidas*, in Hebræo est ימים *iamim*, quod vocabulum Hebraizantes mulos significare affirmant, sed Noster bene vertit: non enim cum iisdem punctis legit, sed ימים *iamim*, id est *aquas*, calidas nimirum, & medicinales.

V. 31. ANTEQUAM HABERENT REGEM, hæc Moses, ut & multa alia dicit prophetico spiritu. Alii putant addita post Moysen ab eo, qui diaria Moses digessit. Tempore enim Moysi nulli adhuc reges in Israel.

V. 33. IOBAB. Hic est Iob, speculum patientiæ.

Vers. 4. ELIPHAZ. Hic, ex plurimum sententia, est ille Themanites, seu Themanorum rex, amicus, & magnus (ut vocant) patruus Iobi; vel (ut verisimilius existimo) hic Eliphaz est avus alterius Eliphaz, qui in tertio gradu cognatus Iobo (ut dixi in eius Genealogia a) ipsum accessit, & cum duobus aliis solatus est astitum, & ulceribus plenum. Erat autem noster hic senior Eliphaz primogenitus Esau; Iob vero, seu Iobab abnepos fuit Esau, tertius ab illo, quintus ab Abrahamo; secundus a morte Esau rex Idumææ, ut hic patet vers. 33. & expresse affirmant LXX. Interpretes in fine libri Iob, & fere omnes Patres ac Doctores, præter S. Hieron. qui cum Rabbinis quibuldam mavult, Iobum fuisse filium Nachor fratris Abraham. Sed altera opinio ut communior, ita & verosimilior est: quam tenent Philo, Aristæas, Athanasius, Chrysostomus, Augustinus, Theodoretus; & ex recentioribus Abulenſis, Pererius, a Lapide, Pineda, & alii b. Secundum quam sententiam dicendum, Iob natum esse sub id tempus quo mortuus est Isaac eius abavus; & pertigisse ad tempora Moysi: nam vixit ducentis & pluribus annis: Iob cap. ult. vers. ult.

Petes qua ætate mortuus sit Esau. Respondeo, id usquam ex Scripturis colligi posse; sed verosimile est, supparem fuisse Iacobo fratri suo.

Petes secundo andamnatus sit. Respondeo, verosimilius videri non fuisse damnatum. Nam delicta iuventutis facile expiavit maturior ætas: & amicus ille occurſus quem fratri e Mesopotamia reduci exhibuit hic cap. xxxi 11. communis sepultura Isaac parenti exhibita cap. xxxv. forſan & convictus cum Iacobo communis apud senem parentem, saltem pacificus a fratre recessus post obitum parentis cap. xxxvi. certo declarant, ipsum se ad meliorem frugem recepisse. Et unde alioquin abnepos eius Iob virtutum exemplar, unde amici Iobi suam hauserunt pietatem, si non a parente & avo suo Esau? Quod Malachie 1. dicitur, *Esau odio habui*, non ad personam, sed ad posteros Esau maxime spectat, estque sermo de reiectione non a salute æterna, sed a temporali benedictione paterna, & iure pri-

primogenituræ, ut diximus cap. xxvii.

V. 24. QUI INVENIT AQUAS CALIDAS IN SOLITUDINE. Hebræum *immin*, quo modo legunt Rabbinii recentiores, Eugubinus, Vatablus, Caietanus, Pagninus, Forsterus & Tigurii vertunt *mulas*; quasi hic Ana primus mulorum procreationem adinvenit, adactis asinis in equas: Chaldaeus *fortes*, vel *gigantes* vertit. Sed dico cum S. Hieronymo *e, iammim* (sic est in Hebræo) proprie significare collectionem aquarum; & hic de vere calidis, seu tepentibus, ac consequenter medicam vim habentibus aquis, Scripturam intelligendam esse; quales etiam hodie in thermis Aquenibus, & aliis quibusdam locis reperiuntur: quas quia primus hic Ana detexit, earumque usum frequenti experimento corporibus salutarem esse deprehendit, ac prodidit; earum Iem inventor hic dicitur, & rei novæ auctor perhibetur.

V. 37. DE FLUVIO ROHOBOTH. Hebræa, Chaldaea, & Græca legunt, *De Rohoboth fluvii*, id est de civitate Rohoboth sita iuxta fluvium Euphraten, de qua dixi Genes. x. vers. 11. & rursus dicam I. Paral. 1. vers. 48.

(a) Cronici cap. xlvi.

(b) Philo citatus ab Abulenſi hic. Aristæus apud Eusebium Lib. IX. de Præparat. Evang. cap. ult. Athanaſi. in Synopsi. Chrysost. homil. xxi. de patientia Iob. Aug. Lib. XVIII. de Civit. cap. xlvii. Theodor. & reliqui hic. Pineda in cap. 1. Iob. vers. 1.

(c) Hieron. in QQ. Heb.

GORDONI.

Vers. 2. **H**OC capite describuntur posteri, & duces in familia Esau: in quorum catalogo videntur interdum nomina variari hic, & supra cap. xxvi. An quia plura unius (praesertim uxoris) nomina; an quia unius viri plures uxores; aut plurimum idem nomen. Certe uxores Esau videntur binominae. At quomodo vers. 24. eadem nomina dantur viris quæ mulieribus? Ita quidem est in

Latina editione; sed omnino puto hæc nomina ut dantur viris habuisse olim in Heb. aliquam diversitatem: ad quod facit illud quod aliqui dicunt in Hebræo *re Pau* in virorum nominibus non esse coniunctivum, sed velut radicale. Denique hic non eadem notatur persona, licet daretur esse idem comune nomen, ut quotidie videmus contingere. ADA vocatur Iudith Genes. xxvi. 34.

V. 6. Sane cum redibat Iacob e Mesopotamia, cap. xxxii. habitabat Esau ad montem Seir: quomodo nunc post mortem patris sui Isaac, dicitur coivisse? Solvit hoc August. Quæst. cxix. in Genes. quando Iacob venit ad patrem, eodem etiam tunc venisse Esau: & cum duo hi filii parentis essent patri, tunc Esau rediisse Seir.

V. 8. IPSE EST EDM. Non montem designat, sed ipsum Esau.

V. 9. ESAU PATRIS EDM. Idumæorum.

V. 15. DUCES. Nunc duces vocat, nunc reges: unde aliqui notant mutatam tunc formam regiminis in hac nominis mutatione. Putantur tamen omnes ex electione constituti, non iure successionis.

V. 24. AQUAS CALIDAS, יַם־מַּיִם. Ex mutatione punctorum ita mutant Scriptores significationem huius vocis Hebraicæ, ut ex re facili effecerint quæstionem difficilem. יַם & יַם־מַּיִם *maria, aque*. Sed recte sub iisdem litteris mutationem punctorum, Septuaginta, & Hieronymus *aquas calidas* dant; & certe, quod est probabilius, vim medicam habentes. Passim tales sunt in Gallia, & alibi.

V. 31. ANTEQUAM. Si non est hoc adiectum ab eo quia diaria Moſis digeſſit, sed ab ipſo Moſe; debuit ipſe ſpiritu prophetico prævidiſſe futuros reges Iſraelitarum.

V. 33. IOBAB. Aliqui putant hunc eſſe Iob; ſed in Hebr. nominum litteræ valde diſcrepant. Et Iob vixiſſe cum Moſe aliqui arbitrantur.

C A P U T XXXVII.

*Ioseph fratres apud patrem accusans, visaque somnia narrans, fratrum odium in se concitat: quare primum volentes illum occidere, consilio Iudæ vendunt Ima-
clitæ inscio Ruben: a patre autem lugetur, & in Ægypto
Putipbari venditur.*

1



Abitavit autem Jacob in terra Chanaan, in qua pater suus peregrinatus est. 2. Et hæc sunt generationes eius: Ioseph cum sedecim esset annorum, pascēbat gregem cum fratribus suis adhuc puer: & erat cum filiis Balæ, & Zelphæ uxorum patris sui: accusavitque fratres suos apud patrem crimine pessimo. 3. Israel autem diligebat Ioseph super omnes filios suos, eo quod in senectute genuisset eum: fecitque ei tunicam polymitam. 4. Videntes autem fratres eius quod a patre plus cunctis filiis amaretur, oderant eum, nec poterant ei quidquam pacifice loqui. 5. Accidit quoque ut visum somnium referret fratribus suis: quæ causa maioris odii seminarium fuit. 6. Dixitque ad eos: Audite somnium meum quod vidi: 7. Putabam nos ligare manipulos in agro; & quasi consurgere manipulum meum, & stare, vestrosque manipulos circumstantes adorare manipulum meum. 8. Responderunt fratres eius: Numquid rex noster eris, aut subiiciemur ditioni tuæ? Hæc ergo causa somniorum, atque sermonum, invidiæ, & odii somitem ministravit. 9. Aliud quoque vidit somnium, quod narrans fratribus, ait: Vidi per somnium, quasi solem, & lunam, & stellas undecim adorare me. 10. Quod cum patri suo, & fratribus retulisset, increpavit eum pater suus, & dixit: Quid sibi vult hoc somnium quod vidisti? Num ego, & mater tua, & fratres tui adorabimus te super terram? 11. Invidebant ei igitur fratres sui; pater vero rem tacitus considerabat. 12. Cumque fratres illius in pascendis gregibus patris morarentur in Sichem, 13. dixit ad eum Israel: Fratres tui pascunt oves in Sichimis: veni, mittam te ad eos. Quo respondente, 14. Præsto sum; ait ei: Vade, & vide si cuncta prospera sint erga fratres tuos, & pecora: & renuntia mihi quid agatur. Missus de Valle Hebron, venit in Sichem. 15. invenitque eum vir errantem in agro, & interrogavit quid quæreret. 16. At ille respondit: Fratres meos quæro, indica mihi ubi pascant greges. 17. Dixitque ei vir: Recesserunt de loco isto: audiavi autem eos dicentes: Eamus in Dothain. Perrexerit ergo Ioseph post fratres suos, & invenit eos in Dothain. 18. Qui cum vidissent eum procul, antequam accederet ad eos, cogitaverunt illum occidere: 19. & mutuo loquebantur: Ecce somniator venit: 20. venite, occidamus eum, & mittamus in cisternam veterem: dicemusque: Fera pessima devoravit eum; & tunc apparebit quid illi prosint somnia sua. 21. (a) Audiens autem hoc Ruben, nitebatur liberare eum de manibus eorum, & dicebat: 22.* Non interficiatis animam eius, nec effundatis sanguinem; sed proicite eum * in cisternam hanc, quæ est in solitudine, manusque vestras servate innoxias. Hoc

Hoc

Hoc autem dicebat, volens eripere eum de manibus eorum, & reddere patri suo. 23. Confestim igitur ut pervenit ad fratres suos, nudaverunt eum tunica talari & polymita, 24. miseruntque eum † in cisternam veterem, quæ non habebat aquam. 25. Et sedentes ut comederent panem, viderunt Ismaelitis viatores venire de Galaad, & camelos eorum portantes aromata, & resinam, & statim in Aegyptum. 26. Dixit ergo Iudas fratribus suis: Quid nobis prod-est si occiderimus fratrem nostrum, & celaverimus sanguinem ipsius? 27. Melius est ut venundetur Ismaelitis, & manus nostræ non polluantur: frater enim & caro nostra est. Acquieverunt fratres sermonibus illius. 28.* Et prætereuntibus Madianitis negotiatoribus, (b) extrahentes eum de cisterna, venderunt eum Ismaelitis, * viginti argenteis: qui duxerunt eum in Aegyptum. 29. Reversusque Ruben ad cisternam, non invenit puerum: 30. & scissus vestibus pergens ad fratres suos, ait: Puer non comparet, & ego quo ibo? 31. Tulerunt autem tunicam eius, & in sanguine hedi, quem occiderant, tinxerunt: 32. mittentes qui ferrent ad patrem, & dicerent: Hanc invenimus: vide utrum tunica filii tui sit, an non. 33. Quam cum agnovisset pater, ait: Tunica filii mei est: fera pessima comedit eum, bestia devoravit Ioseph. 34. Scissisque vestibus, indutus est cilicio, lugens filium suum multo tempore. 35. Congregatis autem cunctis liberis eius ut lenirent dolorem patris, noluit consolationem accipere; sed ait: Descendam ad filium meum lugens in infernum. Et illo perseverante in fletu, 36. Madianitæ venderunt Ioseph in Aegypto Putiphari eunucho Pharaonis, magistro militum.

(a) Inf. ult. 12. (b) Sup. 2. 23.

B R U G E N S I S

ROMANÆ CORRECTIONES.

V. 22. *Non interficiatis animam eius, nec effundatis sanguinem.* Utrumque verbum secunda persona legitur, *interficiatis, effundatis*, neutrum prima, *interficiamus, effundamus.*

ibid. *In cisternam hanc.* Pronomen *hanc* non est commutandum cum nomine *veterem*.

V. 28. *Et prætereuntibus Madianitis.* Ne hic nomen *Madianitis* cum altero *Ismaelitis*.

ibid. *Viginti argenteis.* Denique nec hic numerus minor *viginti* mutandus est cum maiore *triginta*.

LECTIONUM VARIETAS.

V. 24. *In cisternam veterem, qua non habebat aquam.* Non absque causa omittitur ab aliis manuscriptis nomen adiectivum *veterem*.

C O M M E N T A R I A

S A.

Verf. 2. **S**EDECIM. Hebr. Chald. & LXX. *septemdecim*. Dicitur autem Isaac tunc fuisse 167. annorum. Iacob autem 107. **A**CCUSAVITQUE FRATRES SUOS APUD PATREM CRIMINE PESSIMO. Hebr. *detulit ad patrem infamiam eorum malam*.

V. 3. **P**OLYMITAM, idest ex variis

licis, seu filis, adeoque diverforum colorum.

V. 10. **N**UM EGO, ET MATER TVA, ET FRATRES TUI ADORABINUS TE: id in Christo impletum: Aug. in Genes. quæst. cxxiii.

V. 20. **C**ISTERNAM VETEREM. Hebr. Chald. & LXX. *unam cisternam*. **Q**UID ILLI PROSINT. Hebr. *Quid erunt, vel fuerint*.

V. 23.

V. 23. TALARI. Hebr. sua.

V. 24. VETEREM. Hebr. vacuam.

V. 25. STACTEN, idest myrrhæ liquorem.

V. 27. MELIUS EST UT VENUMDETUR. Heb. Venite, & vendamus eum. POLLUANTUR. Hebr. sint in eum.

V. 28. VIGINTI ARGENTEIS, scilicet siclis. LXX. viginti aureis.

V. 34. CILICIO. Hebr. sacco.

V. 35. INFERNUM, idest inferos, ubi olim Patres, secundum Hieron. epist. xxv. nunc Limbus dicitur. Quidam tamen sepulcrum intelligunt; sed repugnat quod dicit, ad filium meum.

V. 36. EUNUCHO, idest principi, seu cubiculario. Vide cap. xxxix. MILITUM. Hebr. coquorum: scilicet sic vocat Scriptura milites, quod more coquorum homines macient. Alii carnifices putant significari,

EST II.

Vers. 2. ACCUSAVITQUE FRATRES SUOS CRIMINE PESSIMO. Quod fuerit illud crimen, prelati ignorare, quam curiose scrutari, cum Spiritus sanctus illud exprimere noluerit. Nec debemus esse nimium male suspicaces de peccatis aliorum occultis. Sed cur Ioseph non prius corripuit fratres, quam eos apud patrem accusaret? Anquia videbat id sine fructu futurum? Nempe quod iunior esset, & solus; fratres autem multi, & natu maiores. Hebræa sic habent: Et retulit Ioseph infamiam eorum malum ad patrem eorum. Septuaginta habent velut contrarium sensum: Et attulerunt contra Ioseph vituperium malum ad Israel patrem suum: & hoc magis convenit in eam rem, cuius typum Ioseph gerebat. Nam Iudei Christum acculabant blasphemiae, ipse autem Christus negat se accusatum Iudeos apud Patrem. Nihilominus cum versio Latina ex Septuaginta habeat conformiter Hebræo: Attulit autem Ioseph vituperium malum ad Israel: propter dictum typum lectio nostra & Hebræa non sunt mutandæ,

V. 3. ISRAEL AUTEM DILIGEBAT IOSEPH. Sed quare non potius diligebat Benjamin, utpote minimum natu? Ad hoc responderi potest, Ioseph tantum compa-

rari cum filiis grandioribus, quorum mentio præcessit; Benjamin vero adhuc admodum puer erat. Alii attendentes, quod in Hebræo ad verbum legitur, Eo quod filius senectutis esset ipse, hoc modo exponunt: Israel præ ceteris diligebat Ioseph, eo quod filius sapiens esset, quodque in eo senilis quædam gravitas morum, & sapientia reluceret. Quam expositionem habet etiam interpres Chaldaeus.

V. 3. FECITQUE EI TUNICAM POLYMITAM. Videat qui velit de hac tunica prolixè Liranum, Burgensem, & Replicatorem. Polymiton Græc. id est multis filis contextum, quasi multorum filorum.

V. 5. ACCIDIT QUOQUE UT VISUM SOMNIUM REFERRET. Somnia hæc sua Ioseph non legitur interpretatus, sicut postea interpretatus est somnium Pharaonis. Nempe non videtur ei Deus suorum somniorum adhuc intelligentiam eo tempore revelasse, ne forte efficeretur in superbiam; tum etiam quia satis proclive erat patri, & fratribus ex ingenii sagacitate coniectare quid ea somnia sibi vellent. Unde & notanter de patre legitur quod rem tacitus considerabat.

V. 7. & 9. CIRCUMSTANTES ADORARE MANIPULUM MEUM: ac deinde: ALIUD QUOQUE VIDIT SOMNIUM... QUASI SOLEM, ET LUNAM, ET STELLAS UNDECIM ADORARE ME. Priori in somnio nihil significatur de patre & matre, sed tantum in posteriori. Quæ diversitas duorum somniorum ipso etiam eventu comprobata est: nam primum quidem soli fratres ob efecas emendas missi in Aegyptum, Ioseph ut principem terræ adoraverunt, ut habetur infra cap. xlii. & xliii. Postmodum vero cum patre, totaque familia iidem fratres in Aegyptum commigrantes, simul quoque universi eum adoraverunt. Nec movere debet, quod mater eius Rachel, iam dudum antea matrem obierat: nam sane Bala, quam Rachel sibi substituerat, eratque patris eius uxor, ac proinde noverca, adhuc tunc cum ingrederentur Aegyptum vivere potuit. Quod si dicas, non legi, nec etiam patrem ipsum adorasse Ioseph; immo contrarium videatur, nempe quod Ioseph ipsi patri honorifice occurrerit cap. xlii. respondeo somnium hoc saltem impletum, quia

quia Jacob antequam sciret Ioseph esse principem Aegypti, cap. XLIII. per filios mittit ad eum munera, quæ non solent offerri sine adoratione, & quidem totius familiæ suæ nomine; itaque etiam nomine uxoris, vel uxorum, quæcumque tunc superfuissent. Hinc & toties filii Jacob ad Ioseph cap. XLIV. Cum ergo ascendissemus ad famulum tuum patrem nostrum: & rursum, Si intravero ad servum tuum patrem nostrum.

V. 16. FRATRES MEOS QUÆRO. Figuram Christi nota in his verbis. Nempe Christi fratres erant Iudæi, de quibus dicit Matth. xv. 24. Non sum missus nisi ad oves quæ perierunt domus Israel.

V. 18. ET PRÆTEREUNTIUS MADIANTIS.... VENDIDERUNT EUM ISMAELITIS. Pro eo quod priori loco est Madiantis, quædam exemplaria etiam habent Ismaelitis, sed male: nam Madiantis legunt constanter omnia mss. suffragantur etiam Hebræa, Chaldæa, & Græca, quomodo etiam infra legitur, omnibus exemplaribus consentientibus: Madiantis vendiderunt Ioseph in Aegypto. Sed quomodo ergo illem modo Ismaelitæ vocantur, modo Madiantis; cum consuetudine Ismaelem, & Mactian diversos fuisse filios Abraham; & Madiantarum gentem diversam fuisse ab Ismaeliis seu Agarenis? Ad hoc respondet Augustinus in Quæst. Agar & Ceturam forte fuisse eandem feminam; sic & nationes has fuisse permixtas. Forte etiam hanc solutionem firmiter, quæ sunt Indicum VII. & cap. VIII. de Madian, & Amalec.

V. 20. VENDIDERUNT EUM VIGINTI ARGENTEIS. Septuaginta habent aureis, 3 porcos. Forte iis viginti argenteis, valentibus parvos aureos. Sane argenteis legendum esse, non aureis, testatur quoque S. Hieron. in xxvi. Matthæi.

V. 22. DESCENDAM AD FILIUM MEUM LUGENS IN INFERNUM. Vel infernus lymbum patrum significat, vel generaliter per infernum significatur status mortuorum. Porro verba sunt significantia magnitudinem doloris; quasi dicat: Morior præ dolore: Tristis est anima mea usque ad mortem. Nequaquam vero potest de sepulcro accipi: nullo enim modo sperabat Jacob commune sepulcrum cum Ioseph, utpote quem exstimabat a fera de-

voratum. An vero alibi aliquando nomine inferni sepulcrum significetur, vide Iob XVII.

MARIANAE.

Vers. 2. ETHÆ SUNT GENERATIONES EIUS, scilicet Jacob. Quo loco melius cohereret quæ cap. XXXV. sunt posita a vers. 23. usque ad 26. & post illos sequitur quod de Ioseph hic narratur. Quidam per generationes intelligunt quæ evenerunt ipsi Jacob. IOSEPH CUM SEDECIM ESSET ANNORUM. Hebr. & Græce, decem & septem: sic etiam Chald. Jacob erat annorum 107. Nimirum expleverat annum 16. coeperat 17.

V. 3. FECITQUE EI TUNICAM POLYMITAM. Hebr. כִּתְּבָהּ פַּסְמִי. Quidam tunicam talarem, alii manicatam vertunt. Hieron. polymitam, idest varii coloris; quod dixit etiam Chald. Vis quidem vocis פַּסְמִי nota non est. Frustra quidam significare putant, quasi vestis ex multis ac variis partibus, & quasi centonibus; alii fila tenuia & varia, ex quibus tunica esset contexta. Hebræus כתבת chetboneth, tunicam intimam interpretatur teneum & mollem, quam camisiā dicimus, & ab ea videatur xurā deduci Græcis, Latinis tunica litteris transpositis.

V. 18. COGITAVERTUNT ILLUM OCCIDERE. Vox Hebræica hisbnachelus aliquid amplius quam cogitationem significat, nempe quæ in opus prodit. Sept. proprius vius vocis expressere eum dicere, malignati sunt. Ego dicere, mente machinati sunt eum occidere; sed perinde est.

V. 20. IN CISTERNAM VETEREM. Hebr. in unam cisternarum: sic Sept. & Chaldæus.

V. 21. NITEBATUR EUM LIBERARE. Hebr. Liberavit eum. Sept. Abstulit eum de manibus eorum: prohibuit eadem.

V. 22. IN CISTERNAM HANC. Hebr. in puteum hunc: הַבְּוֹר הַזֶּה. Sunt duæ voces Hebræicæ in putei significatione בְּוֹר & בֹּר hoc discrepantes, quod bear, puteum manantis in eo aque: bor, exterius infusus, significat, certe cisternam, ut posuit Hieron. Dehol. Hebræus ait, bear significare puteum effusum tantum; bor, adificio, & parietibus.

Kkk

P. 23.

V. 23. NUDAVERUNT EUM. Hebr. *Fecerunt nudare*; nempe, ut ipsemet eam tunicam exueret. TALARI. Hebr. *sua*.

V. 24. VETEREM. Hebr. & Gotth. *non est vox veterem*.

V. 28. VENDIDERUNT.... VIGINTI ARGENTEIS. Sept. *viginti aurtis*. Porro argenteis singulis sicli pondus erat: sic puto.

V. 35. CONGREGATIS AUTEM CUNCTIS LIBERIS EIUS. Hebr. *Surrexerunt omnes filie eius, & omnes filie eius*, ut scilicet Jacob consolarentur. Filias vocat Dinam, & nurus. DESCENDAM AD FILIUM MEUM LUGENS, IN INFERNUM. Sept. & Chald. *לשואל* *Isseol*. Pagn. & Leo Iudæ pro inferno, *sepulcrum* posuere: neque hoc loco multum referebat. Id significare vult: Moriar, nam mortuo filio vivere non possum. Istud cavendum, ne voce *לשואל* *Isseol* dicamus semper significari *sepulcrum*; unde gradus fiat ad negandum Christi ad inferos descensum. Psalmo sane xv. vers. 10. *Non derelinques animam meam in inferno*, Lucas certe Añ. 11. vers. 27. & Sept. in eo Psalmo pro voce *Isseol* dixere, quæ vox manifeste *infernum* significat. Inter Iudæos, Kimhi in Psal. ix. vers. 18. in ea verba, *Convertantur peccatores in infernum*, vocem *לשואל* *Isseol* ait tum *gebennam*, tum *secundam mortem* significare. *ן* litteræ indicio, quæ in fine vocis *Isseol* additur; quod etiam hoc loco Gen. fit.

V. 36. PUTIPHARI EUNUCHO. Mitto Iudæorum fabulam quam in Trad. Hieronym. refert: sed certe vir ille eunuchus non fuit, qui uxorem habuit, & filiam, quæ Iosepho nupsit. Sed mos eorum regum, qui in obsequiis domesticis eunuchis utebantur fere, id præstitit ut regum intimi, & vero ministri omnes vocarentur eunuchi. Porro vox Hebraica *מזכר* *seris principem* significare potest, quod Chald. hic reddidit; & vox *eunuchi* a benevolentia derivata, facit, ut in alios præter ipsamdem possit convenire principi gratos. Quod autem additur MAGISTRO MILITUM, Septuag. dixere *ἀρχηγιστῆς*, hoc est, *equorum principi*, alii, *principi lancearum*; idem vox Hebr. *מבצח* *tababim* significat, sive *mañantium*. Verum eodem referuntur omnia: nam & Nabuzardan dux

militum, valet idem quod princeps eorum. Porro lanceas, coqui, & mañantes iidem erant: coqui ipsi pecudes occidebant, quas coquere vocabant. Tunt eæ voces transferuntur ad milites, quoniam ut illi pecudes, ita ipsi homines mañant. Sed & vox *μαζωπῆρος* Græcis *occidere* significat: Hieronymus in. Tradit.

M A L V E N D A E.

Vers. 2. HÆ SUNT GENERATIONES EIUS, id est eventa, casus incidentia, res gestæ, historiæ Jacob: nam hic non numerat eas progeniem aut genealogiam, quia id iam fecerat cap. xxxv. vers. 23. Vide Gen. 11. vers. 4. & Genes. vi. vers. 9. quasi dicat, ista contigerunt ipsi Jacob. ADHUC PUER; ET ERAT CUM FILIIS BALÆ, ET ZELPHAE. Hebr. *Et ipse excussus puer adhuc cum filiis Bilhab, & cum filiis Zelphæ*. Quidam intelligunt quod versabatur, nutriebatur, educabatur cum &c. quod illi, utpote filii secundariorum uxorum, non adeo typho ac fastu tumebant ut alii, qui non patiebantur sibi æquari, neque præferri Iosephum. Illi ergo æquiores & benigniores erant Iosepho. Alii hic puerum, seu excussum non tam ætate, quam ministerio capiunt, cuius ratione Ioseph ætate maturus, puer, id est minister, Moysi dicitur, Exodi xxxiii. 11. & Giezi præter Elizei, II. Regum iv. 12. quasi dicat: Patri, fratribusque ministrabat. & utriusque pro mediastino erat. Nonnulli in peiorem partem intelligunt, quod erat minister cum filiis Balæ, &c. id est eo utebantur tamquam famulo, & villioribus filiis inserviebat, excussus atque extrusus ad illorum ministerium, quasi contumelie causa. ACUSAVITQUE FRATRES SUOS APUD PATREM CRIMINE PESSIMO. Hebr. *Et venire fecit Ioseph דבבא דבבא* *dibbathum infamiam eorum malam ad patrem eorum*. דבבא *dibbā* novies in Scriptura occurrit. Noster Numeror. xiii. 33. cap. xiv. 36. per detrabere convertit, Prov. xxv. 10. per exprobare, Psal. xxx. 14. *vituperationem* dixit, Proverb. x. 18. Ieremiz xxx. 10. *contumeliam*, Ezechiel. xxxvi. 3. *opprobrium*, hic *crimen pessimum*. Aiant significare recitationem, relationem, seu murmur aliquis facti turpis, & mali odoris, sive

ve-

verum sit, siue falsum; semperque accipi in malam partem, & congruere significatiōe cum nomine דָּבִי *daphi*, infamia, diffamatiōe; reddendumque volunt vocabulo infamiae, diffamiae, seu diffamatiōis, aut infamatiōis, detrahiōis. Alii *funum* exponunt. Plerique putant generaliter significare sermonem malum, & turpem, oblocutionem, rumorem, convicium, contumeliam, detrahiōem, infamiam, diffamatiōem. Conferunt cum דָּב *dab*, *stercus*; quasi sit oblocutio, murmur, mustatio *stercora*, *putris*, *putens*, *prave olens*, ac si dicas *graveolentiam*. Notant, quod quando nomen דָּבִי *dibbi* constituitur cum verbo יָצַח *iatzah* in Hiphil, id est *proferre*, significare infamiam falsam, hoc est falso alicui illatam, ut Numeror. xlii. 33. & Proverb. x. 18. ubi vero subiungitur verbo בָּיַח *bo* in Hiphil, id est *venire fecit*, de infamia vera, hoc est, cuius nomine vere aliquis deseritur, esse intelligendum; ut hic. Alias ubi reperitur sine alteruto verbo, ex loci circumstantia & sensu deprehendendum esse de utra infamia vera, an falsa sit sermo. Ergo hic convertunt: Et *detulit Ioseph famam eorum malam ad patrem ipsorum*, id est factum mali odoris. Melius reddideris: *Oblocutionem, murmuratiōem, rumorem, detrahiōem eorum malam*. Passive possit intelligi; id est, *detulit* aliquid eorum turpe factum probrosum, contumeliosum, infame; & active, id est oblocutionem, detrahiōem, murmuratiōem, qua ipsi patri & fratri obloquebantur, & detrahebant; nimirum quod inique faceret Iacob, qui natu posteriori maioribus amore & dignatione praeferret. Quidam non tam recte exponunt, quod contestatus ac conqueustus fuerit apud patrem de contumeliis, quibus ipsum afficiebant. Alii: *Deferbat eorum male ad eam vitam ad patrem*.

V. 3. EO QUOD IN SENECTUTE GENUISSET EUM. Heb. *Quia filius senectutis ipse ei*. Noster intellexit quod in senectute genuisset eum. Sic de Benjamin cap. xlii. vers. 20. Alii quod eo in senectute sua impensius oblectabatur. Nonnulli quod maturitate iudicii, ingenio, sapientia, prudentia senilem praeferret etatem. TUNICAM POLYMITAM, id est *multifilam, multifilicam, variam, variegatam, diversicolorum filorum* & *liciorum varietate contextam*. Hebr. *Tunicam* טָּוֶשֶׁת *passum*.

Quidam vocem טָּוֶשֶׁת *pas* ex Chaldaico significato derivant, id est *manus, vola, particula*; exponuntque, *Tunicam particularum, frustulorum, tunicam manuum*, id est quae ex particulis, frustulis variorum colorum, quae manus magnitudinem non excederent, confuta erat. Alii, *Tunicam filorum, liciorum*, quae ex diversicoloribus filis & liciis contexta erat. Hispanice dicimus *zarzaan*. Cuiusmodi vestes orientalibus etiam nunc sunt in usu. Nonnulli, consentiente voce Latina, *Tunicam passam sparsam*, id est variam multiplicium colorum, & filorum diversitate figuratam, pictam, confectam. *Togam palmatam, & pislam* aliqui putant. Chaldaei reddiderunt hic פָּרְכֹת *paracoth*. *Paragaudem* quidam intelligunt, genus vestis, cuius meminere Trebellius Pollio in Claudio, Flavius Vopiscus in Aureliano: quam vocem ibi elucidant Casaubonus, pag. 225. & Salmasius, qui ex Helychyō eruit Parthicam fuisse vestem. Rabbinī voce *paracoth* utuntur pro *velis, cortinis, auleis*. Ego secutus Nostrum Psalm. xi. vers. 2. facillere reddiderim, *Tunicam minutorum, seu deminutorum*, id est minutorum frustorum, seu minutarum particularum & contonum. Mire variegatam, & diversitate confutam, vel confectam. Quinquies haec vox in divinis libris occurrit, ter in hoc cap. vers. 2. 23. 32. & I. Samuel. xlii. 18. 19. ubi *talarem* Noster exposuit.

V. 10. NUM EGO, ET MATER TUA, ET FRATRES TUI ADORABIMUS TE? Magnas hic cient expositores questionēs, quomodo possit istud intelligi de matre, quae vel iam tum mortua fuit, vel certe Iosephum non adoravit. Quidam verba resutantis esse volunt; ac si dicat: Quomodo mater tua, quae iam obijt, te est adoratura? Vel, Ergo resurrectura erit mater tua, quae te adoret? Alii de matre, id est noverca, ut Lea, intelligunt, aut alia ex concubinis. Sed Lea videtur iam defuncta ante ingressum Iacob in Aegyptum, e Genes. xli. vers. 31.

V. 17. IN DOTHAIN. Eusebius, & S. Hieronymus in Locis Hebraicis: *Dothain, ubi invenit Ioseph fratres suos pecora pascentes; qui usque hodie in duodecimo a Sebaste (Samarit) milliario contra aquilonis plagam ostenditur*. Brocardus: *De Nafon villa in Tobia tres sunt leuca ad Dotaim*

castrum sub monte Bethulia, ubi Ioseph erravit cum quereret fratres suos. Castrum seu oppidum Bethaim situm sub monte Bethulia, est admodum amicum: nam habet circumtacentes vineas, oliveta, & ficeta; abundatque pascuis pinguibus: ubi usque in hodiernum diem offenditur cisterna, si incolis fides sit adhibenda, in quam Ioseph missus fuit. Per hunc locum transit iter a Syria in Aegyptum. Vide II. Regum xvi. vers. 13.

V. 18. COGITAVERTUNT. Verbum ככל niccel in Hithpael tantum hic occurrit, & Psalm. civ. 25. ubi Nolter dolum facerent verit. Sed varie locum interpretantur. I. Et consummaverunt eum ad occidendum eum; id est, consummato consilio cogitaverunt eum occidere; seu conclusurunt ut occiderent ipsum. II. Et machinati sunt contra eum, ut interimerent eum. III. Et acclinauerunt se ad occidendum eum; id est, machinati sunt ei necem. Ut verbum niccel connotet cum Latino inclino, acclino. IV. Et dolosos se reddiderunt in eum ad occidendum. V. Et fraudulenter agebant cum eo, ut occiderent ipsum. VI. Et insidiati sunt, insidias struxerunt in eum, ut interficerent eum. Aiunt significare consummavit, perfecit animo, seu apud se, scilicet malum, machinatus est malum, concepit in animo malum, excogitavit malum, insidiatus est dolose, insidias struxit, molitus est dolor, callidus, versutus fuit; & semper, ac ubique in malum, ad insidias, fraudes, dolos, machinationes, technas sumitur. Conferant cum verbo ככל ebalah, consummavit, perfecit, conclusit.

V. 25. VIDERUNT ISMAELITAS VIATORES. Pro voce viatores, Hebraice est מרחב orehab, nomen substantivum, quod his tantum legitur in Bibliis, hic & Isaia xxi. 13. ubi Nolter semitas verit. Aiunt esse viatorum, comitum, cohortem, catum comitantium, turbam, seu turmam viatorum, itinerantium. Italice comitiva. Consistente voce, proprie est quam in oriente vocant caravanam. Alii casilam. Vox, & res notissima orientalibus, praesertim Arabibus, quibus tantum in Scriptura tribuitur, nempe longum agmen camelorum, iumentorum, & hominum itinerantium, & merces suas, seu res ad certa loca portantium, per vastas etiam orientis solitudines. Caravanarum frequentissima mentio, & usus in itinerariis orien-

talibus. Vide Ludovicum Vartomannum Lib. I. suarum Peregrinationum, cap. xv. & xx. Scaliger Exercitatione 209. §. 2. Caravana Syrum nomen est, a Gallic tropa, ab Italic drappello, a Troglodytis negada dicitur: comitatum significat. ISMAELITAS. Eusebius in Chronicis, numer. 88. Abraham ex Ancilla Hagar genuit Ismaelem, a quo Ismaelitarum gens, quae postea Agareni, deinde Saraceni dicti. S. Epiphanius Lib. I. colum. 8. Et qui ex ancilla natus est nomine Ismael. Occupat autem hic & extruit appellatum Phares (Pharan potius) in deserto. Nasuntur autem huic filii, numero duodecim, ex quibus sunt tribus Agarenorum, sive Ismaelitarum, qui nunc Saraceni vocantur. Et Haereti xxx. colum. 133. Sed & Saraceni, qui & Ismaelitic. Iisraelitas per tribus & chiliarchias distributos, Genes. xxv. vers. 16. dicitur: & notum est ex Procopio, Evagrius, aliisque eius aevi scriptoribus, qui Arabum scenitarum dynastis, chiliarchos nominant, ut etiam Ammianus Marcellinus Lib. XXIV. cap. v. & Sextus Rufus in Breviario, cap. xiv. & S. Hieronymus in xxv. Genes. (Qui in Genes. xvi. ad vers. 12. de Ismaelis semine: Semen eius habitaturum in eremo, id est Saraceni). Et in Isaia xvi. Cedar autem regio Saracenorum est, qui in Scriptura vocantur Ismaelitic. Et in Ezechiel. xxv. Ismaelitas & Agarenos, qui nunc Saraceni appellantur, assumentes sibi falso nomen Sarac, quo scilicet de ingenua & domina videantur esse generati. Chaldaeus Interpres hic pro Ismaelitis Saracenos substituit. Stephanus Saracenos a Saraca Arabia regione Nabathaeis finitima, dictos putat. Saracenos esse Arabes nomadas, & scenitas non est dubium. Ammianus Lib. XXII. cap. xxxiv. Et scenitas praetenditur Arabes, quos Saracenos nunc appellamus. Iosephus Scaliger, & Valentinus Schindlerus annotant. Saracenos nuncupatos a verbo Arabico sarak cum Samech, id est furari; quasi dicas, furaces, Isitricos, Itakones, quales qui Turcis dicuntur Cosaki Tartari, quales Marrolossi, quales Bandoheri in Pyrenaeis, furto, & rapto vivere solitos, quales etiam Bucoli in Aethiopiae Heliodori. Ridiculus Scaliger qui ait: Non habemus vetustiore Prolemaeo, qui eorum meminerit; cum dissece eos nominet Plinius Lib. VI. cap. xxviii. Explodendi,

di, qui a Sara uxore Abrahamæ Saraceni appellantur. Quæso, ob quam causam? cum aliqui aut illi Saræ, dicendi essent, aut Sara Saraca. Eorum mores & ingenium late describit Ammianus Lib. XIV. cap. x. & S. Hieronymus in vita Malchi. De quibus vide etiam Sozomenum Lib. VI. Historiæ Ecclesiasticæ, cap. xxxviii. qui inter alia, hæc scribit: *Hæc quidem gens ab Ismaele filio Abrahami duxit originem, nomenque accepit; & propterea veteres a primogenitore eos Ismaelitas appellabam. Verum quo spurii generis maculam, & ignobilitatem Agar matris Ismaelis (serva enim fuit) penitus obliterarent, se Saracenos, veluti a Sara coniuge Abrahami prognatos nominarunt.* VENIRE DE GALAAD. Quia ibi erat emporium mercatorum, Ieremiæ viii. 22. & cap. xxi. 6. & e Galaad in Aegyptum contibus illac iter erat. AROMATA. מִשְׁכָּח נְכוֹתִיב quater tantum in Scriptura occurrit, & Noster semper aromata convertit, nisi infra cap. xliii. vers. 11. ubi storacem reddidisse videtur. Aiunt esse vocem peregrinam; quam tamen omnes Interpretes aromata exponunt. Quidam tamen a confusione & percussione dicta existimant, quod contundantur in usum; nec dubitant, quin sit quod Græci & Latini *massichen* vocant, quæ est resina lentifolia, sic dictam quod dentibus teratur, & frietur. Quidam Hebræorum res desiderabiles interpretantur: alii ceram, ceromata: unde hic pro aromata, ceromata substituant: nonnulli omnia collectanea aromatum: alii gazam, seu res pretiosas: aliqui opobalsamum. Nec desunt qui theriacam. Pauci myrraria, id est unguentaria, vel myrrharia, quæ Arabibus dicuntur *nuketa*, teste Aegineta. Aërio, Psello, Actuário, voce proxime ad Hebraicam *nechoth* accedente. RESINAM. רֶזֶם יִזְרִי Noster resinam solet vertere. Aiunt esse humorem ex arboribus desinentem, in imo residentem, opimum & probatissimum, in medicinis præsertim, & vulneribus: Ieremiæ i. 8. Alii balsamum, aut opobalsamum; sed balsamum in Ghilade non nascitur, nisi allude in id emporium apportatum. Nonnulli theriacam. Vide in Ierem. viii. vers. 22. & xli. 11. ET STACTEN. שֵׁבֶלֶת lot, notant esse liquorem aromaticum, & pretiosum, quem *stacten* vocant, & ex myrrha arbore sponte sulat, priusquam

incidatur. De quo Plinius Lib. XII. cap. xv. *Guttam*, seu *lacrymam myrrhe* reddunt. *Massichen* alii putant, de qua Plinius Lib. XII. cap. xvii. Quidam, consentiente voce volunt esse *lotum*, nomen arboris proferentis baccam pipere maiorem, dulcem, gravi odore, stomacho facilem, cuius cibibus tam est dulcis, ut adveniens incutiatur patriæ oblivionem. Unde cum Ulyssis socii delati fuissent in Africam, & lotum gustassent, vix inde abducti sunt, uti narrat Homerus Lib. IX. *Odyssææ*. De qua Theophrastus Lib. IV. cap. iv. Plinius Lib. XVII. & Lib. XXIV. cap. 11. Nonnulli lot volunt esse *castaneas*, seu *glandes*, quæ Arabicè dicuntur *beloth*, Hispanice *bellotas*, a שֵׁבֶלֶת lot, involvere, quod corticibus & putaminibus involutæ sint. Alii existimant esse *sedum*, vel *ladanum*: nam quod Hebræi dicunt lot, Chaldæi *leton*, Arabes *loten*, vel *laden* appellant. De ladano Plinius Lib. XII. cap. xvii. Hebræi radicem cuiusdam herbæ pretiosæ arbitrantur. Bis tantum in Scriptura ponitur, & *stacten* Noster utrobique dixit. Vide infra cap. xliii. 11.

V. 26. QUID NOBIS PRODEST?

וְכֵן בְּרַחֲבֵי־וֹךְ quater & vigies occurrit in Bibliis, & Noster plerumque *avaritiam* exponit, Psalm. xxix. 10. *utilitatem*, Michææ iv. 13. *rapinam*, Ierem. 21. 13. *præcisionem*. Aiunt significare *concisionem*, *corrosionem*, *quæstum*, *lucrum*, *cupiditatem*, *utilitatem*. Unde exponunt: *Quis est quæstus*, vel *quod lucrum*, quæ *cupiditas*, quæ *avaritia*, si occiderimus fratrem nostrum? Possis reddere: *Quæ concisio*, *vulneratio*, *sauciatio*? hoc est, quam grave & atrox parricidium committimus; vel quantum damni nobis, patri, donui, ac familiæ inferimus? Aliter, *Quæ præcisio*? Quod genus istud præcendi spem somniorum eius, tam crudele & immane? Hispanice diceremus, *Que atajo? Quid compendium?*

V. 28. ET PRÆTEREUNTI BUS MADIANITIS. Vers. 25. dicuntur *Ismaelites*. Ismael & Madian fratres, filii Abraham, confines, & proximi; & ea caravana ex utroque constabat. Vers. 26. *Medanæ* dicuntur. Quidam notant hos vere Madiannitas fuisse, sed propter confusam cum Ismaelitis habitationem, etiam Ismaelitas vocari, supra vers. 25. & ludicum viii. vers. 24. quamvis Abrahami posterum ex Ketura,

non

non ex Hagare essent, supra cap. xxv. vers. 2. Madianitæ ergo hi fuerunt genere, Ismaelitæ habitatione: quomodo dicti sunt Cerethæi, I. Samuel. xxx. 14. & Urias Chitthæus, II. Samuel. xi. vers. 13. & Ithai Gittæus, II. Samuel. xv. vers. 19. & alia quamplurima. VIGINTI ARGENTEIS. Decem minus quam Christus. Communiter *scelis* intelligunt; Iosephus, *minis*; quod mihi non displicet: quantulum enim erat ut puer septemdecim annorum præstanti corpore, & forma, octoginta tantum regalibus Castellanis vxniret? Erunt igitur minimum duo millia regalium Castellanorum. Nam nec defunt viri eruditi qui exilliment, hæc analogia Christum vxnisse tribus millibus regalibus Castellanis. Vide infra cap. xiv. vers. 22.

V. 34. SCISSISQUE VESTIBUS. Morem hunc discernendi velis in luctu ac mærore nedum Hebræis, sed etiam aliis gentibus usitatum, pluribus ostendit Petrus Faber Lib. II. semestrium. cap. x. Vide in Iosue vii. vers. 6. *INDUTUS EST CILICIO*. *pw sak*, *saccus*, generale nomen omnium fere linguarum, idem in omnibus linguis significans: quod unam linguam Hebræam primigeniam, & matrem omnium arguit, a qua omnes aliz id vocabulum desumpserunt. Aiunt sonare hanc vocem vestimentum durius & asperius, crassiusque, quo luctus & anxietatis tempore homo vestitur, & accingitur, *cilicium*, *cento*. Alii notant significare *texturam ex villis bircorum* & *caprarum*, idoneam frumentis, & aliis aridis rebus capiendis, & transvehendis. Deinde usum illius fuisse in luctu & mæsticia, quo, exutis, vel laceratis vestibus splendidioribus, loco interulæ corpus operientes, lumbos confringebant: *Alcon*. Aliquando sub vestibus aliis pretiosioribus poenitentiz & mortificationis causa deferabatur: II Reg. vi. 30.

V. 35. IN INFERNUM. *שְׁחָל שְׁחָל*. Quidam aiunt significare *fossam*, *foveam*; aliqui *sepulcrum*, nonnulli *ipsam mortem*; alii *statum mortuorum*; plurimi, *infernum*, id est locum damnatorum, ut comprehendant etiam limbum patrum, seu sinum Abrahamæ. Qui accuratus, & maiori studio Hebraica intropexerunt, & loca ipsa Scripturæ inter se contulerunt, observant, *sheol* plerumque in Scriptura pro loco mortuorum sub terra esse positum & usurpa-

tum; & Hebræis sic dictum a *שָׁחַל* *sebaal*, *petiit*, *posulavit*, eo quod gravia quæque deorum petant ac tendant; vel quod *infernum* nunquam satiari possit, & nova semper postulet: quam etymologiam expresse reddidit habes Proverb. xxx. 15. *Tria sunt, quæ non saturantur; & quartum nunquam dicit, Sufficit: infernus, claustrum matris, &c. Ilaiæ v. 14. Dilatavit infernus animam suam, & aperuit os suum absque termino. Lactantius quoque in carmine quodam nominis rationem exposuisse videtur, cum ait:*

Inferus insatiabiliter cava guttura pandens.

In historia de Lacu Curtio apud Varro- nem Lib. IV. de Lingua Latina, cap. xxxi. legitur, *Deum Manium Postulionem postulare*, vel *Postilionem postulare*. In Glossis Isidori, & aliis: *Postilio* est *postulatio*; quasi proprium sit inferorum postulationes postulare. Quid si *Postilio* sit proprium nomen Dei Manium, vel Sumani, a postulando. De quo vide Lilius Gyraldus syntagma- te 6. de Diis Gentium. Ergo recte observant, vocem *sheol* nulla alia commodiore reddi posse quam inferni: quod etiam Moses Deuteronom. xxxi. 1. 22. vocat *infernum inferiorem*. Ut etiam Psal. lxxxv. 12. nempe maioris explicationis, vel auxilii causa: & alio nomine dicitur *terra inferior*, vel *inferna*, Ezechiel. xxxi. 16. aut *inferiora terra* Psal. lxi. 10. Quod Paulus Ephes. iv. 9. dixit *inferiores partes terra*. Noster passim *infernum*. Osce tamen xii. vers. 14. *mortem* reddidit. Ergo generaliter aiunt esse loca subterranea tendendo centrum versus, quo mortui descendunt, & cubant: unde cum verbo descendendi sæpius construitur. Quidam notant, quando de impiis dicitur significare *מְבִרָן* *abaddon* id est *perditionem*, locum poenarum & damnatorum; quando de piis, vel sepulcrum, vel statum mortuorum, vel limbum. Addunt insuper, quod id nomen *sheol* additum verbis, interdum adverbialcat, præsertim quando assumit He in fine, ut *שְׁחָלָה שְׁחָלָה* *sheolab*; quæ littera significat motum ad locum, ut hoc loco. Unde descendere in *infernum* exponunt pro descendere inferius, seu deorsum. Hic quidam sepulcrum intelligunt: Descendunt ad (propter) *silum meum lugens ad sepulcrum*. Alii de morte, seu statu mortuorum accipiunt: Lugebo si-

lim

filium meum usque ad mortem ipsam, moriar in ipso luctu, præ luctu moriar; ac si dicat: Tantus est hic dolor ac luctus ut me ad mortem ipsam profecturus sit, & adducturus, & cito in sepulcrum detrusurus. Melius tamen hic infernum capiemus limbumpatrum. Illud ad *filium meum* quidam exponunt, Propter filium meum. Alii: Moriar ut filius meus, communem mortuorum statum cum filio meo degustabo: sequar filium meum ad plures, quo ille abiit, quo negant redire quemquam. Rectius: Descendam ad filium meum in limbum. Nec omiserim cum *sebeolab* addito He, ubique sit Milhel, id est longum; hic tamen esse Milrah, breve, accentu nimirum in ultima *sebeolab*, præter normam & morem: ut depleat Jacob, se quam brevissime & citissime moriturum præmittit.

V. 36. EUNUCHO PHARAONES. *סריס* *faris*, nomen peregrinum, seu Aegyptium esse plerique censent, quo is est appellatus qui regi erat a negotiis aulicis perficiendis, maxime autem curandis cubiculis. Proprie *cubicularius*, *camerarius*, *aulicus*. Et quia in oriente, præsertim Aegypto, Perside, Media, Babylonia, eiusmodi homines gynæceis, & regiarum uxorum, ac mulierum custodiæ præficebantur; atque adeo ut minus de fide continentiæ suspecti essent, castrarentur: unde id nomen sapientis *spadonem*, *exsectum*, *castratum* in Scriptura significat: tamen certum est non omnes spadones fuisse, ut vel ex isto Puthiphare eunuchio Pharaonis liquet, qui uxorem habebat. Nam quod Hebræi somniant, testiculis eum, non nervo excisum; omnino reiiciendum, cum sit mera divinariorum: quamvis hic LXX. *spadonem* vertent. Et quia aulis principum non nisi viri nobiles præfici solebant, hinc tactum ut id nomen *virum nobilem*, *principem*, *satrapam* quoque significet, quod ii aularum principes essent, & apud orientales usitatum esset eos hoc nomine insignire. Chalæus hic *principem Pharaonis* est interpretatus. Noster, secutus LXX. nomen *faris eunuchum* solet reddere, eodem plane significato, quasi custodem cubiculi, cubicularium, camerarium, aulicum. Horum in aulis regum potentia & nimia, & suspecta semper fuit, atque invisita. Israelitici reges eunuchos quoque habuerunt, vel ex aliis na-

tionibus adscitos: alioquin castratio prohibita Deuteronom. xxxii. *MACESTRO MILITUM*. Heb. *Principi mactatorum*, id est *mactantium*, *ingulantium*. *טבבחים* *tabbachim* quidam hic vertunt, *Principi laniorum*, *coquorum*, quod is præfectus esset coquis, aut pecorum mactatoribus, quos Pharaohabuit in aula sua. Alii, *Principi, seu magistro mactatorum*, quod huius curæ esset pecudes lanis præbere ad mactandum; quasi curatorem dicas rei carniaræ. Valentine dicimus *avituallador*. Nonnulli, *Principi coquorum*, quod culinæ regie esset præfectus, *cozinero mayor*; ut Demosthenes ille Valentis imperatoris, quem S. Basilus describit. Sane *טבבח* *tabbach*, *coquum* significat, I. Samuel 1x. 23. 24. Plerique, *Principi ingulantium*, id est sciariorum, & militum, quod ii mactare, & occidere soleant. Nec desunt qui, *Principi carnisicum*, exponant; id est, qui præerat ministris criminalibus, & iis qui de fontibus supplicia fumebant: *præfecto rerum capitalium*. Aliqui, *Præfecto satellitum*. Non enim toti militiæ præerat; sed tantum regio satellites sub imperio habebat, quales apud Romanos erant præfecti prætorianis cohortibus; vel corporis custodibus. Hispanicus interpres, *Capitan de los de la guarda*. Quidam annotant, vocem *tabbachim* communem esse lanis, coquis, milicibus, satellitibus, proprie *mactatores*: quia illi animalia ad cibum, ii vero fontes in supplicium mactabant. Huic illi Pharaonis aulici custodiendi traduntur, cuius erat damnatos plectere, cap. xl. 3. Et rex Babylonis, Ierosolyma capta, & rege abducto, suum mactatorum seu satellitum præfectum eo misit, ut capitale suam sententiam in reliquis populi, ipsamque civitatem exequerentur, II. Reg. xxv. Hi Latine *questores rerum capitalium* dici possunt.

MENOCHII.

Uers. I. IN AQUA PATER SUUS PEREGRINATUS EST: habitavit in Hebron.

V. 2. HÆ SUNT GENERATIONES hæ sunt res gestæ, & eventa Iacob in generationibus, seu filiis eius. CUM SEDECIM ESSET ANNORUM: expleverat decimum sextum, & decimum septimum inchoaverat: nam Hebr. & LXX. decimum septi-

septimum egisse docent. ADHUC PUER, ætate, moribus, & innocentia. CUM FILIIS BALÆ, ET ZELPHÆ. Fortasse Iacob gregum curam diviserat, ita ut partem curarent sex filii Liæ, alteram quatuor filii ancillarum; cum quibus Iosephum iunxit, quia non tam ægre ferebant isti minorem natu sibi præferri. Priores illi tuncbant uxore primaria, & superstitie adhuc, & seniore, & ingenua nati. FRATRES, maxime filios Balæ, & Zelphæ, cum quibus versabatur. CRIMINE PESSIMO, contra naturam, vel sodomitico, ut vult Rupertus, vel bestialitatis cum ovibus, quas pascebant, ut vult S. Thomas, & alii.

V. 3. IN SENECTUTE GENVISSET EUM. Parentes filios in senectute genitos magis diligunt, vel quia post hos alios se suscepturos non sperant; vel quia per hos, utpote diutius viuturos, diutius etiam parentum nomen, & memoria conservatur; vel quia sunt indices bonæ, firmæ, & viridis senectutis parentum. Adde aliam in Iosepho fuisse amoris causam, vitæ scilicet, ac morum innocentiam. TUNICAM POLYMITAM. Hebr. est כסמס possim, quæ vox videtur significare vellem ex segmentis alterius materis vermiculato opere variegatam. LXX. tantum dixerunt ποικίλην variam, variegatam. Noster Interpres vocabulo Græco usus polymitam dixit. Est autem ποικίλην quod varii coloris licet constet, & Italice vestes huiusmodi appellantur di color cangiante.

V. 4. ODERANT EUM. Causæ odii, prima amor hic patris; secunda, delatio criminis; tertia, tunica polymita; quarta, somnia.

V. 7. LIGARE MANIPULOS, segetum. Apte hoc symbolo postendebatur fratrum in Aegypium protectio ad frumentationem tempore famis. Rursus quod manipuli fratrum aderant manipulum Ioseph, significabat fratres aderatuios Ioseph in Aegypto.

V. 9. ALIUD QUOQUE, similiter a Deo immisum somnium. quod eodem tendebat, & geminatione sua præcedentis certitudinem astruebat.

V. 10. INCREPAVIT EUM, nec infensus, nec dissa vilipendens; sed hoc patulo livorem fratrum prudenter leniturus. NUM EGO, ET MATER TUA

ADORABIMUS TE? quasi dicat: Quis credat me, & matrem tuam te adoraturus aliquando?

V. 11. REM TACITUS, suspicans a Deo immissa, eventum expectabat.

V. 13. VENI, MITAM TE ADEOS. Iosephum domi retinebat pater, ut tempus, & absentia invidentiæ morbo mederetur; post aliquod tempus iam ratus odia evanuisse, mittit ad eos.

V. 15. ERRANTEM IN AGRO, ignarum ubi fratres inveniret suos.

V. 19. SOMNIATOR. Hebraice est, Dominus somniorum, id est habens, & possidens somnia, vel peritus fingere somnia; vel dominus, & princeps, sed in somnio.

V. 20. IN CISTERNAM. In Hebræo est בור bor, quæ vox cisternam significat, in qua aquæ non scaturiunt, ut in puteo, sive fonte, sed aliunde colliguntur. Scholias Hebræus ait בור beer significare puteum effusum tantum, בור bor, adiecto ædificio, & parietibus.

V. 21. NITEBATUR LIBERARE EUM; coniectum in cisternam cogitabat clanculum extrahere, & saluum patri restituere, ut amissam incellu gratiam hac in fratrem tam dilectum patri pietate recuperaret.

V. 22. NON INTERFICIATIS ANIMAM EIUS. Metonymia, ne interficiatis eum.

V. 23. TALARI, ET POLYMITA. Duplici veste spoliatus est; interiore, quam vocat talarum, & polymita, quæ exterior. Credibile postea rursus indutum talar, nam polymitam ad patrem miserunt.

V. 24. MISERUNTQUE. Iosephus scribit a Ruben fuisse demissum.

V. 25. DE GALAAD, qua venientibus ex Arabia per Dorthan in Aegypturn erat transcendendum. AROMATA. In Hebræo est נכח necot, quam vocem alii interpretantur ceram, alii opobalsamum, alii aromata, alii res desiderabiles. RESINAM. Resina dicitur humor tenax ex arbore defluens, illique adhaerens. Aliqui vocem צרזר sferi balsamum, vel theriacum interpretantur. STACTEN est myrrhæ lacryma, quæ ab arbore illa stillat, & defluit, אפרסמון casia.

V. 27. QUIEVERUNT FRATRES, octo qui aderant tempore venditionis: nam Ruben aberat, ut patet ex num. 29.

P. 28.

T I R I N I.

V. 28. **MADIANITIS.** Madianitæ simul cum Ismaelitæ in eodem comitatu proficiscebantur: hi simul emerunt Ioseph, & simul venderunt. Propter hanc societatem eos Moses modo Madianitas, modo Ismaelitas vocat. **VIGINTI ARGENTIS,** siclis.

V. 29. **REVERSUSQUE.** Abierat paucis quaesiturus.

V. 30. **SCISSTIS VESTIBUS,** in maioris argumentum, ut solebant Hebræi. **EGO QUO IBO,** ut eum inveniam? Quo ad venditionem ab omni culpa Ruben liber fuit. Fratres narrarunt vivum venditum. Sic placatus consensit in patris deceptionem.

V. 32. **FERA PESSIMA COMEDIT EUM.** Ita credebatur, nec enim tam immane scelus animum paternum subibat; & Palestina leonibus, uris, aliisque carnivoris feris abundat.

V. 34. **INDUTUS EST CILICIO;** Hebr. *sacco.* Primus qui in luctu saccum, seu cilicium induerit, Iacob fuit, quem postea Israelitæ imitati sunt. **MULTO TEMPORE,** annis 22. donec ei nuntiatum Ioseph in Aegypto vivere.

V. 35. **IN INFERNUM.** Infernus sæpe in Scriptura sepulcrum significat, sæpe etiam locum, ad quem migrant animæ, quæ est huius loci significatio: nam Iacob putabat filium a feris laniatum, nec ad illum, cuius ossa sepulcro non condebantur, se descensurum sperare poterat.

V. 36. **EUNUCHO.** Eunuchus non fuit qui uxorem habuit, & ut multi volunt, filiam, quæ postea Iosepho nupsit; sed omnes qui in aula, & obsequio Regum versabantur, eunuchi dicebantur, fortasse quod plerique eunuchi essent. **MAGISTRO MILITUM.** LXX. dixerunt ἀρχηγιστῶν *Principi coquorum;* alii, *Principi lanionum* (id enim vox Hebræa מְבַרְכִּים *tsabachim* significat) sive *maſtantium.* Verum eandem referuntur omnia: nam laniones, & coqui, & maſtantes iidem erant: maſtabant enim coqui eas pecudes quas coquere cogitabant. Inde vox ad milites translata, quia ut illi pecudes, ita isti homines maſtant. Quare & apud Græcos vox *μαγιστῶν* occidere significat.

Verf. 3. **TUNICAM POLYMITAM;** Septuaginta, & Tigurini; *Tunicam variam,* nempe liciis & filis varii coloris eleganter distinctam. Tropologice Rupertus hac veste polymyta vult vitam omni virtutum varietate ornatam designari.

V. 9. **VIDI SOLEM, ET LUNAM; ET STELLAS UNDECIM ADORARE ME.** Philo ait, ipsum vidisse, venientem ad se solem, lunam, & stellas, forte humano corpore, & facie indutas, ut a pictoribus depinguntur. Nam quomodo alias vel phantasia, vel mente concipere potuisset Ioseph adorationem sibi ab illis exhiberi? Allegorice per Iosephum, & manipulum Iosephi designatur Christus, quem omnes Angeli, & Sancti, omnis lex & Prophetæ, omnis potestas in cælo & in terra, ut dominum suum, & principem circumstant & adorant, inquit Rupertus.

Nota. Nomine matris Iosephi non intelligitur Rachel, quæ haud ita pridem mortua fuerat, neque umquam adoravit filium; sed Bala Rachelis ancilla, quæ Iosepho mater nutritia fuerat, & iam mortua Rachele in matris locum succederat. Ita Lyranus, & Tostatus.

V. 36. **PUTIPHARI EUNUCHO PHARAONIS,** id est ministro Pharaonis, scilicet magistro militum illius. Unde & Chaldaeus, *principem* vertit; & Oleaster *custodem domus,* seu personæ regis. Neque enim solet semper hac voce in Scripturis significari verus spado, sed ii omnes qui officiis illis quibus spadones olim præfati solent, in aula regia fungebantur. Cum enim securitatis causa solerent spadones præfati cubiculis reginarum, & heroinarum, atque, explorata eorumdem fide, & industria, postmodum aliis quoque admoventi, etiam primis aulae officiis, maxime vero custodiæ regis; hinc nomine eunuchorum postea dicti sunt quotquot illis officiis fungebantur, etsi veri eunuchi seu spadones non essent. Patet ex hoc Putiphare, qui licet uxorem haberet, & liberos, tamen eunuchus hic vocatur; & infra cap. XL. pincerna regis, & pistorum præfectus eunuchi vocantur; & alii alibi.

GORDONI:

Vers. 2. **I**OSEPH hic sedecim annorum ponitur. Septuaginta habent *septemdecim*; sed inchoatos intellige: brevi ergo post obitum matris. **ACCUSAVIT FRATRES SUOS CRIMINE PESSIMO.** Hebr. *Et retulit Ioseph infamiam eorum*: est enim ibi דִּבָּה *dibba*, *infamia*. Apud Septuag. legendum est *καταίναντες*, *accusavit*, ut habent aliæ editiones: nec sensus historię patitur *καταίναντες*, *accusaverunt*. Divinant multi quodnam sit hoc crimen: nihil est certum in specie.

V. 3. **TUNICAM POLYMITAM.** Quę est hæc tunica? Colore, & frustis variegata est, מִדְּבָר *pess*, *particula*: דִּם *pessim*, *particula*: rad. *DDD*.

V. 10. Pater dubitando quo pertineret hoc somnium, attingit scopum. At hinc apparet natrem Rachelem esse superstitem; quod reiectum est cap. xxxv. Hinc sane est, quod aliqui per matrem intelligant substitutam Liam, aut Balam ancillam Rachelis: nisi quis dicat nominatam matrem mortuam a Jacob, ut sic repudiaret insomnium, tamquam de re impossibili iniectum.

V. 12. Quomodo itum est a filiis in Sichem, cum extaret recens memoria in cædis Sichemorum? Sed dici potest, vel non diu hæsisse gregem in Sichemis, vel divinam providentiam erga Jacob, omnia in tuto conservasse. Vide cap. xlviii. vers. 22. de repetito armis agro.

V. 14. **DE VALLE HEBRON:** ubi obiit Isaac ex cap. xxxv. vers. 27. & nunc constat, post Abrahamum, ibi habitasse Jacob.

V. 17. **IN DOTHAIM.** Abest duodecim miliaribus a loco ubi postea extructa est Samaria. Fuit in tribu Zabulon, nec longe abest a stagno Genezareth.

V. 19. **SOMNIATOR.** Sic Ioseph vocabant fratres, quibus displicuerant somnia, ad invidiam.

V. 22. **IN CISTERNAM HANC:** vel etiam in puteum. Hebr. בֹּר *bor* significat *cisternam*: בֹּר בְּמָר *bor* est puteus.

V. 23. **TALARI, ET POLYMITA.** Videtur: duplici spoliatus veste: talaris videtur interior, & postea illi reddita: nam polymitam referunt ad patrem.

V. 25. **DE GALAAD.** Iter describit venientium ex Arabia in Aegyptum, nempe per Dothaim. **STACTEN:** est lacryma myrrhæ: distillat enim a myrrha, *סַזְעִין*, stillare est. לֹשֶׁט *lot*, *stacte*.

V. 27. **FRATRES,** nempe octo qui aderant in venditione: aberat enim Ruben ex versu 29. abierat ad paucua quaerenda.

V. 28. **Madianitæ, & Ismaelitæ,** oriundi ab Abraham, habitabant in Arabia, ut sunt nationes duze sibi vicinæ; & illac transire solebant in Aegyptum. Hinc recensentur hic nunc una, nunc altera. At quantum est illud, **VIGINTI ARGENTEIS**? Intelligunt Doctores viginis siclos argenteos, Est quidem apud Septuaginta, *aureis*, sed mendose. Vide supra cap. xx. vers. 16. & alibi.

V. 35. **LUGENS IN INFERNUM.** Calvinus vertit sepulcrum. Hebr. est שְׁמֵשׁ *seol*: passum *infernum* significat, & sic habent aliæ editiones: a rad. שָׁמַשׁ, petit; quasi infernus semper petat, nec satietur. Et certe Jacob putans filium devoratum a bestiis, non potuit ibi intelligere sepulcrum. Vide Iob vii. vers. 36. Hic ergo limbum intelligo.

V. 36. **EUNUCHUS.** Hic non spado, sed ex intimis Regis servus est; immo magister militum est. Sept. *ἀρχιμαγιστρον*, *principi coquorum*, aut, *lanicinium*. Et cur non etiam militum, cum *μαγιστρον* sit occidere? De eunuchis iterum infra cap. xl.

CAPUT XXXVIII.

Iudas ex uxore Chananaa tribus filiis susceptis, primum & deinde secundum Thamar copulavit: quibus mortuis, eam infans pro scorto cognovit, quo concubitu Phares, & Zaram genuit.

Eodem tempore descendens Iudas a fratribus suis, divertit ad virum Odollamitem, nomine Hiram. 2. (a) Viditque ibi filiam hominis Chananaei, * vocabulo Sue; & accepta uxore, ingressus est ad eam. 3. Quæ concepit, & peperit filium, & vocavit nomen eius Her. 4. (b) Rursumque concepto serui, natum filium vocavit Onan. 5. Tertium quoque peperit: quem appellavit Sela: quo nato, parere ultra cessavit. 6. Dedit autem Iudas uxorem primogenito suo Her, nomine Thamar. 7. (c) Fuit quoque Her primogenitus Iudæ, nequam in conspectu Domini; & ab eo occisus est. 8. Dixit ergo Iudas ad Onan filium suum: Ingredere ad uxorem fratris tui, & sociare illi, ut suscites semen fratri tuo. 9. Ille sciens non sibi nasci filios, introiens ad uxorem fratris sui, semen fundebat in terram, ne liberi fratris nomine nascerentur. 10. Et idcirco percussit eum Dominus, quod rem detestabilem faceret. 11. Quam ob rem dixit Iudas Thamar nurui suæ: Esto vidua in domo patris tui, donec crescat Sela filius meus: timebat enim ne & ipse moreretur, sicut fratres eius. Quæ abiit, & habitavit in domo patris sui. 12. Evolutis autem multis diebus, * mortua est filia Sue uxor Iudæ: qui post luctum consolatione suscepta, ascendebat ad tonsores ovium suarum, ipse, & Hiras opilio gregis Odollamites, in Thamnas. 13. Nuntiatumque est Thamar quod sœcer illius ascenderet in Thamnas ad tondendas oves. 14. Quæ, depositis viduitatis vestibus, assumpsit thicistrum; & mutato habitu, sedit in bivio itineris, quod ducit Thamnam: eo quod crevisset Sela, & non eum accepisset maritum. 15. Quam cum vidisset Iudas, suspicatus est esse meretricem: operuerat enim vultum suum, ne agnosceretur. 16. Ingrediensque ad eam, ait: Dimitte me ut coeam tecum: nesciebat enim quod nurus sua esset. Qua respondente: Quid dabis mihi ut fruaris concubitu meo? 17. Dixit: Mittam tibi hædum de gregibus. Rursumque illa dicente: Patiar quod vis, si dederis mihi arrhabonem, donec mittas quod polliceris. 18. Ait Iudas: Quid tibi vis pro arrhabone dari? Respondit: Annulum tuum, & armillam, & baculum quem manū tenes. Ad unum igitur coitum mulier concepit: 19. & furgens abiit; depositoque habitu, quem sumperat, induta est viduitatis vestibus. 20. Misit autem Iudas hædum per pastorem suum Odollamitem, ut reciperet pignus quod dederat mulieri: qui cum non invenisset eam, 21. interrogavit homines loci illius: Ubi est mulier quæ sedebat in bivio? Respondentibus cunctis: Non fuit in loco isto meretrix: 22. réversus est ad Iudam, & dixit ei: Non inveni eam: sed & homines loci illius dixerunt mihi, numquam sedisse ibi scortum. 23. Ait Iudas: Habeat sibi, certe mendacii arguere nos non potest: ego misi hædum quem promiseram; & tu non invenisti eam. 24. Ecce autem

post tres menses nuntiaverunt Iudæ, dicentes: Fornicata est Thamar nurus tua; & videtur uterus illius intumescere. Dixitque Iudas: Producite eam ut comburatur. 25. Quæ cum duceretur ad pœnam, misit ad focerum suum, dicens: De viro, cuius hæc sunt, concepi: cognosce cuius sit annulus, & armilla, & baculus. 26. Qui, agnitis muneribus, ait: Iustior me est: quia non tradidi eam Sela filio meo. Attamen ultra non cognovit eam. 27. (d) Instante autem partu, apparuerunt gemini in utero: atque in ipsa effusione infantium, unus protulit manum, in qua obstetrix ligavit coccinum, dicens: 28. Iste egredietur prior. 29. Illo vero retrahente manum, egressus est alter; dixitque mulier: Quare divisâ est propter te maceria? & ob hanc causam vocavit nomen eius Phares. 30. (e) Postea egressus est frater eius, in cuius manu erat coccinum: quem appellavit Zara.

(a) L. Pal. 11. (b) Num. xxvi. 29. (c) Num. vi. 29. (d) Math. 1. 3. (e) L. Pal. 21. 4.

B R U G E N S I S

ROMANÆ CORRECTIONES.

V. 2. *Vocabulo Sui*. Pro e secunda alii scri-

bunt a primam vocalem, in nomine *Sui*.
V. 12. *Mortua est filia Sui*. Quidam libris
omittunt nomen *filia*, male.

C O M M E N T A R I A

S A.

Vers. 2. **S**UI, nomen est Chananæi illius, & non filii.

V. 3. **V**OCAVIT, scilicet Iudas.

V. 4. **V**OCAVIT, scilicet mater, ut ex Hebræo constat.

V. 5. **A**PPELLAVIT, scilicet illa. **Q**UONATO, PARERE ULTRA CESAVIT. Hebr. & Chald. & LXX. *Et erat quando peperit in Chetib*: videtur esse nomen loci. Quidam dicunt esse urbem Palestinae.

V. 9. **N**ON SIBI NASCI; quasi dicat, si nascerentur, non suo, sed fratris nomine vocandos.

V. 12. **O**PILIO GREGIS. Hebr. *eius amicus*, seu *socius*: est autem is de quo in principio capitis huius.

V. 14. **T**HERISTRUM, vestis genus: quidam pepulum vertunt, seu *linum velum*, aut *amicum*.

V. 17. **P**ARTIAR QUOD VES, SI DEDERIS. Hebr. *Si dabis*; id est, num dabis?

V. 18. **A**RMILLAM. Alii, *pallium*; alii, *fasciam*: & quidem armilla humerorum est ornamentum, AD UNUM IGI-

TUR COITUM. Hebr. *Ingressus est ad eam*, &c.

V. 20. **P**ASTOREM. Hebr. *amicum*, seu *socium suum*.

V. 23. **C**ERTE MENDACII ARGUERENOS NON POTEST. Hebr. *Ne forte simus in contemptum*, scilicet si res evulgatur.

V. 24. **E**T VIDETUR UTERUS ILLIUS INTUMESCERE. Hebr. *Et ecce gravida est ex fornicatione*.

V. 29. **M**ACERIA, scilicet membrana, qua obvolvitur fetus in utero, quaque rupta, egredietur. Secundæ vocantur, quod nascentem infantem sequantur; quasi dicat: Cur prior egressus est? **P**HARES, id est *diviso*.

V. 30. **Z**ARA, id est *oriens*.

E S T I I.

Vers. 7. **F**UIT QUOQUE HER NEQUAM IN CONSPECTU DOMINI. De nequitia Her, quædam fabulantur Iudæi, præter ea quæ hic Scriptura sacra commemorat; sed non sunt illa temere credenda. Qui vult, videat apud Lyrarum.

N. 9.

V. 9. ILLE SCIENS NON NASCI SI-
MI FILIOS: nempe debebat fratri suo su-
scitare semen: Deut. xxv.

V. 14. QUAE DEPOSITIS VIDUI-
TATIS VESTIBUS, ASSUMPSIT THE-
RISTRUM. Notandum ex hoc loco cum
D. Augustino, etiam temporibus Patriar-
charum certa, & sua quædam fuisse vesti-
menta viduarum, quibus a coniugatis, at-
que virginibus discernentur. Ita legitur
quoque de Iudith, quod egressura Bethu-
lia ad castra Assyriorum, exuerit se vesti-
mentis viduitatis suæ. Sane si hodie ves-
tium discrimina, quæ magnis de causis
instituta sunt, exactius servarentur, me-
lius consuleretur tum dignitati, tum inti-
gritati personarum. Unde &, secundum
Iurisperitos, qui Clericum indutum laico
habitu pulsaverit, non tenetur canone con-
stituto adversus invasores Clericorum, pro-
pterea quod Clericus suæ personæ discrimen
habitu non prætulit.

V. 24. PRODUCITE EAM, UT COM-
BURATUR. Iudas hoc loco exhibet no-
bis personam hypocritarum, qui propria
peccata dissimulantes, in aliena graviter
animadvertunt. Ipse enim erat qui, etsi
eam ignorans, Thamar abusus fuerat.

Sed quaeritur qua iustitiæ specie Iudas
eam velit comburi, cum simplex fornicatio
numquam tam graviter punita fuerit.
Dicunt Hebræi quidam, Thamar fuisse fi-
liam Melchisedech sacerdotis summi, le-
gem autem præcipere Levit. xxi. sacerdotis
filiam fornicationis convictam debere
comburi. Sed primo incertum est, & im-
probabile, fuisse eam filiam Melchisedech
(nam Apostolus de Melchisedech dicit,
Sine genealogia.) Deinde lex illa adversus
filiam sacerdotis fornicantem nondum lata
erat. Ac proinde rectius respondetur, Tha-
mar non simplicis fornicationis, seu adul-
terii ream fuisse habitam; non quod pro-
pria iam coniugata esset, sed quia obliga-
ta erat secundum legem (quæ etiam tum
servabatur, ut patet in secundo filio Iu-
dæ) ut nuberet propinquiore, qui erat Se-
la, quem & Iudas ei promiserat, sed dis-
secebat. In eo ergo, quod per fornicatio-
nem se alteri coniunxisset, species saltem
erat adulterii.

V. 30. POSTEA EGRESSUS EST FRA-
TER EIUS. Severius in historia hunc dicit
postero die editum, quod unde habeat nescio.

M A R I A N A E.

Vers. 2. **F**ILIA HOMINIS CHANA-
NAEI. Chald. mercatoris.
Prov. xxxi. *Et cingulum tradidit Chananeo*,
id est mercatori. VOCABULO SUE. Pa-
tris nomen est, non filiar: sic Gotthici le-
gunt *Sue* in genitivo, non *Sua* sive *Sue*.
V. 3. ET VOCAVIT, IUDAS, NAM HEB.
verbum est masculinum. ¶ 3

V. 4. VOCAVIT, & in versu sequenti
APPELLAVIT: utrobique intellige, ma-
ter: sic ex Hebræo colligitur; sed in ea
lingua genera sæpe confunduntur.

V. 5. QUO NATO, PARERE ULTRA
CESSAVIT. Hebr. *Et erat in Cbezib, quan-
do peperit ipsa eum*. Hieron. in Trad. negat
Cbezib esse nomen loci, sed significare men-
dacium, & locum explicat ex illo Habac.
iii. vers. 17. *Mentietur opus olive*; id est,
deficiet: mendacium enim defectus est. Sic
ergo explicandus locus: *Et fuit in aëscitu*
(scilicet pariendi) *quando tertium filium pe-
perit*.

V. 9. SEMEN FUNDERAT IN TER-
RAM. Hebr. *Et corruptus septem*: sed eam
corruptionem Hieron. & Sept. intellexerunt
de seminis in terram effusione.

V. 11. TIMEBAT ENIM, IUDAS scilicet,
ne moreretur filius Sela, si duceret
Thamar. Hoc indicat non sincero animo
illam amandasse, neque voluisse illi dare
Sela filium.

V. 13. SUE UXOR. Lege: *Filio Sue*
uxor Iudæ: sic est in Romanis, nisi quod
diphthongus deest. HIRAS OPILIO GRE-
GIS. Chald. *facius eius*, nempe amicus.
Sane Hebraice iisdem litteris pastor & a-
micus significantur, ut Hieron. in Tradit.
ait: hoc rautum discrepat, quod *amicus*
¶ reab est, *pastor ¶ rah*: cum ergo pri-
ori modo scribatur hoc tempore, plerique
facium vertunt. At Hieronymi & Sept.
tempore solæ consonantes erant, siquæ u-
troque modo legi pòterat: & ipse Hieron.
in Trad. pro *pastore* ait Hebr. *amicum* legi,
puncta nimirum ad distinguendum aliqua
erant: de quo alio loco. In versione au-
tem, ut videretur, prioris dicti oblitus, Sept.
interpretationem esse secutus, qui *pastorem*
posuerunt: aut forte mutavit sententiam.

V. 14. THERISTRUM. Vestis tenuis,
& lineæ, qua feminæ se cooperiebant,
præ-

praesertim in aestate. Quidam *peplum* reddunt pro *חֵטֶם זָבִיב*. **SEDIT IN BIVIO ITINERIS.** Hebr. *In porta oculorum*; pro quo antiqui *bivium* posuerunt; sed vocatur *porta oculorum*, quod inde viatores oculis speculentur, quam viam sequi debeant. Sed quo niam *עֵינַי בְּנֵאִיִּם* *benaim* non *oculos* tantum, sed *duos fontes* significat, malunt reddi, *In porta duorum fontium*. Hebraeus Schol. *In porta oculorum* explicat in *propatulo*.

V. 17. MITTAM TIBI HOEDUM. Hebr. additur *caprarum*; & sic verunt *sept.* & Chald. nempe parvum, qui a matre non discesserit; alioqui post *hædum* quid opus erat *caprarum* addere? **PATIAM QUOD VIS.** Hebr. non est: hoc tantum: *Si aederis arrhabonem, quousque miseris*; supple, obsequar tibi, *patiar quod vis*, uti Hieron. posuit. **ARRHABONEM**, vox Latina, sed ab Hebraica *berabon* desumpta.

V. 18. ET ARMILLAM. *חֲתָמִים* *petitecha* quibuldam est potius *polluntium*, aut *cidaris tua*, capitis operimentum. Quod autem sequitur, **AD UNUM IGITUR COITUM**, Hebr. non habetur; sed hoc tantum: *Et ingressus est ad eam, & concepit ei.*

V. 23. CERTE MENDACII ARGUERE NOS NON POTEST. Hebr. *Ne forte finis contempni*; scilicet si diligentia maiori inquiratur mulier, & re prodita contempni simus. *Sept. Sed ne aliquando derideamur*, scilicet quasi promissi immemores.

V. 29. QUARE DIVISA EST PROPTER TE MACERIA? Sic *Sept.* & Hebr. *Quid dirisisti super te divisionem?* scilicet ob festinationem exundi, matris uterum rupisti, ut fratrem praevenires. Seu *maceria* est membrana, qua obvolvitur fetus, & qua rupta, egredietur secundina, ex eo dicta quod sequitur *fetum*, & post illum exit.

M A L V E N D A E.

Vers. 1. EODEM TEMPORE DESCENDENS IUDAS. Totum hoc caput infernit Moyses propter Christum, ut narraret mirabilem generationem Phares, ex quo ortus est Christus. Nonnulli Hebraeos secuti annotant, partem huius historiarum ante Iosephi venditionem contingere oportuisse; cum enim tantum viginti & duo anni inter venditionem Io-

sephi, & descensum Iacobi cum familia in Aegyptum numerentur: non potuit tam brevi ipatio Iudas uxorem ducere, ternos filios tollere, novosliberos ex nura fuicere, & illorum unus Phares duos filios gignere ante descensum in Aegyptum. Contigisse ergo volunt ante venditionem Iosephi, saltem ulque ad tempus quo Hic primogenitus Iudæ decimum annum agebat. Unde hic, *Eodem tempore*, intelligunt, quo scilicet Iacob ad patrem suum Isaac redierat, Iuda iam decimumseptimum annum agente, cap. xxxv. vers. 27. Alii potius existimant, totam hanc narrationem post venditionem Iosephi accidisse; & tempora suo modo componunt. Apud explanatores cernere licebit: nam haud libens in huiusmodi chronologicis nodis & talebris sane perplexis hæreo, tetricis, obiculis, incertis, in quibus vix lucem excedunt. **AD VIRUM ODOLLAMITEM.** Eusebius, & S. Hieronymus in *Locis: Adollam in tribu Iuda: & usque hodie vicus non parvus ad orientem Eleuthero-poleos in decimo miliario, hoc nomine vocatur.* Regem habebat tempore Iosue, cap. xii. 15. De ea non semel occurret sermo. Rationem nominis investigare non posuimus. Hebraei *lenonem* hunc virum fuisse somniant, & ob id *ghadulanum* *lenones* appellant.

V. 2. HOMINIS CHANANAEI. Chaldaei Interpretes, *Hominis mercatoris*. Notant vocem *כְּנַעֲנִי* *chenaghan* significare terram Chanaan. quam possederunt Israelitæ; sed quia homines huius regionis dediti erant mercaturis & negotiationibus, sæpe pro mercatore, vel ipsa mercatura poni, ut Ezechiel. xvii. 4. Osce xii. 7. Sophoniz. i. 11. & Chananæus pro mercatore, ut Proverb. xxxi. 24. Hic pro regione fumendum: ut improbet Moles factum Iudæ ducentis Chananitidem, a quibus tantopere abhorrere maiores eius.

V. 5. QUO NATO, PARERE ULTRA CESSAVIT. Ex Hebraeo plerique reddunt: *Et fuit in Chesib, quando peperit ipsa eum*: quam interpretationem secuti sunt quoque LXX. Chesib nomen proprium loci existimantes. Duas urbes, seu oppida huius nominis Scriptura commemorat, alteram *Aczib* in tribu Iuda, Iosue xv. 43. Michæe i. 14. quam putant esse quæ hic nominatur; alteram in tribu Aser, Io-

hue

sue XIX. 29. & Iudicum I. 31. Ceterum S. Hieronymus hæc habet: *Hæc autem erat in Chazbi, quando peperit eum. Verbum Hebræum hic pro loci vocabulo positum est, quod Aquila pro re transtulit, dicens: Et factum est ut mentiretur in partu, postquam genuit eum. Postquam enim genuit Selom, stetit partus eius. Chazbi ergo non nomen loci, sed mendacium dicitur: unde & in alio loco scriptum est, Habacuc III. 17. Mentietur opus olivæ; id est, fructum olivæ non faciet. Erudite. Nos dicimus, Mentiri el azeite, et annada. Qui exponunt pro loco proprio, Et erat in Chazib, quando peperit ipsæum, verbum erat non ad uxorem, sed ad ipsum Iudam referunt: est enim Hebraice verbum masculinum; quamvis sciamus feminis interdum tribui verba masculina; ac si dicat: Erat tunc, aut habitabat Iudas in Chazib quando uxor eius peperit ei Selah. Eusebius, & S. Hieronymus in Locis Hebraicis: Chazbi, ubi geminos Iudæ filios Thamar edidit. Ostenditur autem tunc locus desertus iuxta Odollam, in finibus Eleutheropoleos. Hebræa recte ad sensum Nostri aptaveris: Et fuit, factum est in mentiri, in desicere, in parere eam eum: quod Aquila recte expressit: Et factum est ut mentiretur, desiceret in partu; id est, ut cessavit parere.*

V. 6. THAMAR. תמר *thamar* significat, quod formosa esset, & procerâ; & recte ei nomen convenit, quæ victrix soceri fuit.

V. 7. NEQUAM IN CONSPPECTU DOMINI, id est insigniter, & intolerabiliter malus.

V. 8. ET SOCIARE ILLI. Verbum *בא* notant ante legem, & post in lege Moysi proprie significare uxorem fratris defuncti sine liberis in coniugem accipere, ad suscitandum semen fratri cognatam, fratrem in uxorem ducere, leviri iure fratrum ducere: & si ita dicere liceret, levirare, levirari, fratriare; hoc est, leviri iure fratrem in uxorem accipere: nam *בא* iabam est levir, id est frater mariti; & *בנות* rebemet, fratria, id est fratris uxor, glos. Vide Deuteronom. xxv. vers. 5.

V. 9. SEMEN FUNDAT IN TERRAM. Hebr. Et perdidit, corrupti in terram; id est, profundendo in terram perdidit semen. Quidam Hebræorum He in *אֶרֶץ* artzah putant esse affixum femi-

neum, & non notam motus ad locum; redduntque, Et corrumpebat terram eius, id est arvom genitale uxoris, incens eam præpollera, & nefanda libidine.

V. 11. ESTO VIDUA. Non omittam annotare, viduam Hebræis dici *אלמנא*, a colligatione, & silentio, sive mutitate, quod carere debeat vociferationibus, exultationibus, tripudiis, canticis musicis, & aliis oblectamentis; sed in domo silens, & muta, & quasi colligata manere. Sic Græci vocant *χαῖρα* iuxta quosdam per antiphrasin a *χαῖρα*, quod omnibus deliciis careat & oblectamentis: vel quod vidua non facile exaudiat, & sic quasi oppressa. Alii component ex *אל* non, & *מן* manah, pars, quod careat dimidia sui parte, neipse marito.

V. 12. HIRAS OPILIO. Is est socer Iudæ, de quo vers. 1. *Opilio*. S. Hieronymus: Pro pastore amicus legitur; sed verbum ambiguum est, quia ejusdem litteris utrumque nomen scribitur; verum amicus, *רעה*, pastor, *רעה*, reghe: quod est verissimum. Exemplaria Hebraica nunc constanter habent *רעה* reghe, amicus, sodalis, familiaris, quasi compascens eius, seu compastor eius. IN THAMNAS, Hebraice, in Thimnath. Eusebius, & S. Hieronymus in Locis: Thamnab, ubi oves suas totendit Iudas: ostenditur hodieque prægrandis vicus in finibus Diopoleos euntibus Aethiam in tribu Dan, sive Iudæ. Hanc esse Thamnatha Samsonis Iudicum XIV. 1. & 5. cum viris doctis existimo. Eam describunt sacri topographi, & interpretes Iosue xv. vers. 20. Hanc esse Thamniticam toparchiam Plinii Lib. V. cap. XIV. & Iosephi Lib. III. Belli, cap. 11. & alibi sæpius, non dubito: & minus ambigo esse Thamnâ Ptolemæi Lib. V. cap. XVI. cuius etiam Stephanus Byzantius meminit. Licet Australem interpretari.

V. 13. AD TONDENDAS OVES. *גזז* gazaz aiunt proprie esse vellere, evellere, corvellere, deglubere. Hinc *גזז* ghez, vellus, a vellendo. Plinii Lib. VIII. cap. XLVIII. Oves non ubique tondentur: durat quibusdam in locis vellendi mos. Varro Lib. IV. de Lingua Latina, cap. VIII. de vico Velia in Quarta regione Romæ: Velia unde essent, plures accepti causas: in quæ, quod ibi pastores Palatini ex ovibus, ante consuram inventam, vellere lanam sint soliti:

ex

ex quo vellere dicitur. Et cap. xxix. *Vestis a velis, vel ab eo, quod vellus, lana tonsa uniuersae ovis: id dictum, quod vellabant lanam.* Et Lib. II. de Re rustica, cap. xi. *Lanam demptam, & conglobatam, alii vellera, alii vellimina appellant: ex eorum vocabulo animaduerti licet, prius lana vulsuram, quam tonsuram inuentam.* Qui istam nunc vellunt, ante triduo habent icinuas, quod languida minus radices lana retinent. Quae omnia mirifice illustrant hunc locum, & illum Genesis xxxi. 19. & alios eiusmodi veteris Instrumenti de vulsione ovium. Et si Noster pro vellere, *tondere* dixit, respexit ad usum sui temporis notio-riorem, cum res eadem sit, nempe lana oves exuere. aut nudare.

V. 14. **MUTATO HABITU.** Hebr. Et obvelavit sese. Quia verbum *גָּבַל* ghalaph in Hithpahal, ut hic ponitur, Gen. iv. 8. vertitur a Nostro, *estruare*, hic quidam reddunt, *Et incaluit*, *Et estruavit*, vel in venerem, vel quod estus esset, unde sedit in ostio fontium. Audent & transferre: *Et strinxit sese*, nempe theristro. Alii, *Lafata fuit, descendit*. Noster Isaie li. 20. *proicere* exponit: unde non male hic, *proiecit sese*, id est profuituit. Coniugatio Hithpahal hic auxilium. & vim indicat. **SEDIT IN BIVIO.** Hebr. *Et sedit in עִינֵי חַדָּשׁ פֶּתְחֵי* ghenaim, vel in porta, ostio ghenaim. Plerique secuti LXX. putant esse nomen proprium loci, de quo accurate dicemus in Iosue xv. vers. 24. Alii reddunt, *In ostio fontium*: quod ibi essent gemini fontes, locus amoenus & deliciosus, in cuius ostio, seu ingressu Thamar sederit. Nonnulli, *In ostio oculorum*, id est in loco eminentiore, in propatulo, in publico, in quo se oculorum intuitus undequaque diffundere potest. Noster *Ostium oculorum* interpretatus est, *brevium*, quia tunc ianua aperitur oculis ut in duas partes, seu vias exeant. S. Hieronymus: *Et sedit ad portam Aënon, quae est in transitu Thamma.* Sermo Hebraicus Enaim transfertur in *oculos*. Non est *ngiur* nomen loci; sed est sensus: *Sedit in brevio, sive in compio, ubi diligentius debet victor aspicere, quod ingrediendi capiat.* Observant, locum fuisse unde conspici posset Thamar a praetereun-tilis; cui tamen propinquus esset recessus, ad quem posset divertere Iudas, re in via pucabili & celebri sub omnium oculis Cra-

terico, aut belluino more scortaretur. Alii divinant, tentorium fixisse Thamar, quasi in eo receptura merces. Sedit ergo in bivio Thamar more meretricum & prostitutarum, de quo Proverb. vii. 12. ix. 14. Ierem. lvi. 2. Ezechiel. xvi. 24. 25. Has antiqui vocabant, *prostdas*, *semitarias*: unde *semitarii mæbi*, apud Catulum. Plautus Cistellaria: *Assat in via sola? Prostitula sane est.*

V. 15. **OPERUERAT ENIM VULTUM SUUM NE AGNOSCERETUR.** Hinc colligunt quidam tunc meretrices operata facie incesisse, ut nunc Venetiis; nec tunc fuisse tam effrenem scortandi licentiam, quam hodie graiatur. Sed ex locis Scripturae paulo ante citatis contrarium eruitur. Ex loco, & habitu reputavit Iudas esse meretricem: nam illud, *Quia operuit faciem suam*, potius referendum videtur ad id quod non cognovit esse nuntum suum.

V. 17. **ARRHABONEM.** Hebr. *עֶרְבָן* gharabon, Graece, ἀρραβών, Latine, *arrabonem*, unum & idem significant, nempe, *vadium*, *pignus*. Et pacti symbolum, hypotheca, cautio, arrha, pignus, oppignori-ario, quod dari solet creditori, donec solvatur debitum. Utitur Paulus hac voce II. Corinth. i. 22. & cap. v. 5. Ephesior. i. 14. vocans Arrhabonem, *arrham*, *pignus spiritus*.

V. 18. **ET ARMILLAM.** *חֲסִידִית* pcheit. Mirum quam varie reddant hanc vocem. *fulseiam*, *taniam*, *cingulum*, *judarium*, *involutum capitis*, *capiternium*, *pilcum*, *peplum*, *capitale*, *cidarum*. Hispanice, *turbante*, *vittam*, *pallium*, *amictum*, *pannum parvum*, *panniculum*, *Forte*, *giron*, *ligulam*. Aiunt proprie esse, *filum retortum*, *fasciam*, *ligulam*, ex multiplicibus filis contortam, qua aliquid alligatur, vel quae alligatur. Alii, *Fasciam* ex duobus filis complicatam in modum *restiti*, *filum duplum seu duplicatum*, Hispanice *cordón*, quo orientales pro cingulo inroqueutes utuntur. Occurrit haec vox undecies in sacris libris, & Noster reddidit, Exodi xxxix. 3. Iudicum xvi. 19. *filum*, Numer. xix. 16. *ligaturam*, Numer. xv. 38. *vittam*, Ezechiel. xl. 3. *funiculum*, Exodi xxviii. vers. 28. 38. cap. xxxix. 30. *vittas*, Exodi xxxix. 21. vel omisit, vel dixit *tortum*, hic, & vers. 25. *armillam*: intelliguntque armillam ex filis aureis,

aureis, vel argenteis contextam, aut intortam; quales hodieque feminae & pueri deferre solent. Ex verbo hic dicerem, *In tortum tuum, vultro entorchado*, sive capitis, seu manuum, aut brachiorum, seu colli, quod *banda* dicimus, seu lumborum fuerit. **ET BACULUM, QUEM MANU TENES.** De Arabibus Chananæis proximis Strabo Lib. XVI. pag. 358. *In more habent, ut quisque baculum gerat.* Iacob quoque ait: *In baculo meo transivi Iordanem.*

V. 21. **UBI EST MULIER,** *האשה קדש* *kedeschab, meretrix*, ut statim hoc versu Noster vertit. Aiunt proprie significare *scortum, prostibulum, mulierem destitutam, expositam, preparatam ad concubitum.* Alii contraria significatione, a verbo *קדש* *kadasch, sacrum, sanctum, purum*, &c. esse, exponunt *mulierem communem, publicam, prostam, quorumlibet libidini & usui expositam. pollutam, impuram, contaminatam, quæ corpus scortatione conspurcat.* Unde hic vertunt: *Ubi est publica? Non fuit hic publica.* Hispanice quoque eiusmodi mulieres *publicas* appellamus. Quidam *kedeschab, sanctam* per ironiam dictam existimant, quod etiam modo Hispani loqui soleamus. Nonnulli, quasi consecratam, dedicatam, destinatam omnium libidini, sive deputatam. Unde *nosputas* vocamus. Nec desunt qui *sacram*, id est execrabilem, detestabilem, scelestam, sceleratam. Ut *sacer* Latinis sumitur. Plautus in *Poenulo*, de lenone: *Vendiditque has omnes, & nutricem, & virgines præsentem argento homini (si leno est homo) quantum boninum terra suffinet, facerrimo.* Vide Nonium cap. IV. numero 431. Imperite hic aliqui *separatam* exponunt, quod scorta separentur. Notant Hebræi, multo peius & gravius esse *קדש* *kedeschab*, quam *זונה* *zonah*, nam *kedeschab* est *prostibulum publicum, vilissimum, impurum*, quod omni pudore abiecto, cuiuslibet obvio se prostrat; *maiori cum delectu, magisque privatim peccat zonah*: quale discrimen apud nos est, inter lupanariam & angularem, quam vocamus *cantonem, o consensu*, & Latinis inter meretricem & prostibulam, apud Nonium Lib. IV. num. 8. Sanctitati & honestati linguæ tribuerim ut eiusmodi impuritates non nisi honestis vocibus nuncper.

V. 23. **HABEAT SIBI: CERTE MENDACII ARGVERE NOS NON PO-**

TEST. Hebr. *Accipiat sibi, ne forte simus contemptus*; id est, habeat sibi *pignus*. Quidam exponunt: *Imputet sibi*, quod pactam mercedem non acceperit, quia non expectavit: nos fide soluti sumus, cum iam miserimus, nec eam invenimus. Quasi excuset Iudas se iam præstitisse datam fidem. Alii potius, Iudam his verbis significasse volunt, se malle arrhabonem perdere, quam longius queritando, & spergendo rem, materiam præbere vulgi sermonibus: quod levior sit pecuniæ, quam famæ iactura, ob quam si res illa turpis a se patrata publicaretur, ipse aliis despe- qui foret.

V. 27. **COCCINUM.** *שני* *schani*: hoc nomen sæpius habet adiunctum *חולצה* *tholaghab, vermiculum purpureum*, vel præpositum, vel postpositum; ut *tholagat schani*, vel *schani tholagat*; aliquando solitarie ponitur sine *tholagat*, ut hic, & aliis locis. *Coccinum* Noster reddere solet; alii *dibaphum coccinum*, quasi *duplicatum*, aut *bis tinctum*, qui color ardentior & pulchrior esse solet. Quidam, *secundinum*, *secundarium, duplicatum, bis, iterato tinctum*. Et semper intelligitur *tholaghab, vermiculus purpureus*: de quo suo loco dicemus Exodi xxv. vers. 4. Hic *dibaphum coccinum, secundarium* reddunt; erit aliqui *filum duplicatum* intelligant, cuiuscumque coloris illud fuerit. Ut illud Proverb. xxxi. 21. *Vestiti sunt duplicibus, seu duplicatis.* Sed sane color est intelligendus.

V. 28. **EGREDIETUR PRIOR.** Hebr. in præterito, *Exiit primus*: recte, quia manus primus extra ventrem protulit: unde suspicata mulier quod is prior nasceretur; sed falsa fuit. Tam certo sibi id persuaserat, ut præterito usa fuerit; quasi dicat: Non poterit iam hic primogenitura ius amittere.

V. 29. **QUARE DIVISA EST PROPTER TE MACERIA?** Varie hunc locum ex Hebræo exprimunt. I. *Quare rupisti propter te*, vel *scieisti tibi rupturam?* id est, cur rupisti secundinam, seu membranam, quæ tempore partus rumpitur, ut prodires ante fratrem tuum? Tradunt medici, gemellos mares una & eadem secundina involvi, quam Pharez, ut prior egredere- tur, perrupt. II. *Cur rupisti super te maceriam, interstitium?* quasi dicat: Quomodo perrupto interstitio, & maceria, quæ tibi

Mm m ob.

obiecā fuerat, prior exivisti? Nam frater prægredi conatus, se instar parietis intermediū obiecerat; sed Pharez valide perripuit parietem, & prior egressus est. III. *Quare perripisti? Super te perripuit.* Sic ut imprecetur: Ita rumparis tu. Mos loquendi mulierum: ita Hispanice, *Assi rebientes.* IV. *Quare rupisti? Super te, vel tua erit ruptura;* id est, tibi conveniet a ruptura nomen, quale est Pharez, quia fratrem antevertens, prior erupisti. Aliæ expositiones frigent. NOMEN EIUS PHAREZ, id est ruptura, irruptio perripuit.

V. 30. ZARA. Hebr. *Zerach, ortum, orientem*, quia ortum fratris, ortu suo prævertere conabatur. Hic Machol appellari videtur, I. Regum IV. vers. 31.

MENOCHII.

Vers. 1. **E**ODEM TEMPORE, &c. Potius fit mentio Iudæ, & posteritatis eius, quam aliorum fratrum. quia ex Iuda de Thamar Christus erat nasciturus. Eodem tempore, anno 16. Iosephi, cum Iudas annorum esset 19.

V. 2. VIDITQUE. concupivit. SUE non est nomen filiae, sed patris eius, socii Iudæ, ut patet ex Hebræo.

V. 3. VOCAVIT NOMEN EIUS HER. ipse Iudas, nam in Hebræo est vox masculina.

V. 4. VOCAVIT ONAN. Uxor Iuda ita vocavit, quod pater ex Hebræo textu, in quo est vox feminina, ut etiam nunc ero sequenti.

V. 7. FUIT HER NEQUAM. Her, & Onan fratrum idem peccatum fuisse ferunt auctores, nempe immunditiæ, eo quod in actu matrimonii se retraherent, & sic semine extra vas suo generationem impedirent. Diverso tamen fine ambo. Her, ne puerperia, & lactatio liberorum de pulchritudine coniugis, quam deperibat, quicquam decernerent. Onan ne fratri suo filios signeret. In hoc invidia, in illo libido dominabatur; uterque scelus immane admittebat. OCCISUS EST, ut & frater, plaga insolita, sed tali qua manifestum esset hominibus propter scelus aliquod atrox, interemptos: opinor ministerio angeli mali, quo solet Deus uti in ultione exigenda: *Inmissione per angelos malos*, ut dicitur Psal. LXXVII. 49. fortasse

Asmodæus fuit, necator libidinosorum maritorum Saræ Tob. III. 7.

V. 8. INGREDERE AD UXOREM FRATRIS TUI. Iam ergo in more positum, quod postea lege sancitum, ut frater uxorem fratris, qui sine liberis decesserat, in coniugium acciperet: Deuter. XXV. 5. Ruth cap. ult. num. 10.

V. 9. NON NASCI SIBI FILIOS. Enallage, *filios*, pro *filium*: solus enim primogenitus filius mortui censebatur, reliqui ipsi gignenti nascebantur.

V. 11. ESTO VIDUA. Moris videtur fuisse ut quæ in familiam aliquam nupserat, illi familiæ addicta maneret, quamdiu aliqui superesset consanguineus, qui defuncto semen suscitare vellet. Iuxta hunc morem sine socii consensu non licebat Thamar aliunde conditionem sibi querere. Iudas autem timens ne Selæ simile quid ac fratribus accideret, variis promissis viduam frustrari statuerat, donec ipsa mori pertæsa, peteret ab eo licentiam alteri nubendi: quod illam non latebat; sed nolebat ex alia stirpe, quam Abrahami prolem, & simul sterilitatis improprium odere: quare stropham commenta, quam in caput Iudæ, vel cum vitæ periculo verteret.

V. 12. OPILIO GREGIS. Chald. *Socius eius*, nempe amicus, sane Hebraice iidem litteris pastor, & amicus significatur, si puncta removeas.

V. 14. THERISTRUM. Vestis tenuis, & lineæ, qua mulieres æstivo tempore utebantur, quam *peplum* interpretantur. Olim veste tegebant mulieres caput, & faciem, vel certe ita vultum velabant ut unus tantum oculus appareret, atque ideo cognosci facile non poterant. IN BIVIO ITINERIS. Sic olim scorta, quæ ideo a Latinis mœchæ semitariæ dictæ. In Hebr. est *In porta oculorum*. Porta dicitur oculorum, quod inde viatores oculis specularentur quam viam insistere debeant. Alii vertunt *viam duorum fontium*, quia vox Hebr. *quæ oculus*, etiam *fontes* significat.

V. 16. INGREDIENSQUE AD EAM. Iudas peccavit simplici fornicatione, non enim agnoscebat suam nurum, & ipse eo tempore matrimonio solutus erat. Thamar peccavit incestu, & quasi adulterio, quia uxor Selæ debebatur.

V. 17. HOEDUM DE GREGIUS. Hebr.

Hebr. *Hadum caprarum*, ponitur plurale pro singulari, *hadum capre filium*, hædum qui adhuc matrem sequeretur, nondum ab uberibus avallum.

V. 18. *ARRHABONEM*. *Pignus vertit Chaldaeus*. Vox est Latina, & Græca, sed quæ ab Hebræis sumpta videtur. *ANULUM*, sigillum. *ARMILLAM*: monile, seu torquem. Alii *teniam* vertunt; Chaldaeus *pallialium*. *BACULUM*, scipionem viatorum.

V. 23. *MENDACII ARGVERE*. Hebr. *Ne forte finis in confusione*; id est, ne res publicetur, & iacet illa se mecum congressam, neque me pactis stetit. Chald. & LXX. *Ne finis derisui*.

V. 24. *PRODUCITE EAM, UT COMBURATUR*. Lucas ut patrifamilias in nulum sententiam tulit iudicis auctoritate; & tunc adulterij pœna ignis fuit. Fortasse illud *produceite* exponendum de domo in carcerem, donec pepererit, ut postea rogo tradatur.

V. 26. *IUSTIOR ME EST*: non castior, aut sanctior, sed iustior. Iudas enim promissa & pacta sua non servaverat, & iniuste impediabat ne prolem ex Sela susciperet. *ATTAMEN ULTRA NON COGNOVIT EAM*: quia nurus illi erat, & concubitus incestus fuisset, Pariter Sela ab ea abstinuit, quia a Iuda parente cognita.

V. 27. *APPARUERUNT*. Obstetrix manu ad uterum admota cognovit duos intus esse, & quasi luctari quis prior egrederetur. *COCCINUM*: ut constaret uter esset primogenitus.

V. 29. *DIXITQUE MULIER, OBSTETRIX, EGRE FERENS SE DECEPTAM*, metuens etiam ne violenta hæc eruptio matri, aut gemellis noceret. *QUARE DIVISA EST PROPTER TE MACERIA?* Sensus est: quare frater tuus primus egredi volens, secundinas, quibus eratis in utero involuti, dirupit? *PHARES* significat *separationem*, seu *divisionem*.

V. 30. *ZARA, oriens*: ita dictus, quod cum prior manum extulisset, prius oriri debuerat.

T I R I N I.

Vers. 7. **FUIT HER NEQUAM IN CONSPPECTU DOMINI, ET OCCISUS EST.** Quæ fuerit hæccius nequitia, vide I. Paralip. 11. vers. 3.

V. 9. **SCIENS ONAM NON SIBI NASCI FILIOS**; id est, sciens quod is qui primo loco ex se nasciturus esset, non computaretur suus, sed fratris sui defuncti filius. Ita clare exprimunt LXX. & Chaldaeus. Ex hoc capite patet, etiam ante legem Moylis permissum, immo in more fuisse, ut frater uxorem fratris sine liberis defuncti duceret, & primogenitum suum nomine fratris sui nominaret. Sic sabbatum, discretio mundorum animalium, circumcisio, & alia plura quæ postmodum lege Moylis præscripta fuerunt, iam antea fuerunt a Patriarchis usurpata.

V. 29. **QUARE DIVISA EST PROPTER TE MACERIA?** id est, quare tu prior ante fratrem tuum, perrupti claustrum uteri materni, dividendo membranam, seu secundinas quibus involvebaris? quasi dicat: Quare tu fratri primogenituræ præcipis? Notat Chrylottomus, id præter naturam contigisse; & allegorice præsignasse Zaram populum Iudaicum, qui prior manum protulit, accipiendo legem a Deo, atque ita imperfecte secundum spiritum natus est; sed ubi sensit se coccineo Chrilli sanguine inquinatum, retraxit manum, & recessit a Deo. Mox subingressus Phares, id est gentilis populus, & prior nascendo pericte secundum spiritum, seu credendo in Christum, ius primogenituræ præcipuit Iudæis, maceriamque inimicitiarum inter se & Deum generose dirupit. Ita Cyrellus, Isidorus, Rupertus. Aliam huius coccini explicationem dat Rabbi Raschi apud Serarium: nempe eo præfiguratum fuisse sacrilegium Achan abnepotis huius Zaræ, Iosue VII. dum pallium coccineum & spoliis Iericho suffuratus, causa fuit sociæ cladis, & fuge totius exercitus Israelitici.

G O R D O N I.

Vers. 1. **EODEM TEMPORE**; hoc est, sub idem tempus, quo venditus est Ioseph. Et forte rectius tenemus
Mmm 2 poic

pore antecedente, ut (quod non levem habet difficultatem) sit locus his quæ narrantur a vendito Ioseph, vel paulo ante, usque ad descensum in Aegyptum, ubi tantum sunt anni 23. & filii Zara & Phares dicuntur descendisse cap. xlvj. nec puo hoc tale esse ut non possit recipi, præsertim si quis attendat filius illos duos Iudæ aptos ad prolem anno ætatis 14. Et quod dicitur vers. 12. de multis diebus, restringitur ad dies tantum, & non ad annos. Sed plura de hoc in Opere Chronologico. De Odollam civitate in tribu Iudæ, vide Iosue cap. xii. Ibi in spelunca lauit David fugiens Saulem, I. Reg. xxii.

V. 2. **SUS.** Est nomen patris, non autem filiae.

V. 3. **Nota**, **VOCAVIT** esse verbum masculinum, ut videas Hebræos variare interdum genera.

V. 6. **Thamar** an Chananæa fuerit, an Palæstina, dissentiunt scriptores. Sub Mose quidem non fuit passim concessum ducere uxores alienigenas; verum ante tempora Mosis, quamvis incircumcisi essent Israelitis velut contempti, & immundi, tamen a mulieribus alienigenis non abstinabant, ut vides etiam in Salmon, & Raab, de qua dixi Iosue cap. 11. Vide porro quæ dicta sunt cap. xxxiv. vers. 14.

V. 7. **FUIT HER.** Uterque frater nequam, & ob idem peccatum ambo extincti.

V. 8. **Pleraque præscripta in lege Moisaica**, prius fuerunt in usu apud Patriarchas, ut hoc de semine fratris suscitando, de quo est statutum Deut. xxv. 5. ac proinde non est lege naturæ prohibitum matrimonium propter affinitatem in ullo gradu lineæ lateralis. Ceterum sub Mose exabat prohibitio Levit. xviii. vers. 16. solum permittebatur in hoc evento, cum scilicet deficiebat semen fratris.

V. 9. **SCIENS**, scilicet quod primogenitus filius nasciturus non foret suus, sed fratris computandus esset filius, **FILIOS.** Enallage numeri: solum enim primogenitus nascebatur fratri defuncto; reliqui censebantur gignentis. Hic notandum uxorem demortui non potuisse nubere alteri, quam-

diu superesset ex familia mariti, qui eam duceret, ut constat ex vers. 26.

V. 11. **ESTO VIDUA.** Cogitabat Iudas non dare Selam filium, Thamar viduæ, ne idem quod fratribus eveniret: hinc dilatio coniugii.

V. 12. **DIEBUS.** Ita etiam Hebr. & LXX. male Regia annis: nam nec ratio Chronologiæ id patitur.

V. 14. **Thamnus** urbs est, an eadem cum Thamnate Samsonis, certatur. Thamar theristzo, seu velo operata hæret in bivio. Hebr. in porta עֵינִים *ibnenaim*. Quidam vertunt in ostio oculorum, quod significat bivium: quia viator cum occurrit bivium, extendit oculos in duas partes, quasi bivium sit ostium oculorum. Septuag. accipiunt pro nomine proprio.

V. 17. **Peccat** certe Iudas fornicationis peccato: nam a peccato incestus excusare facile potuit ignorantia invincibilis. At Thamar utroque modo peccavit: nam in linea recta affinitatis, primus gradus (ut probabilior habet opinio ex Levit. cap. xvi. 11.) prohibetur lege naturæ. Dixi de laterali vers. 8. Arrhabonem petit, seu pignus, & arrham. Heb. עֶרְבָן *bherabon*: unde est deducta vox Lat. na.

V. 18. **ARMILLA**, humerorum ornamentum: aliis est cidaris tua, & capitis ornamentum.

V. 24. **PRODUCITE EAM.** Forte non erat iudex causæ huius Iudas, sed designatur tantum iubere eum ut producat coram indice.

V. 26. **IUSTIOR ME EST.** Sane magis illa peccavit, ut dixi, sed minus in specie iniuriæ. Non constat an postea Sela fuerit ei datus.

V. 29. **QUARE DIVISA EST PROPTER TE MACERIA?** Vox est obstetricis ægre serentis de ceptam. Per maceriam hic secundinæ intelligi possunt. Heb. פָּרֶצֶת *pharets*, *diviso*: quare *divisiss* super te *divisionem*, seu membranam, quæ tamquam maceria te continebat? Ergo sensus: quare tu prior egressus es dividendo prior maceriam, quæ erat ut separatio te involvens? Hinc nomen Phares.

C A P U T XXXIX.

Cum prospere ageret Ioseph apud herum Putipharem, contemnens heram sapius de concubitu interpellantem, accusatur apud dominum, & in carcerem conicitur : ubi custodis gratiam nactus, omnium vincitorum curam habet.

Igitur Ioseph ductus est in Aegyptum, emitque eum Putiphar eunuchus Pharaonis, * princeps exercitus, vir Aegyptius, de manu Ismaelitarum, a quibus perductus erat. 2. Fuitque Dominus cum eo, & erat vir in cunctis prospere agens : habitavitque in domo domini sui : 3. qui optime noverat Dominum esse cum eo, & omnia quæ gereret, ab eo dirigi in manu illius. 4. Invenitque Ioseph gratiam coram domino suo, & ministrabat ei : a quo præpositus omnibus, gubernabat creditam sibi domum, & universa quæ ei tradita fuerant. 5. Benedixitque Dominus domui Aegyptii propter Ioseph, & multiplicavit tam in ædibus quam in agris cunctam eius substantiam : 6. nec quidquam aliud noverat, nisi panem quo vescbatur. Erat autem Ioseph pulchra facie, & decorus aspectu. 7. Post multos itaque dies iniecit domina sua oculos suos in Ioseph, & ait, Dormi mecum. 8. Qui nequaquam acquiescens operi nefario, dixit ad eam : Ecce dominus meus, omnibus mihi traditis, ignorat quid habeat in domo sua : 9. nec quidquam est quod non in mea sit potestate, vel non tradiderit mihi, præter te, quæ uxor eius es : quo modo ergo possum hoc malum facere, * & peccare in Deum meum ? 10. Huiusmodi verbis * per singulos dies & mulier molesta erat adolescenti, & ille recusabat stuprum. 11. Accidit autem quadam die, ut intraret Ioseph domum, & operis quippiam absque arbitris faceret ; 12. & illa apprehensa lacinia vestimenti eius, dieeret, Dormi mecum. Qui relicto in manu eius pallio fugit, & egressus est foras. 13. Cumque vidisset mulier vestem in manibus suis, & se esse contemptam, 14. vocavit ¶ ad se homines domus suæ, & ait ad eos : En introduxit virum Hebræum, ut illuderet nobis : ingressus est ad me, ut coiret mecum : cumque ego succlamassem, 15. & audisset vocem meam, reliquit pallium quod tenebam, & fugit foras. 16. In argumentum ergo fidei retentum pallium ostendit marito reverenti domum, 17. & ait : Ingressus est ad me servus Hebræus quem adduxisti, ut illuderet mihi : 18. cumque audisset me clamare, reliquit pallium quod tenebam, & fugit foras. 19. His auditis dominus, & nimium credulus verbis coniugis, iratus est valde ; 20. (a) tradiditque Ioseph in carcerem, ubi vincti regis custodiebantur : & erat ibi clausus. 21. Fuit autem Dominus cum Ioseph, * & misertus illius dedit ei gratiam in conspectu principis carceris : 22. qui tradidit in manu illius universos vinctos qui in custodia tenebantur ; & quicquid fiebat, sub ipso erat. 23. Nec noverat aliquid, cunctis ei creditis : Dominus enim erat cum illo, & omnia opera eius dirigebat.

(a) PAL. CIV. 18.

ROMANÆ CORRECTIONES.

V. 1. *Princeps exercitus*. Non addas pronomen *sui*.

V. 9. *Et peccare in Deum meum*. Non substituas *Dominum* 7^m *caput*, pro *Deum* 7^m *caput*.

V. 10. *Per singulos dies*. Transfodiendum est, quod sequitur in quibuldam libris, verbum *loquebatur*.

V. 21. *Et misertus illius dedit ei*. Non augneas orationem, quomodo alii libri: *Et misertus est illius, & dedit ei*.

LECTIONUM VARIETAS.

V. 14. *Vocavit ad se*. Alii codices omittunt *ad se*.

C O M M E N T A R I A

S A.

Versf. 1. **E**UNUCHUS. Alii *princeps*, seu *regius minister*. Tales enim eunuchi vocabantur, quod fere omnes essent eunuchi.

V. 3. *DIRIGI*, id est prosperari. *ILLIUS*, scilicet Ioseph.

V. 6. *NEC QUIDQUAM ALIUD NOVERAT NISI PANEM QUO VESCEBATUR*; quasi dicat: Nulla de re sollicitus erat, nisi de edendo & bibendo, reiecta cetera cura in Ioseph.

V. 7. *POST MULTOS ITAQUE DIES*. Hebr. *post hec*.

V. 9. *MALUM*. Hebr. *malum grande*.

V. 13. *ET SE ESSE CONTEMPTAM*. Hebr. *Et quod fugisset foras*.

V. 15. *QUOD TENEBAM*. Hebr. *apud me*: sic & infra.

V. 16. *IN ARGUMENTUM ERGO FIDEI*: id non est Hebr.

V. 19. *NIMUM CREDULUS*: nec id est Hebr.

V. 22. *IN MANU*, id est curæ, seu in custodiam.

V. 23. *NEC NOVERAT ALIQUID*; quasi dicat: Nullam ab eo rationem exigebat. *DIRIGEbat*, id est secundabatur.

E S T I I.

Versf. 4. **G**UBERNABAT SIBI CREDITAM DOMUM. Quæritur unde Ioseph tam cito perdiscere potuerit linguam Aegyptiacam, ut gubernandæ domui posset esse idoneus. Nam linguam Aegyptiacam diversam fuisse ab Hebræa, patet quia paulo post Ioseph fra-

tribus per interpretem loquebatur. Unde & in Psalm. LXXX. de populo Israël apud Aegyptum peregrinante dicitur: *Linguam, quam non noverat, audivit*. Itaque respondeo, Ioseph, quæ erat celeritate ingenii, simul adhibita cura, ac studio, statim assecutum esse gentis linguam, primo ut imperiole, deinde ut perfecte eam sonaret; præsertim cum adhuc adolescens esset, quæ ætas linguis discendis aptissima est.

V. 6. *NEC QUIDQUAM ALIUD NOVERAT NISI PANEM*. Non de Iosepho dicitur, quasi hoc ad eius integritatem, & simplicitatem pertineret; sed de hero ipsius. Est enim sensus: Herus omnia fideli ministro committebat, de nulla re alia sollicitus quam de edendo & bibendo. Qui quidem sensus & ex circumstantiis manifestus est, & ex fine capitis, ubi similia dicuntur de præfecto carceris; tum etiam ex verbis Ioseph ad uxorem domini sui sollicitantem eum ad stuprum.

V. 9. *ET PECCARE IN DEUM MEUM*. Quidam codices pridem habebant *dominum meum*; sed recte repositum est *Deum meum*: nam ita pleraque miss. habent, tum imprimis quoque Hebræa, Chaldaea, & Græca. Unde patet, Ioseph in hac recitatione stupri non tantum spectasse ne domino suo temporali infidelis esset (quod tamen apud impudentem feminam merito prætexebat) sed præcipue ne in Dominum Deum peccaret; quod est perfectæ virtutis.

V. 14. *EN INTRODUXIT VIRUM HEBRÆUM*. Et inferius rursus: *Ingressus est ad me servus Hebræus*. Nota, Ioseph nec iure, nec proinde revera servus erat, quia iniuste venditus. Itaque proprio.

prietas rei sic venditæ non transferat ad emptorem. Servus igitur erat putatius, quomodo Ioseph novi testamenti pater putatius Christi. Ceterum quod bis Hebraum vocat, cum contemptu facit: erant enim Hebræi contemptibiles Aegyptiis. Vide infra cap. XLIII.

M A R I A N A E.

Vers. 3. **A**B EO, a Deo. DIRIGI, feliciter cedere, fortunari, quæ faceret Ioseph.

V. 6. NEE QUIDQUAM ALIUD NOVERAT. Ante hæc verba in Hebræo præcedit: *Et dereliquit omnia quæ habebat, in manu Ioseph*: quæ Hier. rescivit, quoniam repetebantur prius dicta. PULCHRA FACIE. Verba Hebraica ad totum corpus potius referuntur; quasi dicat, venusto corporis habitu erat. Sequitur, DECORUS ASPECTU. Dicerem, decora facie; sed non refert.

V. 7. POST MULTOS ITAQUE DIES. Hebr. *Et factum est post verba hæc*, id est deinde.

V. 9. PRAETER TE, QUAE UXOR. Hebr. *Praeter te, in quo uxor tu*. Hebræus Schol. *In quo; id est, propterea quod*. Pagn. reddidit, *In eo quod*, sententia non alia.

V. 10. ET MULIER MOLESTA ERAT ADOLESCENTI. Hoc Hieron. addidit de suo, ut melius explicaret.

V. 11. ACCIDIT AUTEM QUADAM DIE. Hebr. *Et fuit secundum diem hanc*; hoc est, uno quopiam die, nempe certo, quo venire solebat ad procurandas res domesticas.

V. 13. ET SE ESSE CONTEMPTAM. Hebr. *Et quod fugisset foras*.

V. 15. RELIQUIT PALLIUM QUOD TENEBAM. Hebr. *Apud me reliquit vestem suam*.

V. 16. IN ARGUMENTUM ERGO FIDEI: non est in Hebræo hoc.

V. 19. ET NIMIUM CREDULUS VERBIS CONIUGIS. Hebr. *Cum audisset dominus eius verba uxoris suæ, quæ locuta est ad eum dicendo: Sicut verba hæc fecit mihi servus tuus. Sicut verba; ac si diceret: Hæc fere verba dixit, hac sententia est locutus mihi. Alii referunt ad verbum fecit, & cum eo iungunt vocem verba, hac sententia: secundum hæc verba,*

id est secundum hæc, fecit mihi: nam vox verba Hebraice sæpe redundat.

V. 22. ET QUIDQUID FIEBAT, SUB IPSO ERAT, scilicet in carcere. Custos carceris eum rebus præceperat. Hebr. *Et omne quod faciebant ibi, ipse faciebat*, nempe præcipiens, uti Hebræus Schol. explicat *וְדָבַר מִמֶּנּוּ* non nisi ex ore eius quid fiebat. Quod autem ait idem sic Chald. explicare, ego quidem in nostro Onkelos id non invenio.

V. 23. CUNCTIS EI CREDITIS. Hebr. *Non videbat quidquam princeps carceris: in manu eius* (supple, eorum quæ in manu eius, nempe Ioseph) *erant omnia*. Nullam ab eo rationem exigebat.

M A L V E N D A E.

Vers. 6. **N**EE QUIDQUAM ALIUD NOVERAT NISI PANEM QUO VESCEBATUR. Quidam hoc referunt ad Ioseph; id est, tanta delitate, & abstinentia Ioseph res heri sui administrabat ut nihil ex iis sibi vindicaret, nisi tantum vidui necessaria: unde reddunt: *Et cognoscebat apud ipsum quid quidquam præter panem quem cum eo comederat*; id est, nihil commodi sentiebat præter panem. Alii melius ad herum, Nullam rationem reddebat Ioseph domino suo, nec herus ipse quidquam sua curabat; sed omnia fidei Ioseph committebat, de nulla re alia sollicitus, quam de edendo & bibendo, genio tantum indulgens. Aiunt esse proverbialem locutionem, de eo qui totam curam rei familiaris alteri committit. Vide vers. 8. & similem loquendi modum vers. 23. Hebræorum aliqui expouunt: Cum herus nihil rerum suarum curaret, cunctis Iosephi administrationi traditis, cibi tantum curam & rationem habebat; nec hanc permiserat Iosepho, quod esset Hebræus, & Aegyptii diverso genere ciborum ab Hebræis uteretur. Futilis & frivola expositio.

V. 8. ECCE DOMINUS MEUS OMNIBUS MIHI TRADITIS, IGNORAT QUID HABEAT IN DOMO SUA; quasi dicat: Fidem meam, cui dominus meus omnia, præter te, commisit, perfide violarem; & in Deum coniugii auctorem, & vindicem peccarem.

V. 9. NEE QUIDQUAM EST QUOD NON

NON IN MEA SIT POTESTATE, &c. Hebr. *Non ipse magnus in domo ipsa pre me*, &c. Quidam intelligunt: Nec ipse etiam herus maior est me in hac domo, nisi in hoc quod te mihi prohibuit. Sed melius: Non est alius aut quisquam domesticorum maior me in hac domo.

V. 10. ET MULIER MOLESTA ERAT, &c. Hebr. *Non audivit ad eam*, non acquievit ei, *ad cubare* וְלִישָׁן *et lab*, quidam exponunt *apud. prope, iuxta, penes eam*; alii, *ad latus eius*; nonnulli, *ad cubitum, brachium, axillam eius*; melius *reservationi eius*, id est vel in loco abdito, & reservato, vel cum ea quæ reservata erat marito, *ad esse cum ea*. Idem dicit duabus sententiis, ut importunitatem indicet improbæ mulieris; vel saltem ut secum loqueretur, & confabularetur.

V. 14. VIRUM HEBRÆUM. Notant, Hebraici generis meminisse, ut Iosephum magis odiosum, & execrandum reddat, & iure de marito conqueri videatur: erant enim Hebræi Aegyptiis præ ceteris abominabiles, cap. XLIII. vers. 32.

V. 20. TRADIDITQUE IOSEPH IN CARCEREM. Hebr. *Et accepit domini Ioseph eum*. אֲדֹנָי *adone*, plurale constructum, *sustentatores, heri, domini, Iosephi*, pro *sustentator, herus Ioseph*. Notant esse proprietatem linguæ, de magnis personis in magistratu, aut dignitate constitutis, honoris & reverentiæ causâ ita pluraliter loqui; & plerumque constructi cum verbo singulari. Vide supra vers. 2. 3. 7. 8. 16. & 19. & Genes. XXIV. vers. 9. x. 5. IN CARCEREM UBI VINCTI REGIS CUSTODIEBANTUR. Hebr. *Ad domum rotunditatis* מִדְּבָר סֻבָּר, *rotunditatem, circum, circum, in modum lunæ arcuatam*, & fornicatam significare aiunt: qua forma carceres extrui solent. Hispanice *bovedas*, arnicem possis exponere, vel l. cum fornicatum, & saxo circumseptum: turrim alii interpretantur. Notant fuisse carcerem durissimum, quo detrudebantur fontes, qui regem offenderant, ut hic dicitur, nempe rei lætæ maiestatis. Vide infra cap. XL. 15. cap. XLI. 14. Psalm. CIV. 18. *Afflixerunt in compede pedem eius: ferrum invexit anima eius*.

V. 21. DEDIT EI GRATIAM IN CONSPECTU PRINCIPIS CARCERIS. Quidam coniectant, hunc principem, seu

præfectum carceris, fuisse servum aut ministrum Putipharis præfecti prætorianis cohortibus, seu regio satellitio fiducio commissarium custodem; atque verisimile esse, Iosephum casum suum, & rem totam huic, sicut se habebat, explicasse; quod apud herum non liquerat: hunc vero æquum fuisse Iosepho, ac rem omnem Putiphari narrasse: inde factum esse, ut ipse Iosephi herus Putiphar de innocentia eius persuasus, ei paulatim faveret: quod confirmatur e vers. 4. cap. XL.

V. 22. ET QUIDQUID FIEBAT, SUB IP SO ERAT. Hebr. *Et omne quod facientes ibi, ipso fuit faciens*; id est, ipse erat auctor, moderator omnium quæ ibi alii facerent; eius imperio, nutu, ductu cuncta gerebantur in carcere; ipse omnia administrabat.

M E N O C H I I.

Vers. 1. A QUIBUS PERDUCTUS ERAT. Qui illum in Palestinam emerant a fratribus, iidem nunc in Aegypto Putiphari vendiderunt.

V. 2. FUIT DOMINUS CUM EO: semper illum divina gratia comitabatur, omnia illi expediens, & omnibus gratum reddens. VIR IN CUNCTIS PROSPERE AGENS: vir non ætate, sed prudentia, & maturitate, cui cuncta prospere cedebant.

V. 3. OPTIME NOVERAT: experientia scilicet didicerat. DIRIGI, prosperari, fortunari.

V. 5. BENEDIXIT: bonorum omnium affluentia replevit. TAM IN AEDIBUS, QUAM IN AGRIS: domi, forisque.

V. 6. NEC QUIDQUAM ALIUD NOVERAT, NISI PANEM QUO VESCEBATUR. Adagialis loquendi formula; sensus est: Ita omnia sua commiserat Ioseph, ut cum probitatis eius maxime confideret, nullam rationem dati, & accepti reposceret, sollicitus dumtaxat mensæ accumbere, & frui iis quæ Iosephi arbitrio apponerentur.

V. 7. POST MULTOS ITAQUE DIES: forte anno octavo, nono, vel decimo post venditionem in Aegypto: nam nihil certi definiri potest. INIECIT OCULOS, flagitium spirantes, lascivos.

V. 9. QUOMO DO ERGO POSSUM
HOC

HOc MALUM FACERE, ET PECCARE IN DEUM MEUM? quasi dicat: Qui fieri possit ut erga tam benignum dominum tam sim ingratus, maxime cum id sine gravi Dei offensa fieri non possit?

V. 10. PER SINGULOS DIES: nullam occasionem colloqui pellacis, & malefandi sibi elabi patiebatur. STUPRUM, adulterium: est catachresis.

V. 11. UT INTRARET IOSEPH DOMUM, ET OPERIS QUIPPIAM ABSQUE ARETITRIS FACERET. Soli domi negotia domini procuranti mulier impura supervenit. Chaldaeus ait ingressum ut scripturas ratiociniorum investigaret.

V. 12. LACINIA, extrema simbria, seu ora vestimenti. *EGRESSUS EST FORAS.* Potuisset robustus iuvenis pallium de mulierculæ manibus violenter extorquere; sed nec vim domine facere voluit, nec contactum impuræ feminæ manibus vestem ultra gestare sustinuit.

V. 13. VIDISSET MULIER: Facilis mulieri ex amore in odium migratio, præsertim si se & contemptam, & deprehensam animalverat. *VOCAVIT AD SE,* invitans, & ut opem ferrent, & comprehenderent Iosephum, iubens.

V. 17. SERVUS HEBRAEUS QUEM ADDUXISTI. Etiam maritum culpæ quodammodo participem facit, ut ita cogat acrius in Iosephum sævire.

V. 19. NINIUM CREDULUS, excecante zelotypia: nec advertit hanc ipsam vestem indicium potius esse violentiæ a muliere profectæ, ut notavit Philo.

V. 20. IN CARCEREM. Hebr. *In domum carceris.*

V. 21. PRINCIPIS CARCERIS, præfecti, & custodis.

V. 22. SUB IPSO ERAT: directione eius fiebat.

V. 23. NEC NOVERAT ALIQUID: nulli rei se immiscebat, nihil curabat: omnia enim fidei, & prudentiæ Iosephi commissa.

TIRINI.

*Vers. 6. N*EC QUIDQUAM ALIUD NOVERAT, NISI PANEM QUO VESCERATUR. Proverbio hoc significatur, patremfamilias ita omnia sua commississe Iosepho ut ab eo nullam

rationem dati vel accepti reposceret; sed contentus frui partis labore Iosephi, dormiebat in utramque aurem, sollicitus iolum edere & bibere. Notat Rupertus præcellentiam hic virtutum Iosephi. Primo iustitiæ, qua bona domini sui tot annis tanta integritate, sine ulla fraudis, aut negligentiae suspitione administravit. Secundo temperantiæ, quia iuvenis vix viginti septem annorum, & servus, & formosus, ab hera propria, & ampla pollicente, secreto adamatus, & sæpius interpellatus, ac rogatus, numquam redamavit. Tertio prudentiæ, qua dissuadere conatus, cum vidit frustra esse, etiam veste apprehensus aufugit. Quarto fortitudinis, qua & blanditias, & furias insanæ amariæ constanter repulit, & carceres, & mortem subire maluit quam vel Deum, vel herum suum offendere. Hinc Chrysostomus, Ambrosius, Augustinus & Philo, Magis, inquit, miramur factum Iosephi, quam tres pueros in fornace Babylonica illatos permansisse: nam sicut illi pueri, sic magis Ioseph in mediis ignibus illatus, non adustus, sed clarior effugit.

GORDONI.

*Vers. 1. R*egreditur Moses ad Iosephum, de quo deinceps usque ad finem huius Libri. De annis in AEGYPTO transactis dixi ex professo suo loco.

V. 2. Laus Iosephi. Virum vocat notetate, sed prudentia. *IN CUNCTIS PROSPERE AGENS,* divina illum benedictione ubique comitante.

V. 3. AB EO. Hoc est, a Deo: Deus enim omnia, quæ gerit Ioseph, dirigebat prospere.

V. 6. NEC QUIDQUAM ALIUD NOVERAT NISI PANEM; hoc est, dominus eius ita ei fidebat, ut omnium rerum, curam illi commiserit.

V. 10. STUPRUM, idest adulterium, quadam vocis abusione.

V. 12. LACINIA, ora vestimenti, Simbria. In Hebr. *Apprehendit eum in vestimento eius.* וַיִּכְּסֵהוּ בִּבְגָדוֹ bebagedo.

V. 22. SUB IPSO ERAT. Custos carceris præfecit eum rebus suis.

C A P U T XL.

Eunuchorum Pharaonis in carcere Ioseph somnia interpretatus, alterum officio restituendum, alterum suspensio finiendum prædixit: quæ omnia in Pharaonis natalitio evenerunt.

1 *  Is ita gestis, accidit ut peccarent duo eunuchi, pincerna regis Aegypti, & pistor, domino suo. 2. Iratusque contra eos Pharaon (nam alter pincernis præerat, alter pistoribus) 3. misit eos in carcerem principis militum, in quo erat vinctus & Ioseph. 4. At custos carceris tradidit eos Ioseph, qui & ministrabat eis. Aliquantulum temporis fluxerat, & illi in custodia tenebantur. 5. Videruntque ambo somnium nocte una iuxta interpretationem congruam sibi. 6. ad quos cum introisset Ioseph mane, & videret eos tristes, 7. sciscitatus est eos dicens: Cur tristior est hodie solito facies vestra? 8. Qui responderunt: Somnium vidimus, & non est qui interpretetur nobis. Dixitque ad eos Ioseph: Numquid non Dei est interpretatio? Referte mihi quid videritis. 9. Narravit prior, præpositus pincernarum, somnium suum: Videbam coram me vitem, 10. in qua erant tres propagines, crescere paulatim in gemmas, & post flores uvæ maturescere; 11. calicemque Pharaonis in manu mea: tuli ergo uvæ, & expressi in calicem quem tenebam, & tradidi poculum Pharaoni. 12. Respondit Ioseph: Hæc est interpretatio somni: tres propagines, tres adhuc dies sunt: 13. post quos recordabitur Pharaon ministerii tui, & restituet te in gradum pristinum: dabitque ei calicem iuxta officium tuum, sicut ante facere consueveras. 14. Tantum memento mei, cum bene tibi fuerit, & facias mecum misericordiam: ut suggeras Pharaoni ut educat me de isto carcere: 15. * quia furto sublatus sum de terra Hebræorum, & hic innocens in lacum missus sum. 16. Videns pistorum magister quod prudenter somnium dissolvisset, ait: Et ego vidi somnium: quod tria canistra farinæ haberem super caput meum: 17. & in uno canistro quod erat excelsius, * portare me omnes cibos qui sunt arte pistoria, avellæque comedere ex eo. 18. Respondit Ioseph: Hæc est interpretatio somni: tria canistra, tres adhuc dies sunt: 19. post quos auferet Pharaon caput tuum, ac suspendet te in cruce, & lacerabunt volucres carnes tuas. 20. Exinde dies tertius natalitius Pharaonis erat: qui faciens grande convivium pueris suis, recordatus est inter epulas magistri pincernarum, & pistorum principis. 21. Restituitque alterum in locum suum, ut porrigeret ei poculum; 22. alterum suspendit in patibulo, ut coniectoris veritas probaretur. 23. Et tamen succedentibus prosperis, præpositus pincernarum oblitus est interpretis sui.

BRUGENSIS

ROMANAE CORRECTIONES.

V. 3. *Hic ita gestis.* Non est mutandum adverbium *ita* cum coniunctione *itaque*.

V. 15. *Quia furto sublatum sum.* Spurium est adverbium *furto*, positum loco nominis *furto*.

V. 17. *Portare me omnes cibos.* Superfluum

est verbum *portabam*, quod quidam interpolant.

LECTIONUM VARIETAS.

V. 13. *Recordabitur Pharao ministris tui.* Quaedam manuscripta habent *magisterii*.

COMMENTARIA

S A.

Vers. 1. DOMINO SUO, idest in dominum suum.

V. 4. CUSTOS CARCERIS. Hebr. *princeps militum*. TRADIDIT, scilicet in curam.

V. 8. NUMQUID NON DEI EST INTERPRETATIO? quasi dicat: Potest Deus per aliquem interpretari.

V. 16. FARINAE. Hebr. *alba*.

V. 19. CAPUT Tuum, id est te. IN CRUCE. Hebr. *in ligno*.

V. 22. UT CONIECTORIS VERITAS PROBARETUR. Hebr. *Sicut fuerat eis interpretatus Ioseph*.

EST II.

Vers. 8. SOMNIUM VIDIMUS. Quæri solet sitne licita somniorum observatio, & eorum interpretationem quærere, aut dare. Nam dicit Dominus Deut. xviii. *Non inveniatur in te qui observet somnia*: & alibi sæpius somniorum observationes prohibentur. E contra producuntur Ioseph, & Daniel interpretores somnia. Itaque respondeo: Somnia vel divinitus immituntur, vel ex naturalibus tantum causis eveniunt. Si ex causis tantum naturalibus accidunt, nullam habent significationem eventuum futurorum, sed tantum præsentis corporis constitutionis, & futuræ, quantum ex præsentis constitutione de futura iudicari potest. Atque huiusmodi somniorum significatio ad medicos pertinet. Quod si divinitus immituntur, id sane fit ad aliquid significandum, quod ab homine humana sagacitate sciri,

aut prævideri non potest. Itaque huiusmodi somnia neque discerni ab aliis somniis, neque exponi possunt, nisi ab iis qui dono ad hoc divinitus collato instructi sunt; cuiusmodi fuerunt Ioseph, & Daniel. Et hoc est quod Ioseph hic dicit: *Numquid non Dei est interpretatio?* & postea ad Pharaonem: *Absque me Deus respondet prospera Pharaoni*; quasi dicat, non ego, sed Deus.

V. 22. UT CONIECTORIS VERITAS PROBARETUR. Ut non finem significat (nihil enim Pharaon de hac interpretatione somnii audiverat, cum pincernam in locum suum restituit) sed scilicet denotat eventum. Sensus enim est: atque ita factum est ut veritas coniectoris fuerit declarata. Et sic quoque intelligitur quod aliquoties in Evangelio dicitur: *Ut impleatur quod scriptum est*; ac si dicatur: Atque ita impleta est prophetia talis, aut talis. Quamquam in Hebræo non est *Ut veritas probaretur*, sed *Quomodo coniecerat eis Ioseph*.

MARIANAE.

Vers. 1. DUO EUNUCHI. Hoc Hebræo non est, nec in Sept. nec Chald. sed tantum: *Post hæc peccaverunt pincerna regis Aegypti, & pistor*.

V. 4. AT CUSTOS CARCERIS TRADIDIT EOS IOSEPH. Hebr. variis redduntur modis. Placet tamen Chald. explicatio: *Et posuit princeps militum cum eis Ioseph, & ministrabat eis*. Reliquis vinctis præpositus, his duobus datus est socius & minister. ALIQUANTULUM TEMPORIS FLUXERAT, ET ILLI IN CUSTODIA TENEBANTUR. Hebr. *Et*

Non 2 *fue-*

fuerunt dies in carcere. Hebræi intelligunt per dies annum integrum.

V. 5. IUXTA INTERPRETATIONEM CONGRUAM SIBI. Hebr. *Quisque iuxta interpretationem somnii sui*. Nempe significat somnia non fuisse vana & sortuita, quæ interpretationem non habent, sed significasse quæ illis ventura erant. Præterea in Hebræo additur: *Pincerna, & pistor regis Aegypti, qui vinclis* (supple, erant) *in domo carceris*. Quæ Hieronymus prætermisit, quippe in plerisque locismagis Paraphrasten agit quam Interpretem.

V. 8. NUMQUID NON DEI EST INTERPRETATIO? quasi dicat: Potest Deus per aliquem interpretari.

V. 10. UVAS MATURESCERE. Hebr. *Racemos uvarum coqui*. Sane ut carnesigne, sic fructus solis calore coquantur.

V. 13. POST QUOS RECORDABITUR. Hebr. *In adhuc tres dies*, id est in fine trium dierum, levabit Pharaon caput tuum, & restituet te, &c.

V. 15. IN LACUM MISSUS SUM. *בְּבֹר* *babor*, in puteum, id est carcerem. Carceris forma instar putei erat: quare *בְּבֹר* *sobar* hic sæpe & aliis locis a rotunditate vocatur.

V. 16. TRIA CANISTRA FARINÆ. Alii interpretantur *tria canistra alba*, quippe ex viminibus decorticatis; sed vocem *בְּבֹר* *bari*, Sept. *farinam* interpretati sunt: fortassis quoniam ea vox candorem proprie significat, putarunt *canistra candoris* referendum ad rem in us contentam, quam farinam existimantur.

V. 19. AUFERET PHARAO CAPUT TUUM. Eadem verba Hebræica sunt hic, & vers. 11. *יִשָּׂא בְרָכִי רִאשִׁי* *isa Parbo* *resceba*. Verum superius vers. 13. significat levabit Pharaon caput tuum, hic autem auferet Pharaon caput tuum, quoniam addit, *desuper te*. Videturque ludere eodem verbo, sed in diversa ac contraria significatione. Sed & vers. 20. eodem verbo utitur, sed in significatione recordandi, cum ait: *Et recordatus est capitis principis pincernarum, & capitis principis pistorum, si ve cognorum*.

V. 22. UT CONIECTORIS VERTAS PROBARETUR. Hebr. *Ut fuerat eis interpretatus Ioseph*. Ioseph primum so-

mniorum interpretem extitisse ait Iustinus Lib. XXXVI. Historiæ.

M A L V E N D A E.

Vers. 1. **E T P I S T O R**. Plinius Lib. XVIII. cap. xi. *Pistores Romæ non fuerunt ad Persicum usque bellum, annis ab urbe condita super D. LXXX. ipsi panem faciebant Quirites; mulicrumque id opus erat, sicut etiam nunc in plurimis gentium*. Quod etiam Varro affirmat, apud Nonium cap. 11. num. 643. Vides ut multo iam antea fuerint apud Aegyptios.

V. 3. MISIT EOS IN CARCEREM. Non omitam annotare vocem Hebr. *מִשְׁחָנָר* *mischmar*, *custodiam*, *carcerem*, convenire cum Hispanica *masmorra*, eodem sono, & significato.

V. 4. TRADIDIT EOS IOSEPH. Varie reddunt hunc locum: *Et ordinavit Ioseph cum eis*; id est, disposuit ut esset cum eis; alii, *Et convenit Ioseph cum eis*; id est, iunxit ut simul essent: quidam, *Commendavit Ioseph eos*; vel, *ommissi Ioseph eos*: nonnulli, *Et accenjuvit, recensuit Ioseph ad eos*, vel *cum eis*; id est, notavit, inscripsit in eodem albo vincitorum: nam sorte vinclis dividebantur per classes; & ii erant honoratiores. Ex verbo, *Et visitavit*, vel *visitare fecit Ioseph ad eos*; id est, constituit visitatorem, curatorem, procuratorem eorum, vel inspectorem, custodem, observatorem eorum.

V. 6. TRISTES. Verbum *זָגַחַב* *zaghab* septies occurrit in Scriptura. Noster hic *tristem* esse, II. Paralipom. xxvi. 19. *irasci*, ibidem, *minitari*. Proverb. xix. 3. *fervere*. I. Reg. xx. 43. *furibundum* esse. Ibidem cap. xxi. 4. *frendere*. Daniel. i. 10. *macilentum* esse: quæ omnia significata hic recte conveniunt. Ajuunt idem esse plane cum verbo *זָגַחַב* *zaghab*, quod extremæ litteræ sint eiusdem instrumenti, & symbolicæ, nisi quod *zaghab* sit fortius ac vehementius, nempe *fervere*, seu *furere ira*; vel *turbari tristitia*, seu *metu*; *ira effervescere*, seu *exastuare*, *conturbari tristitia*, aut *metu*, cuius signum in vultu appareat. Unde iratum seu tristem vultum pro macilentio, Daniel dixit. Alii, per *fervere*, obscurum, *turbatum* esse exponunt. Quidam hic vertunt, *Conturbati*; alii *servientes*; nonnulli, *dolore affecti*; aliqui, *conternati*.

P. 7.

V. 7. CUR TRISTIOR EST. Particulam מוֹרָד *maddugh* ordinarie reddunt *cur, quare, ut quid, quamobrem*. Certum est componi ex מה *mah, quid, & מוֹרָד*, cognitio. Licet vertere, *Quid cognitionis?* id est, quid novi, quid dignum cognitione, quid causæ? Vide supra cap. xxvi. vers. 27.

V. 8. NUMQUID NON DEI EST INTERPRETATIO? REFERT MIHI QUID VIDERITIS; ac si dicat: Narra mihi somnia vestra, nam puto me, favente Deo, cuius est interpretatio somniorum, non vanum fore coniectorem. Aliter. Quid mæsti & turbati estis, quod somniorum solutionem conieci non potestis, cum arcana somniorum solius Dei sit declarare, qui ea solet immittere; nec id homines scire possint nisi vanis, & incertis coniecturis?

V. 11. CALICEMQUE כוס *cor* aiunt esse nomen poculi rotundi, in modum rose germinantis, seu lilii repandi figuram habentis, quod colligit aliquot mensuras minores: forte cotulam, seu congium. Exponunt calicem, phialam, pascram, scyphum, poculum, crateram, pocillum. Quidam divinant esse vaiculum in modum rostri falconis, quod cor eam quoque avem significet, aut bubonem, aut nyctioracem.

V. 13. RECORDABITUR PHARAO MINISTERII TUI. Hebr. *Levabu* Pharaos caput tuum. Aliqui reddunt, *Recensabit caput tuum, vel te, Pharaos*. Quidam exponunt, *Te honorabit, te restituet in pristinam dignitatem*. Qua phrasi usus est Ieremias LII. 31. & II. Regum xxv. 27. Alii explicant: Cum familiam recensebit, & servitia lustrabit omnia, te etiam numerabit in eorum catalogo; cum censum domus aget, indet te summæ famulantium. Sic levare caput, pro summam colligere, censum agere, Exodus xxx. 12. Numeror. I. 2. cap. iv. 2. 12. Hic senius & Nostro, & versui 19. & 20. mire quadrat. Tremellius, & Iunius hæc annotant: Obscuritatem hoc loco facit locutionis ambiguitas; hanc ego ex præfca numerandi ratione interpretor. Olim officiorum nomina in albo sive abaco inscripta erant; secundum ea fiebant foramina in abaco, quæ in foramina indebantur elavicipati, sive paxilli, quibus solebat informari, & ante oculos haberi expedita ratio dierum, mensum, annorum, officiorum, alio-

rum, servitiorum, pecunie attributæ, vel numeratæ, & similitum. Sic annalem clavum fuisse depasum a Pontifice maximo, auctor est Festus: sic diribitores, qui distribuendo Cesarum donativos inter milites præerant, si quibus dederant, annotabant clavis impadis in abacum; & inde clavarii a Tacito appellantur. Sic alia multa. Hunc clavum Hebræi vocant caput, foramen abaci, basin. Itaque tollere caput, nihil est aliud, quam per clavos servitia recensere; sive retineantur sive eximantur, ut infra vers. 19. Similes abaci sunt hodie in monasteriis: IUXTA OFFICIUM TUUM. Mirifice expressit vim vocis מִשְׁפָּט *mischpat*, iudicium: sumitur enim interdum pro officio, functione, ministerio, administratione, magistratu publico; quasi dicas, consulum. Psal. LXXI. 1. Deus iudicium tuum regi da. *Hec rationale, seu pectorale iudicii, id est magistratus, & officii sacerdotalis insigne, ut trabea, & paludamentum, consulum, & imperatorum*. Alii hic consuetudinem, marem interpretantur: nonnulli, Secundum rationem priorem: quidam, Secundum distributionem priorem, qua distribuuntur officia.

V. 16. TRIA CANISTRA, vocem סל *sal*, cum terdecies legatur in Scriptura, Noster semper *canistrum* convertit. S. Hieronymus hic vocem *cophini*, pro *sal* magis probat. Aiunt esse *carbem, sportam, cophinum, canistrum ex viminibus contextum, & exaggeratum, quod supra caput levare soleat, a סלל salal, quod est aggerare, sternere viam, extollere*. FARINÆ. חֲרִי *chori* varie exponunt, *albedinis, candoris*, id est *alba, candida, nempe facta ex virgis seu viminibus decoratis albis: alii, foraminum, hoc est perforata, seu cancellaturas, ut pulchre hodie contextuntur, quæ vocamus acastates: nonnulli, torcularum sub prunis decolatarum, quas Hebræi vocant חֲרִי בוגגוב, nos colgatas, aut bogatas*. Nolter, LXX. ad farinam, seu panes albos & candidos revertunt: *Tria canistra candoris, id est plena farina candida, seu plena panis albi & candidi*. Quidam arbitrantur *chori* vocabulum esse peregrinum: certe forma peregrina videtur. Hebræi putant *chori* pro *chorim* positum, id est *alborum candidorum, vel foraminum*.

V. 19. AUFERET PHARAO CAPUT TUUM, AC SUSPENDET TE IN CRUCE.

CE. Quidam putant primum capite truncatum, deinde suspensum in patibulo, & caput seorsim positum in stipite: quod verba Nostri indicare videntur. Hebr. ad verbum: *Levabit Pharaon caput tuum de super te, & suspendet te super lignum*; quod ita plerique interpretantur, *Levabit summam de super te*; id est, iubebit nomen tuum & catalogo servorum suorum abradi, & obliterari: vel censum aget, recensabit summam servorum suorum, & levabit, alleviabit, exonerabit eam tuo nomine, expungendo illud, & te amovendo ex albo sibi simulantium; insuper & arbori infelici suspendet. Alioqui enim non truncatus, sed suspensus fuit. Vide vers. 13. & 20.

V. 20. DIES TERTIUS NATALITIUS PHARAONIS ERAT. Hebr. *In die tertio, die nasci Pharaoh*: quidam, *Pharaohni filiam*: rectius alii, *die nasci Pharaohnem*, id est quo ipse Pharaon natus fuerat. Aegyptios reges natalem diem suum convivii celebrasse, auctor est Hellanicus in Aegyptiacis, apud Athenæum Lib. XV. Deipnosophillarum, cap. vii. Persarum quoque reges, scribit Herodotus Lib. IX. numero 109. & Athenæus Lib. IV. cap. x. quam cœnam, inquit, *Persice τῆς θῆς*, Græce perfectam & absolutam vocari. Quidam in utroque auctore, pro *τῆς θῆς*, rescribunt *τῆς θῆς*, vel *tumta*, ab Hebraico *דון תאמא*, quod est *perficere, absolvere*. RECORDATUS EST INTER EPULAS MAGISTRI PINCERNARUM, ET PISTORUM PRINCIPIS. Hebr. *Et levavit caput, summam, principis pincernarum, id est caput, summam, principis pistorum, in medio servorum suorum*; id est, recensuit, censum egit, collegit summam, invisit catalogum servorum suorum; & dum recitaretur catalogus servorum Pharaonis numerati sunt & isti duo inter servos alios. Ad hunc sensum proxime Noster accedit. Vide vers. 19. & 13.

M E N O C H I I.

Vers. 1. UT PECCARENT. Quod crimen admisissent ignoratur: fortasse aliquid furati de annona, vel aliqua orta suspicio ne Pharaoni venenum pararent. PINCERNA. Septuaginta habent, *Trincipem pincernarum*, eorum scilicet qui Pharaoni vinum miscebant, pi-

collatorum. PISTOR, vox Hebræa, *pistis collorem* significat. LXX. *Principem eorum, qui panes faciebant*.

V. 3. PRINCIPIS MILITUM, Putipharis. VINCTUS, captivus: iam enim vincula dempta.

V. 4. CUSTOS CARCERIS, clavicularius, ergastularius. ALIQUANTULUM TEMPORIS FLUXERAT. Aliqui probabiliter putant annum unum.

V. 5. IUXTA INTERPRETATIONEM CONGRUAM SIBI. Unusquisque vidit somnium congruum functioni suæ, & indicans quid singulis evenitum.

V. 8. NON EST QUI INTERPRETUR: quia carcere conclusi sumus, interpretis copiam non habemus. NUMQUID NON DEI EST INTERPRETATIO? quasi dicat neminem posse interpretari vere somnia, nisi a Deo interpretationem accipiat; Deum vero revelare cui velit, & se sperare id a Deo sibi concessum iri.

V. 10. TRES PROPAGINES, tres palmites, seu tria flagella vitium, in terram depressa ad novas vires in solo colligendas, & novos pampinos fundendos: hoc Latina vox *propago*, & Græca *πρόσφυτον*, quæ est apud LXX, significat.

V. 12. TRES DIES SUNT; id est, significant. Tres porro propagines in terram depresso, & ex illa emergentes, bene tres dies significant: toties enim sol conditur, & rursus in triduo exsistit.

V. 13. POST QUOS. Hebr. *Et dum adhuc tres dies*; id est, post tertium inchoatum. RECORDABITUR PHARAO MINISTERII TUI. Hebr. *Elevabit Pharaon caput tuum*; hoc est, pristinae dignitati restituet.

V. 14. TANTUM MEMENTO MEI: non posco pretium tam fausti nuntii; tantum mihi saveas apud Pharaonem, ut hinc educat.

V. 15. FURTO SUBLATUS SUM; plagio fratrum. Non fratres, non adulteram accusat, sed suam tantum innocentiam proficitur. DE TERRA HEBRÆORUM, de terra Chanaan, in qua pater & fratres, qui Hebræi sunt, degunt. IN LACUM, in carcerem. Vox Hebræa *בֹּר צִיסְרְמָא*, lacum, antrum significat.

V. 16. VIDENS PISTORUM MAGISTER QUOD PRUDENTER SOMNIUM DISSOLVISSET: ex interpretatione præ-

edentis somnii spe bona plenus. *Prudenter*, magna verisimilitudine. **CANISTRA FARINAE**. *Tres copini pollinis triticej*, ut vertit Aquila; vel, ut habet Chaldaeus, *Tria canistra plena pane principali*. Visus ergo sibi est pistor capite sustinere tria canistra invicem superposita; in quorum imo & medio soli panes erant, in supremo vero omne genus cibi pistorii, pastae, artocreae, & huiusmodialia, ad quae aves carnivorae advolabant.

V. 19. POST QUOS, inchoatos: nam tertio die durante id accidit. **AUFERET CAPUT TUUM**: vita privabit. **LACERABUNT VOLUCRES**: nam crucifixorum cadavera Gentiles de crucibus pendere sinebant, & carnivorae aves in ea involare solebant, seque eorum carnibus pascere.

V. 22. UT CONIECTORIS VERITAS PROBARETUR. Sensus est: ex quo factum est ut appareret coniectorem vere somnium fuisse interpretatum.

TIRINI.

Vers. 5. VIDERUNT AMBO SOMNIUM, IUXTA INTERPRETATIONEM CONGRUAM SIBI; id est, iuxta id quod ipsis eventum erat conformiter interpretationi subséquente.

Petes an ex somniis liceat divinare. Respondeo: Licet primo ex iis quae verosimile est a Deo, vel bono Angelo immissa esse; quod fere colligitur ex adiunctis circumstantiis, & peculiari lumine quo manifestum faciunt, a se somnium, vel revelationem proficisci. Secundo licet etiam ex somniis naturalibus, seu quae nascuntur ex humorum in corpore temperamento, coniecturam facere, ut medici faciunt, de statu corporis, eius temperie, vel intemperie, de morbo vel praesente, vel imminente, &c. Nam ex effectibus prudenter inquiritur de causa, & contra, ex causa de effectibus. Unde Hippocrates & Galenus libros scripserunt de praesagiis sumendis ex insomniis. Tertio ex diabolicis, seu a diabolo immissis somniis, quae tempore tentationis subinde permittit Deus, & prudentum iudicio facile dignosci possunt, non licet coniecturam facere, cum inhibuit nobis fir omne commercium cum aemone, capitali Dei hoste, & ruinæ no-

stræ semper insidiantæ. Quarto ex naturalibus somniis aliud quam naturale corporis temperamentum, aut valerudinis statum coniciscere velle; verbi gratia de fortuitis eventibus, vel actionibus causarum liberarum, aliisque contingentibus, vel casibus futuris; vanum, superstitiosum, & a Deo prohibitum est Deuteronomii **xviii.** vers. 10.

GORDONI.

Vers. 1. T' O' E' UNUCHI hic additum est a nostro Interprete. **PINCERNA** hic pocillator est, qui principii vinum miscet, & propinat. Hebr. *מַשְׁכֶּה* *masche* est propinare. Hinc *מַשְׁכֶּה* *masche*, nomen derivatum.

V. 3. PRINCIPIS MILITUM, Putipharis.

V. 5. IUXTA INTERPRETATIONEM CONGRUAM; hoc est, designabant quod cuique esset eventurum. Frustra hic de causis & natura somniorum aliquid. Vide Delrio, de Magicis disquisitionibus, Lib. IV. cap. 111. quæst. 6. Hic recte Ioseph vers. 9. significat, non posse vere exponi somnia, solida interpretatione, nisi a Deo, aut cul ille hoc revelat.

V. 10. PROPAGO, est vitis in terram depressa, ad novam destinata propaginem. Hinc propagare, Gallice *provenir*. Propago non est simpliciter palmes; sed talis, & palmes tractus.

V. 13. RECORDABITUR, te restituet pristinae dignitati.

V. 15. FURTO. Hoc furti genus praegium est. **E TERRA**, ubi sunt Hebraei. Per **TACUM**, intelligit carcerem. Hebr. *בֵּית חַבִּי* *bor* significat etiam antrum, & cisternam.

V. 16. CANISTRA FARINAE. Hebr. *חֵבֶר* *chore*, candorem significat: *Canistra candoris*.

V. 22. Non est sensus, factum hoc ut Iosephi expositio fieret vera; sed particula ut designat eventum rei, & ita evenisse ut Ioseph interpretatus est.

C A P U T XLI.

Somnia Pharaonis de bobus, & speciebus unicus Ioseph interpretatus, toti Aegyptio praeficitur: & ex Aseneth data sibi a Pharaone uxore duos suffulit filios ante septem famis annos.



Post duos annos vidit Pharaon somnium. Putabat se stare super fluvium, 2. de quo ascendeabant septem boves, pulchrae & crassae nimis: & pascebantur in locis palustribus. 3. Aliae quoque septem emergebant de flumine, sordidae confectaeque macie: & pascebantur in ipsa amnis ripa in locis virentibus: 4. devoraveruntque eas, quarum mira species & habitudo corporum erat. Expergestus Pharaon, 5. rursus dormivit, & vidit alterum somnium. Septem spicae pullulabant in culmo uno plenae atque formosae: 6. aliae quoque totidem spicae tenues & percussae ureidine oriebantur, 7. devorantes omnem priorum pulchritudinem. Evigilans Pharaon post quietem, 8. & facto mane, pavore perterritus, misit ad omnes coniectores Aegypti, cunctosque sapientes: & accersitis narravit somnium, nec erat qui interpretaretur. 9. Tunc demum reminiscens pincernarum magister, ait: Coniteor peccatum meum. 10. Iratus rex servis suis, me, & magistrum pistorum retrudi iussit in carcerem principis militum: 11. ubi una nocte uterque * vidimus somnium praesagium futurorum. 12. Erat ibi puer Hebraeus, eiusdem ducis militum famulus: cui narrantes somnia, 13. audivimus quidquid postea rei probavit eventus: ego enim redditus sum officio meo: & ille suspensus est in cruce. 14. Protinus ad regis imperium eductum de carcere Ioseph totonderunt, ac veste mutata, obtulerunt ei. 15. Cui ille ait: Vidi somnia, nec est qui edisserat: quae audivi te sapientissime coniecere. 16. Respondit Ioseph: Absque me Deus respondebit prospera Pharaoni. 17. Narravit ergo Pharaon quod viderat. Putabam me stare super ripam fluminis, 18. & septem boves de amne conscendere, pulchras nimis, & obesis carnibus, quae in pastu paludis virentia carpebant: & ecce has sequebantur aliae septem boves in tantum deformes, & macilentae ut numquam tales in terra Aegypti viderim: 20. quae, devoratis * & consumptis prioribus, 21. nullum futuritatis dedere vestigium: sed simili macie & squalore torpebant. Evigilans, rursus sopore depressus, 22. vidi somnium. Septem spicae pullulabant in culmo uno plenae atque pulcherrimae: 23. aliae quoque septem tenues & percussae ureidine oriebantur e stipula, 24. quae priorum pulchritudinem devoraverunt. † Narravi coniectoris somnium, & nemo est qui edisserat. 25. Respondit Ioseph: Somnium regis unum est: quae facturus est Deus, ostendit Pharaoni. Septem boves pulchrae, & septem spicae plenae, septem ubertatis anni sunt: eandemque vim somniis comprehendunt. 27. Septem quoque boves tenues atque macilentae, quae ascenderunt post eas, & septem spicae tenues, & vento urente percussae, septem anni venturae sunt famis: 28. qui hoc ordine complebuntur: 29. ecce septem anni venient fertilitatis magnae in universa terra Aegypti: 30. quos sequentur septem anni alii tanta sterilitatis, ut ob-

livo

livioni tradatur cuncta retro abundantia: consumptura est enim fames omnem terram, 31. & ubertatis magnitudinem perditura est inopie magnitudo. 32. Quod autem vidisti secundo ad eandem rem pertinens somnium, firmitatis indicium est, eo quod fiat sermo Dei, & velocius impleatur. 33. Nunc ergo provideat rex virum sapientem, & industrium, & præficiat eum terræ Aegypti: 34. qui constituat præpositos per cunctas regiones, & quintam partem fructuum per septem annos fertilitatis, 35. qui iam nunc futuri sunt, congreget in horrea: & omne frumentum sub Pharaonis potestate condatur, serveturque in urbibus. 36. Et præparetur futuræ septem annorum fami, quæ oppressura est Aegyptum, & non consumetur terra inopia. 37. Placuit Pharaoni consilium, & cunctis ministris eius: 38. locutusque est ad eos: Num invenire poterimus talem virum, qui spiritu Dei plenus sit? 39. Dixit ergo ad Ioseph: Quia ostendit tibi Deus omnia quæ locutus es, numquid sapientiore, & consimilem tui invenire potero? 40. (a) Tu eris super domum meam, & ad tui oris imperium cunctus populus obediet: uno tantum regni solio te præcedam. 41. Dixitque rursus Pharao ad Ioseph: Ecce constitui te super universam terram Aegypti. 42. Tulitque annulum de manu sua, & dedit eum in manu eius: vestivitque eum stola byssina, & collo torquem auream circumposuit. 43. Fecitque eum ascendere * super currum suum secundum, clamante præcone, ut omnes coram eo genu flecterent, & præpositum esse scirent universæ terræ Aegypti. 44. * Dixit quoque rex ad Ioseph: Ego sum Pharao: absque tuo imperio non movebit quisquam manum aut pedem in omni terra Aegypti. 45. Vertitque nomen eius, & vocavit eum lingua Aegyptiaca, Salvatorem mundi. Deditque illi uxorem Aseneth * filiam Putiphare sacerdotis Heliopoleos. Egressus est itaque Ioseph ad terram Aegypti (46. triginta autem annorum erat quando stetit in conspectu regis Pharaonis) & circumivit omnes regiones Aegypti. 47. Venitque fertilitas septem annorum: & in manipulos redactæ segetes congregatæ sunt in horrea Aegypti. 48. Omnis etiam frugum abundantia in singulis urbibus condita est: 49. tantaque fuit abundantia tritici ut arenæ maris coæquaretur, & copia mensuram excederet. 50. (b) Nati sunt autem Ioseph filii duo antequam veniret fames, quos peperit ei Aseneth filia Putiphare sacerdotis Heliopoleos. 51. Vocavitque nomen primogeniti, Manasses, dicens: Oblivisci me fecit Deus omnium laborum meorum, & domus patris mei. 52. Nomen quoque secundi appellavit Ephraim, dicens: Crescere me fecit Deus in terra paupertatis meæ. 53. Igitur transactis septem ubertatis annis, qui fuerant in Aegypto, 54. coeperunt venire septem anni inopie, quos prædixerat Ioseph: & in universo orbe fames prævaluit, * in cuncta autem terra Aegypti panis erat. 55. Qua esuriente, clamavit vopulus ad Pharaonem, alimenta petens. Quibus ille respondit: Ite ad Ioseph: & quidquid ipse vobis dixerit, facite. 56. Crescebat autem quotidie fames in omni terra: aperuitque Ioseph universa horrea, & vendebat Aegyptiis: nam & illos oppresserat fames. 57. Omnesque provincie venebant in Aegyptum, ut emerent escas, & malum inopie temperarent.

(a) Phil. civ. at. 1. Mac. 11. 53. Actos. vii. 2. (b) Inf. xl. viii. 20. alig. 5.

ROMANAE CORRECTIONES.

V. 11. *Vidimus somnium praesagium futurum.* Non est mutandum nomen adiectivum *praesagium* cum substantivo *praesagium*.

V. 20. *Et consumptis prioribus.* Cave legas nomen substantivum *pacibus* pro adiectivo numerali *prioribus*.

V. 43. *Super eurrum suum secundum.* Spurius est pronomen *secum*, positum pro nomine numerali *secundum*.

V. 44. *Dixit quoque rex.* Superfluit, quod subiungitur a quibusdam codicibus, nomen *Aegypti*.

V. 45. *Filiam Putiphare.* Ita rectius scribi-

tur, tum hic, tum infra vers. 50. & xlii. vers. 20. *Putiphare*, quam *Putipharis*: quo certius distinguatur nomen hoc sacerdotis *Putiphare*, quadrissyllabum, a trissyllabo nomine eunuchi *Putiphar*, de quo supra xxxix. vers. 1.

V. 54. *In cuncta autem terra Aegypti panis erat.* Pro *panis* non scribas *fames*, quae est inopia panis.

LECTIONUM VARIETAS.

V. 24. *Narravi concubitis somnium.* Quidam codices pro accusativo singulari legunt genitivum pluralem *somniorum*.

C O M M E N T A R I A

S A.

Vers. 1. **F** LUVIUM, scilicet Nilum.

Vers. 2. **L** O C I S P A L U S T R I B U S : alii, *prato*.

V. 5. **C** U L M O, id est frumenti calamo.

V. 6. **U** R E D I N E. Hebr. *curo*.

V. 12. **P** U E R, id est iuvenis. Vide Ioan. xxi.

V. 15. **S** A P I E N T I S S I M E C O N I I C E R E. Hebr. *posse interpretari*.

Vers. 16. **A** B S Q U E M E D E U S R E S P O N D E B I T P R O S P E R A P H A R A O N I; quasi dicat: Non ego, sed Deus.

V. 39. **S** A P I E N T I O R E M. Hebr. *sapientem ut te*.

V. 43. **S** E C U N D U M, id est quo secundum a rege vir vehi solebat.

V. 45. **S** A L V A T O R E M M U N D I. Alii, *absconditi revelatorem*. **P** U T I P H A R E. Non est is, de quo supra cap. xxxix. (et si Hieron. eundem putat) aliter enim Hebraice scribitur.

V. 46. **T** R I G I N T A. Anno praecedente mortuus fuerat Isaac 180. annorum, cum Iacob esset 120.

V. 50. **S** A C E R D O T I E, Chald. *principis*.

V. 51. **M** A N A S S E S, id est oblitusci faciens.

V. 52. **E** P H R A I M, id est fructificationes. **P** A U P E R T A T I S. Hebr. *afflictionis*.

V. 57. **U** T M A L U M I N O P I A E T E M P E R A R E N T. Hebr. *Quia invaluerat fames in omni terra*.

E S T I I.

Vers. 16. **A** B S Q U E M E D E U S R E S P O N D E B I T P R O S P E R A P H A R A O N I. Hoc Symmachus clarius ita vertit: *Non ego, sed Deus respondit pacem Pharaoni*. Verba sunt humilitatis, quibus interpretandi facultatem, qua pollebat, refundit in Deum auctorem. Sic & Paulus I. Corinth. xv. *Non ego, sed gratia Dei mecum*; & rursus, *Tametsi nihil sum*. Vide Hebraea.

V. 38. & 39. **N** U M I N V E N I R E P O T E R I M U S T A L E M V I R U M, Q U I S P I R I T U D E I P L E N U S S I T? Et mox iterum: **Q** U I A O S T E N D I T T I B I D E U S O M N I A Q U A E L O C U T U S E S. Deus utrobique in Hebraeo non *Ichova*, sed *Elohim* dicitur. Itaque etiam verti poterat numero plurali *deorum*, & *dii*. Nam Pharaon non unus Dei, sed deorum cultor erat. Quomodo in Daniele quoque legitur dictum a regina Babylonis ad regem, Dan. v. *Est vir in regno tuo, qui spiritum deorum sanctorum habet in se*.

V. 43. **F** E C I T Q U E E U M A S C E N D E R E S U P E R C U R R U M S U U M S E C U N D U M. Pro *secundum* multa mss. habent *secum*. Hebraea sic ad verbum: *Et equitare fecit eum in currum secundo, qui sibi erat*. Unde satis apparet melius esse quod nos legimus *secundum*: nam illud qui sibi reditur per suum. Non ergo cum Pharaone

du-

ducebatur Ioseph, ut dici posset *secum*, sed solus in curru secundo; quomodo & Mardochæus legitur honoris causa circumductus cum voce præconis.

V. 43. UT OMNES CORAM EO GENU FLECTERENT. Hebr. est *Et clamabant ante eum*, *Abrech*, id est *pater tener*, vel *flexu genua*.

V. 45. LINGUA AEGYPTIACA, SALVATOREM MUNDI. Septuaginta vocem Aegyptiacam retinuerunt, & reddiderunt his Græcis characteribus *ἱερογλωσσῶν*. Hebraice est *Sapimath Tabanath*; quod Benedictus Arias vertit *absconditi revelatores*.

V. 45. DEDITQUE ILLI UXOREM ASENETH FILIAM PUTIPHARE SACERDOTIS: utique sacerdotis idolorum quæ in Aegypto colebantur. Nec tamen peccavit Ioseph filiam eius accipiendo uxorem; ita enim conveniebat exaltari. Nam valde honorabile erat filiam sacerdotis, & quidem summi, qualis hic fuisse videtur, uxorem ducere. Verisimile est autem Ioseph (de quo in Psal. civ. canitur, *Ut erudiret principes eius, sicut semetipsum, & senes eius prudentiam doceret*) uxorem suam, forte & uxoris patrem, & familiam paternam instituisse in vera religione. SACERDOTIS HELIOPOLEOS. Hebraice, *Sacerdotis On*, quæ civitas multo p̄st fuit vocata Heliopolis. Itaque hic in Latina interpretatione, proleptis est, seu anticipatio, sicut & Ezechielis xxx. in vocabulo Alexandria.

MARIANAE.

Verf. 1. POST DUOS ANNOS. Hebr. *Post duos annos dierum*: superius dixit *mensum dierum*. Fortassis ut erat hebdomada annorum Levit. xxv. ita mensis, & annus annorum: sic ut distingueret, dixit *annos dierum*. Aut vult significare annum non inchoatum, sed completum ex omnibus suis diebus. VIDI PHARAO SOMNIUM. Hebr. *Pharao d̄lem* *bolem*, id est *somnians*, supple erat, aut *somniavit*; Benoni pro præterito, quod raro accidit. Pagnin. Gram. Lib. III. cap. xii. SUPER FLUVIUM: iuxta fluvium stare Pharao sibi videbatur.

V. 6. PERCUSSAE UREDINE, arefactæ euro. Vides eorum satis exitialem.

Itaque Hieron. vers. 27. pro *uredine*, *ventum urentem* dixit; ubi eadem verba repetuntur; Sept. *vento corruptæ*.

V. 16. ABSQUE ME DEUS RESPONDEBIT; id est, non ego, sed Deus. PROSPERA. Hebr. *pacem*. Sept. *Sine Deo non respondebitur salutare Pharaoni*.

V. 34. QUI CONSTITUIT PRÆPOSITOS: nempe qui Ioseph constituit. Verum Hebr. ad Pharaonem refertur: sic enim habet: *Faciat Pharao, & constituat præpositos*.

V. 36. ET PRÆPARETUR FUTURAE SEPTEM ANNORUM FAMI. Hebr. *Et erit cibus in deposito* (id significat *מִן הַבְּרִיאָה* *pitadon*) *terris ad septem annos famis*.

V. 40. ET AD TUI ORIS IMPERIUM CUNCTUS POPULUS OBEDIET. *מִן הַנַּאֲסָה*, gubernabitur, seu *armabitur*: nam ab eadem radice *נָאֵס* *nasak*, *mesek*, domus procuratorem superius significavit, Gen. xv. vers. 2. licet aliunde alii deducant eam vocem. Kimhi explicuit: *Tuum os populus osculabitur*, nempe subiectionis indicio. Non placet; licet *nasak* osculari etiam significet.

V. 43. CURRUM SUUM SECUNDUM; id est, quoscundam a Rege vehi solebat. CLAMANTE PRÆCONE, UT OMNES CORAM EO GENU FLECTERENT, ET PRÆPOSITUM ESSE SCIRENT. Hebr. *Et clamaverunt ante eum benedicere* (pro, benedicite, plaudite) *& dari ipsum super omnem terram Aegypti*; supple, sciatis. Aut hoc modo, *benedicite*, supple dicendo, quod sit, pulchrum est, *& dari super omnem terram Aegypti*.

V. 44. EGO SUM PHARAO. Iuramentum esse dicit Comestor.

V. 45. ET VOCAVIT EUM LINGUA AEGYPTIACA. Illud *lingua Aegyptiaca* non est in Hebræo. Hieron. addidit de suo, ut indicaret nominis Iosepho impositi non querendam etymologiam Hebraicam, ex qua sane Hebræi cum Chaldæi dicunt significari *arcanorum revelatorem*, quod Philo etiam sequitur in Vita Moyſis; sed potius Aegyptium, nempe *Salvatorem mundi*: quo ait Hieron. respexisse Septuaginta posuerunt *ἱερογλωσσῶν*. Ego voces ut sunt in Hebræo intactas relinquerem, ne cuiusquam interpretationis præiudicaretur:

quod fecit Pagn. *Zaphnath Pananeab*. *FILIAM PUTIPHARE SACERDOTIS HELIOPOLEOS*. Hebr. *On*, quam Hieron. putat fuisse Heliopolim: cenſet etiam hunc eſſe qui emit Iosephum; & quamvis littera *o* in fine huius nominis addatur. Alii negant, quod prior eſſet eunuchus.

V. 46. TRIGINTA AUTEM ANNORUM ERAT. Anno præcedenti mortuus fuerat Iſaac annorum 180, Iacob erat 120. annorum.

V. 47. ET IN MANIPULOS. Vox *מנפול* quibusdam ſignificat *prepoſitos*, quibus erat cura congregandi frumenta. Hieron. & Sept. *manipulos*; & hanc putant fuiſſe cauſam frumenti tot annis in terra humida conſervati, quod eſſet cum ſua palea, & in ſpicis.

V. 50. SACERDOTIS. Chald. *principis*. Vox ea Hebraice *sacerdotem* læpius, aliquando *principem* ſignificat.

V. 52. IN TERRA PAUPERTATIS. Hebr. *Afflictionis in terra crefcere me fecit Deus*.

V. 54. IN UNIVERSO ORBE FAMES PRAEVALUIT. Hebr. *In omnibus terris illis*, propter articulum *ba*, nempe in finitimis regionibus. *IN CUNCTA AUTEM TERRA AEGYPTI PANIS ERAT*: ſic Hebr. Septuag. & Chald. ſicque eſt poſitum in Vulgata Romana. In Gotth. *fames*.

V. 57. ET MALUM INOPIAE TEMPERARENT. Hebr. *Quia fortificata fuerat fames in univerſa terra*, adde, *illa*, propter articulum *ba* hic poſitum, & verſ. 54. Accepti a Iosepho beneficii monumentum bos vivus Heliopoli, ubi erat terra Ieſſem, conſervatus fertur. Ita Iosephum Apim, id eſt bovem, & Serapim, quaſi bovis ſepulcrum dixere. Bos diligentiſſe agricolæ typus. Sed & Apim figurantes, ſimulacri capiti modium frumentarium impoſuere, annonæ copiam eius diligentia in Aegypto factam ſignificantes. Ex his pleraque Ruſſinus reſert Hiſt. Eccleſ. Lib. XL. cap. xxiii. tum Euſeb. Lib. III. Præpar. Evang. capite 111. Plerique ſane Serapim Iosephi æqualem faciunt.

Verſ. 1. POST DUOS ANNOS. Hebr. *De extremo duorum annorum dierum*, id eſt poſt duos plenos & integros annos cum omnibus ſuis diebus, ita ut nullus menſis aut dies illis deeſſet. *SUPER FLUVIUM* *יאר* *ieor* annotant proprie eſſe rivum, ſeu *meatum*, ſoſſam ad irrigandum agros ex flumine derivatam, quales multos AEGYPTUS ex Nilo, Meſopotamia & Tigris & Euphrate deductos habent. Appellationemque videtur habere a *יאר* *or*, *lucē*, nempe a limpiditate & claritate aquarum, quod hæ clariores ſunt, & minus turbidæ, quam in ipſis fluminibus rapidioribus. *Rivus* Latinum non multum abluſit ab Hebraico *ieor*. Obſervant alii Tigrim, & Nilum paſſim in Scriptura nomine rivorum appellari, quod ex illis in Meſopotamia & AEGYPTO multi rivi, & ſoſſæ deducantur, ut etiam ex Euphrate. Ego potius exiſtimo, *ieor*, & *יאר* *nabar* plerumque conſundi: nam *ieor*, dici de Nilo, de Tigri, & de Iordane non eſt dubium. Foſſæ tamen Nili ad irrigandos agros, quod in AEGYPTO non pluat, ſcriptoribus celebratæ.

V. 2. CRASSAE NIMIS. *בשר* *beria*, expurificatus, niſidus, lucidus, conſpicuus, crasſus, pinguis, opimus, ſaginat⁹. Ex verbo, *Creatus, recreatus*. Hiſpanice, *crasſum & pinguem appellamus criado*. *IN LOCIS PALUSTRIBUS*. *ארכו* *arbu* exponunt *pratium*, *graminetum*, *ulvum*, *locum paſcuum*, *caricem*, *carectum*. Sic dictum, quod ex eius ſtirpe multi fratres, id eſt furculi, generentur. Servius: *Carectæ ſunt loca caricis plena; carex autem herba eſt acuta & diſiſſima, ſparto ſimilis, ut boum paſtus*. Unde Virgili⁹:

.... & caricæ paſtus acuta.

Ter tantum hæc vox in Scriptura legitur, hic, & Iob viii. 11. ubi Noſter *carectum* expoſuit: & etiam infra verſ. 18. ubi *paludis vireſ*. LXX. haud dubie hic vocem Hebræam ſine interpretatione reliquerunt *ארכו*. Vide Notas in Eccleſiaſtici xl. verſ. 16.

V. 6. UREDINE. *קדמ* *kadim*, *ventum orientalem* fere reddunt. Quidam aiunt eſſe *ventum eorum*, *ſubſolanum*, *apeliotem*, *vulturnum*: alii *ſtophoniū*, ſeu *euro-aquilontem*,

Iosue, cuius fit mentio *Astorum* xxvii. 14. putant: nonnulli haud inani coniectura, e *Psalms*, lxxvii. 26. *euro-austum* potius existimant: Noster *ventum urentem* solet reddere. Equidem ex locis Scripturæ ubi ponitur, colligitur esse ventum vehementissimum, qui valde exsiccat, torrefacit, & adurit in regionibus illis orientabilibus.

V. 8. CONIECTORES. חַרְטוּמִּים *char-tumim*, Noster aliis locis solet reddere *magos, bariones, maleficos*: plerique *genethliacos* interpretantur. Ii sunt qui ortus, & natiuitates hominum inspicunt, & ex his futura diuinant. Nonnulli *physicos*, qui rerum naturæ causas penitiores rimantur & introspiciunt, *mystras* arcanorum naturæ. Nonnulli component ex חַרְטוּמִּים *cheret, stylus*, & חַסֵּם *atam, occultus*, id est *præstigiatores*, qui stylis, & radiis circulos ducunt, & mira edunt, oculos insipientium perfringentes: *circulatores* quoque vocant. Quidam a חַרְטוּמִּים deducunt, inserta littera Tet, redduntque *magos, incantatores, devotores, interemptores, excommunicatores*, qui res excindunt, devotent, & a communi usu separant. Sed proculdubio vox est peregrina: unde vanum erit ei in lingua sancta etymon quærere. De magis *Aegypti & Chaldææ* peculiariter in Scriptura dicitur. Singularem artem seu potius vanitatem esse interpretandi & exponendi somnia, *Amstranspsychi, Arthemidori, Achmetis*, & aliorum *Oncirocritica*, quæ edita extant, satis demonstrant. *Plinius* Lib. VII. cap. lvi. *Interpretationem ostentorum, & somniorum Amphibizon invenit*. Si is est tertius *Atheniensium* rex in *Numero Eusebiano* dxi. attigit revera tempora *Mosis*.

V. 15. QUAE AUDIVI TE SAPIENTISSIME CONIICERE. Hebr. *Audivi super te*, vel *de te*, dicendo: *Audies somnium ad exponendum illud*; id est, quod quamprimum somnium audis, illud interpreteris. Hæc fama de te sparsa est, quod audita somnia perite exponas. Alii: *Audivi de te dicentem, te esse intelligentem somnii*, ut interpreteris illud. *Audire* hic pro *intelligere*; ut *Iudicum* xiv. vers. 13. sic *Genes.* xi. 7. *Deuteron.* xxviii. vers. 49.

V. 16. ABSQUE ME DEUS RESPONDEBIT. Hebr. *Nihil omnino usque ad Deus respondebit*, &c. elegans loquendi modus

Hebræis; quasi dicat: *Non sum ego tanti ut fortunæ Pharaonis ad me pertinere possint, aut ego eis quidquam conducere possim; non eo usque ego valeo: id ad Deum pertinet, fortunare, & prosperare Pharaonem.*

V. 21. NULLUM SATURITATIS DEDERE VESTIGIUM. Hebr. *Et non est cognitum quod venissent ad viscera earum: nam aspectus earum malus*; id est, cum *vaccas* pingues devorassent, nihilo pinguiore, aut crassiores apparuerunt. Sensum Noster optime reddidit.

V. 23. TENUES. תְּנִינִים *tzennumoth*, *Pahul* plurale *semineum*, quod nullibilibi legitur, quod varie reddunt. Plerique, *parva*: alii, *comminuta*: nonnulli, *ficæ, aride*: quidam, *imaginarie, filitiae*, id est imaginem tantum *spicarum* præferentes: reliqui, *inanes*, flores tantum habentes sine fructu: alii, *graciles, tenues*: quidam conferentes cum *tzanan, aculeis, acuminatis*, in tenuitatem. Ex cognatis verbis, poteris exponere, *Spinose, scissunda, boride*.

V. 32. QUOD AUTEM VIDISTI SECUNDO... FRAMITATIS INDICIUM EST. Notant, ex repetitione duo colligere *Iosephum*, certitudinem, & celeritatem rei futuræ; tertiam consulto apud regem infidelem omittere, quæ est uttorpentes excitet, eorumque stuporem excutiat.

V. 36. ET PRÆPARATUR. Recte sensum expressit: *Et eris esca in visitatum ipsi terræ. Quidam exponunt, in depositum, in commodatum ipsi terræ*: sed non utcumque depositum, sed visitatum, recensitum, requisitum, procuratum, cuius cura & ratio quammaxime habeatur. Aliqui, *Ad numerum, seu numerationem ipsi terræ*; id est, secundum numerum locorum terræ; aut, ut suo tempore numeretur, & distribuatur terræ.

V. 40. ET AD TUORIS IMPERIUM CUNCTUS POPULUS OBEDIET. Variè hunc locum ex *Hebræo* convertunt. I. *Et ad os tuum occurret omnis populus*: vel sic, *Super ore tuo*, id est iussu tuo, occurret omnis populus; id est, obediет, obsequetur. II. *Et ad os tuum*, id est imperium, congregabit se omnis populus meus, seu coniungetur, sive ad bella, sive ad opera, sive ad consilia. III. *Et ad sermone tuum*

tuum armabitur universus populus meus; ac si dicat: Tu eris magister militiæ; te præficio paci belloque. IV. Et ad tuum imperium nutrietur, cibum capiet universus populus meus. V. Et super os tuum osculabitur omnis populus meus; id est, hoc subiectionis signo dominum te agnoscent, & prostebuntur: quæ phrasis habetur I. Samuel. x. 1. I. Reg. xix. 18. Osee xlii. 2. sic Psalm. 11. 12. *Osculamini filium*; id est, *adorate*, osculo testamini vos eum pro rege agnoscere. Osculum in sacris libris, & apud exterarum gentium fuisse olim subiectionis, venerationis, obediendi, adorationis symbolum, ad eum Psalmi locum annotabimus. Oscula salutantium Romanis, & aliis gentibus usitata, notissima sunt. Quidam haud absorte hic exponant: *Ad imperium tuum osculabitur omnis populus meus*: ut sit metaphorica locutio, quod populus amice & ætate accipiet, atque obedienter amplexabitur quidquid profectum fuerit ab ore Iosephi; ac si dicat Pharao: Quidquid iusseris, uno populi consensu, quasi omnes osculum porrigent, excipio volo.

V. 42. TULITQUE ANNULUM DE MANU SUA, ET DEDIT EUM IN MANU EIUS, nimirum in symbolum traditæ regiæ auctoritatis. Vide in Esther iii. vers. 10. STOLA BYSSINA. *שש* *shefesh* consentiunt esse genus quoddam lini subtilissimi, candidissimi, præstantissimi, quod cetera lina pretio vincat, & nomen habere a candore marmoris Parii, quod Hebræis dicitur *שש shefesh*. Quidam proprium faciunt terræ Aegyptiæ, & nescio quare. Alio nomine dicitur *בז* *butz*, si adhuc in lana; *shefesh*, iam in fila tortum, quasi sexatum. Hoc est divinare. Alii *butz*, peregrinam & exoticam vocem esse volunt, *shefesh* Hebræum unius, & eiusdem rei. De *butz*, & bysso dicemus Exod. xxv. vers. 4. & I. Paralipom. xv. 27. Notant quidam Hebræorum, *shefesh* semper esse candidissimum, nec colorem admittit. TORQUEM AUREAM. *בז* *rebib* hic tantum, & Ezechiel. xvi. 11. & utroque loco Noster torquem convertit: *stragulum*, *stragulum*, quia ornatu causa collum sternitur, quidam exponunt; & vocem eiusdem radicis, Proverb. xxxi. 22. *Stragulatam vestem* Noster reddit: qui ab intextendo, vel intorquendo deduxit, hic,

& Proverb. vii. 16. *Intextum funibus lectum meum*. Hic aliqui *collare*, alii *ornamentum* vertunt. Hispanice dicemus *cadena*, *madexa*, *collar*, *banda*.

V. 43. SUPER CURRUM SUUM SECUNDUM. Sensum expressit: nam verba aliam constructionem habent: secundum non recte constituitur cum curru, quod Hebr. *currus* sit femineum, & *secundus* masculineum: ex verbo, *Currum secundum*, seu *secunditatis*: nam currum est in regimine. Solent enim reges duos currus ordinarie, aut plures suarum personarum deputatos habere; sed primus longe pulchrior & magnificentior ceteris. Non in primum, sed in secundarium currum imponi fecit Iosephum Pharao. CLAMANTE PRÆCONE, UT OMNES CORAM EO GENU FLECTERENT. Hebr. Et clamaverunt ante eum, *Abrech*. Vocem *אברח* *abrech* varie elucidant. I. componunt ex *אב* *ab*, pater, & *רח* *rac*, tener; id est, *Pater tener*: quod Ioseph tener annis, ac iuvenis, iam pater esset reipublicæ, gravitate, ac senili prudentia; quasi *Pater patriæ*. II. *Pater regis*: quod *רח* *rech* Chaldæis sit rex; quasi rex Aegypti, Iosephum non secus ac parentem suum vellet honorari ac coli. Sic Ioseph se vocat patrem Pharaonis cap. xlv. vers. 8. III. volunt esse futurum verbi *בך* *bach*, id est *genus flectam*, *ingeniculabo*, in ea significatione, ut Genes. xxiv. vers. 11. quasi omnes clamarent, *Geniculabo*, eo transiente, honoris & reverentiæ causa. IV. ut sit imperativus, mutato He in Aleph, ut facile ex litteræ inter se permutantur, *Genus flecte*, *genicula*, nam transit princeps præfectorum Aegypti. V. alii, infinitivum malunt, *Ingenuculandum*, *genus flectenda esse*; quasi regius præco in Iosephi auguratione ante currum proclamaret, *flectenda esse genus omnibus coram Ioseph*: constitutum enim eum esse supremum præfectum Aegypti. Esse autem infinitivum docet verbum immediate sequens, *דד* *dedisse*, sive *constituisse eum*, &c. VI. quidam exilimant vocem esse peregrinam, forte Aegyptiacam, ac videri Aegyptiis significare idem quod Hebræis *בז* *barab*, & esse acclamationem gratulatoriam, & bene omniantium. Et *vocabunt eum Abrech*, id est *benedictus*, *felix*, *fortunatus*, *laudandus*, seu *laudabilis*. VII. *Benedicam*, aut *benedicite*;

ut omnes eum benedicerent, ac ei bene precarentur. VIII. Nec desunt, qui fumentes Aleph, pro He, exponant, *Augur, astrologus tuus*: מוֹרֵר *heber* enim *augurum, astrologum, coniectorem, divinum significat*, Isaïæ XLVII. 13. voluntque vocem esse peregrinam; ac si præco clamaret: *En augur, coniector tuus* Aegypto, qui somnia tam sapienter exolvit, & Aegypti salutem providit. In re incerta iudicium non præscribo; ego tamen sextam selegem expositionem.

V. 44. EGO SUM PHARAO; quasi dicat: Ego sum rex: mihi reservo dignitatem regiam; tibi vero tantam auctoritatem tribuo, ut te inconsulto, vel nolente a quoquam nihil fiat in toto regno meo. Vide supra cap. XII. vers. 15. ABSQUE TUO IMPERIO. Hebr. *Nihilominus usque ad te*; subaudi, perveniet; nullus tibi æquabitur; tu super omnes. Elegans Hebraismus, ut sequentia sint pulchra reticentia, seu aposiopesis.

V. 45. VOCAVIT EUM LINGUA AEGYPTIACA SALVATOREM MUNDI. Lingua Aegyptiaca non est in Hebræo, sed tantum, *Et vocavit Pharaon nomen Ioseph Zaphnath Paneach*. S. Hieronymus: Licet Hebraice hoc nomen, Absconditorum repertorem sonet; tamen, quia ab Aegypto ponitur, ipsius lingue debet habere rationem. Interpretatur ergo sermone Aegyptio Tzaphnath Pthanch Salvator mundi: eo quod orbem terre ab imminente famis excidio liberavit. Hebræi consentiunt, secretorum, arcanorum, occultorum declaratorem, revelatorem, expositorem eo nomine significari. Equidem יֹסֵף *tzaphan* Hebræum est, id est abscondere; at *paneach* nullam habet Hebraicam radicem. Coniectant quidam ex idiomate esse Aegyptio, atque utraque voce dignitatis, & eminentissimi honoris nomen significari, quale cum aliquem Patrem patriæ dicimus, aut quid aliud simile. Fanatice quidam *secretum Pancee* exponunt. Sed quid Pancea? Hebræi notant litteras singulas harum duarum vocum, per Notariacon reddere ista nomina: Speculator, Redemptor, Propheeta, Tensens sceptrum, Interpres, Astutus, Intelligens, Videns futura: quæ omnia mire conveniunt Iosepho. Sed si his nugis delectaris, ipsi tibi assatim sufficiunt. PUTIPHARE. Hunc eundem putant cum

Putiphar magistro militiæ, hero Ioseph, de quo cap. XXXVII. vers. 36. & cap. XXXIX. vers. 1. S. Hieronymus, & alii. Sed nomen & munus longe diversa sunt: nam hic in nomine additam habet litteram Ghain, qua ille caret; & hic revera sacerdos fuit, ille præfectus rerum capitalium, quod sacerdoti non licebat. Scio, ut hæc alii eludant; sed nos probabiliora sectamur. SACERDOTIS. כֹּהֵן *coben*. Diximus de hac voce Genes. XIV. vers. 18. Hic plerique principem, præsidem, satrapem, præfectum interpretantur, quod Iosephum a communione & coniunctione sacerdotis idolorum alienissimum pariter exillimare. Sed nos non censuimus vocem *coben* a communi usurpatione dimovendam: & alioqui sciamus Heliopoli insigne templum fuisse, & ibi habitationes Aegyptiacorum sacerdotum extitisse. HELIOPOLIS. Hebr. *On*: de qua urbe Eusebius, & S. Hieronymus in Locis Hebraicis: *On urbs in Aegypto, que Heliopolis Græce dicitur, id est civitas Solis, quam edificaverunt filii Israel, sicut septuaginta Interpretes arbitramur*, (nempe Exodi 1.) alioqui in Hebraicis voluminibus non habetur; & recte: siquidem antequam Iacob ingrederetur Aegyptum, erat extruenda iam civitas, quæ & sacerdotem Petephrem patrem Asetib habuit. Heliopolitanæ prædictæ seu nomi multa mentio apud Strabonem Lib. XVII. Plinium Lib. V. cap. 11. Ptolemæum Lib. IV. cap. v. Ibi Mæneim bovem nutriebant, & colebant, ut Memphis Apim. Strabo: Hanc perhibent olim sacerdotum habitationem fuisse, hominum philosophiæ & astronomiæ deditorem. Plinius: Claritatis magnæ Solis oppidum atque cum primis Phœnicis avis funicibus inclytum, ut multi tradidere. Sed de Heliopoli complura apud Herodotum Lib. II. a numero 3. usque ad 9. & 59. 63. & 73.

V. 47. VENITQUE FERTILITAS SEPTENNORUM; ET IN MANIPULOS REDACTÆ SEGETES. Hebr. *Et fecit terra in septem annis saturitatis in pugillos*. קֶמַח *kematim* quater tantum in Scriptura habetur, & Noster semper *pugillum*, & *pugillos* venit, nisi hic, ubi *manipulos*. Quidam *contraditiones* reddunt, id est quantum vola manus capere, & contrahere potest. Variè hic convertunt:

In manipulos, in acervos. Accrvatim terrae iruges fundebat, in collectiones, in congregationes: in pugnos, pugillos, id est pugillatim. Hispanice, *A punados*, quando magnam aliquam abundantiam significare volumus. Quidam, In thesauros, horrea, reconditoris. Tantam abundantiam frumenti produxit terra ut replerentur horrea. Aliqui hyperbolem, & fortasse veram esse existimant; quasi dicat, ut granum unum frumenti multos pugnos, seu pugillos, immo & manipulos produceret.

V. 49. TRITICI. Hebr. *Far*, frumentum expurgatum, seu expurgandum a paleis. Quidam aiunt esse *far*, adorem, ador, frumentum lautius, ex quo cibus paratur hominibus, & esse quod Latinis *far*, generale nomen ad omnia genera frumenti, ut *far triticeum*, *far hordaceum*: alii *frumentum mundius & nitidius*. Lib. II. de Vitis Patrum, auctore, ut quidam volunt, Rufino, cap. XVIII. in Serapione, hæc habentur: *Vidimus & in regionibus Memphis, & Babylonis innumeras multitudines monachorum. Ibi autem tradunt esse loca in quibus Ioseph fertur recondidisse frumenta, quos & thesauros Ioseph vocant. Alii vero pyramidas, quas dicunt ipsas esse in quibus, ut putant, frumenta hinc congregata sunt.* Sed in versu præcedenti clare dicitur in singulis urbibus frumenta condidisse Ioseph. Benjamin tamen in Itinerario agens de Antiqua Mizraim, quam a regione Gossen octo parasangis separat, inquit: *Visenda præbet thesaurorum & horreorum Ioseph monumenta non pauca. Horrea vero illa calce, & lapidibus constant opere firmissimo.*

V. 51. OBLIVISCI ME FECIT. נשכח *naschab*, aiunt esse proprie obriui bonis, vel malis, ita ut eorum non amplius quis recordetur, ac sensum eorum penitus ex corde amoveat. OMNIUM LABORUM. Hebr. singulariter, *Laboris, fatigationis, ærummæ, miserie; mali*. Vox Hebr. *ghamal* cum Latina *malum* congruit. V. 56. ET VENDEBAT AEGYPTIIS. שבר *sebahar*, quando cum *esca*, *pâne*, vel frumento iungitur, aiunt peculiarem modum significandi habere, nempe frangere, seu fragmentare; id est, dissipare, distribuere *escam*; quasi dicas, fragmentare, scilicet dissipare frangendam: & tam active quam passive sumi, nempe vendere,

distribuere frangendam; & emere seu comparare frangendam: qui sensus ex circumstantia locorum, & sensu discerni poterunt. Ergo, fragmentare proprie vertendum putant: *Et fregit, fragmentavit Aegyptio*; id est, distribuit, dissipavit, vendidit. *Frumentum* possis exponere.

M E N O C H I I.

Vers. 1. POST DUOS ANNOS. Hebr. *A sine duorum annorum*, id est biennio completo a liberatione principis pincernarum. SUPER FLUVIUM, iuxta fluvium Nilum.

V. 2. LOCIS PALUSTRIBUS, paulo remotius a Nilo, pratis tamen humilibus, & proinde gramine plenis.

V. 3. IN ISPA AMNIS RIPA. Hebr. *Super labium fluminis*. Fertilitas Aegypti dependet a Nili exundatione; ideo pingues vaccae visæ pasci remotius. Steriles anni sunt quando flumen maligne solam viciniam irrigat: propterea macræ in ipsa ripa pascuntur.

V. 4. DEVORAVÉRUNT: quia sterilibus annis omnis fertilitas annorum copia fuit absumpta.

V. 5. ALTERUM. Infra num. 25. hæc duo somnia unum vocantur somnium: quia unum fuerunt significatione prophetica, duo vero tempore, & modo significandi.

V. 6. UREDINE, vento urente, euro desiccante, qui ventus Aegyptio noxius: stat enim a vasta Arabiæ solitudine.

V. 7. EVIGILANS PHARAO. Hebr. *Evigilavit Pharao*, & ecce somnium; quasi dicat, illi iugiter observabantur.

V. 8. CONJECTORES, ariolos, qui pacto cum dæmone inito divinant. NEC ERAT QUI INTERPRETARETUR, apte, & sapienter, ita ut regi satisfaceret.

V. 9. PECCATIUM MEUM, ingratitudinem, & beneficium oblivionem a Ioseph accepti.

V. 11. UTERQUE VIDIMUS SOMNIUM PRAESAGIUM FUTURORUM. Hebr. *Unusquisque secundum solutionem somnii sui somniavit*.

V. 12. PUER, adolescens.

V. 14. TOTONDERUNT. Moris olim fuit ut in luctu, captivitate, servitute capillum, barbamque intonsam relinquerent in maioris argumentum.

V. 16. ABSQUE ME DEUS RESPONDEBIT; hoc est, *non ego, sed Deus*, ut vertit Symmachus; sive, non tamen, quam Deus: unde & recte Chaldaeus: *Non ex sapientia mea, sed a facie Domini respondebitur pax Pharaoni*. PROSPERA. Puto vaticinium potius hoc esse quam bene precandi formulam.

V. 25. UNUM EST, significatione: nam eiusdem rei Symbolum.

V. 32. FIRMITATIS INDICIUM EST; hoc est, ad confirmandam priorem praedictionem adhibuit, & certioram te reddendum proculdubio ita futurum.

V. 34. QUINTAM PARTEM. Cum sint totidem anni fertilitatis, & sterilitatis, cur non mediam? Quia sufficiebat quinta; id est, quia famis tempore parciore victu homines contenti sunt. II. quod de fertilioribus annis multorum horrea adhuc plena essent. III. quia semper prope Nilum aliquid feri poterat, quod quia valde parum propter exiguas eius exundationes, pro nichilo fere reputabatur, adeo ut idcirco dicatur inferius cap. xlv. 6. nec arari, nec feri potuisse.

V. 35. CONGREGET IN HORREA, per singulas urbes divisa. OMNE FRUMENTUM, scilicet e quinta illa parte collectum.

V. 40. AD TUI ORIS IMPERIUM CUNCTUS POPULUS OBEDIET. Hebr. est *Omnis populus ad os tuum osculabitur*; id est, oris tui praeceptum exosculabitur, venerabitur, eique libenter parebit.

V. 42. ANNULUM, signatorium ad facienda decreta. STOLA BYSSINA; quae tunc satraparum, & principum in Aegypto propria. Byssus lini tenuissimi species est. TORQUEM, catenam auream.

V. 43. CURRUM SUUM SECUNDUM; quod vehi solitus qui secundus a rege. UT OMNES CORAM EO GENU FLECTERENT. In Hebræo est, *Et clamaverunt ante eum, Abrech*. Vocem *abrech* aliqui putant significare, *flecte genu*; alii *pater tener*; alii *pater regis*. Thargum ita vertit: *Clamabant: Vivas pater regis, qui est princeps in sapientia, & tener in annis*.

V. 44. EGO SUM PHARAO; quasi dicat: Iuro tibi per me ipsum, qui sum rex supremus. Omnes Aegypti reges

Pharaones dicti sunt annis ferme mille quadringentis, a primo, cui hoc nomen: postea reges Alexandrini dicti sunt Ptolomæi. NON MOVEBIT QUISQUAM MANUM, AUT PEDEM; id est, nihil momenti alicuius fiet sine consensu tuo: videtur adagium.

V. 45. LINGUA AEGYPTIACA. Verba hæc non in Hebræo sunt, nec in Græco: additum ab interprete Latino, ne cruciemur quærentes cuius linguae vocabulum sit quod sequitur. SALVATOREM MUNDI: quod scilicet sua prudentia, & sapientia ab ea mundi plaga exitium averterit, quod a fame imminerebat. ASBETH FILIAM PUTIPHARE. Putant aliqui hunc Putipharem eundem esse cum primo hero Iosephi; sed verius est esse diversum: hic enim sacerdos erat, ille militæ princeps; hic Heliopoli, ille Mempfi in aula regia degebat. HELIOPOLES: quæ vox *civitatem solis* significat.

V. 46. STETIT IN CONSPECTU. Hebræis, stare in conspectu domini, est servire, seu ministrare. Dan. 1. 19. *Steterunt in conspectu regis*. I. Reg. xvi. 21. *Stetit coram eo*.

V. 47. IN MANIPULOS. Tanta fuit abundantia ut cuncta horrea manipulorum acervis complerentur; ideo etiam manipuli conditi in horrea, quia sic diutius conservatur triticum, & quia quotannis ex manipulis frumentum excutiendo quædam trituriæ species exhibebatur, quæ tristitiam ex sterilitate leniret.

V. 49. UT ARENÆ MARIS: hyperbole. MENSURAM, annorum præcedentium etiam fertilissimorum.

V. 51. MANASSES, id est faciens oblivisci.

V. 52. EPHRAIM, id est fructificationes. PAUPERATIS, humiliationis, afflictionis.

V. 54. IN UNIVERSO ORBE, Aegypto circumiacente Syria, Chanaan, &c.

V. 57. OMNESQUE PROVINCIAS; proximæ: nam ceteris vix ad paucos menses Iosephi horrea sufficerent.

T I R I N I.

Verf. 16. **A**BSQUE ME DEUS RESPONDEBIT. Est Hebraismus, & pro, non ego, sed Deus; quasi dicat: Non ego ex mea sapientia (ut vertit Chaldaeus) aut mea solertia, vel sagacitate naturali, ut tu putas o Pharao; sed Deus per me respondebit, & somnia explicabit.

Nota, cum fertilitas maxime consistat in frugibus, & pecoribus, apte illam praedicat duobus somniis, his uno boum, altero spicarum. Haec fertilitas omnis in Aegypto nascebatur ex inundatione fluminis Nili, qui quo magis & longius exundabat, eo maiorem inducebat fertilitatem. *Duodecim cubitis* (inquit Plinius b) *si Nilus exundet, famem sentit Aegyptus; si tredecim, etiamnum essurit; quatuordecim cubiti bilivritatem afferunt, quindecim securitatem, sedecim delicias. Maximum incrementum ad hoc avi fuit cubitorum octodecim.* Haec Plinius. Quod vero macrae boves non nisi in ripa Nili pasci viderentur, portendebant exiguum Nili exundationem, & consequenter exigua pascua, & fere tantum ad ripam ipsam, toto septennio futura, Pinguis vero in remotis a Nilo palustribus locis pasci visae, maximam fluminis exundantiam, fertilitatemque altero septennio praesignabant. Sed haec continua tot simul annorum uniformis Nili exundatio, consecutaque vel fertilitas, vel sterilitas non occultae alicui astrorum virtuti, aut alteri naturae beneficio, sed unius Dei potentiae ac providentiae Nilum pro suo placito laxantis, vel stringentis adscribi potest: unde nec ab astrologis, nec a divinis Aegyptiorum, sed a solo Deo praeciri, & praedici potuit.

V. 43. SUPER CURRUM SUUM SECUNDUM; id est, super eum currum quo solebat vehi secundus a rege. Hac ergo caeremonia palam toti regno fecit Pharao, Iosephum proximum a rege dignitatis locum obtinere, praesente & clamante pracone, *Abrech;* quae, si non Aegyptia, sed Hebraea vox est, a radice *ba-rach*, in Hiphil significat *genusellere*, vel *adgeniculando salutare*. Ita hic vertit S. Hieronymus, Aquila, & quidam alii. Norant Philo, & Rupertus, Iosephum pro

carceris squalore, erectum in currum & thronum regium; pro habitu sordido, induisse stolam byssinam, seu togam oblongam & talarem holosericam; pro compedibus, accepisse torquem auream; pro ferreili nomine, regium annulum, & titulum salvatoris mundi; quo titulo rex illum conhoncstavit, eo quod sua prudentia, ac providentia extremam mundi famem, & inopiam, & hinc imminentem interitum praeventisset, ac depulisset. Ex quo eodem ingenti beneficio, putant Rufinus, Iulius Firmicus, Pierius, & Baronius, e Iosephum sub nomine *Serapidis*, & *Osiridis* ab Aegyptiis cultum fuisse & pro Deo habitum. Et patet tum ex nomine *Serapis*, quod idem videtur esse quod *Sar*, seu *Ser*, id est Heb. dominus, & *Apis*, id est bos Aegyptiacae; tum ex nomine *Asaph*, quo, teste Plutarcho, Osiris vocabatur, quod levi commutatione ex *Ioseph* promanasse nemo non videt; tum ex hieroglyphicis quibus Osiridem designabant, puta figura bovis seu vituli, notis lunae, & foliis insigniti; item juvenis imberbis cum modio vel calathio in capite, &c. quae in Iosephum, eiusque boves, & spicas, & aetatem, & astrologiae peritiam ad amulum quadrant. Subscribit his Clemens Alexandrinus, Augustinus d, a Lapide, & Bonfrerius.

V. 45. FILIAM PUTIPHARE. Petes an Ioseph in uxorem duxerit filiam primi heri sui Putipharis, qui ob suspicionem adulterii compegerat eum in carcerem? Affirmant Hebraei, S. Hieronymus, Rupertus & Abulenſis. Sed verius esse hunc Putipharem diversum ab illo fuisse: nam hic sacerdos erat, ille princeps militiae; hic Heliopoli, ille Memphidegebat in aula regia. Et in Hebraeo sunt nomina saltem ex parte diversa. Ita S. Augustinus, Chrysostomus, Lyrannus, Lipomanus, Olearius, Pererius & alii.

(a) Proleg. de Idiostism. Heb. n. 4.

(b) Plinius Lib. V. cap. 12.

(c) Ross. Lib. II. Hist. cap. 22122. Pierius Lib. III. Hieroglyph. fol. 21. Baron. tom. IV. pag. 320. Plutarch. Lib. de Iside.

(d) Aug. Lib. XVIII. de Civ. cap. 17.

GORDONI.

Perf. 1. **E**xactis duobus annis a liberato principe pincernarum, en somnium Pharaonis somniantis se stare iuxta Nilum. Duo hæc somnia significatione unum sunt.

V. 6. **PERCUSSAE UREDINE.** Heb. *arefaste euro*. Spicarum hæc uredo, ab urendo nomen habet. Ventus hic in Aegypto spirans a solitudine Arabiæ, putatur nocere frugibus. LXX. *vento corrumpit.*

V. 9. Non invento qui Regi satisfaceret, pincernarum magister fatetur suam ingratitudinem.

V. 14. **TOTONDERUNT.** Nec mirum si Ioseph more quarundam gentium, permisit in hoc carceris mœrore capillum esse intonsum, & impexum, in signum calamitatis.

V. 16. **ABSQUE ME DEUS;** hoc est, non tam ego quam Deus respondebit. Sic vir sapiens non sibi, sed Deo vult deferri laudem operis, & revelationis.

V. 32. **FIRMITATIS INDICIUM EST:** hoc est tum confirmatio prioris prædictionis, tum unde tu firmiter expectes hæc esse ventura.

V. 35. & 36. Reservandum quidem frumentum est. Sed mirum est quod per tot annos integrum permanere potuit. Sane intra paleas satis diu reservatur frumentum; immo etiam excussum, sed redactum in cumulos sub terra.

V. 42. **TULITQUE ANNULUM DE MANU SUA, ET DEDIT EUM IN MANU EIUS, VESTIVITQUE EUM STOLA BYSSINA.** Dedit Ioseph annulum signatorium, & vestimentum byssi; ut habet Hebræus. Stola est oblonga & talaris vestis. Noster speciem expresit.

V. 43. **CORAMEO GENU FLECTERENT.** Heb. *abrech*. Putant aliqui esse vocem peregrinam, & *לפניו* *sepanau*, ad faciem eius. Pagnini interpretatio hanc vocem retinet, ut putatur ab aliquibus vox Aegyptiaca. Aliqui cum nostro interprete vertunt, *genu flecte*, a rad. *כרע*

genusflectere, & est *מכרע* *abrech* pro *הכרע* *babrech*; nam aliquando permutantur מ & כ.

V. 44. **DIXIT QUOQUE REX AD IOSEPH.... ABSQUE TUO IMPERIO NON MOVERIT QUISQUAM MANUM, AUT PEDEM, &c.** His verbis hyperbolicis significat amplissimam factam Ioseph potestatem.

V. 45. **VERTITQUE NOMEN EIUS, ET VOCAVIT EUM LINGUA AEGYPTIACA SALVATOREM MUNDI.** Itaque quod est in Heb. *ישועה* *pabbucach*, est ex Hieron. vox Aegyptiaca. Septuag. *ὑποσώτης*. FILIAM PUTIPHARIS SACERDOTIS. Non est iste Putiphares primus ille herus Iosephi: hic sacerdos, ille miles est. *ἑλίουπολις*, Heb. *ἡλίου*, urbs est solis, ubi templum solis erat. Et Isai. xix. 18. vocatur civitas solis. Vide quæ ibi dicuntur.

V. 46. **TRIGINTA AUTEM ANNORUM ERAT QUANDO STETIT IN CONSPECTU REGIS.** Collige hoc ex Chronologia, de qua cap. xxx. adde ad 17. numerum 13. servitutis, exibat annus trigésimus. Vide annum mundi 2259. Serapis putatur (a Iosepho) accepisse initium apud Aegyptios.

V. 47. **IN MANIPULOS REDACTÆ.** Sic frumentum cum palea, & in spicis conservatum est tot annis in terra humida.

V. 49. **EXCEDERET,** hyperbole.

V. 50. **SACERDOTIS.** Heb. *כֹּהֵן* *fig.* significat vel sacerdotem, vel principem.

V. 51. **MANASSES,** a rad. *נשח* *nascha*, oblivisci; quando fecit Deus ut Ioseph oblivisceretur præteritorum malorum.

V. 52. **IN TERRA PAUPERTATIS.** Heb. *afflictionis*.

V. 54. **IN UNIVERSO ORBE.** Accipere potest amplitudo horarum Aegyptii nationum. Sed quid illud, **PANIS ERAT?** Designat initium sterilitatis; ac si diceret, adhuc paniserat: nam ab aliis etiam potuit reservari frumentum, quod inopia initium depelleret.

V. 57. **OMNES PROVINCIÆ, PROXIMÆ, & fame laborantes.**

interpretem loqueretur ad eos. 24. Avertitque se parumper, & flevit: & reversus locutus est ad eos. 25. Tollenisque Simeon, & ligans illis praesentibus, iussit ministris ut implerent eorum saccos tritico, & reponerent pecunias singulorum in sacculis suis, * datis supra cibariis in viam: qui fecerunt ita. At illi portantes frumenta in asinis suis, profecti sunt. 27. Apertoque unus sacco, ut daret iumento pabulum in diversorio, contemplatus pecuniam in ore sacculi, 28. dixit fratribus suis: Reddita est mihi pecunia: en habetur in sacco. Et obstupescit, turbatique mutuo dixerunt: Quidnam est hoc quod fecit nobis Deus? 29. Veneruntque ad Iacob patrem suum in terram Chanaan, & narraverunt ei omnia quae accidissent sibi, dicentes: 30. Locutus est nobis dominus terrae dure, & putavit nos exploratores esse provinciae. 31. Cui respondimus: Pacifici sumus, nec ullas molimur insidias. 32. Duodecim fratres uno patre geniti sumus: unus non est super, minimus cum patre nostro est in terra Chanaan. 33. Qui ait nobis: Sic probabo quod pacifici sitis: Fratrem vestrum unum dimittite apud me, & cibaria domibus vestris necessaria sumite, & abite, 34. fratremque vestrum minimum adducite ad me, ut sciam quod non sitis exploratores: & istum, qui tenetur in vinculis, recipere possitis: ac deinceps quae vultis, emendi habeatis licentiam. 35. His dictis, eum frumenta effunderent, singuli repererunt in ore saccorum ligatas pecunias: exterritisque simul omnibus, 36. dixit pater Iacob: Absque liberis me esse fecistis. Ioseph non est super, Simeon tenetur in vinculis, & Benjamin auferetis: in me haec omnia mala reciderunt. 37. Cui respondit Ruben: Duos filios meos interfice, si non reduxero illum tibi: trahe illum in manu mea, & ego eum tibi restitui. 38. At ille, Non descendet, inquit, filius meus vobiscum. Frater eius mortuus est, & ipse solus remansit: * si quid ei adversi acciderit in terra ad quam pergitis, deducetis canos meos cum dolore ad inferos.

(*) Inf. XLIII. 5. (b) Sup. XXXVII. 22.

B R U G E N S I S

ROMANAE CORRECTIONES.

V. 13. *At illi, Duodecim, inquirunt. Red-*
andat verbum dixerunt, quod quidam ad-
dunt: At illi dixerunt,

V. 25. *Datis supra cibariis in viam. Non*
mutet quartum casum viam cum sexto via.

V. 38. *Si quid ei adversi acciderit, Prae-*
rendum est nomen adiectivum adversi substan-
tivo adversitatis.

C O M M E N T A R I A

S A.

*Vers. 9. E*XPLO^RATOR^ES ESTIS,
 id est habemini: sic III. Reg.
 xviii. *Ipse sit Deus,* id est habeatur. Aug.
 in Gen. quæst. cxxxix.

V. 15. *EGREDIEMINI,* scilicet omnes:
 unum enim retinuit. Vide infra.

V. 38. *SI QUID EI ADVERSI AC-*

CIDERIT, Chaldaice, & alii, mors.
LXX. agnitus.

E S T I I.

*Vers. 6. C*UMQUE ADORASSENT
 EUM FRATRES SUI: Ecce
 impletur somnium Ioseph, de quo su-
 pra cap. xxxvii. itemque cum paulo post
 rursum se servos Ioseph vocant.

V. 9.

Vers. 9. EXPLORATORES ESTIS. Quæstio est quomodo Ioseph, non fuerit mentitus, immo calumniatus fratres suos. Quidam mendacium veniale agnoscunt in Ioseph; sed ab eo calumniam propulsant, quia non ad hoc obiecit eis ut exploratorum supplicio afficerentur, sed ut per hoc cognosceret affectum eorum erga fratrem Benjamin; & an etiam quidquam de fratre aliquo Ioseph confiterentur. Sed possunt hoc modo verba eius intelligi: *Exploratores estis*; id est, nisi vos legitima ratione purgaveritis, habeo vos pro exploratoribus; quo modo pater sine mendacio sæpe dicit filio, Tu non fuisti in schola; ac si dicat, hoc de te existimabo, nisi mihi aliud ostendas. Ut hunc intellectum confirmat quod postea repetit dicens *vers. 16. Alioquin per salutem Pharaonis exploratores estis*; nam sensus est: *Alioquin*; id est, nisi deprehendero vos vera dicere. Neque tamen hoc ita intelligendum est, quod omnis falsitas arguat aliquem esse exploratorem; sed quicumque mendax saltem potest pro exploratore tantisper reputari, & acrius examinari.

V. 28. QUIDNAMES HOC QUOD FECIT NOBIS DEUS? Sic itidem cap. seq. *vers. 23. dispensator domus Ioseph: Deus vester, & Deus patris vestri dedit vobis thesauros in saccis vestris.* Ubi nota primo, morem Scripturæ, iuxta quem, omnia bona merito in Deum auctorem referantur. Porro quod dispensator domus Ioseph homo Aegyptius sic sit locutus, intelligitur id fecisse ita instructus a Ioseph, iuxta illud *Psalm. civ. Ut erudires principes sicut semetipsum, & senes eius prudentiam doceret.*

V. 36. IN ME HABE OMNIA MALA CEDIDERUNT. Quare non peccavit Ioseph immerito affligendo animum patris? Respondeo: Fecit id tantum per accidens: etenim dum per se hoc agit ut fratres, sicut erant meriti, poenas aliquas luerent odii, & crudelitatis in se fratrem; simul ex accidenti evenit ut pater dolore afficeretur. Sed cur non peccavit cupiditate vindictæ in fratres? Respondeo: Quia hoc licet etiam inter amicos; ut etiam Philosophus docet in *Ethicis*, quando levis est vindicta, & ad correctionem proximi ex amore adhibetur.

V. 37. DUOS FILIOS MEOS INTER-

FICE. Sed quid solatii aut solaminis fuisset Iacob occidi filios filii sui? Respondeo: Nihil, quin magis dolor. Sed dicit hoc Ruben hominum consueti more, cum in re maximi momenti res carissimas oppignorant.

M A R I A N A E.

Vers. 2. QUARE NEGLIGITIS? *Hebr. aspiciatis vos*: sententia eadem; unde Hispani de otiosis & pigris dicimus, *Quid aspiciatis?*

V. 15. NON EGREDIEMINI HINC. Intellige, omnes: nam unum retinuit.

V. 25. CIBARIIS IN VIAM. Sic Sept. & Chald. Quidam habent *in via*, sed male.

V. 28. ET OBSTUPEFACTI, TURBATIQUE MUTUO. Et egressum est eorum; pro, turbata est eorum mens. Sept. & Chald. *in mensa eorum*; nempe, quasi ecclasiæ passi sunt.

V. 30. ET PUTAVIT NOS EXPLORATORES ESSE. *Hebr. Et dedit nos* (supple, ut Sept. in *custodiam*) quasi exploratores: aut dandi vox sumatur in significatione putandi, ut Hicron. & Chald.

V. 33. ET CIBARIA DOMIBUS VESTRIS NECESSARIA SUMITE. *Hebr. Et famam domorum vestrarum sumite*, nempe famem, id est remedium famis, frumentum ad pellendam famem, cibum, ut Noster posuit.

V. 38. SI QUID EI ADVERSI ACCIDERIT. Rom. & Gotth. *adversus*. Chald. *Si mors acciderit ei*. Vocis Hebraicæ *asun* significatio non est nota. Ad inferos, ad sepulcrum deducet me, præmæstitia moriar.

M A L V E N D A E.

Vers. 1. QUOD ALIMENTA VENDERENTUR IN AEGYPTO. *Hebr. Quod esset fractio, fractura in Aegypto.* Quidam exponunt: *Quod esset frangenda*, id est distributio frangendæ, in Aegypto: quod frumenta venderentur, & frangerentur; id est, dissiparentur, vel distribuerentur. Quidam vocem *שֶׁבַע* *scheber*, *fraktionem*, seu *fracturam* interpretantur, *alimentum*, *annonam*, sic dictam, quia frangat famem; ut *frangere sitim*, *Psalm.*

CIII.

ciii. ii. vel quod panis, efca, annona, frangatur ad manducandum; ut illa, *Frangite esurienti panem tuum*, Isa. lvi. 7. & *Parvuli petierunt panem*; & non erat, qui frangeret eis, Thren. iv. 4. Aliqui, quod in fame & venditione fiat horreorum, seu congesti frume si disrumpio, & fractura, Vulgo *tratan* dicunt, quasi tractam, a trahendo, seu distrahendo. **QUARE NEGLIGITIS?** Hebr. *Quare aspiciitis vos mutuo?* Elegans Hebraismus, Sic Hispanice dicimus, *Que os mirays?* quasi dicat: Cur aspiciitis unus ad alterum, nec itis mercatum triticum? ut solent desides, cessatores, torpentes, ignavi, pigri, consilii inopes se mutuo aspicere, dum unus alium expectat, ut rem expediat. Nonnulli reddunt: *Cur desides cunctamini?* Quidam Hebræorum exponunt: *Ut quid litigatis, contenditis, configitis inter vos?* de expedienda ratione, qua presenti fami subveniatis. In hoc significatu verbum videnti aliquando usurpari in Scriptura annotavimus cap. xxxi. vers. 30. Aliæ expositiones Hebræorum frigent.

V. 4. QUIDQUAM PATIATUR MALUM. *MDM* aiunt esse *periculum vite, damnum, detrimentum, lesionem corporis & vite, infortunium, concussationem, stragem, vim, violentiam lethalem & mortiferam, exitium, mortem violentam.*

V. 6. PRINCEPS IN TERRA AEGYPTI. *שליט* *salis*, potestatem habens, potestas, magistratus, *preses*, proprie Sultanus, consentiente voce Hebraica. Nam hoc nomine Arabes & Turcæ suum principem, imperatorem vocant *Sultan* voce Chaldaica, sed quæ ab Hebraico verbo suam originem ducat.

V. 7. DURIUS LOQUEBATUR. Hebr. *Et locutus fuit cum eis dura, vel perplexa, intricata.* Foran per circuitus & ambages loquebatur, ne agnosceretur a fratribus.

V. 19. ET FERTE FRUMENTA, QUAE EMISTIS, IN DOMOS VESTRAS. Hebr. *Et asportate fracturam, frangendam famis in domibus vestris*: quod bifariam potest intelligi: afferte frumenta, efcas, annonam, alimenta quibus famem frangatis; vel, asportate frangendam, id est distributionem, dispersionem frumentorum, tractam, quæ fit, aut concellitur hoc tempore famis. Et hic, sensus

potior, meliusque & Nostro, & præcedentibus locis quadrat,

V. 21. MERITO HAEC PATIMUR: *במא* *abal* omnes vertunt certe, vere, profecto. Nec male quadret *justus*; quasi dicat: Luctus erit nobis; nunc sceleris venditi fratris poenas luemus. **QUIA PECCAVIMUS IN FRATREM NOSTRUM.** Varie reddunt: *Delinquentes, rei, noxii, culpabiles, scelerati, piaculares, afflati, afflabiles, desolati, sacrilegi nos super fratrem nostrum.* Aiunt verbum *פחם* *aschem* proprie significare *aliquem propter culpam, aut poenam esse afflandum, & exhibendum, ut cum statu quodam sit abominationi & horro-ri.* Hic vertere licebit, *Horrende abominabiles nos.*

V. 27. PABULUM. *מבדד* *misse*. De hac voce diximus cap. xxiv. vers. 25. Hebræi aiunt esse omnem cibum iumentorum, præter paleam, seu stramen, ut hordeum, spicam, avenam. Hic frumentum dici videtur.

V. 28. ET STUPEFACTI. Hebr. *Et egressum fuit cor eorum.* Communiter exponunt: *Cor*, id est animus; quasi dicat, exanimati fuerunt, defecerunt, conciderunt animo. Hispanice aliter, & forte aptius efferemus, *Les salto el corazon, les dio sobresaltos el corazon, se sobresaltaron*: quando quis ex novo, & insperato casu vehementer animo percellitur, & commovetur: *Un susto*: quod loquens verbum *חור* *churad* satis declarat, de quo egimus cap. xxvii. vers. 33. *Et contremuerunt, ne forte sibi insidiae, & calumniz struerentur.*

M E N O C H I I.

Vers. 1. QUOD ALIMENTA VENDERENTUR. Hebr. *Quod esset diviso, seu fractio in Aegypto*; id est, quod dividerentur cibi. Frequenter Hebræi utuntur verbo frangendi, cum de cibis est mentio. Thren. iv. 4. *Parvuli petierunt panem, & non erat qui frangeret eis.* **QUARE NEGLIGITIS?** Hebr. *Ut quid vos ipsi aspiciitis?* qui habitus otiosorum est, & desidum expectantium dum alter rem expediat.

V. 6. ADORASSENT, more regio vultu profunde ad terram inclinato, aut genu submisso. Hoc eventa somnium Ioseph comprobatum est.

V. 7.

V. 7. QUASI AD ALIENOS DURIUS LOQUEBATUR, offensi personam sumens, indignanti similis, & minanti.

V. 8. NON EST COGNITUS AB EIS: quia iam aetas adulteri barbam induxerat, & aliquam lineamentorum mutationem.

Quæres cur tamdiu rem celari voluit Deus, ut Iacob parenti Iosephi status, & vita non innotesceret. Respondeo, id divino consilio factum, ut Iacobi virtus & patientia exerceretur, & levitas eius crimina hoc purgationis genere expiarentur. Deinde ne redimeretur Ioseph a Iacob, essetque locus impletioni somnii, & Iacob in Aegyptum deliceretur cum suis, ut in le postea numero audiri, ad promissam terram possidendam ascenderent.

V. 9. EXPLORATORES ESTIS. Nihil laborandum ut hanc insimulationem mendacii nota liberemus. Sciebat eos non esse exploratores; sed hoc crimen impingit, ut adigat illos sibi de statu in quo pater versaretur, & quod de Beniamino fratre uterino actum, vera narrare. Non tamen iniustus fuit sic insimulando: cum enim personam publicam gereret, licebat a reis, quos sciebat affines parricidii, & plagii fraterni, penam exigere: quanto autem minorem exigit, quam commeriti essent? D. Augustinus ait non esse mentium, sed iocosa simulatione ita locutum. INFIRMIORA TERRAE. Heb. *Nuditatem terre*, id est loca minus arte munita.

V. 11. PACIFICI. Vox Hebræa *re'los*, *sinceros*, *veraces* significat.

V. 14. HOC EST, AIT, QUOD LOCUTUS SUM: ex eo quod fingitis vos alium fratrem habere, qui non adest, colligo cetera quoque falsa.

V. 15. EXPERIMENTUM VESTRI CAPIAM, an mentiti sitis. PER SALUTEM PHARAONES. Iurat per vitam Pharaonis se illos tamquam exploratores habiturum, & tractaturum, nisi Benjamin adducant.

V. 18. DEUM ENIM TIMEO; quasi dicat: Nihil iniuste faciam, aut inhumane: scio excelsio excelsiorem esse alium, cui mea dicta, & facta probare debeam.

V. 21. MERITO HAEC PATIMUR. En conscientiae vim. *Oculos*, quos culpa claudit, *pena aperit*, ait quodam loco sanctus Gregorius.

V. 22. EN SANGUIS EIUS EXQUIRITUR. Moriendum nobis, quia fratrem occidimus: nam mortuum credebant.

V. 24. ET FLEVIT, naturali affectu simulationis artificium vincente.

V. 25. SIMEON. Hic eligitur ad penam, quia cum natu esset proximus Rubeno, si se illi adiunxisset (quia Iudas etiam in Iosephum propendebat) facile ceteros auctoritate sua coercuissent; ideo præcipuam culpam Simeoni nonnulli auctores adscribunt. ILLIS PRÆSENTIBUS, ut eos magis terreret. DATIS SUPRACIBARIS EN VITAM, dato insuper viatico, id est addita annonæ emptæ tanta panum, & pabuli quantitate, quanta per iter ipsis, iumentisque satis esset, ut quod coemerant integrum, & sine diminutione domum ferrent.

V. 27. PABULUM, hordeum, vel avenam.

V. 28. OBSTUPEFACTI. Hebr. *Egressum est cor illorum*: veriti scilicet insidias sibi strui, conternati sunt.

V. 29. NARRAVERUNT EI OMNIA, ultro, & sponte, ne pater animi penderet ubi mansisset Simeon.

V. 35. SINGULE REPERERUNT. Filii aperuerunt saccos in via, sciebantque pecuniam eis inesse, pater veropesciebat; sed filii coram patre simulant se quoquo id nescire, ne a patre increpentur. Exterriti ergo sunt filii; id est, simularunt novum metum; Iacob verum concepit, timens Simeoni, si non redirent.

V. 36. ABSQUE LIBERIS ME ESSE FECISTIS: orbem fecistis. IN ME HAEC OMNIA MALA RECIDERUNT: solus omnia luo, qui sic in liberis discepor.

V. 37. DUOS FILIOS MEOS INTERFICE. Hyperbolica locutio, significans certo certius se reduturum.

V. 38. DEDUCTIS CANOS MEOS, me iam decrepitem. CUM DOLORE AD INFEROS: efficietis ut ego senex mærore contabescam, senio meo mortem accelerabitis,

T I R I N I.

Vers. 16. PER SALUTEM PHARAONIS. In Hebræo, & Chaldaeis est *Proit Pharae*: formula iurandi tam Gentilibus, quam Iudæis usitata. Potest.

Potestque, iuxta S. Thomam *a*, duobus modis intelligi. Primo assertorie; quasi dicat: iuro per Deum, qui vitæ, & salutis regis mei Pharaonis auctor, & custos est. Secundo execratorie, ut idem sit quod adiuro, obtestor, & rogo Deum, ut Pharaoni salutem, & vitam adimat, si non constet vos esse exploratores. Nota tamen cum eodem S. Thoma, & Bonaventura, Iosephum non assertive vocare fratres suos exploratores, nam sciebat non esse tales; sed solum tentative, & probandi gratia. Cuiusmodi locutionum formulæ usurpantur a iudicibus de crimine aliquo inquirentibus; sed solum vim habent interrogationum.

V. 3. TOLLENS SIMEON, ET LIGANS. Cur hunc præ reliquis fratribus? Respondet Gennadius, & Hebræi, quia Simeon præcipua causa, & auctor aliis fuerat necis Iosepho inferendæ. Vel saltem, ut ait Philo *b*, nam ceteris utpote iunioribus peccarat: plus, cum ætate post Ruben maximus esset, & auctoritate valeret, maluit cum illis in perniciem adolescentuli conspirare, quam Rubeno pro eo liberando satagenti se coniungere. An vero Ioseph tunc tempore absentis fratrum, Simeonem in vinculis perpetuo habuerit, incertum est. Verosimilius, non nisi usque ad abitum illorum habuisse in vinculis; in carcere tamen, vel alio honestiore loco conclusum, ad reditum usque aliorum tenuisse.

Petes: Quare Ioseph totis 23. annis, quibus fuit in AEgypto, nihil de se nuntiavit tam mæsto parenti? Respondet S. Thomas, Deum id noluisse. Cur autem noluit? Rationem dat Augustinus, ut hoc quasi purgatorio tam parens, quam filius purgaretur in hac vita; & virtus utriusque tanto spectatior orbi fieret, ut facta fuerat etiam Abrahami & Isaac per immolationem in monte Moria, supra cap. xxi. Addit Theodoretus, ita Deum voluisse, ut somnia Iosephi adamussim complerentur; & ne Iacob filium, ubi rescivisset in AEgypto eegere, pretio quantumque redemptum, in Chanaan dem ad propria reduceret; atque ita occasionem nanciscendi principatus in Aegyptios, adeoque & in fratres suos, præperet. Denique ne impedirentur mira illa & stupenda opera quæ per & post Iosephum in

AEgypto patrata narrat tum Genesis; tum Exodus multis & proluxis capitibus.

Petes secundo: Unde Ioseph constitit de hac Dei voluntate? Respondet Pererius: Partim ex circumstantiis somniorum suorum; partim ex instinctu & revelatione interna, ut erat Propheta: forsitan & ex remoris, & variis impeditis, quæ, cum quid tale tentaret, iniicitæ animæ advertit, ut accidit in re longe leviori, cum egredienti principi pincernarum e carcere commendasset etiam sui liberationem; sed ille per integrum biennium ne semel quidem meminisset interpretis & clientis sui, nolente Deo mediis eximi humanis quem sua ipsius manu iuvare decreverat.

(*a*) S. Thom. II. II. quæst. lxxxix. art. 6.

(*b*) Philo Lib. de Ioseph.

GORDONI.

Verf. 6. **A**DORASSENT, cultu civili, sed ut regi debito; quod Iosephi somnio demonstratum fuit.

V. 7. ET AGNOVISSET. Agnoscit fratres; sed non agnitus ab iis. Nam ex cap. xli. verf. 46. stetit coram Pharaone anno ætatis 30. reliquit fratres anno ætatis 16. & multis modis immutatus est ab eo quierat. **QUASI AD ALIENOS.** Videatur indignantis personam assumpsisse. Ioseph præcius futurorum, & Deo ita disponente per exactos quindecim annos non indicavit patri casum suum.

V. 9. EXPLORATORES ESTES. Hic non mentitur Ioseph: non enim iunt verba assertoria, sed potius tentantis, aut etiam interrogantis; & sic interdum loquuntur iudices.

V. 12. IMMUNITA, non munita, infirmiora loca terræ AEgypti.

V. 14. HOC EST, quod dicatis, vobis esse alium fratrem, ex quo vobis non credo.

V. 15. PER SALUTEM PHARAONIS. In Hebr. est *virut Pharaon*. i. e. *per vitam Pharaonis*. Vere ergo iuramentum est, nec falsitatem habet: quia unum retinuit, ut statuerat animo.

V. 16. PER SALUTEM PHARAONIS EXPLORATORES ESTIS. Non peccat sic iurans Ioseph: nam iurans per creaturas, ut hic, iurat per auctorem creaturæ. Adest etiam veritas. Sensus autem

verborum est : iuro me habiturum vos externa specie , tamquam exploratores , nisi adducatis ad me Beniamin . Dixi de hoc in opere Theol. Lib. VI. quæst. vi. num. 26.

V. 18. DEUM TIMEO : nihil iniuste in vos fiet.

V. 25. TOLLENSQUE . Putatur potius Simeon retentus in vinculis , quam ullus alius , quia durius se gessit erga Ioseph in venditione .

V. 28. OBSTUPEFACTI : Sept. *ἰσχυρὶ καὶ ἀπὸ τοῦ αὐτοῦ* . Hebr. *אֲשֶׁר וַתִּשְׁתַּעֲפֶה* , exiit cor eorum .

V. 35. Sciebant fratres , esse [in saccis pecuniam , ex vers. 27. Sed simulant attonite se id nescire , ne reprehenderentur a patre .

V. 38. CANOS , senectutem , senem . A D INFEROS : præ tristitia moriar . Hebr. *אֶל הַמָּוֶת* ad sepulcrum , per הַמָּוֶת mori-vum .



C A P U T XLIII.

Cogente fame , egre impetrarunt fratres Ioseph a patre ut in Ægyptum revertentes cum muneribus , ac duplici pecunia , Benjamin secum ducerent : qui , educto Simeone de carcere , simul epulati sunt cum Ioseph .



1. Nterim fames omnem terram vehementer premebat : 2. consumptisque cibis quos ex Ægypto detulerant , dixit Iacob ad filios suos : Revertimini , & emite nobis pauxillum escarum . 3. Respondit Iudas : Denuntiavit nobis vir ille sub attestatione iurisorandi , dicens : Non videbitis faciem meam , nisi fratrem vestrum minimum adduxeritis vobiscum . 4. Si ergo vis eum mittere nobiscum , pergemus pariter , & ememus tibi necessaria ; 5. sin autem non vis , non ibimus : vir enim , ut sæpe diximus , denuntiavit nobis , dicens : (a) Non videbitis faciem meam absque fratre vestro minimo . 6. Dixit eis Israel : In meam hoc fecistis miseriam , ut indicaretis ei & alium habere vos fratrem . 7. At illi responderunt : Interrogavit nos homo per ordinem nostram progeniem : si pater viveret , si haberemus fratrem : & nos respondimus ei consequenter iuxta id quod fuerat sciscitatus : numquid scire poteramus quod dicturus esset : Adducite fratrem vestrum vobiscum ? 8. Iudas quoque dixit patri suo : Mitte puerum mecum , ut proficiamus , & possimus vivere : ne moriamur nos , & parvuli nostri . 9. (b) Ego suscipio puerum : de manu mea require illum : nisi reduxero , & reddidero eum tibi , ero peccati reus in te omni tempore . 10. Si non intercessisset dilatio , iam vice altera venissemus . 11. Igitur Israel pater eorum dixit ad eos : Si sic necesse est , facite quod vultis : * sumite de optimis terræ fructibus in vasis vestris , & deserte viro munera , modicum resinæ , & mellis , & storacis , stactes , & terebinthi , & amygdalarum . 12. Pecuniam quoque duplicem ferte vobiscum : & illam , quam invenistis in sacculis , reportate , ne forte errore factum sit : 13. sed & fratrem vestrum tollite , & ite ad virum . 14. Deus autem meus omnipotens faciat vobis eum placabilem : & remittat vobiscum fratrem vestrum * quem tenet , & hunc Benjamin : ego autem quasi orbatus absque liberis ero . 15. Tulerunt ergo viri munera , & pecuniam duplicem , & Benjamin ; descenderunt-
que

que in Aegyptum, & steterunt coram Ioseph. 16. Quos cum ille vidisset, & Benjamin simul, præcepit dispensatori domus suæ, dicens: Introduc viros domum, & occide victimas, & instrue convivium: quoniam mecum sunt comesturi meridiæ. 17. * Fecit ille quod sibi fuerat imperatum, & introduxit viros domum: 18. ibique exterriti dixerunt mutuo: Propter pecuniam, quam retulimus prius in fassis nostris, introducti sumus, ut devolvat in nos calamitatem, & violentè subiciat servituti, & nos, & asinos nostros. 19. Quamobrem in ipsis foribus accedentes * ad dispensatorem domus, 20. locuti sunt: Oramus domine ut audias nos. (c) Iam ante descendimus ut emeremus escas: quibus emptis, cum venissemus ad diverforium, aperuimus saccos nostros, & invenimus pecuniam in ore saccorum: quam nunc eodem pondere reportavimus. 22. Sed & aliud attulimus argentum, ut emamus quæ nobis necessaria sunt. Non est in nostra conscientia quis posuerit eam in marsupiiis nostris. 23. At ille respondit: Pax vobiscum, nolite timere: Deus vester, & Deus patris vestri dedit vobis thesauros in fassis vestris: nam pecuniam, quam dedistis mihi, probatam ego habeo. Eduxitque ad eos Simeon. 24. Et introductis domum, attulit aquam, & laverunt pedes suos, deditque pabulum asinis eorum. 25. Illi vero parabant munera, donec ingrederetur Ioseph meridiæ: audierant enim quod ibi comesturi essent panem. 26. Igitur ingressus est Ioseph domum suam, obiuleruntque ei munera, tenentes in manibus suis; & adoraverunt proni in terram. 27. At ille, clementer resalutatis eis, interrogavit eos, dicens: * Salvus ne est pater vester senex, de quo dixeratis mihi? Adhuc vivit? 28. Qui responderunt: Sospes est servus tuus pater noster, adhuc vivit. Et incurvati adoraverunt eum. 29. Attollens autem Ioseph oculos, vidit Benjamin fratrem suum uterinum, & ait: Ille est frater vester parvulus, de quo dixeratis mihi? Et rursum, Deus, inquit, misereatur tui, fili mi. 30. Festinavitque, quia commota fuerant viscera eius super fratre suo, & erumpebant lacrymæ: & introiens cubiculum flevit. 31. Rursumque lota facie egressus, continuavit se, & ait: Ponite panes. 32. Quibus appollitis, seorsum Ioseph, & seorsum fratribus, Aegyptiis quoque qui vesebantur simul, seorsum (illicitum est enim Aegyptiis comedere cum Hebræis, & profanum putant huiusmodi convivium) 33. sederunt coram eo, primogenitus iuxta primogenita sua, & minimus iuxta ætatem suam. Et mirabantur nimis, 34. sumptis partibus quas ab eo acceperant: maiorque pars venit Benjamin, ita ut quinque partibus excederet. Biberuntque, & inebriati sunt cum eo.

(a) Sup. ult. 20. (b) Inf. ult. 32. (c) Sup. ult. 3.

B R U G E N S I S

ROMANÆ CORRECTIONES.

V. 11. *Sumite de optimis terra fructibus.*
Melius est *fructibus quam frugibus.*

V. 14. *Quem tenet.* Non est huius loci, quod quædam exemplaria subiiciunt, *in vinetis.*

V. 17. *Fecit ille quod sibi fuerat imperatum.*
In quibusdam libris, *pro quod sibi fuerat, minus recte legitur sicut fuerat.*

V. 19. *Ad dispensatorem domus.* Non omit-
tas domus.

V. 27. *Salvus ne est pater vester?* Melius
est *salvus quam sanus.*

S A.

Verf. 5. **N**ON VIDEBITIS FACIEM MEAM, id est me; quasi dicat, nullus ad me vobis aditus patebit.

V. 6. IN MEAM. Hebr. *cur in meam.*

V. 9. SUSCIPIO PUERUM. Hebr. *spondeo pro illo.* DE MANU MEA, id est a me.

V. 12. ET ILLAM; pro, nempe etiam illam.

V. 14. ERO, scilicet interim.

V. 16. VICTIMAS. Sic vocantur animalia, cum occiduntur, etiam non causa sacrificii.

V. 21. APERUIMUS; unus aperuerat. Vide sup.

V. 22. NON EST IN NOSTRA CONSCIENTIA. Hebr. *nescimus.* MARSUPIIS, id est faccis.

V. 23. PAX VOBISCUM; id est, e-stote bono animo: nihil est periculi. PROBATA ME EGO HABEO. Hebr. *Veni ad me.*

V. 25. PANEM, abundat more Hebr. ponitur autem pro cibo.

V. 31. PANES, id est cibos.

V. 32. PROFANUM. Hebr. *abominabile.*

V. 33. IUXTA AETATEM; scilicet, ultimus sedit.

V. 34. INEBRIATI, id est satiati. Sic Psalm. lxxiv. *Vistasti terram, & inebriasti eam.* August. in Genes. quest. cxxlv.

E S T I I.

Verf. 3. **D**ENUNTIAVIT NOBIS VIR ILLE. Nota. Non hoc expresse denuntiavisse legitur; verum cum cap. præcedenti verf. 15. dixerit: *Per salutem Pharaonis, non egrediemini hinc donec veniat frater vester minimus*; credibile est eum ad dimissos postea iterasse hoc, vel simili modo: Per salutem Pharaonis, non videbitis faciem meam donec veniat frater vester minimus.

V. 6. IN MEAM HOC FECISTIS MISERIAM; id est, factum vestrum in meam cedit miseriam. Non enim dicere

vult pius Patriarcha filios suos paternam miseriam intendisse, sed ita evenisse ipsorum imprudentia. Sic & quod Hebr. legitur: *Ut quid malefecistis mihi*; non expositulantis est, aut improperantis, sed suam miseriam deplorantis.

V. 9. EGO SUSCIPIO PUERUM. Nota. Non dixit hic Iudas spondens pro Benjamin ut dixerat Ruben capite superiori, *Filios meos interfice*; nempe iam duo filii eius Her, & Onam interfecti erant a Domino; & verisimiliter metuebat, ne quid simile aliis filiis suis contingeret. Tum etiam a tali sermone abstinebat, ne memoriam eius quod duobus prioribus filiis suis acciderat renovaret.

V. 14. ET REMITTAT VOBISCUM FRATREM QUEM TENET. Loquitur Iacob de Simeone qui tenebatur in vinculis, & de Benjamin. In Septuaginta sic habetur: *Et remittat fratrem vestrum vivum, & Benjamin.* Ubi cum vere intelligatur Simeon captivus, tamen fortasse nonnulli aliquando acceperunt de Ioseph: certe in officio ecclesiastico, dom. tertie quadragesimæ in responsorio nono sic legitur: *Lamentabatur Iacob de duobus filiis suis: Heu me; dolens sum de Ioseph perditio, & tristis nimis de Benjamin ducto pro alimentis.* Precor cælestem Regem, ut me dolentem nimium faciat eos cernere. Quæ verba indicant saltem, Iacob non omnino omnino spem abiicisse videndi Ioseph, etsi hoc videantur eius verba indicare cap. xxxvii. verf. 35. Forsitan enim in corde suo suspicabatur, id quod res erat, Ioseph venditum, non devoratum a bestia; quod nulla ossa ostenderentur, sed sic loquebatur ut est ibi cap. xxxvii. ne feroces filios magis exacerbarer.

V. 16. OCCIDE VICTIMAS, ET INSTRUE CONVIVIUM. Hæ victimæ cui immolabantur: Deo vero, an falso? Si sacrificium intelligitur, haud dubio Deo vero. Neque enim vir sanctus præcepisset immolari victimas deo falso; neque Ioseph, qui tanta auctoritate pollebat apud Aegyptios, prohibitus fuisset, ut apparet, offerre sacrificium Deo suo. Sed forte non loquitur Scriptura de sacrificio, sed de so-

la mactatione pecorum. Unde & Hebræa tantum habent, *Maſſa tu*. Vatablus quidem ſubaudit victimam, ſed quare non ſimpliciter, pecus, vitulum, bovem, vel quid ſimile?

Verſ. 32. ILLICITUM EST ENIM AEGYPTIIS COMEDERE CUM HEBRÆIS. Hebræorum nomen tunc dudum innouiſſe patet: tum quod hera Ioseph Genef. cap. xxxix. ipſum bis contemptim vocet Hebræum; tum quod & pincerna regis dicat capite xli. *Erat idē puer Hebræus*. Quin ipſi Abraham, & Lot Genef. xiv. Hebræi vocantur, ſic dicti a Chananæis, quaſi tranſfluviales; quod ex Melopotamia illuc veniſſent, iamque plurimi populi ab illis proſegati erant, ut Iſmaelitæ, Madianitæ, Moabitæ, Ammonitæ; ut non neceſſe ſit hic nomen Hebræorum tamquam ignotum generatim omnes Chananæos accipere. Ceterum quare profanum cenſerent Aegyptiis comedere cum Hebræis, immo abominationem putarent (nam ita ſonant Hebræa) patebit Exodi viii. verſ. 26.

V. 34. MAIORQUE PARS VENIT BENIAMIN. Ita iuſſerat Ioseph, tum quia Benjamin frater erat uterinus Ioseph, tum etiam quod ſolus Benjamin immunis fuiſſet, & innocens a crimine in Ioseph a ſatribus ceteris commiſſo. Quomodo ſingulis ſingulæ partes in huiusmodi conviviis diſtribuerentur, vide etiam I. Reg. ix. *BIBERUNTQUE, ET INEBRIATI SUNT CUM EO.* Solent, inquit Auguſt. ebriofī hinc adhibere patrocinium, non tantum propter filios Iacob reliquos, ſed etiam propter Ioseph, qui valde ſapiens commendatur. Sed reſpondet Auguſt. & ante eum Hieron. verbum ebrietatis pro ſocietate tantum ſolere in Scripturis poni. Unde eſt illud Pſal. lxiv. *Viſtaſti terram, & inebriaſti eam*. Ubi nullo modo inebriari poteſt accipi, ut ebriofī accipiunt. Nam nec ipſi terræ utilis eſt huiusmodi ebrietas, cum nimio humore ſemina corumpantur. Commentarius quoque in Pſal. lxxx. D. Hieronymo aſcriptus, negat ad litteram Ioseph virum ſanctum inebriatum, etſi id fateatur de Lot.

M A R I A N A E.

Verſ. 3. SUB ATTESTATIONE IURIS IURANDI. Hebræice & Chald. *Conteſtans conteſtatus eſt nos vir*. Non ſimpliciter admonuit, ſed adhibitis teſtibus. Id enim exprimit vox Hebræica *ym behid*.

V. 8. NE MORIAMUR NOS, ET PARVULI NOSTRI. Hebræice: *Nemoriatur etiam nos, etiam tu, etiam parvuli*. Illud etiam primo loco videtur redundare, ſed perinde eſt ac ſi diceret: Ne moriamur tum nos, tum tu, tum parvuli.

V. 10. IAN VICE ALTERA VENISEMUS. Hebræice: *Iam revertiſſemus duabus vicibus*.

V. 12. PECUNIAM QUOQUE DUPLICEM FERTE VOBISCU. Annomam creviſſe ſuſpicabatur; ideo præter pecuniam in ſaccis inventam, duplicem aliam ferre mandat.

V. 14. QUASI ORBATUS ABSQUE LIBERIS ERO. *Interim ero*, eſt Hebræice. *Sicut orbatus ſum, orbabor*: ſic Chaldaice,

V. 16. OCCIDE VICTIMAS. Sic vocantur animalia cum occiduntur, etiamſi non ſit ſacrificium. Hebræice, *Maſſa mactationem*.

V. 20. ORAMUS DOMINE. Hebr. *in me domine*; ſed dictio *bi bi*, id eſt *in me*, tenet locum adverbi, reſteque redditur *pēt queſo*, aut *queſumus*, aut eſt forma iurandi, ut Hiſpanice dicimus *ſobre mi*; vel potius ſignificat, *in me*; id eſt, me audi, adverte quæ dicam. Et adverte, non plane iſſdem verbis repeti factum, quibus ſuperius erat expoſitum: quod in ſomnia pincernæ & piſtoris, & in Pharaonis ſomnio videmus; quædam mutari in repetitione, ut contingit inter homines vulgo; ſed ſententia eſt conſideranda.

V. 21. PECUNIAM..... EODEM PONDERE REPORTAVIMUS. Forte non dum ſignabatur pecunia, ſed appendebatur metallum, qui primus monetæ uſus fuit.

V. 23. PECUNIAM, QUAM DEDISTIS MIHI, PROBATAM. Deſt in Hebræico *probatam*, ex Sept. ſumpſit Hieron.

V. 24. DEDITQUE PABULUM. מִיָּדָד *misso* significat quocumque iumentum vitant, non hordeum tantum, avenam, aut fenum, aut pascas; sed omnia: sic per *pabulum* optime recluditur.

V. 25. DONEC INGREDERETUR IOSEPH MERIDIE; supple, ad prandium.

V. 31. PONITE PANES. Hebraice, *panem*, per quem intelligit genus omne cibi: vers. etiam 25. *Comesturi panem*. *Panis* pro cibo, & more Hebraico vox *panem* redundat: sufficiebat dicere, quod ibi comesturi essent.

V. 32. SEORSUM IOSEPH. Minutum tres mensæ fuerunt, Iosephi, & fratrum, & Aegyptiorum.

V. 33. ET MIRABANTUR NIMIS. Hinc colligunt, Iosephum loca designasse singulis quasi divinandi arte; quamque fuisse admirationis causam, quod eos iuxta cuiusque statum collocasset.

V. 34. SUMPTIS PARTIBUS. מִמֶּנּוּ *masib* puerie partes intelligunt, nempe cibi: sic Hieron. Sept. Chald. sed qui poterat quincuplex dari Benjamin, si aliis cibibus non maligne suppeditabatur? Quidam numerum certum pro incerto sumit; quasi dicat, maximam partem datam fuisse Benjamin. Hebraeus Schol. & alii per eam vocem dona intelligunt, quæ initio, aut sine prandii data sunt convivis, Benjamin quoque quincuplia. Quod autem addit inebriatos esse, ad satietatem refert Hieronymum. in Trad. sicut & terra dicitur inebriari: tum Augustin. in Genes. quest. cxliv. Denique pro QUINQUE PARTIBUS, in Hebræo est *quinque manibus* חַמֵּשׁ יָדַי *hames iadoth*. Dona, seu partes manus vocantur, quod dentur manu.

M A L V E N D A E.

Vers. 7. C O N S E Q U E N T E R I U X T A S C I T A T U S. Hebr. *Super os verborum istorum*; id est, secundum verba ipsa quæ nobis proposuerat, singulis singula directe respondentes. Aliter, *Super os verba ista*; id est, respondimus ei ut ipse locutus fuit; ad eius os, sive interrogationem respondimus verba ista. Sed parum intelligunt aliqui pulcherrimum Hebraismum, quem Hispanismus illustrat: *super os*, id

est *bilo*, a *bilo*. Sic quod Hebræi dicunt, *la ore gladii*, nos dicimus, *Filos de una espada*; quasi dicat, distincte, ordinatim, minutatim renuntiavimus verba ista.

V. 8. UT PROFICISCAMUR, ET POSSIMUS VIVERE, &c. Hebr. omnia sunt præterita: *Et surreximus*, & *ambulavimus*, & *proximus*: ad indicandam celeritatem, promptitudinem, certitudinem eorum quæ facturi erant; quasi dicat: Mitte puerum, & tibi omnia confecta do. Eo more loquendi etiam nos Hispanice utimur, cum celeritatem, & certitudinem rei peragendæ significare volumus.

V. 11. DE OPTIMIS TERRÆ FRUCTIBUS. Hebr. דְּמֵרָה *zimrah terre*. Varie elucidant. I. de *carmine*, *mutatione cantico*, *laudatione*, *predicatione terre*, id est de optimis, nobilissimis, laudatissimis, prædicatissimis, decantatissimis, celebratissimis, quæ terra producit, seu fructus, seu res. II. de *palmite terre*, seu de *incisione*, *amputatione terre*; ut *zimrah* generaliter, & collective significet fructus decisos, & amputatos, ut statem, resinam, mel, lotum, quæ incisione proveniunt. Utraque significatio cognata; nam incantum est incisio, id est fractura, & modulatio vocum. TEREBINTHI. בַּטִּימ *bateim*. Solum hoc loco reperitur, & varie exponunt. I. *resinam terebinthi*, quam nos *trementinam* vocamus; alii *nucem terebinthi*. II. *pinas*, Hispanice *pinones*. III. *Arabice pistacia*, genus nucum Syriacarum, de quibus Plinius Lib. XIII. cap. v. & Lib. XXIII. cap. viii. & alii. IV. *corylos*, seu *avellanas*, quas Germani vocant *botin* colludente voce. V. *iuglandes*. VI. *dactylos*, a similitudine בֵּטֶן *beten*, *uteri*, in quo continentur fructus. Quid si divisim legamus, *In sportis, cophinis*? Nam כָּפִין *tene* est *cophinus*, seu *sporta*. Ut *Beth* sit *servile*, & *Aleph* exciderit. Vide Iosue xiii. vers. 26. Quid si sint quas vulgo *batatas* vocamus, voce non multum ablutente. In vocibus, quarum significatio adeo obsolevit, nihil tutius, quam Nostrum & LXX. sectari. De aliis vocibus ambiguis huius versus egimus supra, cap. xxxvii. vers. 25.

V. 14. EGO AUTEM QUASI ORATUS ABSQUE LIBERIS ERO. Hebr. *Et ego secundum quod oratus sum, oratus sum*; vel *Et ego quemadmodum oratus fui, oratus sum*; id est, quemadmodum oraba-

orbatus fui antea Iosepho, & Simeone, ita iam iterum orbatus sum Beniamino. Utrumque est præteritum; sed secundum Noster posuit in futuro, quia ita mens præfigebat futurum. Alii exponunt, ac si dicat: Mortuo Ioseph, puto me omnibus orbatum esse. Reputabat enim nihil posse deterius sibi contingere, ex quo Ioseph amisit; quem omnibus præferebat, & quem instar omnium æstimabat. Nonnulli: Video quid agatur mecum: ego sum miserrimus senex, domum, quæ nuper populosa erat, sere desertam video, cum iis abeuntibus, nudor omnibus filiis. Aliqui: Cum orbatus fuero, orbatus fuero: verba sunt viri se, & rerum suarum eventum committentis voluntati Dei. Similis phrasis est Esther iv. vers. 16.

V. 16. MERIDIE צהרים *tzahoraim* nomen duale, & id tempus significare aiunt quo sol in medio caeli inter ortum & occasum clarissime fulget: & forma duali effecti notant, quod diem in duas partes æquas dividat, & geminæ lucis antemeridianæ, & vespertinæ medium sit interstitium, & terminus communis.

V. 20. ORAMUS DOMINE בִּי *bi* communiter vertunt, *quæso, obsecro*; sed proprius idiomati lingue sonat in me; quasi dicat: Attende ad me, audi nos, in nos adverte; Hispanice, *Con migo*: quando petimus audiri: quod Noster scite exposuit. Quidam notant, esse ellipsin patheticam, receptam in orationibus vehementissimis, ut infra cap. xlii. vers. 18. Num. xii. vers. 11. & i. Samuel. i. vers. 26. Exodi iv. vers. 10. 13. i. Reg. iii. vers. 17.

V. 23. THESAURUS תַּשְׁבּוּרִים *matmon*, occultationem, repositionem, thesaurum, quod solet recondi, & occultari. Hinc vocem Syriacam *mammona* effluxisse, qua Christus utitur in Evangelio, non est dubium.

V. 30. COMMOTA FUERANT. כָּמַר *camar* est ipsissimum Hispanicum *quemar*, & Latinum *cremare*: *Aduſa, accensa, cremata fuerunt*.

V. 33. ET MIRABANTUR NIMIS. Quidam intelligunt, fratres miratos quomodo Ioseph eorum ætates sciebat, qui eis loca secundum uniuscuiusque ætatem assignaverit, ac si cum ipsis vixisset, eorumque ætates competissimas haberet. Sed melius, mirabantur honorem sibi datum, splendorem, & magnificentiam convivii.

V. 34. SUMPTIS PARTIBUS. Ex Hebr. varie reddunt. I. *Et accepit partes a facie sua*. II. *Et tulit dona a facie sua*. III. *Et elevavit elevationes a facie sua*, id est fercula, quæ elevate mensis inferuntur. IV. *Et sublata sunt levanda ab eo ad illos*. מַשְׁכִּיכָה *maschischka*, *levandam* exponunt, id est ferculum, missum; quæ levatur ad mittendum aliis. Sic Hispanice *levantar platos*. Volunt hunc esse sensum: fercula, seu missus, hoc est levandæ, ponebantur ante Ioseph; & ipse levabat, & mittebat aliis convivis in mensa: quod fiebat honoris, & benevolentie gratia. Et Benjamin accepit quinque fercula plusquam alii, quinque partibus, seu portionibus alios excessit: verbi gratia, si aliis dederunt quinque missus, Benjamin accepit decem.

MENOCHII.

Vers. 1. INTERIM, dum Iacob differt Beniamin in Ægyptum mittere, secundo iam famis grassantis anno.

V. 2. CONSUMPTISQUE, non prorsus, sed prope. PAUXILLUM ESCARUM, quod huius anni indiciæ depellendæ sufficiat: nesciebat adhuc quinquentium superesse.

V. 3. IUDAS: qui inter alios fratres animo, facundia, prudentia, & auctoritate excelebat. SUB ATTESTATIONE IURIS IURANDI: iuraverat enim per salutem Pharaonis. NON VIDEBITIS FACIEM MEAM: nullus vobis ad me parebit tutus accessus: nam si audeatis vos coram me sistere, puniam ut exploratores.

V. 4. EMEMUS TIBI: cui totius familie alendæ cura incumbit.

V. 5. NON IBINUS: ne frustra, imo cum periculo camus.

V. 6. IN MEAM HOC FECISTIS MISERIAM: non intendendo, sed occasionem dando vestris sermonibus huic meæ miserie, qua filio me privare cogor.

V. 8. NE MORIAMUR. Expedit unum filium Benjamin incerto vitæ periculo exponi, quam simul illum tecum, & nobiscum certa fame perire.

V. 9. PUERUM, fratrem natu minimum: alioquin enim iam annorum erat 24. filiosque genuerat, ut patet infra cap. xlii. 21. ERO PECCATI REUS; quasi

quasi dicat: Quamdiu vivam, hoc mihi peccatum impropria, & quaecumque volles poenam mihi inflige.

V. 11. SUMITE DE OPTIMIS TERRAE FRUCTIBUS. Hebr. est, *Sumite de cantatione terræ*. Cantatio Hebraice vocatur res præstans nobilis, laudabilis, decantanda. RESINAE. Vide supra cap. xxxvii. 25. STORACES. In Hebr. est *שוראק*, de qua voce dictum cap. xxxvii. 25. Storax lacryma est arboris quæ storax dicitur, de qua Dioscorides Lib. I. cap. lxxxviii. Plin. Lib. XII. xxv. STACTES. Vide supra cap. xxxvii. xxv. Stacten aliquando noster Interpres guttam vocat, ut Psal. xlv. 9. Myrrha, & gutta, & casta, &c. TEREBINTHI. Terebinthus hic est resina, vel succus qui ex arbore terebintho distillat, vulgo *Trementina*. AMYGDALARUM. LXX. Et nucis; sed poritur genus pro specie, nam amygdalæ sunt de genere nucum.

V. 12. ERRORE, famulorum incuria, non domini voluntate.

V. 14. QUAS ORBATVS ABSQUE LIBERIS ERO: dum abestis videbor mihi profusus sine filiis. LXX. *paritice: Filii orbatu sum, filius orbatu sum*.

V. 16. VECTIMAS, animalia, quæ ad convivium occiduntur. Vocantur vero victimæ, quia antiqui de carnibus sacrificiis frequenter epulabantur. In Hebræo est *Malla mactationem*.

V. 23. PAX VOBISCUM: securus esse iubeo. DEVS... DEDIT VOBIS, per me, cui Deo inspirante iussit Ioseph. THESAUROS, pecuniam arcanam, quæ vos latebat. PROBATA EGO HABEO. Hebraice, *Pecunia vestra venit ad me*. Venit est: ego illam acceptam fero, fateor me recepisse. EDUXIT, liberum, vinculis solutum.

V. 26. PRONI IN TERRAM, flexo poplite.

V. 29. VIDET BENIAMIN. Viderat prius, sed obiter, & dissimulanter; nunc ex professo eum intuetur, & alloquitur: unde hic aspectus lacrymarum amoris, & pietatis excussit. MISEREATUR TU: fa-
veat tibi.

V. 30. FESTINAVITQUE, quasi ad aliud negotium vocat.

V. 32. SEORSUM IOSEPH. Tres ut minimum mensæ positæ sunt. In prima

solus Ioseph, ut regno præpositus; in secunda undecim fratres; in tertia proceres Aegyptii ad convivium vocati. SIMUL VESCEBANTUR: simul tempore, & loco, non mensa. ILLICITUM EST ENIM AEGYPTIIS COMEDERE CUM HEBRAEIS: quia quidam superstitione & fastu, pestores immundos indicabant; secundo quia ea quibus vesciebantur Hebræi, oves, hirci, tauri, erant eorum numina: Exod. viii. Non quidem ista nunc Hebræis apposita; sed sciebant eis velicis solitos.

V. 33. SEDERUNT. Antiquior est mos ad mensam assidendi, quam in lectis accubandi. MIRABANTUR NEMIS: non enim ipsi sic sponte sua confederant; sed eo ordine iussu Iosephi dispositi fuerant. Mirabantur etiam c. nivoris humanitatem, & excessum erga Beniamin.

V. 34. SUMPTIS PARTIBUS, QUAS AB EO ACCEPERANT. Hebr. est, *Et elevavit elevationes a faciebus suis ad eos*; unde patet consuetudo. Cibi primo apponebantur Iosepho; ille vero distribuerebat convivis ceteris. Misit ergo partes æquales ceteris fratribus. Beniamin soli largius, & multiplicius. Hebræi missus vocant *elevationes*, quia honoris causa elevatis in altum manibus deferrebantur. *A faciebus suis*, hoc est de cibis coram eo positis. ITA UT QUINQUE PARTIBUS EXCEDERET. Non quinque tercula Beniamino pro uno ceteris apposito data sunt, sed portio quintuplo maior honoris, & benevolentiae causa. INEBRIATI SUNT: exhilarati sunt, & mero incaluerunt, citra tamen crapulam, aut temulentiam.

T I R I N I.

Vers. 11. MODICUM RESINAE, STORACES, STACTES, ET TEREBINTHI. *Resina* vocatur humor ille tenax & viscosus qui ex arboribus qualibetcumque destillat, & adhærescit. In Iudæa, & Syria fere pro *galbano* sumi solet, qui succus est arboris quæ serula vocatur, inquit Plinius, & Dioscorides *a*, *Terebinthus* est resina, vel succus qui ex arbore terebintho distillat, & vulgo *Trementina* vocatur. *Storax* lacryma est arboris quæ iubinde *Styrax* dicta reperitur, teste eodem Plinio, & Dioscoride *b*, Unde un-

unguentum styracinum, quo capilli & bene olentes, & colore flavi redduntur. *Stasbe* b est lacryma myrrhæ, seu liquor myrrhæ subtilissimus & purissimus.

V. 16. OCCIDE VICTIMAS. Est catathresis, id est bestias, quæ cum iugulantur, victimæ more prisco vocantur, etsi non ad sacrificium, sed solum ad esum iugulantur. Neque enim erat tam impius Ioseph ut iuberet hostias immolari diis Aegyptiis. Quin & si Macrobio credimus, non erat moris Aegyptiis, ut pecudibus, aut sanguine, sed precibus, & thure dumtaxat sacrificarent diis.

V. 32. SEORSUM IOSEPH; id est, solus in peculiari mensa, utpote totius Aegypti prorox. SEORSUM FRATRIBUS, & AEGYPTIIS QUOQUE SEORSUM. Causa additur, quia ILLICITUM AEGYPTIIS COMEDERE CUM HEBRAEIS, ET PROFANUM. Cum enim tolerent Hebraei passim comedere boves, tauros, oves & hircos, quæ erant Aegyptiorum numina, qui in ariete colebant Iovem, in tauro, & vitulo Apin, teste Philone, & aliis; ac proinde occidere, nec comedere illa animalia licebat, Exodi viii. vers. 26. licet hic illa ipsis a Iosepho non apponerentur, sed alia solum animalia quibus liceret vesci in Aegypto, verbi gratia pullos, capones, lepores, perdices, &c. quia tamen non ante eos solitos illa cædere, illisque vesci, raram a profanis convivis abhorrebant.

V. 34. BIBERUNTQUE, ET INEBRIATI SUNT; id est, satiati vino, & ex hilarati, incalescentes mero; sed citra crapulam, aut temulentiam. Sic Psalm. lxxiv. *Vistasti terram, & inebriasti eam*. Et in hoc sensu plerumque utitur Scriptura verbo *inebriandi*. Ita S. Augustinus, & alii d.

(a) Plin. Lib. XII. cap. xxv. Diofcor. Lib. III. cap. lxxxi.

(b) Plin. ibid. Diofcor. Lib. I. cap. lxxviii.

(c) Macrobo. Lib. I. cap. vii.

(d) S. Aug. in Genes. quest. cxi.

GORDONI.

Vers. 3. SUB ATTESTATIONE: nam Ioseph iuraverat per salutem Pharaonis, puniet ut exploratores.

V. 8. MITTE PUERUM. Aetatem

nunc Benjamin collige ex cap. xxxv. vers. 18. ubi dixi natum anno uno ante venditum Iosephum. Ioseph iniiit principatum anno ætatis tricesimo. Adde septem annos fertilitatis, & duos sterilitatis ex cap. xlv. vers. 10. non aberit nunc Benjamin ab annis viginti quatuor.

V. 10. SI NON INTERCESSISSET DILATIO, IAM VICE ALTERA VENISSEMUS. Sensus est: si nos hic non retinuissemus, retinendo apud te Benjamin, iam rediissemus altera vice ex Aegypto.

V. 11. Narratio clara est. *Storax* liquor est fluens ex arbore, quæ vocatur *Styrax*, grati odoris, & coloris flavi. *STACTES*, supra cap. xxxvii. vers. 25. *TEREBINTHUS*, resina, vel succus arboris terebinthi.

V. 12. DUPLICEM. Præter pecuniam repertam in saccis, iubet deferri duplicem, si forte crevisset pretium ob famem.

V. 16. OCCIDE. *tebach* est matatio; & convenit etiam cælis animalibus ad convivium: quare in nostro Interprete, victimæ designant bestias convivio destinatas, licet hoc sit cum aliqua extensione vocis, minus propria; & hoc sane quia Aegyptii thus immolabant, non bestias. Lege Macrobo. Lib. I. cap. vii.

V. 20. ORAMUS. Heb. *bi*, in me, orantis, & multum affirmantis vox est. Gallice *sur moy*.

V. 21. PECUNIAM. Primus monetæ usus fuit metallum non signatum; & forte hic tale fuit.

V. 23. PAX VORISCU: securos esse iubeo, & bono animo. PROBATA HABEO, sero acceptam. EDUXIT, solum vinculis.


V. 31. PONITE PANES. Ufu Hebraico, panis pro cibo quocumque accipitur.

V. 32. SIMUL, loco, in eodem cœnaculo, non mensa: nam putantur tres fuisse mensæ: prima Iosepho, secunda fratribus, tertia nobilibus. ILLICITUM EST ENIM AEGYPTIIS COMEDERE CUM HEBRAEIS. Cur tam abiecto reputent Aegyptii Hebræos, varii varias afferunt causas. Ceterum Ioseph hic ut prorox, separatim tenet locum.

V. 33. SEDERUNT. Mos assidendi mensis antiquus, recentior accubandi. Sederant

debant autem hic in mensa iuxta ordinem nativitatis suæ, & primogenitus primo loco. ET MIRABANTUR NIMIS,

plura videlicet fercula mitti ad Benjaminum. *V. 34. INEBRIATI SUNT;* hoc est, ut alibi aliquoties, saturati sunt.



C A P U T XLIV.

Ioseph, abscondito scypho suo in sacco Benjamin, revocatos ab itinere fratres furti arguit; Iudas autem pro Benjamin se in servitutem offert.

PRecepit autem Ioseph dispensatori domus suæ, dicens: Imple saccos eorum frumento, quantum possunt capere, & pone pecuniam singulorum in summitate sacci. 2. Scyphum autem meum argenteum, & pretium quod dedit tritici, pone in ore sacci iunioris. Factumque est ita. 3. Et orto mane, dimissi sunt cum asinis suis. 4. Iamque urbem exierant, & processerant paululum: tunc Ioseph accersito dispensatore domus, * Surge, inquit, & persequere viros; & apprehensis dicit: Quare reddidistis malum pro bono? 5. Scyphus, quem furati estis, ipse est in quo bibit dominus meus, & in quo augurari solet: pessimam rem fecistis. 6. Fecit ille ut iusserat. Et apprehensis per ordinem locutus est. 7. Qui responderunt: Quare sic loquitur dominus noster, ut servi tui tantum flagitii commiserint? 8. Pecuniam, quam invenimus in summitate saccorum, reportavimus ad te de terra Chanaan: & quo modo consequens est ut furati simus de domo domini tui aurum vel argentum? 9. Apud quemcumque fuerit inventum servorum tuorum quod quaris, moriatur; & nos erimus servi domini nostri. 10. Qui dixit eis: Fiat iuxta vestram sententiam: apud quemcumque fuerit inventum, ipse sit servus meus, vos autem eritis innoxii. 11. Itaque festinato deponentes in terram saccos, aperuerunt singuli. 12. Quos scrutatus, incipiens a maiore utque ad minimum, invenit scyphum in sacco Benjamin. 13. At illi, scissis vestibus, oneratisque rursum asinis, reversi sunt in oppidum. 14. Primusque Iudas cum fratribus ingressus est ad Ioseph (necdum enim de loco abierat) omnesque ante eum pariter in terram corruerunt. 15. Quibus ille ait: Cur sic agere voluistis? An ignoratis quod non sit similis mei in augurandi scientia? 16. Cui Iudas: Quid respondebimus, inquit, domino meo; vel quid loquemur, aut iuste poterimus obtinere? Deus invenit iniquitatem servorum tuorum: en omnes servi sumus domini mei, & nos, & apud quem inventus est scyphus. 17. Respondit Ioseph: Absit a me ut sic agam; qui furatus est scyphum, ipse sit servus meus; vos autem abite liberi ad patrem vestrum. 18. Accedens autem propius Iudas, confiderenter ait: Oro domine mi, loquatur servus tuus verbum in auribus tuis, & ne irascaris famulo tuo: tu es enim post Pharaonem dominus meus. (1) Interrogasti prius servos tuos: Habetis patrem, aut fratrem? 20. & nos respondimus tibi domino meo: Est nobis pater senex, & puer parvulus, qui in senectute illius natus est; cuius uterinus frater mortuus

tuus est : & ipsum solum habet mater sua ; pater vero tenere diligit eum .
 21. Dixistis servis tuis : Adducite eum ad me , & ponam oculos meos super illum . 22. Suggestimus domino meo : Non potest puer relinquere patrem suum : si enim illum dimiserit , morietur . 23. (b) Et dixisti servis tuis : Nisi venerit frater vester minimus vobiscum , non videbitis amplius faciem meam . 24. Cum ergo ascendissemus ad famulum tuum patrem nostrum , narravimus ei omnia quæ locutus est dominus meus . 25. Et dixit pater noster : Revertimini , & emite nobis parum tritici . 26. Cui diximus : Ire non possumus : si frater noster minimus descenderit nobiscum , proficiscemur simul : alioquin illo absente , non audemus videre faciem viri . 27. † Ad quæ ille respondit : (c) Vos scitis quod duos genuerit mihi uxor mea . 28. Egressus est unus , & dixistis : Bestia devoravit eum : & hucusque non comparet . 29. Si tuleritis & istum , & aliquid ei in via contigerit , deducetis canos meos cum mærore ad inferos . 30. Igitur si intravero ad servum tuum patrem nostrum , & puer defuerit (cum anima illius ex huius anima pendeat) 31. videritque eum non esse nobiscum , morietur , & deducet famuli tui canos eius cum dolore ad inferos . 32. Ego proprie servus tuus sim , qui in meam hunc recepi fidem , & sponendi dicens : (d) Nisi reduxero eum , peccati reus ero in patrem meum omni tempore . 33. Manebo itaque servus tuus propuero in ministerio domini mei , & puer ascendat cum fratribus suis . 34. Non enim possum redire ad patrem meum , absente puero : ne calamitatis , quæ oppressura est patrem meum , testis assistam .

(a) Sup. xlii. 11. (b) Sup. xliet. 3. & 5. (c) Sup. xxxviii. 23. 33. (d) Sup. xliii. 9.

B R U G E N S I S

ROMANA CORRECTIO.

V. 4. Surge, inquit. Superfluit, quod quidam præponunt, ait.

LECTIONUM VARIETAS.

V. 27. Ad qua ille respondit. Quidam codices, pro præpositione ad qua ille, scribunt coniunctionem at ille.

C O M M E N T A R I A

S A.

Verf. 7. **U**T SERVITUI. Hebr. *Abfit ut servi tui.*

V. 10. SENTENTIAM, scilicet paulum moderatam : mutavit enim mortem in servitutem, eamque unius solum.

V. 16. INIQUITATEM, scilicet vendendo fratrem : vel quasi dicat, peccata , seu, unde puniat.

V. 20. IPSUM SOLUM HABET MATER SUA ; quasi dicat , is solus est ex illa matre relictus . Hebraice : *Ipse solus remansit matri sue.*

V. 21. ET PONAM ; pro , ut ponam ;

quasi dicat , ut illum videam , vel ei beneficiam .

V. 28. ET DIXISTIS : sic LXX. Hebraice vero, & dixi.

V. 29. DEDUCETIS CANOS MEOS CUM MÆRORE AD INFEROS ; id est, eritis mihi causa mortis, seu efficietis, ut præ mærore animi moriar .

E S T I I.

Verf. 5. **S**CYPHUS :.... IPSE EST IN QUO AUGURARI SOLET DOMINUS MEUS . Observa . Quandoquidem Scriptura sacra dicat Deut.

Rff 2 xviii.

xviii. Non invenietur in te qui observet somnia, atque auguria, nullo modo putandum est Ioseph auguriis deditum fuisse, quem spiritu divino constat futura atque arcana prædixisse, iuxta quod ipse ad Pharaonem dicebat: *Absque me Deus respondebit prospera Pharaoni.*

Quæstio proinde relinquitur, quomodo Ioseph per servum suum hic nomet scyphum suum in quo augurari solet: quod & ipse postea vers. 15. similibus verbis repetit, dicens ad fratres: *An ignoratis quod non sit similis mei in augurandi scientia?* Augustinus respondet, hæc non serio, sed ioco dicta esse, & proinde non habenda mendacia. Augustini sententiæ subscritbit Thomas in II. II. quæst. xc. art. 7. addens Iosephum forte ad hoc retulisse quod vulgus de eo opinabatur. Tum sensus erit: an ignoratis, id est an non vel ex publica fama de me cognoscere potuistis, non esse mihi similem in augurandi scientia? Et hæc posterior sententia magis placet. Autor quidam id quod alii ex Hebræo verunt, *Augurando augurabitur*, ipse vertit *Experiendo experiens discit*; & dicit eos qui de augurio interpretantur, sine causa Ioseph magno crimine gravare; immo addit, & vocibus vni inferre. Nihilominus Bened. Arias Montanus reddidit, *Augurando augurabitur.*

V. 16. CUI IUDAS ... DEUS INVENIT INIQUITATEM SERVORUM SUORUM. Non agnoscit Iudas furtum sibi obiectum: eam enim accusationem strenue a se repulerunt fratres superioribus verbis; sed iniquitatem intelligit peccata antea ab ipsis commissa, maxime illud quod ex invidia fratrem suum Ioseph venderant. Unde & supra loquebantur ad invicem: *Merito hæc patimur, quia peccavimus in fratrem nostrum; idcirco venit super nos tribulatio.* Et Ruben dicebat: *En sanguis eius exquiritur.*

M A R I A N A Æ.

Vers. 5. ET IN QUO AUGURARI SOLET. Hinc sumpta occasio putandi Iosephum contactu eius scyphi, de quo agitur, auguratum, ut res se dabant. Hebraice tamen est: *Et ipse augurando auguratur in eo.* Quod explicant quidam, *divinos consuluit in eo*, id est su-

per eum, ut inveniret illum. Chald. *Et ipse quærens quæsit eum.*

V. 7. UT SERVI TUI TANTUM FLAGITII COMMISERINT. Hebr. *Absit servis tuis a faciendo, secundum verbum:* sic Sept.

V. 15. QUOD NON SIT SIMILIS MEI IN AUGURANDI SCIENTIA. Hebr. *Quod augurando augurabitur vir, qui sicut ego:* sic Sept. nempe, nesciebatis virum mei similem omnem diligentiam adhibiturum ad inveniendum scyphum?

V. 16. AUT IUSTE POTERIMUS OBTEINERE? Hebraice, & Sept. *Aus quid iustificabimur? Quid excusare poterimus, ut iusti videamur?*

V. 18. TU ES ENIM POST PHARAONEM DOMINUS MEUS. Hebraice: *Sicut tu sicut Pharaos;* hoc est, sicut Pharaos dominatur, ita tu dominaris, & Pharaos sicut tu. Chald. *Talis es tu sicut Pharaos.* Porro illud, *Dominus meus*, in Hebr. iungitur versui sequenti, *Dominus meus interrogavit.*

V. 20. ET IPSUM SOLUM HABET MATER SUA. Hinc quidam colligunt, Rachelem vixisse hoc tempore; sed falso, quando ex partu mortua est. Hebr. *Et remansit solus ipse matri suæ;* id est, ex matre sua.

V. 28. ET DIXISTIS. Sic Sept. sed in Hebr. *Et dixi.* Sed certe ubi modo est *וַיִּמָּוֶן* *vaomar*, illi legerunt *וַיִּדְבְּרוּ* *detomeru*, & dixistis.

V. 29. ET ALIQUID EI IN VIA CONTIGERIT. Hebr. *Mors illi acciderit*, alii calamitas. Hieronymus vocis Hebraicæ *asun* obscuritatem vitavit hic, & cap. xlii. vers. 8.

V. 30. CUM ANIMA ILLIUS EX HUIUS ANIMA PENDEAT. Hebr. *Et anima eius ligata est in anima huius: eum unice diligit.* Chaldaeus: *Animæ eius est ei dilecta quasi anima sua:* sententia una.

M A L V E N D A Æ.

Vers. 2. SCYPHUM. גִּבְעִיגִב *ghebiagh*, vas potorium, seu peculi genus, a forma colliculi, seu galæ, aut galeri. Quidam *profundum altumque poculum* exponunt: nam apud Hebræos ab altitudine nomen habet, ut etiam apud Græcos *σκάφος*. Plinius Lib. XXXIII. cap.

21. *L. Crassus Orator duos scyphos Mentoris artificis manu celatos, seclertius centum habuit; confissus tamen est, nunquam se iis uti propter verecundiam ausum.* Et de Nerone Svetonius cap. XLVII. *Duos scyphos gratissimi usus, quos Homericos a celatura carminum Homeri vocabat, solo illisti.* Alii cymbium esse volunt, de quo Virgilius III. & V. *Aeneidos*; & Athenæus Lib. XI. cap. IX. *Poculum in modum cymbæ factum*, inquit Servius.

V. 5. *IN QUO AUGURARI SOLET.* Varie ex Hebræo convertunt. I. *Observando observabit.* II. *Tentando tentabit.* III. *Experiendo experietur*; id est, experimento certo discet malitiam vestram, & quales vos sitis, nempe vos esse fures. IV. *Interrogando interrogabit augures pro illo.* V. *Rimando rimatur pro eo*; id est, omnia vestigat, & perquiri: tam carum habebat. VI. *Augurando auguratur*: divinat, se discruciat in augurando quis eum sibi potuerit suffurari. VII. *Augurando auguratur*; id est, triste sibi augurium, malum omen reputat scyphi amissionem. Sed nemo melius Nostro: non quod Ioseph augur fuerit, aut arti reprobatæ vacaverit, more gentilium; sed quod ea usus tunc fuerit strophæ, quæ ad præsens negotium facere videbatur. Scyphis ad auguria & divinationes uti solitos gentiles, notum est. Ioannes Sarisberienus Lib. I. *Policratici*, cap. XII. *Specularios vocant, qui in corporibus lavigatis & versis, ut sunt lucidi enses, pulvres, cyathi, speculorumque diversa genera divinantes, curiosi consultationibus satisfaciunt: quam & Ioseph exercuisse, aut potius simulasse describitur, cum fratres argueret surripuisse scyphum, in quo consueverat augurari.* Immo & ad sacra scypho utebatur. Virgilius VIII. *Aeneidos*:

Et sacer implevit dextram scyphus... Legitur in libris antiquis *Herculem ad Italiam ingens ligneum poculum attulisse, quo utebantur in sacris: quod ne carie consumeretur, pice oblitum servabatur.* Scypho prætor in anno semel vino libabat: neque hoc sine sacra fiebat.

V. 10. *ERETES ENNOXET*, id est ab omni pœna & supplicio liberi, quicumque ex vobis non fuerint comperti culpæ. Duplex figura: *Vos*, id est reliqui ex vobis: synecdoche: *innoxii*, id est soluti pœ-

na, qua tenentur noxii, per metalepsim Hebræis frequentissimam. Sic contra peccatores dicuntur, quorum vita in periculum non secus adducitur, quam si in peccatum ipsi incidissent, I. Reg. I. vers. 21.

V. 15. *AN IGNORATES QUOD NON SIT SIMILIS METI IN AUGURANDI SCIENTIA?* Hebr. *An non scitis, quod observando observet aliquis, quæ sit, qualis ego sum*; id est, an nescitis quod principes viri, qualis ego sum, soleant facile augurari, aut divinos consulere, ad recuperandas res amissas; & si quid perdiderint, facile iis artibus recipere? Aliter, quod facile, & certissime augurabitur, divinabit vir in augurandi arte præstantissimus, qualis ego sum. Et hic sensus melior, quem Noster expressit.

V. 16. *AUT IUSTE POTERIMUS OBTENDERE?* Hebr. *Et quid, vel quo, iustificabimus nos?* *וְכִי־נִצְּרָאֵם* est in Hiithpael. Aiant, verbum id proprie esse iustificare se; id est, excusationem, seu purificationem instituire contra intentata crimina. *DEUS INVENIT INIQUITATEM SERVORUM TUORUM.* Quidam ita capiunt istud, non ut agnoscat obiectum scelus, a quo immunes erant; sed quia fraudis aliqua suberat suspicio, quod ipsis iniuste gravandis fuisset techna illa excogitata, causam in absconditum Dei iudicium referte, & transcribere malunt; ac si dicant: Præsentis criminis certissime innoxii sumus: aliquid occulti sceleris Deus in nobis invenit, ob quod nunc nos puniunt. Nondum hic illis observabatur memoria venditi fratris. Verum melius alii, quod in summis periculis soleat statim obici memoria criminum admissorum, aiant isti: Invenit Deus tandem tempus quo pœnas a nobis exigat propter inhumanitatem in fratrem admissam. Nam in primo agone quod primum illis in mentem venit fuit venditio fratris, supra cap. XII. vers. 21.

CUM ANIMA ILLIUS EX VITUS ANIMA PENDEAT. Ex verbo: *Et anima eius ligata in anima eius.* Duplicem sensum habet; id est, eum unice diligit; tam caram habet illius animam, ac vitam, ut suam; amat eum ut suam animam. Vel, ita utriusque vita nexa est, ut vita patris pendeat ex vita filii, quo

EX

extincto, non vivet amplius pater. Et sensus uterque eodem tendit.

V. 31. ET DEDUCUNT FAMULI TUI CANOS. Vide cap. XLII. vers. 38.

MENOCHIL.

Vers. 2. SCYPHUM, quo præcipue lector. Vox Hebræa significat poculum in colliculi modum elevatum. JUNIORIS: duplici de causa, animi eorum explorandi, & Benjamin apud se retinendi dum pater adveniret. Fecit etiam ut sic experiretur quo animo in Benjamin fratres forent, & an aliqua illos invidia afflasset, quod a Ioseph honorificentius, quam ipsi habitus eiset.

V. 3. DIMISSI SUNT, inopinato discessu lacti, ac doli ignari.

V. 4. PERSEQUERE, cum equitum turma, ut celeriter affecenti ab invitis Beniaminum abducerent. QUARE REDIDISTIS MALUM PRO BONO? Libebat Ioseph ceteros fratres sic affligere dolore, & metu, quia innocentem fratrem vendiderant: Beniaminum vexandi ius nullum habebat; sed hanc, quæ modici temporis fuit, iniuriam, mox maiore lætitia, & honore statuerat compensare. Mendacia aliquid intercessit, sed iocosi; calumniæ nonnihil, sed sine animo nocendi.

V. 5. IN QUO AUGURARI SOLET. Hebr. *In quo augurando auguratur*: sententia est: si quando dominus meus velit augurari, hoc scypho utitur. Itaque non dicit absolute illum auguriis vacare, sed ut id opinentur, loquendi ambiguitate occasionem præbet. Vel ita loquitur ex opinione vulgi, quod auguriorum scientiam Ioseph tribuebat. Alii excusant Ioseph, quod ioco id dixerit, & ad breve tempus ita fratres sciverit opinari.

V. 8. QUOMODO CONSEQUENS EST UT FURATISSIMUS DE DOMO DOMINI TUI AURUM, VEL ARGENTUM? Si pecuniæ alienæ cupidus fuisset, quod licebat clam retinere, non sponte retulisset.

V. 10. APUD QUEM CUMQUE FUERIT INVENTUM, IPSE SIT SERVUS MEUS; VOS AUTEM ERITIS INNOXII. Mutat pœnam mortis in servitutem, & noxios ab innoxiiis separat, le-

niens dictum illorum, qui & mortis, & servitutis pœnam, & noxios, innoxiosque iuxta comprehenderant.

V. 12. INCIPIENS A MAIORE USQUE AD MINIMUM. Norat ex convalescente sessione singulorum ætatem; hoc autem ordine procedit ut melius lateant insidiæ struæ Beniamino.

V. 13. SCISSIS VESTIBUS; ut soliti in mœrore, & audita qua vis re valde molesta. REVERSI, nihil Benjamin improperantes, parati vel veniam impetrare, vel simul servituti servire.

V. 14. PRIMUSQUE IUDAS INGRESSUS EST AD IOSEPH; animo, & lingua promptior, & promissi sui, quo se patri oblixerat, non inmemor. NECDUM ENIM DE LOCO ABIERAT: e loco secesserat, cupidus se prodere.

V. 16. QUID LOQUEMUR, AUT IUSTE POTERIMUS OBTENDERE? Licet conscientia huius criminis nos non sedarguat, palam tamen ut noxii deprehensi sumus. Et fieri non potest quin iusto Dei iudicio propter aliquod occultum crimen nostrum, quod nondum satisfactioe luimus, nunc hac calamitate obruamur. Respiciat ad peccatum in Ioseph commissum. INIQUITATEM: potest sumi pro pena iniquitatis. OMNES SERVIMUS. Plus offert quam debebat, ut oblatione tot innoxiorum, uni, qui insimulabatur, veniam obtineat.

V. 17. ABSIT A ME, flagitiosum hoc facere, & tyrannicum.

V. 20. QUI IN SENECTUTE. Hebr. *Puer senectutem*. SOLUM HABET MATER SUA: solus ex matre superest; quod etiam de mortua dici potest: mortua enim erat Rachel mater Benjamin.

V. 21. PONAM OCULOS MEOS SUPER ILLUM: benevolus sum illi futurus, favebo, & iuvabo illum.

V. 26. IRE NON POSSUMUS, scilicet sine Benjamin.

V. 27. UXOR MEA. Sic vocat Rachel, quia hanc solam propria electione duxerat.

V. 30. CUM ANIMA ILLIUS EX HUIUS ANIMA PENDEAT: vita patris pendet ex vita filii: si enim moriatur, vel auferatur filius, morietur pater præ tristicia.

V. 32. EGO PROPRIE SERVUS TUUS

TVVS SIM: peculiaris tibi servus sim, qui & aprior futurus, nam & robore, & rerum usu potior sum. IN MEAM HUNC RECEPI FIDEM: sponendi me reduturum.

N. 34. NE CALAMITATIS.....
TESTIS ASSISTAM: nisi oculus testis esse sustineam praeperae mortis patris mei, mea promissione acceleratæ.

T I R I N I.

Verf. 5. **I**PSA EST SCYPHUS IN QUO AUGURARI SOLET DOMINUS MEVS. An ergo Ioseph magum, aut ariolum se profitebatur? Affirmat Calvinus, sed impius in sanctissimum Patriarcham. Respondeo ergo cum sancto Augustino, hæc ioco dici; &, ut ait sanctus Thomas, ex vulgi & Aegyptiorum opinione. Nisi malis dicere *augurium* hic non accipi pro vero & proprie dicto, quod ex volatu, tripudio, vel garritu avium, vel alio aliarum rerum motu captabatur; sed pro coniectatione quavis, etiam licita, quæ vel ex instinctu Spiritus sancti, vel ex naturali sagacitate, & solertia procedit. Sic enim & a Cicerone, & a Plinio, & ab Aristotele a usurpatur. Et Hebræum quoque *nachas* utrumque significat. Hoc sensu dici posset, solitum Iosephum hoc scypho coniectare, ut erat sagacissimus, de indole, prudentia & arcano mentis hospitum suorum: nam in vino veritas ultro se prodit. Et nunc per scyphum hunc coniectare volebat & rimari quis fratrum animus esset in minorem natu Beniaminum. An forte quia plus ceteris a patre diligebatur, utpote ex eadem qua Iosephus matre natus, & iam recens a prorege Aegypti, quintuplicis portionis prerogativa publice omnibus praelatus; odio & invidia ipsum quoque prosequerentur, atque ita deprehensum in furto facile negligerent, ac desererent: an vero seria anxietate & cura ipsum excusandi, & liberandi, solidum quia ipsum affectum amoremque testaturi essent. Nam quo casu deprehendisset, odio haberi, aut saltem parvipendi; decreverat apud se retinere, ne quid sinistra per viam contra eum, ut olim contra se, molirentur. Ita Philo, Iosephus, Chrysostomus, Theodoretus.

(*) Plinius Lib. VII. epist. ad Tacitum, Arist. probem. vi. sect. 3.

GORDONI.

Verf. 5. **S**CYPHUS EST IN QUO BIBIT DOMINUS MEVS, ET IN QUO AUGURARI SOLET. Septuag. *In quo augurio auguratur, oimwew eimwerau.* Adde Hebræum *wn nichew*. Ritus divinandi Aegyptiorum denotatur. Hinc Calvinus vult, Iosephum etiam magum fuisse & divinum. Næ quidem, hic homo temere semper propendit in sinistram interpretationem Scripturarum. Rectius Augustinus intelligit Iosephum loqui non serio, sed instar risentis, ut fieri solet; vel ad modum loquendi Aegyptiorum; vel certe ad opinionem Aegyptiorum quam habebant de Ioseph. Præterquam quod *wn nichew*, in coniug. Piel, fit etiam experimento discere, ut patet Gen. xxx. verf. 27. ut docet Hieronymi translatio in voce *wn nichastu*. Denique dispensator forte addidit ex suo vocem augurandi.

N. 15. IN AUGURANDI SCIENTIA. Per augurandi scientiam non intelligit notitiam habitam ex volatu avium, sed quæ est ex licita divinatione: sic enim utitur voce usitata apud Aegyptios, in bono sensu, & sine specie mendacii.

N. 16. CUI IUDAS QUID RESPONDEBIMUS? Iudas in furti huius tanta evidentiâ convictus, dat manus, sperans confessionem iniquitatis posse facere locum misericordiæ, ut apparet ex verf. 18. & 20. ubi ait Iudas, hunc Beniaminum esse solum ex eadem matre superstitem (non enim putabat Iosephum superstitem, ut hic ait) & cetera ad misericordiam spectantia.

N. 18. DOMINUS MEVS. Sicut Pharaon dominatur, ita & tu.

N. 20. IPSUM SOLUM HABET MATER SUA. id est reliquit: quare non est inde colligendum tunc matrem vivisse: nam Rachel ex partu mortua est.

N. 21. PONAM OCULOS, lovebo, iuvabo quem unice diligo.

N. 27. UXOR MEA, Rachel: hæc præcipua erat.

N. 28. DIXISTIS. Ita etiam Sept. Itaque legerunt in Hebr. *wtmwtu testomenu*.



C A P U T XLV.

Ioseph se fratribus manifestat, eosque territos cum osculo amplexatur: quare Pharaon una cum tota domo sua exultans, praecepit ut advocetur pater cum universa domo sua in Aegyptum: idem multis verbis denuntiatur Ioseph, fratresque multis donatos muneribus ad patrem remittit.



On se poterat ultra cohibere Ioseph multis coram astantibus: unde praecepit ut egrederentur cuncti foras, & nullus interesset alienus agnitioni mutuae. 2. Elevavitque vocem cum fetu: quam audierunt Aegyptii, omnisque domus Pharaonis. 3. Et dixit fratribus suis: Ego sum Ioseph: adhuc pater meus vivit? Non poterant respondere fratres nimio terrore perterriti. 4. Ad quos ille clementer, Accedite, inquit, ad me. Et cum accessissent prope, (a) Ego sum, ait, Ioseph, frater vester, quem vendidistis in Aegyptum. 5. Nolite pavere, neque vobis durum esse videatur quod vendidistis me in his regionibus: (b) pro salute enim vestra misit me Deus ante vos in Aegyptum. 6. Biennium est enim quod cepit fames esse in terra; & adhuc quinque anni resstant quibus nec arari poterit, nec meti. 7. Praemisitque me Deus ut reservemini super terram, & elcas ad vivendum habere possitis. 8. Non vestro consilio, sed Dei voluntate huc missus sum: qui fecit me quasi patrem Pharaonis, & dominum universae domus eius, ac principem in omni terra Aegypti. 9. Festinate, & ascendite ad patrem meum, & dicetis ei: Hæc mandat filius tuus Ioseph: Deus fecit me dominum universae terrae Aegypti: descende ad me, ne moreris: 10. & habitabis in terra Gessen, erisque iuxta me tu, & filii tui, & filii filiorum tuorum, ovestuæ, & armenta tua, & universa quæ possides. 11. Ibique te pascam (adhuc enim quinque anni residui sunt famis) ne & tu pereas, & domus tua, & omnia quæ possides. 12. En oculi vestri, & oculi fratris mei Benjamin, vident quod os meum loquatur ad vos. 13. Nutiate patri meo universam gloriam meam, & cuncta quæ vidistis in Aegypto: festinate, & adducite eum ad me. 14. Cumque amplexatus recidisset in collum Benjamin fratris sui, flevit, illo quoque similiter flente super collum eius. 15. Osculatusque est Ioseph omnes fratres suos, & ploravit super singulos: post quæ ausi sunt loqui ad eum. 16. Auditu quoque est, & celebri sermone vulgatum in aula regis: Venerunt fratres Ioseph: & gavisus est Pharaon, atque omnis familia eius. 17. Dixitque ad Ioseph ut imperaret fratribus suis, dicens: Onerantes iumentis, ite in terram Chanaan, 18. & tollite inde patrem vestrum, & cognationem, & venite ad me: & ego dabo vobis omnia bona Aegypti, ut comedatis medullam terræ. 19. Præcipe etiam ut tollant plaustra de terra Aegypti, ad subvectionem parvulorum suorum ac coniugum: & dicito: Tollite patrem vestrum, & progerate quantocyus venientes. 20. Nec dimittatis quidquam de suppellectili vestra:

stra: quia omnes opes Aegypti, vestrae erunt. 21. Feceruntque filii Israel ut eis mandatum fuerat. Quibus dedit Ioseph plaustra, secundum Pharaonis imperium, & cibaria in itinere. 22. Singulis quoque proferri iussit binas stolas: Benjamin vero dedit trecentos argenteos cum quinque stolis optimis: 23. tantumdem pecuniae, & vestium mistens patri suo, * addens & asinos decem, qui subveherent ex omnibus divitiis Aegypti: & totidem asinas, & triticum in itinere, panemque portantes. 24. Dimisit ergo fratres suos, & proficiscentibus ait: Ne irascamini in via. 25. Qui ascendentes ex Aegypto, venerunt in terram Chanaan ad patrem suum Iacob. 26. Et nuntiaverunt ei, dicentes: † Ioseph filius tuus vivit: & ipse dominatur in omni terra Aegypti. Quo audito Iacob, quasi de gravi somno evigilans, tamen non credebatur eis. 27. Illi e contra referebant omnem ordinem rei. Cumque vidisset plaustra, & universa quae miserat, revixit spiritus eius. 28. & ait: Sufficit mihi si adhuc Ioseph filius meus vivit: vadum, & videbo illum antequam moriar.

(*) *Ab. vii. 13.* (†) *Iac. i. 20.*

B R U G E N S I S

ROMANA CORRECTIO.

V. 23. *Addens & asinos decem.* Pro & conjunctione alii scribunt pronomen, quidam singulare *ei*, quidam, quod dissimilis est vero, plurale *eis*.

LECTIONUM VARIETAS.

V. 23. *Triticum in itinere, panemque portantes.* Quidam contineant legendum *in iter*.

V. 26. *Ioseph filius tuus vivit.* Multa exemplaria omittunt *filium tuum*.

C O M M E N T A R I A

S A.

Vers. 4. CLEMENTER: id additum ab Interprete, ut solet interdu quædam ad maiorem sententiæ expressum.

V. 5. PAVERE. Hebr. *dolere*, seu *maerore affici*. DURUM. Hebr. *ira*, seu *indignatione dignum*; quasi dicat, ne indignemini, seu conturbemini, aut cruciemini.

V. 8. PATREM, id est instructorem, doctorem.

V. 9. HAEC MANDAT. Hebr. *sic dixit*.

V. 12. QUOD OS MEUM LOQUATUR AD VOS; quasi dicat, me, qui loquor, Iosephum esse, vel me loqui materna lingua, vel sine interprete.

V. 18. MEDULLAM. Hebr. *pinguedinem*.

V. 22. BINAS STOLAS. Hebr. *vestes mutatorias*, seu *mutationes vestium*, nempe cuique duas. ARGENTEOS, scilicet

fielos. OPTIMIS. Hebr. *mutatoriis*. Vide IV. Reg. v. Zachar. III. ubi mutatorix metio-as vestes significant, scilicet quæ solent mutando induci, id est depositis vilioribus. Quod si dicas, cur ergo proxime mutatorix binas significabant? Resp. quia numerus pluralis saltem duo requirit: & quidem LXX. binas intellexerunt; Chald. tamen singulas.

V. 23. IN ITINERE. Hebr. *Pro patre suo ad iter*.

V. 24. IRASCAMINI; pro, contentatis.

V. 26. QUASI DE GRAVI SOMNO EVIGILANS, TAMEN NON CREDEBAT EIS. Hebr. *Dissolutum*, seu *debiliteratum est cor eius*, seu (ut LXX. verterunt) *obdormiuit*, & non credebatur eis.

V. 28. ET VIDEO; pro, ut videam.

EST II.

Vers. 2. **E**LEVAVITQUE VOCEM CUM FLETU, QUAM AUDIERUNT AEGYPTII, OMNISQUE DOMUS PHARAONIS. Quomodo potuit omnis domus regia unius Ioseph fletis audire, cum ampla esse soleant regum palatia? At sensus est, rorem fletus eius statim totam regiam pervasisse.

V. 5. **N**OLITE PAVERE, NEQUE VOBIS DURUM VIDEATUR. Non extenuat Ioseph peccatum fratrum in se commissum, quod sane gravissimum erat; sed prohibet iram, & rixas, & exprobrationes quibus lætatur fraterna caritas. Nam Hebr. est, *Et ne sit ira in oculis vestris, quod vendideritis me huc*; ac si dicat, ne alter in alterum culpam huius rei conferre conetur. Sic & infra prohibet, dicens, *Ne irascimini in via*. Versio Vatabli sic: *Neque commoveamini intra vos*, Et Scholion: *Ne indignemini vos, aut me fletis*. Ita sensus est idem utriusque membri, ne doleatis, nec contristemini. Non prohibet autem, aut minuit poenitentiam; sed dolorem animi mitigat verbis consolatoriis commemoratione boni quod occasione facti eorum secutum est, nempe quod subditur.

V. 8. **N**ON VESTRO CONSILIO, SED DEI VOLUNTATE HUC MISISUM. Nota, Non hic Ioseph peccatum fratrum suorum refert in Deum, sed transitum suum in Aegyptum, nempe quatenus ex eo magnum bonum, Deo providente, consecutum est. **QUI FECIT ME QUASI PATREM PHARAONIS.** Hebr. *Et posuit me in patrem Pharaonis*, id est instruxi rem, & rectorem familiæ, & negotiorum eius. Vide etiam II. Paral. 11.

V. 26. **Q**UO AUDITO IACOB, QUASI DE SOMNO GRAVI EVIGILANS, TAMEN NON CREDEBAT HIS. Hinc videtur Iacob omnem spem vitæ filii sui Ioseph dudum abiicisse. Sed quid possit quoque in contrarium adferri, vide cap. XLIII. ad vers. 14.

MARIANAÆ.

Vers. 1. **N**ON SE POTERAT ULTRA COHIBERE; supple, a lacrymis.

V. 2. **O**MNISQUE DOMUS PHARAONIS. Qui pulsi sunt audierunt vocem, narraveruntque aliis, quousque ad eorum Pharaonis fama pervenit.

V. 5. **N**OLITE PAVERE. Vox *יִתְחַשְׁבּוּ* *thebazebu* a plurique in significatione contristandi sumitur: sic Sept. & Chald. Verum Hebraeus Schol. in significatione pavendi, ut Hieron. **NEQUE VOBIS DURUM ESSE VIDEATUR**, &c. Hebr. *Neque irascimini, quod vendidistis me*.

V. 7. **ET ESCAS AD VIVENDUM HABERE POSSITIS.** Hebraice: *Et misit me Deus ad vivificandum vos liberatione magna*.

V. 10. **ET HABITABIS IN TERRA GESSEN.** Hebr. *Gessen* per *n*: quare falsum est quod quidam putant significari *terram pluvie ubi pluit*: id enim significat *גֶּשֶׁם* *ghefem*, non *גֶּשֶׁן* *gosen*, ut est in Hebræo. Præterea Sept. addiderunt: *In terram Gessen Arabie*, ut ait Hieron. in Tradit. & sic legitur in Bibliis Romanis; at in Regiis eussî additum expunctum est: quod nisi ex fide aliorum exemplarium, sciendum non erat.

V. 17. **ONERANTES IUMENTA**; In utraque voce discrepant Interpretes. Quidam pro *onerantes* reddunt *simulantes*, certe festinandi studio. Tum pro *iumentis* Sept. ponere *קֶנָּה*, id est *vehicula*. Verum Hieronymi interpretatio plerisque Hebræis magi probatur, eamque sequitur Chaldaeus.

V. 18. **UT COMEDATIS MEDULLAM TERRÆ.** Hebr. *beleb* significat *lac*, seu *lactis adipem*, & transferatur ad significandum quod est optimum in quaquere lauta,

V. 20. **NEC DIMITTATIS QUIDQUAM.** Hebr. & Sept. *Oculi vestri ne parcant suppellectilibus vestris*, seu *vasis vestris*; h. c. est cuncta serte. Est autem Hebræis familiare, ut cum *oculis* iungant verbum *parcendi*, quoniam ex oculis seire exurgit in corde misericordia.

V. 22. **BINAS STOLAS.** Hebr. *Mutatorias vestes*, sive *mutationes vestium de die*.

dit singulis: ex hoc Hieron. putavit esse binas, ut & Sept. scilicet ut esset illis mutandi facultas. Sed & in eo quod sequitur, BENIAMIN VERO DEDIT TRECENTOS ARGENTEOS, Chald. *trecentos scelos argenteos*. Sept. *trecentos aureos*. Verum in Hebræo est, ut posuit Hieronym. CUM QUINQUE STOLIS OPTIMIS. Hebraice, *mutatoriis*. IV. Reg. v. Zachar. III. mutatoriarum pretiosas vestes significant, quibus induuntur homines, abiectionis vilioribus. Ergo quinque eas stolas Ioseph dedit Benjamin.

V. 23. TRITICUM IN ITINERE. Hebr. *Triticum, panem*, & *escam patri suo ad iter*, scilicet misit Ioseph.

V. 24. NE IRASCAMINI IN VIA. Ne litigetis in via, Iudæi quidam suppleant, *super mei venditione*.

V. 26. QUASI DE GRAVI SOMNO EVIGILANS, TAMEN NON CREDEBAT EIS. Hebraice: *Et elanguit cor eius, quia non credebant eis*: variis cogitationibus æstuebat. Septuag. sic: *Et cessasti correptus est Iacob*.

V. 28. SUFFICIT MIHI SI ADHUC IOSEPH FILIUS MEUS. Hebraice: *Multum (supple, bonum) adhuc filius meus Ioseph vivit*: vel, *magnum gaudium*, ut Chald. posuit. VADAM, ET VIDEBO, id est ut videam. Et pro ut frequens in Hebræo.

M A L V E N D A E.

Verf. 2. QUAM AUDIERUNT AEGYPTII, OMNISQUE DOMUS PHARAONIS. Hebr. *Et audierunt Aegyptii*, & *audivit domus Pharaonis*. Quidam id non ad vocem referunt: nam esset immanis, & minime necessaria hyperbole: sed ad id quod nimirum acciderat, venisse fratres Ioseph, & mutuo inter se cognovisse; quasi dicat: Statim fama pervagata est per Aegyptum, & etiam domum Pharaonis pervasit, Iosephum fratres, & patrem reperisse. Sed multo melior est sensus Nostri: nam de fama dicit verf. 6. Audierunt vocem Aegyptii, qui in domum Ioseph consuebant innumerum pro frumentatione; & domus Pharaonis non longe forte aberat a domo Ioseph: vel domus hic familiam significat, ex qua tunc multi erant in domo Ioseph.

V. 5. PRO SALUTE ENIM VESTRA. *וְחַיִּים מִיְּמִיָּה*, *vivificatio, visus, sustentatio vite, vitalitas*, & quidquid ad vitam usum & conservationem attinet: *Ad vitam misit me Deus*; id est, ad vite vestrae conservationem, ut vos in vita conservemini.

V. 7. UT RESERVEMINI SUPER TERRAM. Hebr. *Ad ponere vobis reliquiam super terram*. *וְרֵשִׁיטָם* *scheerith, reliquum, residuum, reliqua, residuum*: ut relinquamini in terra. ut reliqui sitis, & reliquiae vestrae super sint in terra.

V. 8. QUI FECIT ME QUASI PATREM PHARAONIS. Alii: *Qui constituit me patrem apud Pharaonem*, id est præcipuum & summum doctorem, qui viam exposui regi salutaris huius administrationis, ut supra xli. verf. 42. quapropter effecit etiam me primum principem, & secundum a rege: confer cum cap. & verf. citatis.

V. 10. IN TERRA GESSEN. S. Hieronymus: *Et habitabis in terra Gosen Arabiae*. Hic Arabia additum est, in Hebraeis enim voluminibus non habetur, Unde & error increbuit, quod terra Gosen in Arabia sit. Porro si, ut in nostris codicibus est, per extremum Mem inscribitur Gosen, quod mihi nequaquam placet; terram significat completam: Gosen enim per imbrem vertitur. Si in AEGypto non pluit, uti auctores affirmant, ubi, ut inquit Tibullus,

.... nec pluvio supplicat herba Iovi;

recte S. Hieronymus etymon Gosen repudiat. At forsitan peculiariter ea terra imbribus irrigabatur, unde singulariter nomen nata. Nun pro Mem, in Hebraismo, more Chaldaico poni plerumque, vel pueris notum, Facile suspicer Gosen fuisse in nomo Heliopolitano, vel Bubaste, Arabiae contemninam, & in itinere ferme a Chanaanza in Aegyptum; insuper fertilem, & uberem pascuis: quam ideo Iosephus fratribus suis pastoribus seposuerit, ex ipsa Historia rerum Iacobi, & Iosephi facile intelligitur, uti videbimus: & sane Bubastis nomen ab armentis, id indicat. Iosephus asseverate ait fuisse *berorum urbem*: ut etiam LXX. infra cap. xlv. verf. 26. quod non displicet: in ea regione extitisse *castra Iudæorum*, vel *vicum Iudæorum*, ex Antonini Itinerario, aliisque auctoribus cognoscitur, nomine forsan indito, quod ibi Iudæi quondam habitave-

rint. Iudæi omnis geographiæ imperiti Thebaidem putant, quæ est in profunda Aegypto verius Aethiopiam. Vide de Gosen intra cap. XLVII. vers. 11. ERISQUE UXTA ME. Nam forsitan Iosephus Heliopoli habitabat, ibique ampla latifundia possidebat, quod uxor eius esset Heliopolitana, filia sacerdotis, seu principis, aut prædicti nomi Heliopolitani.

Vers. 11. TE PASCAM. כלכל *chilehal quadratus* exponunt, quasi ad calculum (nam vox Latina calculus quadrat) seu in summam disponam, dispensabo, sustinebo, sustentabo te; id est, quasi tuus dispensator omnia disponam, dispensabo ad calculum, quæ tibi ad victum & usum fuerint necessaria. Melius, consummabo, universabo te; id est, universa, ne quid desit, tibi providebo: consummate, univérse omnino, absolute, perfecte suppeditabo, affatim, & copiosissime dabo. Consistente voce non male reddas, Calculabo te; id est, te, & totam familiam tuam in numerum & calculum redigam, ac certam rationem, ad pascendum eam: vel rationem tui habeo, Hispanice *tendre cuenta con vos*. Olim rationes calculis inibantur: unde Latinis *calculus pro ratione*. Alii, Alam, sustentabo, sustinebo te. Vide cap. I. vers. 21. NE ET TU PEREAS. Verbum תווארשך *tiwarsach* in Niphal, ut hic ex cognato verbo רשע *ruseh* exponunt, Depaupereris, inopia consummaris, inopia labores. Notant in Niphal habere contrariam significationem ab ea quam habet in Kal; voluntque significare exhereditari, possessione, hereditate, bonisque possessis expelli, deici, extrudi, nudari, exui.

V. 12. QUOD OS MEUM LOQUATUR AD VOS. Quidam exponunt: Advertere ipsi potestis quod sim frater vester, quia ego loquor vobiscum patriæ lingua, & non per interpretem, ut cum nondum a vobis cognovi vellem. Non me videtis Hebraice loquentem ut vos? Frigidus sensus; quasi non quique tunc in Chananæa ita loqueretur. Simplicius est: Quis crederet, quod me amplius visuri essetis, & loquentem audituri? Ecce videtis me loquentem.

V. 17. ONERANTES. Verbum עָנָה *taghan* ita plerique reddunt ex significato Chaldaico, *Onerate, aggravate*: alii ex Arabico, *pungit, sordet, perfodit, stimu-*

late: ut citius, velociusque curratis: Hispanice, *aguiat*, ab *aguión*, id est stimulo, aculeo, quo aguntur, & incitantur iumenta. Virgilius VI. Aeneidos:

Aut spumantis equi foderet calcareibus arnos.

V. 19. PRÆCIPE ETIAM. Hebr. *Et tu iussus fuisti*; id est, vide quod ego sum Pharao, qui iubeo tibi, ut non perturbatione aut obiter id agas: adverte, quod iussus es a me id facere, fac intelligant pater tuus, & fratres tui id te meo mandato exequi, & me curam singularem eorum gessisse, & me tibi id imperasse ad eorum commoditatem. Tu ergo iussus es hoc illis dicere: Hoc facite, accipite, &c.

V. 20. NEC DIMITTATIS QUIDQUAM DE SUPELLECTILI VESTRA. Hebr. *Oculus vester non conniveat, non parcat, super vasis vestris*. Dupliciter elucidant. I. Id est, abducite vobiscum omnem supellectilem vestram, nihil eorum relinquit in terra Chanaan: quia diutius in Aegypto hærrere debetis, & bonis huius terræ frui. II. Nec doleatis, aut misereamini, aut conniveatis, ne solliciti sitis, si omnia vasa vestra vobiscum asportare non possitis. Nolite in hoc desiderio oculorum parcere ac satisfacere, ut solent qui alio migrant, omnia volentes secum vehere, & nihil relinquere; sed audacter dimitтите; siquidem vobis non deest in Aegypto satis ampla suppellex, & instrumenta, ac vasa necessaria: nam horum satis est in Aegypto. Hic sensus curiosior & posthabendus illi primo, quem Noster expressit.

V. 22. BINAS STOLAS. Hebr. *Mutationes vestium*, quæ Noster *mutatoria vestimentorum*, vel *mutatorias vestes*, dixit II. Regum v. 5. 22. Isaïæ III. 22. Zachariæ III. 4. Sed in locis Isaïæ, & Zachariæ diverso Hebraico vocabulo quam hic. Aliqui, *Mutationes vestium*: hypallage, pro *vestes mutationum*, id est ad mutandum, seu mutandas vestes. Quidam intelligunt novas, recentes, quod veteribus permutantur. Alii pretiosiores, & elegantiores: ut indicari videtur etiam Iudicum XIV. 12. 19. quod non semper deferantur, sed vicissim, & alternatim mutentur. Nonnulli, eas quas domesticas vestes vocat Cicero, quibus domi tantum utimur; & solent esse pretiosæ, & in hieme ful-

fultæ. Aliqui putant esse quæ Homerus VIII. Odissæe, *ἡνάρια ἐκπυρία*, id est *vestimenta permutatoria*. Elegantes & pretiosas fuisse non est dubium, cum pro munere darentur. TRECENTOS ARGENTEOS: vulgo exponunt scielos, seu tetradrachmos, nempe millo & ducentos regales nummos Hispanicos. Sed quid hoc erat tanto fultano & præfecto Aegypti? Semper sum in ea suspicione ut in istiusmodi locutionibus mina, vel pondo, aut libra intelligatur. Eritque summa ultra triginta millia regaliū Castellanorum. Ut argentum, quod fratri, patrique dederit excesserit sexaginta millia regaliū Castellanorum; id est sex millia aureorum ordinariū. Quod pro opibus & dignitate tanti præfecti non erat magnum. Cum hodie, prohi dolor! videamus ministriculis regum ingentiora his sibi mutuo misistare. Ridiculum est existimare opes tunc non fuisse tam amplas: nam hoc est ignorare omnem antiquitatem, & præsertim Aegypti divitias: quas nos exequimur in VI. de Antichristo.

V. 23. TANTUMDEM PECUNIAE ET VESTIUM MITTENS PATRI SUO. Hebr. *Et patri suo misit sicut hoc*, vel *secundum istud, decem aſnos portantes*, &c. quia voci *decem* non præfigitur coniunctio *et*, posset videri sensus fontis, non quod dicat, patri etiam misisse trecenta centenaria argenti, & quinque mutatorias vestes; sed iuxta donaria filiorum, & Biniamin, etiam ipsi patri similia dona misisse, nempe *decem aſnos*, &c. sed sine dubio præferendus Nostri sensus. PANESQUE PORTANTES. Omisit reddere vocem *ἢν μύρον*, quæ hic tantum, & II. Paralipom. 11. 23. habetur, ubi *escas* exposuit. Aiunt esse generaliter quæcumque sunt esculenta, ut hordcum, pisa, ciceres, & alia legumina. Unde hic vertunt: *Ferentes far, & panem, & esculenta*: alii *escam, cibum, edulium, obsonium, alimentum, commentum* interpretantur.

V. 24. NE IRASCAMINI IN VIA. Verbum *ἡργαζ* in Kal, ut hic ponitur, septies & vigeties occurrit in sacris libris; & Noster diversimode, in eundem tamen tere scopum transitulit. II. Samuel. VII. 10. Ps. LXXVI. 17. Ieremiæ XXXIII. 9. Habacuc 111. 7. turbari; I. Samuel. XIV. 15. Psalm. XVII. 8. *Haic* v. 25. cap.

xiv. 9. cap. xxxii. 10, 11. Ioelis 11. 1. Habacuc 111. 16. *conturbari*; Michææ VII. 17. *perturbari*. Proverb. xxx. 31. *moveri*; I. Paralip. XVII. 9. Amos VIII. 8. *commoveri*; II. Samuel. XXII. 8. *concuti*; Exod. xv. 14. Psalm. IV. 5. Proverb. XXIX. 9. *Haic* XXVIII. 21. *trassit*; Ioel. 11. 10. *contremere*; Deuter. 11. 25. *contremiscere*; Deuter. XXVIII. 65. *pavere*; II. Samuel. XVIII. 33. *confistari*; Ezechiel. XVI. 43. *provocare*; Habacuc 111. 16. *scatere*. Quæ omnes significationes recte huic loco aptentur, & postrema illa *scatendi* etiam, quavis aliena videatur: *Non scatebitis in via*; id est, non ebullietis, non erumpetis in iras, tumultus, contentiones: vel *non scatebitis ira*, tristitia, pavore. Communitur exponunt: *Ne commoveamini, tumultuemini in via*. Quidam referunt ad rixas, & contentiones; quasi admoneat eos, ne vetera odia resuscitent, & alter in alterum crimen venditi fratris regerentes, materiam discordiæ turbarum & rixarum excitent. Forsan monet eos, ne cum fastu & tumultu incederent, tamquam fratres præfecti Aegypti, vano strepitu omnia complentes. Quidam: *Ne borreatis in via*, nempe quod me vendidistis. Nec male ex agnatis verbis: *Ne innotet in via*; quasi dicat: Nihil opus est in via buccinare, aut clangere meam gloriam, & opes, ac vestram felicitatem. Sed modeste, & temperate vos gerite.

V. 26. QUASI DE GRAVI SOMNO EVIGILANS. Sensum reddidit, non verba. Hebr. *Et remissum, debilitatum, lassum, debile fuit cor eius; deliquimus passum est cor eius; defecti, cessavit cor eius*. Noster Habacuc I. 4. id verbum per *lacerare* reddidit: nec aliene hic, *Et laceratum est cor eius*: Hispanico, *sele razzo el corazon*, præ gaudio, & amoris tenentur dine. Quidam, *Et dissolutum fuit cor eius*: intelliguntque, cor Iacob fuisse quasi suffocatum; & ecclastico quodam stupore correptum, ac inter metum & spem hæsitare vehementer, ut qui incredibili aliquo nuntio perecelluntur. Nonnulli: *Et dubitavit cor eius, quia non credidit eis*. Nec aliene. intelliges: *Et remissum est cor eius, quia non credidit eis*; id est, non adeo alacri atque ardenti animo, sed tepide ac remissè excepit nuntium illud de vita filii, quia non credebatur illud: vel, remissè & langu-

uide se habuit in credendo, putans sibi dari verba. Aliqui, *Elanguit*, deficit cor eius: ad filii memoriam dolore renovato, deliquit animi passus est.

V. 28. SUFFICIT MIHI, SI ADHUC IOSEPH FILIUS MEUS VIVIT. Hebr. *Multum, adhuc Ioseph filius meus vivens*; ac si dicat: Multum est quod vivat adhuc Ioseph filius meus. Hispanice, admiranter: *Mucho es, gran cosa es que viva*. Rem mihi magnam narratis, & incredibilem. Aliter: *Multum iam mihi est, satis superque mihi est*: abunde mecum actum, sufficit mihi: si adhuc Ioseph vivit; quasi dicat: Non quero gloriam eius, nec tanti ampla munera, quanti vitam eius aestimo: hunc nuntium vite eius reliquis antepono: nihil aliud volo, aut requiro, nisi quod vivat Ioseph: hoc uno contentus sum.

MENOCHII.

Vers. 1. **N**ON SE POTERAT ULTRA CONIBERE: vel invito coram cunctis lacrymæ erumpebant.

V. 2. ELEVAVITQUE VOCEM: quia prius sibi vim fecerat, ideo vox altior erupit, cum locutus est. Audierunt qui in proximo erant commoti: fama ad Pharaonem usque manserit.

V. 4. ACCEDITE. Iubet accedere, ne delictum fratrum, de quo verba facturus, alienis aliquis auribus acciperet.

V. 5. NEQUE VOBIS DURUM ESSE VIDEATUR. Hebr. *Ne sit indignatio in oculis vestris*; id est, ne vobis ipsis irascamini propter hoc factum. PRO SALUTE ENIM VESTRA: ut victu suppeditato vitam vestram conservarem: MISIT ME DEUS: non tam iniquitate vestra factum est hoc, quam divina providentia.

V. 6. NEC ARARI POTERIT, nisi paucissimis locis ad Nili ripam. In aliis regionibus sterilitas erat propter pluvie defectum.

V. 8. QUASI PATREM PHARAONIS: rectorem, instructorem, consiliarium.

V. 9. MANDAT non significat imperat, sed dicit, nuntiat.

V. 10. GESSEN, est in inferiore Aegypto, terra multis fossis irrigua, prope Delta, ab ea parte quæ Arabiam, & Pa-

læstinam spectat; & regio est pascendis pecoribus idonea. LUXTA ME, non procul ab urbe ubi domicilium meum.

V. 11. TE PASCAM: te, tuoque nutriam demento copioso virum attributo.

V. 12. OCULI VESTRI... VIDENT QUOD OS MEUM LOQUATUR AD VOS: videtis me ipsum illum esse: patrium sermonem nolitis, vultum, & vocem agnoscitis. Ore ad os vobiscum, & non per interpretem ago.

V. 16. GAVISUS EST PHARAO, &c. Non mirum de Pharaone, nam maior non invidet minori: mirum de aulicis, quibus ingenium alienæ felicitati invidere. Sed mira omnium propensio in Ioseph faciebat ut eius honore gauderent. Nisi forte Pharaon ex animo, aulici externis tantum signis lætitiâ simulabant.

V. 18. OMNIA BONA AEGYPTI: optimam, & uberrimam Aegypti regionem. MEDULLAM TERRÆ. Hebr. *Adipem terræ*: sic vocant Hebræi id quod in quaque re optimum est.

V. 22. BINAS STOLAS. Hebr. *Mutationes vestium*. Duas dedit vestes, viliores alteram, quam domi ferrent; alteram pretiosorem, qua amicti in publicum prodirent. TRECENTOS ARGENTEOS, mille & ducenta regalia Hispanica.

V. 23. EX OMNIBUS DIVITIIS: ex rebus quibusque pretiosioribus & selectioribus Aegypti.

V. 24. NE IRASCAMINI IN VIA. Hebr. *Ne rixemini*, nempe crimen in me commissum invicem improperantes.

V. 26. QUASI DE GRAVI SOMNO EVIGILANS, attonitus, stupens, ad intelligendum ineptus, & ad respondendum hebes. Hebr. *est Cor elanguit*. NON CREDEBAT: nam magnis rebus rara fides solet adesse; quod verissimum in miseris, qui sibi persuaserant se a malis liberandos non esse.

V. 27. REVIXIT SPIRITUS EIUS, sibi quasi redditus. SUFFICIT MIHI. Hebr. *Multum est mihi*: superat vota, spes meas vincit, nihil amplius est quod optem.

T I R I N I.

Vers. 8. **N**ON VESTRO CONSILIO, SED DEI VOLUNTATE HUC MISSUS SUM. Id fusius declarat cap.

cap. I. vers. 20. ubi ait : *Vos cogitastis de me malum*. Ergo vestri consilii non erat me exaltare, sed solius Dei, qui tamen vestro malo consilio usus est in bonum commune & meum & vestrum. Ergo obiectum voluntatis divinae in hac Iosephi tragœdia non erat peccatum fratrum, ut impie blasphemant Melanchthon, Calvinus, & alii haeretici; sed primo missio, & exaltatio Iosephi in Aegyptum, ut obventuræ toti orbi fami prospiceret, & stirpem Iacobi in Aegyptum transferret. Secundo, cum ad id exequendum infinita Deo media ad manum essent, maluit uno illo uti quod fratres Iosephi sua malitia suggererunt, nempe proditione, & venditione Iosephi; quam licet facile impedire potuisset, ideo noluit, ut ingens illud bonum quod prædeceverat, inde eliceret. Ergo obiectum divinae in hoc voluntatis non fuit nisi permissio, & non impeditio nequitiae fratrum. Tertio, supposita permissione hac nequitiae illorum, voluit Deus ut Ioseph quoque patienter ea omnia ferret, & impune fratribus esse sineret quæcumque ipsi molesta inde obvenirent: & ad hoc tertium obiectum voluntatis divinae specialiter respexit Iosephus, cum infra cap. I. dicit: *Num Dei possumus resistere voluntati?* quali dicat: Etsi ex vestra malitia venditus sum, & passus quæcumque passus sum; quia tamen Deus, supposita vestra hac malitia, voluit me patienter ferre omnia quæ inde consecuta sunt, neque vos a me puniri; non possum non prompte obsequi illi Dei voluntati, cui & ego, & omnes creaturae debent sese promptissime accommodare. Absit ergo puniam illos quos Deus per me salvos esse voluit, & quorum occasione ad sublimem hunc thronum evectus sum. Quin potius de tam felici eventu, qui, Deo disponente, ex vestro scelere tam mihi quam vobis obvenit, gaudendum nobis & exultandum. Ita Molina a, & alii Doctores.

(*) Molina I. Papæ quest. xix. art. 6. dis. 2.

GORDONI.

Vers. 2. **N**olenti erumpunt lacrymæ; solatur fratres, Dei providentiam in hoc facto commendans. OMNIS DOMUS; nempe, nuntiatum hoc fuit in tota domo Pharaonis.

V. 6. **N**EC ARARI, vix ullibi, nisi forte ad ripam Nili.

V. 8. **DEI VOLUNTATE**. Non voluit Deus, sed permisit malum, quod vendendo fecerunt fratres Ioseph. Omnino autem voluit ex hoc malo elicere bonum; sicut vere etiam voluit permittere. Nec puto tamen hinc colligi, Deum ex suo decreto permissivo cognoscere certo peccata. Plura Theologi.

V. 10. **IN TERRA GESSEN**. Hebr. גזן *gessen*: alii *Gessen Arabie*. *et Arabie* falsa suppositio est. Regio hæc Gessen Aegypti, pascuis abundabat, in parte Aegypti quæ Arabiam, & Palestinam respiciebat. **LUXTA ME**, vel mecum in Aegyptio; vel iuxta locum ubi habito: erat provincia prope Delta.

V. 12. **OS MEUM**, coram, & patrio sermone.

V. 17. Quod est hic **IVUMENTA**, Septuaginta habent *πορῖα*, *vehicula*; alii *πορῖα*, *itineria*; alii denique *πορῖα*, *sarcinæ*. Hebr. בקר *bakar*, *boves*, maiora animalia.

V. 18. **MEDULLAM**. Hebr. הלב *heleb*, licet proprie lac significat, tamen solet designare quod optimum est in re aliqua.

V. 20. **NEC DIMITTATIS QUID QUAM**: cuncta vestra ferte vobiscum.

V. 22. **BINAS STOLAS**. vestes mutatorias, nempe præstantiores. quales in festis induunt homines. Hebr. *mutationes vestium*. Beniamino 300. argentei dantur, seu sicli. Siclus (ut supra cap. xxiii.) dat quatuor regales Hispanicos. Septuaginta habent *aureas*; mendum est.

V. 24. **NE IRASCAMINI** ne sit contentio ob crimen in me commissum.

V. 26. **QUASI DE GRAVI SOMNO EVIGILANS**. Declaratur admirantis patris quasi ecclasiæ præ lætitia.

C A P U T XLVI.

Jacob, renovata Dei promissione cum universis filiis ac nepotibus, quorum nomina recensentur, in Aegyptum descendit: cui occurrens Ioseph, suadet ut Pharaoni se pastores ovium dicant,

Profectusque Israel cum omnibus quæ habebat, venit ad Puteum iuramenti: & mactatis ibi victimis Deo patris sui Isaac, 2. auditv eum per visionem noctis vocantem se, & dicentem sibi: Jacob, Jacob: cui respondit, Ecce adsum. 3. Ait illi Deus: Ego sum fortitissimus Deus patris tui: noli timere, descende in Aegyptum, quia in gentem magnam faciam te ibi. 4. Ego descendam tecum illic, & ego inde adducam te revertentem: Ioseph quoque ponet manus suas super oculos tuos. 5. Surrexit autem Jacob a Puteo iuramenti: (a) tuleruntque eum filii cum parvulis, & uxoribus suis in plaustris quæ miserat Pharaon ad portandum senem, 6. & omnia quæ possederat in Terra Chanaan: (b) venitque in Aegyptum cum omni semine suo, 7. filii eius, & nepotes, filiz, & curia simul progenies, 8. Hæc sunt autem nomina filiorum Israel, qui ingressi sunt in Aegyptum, ipse cum liberis suis, (c) Primogenitus Ruben. 9. Filii Ruben: Henoeh, & Phallu, & Hesron, & Charmi. 10. Filii Simeon: * Iamuel, & Iamin, & Ahod, & Iachin, & Sohar, & Saul filius Chanaanitidis. 11. Filii Levi: Gerson, & Caath, & Merari. 12. Filii Iuda: Her, & Onan, & Sela, & Phares, & Zara. Mortui sunt autem Her, & Onan in terra Chanaan. Natiqve sunt filii Phares: Hesron, & Hamul. 13. Filii Issachar: Thola, & Phua, & Iob, & Semron. 14. Filii Zabulon: Sared, & Elon, & Iahel. 15. Hi filii Lia, quos genuit in Mesopotamia Syriæ cum Dina filia sua: omnes animæ filiorum eius & filiarum triginta tres. 16. * Filii Gad: Saphion, & Haggi, & Suni, & Elebon, & Hæri, & Arodi, & Areli. 17. (d) Filii Aser: Iamne, & Iesua, & Iessui, & Beria, Sara quoque soror eorum. Filii Beria: Heber, & Melchiel. 18. Hi filii Zelphæ, quam dedit Laban Liæ filiz suæ: & hos genuit Jacob sedecim animas. 19. Filii Rachel uxoris Iacob: Ioseph, & Benjamin. 20. (e) Natiqve sunt Ioseph filii in Terra Aegypti, quos genuit ei Aseneth filia Putiphare sacerdotis Heliopoleos: Manasses, & Ephraim. 21. Filii Benjamin: Bela, & Bechor, & Asbel, & Gera, & Naaman, & Echi, & Ros, & Mophim, & Ophim, & Ared. 22. Hi filii Rachel quos genuit Iacob: omnes animæ quatuordecim. 23. Filii Dan: Husim. 24. Filii Nephthali: Iasiel, & Guni, & Ieser, & Sallem. 25. Hi filii Balæ, quam dedit Laban Racheli filiz suæ: & hos genuit Iacob: omnes animæ septem. 26. Cunctæ animæ quæ ingressæ sunt cum Iacob in Aegyptum, & egressæ sunt de femore illius, absque uxoribus filiorum eius, sexaginta sex. 27. Filii autem Ioseph, qui nati sunt ei in terra Aegypti, animæ duæ. (f) Omnes animæ domus Iacob, quæ ingres-

sæ sunt in Aegyptum, fuere septuaginta. 28. Misit autem Iudam ante se ad Ioseph, ut nuntiaret ei, & occurreret in Gessen. 29. Quo cum pervenisset, iuncto Ioseph curru suo, ascendit obviam patri suo ad eundem locum; vidensque eum, irruit super collum eius, & inter amplexus flevit. 30. Dixitque pater ad Ioseph: Iam lætus moriar, quia vidi faciem tuam, & superstitem te relinquo. 31. At ille locutus est ad fratres suos, & ad omnem domum patris sui: Ascendam, & nuntiabo Pharaoni, dicamque ei: Fratres mei, & domus patris mei, qui erant in terra Chanaan, venerunt ad me: 32. & sunt viri pastores ovium, curamque habent alendorum gregum: pecora sua, & armenta, & omnia quæ habere potuerunt, adduxerunt secum. 33. Cumque vocaverit vos, & dixerit: Quod est opus vestrum? 34. Respondetis: Viri pastores sumus servi tui, ab infantia nostra usque in præsens, & nos, & patres nostri. Hæc autem dicetis, ut habitare possitis in terra Gessen: quia detestantur Aegyptii omnes pastores ovium.

(a) Actoz. vii. 15. (b) Ios. xxiv. 3. Psalm. civ. 22. Isa. lxi. 4. (c) Exod. i. xxvi. 24. Num. xxvi. 5. I. Paral. vi. 3. & 3. Exod. vii. 15. I. Paral. xv. 24. I. Paral. vi. 1. I. Paral. xi. 3. xv. 21. I. Paral. vii. 2. (d) I. Paral. vii. 30. (e) Sup. xli. 33. I. Paral. vii. 6. viii. 2. (f) Deut. x. 22.

B R U G E N S I S

ROMANÆ CORRECTIONES.

V. 10. *Lamuel*, & *Lamin*. Non addas & *Lami*.

V. 16. *Filii Gnd: Sephion, & Hagg, & Sani, & Eshon*. Pro *Sephion* non est legendum, omissa media i consonante, *Sephon*; nec præponendus est *Eshon* ipsi *Sani*.

C O M M E N T A R I A

S A.

Vers. 4. **T**E, id est posteritatem tuam, vel ossa tua. SUPER OCULOS; quæ dicitur: Claudet tibi morienti oculos.

V. 7. *FILIAE*. Hebr. *Filiæ eius*, & *filie filiorum eius*.

V. 27. *ANIMÆ DUÆ*. His adde Iacob, & Ioseph: sic fient septuaginta, ut statim dicitur. SEPTUAGINTA. LXX: septuaginta quinque: scilicet numerant etiam filios Ephraim, & Manasse.

V. 28. *GESSEN*. Hæc postea secundum Hebræos dicta Thebais.

V. 29. *FLEVIT*, scilicet diu, vel multum, ut Hebr. indicatur, & LXX. vertunt.

V. 34. *DETESTANTUR AEGYPTII OMNES PASTORES*: scilicet quia maculant animalia quæ ipsi colunt.

E S T I I.

Vers. 15. **H**I FILII LIAE OMNES ANIMÆ TRIGINTA TRES. In hoc numero comprehenduntur Her, & Onam filii Iudæ, licet mortui ante ingressum Iacob in Aegyptum, ipsumque hic aperte exprimitur, ne scilicet quis aut fallatur, aut falli putet Scripturam.

Sed quomodo dicitur: *Omnes animæ filiorum eius, & filiarum triginta tres*; cum in hoc numero nulla filia, nec Dina quidem, quæ hic nominata est, comprehendatur? Nam sine illa constat numerus. Ad hoc Liranus nihil respondet. An forte adiectitium est illud & *filiarum*? Sed omnes Codices habent, etiam Hebræi. Mirum autem Dinam ab hoc numero excludi, cum paulo post connumeretur filiis Zephæ etiam Sara filia Aser, atque impleat numerum sexdecim animarum: nisi id factum dicas, quia Dina erat extra numerum duodecim tribuum, utpote

Ttt ipsa

ipsa soror duodecim Patriarcharum; Sara vero filia unius ex illis. Dinam tamen ingressam fuisse Aegyptum existimat Liranus: unde & ipse eam comprehendit in numero septuaginta animarum, quas in Aegyptum ingressas Scriptura testatur.

V. 26. CUNCTAE ANIMAE... QUAE EGRESSAE SUNT DE FEMORE. Quidam hoc testimonio confirmare conati sunt a parentibus animas una cum corporibus propagari. Sed respondeo, secundum Augustinum, animas pro hominibus accipi hoc loco; quod & alibi in Scriptura sacra frequentissimum est, locutione synechdochica. Nec solum in iis quae homini secundum animam conveniunt, sed etiam quae tantum secundum corpus. Sic dicitur I. Machab. cap. xix. *Et peremerunt animas hominum multas*; cum tamen corpus tantum perimatur, seu occidatur. Porro quod animae non trahantur ex parentibus, vide supra cap. xii. vers. 5.

M A R I A N A E.

Vers. 4. IOSEPH QUOQUE PONET MANUS SUAS SUPER OCULOS TUOS: te vivo, tibi & tuis non deerit: vel, claudet tibi morienti oculos.

V. 6. ET OMNIA QUAE POSSEDERAT. Hebraice: *Et acceperunt pecora eorum*, & substantiam eorum, quam acquisierunt in terra Chanaan, & adduxerunt in Aegyptum Iacob, & omne semen eius.

V. 7. FILIAE. Hebraice: *Filia eius*, & filiae filiorum eius. Filias vocat fortassis natus.

V. 13. FILII ISSACHAR: THOLA, ET PHUA, ET IOB, ET SEMRON. Sic Hebraice, sic Rom. & alii codices Vulgatae. Quidam Iob omittunt, sed male: neque enim illo omisso numerus animarum, & ratio constaret, posita vers. 15.

V. 15. TRIGINTA TRES. Ut ratio constet, Her, & Onan filii Iudae numerandi sunt, quamvis defuncti in terra Chanaan: ad reliquos filios addenda Dina non est, neque ipse Iacob, quoniam postea additur.

V. 20. MANASSES, ET EPHRAIM. Post haec verba Sept. addunt quinque filios, & nepotes horum duorum, Manassis, & Ephraim: in aliis linguis mirum silentium.

V. 27. FUERE SEPTUAGINTA. Ut numerus impleatur, Ioseph, & duo filii addendi sunt, tum ipse Iacob. Sept. dicunt, animas ingressas in Aegyptum fuisse septuaginta quinque, nimirum adiunctis quinque illis tum nepotibus tum pronepotibus Ioseph. Ceterum Hieronym. in Tradit. vitiosam eam rationem putat, & ex ea Lucam in Actis eundem posuisse numerum, quoniam a codicibus Graecis, qui inter Gentes vulgati erant, discedere non est ausus: afferitque, eosdem Sept. in Deut. posuisse, Iacob in Aegyptum descendisse in animabus septuaginta.

V. 28. ET OCCURRERET IN GESSEN. Sic etiam Sept. quos puto pro להורח lehoroth ut nunc est, legisse להורח lehorod, ad descendendum, vel faciendum descendere: nam ut nunc est, ad praeparandum in Gessen potius significat. Porro pro Gessen Sept. posuerunt ad Heroum civitatem in terram Ramessse. Et quidem Gessen dictam etiam Ramessse, ex cap. proximo vers. 11. colligitur. Hieron. in Tradition. ait, quoddam putare, Gessen dictam postea Thebaida; quidam etiam Heliopolim ibi sitam, eoque puerum Iesum ex fuga deductum.

V. 29. IRRUIT SUPER COLLUM EIUS. Hebraice additur post haec verba: *Et fleuit super gremium eius adbur*, hoc est, non semel, sed saepe amplexus collum patris, *Flevitque diu* & *mukum*: Sept.

V. 33. QUOD EST OPUS VESTRUM? Quod vitae genus sequimini?

V. 34. DETESTANTUR AEGYPTII OMNES PASTORES OVIVM. Mactant pastores scilicet quae illi colunt. Quod si Aegyptii oves habebant, ut ex sequentibus constat, lanæ, & lactis causa eas aluisse. credendum, non ad esum.

M A L V E N D A E.

Vers. 4. PONET MANUS SUAS SUPER OCULOS TUOS; id est, tibi morienti aderit, & oculos tuos claudet, extremumque morienti pietatis officium exhibebit. Hunc morem, ut morientibus carissimam quique & coniunctissimi oculos clauderent, religiose postea ad Graecos & Romanos manasse, exempla sunt passim obvia, & a multis observata.

vata . De Euriali matre Virgilius in IX.
.... *pressus oculos.*

Et apud Ovidium Penelope de filio Telemacho :

Ille meus oculos comprimat.

Euripides in Hecuba de Polidoro :

Vivis, & morienti oculos claudet tibi.

Quidam aliter accipiunt; id est, cuncta quæ tibi erunt necessaria, aut desiderabis, providebit: vel Ioseph omnia tibi suppeditabit quæ desideras absque tua cura & sollicitudine. Aliene.

V. 10. FILIUS CHANANITIDIS. Singulariter id notat, quod Simeon contra voluntatem patris, & morem suorum Chananitidem duxerit, quas tantopere detestabantur patres illi: cum alii filii Iacob acceperint Idumæas, Madianitas, Aegyptias. Vide Exodi vi. 15.

V. 15. TRIGINTA TRES. Sed numeratæ tantum sunt triginta duæ. Quidam hic annumerandam volunt Liam, quæ forsitan ingressa sit Aegyptum, & somnium Iosephi de luna impleverit. Alii lochabetham filiam Levi, matrem Mosi, quæ forsitan tum erat in ventre. Plures ipsum Iacob, e vers. 8. & hoc est satis.

V. 27. OMNES ANIMAE DOMUS IACOB, QUAE INGRESSAE SUNT IN AEGYPTUM, FUERE SEPTUAGINTA: nimirum adiunctis ipso Iacob, & Ioseph, & duobus filiis Ioseph, Manasse & Ephraim: cum iis enim constat numerus *septuaginta*: qui confirmatur etiam Exodi i. 5. & Deuter. x. 22. Sed iam hinc ingens existit difficultas, quomodo LXX. Interpretes hic, & quod potius est, Stephanus Actorum vii. 14. septuaginta quinque enumerent. Quæ hic Explanatores afferant, in promptu sunt, & nimium pervagata. Quidam tamen sic nodum solvunt. Generalis quidem summa, Iacobum, & Iosephum, & duos huius filios comprehendens, est septuaginta. Quod autem Stephanus, præter Iacobum, septuaginta quinque numeraverit, factum fuit, quia Stephanus non eos tantum qui cum Iacob re ipsa descenderunt, sed & matres eorum, quatuor uxores Iacob, & duos filios Iudæ, licet ante defunctos comprehendit, id est quotquot hic personæ de nomine recensentur: ut dicat, ad quantum in summa numerum familia Iacobi, antequam descenderet in Aegyptum, pervenisset.

Sive, ut dicamus brevius, non refert Stephanus numerum proficiscientium, sed summam eorum, quos hic nominatim Moses enumeravit. Unde locum Actorum dilucidius sic reddendum putant: *Mittens autem Ioseph accersivit patrem suum Iacob, & omnem cognationem, seu familiam suam, constantem, aut conscripam ex animabus septuaginta quinque: quot hic diserte, excepto Iahakob, numerantur: & ita Epiphanius. Quæ strages chartarum, quæ plaustra solutionum in his extricandis! quanto modestius foret, si ignorantiam profiterentur.*

V. 28. UT NUNTIARET EI. לָחֹרֶת lehoroth varie exponunt. I. *Ad præparandum ante ipsum.* II. *Ad præmonendum, ad edocendum ante faciem suam,* id est suum adventum. III. *Ad prouendum ante se,* quasi prodromum, ac præcursores. IV. *Ad dirigendum ante se,* tamquam rectorem viæ. V. *Ad significandum, seu indicandum,* nempe suum adventum. VI. *Ad constituendum* quæ erant necessaria: melius, *ad iacendum,* nimirum fundamenta, & sedem habitationis: ad sternere, vel ad iacere, iaculari, nempe ut velocius curreret ante se.

V. 29. ET INTER AMPLEXUS FLEVIT. Hebr. *Et servit super colla eius adhue;* quidam, *aliquantisper;* alii, *amplius;* nonnulli, *diu:* nec desunt qui vehementer.

V. 34. QUIA DETESTANTUR AEGYPTII OMNES PASTORES OVUM. Confer hunc locum cum cap. xliii. vers. 32. & cum Exodi vii. 26. plerique intelligunt, Aegyptios averfari solitos pastores, quod eos ut impios & profanos haberent, qui hircos, oves, & boves immolabant, & mactabant, quæ illi pro numinibus & diis colerent, quasi deicidas, & deorum suorum interfectores. Verum notum est ex Herodoto, aliisque scriptoribus, pastores, & bubulcos, quos bucolos vocant, fuisse infimum genus Aegyptiorum, abiectionissimum plane ac despicatissimum; & nedum fæces & sordes plebis, sed execrabiles & abominandos ipsis Aegyptiis, tamquam catharmata & piamenta: ut ex præsentis quoque loco Genesis manifeste intelligitur. Erant autem omnes advenæ, & coluvies purgamentorum urbium. Quibus Aegyptii loca palustria assignabant, cum ut haberent ubi greges suos, & armenta pascerent, & alerent, tum ut ab Aegyptiis

secreti ac semoti viverent, tamquam profani, & abominandi, in locis desertis, & inaccessis. Locus ubi habitabant, dicebatur *bucolia*; quem, & horum egrediorum & pastorum vitam, moresque egregie describit Heliodorus l. Aethiopicorum cap. 11. S. Hieronymus in vita Hilarionis: *Ad ea loca quæ vocantur bucolia, eo quod nullus ibi Christianorum esset, sed barbara tantum, & inferox natio.* Nam ii etiam sub Romanis principibus Aegyptum infestabant: prædas enim & latrocinia exercebant, ut ex Heliodoro liquet. Ii, quod ab Aegyptiis, ut genus invisum, dure & aspere tractarentur, freti natura locorum, & quod manu prompti essent, adversus Aegypti reges olim rebellaverunt, nec semel se in libertatem vindicarunt, ac magnas dynastias in Aegypto occuparunt, multo ante & post etiam quam Hebræi ingrederentur in Aegyptum, ut ex Eusebio, Africano, aliisque Scriptōribus videre licet. Herodotus Lib. II. num. 17. ab iis bucolis videtur appellare osium quoddam Nili bucolicum. His hic modo accensentur Israelitæ, quod advenæ & pastores essent, ac loca secreta ac semota pascuis apra eis distribuuntur. Manetho Aegyptius apud Iosephum Lib. I. adversus Apionem, agens de iis Hebræis qui in Aegyptum descendebant, inquit: *Vocabatur autem gens eorum Hycsos, hoc est reges pastores: hic enim secundum sacram linguam regem significat; sos vero pastorem, sive pastores, secundum communem dialectum: & ita compositum invenitur Hycsos. Quidam vero dicunt eos Arabas esse. In aliis autem exemplaribus non reges significari comperi per appellationem hanc, sed e diverso captivos designari pastores. Hic enim Aegyptiaca lingua, & hac, quando densa sono profertur, captivos aperte significat. Ex hoc potius verisimile mihi videtur, & hystorie antiquæ conveniens. Hæc Manetho.*

MENOCHII.

Vers. 3. **N**OLI TIMERE. Eximit metum, quo teneri poterat multis ex causis. I. ne liberi idolorum cultu, & aliis Aegyptiorum vitiis imbuerentur. II. ne posteri illi fertilitate, & amentitate Aegypti in Chanaanem redire nolient, & Dei promissa negligerent. III. ne quid adversus pateretur, si Deo incon-

sulto hoc iter susciperet. IV. ne moreretur in via priuquam filium cerneret.

V. 4. **DESCENDAM TECUM;** adero, & favebo tibi eunti; & semini tuo redenti. **INDE ADDUCAM TE REVERTENTEM,** posteros tuos, qui ossa tua secum ex Aegypto asportabunt, ut sepulcro patrum tuorum condaris. **PONET MANUS SUAS SUPER OCULOS TUOS:** tibi morienti oculos clauder inexta priscum Hebræorum morem, quo carissimis morientibus oculos premunt.

V. 7. **FILIAE.** Videtur esse enallage numeri: nam Iacob unam tantum filiam habuit Dinam.

V. 8. **HAEC SUNT NOMINA.** Recensentur ut in exitu ab Aegypto manifestum sit quantopere fuerint multiplicati tam paucis annis. **QUI INGRESSI:** qui quando Iacob in Aegyptum ingressus est, erant superstitēs. Excipe tamen filios Iuda, Her, & Onan, de quibus numero duodecimo: scietur enim eos in Chanaan mortuos.

V. 12. **HESRON, ET HAMUL.** Hi nati sunt postea in Aegypto, dicuntur tamen cum Iacob in Aegyptum descendisse, non in sua persona, sed in lumbis Phares patris sui, in quibus adhuc latebant. Nam ut annotat divus Augustinus de sensu hic, & ingressus Iacobi in Aegyptum completitur etiam annos 17. vitæ eius in Aegypto; immo & annos reliquæ vitæ Iosephi, puta 71.

V. 15. **OMNES ANIMAE,** synecdoche, **TRIGINTA TRES,** computata & ipsa Lia, aut potius ipso Iacobo cum suis filiis, & filia Dina; exclusis tamen Her, & Onan.

V. 21. **FILII BENIAMIN.** Numerantur hic decem filii Benjamin, ex quibus aliquos ipse postea genuit in Aegypto: nam cum descendit in Aegyptum, erat tantum viginti quatuor annorum.

V. 26. **EGRESSAE SUNT DE FEMORE ILLIUS:** ex eo orti sunt. Utuntur hac phrasi Hebræi, vel quia femur ponunt pro partibus quæ inter femora; vel quia repta in femore tres venæ sunt, quæ ortæ ex venis lumborum, priuquam in crura descendant, viris per femora in scrotum, feminis in uterum recurrunt, & secundum feminis materiam generationi sufficiunt. **SEXAGINTA SEX.** In hoc numero

miero non continetur Iacob, utpote parens omnium, nec Ioseph, & filii eius, utpote qui iam erant in Aegypto.

V. 27. SEPTUAGINTA. Hic annumeres oportet ipsum Iacob, & Ioseph cum duobus eius filiis: sic enim constabit numerus septuaginta. Porro LXX. Interpretes, & S. Lucas Actor. vii. 14. aiunt Ioseph septuaginta quinque, quia addunt, & adnumerant Iosepho Manassis filium Machir, & nepotem Galaad, rursus Ephraimi filios Suturaam, & Taam, ac nepotem Edem, qui fuit filius Suturaam. Hi autem adduntur, quia nati sunt vivente adhuc Iosepho avo, ut patet Genes. l. 22.

V. 34. PASTORES SUMUS. Notanda Iosephi modestia, prudentia, ac simplicitas. Modestia, quia in aula Pharaonis sciri cupit se esse fratrem pastorum; prudentia, quia fratres in aulam non induxit, ne aulicorum moribus corrumpere-ntur; simplicitas, quia fratres ad sublimiorem statum non evehit, sed in arte patri-ae, ac pastoris finit hærere. *DETESTANTUR AEGYPTII PASTORES:* quia pastores solent occidere, & comedere carnes suarum ovium, & pecudum, quas Aegyptii pro diis colebant, ut patet Exod. viii. 26. Alebant tamen Aegyptii oves, & boves, ut patet capite sequenti num. 17. non ad esum, sed ad oblationem, lanam, & lac, ad stercoreationem etiam agrorum, & ut alii gentibus dividerent.

TIRINI.

Vers. 26. CUNCTAE ANIMAE, QUAE INGRESSAE SUNT IN AEGYPTUM... SEXAGINTA SEX. Huic numero non includuntur Iacob, & Ioseph, & huius duo filii Ephraim, & Manasse: quos quatuor si ad- das numero praedicto, reperies septuagin- ta, quot dicantur versu sequenti 27. in- gressae Aegyptum, partim ante Iacobum, partim cum Iacob; item partim per se, partim per parentes, seu in lumbisparen- tum. Quod dico partim propter Hefron, & Hamul filios Phares necdum tunc na- tos; partim propter quosdam filios Benia- min, qui hic decem numerantur, cum ipse Benjamin hoc tempore vix 21. esset an- norum, Nisi malis cum LXX. Interpreti-

bus, quosdam horum decem fuisse filios filiorum, seu nepotes Benjamin. fidei- m LXX. Interpretes loco quo Latinus, & Hebraeus textus habet hic, & Exodi i. vers. 5. & Deut. x. vers. ult. filios vel nepotes Iacobi, septuaginta ingressos AE- gyptum, ipsi habent hic, & in Exodo in- gressos septuaginta quinque. Et hunc il- lorum numerum sequitur etiam S. Step- hanus Actor. vii. vers. 14. & recte: nam ipsi praedicto septuagenario addunt nepo- tes quinque Iosephi, puta Machir filium Manasse, & Galaad filium Machir, item Suturaam & Taam filios Ephraim, deni- que Edom filium Suturaam. Quos de- lumpserunt partim ex Num. xxvi. partim ex l. Paral. vii. Nam, ut recte notat sanctus Augustinus, ingressus Iacobi in Aegyptum compl. citur omne tempus vi- tae eius in Aegypto, immo & reliquos annos vitae Iosephi, in cuius gratiam de- scenderat Iacob in Aegyptum; non tamen complectitur omnium filiorum Iacob toto illo tempore natos nepotes, sed trium dumtaxat, Iudae, Iosephi, & Benjamin: quia posterii horum erant omnium hono- ratissimi, & ex his exorti reges Israelis, Saul, David, Ieroboam, & alii sequaces.

(*) Chronici cap. xlvii.

GORDONI.

DE chronologia Iosephi dixi ad cap. xxx. Sane exactis 13. annis servitu- tis (qua finita stetit coram Pharaone, anno aetatis 30.) prospere vixit annis 80. hoc est usque ad obitum, qui incidit in annum vitae suae 110. Iam venit Iacob in Aegyptum anno 9. principatus huius, hoc est, exactis septem annis fertilitatis, & duobus sterilitatis, qui est annus 39. Iosephi; quando pater erat annorum 130. ex cap. xlvii. vers. 9. Superstes mansit Iacob in Aegypto annis 17. obiitque pro- inde, ut supra notatum est, anno aetatis suae 147. & anno mundi 2285.

V. 1. PROPECTUSQUE ISRAEL... VENIT AD PUTRUM IURAMENTI. De hoc puteo iuramenti dictum est supra cap. xxi. & xxvi. ac de sacrificiis ibi antea oblati. Sic ergo Iacob Dominum consu- lit, iter hoc aggressurus, relinquendo ter- ram promissam. Hinc sequitur visio vers. 2. &

2. & promissio vers. 3. ac demum vers. 4. de reditu posteritatis in terram promissam.

P. 4. PONE MANUS SUAS SUPER OCULOS TUOS: morienti tibi claudet oculos.

P. 6. Principes recensentur, qui cum Jacob venerunt in Aegyptum; sed dum colligitur numerus in singulorum liberis, apparet interdum non plenus, aut etiam redundans: quod contingit, quia nunc intelligitur Jacob omitti, ut stipes & caput; nunc etiam poni. Sic & de aliis quibusdam: numerantur venisse aliqui, non in persona sua, sed in lumbis parentum, ut ex vers. 12. & aliunde accuratus lector facile cognoscat. FILIAE. Nepotes hoc nomine recte intelliguntur, quæ sunt familiarum filia. Quidam hic Dinam etiam intelligunt; at incertum an tunc mortua fuerit, aut cui nupta. Ceterum cum initur hic descendendum in Aegyptum numerus, non habetur ratio seminarum; immo nec servorum. Quod vero in sequenti enumeratione facit difficultatem præcipuam, est, quia non satis apparet, quos voluerit Moyses numerare in catalogo descendendum: an, inquam, ante ingressum mortuos, an natos in Aegypto usque ad mortem Iacob: & demum (quod inde sequitur) quo anno concludi voluerit, & finiri ingressum. Dicam vers. 27. quod probabilius est. Nec desunt qui putent mendum irrepisse in numerum septuaginta Interpretum. Sane noster textus & Hebraicus constanter numerant 70. animas. Ita Exod. 1. vers. 5. & Deut. x. vers. ult. tamen Septuaginta dant 75. animas.

P. 26. Ex parvo hoc toto numero colligitur quam sint multiplicati in Aegypto ante exodum.

P. 27. FILII AUTEM. Recensitos hoc

capite a vers. 8. huc usque, colligit Moyses, ut dicebam, esse septuaginta; sed an numerare oportet Iacob, Ioseph, & duos eius filios: sic exhibit numerus 70. Etidem repetitur Exod. cap. 1. vers. 5. Et quamvis ibi Moyses excipere videatur ab hoc numero Iosephum, dum sic ait: *Ioseph autem in Aegypto erat: non tamen ita est; sed est explicatio, vel excusatio, quod non posuerit Iosephum inter personas quas recenset vers. 2. 3. & 4. At quomodo saltem septuaginta Interpretes ponunt 75. & totidem numerat Lucas Actor. vii. vers. 14. Respondetur, facile hoc esse, quia illi Interpretes, & cum illis Lucas, addunt Iosepho Machir filium Manassis, & Galaad nepotem; insuper his duobus Ephraimi filios Satalaam, & Ioam, & nepotem Edem, qui est filius Satalaam. Adduntur, inquam, hi quinque, quia nati sunt superstiti Iosepho avo, ex Gen. cap. 1. vers. 22. ita ut ingressus Iacob in Aegyptum extendat se usque ad mortem ipsius Iacob, & Iosephi, ex Augustino Lib. XVI. Civit. cap. xl. At discrepant septuaginta Interpretes a Mose? Certe, quia Moyses noluit computare nepotes Iosephi; quod tamen factum est a septuaginta Interpretibus, iussis, ac variis de causis. Hoc quidem speciatim debebatur Iosepho, fratrum principi. Vide Exod. cap. 1. vers. 5.*

P. 28. GESSEN. Dicta etiam Rameses est ex cap. XLVII. vers. 11.

P. 33. QUOD EST OPUS VESTRUM? quod vobis est vitæ genus?

P. 34. DETESTANTUR: quia mastrant quadam animalia quæ Aegyptii colunt; nempe pastores ovium mastrant oves: habebant tamen Aegyptii oves, sed ob lac, & lanam, non vero ad esum.

C A P U T XLVII.

Introducto Jacob cum filiis ad Pharaonem, Terra Gessen conceditur: fames tantum premit Aegyptum, ut venditis pecoribus terram quoque vendere sint coacti: quo factum est ut quince pars fructuum regibus Aegypti perpetuo cedat, praterquam in possessionibus sacerdotum. Post annos septemdecim Jacob plurimum ditatus adiuuat Ioseph de sua sepultura.



1. **I**ngredius ergo Ioseph nuntiavit Pharaoni, dicens: Pater meus, & fratres, oves eorum, & armenta, & cuncta quae possident, venerunt de Terra Chanaan: & ecce consistunt in Terra Gessen. 2. Extremos quoque fratrum meorum quinque viros constituit coram rege: 3. quos ille interrogavit: Quid habetis operis? Responderunt: Pastores ovium sumus servi tui, & nos, & patres nostri. 4. * Ad peregrinandum in terra tua venimus: quoniam non est herba gregibus servorum tuorum, ingravescente fame in terra Chanaan: perimulque ut esse nos iubeas servos tuos in Terra Gessen. 5. Dixit itaque rex ad Ioseph: Pater tuus, & fratres tui venerunt ad te. 6. Terra Aegypti in conspectu tuo est: in optimo loco fac eos habitare, & trade eis Terram Gessen. Quod si noli in eis esse viros iadultrios, constitue illos magistrum pecorum meorum. 7. Post haec introduxit Ioseph patrem suum ad Regem, & statuit eum coram eo: qui benedicens illi, & interrogatus ab eo: Quot sunt dies annorum vitae tuae? 9. respondit: * Dies peregrinationis meae centum triginta annorum sunt, parvi, & mali; & non pervenerunt usque ad dies patrum meorum quibus peregrinati sunt. 10. Et benedicto rege, egressus est foras. 11. Ioseph vero patri, & fratribus suis dedit possessionem in Aegypto in optimo terrae loco, Rameesses, ut praeceperat Pharaon. 12. Et alebat eos, omniemque domum patris sui, praebens cibaria singulis. 13. In toto enim orbe panis deerat, & opprefferat fames terram, maxime Aegypti, & Chanaan. 14. E quibus omnem pecuniam congregavit pro venditione frumenti, & intulit eam in ararium regis. 15. Cumque defecisset emptoribus pretium, venit cuncta Aegyptus ad Ioseph, dicens: Da nobis panes: quare morimur coram te, deficiente pecunia? 16. Quibus ille respondit: Adducite pecora vestra, & dabo vobis pro eis cibos, si pretium non habetis. 17. Quae cum adduxissent, dedit eis alimenta pro equis, & ovibus, & bovis, & asinis: sustentavitque eos illo anno pro commutatione pecorum. 18. Venerunt quoque anno secundo, & dixerunt ei: * Non celabimus dominum nostrum quod deficiente pecunia, pecora simul defecerunt: nec clam te est quod absque corporibus, & terra nihil habeamus. 19. Cur ergo moriemur te vidente? Et nos, & terra nostra tui erimus: eme nos in servitutem regiam, & praebe semina, ne pereunte cultore redigatur terra in solitudinem. 20. Emit igitur Ioseph omnem Terram Aegypti, vendentibus singulis possessiones

nes suas prae magnitudine famis. Subiecitque eam Pharaoni, 21. & cunctos populos eius, a novissimis terminis Aegypti usque ad extremos fines eius, 22. praeter terram sacerdotum, quae a rege tradita fuerat eis: quibus & statuta cibaria ex horreis publicis praebantur; & idcirco non sunt compulsi vendere possessiones suas. 23. Dixit ergo Ioseph ad populos: En, ut cernitis, & vos, & terram vestram Pharaeo possidet: accipite semina, & serite agros, 24. ut fruges habere possitis. Quintam partem regi dabit: quatuor reliquas permitto vobis in sementem, & in cibum familiis & liberis vestris, 25. Qui responderunt: Salus nostra in manu tua est: respiciat nos tantum dominus noster, & laeti serviemus regi. 26. Ex eo tempore usque in praesentem diem, in universa Terra Aegypti, regibus quinta pars solvitur, & factum est quasi in legem, absque terra sacerdotali, quae libera ab hac conditione fuit. 27. Habitavit ergo Israel in Aegypto, id est in Terra Gessen, & possedit eam; auctusque est, & multiplicatus nimis. 28. Et vixit in ea decem & septem annis; factique sunt omnes dies vitae illius centum quadraginta septem annorum. 29. Cumque appropinquare cerneret diem mortis suae, vocavit filium suum Ioseph, & dixit ad eum: Si inveni gratiam in conspectu tuo, (a) pone manum tuam sub femore meo: & facies mihi misericordiam & veritatem, ut non sepelias me in Aegypto; 30. sed dormiam cum patribus meis, & auferas me de terra hac, condasque in sepulcro maiorum meorum. Cui respondit Ioseph: Ego faciam quod iussisti, 31. Et ille: Iura ergo, inquit, mihi, Quo jurante, adoravit Israel Deum, conversus ad lectuli caput,

(a) Sup. xxiv. 2.

B R U G E N S I S.

ROMANAE CORRECTIONES.

V. 4. *Ad peregrinandum in terra tua, vivimus.* Melior est sextus casus *terra tua*, quam quartus *terram tuam*.

V. 9. *Dies peregrinationis meae.* Superfluit, quod quidam addunt, nomen *vita*.

V. 18. *Non celabimus dominum nostrum.* Alii minus recte: *Non celabimus domino nostrum.*

LECTIONUM VARIETAS.

V. 11. *In optimo terra loco.* In aliis egregiis libris pro loco legitur *solo*.

C O M M E N T A R I A

S A.

Vers. 2. **E**X TREMOS, id est abiectioni aspectu, scilicet ne Pharaeo milites faceret.

V. 7. **BENEDICENS**, id est salutem impetratus.

V. 9. **PARVI**, id est pauci. **MALI**, id est pleni malis, seu ærumnis.

V. 10. **BENEDICTO REGE**, id est ætatis regi gratias, vel dicto vale; scilicet, ubi ei bene fuisset precatus.

V. 13. **ORBE.** Hebr. *terra*. **MAXIME**: id non est Hebr.

V. 19. **PEREUNTE CULTORE.** Hebr. *percamus* &c.

V. 21. **POPULOS EIUS.** Hebr. & Chald. indicatur, populum mutatum ab una civitate in aliam, scilicet in signum quod nihil iam proprium haberent.

V. 25. **SALUS NOSTRA IN MANU TUA EST.** Hebr. *Vriscasti nos*.

V. 29. **SUB FEMORE.** Vide cap. xxiv. **MISERICORDIAM, ET VERITATEM;**

TEM; quasi dicat, gratiam, seu beneficium, certum, seu bona fide.

V. 31. CONVERSUS AD LECTULI CAPUT. Hebr. *ad*, seu *super caput lecti*. LXX. *Super summam virga eius, seu sue.*

EST II.

Vers. 2. **E**XTREMOS QUOQUE FRATrum suorum cepit quinque viros. Versio Vatablina: *Accipiens autem quosdam e fratribus suis, nempe quinque viros*. Pagninus: *De extremis fratribus suis cepit quinque viros*. Extremos quidam intelligunt qui videbantur abiectiones, minusque prestantes: quod Ioseph fecisse tradunt, ne si robustiores adduxisset, militie eos Pharaon applicuisset. Alii aliter. Vide Liranum.

V. 7. QUI BENEDICENS ILLI; Iacob scilicet benedicens regi: nam & mox sequitur vers. 10. *Et benedixit regi egressus est foras*. Porro benedixit Iacob regi, quia salutem, & felicitatem ei precatus est a Deo (nam & nunc salutatio quodammodo est benedictio seu bona precatio) non autem quasi ex auctoritate & officio; quomodo sacerdotes benediciunt, & in Epistola ad Hebr. vii. dicitur, *Quod minus est a maiore benedicitur*; sed vulgari modo bene precando; quomodo etiam aequales aequalibus, & minores maioribus benediciunt.

V. 9. DIES PEREGRINATIONIS MEAE PARVI. ET MALI; id est, pauci. & miseri: parvi videlicet numero, non extensione; sic Iob xvi. *Dies mei breviantur*. Mali autem dicuntur propter labores plurimos quos subiit, & afflictiones plurimas quas sustinuit Iacob in vita sua. Sic Dominus in Evangelio Matth. vi. *Sufficit diei malitia sua*. Et Apostolus ad E. hebr. v. *Redimentes tempus, quoniam dies mali sunt*.

V. 19. & 20. CUR ERGO MORIEMUR, TE VIDENTE? EMIT IGITUR IOSEPH ONNEM TERRAM AEGYPTI. SUBIECIT QUEM REGI. Nec fuit tamen hæc crudelitas aut inhumanitas Ioseph: non enim pote at gratia dare, eo quod ipse tantum dispensator esset regis. Sed neque cooperatus est cupiditati regis; sed quæ fecit

ad utilitatem regis; redundarunt etiam ipsius prudenti consilio in utilitatem regni, & populi: quod declarat prudentissima simul & humanissima eius propositio ad populum, qua dicit: *En, ut cernitis, & vos, & terram vestram Pharaon possidet. Accipite semine, & seruite agros, ut fruges habere possitis. Quantam partem regi dabitur, quatuor reliquas permittit vobis in mentem, & in cibum familiis, & liberis vestris*. Et factum est, inquit Scriptura, quasi in legem, sine dubio utilem ad continendum populum in obedientia regis.

V. 22. PRÆTER TERRAM SACERDOTUM. Hebræa sic: *Tantum terram sacerdotum non emi, quia statutum (seu decessum, & portio) sacerdotibus erat a Pharaone; & comedebant statutum suum, quod dedit eis Pharaon*: idcirco non vendiderunt terram suam. Igitur non significatur hic quod terram suam necessario sacerdotes habuerint a rege, sed quod terram suam, ex qua vivere soliti erant (quæ tamen verisimiliter fuerat eis data e publico, tamquam ministris publicis, accedente simul auctoritate regia) non sint compulsi vendere, ob defectum alimoniarum: siquidem rex eis aliter ex horreis publicis, tamquam publicos ministros. Debebantur autem sacerdotibus Aegyptii cibaria ex publico, non simpliciter (erant enim sacerdotes non veri Dei, sed falsorum deorum, & demonum) sed ex conscientia erronea, quia putabantur esse ministri veræ religionis.

V. 30. SED DORMIAM CUM PATRIBUS MEIS. Nota. Nuppiam Scriptura dicit bestias dormire cum moriuntur, sed tantum homines, utpote quod homines resurrectionem certo expectant. Quin nec soli boni, sed etiam mali dicuntur dormisse cum patribus suis, ut impii reges Ieroboam, Amri, Achab, & alii: quod notandum est contra Iudæos, qui stolidè docent malos non resurrecturos.

V. 31. QUO IURANTE. ADORAVIT ISRAEL DEUM, CONVERSUS AD LECTULI CAPUT. Septuaginta legunt: *Adoravit Israel ad summam virga eius*. Quæ versio innuit Iacob adorasse summam sceptri Ioseph, exterius quidem potestatem eius honorans, sed spiritualiter simul (ut apparet) Christi regiam potestatem in typo Ioseph adorans. Sane versionem hanc, etsi eam Hieronymus non

videatur probare, nobis quoque recipiendam cogit auctoritas Apostoli ad Hebr. xi. ubi clare dicit: *Fide Jacob moriens singulos filiorum Ioseph benedixit, & adoravit sili-gium virgæ eius.* Et nihil prohibet, quin Jacob & Deum adoraverit (ut habet nostra versio) atque etiam honorarit, seu adorarit summatim virgæ Ioseph, quod vult versio LXX. & Apollolus dicto loco,

M A R I A N A E.

Perf. 2. **E**XTREMOS QUOQUE FRAT-
RUM SUORUM. Melius
sic redditur vox *אֶחָד מִכֻּלָּם*, quam, ut
alii dicunt, de extremitate; quasi sit com-
posita dictio ex *אֶחָד* & *אֶחָד*, quod est sal-
sum, cum *אֶחָד* non habeat *אֶחָד*; si-
gnificat autem, quinque fratres ceteris mi-
nores ætate secum sumpsisse Iosephum &
eos ad Regem detulisse. Ipse etiam emi-
noribus. Gaudent singuli sibi similibus.

V. 6. VIROS INDUSTRIOS. Hebr.,
viros virtutes, id est fortes.

V. 7. QUI BENEDICENS ILLI, sci-
licet Jacob Pharaoni. Benedicere Deum,
est beneficiare; hoc modo semper minor
a meliori beneficiatur: ad Hebr. vii. *ve f.*
7. Benedicere hominem, est bene velle,
prospere precari; sic solent sublimi reges
salutare. Simul in iudicator qualis saluatio-
nis *אֶחָד* esse debet. scilicet per deprecat-
tionem, ut: Sis felix. *D*us te sollicitet.

V. 9. PARVI ET MALI. Ex Sept.
sumptum *אֶחָד מִכֻּלָּם*. Hebr. *parum*,
& mali id est, pauci & mali. A labore
multo vocantur mali. non a culpa.

V. 10. BENEDICTO REGE, id est sa-
lutato, postquam salutavit eum.

V. 12. PRÆBENS CIBARIA SIN-
GULIS. Hebr. *panem* (supple præbens)
ad os parvuli. Variè hunc locum reddunt.
Ego puto interpretandum, *dedisse panem*
אֶחָד מִכֻּלָּם, secundum parvulum, pro parvu-
lis; hoc est, iuxta filiorum numerum:
quod Chald. innuit, cum dixit: *Præbens*
panem iuxta familiam uniuscuiusque: & *vers.*
24. idem verbum eadem significatione re-
petitur, cum dicit: *Quatuor partes relinquo*
in cibum familiis & liberis vestris. Hebr.
In cibum parvulo vestro. Tu dic, familiæ
vestræ. Vide Exod. cap. xii. *vers.* 37.

V. 13. IN TOTO ENIM ORBE, Hebr.
terra, adde *illa*, propter articulum. E T

OPPRESSERAT FAMES. *אֶחָד* *thelab*;
quidam in significatione dementandi su-
munt: radix *אֶחָד*; sed & id verbum desig-
nare significat, & laborare. MAXIME,
non est in Hebræo; sed bene per id ex-
primitur vis verbi *chabad*, id est gravem
esse vehementer famem, quæ premebat.

V. 19. CUR ERGO MORIEMUR TE
VIDENTE? ET NOSET TERRA NOS-
TRA TUI ERIMUS. Non eodem mo-
do dividuntur Hebraica, sed sic: *Quare*
moriemur in oculis tuis tam nos quam terra
nostra? Emne nos, &c. Mortua terra voca-
tur, quæ fructum non reddit: nam vita
actio est; quasi dicat: *Quare terra in so-
litudinem eat?*

Perf. 21. ET CUNCTOS POPULOS
EIVS, nempe subiecit Pharaoni. Hebrai-
ca aliter: *Et populum transfudit ad urbes*
*extremum terminum Aegypti usque ad fi-
nem eius*. Certe ablatis agris agricolas in
urbes transfudit, ne sua postea repeterent;
vel transfudit ab aliis in alias civitates,
idem respiciens.

V. 22. PRÆTER TERRAM SACER-
DOTUM. Quod sequitur, *QUAE A RE-
GE TRADITA FUERAT SIS*, non est
in Hebræo. Sacerdotes Schol. Hebræus in-
telligit omnes ministros regis: Sacerdotis
enim vox multa significat Hebræis. nem-
pe principes, magistratus, ministros. Et ve-
risimile est, illis a rege datam portionem
unde alerentur qui publicis functionibus
vacabant. Sed video Interpretes hoc loco
eam vocem in significatione tantum sa-
cerdotum fuisse.

V. 25. SALUS NOSTRA IN MANU
TUA EST: RESPICIAT NOS TAN-
TUM DOMINUS NOSTER. Hebr. *Vici-*
ficasti nos, invenimus gratiam in oculis do-
mini mei.

V. 26. EX EO TEMPORE USQUE IN
PRÆSENTEM DIEM. Quæ regibus dan-
tur, perpetuo manent.

V. 29. MISERICORDIAM, ET VE-
RITATEM. Pollicemur ex gratia, imple-
mus ex fide. & iustitia: id significat ve-
ritas. Verba Iacob ad Ioseph.

V. 31. CONVERSUS AD LECTULI
CAPUT. Vox *conversus* non est in He-
bræo. Sept. dixerunt: *Adoravit sili-gium*
virgæ eius. Variè interpretationis causa
fuit vox Hebraica, quæ iidem profus li-
teris pro varietate punctorum nunc si-
ficat

ficat *virgam* *וְגֵד מַטֵּה*, quod Sept. dixerunt; nunc *lēdum*, *וְגֵד מִטָּב*, quod est in Hebræo, & sequitur nostra Editio, & Chaldæa, tum inter Græcos Aquila & Symm. Quo miror, Hieron. in Traditionibus diserte negare in Hebræo esse *virgam*, sed *lēdum*: nam si ad litteras tantum refertur, utrumque potius est, & *virga* & *lēdus*, pro varia prolatione. Ac suspicor ex hoc loco Hieron. & aliis, eius tempore puncta aliqua fuisse ad distinguendam variam prolationem vocum; quæ iisdem prius literis constabant; licet ea quæ in usu modo sunt puncta, Iudæi per se invenierint in congregatione Tyberiadis. Paulus profecto ad Hebr. xi. citat hunc locum iuxta interpretationem Sept. Hebraica sic: *Adoravit ergo Israel Deum super caput lēdi*. vel *ad caput lēdi*, scilicet sedens in superiori parte lēdi, quod Noster dixit, *Conversus ad lēduli caput*.

MALVENDÆ.

Vers. 3. **E**XTREMOS QUOQUE FRATrum suorum quinque *וְחֲמִשָּׁה מִכִּרְזֵב*. Quidam ut unum nomen exponunt: Et extremum, extremitatem fratrum suorum accepit quinque homines. Alii Mem præpositionem esse malunt: Et de extremo, de extremitate fratrum suorum accepit, &c. & hoc rectius est; ac varie elucidant. I. Et partem, vel de parte fratrum suorum accepit quinque, &c. II. Et quosdam fratrum suorum, Hebræi enim *וְחֲמִשָּׁה* pro quidam, & quædam, usurpant. III. Et de fine, extremitate, summa, termino, fratrum suorum, &c. id est, de tota summa fratrum suorum tulit quinque viros. Finis pro summa: rationum enim finis est summa. IV. Et extremitatem fratrum suorum, id est extremos quosque, id est qui villiori & despectiori erant aspectu, & persona: ne si robustiores & præstantiores adduxisset, Pharao illos in militiam, vel armatam, vel palatinam traxisset. V. Extremos, a contrario, id est præstantiores, & robustiores, qui ceteris proceritate, forma, & viribus præstarent: Hispanice, *los mas estremados*: ut eorum aspectu Pharao erga Hebræos afficeretur. Sic sumitur id verbum Iudicum xviii. 3. VI. Extremitatem fratrum suorum quidam intellegunt principii, & finis; id est, accepit

de utraque extremitate, nempe de primis & ultimis, ut eorum intuitu de omnium ætate rex iudicium faceret.

V. 6. MAGISTROS PECORUM MEORUM. Virgilius XII. Aeneidos *magistros pecorum etiam vocat*:

.... *peridi cessere magistri*.

Ubi Servius: *Proprie magistri sunt militum, pastores pecorum. Sed reciprocæ sunt istæ translationes: nam & dux militum pastor vocatur, ut diximus supra ex Homero; & magistros pecorum dicimus: Cicero: Quem magistrum pecoris esse dicebant. Notant, Aegyptios aluisse pecora, & armenta, non ad maciandum, & comedendum: nam ea pro diis habebant, nefasque iugulare ducebant; sed ad lanam, lac, caseum, stercora, & ad vendendum. Sed si rationes Africani, & Eusebii, ex Manerhone Aegyptio sacerdote desumptæ, non fallunt, hoc tempore quo Iacob cum familia descendit in Aegyptum, adhuc rerum potiebatur tertia dynastia pastorum, seu bucolorum, vel bubulcorum: unde hic Pharao, qui tum imperabat, ex pastorebus, seu bucolis erat: nihil ergo mirum si greges, & armenta aleret: cui quoque ea accessit causa, ut Ioseph, & Israelitis tantopere saveret, quod pastores, ut ipsi, essent.*

V. 7. BENEDICENS ILLI; id est, salutavit, bene precatus est, cuncta illi felicia & fausta optavit: gratias egit, mirifice collaudavit, quod suos tantopere diligeret, & extulisset. Sic vers. 10. & I. Samuel. xv. vers. 14.

V. 11. IN OPTIMO TERRÆ LOCO, RAMESSES. S. Hieronymus: *Dedit eis ut possiderent Aegypti optimam terram in Ramesse: pagum Arsenoitem sic olim vocatum autumant*. At si Rameses erat in terra Gosen, ut Scriptura palam indicat supra vers. 6. & si Rameses erat in extremis Aegypti finibus, ut diserte S. Hieronymus epistola cxxvii. mansione 1. affirmat, & est maxime verisimile; certe Arsenoitem pagum vel præfecturam esse non posse, nimis est perspicuum; cum post, vel ultra Nomos, Bubasten, Heliopolitarum; Heracleoticum, venientibus a Chananaea, sit Arsenoites, ut ex Strabone, Plinio, Ptolemæo, & cunctis geographis liquet. Benjamin Tudelensis: *Ab antiqua Mirraim ad regionem Gosen octo parasangæ*
Vuu 2 sunt;

funt: ea Bulastr Zalabitz dicitur, urbs magna, in qua Iudaei circiter mille funt. Hinc dimidium iter conficiunt in Obizkaal le Oben al Zemezz, quae olim Raghomess fuit, nunc diruta urbis ruina: in qua opera multa conficiuntur a patribus nostris quondam edificata, in bique ingentes quaedam moles turrium inflat, ex lateribus constructae. Rameffen quidam Bufirin, aut Bufiritem nomen, Strabonis, Plinii, Ptolemaei existimant. Ego eam in nomo Bubaste, aut Heliopolitano fuisse, facile crediderim. Vide Exodus 1. vers. 11.

V. 12. PRAEBENS CIBARIA SINGULIS. Hebraice, *Ori*, vel *ad os parvuli*. I. *Sicut parvulus*; ac si esset *ad os parvuli*, curam eorum gessit; & universa eis necessaria providit, ac si essent parvuli. Cura parvulorum attentior & sollicitior esse solet: quod ipsi se curare non possint; quasi dicat: Nihil ipsi de cibo & vitæ necessariis curabant: cuncta Ioseph procurabat. II. *Ad os parvuli*, id est sine pretio, & labore, ut parvulis datur. III. *Ad os parvuli*, ad satietatem, & saturitatem, sepe, frequenter, ut parvuli comedere solent. IV. *Ad os parvuli*, ut sit emphatica locutio, ac plena cura, & amoris, quasi cibum in nos ingruere, ut solet fieri pueris. V. *Ad os parvuli*, pro ratione, & numero parvulorum: ut etiam unicuique ex parvulis suam designaret portionem. VI. Quidam *ἵνα* *lepi* volunt esse particulam expletivam, & idem esse quod secundum, ad taxam, ad estimationem, ad rationem, ad mensuram: ut indicet, quantum quisque comedere possit; ut Exod. xii. 4. *Ad os*, secundum, *comedere sumum*. Sic, *Ad os parvuli*; assignavit cibaria secundum quod quisque etiam parvulus comedere posset. VII. *Ad os parvuli*, id est, usque ad os parvuli; scilicet, omnes parvi a maximo usque ad minimum.

V. 13. ET OPPRESSERAT FAMES TERRAM. Ex Hebræo varie convertunt: Et laffa, fatigata, feffa, defeffa, diffoluta, effeta fuit terra. Alii, Inaniunt, furit, in rabiem, In furorem affa effe terra. Nihil magis in rabiem vertit quam famem. Nonnulli, Defecta, vrbibus deftituta effe terra. Verbum **לחם** *lahab* non alibi extat, nifi hic in Kal, & Proverb. xvi. 18. in Hithpabel; ubi Nolter *noxium* effe vertit.

V. 17. SUSTENTAVITQUE EOS.

325 *nebul* proprie est *commode*, *leniter*, *blande*
duxit, *adduxit*, *ut bonus pascitor*. Hinc
 metaphoricè *pro sustentare*, *educare* sumi
 volunt. Quidam, *portavit eos levandi causa*,
sustentavit eos, *sublevavit eos*. Sed nihil
 rectius quam *duxit eos*. Educere Latinis,
 pro educare. Terentius Adelphis: *Eduxi a*
parvulo, *babui*, *amavi pro meo*. Tacitus
 frequenter eo verbo *educendi*, pro *educandis*
 utitur; *ut in contubernio Legionum educantur*,
 de Caligula.

V. 18. **AESQUE CORPORIBUS** :
Hebr. *Nisi corpus nostrum*, id est penemortuum, ac fame confectum.

P. 21. Singulare quid hoc verſu exprimunt Hebraea, nempe Pharaonem tranſituſiſſe populo Aegypti de urbibus in urbes, iuſſiſſe eos mutare ſedes per totam Aegyptum, atque reliſſiſſe propriis locis, in alios commigrare; nempe habitatoribus permutavit ſedes per totam provinciam, in ſignum videlicet quod nihil proprii amplius haberent in terra; & ne fanis cauſa conſurarent, & defeſiones, aut rebelliones ſtruerent.

V. 22. PRAETER TERRAM SACER-
DOTUM, &c. Tremellius, & Iunius, pro
sacerdotum, reddunt *praefidum*, id est offi-
cialium, eorumque in aliquo munere erant
apud regem: nam vel ipsius Ioseph exem-
plum ostendere, regis praefectis, & familiis
eorum ex regis apothecis & promptuariis
fuisse profectum: alioquin non fuissent
passi Aegyptii, familiam Iacob, quae iam
familia Iosephi habebatur, regis sumpti-
bus sustentari. Non ero magnus Apollo,
si divinem, istos, ut hunc egregium locum
pro immunitate sacerdotum, eluderent,
eiusmodi interpretamentum commentos
tanto illis fastidio & dolori esset sacerdotum
immunitas! Ridiculos & exhibilandos, at-
que antiquitatis Aegyptiae ignaros se praebent.
Sacerdotum terram fuisse nomen
Heliopolitani, ex Strabone annotavimus
supra cap. XLII. verf. 45. Diodorus Sicu-
lus Lib. I. cap. XXI. *Isti cum utilitate etiam
sacerdotes invitare ad cultus istos Ofridis vel-
let, tertiam eis terram partem ad decurum mi-
nistria, & sacra munia fruemdam donavit.*
Et cap. 37. *Totius regionis Aegypti, quae
tripartita est, primam sacerdotum ordo his
portione vendit.* Ergo hic omnes anti-
qui & recentiores sacerdotes sacrorum mi-
nistros intelligunt.

¶ 31. ADORAVIT ISRAEL DEUM
CONVERSUS AD LECTULI CAPUT.

Hebr. *Et incurvavit se Israel super caput lecti.* מִטָּה *mittab* proprie lectus, stratum, reclinatorium, ubi homo sese reclinat, & extendit a נָחַם *natab*, extendere, reclinare. Exponunt: Cum præ senectute, & lassitudine federet in lecto, nec posset assurgere, quo potuit conatu debile corpus in formam adorantis prono vultu composuit, ac Deum adoravit. gratiasque illi egit pro singulari illo beneficio quo iuramento filii confirmatus, certum habuit, se sepeliendum in terra Chanaan cum patribus suis: quam rem maxime optabilem cum primis habebat. Idem dicitur de Davide I. Paralipom. xxix. 10. & I. Reg. i. 47. Quidam hic nihil de adoratione dici volunt; sed quod finito sermone cum Ioseph, quem sedens in lecto habuerit, reclinaverit se senex & procubuerit ad quiescendum super cervicali lecti, labore, & lassitudine confectus. Sed ii nesciunt verbum מִטָּה *scabab* in Hithpael semper dici de inclinatione, incurvatione, prostratione quæ fit alicui honoris & reverentiae causa. Sed cur dicitur Iacob adorasse super caput lecti? Quidam, quod ea parte respiceret orientem, ad quem conversi patris orabant. Alii, quod esset versus Chanaanæ terram promissam, ubi Christus nasciturus erat, &c. Nonnulli, ne videretur adorare filium, convertisse se ad caput lecti. Fortasse, quod ex cervicalibus conformavit, ac quasi effigiarit quoddam veluti altare, in quo sibi figuraret Deum præsentem, S. Hieronymus: *Sancius quippe, & Deo deditur vir, oppressus senectute, sic habebat lectulum positum, ut ipse iacentis habitus absque difficultate ulla ad orationem esset paratus.* Eadem habet S. Augustinus quæstione clxii.

Eadem vox Hebræa eisdem litteris, sed punctis variatis, מִטָּה *matte*, significat virgam, baculum, scipionem, sceptrum: Unde LXX. hic reddiderunt: *Et adoravit Israel super summitatem virgæ eius*: quod totidem verbis secutus est Paulus Heb. xi. 21. Non est improbandum, quod plerique intelligunt Iacobum adorasse caput, seu summitatem virgæ, vel sceptri Ioseph: nam sceptrum tam forte gerebat, insigne sui sultanatus, & præfecturæ; quasi filium honorans & venerans ut moderatorem & præsidem Aegypti. Atque tunc quidam

existimant impletum fuisse somnium Ioseph, quod sol adoraret ipsum; nam antea non legitur Iacob adorasse Iosephum.

Mihi nihil videtur prudenter dictum aut excogitatum, quam quod habet S. Augustinus quæstione clxii. cuius idcirco verba subiicio: *Quod habent Latini codices, Et adoravit super caput virgæ eius, nonnulli codices emendatius habent: Adoravit super caput virgæ suæ, vel in capite virgæ suæ, sive in cacumine, vel super cacumen.* Fallit enim eos verbum Græcum, quod eisdem litteris scribitur, sive eius, sive suæ; sed accentus dispares sunt, & ab eis qui ista noverunt, non contemnuntur. Valent enim ad magnam discretionem: quamvis & unamplius litteram habere posset, si esset, suæ, ut non esset aurum, sed iaurum: ac per hoc merito queritur quid sit quod dictum est. Nam facile intelligeretur, senem, qui virgam ferebat, eo modo quo illa ætas baculum solet, ut se inclinavit ad Deum adorandum, id virque fecisse super cacumen virgæ suæ, quam sic ferebat, ut super eam caput inclinando adoraret Deum. Vide S. Hieronymum: *A qui plerique in Paulo pariter reddunt, Super summitatem virgæ suæ.* Unde illud Nostrum, *Virga eius*, pro reciproco capiunt, id est suæ. Unde hic quidam convertunt: *Et incurvavit se Israel super caput virgæ*, hoc est super caput baculi, seu scipionis, quem senex in manu habebat: nempe summitate baculi nixus; se incurvavit, & corpus inclinavit ad adorationem: ut gratias ageret Deo, qui intus spiritu, foris iuramento filii, futurum confirmabat, ut impleteretur id quod non tam sua, quam suorum causa petierat.

Utraque interpretatio & ista Nostrum hic, & illa LXX. & Pauli vera, divina, & a Spiritu Sancto: nam facile est utrumque potuisse contingere, ut nixus summitate scipionis, adoravit ad lectuli caput, ubi forsitan habebat oratorium: nam nihil necesse est Iacobum hic in lecto sedentem componere: aut forte prope lectum ad manum habebat scipionem, quem accipiebat tunc; ut se commodius vertetet, eo nixus, ac se in adorantis habitum conformaret.

M E N O C H I I.

Vers. 1. **N**UNTIAVIT PHARAONI. Reverentiae in regem id fuit: & fortasse aliquis metus animum illius subit ne animo mutatus esset Pharaon; itaque non recta introduxit.

V. 2. **EXTREMOS.** Heb. est, *De extremitate fratrum suorum accepit quinque viros.* Vatablus explicat: Non selegit, sed maxime obvios accepit. Alii interpretantur, praestantissimos. Alii ut Pererius & Oleaster, vilissimos & abiectiones quoad speciem, ne scilicet Pharaon, aut militiae adscribere, aut in aulam inducere tentaret, unde mores illorum corrumprentur, & incommodis aliis paterent. Satiis iudicavit ut scorum quiete agerent.

V. 4. **NON EST HERBA GRECIBUS.** Citius Chananzæam herba defecerat, quam Aegyptum: quia Chananza altior, terra vero Gessen humilior est pars Aegypti, & multis fossis irrigua ex Nilo.

V. 6. **IN CONSPECTU TUO EST:** elige quam voles partem: idem significat quod *coram te est.*

V. 7. **BENEDICENS ILLI,** salutans, & fausta precatus regi, & fortasse dicens, *Vivat rex, aut rex in æternum vive:* nam differt benedictio qua minor maiori benedicit, ab ea qua maior minori.

V. 9. **PEREGRINATIONIS MEAE.** Iacob multum fuerat peregrinatus, & omnes in hac vita peregrinatura Domino. **PARVI,** pauci, multo enim breviori tempore vixi quam maiores mei. **MALI,** pleni ærumbris, & infelices.

V. 10. **BENEDICTO REGE:** postquam regi valedixit.

V. 11. **RAMESSES,** in regione illa provinciae Gessen ubi postea Ramesse oppidum extructum Israelitarum opera.

V. 13. **TOTO ORBE,** magna orbis parte: est hyperbole.

V. 14. **INTULIT IN AERARIUM,** nihil sibi reservans, ut ait Philo.

V. 15. **PANES,** triticum ad conficiendos panes.

V. 18. **ANNO SECUNDO,** ab adductis, & venditis pecoribus, qui fuit quartus, vel quintus ab inchoata fame.

V. 19. **EME NOS IN SERVITUTEM:** parati sumus mancipia fieri. Pot

est quis seipsum vendere, & liberos famis vitandæ causa. **PRAEBE SEMINA.** Poterat aliquid feri aliquibus locis iuxta Nilum, ut supra dictum est.

V. 21. **A NOVISSIMIS TERMINIS AEGYPTI USQUE AD EXTREMOS FINES EIUS.** Hebræa sic habent: *Et populum transire scilicet ad civitates de una extremitate termini Aegypti usque ad extremitatem eius;* id est, incolas transfudit de una in aliam remotissimam civitatem. Id factum ut turbis, & seditionibus obviam iretur, si forte aliquæ existerent, dolore stimulante, quod suis possessionibus exciderent.

V. 22. **TERRAM SACERDOTUM.** Vide immunitatem bonorum sacerdotum. Ita crediderim factum voluntate potius Pharaonis, quam studio Ioseph, qui idolorum cultoribus non est existimandus favere, & tributa remittere voluisse. **NON SUNT COMPULSI:** quia nulla pressa penuria.

V. 23. **DIXIT ERGO IOSEPH,** anno famis septimo, & ultimo, cum iam spes futurae fertilitatis assulgeret.

V. 24. **IN SEMENTEM.** Vult Philo speculatores positos, qui viderent ut sationi ea pars impenderetur.

V. 25. **SALUS NOSTRA IN MANU TUA EST:** per te salvi futuri sumus: omnia tibi, & regi debemus, & deferimus.

V. 26. **QUASI IN LEGEM.** Hebræus, Græcus, & Chaldaeus simpliciter aiunt hanc legem a Ioseph in perpetuum latam.

V. 27. **ISRAEL, Iacob.**

V. 29. **PONE MANUM TUAM SUB FEMORE ME.** Vide dicta cap. xxiv. 2. **MISERICORDIAM ET VERITATEM.** Dux sunt explicationes. Una quæ copulat ambo, ut sit sensus: beneficium certum, seu bona fide: altera quæ disiungit: misericordiam facias promittendo non necessitate, sed miseratione mei; veritatem, quod promiseris in rem deducendo.

V. 30. **SED DORMIAM CUM PATRIBUS MEIS.** Huius voti plures cause fuerunt. Primo optavit in terra sancta, in qua sola futurus Dei cultus, cum piis parentibus sepeliri. Secundo ut hac postulatione securos faceret de reditu suorum in Chanaanitidem, atque ita a deliciis Aegypti

gypti eorum animam averteret. Tertio ut reversi in Chanaanem posteri haberent præ oculis sepulcrum suum monumentum, & incitamentum virtutis, IV. quia non ignorabat Christum in Chanaanæ versaturum, moriturum, & resurrecturum cum multis, ex quorum numero esse cupiebat. IN SEPULCRO MAIORUM MEORUM: in spelunca duplici, de qua supra cap. xxiii. 17.

V. 31. IURA ERGO: non diffidit filio, sed præbet exultationis anam cum Pharaone. CONVERSUS, ad orientem, sive ad terram promissionis. AD LECTULI CAPUT. Septuaginta vertunt: *Adoravit Iacob salsigium virgæ eius, sceptræ scilicet Iosephi.* Utraque interpretatio vocibus Hebraicis convenit pro varietate subiectionum punctorum, & utrumque Iacob præstiterat: adoravit, id est reverentiam exhibuit scepro, & potestati Iosephi; & Deum etiam adoravit gratias agendo, quod eam mentem dedisset Ioseph ut in Chanaanem cadaver transieret, & patribus suis apponeret iuxta postulatam suam.

TIRINI.

Perf. 22. PRAETER TERRAM SACERDOTUM: horum enim erat cultui divino, & virtutum ac sapientiæ studio integre vacare: unde merito ab omni tributo, vestigialibus, aliisque oneribus publicis eximebantur, & a principe ex publico alebantur, testibus Herodoto, Hieronymo & Diodoro Siculo a: ratione naturali id docente, & exigente. Quanto ergo maiori iure id veris sacerdotibus novi testamenti a principibus christianis præstandum? inquit Chrysostomus, & Theodoretus.

V. 30. CONDAS ME IN SEPULCRO MAIORUM MEORUM, id est in Hebron terræ Chanaan, ubi Abraham, Isaac, Iacob, verosimiliter & Rebecca, sepulti fuerant. Idem fuit votum, & præceptum Iosephi morituri, infra cap. ult. & verosimiliter etiam reliquorum duodecim Patriarcharum, quos Iosephus b scribit in Hebron esse sepultos; S. Hieronym. in *Sichimis*, c & hoc insinuat Actor. vii. vers. 16.

Petes: Quare adeo horrebat sepeliri in Aegypto? Respondet Rupertus, ut filio-

rum suorum animas ab Aegypti deliciis, & vitis alienos resderent, certamque ipsis postliminio in Chanaanidem reditus spem iacerent. Secundo ut in terra sancta tot aliis Sanctorum corporibus iungerentur, & maxime Christo in Chanaan nascituro, & morituro; cum quo se quoque resurrecturos forte prævidebant, aut sperabant. Tertio ut posteri parentum suorum ossa sanctales exuvias apud se, & quasi in sinu suo haberent, tamquam perpetua monumenta, & stimulos virtutum parentum. Ita S. Augustinus, Tostatus & alii.

V. 31. ADORAVIT; id est, laudavit; gratias Deo egit Israel, de tot tantisque beneficiis in Iosephum. & per Iosephum in suos omnes collatis. AD LECTULI CAPUT. Proponit Hebræo, quod *lectulum* significat, quo modo vertit S. Hieronymus, Aquila, & Symmachus, mutatis punctis legerunt LXX. Interpretes *non matre*, quod *virgam*, seu *scriptum* significat. Dicunt ergo Iacob adorasse, seu honorasse caput, id est summitatem, vel verticem virgæ, seu sceptri regii, quod Ioseph tamquam muneris sui insigne manu de more tenebat. Et hanc versionem sequitur Apostolus ad Hebræos xi. vers. 21. & Synodus septima generalis, & multi antiqui. Utraque lectio bona, proba, & vera est; utraque verosimiliter a Spiritu sancto intenta, etiam litteraliter. Et forsitan hæc est ratio cur S. Scriptura ea lingua, & litteris conscribi voluerit, quibus in scripture desessent puncta, ut sensuum diversitas ex diversorum punctorum appositione nasci posset, qui simul a Spiritu sancto intenderentur.

(a) Herod. in Euterpe. Hieron. Lib. 1. adversus Iovinian. Diod. Sic. l. b. 1.

(b) Ioseph Lib. II. Antiq. cap. xv.

(c) Hieron. in epitaphio Paula, & Epiq. et. ad Pammachium.

GORDONI.

Perf. 2. EXTREMOS QUOQUE FRATREM SUORUM. Aliqui viliores intelligunt; aliqui minores ætate fratres. Hebr. de extremitate: *אֶחָד מֵאֵלֶּיךָ*, extremum, nil vetat alterutrum accipi.

V. 6. MAGISTROS PECORUM. Accipio hoc nomine equos, asinos, camelos; immo oves & boves: licet enim his non ute-

interentur ad esum Aegyptii, utebantur ramen ad onera, fementem, lanam, & lac.

V. 7. **BENEDICENS ILLI**; hoc est, fausta precatus Pharaoni, post salutationem. Sic Ioab benedixit regi Davidi; hoc est, vale dixit, II. Reg. xiv. 21. Rameffes urbs tunc edificata ab Israelitis in terra & regione Gessen, ex Hieronymo.

V. 9. **RESPONDIT**. Hic quisque dat ex sua opinione chronologiam Iacob. Res a nobis explicata alibi est.

V. 11. Terra Rameffes est terra Gessen: nam supra cap. xlv. vers. 28. ubi Noster habet Gessen, Septuaginta habent Rameffes. Aedificata est ibi postea urbs ab Israelitis illis dicta Rameffes. Exod. xi. vers. 11. & quæ nomen hoc dedit regioni; atque ita Moyses per anticipationem nunc vocat terram Rameffes, ut dicebam.

V. 13. **IN TOTO ORBE**. Hoc est ex Hebr. *in terra*; immo etiam *illa*, propter articulum *baarets*.

V. 18. **ANNO SECUNDO**: non quidem sterilitatis, sed anno secundo a commutatione pecorum.

V. 19. **PRAEBE SEMINA**. Poterat scilicet aliquid iuxta Nilum, si forte ascenderat.

V. 22. **PRAETER TERRAM SACERDOTUM**. Immunitas a tributis conceditur a Pharaone, etiam Idolorum sacerdotibus.

V. 23. **DIXIT ERGO**, anno famis septimo.

V. 25. Est hoc eodem sensu apud Septuaginta, ubi venditis possessionibus dicitur populus transiisse a libertate pristina ad servitutem: discrepat tamen textus Hebraeus aliquantulum. Servitus hæc esse potuit, ut qui ante coluerunt agros ut pro-

prios, deinceps tamquam coloni colerent ut alienos, seu regios. Hinc vers. 26. dicitur consuetudo hæc solvendi annuam pensionem regi, ut directo domino transivisset in legem.

V. 28. **ET VIXIT**. Hanc moram in Aegypto, & totam chronologiam Iacob aperte ostendunt in Opere chronologico anni nostri expansi.

V. 29. **PONE MANUM TUAM SUB FEMORE MEO**. De hac iurandi formula dixi cap. xxiv. vers. 2. Gratiam hanc & fidem petit, ut impleatur quod petitur.

V. 30. **CONDASQUE IN SEPULCRO MATORUM MEORUM**. Vult sephiri cum patribus suis in Hebron, ubi Abraham, Sara, & Isaac sepulti sunt.

V. 31. **ADORAVIT ISRAEL DEUM, CONVERSUS AD LECTULI CAPUT**. Ex diversa lectione. *lecti*. & *virga*, habet hoc quidem duplicem sensum. sed utrumque bonum & probatum: unde habetur duplex sensus literalis: nam lectio nem Septuaginta approbat Synodus septima, & ut iam dicam, Paulus ad Hebr. Et adoratio illa (quæ est in utroque codice) facile explicatur, ut sit laudare Deum, ac gratias agere. Septuaginta habent: *Adoravit Iacob fastigium virga eius*, nempe sceptri Iosephi. Et Paulus Heb. xi. legit cum Septuaginta. Sed varietatem hanc explicat mutatio punctorum: nam vox *מטב mittab* significat lectulum; at *מטב matheb* est virga. Hieronymus in Traditionibus negat esse virgam, qui proinde intellexit esse vocem *mittab*. Constat post Hieronymum, & anno Christi 476. mutata esse, seu addita puncta, * aut certa anno 508.

(*) Qua de re erudit hic idem Auctor de Verbo Dei cap. 12.

CAPUT XLVIII.

Iacob egrotantem invisit Ioseph, cuius filios Manassen & Ephraim Iacob sibi adoptat ac benedicit, minorem, contradicente Ioseph, maiori præponens, & supra fratres partem unam Ioseph tribuens.



1. * Is ita transactis, nuntiaturum est Ioseph quod ægrotaret pater suus: qui, assumptis duobus filiis Manasse, & Ephraim, ire perrexerit. 2. Dictumque est seni: Ecce filius tuus Ioseph venit ad te. Qui confortatus sedit in lectulo: 3. & ingresso ad se ait: Deus omnipotens (a) apparuit mihi in Luza, quæ est in Terra Chanaan, benedixitque mihi, 4. & ait: Ego te augebo, & multiplicabo, & faciam te in turbas populorum; daboque tibi terram hanc, & semini tuo post te, in possessionem sempiternam. 5. Duo ergo filii tui, qui (b) nati sunt tibi in Terra Aegypti antequam huc venirem ad te, mei erunt: (c) Ephraim, & Manasses, sicut Ruben, & Simeon reputabuntur mihi. 6. Reliquos autem quos genueris post eos, tui erunt, & nomine fratrum suorum vocabuntur in possessionibus suis. 7. Mihi enim, quando veniebam de Mesopotamia, (d) mortua est Rachel in terra Chanaan in ipso itinere, eratque venum tempus: & ingrediebar Ephratam, & sepelivi eam iuxta viam Ephratæ, quæ alio nomine appellatur Bethlehem. 8. Videns autem filios eius, dixit ad eum: Qui sunt isti? 9. Respondit: Filii mei sunt, quos donavit mihi Deus in hoc loco. Adduc, inquit, eos ad me, ut benedicam illis. 10. Oculi enim Israel caligabant præ nimia senectute, & clare videre non poterat. Applicitosque ad se deosculatus, & circumplexus eos, 11. dixit ad filium suum: Non sum fraudatus aspectu tuo: insuper ostendit mihi Deus semen tuum. 12. Cumque tulisset eos Ioseph de gremio patris, adoravit pronus in terram. 13. Et posuit Ephraim ad dexteram suam, id est ad sinistram Israel; Manassen vero in sinistra sua, ad dexteram scilicet patris: applicuitque ambos ad eum. 14. Qui extendens manum dexteram, posuit super caput Ephraim minoris fratris; sinistram autem super caput Manasse, qui maior natu erat, commutans manus. 15. (e) * Benedixitque Iacob filiis Ioseph, & ait: Deus, in cuius conspectu ambulaverunt patres mei Abraham, & Isaac, Deus qui pascit me ab adolescentia mea usque in præsentem diem, 16. (f) Angelus, qui eruit me de cunctis malis, benedicat pueris istis: & invocetur super eos nomen meum, nomina quoque patrum meorum Abraham, & Isaac, & crescant in multitudinem super terram. 17. Videns autem Ioseph quod posuisset pater suus dexteram manum super caput Ephraim, graviter accepit; & apprehensam manum patris levare conatus est de capite Ephraim, & transferre super caput Manasse. 18. Dixitque ad patrem: Non ita convenit, pater: quia hic est primogenitus, pone dexteram tuam super caput eius. 19. Qui renuens, ait: Scio, fili mi, scio: & iste quidem erit in populos, &

Xxx

mul.

multiplicabitur; sed frater eius minor, maior erit illo, & femen illius crescit in gentes. 20. * Benedixitque eis in tempore illo, dicens: In te benedicetur Israel, atque dicetur: Faciat tibi Deus sicut Ephraim, & sicut Manasse. Constituitque Ephraim ante Manassē. 21. Et ait ad Ioseph filium suum: En ego morior, & erit Deus vobiscum, reducetque vos ad terram patrum vestrorum. 22. Do tibi (g) partem unam extra fratres tuos, quam tuli de manu (h) Amorrhæi in gladio & arcu meo.

(a) Sup. XXVIII. 13. (b) Sup. xli. 50. (c) Ios. XIII. 7. 29. (d) Sup. XXV. 11. (e) Heb. xl. 22. (f) Sup. XXXI. 29. XXXII. 3. Matth. XXIII. 10. (g) Ios. XV. 7. XVI. 1. (h) Ios. XXIV. 6.

B R U G E N S I S

ROMANÆ CORRECTIONES.

V. 1. *His ita transfactis*. Non est mutandum adverbium *ita* cum coniunctione *itaque*.

V. 15. *Benedixitque Iacob filiis Ioseph*. In multis libris est *Benedixitque Ioseph filio suo*; in quibusdam *Benedixitque Iacob Ioseph*.

V. 20. *Benedixitque eis*. Non mates plurale *eis* cum singulari *ei*.

N O T A T I O.

V. 15. Regia Biblia legunt: *Benedixitque*

Iacob Ioseph, & ait. Novem scripta ab Hentenio notata, & viginti a nobis collecta cum Rabano habent: *Benedixitque Ioseph filio suo*, & ait: & hanc germanam esse nostræ versionis lectionem, verosimile est. Hebraice, & Chaldaice est: *Et benedixit ipsi Ioseph*, & ait. Quod autem in aliis Latinorum exemplaribus legitur: *Benedixitque Iacob filio, aut filius Ioseph*, & ait, ad Græcæ accedit (quæ habent: *Et benedixit eis*, & ait) & sensum exprimit: ipsi enim Ioseph in filiis benedixit.

C O M M E N T A R I A

S A.

Verf. 2. C O N F O R T A T U S, id est resumptis viribus.

V. 5. M E I E R U N T; id est, succedent mihi in terra promissa: Hieron. R E P U T A B U N T U R; scilicet, uterque constituet suam familiam: Hieron.

V. 6. N O M I N E F R A T R U M; quasi dicat: In divisione terræ comprehenduntur sub Ephraim & Manasse.

V. 7. E R A T Q U E V E R N U M T E M P U S, ET I N G R E D I E B A R E P H R A T A M. Hebr. *Erat miliare usque ad Ephratam*. Vide sup. cap. xxxv.

V. 11. N O N S U M F R A U D A T U S A S P E C T U T U O. Hebr. *Non putabam me visurum faciem tuam*.

V. 16. B E N E D I C A T; id est, det felicitatem.

V. 19. M A I O R: scilicet ex illo, Iosue, & primi reges Israel.

V. 20. B E N E D I C E T U R I S R A E L,

ATQUE DICETUR. Hebr. *Benedicet dicendo*; quasi dicat: Cum populus Israel fausta precabitur, dicet.

V. 22. P A R T E M U N A M, scilicet Sichein, quæ ob stuprum Dinæ acquisita Iacob, vel agrum illic emptum. I N G L A D I O E T A R C U, id est iure belli, seu pecunia multo labore parta.

E S T I I.

Verf. 5. E P H R A I M, ET M A N A S S E S, S I C U T R U B E N, ET S I M E O N, R E P U T A B U N T U R M I H I. Sensus est: Duos filios tuos Ephraim, & Manassē ego mihi adopto in filios; atque ita duarum etiam tribuum capita constituent, sicut Ruben, & Simeon. Nominat autem Ruben, & Simeon, quod hi natu maximi essent, ut intelligeretur tanto magis etiam ceteris Ephraim, & Manassē in eo iure æquari.

V. 6. R E L I Q U O S A U T E M Q U O S G E N -

GENUERIS. . . . TUI ERUNT. Nulla Scriptura refert Ioseph alios filios genuisse. Quare quod hic dicitur conditionaliter accipiendum est. Et sane Vatabli versio sic habet: *Si qui post hos tibi nascentur*. Atque ad illum proinde sensum explicanda quoque videntur Hebræa: *Et generatio tua, quam genuisti post illos*; et si duriusculum sit.

V. 7. ERATQUE VERNUM TEMPUS. Vide cap. xxxv. vers. 16.

V. 16. ANGELUS QUI ERUIT ME DE CUNCTIS MALIS, BENEDICAT PUERIS ISTIS, ET INVOCATUR SUPER EOS NOMEN MEUM, &c. Quidam, ut Oleaster, hinc statuunt invocationem sanctorum. Sed non est necessum huc recurrere; nam ubicumque per totam Scripturam invocatur Deus Abraham, Deus Isaac, & Deus Iacob, aut pro eorum respectu pii homines exaudiri a Deo petunt, ibi & ipsi suo modo invocantur. At vero quod hic dicitur, *Invocetur super eos nomen meum, nomina quoque patrum meorum*, secundum phrasim Hebraicam sensus est, ut Ephraim, & Manasses, tamquam ex Iacob geniti, nomine eius gaudeant æque atque filii. Ita dictum est Ierem. xiv. *Nomen sanctum tuum invocatum est super nos*.

V. 22. DO TIBI PARTEM UNAM EXTRA FRATRES TUOS. LXX. habent: *Do tibi Sichimam præcipuam super fratres tuos*. Hebr. est vocabulum *Sichem*, quod sonat humerum vel partem: unde & Noster generatim habet *partem unam*. Verumtamen *Sichem* quoque, aut certe bonam eius partem fuisse datam Ioseph satis patet Iosue ult. ubi sic legitur: *Ossa quoque Ioseph, quæ tulerunt de Ægypto, sepeliverunt in Sichem* (nota in Sichem) *in parte agri, quem emerat Iacob a filiis Hemor, & fuit in possessionem filiorum Ioseph*. Sic ibi.

Sed quæres: Quid est hoc quod hic addit Iacob: *Partem unam quam tuli de manu Amorrhæi in gladio, & arcu meo*? Respondent nonnulli, quod Iacob censeatur Sichimam sibi armis vindicasse, quia filii eius Ruben, & Simeon eam armis subiegarunt, ut est supra cap. xxxiv. Sed id non recte, nam factum est id Iacob inviro, & omnino iniuste, ut ibi plurimis ostendimus, Itaque alii verisimiliter dicunt,

quod cum occasione huius crudelitatis Ruben, & Simeon, vicini Amorrhæi etiam expellere vellent Iacobum possessione agri, quem illo loco emerat, ut est cap. xxxiii. ille iure belli & agrum illum, & vicina simul loca armis sibi asseruerit.

MARIANAE.

Vers. 2. **S**EDIT IN LECTULO. Miratur Hieron. in Tradition. cum eadem sit prorsus dictio hic & cap. superiori extremo, nempe *mittab*, quid Sept. superius *virgam*, hic *lectum* sunt interpretati? Sed iam est varietatis vera causa explicata.

V. 5. SICUT RUBEN, ET SIMEON REPUTABUNTUR MIHI, scilicet duo filii Ioseph. Ius primogeniti ablatum a Ruben, propter eius improbitatem, transferretur in Ioseph: I. Paralip. v. Et quidem inter alias prærogativas primogenito duplicia dabantur: quod hoc loco fit; quando duas tribus mandat ut constituant duos eius filii, atque duplicem portionem terræ dari illis.

V. 7. MORTUA EST RACHEL IN TERRA CHANAAN. Hebr. *Mortua est, & balai, super me Rachel in terra Chanaan*. Illud *super me* quidam explicant iuxta me, quidam mihi. Locus difficilis. Hebræus Schol. loco infinitivi sumit, ac si diceret, *ascendere me*; pro, cum ascenderem, & quidem lente, ad caput familiaræ. Vult enim se excusare cur illam in via sepelivit, nempe ne a familia & gregibus discederet, neve faceret festinare. Quod autem additur: **ERATQUE VERNUM TEMPUS**: **כִּבְרַת מֵרֵץ** *chiorath erez*, cum adhuc esset milliaria terræ usque ab Ephrata: Hebræi ita intelligunt, & confirmant, quoniam Rachelis sepulcrum non amplius ab Ephrata distat seu Bethlehem. Chald. *Mortua est Rachel in terra Chanaan in via, cum adhuc esset spatium terræ, ut ingrederetur Ephratam*. Sed & Hieronymi versio quo pacto defendi possit, indicat Pagnina. in Diction. Hebr. radice **בָּרָה** *barab*.

V. 11. NON SUM FRAUDATUS ASPECTU TUO. Hebr. *Videre faciem tuam non putavi, vel non sum precatus*: utrumque enim verbum **פָּלַחְתִּי** *palathi* significare potest; certe quoniam mortuum putabat.

bat. Additur Hebr. *Et ecce ostendit te mihi Deus, etiam & semen tuum*. Noster: **IN SUPER OSTENDIT MIHI DEUS SEMEN TUUM**.

V. 14. COMMUTANS MANUS. Hoc ex Sept. sumptum est; nam Hebraice est: *Intelligere fecit manus furoris*, nempe direxit eas quasi praeclias futurorum, aut quasi intelligerent quod facerent.

V. 16. INVOCETUR SUPER EOS NOMEN MEUM: dicantur filii mei. **NOMINA QUOQUE PATRUM MEORUM** quasi super capita tribuum; id est, vocentur filii Abraham, & Isaac. **ET CRESCANT IN MULTITUDINEM**. In Hebræo: *Crescant quasi pisces*: quorum scilicet est genus secundissimum.

V. 19. MAIOR ERIT ILLO: scilicet ex illo, scilicet Ephraim, natus Iosue, & primi reges Israel. In eo Ephraim fuit maior Manasse.

V. 20. IN TE BENEDICETUR ISRAEL, ATQUE DICETUR: FACIAT TIBI DEUS SICUT EPHRAIM. Ex hoc loco Iudæi explicant omnes benedictiones promissas Abraham, & semini eius, nimirum dicturos posteros: Deus faciat tibi sicut Ephraim, & filiis eius. Nos ad gratiam referimus per Christum.

V. 22. DO TIBI PARTEM UNAM EXTRA FRATRES TUOS, Sept. *Do tibi Sichimam præcipuam super fratres tuos*. Hebr. est vox *Sechem*, quæ & *Sichimam* significat, & *humerum*: sic quoniam humerus est pars corporis, & quoniam additur, *Do tibi Sechem unam*; vocem *Sechem* plerique Hebræi, & nostri in significatione partis samplerant. Quid enim esset, *Do tibi Sichimam unam*, quasi duas haberet eo nomine urbes? Sept. *unam* intellexerunt *Sechem præcipuam*: erat enim *Sichem* omni fertilitate inter vicinas regiones conspicua. Sane cum constet ibi esse sepulcrum Ioseph, & *Sichimam* illi datam a patre, Ioan. iv. vers. 5. tamen ibi vocatur *Sichar* (vel corrupta voce, ut putat Hieron. in Tradition. vel quoniam binomia erat) existimare debemus, hoc loco factam Iosepho eam donationem, & per vocem *Sechem* significari *Sichimam*. Quod si simul *partem* significari contendas, non morabor, modo sic locum reddas: *Do tibi partem unam*, nimirum *Sechem* ipsam. **QUAM TULI DE MANU AMOR-**

RHÆI. Erant ii fortissimi inter Chanaanæos. Sed *Hemor*, cum quo lis fuit, Hevæus erat, cap. xxxiv. vers. 2. sed Hevæi, & Amorrhæi socii erant. **IN GLADIO ET ARCU MEO**. Iustitiam Hieron. intelligit per gladium & arcum, qua meruit, occiso Sichem, eam obtinere. Hebræus etiam Schol. *In sapientia mea, & oratione mea* explicat. Alii in oratione mea, & deprecatione mea. Ita volunt locutionem esse metaphoricam. Fortassis etiam quod fecerunt filii, sibi tribuit: sic erit perinde ac si diceret: Iure belli acquisivi.

M A L V E N D A E.

Vers. 3. DEUS OMNIPOTENS APPARUIT MIHI. De hoc vers. & sequenti vide Genesis xxxv. vers. 11.

V. 6. ET NOMINE PATRUM SUORUM VOCABUNTUR. S. Hieronymus: *Non accipient separatim terram, nec funiculos proprios habebunt, ut relique tribus; sed in tribubus Ephraim & Manasse quasi appendices populi commiscebuntur*.

V. 11. NON SUM FRAUDATUS ASPECTU TUO. Hebr. *Videre faciem tuam non iudicavi, non censui*; id est, non venit mihi in mentem ut aliquando te viderem; non feci iudicium apud me, quod te unquam videre possem. Alii: *Videre faciem tuam non putavi, non cogitavi*. Quidam, consentiente verbo cum Hebraico *לֹא פָלַל*: *Videre faciem tuam non appellavi*; id est, non induxi in animum, non appuli in animum. Possis reddere: *Videre faciem tuam non interpellavi, non oravi*; id est, adeo te pro mortuo habui ut penitus desperaverim me a Deo precibus obtinere posse ut te vivum viderem.

V. 14. SINISTRAM AUTEM SUPER CAPUT MANASSE, QUI MAIOR NATO ERAT, COMMUTANS MANUS. Hebr. *Intelligere, cognoscere fecit*, *erudit, sapientificavit, manus suas, quia, vel quod Manasse primogenitus*: quod ita exponunt: Quamvis hebetes & obtusi essent senio oculi Jacob, ut aspectu discernere nequiret, uter esset primogenitus; tamen docte, scite, perite, attente, ex industria, sapienter, consulto; non temere, forte, a casu, inconsulte, inepte, manus suas transverfas posuit, ac commutavit: quasi dederit manibus suis intelligen-

tiā

tiam & sapientiam, ut sapienter, & intelligentius illud facerent quod faciebant, ac si essent consilia rerum futurarum. Quasi dicat: Singulari consilio & ratione, sciens ac volens transtulit ac commutavit manus suas, ut dexteram dirigeret super Ephraim, qui minor natu erat, & sinistram super Manassem, qui erat primogenitus; vel, quamvis esset primogenitus. Frigide, & inepte quidam reddunt: *Cognoscebat palpendo manibus suis Manassem esse primogenitum.* Et quia hic verbum *כח* *facal*, est cum Sin sinistro, quod eiusdem est facultatis & rationis cum Samech, & invicem substituantur, non aliene hic reddemus, *Stultescere fecit manus suas*: nam *כח* *facal* cum Samech *stultum* esse significat; id est, si naturæ, & humanitatis ordinem spectes, *stultescere fecit manus suas*, stulte, præposuere, & perverse eas collocavit, nimirum dextram super minorem, & sinistram super primogenitum; pervertit naturæ ordinem: at si mysterium, & rerum futurarum eventum, sapientissime & consideratissime ea transtulit. Itaque iam idem verbum & sapientiam, & stultitiam significat. Addunt alii, significare etiam *traducere*, & *superponere* unam alteri in modum crucis; quod Noster dixit, *Commuto manus*; id est, unum brachium super aliud ponens in modum crucis. Unde notant apud Chaldaeos & Indos crucem dici *mascā*: nam interrogatus Indus quidam Christicola, qui crucem semper gestabat in manu, more gentis, quo nomine illa crux vocaretur in suo idiomate apud Indos, respondit, quod appellabatur *mascā*: atque hic ita posset converti: cruciavit, crucifixit, in modum crucis aptavit manus suas. Addunt insuper, *כח* *casal* transpositum, esse offendere, impingere, scandalizari. Hinc *כחשול* *michsul*, scandalum: & hic posset transferri, Scandalizari, impingere, incurere fecit manus suas, cum eas transposuit. Ex his colligunt, unam & eandem vocem significare sapientiam, stultitiam, crucem, scandalum. Atque eo respexisse doctissimum Paulum arcanorum linguae sanctæ magnum mysten, cum I. Corinth. 1. 23. ait: Nos autem prædicamus Christum crucifixum, Iudeis quidem scandalum, Gentibus autem stultitiam; ipsi autem vocatis Iudeis, atque Græcis Christum Dei virtutem, & Dei sa-

pientiam. Hæc auctori Lexici Hebraici Complutensis, & Forstero annotata, viâ sunt aliena Mercero; ego non aspernor. Egimus de his in Antichristo Lib. IX. cap. IV. Notant, verbum *facal* in Pihel non alibi quam hic reperi; ac significare *insignem industriam*, & *accuratum ac gravam considerationem, animumque intentum ac diligens studium in re quæ agenda suscipitur.*

V. 16. ANGELUS, QUI ERUIT ME DE CUNCTIS MALIS. Verbum *מגאל* *gaal*, ex vicinia affinium verborum, aiunt significare *rem alio devolutam ad se revolvere*, & *redire facere*, seu *transferre*, quod Latini dicunt *redimere*: a si accipias pro rem, vel a seipso, vel a consanguineo proximo donatione, seu venditione devolutam, & contractu quodam implicatam, iure proprietatis pristinæ, aut propinquitatis, sibi rursum asserere, & vindicare. Notant, quod quando hoc verbum ipsi Deo tribuitur, tum immediate de secunda in divinis persona intelligendum esse: nempe de Filio Dei, qui ideo homo est factus, & carnem nostram assumpsit, ut propinquus & consanguineus proximis, nos venumdatus sub peccatum, & in fatiæ potestatem redactus, iure propinquitatis sanguine suo redimeret, suoque nos regno assereret, & vendicaret. Itaque eiusmodi omnes loci veteris testamenti, in quibus *gaal* de Deo dicitur, confirmant egregie fidem de incarnando Filio Dei, & de in carne redemptione humani generis per sanguinem ipsius. Hæc sunt vere & sane observata; atque sic semper Forsterus & Mercerus errarent. Unde hic: *Angelus redemptor*, vel *qui redimit me ab omni malo*, *benedicat pueros istos*: loquitur de Christo in carne mittendo. Insignis locus de incarnatione Filii Dei. ET INVOCATUR SUPER EOS NOMEN MEUM, NOMINA QUOQUE PATRUM MEORUM; id est, post hæc dicantur filii mei, & filii maiorum meorum, transcribuntur in meum nomen & familiam, fontantur meam appellationem, censeantur, & locum obtineant inter patriarchas, ac principes tribuum Israel. Sic Isaïa IV. 1. *Invocetur nomen tuum super nos*; id est, vocemur de tuo nomine.

V. 22. DO TIBI PARTEM UNAM. *כח* *schechem*, unam, sine dubio est elegant-

gantissima prophetica locutio, qua homonymice una & eadem voce *schechem*, & proprium nomen urbis Sichem indicat, & *numerus*, seu *portionem*, aut *partem* supererogationis, qua super aliorum fratrum portiones Iosephum auxit, significat: ut ille Trimalchio in convivio, uno & eodem verbo *carpe* & vocabat, & imperabat, apud Petronium. Nam *schechem*, & appellativum est, *numerus*, *dorsum*, vel metaphorice *montanum tractum* significans; & proprium *schechem* urbis, regionisque ad Iosephi posteros pertinentis. De Sichem expresse habes Ioannis iv. 5. Verum qua ratione hanc partem agri Sicimitæ Iacob gladio & arcu suo, id est belli iure tulerit ab Amorrhæis varie elucidant. Certum est, eam partem primum a Iacobo emptam centum agnis, vel nummis, Genes. xxxiii. 19. ac deinde aiunt, belli iure acquisitam, quando Simeon & Levi urbem everterunt, masculis trucidatis, & ceteris abductis: nam & si scelus eorum Iacob exhorruerit, ut & sequenti cap. vers. 5. videmus; quia tamen totam eius familiam armavit, quasi sub eius auspiciis militasse videntur, & agrum cultore vacuum & habitatore desertum suum fecit. Nonnulli exponunt, *Quam cepi e manu Amoræi*; hoc est, nondum re, sed fide possidens, ac omnino de promissione Dei confirmatus, perinde de ea dispono ac si iam possiderem]. GLADIO ET ARCU MEO, id est armis: ita designat fore ut postea sui vi armata promissam terram acquirant, Deo ipsos armante, & inimicos debilitante. Synecdoche, ut Psalm. xliii. vers. 6. Alii alia afferunt, sed illud prius est simplicius. Disputavit de hoc loco late Masius ad Iosue xxiv. vers. 32. Dividam tibi ac seponam partem, portionem unam præ ceteris fratribus tuis, nempe prædium, seu agrum Sichimitem.

M E N O C H I I.

Vers. 1. **Q**UOD AEGROTARET: langueret senio, paulatimque deficeret.

V. 2. CONFORTATUS: gaudio quasi roboratus ob carissimi filii conspectum, & simul spiritu prophetico illum implente.

V. 4. ET AIT. Ita commemorat, ut qui præsentibus aderant intelligerent ius ipsi

competere dividendæ terræ Chanaan, & filios Iosephi adoptatos in partem hereditatis adscribendos. **P O S S E S S I O N E M S E M P I T E R N A M**, longo tempore duraturam.

V. 5. MEIERUNT: adoptati sortem sortientur non minus quam Ruben, & Simeon.

V. 6. QUOS GENUERIS: si quos genueris; nec legimus ullos postea genuisse. **NOMINE FRATRUM SUORUM VOCABUNTUR:** quando dividetur terra Chanaan, non accipiet funiculum proprium tamquam capita tribuum, sed sub Manasse, & Ephraim comprehenduntur.

V. 7. MIHI ENIM... MORTUA EST RACHEL IN TERRA CHANAAN. Hæc dicit ne Ioseph miretur eum tantopere sollicitum ut in Mambre, seu Hebron sepeliatur, cum uxorem suam dilectissimam Iosephi matrem ipsimet in Ephrata sepeliret. Docet se id non sponte, sed necessitate fecisse. **VERNUM TEMPUS:** quo tempore facile putrescunt cadavera; ideo non potui illud deferre usque in Hebron, præsertim quia tot greges agens, iter accelerare non poteram.

V. 8. VIDENS. Quamvis caligaverant oculi præ senio, videbat filios Iosephi; sed non satis discernere quinam essent.

V. 9. ADDUC: propius admove.

V. 11. NON SUM FRAUDATUS ASPECTU TUO, &c. Hebraice est significantius: *Quod faciem tuam viderem, nunquam apud me cogitarem;* & ecce Deus ostendit mihi etiam semen tuum.

V. 12. DE GREMIO PATRIS. Accedentes ad senem genu flexerunt, & sic erant capite in sinum eius demisso, & quasi genibus incumbabant. Ne ergo avum gravarent, & ut illis commodius benedictionem impartiretur, Ioseph inde amotos utrinque collocat ad latus senis sedentis, & Iacob pedes supra lectulum collegit. **ADORAVIT,** Ioseph tum patrem, illi se reverenter incurvando; tum proprio Deum, gratias pro hoc beneficio, & benedictione patris.

V. 14. SUPER CAPUT EPHRAIM. Ille præsertur, primo quia ex Ephraim nascituri erant reges Israel, puta decem tribuum: ita Eusebius. Secundo quia hæc tribus & gloria, & numero superavit tribum Manasse, ut prædicit Iacob num. 19.

Tertio quia ex Ephraim nasciturus erat Iosue dux Israelis, qui populum induxit in Chanaan, unde & typus fuit Christi, qui nos in cælum inducit: ita S. Hieronymus. **COMMUTANS MANUS:** Hebr. est *Fecit intelligere manus suas*; id est, sciens & prudens manus suas transposuit, scilicet decussatim in modum crucis.

V. 15. IN CUIUS CONSPECTU AMBULAUERUNT: cui placuerunt per omnia obsecuti.

V. 16. ANGELUS, custos meus: subaudi hic vocem *quoque*; quasi dicat: Deus benedicit pueris istis, Angelus quoque meus isdem benedicit. **INVOCETUR SUPER EOS NOMEN MEUM.** Hebr. *Vocetur eis nomen meum*; hoc est, dicantur filii mei, & filii Isaac, & Abraham.

V. 20. IN TE BENEDICETUR ISRAEL: quando Israelitæ volent alicui bene precari, dicent: Sic multiplicet te Deus sicut multiplicavit Ephraim, & Manasse.

V. 22. EXTRA FRATRES TUOS: futuræ divisioni eximens, iam nunc tibi illam concedo ut eximiam. Hæc parseximia fuit Sichem, quæ in sorte filiorum Ioseph ponitur Iosue cap. xvii. **DE MANU AMORRHÆI,** ab Emor, quem late sumpto vocabulo vocat Amorrhæum, cum Hevæus fuerit. **IN GLADIO ET ARCU MEO.** Iacob agrum situm in Sichem prius emit pecunia ab Emor cap. xxxiii. num. 39. sed cum post stragem Sichimis a suis illatam, metuens ne Chananæi in se vicissim irruerent, inde abiisset, tunc agrum hunc Sichimensem occuparunt vicini Amorrhæi quos rediens Iacob vi, & armis expulit, suumque agrum in gladio, & arcu recepit. Hoc enim hic clare dicitur, licet alibi res gesta non narretur. Ita ex Andrea Masio Pererio, & alii.

T I R I N I.

Perf. 14. COMMUTANS MANUS, nempe decussatim in modum crucis, ita ut dexteram suam imponeret capiti Ephraim stantis ad sinistram; atque ita prætulit minorem natu maiori Manasse stanti ad dexteram suam. Quod & comprobavit eventus: longe enim maior celebriorque fuit tribus Ephraim tribu

Manasse: nam & ager Sichemiticus, quem extra ordinem cessit Iacob Iosepho, obvenit filio eius minori Ephraim; & Iosue tantus dux, & typus Christi, ex Ephraim natus fuit. Et Ieroboam eiusque successores ex Ephraim oriundi, imperium in reliquis tribus per plurimos annos obtinuerunt.

Allegorice, Rupertus per manus Iacob decussatas intelligit crucem Christi, & per Ephraim minorem natu populum Gentilem, qui maiori natu populo Iudaico per Manassem designato præpositus fuit. Ut solet divina providentia, cum per se specialem delectum facit, fere semper iuniores, quia viliores in oculis hominum, proponere senioribus: verbigratia, hominem Angelo, Abelum Caino, Isaacum Ismaeli, Iacobum Esau, Phares Zare Iosephum Rubeno, Ephraim Manasse, Moïsem Aarone, Davidem septem fratribus. Ita Theodoretus.

Petes: Quomodo dicit Iacob, se agrum illum Sichemiticum, quem hic dat Iosepho, tulisse de manu Amorrhæi in gladio, & arcu suo, seu vi, & manu armata; cum id nusquam in Scripturis legatur; immo constet ex Gen. xxxiii. vers. 19. & Iosue ult. vers. 32. hunc agrum emptum fuisse a Iacob pretio centum agnorum? Respondeo: Emit primo hunc agrum; sed post stragem Sichimis illatam a Simeone, & Levi, metu ne Chananæi factum ulciscerentur, agro exceßerat Iacob: tunc invaserunt agrum Amorrhæi vicini, quos rediens Iacob vi & armis expulit, sibi que postliminio vendicavit. Ita ex Andrea Masio, Pererio, a Lapide, Bonficer.

Disparatio totius peregrinationis Patriarchæ Iacob vide in Chronico nostro cap. xvi.

G O R D O N I.

Perf. 1. A EGROTARET, morbo ad mortem propendente.

V. 2. IN LECTULO. Hebr. *de mita*. Vide cap. xlvii. vers. 31.

V. 3. DEUS OMNIPOTENS APPARUIT MIHI IN LUZA. Deus bis in Luza apparuit Iacobo; nempe dum iret ad Laban in Mesopotamia, supra cap. xxviii. vers. 13. & iterum post reditum, cap. xxxv. vers.

vers. 9. Eadem promissio utrobique facta.

V. 4. Hæc commemoratione ostendit sibi ius esse, & posteris in Chanaan, & adoptandi filios Ioseph in partem hereditatis.

V. 5. DUO ERGO FILII TUI, &c. Tribus Ioseph in duas dividitur, in Ephraim, & Manasse; & sic hos nepotes Iacobus adoptat in filios, pro futura divisione Chananæ. Hic annus est ultimus & 147. vitæ Iacob, Iosephi 56. & horum nepotum fere annus 21. qui nati sunt paulo post principatum Iosephi. Vide cap. xli. vers. 50. MEI, inquit, ERUNT; ac si ego eos genuissem.

V. 6. QUOS GENUERIS; tamen non legitur genuisse alios.

V. 7. MIHI ENIM QUANDO VENIEBAM DE MESOPOTAMIA, &c. Hebr. *Et ego cum venirem*; unde clarum est, *quod enim* in nostro textu non esse particulam causalem, ut docet usus litteræ Vau, apud Hebræos; quod initio solet esse vel coniunctivum, vel ad ornatum. Cetera hic addita sunt nota ex cap. xxxv. vers. 1.

V. 8. VIDENS AUTEM FILIOS EIUS, &c. Coniungendum hoc est cum initio vers. 3. ubi incipit loqui; & nunc prosequitur, intuens, ut poterat, filios Ioseph, qui iam annum vigesimum poterant superasse.

V. 12. CUMQUE TULISSET EOS, &c. Ioseph & ipse inclinatus tulit filios a sinu patris, ut ipsi quoque inclinati benedictionem acciperent ab avo.

V. 14. QUI EXTENDENS MANUM DEXTERAM. Per manum dextram la-

cob præfert Ephraim iuniorem, quippe ex quo nascituri erant reges præcipui tribuum Israel, & Iosue dux populi, ad possidendam terram promissam, ut habet Hieronymus.

V. 16. ANGELUS.... BENEDICAT PUERIS ISTIS, ET INVOCETUR NOMEN MEUM; hoc est, vocentur filii Iacob, ut etiam ipsi Deum Iacob possint invocare.

V. 19. MAIOR ERIT ILLO. Ephraim licet iunior, tamen erit maior ob causam datam ad vers. 14.

V. 20. BENEDIXITQUE, Hæc pars prædii data Iosepho, est prædium iuxta Sichem; unde & ibi sepultus est Ioseph velut in propria hereditate, Iosue cap. ult. & aperte satis hoc denotatur Ioan. iv. vers. 5. nisi quod progressu temporis mutata sit vox Sichem in Sichar. At quo gladio acquisivit Iacob hoc prædium? Sane improbable non est (licet hoc non expresserit Scriptura) Iacob post emptum, & relictum ob cædem Sichimorum, hunc agrum repetivisse iterum armis. Et certe, ut ait Scriptura, quo tempore venditus est Ioseph, fratres palcebant gregem in Sichimis. Vide supra cap. 37. vers. 12. & hic vers. 22. ubi postea Samaria.

V. 22. DO TIBI. Pars hæc data Iosepho, est ager urbis Sichem, vel Sichar, Ioan. iv. vers. 5. Acquisitus dicitur gladio, hoc est vel per excidium Sichimorum, de quo supra cap. xxxiv. vel quando post aliquot annos ab hoc excidio (ut dicebamus) putatur Iacob retinuisse vi, vel aliter hunc agrum. Nec placet metaphora quam dat Torniellus,

C A P U T XLIX.

Iacob singulis filiis suis benedicens, & quorundam defectus arguens, futura illis prædicis, tandemque declarato sepulchra sua loco moritur.

1.  Ocauit (a) autem Iacob filios suos, & ait eis: Congregamini, ut annuntiem quæ ventura sunt vobis in diebus novissimis. 2. Congregamini, & audite filii Iacob, audite Israel patrem vestrum. 3. Ruben primogenitus meus, tu fortitudo mea, & principium doloris mei; prior in donis, maior in imperio. 4. Effusus es sicut aqua, non crescas: (b) quia ascendisti cubile patris tui, & maculasti stratum eius. 5. Simeon, & Levi fratres, vasa iniquitatis bellantia. 6. In consilium eorum non veniat anima mea, & in cœtu illorum non sit gloria mea: (c) quia in furore suo occiderunt virum, & in voluntate sua suffoderunt murum. 7. Maledictus furor eorum, quia pertinax; & indignatio eorum, quia dura. (d) Dividam eos in Iacob, & dispergam eos in Israel. 8. Iuda, te laudabunt fratres tui: manus tua in cervicibus inimicorum tuorum, adorabunt te filii patris tui. 9. (e) Catulus leonis Iuda; ad prædam fili mi ascendisti: roquiescens accubuisti ut leo, & quasi leona: quis suscitabit eum? 10. (f) Non auferetur sceptrum de Iuda, & dux de femore eius, donec veniat qui mittendus est, & ipse erit expectatio gentium. 11. Ligans ad vineam pulum suum, & ad vitem, o fili mi, asinam suam. Lavabit in vino stolam suam, & in sanguine uvæ pallium suum. 12. Pulchriores sunt oculi eius vino, & dentes eius lacte candidiores. 13. Zabulon in littore maris habitabit, & in statione navium pertingens usque ad Sidonem. 14. Issachar asinus fortis accubans inter terminos. 15. Vidit requiem quod esset bona, & terram quod optima; & supposuit humerum suum ad portandum, factusque est tributis serviens. 16. Dan iudicabit populum suum sicut & alia tribus in Israel. 17. Fiar Dan coluber in via, cerastes in semita, mordens ungulas equi, ut cadat ascensor eius retro. 18. SALUTARE tuum expectabo Domine. 19. Gad, accinctus præliabitur ante eum; & ipse accingetur retrorsum. 20. Aser, pinguis panis eius, & præbebit delicias regibus. 21. Nephthali, cervus emissus, & dans eloquia pulchritudinis. 22. (g) Filius accrescens Ioseph, filius accrescens, & decorus aspectu: filix discurrerunt super murum. 23. Sed exasperaverunt eum, & iurgati sunt, invideruntque illi habentes iacula. 24. Sedit in forti arcus eius, & dissoluta sunt vincula brachiorum & manuum illius per manus potentis Iacob: inde pastor egressus est lapis Israel. 25. Deus patris tui erit adiutor tuus, & Omnipotens benedictet tibi benedictionibus cæli desuper, benedictionibus abyssi iacentis deorsum, benedictionibus uberum, & vulvæ. 26. Benedictiones patris tui confortatæ sunt benedictionibus patrum eius, donec veniret desiderium collium æternorum: fiant in capite Ioseph, & in vertice Nazaræi inter fratres suos. 27. Benjamin lupus rapax, mane

Y y

come-

comeder prædam, & vespere dividet spolia. 28. Omnes hi in tribubus Israel duodecim: hæc locutus est eis pater suus, benedixitque singulis, benedictionibus propriis. 29. Et præcepit eis, dicens: Ego congregor ad populum meum: sepelite me cum patribus meis in spelunca duplici quæ est in agro Ephron Hethæi, 30. contra Mambre in terra Chanaan, (b) quam emit Abraham cum agro ab Ephron Hethæo in possessionem sepulcri. 31. Ibi sepelierunt eum, & Saram uxorem eius: ibi sepultus est Isaac cum Rebecca coniuge sua: ibi & Lia condita iacet. 32. Finitisque mandatis quibus filios instruebat, collegit pedes suos super lectulum, & obiit; appositusque est ad populum suum.

(a) Deut. XXXIII. (b) Sup. XXV. 26. I. Paral. 5. 2. (c) Sup. XXIV. 25. (d) Ios. XII. 3. XVI. (e) I. Paral. 5. 2. (f) Ios. 1. 45. Math. 11. 6. (g) I. Paral. 5. 1. (h) Sup. XXIII.

C O M M E N T A R I A

S A.

Verf. 1. **N**OVISSIMIS, id est futuris post hanc ætatem, seu postea: id enim significat phrasis hæc in Scriptura. Itaque quod Joel. 11. dicitur, *Post hæc, Aëtor. 11. vertitur. In novissimis diebus.* Vide I. Tim. IV. & II. Timoth. III. Ista. 1x.

V. 3. **DOLORIS**; quasi dicat, præcipua causa dolendi, scilicet ob peccatum tuum. Hebr. & Chald. *roboris*; quasi dicat, virtutis generativæ primus fructus. **LXX. principium filiorum meorum.** **PRIOR**, scilicet iure primogenituræ; sed id amisit, scilicet duas partes hereditatis, quæ datæ Ioseph; & sacerdotium, quod Levi; & regnum, quod Iudæ datum. Vide Deut. XXI. Chald. *Tu accepturus eras tres partes:* scilicet primogenituram, sacerdotium, & regnum; *sed non accipies*, &c.

V. 4. **EFFUSUS**, scilicet dissolutione peccati. **SICUT AQUA**; quasi dicat, totus profusus in libidinem. **CRESCAS**; pro, creces, id est excelles.

V. 5. **FRATRES**, id est socii, scilicet in scelere. **VASA**, id est instrumenta, seu arma.

V. 6. **GLORIA**, id est anima. Sic Psalm. LVI. *Exurge gloria mea.* **FURORE**, id est ira. **VIRUM**, pro viros, scilicet Sichimitas. **IN VOLUNTATE SUA**; id est, suos affectus fecuti. **SUFFODERUNT**, id est everterunt, seu vallarunt. **MURUM**, id est urbem Sichem.

V. 7. **DIVIDAM**; scilicet sparsi vive-

bant Levitæ, & Simeonitæ, qui fere Scribæ.

V. 8. **IN CERVICIBUS**; quasi dicat, superabis, seu subicies hostes. **TE**, scilicet ut regem: vel Christus hic intelligitur, qui de tribu Iuda.

V. 9. **CATULUS**; pro, ut catulus. **AD PRÆDAM.** Hebr. *a præda.*

V. 10. **DONEC VENIAT.** Sensus est, non regnaturum alienigenam ante Christi nativitatem. Regnavit quidem Herodes antea, sed non legitime, nisi secundo Christi anno, quo illum Iudæi in regem suum volentes susceperunt. Vide Philo. Lib. II. de Tempore. & Ioseph XVII. Antiq. cap. III. **QUI MITTENDUS EST**, scilicet Messias. **EXPECTATIO**; scilicet, expectabunt eius secundum adventum. Iustin. Orat. ad Anton. Augustinus XVIII. de Civit. cap. XLVII.

V. 11. **LIGANS AD VINEAM PULUM SUUM.** Fertilitatem indicat sortis Iudæ; quasi dicat: Abundantiæ magnis vitibus, adeo ut possint ad eas asini alligari, eritque maxima copia vini, & lactis. **IN VINO**, id est in sanguine. Tertul. contra Marc. Lib. IV. Iustin. Orat. ad Anton. **STOLAM**, id est corpus, secundum Tertullianum; vel fideles, secundum Iustinum.

V. 12. **PULCHRIORES**; pro, pulchri, seu rubicundi: id enim significat verbum Hebr. **VINO**, id est ob vini copiam. **LACTE**, id est ob lactis, quo vescitur, copiam.

V. 14. **INTER TERMINOS**; quasi dicat, in medio aliorum.

V. 15.

V. 15. PORTANDUM, scilicet tributum onus, id malens quam bellis fatigari.

V. 16. IUDICABIT; quasi dicat, erunt Iudices ex tribu Dan. Id in Samsonem Impletum.

V. 17. FIAT; pro, fiet, seu erit. COLUBER, id est ut coluber; quasi dicat, erit in bello astutus. Quidam ad Antichristum referunt ex tribu Dan futurum; alii ad Samsonem.

V. 18. EXPECTABO, scilicet ex alia tribu.

V. 19. PRAELIABITUR, scilicet hostium exercitus. IPSE, scilicet Gad, ACCINGETUR; quasi dicat, strenue pugnabit. RETRORSUM, scilicet hostes in fugam vertens.

V. 20. REGIUS, id est quibus etiam reges delectari possint, seu esse contenti.

V. 21. CERVUS EMISSUS; quasi dicat, velox. PULCHRITUDINIS, id est pulchra; quasi dicat, erit secundus.

V. 22. DISCURREUNT; quasi dicat, confluerunt puellæ ad videndam eius pulchritudinem.

V. 23. EXASPERAVERUNT, scilicet hostes; quasi dicat, habebit multos hostes: vel de fratribus loquitur, a quibus est venditus. IACULA autem vocat arma iniquitatis, quibus in eum usi.

V. 24. SEDIT IN FORTI; id est, permansit validus, seu victor evasit. DESOLUTA SUNT VINCULA; scilicet, e carcere ereptus est. POTENTIS, id est Dei. PASTOR, scilicet pavit patrem, & fratres. LAPIS, id est firmamentum, scilicet sustentans in fame.

V. 25. ABYSSI, id est aquæ; quasi dicat, solo irriguo. ET VULVAE; quasi dicat, filiorum.

V. 26. CONFORTATAE, id est ampliores; quasi dicat, Maior est benedictio qua te benedico, quam ea qua sum a patribus meis benedictus; scilicet, me felicius eris. VENIRET; pro, veniat; quasi dicat, duret usque ad Christum desideratum a Sanctis. FIANT, id est maneat, sive impleantur, scilicet benedictiones. NAZARAEI, id est separati, scilicet cum venditus est.

V. 27. LUPUS; pro, velut lupus. SPOLIA, scilicet hostium, quos superabit, ut solet lupus oves. Significat autem,

ut lupus mane & vespere prædari solet, ita Beniamin sæpe victoriam reportaturum de hostibus.

V. 28. OMNES HI, scilicet capita sunt.

V. 29. POPULUM, scilicet qui in Limbo.

EST II.

Vers. 4. DE Ruben: EFFUSUS ES ... NON CRESCAS. *Non crescas*, Hebr. *Non excellas*. Quare hac voce illum privatum nonnulli dicunt iure primogenituræ; quasi dixisset Iacob, Nolo consequaris prærogativam dignitatis. Certe constat primogenituram datam filiis Ioseph: I. Paralip. v. Et benedictio quæ hoc loco Ioseph data est, non obscure etiam innuit plus Ioseph omnibus ceteris fratribus esse tributum; speciatim cum Iacob in ipsum se transfundere dicat benedictionem a patribus acceptam, quale nihil est in benedictionibus aliorum. Itaque sensus est: *Effusus es sicut aqua*; hoc est, evanuit, ad nihilum redactus es, contemptibilis factus es propter flagitium tuum, quod sequitur. Et similis locutio est Psal. xxi. *Sicut aqua effusus sum*. QUIA ASCENDISTI CUBILE PATRIS TUI. Vide de hoc eius scelere, id est de concubitu cum uxore patris sui cap. xxxv.

V. 5. SIMEON, ET LEVI ... VASA INIQUITATIS BELLANTIA. Vide dicta supra ad caput Genesios xxxiv. Porro quid sibi vellet, quod pater in eos dicit vers. 7. *Dividam eos in Iacob, & dispergam eos in Israel*, vide Iosue xix. & xxi.

Vers. 10. NON AUPERETUR SCPTURUM DE IUDA ... DONEC VENIAT QUI MITTENDUS EST. Manifesta est de Christo propheta: nam & Hebræorum plerique de Christo hoc testimonium accipiunt, & Chaldaeus Paraphrastes illud, *Donec veniat, qui mittendus est*, expresse ita reddidit, *Donec veniat Messias*. In captivitate quidem Babylonis finem habuit series regum Iuda, sed tamen tunc adhuc fuerunt iudices populi ex hac ipsa tribu, ut significatur Danielis xiii. ac deinceps continuati sunt huiusmodi iudices seu duces, ut constat ex Libris Esdræ, Machabæorum, & Iosepho, usque dum Herodes alienigena, primum quidem illud regnum invasit, sed ita tamen ut,

Yyy 2 tette

teste Iosepho, etiam consentientibus Iudeis, tandem in eo confirmatus sit. Significatur ergo quod tunc tempus erat expectandi Messiam hic promissum. Respondent Iudaei, quod tunc non venerit Iesus Nazarenus, sed aliquot annis post, atque ita ipse non sit hic Messias. Sed sciant, id quod modicum est pro nihilo reputari; aut si pertinaciter dicant in Herode non fuisse omnino sceptrum de Iuda sublatum, eo quod tunc adhuc esset concilium supremum Sanedrim, ex hac ipsa quoque potissimum tribu collectum sciant; illud ipsum quoque Christo iam iam nascituro sublatum, teste Iosepho. Sensus itaque est: non auferetur potestas regia a Iuda, nisi illi surrogetur (utpote ex eadem tribu) excellentius regnum Messiae in omnes gentes. Nempe pro eo quod hic dicitur, ET IPSE ERIT EXPECTATIO GENTIUM, Aggae 11. dicitur: *Veniet desideratus cun-ctis gentibus.*

V. 17. FIAT DAN COLUBER IN VIA. Septuaginta habent *ἰσὺν τῆ δᾶν ὅτι ἐστὶν ὄφις*; id est, *salus est ipsi Dan serpens in via*, ut non ipse Dan comparetur serpenti, sed potius pati dicatur serpentem. Salsbourn in XIV. Isaie sic intelligit ut significetur fortitudo ipsius Dan contra hostes, quam per colubrum putat significari. Hinc impletum hoc multi volunt in Samfone, qui suis hostibus Philistaeis fuit velut coluber in via, & cerasles in senita. Perique tamen ad Antichristum referunt, & favere videtur Apocalypsis cap. VII. ubi tribus Dan inter electas tribus praetermittitur; quae res ratione non caret. Ambrosius Lib. de Benedict. Patriarcharum cap. VII. *Non, inquit, Samsanem haec prophetia significat, sed Antichristum, qui futurus est ex tribu Dan.*

V. 27. BENIAMIN LUPUS RAPAX. Ad litteram praedicatur bellicositas illius tribus, & victoriae de hostibus; idque patet ex consequentibus, quae sunt comedere praedam, & dividere spolia. Recte reicit Liranus expositionem Hebraeorum de altari sacrificiorum, quod fuit in tribu Benjamin, deque sacrificio matutino & vespertino. Quomodo enim hac contemplatione de tribu illa dicitur, quod sit lupus rapax, quodque praedam dividat, & comedat? Aptius sane de tribu Levitica, cui cedebant hostiarum partes, id dicere.

tur. Ceterum mysticus sensus est de Saulo, postea Paulo dicto, Beniamiticae tribus; primum quidem lupo rapace, id est persecutore, deinde vero spolia dividente, id est verbi divini eximio predicator.

V. 28. BENEDIXITQUE SINGULIS BENEDICTIONIBUS PROPRIIS. Quomodo singulis, seu unicuique propriis, cum Simeon, & Levi fuerint coniuncti; & quomodo benedictionibus, cum eisdem, atque etiam Ruben loco benedictionis reportarint maledictiones? Respondeo: Idem est singuli quod pene singuli; nam exceptio tantum est in uno pari; quamvis ex consequenti quoque singuli eorum aliquid peculiare habuerint, ut mox patebit. Porro sub benedictionibus etiam maledictiones Scriptura comprehendit; quasi dicat imprecationes; nametque quod de Simeone, & Levi dicitur: *Diridam eos in Jacob, & dispergam eos in Israel*; quamvis maledictio sit, si sola spectetur felicitas temporalis, Deus tamen vertit in benedictionem, nempe quando Tribus Levitica fuit erecta ad ministerium sacrum, & sacerdotale, cuius ratione debebat per universam illam gentem dispergi. Ex tribu autem Simeon fuerunt homines docti & periti legis, qui doctrina sua populum instruxerunt, ideoque & ipsi dispersi.

M A R I A N A E.

Verf. 1. IN DIEBUS NOVISSIMIS. Chald. *in fine dierum*; alii, postmodum; nec refert: nam quod loel. 11. dicitur verf. 8. *Post haec effundam spiritum meum.* Act. 11. refertur per in novissimis diebus.

V. 3. RUBEN... PRINCIPIUM DOLORIS MEI. Sept. *filiorum meorum*; Chald. *fortitudinis meae*. Variae interpretationis occasio vox *pr̄m on*, quae tum *dolorem* significat, quod Hieron. est secutus; tum *robur*; & quoniam robur in procreatione filiorum cernitur, Sept. dixere: *Tu principium filiorum*, id est primus. Ita bis idem dicit: *Fortitudo mea, & principium roboris mei*. PRIOR IN DONIS, MAIOR IN IMPERIO; supple, esse debucras; quasi primogenito debebatur sacerdotium & regnum, ut Chald. explicat, & primogenitura, id est duplex hereditatis portio.

V. 5. SIMEON, ET LEVI FRATRES,

VA.

VASA INIQUITATIS BELLANTIA. Hebr. *Vasa* (nempe instrumenta) *iniquitatis*, aut *indignationis gladii eorum*.

V. 6. IN CONSILIUM BORUM, in secretum, *NON VENIAT*: futurum pro præterito, *non venit*. Ostendit se eius prodicionis participem non fuisse. **IN CŒTU ILLORUM NON SIT GLORIA MEA.** *Gloria*, pro *anima*, quod ostendit verbum *תהב* *tehad*, id est *uniat*, semini generis; cum *כבוד* *chabod*, id est *gloria*, masculinum sit Hebræis. Psal. lvi. *Exurge gloria mea*, id est *anima mea*. **Occiderunt virum**, Sichein, vel *virum*, id est viros, Sichimitas scilicet. **Suffoderunt murum**: sic Chald. at Sept. pro *muro* posuerunt *taurum*: qua metaphora intelligunt Hemor patrem Sichein, nam per arietes & hircos solent intelligi principes. Vox Hebr. *for* utrumque significat, neque sententia discrepat: quando utraque interpretatio explicat direptionem Sichein, & cædem incolarum.

V. 7. DIVIDAM EOS IN IACOB, ET DISPERGAM: ne coire possint adversus fratres: & quidem Levitæ per omnes tribus erant dispersi. De Simcon in Iosue dicitur non habuisse propriam sortem, sed ex tribu Iuda parum quid accepisse, & in Lib. Paralip. quod ob multitudinem exierunt in desertum. Utrumque Hieron.

V. 8. IUDA, TE LAUDABUNT. Hebr. *Iuda tu, te laudabunt*. Alludit ad nomen, ut in aliis quibusdam, quoniam *Iuda* significat *confessionem*, & *laudem*. **ADORABUNT TE**: propter regni sceptrum eius posteris datum.

V. 9. CATULUS, ut catulus. **AD PRÆDAM FILI MI ASCENDISTI.** Hebr. *Ex præda ascendisti*, certe gloriosus, parva victoria. Vaticinatur fore Iudam victorem de hostibus. **UT LEO, ET QUASI LEAENA.** Pro *leona*, Sept. *catulus leonis*, alii & *quasi leo maior*, quod *לביא* *labi* volunt significare: quod Hieron. per *leenam* exprellit, quod sit mare truculentior.

V. 10. DUX DE FEMORE EIUS, non deerit scilicet. Hebr. *Scriba de inter pedes eius*, id est de pedibus eius. Sed bene *scriba* sumitur pro principe, pro duce, qui leges populis scribit: & per *pedes* indicat locum pudendorum; quasi dicat, de pedibus, de posteris a te genitis non deerit

dux, DONEC VENIAT QUI MITTENDUS EST. Hebr. *donec veniat Silo*, per quam vocem Hebræi vel *filium* intelligunt, vel *Messiam*. Hieron. proculdubio pro *וילה* *Siloh* legit *וילה* *Silah*, quando dixit, *qui mittendus est*: nam nisi eius litteræ mutatione ea significatio non constaret. Græci aliter legerunt, scilicet *ויל* *Selo*, diâio composita, & significat *quod ei*, vel *qua*, supple *sunt reposta*, *et annuuntia auræ*, tamen ex Græcis inulti legant & *ἀνομωται*, cui *repositum est*; quæ interpretatio ex voce Hebraica nescio qui potuit oriri. Iustin. certe contra Tryph. eo modo posuisse Sept. Interpretes confirmat, argumento, Græcos codices, qui circumferuntur, ex pura Sept. interpretatione non esse.

V. 11. LIGANS AD VINIAM. Hebr. *ad vitem*. Significat tamen his verbis & sequentibus nil aliud quam vini copiam, quæ tanta futura erat in tribu Iuda, ut sine detrimento posset asinus ligari ad vitem, & asina ad vitem electam: id enim significat *Sorec*. Vel tantam fore copiam ut ex singulis vitibus iumenta possent onerare.

V. 12. PULCHRIORES SUNT OCULI EIUS VINO. Hebr. *Rubicundi oculi eius a vino*; id est, propter vini copiam & potum rubeſcent oculi, & albedo dentium a lacte. Vini, & lactis copiam designat.

V. 14. ISSACHAR ASINUS FORTIS; id est, sicut asinus fortis, Hebr. *offeus*, aut *dorsi*. **ACCUBANS INTER TERMINOS.** Sept. *inter fortes*. Hebræus Schol. *inter duos ordines*, per quos intelligit duas oneris partes, quæ iumentis imponi solent; quasi dicat: Libenter onera imposita sustinebit, id est tributa; quod sequentia magis declarant.

V. 15. VIDIT REQUIEM QUOD ESSET BONA. Quod Moyses dixit Deut. xxxiii. vers. 18. *Issachar in tabernaculis tuis*, scilicet habitabit. **FACTUSQUE EST TRIBUTUS SERVENS.**

V. 16. DAN IUDICABIT. *Dan* significat *iudicium*: est ergo paranomasia. Hocque vaticinium in Samſone impletum est, quem colubrum & cerasstem vocat, ob astutem bellicum, & pugnandi virtutem, eaque victorias, ob quas credi potuit esse Christus. Verum cum eo mortuo videret mala populi, prorupit in illas voces vers. 18.

18. SALUTARE TUUM EXPECTABO DOMINE.

V. 19. GAD, ACCINCTUS PRÆLIABITUR. Hic est etiam Hebraice allusio nominis, quoniam *ghadad* significat congregare exercitum. Et verba Hebraica redduntur sic: *Gad, exercitus venit contra eum, vel diripiet eum, & ipse superabis calcaneum*; id est, in fine tandem victor evadet.

V. 20. ASER, PINGUIS PANIS EIVS. Abundabat olei copia ea tribus. Deut. cap. xxxiii. vers. 24. *Tingat in oleo pedem suum*: unde panis pinguis (nisi forte & frumento abundabat) & ex oleo conficiendi unguenta facultas, quibus ea gens oblectabatur, reges in primis, id significat. PRÆBERIT DELICIAS REGIBUS. In Hebr. *Ex Aser pinguis panis*: nempe ut indicet, non totum territorium pingue, sed partem fore frugiferam.

V. 21. NEPHTHALI CERVUS EMIS-SUS, aut *cerva emissa*; Hieron. propter temporaneas fruges. ET DANS ELO-QUIA PULCHRITUDINIS, idest pulchra: sive quia gens eloquentiæ erat dedita; sive per *eloquia*, ut per verba, res intelligantur; quasi dicat, dans & profrens res pulchras. Ergo *cerva emissa*, idest ut *cerva emissa*; quod alii ad pedum velocitatem referunt. Itaque valebat velocitate, & facundia.

V. 22. FILIUS ACCRESCENS IOSEPH, FILIUS ACCRESCENS, ET DECORUS ASPECTU. Hebr. *Filius fructificans Ioseph, filius fructificans super fontem*: nimirum sicut arbor iuxta fontem plantata, quæ elegans simul, & frugifera est, sic Ioseph. FILIAE DISCURRE- RUNT SUPER MURUM: certe ut viderent eius pulchritudinem.

V. 23. SED EXASPERAVERUNT, scilicet hostes. Peritiam sagittandi tribus Ephraim commendat. Iaculatores cum illo contenderunt.

V. 24. SEDIT IN FORTI, scilicet loco, ARCUS EIVS. ET DISSOLUTA SUNT VINCLA BRACHIORUM, &c. Hebr. *Et roborata sunt brachia manuum eius ex manu potentis*, hoc est Dei Iacob. Et fortassis, *Sedit in forti*, melius explicabitur, *in forti*, scilicet Deo. INDE PASTOR EGRESSUS EST LAPIS ISRAEL. Hebr. *Inde egressus est pascens*

lapidem Israel. Hic fuit Ieroboam e tribu Ephraim. Vocat *Israel lapidem*, quoniam unum corpus efficiebant tribus illæ. Vel *lapis* fuit Ieroboam fundamentum eius sceptri, aut *lapis* pro omni, pascens omnem Israel. David Kimhi.

V. 25. UBERUM, ET VULVÆ. Hebræus per *ubera* cælum intelligit, unde imber lactis instat; per *vulvum*, seu uterum, terram, quoniam fructus parit. Ergo benedictiones uterum & vulvæ, pluvias & fructus significant, quibus Iosephi posteri abundarunt.

V. 26. CONFORTATÆ SUNT BENEDICTIONIBUS, præ benedictionibus patrum meorum; scilicet, me felicior eris: uique ad terminum, seu DESIDERIUM COLLUM AETERNORUM erunt; hoc est, durabunt quamdiu mundus. Quod ait, FIANT IN CAPITE IOSEPH, ET IN VERTICE NAZARÆI, Hebr. *Ad caput Ioseph, & ad verticem corona fratrum suorum*. Vox נָזִיר *Nazir*, Nazareum significare potest, nisi sensum loci involveret: significat etiam coronam, quod magis quadrat. Sed Deuter. xxxiii. 16. in Moyſis benedictionibus, Ioseph Nazareus vocatur; ideo versus Hieron. placet. *Fiant* (supple, benedictiones) *in capite Ioseph, & in vertice Nazaræi*, id est eisdem qui inter fratres fuit Nazareus ob decorem, & quia separatus a fratribus, cum venditus est.

V. 27. BENIAMIN LUPUS RAPAX, ut lupus. Hic Saul qui mane, id est primus, obtinuit regnum, sed vespere post mortem divisum est. Vel *mane*, & *vespere*, alludit ad ingenium luporum, qui in iis temporibus prædantur. Ita Benjamin sæpe de hostibus victoriam reportavit.

V. 28. OMNES HI; supple, capita sunt.

V. 29. CONGREGOR AD POPULUM MEUM; scilicet ad beatos. Hinc colligunt, hæc verba, *congregatus*, vel *appositus est ad populum suum*, non dici nisi de prædestinatis. Abul.

Possessio agri & spelunca, quæ in eo (supple est) a filius Hebr. Versus est in Hebræo, & Græco xxxii. quem Hieronymus omisit, quoniam repetitur quod vers. 30. erat positum.

V. 32. ET OBIIT: adde, *placide, sine agritudinis molestia*: id enim נָפַח *ghavah*

significat. Sept. יָצִיחוּ, *defecit*, eodem recipientes.

MALVENDAE.

Verf. 3. PRINCIPIMUM DOLORIS MEI. Varie reddunt. I. *Principium roboris mei*, id est virilitatis meae, in quo primum vim, efficaciam, robur facultatis & potentiae generativae expertus sum, vel quem genui in flore & robusta aetate mea. II. *Principium, primitiae laboris, doloris mei*; quod filii molestias, labores, sollicitudines, anxietates, dolores soleant afferre parentibus: ut ample docet Terentianus Demea in Adelphis; ac si dicat, principium, primus filiorum meorum, uti LXX. expresserunt. III. *Principium fortitudinis meae*: quod primogenitus sit columnae familiae, dux, & imperator aliorum, qui eam fortiter, strenue administrare, tueri, & propugnare debet. IV. *Principium concupiscentiae meae*; id est, in quo primum vim, & concupiscentiam generationis exercui: nam patres illi virgines & integri ad uxores accedebant. Aiunt *וְיָמָא אֵוֶן*, seu *וְיָמָא אֵוֶן*, esse concupiscentiam illam malam primum parentum, qua persuasus serpentis, contra voluntatem, & verbum Dei, de ligno scientiae boni & mali fructum vetitum comederunt; atque haec mox in posteris propagatione carnali transfusa est, ut fomentum cordis humani malum sit, tantum ad ea quae Deo, eiusque voluntati, ac verbo adversantur, nempe ad mala promovens, impellens, affluens: unde semper de corruptione naturae, cupiditate, concupiscentia, conatu, & studio carnali, quo quis affectus est, & aliis dolorem & vim infert, aut iis ipse afficitur, accipi & intelligi debere. Hanc veri Theologi fomitem peccati, non quidem ipsam per se peccatum aut malum culpae, sed effectum peccati originalis, & causam aliorum peccatorum, recte nuncupant: quae tor dolores, & labores invexit in mundum. Unde pro *arumna*, afflictione, vel propria, vel aliis illata saepe usurpatur. Deducunt ab *וְיָמָא אֵוֶן*, desideravit, concupivit, afflictavit. V. Nec defunt qui reddant, *principium impetus mei*: nam primogenitus videtur primus impetus parentis, cum se primum virtus eius genitalis exeret, ac profert. PRIOR IN DONIS,

MAIOR IN IMPERIO: Varie quoque hunc locum in fonte convertunt. I. *Excellentia, superabundantia, exuberantia, supererectio, superrefiduum, supersaltatio, superfluitio, elevationis*; & *excellencia, superabundantia, &c.* (nam repetitur eadem dictio יָחַד *ieiber*) fortitudinis, roboris. II. adiective *Superabundans, exuberans, praestans, excellens elevatione, & excellens potentia*, id est excellentissimus sacerdotio, & regno: *leiber* potest esse abstractum, & concretum, *excellencia*, vel *excellens*. III. *Excellentia dignitatis, & excellencia roboris*; id est, duplex primogeniti dignitas, imperii, & hereditatis duplex: illa in Iudam translata, *vers. 10.* haec in Ioseph, supra cap. XLVIII. *vers. 22.* & I. Paralipom. v. *vers. 1.* IV. *Residuum, permanentia elevationis meae*; id est, ille, in quo mea dignitas, & elevatio deberet remanere; & *residuum roboris mei*; id est, in quo progenies mea, & posteritas, quae robor domus paternae dicitur, relinquenda erat. V. *Præcipuus ferendo, præcipuus robore*; id est, tu, qui præcipuus esse deberas in ferendo, & accipiendo maiorem, seu duplicem partem hereditatis, iure primogenituræ; ac eodem iure deberas esse robur, & fulcrum, seu columnam familiae, levis fuisti, cassus, vanus, &c. VI. ex verbo ita quidam reddunt, *Excellentia dignitate, & excellens robustus*, id est summe robustus: alii, *Excellentia extollendi, elevandi, & excellencia fortis*: quidam, *Excellentia domi, & excellencia regni, imperii*. *וְיָ גִבּוֹר*, obfirmationem, robur, imperium, regnum significare aiunt: nonnulli, *Excellentia alta, & excellencia fortis*. Vocem *וְיָ גִבּוֹר*, quam omnes hic *elevationem, dignitatem* exponunt, pro *levanda*, id est portione, parte, dono, donatio, quod alicui levatur, & deservitur, explicaverunt: *Excellentia levanda, & excellens robore*. Sensum huius Noster egregie expressit.

V. 4. EFFUSUS ES SICUT AQUA. *וְיָ פָּאֵחַ* quidam nomen substantivum faciunt: *Festinantia, levitas, rapiditas, instabilitas, velocitas, motus* (subaudi fuit tibi) *instar aquarum*. Alii nomen adiectivum esse volunt, *levis, temerarius, præceps*, qui audacter, & inconsiderate, ac tantum pro affectu suo errat. Alibi hæc vox non invenitur; sed participium eius radice Iudicum IX. 4. Noster *vagos*, & *Sophonize*

111. 4. *Vasanos* aptissime reddidit, quæ significatio huic loco recte convenit: *Vasanos*, *vagus* sicut *aquæ*. Taxat *vælanam*, vagam, præcipitem, effusam, & effrenem Rubenis libidinem, NON CRESCAS; Hebr. *Non superabundare, exuberare facies*; quasi dicat: Non excindetur penitus tribus Rubenica, sed non adeo augebitur, eritque parva numero. Moyses explicavit Deuter. xxxiii. 6. *Pivat Ruben*, & non moriatur; & sit parvus in numero. Quidam ex Hophal vertunt: Non exuberare fies, non fies excellens. ET MACULASTI STRATUM EIUS. Hebr. *Tunc maculasti stratum meum ascendit*. Quidam distinguunt post *maculasti*; id est, novercam, & me, & totam familiam deturpasti: deinde per pathos subiungat senex, *Stratum meum ascendit*; quasi dicat: Potuit ne turpius scelus admitti? Alii *ascendit* seorsim legunt; id est, abiit, evanuit, veluti fumus, aut nebula ascendens, extincta, dilapsa, disparuit tota Rubenis excellentia, dignitas, prærogativa primogenituræ: quia lectum patris polluit, congediendi cum Bala, supra cap. xxxv. vers. 23. Nonnulli exponunt, ut *stratum meum* sit nominandi casus, & suppositum verbi *ascendit*: *Stratum meum ascendit*; id est, excisum est, sublatus est, desit esse, evanuit; nimirum desit esse meus lectus conjugalis, non amplius cognovi Balam, aut pro uxore habui, ex quo Ruben illam polluit. Frigidus & alienus sensus.

V. 5. FRATRES. Vel quia coniuncta successione alter post alterum nati sunt, supra cap. xxix. vers. 33. & 34. vel propter conformem utriusque ingenium, & commune in Sichimitas facinus, supra cap. xxiv. VASA INIQUITATIS BELLIANTIA. Vocem *כְּכֹרִים* *mecheruth* diversimode reddunt, uti a diversis radicibus deducunt. I. *Arma violentiæ* *machera eorum*, consentiente Græca voce, id est gladii eorum, *alsanier*. II. *Vasa iniuriæ habitationes eorum*: Hispanice simili phrasi, *Vasos de poncona, sacos de maldad*: habitacula eorum plena sunt vi, & rapina. III. *Arma successionei fornaces eorum*: consulant in suis fornacibus arma ad succidendum, ut illud Maronis in VII. Aeneidos: ... *recoquunt patrios fornacibus enses*.

IV. *Vasa iniuriæ excisiones eorum*. V. *Vasa iniuriæ commutationes eorum*: spolia enim

abstulerunt gladio iniuriæ; quasi dicat; negotiationes, contractus eorum, emptiones & venditiones eorum, commercia eorum, vasa, arma, instrumenta violentiæ, iniuriæ, rapinæ. VI. *Vasa violentiæ, conventiones, passionis eorum*, quibus Sichimitas in foedus transmiserunt; id est, conventionibus, & passionibus hæc, dolosis, fraudulentis abusi sunt tamquam instrumentis, ad trucidandos Sichimitas. Vide cap. xxxiv. vers. 13. & seqq.

V. 6. IN CONSILIUM EORUM. *וְדוּד* *soð, consilium, arcanum, mysterium, secretum, sacramentum*, a *וְדוּ* *iasad, fundare*, quasi fundamentum rerum agendarum, interdum pro cœtu seu congregatione consiliantium, hoc est concilio, seu loco concilii, sumitur. Hic omnia ista complectitur, *secretum, arcanum, mysterium* iniquitatis, *consilium, cœtum, consultantium, seu concilium*; quasi dicat: Anima mea, meus animus multum abhorret a consilio arcano, a congregatione & concilio eorum. Nec dubito sacrum senem propheticæ abominatum conciliabulum illud, de quo Ioannes xi. vers. 48. *Collegerunt ergo Pontifices & Pharisei concilium*: nam illud ex sacerdotibus & levitis potissimum constabat, qui erant ex tribu Levi, quem nunc Iacob detestatur. NON SIT GLORIA MEA. Quidam exponunt, *Anima mea*, ut dicat idem quod præcedenti hemistichio, & repetitio auxilium contineat. Alii, *Gloria mea*, id est pars animæ præcipua & præstantissima, nempe spiritus. Nonnulli, *Lingua mea*; id est, in cœtu eorum non unietur lingua mea; non dicam sententiam cum illis, neque verbis, neque pedibus in sententiam eorum ibo: aliter, lingua mea nunquam probabit cœtum, seu consurrationem eorum; immo perpetuo verbis detestabitur. Notant, *כְּבֹד* *cabod*, id est *gloriam*, in Scriptura sancta, præsertim in Psalmis, aliquando synecdochice poni pro spiritu seu anima hominis, vel lingua, quæ gloriationis est instrumentum, vel instrumentum musico, quo Deus glorificatur, ut Psalm. xv. 9. Psalm. xxix. 13. Psalm. lxx. 9. Psalm. cvii. 2. 3. Alii hic *gloriam* universæ capiunt pro honore, dignitate, &c. ut dicat Iacob, optare se ut in concilio ac cœtu eorum, nec de sua anima, id est vita, aut capite, nec de suo honore, dignitate, aut fortunis decernatur: quod iniqui-

iniqui essent ac tyranni. Sed aprior sensus est ut detestetur hic Iacob indignum illud & atrox facinus istorum, quo Sichimitas deleverunt; ac si dicat: Absit a tali concilio animus meus; & gravitas mea, seu dignitas & auctoritas non uniatur, aut adunabitur, seu coniurabit cum illis. Quidam quod Hebraee verbum *uniatur* sit femineum, & non recte cohæreat cum *gloria*, quæ est masculinum, subaudiunt e præcedenti pericope *animam*: *Non uniatur anima mea*, quæ est gloria mea. Sed nihil necesse; nam usus est femineo verbo, ut indicaret, non fuisse virorum fortium illam coniurationem, adoriri languidos, & dolentes Sichimitas fraude & dolo.

V. 6. OCCIDERUNT VIRUM. Volunt poni singulare pro plurali, viros Sichimitas. Alii singulariter Schem filium Hemor intelligunt, ut quod sequitur, de patre. Nonnulli e contra hic patrem, & in sequenti filium accipiunt. IN VOLUNTATE SUA. רצון *razon* recte notant summi hæc in malam partem, quod Iacob ex indignatione animi ea voce in malum uti voluerit pro *animo libidine*, quæ quid de industria sit, & voluptas in eo capitur: unde reddunt, *In violentia sua*; alii, *In mala voluntate sua*; plerique, *Pro libidine sua*. SUFFODERUNT MURUM. Plerique quæque hic murum convertunt, ut Simeon & Levi muros etiam Sichem diruerint. Quidam reddunt, *Evertunt propugnaculum*: volunt enim שור *schur* significare edificium, ex quo prospicitur, vel quod procurrit, & foras extenditur, ad instar bovis fiat compactum ac completum, ac per omnes commissuras coagmentatum, nempe propugnaculum, seu promontorium, Hispanice *bestion*, a compactione *bestie*, & habitudine. *Schur*, quidem Hebræis murum significat, magis ex usu Chaldaico; at hic non *schur*, sed שור *schor*, diserte exemplaria præferunt: est autem, uti notant, *boviam crassior*, & habitat, quique ad perfectam iam etatem, & magnitudinem corporis ex crevit, dissenditque cutem, & corpus, habens corpus diftentum, & plenum. Alii sic dictum volunt a terribili vel torvo visu, seu aspectu, aut a forma conspicua & insigni. Nonnulli, quod magna pastoris inspectione & cura propter ferocitatem indigeat; & quod armenta præceat, & iam generet: sed enim *aspicere*, *præcere*, ex-

tendere significat: Chaldæi, Græci, Latini voce contentiente, *thor*, seu *taurum* reddidere, iam varie locum exponunt. I. *Avulserunt bovem*, id est boves: nam est interdum collectivum, nempe abduxerunt; abegerunt boves seu armenta Sichimitarum, cap. xxxiv. vers. 20. II. *Evertaverunt boves*, quod bestias enervassent: quamvis enim eorum oves, boves, & asinos ceperint, fieri potest ut partum ceperint, partum subnervaverint: quia oneri fuisset illis abducere omnes urbis bestias, cum abirent tanquam fugientes. III. *Evertaverunt bovem*, id est Hemor patrem, & Schem filium, & totam stirpem extirparunt. IV. Chaldæi *l'araphaltæ*, & nonnulli alii singulariter *bovem* hic intelligunt Ioseph, quo etiam nomine insignitur Deuteron. xxxi. 17. ut Iacob arguat nunc alterum facinus Simeonis & Levi, quod bovem, id est Ioseph, eradicaverint, & everserint de terra sua, & de domo patris sui, vendendo illum externis. Hinc dicimus Simeonem, & Levi præcipuos fuisse in scelere venditionis Ioseph; cum Ruben, & Iudas nefario ei consilio non adhaerent: atque eo causam Simeonem vincunt a Ioseph, cap. xlii. vers. 25. Quidam hic prædici putant Christum a pontificibus & sacerdotibus tanquam bovem & victimam eradicandum & cruciandum.

Prætermittere hoc loco non possumus, quod quidam ut rem singularem observant, Apim, seu Serapim bovem, pro deo ab Aegyptiis cultum, a *schor*, bove, sive a Ioseph, qui dictus sit *schor*, hoc est bos, denominatum fuisse. Fuit enim Apis, seu Serapis bos, insignis Aegyptiorum deus, de quo hæc annotant. quod etsi quidam dictum velint *שרפי* *serapi* ab urendo; & alii *שרפי צור* *szepir apam*, parvum facium, seu *aspectu*, quod sic Patriarchæ Christum vocarint, a longe tanquam parvum ac parvum spiritu, ac fide prospicientes: tamen existimant potius dictum, *שרפי* *schoraphi*, hoc est *bovis nasum*, vel *faciem*, eo quod tam Aegyptiis quam Hebræis, *השור* *baschschor*, id est bos ille, Græcis paulo variato nomine Osiris postea dictus sit; atque originem, & cultum eius fluxisse a Iosepho, & familia ipsius, qui cum in Aegyptum translati, Deo boves, & pecudes sacrificarent, quæ igni de cæ-

lo elapſo conſumierentur, Aegyptii prava imitatione Apin bovem ſacrum, & quali de cælo delapſum coluerunt: quæ religio, & qui cultus etiam a populo Iſraelitico in deſerto, prave acceptus eſt, adorato vitulo; item in vitulis aureis ab Ieroboam inſtitutus. Hinc Laſtantiſ Lib. IV. inquit: Cum Moſes dux eorum aſcendiſſet in montem, atque ibi quadrageſima diebus moraretur, aureum caput bovis, quem vocant ipſi Apim, quod eos ſigno præcederet, figuravit. Atque ita quidam de Api, ſeu Serapi philoſophati ſunt: quæ alii curioſa & aliena iudicant; ego ridiculum & filiſum puto, Aegyptioſ imitatione Iuſeph ſuum Apim aut Serapim conſecraſſe, aut Serapim, a ſebor, Iuſeph, nomen accepiſſe: nam ſi rationes Africani, & Euſebii ſubſiſtunt, multo antequam Iuſeph naſceretur, Apis, ſeu Serapis in Aegypto pro Deo colebatur. Vide Numerum Euſebianum CLXXXII. At non dubito, Iſraelitis in deſerto, Aegyptiorum imitatione, Apim bovem adorariſſe, Exodi XXXII. verſ. 4. ubi ibi videbimus, ubi nonnulla de Api annotabimus.

V. 7. ET INDIGNATIO EORUM. *ghebrab* aiunt eſſe ardorem iræ, eſſe fervoreſcentiam bilis, tranſitionem bilis, exardeſcentiam, furorem, qui inflammat, & pervadit in morem ignis, exceſſum iræ, furorem, indignationem, iram, quæ modum tranſgreditur. Poſſis reddere. Tranſgreſſio, tranſiuſ eorum, id eſt gaviſſimum eorum peccatum. DIVIDAM EOS IN IACOB &c. Levitæ enim non habuerunt hereditatem, aut poſſeſſionem in terra promiſſa ſeparatam & ſeiunctam ab aliis fratribus; ſed in aliis tribubus aſſignatæ fuerunt portiones, & urbes, hinc inde procul inter ſe diviſæ. Simeonitis non contigit ſorte, propria & diſtincta regio; ſed tribui Iudæ iuravit permixti, Iſue XIX. 1. 2. Deinde ſub Ezechia rege Iuda, profeſti in Gador, habitaverunt ibi; aliaque parſe eorum abierunt in montem Seir, & expulſis inde Amalekitis, regionem incolerunt, uti late reſertur I. Paralip. IV. verſ. 39. & ſeqq. Vide S. Hieronymum.

Verſ. 8. IUDA, TE LAUDABUNT FRATRES TUI. Hebr. *Iehuda tu, laudabunt te fratres tui*: quod quidam ita reſolvunt: *Iehuda tu es ille quem celebrabunt fratres tui*. Melius: *Iehudab tu, id*

eſt tibi nomen Iudah, proinde te laudabunt fratres tui, alludens ad rationem nominis; quaſi dicat: Tu diceris Iuda, id eſt laus, celebratio, conſeſſio, merito: quia te laudabunt, celebrabunt fratres tui. Hebr. ex eadem radice יְהוּדָה *iehudab inducha*. Vide ſupra XXXI. verſ. 35. MANUS TUA IN CERVICIBUS INIMICORUM TUORUM; id eſt, cervicibus eorum iugum impones, catenis colla eorum alligabis, tibi ſubiugabis: vel hoſtes tibi terga vertent, eorum terga, & cervices fugientium cædes. Prædicit huius tribus bella ac victorias, Iudicum I. deinde ſub Davide, II. Samuel. VII. tandem per Chriſtum pleniffime, Pſalm. CIX. ADORABUNT TE FILII PATRIS TUI. Ius primogenituræ quantum ad dignitatem, dominium, & imperium, his verbis in Iudam tranſfert a Ruben: nam hoc primogenitis debebatur ut fratres alii illiſ aſſurgerent, & eos adorarent. Vide cap. XXV. verſ. 31.

V. 9. CATULUS LEONIS IUDA: AD PRÆDAM FILII MI ASCENDISTI. Eleganter hic nomen leonis cum præda iunxit Hebraice: nam *אריה* *arieh*, *leah*, nomen habet a diſcerpendo; & *טריף* *tereph* eſt diſcerptio, præda, cum leo unguibus & dentibus prædam diſcerpt. Robur, & fortitudinem ac ſpolia ampla & opima ex victoriis, huius tribus prædicit; præſertim quæ reportavit David; ſed præcipue Chriſti filii Iudæ, ex morte, peccato, diabolo, quæ tantopere Scriptura ubique celebrat: unde Leo de tribu Iuda inſigni cloſio appellatur. ET QUASI LEAENA. *לביא* *lebi*, conſcientibus Graeco, & Latino vocabulis, leo, nomen habere voluit a *לב* *leb*, id eſt corde; quaſi dicas, coraſtus leo. Dictum hic exiſtimant ab animoſitate, & generoſitate, ſeu fortitudine animi: iuxta illud II. Samuel. XVII. 10. *Cuius cor eſt ſicut leonis*. Alii leonem immanem, & annoſum, nondum tamen decrepitum interpretantur. In ætate leonis hos aſſignant gradus ex Scriptura: *גור* *gur*, catulus; *כפיר* *cephir*, leunculus; *אריזניס*, *adultus*; *אריה* *arieh*, leo maior, *ארי* *adultior*; *לביא* *lebi*, leo annoſus; *ליש* *leiſch*, leo decrepitus. Qui hic verterunt *leamam*, eiſdem litteris, ſed diverſis punctis legerunt ſemineum *לביא* *lebia*. Quidam annotant, pulchram eſſe metaphoram

ram de leone, qui capta iam præla, procumbens super eam, incipit eam dicerere, aut devorare: tunc enim, si quis accesserit, magis eliseratur, & violentior exurgit in iras, quod putet sibi prædam ereptum iri. Nemo tunc audet accedere, aut appropinquare, quod tunc ferocior sit leo. **QUIS SUSCITABIT EUM?** Heb. *Quis surgere faciet eum?* Mysterium hic esse resurrectionis Christi omnes agnoscunt, qui morte sua procubuit ad discerpendam, & devorandam prædam, nempe peccatum, morte, i. satanam, quos discerpit, & deglutivit: nemo tamen eum a mortuis excitavit; sed ipse sua virtute victor ab inferis resurrexit, opima referens, victis hostibus, spolia. Alii: Cum se composuerit, seu requieverit, quis eum in certamen provocare audebit? quasi dicat, erit fortissimus, & invictus.

Vers. 10. NON AUFERETUR SCEPTRUM DE IUDA. Hebr. Non discedet, defisset virga, baculus de Iuda. Chaldæi interpretes, Hebræi omnes, & nostri summo consensu hic virgam, baculum, sceptrum, regimen, regnum interpretantur, quod præcipuum insignis regie maiestatis sit virga, seu baculus, nempe sceptrum. Iulchre Virgilius XII. Aeneidos:

Ut sceptrum hoc (dextra sceptrum nam forte gerebat)

Numquam fronde levis fundet virgulta, nec umbras,

Cum sciet in silvis, ima de stirpe recessum.

Matre caret, posuitque comas, In brachia ferro,

Olim arbor, nunc artificis manus ore doctro

Inclussit, patribusque dedit gestare Latinitis.

Istud annotaverim, propter eos, qui fanaticæ hic virgam, seu baculum, tribum Iuda ausi sunt exponere, quod ea ad Christum usque non esset defectura. Et **NUM. XXX. MECHABEK** est participium Pobel, vel nomen participiale. Noster varie vertit, Numeror. **xxi. 18. datorem legis**, Deuteronomii **xxxiii. 21. doctorem**, Iudicum **v. 14. principem**, Psalm. **lxx. 10. & Psalm. cvii. 10. regem**, Isaie **xxxiii. 22. legisferum**. Aiunt proprie esse statutarium, qui constituit formam aliquam, & præscribit formam vivendi; Græceque dici *nomicon*, id

est *legisferitum*; maiorisque auctoritatis fuisse quam *sopher*, id est *scribam*; etsi scribæ in novo testamento *nomici* quoque dicantur, id est *legisferi*, sed divinæ. At **MECHABEKIM** gubernationi præerant, & leges præscribebant. Notant vero, eos qui post reges Iuda sublato fuerunt in gubernatione in populo Iudaico, quasi præfecti summæ rerum, tam in captivitate Babylonica, quam post illam, usque ad primi Herodis tempora, sub quo Filius Dei Dominus noster Iesus Christus natus est verus Deus & homo, appellatos **MECHABEKIM**, ac fuisse de stirpe regia: quorum collegium postea Græce magnum synhedrion, & corrupta voce, ac in Hebraicam translata, sanhedrin, id est consistorium, domus magni consilii appellatum est; atque illorum numerum **LXX.** fuisse, veteres scriptores affirmant: qui tandem paulo ante Herodis mortem, iussu ipsius trucidati sunt; ac tunc penitus defecisse reges, & duces, seu legislatores de tribu Iuda; impletamque fuisse hanc Iacobi prophetiam. De synedrio, seu sanhedrin plurima mentio apud Hebræos & nostros. **MECHABEKIM**, quidam decrēntes, decretōres, dictatores, constitutores exponunt: non tam recte alii scribas, aut scribere facientes: nonnulli, dominantes, seu dominatores. Haud dubie ea vox, gubernatores, principes, præsides, qui sine nomine regio populo præerant, illumque gubernabant, leges, & statuta, normamque vivendi præscribebant, significat: quales fuerunt Zorobabel, Salatiel, & alii. **DE FEMORE EIUS.** Hebr. *De inter pedes eius*. Quidam explicant, quod scriba fuit minister regis ad pedes eius manere soleat, cum eius nomine scribit, aut pronuntiat decreta regia. Alii, de semine, de gentilibus, quæ sunt inter pedes. Locum pendendorum indicat, honeste dicens, *De inter pedes*. Sic Deuter. **xxviii. 57. Et in secunda sua exente de inter pedes suos**. Recte quoque, & honeste Noster dixit, *De femore eius*. Vide II. Regum **xviii. vers. 27. Isaie xxxvi. 12. QUI MITTENDUS EST**. Hunc locum de Media intelligendum, & Chaldæi Paraphrastæ, & quique, ac præstantissimi Hebræorum affirmant. Vocem **שילוב** *Schilob* varie enunciant. I. componunt ex **ו שילוב** & **ו שילוב**, id est *Cui illi*: donec veniat ille cui debetur, & res-

Servatur id sceptrum in sempiternum; ille cuius proprium est regnum & imperium in omnes gentes. II. ex *שׁוּב שְׁבַאי*, & *וְיָשׁוּב*, hoc est *Munus illi*: ille cui omnes reges terræ ac principes munera deferent, Psalm. *לְאֲדָמָה* 11. 30. Psalm. *לְאֲדָמָה* 10. III. deducunt a *שְׁבִילָב* *secunda, secundana, membrana*, seu *pellicula*, quæ fetus in utero obiectus, & involutus continetur: Deuter. *לְאֲדָמָה* 17. *Donec veniat secundinatus eius*: metonymice continens pro contento, id est *filius eius*. Plerique omnes Hebræi *filium eius*, id est Iudæ, interpretantur, quod *eius* sit masculinum. Dicitur Christus filius Iudæ, quod e tribu eius ortus fuerit. At satis fuerit hic excludere pronomen *eius*, quod *He* in *שְׁבִילָב* sit radicale, & simpliciter reddere *Donec veniat secunda*. Nec sine mysterio hoc nomine insignit vates Christum, quod is solum ex secunda Virginis, non ex alio opere viri nasciturus erat; quasi dicat: Nil viri, sed solum secundæ mulieris in hoc partu intercessere. IV. Quidam antonomastice exponunt, *Donec veniat fetus*, ille insignis, admirandus, & præter naturam. Sic prophetae Christum *צֶמַח דָּוִד* *zemaach*, id est *germen* appellant; & David *בֶּן יִמְיוֹ* *imro*, id est *filium*, Psalm. *לְאֲדָמָה* 17. V. Nonnulli, *Donec veniat filius eius*, id est mulieris; quasi mysterio indicet, Christum ex femina sola sine opere virili nasciturum. Hos tamen aiunt peccare in grammaticam: nam affixum *ob*, *eius*, est masculinum; *Schilob*, posito *He*, pro *Van*, ut in *אֹהֶל מוֹעֵד* *tabernaculi eius*, Genes. *לְאֲדָמָה* 21. & hic versu sequenti *עֵינָהּ* *gheirob*, *pullum suum*, & *שׁוּב שְׁבַאי* *subob*, *opervimentum suum*, ut etiam alias. Sed non intellexerant quæ illi dicunt. Aiunt illi, scriptura quidem affixum esse feminæ: nam *He* affixum feminæ singulare usu & consuetudine linguae est; & ex more dicendum erat *שְׁבִילָב* *Schilab*; at pronuntiatione & punctatione esse masculinum *שְׁבִילָב* *Schilob*; sed id præter morem & normam, cum soleat in his *Van*, & non *He* apponi. Notantque mysterium: voce & pronuntiatione, ac hominum appellatione, Christum dictum & exultimatum Filium Ioseph; re ipsa tamen & exaratura, filium duxit Virginitatis. VI. *Donec veniat felicitas*, seu *auctor felicitatis*, & *abundantia* omnium rerum, nimirum a verbo *שְׁבִילָב*

Schilab. VII. Sed multo melius, aptius, dignius illi qui ab eodem verbo *שְׁבִילָב* *Schilab* deducentes, convertunt: *Donec veniat salvator, felix, prosper, fortunatus, faustus, augustus*, cui prospere debebant succedere omnia contra mundi sapientiam, & potentiam, & contra peccatum, mortem, diabolum; adeoque contra portas inferorum: ac spoliatos principatus, ac potestates ostentare, palam triumphando de illis per semetipsum. Atque hac appellatione & epitheto Iacobum patriarcham insignire ac nobilitare voluisse Iesum Christum, regem, & salvatorem nostrum, humani generis monarcham; multo iustius ac verius quam Romani, qui suos principes, felices, fortunatos, faustos, augustos, & his similibus titulis onerabant. VIII. Nec desunt qui, *Donec veniat pacificus, quietus, tranquillus, securus, lenis*, sive auctor tranquillitatis æternæ, eodem propemodum sensu. Noster, qui exposuit, *Donec veniat qui mittendus est*, vel sensum tantum attendit; vel pro *He*, legit *Chet* *שְׁבִילָב* *Schilobach*, *missus*; quam lectionem mirifice probant, voluntque mysterium eius exposuisse ipsum Christum Ioan. *לְאֲדָמָה* 7. Numquam tamen crediderim Iudæos ex industria locum corrupisse, & pro *Schilobach*, una mutata consimili littera substituisse *Schilob*, cum significatus *Schilob* magis eos iugulet. Hebræi notant litteras duarum istarum vocum *שְׁבִילָב* *iabo Schilob*, id est *veniet Schilob*, effigere numerum *CCCLXIII*, atque eundem omnino continere litteras nominis *מְשִׁיחַ* *maschiah*, id est Messias, seu Christus. Nostri quidam observant, capitales litteras trium harum dictionum, *יבוא שִׁילָב וְיָבֹא שְׁבִילָב* *volo*, id est *veniet Schilob*, & *ipsi*, conficere nomen *יְהוֹשֻׁעַ*. Sed hæc sunt parum solida.

Iam quod attinet ad impletionem huius vaticinii, mirifice recentiores in lato campo spatiantur, conferentes plaustra questionum, explanationum, solutionum, refutationum, quomodo, aut quando istud oraculum completum fuerit Christo; ab his nos consilio abstinemus, contenti, quod hic certissime de Christo loquatur, ac certo venturum Messiam prædicat; nec defecturum regnum, aut dominationem, seu iurisdictionem Iudaicam ad adventum usque Messie: quod fuit verissimum.

simum. Tractavit nuper hunc locum Casaubonus in Exercitationibus Baronianis, insigni variare & copia; sed iudicio præpostero ac pessimo in plerisque. Quidam ita exponunt: *Non auferetur sceptrum de Iuda*, &c. hoc est, non prius Iudæi tribus confundetur cum aliis, nec distinctæ tribus nomen amittet; neque prius regnum Dei, ab ea ad alias gentes derivabitur; aut regnum Iudæorum, seu Iudaicæ gentis, quæ tota ab ea tribu nomen accepit, ab ea gente universæ auferetur; quam veniat Christus. Cum autem exhibitus fuit Christus, & ab ipsis Iudæis reiectus, utrumque contigit: nam & tribus abducta, & dissipata fuit, ut ne Iudæi ipsi discernerent tribus possint: promissæ enim conubia iungunt: & regnum Iudæorum prorsus extinctum, cum ipsi perpetuo sub alieno imperio degant.

De AEchmalotarchis vero, & principibus exulum, seu patriarchis, quorum successione e tribu Iuda, & familia Davidis, hodieque Babylone servant Iudæi, sed falsam & ementitam, ut causentur nondum hanc prophetiam Iacobi esse completam, necdumque venisse Messiam, atque clarissimum totum istud vaticinium eludant, egimus plenissime in Antichristo Lib. III. cap. xi. Præterdunt vanum & inanem principatum Iudaicæ tribus, cum ipsi AEchmalotarchæ sint cum suis nihil nisi vera mancipia gentium, sub quarum imperio vitam miserissimam transigunt.

ET IPSE ERIT EXPECTATIO GENTIUM. Nomen *נְתִיבָה* *ikkebat*, quod Noster *expectatio* vertit, varie a diversis exponitur. I. a verbo *נָתַק* *napaka*, *obediit*, *obtemperavit*, deducunt: *Et ipsi obedientia, obtemperantia, auscultatio populorum*; id est, ipsi obediunt, obtemperabunt populi, eius mandata recipient, iussa facient. II. *Et erit ei devastatio, seu fractio populorum*. Si de Hebræis intelligas, est illud Psalm. 11. 9. *Et tamquam vas figuli confringes eos*; & illud Christi: *Super quem ceciderit lapis iste, confringetur*. Fracti enim, & dispersi per omnes plagas mundi Iudæi feruntur ob scelus occisi Christi, & repudiati. Si de gentibus, peccato fractos, & mortuos accipias, ut sit strages illa spiritualis, de qua Isaias LXIII. vers. 3. & sequentibus. III. Alii derivant a *נָתַק* *keba*, *obiungere, hebetare*, a serro obtuso sumpta

metaphora: *Ille obtundet, hebetabit populos*: ostendit sapientiam eorum esse insipientiam, IV. a *נָתַק* *kavab*; quod est *intenta oculorum acie lineas ducere, collineare, collimare, ratione quadam geometrica consistere, congregari*. Vide Genes. 1. vers. 9. Noster verbo *expectandi* solet reddere: *Es ipse erit expectatio, intentio, collimatio, confusus populorum*; id est, ad eum expectabunt, collimabunt, confluent, intendunt, linearum decurrent populi. V. a *נָתַק* *nakhab*, *purgare, vacuare, purum facere*: *Et ei erit purgatio, puritas populorum*; id est, ipse purgabit populos, scilicet a peccatis ipsorum. Quo allusisse videtur Gabriel Matthæi 2. 21. *Ipsæ enim salvum faciet populum suum a peccatis eorum*. VI. Quidam a *נָתַק* *kahal* deducunt, & volunt esse idem quod *נָתַק* *labakab*, nempe *נָתַק* *ikkebab*, tacta litterarum metathesi, & absorpta, seu extrita littera radicali Lamed; & duo significare volunt. Primo ecclesiam, concionem, aggregationem populorum, voce & prædicatione Evangelii ad Christum aggregandam; quemadmodum Paulus hac voce ac phrasi delectatus est, & eam ad secundam & futuram ad Christum nostri aggregationem refert, II. ad Thessalonicens. 11. 1. *Rogamus autem vos fratres per adventum Domini nostri Iesu Christi, & nostri aggregationem in illum*, &c. Sic hoc loco accipi volunt: *Es ei erit ecclesia, aggregatio populorum*. Insigne vaticinium de Ecclesia gentium ad Christum per Evangelii prædicationem aggregandam. Secundo significare ipsam concionem, id est vocem, & doctrinam: in quo significato usus est Salomon hac voce Proverb. xxx. 17. *Oculus qui subsannat patri, & contemnit doctrinam matris, corvi iuxta torrentem effodient*, &c. Quare prinde ut Latinis vox *concio* nunc pro populi aggregatione, nunc pro ipsa doctrina & prædicatione sumitur; ita *נָתַק* *ikkebab* apud Hebræos, in hoc loco Genes. pro ecclesia, & aggregatione; & a Salomone pro doctrina usurpatur. Atqui hanc volunt esse genuinam vocis & etymologiam, & significationem: scilicet bene maceratam, & concoctam metathesi, & ablegatione genuinæ litteræ Lamed. Vox hæc tantum reperitur hic, & in loco Proverbiorum; ubi tamen Noster partum reddit, quod haud perperam huic loco possit aptari: *Et ipsi erit partus popu-*

lorum; id est, generabit, & pariet populos multos Evangelio: ut sit vaticinium baptismi, seu lavacri regenerationis, & renovationis.

P. 11. LIGANS AD VINEM. מִסְרִי *oferi*, participium, cum *lod* paragogico, non sine mysterio, ad augendum significatum; ac si dicat, valide, arte vinciens, colligans, ut facile solvi non possit. Sic arte contrinxit Christus populum gentium in Ecclesia tot vinculis caritatis, gratiæ, sacramentorum, beneficiorum, &c. S. Hieronymus: *Alligans ad vitem pullum suum. Pro pullo in Hebræo possit legi, Urbem suam, id est Ecclesiam suam.* ET AD VITEM. שֶׁרֶק *forek* ter tantum legitur in Bibliis. Hic *vitem*, Isaie v. 2. *electam*, Ieremæ 11. 5. *vineam electam* Noster exposuit. Aiunt esse genus vitis, vel *uvæ optime, electæ, generosæ, præstantissimæ*. Quidam, consentiente voce Latina, *sarcolum, malleolum, singellum, selestissimum, & uenererrimum* reddunt. In Valentino regno est genus quoddam *uvæ* laudatissimæ quod *platanum* appellant. O FILII ASI-NAM SUAM. In בְּנֵי *beni* volunt quidam *lod* esse paragogicum ut paulo antea in מִסְרִי *oferi*, nec esse reddendum *fili mi*, sed, *filium asine sue*: utitur enim hisnominibus paragogicis veluti epithetis in hoc sermone prophetico. Sed potior est Nostri auctoritas.

P. 12. PULCHRIORES. עֲבָחִי *ebachi*. Non alibi hæc vox reperitur. Quidam substantivum faciunt, & transpositum, a כָּח *cachal*, coloravit, id est *ruber, rubedo*, scribique cum *lod* paragogico, ut gaudet hic Iacob parogibus, ad intendendum sensum; quasi dicat, magna & intensa *rubedo*: alii malunt adiective, *ruber, rubicundus*, ut etiam sequens לָבָן *laban*, *albus, candidus*. Hebræi, & plerique ex nostris putant, hoc & præcedenti versu commendari sortem tribus Iudæ a copia, & abundantia vini, & lactis. Veteres Ecclesiæ tractatores mysterium hic cani existimant, pulli, populi gentilis, & asinæ, Iudaici, qui alligandi erant veræ viri Christi; qui sanguine suo, & passione imbuturus erat humanitatem suam. Quidam lacte, & vino prædicti volunt sacramentum corporis, & sanguinis Christi. Vide latius expositores.

P. 13. ZABULON IN LITTORE MA-

RIS HABITABIT. Atribuit tritui Zabulon regionem maritimam: & sane ad utrumque mare, eius fors tendebatur, mediterraneum, & Genesareticum: ut Iosephus Lib. V. Antiquit. cap. 1. annotat: idcirco videtur Hebræice his posuisse vocem חֹפִי *choph*, id est *portus*, quod in utroque mari portum haberet. Quamquam aliqui de Genesaretico negent. Vide Iosue XIX. vers. 11. & seqq. PERTINGENS. Hebr. *Femur eius*, id est *latus eius*. Similiter geographi Italiam instar tibie describunt, cuius pes sit Sicilia. USQUE AD SIDONEM. Irignis urbs, cuius prima mentio Genes. x. 19. Eusebius, & S. Hieronymus in Locis: *Sidon urbs Phœnicis insignis, olim Cibanæorum terminus ad aquilonem respiciens, & postea regionis Iudææ. Cecidit autem in sortem tribus Aser; sed eam non possedit, quia hostes nequaquam valuit expellere: scilicet Iudicum 1. 31. De ea complura scriptores profani: quam etiam exquisitè descripsit Achilles Tatius Lib. I. de Amoris Clitophonis, & Leucippes: a copia venationum, annonæ, vel commeatus, videtur nomen Hebræis habere. Iustinus Lib. XVIII. *Condita ibi urbe, quam a piscium uberitate Sidona appellaverunt. Nam piscem Phœnicis sidon vocant.* Vide Iosue XI. vers. 8. Disquirunt hic sacri topographi quomodo Iacob prædicat Zabulonem exterisum femur supra Sidonem; cum fines eius nec ad Ptolemaida, sive Acen, aut Achonem, pertingerint, uti ex Iosue XIX. 10. aperte liquet. Quidam Zabulonitas supra Aleritas, Sidonem versus collocarunt; sed hoc manifestè repugnat Iosue XIX. 28. & Iudicum 1. 31. Porrit esse ut Zabulonitarum angulus aliquis, quem hic femur, seu hallile Iacob vocat, versus Sidonem inter Aleritas protenderetur, ut etiam S. Hieronymus astruit. Alii volunt, Iacobum tantum prædicere, Zabulonis posteros habitaturos ad mare, versaturosque frequentem in portubus & navalibus, atque mercaturam facturos apud Sidonios, & cum Sidoniis; qui toto orbe mercatores fuisse celeberrimi, quippe qui in eadem illa maris ora habitarent; & hoc esse quod Iacob ait, *Femur eorum*, seu hallile. ut alludat ad malos navium, futurum usque ad Sidonem: & quod navigatio, seu remigatio fiat sedendo, & nixu femoris. Quod et-*

iam indicatum aiunt a Mose Deuteronom. xxxiii. 18. *Létare Zabulon in exitu tuo. Qui inundationem maris quasi lac sugent, & tibi sauros absconditos arcanum: propter emptoria, & mercaturas.*

V. 14. ISSACHAR ASINUS FOR-
TIS. גִּזְרֵם gherem exponunt *Asinus ossis, offeus, fortis, robustus, magnis ferendis oneribus aptus*: alii, *asinus artus*, seu *artuum*, id est *magnum membrorum*: nonnulli, *asinus fastigii*: forsitan quod ea fors asinos altos ac proceros ferret: quidam, consentiente voce, *asinus grumi*, id est *grumofus*, quod magnos grumos ossium & lacertorum haberet. Nec desunt qui contraria significatione reddant, *Asinus exoffeus, exossatus*, seu *fractis ossibus*: nam verbum גִּזְרֵם gharum, ex eo nomine factum, *exossare* significat, seu *frangere ossa*: quod a sententia huius loci non videtur alienum, cum dicitur asinus accubare inter sarcinas, & inclinare humerum ad onus, quasi fractus, defatigatus, humi proiecтус, oneri non sufficiens. Sed cave hanc interpretationem æques cum ea Nostris. Nec tamen penitus contraria, quod forsitan fracta asini ossa essent magna, fortia. Quidam, *Asinus dorsus*: quod magnum, & validum dorsum haberet ad ferenda onera: putant enim גִּזְרֵם gherem os dorsus, seu *spinam dorsus*, significare. Sed unde id divinant? Ridicule, & inutiliter, cum gherem Hebræis os univèrse significet. AC-
CUBANS INTER TERMINOS. Duale מִשְׁכַּחְבַּתַּיִם mischpethaim exponunt *inter duas metas, limites, terminos*, inter quos aliquid reponitur & collocatur. Quidam volunt sic dictos, a שֶׁבַע shebach, *posuit, constituit*: quod in limitibus regionum constituerentur præsidia contra incurfiones hostium. Dualem autem numerum poni, quod quæque regio duos habeat limites. Exponunt, *inter mare mediterraneum, & mare Genesarium*. Alii, *Intra suos terminos*: erit sua sorte contentus, nec inde effunderet: alii, *Inter duas acies*: plerique, *Inter duos ordines sarcinarum*, sive *inter duas sarcinas*; id est, ut unam hinc, aliam inde ferat. Hispanice, *Entre dos costales*: Hispanicus Interpres, *Entre dos lios*; ac si dicat: *Asinus adeo fortis ut etiam si iaceat inter duas sarcinas, gravi pondere pressus, resurgat tamen sortiter cum illis: ut nihil necesse sit cum ex-*

onerare, ut resurgat, quemadmodum solet fieri asinus sub sarcina iacentibus. Alii, & contrario sensu, id est qui ultro & sponte succumbit sarcinis; qui renuit ferre sarcinam magnam; qui quam primum onerari se videt, statim procumbit in terram. Hispanice, *Se becha con la carga*; ac si dicat: *Asinus quidem fortis & validus, sed piger ac deses*. Nec desunt qui exponunt: *Asinus quidem robustissimus, sed natura segnis, adeo ut sarcinas graves sibi impositas segnitie quadam ferat, & non excutiat*. Aliqui, *Accubans inter duas caulas, vel inter duo septa, aut inter duos ordines ovium*; quasi dicat: *Asinus pastoritius, servitio, & oneribus gregis destinatus*. Nonnulli hic מִשְׁכַּחְבַּתַּיִם mischpethaim capiunt pro *binis clatris*, & peritici oblongioribus, quibus in stabulis spacia iumentis distinguuntur: vertuntque, *Accubans inter duos clatros stabuli*. Ex vicino nomine מִשְׁכַּחְבַּתַּיִם aschpeth, possis exponere, *Accubans in timetis, stercoribus*: ut sortem uberem gleba, & stercoretam mirifice ad producendas fruges designet. Vide similem locutionem Iudicum v. vers. 16.

V. 15. VIDIT REQUIEM QUOD ESSET BONA, &c. Aiunt, hoc & præcedenti versu describi pulchritudinem, amoenitatem, fertilitatem fortis Issachar in Galilæa; & quod hæc tribus in re rustica, & labore terræ contenta, & in vendendis ad mare oneribus, quæ in suis finibus nascebantur, exerceret; malletque tributa pendere, quam militiam, aut bella sectari. Quidam exponunt, prædicere Jacobum Issacharianos habituros solum felix, atque amœnum; ideoque non facile passuros se inde pelli; sed potius vestigales futuros suis hostibus, non secus atque clientarii muli, quantumvis onusti, si læta gramina, quæ carpant, per iter nacti fuerint, neque onere, neque facile sustibus propellantur. Alii: *Quietis studio, & agri amœnitæ captus, licet robustissimus sit, nihil præclari geret; sed domi desidens, ignaviter sibi tributa indici patietur*: quod etiam vaticinatus est Moses Deuter. xxxiii. vers. 18. cum eum in tentoriis suis oblectari dixit. Vide Iudicum v. vers. 16. Indicari quoque eam oratio litterario, & studiis doctrinæ vacare. Vide S. Hieronymum, & I. Paralip. xii. 32. Pulcherrimum elogium vitæ rustica-

næ leges apud Maronem II. Georgicorum, extremo:

O fortunatos nimium, sua si bona norint,
Agricolas!

& alia, quæ divine subiungit. Quin & Cicero in Catone Maiore, & innumeri alii plurimis laudibus eandem extulerunt.

P. 16. DAN IUDICABIT POPULUM SUUM. Quidam observant alludi ad nomen eius; nam *dan* Hebræis iudicare significat, ut supra cap. xxx. vers. 6. paulum diversa ratione: sensumque esse: licet Dan filius sit ancillæ, ac proinde ex iure & lege conditione sua inferior illis, quorum modo recedat sum; principatum tamen aliquem nihilominus obtinebit inter fratres suos, divinitus sublato discrimine inter filios herarum, atque ancillarum. Quod autem hic, nominatim Dani, attribuitur, quia primus inter filios ancillarum a Iahacobo recensetur, æque per analogiam de unoquoque ancillarum filio esse accipiendum, quia omnes spiritu prophetico natalibus restitutos volebat; quæ vero peculiariter ad tribum Danis pertinent, statim subiungere Iahakobum. ALIA TRIBUS. Notant, duo esse vocabula Hebræis sere synonyma, דָּבָר *sebeber*, & מַטֵּב *matteb*, quæ *virgam*, *baculum*, & metaphorice *septrum*, & *tribum* significant; sed diversa ratione: nam *matteb* tribum significare, quia nomen tribus erat inscriptum baculo, ut habetur Numeror. xvii. at *sebeber*, quod ex arbore, seu stirpe, aut stirpe, id est patre, nata, & propagata sit. Unde duodecim tribus virgæ, & baculi sunt dictæ. quod ex uno patre Iacobo prognatæ sint: & utrumque figurate pro septro, regimine, & regno sæpius usurpari.

P. 17. CERASTES IN SEMITA. שִׁפְפֹּן *sephophon*. Mirum quam varie hoc genus serpentis interpretentur. I. a שֶׁפֶן *sephaph*, serpentis speciem, quæ præceps feratur, acotiam, seu iaculum, quicquid armis arborum. seu excello loco se vi maxima vibrat, & præceps fertur. Plinius Lib. VIII. cap. xxiii. *iaculum ex arborum ramis vibrari; nec pedibus tantum cavendas serpentes, sed & missili volare tormento*. Solinus cap. xxx. *iaculi arbores subeunt, e quibus vi maxima turbinati, penetrant animal, quodcumque obvium fortuna fecerit*. Lucanus ix. Pharfaliæ

.... iaculisque volucres:

Sed hic serpens parum convenit cum eo; quod subditur, *Mordens ungulas equi*. II. a שֶׁפֶן *sephaph*, serpentis genus, qui festinenter oberrat, seu opprimat afflatu. S. Hieronymus regulum seu *basiliscum* interpretatur: ac etymologia *sephaph* apte quadrat: de quo Plinius Lib. VIII. cap. xxi. *Sibilo omnes fugat serpentes; necat frutices, non contactos modo, verum & afflatus: exurit herbas, rumpit saxa*. Eadem Solinus cap. lvi. Vide Anastasium Bibliothecarium in vita Leonis Quarti Pontificis. Convenit etiam quod sequitur, *Mordens ungulas equi, ut cadat ascensor eius retro*; quem locum illustrant ista Plinii: *Credidit quondam, ex equo, occiso hasta, & per eam subeunte vi, non equitem modo, sed equum quoque absumptum*. Aelianus Lib. II. Historiæ Animalium, cap. v. *Et si baculum, quem quispiam teneat, momorderit, baculi dominus necatur*. Vide huc scientia apud Iulium Cæsarem Scaligerum, Commentarii ad Historiam Animalium Aristotelis. pag. 240. III. *viperam*. IV. *aspiden*. V. *anguem*. VI. communiter tamen *cerastem* reddunt. Est serpens notissimus, e Plinio Lib. VIII. cap. xxiii. Solino cap. xxx. Aelianus Lib. I. cap. lvi. & Lib. XII. cap. xxvii. Nicandro. aliisque. Diodorus Siculus Lib. III. cap. 1. de australi Africæ regione: *Eo magis variæ magnitudinis, & formæ serpentibus luxuriat, maxime his quos cerastas vocant; lethales hi morsus inferunt, eiusdemque sunt cum aræna coloris: ideo cum a substrato solo, ob coloris similitudinem a paucis discernantur, evenit ut plurimi calcantes illos ex errore, improvisum mortis periculum incurrant*. Hoc fama est, impressione quadam in Aegyptum facta magnam terræ partem habitatoribus desituisse. Unde nihil mirum si Iacob in Aegyptio vaticinans pestilentissimi & virulentissimi serpentis Aegyptio exitialis similitudine sit usus. Græce, a cornibus nomen habet, quadrigemina enim cornicula præfert. Hebraice a יָשָׁן *saphan*, occultare, quod se arenis occultet: vel a שֶׁפֶן *sephaph*, eminere, quod ei cornicula emineant, quorum motu reliquo corpore occultato, sollicitæ aves, ac perimat. Quidam vaticinium istud Iacobi de Dan, ad totam tribum spectare putant; quam cum serpente comparat, qui furtim, astu, & per insidias hominibus

nocet : ut tribus huius insignem astutiam, insidias, ac stratagemata bellica hic prædicat senex : quo etiam alluisse videtur Moses Deuter. xxxiii. 22. Aut tangat historiam capte Laïse urbis a Danitis, Iudicum xviii. Alii ad Samsonem singulariter referunt, qui astu, ac nunquam aperto marie Philistæis nocuit, Iudicum iv. usque ad xvii. cap. Plerique Patrum, sensu sublimiori & prophetico, præcipuo ac primario, de Antichristo, qui futurus est ex tribu Dan, vaticinium Iacob, existimant, ut plenius Lib. III. de Antichristo, cap. vii. docuimus ; ubi totum hunc locum ample elucidavimus.

V. 18. SALUTARA TUUM EXPECTABO, DOMINE. יִשְׁכּוּבָהּ ieschubab, abstractum, salutem tuam. Solet Noster Græcos secutus hanc vocem abstractam, per concretum reddere, salutare, quod illi εὐρισκον dicunt, id est salutare, salvationem, salvatorem, opulatorem, ut Christum nimirum generis humani Salvatorem significantius exprimant : nam de eo loqui Iacobum, plusquam certissimum est. Sicut Simeon in hunc locum plane respiciens, canit : Quia viderunt oculi mei salutarem tuum : quod Lucas εὐρισκον, salutare, salvatorem, opulatorem, servatorem vertit. Et Paulus Roman. iiii. 25. Christum ἰσχυρισμὸν, id est propitiatorium, vocavit. Utrumque sane Christo mire convenit, qui nedom salvator, sed ipsamet salus est. Huius versus in Antichristo varias explanationes edidimus : eam nunc præferimus, ut mota mentione Antichristi, tam horribilis monstri speciem exhorruent sacer senex, totumque se ad Christum collegerit ; quasi dicat : Antichristum abominor, execror ; Christum amplexor salvatorem. Iam Genes. i. vers. 9. vim & notationem verbi חָפַץ kavab expendimus : hic proprie est collectio, & aggregatio in aliquid intendere, quemadmodum faciunt qui veluti ad amulum & lineam in aliquid collineant aut collimant : magno animi desiderio, ac intentione aliquid spectare, & expectare : ut sit gestus perspicacissime inventum, & avide atque anxie expectantium ; quasi sit ipsum totum colligere & congregare, & intensissime in aliquam rem, aut personam respicere, eamque expectare, affectare, amplecti, sibi que applicare. Hac ratione ait hic Iacob se Christum expe-

ctare, generis humani unicum liberatorem, Egregium sane de Christo vaticinium !

V. 19. GAD, ACCINETUS PRÆLIABITUR ANTE EUM. Hebr. mirus verborum eiusdem radices & significationis concursus. גָּדוּל וְהָיָה יָדוּ עָקֶה גָּד gad gbedud iegbudennu vebu iagud gbahek & luvat numerare expositiones. I. Gad, congregationem congregabit ipse ; & ipse congregabit calcem. II. Gad, exercitus superabit eum ; & ipse superabit demum, nimirum exercitum contra se venientem. III. Gad, exercitus succidet eum ; & ipse succidet calcaneum, id est extremos. IV. Gad, exercitus exercitabit eum ; & ipse exercitabitur in fine, seu postea, vel a tergo. V. Gad, exercitus invadet illum ; & ipse expugnabit demum, vel in fine. VI. Gad, turmatim excurret ipse ; & ipse excurret retrorsum. VII. Gad, turma turmatim grassabitur in eum ; & ipse turmatim grassabitur tandem. VIII. Gad, cuneus irrumperet in eum ; & ipse irrumperet tandem. IX. Gad, turma turmatim populabitur eum ; & ipse turmatim populabitur demum. X. Cuneus latronum grassabitur in Gad ; at ipse tandem victoria potietur. XI. Gad, ipse quem turma incurret ; at ipse incursum faciet in finem ; id est, tandem Gad vincet hostes suos. XII. Gad, turma congregabitur cum eo ; & ipse congregabitur demum. XIII. Gad, exercitus concurret contra eum ; & ipse concurret in fine. Aiunt verbum גָּד gadad proprie esse turmatim excursionem, & incursum, seu irruptionem facere ; quemadmodum milites, levis armaturæ cuneatim excurrunt ad depopulandum agros, & exercenda latrocinia. Id verbum in Kal quater tantum in Scripturis habetur, Psalm. xciii. 21. capiabant. Habacuc iiii. 15. accinctum, hic bis, accinctus præliabitur, & accingetur. גָּדוּ gbedud vero docent esse turmam, cuneum, globum, cohortem, collectam ex milite levis armaturæ ad faciendum excursionem & depopulationes : ut non sit robur belli, aut iustus exercitus, sed turma militum quæ ad prædam excurret. Alii volunt esse turmam militum grassantium, ab excindendo, & vastando dictam. Noster hic, accinctum, expeditum, alias latrones vertere solet, optime. Nam milites olim latrones dicebantur, & latrociniari militare, & latrocinium militia. Vide quæ de his copiose

notavimus in Antichristo Lib. VI. cap. vi. Unde hic vertere possis: *Gad, latrocinium latrocinabitur eum; & ipse latrocinabitur calce, seu finaliter, aut retrorsum.* Ita ferme hic S. Hieronymus erudite. Vide supra xxx. vers. 10. Nihil aliud in hoc vaticinio Gad divinare possumus, quam futuram tribum bello claram, passuram, & illaturam incurSIONES, irruptiones, grassationes, latrocinia, bella, alternante Marte, sed tandem victoria potituram: quod & S. Hieronymus annotavit, & ab his, quæ L. Paralipom. v. vers. 18. & seqq. narrantur non abludit. Nam refertur ibi pugnas cum Agarenis, seu Saracenis, & Ituræis, & Naphisæis, & Nodabæis, qui latrones sunt, excursores, grassatores.

V. 20. ASER, PINGUIS PANIS EIVS. Hebr. *pinguis* est femineum, *Aser*, & *panis* masculina: non recte ergo cum his construat. Hebræi subaudiunt terram: *De Aser terra pingui panis eius*; vel *de Aser, terra pinguis, vel pinguis terræ panis eius*: aliqui, *De Aser, oleo lita, aut delibata, panis eius*, ut prædicat, sortem Aser oleo, & tritico præstantissimo abundantissimam & fertilissimam fore, ut ex his panes, & placentæ suavissimæ & delicatissimæ regum & principum dignæ mensis, confici possint. Et de oleo quidem diserte affirmat Moyses Deuteronom. xxxiii. 24.

V. 21. CERVUS EMISSUS. Hebr. *Cerva missa*. Quidam exponunt, quæ ob pulchritudinem, & venustatem dono aliqui principi, aut magnati mitti solet: solum enim eiusmodi animalia nobilibus esse in deliciis. Sic *cerva amorum*, Proverb. v. 10. Nota est *cerva illa Q. Sertorii*. Alii, *Cerva dimissa*; id est, quæ venatione capta non occiditur, sed potius fovetur in deliciis: nonnulli, *Cerva missa*, id est velocissima, celerissima, agilissima. Existimant, commendari hanc sortem a pulchritudine, deliciis, amœnitate; item a celeritate & velocitate pedum, ut Achilles sæpe ab Homero, quem velocipedem solet nuncupare; vel ab animi promptitudine. Alii, notari eius timiditatem, quod se bellis, & magnis negotiis non immerfaret. Cervi sunt natura timidiore. ELOQUIA PULCHRITUDINIS. Hebr. *Sermones illustrationis, explanationis, perspicuitatis*:

alii, *Eloquia elegantie*: nonnulli, *Verba rotunditatis, sphaera*, id est rotunda, & elegantia. Laudari putant hanc tribum a studiis eloquentiæ, elegantiae, facundiae. Hebræi, & plerique ex nostris, vaticinium istud de Nephthali, ad Baracum imperatorem de ea tribu, & Canticum Deborah, Iudicum iv. & v. referunt: Barac enim primus timidior instar cervi, deinde missus, & confirmatus a Debora, nobilem reportavit victoriam; quam pulcherrimo, & elegantissimo carmine epinicio ipse, & Debora decantant. Atque Barac ipse est cervus emissus, qui dedit eloquia pulchritudinis, nempe suavissimum illud canticum. Quibusdam hæc interpretatio ineptissima videtur; sensumque verborum Iacob hunc esse putant: Nephthalitas in ruta atque ubere collocatos regione, exultaturos suavi libertate, similiter atque cervæ, nullis indaginibus, aut plagis conclusæ, sed in herbosis amœnisque saltibus libere versantes, pascentesque exultim ludunt. Præterea blandis appellationibus, & humanitatis artibus gratiam sibi conciliaturos apud omnes; ac proinde in summa pace divinis illis donis fruituros: quæ maxima est Dei benedictio. Atque hoc ipsum quoque esse quod Moyses cecinit Deuteronom. xxxiii. 23. *Nephthali abundantia perfuerit, & plenus erit benedictionibus Domini.* Non sunt omittenda quæ S. Hieronymus habet: *Nephthali virgulum resolutum, dans in generatione pulchritudinem.* In Hebræo ita scriptum est: *Nephthali ager irriguus dans eloquia pulchritudinis: signans quod aque calide in ipsa nascuntur tribu: sive quod super lacum Genesareth, & fluente Iordanis irrigua sit.* Hebræi autem volunt propter Tiberiadem, quæ legis videbatur habere notitiam, agrum irriguum, & eloquia pulchritudinis prophetari. Porro ubi nos agrum irriguum, & LXX. *virgulum resolutum posuerunt*, in Hebræo legitur *שֶׁלֶחַב אֵיָלָה* *seheluchab aialah*, quod potest & Cervus emissus transferri; propter temporaneas fruges, velocitatem terræ uberioris ostendens. Sed melius si ad doctrinam Salvatoris cuncta referamus: quod ibi vel maxime docuerit, ut in Evangelio quoque scriptum est: nempe Matthæi iv. 13. *Quod vero אֵיָלָה aialah, agrum converterit, est quod ipse אֵיָל aial, vel אֵל el exillimavit esse planitiem, vel campetria*, Genes. xiv. 16. missus

6. missus vero figurate accepit pro iri-
guo. Quod autem LXX. *virgulum* dixe-
runt, videntur accepisse *ceruam* meta-
phorice, pro emissionem capreolorum vinea-
rum: nam hic quidam *capream* reddunt:
quod vero vocant *germen*, forsitan אמרי
imre putarunt esse e significato אמר *amir*,
ramus, *verber*.

22. **FILIUS ACCRESCENS.** Hebr.
varie exprimunt. I. *Ramus fructificans*, *se-*
cundus. II. *Filius rami crescentis*, וְיִנּוּנְדָנְטִים *inun-*
dantis instar Euphratis. פֹּרוֹת *phorath* vo-
lunt esse radicem per se, cum Thau radi-
call. III. *Filius*, vel *ramus fructifera* vi-
tis, id est ramus viuis secundæ, unde pal-
mites pullulabunt. IV. *Filius rami flori-*
dus. V. *Filius fructificationis*, *secunditatis*,
fertilitatis. Phorath quidam pro participio,
alii pro nomine substantivo capiunt. He-
bræi notant, non posse verti, *Filius fru-*
ctificationis, vel *ramose*, aut *fructifera* ar-
boris, quod בֶּן *ben*, *filius*, non sit con-
structum, seu in regimine: nam habet
Tzeri, & si esset in regimine, haberet
Segol: sed exponendum, *Filius*, vel *ramus*
fructificans; & tunc *ben* esse femininum,
cum construatur cum *phorath* femineo,
id est *fructificans*, seu *ramus secundus*:
quod Iacob ob amorem & teneritudinem
erga Ioseph, femineo nomine ipsum ap-
pelles. Sed ista nauci sunt, nec tanti fa-
ciendum est punctulum, pro arbitrio Ma-
foretarum adiectum, ut utraque expositio
constare non possit. Alii, *Filius decoris*, a
פָּאָר *phar*, *filium*, pro *ramo*, positum put-
tant, ut Psalm. LXXIX. 16. **FILIUS AC-**
CRESCENS, ET DECORUS ASPE-
CTU. Coniunxit duas significationes vo-
cis *phorath*: *acrescens*, וְיִנּוּנְדָנְטִים *decorus*. Heb.
Filius fructificans, vel *fructificationis*, ut in
precedente pericope, *super fontem*, vel *su-*
per oculum, quod Noster dixit, *aspectu*.
Volunt esse metaphoram arboris, vel vi-
tis, seu rami iuxta fontem mirifice cre-
scentis, & fructificantis. **FILIAE DIS-**
CURRERUNT SUPER MURUM; id
est, puellæ Aegyptiæ captæ forma &
pulchritudine Ioseph, muros urbis, & edi-
ta domorum conscendebant ad videndum
tam pulchrum iuvenem regio culta aug-
ustum, regioque curru invecum, tamquam
servatorem Aegypti incedentem. Alii per-
stantes in metaphora *rami*, exponunt:
*Surculi, rami incesse-
runt super murum;* id

est, ramusculi eius alte se & late diffade-
runt ad muros usque: atque metaphoram
sic enucleant: *Filius, ramus fructificans*
Ioseph, ramus fructificans super fontem. Bis
dicit ramum fructificantem, quod bifidus
esset, & fructificaret in duas tribus E-
phraim & Manasse: *filia*, id est surculi,
vel germina eius, altitudine & latitudine
adeo excreverunt ut murum, iuxta quem
plantatus est, superent. Vide Ioue XVI.
17. Nec dubium quin vox *phorath*, *fru-*
ctificatio, alludat ad nomen Ephraim,
quod ab eadem radice, id est פָּרָה *parah*,
fructificare, dicitur. Quidam reddunt: *Duo-*
bus ramis suis procedit ultra murum. No-
tandum quod Hebraice est ad verbum:
*Filiæ incesse-
runt super murum*: cum supposito
plurali verbum posuit singulare, partici-
pe; id est, unaquæque ordine incesse-
rit, una post aliam. Aliqui: *Filarum chorus*
incedit iuxta murum. Notant, non simpli-
citer hic de tota tribu haberi sermonem,
nec merum esse vaticinium futuri tempo-
ris; sed personam Ioseph cum suis poste-
ris misceri, & quædam ei proprie conve-
nire, alia ad duas tribus, Ephraim, &
Manasse pertinere.

23. **ET IURGATI SUNT.** Hebr.
Et multiplicaverunt, vel *multiplicati sunt*;
scilicet adversus eum, nempe fratres eius
vel וְיִנּוּנְדָנְטִים *multiplicaverunt*, videlicet odia
iurgia, contentiones. prava consilia adver-
sus eum: quidam, *Multoties fecerunt*, vel
contenderunt: plerique, *Et sagittaverunt*,
vel *iaculaverunt*, seu *iaculati sunt*; quod
non probo. **HABENTES IACULA.**
Hebr. *Magistri, Domini sagittarum*. Qui-
dam hos, fratres Ioseph, dominum eus
Putipharem, huiusque uxorem intelligunt:
nam cum comparasset Ioseph arbori, istos
sagittarios vocat, quasi sagittantes in ar-
borem Ioseph. Forsitan teste innuit aulico-
rum, & principum regni invidiam odium,
æmulationem, qui eius vitam, honor-m,
dignitatem petebant: nam eiusmodi falli-
gia numquam carent invidia, & odio.
Nonnulli putant commendari hic tribum
Ephraim a peritis sagittandi, ut Psalm.
LXXVII. 2. *Fili Ephraim intendentes, &*
mittentes arcum; ac si dicat Iacob: Tana
excellentes erunt Ephraimitæ in arte sa-
gittandi ut vel ipsi sagittandi magistri il-
lis inviderent, ac propterea odio habe-
rent, & in eos insurgerent. Frigidus

Aaaa 2 & alie-

& alienus sensus, ne dicam ineptus.

V. 24. SEDIT IN FORTI ARCUS
IUS. Hebr. *Et mansit in duritia, robore,
vehementia, fortitudine, vi, arcus eius; id
est, non est fractus, aut factus remissior,
non elanguit, vel in durabilitate, perenni-
tate, pertinacia.* ET DISSOLUTA SUNT
VINCULA BRACHIORUM, ET MA-
NUUM ILLIUS. Sensum expressit.
Hebr. *Et consolidata, roborata, obfirmata
sunt brachia manuum eius.* Quidam He-
bræorum ex vocibus *פז* *paz*, & *זרזר* *mu-
phaz*, aurum reddunt: *Et aurata, deaurata
sunt*, id est auro ornata, brachia, &c.
quasi fuerint armillæ, dextrocheria, vi-
riæ, brachialia aurea in brachiis Ioseph,
ad insignie regie præfecturæ. Nonnulli,
consentiente voce, *Et topazii, seu mar-
garitis ornata fuerunt*: ad verbum, *Topa-
zaria brachia manuum eius.* Verbum *פז*
pazaz in Kal alibi non invenitur. Pauci,
*Et extensa sunt brachia manuum eius, mo-
re sagittantium.* POTENTIS IACOB.
אבר *abir* aiunt significare *fortem, robu-
stum, potentem, validum, prævalidum, po-
tentissimum, amplissimum*; ac dici de Deo,
Angelis, hominibus, equis, tauris. Quidam
potentissimum reddunt. Nec desunt, qui ex
eo Latinum nomen *vir* effictum putent.
Ego potius ab *אבר* *eber*, seu *אברה* *ebrab*,
ala, penna, deduxerim, quasi dicas poeti-
ce, *pennigerum, pennatum, alatum, invola-
tum*, qui pennis super alios efferatur, &
in sublime se tollat, aliisque involet, tam-
quam superior & maior. *Pennipotentem* di-
cere possis, qua voce utitur Lucretius:
quod mire Deo, & Angelis convenit; at-
que etiam hominibus qui aliis præstant,
& equis cursu volantibus, & quasi pen-
natis; tauris, etiam habitatoribus, & du-
loribus armentorum, qui feminis, & gre-
gi præstent, & veluti involent. Hic epi-
thetum est Dei. Et cum de Deo dicitur
sæpe construitur cum nominibus Iacob,
Israel, ut hic; quasi dicat: Cuius vires,
& potentiam, auxilium, involatum, alas,
protectionem sæpe expertus est Israel.
INDE PASTOR EGRESSUS EST LA-
PIS ISRAEL. Hebr. *De ibi, exinde, un-
de pascens, pastor, lapis Israel*; hoc est,
de manu potentis Iacob factum est ut Io-
seph esset pastor, quasi nutritius pascens,
& alens, & lapis, seu firmamentum Isa-
elitici populi & familiæ. Hinc Ecclesia.

stici XLIX. 19. Ioseph dicitur *firmamentum
gentis, & stabilimentum populi.* Alii, *Pas-
cens lapidem Israelis*, non tam recte.
Quidam notant, *lapidem* per antonomas-
iam, & figurate poni hic pro lapide in-
signi, seu pro regno; exponuntque: *Inde
pastor, & lapis Israelis*, id est propheta,
& gubernator. Positum vero singularem
numerum pro plurali, pro lapidibus an-
gularibus, quibus nititur, & ædificatur po-
litia. Alii potius singulariter intelligunt,
prophetas, & gubernatores esse falcimen-
tum, & firmamentum reipublicæ. Pleri-
que *Israel* in recto hic sumunt: *Inde pa-
stor, lapis ipse Israel.* Fanatice quidam He-
bræorum, nomen *lapis*, pro *omnis*, capi-
unt: *Inde pastor omnis Israel.* Alii ex-
plicant, *Pastor, lapis Israel*: quod Israel
sit præcipua pars ædificii mundi. Quidam,
Lapis Israel, id est dux, & caput Israe-
lis.

V. 26. DONEC VENIRET DESIDE-
RIUM COLLUM AETERNORUM. *De-
siderium collum eternorum* plerique Chri-
stum intelligunt, quem & Patres antiqui,
& ipsa terra, collesque mundi tantopere
desiderarunt, Aggæi 11. 8. Ceterum vox
תהאב *thaaab* diversimode redditur. Qui-
dam deducunt ab *אבא* *avab*, *cupere, ave-
re, desiderare*: *Usque ad desiderium collum
seculi*; id est, quantum desiderare possint
colles mundi, id est terra, & mundus;
colles, & terra ipsa non poterit desidera-
re maiores benedictiones, & felicitates cæ-
li, solique, quam erunt benedictiones tri-
bus Ioseph. Nonnulli reddunt, *Velus con-
cupiscentia collum mundi erunt*, vel iuxta
opata collum seculi: eodem sensu: alii,
Usque ad pulchritudinem collum mundi; id
est, colles mundi non erunt pulchriores be-
nedictionibus Ioseph. Alii derivant ab *תהאב*
thaaab, vertuntque: *Usque ad definitionem,
determinationem, circumscriptionem, finem,
terminum, limitem collum perpetuorum, seu
eternorum*: quod duplici sensu enucleant,
vel ut loquatur de termino loci, vel tempo-
ris. I. Usque ad extremos mundi col-
les, felicitas Ioseph se longe lateque dif-
fundunt. II. Durabit eius felicitas quon-
que stabunt colles seculi, qui sunt firmis-
sima terræ portio: vel erunt istæ benedi-
ctiones non temporales tantum, sed eter-
næ: coniungit enim spirituales promissio-
nes cum terrenis, quia hæ illarum erant
figu-

figuræ. Periphrasis est perpetuitatis, non dissimilis illis quæ habentur Psalm. lxxi. ver. 5. & 7. & 17. Psalm. lxxxviii. ver. 37. & 38. Matth. v. ver. 18. NAZARÆI INTER FRATRES SUOS. Nazaræum vocat Ioseph, id est *separatum, seledum, segregatum, consecratum, coronatum, serto, diademate, corona redimtum, sanctimonia, devotione, religione, dignitate, reverentia, separatum, & eximium, fratrum suorum, seu inter fratres suos*. Quo nomine eum appellat, vel quod sit fratrum corona propter communem gloriam, quæ ab ipso in omnes eos redundavit; vel propter dignitatem, & sanctimoniam, qua omnibus aliis excelluit, & qua princeps fuit inter fratres suos. Quidam ver. 24. 25. 26. peculiariter de tribu Ephraim interpretantur, ex qua prodierit pastor, lapis Israelis Ieroboam, qui primus ex ea tribu regnum obtinuit, ac divisit a Iuda, rerumque potitus est in decem tribubus; fueritque ea sors mira fertilitate, copia, abundantia frugum, pecorum, & hominum; ut etiam Osæ ix. 11. dicitur fortis, stabilis, plena benedictionibus, seu felicitatibus. Vide S. Hieronymum, & Explanatores.

V. 27. BENIAMIN LUPUS RAPAX, &c. S. Hieronymus: *Quantum de Paulo Apostolo manifestissima prophetia sit, quod in adolescentia sua persecutus Ecclesiam, in senectute predicator Evangelii fuerit; tamen in Hebræo sic legitur: Benjamin lupus rapax, sive capiens, in matutino comedit prædā, & ad vespervam dividit spolia: quod ita Hebræi edisserunt. Altare, in quo immolabatur hostiæ, & victimarum sanguis ad basem illius fundebatur, in parte Benjamin fuit. Hoc, inquit, ergo significat quod sacerdotes mane immolant hostias, & ad vespervam dividunt ea, quæ sibi a populo ex lege collata sunt: lupum sanguinarium, lupum voracem super altaris interpretatione ponentes, & spoliolum divisionem super sacerdotibus, qui servientes altari, vivunt de altari. Variè Expositores hoc vaticinium Beniaminicum dilatrunt: quidam ad Paulum, alii ad Saulum, nonnulli ad raptam Levitæ uxorem: nec desunt qui ad Mardocheum. Ad tribum communiter, quæ ferocis, violenta, bellicosa, rapinis, cædibus, spoliis gaudebat.*

V. 32. COLLEGIT PEDES SUOS

SUPER LECTUM. Quidam intelligunt, Iacobum sedentem in lectulo, pedibus pendulis, longum illum sermonem ad filios habuisse; quo finito, placide nunc pedes sustulisse, seu retraxisse super lectum, ac iacuisse. Alii exponunt, sanctum senem tranquillo ac quieto animi mentisque statu retraxisse pedes, & membra sua direxisse quo voluit, haud secus ut sani, ac vegeti se ad somnum componere solent. Nonnulli notant, Iacobum pedibus stantem, totam illam concionem peregrisse, id honoris, verbo Dei, cuius tunc præconem agebat, deferentem; deinde, cum iam præ imbecillitate stare non posset, qualem potuit honorem verbo Dei exhibentem, collegisse pedes ac se in lecto composuisse. Sic observatum est, honorem verbo Dei stando deferri. Uri Genes. xlvii. 31. Numeror. xxiii. 18. Iudicum iii. 20. II. Reg. xxiii. 3. I. Paralipom. xxviii. ver. 2. II. Paralipom. xxxiv. 31. Nehemiæ vii. 5.

MENOCHII.

Verf. 1. VOCAVIT. Mos Hebræorum fuit filios, vel alios curæ suæ commissos morte imminente convocare, & salutaria monita dare, ac bene precari, & interdum futura prædicere. Exempla obvia in sacris Scripturis. IN NOVISSIMIS DIEBUS, futuris temporibus, imposterum.

V. 3. PRIMOGENITUS, secundum carnem: nam iura primogenituræ illi adempta, ut impio in patrem. FORTITUDO MEA, quem cum adhuc robustus, & viridis ætate essem, genui. INITIUM DOLORIS: quia nati liberi multum anxietatis, laboris, sollicitudinis parentibus afferunt. Vel sensus est: tu mihi fuisti præcipua causa doloris, & tristitiæ ob tuum incestum. PRIOR IN DONIS: nam primogenito duplex hereditatis portio debebatur: Deuter. xxi. 17. Hoc ius in Iosephum translatus: nam duæ sortes eius posteris attributæ, seu duæ tribus, ager etiam eximius extra sortem cap. præcedenti num. 22. MAIOR IN IMPERIO: quia primogenito fratres debebant subesse fraterna quadam, & quasi paterna subiectione. Hoc quo ad duas tribus in Iuda, quo ad decem diu in Ephraim permansit; & quia

& quia utraque prerogativa cernitur in familia Ioseph, ideo I. Paralip. v. 1. dicitur Ioseph positus primogenitura Rubeni.

V. 4. EFFUSUS ES SICUT AQUA: PRÆCEPS IN SCELUS RUISTI. NON CRESCAS: non cresces, nam est prophetia. Tribus tua erit exigua numero. **CUBILE PATRIS TUI:** incestasti novercam, supra cap. xxxv. 22. **MACULASTI STRATUM EUS:** me, novercam, te, ipsam prolapiam universam dehonefasti.

V. 5. FRATRES, non tam germani natura, sed simillimi, & coniunctissimodolo, furore, crudelitate, & præ ceteris ob fororis delectus exardescentes in ultionem, supra cap. xxxiv. 25. **VASA INIQUITATES,** instrumenta iniquitatis. **BEL-LANTIA,** prompta, & strenua in flagitium, & ultionem.

V. 6. IN CONSILIUM EORUM NON VENTAT ANIMA MEA: absit ut glori-er hoc filiorum meorum facinore. Olim detestatus sum, & nunc detestor. **ET IN COETU ILLORUM NON SIT GLORIA MEA;** quasi dicat: Illi in hac strage quasi indice fortitudinis suæ gloriati sunt: absit a me tale decus, & gloria. **OC-CIDERUNT VIROS:** en allage, singulare pro plurali. **VIROS,** ut complectatur omnem populum masculini sexus **IN VOLUN-TATE SUA,** in sua libidine sæviendi. **LXX.** habent. *In sua concupiscentia.* **SUF-FODERUNT MURUM.** Vel murus proprie accipitur, quod scilicet urbis mœnia suffoderint, & aliqua saltem ex parte everterint: vel murus metaphorice sumitur, & significat Hemor, & Sichem principes civitatis, qui sua potentia illam muniebant. Hinc **LXX.** vertunt, *Subvertunt taurum.* Taurus quia in feminas ruebat, & quia in civitate potens.

V. 7. MALEDICTUS FUROR EO-RUM. Hæc maledictio prophetica in fratres istos temporaria. & conditionalis fuit, nisi scelus novis meritis expiarent. Hæc maledictio a Levi, & a Levitis sublata est per zelum tum Moïsi, & Aaronis, aliorumque Levitarum in cæde adoran-tium vitulum aureum; tum Phinees Le-vitæ, qui Hebræum cum Madianitide concumbentem occidit, & Beelphegor ever-tit, Num. xxv. num. 5. & 6. ideoque tri-bus Levi & sacerdotium, & benedictio-

nem a Moïse accepit: Deuter. xxxiii. 10. In Simeone vero manit hæc maledic-tio propter fornicationem, & idololatriam Zambri, qui fuit dux tribus Simeonis, quem occidit Phinees, Numer. xxv. Unde solus Simeon a Moïse non fuit benedictus: Deuter. xxxiii. **QUIA PERTINAX.** Excusari possent si subito impetu excan-diissent; inexcusabiles fuerunt quod ira-cundia tenax, vindictæ amor insatiabilis, & flecti neicia fuit indignatio. **DIVI-DAM.** Aptissima pœna malos consultores disgregandi, & conspirationem disturban-di, ne rursus in aliorum perniciem capita conferant. In Simeone id impetum, quan-do data ei forte portio in medio tribus Iuda, Iosue xix. 2. & 9. quæ portio exi-gua fuit, & ita factum ut cum Simeonis tribus hominibus facta esset numerosior, exierint in desertam ad quærendas sibi se-des, pars in Gador, pars in montem Seir. Vide I. Paralip. iv. 27. 39. & 43. In Le-vitis impleta, quia Levitis nulla fors ob-tigit propria, sed per omnes tribus disper-si: Ios. xviii. 7.

Vers. 8. IUDA, TE LAUDABUNT FRATRES TUI. In Hebræis vocibus e-legans allusio ad nomen Iuda continetur. Vocatur eum mater (supra cap. xxix. num. ult.) Iudam quoniam laudanti Deum causam habebat maximam; nunc pater aliam nomi-nis rationem addit, quod tribus Iuda a ceteris fratribus sit laudanda. **MANUS TUA IN CERVICIBUS INIMICORUM,** ut eos in fugam agant, insequantur, cap-iant, trucident. **ADORABUNT TE FILII PATRIS TUI,** in rege, vel Mes-sia ex ea nascituro.

V. 9. CATULUS LEONIS IUDA. Sicut Iudas inter fratres est, ita tribus Iuda inter alias erit instar leonis, impavida, fortis, bellicosa, victrix. **AD PRÆ-DAM FELI MI, ASCENDISTI.** Hebr. *ŷymmachus,* & Aquila habent, *A præda.* Sensus est: a præda ad prædam ascendi-sti, assidue prædaris, iugiter a prædatione, & cum præda redis. Id maxime verum tempore Davidis viri bellatoris, & in multis bellis victoris. **REQUIESCENS ACUBUISTI:** post victoriam læta pace positus es, ut leo, qui adeptus præ-dam securus accubat, & illa fruitur. **QUASI LEONA,** quæ catulos lactans pavor, & fortior est leone. **QUIS SU-**

SCITABIT EUM? quis eum suscitare, & bello audeat laceßere?

V. 10. NON AUFERETUR SCEPTRUM DE IUDA. Sceptrum Iudaici erit regni in finibus tribus Iuda, hoc est Ierolymis. ET DUX DE FEMORE EIVS, si non per lineam masculinam, certe per femininam: nam etiam hi de femore Iuda progressi sunt.

Dices: Herodes alienigena regnavit Ierolymis ante Messiae adventum, qui tamen non exierat de femore Iuda. Respondeo: Herodem non fuisse regem, sed tyrannum non legitime dominantem. Præterea intelligendam prophetiam de regno libero, & a nemine dependente; quale Herodis regnum non fuit, quod a Romanorum pendebat arbitrio. Tandem si Herodes aliquando legitime regnavit, id illi non contigit nisi secundo Christi anno, quo illum Iudæi in regem suum volentes susceperunt, vide Philonem Lib. II. de Tempore, & Iosephum XVII. Antiquit. cap. III.

QUI MITTENDUS EST, Messias. IPSE ERIT EXPECTATIO GENTIUM. Sic Aggæi II. 8. Christus vocatur desideratus cunctis gentibus, & hoc cap. num. 26. desiderium collium æternorum.

V. 11. LIGANS AD VINEAM PULLUM SUUM, ET AD VITEM, O FILI MI, ASINAM SUAM. Christus ligabit funiculo fidei, spei, & caritatis ad vineam, id est ad Ecclesiam primævam ex Iudæis collectam, pullum suum, id est populum Gentium, qui iugum legis nondum tulerat, cum eum Iudæis in una Ecclesia coniunxit, & adunavit; *o ad vitem*, id est ad seipsum (Christus enim vitis est Ioan. xv. 1.) o Iuda fili mi, ligabit idem Christus asinam suam, id est populum Iudæorum, iugo legis assuetum, & attritum. Recte Christus dicitur asinam ligasse ad se, quia per se ipsum prædicavit Iudæis; pullum vero alligasse vineæ, quia Gentibus per Iudæos, puta Apostolos prædicavit, & per eos Gentes sibi aggregavit. LAVABIT IN VINO, sanguinis sui. STOLAM SUAM, carnem suam. ET IN SANGUINE UVÆ PALLIUM SUUM, sanguine suo Ecclesiam suam, cum scilicet mortuus est in cruce, & in dies lavat mundanam eam lavacro aquæ in verbo vitæ.

V. 12. PULCHRIORES SUNT OCULI EIVS VINO. Hebr. *Rubicundiores, ardentes, magis radiantes, quam vinum*: quia loti per passionem, & radiantes post resurrectionem, conferuntur cum vino, quia lætificant corda spectantium. ET DENTES EIVS LACTE CANDIDIORES. His, & ante dictis explicatur pulchritudo Christi, maxime resurgentis. Hæc enim potissimum in genis, oculis, & dentibus spectatur.

V. 13. ZABULON IN LITTORE MARIS HABITABIT, iuxta mare Mediterraneum, & mare Galilææ, sive stagnum Genesareth. IN STATIONE NAVIUM: quia terra Zabulon portuosa, PERTINGENS USQUE AD SIDONEM. Hebr. *Latus eius ad Sidonem, vel versus Sidonem*, spectat scilicet.

V. 14. ISSACHAR ASINUS FOR- TIS. Hebr. *Osseus*, robustus scilicet ad agriculturæ opera. ACCUBANS INTER TERMINOS, aliarum tribuum; ideo procul a navigationis sorte, & rure suo se pascet.

V. 15. VIDIT QUIETEM QUOD ESSET BONA, quietem vitæ rusticæ. SUPPOSUIT HUMERUM AD PORTANDUM, ut asinus osseus, ac robustus onera rustica. FACTUSQUE EST TRIBUTIS SERVENS: quod fere agricolis accidit, qui plus ceteris tributis gravantur, a quibus milites sunt immunes.

V. 16. DAN IUDICABIT. In Hebræo est allusio ad nominis etymologiam; quasi dicat, Iudex iudicabit; Samsonem scilicet Iudicem Israel, qui fuit de tribu Dan. SICUT ET ALIA TRIBUS, quæ suum Israel dedit iudicem: non enim omnes tribus iudices protulerunt, nam ex Ruben, Gad, Simeon, & Aser nullus iudex extitit. Sensus ergo est: si quæ tribus Israeli iudicem dabit, & hæc dabit, non deerit illi hoc decus.

V. 17. FIAT DAN COLUBER IN VIA, CERASTES IN SEMITA. San- son Danita quasi coluber fuit, dolo Philistæos aggressus, ut patet in trecentis vulpibus, & in concussione columnarum: similis etiam serpenti, quia cum aures non sibi obturasset, pellacibus Dalilæ vocibus incantatus est. *Cerastes*, genus quoddam serpentis cornuti, de quo Plinius Libro VIII. cap. XXIX. nomen habet από τῆς

tripares. MORDENS UNGULAS EQUI, UT CADAT ASCENSOR EIUS RETRO. Hoc est cerastæ ingenitum ut calcaneum equi petat; quo percussio, & deiectione, etiam equitem perdit. Conveniunt hæc Samsoni, qui & fortitudine, & dolis contra Philistæos grassatus. Conveniunt etiam propter eandem rationem Antichristo ex tribu Dan nascituro, qui violentiam, & insidias contra fideles exeret.

V. 18. SALUTARE TUUM EXPECTABO, DOMINE: nam brevis requies sub Samsoni; ideoque securior & diuturnior a Christo expectanda: expectabo etiam eundem Christum ut Antichristum perdat, & nos salvos faciat.

V. 19. GAD, ACCINCTUS PRÆLIABITUR ANTE EUM, ET IPSE ACCINGETUR RETRORSUM. Tribus Gad iuxta suum nomen (Gad enim accinctum significat) accincta erit, armata, & bellicosa; idque tunc maxime patebit quando ipsa armata ante Israel emibit, hoc est ante reliquas tribus, quasi dux, easque per Jordanem ducet in Chananzam. Ipsa etiam accingetur retrorsum, quando alii tribus in sua forte collocatis, ipsa post decimum quartum annum spoliis onusta gloriose domum in suam sortem trans Jordanem redibit.

V. 20. ASER, PINGUIS PANIS EIUS, ET PRÆBEBIT DELICIAS REGIBUS. Significat, & prædicat opes, fertilitatem, fructusque Aser, adeo sapidos, & delicatos ut in deliciis haberentur a regibus Israel, Iuda, & Tyri, quod illi ob soli bonitatem contingebat. Idem de Aser prædicat Moyses cum ait Deuteron. xxxiii. 24. *Tingat in oleo pedem suum*, &c.

V. 21. NEPHTHALI CERVUS EMISUS, ET DANS ELOQUIA PULCHRITUDINIS. Est prophetia de Barach Israelis duce, qui ex hac tribu. Hic prius ut cervus pavidus, quamvis ad bellum emissus, non nisi Debora comite in expeditionem ire ausus est, victoria vero luculenta reportata, dedit eloquia pulchritudinis, pulcherrimum nimirum carmen gratulatorium, & eucharisticum, quod habetur cap. v. Iudic.

V. 22. FILIUS ACCRESCENS IOSEPH. Sane accrescens, nam duas ipse tribus obtinuit de nomine filiorum dictas

Manasse, & Ephraim, quarum ista iuxta suum nomen fructificans fecundissima fuit, ac florentissima, ac etiam regia. DECORUS ASPECTU. Ex Hebr. verti potest, *Super oculum*, adeo decorus ut oculos ad se raperet; quod præcipue verum in Aegyptia. FILIAE DISCURRUNT SUPER MURUM, ut te formosum cultu regio amictus intuerentur.

V. 23. EXASPERAVERUNT EUM, fratres scilicet eius. ET IURGATI SUNT, dicentes: *Numquid rex noster eris?* &c. HABENTES IACULA, irrisorum, mendaciorum, calumniarum, verberum, vel etiam illum armatis manibus circumfistentes.

V. 24. SEDIT IN FORTI ARCUS EIUS: per spem in Deo quasi in arce fortissima, & inexpugnabili stetit. DISSOLUTA SUNT VINCULA BRACHIORUM, ET MANUUM ILLIUS, cum e carcere eductus est. PER MANUS POTENTIS IACOB, Dei potentis, quem Iacob coluit. INDE PASTOR EGRESSUS EST, LAPIS ISRAEL: effectus est rector, & princeps Aegyptiorum, & firmamentum populi sui Israel.

V. 25. BENEDICTIONIBUS CAELI, dando tibi e caelo opportunam pluviam, rorem, nivem. BENEDICTIONIBUS ABYSSI: terram dabit tibi irriguam, & fertilem ex aquis inferne ex abyso producentibus. BENEDICTIONIBUS UBERUM, ET VULVAE, ut scilicet habeas copiosum lac, seturam, ac proles tum animalium, tum hominum.

V. 26. BENEDICTIONES PATRIS TUI CONFORTATAE SUNT BENEDICTIONIBUS PATRUM EIUS; quasi dicat: Maior est mea benedictio, qua ego tibi benedico, quam ea qua mihi parentes mei benedixerunt: eris me felicitior, magisque benedictus. DONEC VENIRET DESIDERIUM COLLUM AETERNORUM. Hæ benedictiones durabunt donec veniat Christus, quem omnis creatura reparatorem desiderat: ille maximam toti mundo benedictionem asseret. Colles æterni, id est qui æternum durant. Allegorice colles æterni sunt Patriarchæ sapientia, & sanctitate eminentes. ET IN VERTICE NAZARAEI. Nazareum separatim, & coronatum significat. Fuit autem Ioseph a patre, & fratribus, & ab alio-

aliorum consuetudine segregatus, cum in Aegyptum venditus, & carcere conditus fuit; postea coronatus ipse in Aegyptio, posterius eius in Israel. LXX. habent: *Supra verticem glorificatus in fratribus.*

V. 27. BENIAMIN LUPUS RAPAX. Prædicit tribum Benjamin instar lupi fortem, & bellicosam futuram; quod patet ex bello Gabaa, lud. xi: Alludit etiam ad victorias, & prædas Saul's, Eltheris, & Mardochei, qui ex hac tribu fuerunt. MANE COMEDET PRAEDAM, ET VESPERE DIVIDET SPOLIA. Idem est comedere prædam, & dividere spolia, nimirum prædari, prædas dividere, comedere, &c.

V. 28. OMNES HI IN TRIBUBUS ISRAEL DUODECIM. Hebr. est, *Omnes istæ tribus Israel sunt duodecim*; quasi dicat: Ab his duodecim filius Iacob descenderunt, & denominatæ sunt duodecim tribus Israel. BENEDIXITQUE SINGULIS BENEDICTIONIBUS PROPRIIS, hæcenus recitatis.

V. 32. COLLEGIT PEDES SUOS SUPER LECTULUM: nam prius in sponda lectuli sedebat, curibus pendentibus: colligit ergo pedes in lectulum, & sensim expirat. APPOSUIT EST AD POPULUM SUUM. Mortuus est, & quo ad animam descendit ad patres, & ad iustos in limbo, sinuque Abraham degentes.

T I R I N I.

Vers. 3. RUBEN PRIOR IN PÆRTIO. Chaldaeus sic habet: *Tu Ruben accepturus eras partes tres*. scilicet primogenituram, sacerdotium, & regnum; sed quia secutus es peruersam voluntatem tuam, sicut aqua effusa, non proficies, neque accipies portionem supererexcentem. Simile quid imprecatur Moyses eidem Rubeno, Deuter. xxxiii. *Vivat Ruben, & sit parvus in numero*. Et satis patet ex publico lustro, tribum Ruben plerisque aliis tribubus etiam numero inferiorum fuisse; ut sileam de exili gloria, potentia & dignitate illius tribus.

Nota, tria illa quæ Rubeno debebantur ratione primogenituræ (ut probabo I. Paralip. v. vers. 2.) quibus ipse suo scelere se privavit, data fuisse partim Iosepho,

partim Iudæ, partim Levi. Nam duplex hereditatis portio, seu duplex tribus cessit Iosepho, ut dicitur I. Paralip. v. vers. 1. sacerdotium accepit Levi, in nepote suo Aarone; regnum quo ad nobiliorem partem accepit Iudas in Davide, & posteris; quo ad decem tribus, accepit Ephraim filius Iosephi, in Ieroboamo, & aliis regibus Israel.

V. 9. REQUIESCENS ACCUBUIT UT LEO, &c. Alludit ad Davidem, & Salomonem, qui, debellatis Ammonitis, Idumæis, omnibusque Syriæ populis, iam prædæ saturi quiescentes, erant nihilominus terrori omnibus; ut solet leo etiam dum humi profusus quiescit, terrori esse reliquis animalibus.

Vers. 10. NON AUFERETUR SCEPTRUM DE IUDA, ET DUX DE FEMORE EIUS; id est, tribus Iuda simulatque regium sceptrum acceperit, tamdiu illud retinebit, donec veniat qui mittendus est, scilicet Messias, seu Christus. *Cunus est regnum*, habet Chaldaeus; *Cui reposum est*, LXX. verterunt, & legit S. Ignatius Martyr, Irenæus, Tertullianus, Ambrosius & quidam alii. Nam sceptrum, seu imperium regium tam temporale, quam spirituale in universum orbem, Christo debebatur, & reservabatur. Et spirituale quidem per se administravit; temporale solum per vicarios. Hanc vero vicariam operam in Iudæa, seu inter Hebræos dicit hic committendam tribui Iudæ, non aliquo exiguo tempore (uti etiam tribui Ephraim in Ieroboamo eiusque posteris committenda fuit) sed usque ad ipsius Christi adventum in terras. Et ita contigit de facto. Nam David eiusque posteris ex Iuda oriundi, Iudæis titulo regio præfuerunt usque ad captivitatem Babylonicam. Ea durante, Iechonias, etiam in carcere, etiam regius usus est insignibus. Finita captivitate, ex eadem tribu Iuda, titulo ducis præfuit Iudæis a Zorobabel nepos Iechoniz; & illum secuti alii eiusdem familie duces usque ad Machabæos, seu Asamoneos; qui ad Herodem usque, sub quo natus est Christus, sceptrum Iuda tenuerunt, quo iure, dicam & cum ad eos ventum fuerit. Et licet ex Levi essent oriundi, utpote sacerdotes, & filii Aaron; tamen censentur vocabanturque filii Iuda, partim ob genu

Bbb b ma-

maternum, quod trahebant ex femore Iudæ, partim ob inquisitionem, & quasi ad optioem in tribum Iudæ. Nam a reditu e Babylone, licet plurimi ex aliis tribubus reverterentur in patriam, non tamen aut regno, aut loco, ut ante, distincti fuerunt; sed uni regno, & tribui Iudæ adscripti, & quasi insiti: imperium vero in omnes uni soli tribui Iudæ cessit, & penes hanc unam remansit: omnesque Iudæi, seu tribus Iudæ vocati sunt. Unde licet in ea sceptrum tenuerint Machabæi ex alio sanguine prognati; quia tamen illud ipsum acceperunt ab eadem tribu Iudæ, & in eadem tribu, in quam insiti fuerant, & nomine eiusdem tribus (nam omnes vocabantur Iudæi) vere propriæque dici poterat, sceptrum teneri a Iudæ, & a femore Iudæ. Sicut olim Romani dicebantur imperare, licet non raro exteri, verbi gratia, Traianus Hispanus, & alii sceptrum apud illos tenerent. Et in Polonia, ubi haud ita pridem Stephanus Batorus Transilvanus, & Henricus Valefius Gallus præfuerunt, & nunc præest Serenissimus Sigismundus non e Polonia, sed Svecia oriundus; dicitur tamen sceptrum Poloniæ teneri a Polonis, & gente Polonica: quia nempe & Stephanus, & Henricus, & Sigismundus electione statuum regni, insiti, & incorporati sunt genti Polonicæ. Secus esset, si vel a Turca, vel a Mosco tyrannice oppressi cogerentur alienigenam in regem accipere: tum enim censeretur sceptrum Polonis ereptum, & translatum ad externos. Pari ergo ratione dicitur sceptrum regium Hebræorum mansisse in tribu Iudæ usque ad Herodem, cuius anno 36. natus est Christus. Hic enim & alienigena erat, scilicet Philisthæus Ascalonita, & per vim a Romanis intrusus in solium, ac proinde non poterat dici sceptrum teneri a tribu Iudæ. Ita Suarez III. Part. disp. 1. sect. 1. Peterius, & alii.

Petes: Quare ergo, Herode intruso, non statim advenit Christus, sed expectavit usque ad annum Herodis 36. Respondeo: Quia fere toto illo tempore sola vi & armis tenebat imperium Herodes, viventibus sub initium adhuc Aristobulo, & Hyrcano legitimis regni heredibus; & his dolo & nequitia ipsius occisis, repugnabant nihilominus Herodi primores

Iudæorum cum Phariseorum & sacerdotum principibus, detestantes imperium Herodis, & suæ genti id vendicantes; atque ita sceptrum, quod re ipsa non poterant, saltem iure retinebant, donec tædio, & malis artibus victi, ac resistendo lassæ, tandem ultimo Herodis anno manus illi dederent, & fidei iuramento dato acceptoque colla imperio eius subdidere: atque ita sceptrum tribui Iudæ subtractum, ipsimet ad alienigenam transfulere. Ita Philo, & Iosephus, & Emmanuel Sa. Sed iam paucis ante mensibus Christus in Bethlehem natus fuerat.

Vide de his etiam Chronicon cap. xlv. *V. 11. LIGANS AD VINEAM PULUM SUUM.* &c. Hæc & sequentia Chaldaus, Rabbin, & plures alii litteraliter exponunt de fertilitate terræ quæ obtigit tribui Iudæ. Et vere alludit huc Patriarcha; sed principaliter respicit ad Christum, illiusque passionem, & fructus inde toti orbi consecutos: ut eleganter exponunt Ambrosius, Augustinus, & alii SS. Patres.

V. 17. FIAT, pro fiet, DAN COLUBER IN VIA, &c. Chaldaus, Hebræi, Hieronymus, Ieropius, Lyranus, Tostatus, Pererius, Delrio, & quidam alii litteraliter hæc applicant Samioni; Irenæus, Ambrosius, Augustinus, Theodoretus, Gregorius, & fere omnes antiqui Patres, explicant de Antichristo. Et utriusque recte: nam & uterque oriundus erat ex Dan; & simili genere stratagematum, puta nunc aperta vi, instar colubri, nunc dolis & fallacia, ut cerasces, uterque usus erat in suos hostes; sed Samson in Philisthæos, Antichristus in Christianos. Danitæ quoque in expugnatione Lais, sive urbis Dan, quæ post Cæsarea Philippi dicta fuit, simili calliditate usi sunt. Iudicum xviii. Et utentur passim ministri & alicæ Antichristi ad inducendum in fraudes universum mundum.

V. 22. FILIUS ACCRESCENS. Id significat nomen *Ioseph*. Nam pene in omnibus his benedictionibus alludit Jacob ad nomina singulorum propria, o'im prophetice imposita, quibus quasi totidem litteris præsignabatur qualis futura esset & indoles animi, & conditio terræ singulorum tribuum; itemque heroum ex singulis nasciturorum; ac denique Christi Domini

mini pene per singulos præfigurati. Verbi gratia per Iosephi ingentesopes, gloriam, fortitudinem, formamque speciosissimam, adeo ut passim filiz Aegypti ad eum contemplantum per compita dicerent, fenestras muroque conciderent, ut hic dicitur; præsignificabatur quales futuri essent Ephraimitæ, & Manassæ, ac nominatim Iosue, Debora, Iephthæ, Geleoni, Iair, & Ieroboam cum aliis regibus decem tribuum, qui allegorice Christum & principes Ecclesiæ Christi præsignabant: nempe florentissimi opibus, splendore regni, robore, & gloria; seu allegorice fide, & cultu Dei opt. max.

Petēs: Quomodo hæ benedictiones dicuntur hic futuræ in vertice Nazaræ, id est Iosephi, a fratribus separati, & coronati (nam utrumque significat Nazareus) donec veniet, seu veniat, desiderium domicilium æternorum, id est Christus, quem & Angeli, & Patriarchæ, & orbis universus summo desiderio, si non omnes rationali, saltem naturali, tamquam redemptorem, dominum, gaudium, deliciaeque suas optabant, & præstolabantur; cum conslet, posteros Iosephi, simul ac sceptrum regium in Ieroboamo adepti sunt, a vero Dei cultu ad vitulos aureos deflectisse; & diu ante natum Christum, puta 687. annis, a Salmanaasare Assyriorum rege in perpetuum exilium abductos fuisse IV. Reg. xvii. Respondeo, non esse absolutam promissionem, sed solum conditionatam, nempe si, & quamdiu Deo fidi permanserint. Adde, semper aliquos & sub idololatra Ieroboam, & sub tyranno Salmanaasare, & post reditum e Babylone cum tribu Iuda, repertos fuisse e posteris Iosephi, qui ut Deo fidi permanserunt, ita benedictionibus cælestibus, forsan & terrenis (nam Ephraimitæ ceteris dignitate præcellabant) usque ad adventum Christi abundarunt. Vide Ambrosium, Rupertum, Caietanum & Lipomanum.

¶ 27. BENIAMIN LUPUS RAPAX, MANE COMEDET PRÆDAM, ET VESPERE DIVIDET SPOLIA. Patuit in supro Gabaa, & raptu virginum Siluritanarum, Iudicum xix. & xx. patuit in Saule ex Philisthæis, & Amalechitis prædas agentes; in Mardocheo, & Esthere: qui omnes fuerunt de tribu Benjamin. Verisime, clarissimeque, sed allegorice, com-

pletum fuit in Paulo Beniaminita, qui matris, seu prius, puta ante conversionem, instar lupi rapacis infestabat Christianos; vespere vero, id est post conversionem, cum esset Apostolus & doct. Ecclesiæ, toti orbi pabulum sanæ doctrinæ verbo, & exemplo suo distribuit. Ita Hieronymus, Ambrosius, Augustinus, Rupertus, Eucherius, Beda f.

(a) Aggai i. vers. 11.

(b) Math. ii. vers. 11.

(c) I. Machab. ii. vers. 5.

(d) Vitis Lib. II. de Tempore. Ioseph. XVII. Antiqua. cap. 111.

(e) Hieron. in Quæst. Heb. Iren. Lib. V. cap. ult. Amb. de Benedict. Patriarch. August. in Iosue quæst. xxi. Theod. quæst. cix. in Genesi. Gregor. XXXI. Moral. cap. xvi.

(f) Hieron. in Quæst. Heb. Aug. serm. 1. de convers. S. Pauli.

GORDONI.

¶ 1. VOCAVIT AUTEM IACOB FILIOS SUOS. Sequuntur prædictiones Iacob, quas vocant benedictiones Patriarchatum: sane mixtæ sunt etiam maledictiones aliquæ. Et res tota non tam personam filiorum quam posteros eorum respicit. Horum nomina Hebraica attigi supra cap. xxx.

Non patitur instituti ratio, ut hic mora trahatur quantum postulat huius prophetæ maiestas. Passim id agunt Interpretes alii. Obiter hic de tota re sic statuo.

¶ 3. RUBEN PRIMOGENITUS MEUS, &c. Ruben licet primogenitus, tamen privatur hac excellentia: quia præter alia peccata, etiam novercam pollueret ausus est.

¶ 4. EFFUSUS ES UT AQUA. Designat præcipitationem in libidinem. Itaque quamvis prior in donis esse debuisset, & maior in imperio; nihilominus, quæ duplex portio debebat primogenito, transfertur in Iosephum, adoptione filiorum. Regia item dignitas in Iudam, & sacerdotium in Levi. Immo etiam non crescit; hoc est, parvo numero erit in tribu sua; ut constat ex censu tribuum. Vocatur fortitudo, quia in flore ætatis genitus.

¶ 5. SIMEON, ET LEVI, VASA INIQUITATIS BELLANTIA. Hi arguuntur, & appellantur bellatores iniqui, Bbbb 2 nem-

nempe contra Sichemitas, ut dixi cap. xxxiv. Prenam futuram prædicat, scilicet ut qui male coniuncti erant, dissipentur. Sic factum est ut Levitæ dissiparentur per omnes tribus; & Simeon in angulum extremum Chanaan relictus.

V. 8. IUDA TE LAUDABUNT FRATRES TUI: tibi conspirebuntur fratres tui, ut omnium maximo & fortissimo: & exemplo Leonis amplificat id ipsum. Certe *ut adorent*, docet hoc clare referri ad Christum, ut aiunt Ireuzus, Cyprianus, & alii.

V. 9. CATULUS LEONIS IUDA. Huic versiculo aliqui cum Hieronymo in Qg. Hebr. exponunt ad litteram de Davide; omnes vero de Christo vel ad litteram, vel mystice. Et Augustinus Lib. XVI. de Civit. cap. xli. explicat ad litteram. Aliqui etiam de utroque recte: nam uterque erat ut catulus in pueritia, & postea leo factus, ac hostibus formidabilis.

V. 10. NON AUFERETUR SCEPTRUM DE IUDA. Hoc versiculo prophetiam contineri de Christi adventu primo, constat inter Catholicos; de quo iam dicam. Et quamvis inter textum Vulgatum & Septuaginta sit aliqua diversitas, consensus est Scripturam semper intelligi de Christo nascituro ex Iuda, ut Iacob hic implicite significat, & conspirant Prophetæ. Perdurasse sceptrum Iuda usque ad Christum, ostensum a me est in Opere Chronologico. Vide ibidem qq. xv. num. 19. de fine Hebdom. Dan. Res etiam gestæ de Iuda sic se habent: a Davide usque ad Zedechiam, & captivitatem Babylonicam (de qua dixi ad an. 3374.) sola tribus Iuda principatum tenuit. Porro soluta captivitate, velut post interregnum rediit tribus Iuda cum aliquot aliis oriundis ex tribu Benjamin, & aliunde. Quotquot vero redierunt, a Iuda Iudæi dicti sunt. Quin & Machabæi censiti sunt sub hoc titulo; & plene cooptati in tribum Iuda. Sed illud etiam firmat quod asseritur de continuato ad Christum scepro in Iuda: quia licet daretur, Machabæos non fuisse penitus de stirpe regia; tamen volentibus iubentibusque his qui erant ex Iuda, tenebant Machabæi sceptrum; atque ita non desecit sceptrum Iuda, donec veniret qui promissus est Mes-

sias. Quando vero cessaverint Machabæi tenere hoc sceptrum in Iuda, dixi ad annum mundi 3936. & in qq. cap. xvi. n. 32. Sic ergo regnatum est per Iechoniam in captivitate, Zorobabelem, aut per Pontifices post reditum, & per posteros Duces, & Machabæos, donec veniret qui mittendus erat. Hebr. *Donec veniat שִׁילֹה* Silo. Mirum quidem est quam varie multi legant hoc Hebraicum שִׁילֹה mutatis punctis. Depravatus a Iudæis locus est. Hieronymus legit שִׁילֹה *Waluach*, missus. Participium est passivum præteritum, pro futuro passivo: carent enim Hebræi participio futuri temporis. Sic ergo ut ponerent Silo nomen urbis, mutarunt puncta, & pro n, substituerunt m. Sed nec Septuaginta legerunt Silo: vertant enim: *anonymum aurum, reposita ipsi sunt, seu promissa*; quod bene expressit Vulgatus. Immo & Chaldaus Paraphrastes aperte habet, *Donec veniat Missus*. ET IPSE ERIT EXPECTATIO GENTIUM. Ipse, inquam, non David, ut falso vertunt Iudæi; sed ipse Silo. Nec tunc desecit, sed potius cepit hoc sceptrum. Vox expectatio *נִקְוָה* *nikkehah*, a radice *נִקָּה* *nikah*, speravit. Septuag. *ἡσποδεια*.

V. 11. LIGANS ADVINEAM PULUM SUUM. Designat vini copiam.

V. 12. ZABULON IN LITTORE MARIS HABITABIT, &c. In tribu Zabulon sunt Nazareth, mons Tabor, & Capharnaum, loca nativitate, transfiguratione, & prædicatione Christi illustrata; ut mirum non sit, si Iacob hic mystica significatione Zabulon filium decimum, anteponat senioribus. Certe paulo ante de Christo vaticinatus est. Ceterum de hac Tribu nihil nisi de habitatione inter maria vaticinatur, Mediterraneum & Genesareth.

V. 13. ISSACHAR ASINUS FORTIS, &c. Vicina est Tribus Zabulonitis, ad meridiem. Prædicatur, ut appareat, solum felix, & fertile; ac hos fortis fuere tenaces futuros, adeo ut in agricultura, & messibus eligant potius velut clientarii inservire, quam discedere a natali solo, aut aliud vivendi genus eligere.

V. 14. DAN IUDICABIT POPULUM SUUM, &c. Hinc natus est Samson iudex, & celebratur tota Tribus ob insignem tanti viri fortitudinem.

V. 17. & 18. FIAT DAN COLUBER IN VIA. Non defunt qui hunc vericulum referant ad Antichristum, quem putant ex hac Tribu nasciturum. Hinc ex abrupto exclamat: *SALUTARE TUUM EXPECTABO DOMINE*; hoc est, non sufficit dāmon, veniat Sīlo. *CERASTES* est serpens, hoc nomen habens a cornibus, tamen Hieronymo est regulus.

V. 19. GAD ACCINCTUS PRAELIABITUR, &c. Hoc interpretatur Hieronymus de bellis fortiter gestis ab hac Tribu, tum quando antecessens Rubenitas, pugnavit pro terra promissa, tum quando regrediens in suam sortem, trans Iordanem, hostes bello vicit.

V. 20. ASER, PINGUIS PANIS EIVS. Laus Aser praeficitur ex agri ubertate, & fertili solo: unde principibus decimas praebat.

V. 21. NEPHTALI CERVUS EMISUS. Cervus emissus in tuto est, & gaudet campi amoenitate: sic in tuto diu habitabit Nephtali. Ad hoc etiam conferet morum, & linguae moderatio.

V. 22. FILIUS ACCRESCENS IOSEPH, &c. Laudatur a formae dignitate, a gloria regni in Aegypto, & constantia probitatis. Benedictionibus eum cumulat

pater. Textus clarus est. Sub hoc sunt Ephraim, & Manasses.

V. 26. DESIDERIUM COLLIUM AETERNORUM. Per colles hos intelligi potest vel caelum beatorum; vel intelligantur Angeli optantes per Christum reparationem ruinæ; vel veri sancti ante Christum. Sit ergo benedictio Ioseph tanta, ut duret donec veniat Messias, qui est unicum desiderium collium aeternorum, qui longe alias asserat mundo benedictiones; non vanas, & perituras, sed spirituales, & aeternas. At quid illud, *ET IN VERTICE NAZARAEI*? Vide Num. cap. vi. & Thren. iv. Per Nazareum intelligit Iosephum, a נָצַר separare: fuit enim Ioseph separatus a fratribus, moribus, & sanctitate, ac demum honore.

V. 27. BENIAMIN LUPUS RAPAX, &c. In magna interpretationum varietate, optima est illa quam sequitur Hieronymus in Qq. Hebr. esse hanc prophetiam de Paulo, qui ante conversionem erat ut lupus Christianis; postea doctor Ecclesiae elcam, & doctrinam dividens singulis.

V. 29. IN SPELUNCA DUPLICI. De hac spelunca vide cap. xxxiii.



CAPUT L.

Ioseph corpus patris curans cum senioribus Aegypti proficiscitur ut in Terra Chanaan sepeliatur: quo magna solemnitate peracto, fratres ob irrogatam illi iniuriam sibi timentes, benigne suscipit, & consulatur: qui ubi mandatum dedisset de suis ossibus in Terram Chanaan deferendis, in pace quiescit.

1



Uod cernens Ioseph, ruit super faciem patris, flens, & osculans eum. 2. Praecepitque servis suis medicis ut aromatibus condirent patrem. 3. Quibus iussa explentibus, transierunt quadraginta dies: iste quippe mos erat cadaverum conditorum. Flevitque cum Aegyptus septuaginta diebus. 4. Et expleto planctus tempore, locutus est Ioseph ad familiam Pharaonis: Si inveni gratiam in conspectu vestro, loquimini in auribus Pharaonis: 5. eo quod pater meus adiuvavit me, dicens: En morior: in sepulcro meo (a) quod fodi mihi in terra Chanaan, sepelies me. Ascendam igitur, & sepeliam patrem meum, ac revertar. 6. Dixitque ei Pharaon: Ascende, & sepeli patrem tuum, sicut adiuvatus es. 7. Quo ascendente, ierunt cum

cum eo omnes fenes domus Pharaonis, cunctique maiores natu Terræ AEgypti: 8. domus Ioseph cum fratribus suis, absque parvulis, & gregibus, atque armentis, quæ dereliquerant in Terræ Gessen: 9. habuit quoque in comitatu currus, & equites; & facta est turba non modica. 10. Veneruntque * ad Aream Atad, quæ sita est trans Iordanem: ubi celebrantes exequias planctu magno atque vehementi, impleverunt septem dies. 11. Quod cum vidissent habitatores Terræ Chanaan, dixerunt: Planctus magnus est iste AEgyptiis. Et idcirco vocatum est nomen loci illius, Planctus AEgypti. 12. Fecerunt ergo filii Iacob sicut præceperat eis: 13. & portantes eum in Terram Chanaan, (b) sepelierunt eum in spelunca duplici, (c) quam emerat Abrah. in agro in possessionem sepulcri ab Ephron Hethæo contra faciem Mambre. 14. Reversusque est Ioseph in AEgyptum cum fratribus suis, & omni comitatu, sepulto patre. 15. Quo mortuo, timentes fratres eius, & mutuo colloquentes: Ne forte memor sit iniuriæ quam passus est, & reddat nobis omne malum quod fecimus: 16. mandaverunt ei dicentes: Pater tuus præcepit nobis antequam moreretur, 17. ut hæc tibi verbis illius diceremus: Obsecro ut obliviscaris sceleris fratrum tuorum, & peccati atque malitiæ quam exercuerunt in te: nos quoque oramus * ut servis Dei patris tui dimittas iniquitatem hanc. Quibus auditis flevit Ioseph. 18. Veneruntque ad eum fratres sui, & proni adorantes in terram dixerunt: Servi tui sumus. 19. Quibus ille respondit: Nolite timere: num Dei possumus resistere voluntati? 20. (d) Vos cogitastis de me malum; sed Deus vertit illud in bonum, ut exaltaret me, sicut in præsentiarum cernitis, & salvos faceret multos populos. 21. Nolite timere: ego (e) pascam vos & parvulos vestros. Consolatusque est eos, & blande ac leniter est locutus. 22. Et habitavit in AEgypto cum omni domo patris sui; vixitque centum decem annis. Et vidit Ephraim filios usque ad tertiam generationem. (f) Filii quoque Machir filii Manasse nati sunt in genibus Ioseph. 23. Quibus transactis, (g) locutus est fratribus suis: Post mortem meam Deus visitabit vos, & ascendere vos faciet de terra ista ad terram quam iuravit Abraham, Isaac, & Iacob. 24. Cumque adiurasset eos, atque dixisset: Deus visitabit vos: (h) asportate ossa mea vobiscum de loco isto: 25. mortuus est, expletis centum decem vitæ suæ annis. Et conditus aromatibus, repositus est in loculo in AEgypto.

(a) Sup. xlvii. 29. (b) Act. vii. 16. (c) Sup. xxiii. 16. (d) Sup. xlv. 2. (e) Sup. xlii. 12. (f) Num. xxxii. 39. (g) Heb. xii. 12. (h) Exod. xiii. 19. Ios. xxiv. 32.

B R U G E N S I S

ROMANÆ CORRECTIONES.

V. 16. *Ad aream Atad*. Adulterinum est, quod quidam scribunt *Arad*; ita ut media littera sit postrema liquidarum, pro muta r.

V. 17. *Ut servis Dei patris tui dimittas ini-*

quitatem hanc. Non est mutandus numerus pluralis *servis* cum singulari *servo*; nec secundus casus *patri tui* cum tertio *patri tuo*; sic enim legunt plerique: *Ut servus Dei patri tuo dimittas iniquitatem hanc*.

COMMENTARIA

S A.

Verf. 3. **T**RANSIERUNT, scilicet dum condiretur: tamdiu enim durabat ille apparatus.

V. 5. ADIURAUERIT, id est iurare fecerit.

V. 10. TRANS IORDANEM, scilicet inter Iordanem & Iericho, qui locus postea dictus Ios. xv. Betbagla: Hieron. MAGNO, non longis lacrymis, sed funeris ornatu: Hieronymus epist. xxv.

Verf. 15. MEMOR SIT INIURIAE QUAM PASSUS EST. Hebr. *Odio nos habeat.*

V. 17. OBLIVISCARIS. Hebr. *parcas*, seu remittas. NOS QUOQUE: scilicet subsecuti fuerant nuntium, ut paulo post dicitur: vel id etiam per nuntium dixerunt, & postea venerunt.

V. 19. NUM DEI POSSUMUS RESISTERE VOLUNTATI? Hebr. *Num pro Deo ego sum?*

V. 20. SALVOS FACERET. Hebr. *visificaret.*

V. 22. IN GENIBUS, scilicet positi post nativitatem.

V. 24. ADIURASSET, id est scississet iurare.

V. 25. CENTUM DECEM: scilicet regnavit 80. annis. Vide cap. xli.

E S T I I.

Verf. 4. **L**OCUTUS EST IOSEPH RAONIS. Quare Ioseph interp:llat proceres, & familiam Pharaonis, ut pro se ad Pharaonem loquantur, ut liceat sibi sepelire patrem in terra Chanaan, cum ipse esset scindus in regno? An hoc modestie adscribendum est, simulque ne presumptione nimis auctoritatis paternam cognitionem ibi odiosam redderet? An forte paulatim succedente tempore, & cessante administratione cibariorum, quam tempore famis habuerat, decrevit ei potestas apud regem & proceres, tamquam homini eterno, cuius fratres essent ovium pastores Aegyptii contemptibiles?

V. 10. UBI CELEBRANTES EX-

AEQUIAS IMPLEVERUNT SEPTIMUM DIES. En hoc loco, exequiarum Iacob septem dies impleti leguntur. Sic & I. Reg. ult. habitatores Iabes Galaad super Saul & filio eius exequias cum ieiunio celebrarunt diebus septem, ipso David quoque eorum pietatem approbante. Et generaliter dictum est Eccli. xxii. *Luctus mortui septem dies.* Sed & de Iactu triginta dierum tria reperiuntur testimonia: nempe primum Num. 20. Aaron a populo lugetur triginta diebus; secundo totidem diebus lugetur Moses Deut. u't. ac denique quod hoc capite vers. 2. dicitur de quadraginta diebus quibus Aegyptii condierant aromatibus corpus Iacob, ac immediate subnectitur: *Flevitque cum Aegyptus septuaginta diebus*; sic separatim accipiendum est, ut sicuti Hebraei se accommodant mori Aegyptiorum in quadraginta diebus corpori condendo deputatis; ita vicissim Aegyptii simul praeterea secuti sint morem Hebraeorum, ut defunctum triginta diebus lugerent; qui simul efficiunt dies septuaginta. Porro si significatio utriusque numeri apud Hebraeos venerabilis (septenarii scilicet, & tricenarii) requiratur; septenarius requiem significat mortuorum, quam illis viventes apprecantur; requievit enim Deus die septimo: tricenarius autem, qui est denarius ter ductus, meritum quietis significat; videlicet observationem Decalogi per fidem Trinitatis. Ceterum alios numeros ab iis qui exemplis sanctorum, aut ecclesiastica traditione approbati sunt, in exequiis mortuorum observare, non caret periculo superstitionis.

V. 19. NUM DEI POSSUMUS RESISTERE VOLUNTATI? Nequaquam hic peccatum venditi Ioseph in Deum refertur, quod cap. xlv. vers. 5. ad similem phrasin annotavimus. Quia apud Hebraeos sic ad verbum legitur: *Num pro Deo ego sum?* Et apud Septuaginta: *Num Deus sum ego?* Et ea em verba sunt in Hebraeo cap. xxx. ubi Iacob Rachel dicenti, *Da mihi liberos, alioqui moriar*, respondet: *Num pro Deo ego sum?* Et convenit etiam ibi sensus quem Interpres hoc loco expressit. *Num Dei possumus*

sumus resistere voluntati? nam sequitur: Qui privavit te fructu uteri. Sensus ergo genuinus hoc capite esse videtur: nolite timere, ne ego vindicem iniuriam; vestrum fuit malum, sed Deus vertit illud in bonum. Itaque ego quoque pascam vos, & parvulos vestros.

V. 24. DEUS VISITABIT VOS: ASPORTATE OSSA MEA. Rationem huius praecepti vide apud Liranum: tametsi quod ille addit, Ioseph sperasse se resurrecturum cum illis qui tempore resurrectionis Christia morte suscitandi erant (id quod etiam supra de Iacob dixerat) vanum arbitror. Alia etiam ratio dari potest, ut filii Israel secum habentes ossa Ioseph, cum praecepto ea transferendi, quia Deus visitaturus esset eos, semper illius promissionis memores essent, atque eundem promissionis veluti pignus habentes illa ossa, ut mirum non sit semper ossa sanctorum Ecclesiam honorasse.

M A R I A N A E.

Verf. 3. FLEVITQUE EUM AEGYPTUS SEPTUAGINTA DIEBUS. Mos erat Aegyptiis in regum suorum funere luctum septuaginta diebus continuare: Diodorus Lib. II. cap. 111. Hist. Scholast. Aegyptios fuisse solitos quadraginta dies corpora defunctorum servare, Hebraeos triginta, & utrumque in Iacobi corpore servatum. Hebraei dies quadraginta unctiōni corporis datos, luctui triginta dicunt.

V. 5. IN SEPULCRO MEO QVOD FODI MIHI. Verbum כרע carab, quod hic est, non fodere tantum, sed possidere, sed emere significat. Ita verti potuit, quod emi, ut Chaldaeus ait, quod possedi. Ceterum Sept. etiam in fodiendi significatione acceperunt.

Verf. 10. VENERUNTQUE AD AREAM ATAD. Quidam Atad legunt, sed Atad est in libris correctioribus, & in Vulgata Romana, Quae vox Hebraice & potest esse nomen proprium, quod Hieron. Sept. & Chald. putarunt; vel potest spinæ genus significare, nempe rhamnum, ut sit perinde ac si diceret, ad aream spinarum. TRANS IORDANEM, ultra Iordanem, Ierosolymæ comparatione; alioqui AEGYPTO comparata, cis Iordanem

erat. Aut עבר heber tam citra quam trans significat; quasi dicat, in transitu, ad vada Iordanis. IMPLEVERUNT SEPTEM DIES. Vicina promissionis terra, luctus quam in AEGYPTO sit minor. In Evangelio lugere diu mortuos non decet, quia ad meliorem vitam transeunt.

V. 13. CONTRA FACIEM MANERE. Hebraismus, pro, e regione Manbre.

V. 16. MANDAVÉRUNT EI. Hebr. praeceperunt ei, nimirum iussa patris illi exposuerunt, fratres Ioseph.

V. 17. SERVIS DEI PATRIS TUI. Hebr. sic, & in Vulgata Romana: sic in Goth. scilicet dimittas noxam tuæ venditionis.

V. 19. NUM DEI POSSUMUS RESISTERE VOLUNTATI? Hebr. Quoniam num pro Deo ego; supple, sum? sed Vulgata optime sententiam expressit. Perinde enim est ac si diceret: Num ego disturbare Dei consilium possum?

V. 21. BLANDE AC LENITER EST LOCUTUS. Hebr. Locutus est super, vel iuxta cor eorum. Alia verba, eadem sententia.

V. 22. IN GENIBUS IOSEPH. In illis positi sunt post natiuitatem nepotes Ioseph.

V. 25. EXPLETIS CENTUM DECEM VITAE SUAE ANNIS. obit Ioseph. Ex his Aegyptum rexit annis octoginta: sic colligitur ex cap. xli. verf. 46. Trīginta annorum erat (Ioseph) quando stetit in conspectu regis Pharaonis.

M A L V E N D A E.

Verf. 2. UT AROMATIBUS CONDIRENT PATREM. Verbum עמן chaman Hebraei est proferre, aptitudinem, aperire. Hic quidam existimant esse peregrinum, & Aegyptium, pro condire aromatibus, & adscitum in Hebraicum; aut si pure Hebraicum est, contraria significatione hoc loco usurpari: nam ut significet aperire, hic denotat operire humana corpora aromatibus: ridicule: immo hic mire convenit aperiendi significatus, cum corpora aperiuntur, exenterantur, protruduntur, exprimuntur, & differuntur ac insarciuntur aromatibus. Hispanice dicimus abrir, id est aperiō corpora. Non male hic quidam reddunt gene-

generali voce *balsamare*, qua etiam nos utimur, *embalsamar*: ut comprehendat nendum balsamum, sed alia quævis aromata condiendis, & conservandis corporibus apta. Ritum Aegyptiorum condiendi cadavera Herodorus Lib. II. num. 86. & Diodorus Siculus Lib. II. num. 57. 58. & plures alii fæse descriperunt. Vide Plinium Lib. XVI. cap. xi. Tantum pauca Herodoti verba subiicio: *Apud Aegyptios homines certi sunt ad hoc ipsum constituti, qui cadavera primum condiunt, ita ut cerebrum, & alvum extrahant, eorumque loca medicamentis, & odoribus compleant. Postea faciunt intra additum septuaginta dies. His exactis cadavera abluunt, sindone involvunt, & in ligneam hominis effigiem ad hoc factam includunt; atque ita reponunt. Hunc morem servasse Israelitas in illustrium corporibus constat e. II. Paral. xvi. 14. & xxi. 17. & in sepultura Christi.*

P. 3. SEPTUAGINTA DIEBUS. Aegyptii reges suos septuaginta duos dies fiebant, auctore Diodoro Siculo Lib. I. num. 46. idem fere tempus honoris causa Iacob tributum.

P. 4. AD FAMILIAM PHARAONIS. Notant quidam, quia fas non erat ipsum per se, pullatum in luctu adire regem. Esther. IV. 2.

P. 5. QUOD FODI MIHI. Alii, *Acquisivi, emi.* Notant, verbum *כרת* *charab*, excidere, usurpari sæpe in emptione & venditione, sumpta significatione a ritu ementium & vendentium: quod isti dexteras datas discindunt percussione, sive discissione, qua emptionem factam & ratam significari volunt. Sic quoque in ineundis foederibus scissiones & discissiones animalium fiebant, quibus foedera confirmabantur: unde verbum *כרת* *carath*, scindere, & pacisci significat. Sic verbum *שבר* *shabar*, frangere, in emptione & venditione panis, vel annonæ usum habet, quod tunc heres fractio, seu distributio annonæ; uti satis superius cap. xli. xlii. xliii. xlii. vidimus. Vel si verbum *charab* proprie sumitur, id erit e ritu Hebræorum, qui sibi in faxis, seu rupibus sepulcra excidebant, ut apparet ex Isaia xxii. vers. 16. & evangelica historia sepulcri dominici. Asserit autem Iacob se scidisse, aut fodisse, vel emisisse sepulcrum, cum id fecerit Abraham: quia loquitur iure hereditario,

succedens in bonis, & in persona defuncti.

P. 10. AD AREAM ATAD. Hebr. *Usque ad Goren-Atad.* Quidam nomen proprium loci esse volunt ultra Iordanem. Alii reddunt, *Arcam*, vel *borcum rhamni*, vel *cardui*, vel *spinæ*, aut *knosbati*, id est *sentis canis*, seu *rubicantini*, genus spinæ summe aculeatæ: quod is locus circumseptus fuerit rhamnis, aut eiusmodi spinis. Eusebius, & S. Hieronymus in Locis Hebraicis: *Area Atad, locus trans Iordanem, in quo planxerunt quondam Iacob, tertio ab Iericho lapide, duobus millibus ab Iordane; qui nunc vocatur Beth-Haglab, quod interpretatur Locus gæri: eo quod ibi more plangentium circumierint in funere Iacob.* Hinc Virgilius in VI. AENEIDOS:

Ergo omnes magno circum clamore fremebant:

in funere Miseni. Et de funere Severi idem prodit Herodianus Lib. IV. Sed quidam verisimile non putant arcem Atad fuisse Beth-Haglab, Iosue xv. 6. quod per Beth-Haglab non erat iter ex Aegypto in Hebronem. De Beth-Haglab dicemus in loco Iosue. **QUAE SITA EST TRANS IORDANEM.** בעבר *begeber* proprie in transitu, trans, citra: nam Hebræi hac voce pro utroque, *ultra*, & *citra*, utuntur; ex loco autem loquentis, aliisque circumstantiis cognoscitur *ultra* ne an *citra* significet. Hic ex circumstantiis, ex situ Mosis loquentis in deserto apparet, quod illi fuerint in parte orientali, ac transmissio Iordane venerint in occidentem versus. Ergo respectu Aegypti, & venientium, ac Mosis hæc scribentis, erat trans Iordanem; respectu Ierusalem, & Hebron, erat cis Iordanem. **IMPLEVERUNT SEPTEM DIES:** qui numerus fere servatus est in faciendis iustis, Ecclesiastici xxii. vers. 11. sicut in funere Severi imperatoris, apud Herodianum Lib. IV. & in funere filii Grumbaræ regis Chionitarum, apud Ammianum Lib. XIX. cap. 11. alioqui apud gentiles novendialia erant in usu, ut hic annotat S. August. de quibus vide Kirchmanum Lib. IV. de Funeribus Romanorum, cap. 1.

P. 19. NUM DEI POSSUMUS RESISTERE VOLUNTATI? Sensum recte expressit. Hebr. varie redduntur, & distrahuntur. *I. Num enim loco Dei sum?*
Cecce sub-

subaudi, ut id fecerim, ordinaverim, disposuerim; quasi dicat: Hoc non factum est consilio meo, sed divino: permisit Deus vestrum peccatum, ut inde tantum bonum eliceret, ut ego in hanc dignitatem cum tanto vestro honore eveheret; & vos nedum conservaremini, sed etiam maximis opibus augetemini. II. *An enim sum pro Deo, vel vice Dei?* ut illi me parem existimem; ut quod ille erga vos disposuit in salutem, ego in perniciem vertam? III. *An non enim, non enim, sub Deo ego?* id est, nonne Deo parere debeo, illum sequi, me ei totum committere, eum timere, eius iussis obtemperare, ut non audeam fecius aliquid in vos statuere? An non ille dominus & moderator meae voluntatis, quicumvis ego pravo essem in vos animo, ille tamen non fineret me vobis nocere? IV. *An loco Dei sum ego?* Vide Notas supra cap. xxx. vers. 2. Sensus est: non est meum mutare divinum decretum, & vobis nocere, quibus Deus prodesse voluit: servi Dei estis, ut supra vers. 17. & ego sum: quapropter eius consilium utrique spectemus; ut sequentibus verbis exponitur.

V. 22. FILIOS USQUE AD TERTIAM GENERATIONEM. Hebr. *Filios tertianorum*, id est filiorum, qui tertia generatione nati sunt; quasi dicat: vidit quartam generationem, nempe abnepotes. In שְׁלִישִׁים *schileshim*, tertiis, seu tertianis, Mem est magnum; & hæc est tertia stirps quæ in Hebraicis Bibliis magna occurrit: cuius causam ego hariolari nescio, nisi forsitan ad indicandam magnam felicitatem Ioseph. Vide Genes. xxxiv. vers. 31.

Torrenti, 5. Iulii MDCXXI ætatis meæ .xvi.

M E N O C H I I.

Vers. 1. **R**UIT SUPER FACIEM PATRIS. Hic elucet affectus filialis vehementia. DEOSCLANS. Moris erat recens mortuos in præteriti amoris signum deosculari.

V. 2. MEDICIS, pollinctoribus, funeratoribus, entaphlastis, qui corpora mortuorum conant, involvunt, humant. AROMATIBUS, unguentis ex balsamo,

myrrha, casia, & similibus; quæ apta ad prohibendam putredinem, & bonum odorem conciliandum.

V. 3. QUADRAGINTA DIES, qui condituræ impendebantur. SEPTUAGINTA DIEBUS. Ad dies quadraginta condituræ, alios triginta luctui aliecit. Iudæis condituræ, & luctus simul tantum fuisse dies triginta collegit Procopius ex Num. xx. ultim. de Aaron, & Deut. ult. de Mose.

V. 5. FODI, præparavi mihi.

V. 8. ABSQUE PARVULIS. Cum his matres manserunt, & cum gregibus pecuarii.

V. 9. CURRUS, ET EQUITES, milites, & sacatos currus, qui funebri pompæ præsidio essent.

V. 10. AREAM ATAD, quæ tertio ab Hierico, secundo ab Iordane lapide distat. TRANS IORDANEM, venientibus ex Chananza, nam venientibus ex Aegypto cis Iordanem erat. In area Atad luctum facere maluerunt, ne si tandiu hærent in intimis Chananzæ, periculum aliquod immineret, aut occasio pugnæ oriretur. SEPTEM DIES. Hic numerus approbatur ex Eccli. xxii. 15. *Luctus mortui, septem dies.*

V. 13. EMERAT ABRAHAM: supra cap. xxiii.

V. 16. MANDAVÉRUNT EI: cum ipsi verecundarentur, aliquem infontem, fortasse Benjamin, miserunt. PATER TUVS PRÆCEPIT NOBIS &c. Videntur mentiti hic fratres Ioseph, & nomine patris abusi: nam Iacob de Ioseph clementia, & mansuetudine certus, nihil super hac re illi mandaverat.

V. 17. SERVUS DEI PATRIS TUI, qui eidem Deo servimus, cui & pater tuus servivit. FLEVIT IOSEPH, dolens fratres adeo solitos eius voluntati, & sinceræ reconciliationi diffidere.

V. 19. NUM DEI POSSUMUS RESISTERE VOLUNTATI? Hebr. *Num Deus ego sum?* scilicet ut quæ ille in bonum vestrum disposuit, ego quam in perniciem convertere?

V. 20. VOS COGITASTIS; sed quia homines, nequissimi perficere. DEUS VERTIT: quia Dei velle efficax est, de facto convertit.

V. 21. BLANDE, ET LENITER. Hebr.

Le-

Locutus est ad eos, apte ad eos con-
solandos.

V. 22. FILII QUOQUE MACHIR:
enallage, filium, nam Machir unum tan-
tum filium suscepit. NATI SUNT IN
GENIBUS; quasi dicat: Ioseph filium,
quem Machir genuit, mox ut natus est,
sibi in filium adoptavit; ideoque in ge-
nibus suis cum statuit, & excepit, ut fecit
Rachel cap. xxx. 3.

V. 24. ASPORTATE OSSA MEA, ut
cum patre, avo, & abavo sepeliar in
Chanaan.

TIRINI.

Verf. 10. PLANCTU MAGNO AT-
QUE VEHEMENTI. So-
lemnia Iudæis in funere erant, primo iei-
unium usque ad vespem; secundo fletus
publicus; tertio virtutum defuncti comme-
moratio & laudes; quarto lamentationes
cum voce & cantu lugubri; & hic pro-
prie planctus dicebatur. Accebat ple-
rumque manuum complosio, pectoris, &
femoris percussio, vestium concissio, in-
secti cineres capiti, saccus cilicinus, capi-
tata terræ allisa, &c. forte etiam corporis
incisio cultellis, pilorum capitis evulsio
adulque calvitium; nam licet hæc postea
Iudæis inhibita fuisse videantur Levitici
xix. verf. 28. & Deuter. xiv. verf. 1.
iam tamen verosimile est, more, & exem-
plo Aegyptiorum adhibita fuisse in tam
celebri funere. Habent hæc silius Hero-
dotus, & Diodorus Siculus, & qui etiam
varios modos condiendorum & sepeliendo-
rum cadaverum apud Aegyptios fuisse
docent, quibus incorrupta longissimo tem-
pore asservabantur.

V. 19. NUM DEI POSSUMUS RE-
SISTERE VOLUNTATI? Hoc iam su-
pra explicui cap. xlv. verf. 8. Acta Ia-
cobi Patriarchæ, & Iosephi ordine anno-
rum digesta, vide in Chronico cap. xvi.
Genealogiam vero posteriorum utriusque
cap. xlvii.

(*) *Herod. in Euterpe. Diod. Lib. I.*

GORDONI.

Verf. 3. DE simili luctu, & ritu apud
Aegyptios, lege Diodorum
Lib. II. cap. 111.

V. 5. QUOD FODI. Hebr. כָּבַד charab
significat etiam emere, & possidere.

V. 15. CONTRA FACIEM, id est e
regione Mambre.

V. 19. NUM DEI POSSUMUS RE-
SISTERE VOLUNTATI? Impie
Calvinus, cum suo Melancthone: Tam,
inquiunt, est opus Dei proditio Iudæ,
& venditio Ioseph, quam vocatio Petri. Stu-
pida est hæc Calvini temeritas, nescientis
Deum alia permittere, alia præcipere.
Mala permittit, & facta ordinat ad po-
nam; bona plurima præcipit, approbat,
& afficit præmio. Ita Ioseph, Dei, in-
quit, voluntati permittenti hæc venditio-
nem, & ordinanti iam factam, ad com-
mune bonum, acquiescere oportet. Sed
de libertate (quæ stat cum gratia) aliud
est; & de quo Theologi in Q. de volun-
tate Dei, & gratia efficaci. Ergo est, ac
si dixisset Ioseph: Quod Deus post decre-
tum permissionis futurum præcivit, eve-
niet omnino; hoc tamen, nisi aliud adfit,
non destruxit libertatem in fratrum pec-
cato: nam post decretam permissionem
stat libertas. Nec recte ex hoc loco col-
ligitur, cognosci certo peccata in solo hoc
decreto permissivo.

Hic pro coronide sit chronologia Iose-
phi, reducta ad annos mundi recte pata-
tos. Ioseph ergo qui hic Patriarcharum
agmen claudit, natus est anno mundi 2229.
(dissentiant, qui Cainam omittunt) ven-
ditur anno ætatis 17. inchoato. Servit
annis 13. Stetit ergo coram Pharaone an-
no ætatis 30. anno mundi 2259 ut ap-
paret ex eunte. Post novem annos excepit
patrem venientem in Aegyptum, anno
mundi 2268. Obiit anno ætatis 110. ab ob-
itu patris 54. seu anno mundi 2338.
pene ex eunte. Moses nascitur anno 2403.

V. 22. IN GENIBUS IOSEPH. Post
nativitatem sic collocati, vel positi sunt
neptores Ioseph. Hebr. Nati sunt super ge-
nuum Ioseph.

FINIS TOMI PRIMI.



Er-

*Errorum quorundam graviorum qui in hoc Tomo obrepserunt,
correctionem subiicimus, alios minoris momenti Lectorum
benignitati corrigendos dimittentes.*

			<i>Errata</i>	<i>corrigi se:</i>
Pag.	col.	lin.		
43	2	32	אנק אק	אנק אק
65	2	7	μνννν	μνννν
69	2	28	עצבון	עצבון
96	2	4	gravius	gravis
115	1	27	obruptus	obrutus
	2	33	תולדות	תולדות
126	2	27	ergo	ego
129	1	10	bis	his
145	1	9	morticinio	morticino
149	2	24	dciat	dicat
153		12	cogitationes	cognitiones
168	1	in medio	ROMANAE CORRECTIONES	LECTIONUM VARIETAS:
206	1	23	כחם	כחם
230	2	43	ιστραα	ιστραα
240	1	36	הסון	הסון
249	2	31	istac	istac
252	1	51	commendanda	commendanda
254	1	10	propie	proprie
261	1	39	lenli	lenit
268	1	27	verentia	virentia
269	2	42	vesti	vestiri
270	2	50	עפרית	נפרית
326	2	16	חקיר	חקיר
405	2	36	בלות	עלות
414	2	33	נער	נער
416	1	7	ilto	esto
442	1	38	ארו	פריס
490	2	2	varietse	varietse
494	1	38	ידת	ידת







